


Guir








BIBLIOTHECA CLERR. REGG. S. PAULI

COLL. SS. BLASII ET CAROLI DE URBE

PLUT. *O*. LOCULUS *IV*. NUM.



13-19.e. 14.



TRACTATUS
DE
LIBERTATIBUS
ECCLESIAE
GALLICANAE,
CONTINENS

AMPLAM DISCUSSIONEM DECLARA-
tionis factæ ab Illustissimis Archiepiscopis, & Epi-
scopis, Parisiis mandato Regio congregatis,
Anno M.DC.LXXXII.

Vos in Libertatem vocati estis Fratres: tantum ne Liberta-
tem in occasionem detis carnis. Gal. 5. 13.

AUCTORE M. C. S. THEOL. DOCTOR.

Bibl. A. J. Bley




de Carol. de Lise




LEODII,


Apud MATTHIAM HOVIUM. M. DC. LXXXII.

Superiorum permissu.





PRÆFATIO.

I. bertates Ecclesiæ Gallicanæ tam frequenter, & in rebus tanti momenti jam pridem laudabantur ab illius Gentis Scriptoribus, & rerum Ecclesiasticarum Tractatoribus: ut nemo esset, quin earum rationem, originem, progressum, partes, & iustitiam nosse cuperet. Cupiditatem illam nova Præfulum Parisiis mandato Regio congregatorum de Ecclesiastica potestate Declaratio vehementius accendit, ut Tractatum eo de argumento conscriptum avidè legendum existimè. Aliqui viri docti propositionè unam, aut plures ex iis, quæ in prædicta Declaratione continentur, confutandas susceperunt: nemo Libertatum Gallicanarum, quas penitus nosse operæ pretium erat, naturam investigavit, aut exposuit. Quamobrem, licet vires meas longè impares agnoscerem, tentandam etiam illam partem, & cùm aliis exponendam existimavi; ut in apertam lucem educerentur quæcumque præfata Declaratio complectitur. Quo in studio tantum laboris & diligentiae contuli, ut sperare auisim, neminem fore, quem temporis in iis, quæ profero, legendis consumpti poeniteat; ac fortè nonnullos extiruros, qui, cogni-

P R Æ F A T I O.

tâ ex hoc specimine materiæ dignitate, ad eam perfectiùs tractandam, ingenii vim, doctrinam, & eloquentiam, quibus pollent, conferendas existiment.

II. Quatuor præcipuè declarata sunt ab Illustrissimis Archiepiscopis, & Episcopis Gallicanis; Primû, Reges & Principes in temporalibus nulli Eccl. potestati, Dei ordinatione subjici; neq; autoritate claviû Ecclesiæ directè vel indirectè deponi, aut illorum subditos eximi à fide, atque obedientia, ac præstito fidelitatis Sacramento solvi posse. Secundum valere, atque immota consistere Synodi Constantiensis Decreta de autoritate Conciliorum generalium, quæ sess. 4. & 5. continentur: nec probari à Gallicana Ecclesia, qui eorum Decretorum, quasi dubiæ sint autoritatis, ac minus approbata, robur infringant, aut ad solum schismatis tempus Concilii dicta detorqueant. Tertium, Apostolicæ potestatis usum moderandum per Canones Spiritu Dei conditos, & totius mundi reverentia consecratos: valere etiam regulas, mores, & instituta à Regno & Ecclesiâ Gallicanâ recepta. Quartum, in fidei quæstionibus Summi Pontificis irreformabile non esse iudicium, nisi Ecclesiæ consensus accesserit. Præmiserant autem, se ad ea declaranda fuisse adductos, ne Ecclesiæ

P R Æ F A T I O.

sive Gallicanæ Decreta & Libertates à Majoribus suis magno studio propugnatae, earumque fundamenta Sacris Canonibus, & Patrum traditione nitida diruerentur; tum ne Romani Pontificis Primatus, & majestas imminueretur; ac denique ne simplices animæ ab Ecclesiæ Matricis, Christi que adeo communione dissociarentur. Concludunt, Declarationem ad omnes Ecclesias Gallicanas, atque Episcopos iis Spiritu Sancto autore præsidentes mittendam.

III. Ut hæc omnia diligenter discutiantur, ac circa ea veritas elucescat, Tractatum hunc in duodecim Libros partimur, quorum primus naturam, originem, ac progressum Libertatum Ecclesiæ Gallicanæ investigat. Secundus autem illarum iustitiam considerat, occasione illorum verborum, *Ecclesiæ Gallicanæ Decreta, & Libertates multi diruere conantur.* Tertius de Libertatum Gallicanarum propugnatoribus agit, occasione illorum verborum; *A Majoribus nostris tanto studio propugnatas.* Quartus de potestate Ecclesiæ in temporalia Principum disputat, occasione primæ Propositionis. Quintus Concilia cum Summo Pontifice componit, occasione secundæ propositionis.

* 3

nis.

P R Æ F A T I O.

nis. Sextus est de summi Pontificis autoritate , præcipuè circa summa disciplinæ Ecclesiæ Gallicanæ capita , occasione tertiæ propositionis. Septimus , cujus sit momenti summi Pontificis in decidendis Fidei quæstionibus judicium , expendit , occasione quartæ. Octavus originem jurisdictionis Cleri , ac præsertim Episcoporum inquit , occasione illorum verborum ; *Episcopos iis* (Ecclesiis) *Spiritu sancto autore præsidentes* , quibus , ut indicant publicata deindè , quasi commentarii loco scripta , insinuatur Episcopos jurisdictionem suam à summo Pontifice non accipere. Reliqui Libraria prosequuntur Libertatum capita , quæ in variis Scriptorum Gallicanorum Libris continentur , quæque omnia videntur tertiâ propositione confirmata.

IV. Cæterum , si quid ignoranti , aut incogitanti mihi contra veritatem , contra justitiam , aut etiam contra debitam cuiquam reverentiam exciderit , pro non scripto habere velim , atque ad primum æqui Lectoris monitum , nedum ad Ecclesiæ nutum , cujus semper & judicio , & imperio , Deo adjuvante , subjacere cupio , me illud emendaturum polliceor.

V. Cle-

P R Æ F A T I O.

V. Cleri tamen tam Illustris dum in re tam gravi Declarationem examinandam aggredior, nemo me temeritatis accuset. Cur enim dissidentibus à parente filiis, nefas sit Patris jura defendere? Cumque in Gallia potestatis etiam sæcularis terrore Theologi ad sequendam Episcoporum doctrinam adigantur, quomodo alii, quibus liberum est, quod sentiunt, promere, debitæ communi omnium parenti pietatis officio non desint, si ejus causæ patrociniū ultrò non susceperint? Temeritatem si qua consilio meo inest, ne autem insit, plurimūm mihi verendum est, totam in eo positam video, quod ad opus tam arduum, ipse tam tenuis manum admoveam. Verūm, ubi eos, qui ad causæ justitiā, parem eloquentiæ vim afferre possunt, orantes audiero, libenstacebo.

VI. Nec tamen celeberrimo Clero Gallicano, me hac in parte adversari confiteor. Nam, præterquam quod Episcopi tantūm congregati hanc Declarationem emisere, aliis non mandantibus, nec suapte spontè probaturis, contrariam mentem frequentioribus, & liberioribus Comitibus aliàs idem Clerus aperuit, ut sequentibus testimoniis præviè demonstro.

VII. Pri-

P R Æ F A T I O.

VII. Primæ propositioni viriliter restitit Cle-
rus Gallicanus in Comitibus generalibus illius Regni
Anno 1614. & 1615. habitis. Exstat hac de re , &
(ne mutata in ita pridem sententiam suspiceris) cum
aliis Cleri Gallicanis Actis, Tomo 5. collecta est
An. 1673. Illustrissimi, ac per totum Orbem Chri-
stianum celeberrimi Card. Perronii eloquentissima
Oratio , in qua non solum pro Ecclesiastico , sed
etiam pro Nobilium Ordine se dicere declarat ,
his ipsis verbis tertium Ordinem alloquens; *Considé-
rez, que ce n'est point moy que vous écoutez.*
CAR CE N'EST POINT MOY QUI PARLE EN CETTE
CAUSE, MAIS TOUT LE CORPS DE L'ORDRE ECCLE-
SIASTIQUE , ET TOVT CELVY DE LA NOBLESSE ,
*qui luy a donné adjoinction, & a député ces douze
Seigneurs, pris des douze Gouvernemēs du Royau-
me, afin d'autoriser mes paroles de leur présence ,
& témoigner en cette occasion la mesme devotion
que leurs Predecesseurs ont portée à l'Eglise.*

VIII. Secundæ Propositionis veritas ita pendet à
veritate quartæ , ut Joannes Launoius, qui suis
epistolis iter ad declarationem infra descriptam
complanasse videtur epist. 6. Tomi primi , post-
quam Papæ judicium non esse infallibile probare
tentavit, etiam autoritate Romanorum Pontifi-

P R Æ F A T I O.

cum, concludat pag. 42. *Hæc est igitur Apostolica Sedis doctrina*, HÆC TRADITIO, COMES INDIVIDUA ILLIUS 'ALTERIUS, QUIA ROMANUS PONTIFEX CONCILIO SUBIICITUR: *Qui Theologus placita duo ista connexa inter se non esse asseveraret, non falleretur modò; sed imperitum etiam se & professione suâ indignum probaret.* Similia in pluribus aliis locis scripsit. At non solum has propositiones inter se connexas esse sensit, sed etiam quartam continere secundæ causam, & rationem; *Nimirum*, inquit epist. 5. Tomi quarti pag. 29. RATIO CUR (Papa) SUBEST CONCILIO, EX EO TOTA REPETITUR, QUOD IN FIDE, ET MORIBUS ERRARE POSSIT. Atqui Ecclesia Gallicana sæpè declaravit Papæ judicium in quæstionibus Fidei, ad quas pertinent etiam dubia circa præcepta morum, esse infallibilia. Credidit ergo Papam non subesse Concilio. Celeberrimus Conventus Melodunensis Anno 1579. tit. I. Constitutionum, qui est *de fidei professione* sic decrevit; *Operam dabunt ii quibus hæc cura demandata est; Episcopi scil. & eorum Vicarii, ut in omnibus Synodis tam Diæcesanis, quàm Provincialibus, OMNES ET SINGULI, TUM CLERICI, TUM LAICI AMPECTANTUR, ET APERTA PROFESSIONE EAM FIDEM PRONUNCIENT, QUAM SANCTA ROMA-*
 ** NA

P R Æ F A T I O.

NA ECCLESIA MAGISTRA, COLUMNA, ET FIRMA-
MENTUM VERITATIS PROFITETUR, ET COLIT. *Ad*
hanc enim propter suam principalitatem necesse est o-
mnes convenire Ecclesias. Si quis autem Romanam
Ecclesiam hîc à Papa distinguendam contendat, vi-
deat literas 85. Episcoporum Galliæ ad Innocentium
X. An. 1653. scriptas : *Majores causas*, inquit,
ad sedem Apostolicam referri solemniter Ecclesia mor-
est, QUEM FIDES PETRI NUNQUAM DEFICIENS PER-
PETUO RETINERI PRO JURE SUO POSTULAT.
Æquisima huic legi obsequentes..... *Experta est nu-*
per Beatitudo Vestra quantum Apostolicæ Sedis in
gemini capitis errore profligando valuerit autori-
tas. Continuo sedata est tempestas, atque ad Christi
vocem venti, & mare obedierunt. Quod si quis ni-
mium morosus cavilletur, etiam discrimen esse
ponendum inter Sedem Apostolicam, & summum
Pontificem, os illi occludant aliæ literæ à 30. Episco-
pis scriptæ eidem Pontifici 19. Julii eodem Anno;
Non solum ex Christi Domini nostri pollicitatione
Petro facta, sed etiam ex actis priorum Pontificum,
& ex anathematismis adversus Apollinarium, &
Macedonium, nondum ab ulla Synodo œcumenica
damnatos, à Damaso paulo ante jactis, JUDICIA
PRO

P R Æ F A T I O.

PRO SANCIENDA REGULA FIDEI A SUMMIS PONTIFICIBUS LATA SUPER EPISCOPORUM CONSULTATIONE (SIVE SUAM IN ACTIS RELATIONIS SENTENTIAM PONANT , SIVE OMITTANT, PROUT ILLIS COLLIBUERIT) DIVINA ÆQUE AC SUMMA PER UNIVERSAM ECCLESIAM AUTORITATE NITI ; CUI CHRISTIANI OMNES EX OFFICIO IPSIUS QUOQUE MENTIS OBSEQUIUM PRÆSTARE TENEANTUR. *Ea nos quoque sententia ac fide imbuti, &c.*

IX. Tertia propositio, si eò tantùm spectet, ut summus Pontifex usum Apostolicæ potestatis Canonibus Spiritu Dei conditis, & totius mundi reverentiâ consecratis, quantum per temporum, personarum, & negotiorum circumstantias liceat, accommodet ; utque statuta, & consuetudines sanctæ Sedis, & Ecclesiarum consensione firmatas absque causa necessaria non immutet , prorsus necessaria non erat; quippè cùm res sit per se nimis nota. Si autem prætextu Canonum, aut consuetudinum summo Pontifici debita subtrahatur obedientia, vel imminuatur plena ejus potestas , ea certè propositio sensui Ecclesiæ Gallicanæ, nisi fortè à tempore ultimæ declarationis immutata sit , apertè repugnat , quod tum ex aliis multis colligitur , tum evidenter

P R Æ F A T I O.

demonstrat instrumentum typis editum à Typographo Regio cum privilegio Majestatis Christianissimæ sub hoc titulo ; *Advis de l'Assemblée generale du Clergé de France à Messieurs les Archevêques & Evêques de ce Royaume*, conclusum ; *Fait en l'Assamblée generale du Clergé de France le 20. Januier 1626.* & subscriptum ; *par le commandement des Illustriſſimes & Reverendiſſimes Chardinaux, Archevêques, & Evêques, & de tous les Ecclesiastiques deputez en l'Assemblée generale du Clergé de France. Leonor d'Estampés Evêque de Chartres* ; Hujus instrumenti articulus 137. quem, utpotè aliquantum prolixum, & ipsismet verbis, Gallicis, ut rota illius vis manifestiùs appareat, exscribendum referemus lib. 9. c. 10. tertiæ & quartæ recentiorum Comitiorum propositionibus è regione, ac consequenter secundæ adversatur.

X. Ne quis igitur Ecclesiæ Gallicanæ splendore commotus miretur, quod nos ejus Declarationem examinare audeamus. Nam præterquam quod Ecclesia Romana, cujus defendendæ autoritatis studium ad majora viribus tentanda nos impellit, Gallicanæ sine dubio præstat, ipsiusmet Gallicanæ sensum, & doctrinam propugnamus ; quod ut ad ampliorem lucem deducatur, accedamus ad opus.

C L E R I

CLERI GALLICANI

De Ecclesiastica potestate Declaratio.

Ecclésiæ Gallicanæ Decreta, & libertates à majoribus nostris tanto studio propugnatas, earumque fundamenta Sacris Canonibus, & Patrum traditione nixa multi diruere moliantur; nec desunt, qui earum obtentu Primitivum B. Petri, ejusque successorum Romanorum Pontificum à Christo institutum, iisque debitam ab omnibus Christianis obedientiam, Sedisque Apostolicæ, in qua Fides prædicatur, & unitas servatur Ecclesiæ, reverendam omnibus Gentibus majestatem imminuere non vereantur. Hæretici quoque nihil prætermittunt, quo eam potestatem, qua pax Ecclesiæ continetur, invidiosam & gravem Regibus, & Populis ostentent, iisque fraudibus simplices animas ab Ecclesiæ Matris, Christi que adeò communionem dissocient. Quæ ut incommoda propulsemus, Nos Archiepiscopi, & Episcopi Parisiis mandato Regio congregati, Ecclesiam Gallicanam repræsentantes, unâ cum Ecclesiasticis viris nobiscum deputatis, diligenti tractatu habito, hæc sancienda, & declaranda esse duximus.

I.

Beato Petro, ejusque successoribus Christi Vicariis, ipsique Ecclesiæ rerum spiritualium, & ad æternam salutem pertinentium, non autem civilium ac temporalium à Deo traditam potestatem, dicente Domino, *Regnum meum non est de hoc mundo*, & iterum, *Reddite ergo quæ sunt Cæsaris Cæsari, & quæ sunt Dei Deo*, ac proinde itare Apostolicum illud. *Omnis anima Potestatibus sublimioribus subdita sit. Non est enim potestas nisi à Deo. Quæ autem sunt, à Deo ordinata sunt. Itaque qui potestati resistit, Dei ordinationi resistit.* Reges ergo & Principes in temporalibus nulli Ecclesiasticæ potestati Dei ordinatione subjici, neque autoritate clavium Ecclesiæ directè vel indirectè deponi, aut illorum subditos eximi à fide, atque obedientia, ac præstito fidelitatis Sacramento

mento solvi posse: eamque sententiam publicæ tranquillitati necessariam, nec minus Ecclesiæ, quàm imperio utilem, ut verbo Dei, Patrum traditioni, & Sanctorum exemplis consonam omninò retinendam.

I I.

Sic autem inesse Apostolicæ Sedi, ac Petri successoribus Christi Vicariis rerum spiritualium plenam potestatem, ut simul valeant, atque immota consistant sanctæ Oecumenicæ Synodi Constantiensis à Sede Apostolica comprobata, ipsoque Romanorum Pontificum, ac totius Ecclesiæ usu confirmata, atque ab Ecclesia Gallicana perpetuâ Religione custodita Decreta de autoritate Conciliorum generalium, quæ sess. 4. & 5. continentur; nec probari à Gallicana Ecclesia, qui eorum Decretorum, quasi dubiæ sint autoritatis, ac minùs approbata, robur infringant; aut ad solum schismatis tempus Concilii dicta detorqueant.

I I I.

Hinc Apostolicæ potestatis usum moderandum per Canones, Spiritu Dei conditos, & totius mundi reverentiâ consecratos. Valere etiam regulas, mores & instituta à regno & Ecclesia Gallicana recepta, Patrumque terminos manere inconcussos; atque id pertinere ad amplitudinem Apostolicæ Sedis, ut Statuta & consuetudines tantæ Sedis, & Ecclesiarum consensione firmatæ propriam stabilitatem obtineant.

I V.

In Fidei quoque quæstionibus præcipuas Summi Pontificis esse partes, ejusque Decreta ad omnes & singulas Ecclesias pertinere, nec tamen irreformabile esse judicium, nisi Ecclesiæ consensus accesserit.

V.

Quæ accepta à Patribus ad omnes Ecclesias Gallicanas, atque Episcopos iis Spiritu sancto auctore præsidentes mittenda decrevimus, ut id ipsum dicamus omnes, simulque in eodem sensu, in eadem sententia.

IN-

I N D E X

LIBRORUM ET CAPITUM

LIBER PRIMUS.

De natura, origine, ac progressu libertatum Ecclesie Gallicanae; occasione illorum verborum, Ecclesie Gallicanae decreta, &c. Pag. 1.

CAP. I. Cur nomen libertatis Ecclesie Gallicanae plerisque odiosum, aut certe suspectum sit. 3

CAP. II. Quid Ecclesie Gallicanae, quidque libertatis Ecclesiasticae nominibus designetur. 5

CAP. III. Quomodo definiantur libertates Ecclesie Gallicanae. 10

CAP. IV. Definitionem libertatum Ecclesie Gallicanae communiter traditam non esse legitimam. 13

CAP. V. Quod Ecclesie Gallicanae libertates non contineantur in solo Codice Canonum Ecclesie universalis. 14

CAP. VI. De Codice Dionysii Exigui. 17

CAP. VII. De Canonibus Apostolorum. 19

CAP. VIII. De Canonibus, & Decretis à Dionysio Exiguo premissis. 22

CAP. IX. De Epistolis Decretalibus antiquiorum Pontificum. 25

CAP. X. De speciali Ecclesie Gallicanae Codice. 29

CAP. XI. De Capitularibus Regum Francie. 32

CAP. XII. Mancam esse definitionem Libertatum Ecclesie Gallicanae, nec rei definita convenire. 34

CAP. XIII. Ostenditur ex alio capite mancā esse Libertatum Ecclesie Gallicanae definitionem. 37

CAP. XIV. De origine libertatum Ecclesie Gallicanae, & primi

INDEX LIBRORUM,

- mò , Vtrum in Concilio primo Turonico , vel in Franco-*
fordiensi usurpatæ fuerint? 40
CAP. XV. *An origo Libertatum Ecclesiæ Gallicanæ circa vete-*
rem disciplinam referenda sit ad Pragmaticam Sanctio-
nem S. Ludovici. 44
CAP. XVI. *Vera origo , & progressus libertatum Ecclesiæ*
Gallicanæ. 48

LIBER SECUNDUS.

De Justitia Libertatum Ecclesiæ Gallicanæ , &c. 53

- CAP. I.** *Laudandum esse constantem antiquorum Canonum*
usum. ibid.
CAP. II. *Necessarium esse aliquando per novas leges antiquis*
derogare. 57
CAP. III. *An possint novæ leges Ecclesiæ antequam accepten-*
tur , examinari. 60
CAP. IV. *Vtrum leges non acceptatæ obligent.* 63
CAP. V. *Confirmatur vim Legum ab acceptatione non pen-*
dere. 67
CAP. VI. *An leges Ecclesiasticæ minori quàm Politicæ autori-*
tate polleant. 70
CAP. VII. *Ostenditur Doctores , quos citat Dominus de*
Marca non docere , vim legis à promulgatione pendere ,
sed potius contrarium. 76
CAP. VIII. *Ostenditur ex verbis aliorum Doctorum , quos*
citat Dominus de Marca , non probari vim legis à promul-
gatione pendere , sed potius contrarium. 79
CAP. IX. *Vtrum legi parendum sit , dum dubia est ejus justi-*
tia , aut non evidens ejus recusanda ratio. 84
CAP. X. *Vtrum nova Ecclesiæ Decreta in Gallia obligent , si*
prius examinata , & à curiis secularibus recepta non fue-
rint. 88
CAP. XI.

ET CAPITV M.

CAP. XI. *Summum Pontificem habere condendarum pro universis Ecclesia partibus legum potestatem.* 92

CAP. XII. *Quæ sint vera iustitia libertatum Ecclesia Gallicanae fundamenta.* 97

LIBER TERTIVS.

De Propugnatoribus Libertatum Ecclesiæ Gallicanæ; occasione illorum verborum, *Libertates à Maioribus nostris tanto studio propugnatas.* 99

CAP. I. *An exemplis judicandum sit de iustitia Libertatum Ecclesiæ Gallicanæ.* 100

CAP. II. *De S Gregorii Episcopi Turonensis in propugnandis libertatibus Ecclesiæ Gallicanæ studio.* 103

CAP. III. *De Hincmaro Archiepiscopo Remensi.* 106

CAP. IV. *De contentionibus Hincmari Archiepiscopi Remensis cum summo Pontifice occasione Rothaldi Episcopi Sueffionensis.* 110

CAP. V. *De contentionibus Hincmari cum summo Pontifice occasione Hincmari Laudunensis, & Regni Lotharii.* 114.

CAP. VI. *Quâ ratione Hincmarus libertates Ecclesiæ Gallicanæ defendisse videatur.* 117

CAP. VII. *De praxi libertatum Ecclesiæ Gallicanæ circa Canonos octava Synodi.* 121

CAP. VIII. *De Regibus Christianissimis libertatum Ecclesiæ Gallicanæ defensoribus, & de Universitate Parisiensi earum propugnatrice.* 127

CAP. IX. *De Ioanne Gersonio Cancellario Parisiensi.* 131

CAP. X. *De quibusdam aliis Schola Parisiensis Doctoribus.* 134

CAP. XI. *De Ioanne Lannoio Theologo Parisiensi.* 138

CAP. XII.

INDEX LIBRORUM,

- CAP. XII.** De aliis libertatum Ecclesia Gallicana defensoribus. 142
- CAP. XIII.** De Episcopis Gallicanis libertates suas defendentibus, præsertim in comitiis Parisiensibus. 146
- CAP. XIV.** Vtrum Cætus Parisiensis potuerit definire questiones generales circa Potestatem Ecclesiasticam. 150

LIBER QUARTUS

De potestate Ecclesiæ in temporalia Principum occasione primæ Propositionis Cleri Gallicani. 154

- CAP. I.** An hac Propositio spectet ad libertates Ecclesia Gallicana. 155
- CAP. II.** An invidiosa, & gravis Regibus, & populis sit potestas Ecclesiastica, si circa temporalia Principum in certis casibus exerceri posse affirmetur. 158
- CAP. III.** An verbo Dei consona sit sententia, Reges in temporalibus ab omni Ecclesiastica potestate omnino subducens. 161
- CAP. IV.** Vtrum potestas Regum immediate à Deo sit. 164
- CAP. V.** An Patrum traditioni consona sit doctrina Præfulum Gallicanorum, Reges Ecclesiastica potestati in temporalibus omnino subducentium, ac primo de Patribus in Consiliis fœderibus. 170
- CAP. VI.** An doctrina in prædicta propositione Cleri Gallicani contenta, sit consona menti S. Gregorii Magni. 173
- CAP. VII.** Prædictam propositionem Cleri Gallicani non esse consonam doctrina S. Bernardi, aliorumque Sanctorum Doctorum. 183
- CAP. VIII.** Ecclesiæ in temporalia potestas probatur auctoritate aliorum Theologorum Gallorum, vel in Gallia educatorum. 186
- CAP. IX.**

ET CAPITVM.

- CAP. IX. *Eandem esse de illa Ecclesiæ potestate juris, tum Canonici, tum Civilis peritorum sententiam.* 191
- CAP. X. *Exempla Potestatis Ecclesiasticæ circa Regna temporalia, ac primò circa Reges Francia.* 195
- CAP. XI. *Alia exempla potestatis Ecclesiæ in temporalibus*
200
- CAP. XII. *Exemplum Gregorii I I. Leoni Isauro Imperatori Tributa solvi vetantis.* 204
- CAP. XIII. *Principes ipsos aliquam Ecclesiæ in temporalia potestatem agnovisse.* 209
- CAP. XIV. *An sententia Illustrissimorum Episcoporum Gallia Sanctorum exemplis consona sit?* 212

LIBER QVINTVS.

Comparatio Summi Pontificis cum Concilio Generali occasione secundæ propositionis. 215

- CAP. I. *Summarium hujus secundæ propositionis examen.*
Ibid.
- CAP. II. *Quàm sit difficile Concilium generale sine summo Pontifice definire, ejusq; autoritatem determinare.* 218
- CAP. III. *De convocatione Conciliorum. An pertineat ad Principes.* 224
- CAP. IV. *Cur Imperatores olim Concilia convocaverint.*
228
- CAP. V. *Concilia generalia, dum certus est, & indubitatum Romanus Pontifex, sine illius assensu legitimè congregari non posse.* 233
- CAP. VI. *Respondetur objectionibus Ioannis Lannoi.* 238
- CAP. VII. *Respondetur is, quæ Lannoius Bellarmino specialiter objicit.* 242
- CAP. VIII. *Concilia generalia sine consensu summi Pontificis habita*

INDEX LIBRORUM,

- habita non fuisse, vel robur non obtinuisse, ostenditur: & respondetur aliis objectionibus Ioannis Launoi.* 251
- CAP. IX. *Absque summi Pontificis autoritate Concilia generalia vim, & robur non obtinere.* 261
- CAP. X. *In Sacris Litteris clarius exprimi Pontificis sine Concilio, quàm Concilii sine Pontifice autoritatem.* 264
- CAP. XI. *Qua ratione B. Petrus Ecclesiam representaverit ex mente S. Augustini.* 267
- CAP. XII. *Sententia S. Ioannis Chrysostomi de comparatione B. Petri cum ceteris Apostolis, etiam simul sumptis.* 273
- CAP. XIII. *Confirmatur præminencia summi Pontificis supra Concilium sine Pontifice.* 277
- CAP. XIV. *Rursus confirmatur præminencia Pontificis supra Concilium.* 282
- CAP. XV. *Respondetur autoritati Concilii Constantiensis.* 287.
- CAP. XVI. *Respondetur aliis objectionibus contra Superioritatem Pape ad Concilium.* 292
- CAP. XVII. *Respondetur argumento Launoi ab epistola Siricii Pape ad Anysium & ceteros Episcopos Illiricenses sumpto.* 297
- CAP. XVIII. *Respondetur aliis quibusdam Launoi objectionibus.* 304

LIBER SEXTUS.

De firmitate Canonum, & libertatum Ecclesiæ Gallicanæ, occasione tertiz propositionis Comitiorum Cleri Gallicani. 311.

CAP. I. *Summarium propositionis examen.* Ibid.

CAP. II. *De autoritate summi Pontificis in Ecclesiam Gallicanam.* 314

CAP. III.

E T C A P I T V M.

- CAP. III. *Vtrum Papa habeat immediatam jurisdictionem super Ecclesia uniuersa Fideles.* 319
- CAP. IV. *De jurisdictione immediata Summi Pontificis in omnes Fideles quantum ad forum internum.* 325
- CAP. V. *De autoritate Summi Pontificis circa jurisdictionem contentiosam.* 332
- CAP. VI. *De causis iudicandis Romæ.* 338
- CAP. VII. *Vtrum Papa in ferendo iudicio teneatur ordinem iudicarium ad amissum sequi.* 342
- CAP. VIII. *De necessitate Citationis, & probationum.* 346
- CAP. IX. *Discrimina inter potestatem Summi Pontificis erga Fideles totius Ecclesie, & potestatem Archiepiscopi erga subditos suorum Suffraganeorum.* 350
- CAP. X. *De autoritate Summi Pontificis in bona Ecclesiastica.* 352
- CAP. XI. *De potestate Summi Pontificis in exigendis pro Ecclesia contra Infideles defensione subsidiis.* 356
- CAP. XII. *De jure Summi Pontificis circa Beneficia.* 360

L I B E R S E P T I M U S.

De autoritate Summi Pontificis in definiendis Fidei questionibus occasione quartæ propositionis. 364

- CAP. I. *Summaria discussio hujus propositionis.* ibid.
- CAP. II. *Probatur autoritate sacra Scriptura iudicium Summi Pontificis circa questiones Fidei esse irreformabile, seu infallibile.* 368
- CAP. III. *Confirmatur eadem doctrina contra Ioannem Landoium.* 372
- CAP. IV. *Probatur autoritate Conciliorum Orientalium iudicium Summi Pontificis circa questiones Fidei esse irreformabile.* 380

* * *

CAP. V.

INDEX LIBRORUM,

- CAP. V. *Idem aliorum probatur auctoritate Conciliorum, & Episcoporum.* 385
- CAP. VI. *Probatur sanctorum Patrum, ac primò à sancti Irenaei auctoritate, certitudo iudicij Summi Pontificis in quaestionibus Fidei.* 390
- CAP. VII. *Aliorum Patrum eadem de re testimonia.* 396
- CAP. VIII. *Sententia sancti Cypriani de iudicio Papae in materia Fidei.* 405
- CAP. IX. *Sententia S. Augustini de iudicio Papae in materia Fidei.* 409
- CAP. X. *Sententia Cleri Gallicani de iudicio Papae in causis Fidei.* 416
- CAP. XI. *Probatur auctoritate Vniuersitatis Parisiensis, ac Doctorum Particularium illius, nec non Senatus Parisiensis, Papae iudicium in causis Fidei esse irreformabile.* 421
- CAP. XII. *Probatur testimonio Summarum Pontificum in quaestionibus Fidei Romani Pontificis iudicium esse certissimum.* 428
- CAP. XIII. *Quàm sit generalis in Ecclesia consensus de irreformabili iudicio Romani Pontificis in Fidei quaestionibus.* 437
- CAP. XIV. *Respondetur argumentis, quae auctoritati Papae in decidendis infallibiliter Fidei quaestionibus opponuntur.* 441
- CAP. XV. *Respondetur argumento à sanctis Pontificum erroribus desumpto.* 447
- CAP. XVI. *Respondetur quibusdam aliis exemplis à Launoio adductis.* 453
- CAP. XVII. *An iudicium Papae sit infallibile, quod ei Ecclesia consensus accedat: an verò ei accedat Ecclesiae consensus, quod infallibile sit.* 459
- CAP. XVIII. *De auctoritate Summi Pontificis circa Censuram Librorum.* 467

ET CAPITULUM.

LIBER OCTAVUS.

De origine Jurisdictionis Ecclesiasticæ. 472

CAP. I. Quid sit iurisdicctio Ecclesiastica. 473

CAP. II. De distinctione, ac distributione Dignitatum Ecclesiasticarum. 477

CAP. III. Dignitatem & autoritatem Ecclesiarum, Patriarchalium à B. Petro vel ejus successoribus ortam esse. 481.

CAP. IV. De phantastico Gallie Patriarcha. 488

CAP. V. Primates, & Metropolitanos, in Gallia præsertim, suam à summo Pontifice autoritatem traxisse. 492.

CAP. VI. De eodem argumento, scilicet dependentiâ Metropolitanorum à sancta Sede. 496

CAP. VII. Cur in disceptationibus de jurisdictione consuetudo pro lege habita fuerit? 499

CAP. VIII. Virum jurisdictionis Episcoporum sit à Deo immediatè. 502

CAP. IX. Confirmatur Jurisdictionem Episcoporum à Summo Pontifice pendere. 508

CAP. X. Rursus confirmatur Jurisdictionem Episcoporum esse immediatè à Summo Pontifice. 513

CAP. XI. Aliis testimoniis eadem doctrina confirmatur. 518.

CAP. XII. Respondetur argumentis sententiæ, jurisdictionem Episcoporum ad Deum immediatè referentis. 522

CAP. XIII. De Jurisdictione Clericorum Episcopis inferiorum. 530

INDEX LIBRORUM,

LIBER NONUS.

In Edmundi Richerii Libellum de Ecclesiastica & Politica potestate. 534

CAP. I. An Jurisdictio Ecclesiastica primaria, ac essentialiter Ecclesie: Romano autem Pontifici, atque aliis Episcopis ministerialiter tantum, sicut facultas videndi oculo, conveniat: ad duos primos numeros Libelli Richeriani.

535

CAP. II. De Ecclesie definitione à Richerio tradita; De Ecclesie Capite, necnon de ejus statu & regimine. Ad num. 3. 4. & 5. Richerij. 545

CAP. III. Penes quem sit infallibilis potestas decernendi, aut constituendi Canones. Ad num. 6. Richerii. 552

CAP. IV. De oratione Christi pro fide B. Petri. De necessitate Conciliorum, ac vi Decretalium Summorum Pontificum. De potestate Summi Pontificis, præsertim circa Canones Conciliorum. Ad numeros 7. 8. & 9. Richerij. 566

CAP. V. In quo agitur de potestate Principum politicorum, & respondetur argumentis contra Monarchiam Ecclesiasticam. Ad numeros 10. 11. 12. 13. 14. 15. 16. 17. Richerij. 579

CAP. VI. Consutantur responsiones Richerii in num. 18. adversus potestatem Ecclesiasticam circa temporalia. 589

CAP. VII. Nota in primum librum Vindiciarum Edmundi Richerii, qui Decretis Scholæ Parisiensis constat. 593

CAP. VIII. De Tractatibus, quibus constat liber secundus Richerii, ac speciatim de primo. 603

CAP. IX. Vindicias Richerii complexè sumptas plus obesse, quam

ET CAPITUM.

quàm prodesse Antistitum Gallicanorum declarationi.
609

CAP. X. *Iurisdictio Summi Pontificis, ejusque potestas, tum in definiendis Fidei questionibus, tum in condendis Legibus, celebri Ecclesiæ Gallicanæ testimonia confirmantur.*
615

LIBER DECIMVS.

De particularibus Libertatis Ecclesiæ Gallicanæ Capitibus à Petro Puteano assignatis. 616

CAP. I. *De distinctione inter potestatem spiritualem, & temporalem.* 619

CAP. II. *De Regum Franciæ meritis erga Ecclesiam, eorumque cum Summis Pontificibus necessitudine ad tria prima Capita probationum Libertatum Ecclesiæ Gallicanæ.*
624

CAP. III. *De excommunicationibus contra Reges & Regios Officiales ad cap. 4. & 5. Puteani.* 626

CAP. IV. *De potestate Iudicium secularium circa Censuras, ad cap. 6. & 8. Puteani.* 633

CAP. V. *De citationibus Romam, de executione Litterarum Apostolicarum in Gallia, & de Conciliis illic celebrandis, ad cap. 9. 10. & 11. Puteani.* 637

CAP. VI. *De autoritate Concilij generalis, de Appellationibus à Papa ad futurum Concilium, necnon de receptione, ac publicatione conciliorum generalium in Gallia ad cap. 12. 13. 14. Puteani.* 639

CAP. VII. *Percurruntur octo capita Puteani, scilicet à 15. ad 22.* 645

CAP. VIII. *De Legatis, ac Vice-Legatis sanctæ Sedis, ad cap. 23. & 24. Puteani.* 651

*** 3

CAP. IX.

INDEX LIBRORUM,

- CAP. IX.** De publicatione Indulgentiarum, de collectione Elcēmosynarum, de Societatibus, & de possessione Beneficiorum. Ad cap. 25. & 26. Puteani. 658
- CAP. X.** De puniendis auctoritate Regia Clericis in officio laico delinquentibus, Hereticis quietem publicam turbantibus, & Concionatoribus seditiosis: de Alienigenis ad Beneficia Regni non admittendis: ac de officiis Ecclesia Gallicana: ad capita 27. 28. 29. & 30. Puteani. 663
- CAP. XI.** De Regularibus, & aliis materiis Ecclesiasticis. Ad cap. 32. 33. 34. 35. 36. 37. & 38. Puteani. 671
- CAP. XII.** De subsidiis a Clero Regi Francie, aut Summo Pontifici prastandis: ad duo ultima capp. Puteani 676.

LIBER UNDECIMUS.

In quo expenduntur aliorum Scriptorum Gallicanorum sententiæ de libertatibus Ecclesiæ Gallicanæ.

683

- CAP. I.** De Libris Illustrissimi Petri de Marca de Concordia Sacerdotij & Imperij, seu de Libertatibus Ecclesiæ Gallicanæ. 684
- CAP. II.** De auctoritate Principum circa Concilia, in particulari circa convocationem illorum, ac presentiam, & præsentiam in illis. 690
- CAP. III.** De materia in Conciliis tractanda: de jure suffragij, ac de confirmatione, & executione Canonum. 695
- CAP. IV.** De auctoritate Imperatoribus a Domino de Marca tributa circa Judicia Ecclesiastica. 701
- CAP. V.** De auctoritate Principibus attributa circa alios jurisdictionis articulos. 706

CAP. VI.

ET CAPITUM.

- CAP. VI. *An possint Principes Synodaliū sententiarum effectum suspendere, atque à Judicibus Ecclesiasticis appellationes in causis etiam Ecclesiasticis recipere.* 712
- CAP. VII. *De auctoritate Regum & Episcoporum Franciæ.* 716
- CAP. VIII. *Expenduntur quæ à D. Petro de Marca in favorem Regum Decretis Ecclesiasticis adversantium proferruntur cap. 10. 11. 12. & 18. lib. 4.* 724
- CAP. IX. *De Stephani Baluzij Doctrina circa Principum in res Ecclesiasticas auctoritatem.* 729
- CAP. X. *De auctoritate Regum Franciæ in condendis Capitularibus circa res Ecclesiasticas.* 734
- CAP. XI. *An sine auctoritate Ecclesiæ Reges Galliæ Leges Ecclesiasticas, sive Capitularia condiderint.* 738
- CAP. XII. *De Capitularibus Regum Francorum prima Dynastia.* 746
- CAP. XIII. *Libertates Ecclesiæ Gallicana in aliis sensibus acceptæ.* 550

LIBER D VODECIMVS.

- De Appellationibus tanquam ab abusu. 753
- CAP. I. *Quid sit appellatio ab abusu, & quæ illius origo.* 754
- CAP. II. *De progressu appellationum ab abusu.* 758
- CAP. III. *De iustitia appellationum ab abusu.* 763
- CAP. IV. *De vi appellationum ab abusu, quantum ad conscientiam.* 766
- CAP. V. *Disentiuntur rationes, quibus appellationes ab abusu legitimas esse Autores Gallicani probare nituntur.* 769
- CAP. VI. *Expenditur doctrina D. Petri de Marca de appell-*

INDEX LIB. ET CAP.

pellationibus ab abusu in 19. cap. lib. 4. de Concordiâ Sa- cerdotii & Imperii contenta.	774
CAP. VII. Discussio capituli 2. lib. 4. D. Petri de Marca, ubi adhuc de appellationibus ab abusu.	780
CAP. VIII. De usurpatione jurisdictionis, circa caput 21. lib. 4. Domini de Marca.	784
CAP. IX. De tractatu Caroli Fevret.	789
CAP. X. Quâ ratione olim procederetur, ubi superiores Ecclesiastici suâ potestate perperam uti videbantur; qui- busq; gradibus perventum sit ad appellationes ab abusu, ad cap. 1. Fevreti.	792
CAP. XI. Rursus de tempore, quo inductæ sunt appellationes ab abusu, & de variis illarum conditionibus: ad cap. 2. Fevreti.	796
CAP. XII. Respondetur rationibus à Fevreto cap. 3. adductis ad probandam justitiam appellationum ab abusu.	802
CAP. XIII. Respondetur aliis rationibus, quæ à Fevreto pro- feruntur in præd. cap. 3.	807
CAP. XIV. Quam sequi conveniat agendi rationem, si quando injusti mandati executio exigatur.	812
CONCLUSIO.	815





LIBER PRIMUS

De natura, origine, ac progressu libertatum
Ecclesiæ Gallicanæ, occasione illorum ver-
borum, *Ecclesiæ Gallicanæ decreta, & libertates,*
earumque fundamenta Sacris Canonibus, & Pa-
trum traditione nixa multi diruere moluntur.



UM iuxta Philosophorum do-
ctrinam subiecti, de quo dis-
putatur definitio sit principium
a quo profluit omnis, quæ de
illo potest haberi, certa cogni-
tio : operæ pretium est Liber-
tates Ecclesiæ Gallicanæ definire, quod à multis
video esse prætermissum. Difficile quidem illud
est ; atque in hac etiam materia locum habet lex
203. ff. de regul. iur. *Omnis definitio in jure periculosa*
est: Parum est enim, ut non sub-verri possit: est tamen

A

omninò

omninò necessarium, ne confusa, & incerta fluctuet ubique cogitatio.

II. Juvabit plurimum libertatum illarum originem investigare, ut illarum natura intimiùs penetraretur. Nam, ut monet S. Ambrosius in præfatione comment. super epistolam ad Romanos. *Principia rerum priùs requirenda sunt, ut earum notitia plenior possit haberi. Tunc enim faciliùs poterunt demum intelligi, cum earum origines addiscantur.*

III. Sed imperfecta esset cognitio, nisi etiam libertatum progressus observaretur. Mirum enim, quantas afferat rebus mutationes temporis successus, non mutatis etiam nominibus: Homo dum animam efflavit, vulgò adhuc Homo dicitur, cum non sit. Ita non ratò accidit, ut, eodem nomine retento, res prorsus aliæ fiant.

IV. Itaque primus iste Liber totus erit in explicanda natura, assignanda origine, ac notando progressu libertatum Ecclesiæ Gallicanæ. Sed pauca præmittenda sunt de nomine ad rem cognoscendam conducentia,

CAPUT PRIMUM.

*Cur nomen libertatis Ecclesie Gallicanae plerisque odio-
sum, aut certe suspectum sit.*

1. **O**lim libertatis nomine nihil poterat audiri jucundius; cum tyrannidem, servitutem, & necessitatem, quibus nihil potest excogitari gravius & magis exosum, à cogitatione arceret. Verùm quia eo abuti cœperunt quotquot in Rempublicam, in Principes, & in Ecclesiam ipsam rebellaverunt, ac legitimæ obedientiæ jugum excussuri, libertatem tueri velle se obtenderunt; suspectum ita evasit, ut perduellionis ferè semper nectum ingerat legitimis Potestatibus.

2. Auger hujus nominis invidiam, cum à Gallis ad significandas suas immunitates adhibetur, quod aut nunquam, aut ferè nunquam allegatur Ecclesiæ Gallicanae libertas, nisi adversus summum Pontificem: quasi supremus Ecclesiæ Pastor, & Pater amantissimus, Tyranni loco à Christianissima illa gente haberetur. Quamobrem plurimi Ecclesiam Gallicanam à Romana, non ut membrum à capite, aut partem à toto, sed sicut Congregationem à Congregatione, & Rempublicam à Republica, sese hoc nomine discernere velle veriti sunt.

3. Equidem fatendum est Autores quosdam illius Regni maximum odium suis libertatibus conciliasse, dum hoc nomine immanes abusus decorarunt. Sed absit, ut illorum Autorum, aut error aut temeritas universæ Gallia adscribatur, cum non defuerint etiam in illo Regno tùm Antistites, tùm privati Doctores, qui hanc à se invidiam depulerint, damnatis publicè illarum libertatum abusibus.

4. Edita sunt Parisiis anno 1639. duo volumina, in quibus præclaro libertatum Ecclesiasticarum titulo donati fuerant usus quamplurimi Ecclesiasticæ libertatis insensissimi: sed ecce quomodo excepta sunt ab Episcopis 19. tunc in illa urbe versantibus, & curâ Eminentissimi Cardinalis Richelii congregatis: ecce quod de illis voluminibus judicium tulerunt in epistola, quam ea de

read cæteros scripserunt Galliæ Antistites, quæque in secundo volumine Actorum Cleri Gallicani ultimæ editionis refertur. *In hac Alma Regni sede, inquit, paucis ab hinc diebus, nullo palam auctore, nullâ publica edendi facultate typis mandata sunt duo volumina vulgari idiomate, quorum uni titulus est: TRAITTE' DES DROITS ET LIBERTÉZ DEL' EGLISE GALRICANE, 1639. Alteri verò: PREUVES DES LIBERTÉZ DE L'EGLISE GALRICANE, 1639. quæ hand dubiè furtivo cursu non ad vestras modò Diœceses, sed ad cæteras etiam Nationes destinantur grassatura. Non enim hæreseos, & schismatis, ac talium operum promotor, & artifex Dæmon ejusmodi faces accendit, nisi ut spargat. Quibus potuissent verbis opera illa acrius perstringere Prælati illi scientiâ, pietate, ac zelo Pastoralis per totam Galliam celeberrimi, quam ut ea Dæmoni hæreseos, & schismatis auctori tribuerent, aut apertiùs declarare, quam esset alienus illorum animus à probandis omnibus illis, quæ sub nomine libertatum Ecclesiæ Gallicanæ venditantur, quam cum subjungunt; inter falsas & hereticas quas detestamur, ECCLESIAE GALRICANÆ ADSERVITAS SERVITUTES potiùs, quàm LIBERTATES, vera quedam, & gloriosissimi Regis nostri jura, & Gallicana Ecclesia privilegia exposuit.*

¶ Non Episcoporum tantum fuitis sensus, & affectus, sanctissimus Regis Christianissimi Consistorium decreto interdixit librorum istorum commercio. Scriptores quoque privati veritatis, & Religionis amantiores, ubi opportunum fuit, suam sententiam deprompserunt circa ejusmodi abusus libertatis nomine obiectos. Nunc servitus, & oppressio (Ecclesiæ Gallicanæ) falsis, ementitisque libertatis, & privilegiorum nominibus solet per antiphrasim exprimi. His verbis conqueritur adversus Ecclesiasticæ jurisdictionis depressionem Caballatus, notitia Concil. cap. 69. primæ edit; & cap. 71. alterius.

6. Alia est hujus nominis invidia causa, quod scilicet inter Gallos ipsos non satis constar, quæ sit natura, quæ species, quæ justitia libertatum Ecclesiæ Gallicanæ, ut in istius tractatus decursu videbitur. Iacobus Lefchassierius in Senatu Parisiensi Patronus opusculum scripsit, quod refertur in primo prædictorum voluminum contra exigentes, ut Indices Francia, quæ & quot sint libertates Ecclesiæ Gallicanæ exponant, enumerentque, nec non à qua emanaverint
auto-

autoritate assignent. Atque omnis ejus oratio eò spectat, ut Gallos probeat ad respondendum hujusmodi quæstionibus non teneri. Itaque concludit: *Illi ergo, qui petunt, ut singulatim enumerentur hujus Regni libertates, vel Decreta hic recepta, vel usum & consuetudines nostræ circa politiam Ecclesiasticam; velut fontes, & auctoritas, à quibus hæc jura emanaverint assignentur, non alia possent ratione luculentius demonstrare omnimodam circa jura illa, de quibus loquuntur inscitiam, quam in proponendis hujusmodi quæstionibus.* Quis audito hoc sermone non suspicetur, libertates, aut nullas, aut incertas, aut injustas esse, quas qui defendere aggreditur, aut non potest, aut non audet recensere, nec à quo fonte, à qua auctoritate profectæ sint, explicare?

7. Ipsam quidem libertatum definitionem tùm ipse Leschaffierius, tùm alii tradiderunt: sed vix ullum reperiās, qui inter libertates Ecclesiæ Gallicanæ capita quamplurima non annumeret, illarum definitioni parum consentanea, vel etiam omninò adversa.

8. Quid igitur mirum si libertates istæ malè audiant, quas exteri non intelligunt, Galli non satis explanant, aliqui adhibent ad excusandos pessimos, & cum vera libertate Ecclesiastica pugnantes abus.

CAPUT II.

Quid Ecclesiæ Gallicanæ, quidque libertatis Ecclesiasticæ nominibus designetur.

1. **Q**uamvis Ecclesiā, quæ dictio Græca est, evocationem, seu congregationem tantum significet, ex sua etymologia, tamen ad plurima, eaque valde diversa designanda usurpatur in sacris Scripturis, & Catholicorum Doctorum libris. Præcipua quidem hujus nominis significatio ad Ecclesiam Catholicam pertinet, quam sic describit Bellarminus tom. 2. controv. lib. 3. cap. 2. ut sit *casus hominum ejusdem Christianæ fidei professione, & eorumdem Sacramentorum communionem colligatorum, sub regimine legitimorum Pastorum, ac præcipue unius Christi in terris Vicariis Romani Pontificis.*

2. Joannes quidem Launoius epist. ad Nicolaum Gatinum, quæ est in parte octavâ, definitionem Ecclesiæ à Bellarmino tra-

ditam impugnare conatur, congestis pro suo more quamplurimis Sanctorum Patrum, aliorumque Scriptorum locis, in quibus describitur Ecclesia non facta mentione Pastorum, à quibus regitur, præcipuè Romani Pontificis. Sed Bellarminum reprehendere non potuit, quin sanctum Cyprianum damnaret, Ecclesiam hoc modo definientem epist. 69. quæ est ad Pupianum : *Illi sunt Ecclesia plebs Sacerdoti adunata, & Pastori suo grex adherens.* Respondet Launoïus, *Cyprianum protempore, & ad extirpandum schisma quo tunc Romana flagrabat Ecclesia, Ecclesiam definivisse, ut diximus.* At nonne simili de causa Bellarminus, quia scilicet adversus hæreticos Hierarchiam negantes disputabat, debuit in Ecclesiæ definitione non solum corporis, ut alii Scriptores à Launoïo citati, sed etiam capitis mentionem facere. Quod enim à Dialecticis præcipitur nihil in definitione redundare debere, hic non violatur, quia quod additur, etsi ad essentæ notitiam absolute pertinere non videatur, pertinet tamen in illa circumstantia. Cum enim Lutherani, & Calvinistæ suis cœtibus Ecclesiæ descriptionem à plerisque Scriptoribus Ecclesiasticis allatam accomodarent, necesse fuit ad distinguendam verorum fidelium Congregationem à Synagogis Sathanæ, ut aliquid adjungeretur, per quod ab illis posset discerni. Potuerunt alii Ecclesiam iis verbis definire, quæ huic designandæ sufficerent : Bellarmino necesse fuit definitionem ponere, quam ejus adversarii suis conventiculis tribuere non possent.

3. Frustra verò notat Launoïus sanctum Cyprianum *de Ecclesia simpliciter, & absolute non loqui, sed comparatè, habito nempe respectu ad Ecclesiam Romanam*, ubi propter institutos simul Antistites duos schisma excitatum fuerat : Tum quia id verum esse non videtur. Etsi enim occasione Ecclesiæ Romanæ illa dixerit S. Cyprianus, non tamen de Ecclesia Romana speciatim : Tum quia si occasione schismatis Ecclesiæ Romanæ rectè sanctus Cyprianus in definitione illius Ecclesiæ meminit unius ejus Pastoris : Cur Bellarmino contra hæreticos, qui ab Ecclesia Catholica desciverant, nefas fuit Ecclesiam Catholicam ita describere, ut unius ejus supremi Pastoris mentionem faceret.

4. Sed quemadmodum Ecclesia simpliciter dicitur omnium Fidelium Congregatio sub summo Pontifice : ita cœtus eorum qui uni

uni Patriarchæ seu Exarcho, Primati, seu Metropolitano, imò Episcopo, & Curato subsunt, Ecclesiæ particularis nomine gaudent, scilicet Diocesis, Provinciæ, aut Parochiæ.

5. Possunt autem in hujusmodi cœtibus, aut simul Pastores cum fidelibus, aut Pastores seorsim ab ovibus, vel e contra oves sine Pastoribus attendi, ut Ecclesiæ nomen, aut alterutris, aut utrisque simul tribuatur: maximè autem Pastoribus, à quibus repræsentatur, & in quibus certa quadam ratione continetur Ecclesia, sicut in Principe Respublica. Imò vox illa non raro ad significandum locum transfertur, ubi sunt hujusmodi cœtus Religionis causa. Quæ omnia eruditis omnibus aded sunt pervia, ut scripturarum, & Doctorum testimoniis non indigeant confirmari.

6. Variæ illæ vocis ejusdem significationes exigent, ut de libertatibus Ecclesiæ Gallicanæ tractaturi, quid Ecclesiæ Gallicanæ nomine intelligatur, principio designaremus. Sed cum de illius notione non conveniat inter Gallos ipsos, ex rerum, de quibus agetur, conditione, conjicies. Quamvis enim pro Clero frequentius usurpetur: tamen cum de libertatibus Gallicanis agitur, ea vox non solum Antistites, sed & laicos complecti, maximè Regem, ejusque Officiales, à nonnullis dicitur, aded ut Ecclesia Gallicana significet fideles omnes in hoc Regno degentes, cum aliquo tamen ordine ad Religionem, ad quam refertur omnis Ecclesia apud Christianos: qua in re solum cavendum est, ne sub nominis æquivocatione fraus contegatur; quod revera contigisse conqueritur illustrissimus & doctissimus Franciscus Bosquetus Episcopus Montispeffulani in ea ad Stephanum Baluxium epist. quæ ante libros D. de Marca de concord. Sacerd. & Imp. edita est. *Incidit, inquit, in locum ejus Scriptoris anonymi, qui ementito Gallicana libertatis propugnanda titulo librum notâ censoriâ jam olim adustum, Regia sanctione proscriptum, ac perpetuis tenebris damnandum, in lucem edere ausus est: illo falsam thesism (scilicet Laicorum aqûe ac Clericorum cœtum Ecclesiam Gallicanam componere, ejusque communi decreto publica ejus Ecclesiæ negotia decidi, & non Episcoporum judicio, ad quos propositionem de difficilibus negotiis, quæ ad ipsorum vocationem spectant, tantum pertinere) & auctoritate amici nostri fulcire nititur.* Quamvis fraudem

dem Scriptoris facillimè detegerem, & delusam ejus mentem in æquivoco, ut loquuntur Logici, cum libertatis, tum Ecclesiæ nomine animadverterem. Alia est enim significatio Ecclesiæ, dum fideles omnes complectitur, ut & libertatis, qua singulos Fonte Baptismatis renatos Christus donavit: alia Ecclesiæ qua etiam apud antiquos Scriptores solum Clericalem ordinem; ut & libertatis, qua jus & facultatem, seu potestatem universam regendi Ecclesiæ Sacerdotali ordini, in primis Petri Apostolorum Coriphæi successoribus, Divinâ constitutione tradita, comprehendit.

7. Nec est quod aliquis circa hoc nomen quæstionem moveat, quod cæteris quidem cœtibus præesse unum aliquem Pastorem cernat, puta Ecclesiæ universæ Summum Pontificem, Diocesi Patriarcham, aut Exarchum, Provinciæ Metropolitam, Parochiæ Episcopum: Gallis autem omnibus ut à cæteris Regnis discernuntur, unus quispiam non sit præpositus. Rex namque, cujus imperio subjacent, eos in unum quidem corpus politicum conjungit, sed non in unam Ecclesiæ, cum in Laicorum ordine censeatur. Observandum enim est Romanum Pontificem tanquam summum Pastorem totius Ecclesiæ caput existere, totius autem Occidentis tanquam ejus Patriarcham; Galliæ verò Caput specialius posse nuncupari propter antiquiorem, & strictiorem illius Regni cum Ecclesiæ Romanæ conjunctionem. Nec enim, ut Ecclesiæ Gallicana una sit, opus est ut intra se unicum Caput habeat, sed satis est, ut ejus membra non unius regiminis politici tantum, sed unius quoque Religionis vinculo arctiori conjuncta, totius Ecclesiæ Capiti etiam intimè cohæreat, illud præcipuis observantiæ, atque obedientiæ officiis excolat, ejusque vicissim amoris, ac sollicitudinis specialis beneficio potiatur.

8. Libertatis porro nomen ex primaria sua institutione conditionem designabat, quâ homo id sine impedimento præstare posset, quod liberet; *Libertatis enim proprium est*, ut inquit Cicero offic. cap. 1. sic vivere ut velis; quod tamen, ne de perversa quoque voluntate accipiat, in paradoxis explicat in hunc modum; *quid est enim libertas? Potestas vivendi ut velis. Quis igitur vivit ut vult, nisi profecto qui recta sequitur, qui gaudet officio, cui vivendi via considerata atque provisa est: qui legibus quidem non propter metum* paret,

paret, sed eas sequitur, atque colit, quia id salutare maxime iudicat esse, &c. Paradoxo 5. Verùm hoc nomen ad alia quamplurima significanda postmodum derivatum est: verbi gratia liberationem à peccato, à iugo legis Mosaicæ, à quibuscvis demùm malis vel oneribus.

9. Dum autem de Ecclesia dicitur, aliquem indicat ad Religionem ordinem, idque multipliciter. Cùm enim libertas servituti, seu necessitati opponatur, Ecclesia libera rectè tunc dicitur, cùm ab exercitandis, prout placet, Religionis officiis minime prohibetur. Ita, dum Constantinus Imperator concessit toto orbe terrarum Christianis, ut Ecclesias ædificarent, Divina mysteria publicè celebrarent, aliàque omnia sine impedimento præstarent, ad debitum vero Numini cultum exhibendum necessaria, libertatem Ecclesiæ dedisse dicitur.

10. Intelligitur etiam sæpè numero libertas Ecclesiastica de immunitate rerum, locorum, & personarum Deo peculiariter consecratarum; quando scilicet Ecclesia pro suo arbitrio Ministros sibi deligit, eosque cultus Divino, & convenientibus cuique ministeriis deputat; cùm illi à sæcularibus muniis, oneribus, negotiis iudicijque exempti, quæ Dei sunt solummodò curant. Cùm ædibus Deo sacris is honor deferatur, ut sæcularia negotia illic non tractentur, ut ab omni scelere illic perpetrando diligentius absteineatur, ut nullus illinc invitus, aut invito Pastore extrahatur: cùm Fidelibus omninò licet bona sua Deo consecrare: cùm bona sic Deo consecrata subsidiorum, aliorumve onerum servitute non premuntur, ne dum à rapinis, alijsque injurijs tuta sunt.

11. Ad ea, & similia significanda plerumque usurpatur à sacris Concilijs, & Scriptoribus Ecclesiasticis libertatis, seu immunitatis Ecclesiasticæ nomen. Sanctus Antoninus 3. part. tit. 12. cap. 3 *Immunitas*, inquit, *Ecclesia est privilegium Ecclesiastica libertatis, vel rerum, vel personarum ad eam pertinentium.* Et §. 4. ex Francisco de Zabarel. *Immunitas est libertas, seu exemptio Ecclesie in personis, rebus, & juribus Ecclesiasticis quibuscunque.* Et infra *Tertium privilegium datum à Deo Ecclesie est, ut administret sola sine Laicis res suas, ut dist. 96. si Imperator. Et de rebus Eccles. non alien. cap. fin. Et hinc Ecclesia sola, & non Imperator jus concedere potest. & aliter*

aliter disponere dist 96. cap. denique cum ad verum. Concilium item Colon. anno 1536. p. 9. cap. 20. Immunitas Ecclesiastica vetustissima res est, jure pariter Divino, ac humano introducta, que in duobus potissimum sita est. Primum ut Clerici, illorumque possessiones, & bona à vectigalibus, & tributis, aliisque muneribus Laicis libera sint, Secundum ne rei criminis ad Ecclesias confugientes inde violententer extrahantur, exceptis publicis Latronibus, qui per industriam proximum occiderint, aut nocturnis depraedatoribus agrorum, qui itinera obsident, denique his, qui sub immunitatis spe in Ecclesiis, ac cœmisteriis delinquant.

12. Frequentius apud Gallos libertatis significatio ea esse dicitur, quæ juxta Concilium Ephelinum can. ult. in observandis Canonibus & conservanda cuique Ecclesiæ sua jurisdictione consistit, ut ex capite sequenti constabit.

CAPUT III.

Quomodo definiantur libertates Ecclesiæ Gallicanæ.

1. **D**iversæ à diversis traduntur definitiones libertatum Ecclesiæ Gallicanæ. Omnium tamen communissima est, quæ illas in observando ad amissim, inviolabiliterque jure antiquo reponit. Hanc itaque diligentius expendemus, si prius auctoritate munierimus.

2. Renatus Choppinus de sacra Polit. lib. 1. tit. 1. num. 13. eam his verbis exprimit: *Cum adversus hos Canones (antiquos) Pontificis Rescriptis abuteretur sensim inferior atas, Galli Monarchæ, Prætoresque Regij caperunt cum abusum, Canoniceque Doctrinæ neglectum civili imperio vindicare: ne cui in Ecclesiasticam disciplinam Ecclesiæ Primatis esset moliri quidpiam intra Francicæ Ditionis potestaria, aut alioquin districte revocaretur mos Hierarchiæ vetustioris. Ac illius quidem auctoritatis, libertatisque Francicæ vestigia cernimus identidem, &c.* Libro autem 2. tit. 4. num. 1. docet Regium Senatuum provocari, cum ab Ecclesiastico Iudice tentatum sit aliquid in perniciosum sanctorum Decretorum præfca, venerandaque vetustatis.

3. Petrus Pithæus in Libello Gallico idiomate scripto, cum hoc titulo

titulo; *Les Libertez d' l' Eglise Gallicane*, quem Petrus Puteanus aliis omnibus ejusdem argumenti præmisit, in sua Collectione, duo statuit principia, seu axiomata illarum libertatum, quorum primum Romano Pontifici adimit omnem in temporalia Regni Franciæ potestatem, alterum est hujusmodi: „Etsi Papa in rebus spiritualibus supremus „agnoscatur, tamen in Francia potestas absoluta, & infinita locum „non habet; sed cohibetur, & limitatur Canonibus, & Regulis anti- „quorum Conciliorum Ecclesiæ in hoc Regno receptorum. *Et in „hoc maxime consistit libertas Ecclesiæ Gallicanæ.*

4. Guido Coquille Institutionibus ad Jus Gall. tit. de Jure Regio „asserit eas libertates in eo consistere, quod Ecclesiæ Gallicana „Canonibus valdè antiquis inhærens non admittit, receptivè quam- „plurimas Constitutiones Pontificias.

5. Jacobus Leschasserius in opusculo de liber. antiqua, & Canon. Ecclesiæ Gallicæ pluribus idem statuit. Pauca de multis in cap. seq. referemus.

6. Luculentius eam Gallorum sententiam declarat Christophorus Justellus in epist. ad eundem Jacobum Leschasserium, Codici Canonum Ecclesiæ universæ ab ipso edito, præfixa; *Quamvis in jure communi antiquo*, inquit, *positam esse libertatem Ecclesiæ Gallicanæ ab omni ævo Reges, Episcopi, Regni Ordines, tota denique Gallia affirmaverit; Vetus est tamen in Senatu PARISIENSI SENTENTIA A MAIORIBUS PER MANVS TRADITA, ET MEMORIÆ OMNIUM, QUI PRUDENTIA, ET VSV VALENT, insculpta, illam libertatem maxime quatuor primis CONCILIIS OECUMENICIS, ET IIS, QUÆ AB ILLIS CONFIRMATA SUNT, CONTINERI; & quæ contra sunt, præcipuas appellationibus iis causas præbere, quæ velut ab abusu interponuntur.* Hanc ipsam mentem tribuit Justellus Cardinali Lotharingiæ; prosequitur enim: *Quæ sententia convenit protestationi ab Illustrissimo Cardinali Lotharingiæ in Concilio Tridentino facta, omnium Gallia Episcoporum nomine, die 2. Novembris 1563. nempe optare se, in eoque maxime elaborandum esse, ut vetus disciplina Ecclesiæ restitueretur. In usum, inquit, veteribus jamdiu aboletis revocatis Canonibus, ET MAXIME QUATUOR VETERVM CONCILIORVM, QUÆ QUANTVM FIERI TOTERIT OBSERVANDA ESSE CENSEO. Et post pauca. Hanc autem meam mentem, & sententiam cum meo, cum omnium Gallia Episcoporum nomine in acta referri volo, & ut id fiat, à Notariis peto, & postulo.*

33 DE NATURA, ORIGINE, AC PROGRESSU,

7. Illustrissimus Petrus de Marca lib. 3. de concord. cap. 1. num. 7. *Pater, inquit, vera, & genuina definitio hujus libertatis ex sensu Ecclesie Gallicanae, ut sit nempe usus antiqui juris communis.*

8. Carolus Fevret tract. de abus. lib. 1. cap. 4. num. 13. varijs eandem opinionem probationibus adstruit.

9. Eam etiam Joannes Doujatius Antecessor Parisiensis varijs in locis, maxime in fine synopsis historicae Juris Pontificij amplectitur. *Apud nos (hæc sunt ejus verba) Jus Canonicum speciale triplex distingui potest: Constat enim veteribus Ecclesia institutis, quibus majores nostri tenaciùs, quàm vicini populi adhaeserunt. QUÆ VVLGO IMMUNIATES, SEV LIBERTATES ECCLESIAE GALLICANÆ DICUNTUR, &c.*

10. Joannes Gerbadius tract. de causis major. art. 2. sic sentit; *habet in primis Ecclesia Gallicana suos mores, suasque traditiones, eò quidem retinendas magis quod fortuite ac temeraria non sint, SED CANONIBVS IPSIS ANTIQVIS VETERVMQVE PATRVN SENTENTIIS INNIXÆ AC FVNDATAE. ETENIM LIBERTATES SVAS, QUÆ AB ISTIVS-MODI TRADITIONIBVS NIHIL DISTANT, NON ALIA RATIONE TVENTVR GALLIA, QVAM ANTIQVO ET COMMVNI IVRE.*

11. Illustrissimus Carolus Mauritius le Tellier Archiepiscopus Rhemensis in eo instrumento jam pridem in lucem publicam edito, quo sese Ecclesiae Cameracensis, olim Rhemensis Provinciae, ad Metropolitanam Dignitatem evectioni opponere protestatus est, die 4. Febr. anno 678. declarat Franciã auctoritatem semper æqualiter, potentem, & venerandam *quatuor primorum Conciliorũ habere, tanquam unicũ & inconcussũ suarum libertatum fundamentũ.*

12. Idem etiam sæpius protestati sunt Regij Officiales tum in scriptis, tum vivâ voce in Senatu perorantes, ut testantur varia Senatus consulta typis edita, & vulgata.

13. Denique Conventus Parisiensis libertatum Ecclesiae Gallicanae fundamenta SACRIS CANONIBVS, & PATRVN TRADITIONE NITI jam in ipso limine declarat, ut tanquam certum supponere liceat, Ecclesiam Gallicanam suas libertates in antiqui juris observatione constituere.

14. Quamobrem de libertatibus Ecclesiae Gallicanae disputaturi hanc illarum definitionem, utpotè cum à Clero tum à Magistratibus
secula-

ſæcularibus, & à cujuſvis conditionis ſcriptoribus comprobataſ
tanquam fundamentum ponimus. Non negligemus tamen alias, ſed
ſed opportunis locis, pro cujuſque merito expendemus.

CAPUT IV.

*Definitionem libertatum Eccleſiæ Gallicanæ communiter
traditam non eſſe legitimam.*

1. DEFINITIO libertatum Eccleſiæ Gallicanæ, quam communiter tra-
di pluribus testimoniis ſuperiori capite oſtendimus, nem-
pe quod ſint *antiquorum Canonum cuſtodia*, ſi ad leges Dia-
lecticæ exigatur, contra omnes, aut ſaltem præcipuas definitionis re-
gulas, nimirum perſpicuitatem, integritatem, ac convenientiam cum
re definita peccare comperietur.

2. Obscura eſt, quia, cùm antiqua diſciplina latiffimè pateat, incer-
tum eſt an eam integram complectatur? an illius tantùm partem? &
quam & quouſque perveniat antiquitas ex mente Gallorum? Ca-
nones etiam alià Conciliis generalibus, alii à Provincialibus, alii à
Nationalibus editi ſunt. Antiqua diſciplina non ſolos Canones, ſed
etiam ſummorum Pontificum Decreta complectitur. Porrò Illuſtriſ-
ſimus Archiepiſcopus Rhemenſis declarat, ut vidimus, Franciam
„ autoritatem ſemper æqualiter potentem, & venerandam qua-
„ tuor primorum Conciliorum habere tanquam unicam, & incon-
„ cuſſum ſuarum libertatum fundamentum. Chriſtophorus Juſtel-
lus quatuor primis Conciliis œcumenicis adjungit alia, quæ ab illis
confirmata ſunt. Quod etiam fortassis intelligit Dominus le Tel-
lier. Verùm Dominus de Marca *uſum juris communis antiqui ſine*
exceptione veram, & genuinam hujus libertatis definitionem dicit;
idque EX SENSU ECCLESIAE GALLICANÆ, huic conſentit Joannes
Doujatius, cùm ait, VETERA ECCLESIAE INSTITUTA, VULGO IMMU-
NITATES, SEV LIBERTATES ECCLESIAE GALLICANÆ DICTI. Alij
expreſſè ſummorum Pontificum Epistoſas Decretales meminerunt.
Alij denique antiquis Canonum Codicibus ſpecialem tribuunt auto-
ritatem.

3. Quâ in retamen eorum reliqui non solum inter se dissentire, sed etiam sibi ipsis non satis videntur constare. Nam verbi gratia Doujatius, qui loco jam jam citato vetera instituta vocat libertates Ecclesiæ Gallicanæ, tamen loco infra cap. 12. num. 6. citando, jus antiquum obsoletum dicit. Dominus etiam de Marca, cum in loco jam adducto veteris tantum juris meminerit, in locis infra cap. 13. referendis totum ferè jus novum ad libertates Gallicanas asserit pertinere.

4. Caret tradita definitio parte una, eaque præcipua, scilicet differentia. Licet enim concedamus nonnullos, si velis etiam plurimos antiquos Canones observari in Gallia, eos tamen ipsos, aut plures servant etiam reliquæ Catholici orbis Provinciæ; nec facile paterentur reliquæ Catholicæ nationes hanc sibi laudem à Gallicana præripi.

5. Definitio illa non convenit suo definito. Si quis enim hinc singula libertatum illarum capita, quæ in tractatibus ea de re scriptis proponuntur, attentè consideret, illinc universos Conciliorum antiquorum Canones, ac summorum Pontificum Decreta perlustret, parum convenire concludet.

6. Jure tantum antiquo definitæ sunt libertates; cum tamen, circa novum magis vetari videantur, sed ut prædicta manifestius pateant singula fufius sunt prosequenda.

CAPUT V.

Quod Ecclesiæ Gallicanæ libertates non contineantur in solo Codice Canonum Ecclesiæ universalis.

1. Jacobus Leschassierius in opusc. de antiqua & Canonica Ecclesiæ Gallicanæ libertate jam citato, Ecclesiam Gallicanam perhibet, Ecclesiæ universæ Decreta ex tribus Codicibus successivè deprompsisse. Primum illorum Codicem vocat Codicem Ecclesiæ universalis; secundum Codicem Canonicum Ecclesiæ Romanæ; Decretum Gratiani tertio loco reponit. Primum illum & antiquissimum Codicem completi affirmat Canones, in quibus ipsa, quasi

quasi essentia libertatis Gallicanæ continetur, ad quam cætera omnia referenda sint. „Duplex est, inquit, libertas Ecclesiæ Gallicanæ, „antiqua scilicet, & moderna; aut potius una, & eadem libertas di- „versimodè spectata. Antiqua est primus illorum trium Codicum „Canonicorum dignus certè, qui ab Ecclesiâ universâ in maximo „pretio, & maxima reverentia habeatur; quippè qui sit primus ejus „liber, & commune instrumentum post sacræ Scripturæ Codicem; „moderna est in Constitutionibus Regum nostrorum, in illorum „Concordatis, & in supremorum Tribunalium Senatusconsultis. „Porro ista secunda libertas à necessitate profecta est quasi in subsi- „dium primæ Nova ista jura ita vera libertas non sunt, ut & „illa ipsâ, & constitutio sancti Ludovici ad antiquam, & Canonicam, „seu ad naturalem, & absolutam libertatem ordinentur.

2. Codicem antiquum Ecclesiæ universæ illum sine dubio intelligit, cujus formam Christophoro Justello præscripsit, aut expressit in consultatione de controversia inter Paulum V. Pontificem, & Rempublicam Veneram Anno 1607. ut accepto refert ipse Justellus in epistola ad eundem Leschælerium scripta anno 1610. *Cum inquit, accuratius modum quaererem; quo ille vetus Ecclesiæ primitiva Codex restitui, & in lucem revocari posset, tu mihi, veluti The- sem alter, in explicando hoc labyrintho viam aperuisti, hujusque restitutionis rationem, antea incomperam indicasti, quam & ipsam tuis verbis descriptam huic operi adjunxi. Illud ergo vetustissimum Ecclesiæ Christianæ monumentum nunc primum à nobis pristina integritati restitutum, & ab interitu vindicatum ne diutius dispe- rirer publico dari curavi.*

3. Pluribus ijsque efficacissimis rationibus comprobari posset, Codicem illum non eum esse ex quo solo olim Ecclesiæ disciplinæ leges hauriebat, ut Guilielmus Voëllius, & Henricus Justellus Christophori filius in præfat. ad Bibliothecam Juris Canonici veteris, in cujus fronte posuerunt Codicem illum, suadere conati sunt. *Non enim, inquit, necesse est, ut illa collectio Codicis universa Ecclesiæ titulo gaudeat, quod omnes Conciliorum Canones à singulis Ecclesiis receptos, & editos complectatur; sed sufficere videtur, quod primi Ecclesiæ temporibus, quibus editus fuit hic Codex, illo solo, nec alio*

utere-

interetur Ecclesia universalis in disceptandis de disciplina controversis, quemadmodum à Concilio Calcedonenſi factum legimus.

4. Sanè ſi Codex ille in univerſa Eccleſia vim habuiſſet, quomodo periſſet illius memoria, edito poſt Synodum Trullanam à Græcis Eccleſiæ Orientalis Codice, quod ſubjungunt prædicti Juſtellus & Voëllius, ſiquidem Canones illos Trullanos rejecerunt Romani Pontifices, præſertim Sergius, qui tunc Eccleſiæ Romanæ Clavum regebat, ut teſtantur Anaſtaſius in Sergio, & Beda lib. de 6. aratibus.

5. Præterea quomodo fuiſſet Codex Canonum univerſæ Eccleſiæ, qui certè Codex Eccleſiæ Romanæ eſſe non potuit, atque adeo neque totius Eccleſiæ Occidentalis, Romanæ ſtriçtiſſimè cohærentis? Nunquid præcipua illa Orbis Chriſtiani pars ad univerſam Eccleſiam non pertinebat? Quomodo autem Eccleſiæ Romanæ Codex fuiſſet, in quò deſiderabantur, nec poſtmodum adjecti ſunt, Canones in Occidente vigentes, v. g. Canones Conciliorum Arelatenſis, Sardicenſis, Carthagenenſium, & Toletani primi, in quò è contra continentur Canones dudum ab Eccleſia Romana vel improbi, vel pro minimo habiti, v. g. Conſtantinopolitani.

6. Certè Paſchalius Queſnel in appendice ad S. Leonis Magni opera diſſert. 12. ſe antiquiſſimum Eccleſiæ Romanæ Codicem edere affirmat antea nunquam editum: hic enim titulus eſt diſſertationis: *De Codice Canonum Eccleſiæ Romana omnium, qui hucusq; prodierunt antiquiſſimo nunc primum in lucem edito; capiti autem primo iſte titulus præfixus eſt; Romanam Eccleſiam ſuum olim Codicem habuiſſe ante Dionyſij Exigui Abbatis collectionem, nec eum huc uſq; emiſſe è tenebris; Capiti autem 2. Priſcum illum Codicem eum ipſum eſſe, quem jam publici juris facimus.* Itaque ſi Queſnelio credimus, non erat Codex Eccleſiæ univerſæ, quem antea ediderat Juſtellus, quique in multis diſſert à Queſneliano, & à vero Codice Eccleſiæ Romanæ.

7. Habebat Eccleſia Romana ſuos Canones, eoſque in ſeriem reſtauctos, etiam ante tempora, quibus primum compactus perhibetur Codex ille Eccleſiæ univerſalis, ut ex iſdem argumentis conijcitur, quibus Codici à Juſtello reddito authoritatem conciliare nituntur eius Patroni, cui quidem Canonum Eccleſiæ Romanæ ſeriei potiori jure tribueretur nomen Codicis Eccleſiæ univerſæ.

8. Verum nihil opus est in minuenda Codicis Justelli autoritate immorari; satis enim est, quod ab ipsis ejus Patronis conceditur, ejus memoriam à tempore Concilii Trullani, hoc est à fine septimi, vel ab octavi sæculi principio, ad nostrum usque sæculum excidisse; Hinc enim evincitur, non eum esse libertatum Gallicarum thesaurum, qui per tot sæcula, & per ea maxime, quibus hujusmodi libertates validius propugnatae sunt, sub oblivionis tenebris reconditus delituerit. Nunquam enim ferventiores extiterunt hæc de re disceptationes, quam tempore Caroli sexti Regis Francorum, quo tamen tempore, ut testatur Dominus Petrus de Marca lib. 3. cap. 6. num. 5. *Antiquos Canones, & jus commune intelligebant (Galli) quod Gratiani Decreto, & Decretalibus erat comprehensum, idque, inquit, manifestè probatur, non solum ex eo, quod vetus Codex Canonum illis esset incognitus sed etiam ex Concilio Constantiensi.*

C A P V T V I.

De Codice Dionysii Exigui.

1. **A**ngustis nimium finibus conclusæ fuerunt Ecclesiæ Gallicanæ libertates à Jacobo Leschasserio ad antiquissimum Canonum Ecclesiæ universæ Codicem redactæ. Quamobrem non solum antè excitatum hujusmodi Codicem, sed etiam ex eo editus est, aut revocatus in lucem. Dionysii Exigui collectionem ceu præcipuum illarum libertatum promptuarium multi posuerunt; quod & illos Canones, quos exhibet Codex Justelli, contineat (exceptis tribus ultimis Constantinopolitanis, & octo Ephesinis) & 50. Apostolicos, unum supra viginti Sardicenses, centum triginta octo Cartaginenses, seu Africanos insuper complectatur, Canonibusque adjunctæ sint Decretales octo summorum Pontificum, à Siricio scilicet usque ad Anastasium II. Sic sentit Carolus Fevretus lib. 1. de Abusu cap. 4. num. 20. „ Hi duo libri Canonum, inquit, Codex scilicet „ Canonicus Dionysii, & Codex Ecclesiæ Gallicanæ proprius tanta „ cum religione observati sunt, ut nec Clerus, nec tres Regni Ordines unquam ab eis deflexerint, alia omnia decreta, & alias omnes consti-

., constitutiones præter ibi insertas repudiantes, & subjectioni, ac
 ,, gravi, & perniciosæ servituti tribuentes quidquid huic juri commu-
 ,, ni, & Canonico adversaretur.

2. Verumtamen Christophorus Justellus collectione illa, seu versione à Dionysio facta putat Gallos non fuisse usos usque ad annum 805. *Gallicana etiam Ecclesia*, inquit in præfatione ad suum Codicem, *veteri jure Canonico usa est quatuor videlicet priorum Conciliorum æcumenicorum, & cæteris ab iis confirmatis, & ab universa Ecclesia receptis, non tamen ex Dionysiana interpretatione, sed ex altera vetustiore, illa scilicet, qua habetur in collectione, qua Isidori Mercatoris nomen præfert in editione Conciliorum Coloniensi.* Præmiserat autem, (loquens de collectione Dionysiana, cui ab alio Collectore addita fuerant Decreta Hilarii, Felicis, Simplicii, Hormisdæ, Symmachi, & Gregorii Junioris.) *Atque ipse est Codex Canonum qui ab Adriano I. Papa, Carolo Magno Regi oblati est anno 805. ad usum Ecclesiarum Occidentalium.* Quæ omnia postmodum sic adstruit; *sed & Synodi quedam Gallicana, ut Valentina, Regensis, Arelatensis Ill. Agathensis, & Epacoenensis citant Canones Nicænos, Ancyranos, & Laodicensis ex veteri translatione apud Gallos tunc recepta, qua apud Isidorum Mercatorem reperitur, qua semper liberius usi sunt; quod in Conciliis Gallicanis sub Ludovico Pio Imperatore, cæterisque subsequentibus observare licet.*

3. Justello ferè assentitur P. Jacobus Sirmondus in præfatione ad suam collectionem Conciliorum Galliæ. *Certum est*, inquit *illos (Gallos) præscam illam (translationem) libentiùs semper usurpasse, ejusque usum ad eadem usq. Caroli Magni tempora frequentasse: idq. declarat inter cætera Capitulare Aquisgranense Caroli ejusdem, quod totum Græcis antiqua versionis auctoritatibus referunt, præterquam in Canonibus Apostolicis, qui necessariò ex Dionysiana recitantur, quia alia tunc illorum versio nulla erat. Post hac verò sensim ab ea deflexere, Codicem Canonum Dionysiana collectionis per Hadrianum Papam Caroli Regi commendatum amplexi, & pro veteri illa Librorum Synodali forma, quam diximus, ad novam conversi Dionysii Exemplaribus Bibliothecas suas instruxerunt, ac Dionysii proinde versione, Decretalibusque ad Dionysii formam digestis perpetuo deinceps usi sunt.*

4. Palchasiùs Quæsnelius dissertatione 16. in opera Sancti Leonis

Leonis Magni validiùs contendit Codicem Canonum Dionysii Exigui ante Adriani Papæ I. & Caroli Magni Imperatoris tempora non fuisse receptum.

5. Illustrissimus verò Petrus de Marca lib. 3. de Concord. Sacerdot. & Imper. cap. 4. num 2. notat Gallos aliquando antiquiorem, sæpiùs Dionysianam interpretationem secutos, etiam antè Caroli Magni tempora. *Usus autem, inquit, collectionis Dionysianæ statim atque edita fuit, priore interpretatione præterea per Gallias invaluisse mihi facile persuadeo, tum QUIA APUD SEDEM APOSTOLICAM VIGEBAT; tum etiam quod nitore suo commendabatur præ squalore veteris interpretationis; etsi hanc omnino Galli non deseruerint.*

6. Fuisse illam collectionem citiùs ab Ecclesia Romana susceptam, & accuratiùs retentam testatur celeberrimus Cassiodorus Dionysio cœtaneus lib. de Divin. lect. cap. 23. his verbis: *Ex Grecis exemplaribus Canones Ecclesiasticos moribus suis (Dionysius) ut erat planus, atque disertus, magna eloquentia luce composuit, quos hodie usu celeberrimo Ecclesia Romana complectitur.* Non minoribus eam laudibus effert Eminentissimus Cardinalis Baronius ad annum 325. *Si fidelitas, inquit, atque peritia in transferendo, & si veritas in edendo quàm maxima requiratur, nulla exquiri potest editio exaltior, atq; fidelior quàm quæ elaborata est à magno illo, sed cognomento Exigua Dionysio: cuius eximiam in utraque lingua peritiam, & morum egregium probitatem Cassiodorus dignis laudibus mirifice prædicat.*

6. Si ergo collectio Dionysiana antè tempora Caroli Magni non fuit in usu apud Gallos, vel saltem usus ille non fuit perpetuus, & constans, non potuit etiam esse libertatum Gallicanarum fundamentum. Ac licet invaluerit ejus autoritas post tempora Caroli Magni, non tamen unicum istud, & indubitatum antiquæ disciplinæ promptuarium fuisse certissimis argumentis comprobatur.

C A P V T VII.

De Canonibus Apostolorum.

1. **I**N primis nascitur dubium circa collectionem Dionysianam, de Canonibus scilicet Apostolorum, de quibus sic Dionysius ipse monet in sua præfatione: *In principio itaque Canones,*
C 2
qui

qui dicuntur Apostolorum de Græco transtulimus, quibus quia plurimi non consensum præbère facilem, hoc ipsum vestram nolimus ignorare sanctitatem, quamvis postea quadam Constituta Pontificum ex ipsis Canonibus adsumpta esse videantur. Quo monito illorum Canonum auctoritas non parum imminuitur: Unde non mirum si Autores Galli circa illorum vim dissentiant.

2. Illustrissimus Petrus de Marca lib. 3. cap. 2. num. 4. non solum quinquaginta illos, quos Dionysius in sua collectione primos collocavit, sed & omnes alios ad numerum 85. admittit. *Ex iis autem, quæ diximus (hæc sunt ejus verba) non solum colligitur veritas, & auctoritas Canonum Apostolorum, sed etiam eorum numerus. Etenim 85. Canones recensent Græci in collectionibus suis juxta definitionem Synodi in Trullo, quo in capite illis rectè convenit cum libro Constitutionum Apostolicarum, ubi Canones illi eadem serie, eodemq; numero referuntur. Laudatam etiam vidimus Canonem 74. à Synodo Constantinopolitana sub Nestario, & 62. à Synodo Nicæna, & 76. à Concilio Antiocheno: Quin etiam Theodoretus in collectione sua eundem numerum 85. Canonum Apostolicorum servavit.*

3. Aliis fortasse viderentur omnes omnino repudiandi, eo quod Gelasius Primus eos in Concilio Romano anno 494. inter opuscula apocrypha, nullo excepto, rejecerit. De qua tamen censura dubitant alii. Deerat illa certè in Codice Hincmari, ut ex his ejus verbis opusculo 55. cap. 24. evidenter colligitur: *Beatus Gelasius in Catalogo, qui libri ab Ecclesia Catholica recipiantur, descripto, &c. de his Apostolorum Canonibus penitus tacuit, sed nec inter apocrypha eos misit. Erat ignota Dionysio Exiguo, qui in collectione sua non multò post Gelasium tempore, hoc est circa annum 527. Canones illos omnino prætermisisset, si eis in Concilio Romano hæc nota inusta fuisset; ab eis quoque citandis abstinuissent posteriores Pontifices, de quibus numero sequenti, nisi sortè, & Dionysius, & Pontifices censuram illam benignius interpretari putaverint Gelasium eos non improbasse: Sed incertum, & ab Apostolis diversum esse illorum Autorem monere voluisse, ideoque Dionysium dixisse tantum, illis plurimos non consensum præbuisse facilem.*

4. Mediam sequuntur alii, quibus quinquaginta primi tantum placent; quod eos pluribus Pontificibus probatos videant:

Ioanni

Ioanni II. qui anno 534. ut iustam ostenderet Contumeliosi Episcopi Regiensis depositionem, Canones Apostolicos 25. & 29. protulit: Zachariæ epistola ad Pipynum maiorem domus, Episcopos, & Proceres Francorum anno 747. Leoni IX. anno 1054. seu ejus Legato Humberto Sylvæ Candidæ Episcopo in confutatione epistolæ Nicæni Abbatis, ex qua sumptus est Canon *Clementis librum* dist. 16.

5. Sanè si constitisset, Apostolos, quorum nomine decorantur, veros fuisse illorum Conditores, & Collectorem S. Clementem, quod titulus, & conclusio supponunt, eandem obtinerent, quàm sacra Scripturæ Canonici libri auctoritatem, aut saltem illis ferè æqualem, nec eos Gelasius apocryphos declarasset. Galli etiam ad eos recipiendos, & in Codicem Canonum referendos promptiores sese præstitissent: cùm tamen ex Gregorio Turonensi lib. 5. histor. Francorum cap. 19. non obscurè colligatur in eo Regno sub finem sexti sæculi vix fuisse cognitos. Refert enim à Chilperico Rege cum Prætextati Episcopi Rothomagensis condemnationem urgeret anno 577. in novo, & distincto quaternione Prælati fuisse oblatos; *Ipse verò* (Chilpericus) *ad Metratum discessit, transmittens librum Canonum, in quo erat quaternio novus annexus habens Canones quasi Apostolicos.*

6. Quid quod eorum aliqui cum communi Ecclesiæ usu, & sensu non conveniunt? Nam Canon 65. pœnam depositionis, aut excommunicationis statuit in eum, qui sabbatho jejunaverit. Ultimus scripturis Canonicis veteris Testamenti, tertium quemdam Machabæorum librum annumerat; detrahit verò libos Judith, Tobia, Sapientiæ, & Ecclesiastici: A novo autem Testamento refecat Apocalypsim, & in quibusdam exemplatibus epistolam S. Judæ. Quî potuissent autem aut Apostoli, qui essent veræ scripturæ sacrae libri, ignorare; aut Concilia, præsertim Tridentinum, Apostolis contradicere, Canonicorum librorum Catalogum diversum texendo?

7. Quod quidem ad Apocalypsim attinet, non erat impossibile, quin illis Canonibus esset posterior, utpotè S. Joanne jam senè conscripta. Sed præterquam quod hæc ratio quoad alios libros valere non potest; S. Clemens scriptæ à B. Joanne Apocalypsi pluribus annis superstes fuit, quo tempore verosimilius est illum Constitutiones Apostolicas



& Canones istos, qui ultimum illarum caput constituunt, collecturum fuisse, nec Apocalypsim omisurum, cum suarum ipsius epistolarum, & constitutionum meminisse perhibeatur.

8. Quamquam autem Canones isti Apostolica non gaudeant autoritate, antiquitate tamen sua commendantur, plurimasque tradunt morum, & disciplinæ regulas Apostolicis temporibus non indignas, à Gallia ipsa, & ab Ecclesia universa receptas. Nec igitur admitti omnes posse videntur, sed eorum habendus delectus, ut scilicet illi solummodò ceu regulæ proponantur, & accipiantur, qui fuerint ab Ecclesia confirmati.

9. Ità suadet Hincmarus opusc. 55. capitum, 24. cap. *Quapropter in lectione illorum sequenda est cautela ab eodem S. Gelasio prenominata; Cum, hæc, inquit, ad Catholicorum manum advenerint, B. Pauli Apostoli precedat sententia, quæ dicit; OMNIA PROBATE, QUOD BONUM EST TENETE: quod tamen de istis Canonibus non est à Gelasio dictum.*

10. Verumtamen cum tamdiu nutaverit Canonum Apostolicorum autoritas, totaque illorum vis ab aliis Ecclesiæ decretis, vel ab usu profecta sit, necdum etiam aliqui recepti sint, constat libertates Ecclesiæ Gallicanæ illis tutò inniti non potuisse, nec etiamnum posse.

C A P V T V I I I.

De Canonibus, & Decretis à Dionysio Exiguo prætermisiss:

1. **N**on eo pervenit Dionysii diligentia, ut Concilia omnia, aut omnium Pontificum Decreta repererit. Quamobrem licet maximæ autoritatis sint; quæ profert, non tamen omni destituta robore, quæ ipse prætermisit, si aliorum fide dignorum testimonio nitantur: nec enim ut supra insinuvimus, Dionysii opus unicum est Ecclesiasticæ disciplinæ Promptuarium, in quo asserventur universæ leges Ecclesiasticæ; nec quando ab Eccle-
Eccle-
sia

Ecclesia Romana, vel Gallicana tanto cum applausu exceptum fuit, in illud omnis delata est vis Canonica; sed cum non nisi obscura, & ferè barbara haberetur interpretatio Græcorum Canonum, non potuit dilucida, & exacta Dionysii translatio, statim ut oblata est, non arridere.

2. Nec ita collectio Dionysiana specialiter ab Ecclesia confirmata fuit, ut Canones aliquam ex eo solo quod inibi reperiantur, vim sibi vindicent, quemadmodum Codex Legum civilium à Justiniano accepit auctoritatem, nam S. Gregorius Magnus plus quàm 60. annis post editam illam collectionem scripsit, Canones Concilii Constantinopolitani ab Ecclesia Romana non fuisse receptos, quos tamen collegerat, & Latinos fecerat Dionysius. *Romana Ecclesia*, inquit sanctus ille Pontifex lib. 6. epist. 31. *eosdem Canones, vel gesta Synodi illius habet, nec accipit.* Nec eos solos intelligebat, qui desiderabantur in collectione Dionysiana: quippe cum ageretur de dignitate, quam sibi arrogabat Episcopus Constantinopolitanus juxta Canonem præfati Concilii, quem vertit Dionysius. Major autem esset error, si quis, quod apud Dionysium non legeret, nihili faciendum existimaret.

3. Præcipuum Autoris illius consilium fuit, non in unum volumen colligere quæcumque vim Ecclesiasticæ legis haberent; sed Græca, quæ non omnibus intellectu facilia erant, in Latinum idioma transferre, quod antea nullus tam fideliter, & tam perspicue præstiterat, mentem hanc suam his in præfatione verbis aperuit. *Quamvis charissimus frater noster Laurentius assiduè & familiari cohortatione, parvitatem nostram Regulas Ecclesiasticas de Græco transferre pepulerit, confusione, credo prisca translationis offensus.* Addidit nihilominus Canones Sardicenses, & Africanos, sed præterquam quod Ephesinos omnes, quorum indubitata est fides, & auctoritas, & duos ultimos Constantinopolitanos, qui etiam, licet seriùs, in Occidente invaluerunt, è Græca in Latinam linguam non convertit; Latinos quamplurimos omisit, & eos quidem maximi ponderis, & momenti, quod etiam silentium tantum abest ut suadeat, eos omni utilitate, aut robore caruisse, ut etiam hinc fortè conicere liceret, eos usu communi ita notos extitisse, ut novâ publicatione non egerent. Ideò enim Sardicenses, & Africanos se exscripsisse profite-
tur,

tur, ne laterent Stephanum, cui opus suum dedicavit, *ne quid prater ea notitia credar velle subtrahere, statuta quoque Sardicenfis Concilii, atque Africani, quæ latinè sunt edita, suis à nobis numeris cernuntur esse distincta.*

4. Nùm enim in Gallia, in Hispania, immò in Italia, & Romæ nulla habita fuerant Concilia tempore Dionysii Exigui? Nulline illic conditi fuerant Canones? Nùm ecclesia Romana, & Gallicana libentiùs Græcis obsequiebantur, quàm suis, quasi specialibus Provinciarum necessitatibus providissent exteri sapientiùs, aut opportuniùs, quàm Pastores indiginæ, aut incolæ?

5. Cæterùm quamvis Dionysius in congregandis summorum Pontificum Decretis maximam operam posuerit, ut ad Julianum Presbyterum tituli S. Anastasii scribit his verbis præfationis; *Sancti tatis vestra piis excitatus studiis, quibus nihil prorsus eorum quæ ad Ecclesiasticam disciplinam pertinent, omitti inquirere; prateritorum Sedis Apostolica Presulum constituta, quæ valui curâ, diligentiaque collegi, & in quemdam redigens ordinem titulis distinxi compositis*, Certissimum tamen est plurimam ejus diligentiam effugisse, quorum etiam aliqua ipsius collectioni postmodum adjuncta sunt, antequam Carolo Magno ab Adriano Papa traderetur, ut perhibet Christophorus Justellus in præfat. ad veterem Codicem ecclesiæ universæ; *Cui postea, inquit, ab alio Collectore addita sunt Decreta sequentium Pontificum Hilarii, Felicis, Simplicii, Hormisdæ, Simmachii, & Gregorii junioris. Ex quibus tam Conciliorum Canonibus, quàm Pontificum Decretis tandem compositus est Codex Canonum Ecclesiæ Romana? Atque ipse est Codex Canonum, qui ab Adriano Papa Primo Carolo Magno Regi, Roma oblatas est anno 805. ad usum Ecclesiarum Occidentalium.* Porro quamvis Justellus Pontifices priores Anastasio II. posterioribus commisceat; certum tamen est Hilarium, Felicem, & Simplicium antiquiores fuisse Anastasio illo II. cujus Decreta ultima sunt in collectione Dionysii. Undè necessariò colligitur, Dionysium multa prætermisisse, quæ robore non carerent,

6. Referuntur item inter authentica Conciliorum acta, inter primorum Patrum, & fidelium Scriptorum opera, literæ gravissimæ, atque utilissimæ summorum Pontificum Siricio antiquiorum, de quarum veritate sine pertinacia, vel etiam

teme.

temeritate dubitari non possit, quibusque sua reverentia, & quidem maxima debetur.

Quæ igitur collectioni Dionysianæ inserta, vel assuta sunt, majori vi fortasse pollent propter usum, qui latius patuisse videtur; non tamen idcirco parvi facienda sunt alia, quorum veritas sufficientibus argumentis manifesta fuerit. Cujusmodi sunt v. g. epistola Julii Papæ Primi, ex Apologia 2. Athanasii, aliæque quamplures aliorum Pontificum ab antiquis Scriptoribus relatæ, vel etiam à Recentioribus è tenebris erutæ, qua in re laudabiliter hodie plures defudant. Non est ergo cur antiqua disciplina à Gallis observanda intra Dionysii Codicem concludatur.

C A P U T I X.

De Epistolis Decretalibus antiquiorum Pontificum.

1. **A** Cris fuit olim disceptatio inter Hincmarum Archiepiscopum Remensem, & ipsius nepotem Hincmarum Laudunensem Episcopum, quæ etiam ad alios Episcopos Galliarum, & ad Nicolaum Primum summum Pontificem attinuit, occasione Decretalium Epistolarum veterum Pontificum, quas Riculphus Episcopus Moguntinus ex Hispania in Gallias detulerat sub finem octavi, aut initio noni sæculi. Nulla certè fuisset contentio, si adhibita fuisset debita diligentia in exquirenda illarum veritate. Aut enim detecta fuisset illarum suppositio, aut dubia saltem fides evasisset, ut regularum loco liqueret non esse habendas.

2. Gallici scriptores ex Dionysii silentio, qui, ut diximus quâ valuerat curâ, & diligentia præteritorum Apostolicæ sedis Præsulum constituta collegerat, arguunt suppositas esse antiquas illas Decretales. Quamvis enim non ita potuerit omnia Dionysius assequi, ut adhuc indies non eruantur è tenebris certissima antiquioris temporis documenta, difficile est, ut eum Romæ scribentem tot, tantæque epistolæ effugerint. Quid causæ fuisset, ut tam præclara antiquitatis monumenta, tamque ob dignitatem, & sanctitatem Auctorum, nec

non ob materiæ præstantiam commendanda, per tot sæcula in tenebris jacuissent, hoc est à primis Ecclesiæ temporibus, quibus eam gubernarunt Pontifices, quorum nominibus insigniuntur, usque ad octavum, aut nonum sæculum, cum à Riculpho in Galliam inventa sunt ex Hispania sub nomine Isidori collecta.

3. Accedit, quod earum Epistolarum stylus parum cum eo convenit, quo communiter utebantur omnes illius ætatis Autores, quæ scriptæ dicuntur. Atque cum una, eademque sit illarum omnium textura, satis innotuit, non diversis temporibus, & sæculis, atque à tot diversis Pontificibus scriptas, sed simul ab eodem scriptore confectas. Quin etiam non defuerunt, qui, eisdem diligenter inspectis, singulas penè illarum partes ad veros Autores illis Pontificibus recentiores retulerint, ut factâ collatione vix dubitandi locus remaneat, eas ex illis scriptoribus extractas, & interpolatas fuisse. Leguntur enim v. g. in illis non sententiæ tantum, sed phrasæ etiam ipsæ Codicis Theodosiani tardiùs editi.

4. Deindè cum Sacræ Scripturæ loca, quæ in eis plurima, & proximissima sunt, referantur ex versione vulgata, quam vel composuit, vel saltem emendavit S. Hieronymus, Pontificibus illis, quorum esse dicuntur, junior, post ejus tempora fabricatas fuisse, non leve argumentum est. Cumque nihilominus S. Hieronymus illis Pontificibus vicinus extiterit, ac de illo S. Augustinus hoc protulerit encomium; *Hic omnes, vel penè omnes, qui ante illum ex utraque parte orbis de doctrina Ecclesiastica scripserunt, legit.* lib. 1, contra Julianum cap. 7. Nonne aliquod reperisset illarum Epistolarum vestigium inter tot volumina, quot illum evolvisse novimus? At si quod occurrisset, in texendo Catalogo Scriptorum Ecclesiasticorum, tot, tamque insignium Autorum certè non fuisset oblitus.

5. Denique qui proximè secuti sunt Pontifices, quorumque literæ indubitæ ad nos usque devenerunt, suas sententias tam venerabilium Prædecessorum autoritate confirmare non neglexissent.

6. His, aliisque argumentis non solum Gallici scriptores, sed etiam Romani ducti sunt, ut epistolis illis fidem denegarent. Eminentissimus Cardinalis Bellarminus suam his verbis sententiam in-

dicat,

dicat, de Romano Pontifice lib. 2. cap. 14. Indubitatas esse affirmare non audeam. Suam certius Cardinalis Baronius ad annum 865. num.

4. *Ex multis, inquit, eas reddi suspectas epistolas, quæ dictæ sunt 2. Annalium tomo, dum de singulis mentio facta est, satis est demonstratum.*

7. Sulpicari quidem videbatur Hincmarus Rhemenfis eas falsas esse : falsitatem tamen apertè affirmare non audebat ; sed aliis rationibus vim earum conabatur infringere : nempe quod in Canonum collectione desiderarentur ; quod Gelasius Primus suorum Prædecessorum literas *venerabiliter* tantum haberi voluisset; quod cum aliis epistolis summorum Pontificum cum Canonibus, cum usu, imò & inter se pugnant, & cæteris similibus.

8. Nicolaus I. etiam non nihil circa illarum veritatem hæsitare videbatur, ideoque non omnes indiscriminatim admittere volebat, sed tantum quæ veræ probarentur legitimis indiciiis, quod significasse videtur his verbis epist. 42. *quæ est ad universos Episcopos Galliarum ; Absit enim ut cujuscumque usque ad ultimum vite sue diem, qui in fide Catholica perseveravit, vel Decretalia constituta, vel de Ecclesiastica disciplina qualibet exposita debito cultu, & cum summa discretione non amplectamur opuscula, quæ duntaxat, & antiquitus S. Romana Ecclesia conservans, nobis quoque custodienda mandavit, & penes se in suis Archivis, & in vetustis ritè monumentis recondita veneratur.* Sed instabat vehementius adversus eam rationem Gallicanorum Antistitarum, quòd scilicet Decretales illæ cum non haberentur in Codice Canonum, robore carerent. Videbat enim eadem ratione multorum aliorum Decretorum ; & documentorum auctoritatem elusum iri. Respondebat itaque non omnia in Codicem Canonum fuisse congesta, quæ sequenda essent, alioquin, & sacræ Scripturæ libris auctoritatem defuturam.

9. Tandem si credimus Illustrissimo Petro de Marca lib. 3. cap. 6. num. 2. *eo devenit, ut tantis nominibus veterum Pontificum cesserint una cum reliquis Episcopis etiam Gallicanæ Ecclesiæ Rectores.* Equidem illorum Sententiæ aliquando expressis sæpius tacitis Autorum nominibus probatæ sunt in variis Conciliis Gallicanis, & in Regiis Capitularibus.

10. Quin etiam Hincmarus ipse Rhemenfis, qui eas quan-

do suis consiliis adversabantur, tam acriter impugnabat; quando favebant, sæpenuerò usurpavit. Non solum enim c. 15. opusc. 55. capitū, in quo quidem opusculo earum robur imminuere vehementer conatus est, earum autoritate usus est adversus Hincmarum Laudunensem Episcopum, & nepotem suum easacriter defendentem, sed etiam alibi passim. Ita v. g. in epistola ad Carolum Calvum, quæ est 29. in editione Jacobi Sirmondi, primam S. Urbani, unicam S. Lucii, secundam S. Stephani Papæ, & Martyris laudat.

11. Ivo Episcopus Carnotensis Canonice disciplinæ peritissimus eas suæ collectioni inseruit, quam præfatus Dominus de Marca ad Ecclesiæ Gallicanæ usum compactam affirmat lib. 3. cap. 6. n. 2.

12. Quæ quidem testimonia sufficerent ad stabilendam usquequaque illarum epistolarum autoritatem etiam in Galliis, nisi re diligentius expensa detecta fuisset illarum falsitas. Vix enim quispiam assentitur hodiè Turriano, Binio, & paucissimis aliis, qui postremis temporibus illarum patrocinium susceperunt.

13. Quamvis autem ferè certum apud Scriptores tum Gallicanos tum Romanos hodie sit, Epistolas illas Decretales supposititium esse, non germanum, antiquorum Pontificum factum; non eo tamen odio prosequendæ sunt, ut falsæ, vel suspecta omnis habeatur doctrina, in cujus confirmationem adducantur; tam enim communiter receptæ sunt non solum à summis Pontificibus, à quibus adoptatæ, ut ita dicam, videntur, sed etiam à Theologis, Juris Canonici peritis, à Conciliis, & à Regibus Galliæ, atque ab omni Scriptorum genere, ut ab Ecclesiâ ipsâ universâ probatæ videantur, atque adeò certum sit, nihil contineri (in illis saltem locis prædictarum Decretalium, quæ tam universè laudata sunt) quod fidei, aut bonis moribus non consentiat. Ab iis tamen de industria citandis abstinemus, etiamsi nobis maximè favere videantur, ne doctrinæ certæ dubiis probationibus fidem conciliare velle videamur; nec illarum quamvis in Gallia receptarum, ac diù in pretio habitatum autoritatem variis libertatum Gallicanarum capitibus, quibus adversantur opponemus.

CAPUT X.

De speciali Ecclesiæ Gallicanæ Codice

1. **E**cclésiæ Gallicanæ Antistites Canonicæ disciplinæ studiosi, non solum Ecclesiæ univ ersæ, sed & proprios Canones, vel in eodem, vel in diversis Codicibus collegisse mihi facile persuaserim, sed an fuerit determinatus aliquis Codex, in quo inessent omnes regulæ Canonicæ, quas sequi nemo non teneretur, & extra quem nulla esset, ad quam Galli adstringerentur, non ita compertum est.

2. *Habuit etiam Ecclesia Gallicana, inquit Christophorus Justellus in præfat. ad Codicem Canonum Ecclesiæ univ ersæ, præter Codicem univ ersalem quamdam suarum Synodum collectionem, Gallicanorum Canonum nomine receptam, quorum meminit Hormisdæ Papa, apud Gratianum his verbis; secundum titulos antiquorum Patrum sancto Spiritu suggerente conscriptos, & secundum sententias 318. Episcoporum (hoc est Nicænos Canones) quas etiam Gallicani Canones contineri videntur, Clerici in adulterio deprehensi, aut ipsi confessi, aut ab aliis convicti ad honorem redire non possunt.*

3. Affirmat item Carolus Fevret lib. 1. cap. 4. num. 19. ultra Codicem Canonicum (sic ille vocat collectionem Dionysii Exigui) Ecclesiam Gallicanam proprium suum Codicem habuisse, Gallicanorum Canonum nuncupatum; eumque approbatum fuisse ab Ecclesia Romana *Can. si quis Diaconus*, dist. 50.

4. Continebat autem Codex ille Canones in Gallia editos, sive à Conciliis Nationalibus, sive à Provincialibus, ut asserit Dominus de Marca lib. 6. cap. 21. num. 7. his verbis; *Eorum Canonum collectio fiebat, qui conditi erant ab univ ersa Ecclesia Gallicana, vel à quadam ejus portione sive in Regno Visigotorum, Burgundiorum, aut Francorum, sive etiam in Provincia Gallicana Regni Italia, in qua habiti fuere Synodi Arauscanæ, & aliæ quædam Provinciales: hique Canones recipiebantur ab Episcopis aliarum Provinciarum, consecrâ collectione sub nomine Gallicanorum Canonum.*

5. Jacobus Sirmondus in præfatione ad Concilia Galliarum pro-

bat ex varietate collectionum nullam fuisse authenticam, & approbatam: *Intanta*, inquit, *Synodaliū voluminum copia, quibus abundat Gallia, vix nullum reperire sit, in quo eadem; quæ in cæteris, nullum in quo Synodi Gallicana veteres uniuersa contineantur, ut facilius inde coniectura sit, nullam olim certam, et receptam Synodorum nostrarum collectionem, nullum Gallicanorum Canonum corpus fuisse. Idem paulò inferiùs repetit.*

6. Agobardus, qui vivebat paulò antè medium noni sæculi lib. de dispensat. Eccles. & epist. ad Imperatores de duello, antiquos Romanos asserit veneratos Canones Gallicanos; Neotericos autem eos non commendasse; *huc accedit, inquit, aliud de Canonibus, scilicet Gallicanis, qui quasi superflui, aut inutiles, à quibusdam respuuntur, eo quod Neoterici Romani eos non commendauerint, cum antiqui religiosè eos venerati sint. Cæterum Codicis alicujus, vel collectionis non meminit.*

7. Verba etiam Can. *si quis Diaconus* quæ refert Justellus, & citat Fevretus Codicis alicujus mentionem non faciunt, sed tantum Canonum Gallicanorum, nec aliud significant, nisi Canones Concilii Nicæni, cui 318. Episcopi interfuerant, ab Episcopis Gallicanis receptos fuisse in deponendis Clericis in adulterio deprehensis, non autem approbatum fuisse aliquem Codicem, vel ullam Canonum collectionem. Jacobus Sirmondus, & Philippus Labbeus Canonem illum aliter referunt, his scilicet verbis. *Manifestissimè constat, quia secundum quod & tituli antiquorum Patrum à S. Joanne transmissi, & 318. Episcoporum sententia sed & CANONES GALLICANI continere videntur, Clerici in adulterio deprehensi, &c.* Quæ verba animadvertit Sirmondus non ab aliquo Pontifice, sed à S. Cæsario Arelatenſi Archiepiscopo prolata esse, occasione contumeliosi Episcopi Regienſis, quem Pontifex ille deponendum decreverat. Sanè Hormisdæ, cum antè ejus tempora nullus extiterit Papa nomine Joannes, falsò à Gratiano adscribuntur. Licet autem hæc verba: *Canones Gallicani* Codicem aliquem, seu collectionem indicarent, non contingerent tamen aliquam Ecclesiæ Romanæ approbationem.

8. Porro fuerit necne Codex aliquis, seu Collectio Canonum Gallicanorum, & an fuerit approbatus ab Ecclesia Romana, scire parum

parum iuverat, cum amplius non extet, & quibus Canonibus constiterit, ignoremus, ut fatetur Paschalius Quésnel dissert. 16. cap. 15. Itaque non à Codice aliquo ab Ecclesia Romana approbato vim habent Canones Gallicani, sed à Conciliis in quibus conditi sunt, abusu, & utilitate, & si quæ sunt aliæ rationes.

9. Quæ autem, quantaque sit illa vis rectè determinant Autores Galli, dum illos quidem Canones, seu regulas habent eò sibi religiosius observandas, quòd, & à Sanctissimis Pastoribus, ac in Christo parentibus, sibi propositæ sint, & specialiter illius Regni moribus, & negotiis accommodatæ, & tamen Canonibus Ecclesiæ Romanæ possunt. Ità cum Agobardus antiquos Romanos Canones Gallicanos in veneratione fuisse præmisisset, & causam subjunxisset: QVONIAM VENERANDI, ET SANCTI VIRI EOS EDIDERUNT, QVORVM VITAM ET SANCTITATEM CREBRA MIRACULA COMMENDAVNT. Addit paulò inferius; *Neque hoc idcirco dicitur, ut passim omnium Episcoporum Conventuum sanctiones aequali auctoritate recipienda credantur, ut Nisani, Calcedonensis, & cæterorum Generalium ex totius mundi consensu congregatorum, & receptorum, sed quia congrua veneratione pro causis necessariis, quarum definitiones in illis generalibus non inveniuntur, fides sit eis adhibenda religioni debitæ, & melius sit unicuique, EORVM SEQUI AVTORITATEM, QVAM PROPRIVM SENSVM.* Agobardus ad Ludovicum Imperatorem de impietate duelli. Idem in opusc. de dispensatione, ministerio, & ordine totius rei Ecclesiasticæ.

10. Idem proficitur Dominus de Marca loco citato, his verbis; *Quoniam vero ut docuit Augustinus Concilia Provinciarum plenariorum Conciliorum auctoritati, quæ sunt ex universo orbe Christiano, sine ullis ambagibus cedunt, Canones Gallicani in iis causis obtinent, quæ Canonibus antiquis definita non sunt.*

11. Hanc esse mentem totius Ecclesiæ Gallicanæ testis est Fevretus loco etiam supra cit. num. 20. „Ecclesia Gallicana, inquit Codici „suo speciali Gallicanorum Canonum non tantam tribuebat auctoritatem, quantam Canonibus Codice Ecclesiæ Romanæ contentis.

12. Venerandi sunt igitur antiqui Ecclesiæ Gallicanæ Canones. Primò propter Antiquitatem, à quibus editi sunt, merita-

2. Quia illuc recurrere necesse est, cùm Ecclesia Romana, vel universalis regulas non subministrat, quibus specialia negotia definiri queant. 3. Ut eadem sit ejusdem Regni Canonica disciplina, sicut eadem sunt leges civiles. Non sunt tamen universalium Conciliorum, aut summorum Pontificum Decretis anteponendi, vel etiam extendendi; Multò minùs prætextu libertatis opponendi.

C A P U T X I.

De Capitularibus Regum Franciæ.

1. **I**N earum rerum omnium & Ecclesiasticarum, & Civilium perturbationem, & confusionem inciderat Gallia sub finem septimi sæculi, ac principio octavi, ut Religio omnis obliteranda videretur, nisi Clodovei posteritati, à radice degeneri substituta Caroli Martelli familia, Ecclesiæ in eo regno ferè collapsæ succurrisset, quod tùm ex aliis monumentis addiscimus, tùm ex Epistola S. Bonifacii ad Zachariam Papam, cujus secundus articulus sic habet: *Notum similiter sit Paternitati vestræ quod Carlomannus Dux Francorum me accersitum ad se rogavit in parte Regni Francorum, quæ in sua est potestate, Synodum incipere congregare, & promisit se de Ecclesiastica Religione, quæ jam longo tempore, id est non minus quam per 60. aut 70. annos, calcata, aut dissipata fuit aliquid corrigere, & emendare velle. Quapropter si hoc, Deo inspirante, veraciter adimplere voluerit, consilium, & PRÆCEPTVM SANCTÆ VESTRÆ AVTORITATIS, ID EST APOSTOLICÆ SEDIS HABERE ET SAPERE DEBEO.* Franci enim, ut seniores dicunt, plusquam per tempus 80. annorum Synodum non fecerunt, nec Archiepiscopum habuerunt, nec Ecclesia Canonica iura fundabant, vel renovabant. Modo autem maxima ex parte per Civitates, Episcopales sedes traditæ sunt laicis cupidis ad possidendum, vel adulteratis Clericis scortatoribus, & Publicanis seculariter ad perfruendum. Nam si per verbum vestrum hoc negotium Duce rogante supradicto, movere, & incipere debeo, PRÆCEPTVM ET IUDICIUM APOSTOLICÆ SEDIS cum Canonibus Ecclesiasticis præsto habere cupio. Consensit libentissimè Zacharias tam iustæ Carlomanni petitioni, ut illius Pontificis literæ responsoriæ declarant,

2. Eodem zelo accensus est Pippinus Carlomanni frater, Martelliſque filius, ejuſque pietate, cura, & ope congregata ſunt plurima Concilia, edita ſunt plurima Decreta: conſultus eſt ſummus Pontifex; ejuſ implorata eſt autoritas, ac ſenſum demum reſtituti ſunt Chriſtiani mores, & Eccleſiaſtica diſciplina.

3. Illuſtrior in hoc genere ſicut & in cæteris fuit Carolus Magnus, cujuſ zelus, pietas, & magnificentia immortalem illi gloriam pepererunt. Nam incredibili cum ardore in renovanda diſciplina Canonica deſudavit, quemadmodum à Papa Adriano I. rogatus fuerat, à quo etiam Codicem acceperat Dionyſii Exigui, ut Canonum, & Decretorum in eo contentorum uſum revocandum curaret.

4. Carolum Magnum ſecuti ſunt ejus Succeſſores, qui etiam congregatiſ Regni Præſulibus, iſſque aſſentientibus, & conſentientibus, multa ordinarunt circa politiam Eccleſiaſticam.

5. Æquum igitur eſſet, ut quæ ab illis Principibus conſtituta ſunt de Prælatorum ſententia, & plerumque cum aſſenſu Romani Pontificis ad confirmandam, vel ad reparandam diſciplinam Canonicam plurimum valerent, ac in iis obſervandis partem libertatiſ ſuæ Eccleſia collocaret Gallicana.

6. Equidem viguiſſe olim leges illaſ in Gallia docent antiqua monumenta, & moderni ſcriptores. Autor libelli Gallicè conſcripti eum titulo: *L'Abbe Commendataire* cap. 11. collectionem Capitularium Regum Francorum vocat primum Codicem Francicum; *le premier Code Francois*. Stephanus Baluzius in præfat. ad collectionem eorundem Capitularium, quam ipſe ampliorem, & accuratiuſ digeſtam edidit, magnò in pretio fuiſſe olim habitam illam, quam compoſuerat Angeſiſus Abbas, probat num. 41. & 42. *Tanquam*, inquit, dicto num. 42. *publicum legum Francicarum Codicem Regia auctoritate, & uſu publico receptum*.

7. Veruntamen tot ſunt ex illiſ Capitularibuſ articuli, & quidam maximi momenti modernæ Francorum praxi contrarii; ut Codex ille nequaquam fundamentum libertatum Gallicanarum dici queat. Norunt qui Regni illiuſ modernos uſuſ perſpectoſ habent

bent, ac cum antiquis illis legibus contulerunt, quantum inter se distent.

8. Posset etiam fortassis colligi ex diuturno neglectu accuratæ illorum Capitularium editionis, quem innuit Stephanus Baluzius in editionis suæ præfatione à num. 49. illa dudum non tanti fuisse in Gallia habita. Nec legimus Gallos, vel eo tempore, quo suas libertates acrius, ac frequentius allegare cœperunt ea Capitularia protulisse; neque audivimus apud illos praxim earum legum, saltem plusquam alibi, jam pridem viguisse.

C A P U T XII.

Mancam esse definitionem Libertatum Ecclesiæ Gallicanæ, nec definita convenire.

1. **C**onstat ex supradictis obscuram fore libertatum Ecclesiæ Gallicanæ definitionem, si antiqui Canones, quibus illæ definiuntur, certo Codice speciali conclusi supponantur, quippe cum assignari vix possit: sed dicet quis, Canones illos è propriis fontibus hauriri, puta Nicænos à Concilio Nicæno, Constantinopolitanos à Concilio Constantinopolitano, & sic de reliquis. Verum difficultas re currit, quousque se extendat, illa antiquitas, quæ libertatibus vindicatur, & de omnibus Canonibus intelligatur?

2. Quovis autem modo accipiatur hæc definitio, manca est, præcipuaque sui parte caret, nempe differentiâ. Nam aliz Ecclesiæ hanc sibi laudem præscripi, solique Gallicanæ concedi non permittent, ut exactam veteris disciplinæ custodiam sibi soli vindicet, quasi reliquæ Canones antiquos minus colerent.

3. Nec aliunde quàm à Gallicanis ipsis scriptoribus conquirenda sunt testimonia, quibus probemus reliquis etiam Ecclesiæ partibus antiquissimam esse Canonicæ disciplinæ custodiam. Quo circa sufficit legere præfationem Christophori Justelli ad veterem Codicem Canonû Ecclesiæ universæ, ubi præcipuas percurrit Ecclesias, easque illius disciplinæ studiosissimas fuisse demonstrat: inter alias de Hispania hæc habet: *Ac de Hispaniis quidem dubitari non potest illos prætorum*

Canones.

Canonum, Codice Ecclesia universa comprehensorum, jure ab initi o
 usos fuisse, quorum adeo studiosi, & amatores fuere, ut quum Synodis
 subscriberent, hac formula uterentur, salvâ autoritate priscorum Ca-
 nonum, ut in inscriptionibus Concilii Toletani 2. observare licet. Et
 Bracharense Concilium anno 563. celebratum, nominatim Codicis Ca-
 nonum meminit his verbis: Lucretius Episcopus dixit; Necessarium
 arbitror, si vestra fraternitati videtur, ut instituta Sanctorum Pa-
 trum, recensitis antiquis Canonibus, innotescant: Quae etsi non om-
 nia, cerè velpaucasquædam, quæ ad instructionem Clericalis discipli-
 nae pertinent relegantur. Omnes Episcopi dixerunt, placet, quod di-
 ctum est & congrua res est, ut quibus fortasse per incuriam abolita sunt
 Ecclesiastica constituta, audiant Sanctorum Canonum regulam, & ob-
 servent. Relecti sunt ex Codice Canonum coram Concilio tam Syno-
 dorum generalium Canones, quàm localium Et postea can. 40. placuit,
 ut PRÆCEPTA ANTIQVORVM CANONVM, quæ modo in Concilio
 recitata sunt, NVLLVS AVDEAT PRÆTERIRE. Codicis etiam Cano-
 num meminit Concilium Toletanum 4. anno 633. celebratum Can. 2. 3.
 & 4. Diaconus Codicem Canonum in medio proferens Capitula de
 Concilio agendis pronunciat.

4. Hanc autem antiquorum Canonum observantiam Hispanis olim
 maximè cordi fuisse notavit idem Justellus in præfatione ad Codicem
 Canonum Ecclesiæ Africanæ his verbis; *Hispani etiam Episcopi*
quum suis Synodis subscriberent hac formulâ utebantur, salvâ autori-
tate priscorum Canonum.

5. Romanæ Ecclesiæ, quæ cæterarum omnium caput, & mater
 est, tanta fuit olim in observandis priscis Canonibus religio, ut ex ver-
 bis, quibus illam antiqui Pontifices significarunt Joannes Launois
 Doctor Parisiensis inferat, Papam esse Concilio inferiorem; quan-
 tamen consequentiam legitimam non esse ostendemus lib. 5.

6. Respondebunt Galli: olim quidem rem ita se habuisse, modò verò
 e contra; atque hinc ortas Gallicanas libertates Galliâ disciplinam an-
 tiquam retinente, Româ verò evertente. Verùm an non etiam hodiè
 summi Pontifices Prædecessorum suorum erga sacra Concilia venera-
 tionem diligentius imitentur, quàm Galli suorum, in decursu patebit.

7. Modernam Ecclesiæ Gallicanæ praxim cum aliarum Provincia-
 rum Catholicarum praxi circa singulos Canones, ut decreveram,

non componam ; tùm quia proluxa nimis res esset , tùm ne quis privato aliquo affectu ductum me in aliquam partem inclinasse arbitretur ; qua in re à vero longissimè aberraret . Sed tantùm hic adverto , Joannem Doujar Advocatum , atque Antecessorem Parisiensem , & Regium Sacrorum Canonum Professore , in Juris Pontificii historiz synopsis , quæ Arnoldi Corvini aphorismis aliquandò præfigitur , de collectionibus Gratiani Decreto antiquioribus , sic pronuntiare ; *atque hucusque pertinet jus Canonicum obsoletum* .

8. At revera definitio , quod vitium est omnium maximum , rei definitæ non convenit , ut advertenti cuilibet patebit . Ego quidem , tùm libertatum Ecclesiæ Gallicanæ nomine fidelem antiquæ disciplinæ custodiam significari audirem , videremque rem tantopore laudandam à tam multis vitio verti , operæ pretium esse duxi antiquorum Conciliorum Decreta , & indubitatas veterum Pontificum Decretales perferuntari , ut intelligerem , quinam essent antiqui Canones , quibus observandis constarent illæ libertates . Verùm iis in varias classes distributis , comperi quosdam ad Galliam nullatenus pertinere , quippe qui pro certis aliis Ecclesiis , vel Provinciis , pro certis temporibus , personis , aut negotiis specialibus conditi fuerint : Alios certa disciplinæ capita constituisse , quæ neque in Gallia , neque alibi uspiam observantur ; alios alibi , perindè atque in Gallia , vigere ; alios denique ità non valere in Gallia , ut si quis fortè in usum eos revocare conaretur , à Curiiis sæcularibus , vel etiam à Prælatiis Ecclesiasticis impediretur , ita ut vel nulli , vel saltem paucissimi supersint , quorum fideliori custodiâ possit Francia gloriari .

9. Si quis illa duo volumina percurrat ; de quibus in 2. capite facta est mentio , & in quorum altero tractatus omnes de hac materia editos , sub titulo : *Traite des Droits, & Libertez de l'Eglise Gallicane* 1639. colligere Auctor studuit , in altero probationes referret rerum in primo contentarum , sub titulo *Prenves des Libertez de l'Eglise Gallicane* 1639. animadvertet in primo quidem volumine ferè nunquam probari quæ dicuntur ; In 2. probationes plerumque Decreta esse Regum Christianissimorum , Curiarum Regiarum placita , Universitatis , aut Comitiorum Regni Acta , tempore schismatis inter plures Pontifices , aut dissidiorum inter summos Pontifices , &

Reges

Reges Gallia emissa; in neutro Canones allegari, nisi rarissimè, vel ad confirmanda generalia quædam, quæ ad dirimendas controversias modò non pertineant. Quomodò ergò libertates illæ definiri possunt antiquorum Canonum exacta custodia? Scio equidem, idque jam in cap. 1. notavi, duo hæc volumina Clero Gallicano cùm recens fuissent edita, displicuisse. Sed nonne doctrina in illis contenta quotidiana praxi confirmatur? Nonne propter illa commendatur Autor, quem Petrum Puteanum, seu Pierre du Puy Consiliarium Regium, & Bibliothecæ Regiæ Præfectum fuisse publica erat fama, & mox veritas prodidit. Vide Jacobum Moxeri Lugdunensem Doctorem Theologum in suo Dictionario Historico anno 1681. edito.

C A P U T XIII.

Ostenditur ex alio capite mancā esse Libertatum Ecclesiæ Gallicanæ definitionem.

1. **D**Um Libertates Ecclesiæ Gallicanæ ita definiuntur, ut solius antiqui juris tuendi fiat mentio, novis Canonibus, novisque Decretis, quorum tamen sæpè maxima est necessitas, aditus omnis præcludi videtur. An ergo si nova necessitas novum requirat remedium, præstabit Religioni, aut Ecclesiæ perniciem afferri, quàm antiquos mores tantillum immutari? Hoc adeò iniquum esset, ut Gallis in mentem venisse suspicari nefas sit. Illustrissimus Petrus de Marca licet libertates Ecclesiæ Gallicanæ ita definiat lib. 3. c. 1. §. 7. *Ubi sunt nempe usus antiqui juris communis, eam definitionem aut emendavit, aut explicavit capite sequenti n. 1. in hunc modum; Libertatem Ecclesiæ Gallicanæ, Canonum & juris communis executione contineri diximus. Sed jus illud commune variè sumi potest: Aliud enim est jus commune antiquissimum, quod antiquos Canones, & Decreta Pontificum amplectitur, aliud jus commune, quod illis Canonibus, & præterea Decretalibus recentioribus Pontificum constat, prout apud nos usque recepto temperata sunt.* Hoc ultimo

IURE LIBERTATEM ECCLESIAE GALLICANAE CONTINERI CONTENDIMUS, NON AUTEM PRIMO. Capite autem 6. num. 5. *Libertatem*, inquit, *in reſto antiquis, & novi juris uſu conſtituimus, neceſſariaſque noſtro ſaeculo Decretalium definitiones, qua novi negotiis proſpexerunt NON ABSQUE MANIFESTA RATIONE exiſtimamus.*

2. Leſchaffierius quidem in contrariam ſententiam deflexiſſe videtur; ſed idem D. Petrus de Marca illi diſertis verbis repugnat; *Longiſſime*, inquit, *recedimus à Leſchaffierio, qui aſſerit Curiaſ ſupremis Gallia conceditam non ſolum libertatis Eccleſiaſtica preſentis iuritionem ſed vera illius germana & Canonica, qua Apoſtolico, & primitivo jure Canonico nititur. Adeo ut Magiſtratus incumbat Decretis ſuis diſciplinam illam antiquam paulatim reſtituere, CVM PER TEMPORVM INIURIAM ID FIERI NON POSSIT APERTE CONSTITUTIONIBVS REGIS.*

3. Cæteriùm ſuam, totius etiam Eccleſiæ Gallicanæ ſententiam eſſe probat, ac fuiſſe illis etiam temporibus, cùm ferverent magis diſceputationes, in quibus libertates Eccleſiæ Gallicanæ altius perſonaabant, ut jam ſupra vidimus. Sic enim proſequitur cap. 6. *Non alia mens eſt aut B. Ludovici, aut Caroli IV. & totius Eccleſiæ Gallicanæ, cùm libertatem Eccleſiæ in jure communi verſari contendunt; ANTIQVOS enim CANONES, & IVS COMMVNE intelligebant, quod Gratiani Decreto, & Decretaliſ ſui erat comprehenſum; idque ratione probat, & autoritate in hunc modum. Id manifeſte probatur non ſolum ex eo quod vetus Codex Canonum illis eſſet incognitus, ſed etiam à Concilio Conſtantiænſi; Etenim Sèſſione 19. cùm de fidei profeſſione à Papa edenda caveret, NON SOLVM OCTO CONCILIA OECVMENICA ab illo conſervanda decernit; SED ETIAM LATERANENſE, LVGDVNENſE, ET VIENNENſE. Quare ſaeculo Caroli VI. Conciliorum generalium nomine Eccleſia Gallicana non ſolum vetera, ſed etiam recentiora illa intelligebat.*

4. Quin etiam Decretales omnes ferè, pauciſſimis exceptis in Gallia locum habere teſtatur. *Enim verò* inquit, *in Gallia quod ad diſciplinam attinet. Decretalium conſtitutis locum damus, cùm bona Pontificum venia, qua noſtris rebus, & utilitati publica accommodata ſunt, id eſt omnibus ferè pauciſſimis exceptis. Operæ pretium eſſet, ut aſſignarentur pauciſſimæ illæ conſtitutiones, quia ſi in minimo nume-*

10 sunt, facilius indulgere possent summi Pontifices, ut ab illarum executione Galli abstinere: Nec paucissimarum illarum prætextu aliæ respuerentur; Itaque vel non orirentur, vel nullo negotio componerentur plurimæ contentiones, ob quas Christianissima illa gens apud cæteras malè audit.

5. Igitur libertates Ecclesiæ Gallicanæ in sola juris antiqui observatione malè reponunt communiter Autores Gallicani, siquidem tanta est illorum dissensio in assignando illo jure antiquo, seu Codice, in quo continebatur, ac præterea paucissimi ex antiquis Canonibus magis in Gallia, quàm alibi vigent; Multi etiam minus, quàm alibi; Nonnulli ejusmodi sunt, ut si quis eos in usum revocare tentaret, ab ipsis libertatum vindictibus cohiberetur. Plurimi nullibi observantur, ut eos percurrenti ad oculum patet.

6. Sanè si quis attentius consideret, quæ hodiè geruntur in Gallia prætextu libertatum Ecclesiæ Gallicanæ, quæque de illis scribuntur, eas non ineptè defini posse arbitratui: OPPRESSIONEM JURISDICTIONIS ECCLESIASTICÆ A LAICA, ET DEPRESSIONEM AUTORITATIS ROMANI PONTIFICIS A CLERO GALLICANO. Verùm quia iniquum esset, injurias illas toti Clero, & Populo Christianissimi, ac florentissimi illius Regni adscribere, aut quid in certis casibus agatur, dumtaxat attendere, tradenda esset libertatum illarum definitio, minus odiosa, & tamen à communiori scriptorum Gallicanorum doctrina; & frequentiore usu illius Regni minus remota, quàm quæ sola Canonum antiquorum observatione continetur.

7. Vocarentur igitur non incongruè *Libertates Ecclesiæ Gallicanæ*; ARBITRIUM EX ANTIQVIS ECCLESIAE DECRETIS RETINENDI, ET EX NOVIS ADMITTENDI EA TANTVM QUÆ VIDENTVR VTILIA. Quandoquidem illic, & antiqua quamplurima fuerunt abrogata, & nova omnia, si non acceptentur vi carere dicuntur.

CAPUT XIV.

*De origine libertatum Ecclesiæ Gallicanæ , & primò,
Vtrum in Concilio primo Tuxonico, vel in Franco-
fordiensi usurpata fuerint?*

1. **Q**ui libertates Ecclesiæ Gallicanæ in accurata , & constanti juris antiqui executione confirmant , eas Canonibus ipsis coævās asserunt. Verùm quia certissimum est alias etiam Nationes executas esse Canones , saltem aliquamdiù , liberet scire , quo potissimum tempore impetitam veterem disciplinam viriliter defendere , aut eversam restaurare vehementius enixi fuerint , pel potius , ut probabiliore earum definitioni insistamus , quando retinendorum , vel rejiciendorum , aut moderandorum Ecclesiæ Decretorum arbitrium sibi assumpserint Galli.

2. Quo in examine , aliò remissis pluribus controversiis olim circa Canonum , & Decretalium executionem exortis , nonnullis etiam prætermisissis , eò quod personæ illas moventes non ejus fuerint sanctitatis , aut dignitatis , & æquitatis , ut ex illarum exemplo solo ratum certum aliquid statui debeat , iis tantum nunc immorabimur , quæ , ob personarum , atque aliarum circumstantiarum meritum , contemni non possunt , nec alibi commodius tractari. Ex quibus præcipua videntur quorundam Conciliorum Decreta , & sancti Ludovici Pragmatica Sanctio.

3. Libertatis , seu nova summi Pontificis , aut etiam Ecclesiæ universæ Decreta examinandi , admittendi , rejiciendi , temperandi facultatis , praxim antiquissimam esse contendit Illustrissimus D. de Marca lib. 2. cap. 17. num. 1. Ejus primum exemplum refert ad Concilium Turo-nense primum , quod putat decretis Siricii , & Innocentii I. temperamentum aliquod adhibuisse circa penam Clericorum , qui post ordinationem ab usu matrimonii non abstinuissent ; sublatâ nimirum ex-communicatione à summis Pontificibus contra incontinentiam il-lam indictâ.

4. Verùm quod Concilium Turonicum à Patribus constitutum dicitur, ad Siricium, & Innocentium perperam refertur. Innocentius enim excommunicationis illius nullibi mentionem facit, licet de Clericorum incontinentia in tribus epistolis loquatur, scilicet in 2. quæ est ad Victricium Episcopum Rothomagensem, in 3. quæ est ad sanctum Exuperium Episcopum Tholosanum, & in 5. quæ est ad Maximum, & Severum Episcopos per Brutios. Siricius item in ea epistola, quam ad Himerium Episcopum Tarraconensem scribit, & in qua punctum illud tractat, excommunicationis non meminit. Verum quidem est summum illum Pontificem in epistola 4. quæ est ad Episcopos per Africam, propositis variis Decretis hæc verba subungere: *Si quis sanè inflatus mente carnis suæ ab hac Canonis ratione voluerit evagari, sciat se a nostra communione seclusum*, Sed primò si Concilium Turonense id quod Siricius his verbis expresserat, à nostra communione seclusum, abrogare intendisset, non istà loquendi formulâ usus fuisset, à communione Dominica abstinere, quæ paulò diversam videtur habere sententiam. 2. Siricius à communione sua non secludit nisi eos, qui in violandis regulis à se præscriptis futuri essent postmodum contumaces: *Si quis sanè inflatus mente carnis suæ ab hac Canonis ratione voluerit evagari, &c.* Patres autem Concilii Turonici de iis sermonem faciunt, qui jam cecidisse convicti fuissent: *Ut quicumque Sacerdos, vel Levita filiorum procreationi operam dare fuisset convictus, à communione Dominica abstinere.*

5. Denique tantum abest ut Concilium Turonicum à Siricii, & Innocentii mente recesserit, ut, ad eam fidelius sequendam, excommunicationis pœnam contra Clericos incontinentes sustulisse videatur, & promotionem tantum ad altiores Ordines, vel exercitium jam susceptorum prohibuisse. Quantum Canon Turonicus cum Siricii Decreto consentiat, ex illorum inter se collatione unicuique licet agnoscere; Iste est Canon 2. Concilii primi Turonensis: *Et licet à Patribus nostris emissæ auctoritate id fuerit constitutum, ut quicumque Sacerdos, vel Levita filiorum procreationi operam dare convictus fuisset, à communione Dominica abstinere*. Nos tamen huic dictioni moderationem adhibentes, & iustam constitutionem molientes, id decrevimus, ut Sacerdos vel Levita conjugali concupis-

centia inharens, vel à filiorum procreatione non desinens ad altiorem gradum non ascendat, neque sacrificium Deo offerre, vel plebi ministrare presumat, sufficiat his tantum ut à communione non efficiantur alieni, &c. Decretum autem septimum Siricii sic habet; *Et quia aliquanti de quibus loquimur (ut tua Sanctitas retulit) ignoracione lapsos esse se desunt. His hac conditione misericordiam discimus non negandam, ut sine ullo honoris augmento, in hoc, quo detecti sunt, quamdiu vixerint, officio perseverent, si tamen post hæc continentur se studuerint exhibere. Hi vero, qui illiciti privilegii excusacione nituntur, & sibi asserunt veteri hoc lege concessum, noverint se ab omni Ecclesiastico honore, quo indigne usi sunt, Apostolica Sedis auctoritate dejectos, nec unquam posse veneranda attrectare mysteria à quibus se ipsi, dum obscenis cupiditatibus inbiant, privaverunt. Innocentii Decretum isti omnino simile est.*

6. Sed qui sunt igitur Patres illi, quos innuit Concilium Turonense? Fortasse Patres Concilii II. Arelatenfis, qui tertium hunc Canonem considerunt: *Si quis Clericus à gradu Diaconatus in solatio suo mulierem præter aviam, matrem, sororem, filiam, neptem, vel conversam secum uxorem habere presumpserit à Communione alienus habeatur. Par quoque & mulierem, si se separare noluerit, pœna percellat.* Illis enim verbis *conversam uxorem*, intellige propriam uxorem, quâ cum non habeatur amplius carnale commercium, notat Jacobus Sirmondus circa tertium ejusdem Concilii Canonem: *converti dicebantur*, inquit *conjuges, cum ex mutuo consensu separabantur, & promittebant castitatem, hoc ubi fecerant, conversi, & conversa appellabantur, ut conversa uxor Canone sequenti.* Non ergo summorum Pontificum se superiorum, sed Concilii alterius Decreta temperavit Synodus Turonensis.

7. Secundum exemplum, quod prædictus D. Petrus de Marca profert novarum Ecclesiæ legum discutiendarum, sumptum est à Concilio Francofordiensi anno 754. cui Carolus Magnus Rex, & Adrianus Primi Papæ Legati interfuerunt, à quo rejecta fuit secunda Synodus Nicæna. Sed primò Bellarminus, & alii quamplures arbitrantur, non Synodi Canones veros sed spurios, & ab Iconoclastis confictos, ad Gallos fuisse transmissos, & Francoforti reprobatos, idque ex Concilii ipsiusmet verbis Can. 2. non obscure conjici. Patres enim Francofordienses Nicænis, quos Constantinopolitanos appel-

appellant (ut videas illos etiam loci, ubi habitum fuerat Conciliū non esse confcios,) sententiam tribuunt ab illorum expressa protestatione, & à fide Catholica nimis alienam, scilicet cultum in iuræ factis imaginibus absolutè exhibendum, quod perspicuis verbis Patres Nicani negant Actiōe 7. in Decreto fidei. En verba Canonis 2. Francofordiensis. *Allata est enim in medium questio de nova Græcorum Synodo, quam de adorandis imaginibus Constantinopoli fecerunt, in qua scriptum habebatur, ut qui imaginibus Sanctorum, ita ut Deificæ Trinitatis servitium, aut adorationem non impenderent, anathema judicarentur, qui supra sanctissimi Patres nostri omnimodis adorationem, & servitutem renuentes contempserunt, atque consentientes condemnaverunt.* En jam verba Concilii II. Nicani docentis Act. 7. in Decreto Fidei, quomodo colendæ sint imagines; *scilicet ad honorariam his adorationem tribuendam. Non tamen ad veram latrā, quæ secundum fidem est, quæque solam Divinam naturam decet, impartientiam.*

8. Secundo si supponamus vera septimæ Synodi acta fuisse ad Gallos delata, ut suadere videtur Legatorum præsentia, quos Iconoclastarum fraus non fefellisset, ipsemet Petrus de Marca duplicem insinuat rationem rejectæ Synodi (& utraque ex Canone modò relato colligitur) alteram, quia Synodus illa œcumenica non credebatur, alteram quia non rectè intelligebantur ejus Decreta: quorum ambigua, & confusa erat interpretatio. Quid igitur juvat ad stabiliendum jus, vera Ecclesiæ universalis, aut summi Pontificis Decreta examinandi, rejectio Canonum, qui & à Concilio particulari editi, & Conciliorum œcumenicorum, summorumque Pontificum sententiæ contrarii existimabantur.

9. Tertiò non fiebat à Concilio Francofordiensi Concilii œcumenici aut sanctæ Sedis auctoritati præjudicium, cum de re controversa summi Pontificis, sancti scilicet Gregorii de imaginibus doctrinam se sequi profiteretur, ac Concilium Nicænum Græcorum tantum esse crederet.

10. Quartò quid ex illo exemplo, si Galli in repudiandis vetis Decretis Synodi Nicænæ perstitissent, legitime concludi posset, nisi gentem illam erroris, & schismatis periculo sese committere, cum Ecclesiæ Decretorum arbitram sese constituit? Ac re ipsa illos tunc temporis hæreticos fuisse, facetur ingenuè Jac. Sirmondus to. 2. Conc. Gall. dum

ait, se prætermittere acta Concilii Parisiensis an. 824. *Quod Gallorum ejus sæculi ab imaginum adoratione abhorrentium hæresim redoleant.* Illæne libertates Ecclesiæ Gallicanæ nuncuparentur? sed recepta fuere postea in Gallia illius Synodi Decreta, ut ex Gallorum erga sacras imagines religioso, & antiquo cultu demonstratur.

11. Tertium exemplum sumitur à non acceptatis, & non observatis aliquibus Canonibus octavæ Synodi Constantinopoli habitæ sub Adriano II. ad quod respondebimus lib. 3. cap. 7.

CAPUT XV.

An origo Libertatum Ecclesiæ Gallicanæ circa veterem disciplinam referenda sit ad Pragmaticam Sanctionem sancti Ludovici.

1. **I**llustrissimus Petrus de Marca lib. 4. de concord. &c. cap. 9. n. 4. S. Ludovicum, qui decessit anno 1270. laudat primum libertatis Ecclesiæ Gallicanæ restitutorem, his verbis; *Huic gloriosissimo Regi prima debetur libertatis Ecclesiæ Gallicanæ resurrectio, quam suo edito post mutatam disciplinam in Beneficiorum collationibus anno 1268. procuravit; quo uno capite centenarios inter Episcopos, & Romanam Curiam tunc ferè continebantur; Ex quibus verbis duo consequerentur: primum libertates Ecclesiæ Gallicanæ ante tempora S. Ludovici nonnisi circa beneficiorum collationem violatas fuisse: 2. Violationem illam non longè ante tempora S. Ludovici contigisse.*

2. Odiosum certè esset istud principium tum ex parte sanctæ Sedis, tum ex parte Galliarum, cum Romani Pontifices ab antiqua disciplina primum recessisse supponantur, ut Beneficiorum collationem usurparent, tantusque in eo fuisset abusus, ut sanctissimus Rex eum suis Edictis cohibere coactus sit. Invidiosa etiam res esset quod Galli summum Pontificem à Gallia ortum, cum aliis virtutibus, tum vel maxime propinquitatis carnalis in distribuendis Beneficiis, & redditibus Ecclesiasticis, contemptu insignem, ceu tyrannum existimassent, ad-

versus

versus quem invocanda fuisset potestas secularis, & in rejiciendis illius ordinationibus circa Beneficiorum collationem, & Ecclesiasticorum proventuum constituenda Ecclesiæ libertas. Sed plurima sunt, quæ certissimè suadent constitutionem illam S. Ludovici; quam Pragmaticam sanctionem vocant, aut suppositam esse omnino, aut nihil adversus sanctam Sedem molitam fuisse.

3. Dum constitutio illa de beneficiis, & aliis juribus Ecclesiasticis loquitur, nullam omnino summi Pontificis, aut sanctæ Sedis mentionem facit. Cur igitur verba ejus tam odiosa interpretatione in illam partem detorquentur? Ante illa tempora Ecclesia Gallicana injurias quamplurimas circa suos redditus, circa beneficia, & circa disciplinam perpessa fuerat à Laicis; iisque malis, ut sese obtulerat occasio, medicatus fuerat religiosus Rex. Ipsemet Petrus de Marca lib. 3. cap. 1. citat eximias ejus literas anno 1228. datas, quibus Ecclesiasticam libertatem, non adversus Curiam Romanam, ut legenti evidenter patet, sed adversus hæreticos, aliosque raptores vindicaverat. *Cupientes, (verba sunt illarum literarum) in primis aetatis, & Regni nostri primordis illi servire, à quo Regnū recognoscimus & id quod sumus, desideramus ad honorem ipsius, qui nobis culmen dedit honoris, quod Ecclesia Dei, qua in partibus vestris longo tempore fuit afflicta, & tribulationibus innumeris conquassata, in nostro Dominio honoretur, & feliciter gubernetur: Unde de magnorum, & prudentum consilio statuimus, quod Ecclesia, & viri Ecclesiastici in terris constituti prædictis, libertatibus, & immunitatibus utantur, quibus utitur Ecclesia Gallicana, & eis plenè gaudeant, secundum consuetudinem Ecclesia memorata. Et infra, sanè quia Ruptarii solent devastare, ac demoliri terram prædictam, & quietem Ecclesia, & Ecclesiasticorum virorum turbare; statuimus, ut omnino Ruptariis illis expulsi pax perpetuo servetur in terra, ad quam servandam dent omnes operam efficacem. . . . Decimas sanè, quibus fuit Ecclesia longo tempore per malitiam inhabitantium defraudata, statuimus, & ordinamus, quod restituantur Ecclesiis; Et amplius LAICI DECIMAS NON DETINEANT, SED EAS ECCLESIAS LIBERE HABERE PERMITTANT.* Literæ illæ S. Ludovici in aliis Innocentii IV. ad Reginam Galliarum anno 1250. miris laudibus extolluntur. Utrasque in Archivio Narbonensi asservari testatur Baluzius. De hujusmodi libertatibus adversus

Laicorum rapinas; & tyrannides intelligenda est Pragmatica Sanctio Christianissimi Regis; non adversus sanctam Sedem.

4. Carolus Fevret, quem certè Curia Romanæ nimis fuisse suspicabitur nemo, disertè affirmat Constitutionem illam summi Pontificis jura non attigisse. Ista sunt ejus verba lib. 2. de abusu cap. 7. n. 3, Pragmatica S. Ludovici Regis non declarat abrogatas esse „præventiones; sed tantum BENEFICIA ESSE AB ORDINARIIS CONFERENDA IUXTA SANCTA DECRETA, ET SANCTIONES CANONICAS, „QUÆ ETIAM POTESTATEM, ET SUPERIORITATEM S. SEDIS IN SPIRITUALIBUS ADSTRUUNT.

5. Verum quidem est Pragmaticam illam Sanctionem, prout à Recentioribus refertur, articulum complecti de exactionibus Curia Romanæ, qui articulus 5. est, hisque verbis continetur. *Item exactiones, & onera gravissima pecuniarum per Curiam Romanam Ecclesia Regni nostri impositas, vel imposita, quibus Regnum nostrum miserabiliter depauperatum extitit, siue etiam imponendas, vel imponenda levare aut colligi nullatenus volumus nisi dumtaxat pro rationabili, pia, & urgentissima causa, vel inevitabili necessitate, ac de spontaneo, & expresso consensu nostro, & ipsius Ecclesie nostri Regni.* Sed articulum illum falsò insertum esse, tam efficacibus argumentis convincitur, ut, si à cæteris non separetur, totam illam Pragmaticam falsam esse demonstret.

6. Equidem integram illam suppositam esse sentiunt etiam scriptores Gallici, præsertim eruditissimus vir Ludovicus Thomassin. tom. 3. de Benef. par. 4. lib. 2. cap. 10. num. 11. ubi asserit, „eam nullo „solido fundamento, neque ullius Autoris antiqui, & cui plena fides „adhibeatur, testimonio fulciri. Fusius, & validius eam impugnat „cap. 41. n. 4. ejusdem libri, & lib. 2. cap. 24. num. 17. sunt argumenta non pauca contra integram Constitutionem, sed sunt etiam specialia contra quintum articulum, qui solus, ut dixi, ad S. Sedem attineret.

7. Primò Pragmatica illa à nemine allegata fuit usque ad tempus schismatis Avenionensis & contentions Ecclesie Gallicanæ contra Pontifices, hoc est ferè 200. annis à tempore quo condita supponitur.

8. Secundò nec etiam tunc in lucem edita fuit, sed adhuc
plusquam

plusquam centum annis post eam allegationem, id est anno 1515. in subsidium scilicet alterius Pragmaticæ Sanctionis à Carolo VII. tempore Concilii Basileensis promulgatæ.

9. Tertio pluries typis excusa est sine articulo illo supra relato. Eo enim omisso refertur in Bibliotheca Patrum per Margarinum de la Bigne, Doctorem Sorbonicum tom. 6. cujus intra 30. annos tres factæ sunt editiones Parisiis, cum privilegio, quarum ultima est anni 1609. Eodem modo habetur in Bibliotheca Patrum, Doctorum Colonienfium anno 1618. tom. 13. Cæsar Egassius Bulæus in hist. univers. Paris. an. 1666, edita tom. 3. pag. 391. illam etiam exscribit absque illo articulo.

10. Quarto nullam habet verisimilitudinem, quod sanctus ille Rex, cujus tanta erat in sanctam Sedem reverentia, Edicto solemnî Romanæ Curia Officiales, ut jurium Episcopaliū usurpatores comprimere voluisset, eosque tantæ cupiditatis incutere, ut Regnum ab eis suum fuisse ad pauperiem redactum enunciaret. Si qua fuisset adversus hanc Curiam querela; precibus, cohortationibus, monitionibus, vel, si vis, etiam minis significasset; non autem publicâ Constitutione. Quî esset Christianissimus ille Rex erga sanctissimam Sedem affectus, anno sequenti demonstravit, cum inter alia, quæ filio suo monita, quasi hæreditariam successionem testamento conscripsit; duo ista præsertim commendavit; *Sis devotus, & obediens Matri nostræ Romanæ Ecclesiæ, ET SUMMO PONTIFICI TANQVAM PATRI SPIRITVALLI*. Præmiserat. *Sis diligens, quod omnes subditi tui iustitiâ, & pace fruantur*; MAXIME AVTEM PERSONÆ ECCLESIASTICÆ ET RELIGIOSÆ. Adducto deinde Avi sui Philippi Augusti exemplo, qui ab Ecclesiasticis injuriam sibi fieri malebat, quàm cum eis contendendo Ecclesiam scandalizare, sic concludit; *AMA IGITVR & Fili PERSONAS ECCLESIASTICAS, ET SERVA PACEM EORVM, QVANTVM POTERIS*. Quis credat Principem, qui filio exemplum proponit tolerandæ injuriæ ab Ecclesiasticis viris illatæ, dissidii cum eis vitandi causa, anno præterito jugum non sibi, sed Regni sui Beneficiis à Curia Romana impositum Pragmaticâ suâ Sanctione compescere voluisse? Non erat certè mos adhuc inductus, nec à S. illo Rege

pro-

profectus est, auctoritatem Regiam sanctæ Sedis ordinationibus opponendi, sed potius Ecclesiam à Laicorum vexationibus vindicandi.

11. Quintò anno 1268. quo condita fertur hæc Pragmatica, S. Ludovicus ad secundam in Terram sanctam expeditionem cum summi Pontificis consilio se accingebat. Quare improbabile omnino est, sanctissimum illum Regem immoderatas Officialium Curie Romanæ exactiones Papam celaturum fuisse, iisque remedio ipsi Pontifici probroso (cùm in eum recideret Officialium culpa) occurrere maluisse.

12. Sexto cùm tunc temporis Ecclesiæ præesset Clemens IV. Natione Gallus; alienissimus ab omni avaritia, & carnali in parentes affectu, quorum occasione bona Ecclesiastica sæpè cumulantur, & dilapidantur. De illo Pontifice sic loquitur Genebrardus ad annum 1265. *Optimus Pontifex bona Ecclesia optimè dispensavit. Cùm duas filias ex mortua uxore ante Pontificatum suscepisset, uni in Monasterio collocata triginta tantum libras dedit. Alteri 300. libras dotis nomine, Clerico nepoti tres Prebendas habenti duas abstulit, se dicens Deo, non carni, & sanguini velle acquiescere.* An igitur sub tali Pontifice opus fuisset ut S. Ludovicus Edicto suo Romanæ Curie rapacitatem sisteret, aut Beneficiorum, & bonorum Ecclesiasticorum administrationem, & usum, quæ res ad Ecclesiæ jurisdictionem propriè pertinet, Pragmaticâ sanctione moderaretur.

13. Si quod fuisset tunc temporis exactum ab Ecclesia Gallicana subsidium, non nisi ad iuvandum in expeditione bellica S. Ludovicum impendendum fuisse prudentissimus quisque iudicaret.

C A P U T XVI.

Vera origo, & progressus libertatum Ecclesiæ Gallicanæ.

1. **E**X omnibus malis, quæ dissidium inter Bonifacium VIII. & Philippum Pulchrum consecuta sunt, maximum, & aliorum quamplurimorum causa fuit schisma. Cum enim Clemens V. Philippi operâ ad summum Pontificatum erectus

eveetus fuisset, Sedem Avenione, sicut Regi promiserat, constituit anno 1305. ibique commorati sunt subsequentes Pontifices usque ad annum 1375. quo Gregorius XI. Sedem Avenione Romam retulit; Eo Romæ defuncto anno 1378. Cardinales, qui majore ex parte Galli erant, Bartholomæum Prignianum Barri in Apulia Episcopum elegerunt, qui Urbanus VI. appellatus est. Sed quia novus Pontifex se Cardinalium severum animadversorem, & reformatorem præbuit, eosque hac de causa inensos habuit, illi Anagniam primum, deinde Fundos secesserunt, ubi Conventu facto electionem Urbani VI. utpotè gravi metu extortam, irritam declarantes, Robertum Cameracensem Episcopum, & Cardinalem renunciarunt Pontificem, qui Clemens VII. dici voluit. Hunc promovit, defenditque præcipuè Joannes Grangius, Gallicè *la Grange*, Cardinalis, & Episcopus Ambianensis, Urbano inimicus, & gratiâ Caroli VI. Francorum Regis potentissimus. Romæ Urbanus hæsit, Clemens Avenione Sedem fixit. Hinc exortum est lugendum illud schisma, quod Ecclesiam miserè laceravit usque ad annum 1417. quo tempore Concilium Constantiense abrogatâ de Pontificatu contendentibus Dignitate, novum creavit Pontificem Odonem Columnam Cardinalem tituli S. Georgij in Velabro, qui sibi Martini V. nomen indidit, quique solus postea legitimus Pontifex agnitus est.

2. Tempore autem illius schismatis cum uterque Pontifex ad tuendam suam Dignitatem maximis sumptibus, & potentibus amicis indigeret, gravia Beneficariis onera imponebat, Beneficiorum collationem sibi reservabat, multaque contra disciplinam antiquam committebat. Quamobrem Galli, in quorum jam animis tempore Bonifacii VIII. avita erga summos Pontifices observantia, aliquantum refrixerat, maximè autem Clerus tanti ponderis impatiens, & Universitas studii Parisiensis, cujus tunc temporis magna erat non solum in Ecclesia, sed etiam in Republica autoritas, quæque moleste ferebat vitis litteratis Beneficia non conferri, de excutiendo illo jugo cogitarunt, quare Regis, Senatus Parisiensis, & Regni Primatum opem implorarunt, ac promptam nacti sunt: Itaque sub Carolo VI. cum adhuc ætate, ac deinde mente debilis esset, in medium adducta est libertas Ecclesiæ contra Pontificum exactiones, ac Beneficiorum reservationes, tanquam antiquis moribus, & Canonibus

contrarias, ac sensim contra cætera omnia, quæ nimis gravia videbantur, in quo potentia sæcularis cum Clero consensit, eumque maximoperè juvit. Hinc Doctorum Parisiensium, sed multò magis Jurisconsultorum animos invasit studium quoddam librandæ Pontificiæ autoritatis, ne ultra positos sibi à Christo terminos in præjudicium Cleri, aut Regni produceretur. Deinde etiam ad Concilia œcumenica examinanda, libertas illa protensa est.

3. Anno 1438. in Conventu, qui Ecclesiæ Gallicanæ no mine conferi voluit, Bituricis examinata, temperata, & sic accepta, ac in unum corpus redacta sunt præcipua Concilii Basileensis Decreta, exactionibus, & Beneficiorum reservationibus obstantia, idque Pragmaticam sanctionem vocant, quam Carolus VII. confirmavit, & observari præcepit. Fuit aliquandiu hæc Sanctio, seu Thesaurus, ac Promptuarium libertatum Ecclesiæ Gallicanæ. Quidquid contra ibi contenta tentabatur, Regis, aut Senatus convellebatur autoritate.

4. Verùm summi Pontifices Pragmaticam illam sanctionem abominati sunt tanquam juribus suis infestam, ac quasi schismatis factum tunc temporis editum, cùm Concilium Basileense legitimum non esset, absente, ac etiam contradicente Eugenio IV. Papa, & maximo Cardinalium, & Episcoporum numero, qui cum summo Pontifice Florentiæ Concilium habebant (quo vocati fuerant etiam Patres Basileæ degentes) quorumque Decreta, utpotè à capite cum pluribus membris derivata, Episcoporum Basileensium Decretis longè erant anteponenda. Tandem Pontificum diligentia Pragmatica illa sanctio primum à Ludovico XI. deinde à Francisco I. Regibus Franciæ fuit abrogata, ut testantur illorum Edicta.

5. Senatus quidem & Universitas studii Parisiensis, imò Clerus universus diutissimè illam propugnaverunt, sed tandem Romanis Pontificibus, Regibus Galliæ, ac usui cedere coacti sunt, quamvis ut sæpè significarunt, inviti. Nam adhuc anno 1636. cùm in Comitibus Cleri Gallicani Procuratores, seu Promotores inter Acta Cleri paulò ante collecta, Concordata inter Leonem X. & Franciscum I. relata fuisset, atque inde tacitum Cleri consensum, & Concordatorum approbationem fortassis inferendam monuissent, Comitibus authenticè declararunt, instrumentum illud ad Ecclesiasticorum

rum

rum vitorum commoditatem, non autem in majoris approbationis signum illic fuisse insertum. Itaque licet titulo 1. Concordatorum prædictorum referatur ea fuisse Statuta loco *disti Pragmatica Sanctionis, ac omnium Capitulorum in ea contentorum*: Tamen adhuc nonnulla retinentur, quæ Concordatis expressè contraria non sunt.

6. Cæterùm Ecclesia Gallicana, quæ, ut se à summorum Pontificum exactionibus, & Beneficiorum reservationibus liberam servaret, ad Potestates sæculares recurrit. Potestatis secularis facta est serva, & cum Romani Pontificis jurisdictionem molestè, ac graviter tulit, suam, à laica ferè omninò absorptam genuit. Testantur enim Parliamentorum placita, Advocatorum libri, imò frequentes Cleri Gallicani querelæ, prætextu tuendarum libertatum Gallicanarum, & impediendorum abusuum, jurisdictionem Ecclesiasticam à seculari esse ferè penitus extinctam.

7. Nec magna futuræ restitutionis spes affulget. Cùm enim summi Pontificis autoritas in Gallia plenè vigeret, poterat Episcopis, aliisque Ordinis Ecclesiastici viris ad defendenda sua jura opem ferre. At nunc eà imminutà, etiam postulante Clero, aut porius restricto ejus potestatis usu, parum efficax auxilium à sancta Sede sperari potest, nisi Christianissimi Regis religio ad majorum suorum exemplum, certò sibi persuadeat, maximam gloriæ suæ partem in liberanda, & protegenda Ecclesia esse positam, suamque auctoritatem, sicut pro fide restauranda, sic pro restituenda Ecclesiæ libertate seriò impendat.

8. Sicut igitur Gallia ipsa exactionibus, ac Beneficiorum reservationibus, quibus se à Pontificibus, vel ab eorum Officialibus præmi conquirebatur, occasionem præbuerat, Pontifices Avenionem advocans, ut viciniotes haberet, ac postmodum in schismate inter plures Pontifices Avenionensium partes amplectens; sic etiam ut se adversus illa onera contra Potestatem Ecclesiasticam tuetur ad laicā recurrrens, ab ista in duriorē, ac miserabiliorem servitutē redacta est. Hoc utrumque testantur scriptores Gallicani, Genebrardus Chron. lib. 4. in Clement. V. de translatione Sedis Pontificiæ, ista scripsit; *Denique hæc Sedis Apostolica translatio valde fœdavit antiquam Ecclesiæ faciem. Nam præter inauditas dispensationes, &*

Sanctorum Canonum enervationes, periit illud Divinum jus, secularia secularibus, & regularia regularibus, maxime in Gallia, dum Pontifices hujus transmigrationis plusquam Babilonica (nam observantiam regularem, disciplinam Ecclesiasticam pene totam, jura denique confudit, corrupitque) Patria & Principibus impie favere gestitunt. En servitutis origo, en libertatis vindicandæ occasio.

9. Pragmaticam Sanctionem Judicibus sæcularibus ad opprimendam, & ferè extinguendam Jurisdictionem Ecclesiasticam, viam stravisse docet Tractatus de Jurisdictione Ecclesiastica tom. I. cap. 9. Actorum Cleri, editionis anni 1673. exscriptus, cujus verba referemus, cum de Appellationibus tanquam ab abusu disputabimus.

10. Non est tamen hic omittendum Edmundum Richerium Doctorem, ac Socium Sorbonicum in Libello de Ecclesiastica, & politica potestate num. 13. Gallicanarum Libertatum originem appellationibus ab abusu tribuere; *Hæc ratio procedendi Gallorum,* inquit, *de hujusmodi appellationibus loquens, originem præbuit Ecclesiæ Gallicanæ libertatibus, ut eos vulgò nominant. Quæ certè origo, si vera est & plurimum est Ecclesiæ odiosa, nec multum antiqua.*



LIBER SECUNDUS.

De Iustitia Libertatum Ecclesiæ Gallicanæ.



Uabus Libertates Ecclesiæ Gallicanæ partibus constant, ut ex illarum naturæ accuratiori examine licuit colligere, scilicet facultate retinendæ antiquæ disciplinæ Canonicae, & examinandi utrum novæ leges utiles futuræ sint, easque, si cum utilitate coniunctæ non sint, repudiandi. Vtriusque partis iustitiam expendemus in hoc libro, præcipuè tamen secundæ, quia plus habet difficultatis, & plus indiget examinis. Quis enim est, qui antiquæ disciplinæ usum non commendet in iis omnibus, quæ temporum, aliarumque circumstantiarum mutatione, inutilia vel etiam periculosa non evaserunt.

CAPUT I.

Laudandum esse constantem antiquorum Canonum usum.

1. **I**psis Spiritus sancti oraculis admonemur antiquam disciplinam sciscitari. *Hac dicit Dominus, inquit Hieremias c. 6. ver. 16. Stare super vias, & videte & interrogate de semitis antiquis,*

que sit via bona, & ambulate in ea. Ne quis autem reponat monitum illud eò tantum pertinere, ut inter vias antiquas optimam eligamus: arctius nos alibi ad disciplinam illam antiquam adstringit Spiritus sanctus, extra semitas illas excurrere vetans, *Ne transgrediaris terminos antiquos, quos posuerunt Patres tui.* Proverb. 22. vers. 28.

2. Eodem sepe modo procedunt gratia, & natura, & in utraque, sicut quæque res ad suum principium proximè accedit, ita ipsius perfectionem maximè consequitur, quò autem recedit longius, eò deficit magis ab ejus virtute. Hinc fit ut religiosi Ordines primis institutionis temporibus ferventiores, & diligentiores sint in sequendis præceptis, quæ fuerunt à fundatoribus tradita, & in imitandis illorum exemplis: processu autem temporis tepescat ille ardor, ac tandem relaxatà omninò disciplinâ regulari, abolendi sint, nisi fortè ad antiquam formam, renovato religionis spiritu, revocentur.

3. Pari quoque ratione, licet Ecclesia Catholica columna sit, & firmamentum veritatis, navis à nulla tempestate submergenda, domus Dei, adversus quam portæ inferi nunquam prævalituræ sint; tamen in pluribus, & aliquando præcipuis suis membris infirmitatis humanæ defectus patitur, & refrigerente charitate abundat iniquitas. Quantum enim, heu, distamus à primis illis Christi Discipulis, quorum vita, virtutes, & mors ipsa efficacissima erant argumenta veritatis, & sanctitatis Christianæ Religionis.

4. Quid igitur mirum si ad finem usque mundi magna veneratione prosequendæ sint sacre illæ Regulæ, quæ tunc constitutæ sunt, cum abundantius sese Spiritus sancti gratia effundebat in Christianos, maximè autem in Pastores, penes quos erat legum pondandarum facultas.

5. Tanta solet incommoda invehere legum mutatio, ut vel eo solo nomine commendandum sit antiquæ disciplinæ studium, & in ea retinenda firmitas. Hanc tradit doctrinam Doctor Angelicus 1. 2. quæstione 97. art. 2. his verbis; *Habet ipsa legis mutatio, quantum in se est, detrimentum quoddam communis saluti, quia ad observantiam legum plurimum valet consuetudo, instantum quod ea, quæ contra consuetudinem communem sunt, etiam si sint leviora de*

se, graviora videntur. Unde quando mutatur lex, diminuitur vis restrictiva legis, in quantum tollitur consuetudo: Et idè nunquam debet mutari lex humana, nisi ex aliqua parte tantum recompensetur communi saluti, quantum ex ista parte derogatur. Et infra; Unde dicitur à Jurisperito quod in rebus novis constituendis evidens debet esse utilitas, ut rectè recedatur ab eo jure, quod diu aequum visum est.

6. Sed etsi omnia alia probatione hæc doctrina destituta esset, illius veritatem abundè demonstraret experientia. Nam si omnes Rerum publicarum, Regnorum, aliorumque Cætuum calamitates, & everisiones inspiciamus, ab innovatione aliqua imprudenter facta sæpissimè occasionem accepisse animadvertemus, ut verè dixerit S. Augustinus epist. 119. *Ipsa mutatio consuetudinis etiam quæ adjuvat utilitate, novitate perturbat.*

7. Complectitur autem antiqua disciplina Decreta Conciliorum œcumenicorum, summorum Pontificum Constitutiones, imò & Conciliorum Provincialium Canones, specialem tamen erga Concilia œcumenica venerationem præ se ferunt Galli, dum suas libertates allegant.

8. Equidem, si Dominus noster Jesus Christus, ubi forent duo, vel tres in nomine ejus congregati, se quoque futurum pollicitus est, quis dubitet, illum in Cætu omnium Ecclesiæ Pastorum simul congregatorum præsentiorum fore, & luminis, ac gratiæ vim majorem in eos effusurum.

9. Apostoli Spiritu sancto repleti exortas circa circumcissionem, & alias observantias legales, difficultates non seorsim, ut facile poterant, enodarunt: sed in Concilium congregati post longam disquisitionem solverunt. Notanda sunt autem verba, à quibus incipit Decretum illud Apostolicum, *Visum est*, inquit, *Spiritu sancto, & nobis*. Quæ quidem verba argumento sunt, quod Spiritus Sanctus Conciliis, maxime œcumenicis præsit, ea illustret, & ad veritatem infallibiliter dirigat. Porro cum primum in unoquoque genere sit mensura, & regula cæterorum, illud Apostolorum exemplum sequi debent, qui in illorum locum succedunt, quando tempora incidunt, quæ id exposcant.

10. Is fuit omnibus retrò sæculis Catholicæ Ecclesiæ sensus,

que

quæ maximam vim habere Concilia œcumenica semper putavit ad conservandam, vel restaurandam fidei puritatem, & morum sanctitatem. Quinetiam congregata sunt sæpè Concilia ad constituendam disciplinam in rebus, quæ hodie non tanti momenti viderentur, ut illarum causa evocandi essent undique à suis Diœcesibus Pastores.

11. A Conciliis generalibus, in quibus summus Pontifex Caput visibile Ecclesiæ, & præcipua ejus membra, id est Pastores conjunguntur, repræsentatur Ecclesia illa, quæ ab Apostolo dicta est *columna & firmamentum veritatis*, 1. ad Timoth. 3. quam qui non audit, deber, ut Ethnicus, & Infidelis exterminari. Quæcunque ab Ecclesia sic congregata oracula proferuntur, à promissione Divina plenissimam obtinent auctoritatem.

12. Addi alia ratio potest, quæ, plurimum valet, ut Christiani Conciliis œcumenicis obsequantur libentiùs. Cum enim in augustis illis cœtibus cujusvis Nationis, & Provinciæ Antistites intersint, fidemque omnium ubique Christianorum, variosque illorum mores, & usus liberrimè promant, faciliùs assentiuntur Fideles Decretis post tam accuratam rerum cognitionem prolatis, & sibi à propriis Pastoribus denunciatis, assignatis item, si quando expediat, rationibus, & auctoritatibus, quibus ducti fuerint Judices. Certior etiam inde fit populus non adulterata fuisse Decreta, ut in Conciliis minùs frequentibus aliquando contigit.

13. Licet autem aliquando mali etiam Pontifices in hujusmodi Confessibus prophetizent, fit, nescio quomodo, ut sanctiora habeantur, quæ à sanctioribus statuta sunt, quales scimus, multos fuisse ex iis, qui primis præsertim in Conciliis œcumenicis sederunt, unde maxima illis accessit veneratio.

14. Utinam Ethnici & Hæretici hac in parte rationem, nullâ perturbatione, nulloq; proprii sensus, aut affectus præjudicio præventi, consulerent? Mirum quanta in eo tractandarum rerum Ecclesiasticarum modo illis elucescerent argumenta veritatis, & sanctitatis, quæ Religioni nostræ insunt. Quis enim non perspiciat, cœtum numero, sapientiâ, scientiâ, sanctimoniâ, & aliis dotibus, quibus præditi sunt viri

viri, ex quibus constat, illustrissimum augustissimumque, non nisi vera, & iusta decreturum. Hujus rationis pondere quasi oppressi duo Episcopi Provinciæ Avenionensis, qui hæretici ad Concilium Tridentinum accesserant, Catholicæ fidei iugo mentem submiserunt, ut refertur in vita Gallicè conscripta Illustrissimi Bartholomæi de Martyribus Archiepiscopi Bracharensis lib. 3. cap. 1.

15. Nemo igitur jure meritò accuset Gallos, quod antiquam disciplinam venerentur, eamque retineant, ubicunque facta in personis, aut negotiis mutatio novas leges non requirit.

C A P U T II.

Necessarium esse aliquando per novas leges antiquis derogare.

1. **F**atebitur quisque ratione utetur accommodandas esse leges moribus eorum, quibus præstituantur, atque variandas secundum personarum, locorum, & temporum conditionem, non ita quidem, ut regulæ ad arbitrium hominum, fortè perditorum, inflectantur, sed ut, pensantis illorum dotibus, affectibus, usibus, tales eis præscribantur leges, quæ illorum salutem, vi, & rectè instituendæ aptiores videantur. Cum autem hominum mores omnes, mutationi sint obnoxii, necesse est, ut si antiquis moribus novi adversentur, per regulas antiquis contrarias ad bonum publicum deducantur. Non iisdem ægritudinibus animi semper laborant: sed quemadmodum in corpore nunc ille, nunc contrarius morbus grassatur; unde contraria, pro vario morborum genere, medicamenta sunt adhibenda; ita mentes successivè contrariis erroribus, & vitiis subjacent, quibus modò istis, modò illis legibus occurrendum est.

2. Habet quidem plurima incommoda legum mutatio, si cum levitate, aut imprudentia conjuncta sit, non per necessitatem quasi extorta. Quamobrem, ut docet S. Thomas 1. 2. quæst. 97.

H

art.

art. 2. non statim ut sese melius aliquid offert , quàm quod à lege intendebatur , immutanda est , sed opus est , ut hanc mutationem aut maxima necessitas postulet , aut evidentissima utilitas. Verùm quæ ratio est , ut quod ad bonum publicum institutum est , si perniciosum evadat, etiam contra bonum publicum retineatur ?

3. Hincmarus Archiepiscopus Remensis antiquæ disciplinæ acerrimus propugnator , & in defendendis Gallicanis libertatibus à plebique scriptoribus in exemplum adductus , et si ABSQVE NECESSITATE MUTARI NON DEBERE QUÆ SEMEL IN CONCILIIIS STATUTA, VEL IUDICATA SVNT, opusculo sic inscripto , contendat , diffiteri tamen non potest , quin occurrente necessitate , mutatione opus sit , quod quamplurimorum summorum Pontificum testimoniis ibidem confirmat. Inter alia refert ex epistola 95. Leonis Primi, quæ est ad Rusticum, verba sequentia: *Sicut quædam sunt, quæ nulla possunt ratione convelli, ita multa sunt, quæ aut pro consideratione statuum, aut pro necessitate rerum oporteat temperari.*

4. Egregiè admodum explicat summi Pontificis in temperandis Canonibus auctoritatem Gelasius I. in ea epistola , quæ est ad Episcopos per Lucaniam , & Brutios , & Siciliam constitutos cap. 1. *Necessariâ rerum dispensatione cōstringimur, & Apostolica Sedis moderamine convenimur, sic Canonum paternorum Decreta librare, & retrò Prasulum, Decessorumq; nostrorum præcepta metiri, ut quæ presentium necessitas temporum restaurandis Ecclesiis relaxanda deposcit, ADHIBITA CONSIDERATIONE DILIGENTI, QUANTVM POTEST FIERI, TEMPEREMVS; quò nec in totum formam veterem videamur excedere regularum, & reparandis militia Clericalis officiis consulamus.* Et cap. 2. *Priscis igitur pro sui reverentia manentibus Constitutis, quæ, ubi nulla vel rerum, vel temporum perurget angustia, regulariter convenit custodiri, eatenus Ecclesiis, quæ vel cunctis sunt privata ministris, vel sufficientibus usque adeò dissipata servitiis, ut plebibus ad se pertinentibus Divina munera supplere non valeant, tam instituendi quàm promovendi Clericalis obsequiis sic spatia dispensanda concedimus, ut si quis, &c.*

5. Quocirca cùm omnia, quæ in condendis antiquis Legibus intercesserunt ad substituendas novas consentiunt, scilicet autoritas Conditoris, utilitas subditi, facultas parendi, aliaque conditiones, cur robore carebit, quod de novo præcipietur ? Quicumque igitur

18

tur Decreta omnia; quæ nova sunt, solius novitatis obtentu repudiaret, non solum iniquus esset, sed & desipere videretur. Sane qui Ecclesiam non eandem hodie credit esse, quæ Apostolorum temporibus exiit, aut eadem autoritate præditam negat, vel eodem spiritu gubernatam, cum Lutero, & Calvino inter hæreticos censendus est. Nunquid enim potestas à Christo Ecclesiæ collata certis temporum spatiis definita est? Nunquid se cum Ecclesia usque ad consummationem sæculi futurum non pollicitus est? Nunquid hominum mores, quibus ut diximus, accommodandæ sunt leges variis mutationibus non subjacent? Nunquid quod hominibus certo modo affectis prodest, illis non obest contrario modo dispositis? Itaque qui manus Ecclesiæ ligare contenderet, ne medicamenti contrariis contrarios filiorum suorum morbos, novis legibus novos abusus, curaret, is tanquam Reipublicæ Christianæ hostis habendus esset.

6. Nec inconstantia accusanda est Ecclesia, cum propter evidentem necessitatem, aut maximam utilitatem abrogatis prioribus Canonibus novos condit; hæc enim mutatio non in Ecclesia fit, sed in hominibus Ecclesiæ subditis. Nam & Deus ipse, à quo Ecclesia omni tempore regitur, licet immutabilis sit, leges mutavit, novumque Testamentum veteri substituit. Idem semper est finis, sed media non semper eadem, quia homines non in eodem semper statu permanent.

7. Hanc, exigente necessitate, posse mutationem fieri sanus nemo diffitebitur: sed cujus est de illa necessitate decernere, ac, utrum innovandum sit aliquid, dijudicare. Hic est unicus, aut præcipuus controversiarum de libertatibus Ecclesiæ Gallicanæ, prout communiter describuntur, cardo diligenter inspicendus.

CAPUT III.

*An possint novæ leges Ecclesiæ antequam acceptentur,
examinari.*

1. **Q**UOD Sanctissimus Pontifex Leo I. loco in præcedenti capite citato, docet, *quædam esse, quæ nulla ratione possint convelli*, ad fidem, & mores pertinet, ut scilicet quæ à suprema veritate, & omnis veritatis fonte Deo Ecclesiæ revelata sunt circa Christianæ Religionis mysteria, vel mores secundum Divinam legem, & rectam rationem instituendos, stent semper immota nullique mutationi obnoxia; Quod autem subjicit: *Multa esse, quæ aut pro consideratione asatum, aut pro necessitate rerum oporteat temperari*, de disciplina est accipiendum. Cum enim disciplinæ legibus is propositus sit scopus, ut fideles facilius, & efficacius in fide orthodoxa, & in probis moribus permaneant, & semper charismata meliora æmulentur; nec eadem ratione debeant, aut possint omnes omni tempore, aut in omni loco in illis officiis contineri; necessæ est, ut Ecclesiæ, quemadmodum in superiori capite diximus, suas leges interdum mutet, mutatis personarum, & negotiorum circumstantiis, maximeque semper attendat, quid, quo tempore, quibusque personis utiliùs futurum sit.

2. Itaque cum cuipiam Regno, aut Provinciæ proponitur Lex, Superior est, & circumspicere diligenter conditiones omnes, à quibus pender ejus utilitas; nec ægrè ferre, si subditi propter aliqua incognita Legislatori, cujus notitia non potest ad singula quæque pertingere, damni plus allaturam legem, quàm utilitatis, viderint, reverterentur significent, ac remedium petant.

3. Canones Ecclesiæ, qui ad fidem, & mores spectant, infallibili Dei revelantis auctoritate nituntur, ideoque obedientia eis quasi cæca debetur, quanquam nemo clarius vider, quàm qui Deo assentiendum judicat, et si rerum causas, rationesque minimè penetret: Leges autem, quæ in disciplinam veriantur; hominum, quod supra diximus, conditionibus

bus ut fructum optatum referant, aptandæ sunt, nec nisi rationabile obsequium desiderant.

4. Solemne est Ecclesiæ, ut in gubernandis fidelibus, Divinum regimen imiteretur, nec solum attingat à fine usque ad finem fortiter, sed etiam disponat omnia suaviter. Itaque honoris Principibus debiti meminit, illorum jura servat illæsa, ordinem, & dignitatem Episcoporum veneratur, populorum studia, & usus attendit, omniaque ita ponderat ut consensum, & obedientiam potius obtineat, quam extorqueat; amore alliceat, quam timore impellat: nec infirmitati solum parcat, sed interdum etiam malitiæ cedit in iis, quæ cum Religionis periculo non sunt conjuncta.

5. Verum lumen illud S. Spiritus, quod summo Pontifici adest, cum explicanda sunt fidei mysteria, & tradenda morum præcepta non perpetuo illi hypocritarum fraudes, aulicorum adulationes, improborum mendacia detegit, non adversus ambitiosorum importunitatem, Magnatum preces, suspecta Officialium consilia, immotos servat. Quid si, quod tamen sine gravi fundamento suspicari nefas est, summus Pontifex aliquo ulciscendæ injuriæ, congregandarum divitiarum, augendæ familiæ, aliove pravo affectu impelleretur ad præcipiendum aliquid suæ potestatis limites transcendens, aut justitiæ repugnans? Nec enim altitudo, & sanctitas solii sanctum facit, & à peccato securum. Num, si quid hujusmodi contingeret ab exequendo mandato non liceret abstinere? Quod autem in mandatis singularibus, etiam in communibus legibus liceret, quamvis longè difficilius legibus desit justitia, quam præceptis particularibus.

6. Possunt igitur, dissimulantibus etiam summis Pontificibus, expende novæ leges, antequam recipiantur, ut si quæ prædierint, quibus non sit necesse, vel etiam expediens parere, suspendatur executio, ac suspensionis causæ significantur, dummodo id cum bona fide, reverentia debita, & intentione sincera fiat.

7. Etenim generatim, ut lex aliqua ad sui observantiam adstringat, duo requiruntur ex parte legislatoris, scilicet intentio, & autoritas. Duo etiam ex parte subditorum, no-

titia, & facultas. Itaque si legis Conditor, aut omni careat autoritate, aut ejus potestas ad materiam legis non se extendat vel ejus intentio certum tempus, certas personas, loca, vel negotia eximat ab onere; si subditi legem rescire, aut illam exequi non possint, parendi necessitate non tenebuntur. Quo circa examen aliquod requiritur.

8. Primò igitur videndum est an à legitimo superiore orta sit lex, nec venerando, quod interdum præfert, nomini statim est concedendum. Quod etiam in Gratiani Decreto v. g. deprehensi sunt Canones Conciliis, summis Pontificibus, aut aliis Autoribus adscripti, à quibus constat non fuisse conditos? Sunt etiam nonnulli, qui ab eorum mente, quorum nominibus insigniuntur, longissimè absunt, ut videre est in libris ad ejus emendationem scriptis. Canones Augusto Apostolorum nomine celebres, non solum sanctissimorum illorum Ecclesiæ parentum sætus non sunt, sed etiam nonnulla tradunt Ecclesiæ doctrinæ, ac usui adversa, ut in primo libro notavimus. Nunquid ergo sine ulla discussione fuerant excipiendi, aut agnitâ suppositione sine discrimine in usum inducendi?

9. Secundò dum legis Autor certus est, & constans legislatoris autoritas, potest ejus dubia esse intentio, vel etiam liquere quod lex omnia loca, omnes personas, omnia tempora non comprehendat: sic v. g. præceptum de consecrando pane azymo ad solam Ecclesiam Latinam, non autem ad Græcam pertinet. Sic præceptum Apostolicum de abstinendo à suffocato, & sanguine, ad tempus dumtaxat erat positum, &, ut censet Baronius, pro quorundam tantum locorum Christianis, ad quos epistolam direxerat Apostoli.

10. Tertiò in Ecclesiastica Hierarchia, sicut in Cælesti illuminantur & perficiuntur à superioribus mediis, & à mediis infimi. Quamobrem Decreta Ecclesiastica primùm quidem Episcopis, ab istis deindè inferioribus Sacerdotibus, & à Sacerdotibus plebi sunt intimanda; adeò ut si aliâ viâ perferantur, in suspensionem merito veniant, nec satis sit, ut fidelibus quoquo modo innotescant, nisi consueto more promulgentur, si nempe potuerit solitus ordo commodè servari.

11. Quittò cùm Ecclesiæ, sicut & Christi ejus sponsi, jugum suave sit, & onus leve, Christusque ipse illos reprehenderit, qui hominum humeris onera importabilia imponunt, quando lex impossibilis est, aut incommodum aliquod maximum secum trahit, præsertim à superiore ignoratum, non videtur fieri ei injuria, si non statim caput jugo supponatur. Usus antiquis motibus, præsertim non perversis, contrarii vix inducuntur sine scandalo, cujus causa vitandi summi Pontifices præcepta sua, aliunde justa, suspendi velle censentur; *Consultius duximus*, inquit Cælestinus 3. cap. quod dilectio de consanguinit. & affinit. *Observata consuetudine deferre, quàm aliud in diffensionem, & scandalum populi statuere*, ADHIBITA QVADAM NOVITATE.

12. Eandem summis Pontificibus mentem tribuere convenit, quotiescumque injustum aliquid in lege, aut præcepto continetur. Alexander III. cap. *si quando* de rescript. eam his verbis prodit; *Patienter sustinebimus si non feceris quod nobis fueris prava insinuatione suggestum*. Eam etiam indicat cap. *cum teneamur* de præbend.

C A P U T IV.

Utrum leges non acceptatae obligent.

1. **D**E legibus injustis controversia non instituitur, cùm ex communi omnium Doctorum sententia non obligent, nec propriè leges sint; quia in re tamen distinguenda est injustitia, quæ solæ legislatoris inest intentioni, ab ea, quæ inhæret legi ipsi. Nihil enim verat, quin statutum aliquod Reipublicæ sit necessarium, nedum utile, quamvis à prava legitimi superioris intentione proficiatur, sed in eo, cùm ferè nunquam eveniat, non est immorandum. Vitandi etiam scandali, & majoris mali causa, parendum est interdum legibus injustis, dum legi æternæ, aut naturali contrarium nihil præcipiant.

2. De injustis est difficultas, & fortè non tam juris quàm facti.

fact. Qui enim leges ante acceptionem vim non habere contendunt, istis præcipue ad id credendum rationibus inducuntur. Primum quod leges cum ea intentione dantur à Principe, ut eas velit non obligare, nisi accedente subditorum consensu; quod si de facto verum sit, id est si superior consensum subditorum tanquam conditionem requirat, sine qua legem robore carere velit, nemini dubium est, quin isti liberi sint ab ejus observandæ debito. Utrum autem ea sit superioris intentio, nec ne prudentis est determinare, aut potius superioris ipsius expressius significare, ne infirmis laqueus prætendatur.

3. Secundò cum superiores à populi consensu, & voluntate suam obtinuerunt auctoritatem, non censetur populus eam potestatem in superiores contulisse, ut inconsulò sibi possent leges præfigere, & se invitum ad earum executionem adstringere. Quæ ratio in Prælati Ecclesiasticis à Domino nostro Jesu Christo institutis locum habere nequit, sed neque etiam fortassis in Principibus sæcularibus, qui licet ab hominibus primùm electi fuissent, à Deo tamen acceperunt facultatem ea præcipiendi, quæ ad bonum publicum essent necessaria, & reservata præstandi à populo consensus necessitas, non de injusta voluntate illius, sed de justa causa, & recta ratione esset interpretanda.

4. Tertiam alii rationem afferunt, nempe legem eam præsumendam fore inutilem, aut perniciosam, quæ à tota Republica refusaretur, sed in eo casu non tam acceptionis, quàm justitiæ, aut intentionis Legislatoris defectu, legis obligatio cessaret.

5. Ergo injustæ leges non obligant, quidquid intendant illarum Conditor; nec justæ, si aut tacite, aut expressè annuat, ut non prius subditos ligent, quàm fuerint ab eis receptæ. Posset autem facilius præsumi consensus ille tacitus superiorum à subditis scientibus eas non esse ab illis admissas, ad quorum curam, & officium pertinet illarum promulgatio, nam difficile foret, ut infimi contra mediorum sententiam, & voluntatem, supremorum obsequerentur mandatis, quorum aliunde justitiam non ita perspectam haberent.

6. Nec tamen argumentum omninò certum est contrariæ superiorum voluntatis, si legem recipiendam, & exequendam

dam urgeant; Hæc enim instantia desiderium potius superioris arguit, quàm præceptum contineat. Quis enim æstimer de summo Ecclesiæ Pastore, velle illum genus quoddam schismatis inter inferiores Pastores, & animas illis specialiter commissas inducere? peccant qui sine causa legem rejiciunt; sed qui rejectam non observant, eo quod sine gravi dissensione, aut alio incommodo non possint, immunes videntur à culpa quando superior silentio suo restatur se optare quidem, ut mandatis suis obtemperetur; nolle tamen infirmorum, aut illaqueare conscientias, aut pacem & quietem, fortunas, vel alia bona, sine majoris boni spe, in discrimen adducere. Tutius tamen semper est superioris intentionem diligentius sciscitari.

7. Quod autem, si & lex justa sit, & superior eam quamvis non receptam, vim habere intendat, subditi ad eam acceptandam teneantur, & si violent non acceptatam, peccati rei sunt, plures adeò certum habent, ut de fide esse affirmant.

8. Præstat sæpissimè in similibus casibus prudentiæ regulas consulere, quàm propriæ potestatis gradus metiri; nec solum videre quid quis possit, sed etiam quid liceat, quid deceat, quid expediat, atque ita se unumquemque habere, ac si omnino id non posset, quod sibi non liceat, Divinumque honorem, bonum publicum, animarumque salutem legem supremam existimare, quod est optimum S. Bernardi ad Eugenium III. monitum de Consid. libr. 3. cap. 4. *puta tibi non licere (etsi alias forsasè liceat) quidquid malè fueris coloratum, spiritualis homo ille, qui omnia dijudicat, ut ipse à nomine dijudicetur, omne opus suum trina quadam consideratione præveniet: primum quidem an liceat, deinde an deceat, postremo an expediat. Nam etsi constet in Christiana utique philosophia non decere, nisi quod licet, non expedire nisi quod decet, & licet: non continuo tamen omne quod licet, decere, aut expedire consequens erit. Non est tamen inutile uniuscujusque potestatis limites nosse, ut eas, & superiores non excedant, & subditi venerentur, & hoc pacto in pacem omnes facilius consentiant, & concordent.*

9. Suarez non solum ejus est sententia, ut credat legum Ecclesiasticarum vim ab acceptatione non pendere, verum id etiam secundum fidem negari non posse affirmat lib. 4. de legibus cap. 10. sed, ne ad Doctorum extra Galliam opinionem Gallos vocemus, Michael

chael Maucerus Doctor Parisiensis eandem amplectitur sententiam, & similibus verbis exponit de Ecclesiastica Monarchia par.2.lib.4. cap.3. *obligationem inferre potest in conscientia*, inquit Doctor ille loquens de summo Pontifice, *servandi leges Canonicas à se conditas, & sufficienti promulgatione Orbi Christiano communicatas, ut Alphonsus à Castro, Turcremata, alijque de meliori nota Doctores crediderunt: Quod adeò verum esse credo, ut secundum fidem negari non posse putem*; Et ne quis putaret verba illa sufficienti promulgatione, acceptionem supponere, subjungit, *Neque propterea lex minus legis nomine, & honore dignabitur, si iusta, & sufficienter promulgata non recipiatur à populo, nec minus peccabit contra Dei iussa, si illam sine causarepudiet.*

10. Sed quid opus est singularium Doctorum mentem referre. Tota Schola Theologiae Parisiensis in Decreto di utillimè ponderato super doctrina Luthetiana sic censuit anno 1521. *de constitutionibus Ecclesiae. Propositio. Neque Papa, neque Episcopus, neque ullus hominum habet ius unius syllabe super Christianum hominem nisi id fiat ejusdem consensu, & quidquid aliter fit, tyrannico spiritu fit. Censura. Hac propositio est à debita subditorum erga Pralatos, & Superiores subjectione, & obedientia retractiva, legum positivarum seditiosè destructiva, ac in fide, et moribus erronea, et est error damnatus VALDENSIVM, cum errore Arianorum conveniens: in hist. univers. Paris. tom. ult. ad illum annum.*

II. Idipsum senserant antiquiores; *hujus*, inquit Ivo Corno-tenensis epist. 8. de Sede Apostolica verba faciens, *judiciis & constitutionibus obviare, planè est HÆRETICÆ PRAVITATIS NOTAM INCYRRERE.* S. Thomas Archiepiscopus Cantuariensis pro Ecclesiae libertatibus Martyr Epist. 122. edit. Patris Lupi ad Gilbertum Londoniensem Episcopum scribit: *SOLVS INFIDELIS, AUT SCHISMATICVS APOSTOLICIS OBRECTAT OBEDIRE MANDATIS.*

CAPUT V.

Confirmatur vim Legum ab acceptatione non pendere.

1. **C**UM Deus Optimus Maximus superiori auctoritatem confert ad gubernandum; & præcipiendum, ex consequenti obligationem imponit subditis ad sequendum, & obediendum; sunt enim, ut loquuntur Dialectici, duo correlativa, quorum unum non potest esse sine altero, & frustra esset potestas regendi ex una parte, nisi ex altera responderet necessitas obediendi.

2. Id luculenter declaravit Christus ipse, cum Lucæ cap. 10 Apostolis dixit: *Qui vos audit, me audit; & ne quis leviores æstimaret culpam, quæ contra præcepta ab hominibus facta perpetraretur, quam si Christus proprio aliquid ore præcepisset, addidit; Et qui vos spernit, me spernit*, quibus in verbis obedientia, & contemptus non ad personas, sed ad doctrinam referuntur, nec discrimen ponitur inter materiam fidei, & morum, vel disciplinæ; atque ita nihil excipitur, ubi distinguitur nihil. Non est etiam illud Christi oraculum, de contemptu, quem in scholis formalem vocant, interpretandum, sed de simplici inobedientia, quemadmodum ex verbis sancti Matthæi cap. 10. vers. 14, colligitur. *Quicumque non receperit vos, neque audierit sermones vestros exentes foras, &c.* Quis igitur neget Apostolos, eorumque successores posse fideles, etiam renuentes, obligare ad recipiendas leges, & ad illas servandas, nisi fortè affirmare auit, aut Christum ipsum id non potuisse, quæ execrabilis esset blasphemia, aut suam potestatem cum Ecclesiæ Prælati non communicasse, quod Evangelii verbis repugnat.

3. Quibus potuisset melius verbis Christus significare potestatem illam, quam S. Petro, & in illo cæteris Ecclesiæ Pastoribus, contulit, hominum acceptatione non indigere, quam istis; *Quodcumque solveris super terram, erit solutum & in Cælis; Quodcumque ligaveris super terram, eris ligatum & in Cælis*. Verbum enim ligandi repugnantiz superandæ vim significat.

4. Sileges superiorum Ecclesiasticorum non obligarent recusata, etiam sine causa; major esset subditorum potestas vim illis aut conferentium, aut detrahentium per acceptationem, vel recusationem, quam superiorum, quibus expectandus esset subditorum consensus; Etenim cum obligatio necessitatem inducat, & sit quasi quoddam vinculum, si lex cum à Legislatore profertur non ligat, nec ad obediendum adstringit; utrumque autem præstat post consensum, & acceptationem: sequitur legem non à Conditorum vim obligandi trahere, sed à subditis ipsis, qua ratione potiores partes in proprio regimine obtinent.

5. Nec potest argumenti hujus robur infringi, reponendo consensum subditorum esse tanquam conditionem, non autem causam obligationis, quam lex insert, dum est acceptata, quemadmodum in contractibus minorum non Curatoris assensus, sed minoris voluntas validum efficit pactum, quamvis desideretur etiam assensus ille Curatoris. Hæc enim comparatio magis confirmat argumentum, quam elidat. Nam primò contractus minoris naturaliter obligat, etiam si non intercesserit Curator. 2. Hinc fit, ut etiam in foro externo, quæ ex vi hujus contractus soluta sunt, repeti nequeant, nisi speciali lege id cautum sit. 3. Secundùm Gallorum Jurisprudentiam ratifunt hujusmodi contractus, & validi reputantur, donec Principis beneficio minori se læsum asserenti succurratur, ut possit à conventionem resilire. Quæ omnia non conveniunt legi secundùm eorum mentem, qui acceptationem omninò necessariam arbitrantur; atque adeo ex illorum mente, ut lex obliget, plus efficit subditus acceptans, quam superior ordinans.

6. Nemini unquam committitur Jurisdictio, sine facultate cogendi. Ridicula enim esset potestas homini à Principe collata in hunc modum: *Ego te constituo illius Provincia, aut Civitatis Gubernatorem, vices meas tibi committo, autoritatis meæ participem refacio, gratum, ratumque habiturus, quidquid à te præstitum fuerit, tanquam à me ipso effectum, quisquis mandata tua contempserit, tanquam me despexerit, reus habebitur, &c. cum hoc tamen pacto ut Civis ad nihil eorum, quæ jusseris obligentur, nisi libuerit, illudq; faciendum receperint.* Nonne ipsum à natura inditum lumen rationis perspicit mancam, & inutilem fore Gubernatoris autoritatem

tem, si ad sua, & Principis præcepta adimplenda nequireret adigere subditos, etiam renuentes.

7. Quis enim in animum possit inducere, gladium Principibus, & Magistratibus eo tantum sine à Deo porrectum, ut eo tunc solum uterentur, cum homines, quibus præpositi sunt, in eas leges peccarent, quæ fuissent ab ipsis acceptatæ, non autem ut ad eas acceptandas, dum essent justæ, sine iusta causa recusantes compellerent? Num autem Christus Vicarios suos Ecclesiæ Pastores reliquit inermes? illorum quidem arma carnalia non sunt, sed armis tamen non carent. Potestas ligandi, & censuris innodandi, non versatur in solis ulciscendis contra præcepta Divina patratis criminibus, sed etiam in punienda fidelium contumacia, qui Ecclesiam non audiunt, Divinæ legis observantiam suis ordinationibus adjuvantem.

8. Non patitur forma legum Ecclesiasticarum, nec sanctorum Patrum, aliorumque Doctorum, de illarum vi loquentium, verba, ut intelligamus, illas eò usque robore carere, dum fuerint à subditis acceptatæ. Nam v.g. quæ illis censuræ apponuntur, indicant etiam reluctantes ad illarum executionem teneri. Qua in re, cum non fiat mentio acceptationis, neque distinctio inter privatos, & communitates, imò interdum expressè ad communitates pœnæ dirigantur, non debet obligatio ad privatos tantum, aut etiam ad communitates ipsas post acceptationem factam dumtaxat refectri. Et si quando Legislator acceptationis meminit, exceptio in illo casu firmat regulam pro cæteris.

9. Innumeros ferè Canonici Juris interpretes, & Doctores possemus huc congerere, qui licet varia inter se sentire videantur, quia circa eandem hypothesim non versantur, ut videbimus in exemplis infra referendis: in hoc tamen omnes conveniunt, ut doceant legem justam, secundum Principis intentionem subditos obligare, nisi justam habeant non parendi causam; sed ab iis referendis superfedemus, quia hujusmodi authoritati non satis tribuunt Galli. Videri possunt apud Prosperum Fagnanum in cap. Treugas. de Treuga & Pace, ubi hanc questionem fusè prosequitur, præsertim à num. 48. & in hunc modum concludit. *intropodè concludendum est legem Ecclesiasticam post publicationem ligare à sui principio ante ullam populi acceptationem.*

10. Absit, ut libertates Ecclesiæ Gallicanæ instabili, atque odio-
so illo fundamento nitantur, quod plerique suspicantur, qui liber-
tates illas nihil aliud esse putant, quàm facultatem, seu licentiam
faciendi quod libuerit, refutandi quod non arriserit. Justam cau-
sam aut habent, aut habere se putant; cùm quid aut amplectuntur,
aut respuunt, quicumque injustos se apertè non profitentur.

CAPUT VI.

*An leges Ecclesiasticae minori quàm Politica auctoritate
polleant.*

1. Illustrissimus Dominus de Marca in universum leges omnes
tam Politicas, quàm Ecclesiasticas, donec acceptatæ fuerint,
vim non habere multis probare argumentis nititur lib. 2. de
Concord. Sacerd. & Imper. cap. 16. eamque acceptationem docet
Ecclesiasticis legibus magis esse necessariam. Necessitatem illam quo-
ad leges universas adstruit. Primò ex eo quod debeant esse Reipub-
licæ utiles, utilitas autem illa à populi acceptatione cognoscatur;
Ideoque nolint Principes, ut illæ robur suum obtineant, donec à po-
pulo fuerint receptæ; Quæ quidem ratio si de facto vera sit, ab eo
quod hinc sequitur non dissentimus. Soli enim legibus utilibus ad
bonum publicum, non autem odiosis, aut perniciosi vim obligandi
concedimus, tacitumque Principis consensum sufficere fatemur, ut
illarum obligatio suspendatur. Caterùm Principem justas leges in
subditorum optione relinquere, nisi ex certis indiciis colligatur, haud
facile credimus, nec ipse Dominus de Marca credidisse postmodum
testatus est his secundæ præfationis verbis: *Ad eum verò consen-
sum adhibendum subditos ex officio teneri juxta præscriptum juris
Divini, nisi leges eorum commodis apertè officiant. Ab hac regula
nunquam discedo, quando de legibus Ecclesiasticis agitur.* Optandum
esset, ut declarasset luculentius quid sub illis vocibus eorum commo-
dis

dis intelligeret, ut qui libertates Gallicanas averſantur, ab ea opinione dimoverentur; Gallos ex temporalibus tantum rationibus, non autem ex bono ſpiritali aut Eccleſiaſtica diſciplina de legibus Eccleſiæ admittendis, vel reiſciendis decernere.

2. Secundò ſic iterum argumentatur Dominus de Marca; *Sanò ſi contrario uſu, & tacito conſenſu omnium, leges per deſuetudinem abrogantur, & non ſolum ſuffragio Legislatoris, ut dicebat Iulianus; Itæciam eſi non ſuffragium, conſenſus ſaltem tacitus populi, qui rebus ipsis, & factis conſtat, neceſſarius erit, ut leges receptæ dici poſſint.* Probat quidem hoc argumentum conſenſum populi neceſſarium eſſe, ut lex recepta dicatur; Nihil enim aliud eſt receptio, quàm conſenſus populi, ſed ſupponit illam receptionem requiri, ut lex adſtringat, quod eſſet demonſtrandum. Præterea inobſervantiâ vel deſuetudine legi vigor non adimitur ſine Principis conſenſu, qui licet non ſemper neceſſariò exprimendus ſit, ut cenſeatur abolita quælibet lex, dandus tamen fuit ſaltem ſemel pro ſemper; Cùm ſcilicet legibus ſtatutum eſt, aut requiri acceptationem ut inciperent valere leges, aut ſufficere deſuetudinem per tempus à jure determinatum, ut vigere deſinerent.

3. Quocirca plerique Auctores diſcrimen inter leges Eccleſiaſticas, & Civiles reponunt, opinioni Domini de Marca è regione oppoſitum. Volunt enim leges Civiles iis, quos diximus, modis à populi voluntate pendere, non autem Eccleſiaſticas, eò quod Principes à populo, Eccleſiæ Paſtores à Chriſto poteſtatem acceperint. Duplicem adduxit Illuſtriſſimus ille Præſul ſuæ opinionis rationem.

4. *Prima eſt, inquit dicto cap. 16. num. 6. quia poteſtas Eccleſiaſtica conceptis verbis data eſt in adificationem, non autem in deſtructionem, ut teſtatur Apoſtolus. Unde ſequitur NIHIL OBTRUDENDUM ESSE FIDELIBVS, QUOD EOS OFFENDERE ALIQUO FACTO POSSIT. Atque adeò LEGEM ECCLESIASTICAM MINVS COMMODAM PRO NON SCRIPTA ESSE HABENDAM, quia, ut inquit Chryſoſtomus, hac eſt Chriſtianismi regula, & illius exacta definitio, hic eſt vertex ſupra omnia eminens, publice utilitati conſulere. Mirum certè quod tantum hominem talis argumenti non puduerit; Poteſtas, inquit, Eccleſiaſtica data eſt in adificationem, non autem*

autem in destructionem. Ergone potestas laica data est in destructionem, non autem in ædificationem? *NIHILOBTRVENDVM* EST INQUIT, FIDELIBVS, QVOD EOS OFFENDERE ALIQVO PACTO POSSIT. Ergone à faciendis legibus erit abstinendum? Lex iusto non est posita, sed iniustis, quorum semper major exitit numerus. Leges remedia sunt, quæ tum curandis morbis, tum præcavendis adhibentur. Unde si expectandus sit hominum, ab adolescentia ad malum pronorum assensus, ut à vetitis in quæ nituntur, legum timore coerceantur, nulla erit pietas, nulla religio. Quotus enim quisque est qui sponte sua, vel etiam Spiritus sancti gratiâ ita tendat ad bonum, ut à corruptæ naturæ pondere non trahatur etiam ad malum, & in lubrico positus non egeat interdum legum autoritate retineri? Quæ lex sancta, & iusta non offendet aliquo pacto vitiis jam deditos, aut ad illa propensos? Quæ lex non videbitur minùs commoda? An regulæ, quæ *publicæ utilitati consulunt*, maximam hominum partem non offendunt? An non illæ ipsæ sunt, quæ minùs commodæ videntur? Porro si offensio illa, vel commoditas, bonorum iudicio metienda est, non offendantur illi legibus iustis, nec eas minùs commodas existimabunt. Iustas autem dumtaxat valere diximus, etiam si receptæ non fuerint.

5, Non minus odiosa est secunda ratio, quam his verbis exprimit idem Dominus de Marca; *secunda verò ratio hac est, quia Christus ipse discrimen utriusque potestatis in præceptis dandis, autoritate sua constituit. Reges gentium dominantur eorum, & qui potestatem habent super eos Benefici vocantur, vos autem non sic, inquit ille apud Matthæum & Lucam.* Atqui verba illa non vim ipsam legum, sed procurandæ executionis rationem continent. Nec enim Deus fidei-
lium conscientias arctius adstringit ad obsequendum legibus Principum sæcularium, quàm Ecclesiæ; in eoque solo posita est differentia, ut ex communi Sanctorum Patrum, & celebriorum Interpretum explicatione probatur, quod superiores Ecclesiasticos oporteat præcipere, & obedientiam obtinere suavitate potiùs, & charitate, quàm severitate, ac timore. Id luculenter docent verba ipsa Origenis à Domino de Marca relata, in quibus, non potestas superiorum Ecclesiasticorum cum potestate Principum sæcularium, sed unius usus
cum

cum alterius exercitio comparatur. *Principes Gentium non contenti tantum regere subiectos suos, violenter eis dominari nituntur; inter vos autem, qui estis mei non erunt hac.* Mox de Prælatiſpiritualibus ſubjungit. *Principatus eorum in dilectione debet eſſe poſitus, non in timore carnali;* Quæ duo ultima verba notanda ſunt, ne quis paret Eccleſiam nullo poſſe pœnarum timore malos cohibere: *Quid vultis, in- quiebat S. Paulus, in virga veniam ad vos, an in charitate, & ſpiritus manſuetudini?* 1. Corinth. 4. verſ. 21.

6. Multa extant in Sacris Scripturis, etiam novi teſtamenti teſtimonia, quæ Eccleſiæ facultatem illam fontes plectendi aſſerunt. Satis eſt ut meminerimus Chriſtum, ut diximus, Apoſtolos ſuos, eorumque ſucceſſores, excommunicationis, cæterarumque cenſurarum gladio armaſſe, quo contumaces à malo deterrent. Quamobrem Origenes non timorem omnem ab Eccleſiaſtico regimine removet, ſed *timorem carnalem.*

7. Sanctus Thomas, & alii plures interpretes in eundem ſenſum verba Chriſti explicant, ut ſcilicet non de poteſtate, ſed de poteſtatis uſu, non de iure, ſed de facto intelligantur. *Principes Gentium dominantur eorum Matth. 20. id eſt,* interpretatur S. Thomas, *in ſervitutem redigunt ſubditos:* Ezechiel. 22. *Principes ejus in medio illius, quaſi Lupi rapaces; Item aliqui habent eminentiam non in dignitate, ſed in poteſtate, ut aliqui nobiles, & conſuetum eſt, quod qui poteſtatem habent, non utuntur ad beneficium, ſed poteſtatem exercent in eos, ſcilicet ad opprimendum, non ad juſtitiam; ſed Dominus illam conſuetudinem non vult in Eccleſia ſua ſervari.*

8. Alii interpretes ſuper hæc verba Luc. 22. *Reges gentium dominantur eorum* plurimas congerunt autoritates, ut probent Principibus etiam ſæcularibus congruere benignitatem. Olim epithetum Regis erat, *bonus.* Homerus nihil aliud in Rege deſiderabat, niſi ut eſſet fortis in hoſtes, & bonus in Cives. Imò Præſulum epithetum erat *optimus.* Unde Paulus Felicem Præſidem cognominat *optimum* Act. 23.

9. Non igitur docet Chriſtus quales debeant eſſe, ſed quales ſint plerique Principes. Cæterum & Eccleſiaſticis, & ſæcularibus Prælatiſcomperit, ut ſubjectos poſſint legibus obligare, & ad illarum executionem contumaces adigere, illi pœnis ſpiritualibus, & Canoniciſ; iſti temporalibus, & corporalibus. Sed pro dolor, car-

nales homines, quia temporalia bona tantum diligunt, non nisi temporales pœnas metuunt, nec spirituales, licet tanto magis metueudas, quanto animus corpori præstat, formidant. Unde fit ut Ecclesiæ præcepta parvi pendantur, nisi Magistratus sæculares brachium suum, id est auxilium, ut debent, illi commodent.

10. Tertium addit discrimen idem Auctor inter utramque potestatem. *Regium Imperium, inquit, à Sacerdotali in eo maxime distat quod illi non solum singulorum Civium rationes commisit, sed totius Reipublicæ salus: Unde fit, ut in Civis etiam in vitos ad fovendum totius Reipublicæ corpus ius illi competat, quemadmodum antea dixi, quod aliter se habet in Episcopali Ministerio, cui Ecclesiæ sollicitudo ita est commissa, ut singulorum salutem præcipue invigilare debeat, nec curare possit universum corpus aliquorum membrorum perniciem: sed ad exemplum Magistri nonaginta novem oves deferenda illi sunt, ut censuram ad causas reportet.* Quis rursus humani ingenii non demiretur imbecillitatem, cum eruditissimum hominem, tam absurdè ratiocinantem audierit? Quis credat Ecclesiæ universam corpus minus curare debere, quam aliqua membra? Quis credat nonaginta novem oves illi omnino deferendas, ut unam ad causas reportet? Consultit Ecclesiæ bono publico, & quidem magis quam privatis, sed in hoc excellit ejus regimen, quod cum sæculares Magistratus multa dimittant inulta, dum societati civili non officiant, Ecclesiæ omnibus remedia pro viribus conferat, secreta secretis, publica publicis, nec nonaginta novem justos perire sinit, ut unum salvet peccatorem: sed aliquandiu illorum curam non necessariam intermittit, aut imminuit, ut istum interim quærat, & justorum numero apponens simul omnium salutem, quantum potest, promoveat. Id autem & bonum publicum exigit, ut scilicet oves in tuto positæ aliquantulum deferantur, quo congregandis aliis, & Gregi adjungendis, liberius vacetur. Neque enim si nonaginta novem pariter periclitarentur, postponeretur illarum salus unius recuperationi.

11. Monet Ecclesiæ privatim peccatores occultos, sed publice peccantes, ac scandalosos publice arguit, &, dum est inutilis correptio eos ab aliorum communione sejungit, mavultque, ut Lupi faucibus exponatur ovis una morbida, quam totum gregem in-

ficiat:

ficiat : quanquam etiam unius illius salutem exponat, eamque ideo etiam se jungit, ut, dum se à grege senferit exulem pudore suffundatur, ac illuc redire optet, & festinet. Non tam exigit pœnam quàm morborum curationem, non vult mactare, sed salutem conciliare. Sed eundem sibi finem debent præstituerè Principes, ut scilicet bonum publicum curent, non autem ut perdant, & destruant singulares homines, nisi fortè quatenus bonum publicum mortem exigit. *Si non ad bonum commune multitudinis, inquit, S. Thomas opusc. de regim. Princip. lib. I. cap. I. sed ad bonum privatum regentis regimen ordinetur, erit regimen injustum, atque perversum. . . . bonum siquidem gregis Pastores quarere debent, & Rectores quilibet bonum multitudinis sibi subjecta.*

12. sed utrique, & Pontifices scilicet, & Reges dum pro bono publico singulares subditos plectunt, etiam istorum bono consulere debent, quantum possunt. Sanè nemini fas est quantumvis potentim mortem alicujus, aut aliud malum sub ratione mali appetere.

13. Quod autem Principes aliquandò privatis hominibus vitam auferant, ut Communitati nocere desinant; quod etiam subjectos ad solvenda tributa, quorum dubia est justitia, compellant, non est indicium arctioris obligationis in legibus politicis, quàm in Ecclesiasticis, sed majoris timoris in hominibus à pœnis temporalibus, quàm à spiritualibus. Quamobrem rectò concludit Dominus de Marca cum Theodoretò, *aliam esse rationem legum Regiarum, & Canonum; quod illa severas pœnas à reis exigant, hi autem errantes in viam reducere, & agris remedia parare conentur; quando peccatum est in leges Evangelicas, aut mores receptos.* Hinc tamen non consequitur vim obligandi, majorem inesse legibus politicis, quàm Canonicis.

14. Sed quæ causa est, ut præfatus Autor Principibus, *si non jure ordinario, sed summo jure agere velint, earum Constitutionum executionem urgere posse concesserit, quæ de jure dubio feruntur, & ab invitis Civibus obsequium extorquere, sine ulla Tyrannici Imperii exprobratione:* Illam autem facultatem summis Pontificibus, aut Ecclesiæ universæ denegaverit? Numquid in dubio præsumendum est pro justitia legis civilis, & pro injustitia Canonica? Nonne etiam legibus Ecclesiasticis convenit ratio boni publici,

quam subjungit ? *Et si enim inquit, dura sint aliquando Regum Imperia, ordo ille imperandi, & parendi id exigit, ne subditi Dominorum mandatis cedant, quemadmodum Apostoli disertissime docuerunt. Quidni etiam Ecclesiarum præceptis parendum sit, etiam si gravia videantur ?*

CAPUT VII.

Ostenditur Doctores, quos citat Dominus de Marca non docere vim legis ab acceptione pendere, sed potius contrarium.

1. **L**eges Ecclesiastica, inquit idem Petrus de Marca lib. 2. cap. 16. num. 5. eadem tacitâ conditione, quâ Civiles adstringuntur, scilicet ut parendi necessitate Christianos non teneant, donec usi sint receptæ. *Hac est non solum Gallorum omnium, sed etiam celeberrimorum quorumque Doctorum sententia.*

2. Vera sunt hæc de utrisque legibus, si vel tacitus superioris consensus adsit, vel à lege absit iustitia. Sed si subintelligantur duæ conditiones à nobis supra expositæ, ut scilicet & lex iusta sit, & superior omnino, & non obstante consensus defectu, eam obligare intendat, & pauci Galli, & paucissimi celeberrimi Autores necessariam omnino promulgationem affirmabunt.

3. Huic sententiæ non favebit Gratianus, qui primo loco citatur; Nec enim tacitum illum superiorum consensum excludit, licet illum non exprimat, dum ait, *leges institui, cum promulgantur, firmari cum moribus utentium approbantur.* Invisus ferè Gallis est Gratianus, quod plurima collegerit, quæ illis videntur summorum Pontificum auctoritatem nimis extollere, nec illum controversiarum de libertatibus Ecclesiasticis Judicem reciperent lubentes; Itaque non est in explicanda illius mente amplius immorandum; quanquam sic illum Autorem interpretantur communiter Juris Doctores, ut tacitum Principis consensum ad non exequendam, vel ad abolendam legem requiratur, quod in ipsis animadvertere licet, quos deinde citabimus ex prædicto Marca. Imò seipse Gratianus videtur corrigere

re §. ult. ejusdem distinctionis 4. dum addit; *nisi forte quis dicat hac non decernendo esse scripta, sed exhortando conscripta.* DECRETUM VERO NECESSITATEM FACIT: EXHORTATIO AUTEM LIBERAM VOLUNTATEM EXCITAT.

4. Secundò sanctus Augustinus, quem putat Marca inclinare in contrariam sententiam lib. de vera Religione cap. 31. non inferiorum, sed superiorum judicio permittit leges, cum fiunt. Hæc sunt illius verba; *In istis temporalibus legibus, quanquam de his homines judicent, cum eas insistant* (certè non subditi, sed superiores, leges inrituunt, imò nec adsunt quidem inferiores, nisi fortè paucissimi, dum leges conduntur) *tamen CVM FVERINT INSTITVTÆ ATQVE FIRMATÆ non licebit iudici de ipsis judicare, sed secundum ipsas.* Si iudici, qui Principis vice fungitur, non licet de legibus, sed secundum leges judicare, quomodò id permittetur inferioribus? Non enim dicit S. Augustinus, cum receptæ, sed cum institutæ, atque firmatæ fuerint, quod totum ad Principis auctoritatem pertinet. Sed quod S. ille Doctor de Legislatoribus, non de inferioribus, doceat; posse de legibus judicare, cum instituuntur, declarat ipse manifestissimè verbis, quæ post jam relata immediatè sequuntur; *Conditor tamen legum temporalium, si vir bonus est, & sapiens, illam ipsam consilii æternam, de qua nulli anima judicare datum est, ut secundum ejus incommutabiles regulas, quid sit pro tempore jubendum, verandumque discernat.*

5. Covarruvias, quem dictus Marca celeberrimum Autorem vocat, utriusque conditionis supradictæ mentionem expressam facit in illis ipsis verbis, quæ sunt ab illo exscripta è libro. 2. var. resol. cap. 16. num. 6. scilicet; *Leges à Principe dari ea conditione, ut NON ALITER OBLIGENT, QUAM SI FVERTINT A REPUBLICA RECEPTÆ & maxime præsumendam esse eam legem, quæ à Republica non recipitur, minime ei convenire.* Ergo è contra si Princeps intendat, ut leges etiam non receptæ obligent, & illæ aliundè Reipublicæ conveniant, ad illarum observationem subditi tenebuntur.

6. Navarrus, qui est alius Autor à præfato Marca citatus tanquam celeberrimus, necessitatem taciti consensus Principis expressè meminit. *Dixi, inquit, receptam: quia antequam recipiatur saltem per majorem partem Universitatis, cujus pars est transgressor, non*

ligat. Quoniam promulgari videtur cum conditione, si recipiatur saltem per maiorem partem, ut singulariter dixit Domi. in §. *leges per Recentiores ibi*, & in cap. 2. de *Constit.* & profundius Felix in cap. 1. de *treuga*, & *pax* n^{um}. 12.

7. Citantur ad marginem alii Autores, qui duas possunt in Classes dividi. Prima est eorum, quos vulgò Summistas aut Casuistas appellant, secunda aliorum Theologorum. In prima Classe respondentium sunt Bartholomæus Fumus Ordinis Prædicatorum, cujus liber inscribitur: *Summa aurea Armilla nuncupata*. Angelus de Clavasio Ordinis Minorum, cujus liber; *Summa Angelica* dicitur, & Sylvester. Horum trium nullus non supposuit consensum Principis, ad detrahendam legi vim, esse necessarium: sive quia tùm debet adesse, cùm lex publicatur, aut in defuetudinem abit, sive quia generaliter constitutum est, ut post certum tempus; ac cum certis conditionibus leges inobservatæ robore carerent.

8. Ecce verba summæ Aureæ *Armilla* nuncupatæ verbo lex num. 17. & dicit gloss. in cap. *Quocirca de consang. & affin. quod tolerantia*, & *dissimulatio* Principis, in actu de jure prohibito, in danti dispensationem. Quod Dominus Antonius intelligit, quando Constitutio Papæ à principio non recipitur, Papa sciente, & tolerante, quod casus tolerantia excusat à peccato: non autem si à principio recepta fuit à majori parte, secundum quod limitat Panormitanus. Nota hæc verba, Papa sciente, & tolerante.

9. Angelus autem de Clavasio verb. Constitutio §. 1. sic quæstionem proponit: *Utrum Constitutio Papæ, quæ à principio communiter non recipitur, ipso sciente, & tolerante obliget ad peccatum.* Item verb. Consuetudo §. 10. *Ex quo*, inquit, *per binum actum factum est contra Legislatorem scientem, & valentem contradicere, & non contradicentem.* Non disputat igitur Angelus, utrum lex non accepta subditos arctet, urgente, ac præcipiente superiore, ut acceptetur, sed supponit ipsum scire, & tolerare non receptionem.

10. Sylvester verb. lex num. 6. adhuc clariùs illum consensum docet esse necessarium, imò majorem in hoc auctoritatem vindicat summo Pontifici, quàm Imperatori, ut mirum sit in patrocinium advocatum fuisse sententiæ Petri de Marca. Audi ergo Sylvestrum verb. lex num. 6. *Quæritur quæ, & quot requirantur ad hoc quod*
lex

lex habeat vim obligativam in se, sive in communi, & dico, quod multa . . . 4. quod per inferiores sit suscepta, & approbata dist. 4. in istis §. leges . . . etsi opponatur, quod hoc sit absurdum, quia potestas condentis legem penderet à subditorum arbitrio. Dico primò hoc non esse inconveniens in Principe saculari, id est Imperatore; quia, ut recitat, & sequi videtur Archidiaconus dist. 3. lex. Quidam, ut Landulfus dicunt populum posse auferre Imperatori auctoritatem, quam in eum transfulerunt, juxta §. sed quod Principi instituit de jur. natur. sicut iudex qui delegavit. (Ecce quomodo Sylvester suffragatur opinioni Marcæ, in eo, quod lib. 2. cap. 2. docet non solum auctoritatem Regiam manare à Deo, sed etiam specialiter singulis Regibus à Deo immediatè conferri,) SED OMNES ECCLESIAE NON POSSUNT AUFERRE AUTORITATEM A PAPA, QUIA EAM HABET A DOMINO. Vide si vis Archiepiscopum 3. par. tit. 18. cap. unic. col. 3. (S. Antonium Archiepiscopum Florentinum intelligit, à cujus auctoritate possemus novum accerere argumentum,) Esto tamen quod illud sit inconveniens in Imperatore sicut in Papa: Dico quod hoc non sequitur, quia potest Princeps deputare Executorem compellentem ad observantiam legis: quo casu necessaria erit susceptio legis subditis compulsis. (Vide an Sylvester cum Marca doceat nihil obtrudendum esse fidelibus, quod eos offendere aliquo pacto possit:) & dato quod compelli non possint; adhuc non sequitur illud inconveniens: quia eo casu, quo Princeps vult compellere sed nequit, non receptio non impedit vim legis, cum eo modo eam impediatur, quo consuetudo tollit scilicet quia Princeps scit, & tolerat. Non ergo defectus acceptationis, sed Principis consensus robur legis juxta suspendit.

C A P U T VIII.

Ostenditur ex verbis aliorum Doctorum, quos citat Dominus de Marca non probari vim legis à promulgatione pendere, sed potius contrarium.

1. **C**Itantur adhuc duo magni nominis Theologi ad probandam necessitatem acceptationis, ut leges obligent: scilicet Joannes Gerson, & Joannes Major; sed licet illi, sicut & Nicolaus Cusanus, quem alibi allegat, & nos cap. sequenti, eo

tempore

tempore scripserunt, quo summi Pontifices, seu legitimi, seu falsi, Galliam insolitis oneribus ferè oppresserant, tempore scilicet schismatis inter Pontifices Romæ, & Avenione sedentes, aut tempore bellorum, ideoque vehementius incusaverint abusus autoritatis Pontificiæ contra sanctam, & priscam Canonum disciplinam, nusquam tamen non meminerunt legitimæ Vicariorum Christi potestatis, & debitæ ab omnibus fidelibus erga sanctam Sedem non solum venerationis, sed etiam obedientiæ.

2. Joannes Gerson in tractatu de vita spirituali lect. 4. quæ signanter citatur à Marca hæc habet corollario primo. *Nulla transgressio legis naturalis, aut humane, ut naturalis est, vel humana, est de facto peccatum mortale*: Sed hæc doctrina nihil juvat ad stabiliendam necessitatem acceptationis; Distinguit enim tantummodo, Theologorum Scholasticorum more, duas, ut ipsi loquuntur, formalitates in eadem lege, prima quod dicitur à ratione naturali, vel constituta sit ab hominibus. Secunda quod à Deo sit posita, vel firmata; Et ab hac secunda, non autem à prima putat habere quod obliget sub pœna peccati mortalis; sed in omni lege justa requiritur utraque illa ratio, seu formalitas. Hæc Gersonis mens manifestè patet ex probatione, quam adducit, scilicet, *quia lex naturalis, & humane, ut tales sunt, non possunt attingere ad cognitionem æternitatis in pœna, vel premio; Non ergo feruntur ad finem talem supernaturalem.*

3. Corollar. 4. concludit in hunc modum: *Et ita quantum lex aliqua habet admixtum de lege Divina præceptiva, tantum & non amplius est ejus transgressio mortaliter vitiosa.* Et corollar. 7. *Nulla lex appellanda est, neque ferenda tanquam necessaria ad salutem æternam, quæ non est de jure Divino in aliquo quatuor graduum, quos lectio præcedens exposuit.* Hæc doctrina prima specie videtur ab omni peccato mortali eximere violationem cujuscumque legis humanæ, nisi sit etiam lex Divina. Verùm contraria mens aperte significatur in Corollario 6. cum de præcepto abstinendi ab operibus servilibus, & sacrosanctum Missæ sacrificium audiendi sic loquitur Gersonius: *Quod si peccat quis mortaliter transgrediendo limitationem istam Ecclesiæ, hoc non est propriè ex hoc quod Ecclesiæ sic præcipit; sed quia sic limitare expediebat pro communitate: Et jam homo sit contemptor Divini præcepti* (huc usque soli Divinæ legi vim obligandi tribuere videtur: sed

Præ-

Prælatorum auctoritatem statim asserit) & suorum superiorum, quibus sponte se submitit, aut submittere debuit pro utilitate sui, & Communitatis, cuius est pars.

4. Sed in lect. 2. ad quam remittit in Corollario 7. omnem aufert dubitandi occasionem. Distinguit enim quatuor gradus legis ad Divinam legem pertinentis, ad quorum aliquem præcipue 3. vel 4. evidentissime reducitur quæcunque lex, manifestam non continens injustitiam; Dicamus, quod illa lex est pertinetens solum ad Divinam, quæ licet deduci non possit à veritatibus solis Divina, deducitur tamen ex eisdem coassumptis aliquibus veris probabilibus, quæ pie, & rationabiliter negari non possunt. In 3. gradu sunt leges, quæ ad sui deductionem per leges Divinas requirunt propositiones dubias, quæ tamen plus incitant, & edificant ad devotionem, quàm opposita, aut quas tutius est concedere, quàm negare. Exempla multa, & quotidiana sunt in Canonibus summorum Pontificum, & Decretalibus. Illi quippe Canones, aut Epistole Decretales innituntur legibus Divinis, utpote talibus universalibus; Qui vos audit, me audit: obedite Præpositis vestris, quæ dicunt, facite; & similibus. Sed subsumendo pro minori propositione, aut in consequentia coassumuntur sapientis propositiones, quæ non sunt de lege Divina, aut quæ dubia sunt, aut non prorsus certa, quod proficiunt observantibus. Tamen in multis tutius est eas concedere, nec perinaciter impugnare, &c. Postremus gradus continet leges, quæ ex legibus Divinis non plus deduci possunt, aut minus quàm opposita. Quæ lex amabo, si iusta sit, non pertinebit ad legem Divinam aliquo ex istis modis.

5. Sed progreditur ulterius Gerson, nam Corollar. 8. lect. 4. docet in dubio iudicandum esse pro lege; Verba inferius exscribemus. Demonstrabimus etiam alibi quomodo summi Pontificis auctoritatem defendat, & hæreseos arguat illius impugnatores, ut hinc pateat Gersonium, dum auctoritati summi Pontificis aliquid videtur detrachere, ad abusus suo tempore frequentes respicere. Diutius spe nostra, inquit huiusce tractatus lect. 3. tenuit nos sermo de hac potestate summi Pontificis, quoniam tempestas præsens ad hoc impulit, pro qua magis necesse est potestatem hanc ad clarum dignoscere, atque secernere, quàm olim antea præsertim ad videndum subtractionis factæ iustificanda, vel cassanda rationem, præsuppositis eis, quæ facta sunt. De

subtractione loquitur à Benedicte XIII. Pontifice Avenionensi, cui paruerunt Galli tempore schismatis, de quo alibi fusiùs.

6. Joannes Major post Gersonium scripsit, & se Universitatis Parisiensis sententiam sequi professus est, in 4. sent. dist. 15. quæst. 4. quæ locus citatur à Marca. Ad Gersonis sententiam interpretandus est, ut scilicet non obligent leges ad legem Divinam nullo modo pertinentes, id est iustitiæ, vel iusta de causa refutata. Puderet ni fallor Doctores celeberrimæ Facultatis Theologiæ Parisiensis affirmare leges etiam iustas posse repudiari, quamvis renitente Principe, ac sine iusta causa. Contrarium suadent eorum Decreta alibi referenda.

7. Denique Joannes Driedo Professor Lovanienfis lib. 1. de libert. Christiana cap. 9. docum. 2. citatus à Marca, docet, quidem legem in foro conscientię non habere vim obligandi. *Quando non est moribus utentium recepta, sed supponit tacitum consensum Principis meruentis turbationem Reipublicæ. Tum enim, inquit, lex illa non expedit Reipublicæ sic disposita, cum plus damni, & turbationis, quàm boni inde sequeretur. Neque enim posse lex illa moribus utentium confirmari, dum Princeps non posset absq; turbatione Reipublicæ punire illius legis transgressores, populo legem illam non acceptante.* Dispositio tamen Reipublicæ prædicta vix culpā vacaret, si lex omninò iusta esset.

8. Cæterum auctoritatem superiorum, & eis parendi obligationem, dum nihil præcipiant legi Divinæ contrarium, in illo ipso loco validissimè defendit: *Ex his, inquit, manifestum est, falsam esse doctrinam eorum, qui dicunt Ecclesiæ Prelatos, superioresque Potestates non plus facere posse imperando, quàm faciunt Magistri, aut Doctores Dei legem seu præcepta docentes, & Prelatos nihil aliud posse facere, quàm faciunt Medici, qui agrotis intiment, quis cibis mortiferus sit corpori, quis salutaris. . . . Nam & sunt alia innumera sacra Scriptura testimonia, ex quibus liquidum est Prelatorum & superiorum Potestatum officia esse non solum docere, aut intimare quid Deus jubeat, sed & imperare, dirigere, & coercere populum. Deinde, & scire oportet supradictas scripturas à sanctis Patribus sic intellectas esse, ut ex illis sequatur etiam ipsi oportere OBEDIRE IN HIS, QUÆ NON SUNT SECUNDUM SE PRÆCEPTA LEGE DIVINA, quemadmodum latius declarabitur infra, & in solutionibus argumentorum.*

9. Testimonia Innocentii I. & Gelasii, quæ profert præfa-

tus Dominus de Marca loco citato cap. 3. in alienum sensum ab eo detorquentur. Cùm enim Innocentius Epist. 18. quæ est ad Alexandrum Episcopum Antiochensem quædam decrevisset circa jus Metropoliticum, & de rejectione Clericorum Arianorum, scribit, ut hæc Decreta mittantur ad ceteros Episcopos, ut ab omnibus unanimiter observentur. Quia in re non illorum arbitrio permittit, ut vel acceptentur, vel repudientur, sed providet tantùm ut ab eis non ignorentur, quod sufficere putat, ut communi consensu ab omnibus executioni demandentur. Et licet hanc significationem in Synodo fieri cupiat, satis tamen esse insinuat, si ad Episcopos pervenerit; *Gravitas itaque tua, inquit, hæc ad notitiam Coepiscoporum, vel per Synodum, si potest, vel per harum recitationem faciat pervenire, ut ea, quæ ipse tam necessariò percontatus es, & nos tam elimate respondimus, communi omnium consensu, studioq; servantur.* Gelasius autem dicit Constituta Conciliorum universalium fieri ex assensu universalis Ecclesiæ; non autem statuta Conciliorum ab assensu universalis Ecclesiæ pendere, ut vim habeant obligandi; ac in hoc magnam Apostolicæ Sedis autoritatis partem collocat, quod Synodorum Decreta confirmet, exequatur, & observari faciat. *Confidimus, quod nullus jam veraciter Christianus ignoret uniuscujusque Synodi Constitutum, quod universalis Ecclesia probavit assensus, non aliquam magis exequi Sedem præ cæteris oportere, quàm primam, QUÆ, ET UNAMQUAMQUE SYNODUM SUA AUTORITATE CONFIRMAT, & continuata moderatione custodit, pro suo scilicet Principatu.*

10. Ex eo quod Anastasius Bibliothecarius non omnes ubique Canones vigere affirmat ad marginem 6. Canonis septimæ Synodi, ubi mentio habetur cujusdam Canonis Trullani, nequit Marca inferre, necessariam esse acceptationem, ut lex visua polleat, cùm à quamplurimis aliis causis procedat hæc inobservatio, præsertim ex tacito summi Pontificis consensu.

11. Non magis urgent verba Diurni Romani ab eodem Marca relata, quibus pollicebarur olim Pontifex se servaturum omnia Decreta Canonica Prædecessorum Apostolicorum Pontificum quæcumque ipsi Synodaliter statuerint, & probata erant. Nec enim hæc voce probata significatur necessitas consensus subditorum, ad hoc ut superiorum legibus teneantur, sed designantur Constitu-

iones desuetudine , vel contrariis Constitutionibus , aliave legitima ratione non abrogatæ: Quod ex verbis sequentibus colligitur, *sicut ab eis (Pontificibus) statuta sunt, in sui vigoris stabilitate custodire.*

12. Denique verba illa Philippi II. Francorum Regis à Marca loco citato exscripta. *Ecclesia non recipit quamplures Canones, qui per desuetudinem abierunt, vel ab initio non sùere recepti* intelligi debent de Canonibus ab Ecclesia Romana non receptis v. g. Trullanis, vel cum consensu expresso , aut tacito summorum Pontificum in usum non redactis. Nec enim illud Philippi testimonium, aut alia supra relata definiunt posse subditos, superiorum, iustas suas leges acceptari, & observari contententium, voluntati, sine peccati reatu obistere.

C A P U T IX.

Utrum legi parendum sit, dum dubia est eius Iustitia, aut non evidens eius recusanda ratio.

1. **V**erendum non est, ne universa Ecclesia, vel etiam summus Pontifex, aliquid præcipiat legi Divinæ, aut naturali contrarium; sed neque de quo dubium sit, an adverteretur, nec ne? Undè non de huiusmodi dubio hic instituitur quæstio, quæ certè non tam facilè solveretur. Videtur enim ex una parte, quod quemadmodum Deo obediendum est magis quàm hominibus, si apertè contraria præcipiant, ut qui hunc ordinem invertat, culpæ, ac pœnæ reus sit: Ita etiam cùm periculum est, ne in adimplendo hominis præcepto subditus Divina mandata transgrediat, huiusmodi mandatum prætermittendum sit, quia hoc ipso quod quis se peccandi periculo committit (committit autem quisquis id agit, quod dubitet, an Deo displiceat) in peccatum incurrit. Aliunde tamen S. Augustinus relatus Canone: *Quid culpatur* 23. quæstione 1. supponit posse (nescio an non etiam debere) superiori præcipienti obtemperari, non modò si certum sit, id, quod præcipitur Deo non displicere, sed etsi displicere certum non sit. Docet enim posse militem bellare iubente Principe, in quo proximi fortunæ, ac vita ipsa impetitur, dummodò certum non sit

fit, bellum illud esse Divinâ lege vetitum, atque adeò dubium sit, num hosti fiat injuria; posseque contingere, ut reus sit, qui præcipiat, innoxius qui obsequatur; *vir justus*, sunt verba S. Augustini, *si forte etiam sub Rege homine sacrilego militet, rectè potest illo jubente bellare, si vice pacis ordinem servans, quod sibi jubetur, vel non esse contra Dei præceptum certum est, vel utrum sit, certum non est: Ita ut fortasse reum faciat Regem iniquitas imperandi: innocentem autem militem ostendat ordo serviendi.* Rideretur ut insanus, nedum plecteretur ut reus, miles, qui ad bellum proficisci jussus à Principe caufaretur, quod sibi non satis esset perspecta belli justitia. Principis est, præcepti causas, & justitiam discutere, subditorum autem parere; nisi norint Principem majorem id prohibere.

2. Sanè qui tùm etiam obediendum sentit, cùm non constet an lex Divinis mandatis sit conformis, an contraria; quomodò non arbitrareretur præstandam obedientiam, cùm nullum est de peccato, vel de peccati periculo dubium, sed tantùm, an nimium gravis sit lex, ambigitur, aut ex alio capite, quàm ex peccandi timore oritur injustitiæ suspicio.

3. Nulla est societas, in qua erroris, ac temeritatis non insimuletur quisquis, dum inferior cum superiore contendit circa præcepti obligationem, præferendam asserat inferioris sententiam. Mente percurantur Cœtus omnes, non solum in quibus Principis potentia, etiam dum officii sui terminos prætergreditur, mutam extorquet obedientiam, aut in quibus vorum ad obedientiam arctius constringit, sed & alii omnes: vix unum invenias, in quo universi omninò per suum non habeant, & omninò indubitatum; Rectoris judicium in dubiis circa obedientiam, inferiorum opinionibus esse anteponendum, eosque omnes in regiminis regulas peccare, qui obedientiam negent sub prætexu, quod evidens non sit mandati æquitas.

4. Tantus est uniuscujusque erga se ipsum amor, tamque altis radicibus infixum in omnium hominum cordibus libertatis, & independentiæ desiderium; tam accensum, ac fervens propriæ commoditatis, & utilitatis privatæ studium; ut si dubium sufficiat ad excusandam legum rejectionem, dissolvendus sit omnis obedientiæ nervus; Quotus enim quisque est, cui mens, privati amoris stimulo exci-

tata, dubitandi rationes non subministret, quandoquidem tot sunt quibus injusta videntur, quæ justissima cernuntur ab aliis omnibus, qui æquo animo de illis judicant. Quin etiam non desunt qui apertum scelus non solum injustum non agnoscant, sed & laudabile existiment, quemadmodum Judæi Apostolos interficientes arbitrabantur obsequium se præstare Deo.

5. S. Gregorius Magnus in c. 15. lib. 1. Reg. exponens verba hæc Samuelis ad Saulem, *quasi peccatum ariolandi est repugnare, & quasi scelus idololatria nolle acquiescere*, Inferioribus de superiorum mandatis sententiam ferendi tantum abest ut libertatem relinquat, ut etiam licentiam illā maximi criminis arguat. *Qui repugnant, inquit, Prælatorum imperiis, ideo utique repugnant, quia Divinam voluntatem se scire melius estimant. Quasi ergo peccatum ariolandi est repugnare, quia, velut Divino Altaris contempto, ad aras Demonum responsa percipiunt, dum cordis sui prestigiosis, ac superbis ad inventionibus credunt, & salutaribus Prælatorum consiliis contraria sentiendo refragantur.* Quocirca tam acriter increpatus est à Samuele Saul, licet iste proprio crederet officio fecisse satis. Nam corripienti quod Dei vocem non audivisset, imò, respondit, *audivi vocem Domini, & ambulavi in via, per quam misit me Dominus* 1. Regum 15. vers. 20. Præceptum quidem ad litteram non fuerat executus, sed præterquam quod in re, ut videbatur, parva illud transgressus fuerat, majorem se Deo gloriam procuraturum, si sacrificium offerret, existimaverat; *Tulit autem, inquit, de prada populus oves, & boves primitias eorum, quæ casa sunt, ut immolet Domino Deo suo in Galgalis.*

6. Joannes Gersonius, cujus verba huc distulimus, obediendum in dubio statuit in tract. de vit. spirit. lect. 4. hoc est enim Corollarium 8. *Occurrente dubio probabili de aliqua lege, utrum Divina sit, aut Divina connexa, seu pertinet, tutius est legem illam pro Divina suscipere, quam humanam negligere.* TENE CERTUM (consulti Augustinus) ET DIMITTE INCERTUM. Consilium dumtaxat, non præceptum his verbis contineri crederes, nisi statim sequeretur; *Est itaque regula Magistralis quod exponens se discrimini peccati mortalis peccat mortaliter, & hanc fundat dictum Sapientis: Qui amat periculum peribit in illo.*

7. Nicolaus Cusanus, quem D. Petrus de Marca lib. 2. cap. 16. num. 3. adducit, ut probet necessariam acceptationem legum, ut vim obligandi habeant, quod descripserat initio Concilii Basileensis, postea vel explicavit, vel retractavit. *Sic enim*, ait Epist. 1. quæ est ad Rodericum de Trevino Archidiaconum Oratorem Regis Castellæ in Dicia Francofordiensi anno 1442. die 20. Maii scripta; UBI VERO IPSE PRINCEPS EA FIERI MANDARET, QUÆ AD FINEM ÆDIFICATIONIS ECCLESIAE ILLI CREDITÆ NON TENDERENT, NON PROCEDERET IUSSIO A PRINCIPATU; QUARE EI TUNC OBEDIRE NON ESSET NECESSE. Si verò dubium esset, & de mente sacri Principis non constaret: pro sacro Principe presumendum est, quod rectè credita potestate utatur & ipsi obediendum est.

8. Franciscus de Victoria Universitatis Parisiensis Alumnus relect. 4. propositionem 16. hanc adstruit; Non spectat ad subditos determinare, aut examinare quid possit Papa, aut quid non possit, & quomodo teneatur parere vel non. Probatur. Quia sacrilegium est disputare de Potentia Principis, & præcipuè Papa 17. quæst. 5. Committitur, & sequent. 2. quia hoc ipsum determinare, quæ sit potestas spiritalis alicujus, est jurisdictio, & est pars gubernationis, quæ non spectat ad subditos, saltem erga superiores: ergo hoc non convenit illis. 3. quia profectò hoc esset in turbationem, & dissolutionem Ecclesiastica Hierarchia & autoritatis, si quilibet posset dicere, Papa non potest, & hoc modo eximeret se à mandatis Papa, & esset manifestum nutrimentum inobedientia, & schismatum, & hæresum. IMO HINC NATÆ SUNT HÆRESSES, ut ait Cyprianus, QUOD SACERDOTI DEI, VEL PAPÆ NON OBEDITUR; sed quilibet audet dicere, quod Papa male facit, & quod non potest facere, Et ideo etiam si Papa erraret, melius esset, ut in omnibus illi pareatur, quàm per hoc quod unus habeat licentiam non parendi Papa in uno casu forsân rationabili, dare occasionem, ut alii non pareant etiam in iustis, & honestis.

9. Præsidendum est quid inferioribus utiliùs sit decernere, atque ad illud implendum amore, interdum etiam timore, inducere; Subditorum etiam non solùm vires, sed & affectus plerumque convenit explorare antequam lex illis imponatur: non ita tamen ut bonum publicum

publicum negligatur, ne offendatur multitudo: subditorum autem est obedire, sed eorum maximè, qui, & ipsi aliis præfunt. Debent enim obedientiam superioribus suis præstare, ut eam à suis inferioribus faciliùs obtineant.

CAPUT X.

*Utrum nova Ecclesie Decreta in Gallia obligent, si prius
examinata, & à Curis secularibus recepta
non fuerint.*

1. **D**Um Conventus Bituricensis in examinandis Concilii Basileensis Decretis aliquid immutandum, aut temperandum judicabat, non id sua posse autoritate præstare, sed à Concilio ipso postulari debere sentiebat, ut in Pragmatica Sanctione frequenter notatur. Verùm libertates Ecclesiæ tunc temporis inductæ, processu temporis eo devenerunt, ut non solum summorum Pontificum Constitutiones, sed etiam Conciliorum œcumenicorum Canones, nisi circa fidem, non valere dicantur, antequam à Patlamenti fuerint discussa, & ut illic dicitur, verificata. Id satis expressè affirmat Carolus Fevretus lib. 1. cap. 4. num. 11. 24. 25. Fatetur ille quidem, Galliam suis libertatibus uti cum tacito Romanorum Pontificum consensu, & Petrus de Marca lib. 3. cap. 6. num. 5. cum bona summorum Pontificum venia, sed ipsis etiam nonnunquam invitis Conciliorum Decreta repudiantur, quod utrum jure fiat, videndum est in hoc capite.

2. Non quærimus jam, utrum quando Rex legitima sua jura impeti meruit, damnum præcavere possit, adhibito Actuum, qui à Curia Romana emanant, examine, aut à Clero, & populo suo manifestam injuriam propulsare, sed an in Gallia Judicum, & aliorum fidelium tuta sit conscientia, si Ecclesiæ universæ, aut sanctæ Sedis mandata, circa res spirituales, & Ecclesiasticas non evidenter injusta rejiciantur, aut non acceptentur à Senatu, à
Clero

Clero autem, vel à Populo executioni non demandentur.

3. Error esset intolerabilis, si à Senatu, aut Rege ipso summi Pontificis autoritas circa res spirituales, & Ecclesiasticas pendere crederetur. Hæresis est ista jam pridem ab Ecclesia damnata, & Scripturæ oraculis contraria. Cum enim Christus Vicarium in terris suum Petrum, ac in ejus persona legitimè successuros Pontifices creavit, supremæ suæ potestatis participes fecit, eamque potestatem solè Deo subjecit. *Et tibi dabo claves Regni Cælorum; & quodcumque ligaveris super terram, erit ligatum & in Cælis. Et quodcumque solveris super terram, erit solutum & in Cælis*, Matth. 26.

4. Si Christus Principibus omnibus supremis Ecclesiæ jurisdictionem submisisset, jus illud etiam Paganis & Hæreticis, penes quos est legitimum dominium, sine dubio competeret, quod ab omni ratione, ac religionis sensu alienissimum est. Quis enim credat voluisse Deum Ecclesiæ suæ regimen insensissimis suis hostibus supponere. Ergone invalida fuissent primis sæculis, dum Imperium, & Regna penes Imperatores, & Reges infideles, aut hæreticos erant, summorum Pontificum, & Conciliorum Decreta tunc edita, utpote à Principibus illis, & Christianæ Religionis persecutoribus non examinata, non probata, non recepta, non promulgata?

5. Sed quid juris circa hoc Principibus accessit, dum ad Christianam fidem conversi sunt, nisi quod baptismali caractere insigniti, in Ecclesiæ filiorum, ac subditorum numero conscripti fuerunt, ex quo non solum ad exequenda illius mandata, sed etiam ad procurandam, adhibita potestate sibi Divinitus tradita, illorum executionem tenentur. De iis, qui foris sunt, ut loquitur D. Paulus, id est, qui extra Ecclesiam, & per baptismum in illam nondum ingressi sunt, non judicat Ecclesia. At certè quicumque se Christianos profitentur, debent Ecclesiam audire, ac ejus præceptis obtemperare. Sic habuerunt, ac professi sunt quotquot veri Christiani, ac pii Principes extiterunt, ut produnt varia Ecclesiasticæ Historiæ monumenta: Id multoties declaravit Constantinus Magnus, præsertim in Rescripto ad Episcopos Concilii Arelatensis primi: *Meum judicium*, inquit, *postulant (Donatistæ) qui ipse judicium Christi expellit. Dico enim, ut severis habet, SACERDOTUM IUDICIUM ITA DEBET HABERI, AC SI IPSE DOMINVS RESIDENS IUDICET.*

Nihil enim licet his aliud sentire, vel aliud judicare, nisi quod Christi magisterio sunt edocti. Quid igitur sentiunt maligni homines, officia, ut verè dixi, Diaboli? perquirunt secularia, relinquentes cœlestia. O rabida furoris audacia? sicut in causis gentium fieri solet, appellationem interposuerunt. Equidem gentes minora interdum iudicia refugientes, ubi iustitia deprehendi (reprehendi legendum arbitror) potest magis ad maiora iudicia auctoritate interposita ad appellationem se conferre sunt solita. Quid hi detractores legis, qui renuentes cœlesti iudicio, mentiputaverunt postulandum, sic sentire de Christo salvatore ecce jam proditores, &c.

6. Theodosius Junior, & Valentinianus III. in Constitutione, quâ Decretum S. Leonis I. contra Hilarium Archiepiscopum Arelatensem executioni demandari iusserunt, expressis verbis declarant summi Pontificis sententiam sine Imperatorum intercessione vim suam obtinere: *Lata sententia, inquit, per Gallias etiam sine Imperiali sanctione valitura. Quid enim tanti Pontificis auctoritati in Ecclesiis non liceret. Sed nostram quoque preceptionem hac ratio provocavit, ne ulterius vel Hilario, quem adhuc Episcopum nuncupari, sola mansueti Præsulis permittit humanitas, NEC CUIQUAM ALTERI ECCLESIASTICIS REBUS ARMA MISCERE, AUT PRÆCEPTIS ROMANI ANTISTITIS LICEAT OBIVARE. ARTIBUS ENIM TALIBUS FIDES, ET REVERENTIA NOSTRI VIOLATUR IMPERII.*

7. In eo pietatis, ac iustitiæ sensu Imperatoribus inferiores non extiterunt Reges Christianissimi, quod sæpè de se ipsi testati sunt. De Carolo Magno Ivo Episcopus Carnotensis, Gratianus, alique quamplures verba ista referunt, tam generoso, tamque Christianissimo Rege, atque Imperatore digna; *In memoriam Beati Petri Apostoli honoremus Romanam, & Apostolicam Sedem, ut qua nobis Sacerdotalis mater est dignitatis, ESSE DEBEAT MAGISTRA ECCLESIASTICÆ RATIONIS. Quare servanda est cum mansuetudine humilitas, UT, LICET VIX FERENDUM AB ILLA SANCTA SEDE IMPO-NATVR IVGVN, CONFERAMVS, ET PIA DEVOTIONE TOLEREMVS.*

8. S. Ludovicus, ut jam alibi notavimus, inter alia, quæ Philippo HI. filio suo conscripsit, cum non solum Ecclesiæ Romanæ, sed etiam

iam summo Pontifici subjaceret, admonuit: Non enim piissimus ille Rex ad infringendam, & imminuendam obedientiam, ut plerique hodie faciunt, Pontificem à Sede separabat. *Sis devotus & obediens Matri nostræ Romanæ Ecclesiæ, & SUMMO PONTIFICI TANQUAM PATRI SPIRITUALI.* Tantùm aberat, ut Augustissimi illi Principes Ecclesiæ Romanæ, ac summi Pontificis, & Ecclesiæ universæ à Concilio œcumenico repræsentatæ Decretorum Judices agerent, ut illis etiam si gravia viderentur, sese humiliter subijcerent.

9. Sed & Philippus IV. qui primus omnium cum Romano Pontifice apertius disceptavit, si sanctæ Sedis Decreta à se, vel à suo Senatu non probata vim obligandi non habere sensisset, an non Bonifacii VIII. Constitutiones contempnisset? An Censuras à Benedicto XI. sublatas, deinde à Clemente V. expressius tollendas curasset.

10. Non igitur de Christianissimo Rege, aut ejus Officialibus, & Judicibus, multò minùs de Clero, & plebe præsumendum est, in ea esse sententia, ut Ecclesiastica mandata vim obligandæ conscientiæ à Potestate aliqua sæculari mutuari arbitrentur, aut prohibente illâ, exequenda non esse, si modò justa sint, qualia æstimanda sunt, quoties non patet injustitia. Eò tantùm spectat illorum examen, ut Regi, aut Regno non fiat injuria, aut Edicta injusta per obreptionem, aut subreptionem evidentem obteata, effectum sortiantur. Cæterùm si illa occasione Senatus sanctæ Sedis Judicem se constituat, si perperam ejus mentem interpretetur, si sine justissimis causis ejus decretorum executionem impediatur, non libertates Ecclesiæ Gallicanæ defendit, sed Ecclesiam Romanam simul, & Gallicanam in servitutem redigit, ac se omnibus censuris contra illa sacrilegia inflictis illaqueat.

11. Quamobrem non solum coram Deo, sed etiam coram hominibus vani sunt prætextus illi, quibus aliquando justissima sanctæ Sedis Decreta repudiantur; scilicet quod in iis observatæ non fuerint formulæ constitutionibus Regiis, vel Senatus consultis inductæ, aut quod edita sint proprio motu, vel cum consilio alicujus Congregationis, cujus auctoritas non agnoscat in Gallia: quæ quidem excusationes si sufficerent, cum semper earum aliqua præstò sit, tota summi Pontificis potestas corrueretur, vel, quod in idem recidit, à Francorum arbitrio penderet omne illius exercitium.

12. Nec illa Judicium sæcularium iniustitia illis prodest, qui eo tantum prætextu debitam Ecclesiæ obedientiam denegant, cum certissime sciant Fideles, non Potestatibus Laicis, sed Apostolis, eorumque Successoribus dictum à Christo Domino nostro esse. *Quaecumque alligaveritis super terram, erunt ligata & in Cælo: Et quaecumque solveritis super terram, erunt soluta & in Cælo.* Matth. 18. Atque adeo posse quidem Senatus-consulta à pœnis temporalibus, non autem à Censuris Ecclesiasticis, multò minùs à Dei judicio liberare.

CAPUT XI.

Summum Pontificem habere condendarum pro universis Ecclesiæ partibus legum potestatem.

1. **L**Eges justas acceptandas, & executioni demandandas, dum ea est Superioris intentio, imò etiam si dubia esset illarum iustitia, modò nihil continerent legi Divinæ, aut naturali contrarium, hætenus demonstrasse mihi videor. Itaque id unum probandum superesset, Romanum scilicet Pontificem, adversus quem vel omnino, vel præcipuè convertuntur libertates Ecclesiæ Gallicanæ, condendarum pro aliis, ultra suam specialem Provinciam, Orbis Christiani partibus legum potestatem habere, si hæc autoritas in dubium à Gallis revocaretur, quod de Christianissimo illo Regno nefas est suspicari. Quia tamen aliquorum facta cum verbis pugnare videntur, dum ita leges illas habent, quasi à Superiore non emanassent, non erit inutile, jus illud summi Pontificis monumentis antiquissimis, atque adeo in hac materia maximi ponderis confirmare, ut ex Gallorum, & ex summorum Pontificum testimoniis liquet, summa cum veneratione à primis susceptæ fidei temporibus obtinuerat fuisse ab inclita illius Nationis hominibus sanctæ Sedis Decretis, non adhibitis illis formulis, quæ posterioribus sæculis in illo Regno excogitæ sunt, ad examinandas leges Ecclesiasticas, & quæ alio prætextu excusari non possunt, nisi fortè quod hæc

hæc cautela necessaria sit, ne quid à summo Pontifice, vel ab ejus Officialibus per obreptionem, vel subreptionem impetretur, quod vel loco, vel tempori minùs conveniat.

2. Anno 404. S. Innocentius à Victricio Rothomagensi Episcopo de Clericis incontinentibus, aliisque capitibus consultus, Decretum Siricii Papæ in Epistola prima, quæ est ad Himerium Tarraconensem cap. 7. ferè ad verbum exscripsit. Continentur in utriusque illius Pontificis Epistolis, quæ à Dionysio collectæ sunt, multa notatu digna.

3. Primò etsi Victricius esset rerum Ecclesiasticarum peritissimus, Romanum tamen Pontificem adiit, non ut Doctorem peritiorem, sed ut Pontificem, à quo norma, & autoritas esset requirenda. En Epistolæ Innocentii principium. *Innocentius Victricio Episcopo Rothomagensi, Salutem. Etsi, frater charissime, pro merito, & honore Sacerdotii, quo plurimum polles, vivendi, & docendi secundum Ecclesiasticas regulas nota sunt omnia, neque est aliquid quod de sacris lectionibus tibi minùs collectum esse videatur. Tamen quia ROMANÆ ECCLESIAE NORMAM, ATQUE AVTORITATEM MAGNOPERE POSTULASTI, VOLUNTATI TVÆ MOREM ADMODVM GERENS, DIGESTAS VITÆ, AC MORVM PROBABILIVM DISCIPLINAS ANNEXAS LITTERIS MEIS MISTI.*

4. Secundò responsum suum indicat summus Pontifex legis loco habendum, nec ullum supponit futurum ejus examen, aut formulam aliquam receptionis, sed satis fore, ut cognoscatur ex significatione ab eodem Victricio faciendæ: *Per quas (disciplinas) advertant Ecclesiarum regionis vestra populi, quibus rebus, & regulis Christianorum vita in sua cujuscumque professione debeat contineri, qualisque servetur in Urbis Roma Ecclesiis disciplina. Erit dilectionis tuæ per plebes finitimas, & Consecratos nostros, qui in illis regionibus propriis Ecclesiis president, regularum hunc librum quasi didascalicum, atque monitorem sedulo insinquare: ut & nostros cognoscere, & AD FIDEM CONFLVENTIVM MORES VALEANT DOCENDI SEDVLITATE FORMARE.*

5. Tertiò proficitur se anteriorum Pontificum, & Patrum vestigia sectari. Is enim, ut alibi notavimus, summorum Pontificum, æquè ac Gallorum, inò magis, mos fuit, disciplinæ regulas, ut erant antiquissi-

mx, ita maximè venerari. *Non quod nova aliqua præcepta imperentur, inquit, sed ea, quæ per desidiam aliquorum neglecta sunt, ab omnibus observari cupimus: Quæ tamen Apostolica, & Patrum traditione sunt constituta.*

6. Quartò nec id tantùm decrevit Innocentius, quia fuerat à Victorio consultus, sed quia ejus erat, omnium Ecclesiarum abusu, ut sibi denunciati fuerant, apponere remedium; Ecclesiarum autem eam admittere curationem; Ergo, addit idem Pontifex, *ne silentio nostro existimetur his præbere consensum, dicenti Domino. Videbas furem, & currebas cum eo, hæc sunt quæ deinceps intus Divini iudicii omnem Catholicum Episcopum expedit custodire, deinde respondet ad singula capita.*

7. Ea omnia mirum in modum confirmantur ex epistola ab eodem S. Innocentio anno sequenti, hoc est 405, ad S. Exuperium Episcopum Tolosanum scripta, quam his verbis inchoat, quibus se à S. Exuperio consultu testatur. *Innocentius Exuperio Episcopo Tolosano salutem, Consulenti tibi, frater charissime, quid de proposita specie magnæque sentirem; pro capiti intelligentia mea quæ sunt visæ respondi, quid sequendum, vel docilis ratio persuaderet, vel autoritaslectionis ostenderet, vel custodita series temporum demonstraret. Equidem dilectio tua institutum secuta prudentium, ad Sedem Apostolicam referre maluit, quid deberet de rebus dubiis custodire potius, QUAM VSRPATIONE PRÆSUMPTA quæ sibi viderentur, de singulis obtinere.*

8. Deinde respondet ad quæsitum de incontinentia Sacerdotum in eundem modum, quo anno 385, Siricius Papa Himerio Episcopo Tarraconensi, Sed (quod diligentissimè animadvertendum est, & probat summorum Pontificum responsa legum vim habuisse, licet non essent solemniter promulgata, vel acceptata) cum ad pœnam venit, quæ à Siricio contra incontinentes decreta fuerat, licet Himerio Siricius suam Epistolam non præcepisset, saltem expressè, cum Gallicanis Ecclesiis communicare, declarat Innocentius eos, qui in Gallia illam non ignorassent, omnium pœnarum in illa contentarum reos habendos; *Sed ea planè dispar, & divisa sententia est. Nam si ad aliquos forma illa Ecclesiastica vitæ pariter, & disciplina, quæ ab Episcopo Siricio ad Provincias commenavit, non probabitur*

pervenisse: His ignorationis venia remittetur Si qui autem scisse formam vivendi missam à Siricio deteguntur, neque statim cupiditate libidinis abjecisse, illi sunt modis omnibus submovendi, qui post admonitionem cognitam preponendam arbitrati sunt voluptatem.

9. Fecerat quidem Siricius Gallicorum mentionem Himerio injungens, ut Epistolam suam in illorum notitiam deduceret. Sed eo nomine Pontifex significabat illos, qui vulgò de *Galizia*. Porro quæ fuerit mens ipsius Siricii circa publicationem, & receptionem Ordinationum Pontificiarum indicant ejus verba; *Hæc, quæ ad tua consulta rescriptimus in omnium Coepiscoporum nostrorum perferri facias notionem, & non solum eorum, qui in tua sunt Diœcesi constituti, sed etiam ad Universos Carthaginienses, & Bethicos, & Lusitanos, atque Gallicos, vel eos, qui vicinis tibi collimitant hinc inde Provinciis, hæc, quæ à nobis sunt salubri ordinatione disposita sub litterarum tuarum prosecutione mittantur, & QUANQVAM STATVTA SEDIS APOSTOLICÆ, VEL CANONVM VENERABILIA DEFINITA NVLLI SACERDOTVM DOMINI IGNORARE SIT LIBERVVM: Utilius tamen & pro antiquitate Sacerdotii sui dilectioni tuæ esse admodum poterit gloriosum, si ea, quæ ad te speciali nomine generaliter scripta sunt per unanimiatis tuæ sollicitudinē in univerforum fratrum nostrorum notitiam perferantur, quatenus & quæ à nobis non inconsultè, sed providè sub nimia cautela, & deliberatione sunt & salubriter constituta, INTEMERATA PERMANEANT, & omnibus inposterum excusationibus aditus, qui jam nulli apud nos patere poterit, obstruatur.*

10. His Pontificiæ autoritatis argumentis, quæ, cum à Dionysio Exiguo hausta sint, maxima vi pollent apud Gallos, addi possent alia quæ plura temporum subsequentiū, quæ apud Patrem Sirmondum, & alios Autores Gallos legi possunt. Pauca tantum subiungimus. Exemplum libelli Symmaco Papæ à Cæsario Episcopo Arelatensi oblatis sic orditur: *Sicut à persona Beati Petri Apostoli Episcopatus sumis initium; ita necesse est, ut disciplinis competentibus Sanctitas vestra singulis Ecclesiis quid observare debeant, evidenter ostendat.* Idem Symmacus epistolam 10. sic inchoat; *Dilectissimi fratribus universis Episcopis per Gallias consistentibus,* Symma-

Symmacus: Sedis Apostolica instituta predicanda sollicitans, ut de concordia universalis Ecclesie, quae toto orbe diffusa est, pervigili cura tractemus. Quae tunc praeipue efficacius adolescit, si ea, quae à Patribus statuta sunt, atque subsequens reverenter observet.

11. Vigilius Epistola ad Episcopos Galliae anno 545. *Quantum nos, inquit, Divina potentia Apostolorum primi Sedem non pro nostris meritis, sed pro ineffabili sua misericordiae pietate habere constituit, TANTVM NOS DE VNIVERSARVM ECCLESIA RV M DISPOSITIONE, ET PACE, ET STATV CVRAM HABERE CONVENIT.*

12. Celestinus Papa Episcopis Provinciae Viennensis, & Narbonensis jurisdictionem suam in universas Ecclesias his verbis exprimit; *Nec silere possumus, cum ad hoc ut ab illicitis revocemus aliquos, officii nostri provocemur instinctu: inspectis à Deo constituti, ut vigilantia nostra diligentiam comprobantes, & quae coercenda sunt refecerimus, & quae observanda sunt sanciamus. Circa quamvis longinqua spiritalis cura non deficit; sed se per omnia, quae nomen Dei predicatur, extendit.*

13. Denique anno 860, quo tempore Antistites Gallicani pro suis iuribus cum summis Pontificibus frequenter altercabantur, sic tamen alloquebantur Nicolaum Primum, *Apostolicis documentis, & Pontificalibus Decretis multipliciter informamur, ut vestri sanctissimi Apostolatus apicem, Principis Apostolorum fide, & nomine consecratum, QUOTIES S. ECCLESIA ALIQUA NOVITATE PULSATVR, HUMILITER ADEAMVS, IBIQUE VERI CONSILII SALVBERRIMA INSTITVTA SINCERITER HAVRIAMVS, ubi missis Magister Christus, & summum Caput nostrum, fundamentum Ecclesiae posuit. Apud Sirm. tom. 3. pag. 158,*

CAPUT XII.

Quae sint vera Iustitiae libertatum Ecclesiae Gallicanae fundamenta.

1 **S**uas libertates Galli saepius auctoritate, & exemplis tuentur, quam ratione, licet aliquibus etiam videantur rationibus posse defendi. Remissis ad librum sequentem exemplis satis erit hic observare legitimas illarum libertatum causas nonnisi duas esse posse.

2. Etenim vel nova lex iusta est, quod, ut diximus, de Conciliorum Canonibus, ac summi Pontificis Decretis sentiendum est, quoties contrarium evidenter non apparet; ac tunc acceptanda est, nec sine peccato repudiari potest, nisi de expresse, vel saltem tacito legislatoris consensu: vel lex iniusta est; Hanc autem ex ipso jure naturali licet non acceptare. Itaque duplex est iustitiae titulus, scilicet expressus, vel tacitus Ecclesiae consensus, quantum ad leges iustas, & jus naturale, quantum ad iniustas; Quanquam in istis etiam non deest Ecclesiae consensus. Quis enim credat Ecclesiam, aut summum Pontificem in rebus etiam iniustis obedientiam exigere.

3. Hoc autem interest inter utraque leges, quod si iustae sint possit Ecclesia etiam invitos adigere, ac reluctantes ligare. Licet enim ab exercenda tota sua potestate prudentissime abstineat, cum majora praevideret ex rigore consecutura mala, & scandala, quam ex observatione legis bona, & commoda; ideoque recusationem, ac inexecutionem dissimulet, nec ea de causa fidelium, eorum praesertim penes quos nulla est auctoritas, quibusque difficillimum esset ab aliorum usu recedere, conscientias illaqueari patiatur: tamen si instaret, intenderetque omnino legem observari, puta satius iudicans scandala permittere, quam malitiae, aut contumaciae cedendo, veritatem, aut iustitiam deferere, parendum certe foret, nec qui tunc resisterent, aut non obtemperarent, peccati reatum evaderent, quantumvis consuetudine, saeculari potestate, aut alia quavis ratione se tuerentur. At

verò si lex injusta esset, quod, ut diximus, præsumendum non est, nec requireretur Ecclesiæ consensus, nec noceret ejus dissensus.

4. Recurrit circa justitiam libertatum Ecclesiæ Gallicanæ difficultas, circa earum definitionem orta; nihil scilicet differre Gallicanam Nationem à cæteris in acceptandis, vel recusandis legibus Ecclesiasticis; Siquidem nulli non licet legum executioni superfedere, si vel annuat Ecclesia, vel pensatis rerum, locorum, ac personarum conditionibus, injustum sit, ejus mandatis ad litteram servire. Verùm discrimen illud à Gallicanis Autoribus notatur, quod cùm cæteræ nationes sese summorum Pontificum Constitutionibus submiserint, Gallia verò suâ etiamnum fruatur libertate, difficilius sit illis impostum jugum excutere, quàm Franciæ nondum susceptum recusare.

5. Attamen si res attentius consideretur, ac æquiter pensetur, rependum semper est duplex, quod diximus, fundamentum. Si enim sine causa repudiatae sunt à Gallis Constitutiones ab aliis receptae, non nisi obracitum Ecclesiæ consensum ab inobedientiæ peccato immunes sunt. Si autem is erat in Gallia rerum status, ut ei, sicut cæteris Provinciis Orbis Christiani leges illæ non convenirent, jure naturali, & ipsa Legislatoris intentione ab earum executione liberi extiterunt. Nec enim nocet disciplinæ diversitas, dum eam exegit morum dissimilitudo.

6. Cæterum magnoperè cavendum est, ne leges Ecclesiæ eo tantum nomine injustæ reputentur, quod commodis, & rationibus temporalibus non sint accommodatae, *tantum ne libertatem in occasionem detis carnis.* Gal. 5.

LIBER TERTIUS

De Pro pugnatoribus Libertatum Ecclesiæ
Gallicanæ ; occasione illorum verborum ,
Libertates à Majoribus nostris tanto studio propug-
natas.



Ncredibile est , quantum valeat exemplum ad confirmandas hominum voluntates in conceptis desideriis , quamque à censura se tutos arbitrentur , qui aliorum , præsertim Antiquorum , facta similia possunt allegare. Id si quando aliàs , maximè in defendendis Ecclesiæ Gallicanæ libertatibus usurpatum est à plerisque , qui licet eas antiquorum Canonum observatione definissent , nunquam tamen ferè antiquis Canonibus , sed ubique exemplis , quorum etiam plurima non ita vetera sunt , conati sunt eas suffulcire. Itaque illorum examinanda sunt facta , qui à scriptoribus Gallicanis tanquam suarum libertatum propugnatores laudantur. Sed quærendum primùm est , quæ sit factorum , seu exemplorum vis in ferenda de justitia rerum sententia ?

CAPUT I.

An exemplis judicandum sit de Iustitia Libertatum Ecclesie Gallicane.

1. **I**llustrissimus Petrus de Marca, materiam libertatum Gallicanarum exemplis commodiùs tractari arbitratus est; *Relicta*, inquit in admonitione ad Lectorem art. 2. *discussione juris, minor est planè facti inquisitio, quæ fines veterum possessorum demonstrare possit; cuius cognitionem assequemur, si antiqua monumenta revolventes, quid utriusque potestatis Principes in re controversa aliquando egerint, accuratè expendamus.* Habet tamen illa disputandi ratio sua incommoda, eaque maxima, ut præsensit idem Autor: *Attamen, inquit, dissimulandum non est viam istam publicam multis insidiis, & veluti latronum prætenturis expositam esse: quia scilicet in expansa illa sæculorum serie, varia occurrunt exempla, hinc & inde usurpata jurisdictionis; quæ ancipitem animum ad desperationem inveniendæ veritatis adigant.* Has tamen difficultates superari posse subiungit, adhibitis nimirum temperamentis à prudentia præscribendis.

2. Ego certè utiliùs judico non oriri contentiones, quàm ortas componi, nec illarum ortum præveniri efficaciùs, quàm si suis quæque finibus contenta sit potestas; Non posse autem intra fines illos contineri, si eos ignoret; atque adeò concordie inter Sacerdotium, & Imperium meliùs consuli ab iis, qui utriusque potestatis jura elucidaverint, quàm ab iis, qui varia congesserint exempla, & plerumque contraria, præsertim si quid factum fuerit, non autem quid fieri debuerit, examinent. Nisi enim facta justa supponantur, quipoterunt in exemplum trahi? Quomodo autem justa supponentur, nisi aliunde statuantur regulæ, quibus de illa iustitia ferisententia queat? Regulæ autem illæ quid aliud sunt, quàm partium jura, quæ consequenter nosse primùm oportet? At verò si cognita fuerint, faciliùs erit ea non prætergredi.

3. Cate-

3. Cæterum pugnat non solum cum Dialecticæ legibus, sed etiam cum rectæ rationis iudicio, ut ex factis singularibus, qualia ferè sunt omnia, ob diversas, quibus vestiuntur, circumstantias, generales regulæ concludantur. Ex axiomatis, seu principiis generalibus eliciuntur singulares conclusiones, non e contra. Ex eo solo, quod res aliqua semel facta est, non sequitur, ut semper fieri possit. Imò raro, hinc probatur eam rursus fieri posse. Vix enim contingit, ut quæ concurrerunt ad efficiendam rem iustam, iterum omnia recurrant, quamobrem jure civili rectè cautum est, non exemplis, sed legibus judicandum esse l. nemo iudex quæ est 13. ff. de sent. & interloc.

4. Sua quidem autoritate non carent exempla, cum ferendum est de similibus factis iudicium; sed ita si adsint, & consentiant necessariae conditiones. Oportet primò, ut exempla conformia sint, & consentientia, cum enim contraria non minus illustria, opponuntur, vel illorum, vel utrorumque robur concidit. Secundò necesse est ut iustitia eorum probata sit, à quibus petuntur exempla; Nec enim in tanta Regum Franciæ, & Regionum officialium, acin longè majori Pontificum Romanorum, aut Episcoporum Gallicanorum serie, deesse potuerunt aliqui, quorum desideria, vel etiam res gestæ iustitiæ limites non transcendierint, quorum exemplis, ut legibus, uti velle iniquum omninò esset. Tertiò opus est, ut ab iis, quorum intererat, improbata non fuerint, imò nec ignorata, saltem si illorum consensus intercedere debuit ut plerumque necesse est. Quartò non debent exempla legibus esse contraria, maximè Divinæ, aut naturalis; Alioquin enim, ut Juris textus, glossa, & Doctores monent, non leges abrogant, sed per leges corrigenda sunt. Quintò suspecta sunt semper exempla eorum, quorum ita facere plurimi intererat, præcipuè si, ut in secunda conditione diximus, pietatis, ac iustitiæ laude non floreat.

5. Quæ ultima conditio, cum in plerisque deficiat exemplis, quæ in materia libertatum Gallicanarum adducuntur, nisi suppleatur à secunda, vix indè validum trahetur argumentum. Constat exempla Summorum, sanctissimorumque Pontificum, quales v. g. extiterunt S. Innocentius, S. Leo, S. Gregorius, & alii, sicut, & Antistitem Gallicanorum doctrinà, & sanctimoniâ illustrium, quales fuerunt S. Irenæus, S. Avitus, S. Cæsarius, &c. maximi

ponderis esse, atque autoritatis. Cùm enim Divinæ, & Ecclesiasticæ scientiæ peritissimi fuerint, potestatis suæ fines non ignorarunt; cùmque sanctissimi extiterint, positos à Christo limites excedere voluisse non facilè præsumendi sunt. Sed de aliis minori sapientia, vel pietate præditis non ita facilè idem posset judicari.

6. Quod de exemplis diximus, ad possessionem accommodandum est. Licet enim possessio antiqua, constans, publica, bonum sit justitiæ argumentum, ac taciti eorum, quorum refert, consensus: Tamen si partes adversæ semper restiterint, si per facta, vel protestationes contrarias sese opposuerint; possessio ex jure, non ex possessione jus æstimandum est.

7. Sed & illud quoque animadvertendum est, possessionem & exempla, quò recentiora sunt, eò valere minus ad probandam rei justitiam. Ex quo enim tempore fervere cœperunt contentiones, unaquæque pars, ut in omni genere disceptationis mos est, iniquum fortè petiit, ut æquum auferret; unaquæque juris principia sibi statuit. Unde contigit etiam, ut Doctores plerique alterutri parti impensius faverint, nec facilè illorum credatur autoritati, nisi fortè cùm in ejus partis præjudicium loquuntur, cujus jura tuentur. Cùm enim ea diligentius inquisierint, adversus ea vix quidquam temerè concedunt.

8. Ergò ex Canonibus, maximè ex antiquioribus, ut in generalibus quæstionibus, sic in singulis difficultatibus, controversiæ dirimendæ sunt; in quo periculum quidem est, ne humanum ingenium rationum, & responsionum, cùm proprio commodo invitatur, feracissimum, modum suggerat eludendarum sacrarum legum, aut etiam contra proprium, illarum sensum in suum favorem detorqueat: tamen præterquam quod in cæteris omnibus idem metuentum est, si desit bona fides; Canones Ecclesiastici, vel ex seipsis, vel ex comparatione cum aliis, in rebus capitalioribus ita perspicui sunt, ut judicio publico damnentur, qui relucentem in eis veritatem obscurare nitantur. Verùm, quia ut diximus, non omninò condemnanda sunt argumenta, quæ ab exemplis ducuntur, præcipua ex iis, quæ circa libertates Gallicanas expendenda supersunt, in hoc

libro

libro discutimus. Jam enim occasione illarum originis aliqua in primo libro tractata sunt.

C A P U T II.

De sancti Gregorii Episcopi Turonensis in propugnandis libertatibus Ecclesie Gallicana studio.

1. **S**ANCTUS Gregorius Episcopus Turonensis laudatur à Joanne Launoio Doctore Parisiensi epistolarum par. 6. ep. 5. quod fuerit *vir fide dignus, & libertatum Ecclesiasticarum Assertor, & vindex acerrimus.* Huic ego laudi libens subscribo. Videamus igitur, quæ fuerint libertates, quas tanto studio propugnavit sanctus ille Antistes Gallicanus.

2. Anno 577. cùm Rex Chilpeticus, incitante Regina Fredegunde, Prætextatum Episcopum Rothomagensem de crimine læsæ Majestatis falsò accusatum vellet opprimere, solus resistit Gregorius. Rem narrat ipse histor. Francor. lib. 5. cap. 18. aut, ut alii distinguunt, 19. Ejus narratio ibi legetur cum voluptate. En quomodo Episcopos Parisiis congregatos, ac Regis voluntati reniti non audentes alloquitur; *Attenti estote quæso sermonibus meis, ô sanctissimi Sacerdotes Dei, & præsertim vos, qui familiariores esse Regi videmini. Adhibete ei Concilium sanctum, atque Sacerdotale, ne exardescens in Ministrum Dei pereat, ac ira ejus, & Regnum perdat, & gloriam.* Illis verò silentibus, adjicit; *Mementote, Domini mei Sacerdotes, verbi Prophetici, quod ait, si videris speculator iniquitatem hominis, & non dixeris, reus erit anima pereuntis. Ergo nolite silere, sed predicare, &* PONITE ANTE OCVLOS REGIS PECCATA EIVS, NE FORTE EI ALIOQVOD MALI CONTINGAT, ET VOS REI SITIS PRO ANIMA EIVS.

3. Regem autem de servandis Canonibus seriò monet; HABES LEGEM, ET CANONES. HÆC TE DILIGENTER RIMARI OPOR-
TET. *Est tunc qua præceperint, si non observaveris, noveris tibi Dei judicium imminere.* Ac deinde; *Tu verò qui alios de justitia culpas, pollicere prius quod legem, & Canones non omittas: Et tunc*
credimus

credimus, quod iustitiam prosequaris. Quid apud Regem effecerit vigor ille, ac libertas Episcopalis statim declarat idem Gregorius; *Ille verò porrectâ dexterâ iuravit per omnipotentem Deum, quod ea, quæ lex, & Canones edocebant, nullo prætermitteret pacto.* In ea tamen voluntate Rex diù non perseveravit, urgente præsertim Fredegunde; quæ cum Gregorii animum per Nuncios promissis 200. argenti libris corrumpere tentaret, respondit ipse; *Si mihi mille libras auri, argenti que donetis, nunquid aliud facere possum, nisi quod Dominus agi præcepit? Unum tantum polliceor, quod ea, quæ ceteri secundum Canonum statuta consenserint, sequar.*

4. Denique cum Prætextatus crimina, quorum reus non erat, confessus fuisset, spe veniæ, hac confessione sibi fraudulenter suggesta, consequendæ, ad graves eum pœnas damnari Rex enixè postulavit. *Quibus conditionibus ego, inquit Gregorius, restiti juxta promissum Regis, ut nihil extra Canones gereretur.* Oppressus quidem fuit Prætextatus, sed Gregorius animam suam liberavit, magnamque propugnata cum libertate Canonica disciplinæ apud Deum, & apud homines laudem consecutus est. Utinam hodiè plurimos haberet Ecclesia Gallicana similes libertatum Ecclesiasticarum, & Canonum propugnatores!

5. Recessit tamen aliquando Gregorius à Canonibus; Id ipse fateri videtur lib. 5. histor. Francor. cap. 49. ubi narratâ falsâ accusatione contra se anno 580. in Concilio Brennacensi instituta, scribit; *Restitit ad hoc causa, ut, dictis Missis in tribus Altaribus, me de his verbis exuerem Sacramento. Et licet Canonibus essent contraria, pro causâ tamen Regis impleta sunt.* Sed posset fortassis ea purgationis forma ob gravem necessitatem excusari, eum Juri Divino non videatur adversari.

6. Illud verò quod idem Gregorius de se refert eodem libro cap. 14. difficiliorem habet excusationem, nec apparet quomodo Divinam legem non violaverit; Quod scilicet Meroveo Chilperici Regis filio Divinam Eucharistiam ministravit apertissimè indigno. Quis enim ignorat publico peccatori publicè sacramenta petenti deneganda esse? Id olim sancti Patres, id modò Theologi communiter docent. *Et ad vos, inquit S. Joannes Chrysost. homil. 60. ad populum Antiocheum, Eucharistiæ Ministros alloquens, sermonem convertore necessa-*

vinum est, ne multo cum studio hac dona distribuatis. Non parva vobis imminet ultio, si quemquam illius culpa conscii, huius mense participem esse concedatis: sanguis ejus de manibus vestris exquiretur. Sive quis Dux militia sit, sive Prasectus, sive PRINCEPS DIADEMATE CORONATUS, INDIGNE, AVTEM ACCEDAT, PROHIBE: majorem illi potestatem habes. Hos vestra dignitas est, hoc securitas, hoc corona. Nota erat Merovei à professione Religiosa apostasia: mortem minabatur aliquibus ex populo se illaturum, si sibi denegaretur communicatio: Ex quibus manifestum fiebat quantum esset eo Sacramento indignus. Gregorii tamen culpam multa minuunt. Nam præterquam quod Meroveus liberè habitum Religiosum non assumpserat, sed à Carcere ad Monasterium ductus fuerat (quæ tamen excusatio juxta illius temporis disciplinam levis reputabatur) Gregorius solum suum judicium non sequebatur; idem sentiebat Ragnemodus Episcopus Parisiensis, qui tunc aderat; Præterea non propriorum, sed populi sui malorum metu ducebatur.

7. Atque, quod certum signum est ipsum non ex Canonum contemptu, sed potiùs ex nimio Canonum studio deliquisse, putabat se ad concedendam communionem Meroveo à Canonibus adstringi; Quod his verbis testatur loco citato; *Quod cum refutarem, ipse clamare cepit, & dicere, quod non recte eum à communione sine fratrum conniventia suspenderemus. Illo autem hac dicente cum consensu fratris (Episcopi Parisiensis) qui prasens erat, contestatà causà canonicà, Eulogias à nobis accepit.* Ubi vides id factum, contestatà causà canonicà, ut duobus illis Episcopis videbatur. Factum narrat Gregorius cum ea sinceritate, quæ dubitare non sinit, ipsum gravis culpe sibi non fuisse concium, quamvis gravissima ex propria natura sit.

8. Subjungit Gregorius aliud eximium magni sui in propugnandis libertatibus Ecclesiasticis, & custodiendis Canonibus studii specimen. Postulabat Chilpericus Rex prædictum filium suum Meroveum ab Ecclesia, ad quam confugerat, ejici, sed nullo meru Gregorium adigere potuit, ut loci sacri violaret immunitatem, expulso Meroveo. Igitur, inquit *Chilpericus Nuntios ad nos direxit, dicens; Ejicite Apostatam illum de Basilica: sin autem aliud totam regionem illam igni succendam. Cumq; nos rescripsissemus, impossibile esse, quod*
tempo-

temporibus Hæreticorum non fuerat, Christianorum temporibus nunc fieri; Ipse exercitum commovet, & illuc dirigit. Recessit sponte Meroveus, ne tantorum malorum esset occasio.

9. Hodie illa sacrorum locorum immunitas inter libertates Ecclesiæ Gallicanæ non computatur, & in Francia minus quàm in aliis Provinciis observantur editi ea de re Canones.

CAPUT III.

De Hincmaro Archiepiscopo Remensi.

1. **Q**uia libertates Ecclesiæ Gallicanæ juxta traditam earum definitionem in observatione antiquæ disciplinæ, maxime Canonum à sanctis Conciliis œcumenicis editorum aut confirmatorum collocantur, plures Hincmarum Archiepiscopum Remensem prædicant, quasi nemo antiquos Canones tam manifestè tamque constanter defenderit. Cumque Præsul ille inter Gallos celeberrimus sit, tum propter Canonicæ jurisprudentiæ notitiam, tum propter egregiam apud Reges, & Præsules Gallicanos gratiam, & auctoritatem; ideoque illius sententia, & exemplum magni putetur esse ponderis, operæ pretium est ea, quæ ab illo Præsule, vel gesta, vel dicta sunt, præsequi: Atque quid in eis probandum sit, expendere.

2. Equidem si ejus cum Romanis Pontificibus, quibuscum ei res fuit, institueretur comparatio, & non solum ex dignitate, sed ex personarum etiam meritis gestorum justitia decerneretur, in favorem summorum Pontificum judicandum esset. Antifitem illum doctrinâ, prudentiâ, & fortitudine præditum fuisse non negabo; sed ejus doctrina in cavillationes, prudentia in astutiam, fortitudo in pertinaciam frequenter decesserunt; Præsertim ubi privatæ illius causæ interfuit. Unde quod magnum est adversus illum, & Episcopos, quos secum traxit, præjudicium, in plerisque cum sancta Sede contentionibus viros bonos, quos aut deposuerat, aut deponendos curaverat, ad remedium appellationis

con-

confugere prohibebat, licet ex eventu constiterit, illos iniquè fuisse damnatos.

3. Quatuor præcipuè fuerunt illarum contentiones, Prima occasione Clericorum ab Ebbone ordinatorum. Secunda occasione Rothaldi Episcopi Sueffionensis. Tertia occasione Hincmari Episcopi Laudunensis. Quarta occasione Regni Lotharii. De prima in hoc capite, de aliis in sequentibus.

4. Cùm Ebbo Remensis Archiepiscopus depositionis Ludovici Pii Galliarum Regis, & Imperatoris in Conventu Compendienfis anno 833. Præcipuus Autor, Architectus, & Inventor fuisset, in criminis poenam à sua dignitate seipse deposuit in Concilio apud Theodonis Villam anno 835. quam depositionem Concilium confirmavit. Sed cùm Ebbo dignitatis, quam nonnisi invitus dimiserat, desiderio teneretur, eam resumere pluries tentavit, ac re ipsa Lotharii, eiusdem Ludovici filii, & in Imperio successoris, cuiusque potissimùm gratiâ Ebbo peccaverat, autoritate restitutus est à pluribus Episcopis, & Pontificales functiones exercuit, ordinatis quibusdam Clericis, ut narrat post Flodoardum Willielmus Marlot. Metrop. Remens. histor. lib. 3. cap. 21. Ebbone defuncto anno 851. Kalendis Aprilis, Hincmarus, quicquid adhuc viventi substitutus fuerat in Concilio Beluacensi anno 845. Concilium Sueffionense anno 853. celebrari curavit, ut & sua confirmaretur, & Clericorum ab Ebbone promotorum infirmaretur ordinatio, quod utrumque obtinuit.

5. Clerici autem suæ dejectioni non acquiescentes, ad sanctam Sedem appellarunt, & ad Nicolaum primum Papam postea confugerunt, qui eorum causam justam esse cognoscens, Hincmarum hortatus est, ut eos ipse solus restitueret, ne, si maior adhiberetur solemnitas, eius iniustitia detegeretur; si autem noller, Concilium ad causam retractandam indicere Sueffione ab omnibus, qui convenire possent, Galliarum Episcopis habendum. Qua de re scripsit etiam ad Herardum Archiepiscopum Turonensem, & ad ceteros in hæc verba: *nam verò si hunc (Hincmarum) flecti ad hoc munda conscientia non permittit, præcipimus vos, una cum cæteris Archiepiscopis, & Episcopis Galliarum, & Neustria, quibus tamen possibilitas est, in id ipsum,*

cum prædicto fratre, & Coepiscopo nostro Hincmaro, & suffraganeis apud Sueffonicam Urbem pariter convenire. Ad quorum venerandum Conventum VVladum quoque, cum jam præsignatis paribus ejus, vos accersere procul dubio volumus. Hincmaro Clericos illos restituere recusante, Concilium congregatum est Sueffione anno 866. in quo probata est Clericorum ordinatio, & nihilominus causa cum Epistola Synodica ad Nicolaum remissa. Scripsit etiam Rex Carolus de eodem argumento, & eodem ferè modo, ac stylo, ut utriusque Epistolæ Autorem judices esse ipsum Hincmarum.

6. Nicolaus Episcopis Concilii Sueffionensis, Carolo Regi, & Hincmaro rescripsit, quibus omnibus Epistolis graviter perstringebat Hincmarum, quod in ea causa callidè, ac dissimulante egisset. Episcopos iterum convenire, & Clericorum historiam accuratè perscribere, Clericos verò interim in suis gradibus stare jussit. Restitutos monuit ne injurias ulciscerentur, & ut Hincmaro præsertim reverentiam exhiberent. Iidem Episcopi, qui anno 866. ut diximus Sueffionem convenerant, anno sequenti Trevis congregati sunt, Epistolamque Synodicam, quam primus subsignavit Hincmarus totam Ebbonis, ordinatorumq; ab eo Clericorum historiam continentem Romam miserunt juxta præceptum Nicolai, ac pro uno eorum VVladio scilicet, jam Bituricensi Episcopo creato, pallium postularunt. Aliam etiam misit Carolus Rex.

7. Eam epistolam, cùm jam Nicolaus decessisset, Romam delatam recepit ejus Successor Hadrianus II. Ea perlecta Clericorum causam justam declaravit, & VVladio pallium ab Episcopis & à Rege postulatum concessit.

8. Enituerunt in illo processu justitia, prudentia, & charitas Nicolai. Primò ut patet ex ejus ad Hincmarum epistola, Clericorum ab illo Archiepiscopo, vel eo iustante depositorum querelâ auditâ, non antè quicquam decrevit, quàm monumenta de hoc negotio in Archivis Pontificiis recondita perquiri jussisset, eaque simul cum iis quæ ab Hincmaro missa fuerant, diligenter perlegisset. Secundò licet ex omnium illarum Scripturarum lectione colligeretur, injustam fuisse depositionem, judicium ferre noluit; *Sed his omnibus, inquit, id est tam illis monumentis, quæ penes nos habentur, quam his, quæ*

qua sanctitas tua nobis destinavit, ritè collectis enucleanterq; recensitis nondum liquide patet, eosdem Clericos regulariter gradu proprio caruisse. Verùm nos nec hos interim justificamus, nec per hoc quemlibet condemnamus, nec facile vocem istorum spernimus, nec reverentiam tuam improvidè reprehendimus. Tertiò cum suspicetur Hincmarum aliquo itæ, vel odii metu ad eam dejectionem fuisse impulsus, nec ejus animum facile flecti posse, velit tamen illius honori consulere, ad clementiam illum hortatur, suadetque, ut ipsemet misericorditer cum dejectis agens, eos restituat, ne injustè fuisse depositos solemnitus negotii examen patefaciat: Proinde necessario presentis Epistola salubribus fraternitatem tuam hortamur assaisibus, ut commemoratos viros Wisadum scilicet, Collegasque ipsius clementi animo, & tranquillâ studeat ad se magnanimitate vocare, depositaque omni funditus animositate, de restitutione ipsorum secum fraternè tractare, atque misericorditer consummare contendat. Laudabilis quippe judicavimus, ac coram Deo acceptius esse credidimus, si respectu Divinitatis interrogatâ conscientia solus illorum restorationem sine quavis ipse refragatione admiseris, quam si prius renitens, detecta tamen justitia, cum multis hanc postea fueris amplexatus. Quattò si quod summus Pontifex monet, recusaturus sit Archiepiscopus Remensis, ejus recusatorem benignè interpretatus, eamque timoratæ conscientia tribuens. Concilium indicit ab omnibus, qui convenire poterunt, Galliarum Episcopis, habendum Sueffione, ubi res ordine judiciario tractanda sit. Jam vero si flecti ad hoc te munda conscientia non permittit, precipimus fratrem nostrum Remigium Lugdunensem, Adonem Viennensem, Venilonem Rothômagensem una cum cæteris Archiepiscopis, & Episcopis Galliarum, & Neustria, quibus tamen possibilitas est, in id ipsum cum beatitudine tua, & Suffraganeorum tuorum apud Sueffionem Urbem Diæceseos tue pariter convenire. Ad quorum venerandum Convantum Wisadum quoque cum præsignatis paribus ejus vos accersere procul dubio volumus, &c. Quintò renuente, Nicolai consilium Hincmaro, indicta est Synodus Sueffionensis, missis litteris Pontificiis à Remigio Episcopo Lugdunensi, cui hæc cura demandata fuerat. Dum tempus expectatur, Carolus Rex Nicolaum rogat, ut interim Wlfado

Ecclesiam Bituricensem committere liceat, sed Pontifex respondet, nihil ante Synodi definitionem innovandum. Sextò cùm Concilium Sueffionense causam ad summum Pontificem remisisset, eam ipse diffinire Romæ noluit, antequam iidem Episcopi rursus congregati totam rei gestæ seriem misissent. Septimò Clericos, ut jam diximus, hortatus est, ne de victoria illa insolescerent, sed Hincmaro humiliter subjacerent.

9. Nihil in tota illa Nicolai agendi ratione non laude dignum, nihil libertatibus Ecclesiæ Gallicanæ adversum. Econtra verò quot usus sit artibus (ne fraudes appellem) Archiepiscopus Remensis, aperiunt & ipsiusmet ad Nicolaum, & Nicolai, ad ipsum, ad alios Episcopos Gallicanos, & ad Carolum Regem epistolæ apud Philippum Labbæum tom. 8. Conc. apud Jacobum Sirmondum tom. 3. Concil. Gall. ac in 2. tomo operum Hincmariab eodem Sirmondo collectorum. Obtemperavit tandem Hincmarus Nicolai judicio post longam resistantiam, eique suam obedientiam epistolâ submissionis plena significavit, quæ habetur tom. 2. eius operum num. 22. & adhuc alia, quæ extat ibid. sub num. 26. in qua notanda sunt præcipuè ista verba; *ne contra vestram iussuionem, ac dispositionem agam modis omnibus devotare cupio, qui APOSTOLICÆ SEDIS DECRETIS IN OMNIBUS PARERE DESIDERO*: utinam hæc verè ab iis dici possint, qui auctoritatem Hincmari tanti faciunt.

C A P U T I V.

De contentionibus Hincmari Archiepiscopi Remensis cum summo Pontifice occasione Rothaldi Episcopi Sueffionensis.

1. **E**Xagitatis, ut in superiori capite vidimus, ab Hincmaro Clericisab Ebbone, in cuius locum ipse suffectus fuerat, ordinatis, Rothaldum Episcopum Sueffionensem, qui unus fuerat ex iis Episcopis à quibus, ut in superiori capite diximus, restitutus fuerat Ebbo, congregatis plurium Provinciarum Episcopis in Villa Convicino propè Sylvaneetum dignitate privare moliebatur. Quamobrem Episcopus Sueffionensis sanctam Sedem appellavit; sed eam adi-

re prohibitus est; Quin etiam congregato alio Concilio in suburbio Civitatis Sueffionensis pro ea, quā Hincmarus apud Regem tunc præsentem, & apud Episcopos, pollebat gratiā, & autoritate, damnatus, dejectusque est, ac in Monasterium relegatus, altero in eius Sede collocato. Denique tamen Nicolai Papæ autoritate, crebrisque litteris, ut Romam perveniret, consecutus est. Ibi frustra expectatis per plures menses accusatoribus, Nicolaus Primus Papa in Ecclesia S. Mariæ Majoris, approbante Episcoporum, Presbyterorum, & Diaconorum Conventu, vestibus Pontificalibus eum indui iussit, ea lege ut si comparerent Accusatores, eis respondere teneretur, nec Officia Divina celebrare, nisi aliquanto post tempore permissus est. Tandem plenè absolutus ad suam Sedem remissus est cum litteris suæ absolutionis, & multis commendatitiis ad Regem, ad Hincmarum Metropolitanum, ad Episcopos Galliæ universos, ad Clerum, & plebem Sueffionensem. Interfuit cum ipso Hincmaro Concilio Sueffionensi III. anno 866. & Tricassino anno 867. quod evidens signum est eius restitutioni neminem non acquievisse.

2. Sed in eo negotio ut vult Petrus de Marca lib. 7. cap. 23. dissentiebant Episcopi Gallicani à sententia Nicolai Papæ: Dicit enim Hincmarum in ea epistola, quam scripsit Summo Pontifici, quæque refertur à Flodoardo lib. 3. histo. Remens. cap. 23. evulgasse quinque *arcana* Episcoporum Gallicanorum quoad depositiones Episcoporum, supponens illum reliquorum Antistitum fuisse Interpretem. *Arcana* illa totidem esse Gallicanarum libertatum capita crederem, nisi libertates illas in Jure communi, ac in constanti Canonum observatione, quæ res arcanæ non sunt à Gallis constitutas meminissem. Primum, ex illis arcanis erat, Synodus Provinciales posse Episcoporum, vel Clericorum causas sine Summi Pontificis intercessione definire. Secundum, accedendum esse ad Sedem Apostolicam, si causa tractetur, quam ex Canonibus decidere nequeat Synodus unius, aut plurium Provinciarum: Tertium, Episcopum depositum posse, si voluerit, post sententiam, non autem antea interponere appellationem ad sanctam Sedem. Quartum, non posse à Judicibus electis appellari. Quintum, Metropolitanos, qui pallium à Summo Pontifice receperint, judicandos

III. TRACTATUS DE LIBERTATIBUS.

non esse ab Episcopis Provincialibus absque autoritate Sedis Apostolicæ.

3. Verùm quoad primum cùm ipsemet Marca post tertium addat, *certum esse potuisse Papam*, si ita existimaret, *sibi reservare iudicium Metropolitanorum*, idque *factitum à Cælestino, Leone & Hilario*: quæro qua autoritate id facere potuerit? si eâ quam accepit à Christo; quidni etiam potuisset, saltem in certis casibus, videlicet cùm Episcopi à Synodo Provinciali opprimendi forent, ut Rothaldø, de quo nuncagimus, contigit, & Hincmaro Laudunensi, de quo in capite sequenti, eorum sibi iudicium reservare? Nec enim Christus, cùm Petro suas oves commisit; Metropolitanos ab Episcopis distinxit. At inquires, Metropolitanis fieret injuria, quibus Ecclesia sua jura semper salva esse voluit, si Episcoporum ejus judicia subtraherentur. Sed nonne Ecclesia majorem Conciliis Provincialibus contulit autoritatem in Metropolitanis Canonibus antiquioribus? atque adeo secundum Gallorum doctrinam præstantioribus? Nam Can. 1. Ephesino Metropolitanæ, saltem in casu hæresis Episcoporum Provinciæ judicio subjacent. Si ergo Concilii non sit injuria cùm sancta Sedes evocat ad se iudicium Metropolitanorum, qui ex illo Canone à Conciliis essent judicandi, quæ fiet injuria Metropolitanis, dum Episcoporum, Confratrum invidiâ, vel Principum potentiâ opprimendorum, causas ad se trahet; præsertim cùm ipsi Metropolitanæ non possint soli, sed cum Concilio Provinciali hujusmodi controversias definire? Gregorium IV. & Leonem etiam IV. triginta ferè annis ante id tempus in gratiam omnium Episcoporum constituisse, ut eorum judicio supersederetur, si Sedem Apostolicam appellassent, fatetur ipsemet Petrus de Marca, quamvis istas Constitutiones non fuisse receptas, probet ex eo quod Hadrianus privilegium illud concesserit Aétardo Episcopo Nannetenfi; quali non solent privilegia, quibus quis gaudet ad majorem securitatem pluries confirmari, aut Aétardo privilegium concessurus fuisset Hadrianus, quod jam antea in favorem omnium Episcoporum editum robur obtinere non potuisset. 2. & 5. verissima sunt, quintum contrarium est juri evocationis, quod nec ipse Hincmarus Summo Pontifici negavit.

4. Quar-

4. Quartum urgebat vehementer Hincmarus ; & eo prætextu Clericos ab Ebbone ordinatos , quos ipse deponendos curaverat , verabat appellare , licet ipsemet eis Judices eligere suavisset ; *Istorum fratrum* , inquit in Concilio Sueffionensi 2. anno 853. act. 1. sententia manifestè me tangit , qui si contra aliquem Coepiscoporum nostrorum clamassent , ad nostræ humilitatis autoritatem ab eo provocare debuerant. Nunc autem quia de judicio nostro queruntur , oportet , ut libellari subscriptione ad electos provocent Judices , quatenus causa illorum debitum , & certum finem accipiat. Eodem prætextu Rothaldi Episcopi Sueffionensis appellationem ad sanctam Sedem impedire contendebat ; Sicut plurimum valet doctrina , & peritia legum , præsertim Ecclesiasticarum , dum quis rectè affectus est : ita eâ quis perniciosè abutitur , cum odio , vel alia perturbatione animi moveretur. Certè si Hincmarus Remensis à Judicibus electis damnatus fuisset , appellationem à Canonibus sibi permissam , nedum non prohibitam , & clarè intellexisset , & probasset efficacissimè. Africana Concilia , quibus nitebatur Hincmarus hujusmodi appellationes , etiam in casu manifestæ oppressionis , vetuisse præsumi non potest. Etsi ea fuisset illorum mens , numquid potuissent illi condendis Canonibus , aut Gallicani acceptandis , vel etiam summi Pontifices probandis , autoritatem futuris Pontificibus in persona B. Petri à Christo collatam adimere ? Verùm non de Episcoporum , imò etiam nec de Clericorum depositione , sed de negotiis civilibus intelligendos esse Canones Africanos probat contra Petrum de Marca Joannes David Doctör Parisiensis in lib. de Judiciis Canonicis Episcoporum cap. 12. art. 1. Præterea in eo compendio Canonum quod aliqui ab Hadriano Papa , Carolo Magno traditum asserunt , quodque ab Henrico Canisio Noviomago , deinde à Severino Binio tom. 5. Concil. editum est , ante Canones Sardicenses sic habetur : *Sunt etiam Ecclesia regula , qua in Africanis regionibus frequentissimè Synodali Concilio conscripta sunt ; sed in his omnibus illa sequi debemus , quæcunque à Nicæno Concilio , & à sancta , atque Apostolica Ecclesia Romanâ non discrepare videmus.*

5. Hincmarus ipse jus illud sanctæ Sedis agnovit , ut significat tota epistola 22. quæ est ad Papam Nicolaum occasione Clericorum ab Ebbone ordinatorum , quos Papa restitui jussit ; OBTEMPERARE CU-

RARI RESERVATO PER OMNIA SENTENTIÆ AC IVRS PRIVILEGIO EIVSDEM APOSTOLICÆ SEDIS, ET SALVA DEFINITIONE, AC CONFIRMATIONE EXPECTATÆ VESTRÆ DISCRETIONIS, ATQVE AVTORITATIS; Et inferius; *Quæ verbis, & scriptis mihi per istum Religiosum Archiepiscopum exinde sequenda atque tenenda mandaveritis, proscire, & posse, obedire & conservare curabo, sicut hactenus ea, quæ inde fuerant statuta, & confirmata servavi.* Et alia multa his similia. Idem satis professus antea fuerat, à Benedicto III. & ab eodem Nicolao confirmationem Concilii Sueffionensis 2. in quo Clerici illi depositi fuerant, postulans, & per subreptionem obtinens, ut Nicolaus epistola 46. quæ est ad Episcopos Concilii Sueffionensis 3. scribit: quæ confirmationes habentur apud Sirmondum tom. 3. Concil. Gall.

6. Imò ipsiusmet Rothaldi occasione scripserat ad eundem Nicolaum; *Nullam possemus habere verecundiam de restitutione illius, si foret facta à vestri summi Pontificatus pietate, quia omnes senes cum junioribus SCIMVS NOSTRAS ECCLESIAS SVBDITAS ESSE ROMANÆ ECCLESIE, ET NOS EPISCOPOS IN PRIMATV B. PETRI SVBIECTOS ESSE ROMANO PONTIFICI* tom. 2. epist. 17.

C A P U T V.

De contentiõibus Hincmari cum summo Pontifice occasione Hincmari Laudunensis, & Regni Lotharii.

1. **A**Nno 869. Hincmarus Archiepiscopus Remensis nepotem suum etiam nomine Hincmarum Episcopum Laudunensem, cui erat infensus, in Concilio apud Vermeriam deponi facere conabatur, sed ille ad Sedem Apostolicam appellavit. Hadrianus II. Papa pluribus litteris urgebat, ut Laudunensis Romanam accederet, sed non obtinuit. Hic rursus in Concilio apud Atiniacum anno 870. accusatus rursus ad sanctam Sedem appellavit. 3. iterum accusatus in Concilio Dusiacensi anno 871. Episcopali gradu dejectus est. Narrat ipse in libello proclamationis, quem Joanni Papæ VIII. obtulit, quomodo fuerit ad hanc Synodum perductus,

ductus , quàm acerbè in ea tractatus , & ab Officio Episcopali remotus, deinde in exilium missus , ferro victus , ac denique oculis privatus.

2. Institit vehementer Hadrianus, ut miserabilis ille Præsul, & ejus Accusatores Romam venirent. Sed mortuo illo Pontifice, Joannes VIII. ejus successor deceptus litteris Caroli Calvi, Hincmaro Remensi, qui, ut conjicere licet, verus erat earum autor, scripsit, ut in Ecclesia Laudunensi alius ordinaretur Episcopus. Sed congregato ab eodem Pontifice Concilio Tricastino anno 878. Hincmarus Laudunensis libellum obtulit, quas, à Patruo præsertim, injurias perpeffus fuerat, enarrantem. Quare summus Pontifex, veritate cognita, ei Ordines exercere, ac etiam cæco Missam celebrare, nec non partem redditum Ecclesiæ Laudunensis retinere concessit, quo auditò ejus amici ad Ecclesiam eum duxerunt, & Benedictionem populo dare coegerunt, ut refert Continuator Aymoin. lib. 5. cap. 37.

3. Circa depositionem Episcopi Laudunensis duæ potissimum contentiones inter summum Pontificem, & Hincmarum Remensem exortæ sunt. Prima quod Laudunensis majorem quàm par esset auctoritatem tribueret epistolis, quibus se tuebatur, quæque à veteribus Pontificibus scriptæ dicebantur, qua de re in primo libro, & infra cap. 6. Secunda quod post interpositam appellationem ad sanctam Sedem depositus fuisset: Contendente Remensi non valere appellationem à Judicibus electis, quod cap. 4. confutavimus.

4. Cùm anno 869. Lotharius Austriæ Rex decessisset, Hadrianus Papa scripserat ad Proceres ejus Regni, ut fideles essent Imperatori Ludovico, Lotharii fratri, & ad Proceres, & ad Episcopos Regni Caroli Calvi, ut eum ab invadendo prædicti Lotharii Regno detererent. Scripsit etiam seorsim Hincmaro Archiepiscopo Remensi, ut operam suam interponeret, ne quis ditionem illam usurparet. At verò Hincmarus qui Caroli Calvi ope Archiepiscopatum Remensem retinuerat, à quo eum Lotharius senior junioris Pater & Episcopi in istius Regno constituti, deturbare conati fuerant, ut illic reponeretur Ebbo, quique Carolum in multis, iisque gravibus negotiis propitium expertus fuerat, partes ejus sequi maluit, eumque Regem illius Franciæ portionis, quam Lotharius

rius Junior obtinuerat, coronavit in Synodo Metensi Quinto Idus Septembris anno 869. quæ Synodus Prædatoria dicta est; quod injustè usurpatum à Carolo Lotharii Regnum non dubitaretur.

5. Hadrianus eam coronationem, apertam justitiæ violationem, & suarum litterarum contemptum interpretatus, aliis Epistolis Carolum increpuit, quod Lotharii Regnū invasisset, & Sedis Apostolicæ Legatos contempnisset, mandavitque ut Regno illo excederet, & alios Legatos benignè susciperet: Episcopos, & Proceres Regni Caroli hortatus est, ut eum ab illa usurpatione revocare conarentur; sed præsertim Hincmarum Remensem arguit, quod Regem à pervasione illa non avertisset, nec sibi rescripsisset, eumque rursus hortatus est, ut in id munus incumberet; præcipiens ut si Rex parere recusaret, ab eo recederet: *Si, inquit, in obstinatione sua perfidia Rex post vestram conventionem persistere maluerit, quam respicere, ab illius vos consortio sequestrete: si Communionis nostra vultis esse participes.* Respondit Hincmarus epist. 41. tom. 2. edit. Simond. Carolum asserere illam sibi Regni partem à Patre Ludovico datam, & à Lothario Imperatore confirmatam, atque aded ut suam assumere, non ut alienam rapere; nec contrarium per confessionem, aut convictionem constare; *Reverentia vestra debita humilitate respondebo: quoniam visita esse, ut scribitis, scirem, cum ipse Rex Carolus ita esse non confueatur: nec vel legali, vel regulari iudicio inde convictus appareat, & multis attestantibus foveatur hanc Regni partem sibi à Patre Ludovico Augusto consensu tam Episcoporum, quam cæterorum Procerum totius imperii traditam, & à fratre Lothario Sacramento publicè confirmatam, sequendum tamen mihi arbitraver quod promisso iudicio dicit Africanum Concilium, ut magis caveat Episcopus, ne dicat in quemquam quod aliis documentis convincere non potest.*

6. Cumque aliunde nec à sua Urbe abesse posset Hincmarus, nec Carolo subsidia denegare, rogabat Pontificem, ut mandatum revocaret: *Qua, inquit, ut non ad accusandum, sic nec ad excusandum in advocatone præfati Regis, ætatem enim habet, depromo, NEC AD RESISTENDUM VESTRÆ AUTORITATI, SED CONSULENDUM qualiter nos Episcopi, & ego precipue, in quem tantam comminationem intentatio, erga Regem nostrum gerere debeamus. Quapropter Domine*

Pater

pater Reuerendissime consulite secundum privilegium Sedis vestre subiectioni nostra, ne talia nobis cuiusvisque suggestionis mandetis, unde inter Episcopalem auctoritatem, & Regalem potestatem, inter Ecclesiam, & Rempublicam scandalum possit oriri. An negotium ulterius cum Hincmaro processerit, antiqua monumenta non doceant. Solida fortassis visa est illi Hincmari ratio.

CAPUT VI.

Quâ ratione Hincmarus libertates Ecclesiæ Gallicanæ defendisse videatur.

IN negotiis, quæ suprà retulimus non ità laudabiliter se gessit Hincmarus Remensis, ut Ecclesiæ Gallicanæ gloriandum sit talem habuisse suarum libertatum defensorem. Sed hanc illi Prælo laudem tribui puto, quod Canonum auctoritatem Summorum Pontificum Decretalibus prætulisse videatur, eoquæ prætextu tam pertinaciter suorum consiliorum executionem prosecutus sit, prohibentibus licet Romanis Antistitibus.

2. Acerrimè quidem Canonum executionem prosequi visus est, sed nescio an laudandus sit in eo ejus zelus. Ut enim propriæ securitati consuleret, aut fortè livori faceret satis, Canones, quos desideris suis accommodabat, observari pertinaciter postulabat. Præcipuum ejus studium fuit circa Canonem Africanum prohibentem appellationes à Judicibus, quos partes elegerant; quia scilicet hæc appellationis prohibitio, quam, ut diximus cap. 4. perperam assignabat Concilio Africano, viam omninò præcluserat Ebboni, ne propriam Sedem resumeret, & ab ea ipsum Hincmarum sibi suspectum expelleret; Rothaldum, qui cum aliis Episcopis, & Lothario Imperatore Ebbonem restituerat post mortem Ludovici Pii, quemque idem Hincmarus deponendum curaverat, Clericos item ab Ebbone post suam restitutionem, & antequam rursus deponeretur, ordinatos, atque urgente Hincmaro dejectos omni spe recuperandi gradus privasset, eo quod Judices, à quibus damnati fuerant, elegerant,

ut eis obijciebat ; *Secundum Canonicam institutionem elegit sibi (Ebbo) per consensum Synodi Episcopos Judices peccatorum suorum, quos Canones electos appellant. De quibus scriptum est in Concilio Africano c.36. ut ab electis Judicibus provocare non liceat.* Hincmarus opusc. 2. contra Gothelf. cap. 36. *absque dubitatione confido quia illud, quod in prefato Carthaginensis Concilii Capitulo sine ulla interpellatione subsequitur Decretum vestri moderaminis nequaquam prateriret; sane, inquit, si ex consensione partium electi fuerint Judices, etiam à pauciore numero quam constitutum est, non liceat provocare. Qui numerus constitutus in 12. superiori Capitulo demonstratus, & consensus partium expetitus in dijudicatione Rotbaldi constat fuisse completus.* Hincmarus tom. 2. n. 17. epist. ad Nicolaum Papam.

3. Eo prætextu, vel alio simili multoties, diuque Summis Pontificibus reluctatus est, sed tandem eorum præceptis cessasse negari non potest; æquiusque esset ejus obedientiam imitari, quam contumaciam laudare; *Semper, inquit epist. ad Nicolaum Papam, quæ est 26. tom. 2. editionis Sirmondi, & Apostolica Sedi, & ejus Rectoribus, postquam me nosse potui, pro meo scire, & posse fidelis, & devotus, & humilis, ac subiectus extiti, sum, & adjuvante Domino, permanebo.* Multa his similia, tum in illa epistola, tum in quibusdam aliis leguntur, ex quibus intelligitur, illum, etiam cum supremo Christi Vicario repugnaret, ejus potestatem agnovisse, illique parère videri voluisse. Sed quæ fuerit ejus circa Canones sententia videamus.

4. Decoquere non poterat, ut Jura Metropolitanorum imminuerentur prætextu Decretalium, quæ suppositæ antiquis Pontificibus ante annos circiter 80. & in lucem emissæ fuerant. Ideoque illis Canones ab Ecclesia universa, præsertim à Summis Pontificibus receptos opponebat, insinuans potiùs parendum Canonibus, qui diuturno usu, ac Præfulum Romanorum Decretalibus comprobati fuissent, quam Decretalibus aliis, quæ cum illis pugnant. *Si illa, inquit scribens ad Hincmarum Laudunensem opusc. 55. Capitem cap. 43. quæ de præfatorum Pontificum Apostolica Sedis Epistolis dicis recipiendos venerandos Canones esse, qui quod vis dicis sanctum & licitum, & quod non vis non sanctum, & illicitum, ac si in voluntate tua cuncta sint posita, & non sit qui tua possit resistere voluntati, pande nobis quæsumus, quid censeas de eorum Decretis, qui post Nicænum Concilium,*

cilium, & alia Catholica Concilia observanda Decretalia constituta de eisdem sacris Canonibus promulgata sanxerunt, sicut Siricius, Innocentius, Zosimus, Bonifacius, Celestinus, Leo, Hilarius, Symachus, Gelasius, Hormisdas, Gregorius, & quique alii quorum Decreta Ecclesia Catholica & Patres ac Prædecessores nostri servanda tenuerunt & venerati sunt. Et quoniam in quibusdam à præfatis, quos appellas Canones dissonant, magistrali censurâ decerne, quæ ex his sequi, & quæ refutare debeamus. Et. tom. 2. n. 36. epist. ad eundem Hincmarum Laudunensem: Ego Decretales Epistolas Sedis Apostolicae diversis temporibus pro diversorum Patrum consolatione & consultatione ab ejusdem Sedis Pontificibus datas & venerabiliter suscipio, & venerabiliter suscipiendas dico & scribo, & Sacrosanctorum Conciliorum Canones cum DECRETIS APOSTOLICÆ SEDIS ex ejusdem Sacris Canonibus promulgatis & recipiendos, & custodiendos, & servandos sicut supra ostendi, profiteor. Suppositas igitur antiquiorum Pontificum Epistolas, quarum tamen falsitatem non omninò perspectam habebat, confert cum Canonibus ubique receptis, & per Epistolas veras Summorum Pontificum confirmatis, At non disputat utrùm Summi Pontifices possint, interveniente legitimâ causâ Canones temperare.

5. Inanis erat subtilitas Hincmari Remensis, cum Gelasium Papam Decretalibus Summorum Pontificum reverentiam, non autem exactam obedientiam præstandam voluisse interpretabatur, adverbium *venerabiliter* magis attendens, quàm participium *recipiendas*. Ista enim sunt verba Gelasii in Concilio Romano anno 494 *Item Decretales Epistolas, quas Beatissimi Papa diversis temporibus ab urbe Romana pro diversorum Patrum consultatione dederunt VENERABILITER RECIPENDAS.* Quod autem hæc vox *venerabiliter* obedientiam, ac subjectionem non solum non excluderet, sed etiam eximiam requireret, apertissimè colligitur ex eo quod Gelasius paulò ante de Epistola S. Leonis ad Flavianum, quæ veluti fidei regula circa Mysterium Incarnationis ab Ecclesia universa semper fuit habitata, sic statuit; *Item Epistolam B. Leonis Papæ ad Flavianum Constantinopolitanum Episcopum destinatam, cujus textum quispiam suscipere quæ ad unum iota disputaverit, & non eam in omnibus VENERABILITER RECEPERIT anathema sit.* Hinc infer quid sit VENERABILITER RECIPERE Decretales Summorum Pontificum ex sensu Gelasii.

6. Fortassis etiam quia Hincmarus alicubi pro *consultatione* legerat

conso-

consolatione, putabat illas Decretales, non tanquam disciplinæ regulas exequendas, sed quasi pro consolandis afflictis scriptas, cum veneratione tantum suscipiendas.

7. Imò licet Canones tantopere commendaret, ubi suis consiliis suffragabantur, illis per Sedem Apostolicam aliquando derogari curabat; Quod certissimum est argumentum ex ipsius mente Summum Pontificem non ita esse Canonibus subiectum, ut ab iis recedere, vel ab iis alios solvere non possit. Etenim Hincmarus à Benedicto III. & à Nicolao Primo privilegium postulavit, quo solius Romani Pontificis iudicio reservaretur, licet ex primo Canone Concilii generalis Ephesini à Concilio Provinciali, saltem in certis casibus posset deponi; *si quisquam Metropolita Provincia* (verba sunt Canonis Ephesini) *derelicta sancta, & æcumenicâ Synodo, aut accessit ad illorum defectionis confessum* (qui se à Concilio sejunxerant) *aut accedet imposterum, sive cum Celestio sensit, aut sentiet, ipse nihil amplius poterit agere adversus Provincia Episcopos, ut qui jam inde à Synodo totius Ecclesiastica communionis expertus sit factus, & prorsus inutilis, sed & Episcopis illius Provincia, circumque vicinis Metropolitanis re-cta sentientibus subiacebit, ut omnino dejectus sit à Sede Episcopatus.* Verba verò privilegii à Nicolao Primo concessi Hincmaro sunt ista; nullius excommunicationis, vel obligationis, seu condemnationis sententia sine DECRETO ROMANI PONTIFICIS tenearis adstrictus; sed si à quocunque, vel undecunque fueris compellatus, ut debeas judicari, Apostolici Papa iudicio te reservari nostrâ, imò B. Petri autoritate decernimus; nec alterius cuiuscunque iuri, vel iudicio te subijci, EXCEPTA POTESTATE SEDIS ROMANÆ PONTIFICIS, nec ad alterius Provincia Primatis Synodum, nisi ex communi placito posse convocari mandamus. Similia continet datum à Benedicto III. privilegium.

8. Hanc privilegii partem defendit Hincmarus epist. 44. quæ est ad Episcopos Dioecesis Remensis cap. 24. autoritate S. Leonis epist. 84. quæ Anastasium Thessalonicensem Episcopum sanctæ Sedis Vicarium monet, non potuisse sine sua autoritate deponi Metropolitanum; *sed etiam si quid grave, intollerandumque committeret* (Nicopolitanius Metropolita) *nostra erat expectanda censura; ut nihil prius ipse decerneres, quàm quid nobis placere, agnosceres.* Fuit autem hæc Epistola scripta post Concilium Ephelinum, cujus Canon mox relatus Metropolitanorum judi-

judicium Episcopis Provinciarum, & vicinis Metropolitans permittit; sed ante Concilium Chalcedonenſe, cuius Canones nonus & decimus ſeptimus Primati, aut Epifcopo Conſtantinopolitano illud judicium tribunt; ne putes ideo S. Leonem, eumque ſecutos Pontifices ideo Metropolitanorum judicium ſibi reſervaffe; quod Concilium Chalcedonenſe Ephefino derogaffet; ſed quod hanc à Chriſto facultatem accepiffet, cui non poſſit à Canonibus quidquam detrahi.

9. Sed quis magis impugnat, quàm Hincmarus regulam illam quæ volunt aliqui libertatis Gallicanas niti, quod ſcilicet ſummus Pontifex Concilioſum Canonibus ita ſubſit, ut ei reſiſtere liceat, ſi quid adverſus Canones moliat. Licet enim Hincmari referret ad tuendum ſuum privilegium non ſubeundi alterius quàm Romani Pontificis judicii, Canones 9. & 17. Chalcedonenſes defendere, ut illud cum jam eſſet Concilii œcumenici autoritate munitum, non cogereſtur ſanctæ Sedi acceptum referre: Tamen in opuſc. 55. capitulum ſcilicet cap. 23. & cap. 24. Canones illos vi carere affirmat ex eo quod à Romanis Pontificibus non fuerint recepti, quod probat testimoniis ſanctorum Leonis, Gregorii, & Gelafii. Prolixiora ſunt illa capitula quàm ut hic exſcribi debeant. Videantur, ſi lubet, apud ipſummet Autorem loco citato.

C A P U T V I I.

De praxi libertatum Eccleſiæ Gallicanæ circa Canones octavæ Synodi.

I Luſtriſſimus Petrus de Marca lib. 2. cap. 17. num. 1. argumentum in favorem libertatum Gallicanarum trahit à non acceptatis, & non obſervatis ſtatim aliquibus Canonibus octavæ Synodi Conſtantinopoli habitæ ſub Hadriano II. colligit autem non fuiſſe receptos, tum ex eo quod Hincmarus illorum in ſuis litteris non meminerit, tum quod Ademarum tradat conſtituta inibi fuiſſe aliqua Canonibus antiquis adverſa; tum denique quod Concilium

lium illud variis Canonibus mores in Gallia receptos , & jura Regia offendat. Sed etiamne tempore octavæ Synodi Conciliorum generalium Canones prætextu libertatum Ecclesiæ Gallicanæ respuebantur ? Mira libertas, quæ cum in Canonum custodia posita sit , rejiçendorum Canonum Conciliorum generalium facultatem tribuit. Quæcunque igitur illa Synodo recentiora , qualia sunt ferè omnia , quæ à Puteano collecta sunt, vel ab aliis citantur ejus materię tractatoribus , libertatum Gallicanarum fundamenta non sunt, quippè quibus illæ longè antiquiores sint: Et tamen si recentiora illa corruant, nescio quo fulcimento sustentabuntur libertates.

2. Verùm enim verò licet Episcopi Gallicani Canones illos statim recusassent, non continuò libertatibus Ecclesiæ Gallicanæ adscribenda esset recusatio, quæ poterat ex multis aliis causis oriri : v. g. ex eo quod Ludovicum sui Legati non Italarum solùm , sed etiam Francorum Imperatorem in Concilio Constantinopolitano appellaverant, quod Carolus Calvus, & Antistites Gallicani probare non poterant; Quippè cum ille Lotharii neporis sui defuncti partem Regni Gallici usurpasset in injuriam prædicti Ludovici, ad quem utpote mortui fratrem hæreditario jure pervenire debuerat : isti usurpationem illam confirmassent, præsertim Hincmarus, qui Carolum illius Regni partis Regem coronaverat in Concilio Metensi , ut in quinto capite dictum est. Quæ ratio eò verosimilior evadit , quo Canones octavæ Synodi recitati fuerant in sess. 10. in qua Ludovicum sui Legati Italarum, atque Francorum Imperatorem dixerant. Intererat igitur & Caroli , & Hincmari , quem Carolus speciali benevolentia prosequabatur, & à quo vicissim colebatur, specialiter morosos se in recipiendis, & exequendis illis Canonibus præbere.

3. Si qua verò in hoc Concilio circa disciplinam antiquam facta est immutatio, & parva fuit, & necessaria. Quantam enim antiquitati reverentiam tribueret, & quantum ei inhaereret passim demonstravit, vel in ipsis etiam Canonibus, quos citat Dominus de Marca. Duodecimus sic incipit. *Apostolicis, & Synodiciis Canonibus concordantes, &c.* Decimus septimus antiquis Canonibus innititur: *cum nusquam sacri Canones sanxerint, &c.* In vigesimo secundo habentur

hæc verba: Concordans prioribus Conciliis sancta hæc, & universalis Synodus, &c.

4. Sed quis credat octavam Synodum antiquorum Canonum auctoritatem non satis fuisse veneratam, lectis his ejus verbis a&t. 10. cap. 1. *Regulus, quas sancte, & Apostolica Ecclesia tam à sanctis famosissimis Apostolis, quam ab Orthodoxorum universalibus, nec non, & localibus Conciliis, veletiam à quolibet Deiloquo Patre, ac Magistro Ecclesia tradita sunt servare, & custodire profiteamur, his, & propriam vitam regentes, & omnem Sacerdotii cathalogum, sed & omnes qui Christiano censentur vocabulo, pœnis, & damnationibus, & è diverso receptionibus, ac justificationibus, quæ per illas prolata sunt, & definita subjicere canonicè decernentes; tenere quippe traditiones, quas accepimus sive per sermonem, sive per epistolas Sanctorum, qui antea fulserunt, Paulus admonet aperte magnus Apostolus.*

5. Canones illius Concilii mores in Gallia receptos, & jura Regia non ita offendunt, ut hinc inferre liceat ad repudiandos eos adhibitas fuisse Ecclesiæ Gallicanæ libertates, ut ex summario eorum examine liquerebit.

6. Duodecimus Canon, inquit Dominus de Marca, *Principum suffragia ab Electionibus arcet*, cum tamen absque Regis consensu, etiam post octavam Synodum Electiones in Gallia non fierent: sed non penitus excludit Canon ille ab Episcoporum Electionibus Principum suffragia. Damnat tantummodò factas per *VERSUTIAM ET TYRANNIDEM PRINCIPUM*. An libertatis Ecclesiæ Gallicanæ dixerit partem esse, ut per versutiam, & tyrannidem Principum Episcopi eligerentur? An etiam libertas Ecclesiæ violaretur, si usquequave Principum suffragia ab electionibus arcerentur?

7. Decimus septimus, ut supponit idem Autor, *Episcopos omnes sistere se Concilio Patriarcha jubet, neque Principum jussu impediri, cum tamen à Regno discedere & Synodo interesse absque consensu Principis vetitum esse Gallicanis Episcopis doceat Hincmarus, &c.* An de jure, an de facto loquebatur Hincmarus? causabatur Archiepiscopus ille à Regno discedere ob prohibitionem Regis se non posse. Jus autem prohibendi Regi non tribuebat. Imò epist. ad Nicolaum Papam, quæ decimus septimus locum occupat in tom. 2. editionis Sirmondi satis aperte declarat, teneri quemlibet Episcopum à summo Pontifice Romanam

vocatum accedere; *Dignum, & justum est, ut quemcumque Episcopum Romanus Pontifex ad se Romam venire mandaverit, si infirmitas, vel gravior quacunque necessitas, vel impossibilitas, sicut sacri præfigne Canones, cum non detinuerit, ad illum venire studeat.* Atqui sacri Canones jus Regibus non concedunt, sed potius negant, Episcopos quominus à Regno propter Ecclesiastica negotia exeant, prohibendi; Nam v. g. Concilium Aurelianense III. anno 538. Episcoporum excusationem rejecit, qui à Concilio abessent eo prætextu quod haberentur in loco alteri Principi subjecto, quasi non liceret Episcopis ob causas Ecclesiasticas proprii Principis territorio excedere. Hanc Ecclesiæ, seu Episcoporum libertatem acerrimè vindicaverat Concilium Turonense II. anno 567. can. 2. cujus hæc sunt verba; *Bis ad Synodum quolibet anno Episcopi Comprovinciales cum Metropolitano conveniant, aut saltem semel sine cujuslibet excusatione persona, id est Regia, vel privata... sed sicut dictum est neque per impedimentum ordinationis Regia, neque sub occasione utilitatis debeat à Concilio separari, Apostolo predicante: Quis nos separabit à charitate Christi, tribulatio, an persecutio, an gladius &c.... NON DEBET SPIRITALI OPERI ETIAM REGALIS PRÆFERRI PRÆCEPTIO, cum primum in Ecclesia sit mandatum: Diliges Dominum Deum tuum ex tota, &c Unde non debet præcepto Domini persona cujuslibet hominis anteponi, neque debet terrena conditionis actio, vel persona terrere, quos Christus spe Crucis armavit.* Addit pœnam excommunicationis. Vide S. Bernardum epist. 131. eximium summi Pontificis jus ad vocandos ad se Episcopos declarantem.

8. Sed suam mentem aperit ipse Hincmarus. Statim enim post verba jam jam relata ista subjungit; *Et quicumque videris, vel audiet quod Rex & Episcopi Apostolica Sedis summum Pontificem promptè obaudiunt, & honorant, & promptius, & humiliter eis subjecti sui obediunt.* Debent ergo & Rex, & Episcopi summo Pontifici obedientiam in hujusmodi rebus præstare.

9. Adde Canonem illum eò præcipue spectare non ut Principibus prohibeat, ne Præsules ab adeundo Concilio Patriarchali deterreant, sed ut Metropolitani Concilio interesse nolentes excusationem illam falsò non prætendant. *Sed quoniam sunt quidam Metropolitanorum (verba sunt Canonis) qui ne secundum vocationem Apostolici Præsulis occurrant à mundi Principibus sede-*

se desineri sine ratione causantur, PLACUIT TALEM EXCVSATIONEM OMNIMODIS ESSE INVALIDAM *licet tale impedimentum & sileam prohibitionem suggestione Metropolitānorum diversis modis fieri didicerimus.* Eum dixi præcipuum esse Canonis scopum. Nam damnat etiam Principes qui Episcopis obstant (intelligo sine justa causa,) ne accedant ad Concilia, ut enim culpandi non essent Reges qui Episcopos congregari non sinerent, quos certo scirent, aut non temerè judicarent aliquid contra Regnum, aut Reges ipsos injustè moliri ita impietatis rei essent, ut notat idem Canon, si Congregationem Synodorum, dum Ecclesiæ necessariæ sunt, impedirent: Rationem exprimit his verbis; *Cum enim Princeps pro suis causis Conventus frequenter agat*, IMPIUM EST, *ut summos Praesules ad Synodos pro Ecclesiasticis negotiis, &* ut jam in exordio legitur, *urgente necessitate celebrandas impediunt, vel eosdem à Conciliis eorum prohibeant.* Tantùmque abest ut statutum illud Ecclesiasticam libertatem violet, ut ipsa etiam Gallicana Concilia declaraverint, quod supra notavimus, non esse justam absentiam à Concilio causam, quod Episcopi in alterius Regis ditione constituti sint.

10. Eodem Canone 17. prohiberi putat prædictus Autor; *ne Synodus fiat presente Principe; quod moribus Gallorum adversabatur, qui Synodos in Palatio ut plurimum celebrabant, etiam sub Carolo Calvo post octavam Synodum.* Verùm finis quoque præcipuus istius Canonis est, docere, Principis præsentiam non esse necessariam, ut ex ejus verbis colligitur, quæ sunt ista: *Illud autem tanquam perosum quiddam ab auribus nostris repulimus, quod à quibusdam imperitis dicitur, non posse Synodum absque Principali presentia celebrari: cum nusquam sacri Canones convenire Principes seculares in Conciliis sanxerint, sed solos Antistes; Unde nec interfuisse illos Synodis, exceptis Conciliis universalibus, invenimus.* Subjungit quidem ista: *neque enim fas est seculares Principes spectatores fieri rerum, quæ Sacerdotibus Dei non nunquam eveniunt:* Sed hæc dictorum potius rationem quàm expressam continent prohibitionem.

11. Sed quid ista omnia Ecclesiasticam libertatem juvant? Nunquid tunc libera est Ecclesia, cum ei dominantur Principes seculares? Quando Reges non eo moventur Ecclesiasticæ disciplinæ zelo, quo flagrabant Carolus Magnus, Carlomannus, Ludovicus Pius, &

alii quidam, nonne metuendum est, ne illorum præsentia suffragiorum libertatem tollat potius, quàm procuret, præsertim si quid eis displiceat, aut incommodum sit?

12. Nec fuit in Gallia mos constans, ut Principes Conciliis interessent. In prima Dynastia Clodoveus aberat à Concilio Aurelianensi, quod, cum primum fuerit in Gallia sub Regibus Christianis, ceu exemplar intuendum vult alibi Petrus de Marca. Cum Charibertus Prætextatum Rothomagensem Archiepiscopum in Synodo Parisiensi judicari postulavit, tradito Episcopis Canonum Codice recessit ante causæ discussionem, ut notat Gregorius Turonensis. Verum quidem est Regem tunc partem fuisse.

13. In secunda Dynastia Reges sæpè in Conciliis præsentibus extiterunt, at non solum annuentibus, sed etiam interdum hortantibus Summis Pontificibus, quibus perspecta erat illorum Religio, & Ecclesiasticæ disciplinæ zelus; & quia illorum autoritas Ecclesiæ tunc temporis maximè necessaria erat. At fuit aliquoties in Conciliis Carolus Calvus etiam post octavam Synodum, quæ id prohibuisse videbatur. Ego quidem arbitror aliquando Hincmarum Archiepiscopum Remensem, qui, ut jam diximus in Regis animum magnâ pollebat auctoritate, operam dedisse, ut Regis præsentia intercederet in Conciliis, in quibus obrinere aliquid cupiebat, ut depositionem Nepotis in Concilio apud Attiniacum anno 870. mense Maio. Aliquando Carolus proprias rationes curaturus interfuit, ut Ticinensi, & Pontigonensi, anno 876. in quibus confirmatum illi fuit Imperium, scilicet à Joann VIII Pontifice in Ticinensi, & à Sedis Apostolicæ Legatis in Pontigonensi. Ergò sanctæ Sedis, vel saltem Episcoporum consensus Regis præsentiam probavit.

14. In tertia Dynastia, sive quod octavâ Synodo parere vellent Reges Galliæ, sive aliis de causis rarò interfuerunt Conciliis, nisi fortè à Summis Pontificibus invitati, ut Ludovicus Crassus Concilio Remensi, cui præfuit Calistus II. aut ex alia occasione admodum rara.

15. Denique supponere videtur Autor, qui supra, Canonem 22. octavæ Synodi Laicos ab Episcoporum electionibus omninò excludere. Verùm eis permittit Canon, ut ab Ecclesiâ invitati accedant;

si vero quis Laicorum ad concertandum, & cooperandum ab Ecclesia invitatur, licet huiusmodi cum reverentia, si forte voluerit, obtemperare se asciscendis. In hoc autem quod liberam, & indefinitam facultatem Laicis non concedit, libertatibus Ecclesiae Gallicanae, ut communiter definiuntur, consentit. *Concordans prioribus Conciliis, ut verbis ipsiusmet Canonis utamur.*

CAPUT VIII.

De Regibus Christianissimis libertatum Ecclesiae Gallicanae defensoribus, & de Universitate Parisiensi earum propugnatrice.

1. Petrus de Marca, & Petrus Puteanus, qui ad libertates Ecclesiae Gallicanae pertinere volunt, ut Rex Franciae in temporalibus Romano Pontifici non subiaceat; varia veterum Regum exempla Summis Pontificibus resistentium in rebus ad dominium, aut regimen temporale spectantibus, referunt, sed quid de illis sentiendum sit ex dicendis circa primam propositionem in libro sequenti intelligitur.

2. Hic tantum animadvertendum est Principes, dum jura sua se tueri profiterentur, libertatem quidem Regni obtendisse, non autem libertates Ecclesiae, sed potius adversus illos, has libertates fuisse allegatas: *Quando*, inquit Gotfridus in opusculo ad Calixtum Papam cap. 6. *Ecclesia Seculari Potestati subijcitur, qua ante Domina erat, ancilla efficitur, & quam Christus Dominus dilavit in Cruce, & quasi propriis manibus de suo sanguine scripsit, chartam libertatis amittit.* Dixerat autem cap. 4. *Rex & Romanus Pontifex cum unus contra alium, alter pro Regni consuetudine, alter pro Ecclesia libertate erigitur, REGNUM ILLAM CONSVETVDINEM OBTINERE NON POTEST, NEC POTERIT; Et Ecclesia sua libertatis amittit plurimum.* Non à Philippo IV. sed à Bonifacio VIII. Ecclesiae libertas allegabatur. Rex tantum libertatis nomen ad significandam liberationem à iugo legis Moisaicae, aut à Diabolica tyrannide institutum volebat, ideoque illam Laicis cum Ecclesiasticis esse communem.

3. In

3. In alio sensu Reges Galliarum dicuntur à Clero Gallicano libertatum illius Ecclesiæ Protectores, quia scilicet autoritate Regia impediuntur, vel reparantur injuriæ, quæ à Curia Romana illius Regni Ecclesiæ inferri prætenduntur. Sed quàm duram servitutem induxerit illa libertatis protectio, & jam in primo libro insinuavimus, & adhuc magis demonstrabimus, ubi de appellationibus tanquam ab abusu differemus.

4. Nusquam autem in antiquis monumentis legitur, Reges Franciæ Protectorem, aut Defensorem Ecclesiæ, vel libertatis Ecclesiasticæ, titulo insignitos, quod Summis Pontificibus resistissent, etiam prætextu amovendæ à Clero Gallicano injuriæ à Curia Romana illatæ. Rarissima sunt vetera hujusmodi tuitionis exempla, nisi fortè aliquando Reges Episcopis, quos diligebant, nomen suum commodaverint, ut Carolus Calvus Hincmaro Remensi in virulentis illis ad Hadrianum II. litteris, quæ extant in 2. tom. operum dicti Hincmari sub num. 42. edit. Sirmondi, & in litteris ad Joannem VIII. quæ sunt ibidem num. 47.

5. Illustis libertatum Ecclesiæ Gallicanæ propugnatrix est Academia Parisiensis, cujus olim maxima erat in illo Regno autoritas. Ex præscripto S. Pauli 1. ad Timoth. 3. *Oportet Episcopos esse Doctores, & illi legitimi, ac proprii sunt magistri à Spiritu sancto positi, non solum, ut autoritate suæ regant Ecclesiam, sed etiam ut predicatione ac doctrinâ pascant.* Unde, ut notat S. Hieronymus in hæc verba epistolæ ad Ephesios cap. 4. vers. 18. *Alios autem Pastores, & Doctores; Omnis Pastor Doctor: non omnis qui Doctor, est & Pastor.* Et S. Augustinus epist. 59. *Pastores autem, & Doctores, quos maximè ut discernere veluisti, eosdem puto esse, sicut & tibi visum est, ut non alios Pastores, alios Doctores intelligamus: sed ideo cum prædixisset Pastores, subjunxisset Doctores, ut intelligerent Pastores ad officium suum pertinere doctrinam, &c.* Tamen multiplices illorum curæ vix tempus concedunt studendi rebus, quibus indigent, ut potentes sint exhortari in doctrinâ sana, & eos qui contradicunt arguere, quemadmodum præcipit Apostolus ad Titum 1. in adjutorium advocandi fuerunt Doctores, qui sapientiam omnium antiquorum exquirentes in Prophetis vacantes, narrationem virorum nominatorum conservantes, in versutias parabolarum simul introeuntes, oscula proverbiorum exquirentes, & in abscondi-

scanditis parabolarum conversantes in medio Magnatorum ministrarent, ut de sanctis Doctoribus canit Ecclesia ex Ecclesiast. 39. Ex quo factum est, ut maximus honor rerum Divinarum Doctoribus merito tribueretur.

6. Inter cæteras non solum Gallix, quibus sine dubio præminet, sed etiam totius Europæ Universitates celebres semper exitit Parisiensis fama, & in negotiis omnibus Ecclesiasticis autoritas, ut in ejus historia non ita pridem editâ legenti cuique licet advertere. Summa fuit ejus in propaganda fide, in extirpandis schismatibus, atque componendis controversiis diligentia, & industria.

7. Extirpandi schismatis desiderium olim illi suasit præponendum esse Summo Pontifici Concilium Oecumenicum dum quis esset legitimus Pontifex non satis constaret, quæ sententia certissima videtur, deinde etiam si legitimum esse Pontificem non dubitaretur, Concilio postpositus est. Postea verò non esse infallibile Pontificis judicium, etiam circa Jus Divinum, & Ecclesiasticum assertum est à multis ejus alumnis contra antiquorum, & multorum etiam ex Recentioribus ejus Facultatis Doctoribus sententiam, quos libro 7. referemus.

8. Cum vel Pontifices, vel Pseudo Pontifices exactionibus, ac Beneficiorum reservationibus Ecclesiam Gallicanam opprimerent, Universitas studii Parisiensis, & quantum potuit restituit, & Principis, ac Senatus potestatem implorandam duxit. Atque hinc evenit, quod supra dicebamus, ut paulatim Magistratus sæculares rerum, & negotiorum ferè omnium Ecclesiasticorum judicium sub prætextu conservandæ libertatis, corrigendi abusus, tuendæ possessionis, &c. usurpaverint.

9. Absit à me, ut florentissimæ illius Academix famæ aliquid detractum velim, quippe qui sciam quantum doctrinâ suâ Christianæ Reipublicæ conferat, tamen dissimulari non potest celebrem illam Academiam ad Principum voluntatem nimium aliquando deflexisse. Id fateri videtur etiam Cæsar Egassius Bulzus in historia universitatis Parisiensis tom. 4. ad annum 1379. tempore Schismatis accidisse. Nam licet electio Urbani VI. magis canonica videretur, ejusque partes secuta primùm fuisset, tamen ad Clementem VII. accessit, eo quod Rex Carolus Quintus, & Regni Magnates ejus partes amplexi fuissent, *Faciendum tamen est*, inquit Bulzus, *plus ipsam Gallicani sta-*

sui ineniti adductam, quàm causa Clementina bonitate convictam consensisse, futuramque fuisse neutrius partis, si Respublica id ferre potuisset, cuius interest in iis præsertim rebus, in quibus de Religione agitur habere consensum saltem publicum, si non animorum, Papæ iudicium infallibile non esse tunc Facultas Parisiensis decrevit, cum Reges à Romano Pontifice dissiderent; Quæ in re Principum potentissimorum, ac præsentium, desiderio aliquid concessum est.

10. Nec absuit fortassis proprii honoris, & utilitatis studium à posterioribus Doctorum deliberationibus. Primò infallibile Papæ iudicium, sibi injuriosum declararunt in censura Amadæi Guimenii Anno 1665. quasi non pari ratione possent Oecumenicorum Conciliorum infallibilitatem suæ iniuriæ adscribere. Nec in causis Fidei, & Religionis Iudices à Deo instituti sunt, sed Consultores tantùm adhibiti Doctores Episcopali charactere non illustrati, & à Summis Pontificibus sicut à Conciliis Oecumenicis perinde consuli possunt in difficultatibus, quæ studium, & animi perspicaciam desiderant.

11. In Beneficiis laborabant illi, ut arbitror, pro Dei honore, & Ecclesiæ utilitate, suspectus nihilominus erat illorum zelus, cum ea suis conferri curabant, qua in re coacti sunt agnoscere scripturatosam Canonum observantiam aliquando Ecclesiæ obesse. Beneficiorum enim dispensationem liberam Episcopis dimitti, quibus ex jure communi competit, tam ægrè tulerunt, ut à Lectionibus cessaverint, donec illa libertas, antiquis Canonibus confirmata abrogaretur: Eodem anno, inquit Buleus supracitatus ad annum 1399. *per totam quadragesimam cessavit à Lectionibus in Universitate teste Ioanne Iuvenale de Urbinis: PROPTEREA QUOD EDICTO REGIO REDDITA FVERAT ORDINARIIS omnimoda Beneficiorum Ecclesiasticorum dispositio, ET DISPENSATIO. Videbat Universitas Prælatorum in distribuendis Beneficiis injustitiam: Experta autem antea fueras Universitas eos famulis, & famulorum amicis ea conferre solitos potiùs quàm doctis, & litteratis; Quæ res plurimas turbas excitasset inter partes nisi satisfactum fuisset Universitati.*

12. Unde

12. Undè patet quàm incongruè libertates Ecclesiæ Gallicanæ in illibata antiquorum Canonum custodia eorumque adversus Summum Pontificem propugnatione collocentur : quandoquidem Universitas Parisiensis antiquis Canonibus , Beneficiorum collationes Episcopis adscribentibus, derogandum censebat; urgebatque, teste eodem Bulzo, ut illa collatio Summo Pontifici reservaretur, quem sperabat æquius illa dispensaturum. Sunt alia quamplurima in historia prædicta, ex quibus constat Universitatem Parisiensem in suum commodum Canonibus per privilegia derogari à Summis Pontificibus impetrasse.

13. Donentur sanè Beneficiis viri graduati, dummodo Universitates nonnisi capaces ad gradus promoveant, iique aliundè Beneficiis digni sint. Consulantur in rebus obscuris, & difficilibus Doctores pietate, ac doctrinâ celebriores, sed supremæ Romani Pontificis auctoritati antiqua reverentia, & debita restituatur obedientia; salva sint Universitatibus sua privilegia, sed auctoritas à qua emanarunt, ut par est, excolatur.

CAPUT IX.

De Ioanne Gersonio Cancellario Parisiensi.

1. **S**I libertates Ecclesiæ Gallicanæ doctrinâ Illustrissimorum Antistitum Conventus Parisiensis continerentur, non immeritò earum præcipuus Autor Joannes Gersonius Universitatis Parisiensis Cancellarius, vir pro sua pietate, doctrinâ, & zelo plurimum commendandus. Ipse enim Primus ex Theologis Catholicis Summum Pontificem Concilio generali inferiorem, & errori, etiam cum tanquam supremus Pastor aliquid toti Ecclesiæ fide Divinâ credendum proponit, obnoxium esse docuit; Quæ duo capita principaliora sunt; alia etiam tradidit, sed non adedò absolute.

13. Non potuit tamen Gersonius ab antiquorum doctrina ita recedere, quantumvis adversus immensos sui temporis abusus sto-

machatus, quin plures super sint in ejus operibus sententiæ propositionibus

nibus Comitiorum Cleri Gallicani adversæ, ut suis locis ostendemus.

3. Multa concurrerunt, ut Gersonius suæ doctrinæ plurimos in eo Regno Discipulos habuerit. Remissus aliquantulum avitus sanctæ Sedis cultus à tempore dissidii inter Bonifacium VIII. Papam, & Philippum IV. Franciæ Regem, nec non ob asperum à vicinis Pontificibus tum legitimis, tum schismaticis, aut dubiis impositum circa Beneficia, & redditus, jugum: confusio Ecclesiastici regiminis, & corruptio disciplinæ, ob diuturnum & pertinax schisma; ipsius Gersonii fama, nec non ejus in extinguendo schismate zeli prosper eventus, naturalis hominum propensio ad imminuendam superiorum, quorum præceptis promptius, ac frequentius urgentur, auctoritatem: adhesio succedentium Doctorum sententiis quas Academiæ suæ proprias, & nihilominus insignes, arbitrantur.

4. Verumtamen, si Gersonii auctoritatem spectes, etsi non contemnenda sit, propter eas quas diximus ipsius doctores, est tamen aliorum ejusdem Academiæ alumnorum contraria sentientium, v. g. sancti Thomæ, & aliorum, quorum testimoniis utimur, auctoritate, minoris in Ecclesia existimationis: si ejus doctrinæ fundamenta solo veritatis amore diligenter scruteris, minùs quàm contrariæ, quæ in libris sequentibus proferuntur, solida comperies. Si ergò auctoritate merienda est doctrinæ dignitas, plus est iis tribuendum, quorum & persona, & scripta publicè tota veneratur Ecclesia: si solis cedendum est probationibus, priùs exuendus est privatus affectus, & dimittenda præjudicia: Quæ conditiones in omni contentio-num genere mutuo ab utraque parte postuluntur, sæpiùs à neutra præstantur, hic omninò necessariæ sunt.

5. Edmundus Richerius antequam adversus sanctæ Sedis Dignitatem stylum apertè convertisset, Gersonium Apologia indigere sensit. Quamobrem in ejus vita, quam cum hoc titulo ejus operibus editionis anni 1606. præfixit (ejus enim editionis autorem se ipse prodit in præfatione ad suas vindicias, quod obscurè tantum indicaverat Illustrissimus Cardinalis Perronius in Oratione ad tres Ordines Regni Franciæ an. 1614.) *Vita Joannis Gersonii Doctoris, & Cancellarii Parisiensis ex ejusdem operibus collecta ann. 1606.* Illic objeit sibi Richerius, *As inquires, lib. de asseribilitate Pape edidit.*

Respon-

Respondet. *Verum id quidem est, sed attende ad schisma, quo bacchante incubratum fuit, tum omnia bene concordabis. Enimvero Parisiensis Academia cum duos Antipapas de Ecclesia autoritate sic inter sese colludentes carneret, ut neque actū neq̃ habitū, unienda, & concordanda Ecclesiarum rationem retinerent, &c. Et infra; Caterū qui libellum de auferibilitate cum titulo comparavit, omniaque benignè examinavit, animadvertet tractatum hunc eruditissimum non id vel le quod hæretici cavillantur, aut invidiosum illud lemma præferret: Quoniam Ecclesia auctoritatem non absolute, & formaliter, sed CASUALITER TANTUM quoad abusum, & exercitium auctoritati Pontificie antecellere demonstrat Gersonius.*

6. Certè Gersonium zelo suo contra abusus quos & in Ecclesiastico, & in politico regimine invaluisse cernebat, longiùs quàm par erat, abreptum fuisse, nemo sapiens, ac justus negabit. Audi enim quid scripserit de summis Pontificibus Tomo secundo in regulis moralibus tit. de præceptis Decalogi. *Casus multi esse possunt, in quibus aliquis se gerens pro Papa & pro tali habitus ab Ecclesia, poterit à subdito licitè vel occidi, vel incarcerari, vel per modum quendam appellationis ab eo, vel subtractionis à sua obedientia, declinari nisi forte obstare monstretur constitutio aliqua non humana solum, sed & divina atque revelata huic naturali juri præjudicans.*

7. Nec mitiùs egit erga Principes Politicos. Ait enim opusc. contra adulatores. Confid. 7. *Error est dicere terrenum Principem in nullo suis subditis dominio durante obligari, quia secundum jus Divinum, & naturalem aequitatem, & verum dominii finem, quemadmodum subditi debent fidem, subsidium, & servitium domino, sic etiam dominus subditis suis fidem debet, & protectionem, et si eos manifestè, & cum obstinatione in injuria, & de facto prosequatur Princeps, tunc regula hac naturalis: Vim vi repellere licet locum habet, & id Seneca in Tragædiis. Nulla Deo gravior víctima, quàm Tyrannus, &c. Ad idem est Tullius 3. de Officiis. Vide serm. ad Regem nomine Universitatis Parisiensis.*

8. Sed si in communi Gallicanarum libertatum definitione stemus, non poterit Gersonius earum fautor censerī, qui Canonibus, præsertim in favorem Litteratorum, & maxime Theologorum, derogandum pluries sensit. *Status Prælationis* (inquit in opusc. de statutibus sub titulo de statu Prælatorum confid. 14.) *si fiat limitatio sui*

usus in Beneficiis conferendis, vel in exemptionibus, non debet ratio, nabiliter conquiri, dum hoc manifeste fit propter studium litterarum, præsertim sacre doctrinæ.

9. Credo equidem Gersonium, & Universitatem ipsam, ut jam antea dixi, litterarum profectum, & fructum in Ecclesiam à viris doctis proveniunt spectasse, in procurandis beneficiis, ac exemptionibus, Magistris, & Alumnis suis contra juris communis dispositionem. Sed cur Regularibus, aut alterius conditionis hominibus bonum similiter finem propositum in petendis privilegiis non tribuamus? Cur Universitas Parisiensis tot favoribus à sancta Sede donata, similia beneficia cæteris invidet? Cur verò supremum Ecclesiæ Pastorem erga nos tantum fidelem, & prudentem dispensatorem erga alios prodigum dissipatorem judicabimus; Cur Canonum tantum nobis commodorum violatio, servitus intoleranda reputabitur, minus commodorum dispensationem non solum tanquam licitam, sed & ferè ut debitam impetrare enitemur?

10 Fateor, & sæpè profitebor sanctis illis Ecclesiæ legibus esse strictè inhærendum, quamdiù gravissima causa recedere ab illis non cogit; sed propter quosdam abusum potestatem ipsam negandam non esse defendendo, præsertim ab illis, qui frequenter ad eam recurrunt.

C A P U T X.

De quibusdam aliis Scholæ Parisiensis Doctoribus.

1. **P**ost Gersonium, schisma inter Eugenium XVIII. Papam & Concilium Basileense, occasionem præbuit scholæ Parisiensis sese in celebris illius Cancellarii doctrina firmandi, ac nonnullis Doctoribus pro ea scribendi. Deinde orto dissidio inter Julium II. summum Pontificem, & Ludovicum XII. Franciæ Regem, Joannes Major, & Jacobus Almain in Ludovici defensionem eandem doctrinam adhibuerunt. Eam ferè sopitam initio hujus sæculi suscitavit Edmundus Richerius; alii eundem promovenerunt, donec

Illustrif.

Illustrissimi Præfules Parisiis congregati ; sua declaratione , ac Regis brachio adversus renitentes invocato , eam ita stabilire conati sunt , ut ab ea nemo dissentire auderet , & eam palam proflentibus , ex modernis aliis impugnare non audentibus , ad posteros tanquam indubitata transmitteretur.

2. Sed non defuerunt unquam in Gallia, nec in ipsa quidem schola Parisiensi , qui summi Pontificis causam tuerentur : & , quæ veritatis vis est , sperandum est non defore , qui absque præjudicio , & privato affectu de rebus judicent , & contemptis pollicitationibus , & minis , quod sentiunt , liberè promant.

3. Non est autem hic de singulis dicendum , qui prædictam doctrinam , vel propugnarunt , vel impugnarunt. Cum enim ejus defensorum opuscula collegerit in suis vindiciis Edmundus Richerius , illa simul cum ejus libello *de potestate Ecclesiastica & politica* in libro nostro octavo recensebimus : eorum autem , qui contra senserunt testimonia circa quamlibet propositionem referemus.

4. Sed non idem fuit omnium illius doctrinæ propugnatorum aut scopus , aut affectus. Quidam enim , alii aliis modestius , Patronorum tantum seu Advocatorum personam sustinuerunt. Quidam nebulonum more pacem turbare studebant : alii injuriam sibi , ut putabant , illatam ulciscentes , dolorem hac ratione lenire conati sunt : alii vel eximii ingenii laudem , vel præmium aucupati sunt ; alii , ut credere par est putabant obsequium se præstare Deo , ac veritati testimonium perhibere. Quæ autem , cujusque mens fuerit , Deus scit. Nobis judicare non licet , nisi quantum eorum verba , & stylus significant. Duorum tantum , utpotè magis insignium specialis nunc temporis facienda est mentio , scilicet Edmundi Richerii in hoc capite , & Joannis Launoii in sequenti.

5. Ne quis autem putet nos temerè dixisse aliquos eam in partem privato affectu impulsos , præmittendum est quod scribit Henricus Spondanus ad an. 1627. n. 2. occasione censuræ libri Antonii Santarelli. *Ceterum*, inquit, *quoniam hac Doctorum Serronicorum dissidia non aliunde procedo-*

procedebant, quàm ex occultis schismatis seminibus, quem multis fovebantur; occasione inde sumpta, Eminentissimus pietate, & doctrina Franciscus Cardinalis Rupifocaldus pro suo in conservationem unionis Ecclesie, quam isti discerpere studebant, zelo. libellum scripsit in schismaticos, quem Regi dicavit, hortans, ut tanto malo auctoritate sua praverteret.

6. Sed ad Richerium, Prodiit an. 1611. liber *De Ecclesiastica, & politica potestate* suppresso autoris nomine. Die nona Mensis Martii proxime sequentis damnatus est à Concilio Provincia Senonensis, Præside Illustrissimo Cardinali Perronio; *Ob multas, verba sunt Decreti, quas continet propositiones, expositiones, & allegationes falsas, erroneas, scandalosas, schismaticas, & ut sonant, hereticas*: Simili censura notatus est die 24. Mensis Maii etiam proxime sequentis à Concilio Provinciali Aquis, scilicet ut continens *propositiones, allegationes, & doctrinas falsas, scandalosas, schismaticas, hereticas, & impietatem gravemque errorem sapientes*. Utrumque Decretum refertur à Patre Labbeo tom. ult. Conciliorum.

7. Condemnationem illam narrat Spondanus ad annum 1612. n. 3. & addit, *Idemque Richerius auctoritate Regiæ, & Decreto Facultatis depositus est à Syndicato ejusdem Facultatis, quem gererat. Fuere etiam multi, qui contra eundem libellum scripserunt: plenissime confutavit etiam Andreas Duvalius insignis Doctor Sorbonicus, & Regius Theologia Professor in Universitate Parisiensi primarius: haud tamen propterea cessante Richerio à suis MOLITIONIBUS, quibus multos alios in suas partes allegit; cum VEHEMENTI SUSPICIONE SCHISMATIS*. Illius libelli præcipuum fundamentum confutavit validissime doctissimus Pater Petavius Aurelianensis è Societate Jesu Theologorum Dogmatum tom. 1. lib. 13. cap. 14. 15. & 16.

8. Fuit etiam Romæ damnatus Richerii libellus, primùm sine nomine Autoris, deinde nominato Autore, ut videre est in Decreto Sacre Congregationis Indicis 2. Febr. an. 1622.

9. Illustrissimus Cardinalis Perronius in ea, quam habuit ad tres Ordines Regni Franciæ an. 1614. oratione, tacito Richerii nomine illius consiliū in curanda nova operum Gersonii, cum cujus effigie, cum elogiis, & inscriptionibus editione, detegit, quod scilicet Gersonius adversus Romanum Pontificem scripsisse videretur, Licet enim,

ut diximus Cardinalis Perronius de industria Richerii nomen subtraheret, prodit se ipsemet Richerius in suarum vindictiarum præfatione ad Lectorem his verbis; *Cardinalis Perronius eidem* (Richerio) *in Conventu trium Ordinum Regni Galliarum anno 1615. grandi vitio dederit, quod Ioannis Gersonii Doctoris Christianissimi opera de integro novis typis excudi procurasset anno 1606.* Tot sunt in Gersonii vita ejus operibus editionis prædictæ præfixæ, sententiæ in aliis Richerii operibus iisdem verbis repetitæ, ut tacente etiam Richerius stylus ipse satis eum indicasset.

10. Accusat autem Illustrissimus Purpuratus eum, vel eos (loquitur enim in numero plurali, fortè ut invidiam minuat) qui Gersonii opera de integro novis typis excudi procuraverant, quod Autores deinde fuerint propositionis illius, contra quam tùm perorabat, quæque Romano Pontifici omnem prorsus jurisdictionem, tùm directam, tùm indirectam in temporalia Regum adimebat; Cùm antea, scilicet tempore Henrici III. Franciæ Regis, quando bellis civilibus flagrabat Gallia, ipsi quasi antesignani, aut potiùs faces extitissent seditiosæ doctrinæ, quam adversus Regem defendebant, & vulgabant in thesibus disputatis ac typis excusis. Ex quibus thesibus duas istas refert; „Certissimum est comitia, seu status de jure Divino ac naturali Regibus esse superiores. Licitum fuit cunctis Franciæ populis arma capere adversus tyrannum, quo nomine intelligebant „Henricum III. Addit autem prædictus Cardinalis, putasse illos culpam posse diluere, si ad alteram partem, & quidem extremam se transferentes in summum Pontificem stylum converterent, ac decertarent.

11. Qua in re, subjungit idem Cardinalis, quoniam cum hostibus Ecclesiæ consentiebant, aut saltem propè ad illos accedebant, multos nacti sunt adjutores, ac fautores, à quibus inducti sunt, ad emittenda, prætextu obsequii Regi præstandi, schismatis semina. Unde constat quàm parum famæ suæ consulant, qui à Richerio præsidium accersunt.

CAPUT XI.

De Ioanne Launoio Theologo Parisiensi.

1. **I**Oannes Launoius Doctor Parisiensis Richerianæ doctrinæ sectator fuisse videtur. Vir quidem eruditus, sed Censor nimis subtilis, sæcularis potestatis acrior vindex, Pontificiæ ferè impatiens, præsertim ex quo eius quoddam opusculum sacræ Congregationis indicis censurâ notari meruit. Hanc ille graviter sentiens (quæ enim in Gallorum animis supersunt avitæ erga sanctam Sedem reverentiæ semina ejusmodi censuras contemnere non sinunt, licet aliud aliquando verbis significetur) aliisque causis impulsus ad imminuendam summi Pontificis auctoritatem se denique ferè totum contulit, congestis in ejus defensores, quos in summario Epistol. 4. primæ partis *Curia mancipia* vocat, injurijs. Sed ea est illorum præsertim Baronii & Bellarmini, quos præcipuè infectatur, doctrinæ, ac pietatis celebritas, ut illius Doctoris scriptis minimè obscurandum putem, maximè cum styli acrimonia exulceratum ejus animum prodatur; ac Romani Pontificis, ejusque Officialium parum æquum Judicem demonstret.

2. Inscitiæ, ac imprudentiæ accusationes præclara Bellarmini, quem sæpiùs impetit, opera repellunt. Malæ fidei suspensionem arcet eximia pietas, ut injuriæ Launoii sibi, ac suis operibus plusquam Bellarmino, vel ejus doctrinæ detrahant. Ego quidem, si quid illi Purpurato minùs exactum exciderit [ut res adeo difficiles prolixè tractanti contingere aliquando potuit] juramento, quod edidit *jam senex, & morti proximus* plenam fidem non habere crimen putarem, scripsi, inquit in præfatione ad recognitionem suorum librorum, *Deo teste quod verum esse existimaui, non gratiam hominum, vel propriam utilitatem, sed honorem Dei, & Ecclesiæ commodum respiciens. Neque in scriptis meis aliquid à Divinis litteris, aut sanctorum Patrum regulis alienum sciens posui.* Hoc juramentum plus apud me habet auctoritatis, quam quod lego apud Launoium Epistolarum parte

parte prima epistolæ ultimæ, ubi cum conatus esset probare auctoritatē Clementis VII. Pontificem Conciliis subesse, subjungit. *Nos Clementem, & Sedem Apostolicam sequimur, non Rainaldum, non Curiam: Absit per Deum immortalis.*

3. Præcipuum, ac ferè unicum Launoij principium est, in rebus Theologicis, scripturâ, & traditione agendum: quod omnes Catholici libentissimè amplectuntur; Scripturæ autem sacræ verba juxta unanimum consensum Patrum accipi vult. Hoc etiam juxta mentem Concil. Tridentini, quod citat, nullus Catholicus inficiabitur.

4. Sed eâ doctrinâ plurimum abutitur, verba Concil. Trident. ad alium sensum inflectens: hæc enim sunt verba Concilii sess. 4. *ad coercenda petulantia ingenia decernit, ut nemo sua prudentia innoxius in rebus fidei, & morum ad edificationem doctrinæ Christianæ pertinentium, sacram Scripturam ad suos sensus contorquens contra eum sensum, quem tenuit, & tenet sancta Mater Ecclesia, cujus est judicare de vero sensu, & interpretatione Scripturarum sanctarum, aut etiam contra unanimum consensum Patrum ipsam Scripturam sacram interpretari audeat.* Vetat Concilium Scripturam interpretari contra sensum, quem tenuit, & tenet Ecclesia, aut contra unanimum consensum Patrum; sed non declarat falsa esse censenda quæcumque ab Ecclesia non sunt, ut vera declarata, vel aliquem Scripturæ sensum non esse verum, nisi eam omnes Patres ita interpretati fuerint. Omnia quidem, quæ circa fidem, & mores Scripturâ sacrâ contineri tenet Ecclesia, vel docet traditio Patrum omnium testimoniis comprobata, vera sunt, & certa; sed omnia quæ vera sunt & certa, & in Scriptura sacra continentur, non declarabit particulatim Ecclesia, nec unanimis Patrum consensus; atque sine hac declaratione, vel consensu nihil velle admittere tanquam verum, aut certum, etiam si legitimâ consequentiâ ex aliquo Scripturæ loco deducatur, vel aliis solidis argumentis confirmetur, prorsus absurdum est.

5. Iniqua est igitur Launoij censura contra Bellarminum, quando ejus sententiam rejicit, eo quod non probetur Scripturæ sacræ testimoniis unanimi Patrum consensu expositis. Satis enim est,

ut ex Scripturæ locis, quæ Bellarminus citat, sequatur conclusio quam ex illis deducit, licet sancti Patres eam, quia non sese obtulit necessaria occasio non deduxerint, modò contrariam nunquam intulerint, ut certè non intulerunt. Alioquin enim sequeretur ex innumeris Scripturæ locis nihil Theologicè concludi posse, cum pauca sint, quæ sancti Patres variè variè interpretati non fuerint, ut animadvertere licet: v. g. in illo loco, quem discussit Launoius initio Epistolæ primæ 6. parte, quique ad astringendam Conciliorum auctoritatem proferri solet; *ubi sunt duo, vel tres congregati in nomine meo, ibi sum in medio eorum.* Matth. 18. Quas enim assertit sanctorum Patrum interpretationes, illæ inter se discrepant, nec potest aliquis adduci Scripturæ locus ad constituendam auctoritatem Conciliorum generalium ad decidendas infallibili iudicio controversias de Fide, aut aliud quid simile præstandum, qui ab aliquo ex Patribus non fuesit in alio sensu acceptus.

6. Quantum ad traditionem, cum traditionum multa sint genera, si eam solam intellexit argumentis Theologicis inservire posse, quæ Divina cum sit, eadem, quæ Scriptura sacra pollet auctoritate, ipse nullum argumentum Theologicum opponit Bellarmino: verbi gratia ut probet jus convocendorum Conciliorum non pertinere ad solum Pontificem. Quæ enim decem primis epistolis in par. 6. Epistolarum collegit testimonia, ut octo prima Concilia fuisse ab Imperatoribus indicta, ostendat, traditionem Divinam nec faciunt, nec significant; nec circa jus Divinum, sed circa factum non revelatum à Deo versantur. Si traditiones humanas intelligit, non solum ex se infallibili certitudine non gaudent, sed & si alter Launoius inveniatur, eas in discrimen adducet omnes, aut ferè omnes.

7. Ceterum Launoius, qui vel Scripturæ locum per unanimem Patrum consensum explicat, vel traditionem constantem requirit, ut alicui propositioni assensum dare permittat, quomodo præstat ipse, quod ab aliis petit sine ulla Scripturæ loco, ac sine ulla certa traditione, imò sine ulla ratione positiva unico argumento negativo, ac fortè levibus quibusdam conjecturis, testimonia communi omnium consensu recepta passim evertere conatur: vultque Autori fide digno aliquid asserenti non credi, postquam ipse plurimum

Som aliorum idem neque affirmantium, neque negantium verba congestit, quasi unius, aut paucorum assertio, aliorum etiam in majori numero silentio non præponderet.

8. Argumenta Philosophica, & à vera Theologia aliena nuncupat, quæcumque à Scriptura, vel traditione non petuntur: Cùm ipse aliquando rationibus utatur, quæ nec Theologo, nec Philosopho, imò nec viro gravi digna sint. Quem enim vel mediocri ingenii virum non pudeat, v. g. Launonii ratiocinationis Epistolarum parte prima epist. ultima. Alexander VII. in Constitutione, quam in favorem sententiæ asserentis Deiparam ab originali peccato fuisse præservatam edidit, utitur his verbis; *Accedentibus quoque plerisque celebrioribus Academicis, Inter Academias celebrioris est Parisiensis. Academia Parisiensis non habet aliud fundamentum suæ opinionis præter Decretum Concilii Basileensis sess. 36. Itaque si Alexander VII. Academias celebriores Parisiensem, & Coloniensem ex eo approbat, quod Immaculatam Virginis Conceptionem propugnaverint, BASILEENSE Concilium approbat necesse est.* Nota tautem (ut videas quo judicio ratiocinationem suam componat) sessionem 36. *Deposito Eugenio, substituto in illius locum Felice V. & beato Ludovico Cardinali Arelatensi Praside celebratam esse.* Quasi Alexander VII. non solum approbaverit Decreta Concilii Basileensis Summum Pontificem Concilio subjiçientia, sed etiam Eugenium IV. ritè depositum, & Anædeum legitimum Pontificem declararit in constitutione circa conceptionem B. Virginis, in qua ne verbum quidem de illis facit, quæque necessaria omninò non fuisset, si Concilii Basileensis rem eandem statuentis sess. 36. recepta fuisset autoritas.

9. Alia, prout feret occasio, adducemus. Hæc nunc sufficiant ut qui Launonii opera legunt, præsertim ejus epistolas, quæ omnes, paucissimis exceptis contra Pontificiam autoritatem tendunt, agnoscant in styli acrimonia, censuræ suis opusculis inustæ dolorem: in argumentis frequentius ab eo tractatis; ac ferè in omnibus ejus epistolis, Jurium sanctæ Sedis extenuandorum studium, in probando argumentorum, plerumque negativorum debilitatem, aut conjecturarum argutias, atque ita non ei plus fidei tribuant, quàm obtinere ejus probationes mereantur.

10. Quæ cautio eò est magis necessaria, quod ut doctoribus, quos

Impugnat, conflet invidiam, non solum falsa, sed & incredibilia as-
fingit, quis enim ei fidem habeat. v. g. cum epist. penult. tom. i. pag.
7. sic scribit; *Eugenius III. epistolâ octavâ ad Episcopos Germaniæ tra-*
dit contra Deum, & Sacrorum Canonum sanctiones nulli omninò pe-
sitioni possumus præbere consensum. Novi & corrupti Doctores tra-
dunt. Romani Pontifices contra Deum, & Sacrorum Canonum San-
ctiones petitioni cuiuslibet possumus præbere consensum. An Bellarminus,
aut alius similis Scriptor tradidit *Rom. Pont. contra Deum petitioni*
cuiuslibet posse præbere consensum.

CAPUT XII.

De aliis libertatum Ecclesiæ Gallicanæ defensoribus.

1. **T**Ractatus omnes, ut in primo libro diximus, aut serè omnes
circa materiam istarum libertatum Gallicanarum anteq-
scriptos in unum volumen collegit Petrus Puteanus, Gallicè
Du Puy, & quia nuda serè inibi continebantur dogmata, probationes
in alio volumine protulit. Cùm autem utrumque malè fuisset ex-
ceptum, & quandam iniecisset futuri schismatis suspicionem, mag-
namque libertatibus illis invidiam peperisset, Illustrissimus Petrus
de Marca tunc Ordinarius in Sacro Regis Christianissimi Consisto-
rio Consiliarius, & in Navarra Parlamento Præses, quatuor libros
edidit sub titulo *Dissertationum de Concordia Sacerdotii, & imperii,*
seu de libertatibus Ecclesiæ Gallicanæ, quibus post ejus mortem Stepha-
nus Baluzius ex manuscriptis ejusdem Autoris, ut asserit, quatuor
alios adjunxit. Carolus Fevret deinde, aliique Causidici, ac varii ge-
neris Scriptores Gallicani nullam prætermiserunt occasionem extol-
lendarum, & multiplicandarum suarum libertatum.

2. Primum volumen Petri Puteani novemdecim Tractatus,
seu Acta complectitur; in quibus nullum est, quod vel ab Offi-
cialibus Regiis, vel à Causidicis, aliisve Laicis conscriptum non
fuerit, ut mirum videri non debeat, si Potestates seculares in de-

crimen-

trimentum Ecclesiasticæ attollant, quandoquidem hujusmodi Autorum rationes temporales crescere putantur, decrescente autoritate Ecclesiasticâ, ut etiam qui Clericali charactere insigniti ad officia sæcularia promoventur, sæpè laicalem jurisdictionem protendere magis nitantur, quàm spiritualement, ut deberent, illam servare. Inserta quidem est primo volumini quædam deliberatio Cleri Gallicani, sed occasione tantum apologiæ à Carolo Faye Senatore Parisiensi compositæ, undè in Actorum indice non fit illius distincta mentio, quasi quæ ab Ecclesia emanant, ad libertates Ecclesiæ Gallicanæ non pertinerent, nisi quatenus ad Regem, aut ad Magistratus sæculares ordinantur.

3. Fuerant autem scripti omnes illi Tractatus, aut ferè omnes tempore dissidiorum inter Romanam Curiam, & Gallicanam, omnes post schisma inter Pontifices Romanos, & Avenionenses, ab Autoribus Potestati Ecclesiasticæ parum æquis, imò si Optato Gallo credimus, quod ipse affirmare non ausim, plerique ab hæreticis. Quamobrem quæcunque ibi continentur, cum & ab Autoribus suspectis profecta sint, & ab antiquitate non commendentur, non majorem merentur fidem, quàm quæ probationibus elicitur, quæ tamen aut nullæ sunt, aut raræ, ac debiles.

4. Alterum volumen in quadraginta capita distinctum edidit Puteanus, ut hunc defectum suppleret. Sed eò tendunt omnia, ut dignitas, & autoritas Regis, Regiorumque officialium contra Ecclesiæ jura extollantur. Nullum enim est, in quo de illis principaliter, vel saltem quamvis rarissimè, minùs principaliter non agatur. Ut intelligas non hic veras Ecclesiæ libertates exponi, sed viam indicari, quâ illa in servitutem redigenda, vel reducta jam sit à sæcularibus potestatibus.

5. Videtur voluisse Puteanus Regi Christianissimo, ut alio volumine plura Regna; plurimasque Provincias, ità istis libris Ecclesiæ ipsam omninò subicere, ut ei supremo dominio utiliceat, in Ecclesiæ quidem Gallicanæ, quando, & quantum libuerit, in alias verò ditiones cum viribus superior extiterit.

6. Non semel demiratus sum libros Petri de Marca de Concordia
Sacerdotii

hæsticus agitur, id fieri ex privilegiis Apostolicis, non autem merito jure Regio, ut quidam autumabant Marca persuasum esse, hunc libellum typis mandari curavit, ut publica esset doctrina, quam in hac parte sequitur, professio, ita ut si quæ dissertationum ejus editio laeserat, hujus libelli editione curaretur. Verba sunt ipsiusmet Petri de Marca; licet in tertia persona, ut in schedulis fieri solet, ab eo prolata.

10. Sanata etiam videntur hac declaratione vulnera Jurisdictioni Episcoporum illata, quandoquidem ex Canonum & Decretalium mente, quam Marca, exceptis Privilegiis, salvam esse debere insinuavit, potestas Episcopalis à laica prorsus libera est. Cæterum enim Episcoporum jura non parum offenderat v.g. ut hoc tantum exemplū adducam, cū lib. 4. cap. 7. n. 7. Episcopis, in rebus Ecclesiasticis Ministerii Regii adjutores tantū exhibet; ipsos verò Reges Episcoporum non solum monitores, sed si deliquerint, etiam ultores; At enim, *Mirum nemini esse debet, si adeo diligenter rebus Ecclesiasticis se Reges Francorum impenderent, cū eas ad ministerium suum pertinere existimarent, scilicet ut admonitores se præstarent, quo Episcopi ministerium suum juxta Canones peragerent, & in eo capite ministerii Regii adjutores essent. Monitionis autem eavis erat, ut effectus verba sequeretur, & poena in contumaces.*

11. Non minus infesta sunt Ecclesiæ jura, quæ in aliis ejusdem argumenti libris sparsa reperiuntur, imò & posterioribus Autoris sensibus, ut ex ultimis ejus operibus conijcitur, valde contraria; Ut Baluzius illos libros, cum aliis in lucem emittens Potestatibus secularibus magis placuisse, quàm Ecclesiæ rem utilem præstitisse videatur.

12. Sunt adhuc alii prædictarum libertatum defensores, sed adeo Ecclesiæ insensī, ut plurima scripserint ab hæresi, vel schismate non longè remota, in quibus examinandis, & confutandis, aut damnandis laudabilius operam collocassent Antistites Gallicani, quàm in formandis de universæ Ecclesiæ autoritate Decretis ad remittendam Ecclesiæ Gallicanæ cum Romana necessitudinem, quàm ad firmandam, & restituendam concordiam, aptioribus. Ex illis est Carolus Fevret, qui disciplinam Canonicam non ignoravit quidem, nec dissimulavit, sed ut Jurisprudentiæ, ac Politicæ Francorum subderet.

T

Passim

Passim enim in suo tractatu de abusu, Canonibus, Decretalibus, aliisque autoritatibus Ecclesiasticis satisfacisse sibi videtur dum eis Senarus-consultum opposuit.

C A P U T XIII.

De Episcopis Gallicanis libertates suas defendentibus, præsertim in Comitibus Parisiensibus.

1. **V**Era, ut libro primo diximus, libertatum Ecclesiæ Gallicanæ origo fuit; cum Clerus illius Regni Beneficiorum reservationibus, exactionibus, aliisque gravissimis oneribus à Pontificibus, vel pseudo Pontificibus tempore schismatis oppressi; cœperunt, invocato sæculari auxilio, jugum illud excutere, tanquam servitutem antiquæ libertatis, Canonibus consentaneæ, contrariam. Nec aliud erant illæ libertates in sua origine, quàm libera Beneficiorum, & reddituum Ecclesiasticorum dispositio adversus Pontifices illos, eorumque Officiales vindicata. Quæ quidem defensio, quia necessaria, & in se iusta videbatur, maximas statim vires adepta est, & sensum sine sensu ad alia excurrit, in quibus minus erat iustitiæ.

2. Hactenus tamen nunquam Clerus Gallicanus Ecclesiæ suæ libertates obtenderat adversus Curiam Romanam, nisi quando ab ea se nimis premi, ac juribus suis spoliari arbitrabatur. Modò autem cum summus Pontifex Ecclesias Gallicanas à gravissima Regaliæ servitute liberas servare contendit, Ecclesiæ Gallicanæ libertates illi obijciuntur, ac gravissimorum dissidiorum semina sparguntur. Quo vis colore suam declarationem Antislites Parisius congregati obducant, eam sapientibus non probabunt; multò minus ejus eandem consilium. Quis enim obtusi adeò ingenii reperiri queat, qui actum illum eo spectare non animadvertat, ut Curia Romana odiosis illis propositionibus perturbata, cogitationes suas à Regaliæ negotio avertat, eoque conferat, ut in tanti momenti rebus auctoritas sua tam grave detrimentum non patur,

pariatur, sed malit Ecclesias Gallicanas libertate, quàm sedem Apostolicam autoritate, ac dignitate sua carere.

3. Equidem licet illa declaratio hoc tempore non prodiiſſet, quò unicuique facillimum est, quis ejus fuerit scopus perspicere, quæ ad probandam illius necessitatem adducuntur rationes, fidem facere nullatenus possent.

4. Metuendum scilicet erat, ne Innocentius XI. in consiliis præceps, ad nova molienda proclivis, Principum Christianorum autoritati insensus, bellorum ac dissidiorum amans, Regem Galliarum, consilii, & virium inopem à Throno deturbaret, Regnumque opprimeret, nisi tanto malo Clerus Gallicanus quamprimum occurreret, primamque propositionem veluti aggerem impetuosisimo huic torrenti opponeret. Metuendum scilicet erat, ne summus Pontifex suis, suorumque commodis intentus Ecclesiasticum regimen in tyrannidem converteret, neve præ desiderio parentes divitiis, aut potentiâ sæculari augendi, Ecclesiasticam disciplinam pessundaret, omnium inferiorum Prælatorum jurisdictionem ad se traheret, Ecclesiæ denique statum universum confunderet, nisi œcumenici Concilii autoritas Pontificiæ modum adhiberet. Metuendum scilicet erat, ne Romanus Antistes Canonice disciplinæ hostis, antiquos Canones, præsertim Conciliorum œcumenicorum, & Patrum traditionem, quæ sunt Gallicanarum libertatum fundamenta, convelleret, nisi tertia propositione in tuto posita fuisset. Metuendum scilicet erat, ne fides ab Innocentio XI. labefactaretur, & Fideles in errorem sacris Scripturis, aut constanti traditioni contrarium conjicerentur, nisi quartâ propositione docerentur, non esse irreformabile summi Pontificis judicium.

5. *At Ecclesia Gallicana Decreta, & libertates multi diruere moluntur.* Ne unus quidem Catholicus id moliatur, siquidem de illis libertatibus est sermo, quarum fundamenta *Sacris Canonibus, & Patrum traditione nituntur.* Si autem libertates appellantur, quæ veram Ecclesiæ libertatem perimunt, quæ decreta Ecclesiæ minus commoda quantumvis justa, & antiquæ disciplinæ consentanea, respiciunt; quæ innocentes iniquis desideriis sese accommodare recusantes crudelissimè persequendi facultatem præbent; quæ Vicarii

Christi mandata contemnunt, prætextu non servati judiciorum ordinis, quem impossibile sit observare, nisi partes ipsæ judices esse sinantur, & innocentes interim patiantur, aut pereant; Certè hujusmodi libertatibus obistere tam est laudabile, quàm eas propugnare turpe, ac Religiosis Præsulibus indignissimum. Porro si libertates Ecclesiæ Gallicanæ antiquâ disciplinâ continentur, ut communiter tradunt Gallicani scriptores, quomodo defenduntur editis propositionibus, quæ ut infra demonstrabimus, postremis tantum temporibus natæ sunt!

6. Verissimum est quod subjungunt Illustrissimi Antistites. *Nec desunt qui earum (libertatum) obtentu Primatum B. Petri ejusque Successorum Romanorum Pontificum à Christo institutum, iisque debitam ab omnibus Christianis obedientiam, Sedisque Apostolicæ, in qua fides predicatur, & unitas Ecclesiæ, servatur, reverendam omnibus gentibus majestatem imminuere non vereantur.* Verissimum, inquam, illud est, & ex illorum, qui hæc præstare non verentur, numero, esse Antistites ipsos, lectâ illorum declaratione, Primatui Romani Pontificis, debitæ illi obedientiæ, ac Sedis Apostolicæ majestati insensâ perique suspicantur.

7. Mirum videri non debet si *Hæretici potestatem summi Pontificis invidiosam, & gravem Regibus, & Populis ostendent*, cum capitalissimi illius hostes sint, & paratiores ad dimittendam Religionis observantiam, quàm ad deponendum erga Ecclesiasticam Monarchiam, odium: sed mirum est Catholicos Præsules in deprimenda potestate Pontificia hæreticis excusationem subministrare. At nunquid satis apertè declararunt hæretici, quàm essent etiam civilis Monarchiæ impatientes? Quis credat eos vero erga Principes sæculares studio adduci ad ferendam graviter Ecclesiæ in Reges jurisdictionem? Num æquiores erga summum Pontificem, aut Principibus obedientiores fore; sperandum est, si, ut eis prætextus ille præripiatur, Reges Ecclesiasticæ potestati subtrahantur? Næ illi utramque potestatem impatienter ferunt, & si sæcularis jugum excutere perinde illis facilè esset, Ecclesiasticæ ope libenter uterentur, eamque tunc, utpotè minùs gravem, magis extollerent.

8. Dubitari posset in primis, an legitima fuerit Illustrissimorum Antistitum Gallicanorum congregatio, quandoquidem

dem se mandato regio congregatos proferrent, nullâ Ecclesiasticæ potestatis factâ mentione. Equidem si autoritas aliqua requiritur in convocante Cœtum, necesse est, ut ille superior sit, habitâ ratione non solum personarum, sed etiam negotiorum in Cœtu tractandorum. Non concederetur Episcopo potestas convocandorum Comitiorum ad expedienda negotia politica, sine autoritate Principis, vel tûm, vel jam olim concessâ. Dum ergo congregandi sunt Episcopi ad definiendas controversias Ecclesiasticas, non sufficit autoritas Regis, cûm in hujusmodi rebus Episcopis ipse, non ei Episcopi subsint.

9. Urigitur Antistitum Gallicanorum decreta universos Regni fideles obligarent, cûm nullus iter eos cæteris omnibus superior sit, non sufficeret, ut Regio mandato convenissent, sed saltem ad ligandos illos, qui vel non consensissent omnino, vel liberum consensum non præstitissent, requireretur consensus summi Pontificis, quem tûm Ecclesiæ universæ caput esse sine hæresi negari non potest, tûm totius Occidentis singularem Patriarcham ipsa etiam Gallia fateretur.

10. Id suadent plurima antiquitatis monumenta, præsertim facultates à summis Pontificibus, Vicariis Apostolicis ad congreganda Concilia ex universâ Gallia concessæ; Legati frequenter missi, &c. Id etiam apertè declaravit Nicolaus I. in Concilio Romano anno 865. scilicet *Concilium generale* (de Concilio Episcoporum Gallicanorum intelligebat, & loquebatur) *sine Apostolica Sedis præcepto nulli fas esse vocandi.*

11. Multa objecta sunt à Vicario generali Diœcesis Appamienfis adversus Cœtum Parisiensem, quæ illegitimum esse comprobarent. Præcipuè quod ademptâ Conciliis Provincialibus libertate eos eligendi, qui ad Comitia generalia deputandi erant, ab eorum, qui à Curia præscripti fuerant, deputatione Electores abstinere ausi non fuerint; Videntes scilicet severe habitos, qui Curix desideriis non acquieverant in negotio, cujus potissimum causa congregandus erat ille Cœtus. Secundò quod contra jus exclusi fuissent aliqui à Comitibus Provincialibus, quos Curia metueret liberè pro Ecclesiæ jurebus vota sua deprompturos. Tertiò quod justis de causis ipse Vicarius

Generalis illius Cœtus Congregationi sese opposuisset , Sedemque Apostolicam appellasset.

12. Hæc , & fama publica suadent Curiam , & Aulicos præcipuas habuisse partes in hoc Cœtu , ex quo decretorum ejus auctoritas plurimum nutat , etiamsi aliorum Ecclesiasticorum Virorum illius Regni consensus accederet. Quis enim nesciat quàm paucorum sit præservantia , & constantia adversus potentiam sæcularem; Philippum IV. adversus Bonifacium Octavum egregiè defendisse sibi visus est Petrus Puteanus , congestis plurimis instrumentis, quibus totum ferè Regnum illius Principis appellationibus , & protestationibus adhæsisse perhibetur. Cùm hinc potiùs manifestum fiat non ratione simul omnes , sed metu successivè , prout deficiebat animus, Regis partes secutos, quod etiam confirmant Historici.

13. Verùm cùm potuerit Rex Episcopos convocare , non quidem ut Concilium constitueret , sed ut consilium peteret. Imò potuerint, sicut seorsim singula Concilia Provincialia congregari à propriis Metropolitanis, ità & simul plura Concilia Provincialia, vel ad Regis invitationem, ut loquebatur Concilium Parisiense anno 555. vel ex communi consensu , convenire , ut diligentius & maturius res discuterentur , non tantoperè laborandum est in inquirendo, an legitime congregati sint Archiepiscopi , & Episcopi , quàm utrùm negotia quæ definierunt , ejusmodi sint , ut de illis judicium ferre potuerit etiam legitimum Concilium Nationale ; nec non utrùm verum , ac justum sit eorum judicium.

C A P U T XIV.

Utrum Cœtus Parisiensis potuerit definire quæstiones generales circa Potestatem Ecclesiasticam.

1. **Q**Uæ Cœtus Parisiensis declaravit , ejus sunt conditionis, ut si vera esset Gallorum doctrina de potestate Concilii Oecumenici supra Papam etiam extra casum schismatis , & Conci-

Concilio Oecumenico , non autem à Comitibus Cleri Gallicani , vel à Concilio Nationali fuissent determinanda.

2. Nam agitur de jure non solum Summi Pontificis , sed etiam Concilii generalis , imò de Ecclesiæ universæ securitate , nempe ad quem pertineat autoritas Decreta irrevocabilia circa fidem edendi , an potestas Ecclesiastica habeat aliquam potestatem in temporalia Regum, & Principum, &c. Quomodo ergò potest Ecclesiæ Gallicanæ , ubi de fide , de moribus , ac generalibus disciplinæ capitibus est quaestio , sententiam, inauditis etiam partibus, proferre. Numquid causæ istæ inter majores referri non merentur ?

3. Respondebunt fortassis se, quod jam à Concilio Constantiensi definitum fuerat, declarasse, ne à Fidelibus ignoraretur. Sed primò quoad potestatem Ecclesiæ supra temporalia Principum Concilium Constantiense contrarium sensit , ut inferius ostendetur. Secundò, quoad autoritatem Concilii supra Summum Pontificem, non solum plurimi Pontifices (quorum fortasse sententia in suspensionem traheretur, licet non minus suspecti sint Episcopi , cum sibi non quidem divinum , sed conjunctim supremum Pontificem subicere conantur) sed etiam quamplurimi Doctores ex universis Ecclesiæ partibus decreta Concilii Constantiensis de casu schismatis dumtaxat interpretantur. An ergò ad Ecclesiam Gallicanam pertinet obscurum Concilii Generalis sensum interpretari ? Decretum , inquires , clarum est, verum secus aliis videtur ; ad quem pertinet hujus controversiæ judicium ?

4. Nec juvat reponere , Antistites Gallicanos materiam , quæ ad Ecclesiam universalem videtur spectare , pro suis tantum gregibus declarasse , non autem toti Ecclesiæ articulos Fidei , aut disciplinæ Canones proposuisse. Hoc, inquam , non juvat. Nam primò declarationes illæ generales sunt , & terminis communibus conceptæ. Non enim v. g. declaratur Reges Galliæ in temporalibus non subesse Potestati Ecclesiasticæ; sed Reges, & Principes absolutè, &c. Secundò , causas illas majores , aut etiam maximas esse Galli negare non possunt. Nonne ergò ad sanctam Sedem, vel si suspecta erat , ad Concilium generale ex antiquis Decretis , & ex ipsis etiam

Franco-

Francorum legibus erant referendæ. Sed suspectum etiam foret Oecumenicum Concilium, cum ejus quoque interfit, nisi ei Summus Pontifex præsideret. Ideo scilicet debuit Ecclesia Gallicana, tanquam suprema inter Romanum Pontificem, & Concilium Oecumenicum arbitra controversiam dirimere.

5. Non adeo faciles erant hujusmodi controversiæ, ut omisâ Romani Pontificis, aut si mavis Concilii œcumenici consultatione definiri possent; decebatque ut Episcopi Gallicani apud Curiam his S. Petri Chrysologi Episcopi Ravennatis verbis sese excusarent; *Nos enim pro studio pacis, & fidei extra consensum Romane Civitatis Episcopi causas fidei audire non possumus*, Epist. ad Eurychem inter Acta Concilii Chalcedonensis par. 1. num. 15. Si quid interim, & ut vulgò dicitur, provisionaliter statuendum fuisset longè majoris erant ponderis rationes, quæ in alteram partem suadebant declinare.

6. Quin etiam hæc declaratio Ecclesiæ Gallicanæ, vel Clero Gallicano tribui non debet, cum qui Comitibus intercesserunt, procuratione caruerint, quæ ad res adeo arduas, & difficiles specialissima requirebatur; Consensus autem, qui fortè ab aliis quibusdam præstabitur vix liber habebitur, cum intentatis pœnis, jam quibusdam inflictis, exigatur.

7. Accedendum jam ad singularum propositionum examen. Quocirca nisi demonstravero propositiones in declaratione Cleri Gallicani contentas universaliter, ut jacent, acceptas esse apertè falsas, saltem constabit longè minus esse probabiles, minusque veritas, quàm earum contradictorias. Atque adeo Comitibus Parisiensibus maximam injuriam illius Regni Fidelibus erga summum Pontificem benè affectis intulisse, dum Edicto Regio, pœnisque adjunctis, ad assentiendum doctrinæ ad minus de falsitate plurimum suspectæ, atque aliunde sanctæ Sedi adversæ, cogendos curarunt. Tantumque abesse, ut illa agendi ratio libertas Ecclesiæ Gallicanæ nuncupari possit, ut durissima, & Christianæ libertati insensâ servitus vocari debeat.

8. Nec puto reperiri quenquam, qui hac declaratione spectet revocandos ad gremium Ecclesiæ hæreticos; quippe qui
abi.

arbitrentur, ut eorum aliqui non sine opprobrio nostræ Religionis jam significarunt, Comititia Cleri Gallicani non parum ad ipsorum doctrinam accessisse, jam plurimum summi Pontificis, cujus obedientia se ipsi usquequaque subdixerunt, auctoritatem imminuere cœpisse, potiusque Catholicos à visibili Ecclesiæ Capite defecturos, quàm ei sese conjungere illi cœdissent. Ego quidem sic habeo Regem Christianissimum, qui tam gloriôsè in reducendis ad Christi ovile Regni sui hæreticis incumbit, ex ea declaratione ad tam præclarum opus, parum accepisse subsidii. Etenim cum summus Pontifex sit centrum unitatis, qui arctius illi adhæret intra sinum Ecclesiæ arctius stringitur. Imò, ut notavit Hincmarus supra cap. 7. relatus, Rex, & Episcopi Christi Vicario obedientes, illo exemplo debitam sibi à propriis subditis obedientiam facilius obtinent.

9. Utar autem, ut cœpi nudis ferè auctoritatibus Conciliorum, & Sanctorum Patrum, Doctorumque vel Gallorum vel in Gallia educatorum, quia illis nix dicuntur Gallicanæ libertates, rarò autem aliorum Doctorum testimonio, nisi fortè à Gallicanis scriptoribus citati fuerint, aut alia speciali occasione. Rationes etiam adhibebo, sed prout è rebus nasci videbuntur, non cum animi contentione inventas, quia rarò hæc materia rationibus à Gallis tractatur, sed plerumque exemplis, aut consuetudine, minusque cavillationibus, & disputationibus obnoxia est auctoritas, quàm ratio.



LIBER QUARTUS

De potestate Ecclesiæ in temporalia Principum occasione primæ Propositionis Cleri Gallicani, scilicet



Eato Petro, ejusque Successoribus Christi Vicarius, ipsique Ecclesiæ rerum spiritualium, & ad æternam salutem pertinentium, non autem civilium, ac temporalium à Deo traditam potestatem, dicente Domino, Regnum meum non est de hoc Mundo, & iterum, Reddite ergo quæ sunt Cæsaris Cæsari, & quæ sunt Dei Deo. Ac proinde stare Apostolicum illud, omnis anima potestatibus sublimioribus subdita sit. Non est enim potestas nisi à Deo. Quæ autem sunt à Deo, ordinata sunt. Itaque qui potestati resistit, Dei ordinationi resistit. Reges, ergo, & Principes in temporalibus nulli Ecclesiastica potestati subijci, neque autoritate clauvium Ecclesiæ directè, vel indirectè deponi, aut illorum subditos eximi à fide atque obedientia, ac præstito fidelitatis sacramento solvi posse, eamque sententiam publica tranquillitati necessariam, nec minùs Ecclesiæ, quàm Imperio utilem, ut verbo Dei, Patrum traditioni, & Sanctorum exemplis consonam omninò retinendam.

CAPUT PRIMUM.

*An hæc propositio spectet ad libertates Ecclesiæ
Gallicanæ.*

1. **D**ifficile intellectu est, qua ratione Illustrissimi Antistites Gallicani libertates Ecclesiæ illius Regni defendendas suscipientes à propositione auspicati sint, quæ Juri Ecclesiæ potius adversatur. Cùm olim, ut jam notavimus, Philippus IV. adversus Bonifacium VIII. contenderet, Regnum Franciæ à summo Pontifice non pendere, libertatem quidem Regni tueri se profitebatur, non tamen libertatem Ecclesiæ, licet libertatis illius, qua Christus nos liberavit, se quoque participem esse affirmaret. Bonifacius autem libertatem Ecclesiæ adversus Regaliam, & ejus jura circa alia puncta propugnare se contendebat.

2. Petrum Pithæum in Senatu Parisiensi Advocatum in Tractatu de libertate Ecclesiæ Gallicanæ, qui primum in collectione Petri Puteani locum obtinet, imitati sunt. Hic enim singularia illarum libertatum Capita ad duo axiomata refert, quorum primum est, „sum-
„ mos Pontifices nihil præcipere, vel ordinare posse, sive in commu-
„ ni, sive in particulari circa temporalia quantum ad loca supremo
„ Regis Christianissimi dominio supposita; ac si præcipiant, vel ordi-
„ nent Regis subditos, etiam Clericos, ad obediendum in his nequa-
„ quam teneri. Petro de Marca lib. 2. de Concord. cap. 1. n. 1. fati-
sum fuit, si secundum istud libertatum fundamentum poneret, *su-
premam, scilicet Regis Christianissimi per Gallias auctoritatem*; Illud
tamen non minoris momenti esse duxit, quàm primum; quod in *su-
prema Romana Ecclesiæ auctoritate consistit*.

3. Inimutata fuit natura, vel idea libertatum Ecclesiæ Gallicanæ postremis his temporibus. Puto enim Clerum Gallicanum libertates suas defendisse [impugnasse certè nemo dixerit] cùm Anno 1329. coram Philippo VI. Rege convenit, ut ques-
relis Ministrorum Regionum responderet. Tunc enim Episcopi

contendebant Ecclesiasticam Jurisdictionem sese ad temporalia extendere, saltem ratione peccati, quod pluribus probavit Ele-ctus Senonensis in prima responsione; *præterea*, inquit, num. 34. *nullus dubitat, quin COGNITIO DE PECCATO AD PERSONAS EC-CLESIASTICAS PERTINEAT? Cùm ergo talia non perpetrentur sine peccato alterius partis, patet, quod Ecclesia cognoscere potest, & hoc satis deducitur, extra de judiciis cap. novit.*

4. Nullus revera de hoc dubitabat, quandoquidem Petrus de Cugneriis acrior Jurisdictionis Regiæ Patronus fatebatur Decreta-lem *novit* locum habere in Rege Franciæ, utpote superiorem non agnoscente, tantùmque negabat de Judicibus Regiis, quippe qui à Rege corrigi possent; *Item dicebat* (in replica Petri de Cugneriis pro Rege) *quod ratione peccati non poterat ad eos pertinere, quia Decretalis novit loquebatur de facto Regis Franciæ, qui superiorem non habet, sed in aliis dicebat secus.*

5. Si conferantur Acta illius altercationis, quæ habentur in Biblio-theca Patrum tom. 13. & edita sunt anno 1664. post praxim Benefi-ciariam, & alia opera Petri Rebuffi, cum iis, quæ nuper gesta sunt à Clero Gallicano, maximum sanè discrimen observabitur: Nec video, quomodo hodiernæ libertates Ecclesiæ Gallicanæ antiquas non destruant. Dicent fortasse moderni Præsules, Antecessores suos propriæ potestatis terminos longiùs transulisse in detrimentum Ju-risdictionis Regiæ. Jurisdictionis ergò Regiæ, non libertatis Eccle-siasticæ partes se suscipere saltem profiteantur.

6. Sed aliæ hodie est Ecclesia Gallicana ab ea, quæ ann. 1614. tam generosè restitit tertio Regni ordini propositionem hanc pri-mam, aut certè simillimam statuere conanti. Nec enim egregia illa oratio à doctissimo Cardinali Perronio tunc habita ipsius erat pro-pria. Illam quippe se totius Cleri, imò & nobilium Regni nomine pronuntiare affirmabat; Non enim, inquit, ego hac in causa oro, sed totus ordo Ecclesiasticus, & totus ordo Nobilium ipsi con-junctus, &c.

7. Cæterùm doctrinam suam, id est propositioni modernorum Antistitum contrariam, asserit omnibus Ecclesiæ Catho-licæ Partibus esse communem, imò & toti Ecclesiæ Gallica-næ à tempore, quæ institutæ sunt inibi Scholæ Theologicæ usque

usque ad Calvinī adventum. Dignissima est illa ratio quæ legatur. In ea, ut inquit Petrus Frizon, Doctor Theologus Parisiensis, & in magna Franciæ Eleemosinaria Vicarius Generalis, in sua Gallia Purpurata, sapientissimè se gessit autor, *distinguens utramque potestatem, & spiritalem Ecclesiæ, & Regnorum temporalem. prudens ita ac modestus, ut privilegia Cleri defendendo de Regia nihil detraheret majestate & auctoritate, atque hanc asserens, Ecclesiastico juri nihil etiam derogaret.*

8. Eandem fuisse mentem Ecclesiæ Gallicanæ postremis etiam temporibus, & usque ad ultimum Cætum manifestum inditum est, quod hæc oratio tanquam proprium Ecclesiæ Gallicanæ monimentum inserta est inter Acta Cleri Gallicani à Joanne le Gentil, quia ea edidit anno 1673. jussu Comitiorum generalium Cleri. Ego quidem tantam esse arbitror hujus orationis vim, ut nullâ aliâ ratione infringi queat, quàm quæ ab aliquo proposita dicitur, scilicet ut supprimatur, quod tamen difficillimum esset propter varia ejus exemplaria.

9. Distinctas esse potestates Regum, & Pontificum nemo Catholicus negat: sed major esset necessitas Regiam ad suos limites revocandi, quàm Pontificiam intra suos concludendi. Confessi sunt in suo processu verbali Episcopi Parisiis anno 1681. congregati, extintam propemodum esse in Gallia Jurisdictionem Ecclesiasticam. Novis indies vulneribus affligitur sæcularium Scriptorum libris, & Regionum Judicum placitis, & tamen libertates Ecclesiæ non opponuntur à Prælatis; quin & illæ servitutes inter liberrates numerantur à multis. Cùm autem Romanus Pontifex oppressis Ecclesiis manum porrigit, etiam ab Episcopis, objectis libertatibus arceatur.

* * *
* *
*

CAPUT II.

An invidiosa & gravis Regibus, & populis fiat potestas Ecclesiastica, si circa temporalia Principum in certis casibus exerceri posse affirmetur.

1. **Q**UANTUM Ecclesiæ ad conservandam fidem, propagandam Religionem, reformandos mores, & constituendam disciplinam utilis sit, & ferè necessaria Regum, ac Principum opera, & comprobavit omnium sæculorum experientia, & suadet aperta ratio. Verissimum est quod trito illo versu exprimitur;

Regis ad exemplum totus componitur orbis.

Quamobrem magnoperè cavendum est, ne quid, sine gravi necessitate aut fiat, aut dicatur; quod Principum erga Ecclesiam studium possit remittere. Eâ ratione adductos se fuisse ad statuendam hanc primam propositionem significant Illustrissimi Præsules his declarationis verbis, quæ huc sine dubio respiciunt; *Hæretici quoque nihil prætermittunt quo eam potestatem quâ pax Ecclesiæ continetur, invidiosam, & gravem Regibus, & populis ostendent, iisque fraudibus simplices animas ab Ecclesiæ Matris, Christi quæ adeo communionem dissociant.* Videndum est igitur, an doctrina eorum, qui Ecclesiam circa Regum, & Principum temporalia potestatem aliquam in certis casibus exercere posse asserunt, potestatem illam invidiosam, & gravem Regibus & populis efficiat.

2. Malis certè non potest invidiosum non videri quicquid eorum pravis cupiditatibus obstitit: At boni licet suapte spontè ad virtutem ferantur, gaudent sibi pluribus obicibus viam ad crimen præcludi, Timent, aut etiam oderunt potestatem Ecclesiasticam Principes; illi scilicet, qui Ecclesiam non ut Matrem, cui parere velint, sed ut ancillam habent, cui dominari cupiant. Non oderunt, neque timent, qui Religionem Principatui, non Principatum Religioni anteponunt, qui ab Ecclesiâ fidem, ac vivendi normam accipere student, non ejus opibus

opibus dirari, libertatem infringere, ac jurisdictionem usurpare moluntur.

3. Qua in re gravissimam Regi Christianissimo injuriam fecisse mihi videntur Regni ejus Antistites, dum Ecclesiasticæ potestati Principes quantum ad temporalia omnino subtrahere tenarunt. Significaverunt enim aliquo pacto se suspicari, fore ut potentissimus ille Rex à fide Catholica, quam professi sunt, quotquot in eodem Throno à duodecim ferè sæculis sederunt, brevi non solum esset ipse discessurus, sed etiam subditos advocaturus, vel commissurus aliquid hujusmodi tanta cum obstinatione, ut Ecclesia præmissis frustra precibus, monitionibus, comminationibus, censuris, illud tandem extremum ac in desperatis tantum malis, & maxima cum cautela usurpandum remedium adhibere cogeretur, ut scilicet ejus subditos à præstituro fidelitatis juramento absolveret.

4. Si tam sinistram de tam Religioso Principe suspicionem mente non conceperant, quid necesse erat doctrinam spargere, ex qua certò securura erat magna in Ecclesia perturbatio, piorum Christianorum offensio, ac quoddam schismatis genus? sed si de Rege Christianissimo ita sentiebant, ejus Religionem quomodo non offende-
bant? Accedit quod si Religiosissimus ille Princeps ita malè fuisset affectus, eum ad casum impulisset, potius quàm labantem confirmasset Cleri sui doctrina impunitatem promittens.

5. Ut enim excelsis animis antiquiùs nihil est, quàm Imperium non habitum adipisci, obtentum servare, ac propagare, amissum recuperare; ita nihil est quod timeant magis quàm Principatus amissionem, vel in ejus assécutione impedimenta. Itaque si supremi Principes ex fidei defectione, vel etiam impugnatione damnum aliquod temporale sibi accidere non posse confidant, & spiritualia non satis pertimeant, faciliùs ortà vehementi tentatione in præcipitium corruent, & innumerabilem hominum turbam secum trahent. Cùm è contrà si Principatus privatione se plecti posse sentirent, illo veluti fræno cohiberentur.

6. Si autem jam Principes à fide defecerint, tantum abest ut illa Ecclesiæ autoritas à repetendo piæ matris gremio avertat, ut ad reditum potius invitetur. Vel enim Ecclesia jam usa est in illos autoritate prædicta, vel ad eà utendum est parata, vel omnino uti non modicatur;
si

si jam illam adhibuit, aut adhibere proposuit, resipiscentia huic malo occurrerit. Si ab ea usurpanda omnino abstinere deliberavit, cur gravem futuram filii obedientibus potestatem Matris pertimescant, quæ nec inimicis nocere voluit?

7. Miror potuisse Illustrissimos Antistites Gallicanos hanc Ecclesiæ potestatem negare, ex qua tantam utilitatem totum illud Regnum non ita pridem percepit. Ut enim prætermittam quæ sub Henrico III. in Gallia gesta sunt, quia licet labantem, & ferè labentem fidem confirmarint, quorundam temeritas sub specie zeli, longius quàm par erat progressa est? Quis scit quam cladem perpessura erat Catholica Religio in eo Regno, nisi obstitisset Ecclesia Henrico IV. quominus Regnum adipisceretur, donec hæresim Calvinianam abjurasset? Quis scit utrum ejus filius, aut nepos hodie regnans, & hæresim ipsam Calvinianam tam gloriose à sua ditione exterminans, Patris aut Avi errorem secuti non fuissent, & in eum maximam subditorum partem, ad quem plures videbantur propensi, suo exemplo, & autoritate impulissent.

8. Necessaria est aliunde populis, præsertim Francis, doctrina hæc de potestate Ecclesiæ in Principes. Cum enim à majoribus suis Regnum ab una stirpe in aliam non semel translatum fuisse meminerint, expedit ut certò sibi persuadeant id sine præstiti juramenti solutione, ac sine autoritate Ecclesiæ tentare nefas esse, nec interventuram unquam illam autoritatem, nisi fortè gravissimæ causæ, deficientibus aliis omnibus remediis, & adhibitâ cautelâ quàm maximâ, illuc adigerent; adeoque favente reorū concursu nihil sibi temerè aggrediendum,

9. Quod si populi hæresi sint infecti cum Ecclesiam non audiant, parum fortasse illis prodest hæc doctrina; sed ideo minùs secura est Principum dignitas ab illorum perfidia. Nam præterquam quod facilius est, ut qui datam Deo fidem frangunt, Principibus, si occasio tulerit, eam negent, hæreticorum est ingenium, quod postrema præsertim sæcula docuerunt, ut Principum sæcularium perinde atque Ecclesiæ, jugū excutere pro viribus conentur. *Dominatignem spernunt,*

majestatem

majestatem autem blasphemant ut ait B. Thaddæus. Nec Principibus, nisi scandali vitandi causa, parendum eorum plerique arbitrantur. Itaque illis necessarium, & Principibus tutum esset, ut Ecclesiæ ductum sequerentur, quæ & Dominis obsequi præcipit, etiam ex regulis conscientiæ, & tamen, si ipsi Regem Regum, & Dominum Dominantium impugnent, eos coercere conatur.

10. Quos igitur ab Ecclesia potest alienos efficere illa ejus autoritas? Paganos fortassis. De illis Antistites Gallicanos cogitasse non puto. Sed numquid facultas censurarum adimenda etiam erit Pastoribus Ecclesiasticis, ne illarum metus infideles à suscipiendo Baptismo retardet? Num inermis esse debet omnis Superior, ne pœnarum timor ab ejus obedientia deterreat?

11. At, inquires, possunt Ecclesiastici Superiores ea potestate abuti. Possent fortassis, sed difficillimè. Sed nonnè Principes sua sæpius abutuntur? Ideone illà spoliandi sunt? Certè minùs metuendum est, ne Ecclesia Regnum Principibus immeritis auferat, quàm ne illi auferri sibi mereantur.

CAPUT III.

An verbo Dei consona sit sententia, Reges in temporalibus ab omni Ecclesiastica potestate omninò subducens.

1. **M**Eum non est certos limites præfigere alterutri potestati: hoc tantum probare contendo, non posse Principes, etiam in temporalibus, prout ordinem habent ad spiritualia omninò Ecclesiasticæ potestati subduci. Contrarium declarant Præsules Gallicani, ac verbo Dei asserunt consonam esse suam sententiam. Sed qui veras olim libertates Ecclesiæ Gallicanæ coram Philippo VI. Rege Francorum anno 1329. tanta cum laude propugnavit Petrus Bertrandi Episcopus Eduensis tractatu de origine Jurisdictionum quæst. 3. respondet; *Ad tertiam rationem, inquit, de Christo, qui abiecit à se, ut dicunt, omnem jurisdictionem temporalem, dicendum est, quod qui dicit Christum non habuisse omnem potestatem*

sestatem, sacularem seu temporalem & spiritualem contradicis ejus verbo, *Matth. ult. cap.* DATA EST MIHI OMNIS POTESTAS IN CÆLO ET IN TERRA. *Et Apocal. 1. dicitur*; PRINCEPS REGVM TERRÆ: Et infra; *Veruntamen quia principaliter venerat nos redimere, & salvare, quos omnes altus ejus versabantur circa eruditionem nostram, & pauci, aut nulli circa exercitium cuiuscumque jurisdictionis: non quod utramque potestatem non haberet, sed ut saluti nostre totaliter impenderet sicut dicit Ioann. 3. Non enim misit Deus Filium suum in mundum, ut judicet mundum, sed ut salvetur mundus per ipsum. Expleto autem Sacramento nostre salutis per mortem Christi, & ejus Resurrectionem, Christus commisit Petro regimen Ecclesie tantum, quantum necessarium erat, & expediebat, cum regimine Ecclesie. Et quia utraque potestas temporalis, & spiritualis est ad hoc necessaria, IDEO VTRAMQUE POTESTATEM COMMISIT PETRO.*

2. Qui ergo dixit Joann. 18. quod primo loco in declaratione refertur; *Regnum meum non est de hoc mundo*, dixit *Matth. 28. Data est mihi omnis potestas in Cælo & in Terra: Euntes ergo docere omnes gentes.* Itaque cum verum vero contrarium non sit, multò minùs prima, & suprema veritas, sibi ipsis duo hæc oracula ita concilianda sunt, prout utriusque circumstantiæ postulant. Christus cum hæc verba proferret, *Regnum meum non est de hoc mundo*, ad mentem Pilati respondere interrogantis, an esset Rex Judæorum, ejusmodi scilicet quales extiterunt Saul, David & alii, qui per se ipsos populum regerant in rebus politicis, bella gerebant, & cætera omnia implebant Principis sæcularis munia. In eo igitur sensu negavit Christus Regnum suum esse de hoc mundo. At verò cum Apostolis officium imponeret docendi, & baptizandi, ne dubitarent, collatam cum officio plenam autoritatem, quæcumque ad spirituale regimen necessaria essent, præstandi, non solum in cælo, sed in terra datam sibi omnem sine exceptione potestatem asseruit. Ex primis enim verbis, *data est mihi omnis potestas in cælo & in terra* quasi concludendo infert: Euntes ergo &c. quia potestas Ecclesiastica directè, ac præcipuè circa spiritualia versatur, circa temporalia autem non nisi, quatenus spiritualia requirunt.

3. Itaque Apostoli, eorumque successores ex Dei ordinatione Regalia officia non exercent, arque adeò rectissime cum Christo dicunt; *Regnum meum non est de hoc mundo.* Hinc tamen nullā

legiti-

legitimā consequentiā infertur, non posse Christi Vicarios & Apostolorum successores, Reges, & Principes, præsertim cum jam per characterem baptismalem Ecclesiæ filii facti sunt, eique subditi, si fidei ac Religioni perniciem afferunt, monere, compescere, ac mediis congruentibus, & efficacibus impedire, ne potestate temporalia butantur contra Supremi Regis cultum, & obsequium. Nec in hoc Reges, sed Apostolos & Pastores agunt. Unde qui hanc Ecclesiæ potestatem impugnant, æquivocatione colorem suæ sententiæ obducunt, quasi potestas Ecclesiæ ad arcendos ab evertenda Religione Principes sibi per baptismum subiectos; etiā per absolutionem subditorum à juramento fidelitatis, deficientibus aliis remediis, idem esset quod posse Regna sibi adscribere, atque instar Principum ipsorum regnare.

4. Addunt secundo, Illustrissimi Antistites dictum esse à Domino *Reddite quæ sunt Cæsaris Cæsari, & quæ sunt Dei Deo*. Matth. 22. vers. 21. sed illius oraculi primam partem secunda exponit. Quis enim negat reddenda esse *quæ sunt Cæsaris Cæsari*, dummodo reddantur *quæ sunt Dei Deo*, quorum alterum alteri contrarium non est, licet hominum vitio intervertantur. Verum si Cæsar non solum quæ Dei sunt, Deo non reddat, sed subditos etiam suos à fide solemniter Deo promissa revocet, ac per vim retrahat, nonne poterit qui Dei vice fungitur, nisi aliunde mala graviora timeantur, fidelibus declarare *obediendum Deo magis quam hominibus* juxta oraculum Principis Apostolorum. Act. 5.

5. At, inquires, hinc tantum sequi, non esse parendum Principi aliquid contra Deum præcipienti, non autem propterea in aliis ab ejus obedientia recedendum, cum utrique satisfieri possit; si ut Christianos decet, bonorum, aut etiam vitæ jacturam pariantur, ne vel Deum offendant, vel à Principe desciscant. Laudabile quidem id foret. Sed quotusquisque nunc est, qui tanto Christi amore incensus, tanto rerum temporalium, ac vitæ contemptu præditus sit, ut paupertatis, exilii, ac mortis metu à Dei servitio non deterreatur, cum tot videamus minora mala reformidantes, aut caduca bona sperantes ad Principem, quàm ad Dei mandata promptiores. Nonne igitur, ut innumerorum hominum ruinæ occurreretur, liceret Ecclesiæ,

Christiano Principi, pluries monito, contumaci, & incorrecto potestatem nocendi adimere ac populos ab ea tyrannide subducere, si hoc sine majorum malorum periculo fieri posset.

6. Profertur 3. caput 13. Epistolæ B. Pauli ad Romanos, *omnis anima potestatibus sublimioribus subdita sit, &c.* Sed se ipsemet Apostolus explicat, addens; *Nam Principes non sunt timori boni operis, sed mali. Vis autem non timere potestatem bonum fac, & habebis laudem ex illa: Dei enim Minister est tibi in bonum, &c.* Quid ergo si Principes sint timori boni operis non mali? Si timenda sit potestas bonum facienti? si Diaboli minister sit in malum?

7. Loca Scripturæ factæ præcipua, quæ sententiæ Illustrissimi Cætus Parisiensis adversantur, in Doctorum autoritatibus, quas suo loco referemus, continentur. Interim adverto non defuisse scriptores, etiam in Gallia, ut infra videbimus, speciatim cap. 8. §. 5. Quibus sententia illa ita verbo Dei consona non visa sit, ut eam hæreticam censuerint. Unde valde iniquum esset eos, qui ejus sententiæ momentis convicti fuissent, ad contrariam metu pœnarum adigere.

C A P U T IV.

Utrum potestas Regum immediatè à Deo sit.

1. **P**urimum probo Doctorum illorum institutum, qui Regibus subditorum reverentiam, & obedientiam conciliare conantur, adductis non solum politicis, & naturalibus, sed etiam Divinis rationibus. Ea enim est hominis ad libertatem propensio, ut nisi omni vinculorum genere se adstrictum sentiat, faciliè datâ occasione jugum excutere tentet. Depravatâ per peccatum naturâ, dum quisque nimium, ac ferè solum se diligit, ubique sibi soli consulit, aliorum parva, vel nulla ratione habita, unde infinitæ nascuntur injuriæ, innumera pullulant dissidia, quibus confunditur, ac perit civilis omnis conjunctio, nisi præstò sit qui, & pro sua

sua sapientia leges præscribat , & pro tradita sibi autoritate illarum executionem urgeat , illarum violationem ulciscatur , ac unicuique quod ejus est conservans , pacem foveat , & confirmet; sed illa ipsa depravatio , quæ hominem ad malum inclinat , stæni est impatiens, nec facile patitur ab alio se cohiberi. Quamobrem divinâ simul, & humanâ est autoritate obliganda.

2. Itaque certum est teneri Christianos ex Divino etiam præcepto legitimis Principes colere, debitaque illis obedientiæ, Tributorum, aliaque id generis officia persolvere; indubitatum est etiam Divinam voluntatem ad cujuslibet Principis electionem, sive institutionem intercedere, & corda hominum in electionibus, sive institutionibus quodammodo dirigere : graviterque perduelles, ac inobedientes plectere. Id docent sancti Patres , quorum adducuntur testimonia ad confirmationem autoritatis Regiæ. In eo sensu rectè dicitur potestas Regum in communi , vel etiam cujuslibet Regis à Deo esse.

3. Sed aliùs aliqui dignitatem Regiam pervehunt , docentes eam æquè à Deo institutam fuisse , ac spirituales , & singulis Regibus à Deo immediatè conferri. Dissimulanda esset hæc opinio, quantumvis falsa, si eò tantum spectaret, ut populi libentiùs Principibus subjacerent, debitamque illis fidem religiosiùs servarent; Licet enim error nunquam ex se bonus sit, neque probandus; utilis tamen ex occasione interdum est, atque tolerandus. Sed qui Regiam autoritatem nimis extollunt, hoc tantum sibi videntur proposuisse, ut Ecclesiasticam Dignitatem tantundem deprimant, ac Principum Ecclesiastica jura invadentium injustitiam eo prætextu excusent, quod, ut inquit Petrus de Marca lib. 2. cap. 1. §. 1. *Perinde in Reges singulos, ac in Episcopos autoritas à Deo immediatè derivatur.* Perfectam inter illos æqualitatem tribus primis §§. hujus capituli adstruere nititur: Primus sic incipit: *Collatione duarum potestatum egregiè conficitur Regiam æquè à Deo institutam fuisse ac Spiritualem, & solidam humanarum rerum administrationem illi demandatam.* Et infra; *Certum, & constantissimum esse debet apud pios, & devotos Regum cultores unicuique Regum potestatem Regiam immediatè à Divino numine conferri.*

4. Hæc si seorsim considerentur, falsa quidem sunt, sed neminem lædere videntur. At verò si conseras quæcunque Autor in illo opere, aliique Gallicani scriptores in suis libris, Principibus in Ecclesiâ permittunt, ratione protectionis, tuitionis, seu custodiæ Canonum, quam asserunt Regibus à Deo commissam, comperies ex ipsorum mente in multis paulò minorem Pontificali, in aliquibus æqualem, & in nonnullis etiam majorem esse, & quidem à Deo datam laicis viris, circa res Ecclesiasticas potestatem. Itaque prætermitti omnino non potuit quæstio, ex cuius neglectu tandem populo persuaderetur, quæcunque à laicis patitur Ecclesiâ, non injurias esse, sed jura Divinitus tradita.

5. Audi Renatum Choppinum de Sacra Politia lib. 1. tit. 7. §. 9. expressis verbis tribuentem Regibus autoritatem in res Ecclesiasticas, ex quodam jure Divino, Numinis afflatu, ac sacrâ quâdam unctione; *Hoc certe litterarum monumentis proditum legimus Regium nomen in terris haud quaquam ortum fuisse sed Celitus à Diis emissum, Regesque ipsos ita institutos qui Numine afflati, & sacro delibuti oleo Divinum quid præferrent, penes quos etiam sacrorum potestas foret. Auctore Eusebio Historia Eccles. volum. 1. Exin Gallicus Orator Agidius Romanus libris editis asseruit Sacrorum Beneficiorum erogationem ad Reges, ac Cæsares pertinere Philippi IV. Regis temporibus.* Quid amplius dixisset de Episcopo, qui Spiritum sanctum accipit, dum ex Institutione Christi per impositionem manuum Presbyterii, per sacram unctionem, aliosque mysticos ritus consecratur ad gubernandam Ecclesiâ?

6. Ut aliquid à Deo immediatè esse dicatur, alterutrum ex his duobus requiritur, ut scilicet potestas, quæ confertur non possit ab alio dari, quàm à Deo; vel, etiam si ab alio concedi posset, Deus ipse solus de facto velit elargiri. Alium modum non video, nisi quis de verbis contendere, non de rebus quærat disputare. Sacerdotum potestas ad conficiendum in Sacrificio Missæ Corpus Christi, vel ad dimittenda peccata, non potest ad alium quàm ad Deum immediatè referri; quamvis accipiatur per impositionem manû Episcopi: Quia nemo potest peccata dimittere, vel Corpus Christi conficere, nisi solus Deus tanquam causa principalis, & ejus Ministri tanquam causæ instru-

instrumentales, & minus principales. Majus autem est illa efficiendi potestatem communicare, quàm illa per se efficere. Potest verò quilibet homo liber, Principis regimini sese subicere, ad ei parendum sese adstringere, fidem spondere, denique ad omnia illa officia obligare, quæ Principes à subditis exigunt. Undè nihil opus est ad Divinam omnipotentiam recurrere pro rebus illis, quæ ab hominibus præstari possunt, & quæ saltem ex parte quotidie præstantur.

7. Solùm igitur, si non expectato hominum consensu, atque sine ulla illorum opera, Deus ipsis Regem præponeret, iste à Deo immediatè suam potestatem haberet. Id aliqui Doctores de Saule, & de Davide opinantur, quamvis negantibus aliis; sed nemo ita constitutos in Gallia Reges somniavit.

8. Mutationes, quæ in Principatu Gallicano contigerunt, satis indicant illum non esse immediatè à Deo, sed à populorum consensu. Quæ enim ratio Divina postulabat, ut modò à Clodovei familia, modò à familia Pippini, denique ab Hugonis Capeti posteris regeretur. Ut primò Reges per electionem, alii per successionem Regnum adipiscerentur, ut in principio admitterentur etiam illegitimi, deindè tantùm legitimi, iique masculi?

9. Maneat igitur potestatem Regum à Deo esse, illisque ex Divino præcepto parendum: non tamen illorum potestatem atque ac Ecclesiasticam immediatè à Deo conferri. Utrumque probatur ex iis autoritatibus, quæ à Domino Marco proferuntur, vel citantur, & ex aliis, quas poterat adducere. Cùm enim B. Augustinus lib. 5. de Civit. Dei cap. 21. ait. *Qui Augusto, ipse & Neroni: Qui Vespasiano vel Patri, vel filio suavissimis Imperatoribus, ipse & Domitiano crudelissimo (Regnum dedit) Et Tertullianus Apolog. cap. 30. Inde Imperator nnde & homo antequam Imperator. Inde potestas illi, nnde & spiritus. Et S. Irenæus lib. 5. adversus hæreses cap. 24. cuius jussu homines nascuntur, hujus jussu & Reges constituuntur: Et S. Epiphanius hæresi 40. Videsne ut hac mundi potestas à Deo stabilita sit, gladiique jus obtineat; Neq; verò id aliunde quàm à Deo ad vindicandum accipit. Hinc inquam. Patres nihil aliud intendunt, quàm Principatum non à Diabolo, seu à falsis Diis, ut volebant ii, quos contra disputabant, sed à Deo*
vero

vero dari. Utrum autem immediatè vel per populi electionem, aut consensum, non definiunt, ut patet Textus integros legentibus. Tertulliani consilium est ostendere falsos Deos pro Imperatoribus non esse orandos, sed verum Deum: S. Augustini, non à falsis Diis, sed à providentia Divina Imperia distribui; S. Irænaus hoc argumento tractat, *de Diaboli perpetuo mendacio, potestatibus, quibus nos parere oportet, atque Imperiis terrenis quatenus à Deo, non à Diabolo constituentur.* S. Epiphanius Hæreticos Archonticos impugnât, Principem Sabaorth septimo in orbe collocantes, tyrannidem ibi exercentem, blasphemantes Deum, ac dominationem ejus spernentes,

10. S. Isidorus Pelusiotes Epist. 216. *Potestatem, inquit, hoc est Imperium, & Regnum à Deo formatum, atque institutum esse profitendum est, ut ne ornatum in statum inornatum degeneret.* Verùm (quod etiam de supracitatis, & aliis dici posset) hoc ad Divinam providentiam referendum est, quæ Principatum quidem approbat, & confirmat, vultque Principibus legitimis etiam discolis obtemperari; Non tamen singulis potestatem aliquam supernaturalem, quemadmodum Sacerdotibus Deus infundit, imò aliquos Principes, impios scilicet regnare permittit, quamvis non approbet, ut subjungit idè S. Isidorus; *Quod si quis impius, aut sacrilegus in illud irruerit, haudquaquam scilicet hunc à Deo creatum, ac designatum esse dicimus, verum permissum esse.* Quod de tyrannico usurpatore tantùm non intelligit. Prosequitur enim; *Quo nimirum aut Pharaonis in modum improbitatem omnem suam evomat, atque ita extremo supplicio excrucietur, aut eos, qui crudelitate opus habent, ad meliorem mentem revocet, quemadmodum Rex Babylonis Judæos.*

11. Idem clariùs explicat S. Joannes Chrysost. homil. 23. in Epist. ad Romanos in hæc verba; *Non est potestas nisi à Deo*, quæ sic interpretatur; *Quid dicis? Omnis ergo Princeps à Deo constitutus est, sed de ipsa re. Quod enim Principatus sunt, quodque hi quidem imperant, illi verò subiecti sunt, quodque non simpliciter, ac temerè cuncta feruntur, nec fluctuum instar populi huc, atque illuc circumaguntur, Divina sapientia opus esse dico. Propterea non dicit; Non enim Princeps est, nisi à Deo, SED DE RE IPSA DISSERIT, dicens, non enim potestas est nisi à Deo.* Quid potest his verbis luculentius desiderari?

12. *Autoritatem Justiniani (qua toties utitur D. de Marca, cum deprimenda est Ecclesiastica Jurisdictio, & Principum voluntati subijcienda) hic repudiat, quasi B. Pauli, & aliis Divinarum Scripturarum oraculis contrariam, quibuscum si pugnaret, ab omnibus sanè Christianis esset reiicienda. Sed quis sibi persuadeat Justinianum adeò tractandum rerum Divinarum, & Ecclesiasticarum cupidum, & gloriæ avidum, rem Imperiali Dignitati tantum splendorem conferentem ignorasse? Qui tam sæpè Episcopum agebat, nescisset suam autoritatem æquè ac Sacerdotalem à Deo immediatè profectam? Novit certè Justinianus potestatem Regiam à Deo esse; sed in eo, quem diximus, sensu. Ait ille ff. de orig. jur. l. 2. §. 9. *Quia difficile plebs convenire cœpit, populus certè multò difficilior in tanta turba hominum: necessitas ipsa curam Reipublica ad Senatum deduxit.* §. 11. *novissimè sicut ad pauciores juris constituendi vi transisse, ipsis rebus distantibus, videbatur: per partes evenit, ut necesse esset Reipublica per unum consuli. Nam Senatus non perinde omnes Provincias gerere poterat. Igitur constituto Principe datum est ei jus, ut quod constituerat, ratum esset.* Item ff. de constit. Princ. l. 1. *Quod Principi placuit legis habet vigorem, utpote cum lege Regia, qua de Imperio ejus lata est.* POPULVS, EI, ET IN EVM OMNE SVVM IMPERIVM, ET POTESTATEM CONTVLERIT. Oritur ergo immediatè à populorum consensu autoritas Regia: sed à Deo tanquam à primo fonte profiscitur, ab eo consensus hominum confirmatur, ab eo Regum contemptus vindicatur, idque Justinianum non latuit, ut significant ejus verba nov. 6. *Maxima quidem in hominibus sunt dona, à suprema collata clementia, Sacerdotium, & Imperium, & illud quidem Divinis ministrans, hoc autem humanis presidens, ac diligentiam exhibens ex uno eodemque principio utraque procedentia, humanam exornant vitam.**

13. Rejeçtâ Justiniani autoritate, non miror Aristotelis non haberi rationem; Illud tantùm miror, quod addit Dominus de Marca loc. cit. §. 2. quod de Regibus *opinionem in Aristotelis officina confecta magno studio etiam à Christianis arrepta sunt.* Siquidem, ut ille vult, erant sacris Scripturis contraria, quomodo potuerunt magno studio à Christianis arripi? An Christiani minùs Spiritus sancti, quàm Aristotelis autoritati tribuunt? Docent communiter Patres nullam

Y

gentem

gentem sincerius Reges colere, eorumque mandata, Divinæ legi non repugnantia, fidelius exequi, quam Christianum populum: Quomodo ergo arripere opiniones non minùs legi Divinæ, quam Principum potestati infensas? Sed illa Divinæ Scripturæ testimonia non aliud suadent, quam à Divina providentia constitui Principes, Divinæ ordinationi resistere, qui eis resistit; eumque sibi damnationem acquirere, qui iustis eorum mandatis non obtemperet. Hæc Christiani omnes fatentur: *Regiam potestatem aequè à Deo institutam fuisse ac spiritualem; & perinde in Reges singulos, ac in Episcopos auctoritatem à Deo immediatè derivari*, nec sacræ Scripturæ docent, nec Christiani rerum Theologicarum periti credunt.

14. Sed, ne in re tam aperta tempus teramus, id unum ab eis peto, qui docent potestatem Regiam æquè à Deo institutam fuisse ac spiritualem, & unicuique Regum potestatem Regiam immediatè à Divino numine conferri, quodnam sit Sacramentum, quo potestas illa traditur, ubi, à quo, quando, & quomodo institutum.

C A P U T V.

An Patrum traditioni consona sit doctrina Præsulum Gallicanorum, Reges Ecclesiasticæ potestati in temporalibus omninò subducentium, ac primò de Patribus in Conciliis sedentibus?

1. **P**atres appellantur, vel Episcopi in Conciliis congregati, vel ii, quos propter eximiam doctrinam Ecclesia tanquam fidelium parentes in Christo agnoscit, sive Episcopali dignitate fuerint insigniti, sive non fuerint. Utrosque audiamus, ac primùm in Conciliis sedentes.

2. In Concilio Romano tertio sub Gregorio VII. anno 1076. sententia depositionis contra Henricum IV. Germaniæ Regem pronunciata fuit, atque ejus subditi à juramento fidelitatis absoluti, rursusque in Concilio Romano septimo anno 1080. depositio, & absolutio confirmatæ sunt. Solent Galli obijcere tentatum id fuisse à Gregorio VII. nimis audacter, verùm secus suadent tanti Pontificis pietas,

tas, ac in revocando ad meliorem frugem Henrico diligentia; ab aliis tamen Conciliis petenda sunt exempla, quorum aliqua irrefragabilis sunt autoritatis.

3. Concilium Lateranense sub Alexandro III. anno 1168. Fridericum primum Imperatorem excommunicavit, ejusque subditos à fidelitatis juramento absolvit. Quæ legitimè præstita fuisse agnovit Fridericus, quandoquidem Pontifici se humiliter subijciens sententiam revocari exoravit.

4. Concilium generale etiam Lateranense sub eodem Alexandro III. cui plurimi Gallicani Præsules interfuerunt, can. ult. hanc pœnam decernit in Dominos certum quoddam prædonum genus foventes; *Relaxatos autem se noverint à debito fidelitatis, & hominibus, ac totius obsequiis, donec in tanta iniquitate permanserint (Domini) quicumque illis aliquo pacto tenentur annexi: In ipsos autem prædones; confiscantur eorum bona, & liberum sit Principibus hujusmodi homines subijcere servituti,*

5. Concilium Lateranense anno 1215. quod, ut notat Illustrissimus Cardinalis de Perron, Jure universalissimum dicitur, quippè cui præter Summum Pontificem, & Patriarchas Constantinopolitanum, & Hierosolymitanum interfuerint Patriarcharum Alexandrini & Antiocheni Legati, septuaginta Archiepiscopi, 412. Episcopi, & plusquam 800. alii Prælati, nec non omnes Reges, & Monarchæ Christiani per se, vel per Legatos, scilicet Imperator Orientis, Imperator Occidentis, Rex Hierosolymorum, Rex Galliarum, Rex Angliarum, Rex Aragoniarum, &c. cap. 3. sic statuit, *Si vero Dominus temporalis requisitus, vel monitus ab Ecclesia, terram suam purgare neglexerit ab hac hæretica fæditate. PER METROPOLITANVM, ET CÆTEROS COMPROVINCIALES EPISCOPOS EXCOMMUNICATIONIS VINCULO INNOTETVR, & si satisfacere contempserit infra annum, significetur hoc summo Pontifici; VT EX TUNC IPSE VASSALLOS AB EIVS FIDELITATE DENVNCIET ABSOLVTOS, ET TERRAM EXPONAT CATHOLICIS OCCUPANDAM, qui eam exterminatis hæreticis sine ulla contradictione possideant, &c.*

6. in hoc Concilio plenè concessum fuit Comiti Montifortis dominium Tolosæ, aliorumque locorum Comitatus Tolosani, in pœnam favoris à Comite Tolosano hæresi Albigenisim præstiti;

quæ concessio paulò ante decreta fuerat à Concilio apud Montempefulanum habito, & confirmata à Summo Pontifice usque ad tempus Concilii generalis proximè congregandi dumtaxat. Rem narrat Petrus Vallis-Sarnensis Monachus in historia Albigensum, & alii. Decretum Concilii refert Lucas Dacherius spicileg. tom. 7. in quo maximè notanda sunt verba ista; *Sacro consulto Concilio ita duximus providendum: ut Raymundus Tolosanus Comes, qui culpabilis reperi-
tus est in utroque, nec unquam sub ejus regimine terra possit in fidei
statu servari, sicut à longo tempore certis indiciiis est compertum, AB
EIVS DOMINIO, quod usique grave gessit, PERPETVO SIT EXCLUSVS.*

7. Innocentius IV. in Concilio Lugdunensi anno 1245. sententiam depositionis decrevit in Fridericum II. & absolutionem subditorum à juramento fidelitatis: *Memoratum Principem, qui se Imperio, &
Regnia, omniq; honore ac dignitate reddidit tam indignum, qui que
propter suas indignitates, à Deo, ne regnet, vel imperet, est abjectus, suis
ligatum peccatis, & abjectum, omniq; honore, & dignitate privatum
à Domino offendimus, denunciamus, ac nihilominus SENTENTIANDO
PRIVAVVS: Omnes, qui ei juramento FIDELITATIS TENENTVR AD-
STRICTI, A IVRAMENTO HVIVSMODI PERPETVO ABSOLVENTES au-
toritate Apostolicâ firmiter inhibendo, ne quisquam de cetero sibi tan-
quam Imperatori, vel Regi pareat, vel intendat.*

8. Concilium Constantiense, quod à Comitibus Cleri Gallicani in secunda propositione laudatur, & in Gallia maximi fit sess. 17. hanc po-
nam decrevit in eos, qui Sigismundo Regi Romanorum, & Hunga-
riæ in Aragoniam proficiscenti aliquam inferrent injuriam: *Quicun-
que cujuscunque status, aut conditionis existat, etiam si REGALIS, Car-
dinalatus, Patriarchalis, Archiepiscopalis, Episcopalis, Ducatus,
Principatus, Comitatus, Marchionatus, seu alterius cujuscunque
dignitatis, seu status Ecclesiastici, vel secularis existat, qui Serenissi-
mum, & Christianissimum Principem Dominum Sigismundum Ro-
manorum & Hungaria, &c. impediverit, ET OMNI HONORE, ET DIG-
NITATE, OFFICIO, BENEFICIO ECCLESIASTICO, VEL SÆCVLARI, SIT
IPTO FACTO PRIVATVS. Et in sententia contra Benedictum XIII quæ
habetur sess. 37. Omnibus & singulis Christi fidelibus inhibet sub pœna
fautoria schismatis, & hæresis, atque privationis omnium Beneficio-
rum, dignitatum, & honorum Ecclesiasticorum, & mundanorum, &
aliis*

aliis pœnis juris, etiam si Episcopalis, & Patriarchalis, Cardinalatus, REGALIS sit dignitatis aut Imperialis, quibus, si contra hanc inhibitionem fecerint, sint auctoritate hujus decreti ac sententia ipso facto privati, & alias juris incurrant pœnas ne eidem Petro de Luna schismatico, & heretico incorrigibili, notorio declarato, & deposito tanquam Papa obediant, pareant, vel intendant, aut eum quovis modo contra promissa sustineant, vel receptent, sibi que præstent auxilium, consilium, vel favorem.

9. Hanc sententiam cum pœnis adjectis renovavit, & confirmavit Concilium Senense anno 1423. *Inhibitionem factam omnibus singulis Christi fidelibus sub pœnis fautoria hæresis, & schismatis, ac privationis omnium Beneficiorum, dignitatum, & honorum Ecclesiasticorum, ac mundanorum, & alias pœnas juris infligendo, ut dicta sententiâ præfati Concilii, cujus totum tenorem hic haberi vult pro expresso, latius continetur, ratam, & gratam habens ejus executionem, continuationem continuare volens, decernit, statuit, & declarat omnes, & singulos post obitum dicti Petri de Luna continuantes, seu perseverantes in incredulitate, vel observantia erroris, & schismatis ejusdem Petri sic (ut premittitur) damnati, velius aliquod ab eo in eas directè vel per indirectum derivasse, aut derivari potuisse præudentes, seu in vice ejus succedentes, eorumque receptatores, defensores, & fautores, cujuscunque status, præminencia, vel conditionis existant, etiam Pontificali, Cardinalatus, Imperiali, vel REGALI, aut aliâ quacunque Ecclesiasticâ vel seculari præfulgeat dignitate..... fore obnoxios, & ligatos pœnis, & censuris in dicta sententiâ contentis.*

10. Constantiense, & Senense secutum est Basileense, quod prætermitterem, quia Illustrissimi Antistites Gallicani ejus auctoritate non utentes ad confirmandam secundam propositionem, licet Constantiensis Decreta, quæ citant, semel atque iterum renovasset, videantur fateri eam ad minus esse dubiam; nisi scirem quampluribus Gallis secus videri, ac Basileense Concilium maximo in honore tanquam legitimum, & generale ab eis haberi: Concilium igitur Basileense in salvo conductu dato in Congregatione generali die 18. Julii anno 1432. Legatis Pontificiis, sic loquitur; *Exhortatur omnes & singulos Christi fideles cujuscunque dignitatis, status, gradus, aut præminencia existant spiritualis, & temporalis, etiam si REGALI, Ducali, Archiepiscopali, Episcopali, vel aliâ quavis præfulgeant dignitate, Universitates,*

Et Communitates, ceterosque, quibus presentes litterae exhibita fuerint, eique in virtute sanctae obedientiae mandata, ut si per eorum dominia, terras, Territoria, Civitates, Oppida, Castra, Statum, Villas, Castellam, aut alia loca vos, Et quemlibet vestrum transire contingat sub penis sententiarum, Et censuris tam in Constantiensi, Et Senensi, quam huius sanctae Synodi sacris decretis contentis, Et fulminatis districte iungendo, quatenus vos, Et vestrum quemlibet cum Comitibus huiusmodi securos, liberos, Et tutos cum rebus, Et bonis vestris universis, ire, stare, Et redire sine molestia, Et impedimento permittant, de securitate, Et conductu à nobis requisiti, quoties opus fuerit, favorabiliter providendo. Patet igitur Episcopos Galliae, qui magno in numero aderant in Concilio Basileensi, magnaque ibi autoritate pollebant, aliter quam modernos fuisse de potestate Ecclesiae in Principes.

II. Concilium Tridentinum sess. 25. de reform. c. 19. privatos declarat dominio Civitatis, Castri, aut loci, ea concedentes ad Monachiam, & si feudalia sint, directis Dominis acquisita decernit. IMPERATOR, REGES, DVGES, PRINCIPES, Marchiones, Comites, Et quocumque alio nomine Domini temporales, qui locum ad Monachiam in Terris suis inter Christianos concesserint, eo ipso sint excommunicati, ac jurisdictione, Et dominio Civitatis, Castri, aut loci, in quo, vel apud quem duellum fieri permiserint, quod ab Ecclesia obtinent privati intelligantur; Et si feudalia sint, directis Dominis statim acquirantur. In ipsos autem decertantes profert omnium bonorum proscriptionem. *Qui verò pugnam commiserint, Et qui eorum patrini vocantur, excommunicationis, ac omnium bonorum suorum proscriptionis, ac perpetuae infamiae poenam incurrant. Et ut homicidae juxta sacros Canones puniri debeant, Et c. Vide Duvallium 2.2. q. 17. Respondetur fortasse Concilium Tridentinum non esse receptum in Gallia, sed de illa receptione tractabimus alibi. Satis hic est, ut notemus Concilii oecumenici sententiam ad minus Comitiorum Cleri Gallicani declarationi esse anteponendam.*

12. Sed quæ opponetur responsio & Concilii Constantiensis in Gallia recepti tanquam generalis, & aliorum Conciliorum ubique receptorum, ut indubitare oecumenicorum auctoritatis? Mirum est quomodo doctrinam, tot tamque augustorum Cætuum sententiae adversam. Illustrissimi Præsules Parisiis congregati declarare ausi sint publicæ tranquillitati necessariam, nec minus Ecclesiae, quam Imperio utilem,

13. Hæc ex Conciliis sufficiant. Audiamus jam Patres, Episcopos, aliosque Doctores seorsim loquentes.

C A P U T V I.

An doctrina in prædicta propositione Cleri Gallicani contenta, sit consona menti S. Gregorii Magni?

1. S ANCTUS Gregorius Magnus lib. II. Epist. 10 concessis privilegiis Xenodochio à Brunichilda Regina, & Theodorico ipsius nepote Rege constructo subiungit; *Si quis verò REGVM, Sacerdotum, iudicum, personarumque secularium hanc Constitutionis nostræ paginam agnosceus contra eam venire tentaverit, POTESTATIS, HONORISQUE SVI DIGNITATE CAREAT.* Quæ clausula continetur etiam in duabus Epistolis sequentibus.

2. Hujus autoritatis vim cum aliàs eludere non posset Joannes Launoius, tres illas Epistolas suppositas, aut saltem interpolatas ostendere conatus est Epist. par. 7. Epist. 1. & 6. sed cùm ab undecim ferè sæculis nemo in dubium eas revocaverit, nec solum à Gregorio VII. allegata fuerit prima earum, sed etiam omnes à pluribus Gallicanorum monumentorum collectoribus exscriptæ, ut ab Andrea Duchesne Histor. Francor. tom. 1. & à Patre Jacobo Sirmondo Concil. Gall. tom. 1. & ab innumeris illius Nationis scriptoribus citatæ, nisi argumenta proferat meridianâ, ut ita dicam, luce clariora, non videtur audiendus. Quæ sint igitur ejus fundamenta videamus, & primum in Epist. 6. ubi ex professo illas impugnât.

3. Primum petit ex eo quod Gregorius in concedendis similibus privilegiis, similem pœnam non adjecerit, ut probat adductis octo Epistolarum fragmentis. Secundò ex eo quod contra simoniam agens à simili etiam pœnâ inferendâ abstinuerit, idque probat quindecim aliarum Epistolarum locis. Tertium ex eo quod subsequentes Pontifices, scilicet Nicolaus I. & Joannes VIII. qui similem clausulam longè post illa tempora primi usurpare cœperunt, Regum mentionem non fecerint; sed Nicolaus Ecclesiasticarum tantum personarum; Joannes Sacerdotum, Judi-

cum

cum, &c. At certè argumenta illa negativa, veritatem prædictæ autoritatis concutere nequeunt; cum multis de causis contingere potuerit, ut S. Gregorius hæc privilegia intentatâ speciali pænâ communienda duceret. Plurimas invenisset Launoius ejusmodi causas, si prædictæ Epistolæ consilio suo favissent, & quidem verisimiliores, quàm rationes, quibus illas impugnat. Illustrissimus Petrus de Marca Principum dignitatis vindex, non minus studiosus, quàm Launoius, Regiæ autoritati satis esse putavit, *si ea privilegia*, de quibus agitur, *ad petitionem Brunichildæ Regina, & Theodorici Regis indulta* dicerentur; de Concord. lib. 3. cap. ult. n. 4. Hanc certè petitionem innuunt ipsemet Epistolæ impetitæ, sed apertissimè docent duæ, quæ istas antecedunt, in quarum prima, quæ est octava libri II. ad Brunichildam Reginam sic scribit S. Gregorius; *Privilegia locis ipsis pro quiete, & munitione illic degentium, sicut voluistis, indulsumus*. Et infra. *Nos itaque pro munitione locorum, de quibus Excellentia vestra scripsit, omnia, sicut voluit, sancire studuimus*. Et in Epist. 9. quæ est ad Theodoricum Regem; *Omnia, quæ Excellentia vestra voluit citius, ac libenter implevimus*.

4. Sed cum duæ illæ Epistolæ tres alias confirmet, cur etiam Launoius falsas, & interpolatas non dixit, & septimam etiam ejusdem libri, cujus argumentum idem est, quod unius articuli Epistolæ prædictæ ad Brunichildem? Fortasse quia clausulam suprà relaram expressè non referunt. At illam multùm verisimilem efficiunt; cum quod illa clarè distinctèque exprimit, istæ in genere significant. Ne sine causa bis in una Epistola dixit S. Gregorius se rem fecisse, sicut Regina voluerat, qua repetitione indicare videretur, serem concessisse valdè peculiarem,

5. Sed cum plurimum sæculorum possessio Epistolis suffragetur, quas Launoius falsitatis, aut interpolationis suspectas efficere nititur, non nostrum est illarum veritatem probare, sed accusationem repellere. Veniamus igitur ad alia Launoii argumenta. Ridiculum certè illud est, quod tamen ipse pluries admoyer in hac Epistola 6. & in 1. & meminit etiam in ultima ejusdem partis septimæ; nimirum, si hæc clausula vera esset, S. Gregorium hæreticum fore, siquidem, inquit in hac Epistola 6. *Reges, qui non nihil Xenodochio matè ablatum, assensu putâ duos, non resistuerint, deponit, & Ecclesiasticâ communionem privat;*

vat; Pœna duplex est, eaque omnium gravissima, quæ, levis, ut apparet, culpa irrogatur, alioquin indissimulabili veritate fatendum est, S. Gregorium credidisse pœnes esse culpas omnes; cum Regibus, qui Decalogum violassent totum, pœna gravior non imponeretur. Quo pacto hic Pontifex in Joviniani, & Stoicorum hæresim incurrisset, Deus bone! Quot habuit hæreticos non solum Romana Ecclesia sed & Gallia ipsa, si in hæresim incurrerunt quicumque. Antistites pœnam omnium maximam, excommunicationem scilicet decreverunt in eos, qui res ad loca sacra pertinentes, aut usurparent, aut retinerent injustè. Quot enim edita sunt à Conciliis, quot à summis Pontificibus, Decreta contra hujusmodi sacrilegium? Videri possunt apud Canonum Collectores v. g. apud Antonium Augustinum in Juris Pontificii veteris epitome libr. 6. tit. 9. & libr. 15. tit. 30. 31. 32. 33. & 34.

6. Denique ex comparatione Gregorii VII. Henricum ab Imperio deponentis, & excommunicantis, cum Gregorio I. simili pœna plectentis Reges, Sacerdotes, & Judices privilegia supradicta violantes, infert Gregorium I. quem ut mitissimum laudat septimus, immitissimum futurum fuisse, si pro privilegiorum illorum violatione, quæ sine dubio minùs crimen fuisset quàm ea, de quibus teus dicebatur Henricus, æqualem pœnam irrogasset; quasi verò flagitia omnia, quibus per leges civiles indicta est pœna mortis, aut per Canones censura excommunicationis, æqualia sint; ac inter hæreticos Joviniani, & Stoicorum sectatores censendi sint omnes Ecclesiæ Pastores, si pœnâ excommunicationis afficiant crimina diversæ speciei, seu inæqualis malitiæ. Ergone, cùm in eodem peccati genere alius alio gravius peccet, pro conditione personæ, cognitionis modo, & aliis, quæ concurrunt, ille tantùm qui omnium gravissimè peccabit, erit excommunicandus, ne fortè æqualitas pœnæ Judicem arguat injustitiæ, si pro inæquali culpa æqualem pœnam imponat, aut hæresis Joviniani, & Stoicorum suspectum reddat, si peccata verè inæqualia, esse arbitretur æqualia. Accedit, quod pœna declarata, & executioni demandata ob crimen jam admissum, qualis fuit illata Henrico à Gregorio VII. major censenda est, quàm quæ alicui prohibitioni adjungitur adversus eum, qui agnoscens contra eam venire tentaverit, ut loquitur Gregorius I.

7. Præter illa argumenta quædam alia jam protulerat Epist. i. ejusdem partis 7. quorum unum est *eadem trium Epistolarum contextio, quæ falsitatis nota est*; sed quid mirum, si tria ejusdem omninò generis privilegia, eodem tempore ab iisdem personis petita, eodem tempore concessa, iisdemque omnibus circumstantiis, eadem formâ exprimantur; variatis tamen iis, quæ ad personas, ad quas dirigebantur, spectabant.

8. Sequitur argumentum negativum, sumptum à silentio Joannis Diaconi vitæ S. Gregorii scriptoris, qui rem *Gregorio, & Sedis Apostolica rationibus conducentem quamplurimum* non prætermisisset, si in Epistolis ejus extitisset. Debile ubique argumentum negativum, sed hic maximè; Cùm Joannes ipse in præfatione sui operis declaret se multa, etiam memoratu digna, brevitatis causa prætermisisse; *Quamquam, inquit, multa, & varia memoratu digna studio brevitatis omiserim, nihil memini me posuisse, quod scriptorum veterum auctoritate defendi nequeat.* An suspectæ habebuntur argumento Launoi S. Gregorii Epistolæ de rebus magni momenti tractantes, quotquot à Joanne Diacono prætermisæ fuerint?

9. Aliud argumentum mutuatur ab Epistola Petri Damiani ad Alexandrum II. quæ est 12. libri primi; Verùm ibi Petrus non conqueritur de usu censurarum, sed de frequenti nimis an indiscreto; *Cunctis ferè Decretalibus paginis*, inquit, *anathema subjungitur.* Quare optimè notat S. Gregorium hunc morem in suis non observasse Decretis; Tam enim aberat à *cunctis ferè Decretalibus paginis anathemate subjungendo*; ut Launius privilegia, de quibus est quæstio, ex eo etiam capite impugnet, quod pœna excommunicationis illis adjecta fuerit, quâ in similibus privilegiis, aut contra simoniam uti non solebat S. Gregorius. Quamvis hic petitio Regis, ac Reginz fundatorum, vim illius consequentiæ, aliàs illegitimæ, elidat.

10. Rationem illam, de qua sibi tantum applaudere Launius videtur, nimirum Pontifices futuros hæreticos, si pro levibus criminibus graves pœnas constituissent, quia cum Joviniano, ac cum Stoicis (quanquam hæresis de Stoicis improprie dicitur) peccata æqualia esse supposuissent, à Petro Damiani sine dubio mutuatus est; sed ineptè, ac in sensu ab ejus Autoris mente valde alieno adhibuit. Rectè quidem

Petrus

Petrus Damiani de indifcreto, ac frequentiffimo ufu anathematis conquerabatur his verbis; *Cunctis ferè Decretalibus paginis anathema fubjungitur quam fit falutis immane periculum. Et infinitè patens vorago labentium, ac pernicios animarum, Clementia veftra pietas non ignorat. Dicitur enim quifquis hac, vel illa non fecerit, fve certè quifquis hoc quod fuperius ftatutum eft, irritum duxerit, vel in aliquo violaverit, anathema fit.* Et aptè deinde addidit; *Non enim fecundum Stoicos omnia peccata funt paria, atque idcirco indifferenti funt ultione plectenda.* Non infert cum Launoio, vir aliàs fatis austerus, hæreticos effe censendos, qui pœnas æquales pro omnibus peccatis indifcriminatim imponerent, fed monet, cum omnia peccata paria non fint, pro omnibus anathema, maximam omnium pœnarum, non effe paffim infligendum.

11. Accedit quod Launoius, ut prædictæ rationi aliquem obducat colorem verbis S. Gregorii ridiculam affingit fententiam, quafi, dum vetatur ufurpatio, aut in iufta detentio bonorum ad pia loca, de quibus eft fermo, pertinentium, fenfus fit, cum, qui rem modicam, puta, inquit Launoius Epift. 6. alles duos, Epift. 7. alles quindecim, ufurpaverit, aut detinuerit, pœnas graviffimas illic appofitas incurfurus fit. Pari ratione in ridiculum fenfum defleſcentur omnes Conciliorum Canones, prohibentes fub pœna excommunicationis facrilègam bonorum Ecclefiafticorum ufurpationem. Quot enim repeties, qui taxaverint pretium rerum fubtraſtarum ad incurtendam excommunicationem neceffarium? Ex gravitate pœnæ Doctores inferunt, non fufficere, ad eam contrahendam, materiam adeò levem, non autem arguunt cum Launoio pœnam in iuftam effe, vel Legislatores hæreticos.

12. Aliud argumentum trahit ex infcriptione Epiftolarum 10. & 12. quia in illa Senator, in illa Lupo Presbyteri & Abbates nuncupantur, cum tamen S. Gregorius lib. 3. epift. 11. Presbyteros Monafteriis præfici vetet, fatetur quidem tacitè Launoius S. Auguftinum, & quofdam alios Pâtres aliud obfervari voluiſſe, atque aliud etiam in Ecclefia poſt ſanctum Gregorium obfervatum fuiſſe; fed cum de ſancto Gregorio agatur ejus folius praxim vult hic effe attendendam. At nonne præſtaret Sanct. Gregorium cum S. Auguftino, & aliis Patribus, ac cum Ecclefiæ uſu mox fubſecuto concordare? Res non erit

admodum difficilis; satis enim est, ut ad S. Gregorii verba mediocriter adhibeatur attentio. Non enim præcipit ut qui Presbyter est ordinatus, sive antequam Religionem ingrederetur, sive in Religione ipsa, Ordinum exercitio spoliatur, statim ut Abbas fiet; sed prohibet, ne qui alicujus Ecclesiæ servitio addictus est, Monachis præficiatur, nisi dimissa Ecclesiâ suâ transeat ad Religionem; quod nimirum utrique officio satis esse non possit. Hæc sunt ejus verba istuc pertinentia (nam quæ his præmittit Launoius, ac cum istis etiam punctuatione conjungit, ex qua conjunctione sensus obscuratur, non ita tamen ut adhuc satis clarè non perspiciatur, ad aliud pertinent) *Presbyteros, Diaconos, ceterosque cujuslibet Ordinis Clericos, qui in Ecclesiis quoquo modo militant, Abbates per Monasteria esse non permittas; sed aut admittas Clericatus militiâ Monasticis non provehantur Ordinibus, aut si in Abbatis loco permanere decreverunt, Clericatus nullatenus permittantur habere militiam; satis enim incongruum est, si cum unum ex his pro sui magnitudine diligenter, qui non possit explere, ad utrumque judicetur idoneus; sicque invicem & Ecclesiasticus ordo vite Monastica & Ecclesiasticis utilitatibus regula Monachatus impediatur.* Verba illa, *qui in Ecclesiis quoquo modo militant admittas Clericatus militiam Clericatus nullatenus permittantur habere militiam*, mentem S. Gregorii significant, nempe nolle illum, ut qui alicujus Ecclesiæ servitio tanquam Clerici mancipati sunt, Monasterio præfint. Sed hunc S. Doctoris sensum manifestè pandit ratio, quam affert; *Cum unum ex illis pro sui magnitudine diligenter non possit explere, &c.* Quæ ratio nihil valet ad probandum, eum, qui ante Pontificatum S. Gregorii, vel qui tempore ipso ejus Pontificatus ante ingressum in Religionem, vel etiam post ipsum ingressum, in loco satis ab urbe Roma remoto, Presbyteratus ordine fuisset initiatus, non fuisse vocandum Presbyterum à S. Gregorio, sed habendum ut Laicum.

13. Præterea argumentum Launoio ministravit diversitas Codicû, sed hujus varietatis in promptu est ratio, nimirum quod tanta sit triû Epistolarum similitudo, ut omnes exscribere satis visum fuerit aliquibus amanuensibus; sicut in omnibus ferè Codicibus impressis primatantum integra est, reliquarum ponitur solum initium, cum, &c. ut observavit ipse Launoius, qui etiam propter illam magnam simi-

multitudinem, illas de falso suspectas efficere conatus est, licet frustra, supra ostendimus. Adde quod in omnibus Codicibus etiam manuscriptis habetur prima, quæ est ad Senatorem, quæ sola citata est à Gregorio VII. à Cardinali Perronio, & aliis. Deinde cum, ut supra notavimus, illa privilegia tribus locis piis, ab iisdem Principibus fundatis, in eadem Civitate, aut ejus suburbio, eodemque tempore indulta fuerint, facile amanuenses effugere poterit illorum distinctio. Denique ut Launoius tot Codices manuscriptos, & antiquos, totque impressos, falsi posset arguere aliquem, deberet proferre illis antiquiorem, & ante tempus, quo admissam falsitatem supponit, exaratum. Quam etiam varietatem unius, & ejusdem Epistolæ, in diversis Codicibus animadvertit, præterquam quod ad clausulam, de qua agimus, non pertinet, nihil mirum est, si ob tantam similitudinem, aliquando Xenodochii, & Monasterii, & aliquando Ecclesiæ tantum fiat mentio. Cæterum quando variatio substantiam instrumenti non attingit, veritatis potius, quam falsitatis indicium est in monumentis antiquis. Signum enim est multoties illa fuisse exscripta, atque à magna amanuentium multitudine ortam esse illam diversitatem. Quam enim varix sunt lectiones operum, quæ nullâ falsitatis laborant suspicionem? Valeret argumentum Launoii, si in his tantum S. Gregorii epistolis referendis non consentirent omnino Codices, ac in aliis ejus, aut aliorum operibus indubitatis non reperiretur similis, vel major diversitas: Idem etiam dicendum de mendis ab amanuentium negligentia vel incitia profectis.

14. Ex eo quod Andreas Monachus Gregorii viventis scripta quadam falsavit, & nonnullos illi sermones supposuit, rectè concludit Launoius, sic & alius Monachus, aut Clericus tres istas Epistolas, seu tria hac Augustodunensia privilegia Gregorio viventi, vel vitæ functo potuit supponere, vel falsare, & Epistolarum Codici ante Joannis Diaconi tempus inferre; sed ex eo quod fieri potuerit, si concludatur revera factum fuisse, vitiosissima erit consequentia. Nec enim faciunt homines malum omne quod possunt; si legitima esset illa consequentia, non solum aliæ S. Gregorii Epistolæ, sed omnia omnino scripta, præsertim antiqua, vel falsa, vel dubia essent habenda. Itaque licet tres aliæ Epistolæ, quas citat Launoius, suppositæ fuissent

ut contendit ob diversitatem illarum hinc in editione Romana, illinc apud Ivonem, Gratianum, & Petrum Cluniacensem; non rectè inferretur illa conclusio, quam his verbis exprimit Launoius: *Non dubito quin Monachi fuerint Andrea Monacho similis, qui Sammedardense, & Augustodunensia privilegia, vel supposuerint, vel falsaverint.*

15. Ultimum argumentum, quod ut cumulum adjungit, est exemplum repulsæ, quam Constantina Imperatrix à Gregorio tulit, postulans B. Pauli Caput; aut membrum aliud, quod in ejusdem Apostoli Basilica Constantinopoli apud Palatium ædificata collocaret. Excusavit enim se Pontifex lib. 3. Epist. 20. quod Imperatrix illa præciperet, quæ ipse facere nec posset, nec auderet. Undè Launoius infert S. Gregorium, qui Constantinæ, cui debebat & jure Reipublicæ, & privato parere, negaverat Reliquias, quia Ecclesiæ Romanæ mos obtinuerat, ne suis ex locis extraherentur, multò magis privilegia Synodo Chalcedonensi, quàm ut Librum Evangelii venerabatur, contraria non concessurum. Ac re ipsa lib. 11. epist. 8. ad Brunichildam scribit de quodam bigamo, se veruisse, ne ad Sacrum Ordinem accederet, ac subjungit; *Abstine enim ne vestris temporibus in quibus tam multa pia, ac religiosa agitis, aliquid contra Ecclesiasticum institutum fieri permittatur.* Non igitur permissurus, nedum decreturus erat, ut ea fierent, quæ in ejusdem libri epistolis Augustodunensia privilegia continentibus statuuntur. Omnes illæ conjecturæ Launoi testimonio ipsiusmet Epistolæ S. Gregorii ad Brunichildem Reginam, quam citat, scilicet 8. libri undecimam confutantur. Sic enim legitur paulò ante finem; *Nos itaque pro munitione locorum, de quibus Excellentia vestra scripsit, omnia sicut voluit, sancire studuimus. Sed ne fortasse ab eorum locorum Præpositis eadem decreta nostra quoquo tempore suppressantur, pro eo, quod eis quadam interdicta esse noscuntur, hac eadem consuetudine gestis est publicis inferenda; quatenus sicut in nostris ita quoque* IN REGALIBVS SCRINIIS TENEATVR. Illi enim locorum Præpositi, quibus per illa privilegia quædam erant interdicta, erant sine dubio Prælati Ecclesiastici; Nam Præpositiis sæcularibus secundum principia Launoi, non Papa, sed Regina, vel Rex interdicare debuisset; & inutilis fuisset

faciat.

factarum prohibitionum in Scriniis Apostolicis asservatio. Non videntur etiam intelligendi locorum illorum Abbates, seu Præfecti; quia vel illud interdictum juribus Episcoporum favebat; & tunc nihil opus erat, ut in Scriniis Apostolicis simul, & Regiis asservaretur; satis enim conservandis suis juribus consulturi erant Episcopi; vel Episcopalibus juribus adversabatur; & sic S. Gregorius non ita Jurium Episcopaliū religiosus erat custos, ut, dum occurrebant causæ rationabiles, dispensationem non concederet. Si denique Episcopis nec suffragabatur, nec adversabatur, non erat tanti momenti, nec tantam requirebat cautionem, ut Episcoporum, quibus Monachi plenissimè fuissent subiecti, curæ relinqui non posset: Erant ergo illi Prælati locorum Episcopi, quibus erant quædam interdicta. Notanda est hæc vox *quædam*; quia per hæc privilegia non fit omnimoda subtractio Monachorum à jurisdictione Episcopali, ut observavit Dominus de Marca lib. 3. cap. ult. n. 4. Itaque non recessit Gregorius à mente Concilii Chalcedonenfis, ea privilegia indulgens, quæ ad fovendam regularem disciplinam & quierem in prædictis locis piis conducebant; nec Canonicæ disciplinæ, cujus sanctus ille Pontifex erat studiosus, adeò adversabantur, ut falsa esse concludamus.

CAPUT VII.

Prædictam propositionem Cleri Gallicani non esse consonam doctrinæ S. Bernardi aliorumque Sanctorum

Doctorum.

1. Sanctus Bernardus de consid. lib. 4. cap. 3. sic Eugenium III. alloquitur; *Quid tu denuò usurpare gladium tentas quem semel jussus es ponere in vaginam? Quem tamen qui tuum negat non satis mihi videtur attendere verbum Domini dicentis sic; Converte gladium tuum in vaginam. Tuus ergo, & ipse tuo forsitan natus, & si non tua manu evaginandus. Alioquin si nullo modo ad te pertineret, & is, dicentibus Apostolis; Ecce gladii duo hic, non respondisset Dominus, satis est, sed nimis est. Uterque ergo Ecclesia, ET SPIRITUALIS SCILICET GLADIUS, ET MATERIALIS, sed is quidem pro Ecclesia,*
illo

ille verò & ab Ecclesia exercendus est. Ille Sacerdotis, is militis manum, sed sanè ad nutum Sacerdotis, & iussum Imperatoris. Ex quibus S. Bernardi verbis, quæcunque adhibeatur interpretatio, necessariò resultat Ecclesiasticam potestatem, saltem indirectè, ad temporalia Principum ex mente S. Bernardi pertingere. Docet enim apertissimè summum Pontificem habere jus imperandi ut bellum geratur adversus Ecclesiæ hostes. Si ergo Princeps Christianus non solum à fide ipse desciceret, sed etiam subditos averteret, nec alia posset ratione comprimi, posset Ecclesia contra eum alios ad bellum inducere, ac ita eum à dominio deturbandum curare. Hanc tantùm Ecclesiasticæ partis potestatem adstruere visum est S. Bernardo pro temporis sui conditione, nimirum ob expeditiones Christianorum Occidentalem in Terram Sanctam contra Infideles. Fulconis Archiepiscopi Remensis, & Ivonis Episcopi Carnotensis sententiam referemus cap. 11.

2. Doctrinam illam magis explicat S. Thomas Universitatis Parisiensis Alumnus 2.2. quæst. 12. art. 2. in corp. *Infidelitatem illorum, qui fidem susceperunt potest (Ecclesia) sententialiter punire, & convenienter in hoc puniuntur, quod subditis fidelibus dominari non possint. Hoc enim vergere posset in magnam fidei corruptionem, &c.*

3. S. Bonaventura ejusdem Universitatis Parisiensis Alumnus tom. 7. par. 2. de Ecclesiastica Hierarchia cap. 1. *Patet, inquit, quod dignitas Clericalis, quæ in sua radice considerata, est penitus spiritualis, meritiò est consona Ordini dominationis, quæ sic præcedit alios inferiores Ordines, quod illos illuminat, perficit, & purgat, & tamen ab illis non illuminatur, nec perficitur, nec purgatur. Quia sicut spiritus dignitate, & officio præcellit corpus, sic potestas spiritualis dignior est, quàm secularis, & ideo bene sortitur nomen dominationis. Unde REGALIS POTESTAS SVBIACET POTESTATI, ET AVTORITATI SPIRITUALI, sicut in prima Canonica Petri, dicitur: Vos estis gens sancta, Regale Sacerdotium, &c. nam TEMPORALE REGNUM VELVT QVODDAM ADIECTVM SVBIACET SACERDOTIO IN NOVO TESTAMENTO; sed in veteri Testamento Sacerdotium sufficit Regno, unde dicitur in Exod. Elegi vos in populum peculiarem, in Sacerdotale Regnum, ubi Regnum ponitur substantivè sed Sacerdotium adjectivè. Hæc fortè de sola dignitate, & excellentia potestatis spiritualis supra sæcularem intelligi possent*

possent, sed continuò addit; *Es ideo Reges tunc poterant amovere Sacerdotes, sicut Salomon amovit Abiathar. Iam verò POSSUNT SACERDOTES, ET PONTIFICES EX CAUSA AMOVERE REGES, ET IMPERATORES, SICUT SÆPIVS ACCIDIT, ET VISVM EST. Quando scilicet eorum malitia hoc exigit, & Reipublica necessitas sic requirit. Summus verò Pontifex, penes quem prima in terris residet autoritas, non à Rege, non à Principe seculari, non ab homine iudicatur, sed solus Dei iudicio reservatur.*

4. Augustinus Triumphus sanctorum Thomæ, & Bonaventuræ Parisiis discipulus, vir doctrinâ, & pietate insignis, & à plerisque cum Beati titulo nuncupatus, Magistrorum suorum doctrinæ suffragatur, quod adeò est evidens, ut excessisse aliquibus videatur.

5. Difficillimum est, ne dicam impossibile, ut autoritates paris cum jam adductis momenti, proferantur ad confirmandam Cleri Gallicani primam propositionem. Nec video quomodo etiam universim accepta probabilis possit evadere doctrina, Conciliorum œcumenicorum sententiâ, & praxi, & sanctorum Patrum, ac Doctorum calculo improbatâ; Multo minùs quomodo possit, prætextu libertatum Ecclesiæ Gallicanæ, quæ Canonibus & Patrum traditione niti dicuntur, toti Galliæ credenda proponi, advocatâ Principis potestate, ut etiam eam profiteri ac docere pœnis indictis Theologico-gantur.

CAPUT VIII.

Ecclesiæ in temporalia potestas probatur autoritate aliorum Theologorum Gallorum, vel in Gallia educatorum.

1. **A**lexander Alensis Doctoris irrefragabilis epitheto celebris, in schola Parisiensi Professor, S. Thomæ, ac S. Bonaventuræ Præceptor, summæ Theologiæ par. 4. quæst. 10. tract. de offic. Miss. par. 2. super hæc verba; *Et Regem nostrum;* Ugonem de S. Victore lib. 2. Sacrament. par. 2. cap. 4. fere ad verbum explicans, *Spiritualis, inquit, potestas terrenam potestatem insinuere habet, ut sit, & iudicare habet, si bona non fuerit. Spiritus autem potestas præ-*

Aa

mum

num instituta est, & cum deviat, à solo Deo judicari debet. Unde spiritalis iudicat omnia, & ipsa à nemine iudicatur. Quod Regalis potestas ordinata est, & instituta per spirituale, patet per hoc, quia adhuc in Ecclesia Sacerdotalis Dignitas Regalem potestatem sacrat, & sanctificans per benedictionem, & formans per institutionem. UNDE REGALIS POTESTAS IVRE INFERIOR EXISTIMATUR.

2. Umberto ex Diœcesi Viennensi, Parisiis educatus, serm. 70. cuius titulus est; Sermo in solempni depositione Magnatum secularium per Ecclesiam faciendâ; Ista autem auctoritate magna utitur Ecclesia in depositione Principum, non solum illorum, qui sunt ei subiecti in temporalibus, de quibus clarum est, quod potest sed illorum, QUI SVB SVNT EI SOLVM IN SPIRITVALIBVS, in quibus propter culpas eorum habet potestatem, quia ratione delicti sunt ei omnia subiecta. Quod autem sic possit facere patet ex tribus. In mundo enim maiori spiritalia scilicet Angelica creatura sunt super corporalem & eam regunt. Similiter in minori mundo scilicet in homine est spiritus super corpus & ipsum regit. Eadem ergo ratione & in Ecclesia Pontificalis potestas qua est spiritalis debet esse super omnem potestatem (secularem). Preterea Papa, qui est super omnes potest deponi ab Ecclesia, quæ tota subest ei in casu, ergo multo fortius QVICVNQVE REX DEPONI POTEST A PAPA CVM OMNES SVBSVNT. Præterea si Rex aliquis qui nihil tenet nisi à Deo non posset deponi à Papa, CVM INTERDVM EXPEDIAT EVM DEPONI, ut offensum est, ergo non reliquisset Deus sufficientem potestatem in Ecclesia ad regimen mundi, quod est inconueniens.

3. Henricus à Gandavo, qui diu Parisiis docuit, ibique scripsit. Quod lib. 6 qu. 23. pag. 244. Reddet, inquit, (Papa) rationem tanquam superior Iudex de rebus etiam temporalibus hominum si dimittat eas A REGIBVS male & iniuriose tractari; non quia jurisdictionem habeat ordinariam in temporalibus Regibus commissis, sed quia in certis casibus jurisdictionis suæ habeat liberam, imò necessariam executionem juxta illud quod legitur Extravag. qui filii sunt legitimi per venerabilem. Ubi dicitur non solum in Ecclesie patrimonio, super quo plenam in temporalibus gerimus potestatem, verum etiam in aliis Regionibus, certis causis inspectis temporalem jurisdictionem casualiter exercemus. non potest deponere Papa Principes, nisi ratione delicti aut insufficientia. Quod bene exprimitur in illo cap. Aliis, Ubi dici-

itur,

tur Romanus Pontifex Zacharias Regem Francorum non tam pro suis iniquitatibus, quàm pro eo QUOD TANTÆ POTESTATI INVILIS ERAT, A REGNO DEPOSUIT, & secundum hoc Sacerdos Apostolicus se habet ad Reges, & Principes, sicut Architector civilis ad alios artifices in Civitate. Sicut enim Architectonici est, præcipere, qui & quales debent exercere scientiam medicinalem, Rhetoricam, & sic de aliis in Civitate, & quosdam admittere, quosdam repellere: sic Sacerdos Apostolicus debet considerare qui, & quales Regna, & Principatus regere debeant, & bonos honorare, MALOS AUTEM, ET MALE REGENTES DEPONERE, ET ALIOS LOCO ILLORVM SYBSTITVERE. Ad argumentum in hoc possum; quod dignitates distinctæ sunt: dicendum, quod verum est propter Divinam dispositionem, sed non ex natura rei, sicut dictum est, & hoc nõ penitus distincte, quin superior jurisdictio remanet penes Papā.

4. Eandem doctrinam statuit Petrus Paludanus in 3. sent. distinct. 40. q. 2. concl. 4. eamq; tum aliis, tum istis præcipuè rationibus confirmat; Major potestas includit minorem in ordinatis secundum ordinem finis. Sicut enim in artibus ars qua est de fine, imperat illi, qua est de eo, quod est ad finem 1. Ethic. sic debet esse in Principatibus. Unde cum corporalia ordinentur ad spiritualia, VNIVERSALIS PRINCEPS IN TEMPORALIBVS DEBET SVBESSE VNIVERSALI IN SPIRITVALIBVS. Præterea talis ordo est inter Prelatos, sicut inter subditos. Sed spiritualia, quibus præest Papā, præfunt corporalibus, quibus præest Imperator, ut anima spiritui; ERGO PAPA IMPERATORI PRÆEST. Præterea in domo Patrisfamilias non debet esse nisi unum Caput, si domus est una. Si diceretur quod Caput Ecclesia non est Papa sed Christus. Sed tamen videtur, quod universalitas Hierarchia Ecclesiastica melius regatur, si sit unus Princeps tantum respectu omnium quam si sint duo aequales. Unde divisio inter Papam, & Imperatorem multum turbavit Ecclesiam. Unde videtur voluntas Christi, qui est Rector sapientissimus, quod non aqualiter hi duo principentur, sed unus sub alio, quod absurdum esset dicere de Papa, quod scilicet subesset Imperatori. Videri etiam potest in tract. de causa immediata potestatis: art. 4. ubi eandem statuit sententiam.

5. Herveus Natalis citatur ab Illustrissimo Cardinali Perronio ferè quasi nimium potestatem Pontificiam extollens; sed eam non minus efferunt plures alii Doctores Gallicani. Franciscus Mayronus in

Schola Parisiensi Professor insignis ob inductum morem, ut qui Doctoris Lauream in Sorbona esset adepturus à sexta matutina, usque ad sextam vespertinam continuò argumentantibus responderet, cui tempori additæ sunt adhuc duæ horæ, in 4. lib. sent. dist. 19. qu. 4. inter alia multa de summi Pontificis auctoritate, hanc quartam conclusionem ponit; *Plenitudo potestatis secundum utramq; jurisdictionem concurrat in eandem personam. Hoc patet auctoritate Christi dicentis; Quodcumque ligaveris, &c. Dices fortè quod verum est in spiritualibus, sed tunc arguisc. Quia in subordinatis quidquid potest inferior, potest & superior; sed Papa est superior ad Imperatorem: ergo, &c.*

6. Petrus Bertrandi, aut, ut alii volunt, Durandus Episcopus Meldensis in tract. de orig. jurisdictionis seu de Jurisdic. Ecclesiast. quæst. 3. hæreseos damnat eos, qui negant cognitionem de rebus temporalibus ratione peccati ad Ecclesiam spectare. *Et sic*, inquit, *patet, intelligi illud, quod habetur in Decretis dist. 21. c. 1. ubi dicitur, quod Christus commisit B. Petro jura Cælestis Imperii, & Terreni. Et qui hoc privilegium Romana Ecclesia detrahit, in hæresim labitur, & hæreticus est dicendus.* Deinde pluribus explicat, & probat regimen temporale spiritualis directioni, & correctioni subesse.

7. Ipsimet Theologi, qui causam Principum adversus summos Pontifices propugnarunt, non absolute, ac in omni casu potestatem Ecclesiasticam à temporalibus Regum excluderunt, ut animadvertere licet in illis ipsis opusculis quæ nuper in lucem revocata sunt sub titulo, *Vindicia doctrine majorum &c.* de quibus in lib. nono. Nam Auctor quæstionis disputatæ quæ illic Egidio Romano, Archiepiscopo Biturienti tribuitur art. 4. sic scribit; *causa mixta sunt causa temporales, quæ connexionem quandam habent cum spiritualibus: sicut causa feudalis, quæ de se temporalis est, connexionem potest habere cum juramento, vel pacto, sicut patet de dissensione mota inter Reges Franciæ, & Angliæ super Comitatu Pictaviensi: Papa quia non poterat directe cognoscere de causa feudali, indirectè ratione juramenti vel pacti introrsit se de illa, Extravagant. de judicio. cap. Novit. ubi dicit Hostiensis in Gloss. super verbo de feudo, non intendimus cognoscere de feudo, sed tantum ratione pacti, inducendo illum ad poenitentiam, quia illam non potest agere, nisi satisfaciât. Item causa dotis per se temporalis est, & ad sacularem Iudicem pertinet, si de ipsa tantum agatur: ta-*

mem

men quando Iudex Ecclesiasticus cognoscit principaliter de matrimonio, si incidat causa dotis tanquam accessoria cognoscet de illa sicut de principali, cui est annexa, ut patet Extravag. de Donat. inter virum & uxorem, cap. de prudentia. Ibi dicit Glossa. Quia si non est matrimonium, neque dos, & ita dos accedet matrimonio: Ideo qui cognoscit de principali debet cognoscere de accessorio ut habetur Extravag. de officio delegati cap. Præterea & cap. prudentiam. Sic etiam de hereditate cognoscit Iudex Ecclesiasticus ratione incidentis. Extravag. qui filii sunt legitimi, cap. per tuas, & cap. Ex tenore. Alii sunt plures casus speciales, in quibus Iudex Ecclesiasticus cognoscit de temporalibus, quos enumerat Hostiensis In Glossa Extravag. de Iudiciis cap. Novit. Sic erga regulariter verum est, quod de causis merè spiritualibus solus Papa, & alii Iudices Ecclesiastici habent cognoscere: de causis vero merè temporalibus habent cognoscere Reges, Imperatores, & alii Iudices seculares. Et sic Rex Francia secundum iura non subest Summo Pontifici, nec ei tenetur respondere de fendo sui; POTEST TAMEN ET SYBIACERE INCIDENTER, ET CASUALITER RATIONE CONNEXIONIS ALICVIUS CAUSÆ SPIRITUALIS sicut habetur Extravag. de Iudiciis cap. Novit. & Extravag. Qui filii sunt legitimi cap. per venerabilem.

8. Joannes de Parisius quem Cæsar Egassius Buleus in hist. univer. Paris. tom. 4. ad annum 1303. pag. 61. dicit scripsisse pro Philippo IV. Rege Francorum adversus Bonifacium VIII. Papam, quantumvis Principibus faveat in Tractatu de potestate Regia, & Papali, non potuit tamen aliquam in eos potestatem Pontificis non reservare his verbis cap. 14. Si esset hæreticus & incorrigibilis & contemptor Ecclesie censura, POSSET PAPA ALIQUID FACERE IN POPULO, VNDE PRIVARETUR ILLE SÆCVLARI HONORE, ET DEPONERETUR A POPULO. Et hoc faceret Papa in Crimine Ecclesiastico, cuius cognitio ad ipsum pertinet, excommunicando scilicet omnes, qui ei, ut Domino obediunt; & sic populus ipsum deponeret, & Papa per accidens. Auctoris Tractatus de utraque potestate sæculari & Ecclesiastica, qui somnium Viridaris inscribitur, verba capite sequenti referemus.

9. Joannes Gersonius Doctor & Cancellarius Pariensis tract. de potestate Eccl. considerat. 12. Potestas Ecclesiastica Papalis, inquit, non ita habet dominia, & iura terreni simul, & Cælestis Imperii; quod possit ad libitum suum de bonis Clericorum, & multò minus Laicorum dispo-

nere, quamvis concedi debeat, quod habet in eis dominium quoddam regitivum, directivum, regulativum, & ordinativum. Et infra: Postremo suis terminis ita potestas Ecclesiastica se coerceat, ut meminerit potestatem secularem etiam apud Infideles suam habere propria jura, suas dignitates, suas leges, sua judicia, de quibus occupare se Ecclesiastica potestas non presumat vel usurpet, nisi dum redyndat abusus potestatis secularis in impugnationem Fidei et blasphemiam Creatoris, et in manifestam Ecclesiasticæ potestatis iniuriam, tunc enim attendere convenit ultimam hujus considerationis 12. particulam, quod in his Ecclesiastica potestas habet dominium quoddam regitivum, directivum, ordinativum, & regulativum.

10. Jacobus Almain Doctor Parisiensis Ludovici XII. Regis Franciæ, juxta Richerium defensor tract. de potestate Ecclesiastica, & Laica cap. 9. Non dedit (Deus) potestatem (Petro) Laicos suis proprietatibus, & dominiis privandi, nisi in casu, si contingeret Principem secularem abuti re suâ in perniciem Christianitatis, vel fidei; ita quod ille abusus esset in maximo nocumto pro consecutione felicitatis æternæ. Non negat quin in tali casu Papa possit eum deponere, etsi alii Doctores hoc negent, qui tamen docent, Papam habere potestatem declarandi ipsum Principem esse deponendum. Et q. 2. cap. 5. ad caput octavum Guilielmi Occam; Verumtamen, dicit Doctor, quod Papa potest Imperatorem deponere, in duobus casibus: Primus pro crimine pure spirituali, ut est hæresis: Secundus quando illi ad quos spectat jure ordinario sunt negligentes ipsum deponere. Unde dicit Doctor 3. parte Dial. 2. lib. quod universaliter si negligat Judex secularis exercere jurisdictionem laicam pro loco & tempore devolvitur potestas exercendi ad Judicem Ecclesiasticum, &c. resolutio Doctoris in hoc argumento est cum apparentia, quod nunquam potest Papa Principem secularem (seclusis suis vassallis) deponere nisi in duobus casibus prædictis.

11. Joannes Major Doctor Parisiensis alter prædicti Regis ex Richerio defensor in 4. sent. dist. 24. ad quartum argumentum contra tertiam conclusionem; Si dicatur quod habet (Papa) Dominium in temporalibus casualiter, & quod multum potest agere ad depositionem Regum suadendo, consultando, imò alios provocando in eos gladio manuali, quando Reges sunt labefactores fidei, & Reipublica Christiana injuriales: hæc minus ferendum est, & non esset remota opinio a dictis nostris.

CAPUT IX.

Eandem esse de illa Ecclesia potestate juris, tum Canonici, tum Civilis peritorum sententiam.

1. **J**uris præsertim Canonici interpretes, aut tractatores Ecclesiasticam potestatem in temporalia Principum magis adhuc, quàm Theologi, explicuerunt. Ex quorum infinito propemodum numero paucos tantum Gallos profero.

2. Guilielmus Durandus Episcopus Mimatenfis in specul. Jur. particula prima, tit. de Legato §. Nunc ostendendum, qui est. 6. n. 17. de auctoritate Papæ ita scribit; *DEPONIT IMPERATOREM PROPTER IPSIUS INIQUITATES, ut Extravag. de re judicata ad Apostolica lib. 6. Et etiam Reges, ut 15. q. 6. Alius. Et dat eis Curatores ubi ipsi sunt inutilis ad regendum. Vi extra de suppl. neglig. Pralat. grandi lib. 6. n. 32. Item ipsa renovat leges Imperiales, ut in Constitutione Gregorii X. Properandum.*

3. Joannes Monachus à Gallia oriundus in cap. Grandi de supplen. neglig. Pralat. num. 4. sic scripsit; *Sed quid ad Papam de Regibus, Et eorum Regnis? videtur immittere falcem suam in messem alienam, quod esse non debet supra de electio. venerabilem, in princip. sed dic quod Papa in quemlibet habet jurisdictionem, NEC EST DUBIUM RATIONE PECCATI infra de judiciis. Novit. Et in spectantibus ad pacis reformationem 90. dist. per tot. &c. Vide etiam num. 5. In cap. autem Apostolicæ de sensen. & re judic. num. 9. notat, quod PAPA DEPONIT IMPERATOREM PROPTER CRIMEN, ut hic: Etiam PROPTER INVILITATEM REGES DEPONIT: 15. quæst. 6. Alius: Etiam ipsis Regibus male administrantibus Coadjutores Et Coadministratores dat. supra hoc lib. de supplen. neglig. Pralat. Grandi. Ecclesia etiam Principes compellit exhibere justitiam 23. q. 5. administratores. Etiam jurisdictione utitur ex eorum negligentia sup. de foro compet. Ex tenore. Oportet enim ponere unum Principatum, ad quem omnes recurrant 6. q. 1. In apibus.*

4. Etiam à tempore dissidii inter Bonifacium VIII. & Philippum IV. Regem Franciæ, in quo maximè controversa fuit jurisdictio Ecclesiastica in temporalia Regum, non solum Doctores Ecclesiasticos, sed ipsos etiam Officiales Regios hanc potestatem confessos fuisse patet ex Tractatu de utraque potestate seculari Et Ecclesiastica, qui som-

nium

nium *Viridarii* est inscriptus, quemque alii Cancellario, alii Confiliario Caroli V. Regis Franciæ tribuunt, & certè in favorem potestatis laicæ scriptum fuisse constat. In eo tractatu defensor autoritatis secularis sub nomine Militis sic loquitur; *Concedendum est, quod Principatus Papalis concernit temporalia prout de necessario concernit spiritualia, cum ab eorum usu, vel abusu surgit peccatum, prout dicunt Textus, ratione peccati omnes cause spectant ad forum Ecclesiasticum cap. novit. de iudiciis, & cap. per venerabilem qui filii sint legitimi. Tamen principaliter disponendo, & autorizando nihil spectat ad Papam quantum ad temporalia. Et alibi. Nec debet se (Potestas Ecclesiastica) de depositione Imperatorum, seu Regum temporalium intromittere, prout in prioribus plenius fuit dictum, quantumcumque Rex, vel Imperator sit dignus depositione propter defectum quemcumque, vel crimen, quod non est inter spiritualia crimina computandum. Et idè si Imperator, vel Rex committit crimen dilapidationis, vel destructionis Imperii, seu Regni, aut damnabilis negligentia Imperii, vel Regni, vel Tyrannidis, vel quodcumque aliud propter quod non immerito deponi meruit, Papa non deberet eum deponere, sed populus à quo suam recipit potestatem tacite vel expresse; Excipit, nisi illi, ad quos pertinet, nollent, aut non possent facere iustitia complementum. Postea adducens exempla Pontificum deponentium Imperatores, varias affert responsiones; & allatâ opinione improbantium quod factum fuerat ab eis, addit; Fatentur tamen quod Papa potest transferre imperium, vel Regnum casualiter, ut quia non est alius superior; vel aliter aut Imperium, vel Regnum est transferendam de gente in gentem propter aliquod crimen spirituale gentis, puta si gens illa inficiatur heretica pravitare, vel ad legem Iudeorum, vel ritum Gentilium vel sectam aliam converteretur, vel propter aliud simile, vel propter crimen faculare, ut propter negligentiam, aut defectum aliâ, propter quod etiam iudicio sapientium Gentilium, vel Christianorum gens illa non esset digna aliâ gubernare. Si transferendum esset Imperium, vel Regnum propter crimen spirituale, dicunt quidem, quod Papa potest jure Divino transferre Imperium, seu Regnum, quia ipse in spiritualibus, & annexis eis habet plenitudinem potestatis quantum ad ea, quæ sunt de necessitate faciendâ. Alii dicunt, quod Papa in hoc casu non potest transferre Imperium, sive Regnum nisi laici fuerint damnabiliter negligentes, vel faventes genti à qua necesse est transferri imperium, vel Regnum, sed in*

ad Papam de crimine spiritali cognoscere, & denunciare illis, ad quos spectat, ut ipsum deponant. Quod si noluerint, vel non poterint. JURE DIVINO EST DEVOLUTA POTESTAS AD SYMMVM PONTIFFICEM: & hoc quia ipse habet plenitudinem potestatis quantum ad omnia, quæ sunt de necessitate faciendæ. Si vero Imperium transferendum esset de gente in gentem propter crimen aliquod sæculare, vel defectum alium, Papa auctoritate propria talem translationem non posset facere, nisi illi, ad quos spectaret, damnabiliter essent negligentes. Fatetur ergo Autor, & quidem frequenter, Ecclesiam posse Principes deponere, saltem pro criminibus spiritalibus, & etiam pro aliis culpis, si negligant ii, ad quos jus illud spectat.

5. Joannes de Selva tract. de Benef. par. 3. q. 8. n. 31. ita censet, PAPA SOLVS POTEST DEPONERE IMPERATOREM cap. Ad Apostolica de sent: & re judic. in 6. & no. doc. post Gloss. in cap. Venerabilem de elect. & in Clem. Romani de jurejur. Præterea facit, quod Papa potest deponere Regem, ut aliàs, DEPOSUIT REGEM FRANCIAE, quia erat effeminatus cap. Alius. 15. q. 6. Ita ille, licet in Senatu Parisiensi Præses.

6. Consentit, & amplius illam potestatem explicat in Senatu Tolosano Præses Stephanus Aufreus tract. de potest. Eccles. super laicis eorum, ac prærogativis Ecclesiæ, num. 32. Facit, quod notat Baldus in c. Imperialem §. fin. 1. col. de prohib. feud. alien. per feder. ubi dicit, quod si Dominus feudi non recognoscit superiorem, prout est Rex Francia, & Pares Curia ei nimis favent, Papa cognoscat. Sed dictum hujusmodi debet intelligi in causa ardua, quia sic loquitur allegatus cap. per Venerabilem n. 52. 113. Papa deponere potest Laicum à sua dignitate gloss. in cap. nullus 11. q. 1. 114. Papa potest absolvere Laicos à suis fallos à subjectione Principis temporalis cap. gravem de excess. Pralat. 115. Papa ex causa potest absolvere aliquem ab obligatione quasi Laico, qui ei non subest quoad temporalem jurisdictionem, si talis obligatio solum contrahitur ex fidei præstatione, ut in cap. 4. de jurejur.

7. Joannes Faber in Senatu Parisiensi Causarum Patronus in l. 1. Codicis de summ. Trinit. & fid. Cathol. nu. 10. sed de Papa, inquit, non est dubium; quin sit superior omnibus Christianis, & in temporalibus, & in spiritalibus: ut plene probat Hostiensis dist. cap. per Venerabilem verb. Paulus. Et idem Innocentius dist. ca. super verbo, non recognoscit, quod aliter probari potest, nam cum Papa sit Vicarius Domini,

cuius est plenitudo, &c. & qui est Princeps Principum, & Rex Regum secundum Apostolū in princ. & cui data est omnis potestas Matth. 7. ridiculosum esset dicere quin in omnibus temporalibus haberet superioritatem, & potestatem 12. q. 1. c. praecepimus. Et n. 11. Et cum omnis jurisdictio in Vicarium transeat extr. de offic. Vicar. quia infra de offic. ejus, qui vic. alter. obtinet. l. 1. Nusquam enim reperitur quod Dominus concedendo potestatem Petro restrinxit ad spiritualia. Nullus enim negare potest quin Iesus haberet omnimodam superioritatem si exercere voluisset, cum sit Creator, & sic Dominus. N. 12. Tamen satis credo quod Papa non se debeat intromittere de temporali jurisdictione. Imò debet tenere gladium in vagina: nisi in casibus qui tangunt prejudicium animae, vel iustitiae subversionem, vel alius peccatum. Extr. de judic. c. novit de foro competen. & c. 13. in casibus tamen praemissis cum agitur de prejudicio animae, vel populi, PAPA POTEST, ET DEBET PROVIDERE: ET SI NECESSE SIT QUOSCVNQUE REGES DEPONERE, vel interdicare eis administrationem, & ex minori causa quam privato: Cum eorum sanitas vel malitia plus ledat. Extr. de suppl. neglig. Pralat. c. grandi per Archidiaconum. & vide Innoc. dicto c. licet. Extr. de foro competen. 96. di. Cum ad verum Extr. de voto, & voti redem. c. licet in fin. Sic intellige, & determina quod no. in Authent. quomodo oport. Episc. & Clerici in princ. coll.

8. Ut inter Theologos ita & inter Jurisperitos Catholicos usque ad hanc postrema tempora etiam qui jurisdictionem Ecclesiae super Reges, & Principes in temporalibus angustare conati sunt, eam omnino negare ausi non sunt. Petrus Gregorius Tholosanus in variis Academicis Franciae successivè juris utriusque professor, de Repub. lib. 26. cap. 5. Quamvis dicamus, inquit, Imperatorem posse privari tanquam inutilem suo Imperio per summum Pontificem, vel Venerabilem de elect. & simil. Tamen non sequitur Papam idem jus habere in alios Reges omnes; DEMO TAMEN CAUSAS FIDEI, Et infra. EXCIPIO SEMPER, ut alias dixi, CAUSAS FIDEI; IN QUIBUS PRINCIPES CIVISCVNQUE SINT LIBERTATIS, ET POTESTATIS SVBICIVNTVR DIRECTE SEDI ROMANAE, & pro delictis in illis commissis puniri possunt. Sic tamen ut sicut delicta sunt personalia, & non transeunt personas delinquentes, ita nec poena, qua delicto debetur, non violat jus successorum in Regno, vel ex consuetudine recepta, vel ex lege Regni, qua proximi ordine post deficientem

deficienti vocantur. Potest enim qui imperat per delictum suum sibi nocere, & se indignum Imperio facere, at non potest præjudicare ei qui successurus ei est etiam ei invito, cum non habeat ab eo sed à majoribus vel ex lege familia. Et oppositis sibi autoritatibus Innocentii IV. in Concilio Lugdunensi relatio c. 1. de homic. in 6. & Bonifac. VIII. c. statutum de hæret. in 6. & c. felices de pœnis etiam in 6. respondet. Quamobrem responderem in prædictis constitutionibus in Principes quoque seculares ex causa peccati statuere, ut in aliis.

CAPUT X.

*Exempla Potestatis Ecclesiastica circa Regna temporalia,
ac primò circa Reges Francia.*

1. **C**hildericum III. Regem Galliarum, quantumvis ad Regni administrationem ineptum; non ante deposuerunt Franci ut Pipinum sibi præficerent, quàm intervenisset Romani Pontificis autoritas. Id expressè tradit Eginhardus Caroli Magni Secretarius in vita illius Imperatoris, his verbis: *Gens Merovingorum de qua Franci Reges sibi creare soliti erant usque in Childericum Regem, qui jussu Stephani Romani Pontificis depositus, ac de consensu, atque in Monasterium trusus est, aut asseputatur Pipinus autem PER AVTORITATEM PONTIFICIS ex Præfetto Palatii Rex constitutus, &c.* Et in annalibus ad ann. 749. Burchardus Wirtzburgensis Episcopus, & Iohannes Præbiter Capellani missi sunt Romam ad Zachariam Papam, ut consulerent Papam DE CAUSA REGVM, qui illo tempore fuerunt in Francia, qui nomen tantum Regis, sed nullam potestatem Regiam habuerunt: per quos prædictus Pontifex mandavit melius esse illum vocari Regem, apud quem summa potestatis consisteret, dataque autoritate sua jussit Pipinum Regem constitui. Et ad ann. 750. Hoc anno secundum Romani Pontificis sanctionem Pipinus Rex Francorum appellatus est, & ad hujus dignitatem honoris unctus sacra Unctione manu S. memoria Bonifacii Archiepiscopi, & Martyris, & more Francorum elevatus in solium Regni, in Civitate Sneffonia, Childericus; verò, qui falso Regis nomineungebatur, tonsa capite in Monasterium missus est.

2. Eginhardi fidem cum dubiam efficere nequeat Joannes Lau-noius, in restringendam Summi Pontificis autoritatem semper intentus; quippe cum sciat illum Scriptorem & magnæ probitatis, &

exactæ sinceritatis fuisse, ac rem paulò antea gestam, atque aded sibi notissimam narrasse, vitam Caroli ab eo scriptam corruptam fuisse contendit; Annalium autem verba multifariam veriat, ut à proprio, & ut ita dicam, nativo sensu defleat 6. par. Epist. 9. ac primò quidem affirmat contradictionem esse talem, quæ *vix dilui possit* inter loca vitæ Caroli Magni, & loca Annalium. Hæc contradictio, ni fallor, in eo esse illi vila est, quod in vita Caroli Magni Childerici destitutio, & institutio Pipini tribuantur Stephano Papæ, in Annalibus verò Zachariæ; sed mirum est quod vir aded acutus non viderit, aut, qui sincerissimos Scriptores malæ fidei tam sæpè incusat, dissimularit, imaginariam illam contradictionem seipsâ evanescere, si verbis, quæ ipse retulit ex Libello *de Majoribus domûs Regia*, addantur sequentia, quæ ipsæ omisit. Nam ex utrorumque conjunctione liquet, rem à Zacharia sub finem Pontificatûs sui inchoatam, à Stephano ejus successore fuisse perfectam, aut à Zacharia per S. Bonifacium Archiepiscopum Moguntinum factam, Stephanum per seipsum confirmasse. Hæc refert Launoius; *His temporibus Hildricus in Regno Francorum substituitur, de quo Pipinus Dux Legatos ad Zachariam Papam dirigit interrogans eum; si ita manere debent Reges Francorum, cum penè nullius essent potestatis, solo Regio nomine contenti. Quibus Legatis Romanus Pontifex respondit, illum debere Regem vocari, qui Rempublicam gereret. Deponso igitur Hildrico, & in Monasterium detruso mox Franci Pipinum sibi Regem constituunt; sequuntur autem ista, Hic enim rebellantes sibi omnes subegerat, Grifphonem videlicet fratrem suum, Tassilonem quoque ex sorore Nepotem; quorum alterum Austrasiorum, alterum Baiuvariorum Ducem instituit. Denique Zachariâ Pontifice defuncto, Stephanus succedit, qui in Franciam ad Pipinum urgente necessitate venit, eumque, ac duos filios ejus Karolum, & Karlomanum pariter suæ benedictionis oleo perunxit.* Rem ita, ut diximus gestam, contigisse testantur alii Scriptores infra referendi.

9. Addit Launoius Zachariam utpotè consultum, mentem suam aperuisse, ut Consulorum mos est, non autem potestatem interposuisse; *Id, inquit, Eginhardi verba hæc (Pipinus more Francorum elevatus in solium Regni) omnino exigunt. Nam qui ante Hildricum, & Pipinum elevabantur in Regni solium auctoritate Francorum, non Romani Pontificis elevabantur. At certè verba illa, more Francorum*

corum neque omnino, neque ex parte exigunt consilium tantum à Zacharia datum. Illorum enim sensus apertus est de Ceremoniis in Regum elevatione observari solitis, non autem de electionis jure. Ac sicut ex his concludi non debet, nec potest, Romanum Pontificem non fuisse consultum, licet is antea non fuisset *mos Francorum*; cum Eginhardus consultationis expressam faciat mentionem, ita inferri non debet, nec potest, Summum Pontificem consilio non adjunxisse auctoritatem, cum contrarium luculentissime testetur Eginhardus his verbis: *iussum Stephani Romani Pontificis, per auctoritatem Romani Pontificis; dataq; auctoritate sua iussit Pippinum Regem constituì secundum Romani Pontificis sanctionem Pippinus Rex Francorum appellatus est.* Ita scilicet delicata evaserat paucis abhinc annis Francorum conscientia, ut nomen Regis ei tribuere non auderent, qui Regiam auctoritatem jam erat adeptus, nisi Doctoris gravis opinione id sibi licere cognovissent.

4. De antiquiorum Franciæ Regum unctione, quam hic negat Launoïus, viderint Franci quid censendum sit, qui ad miraculum in Clodovei primi Christiani Regis Francorum gratiam factum, ejus originem referunt: mihi verba Eginhardi suprà relata Summi Pontificis auctoritatem satis videntur significare, etiamsi excluderetur Pipini unctio, quæ à Zacharia Pontifice per Bonifacium, & à Stephano per se ipsum facta narratur.

5. Testimonium Eginhardi, quod solum sufficeret, quia, ut suprà innuimus, eo tempore vixit, quo rem narratam ignorare non potuit, & ea sinceritate scripsit, ut fides ei negari non debeat, confirmant Aymonius in lib. 4. de gest. Franc. cap. 61. Regino Prumiensis Abbas in lib. 2. Chronic. Marianus Scotus in lib. 3. Chronic. Otto Frisingensis in lib. 5. histor. cap. 21. Abbas Urspergensis in Chronico. Sigebertus in Chronico ad annum 650. Paulus Æmilius in lib. histor. Franc. Fredegarius Scholasticus in fine Chronici. Guillelmus Nangius in Chronographia manuscripta, Robertus Guaguinus in lib. 3. histor. Franc. Carolus Sigonius in lib. 3. histor. de Regn. Ital. quorum verba refert Launoïus. Attamen ipse suo more tot testimoniis, aliorum quorundam silentium anteponebat.

6. Imò illi unius Scriptoris silentium sufficit adversus affirmativa plurimorum testimonia. Sic enim in hac Epistola de Anastasio, Re-

gnum Childerico abrogatum & Francos Sacramenti Religione solutos tacente, scribit; *De Anastasi*, inquam *silentio*, quod si cum circumspeditione, & accurata consideratione perpendatur, de falsitate rerum istarum dubitandum locum nullum relinquit. Quis enim prudens, & attentus crederet, virum Sedis Apostolica magnitudini, & commodum additum, & in Romanorum Pontificum scriniis versatum id commemorare, quod Gregorius VII. Otto Frisingensis, Abbas Urspergensis, Joannes Trittenius, & Recentiores alii tam cupide commemorant, neglexisse? Quis, inquam, prudens, & attentus hoc crederet, tum ex aliis, tum ex eo quoque, quod antea simile nihil in Romana contigisset Ecclesie? Igitur Anastasius non tam silet, quam eloquitur, non accidisse, quod illi accidisse narrant.

7. Sed in quodcumque latus se vertat Launoius, tot, & tam insignia sunt testimonia, quæ summi Pontificis auctoritatem in Childerici destitutione, ac Pippini institutione intercessisse affirmant, ut lectis illis, etiam in ipsius Launoii Epistola, impossibile sit eis fidem non habere quantum ad rem ipsam, quamvis ille suo argumento negativo ab Autorum silentio petito, vel aliis conjecturis, aliquas circumstantias valide confutaret, quod facere sibi immerito visus est.

8. Misera enim cavillatio, quæ verba illa, *mandatum, iussus, auctoritas*, & similia, quibus scriptores utuntur, cum de summi Pontificis ea in re partibus loquuntur, denotare tantum consilium, aut opinionem interpretatur, ex ipsorum locorum imperturbato mentis oculo, ac sine præpostero affectu lectorum, contextu dissolvitur. Præsertim si Autorum ipsorum conditio attendatur, cur enim v. g. Eginhardus, cum dixisset; *Pontifex mandavit, melius esse illum vocari Regem, apud quem summa confisteret*, quæ opinionem, & consilium abundè significassent, addidisset; *dataque auctoritate sua iussit Pippinum Regem constitui*, quæ verba de potestate non possunt non intelligi, nisi fides historiæ hanc declarationem postulasset? An Eginhardi, jam à juventute in Aula Caroli Magni educati, intererat, cum hæc scriberet, summis Pontificibus ab blandiri, vel eorum jurisdictionem ampliari in præjudicium Regum Francorum? An idem consilium fuit aliis scriptoribus Gallicanis tam multis?

9. An Sigibertus Gregorio VII. infensissimus, & Imperatoribus, quorum tempore scribebat, quorumque causa Pontificibus

car

tam parum æquus fuit, addictissimus, depositioni Henrici auctoritatem accerere ab exemplo Regum Franciæ non prætermisisset, si aut historiæ integritas, aut evidens rei gestæ veritas permisisset? An simplex Papæ consilium, seu responsum his verbis expressisset; *Pippinus verò Princeps Apostolica auctoritate & Francorum electione à S. Bonifacio Moguntia Archiepiscopo in Regem ungitur, & consecratur.* Ad annum 750. An qui falsa non paucā in favorem Imperatorum, vel à se excogitata, vel saltem à Testibus fide indignis accepta, narravit, tam incautè locutus fuisset, ut opinionem pareret à suo affectu longè alienam, si eam dubiam habuisset.

10. An Otto Frisingensis, tot Imperatoribus sanguine conjunctus, quos inter, & summos Pontifices altercationes intercesserunt, tam graves, tamque diuturnæ, ne Avi sui destitutionem à Gregorio VII. factam confirmaret, non abstinuisset verbis, quæ hanc summi Pontificis auctoritatem clarè denotant, si absque historiæ legum violatione potuisset; *Anno, inquit, ab Incarnatione Domini 752. reversis à Roma Nunciis auctoritate Zacharia Papa Pippinus à B. Bonifacio Moguntino Archiepiscopo, aliisque Regni Principibus in Sueffona Civitate ad Regnum eligitur lib. 5. histor. cap. 22. Anno Domini 754. Pippinus à Stephano Papa I. à fidelitatis Sacramento, quod Hildrico promiserat cum aliis Regni Francorum Proceribus absolvitur, ac deponso Hildrico, & in Monasterium detruso postmodum in Regem ungitur.* Ibidem cap. 23. Iterum in his verbis notare potes solutionem contradictionis, quæ à Launoio vocatur *pugna, qua vix dilui possit.* Otto enim lucidissimè narrat Pippinum, & à Zacharia per Bonifacium Moguntinum, & à Stephano ipso unctum, ut dubitari non possit Eginhardum idem factum modò uni, modò alteri Pontifici non tribuisse, sed cuique suum.

11. Maximi ponderis est Ottonis testimonium, tum propter egregium viri meritum, tum propter accuratam in evolvendis historiis diligentiam, & in referendis fidem; Tum denique quia cum diu Parisiis versatus esset, sedulamque studio operam dedisset, faciliè fuit ei veritatem addiscere. Pro suo erga Henricum IV. Avum suum affectu legerat, & relegerat Imperatorum gesta, ut sciret, an antea fuisset aliquis à Romanis Pontificibus excommunicatus, & depositus, ne-

gatqu

gatque lib. 6. cap. 35. id antea factum in Romanorum Reges, aut Imperatores, sed tantum Philippicum aliquandiu à Romano Pontifice inter Pœnitentes retentum, & Theodosium ab Ecclesia exclusum à Beato Ambrosio. Quis igitur credat eum temerè, ac sine examine recepisse illam de Regibus Francorum historiam, quandoquidem ipse post verba relata paucis interjectis subiungit; *Ex hoc Romani Pontifices Regna mutandi auctoritatem trahunt.* Putasne rei ejusmodi originem sine discussione admissam ab Ottone,

12. Nonne Conradus Abbas Urspergensis, qui Gregorium IX. tam insolenter carpit, ut Frederico II. patrocinetur, suppressisset, si passa esset historiæ veritas, quæ auctoritatem Papæ in Principes tam apertè præse ferunt. Ait enim in Chronico ad annum 751. *Zacharias verò Papa super hujusmodi negotio consultus remandavit melius esse illum vocari Regem, apud quem summa potestas consisteret; dataque auctoritate sua PIPPINVM REGEM CONSTITVI IVSSIT.* Anno Domini 752. *Pippinus per auctoritatem Zachariae Papæ more Francorum electus ad Regnum per manus S. Bonifacii Archiepiscopi Moguntiacensis elevatus est in Regni solum in Snessionum Civitate. Pippinus ex Præfecto Palatii auctoritate Apostolicâ sublimatus, & unctus in Sedem Regni postea regnavit annis quindecim, absolutus per Papam Stephanum à juramento quod Regi Hilderico cum cæteris Regni Primoribus fecerat.* Hic rursus vide compositam pugnam, quæ vix dilui posse Launoio videbatur,

13. Auctoritatem suam in omnibus dubiam efficit qui facta adeò certa, & tot testimoniis comprobata negare, ut Launoius, audeat, ac impugnare totis viribus enititur,

CAPUT XI.

Alia exempla potestatis Ecclesiasticæ in temporalibus.

1. Imperatoriam dignitatem Carolo Magno à Leone III. Papa collatam historici tum Græci, tum Latini, ac præcipuè Galli perhibent. *Ipse autem* (Carolus) inquit Eginhardus in Annalibus, scilicet ad annum 801. *cùm die sacratissima Natalis Domini ad Missarum solemniam Basilicam B. Petri Apostoli fuisset ingressus,*

Et coram Altari, ubi ad orationem se inclinaverat, assisteret Leo Papa Coronam capiti ejus imposuit, cuncto Romanorum populo acclamante, Carolo Augusto à Deo coronato, magno Et pacifico Imperatori Romanorum vita, Et victoria, post quas laudes à Pontifice more antiquorum Principum adoratus est, ac deinde omisso Patritii nomine Imperator Et Augustus appellatus. Ne quis autem putet Carolum quidem Imperatoriam dignitatem armis obtinuisse, à Leone autem ei Coronam tantum ex ceremonia, ut etiamnum in Gallia fit ab Archiepiscopo Remensi, fuisse impositam; scribit idem Eginhardus in vita illius Imperatoris, eum ab illo honore ambiendo ita fuisse alienum, ut si sibi deferendum præsensisset, abfuturus ab Ecclesia fuisset. Quo tempore, inquit, Et Imperatoris Et Augusti nomen accepit: quod primum in tantum aversatus est, ut affirmaret, se eo die quamvis principia se stivitas esset, Ecclesiam non intraturum fuisse, si consilium Pontificis praeire potuisset.

2. Summo Pontifici acceptam retulerunt Imperatoriam dignitatem successores Caroli Magni. Egregium est hujus professionis testimonium apud Andream du Chesne tom. 3. scilicet Epistola Apologetica Ludovici II. Imperatoris Occidentis, Lotharii filii, Ludovici Pii Nepotis ad Basilium Orientalem Imperatorem missa anno 871. in qua sic eum alloquitur; Cum Et ipsi Patris nostri gloriosi Reges absque invidia Imperatorem nos vocitenti, Et Imperatorem esse proculdubio fatentur, non profecto ad aetatem, quâ nobis majores sunt attendentes, sed ad unctionem, Et sacrationem, quâ per summum Pontificis manus impositionem Divinitus sumus ad hoc culmen provelti, Et ad Romani Principatus Imperium, quo super nos nunc potimur afficientes, Matrem omnium Ecclesiarum Dei defendendam atque sublimandam suscepimus, ex quâ Et regnandi prius, Et postmodum imperandi auctoritatem prosapie nostra seminarium sumpsit. NAM FRANCORVM PRINCIPES PRIMO REGES, DEINDE VERO IMPERATORES DICTI SVNT, II DVMTAXAT, QVI A ROMANO PONTIFICE AD HOC OLEO SANCTO PERFVSI SVNT. porro si calumniari Romanum Pontificem, quod gesseris, calumniari poteris Et Samuel, quod spreto Saule, quem ipse unxerat, David in Regem ungere non terneris.

3. Ad sanctam Sedem recurrerunt alii ad eandem impetrandam dignita-

gnitatem, quæ ipsi ex sola sanguinis cum præcedentibus Imperatoribus propinquitate non debebatur, ut exemplum Caroli Calvi demonstrat apud Sirmondum inter Concilia Galliæ, & apud alios.

4. Fulco Archiepiscopus Remensis, natalibus, doctrinâ, ac pietate celeberrimus, & à Reginone, Baronio, & Molano Martyribus annumeratus, eo quod mors illi ob propugnata Ecclesiæ jura illata fuerit (ut rursus videas doctrinam istam exemplis Sanctorum esse consonam) cum audisset Carolum Regem Francorum vulgò Simplicem nuncupatum, cui aliàs strictè adharebat, velle cum Northmannis inire societatem, gravissimam ad eum Epistolam scripsit, in qua hæc habet inter alia; *Deprecor vos itaque per Deum, ut tale deferatis consilium, ne velitis vos in aeternum precipitare interitum, & mihi, caterisque, qui secundum Deum vobis fideles sunt, aeterni doloris asferre dispendium. Melius enim fuerat vos non nasci, quàm Diaboli patrocinio velle regnare, & illos juvare, quos deberetis per omnia impugnare. Sciatis enim quia si hac omnia feceritis, & talibus consiliis acquieveritis, nunquam me fidelem habebitis, sed & quoscumque potero a VESTRA FIDELITATE REVOCABO, & cum omnibus Coepiscopis meis, vos, & omnes vestros excommunicans aeterno anathemate condemnabo. Pro fidelitate, quam vobis servo hac gemebundus scribo.*

5. Ivo Carnotensis Episcopus, doctrinâ, & pietate illustis epist. 46. quæ est ad Urbanum II. supponit auctoritatem Philippo Primo Francorum Regi per excommunicationem ademptam; quandoquidem scribit Summo illi Pontifici; *Hac ratio nec ex parte usuri (Philippi Nuncii) Regem cum Regno ab obedientia vestra discessurum, NISI CORONAM RESTITVATIS, NISI REGEM AB ANATHEMATE ABSOLVATIS.*

6. Unde inerat, nisi à pietate, atque à Religione, antiquis Gallis illa erga Ecclesiæ in Reges auctoritatem reverentia, quam illorum pethibent historiæ? Nam v.g. Regibus excommunicatis officia etiam vitæ aliquatenus necessaria, nedum alia Principibus exhiberi solita, negabant. An pios magis, magisque religiosos efficiet illius Regni fideles declaratio Cæterus Parisiensis, dum eis suadebit Ecclesiam, neque directè, neque indirectè quidquam in Principes posse quantum ad temporalia, quæ sola ferè (Proh dolor) ab hominibus hodie attenduntur.

7. Si Gallicanis externa addenda sunt exempla (quidni autem addantur cum propositio Cleri Gallicani ad Principes omnes genera-

tim

tim pertineat, ne sit ad Reges Gallia restrieta (qui fortè aliquo jure speciali, vel privilegio tueri se possè obtenderent) alia non pauca supputunt. Nam præter Romanos Imperatores, de quibus jam diximus, inortuo Zenone Imperatore, Ariadne ejus conjux, spreto Longino Zenonis fratre, Anastasium ad Imperium evehendum curavit, sed obstitit Euphemius Episcopus Constantinopolitanus, donec Anastasius fidem orthodoxam scripto professus est ; Cum Ariadne haberet in animo Anastasium habitu induere purpureo, Euphemius Episcopus usque eò consentire noluit, quoad Anastasius chiographum jurejurando confirmatum ei dedisset, quod planè declararet eum si sceptrum susciperet, Imperii fidem sinceram servaturum, nihilque rerum novarum introduiturum in Sacrosanctam Dei Ecclesiam: quod chiographum Macedonio Sacri Thesauri Custodi tradidit. Factum autem est illud ab Ephemio, quod Anastasius putabatur à nonnullis errore Manichæorum infectus esse. Evagrius histor. lib. 3. cap. 32. Idem Theodorus lector collect. ex histor. Eccles. lib. 2.

8 Cumque iterum Anastasius in hæresim lapsus esset, & Catholicos persequeretur, ei sese Symmachus Papa opposuit, ut in epistola ejus apologetica videre est, in qua docet Summus ille Pontifex, quis sit verborum sensus, quæ Prælati Parisienses ex Divo Paulo attulerunt; *Fortassis dicturus es scriptum esse: Omni potestati nos subditos esse debere; Nos quidem potestates humanas suo loco suscipimus, donec contra Deum suas erigunt voluntates. Caterum si omnis potestas à Deo est, magis ergo quæ rebus est præstituta divinis. Defer Deo in nobis, & nos deferemus Deo in te. Caterum si tu Deo non deferas, non potes ejus uti privilegio, cujus jura contemnis.*

9. Eleonora primum Gallia, deinde Angliæ Regina Ep. 2. ad Celestinum III. Papam pro liberatione filii Richardi Regis Angliæ à Leopoldo Duce Austriæ capti, & Henrico V. Imperatori consignati, & traditi, quæ epistola est 145. Petri Blefensis, sic scribit, *Nonne Petro Apostolo, & in eo vobis à Deo omne Regnum, omnisque potestas regenda committitur? Benedictus autem Dominus, qui talem potestatem dedit hominibus, non Rex, non Imperator, aut Dux à jugo vestre jurisdictionis eximitur; ubi est ergo zelus Phinies? Ubi est autoritas Petri? Ubi est qui dicat zelus Domus tue comedit me? Appareat quod non in quantum dati sunt vobis, & Coepiscopis vestris gladii ancipites in mani-*

bus vestris. Dicite iniquis, nolite iniquè agere, & delinquentibus nolite exaltare cornu. Non degeneret in herede Petri Dignitatis Apostolicæ reverenda successio Vestræ agnoscite Principatum, probate zelum, accingimini ad opus fortitudinis. & honorate ministerium vestrum. Gloria vestra derivateur ad posteros, & cognoscat generatio altera, quam inaniter Tyrannus ille præsumperit, & quam potenter præsumptionem ejus Romana Sedes punierit.

CAPUT XII.

Exemplum Gregorii II. Isauro Imperatori Tributa solvi vetantis.

1. **L**EONI Isauro in hæresim Iconoclastarum lapsæ, & Catholicos in Oriente persequentem, Gregorius II. pluries frustra monito à Romanis, & ab Italia Tributum solvi prohibuit ex Theophane in Chronologia. *Hoc anno, inquit, scilicet Gregorii II. primo irreligiosus Imperator Leo de proscribendis, & deponendis Sanctis, & venerandis imaginibus primum tractatum habere cepit: Comperto ejus proposito, Gregorius Papa Romanus, scripta prius ad ipsum Leonem decretali Epistola, qua de fide quicquam statuere, & antiqua Ecclesia sancita à sanctis Patribus firmata innovare, aut convellere non decere Imperatorem commonet. Italia tandem, ac Roma tributa ad ipsum deferenda prohibuit. Idem testatur Zonaras in tom. 3. Anal. his verbis: Quia de causa Gregorius, qui tum Roma veteris Ecclesiam gubernabat repudiata societate Præsidis nova Roma, nec non eorum, quæ illum sequerentur, illos unà cum Imperatore Synodico anathemate obstrinxit & vestigalia, quæ ad id usque tempus inde pendebantur inhibuit, isto cum Francis fœdere. Et adhuc sub Leone Isauro temporis illius Papa Gregorius ob peruersam opinionem defecit ab illo Imperatore impio, eiq; tributum pendere recusavit, neque sibi quicquam esse rei voluit cum impiis Ecclesia Constantinopolitana Gubernatoribus, emisissetque bellis pacem cum Francis fecit.*

2. Nullum non movet lapidem Joannes Launoius, ut hujus quoque historię fidem evertat. Sed testibus tam clarè affirmantibus opponendi essent saltem alii testes æquè clarè negantes, aut certè rationes validissimæ. Id frustra expectes ab illo Scriptore, qui cum historias

com-

communiter receptas ferè semper impugnet, nonnisi testium de eadem re tacentium, vel ad summum aliâ, non tamen contrariâ, loquentium autoritate, vel conjecturis ad dimittendam communem hominum sententiam parùm potentibus, causam suam tuerur.

3. Ac primò quidem Zonaram confutat, ex eo quod ille scriptor dicat Gregorium II. *Synodico anathemate* obstrinxisse Imperatorem, nullum autem tunc habitum fuerit Concilium Romanum. Sed quis asserit nullum tunc temporis celebratum Concilium? Joannes Launoïus; Vicinior scilicet Gregorio II. quàm Zonaras. At contemporanei scriptores de illo silent. Argumentum esset sanè multùm verisimile adversus illum historicum, si ipse affirmaret, congregatam fuisse Synodum Oecumenicam, vel saltem totius Occidentis, vix enim fieri potuisset, ut ea de re nullum verbum reliqui Historici fecissent. Sed quis nesciat multa à summis Pontificibus fuisse gesta in Conciliis, quibus intererant tantùm cum Clero Romano, Episcopi aliis de causis Romæ versantes, aut ex vicinis Civitatibus convocati, quorum quidem Conciliorum nulla supersunt Acta, nulla memoria, nisi in scriptoribus ferè solummodò ex occasione ea de re obiter tractantibus. Non pauca hujusmodi citantur in collectione Philippi Labbei.

4. Congerit deinde Launoïus multa loca communia de officiis Regibus debitis, eisquæ à Romanis Pontificibus, aut ab Episcopis exhibitis. Sed hæc vera sunt, quamdiu Principes Regi Regum bellum non indicunt, quamdiù spes est emendationis, & quantum ad subditos, quibus non licet autoritate privata in Reges etiam discolors rebellare: secùs autem est, dum summus Pontifex alio caret medio conservandæ Fidei, ac Religionis, ab aliquo Principe, Ecclesiæ per baptismum subdito, everrendæ.

5. Congerit etiam varias expositiones verborum illorum Christi ad Petrum; *Pasce oves meas*, quæ illa de potestate deponendorum Regum non interpretantur. At una scripturæ expositio aliis non contrariis, sed tantùm distinctis, non destruitur. Si unus, populi consensum ad Regis institutionem, explicet de potestate juris inter subditos dicendi, alius de gerendo pro patria tuenda bello, alius de alia quapiam re, prout temporum, personarum, aut negotiorum conditiones exegerint. Numquid variæ illæ interpretationes obstabunt, quominus dum nova emerget occasio, intelligatur adhuc aliud in ea

contentum autoritate, si ad bonum populi regimen sit omnino necessarium? Suprema, & amplissima est, quantumvis eam invidi restringere contenter, summi Pontificis autoritas. Quid igitur mirum, si omnes ejus partes non fuerint statim, imò nec post longum tempus adeò clarè distinctæ: sed inter rerum Ecclesiasticarum tractatores hic unam, ille aliam explicuerit.

6. Improbat argumentum Bellarmini ductum à prædicto Evangelii loco. *Pasce oves meas*; Quod nimis probet, scilicet Episcopos etiam jus habere deponendorum Regum. Verùm injusta est reprehensio. Verba enim illa Petro soli dicta sunt, licet aliis etiam Pastoribus convenient, quatenus Petri officio, ac Dignitati communicant. Sed quemadmodum ejus potestatis plenitudinem alii non assequuntur, ita non quidquid ille potest pro Ecclesiæ universæ bono, possunt illi, etiam in propriis Diocesisibus. Idèd enim clavium, quæ omnibus Apostolis simul promissæ sunt, Petro soli specialis facta est promissio. Idèd illi soli dictum est, *Pasce oves meas*, ut ipsi prærogativa quædam cæteris negata concedi significaretur, ne scilicet summis, & maximè arduis negotiis sine ipsius supremo judicio finis imponeretur.

7. Refert exempla nonnullorum Pontificum, & Episcoporum, qui verba superscripta non opposuerunt Principibus, nec potestate usi sunt, quæ in illis contineri dicitur. Sed inde non colligitur defectus ille potestatis, cùm variis de causis, puta scandali vitandæ causæ, ob impotentiam, ob populorum affectum, prudentia suadere potuerit ab illius usu abstinendum, ut confessus est ipsemet Imperator Henricus à Gregorio VII. depositus, de quo in sequenti capite redibit sermo. Malè autem inter illa exempla Hadrianum II. recenset. Licet enim Carolo Calvo non objecerit verba illa, *Pasce oves meas*. Intellexit tamen in Pontificia potestate, quam hæc verba significant, comprehendere jus aliquod in temporalia Regum, saltem ratione peccati, quandoquidem Principem illum ab invadendo Lotharii Regno, intentatis censuris cohibere conatus est.

8. Denique Launojus, ut confirmet quod ex Gregorii Epistolis deduxerat, quarum antea proluxa exscripserat fragmenta, inutili labore

labore confert plurimorum verba scriptorum, quos inter aliqui idem affirmant, quod Theophanes, & Zonaras, alii tacent, nullus planè negat. Itaque absurdum est ut jam suprà insinuavimus, claram, & apertam affirmationem solo silentio confutare. Præsertim cum aliquorum ex illis, qui affirmant v.g. Theophanis, qui pro sacris Imaginibus exulare, ac Confessoris titulo donari meruit, & Sigeberti utpotè Principibus addicissimi testimonium minimè suspectum haberi queat.

9. Quin, etiamsi Launoius testes adduceret expressè negantes quod asserunt alii, non obtineret quod intendit. Ut enim, ex Jurisperitorum doctrina, jura cum juribus, ita & testimonia cum testimoniis concilianda sunt, dum inter se pugnare videntur, nec insolubilis est contradictio. Hæc autem concordia in hoc casu facillima esset. Certum enim est, Gregorium II. omni pacifica ratione Imperatorem ad sanam fidem revocare conatum; atque de illo tempore intelligendi essent scriptores, qui negarent summum illum Pontificem Imperatori tributa non negasse, sicuti de illo intelliguntur, quæ scribit Gregorius ipse; qui autem affirmant prohibitam illam solutionem, interpretandi sunt de ultimo tempore, cum scilicet constitit nullam spem esse Imperatoris convertendi. Itaque tota illa, quæ apparere posset contradictio unico illo Theophanis verbo, tandem, solveretur.

10. Cæterum quomodo potuit Launoius Gregorium II. tantis laudibus extollere, ut persuaderet ipsum non vetuisse solvi tributum Imperatori, & tamen interpretationem tam scandalosam istis ejus verbis affingere; *Testis est Deus, quas cunq̃ue misisti ad nos Epistolas, auribus, cordibusque Regum Occidentis obrulimus pacem illorum tibi, ac benevolentiam conciliantes, teque laudantes ac mirifice efferentes prout te antea conversantem intuebamur.* Quæ verba sic interpretatur Launoius, Gregorius verò II. Imperatoria jussioni subditum se cum sentiret, dedit operam, ut missa ad se Leonis Isauri de subvertendis Imaginibus Epistola ad Occidentis Reges perferrentur, sed quia Epistola omnipotentis Deo minimè concordabant, has quoad ejus fieri potuit, recusavit, & Leonem à nefario consilio deterruit. Huc & non aliò spectant Gregorii Epistolæ verba, quæ posuimus. Quis credat Epistolas, quas Gregorius non solum auribus, sed etiam cordibus Regum Occidentis

obtulit.

obstulerat de subvertendis imaginibus tractasse. Si is fuisset illarum scopus, non potuisset eas Gregorius, *auribus*, multò minus *cordibus Regum offerre.* Hoc enim fuisset impiæ Imperatoris intentioni in rede se mala cooperari. Cur potius illæ litteræ non intelligantur, quas scripserat Imperator ad conciliandam sibi, aut retinendam Principum Occidentalium pacem. Id enim satis innuunt illa Pontificis verba; *pacem illorum tibi, ac benevolentiam concilians*, & alia multa quæ sequuntur. Secundò si Epistolæ Leonis à Gregorio missæ ad alios Principes, de subvertendis imaginibus fuissent, eas misisset, ut hortaretur illos ad revocandum à nefario consilio Imperatorem, non autem, ut ait Launoius quod *Imperatoria jussione subditum se sentiret.* Quis enim in tanto scelere Summum Pontificem Principi subditum existimet? Cur non exhorruit Launoius hæc scribens?

11. Frustrà verò adducit exemplum S. Gregorii Magni, Legem Mauriti per diversas partes perferri curantis; sunt enim inter ejus, & quod Gregorio II. à Launoio tribuitur, factum, plurima discrimina, quæ persequi, & nimis esset longum, & à proposito nos longius averteret. Id unum notasse sufficiet legem Mauriti non extitisse de re ita mala, ut nullo pacto posset ab ea separari malitia: erat enim ad summum majori bono, scilicet libero in Religionem ingressui obex. Ac præterea S. Gregorius Magnus huic incommodo suæ prudentiæ poterat occurrere. At verò sacrarum imaginum conculcatio ita est impia, ut nullâ ratione liceat *auribus & cordibus Regum offerre Epistolis* hujusmodi contemptum suadentes. Denique multi Scriptores graves asserunt S. Gregorium Magnum non nisi correctas Mauriti leges misisse, idque videtur ex variis ejus epistolis colligi,



CAPUT XIII.

Principes ipsos aliquam Ecclesie in temporalia potestatem agnovisse.

1. **D**E illa Summi Pontificis autoritate non dubitabant Principes, de quibus in Capitibus superioribus, Non dubitabant etiam Ludovicus Germaniæ, & Lotharius II. Austriæ Reges, cum Carolus Calvus Ludovici frater, & Lotharii Patruus pactis inter ipsos conventis stare recusans, de invasione aliorum Regnorum cogitabat. Illi enim ad Nicolaum Primum confugerunt, ut ejus autoritate hoc damnum propulsari curarent; *Oportet præterea, inquiebant, vestra autoritatis jubar propter generalem sollicitudinem nostros invadere fines, ut, quos nulla pacis fœdera, nulla fraterna charitatis viscera, nulla nectunt consanguinitatis ligamenta, APOSTOLICA INVECTIO AD CENSURAM ECCLESIASTICAM VENIRE COMPELLAT.* Omitto quæ referunt Historici Gallicani de Philippo II. Anglorum Rege, à cujus obedientia subditos absolverat Romanus Pontifex, bellum indicente, atque Othonem Imperatorem à Papa deponi procurante, & de Philippo III. Petro Aragoniæ Regi, à cujus obedientia subditos exemerat Martinus IV. etiam bellum inferente,

2. Justinus II, Imperator Costroæ conquerenti de receptis Perfarmoniis Christianis ab eo sese subducentibus; *Quoniam, ut ait Evagrius, qui rem narrat lib. 5. cap. 7. à cæteris Persis miserè, & potissimum Religionis suæ gratia vexabantur, justam putavit excusationem afferre cum respondit; Præfinitum paci tempus effluxisse, nec fas esse ut Christiani Christianos in tempore belli ad se confugientes desertos esse pariantur.* Quid igitur? nonne melius est ut fideles Principibus non se subtrahant, etiamsi justam habeant causam (*ut si Religionis suæ gratia vexati Christiani ad Christianos confugiant*) nisi accedente Ecclesiæ autoritate?

3. Sed nunquid ita sentiunt Principes tunc tantum, quando illa potestas Ecclesiastica sibi commoda est. Henricus licet irâ, ne dicam furore, correptus, adversus Gregorium VII. cui scribit, fatetur se in

D d

causa

causa hæreseos Ecclesiæ subiacere. Hæc sunt ejus verba ; *Henricus non usurpativè , sed piâ Dei ordinatione Rex Hiltebrando non jam Apostolico , sed falso Monacho.... me quoque, licet indignus inter Christianos sum, ad Regnum vocatus, te teste, quem sanctorum Patrum traditio soli Deo judicandum docuit, nec pro aliquo crimine, nisi à fide (quod absit) exorbitaverim, deponendum asseruit, &c.* Deinde notat Julianum Imperatorem licet Apostatam ab Episcopis non fuisse depositum, quod eorum prudentiæ, non potestatis defectui tribuit ; *Cum etiam Julianum Apostatam prudentia sanctorum Episcoporum non sibi, sed soli Deo deponendum commiserit.*

4. Atque ea ratio sufficeret ad vindicandam Ecclesiæ suam auctoritatem adversus illius non usum ; quem aliqui obijciunt, negantes ullam ejus fuisse praxim per multa sæcula. Id enim prudentiæ seu benignitati piæ illius matris, non auctoritatis defectui, adscribendum esset. Ad eò periculosa est Sacerdotii cum Imperio contentio, ut, illius vitandæ causa, multa mala minora sæpè sustinenda sint.

5. Hæc, ut opinor, sufficiunt, ut unusquisque pervideat non solum non necessariam fuisse hoc tempore declarationem Cleri Gallicani circa istam Ecclesiæ potestatem, quippè cum ne minimum quidem esset periculum, ne summus Pontifex eâ uteretur ; sed etiam plurimorum Conciliorum praxi, sanctorum Patrum, & Doctorum, Theologorum, & Jurisperitorum doctrinæ, Principum, eorumque Officialium professioni contrariam, ut iterum mirer aulos fuisse Illustrissimos Episcopos Cætus Parisiensis eam negare, suamque sententiam *verbo Dei, Patrum traditioni, & Sanctorum exemplis consonam* declarare.

6. Opportuna fortassis fuisset hæc doctrina Cleri Gallicani, etsi (absit verbo injuria) minus vera, cum Christiani, martyrii desiderio incensi, ejus occasione avidè quærebant ; At nunc ita refrixit charitas, ut si, quod Deus Optimus Maximus avertat, oriretur persecutio, maxima futura esset Religionis ruina. Si enim tam multi injustis potentium desideriis obsequuntur, ne illorum favore priventur, aut in aliqua temporaria damna incurrant ; quid foret Principibus certam mortem intentantibus ? Nonne Deus Christianorum debilitati consuluisse existimandus est, qui, ne Judæi à vera Religione averterentur, vetuerat, ne ipsis Rex infidelis præficeretur, Deuteronom. 17. vers. 15.

7. Nescio an hodie pro Religione omnes Episcopi Gallia: B. Martini Episcopi pro disciplina constantiam imitarentur, de quo ita scripsit S. Severus Bituric. Archiep. in vita B. Martini cap. 23. *Atque ut minor a tantis inferam (quamvis ut est nostrorum aetas temporum, quibus jam depravata omnia, atque corrupta sunt pœnè precipuum sit adulationi Regia Sacerdotalem non cessasse constantiam) cum ad Imperat. Maximum ferocis ingeni virum & bellorum civilium victoria elatum plures ex diversis partibus Episcopi convenissent, & facta circa Principem omnium adulatio notaretur, seque degeneri inconstantia, Regia Clientela, Sacerdotalis dignitas subdidisset, in solo Martino Apostolica auctoritas permanebat. Nam eisi pro aliquibus supplicandum Regi fuit, imperavit potiùs quam rogavit.*

8. Nescio an multi ex aliis ordinibus cum Divo Joanne Damasceno de sacris Imaginibus orat. 1. sub principium, verè dicerent; *Nec veritati Regiam amplitudinem pratuli. Loquebar enim, inquit Divinus ille pater David in conspectu Regum, & non confundebar. Quin etiam ob id magis sum incitatus. Nam ad subiectos populos decipiendos multum valet Regis auctoritas. Pauci enim, nimirum illi qui terrarum Regis Cœlestis Regis Imperio gubernari, & leges debere Regibus imperare sciunt, iniqua eorum jussa negligunt, & aspernantur.* Et sub finem ejusd. orat. *Regio non cedemus imperio patrum coxanti evertere consuetudinem. Neque enim piorum est Regum Ecclesiastica instituta convellere; his de rebus statuerè, atque decernere NON AD REGES pertinet, sed ad Concilia; Nam ubi duo, vel tres, inquit Dominus, congregati fuerint in nomine meo, ibi sum in medio ipsorum. Ligandi, solvendi que potestatem NON REGIBVS, sed Apostolis & eorum Successoribus Pastoribus, & Doctoribus Christus dedit.*

10. Si penes Rempublicam manet jus aliquando Principatum transferendi, ut manete fatendum est, nisi multos Principes Tyrannidis reos facias, quænam occurrere justior ratio potest eo jure utendi, quàm ubi regimen temporale ab æterna felicitate avertit, ad quam referenda est pax, & tranquillitas civilis, qui proximus est Principatûs sæcularis finis? Id autem cum contingit, nonne & Principum securitati, & subditorum saluti omninò necessarium est, ut à fidelitatis juramento absolutio petatur, sicut ab aliis?

11. Cùm autem mutua sit Principum, & subditorum obligatio ad exequenda pacta in institutione Regni conventa, nonne justa erit causa, ut Ecclesia præstitæ fidei vinculo eximat subditos; si Princeps contra datam fidem eos in vera Religionis custodia servandi, à vera Religione deterreat?

CAPUT XIV.

An sententia Illustrissimorum Episcoporum Gallie Sanctorum exemplis consona sit?

1. **S**ententiam suam Illustrissimi Antistites Gallicani etiam tanquam Sanctorum exemplis consonam omnino retinendam, declarant. Omnibus sanè Christianis veneranda sunt Sanctorum gesta; imò plerumque imitanda. Ideo enim præter alias causas publico cultui proponuntur, quia eorum vita est quasi animata Evangelii interpretatio, quæ nobis, & quomodo Christi verba sint accipienda, & quomodo sectanda vestigia, demonstrat. Ad eam nos sæpè sancti Patres remittunt. Ità S. Augustinus de verbis Domini in Evang. secundum Matth. serm. 18. cap. 20. *Attendite, inquit, in facta Sanctorum, ne forte nostra videatur interpretatio. Quomodo hæc verba intellexerunt Sancti, sic utique intelligenda sunt.* Et cap. 21. *Videamus si hoc ipsi fecerunt.* Quæ Spiritus sanctus per os Sanctorum locutus, id per Sanctorum actiones est executus. Sicut illi Christum imitati sunt, ità nos ad ipsorum imitationem invitamur; *Imitatores mei estote, sicut & ego Christi*, clamat B. Paulus 1. Corinth. 11.

2. Quæ sunt autem illa Sanctorum exempla, quibus sententia Comitiorum Cleri Gallicani consona dicitur? Per exempla non actiones Sanctorum, sed omissiones intelligi puto. Fatendum est enim aliquos ex Sanctis Tyrannos Ecclesiam persequentes non deposuisse, nec alia ratione potestatem Ecclesiasticam in temporalia Principum exercuisse. Verùm cùm illa ommissio ex variis causis, ac circumstantiis procedere potuerit, puta ex impotentia Ecclesiæ, ex metu majoris mali, &c. ex ea juxta legitimas ratiocinandi regulas universim concludi nequit, id jure nunquam fieri posse, quod aliquoties à Sanctis quibusdam ommissum sit.

3. Quemad-

3. Quemadmodum in Testimoniis unus Testis affirmans, centum negantibus, ut vulgò dicitur, plerumque præferendus est; validiusque animus Judicis inducitur ad credendum rem aliquam gestam esse, ex eo quod unus se illam vidisse asserat, quàm si centum, præsertim ab eo loco, vel eo tempore, quo gesta supponitur, absentes contrarium jurent: ita multò gravioris ponderis erit aliquorum Sanctorum, Principes Ecclesiæ per Christianæ fidei professionem subditos à persequendis fidelibus, & opprimenda Ecclesia, etiam subtrahere potestate temporali cohibentium, quàm aliorum illas injurias ferentium, & Christianos vel ad patientiam promptos Martyrii gloriâ privare, vel debiles in crudeliorum suppliciorum, aliorumve maiorum discrimina certiora conjicere nolentium.

4. Adedò celebris, & conspicua est vita multorum ex iis, quorum doctrinam, vel etiam exempla declarationi Episcoporum Gallicanorum opposuimus, ut sacrilegus habendus sit, & blasphemus, qui eos à Sanctorum albo expungere tentaverit. Sed fortasse non eadem religione prosequendi aliquibus videntur illi Pontifices, qui supradicto jure uti sunt majori cum autoritate ac constantia. Verùm id ad minùs veritatis evidentia etiam à suspectis Judicibus extorqueat; plura scilicet eluxisse tam per vitam, tum post mortem sanctitatis indicia in illis Pontificibus, quàm in Principibus, quibuscum illis res fuit: nisi fortè vitam, moreque Imperatoris Henrici v. g. sanctiores quisquam existimet, quàm Gregorii VII. eum deponentis; judicetque istum à Sanctorum Cathalogo delendum, ut reponatur ille.

5. Nescio quo in Martyrologio recitentur nomina, vel in qua Ecclesia solemne officium celebretur Principum illorum, à quorum obedientia subditi per Ecclesiasticam sententiam exempti fuerunt. Legi autem in Martyrologio Romano die 13 Februarii; *Roma S. Gregorii Papa II. qui Leonis Isaurici impietati acerrimè resistit.* Item in appendice Adonis Archiepiscopi Viennensis: *Natalis Gregorii Papa II. qui rexit Ecclesiam annos 16. Leonis Constantin. temporibus: hic vir castus, in Divinis Scripturis eruditus, &c.*

6. Legi pariter in Martyrologio Romano die 15. Martii; *Roma Natalis S. Zachariae Papa, qui Dei Ecclesiam summâ vigiliantia gubernavit, & clarus meritis quievis in pace.* Apud Adonem Archiepiscopum Viennensem; *Roma Zacharia Pontificis, qui Roma sedes annos 10.*

7. Legi etiam in Martyrologio Romano die 25. Octobris; *Salerni depositio S. Gregorii Papa VII. Ecclesiastica libertatis propugnatoris, ac defensoris acerrimi.* Extant etiam alibi sanctitatis ejus testimonia. Lambertus Schafnaburgensis de rebus German. ita de illo scribit; *Nam & Papa tam eximie tamq̃, Apostolicę vitę instituebat, ut nec minimam sinistri rumoris maculam conversationis ejus sublimitas admitteret, & illa in urbe celeberrima, atque in tanta obsequentium frequentia obscœnum aliquid perpetrans, latere nequaquam potuisset.* Presbyter Pœnitentiarius sancti Anselmi Episcopi Lucensis in ejus vita de mitra ejusdem Gregorii VII. ait; *Præclara quadã fecit Deus per eandem mitram mirabilia.* Inter alia enim Reverendissimus D. Ubalduſ Mantuanus scilicet Episcopus, multis jam annis gravissimè spleneticus toto corpore ulceratus, præsertim cruribus, sic ut vix quomodolibet stare posset, vix etiam jacere, vel sedere, qui & multa in Medicos erogaverat, nihilq̃ profecerat, appositâ eadẽ mitrâ, ubi major ingruerat dolor, pristina redditus est sanitati. In Chronic. Cassinens. lib. 3. cap. 54. refertur Joannem quemdam vidisse Columbam in dextro humero Gregorii VII. Missam celebrantis, eiq̃ præceptum; *Vade quantocius auribus Papa hoc ipsum intimato, ut constanter vigore sancti Spiritus cæptum opus peragat.*

8. In Breviario Romano ad usum Cleri Basilicę Vaticanę habetur. Die 12. Junii S. Leonis III. Papę & Confessoris officium duplex, cuius lectio 6. sic incipit, *Cum ab impiis erutis oculis, & confossus vulneribus semivivus relictus fuisset, postridie per insigne miraculum sanus inventus est, iisdemque parricidis vitam suis precibus obtinuit. Carolo Magno Francorum Regi Romanum Imperium detulit.* Die autem 13. Februarii S. Gregorii II. Papę & Confessoris officium item duplex.

9. Eadẽ ratione confirmari posset longè gravioris esse ponderis ob vitę sanctimoniam, aliorum Pontificum autoritatem, qui Sedis Apostolicę in aliis Capitibus per declarationem Illustrissimorum Antistitum Gallicanorum impetitis defenderunt, quàm Episcoporum, aut aliorum illa impugnantium.

LIBER QUINTUS

Comparatio Summi Pontificis cum Concilio Generali occasione secundæ propositionis; scilicet :



Scilicet autem inesse Apostolicæ Sedi, ac Petri successoribus Christi Vicariis rerum spiritualium plenam potestatem, ut simul valeant, atque immota consistant sanctæ Oecumenicæ Synodi Constantiensis à Sede Apostolica comprobata, ipsoque Romanorum Pontificum, ac totius Ecclesiæ usu confirmata, atque ab Ecclesia Gallicana perpetuâ Religione custodita Decreta de autoritate Conciliorum generalium, quæ sess. 4. & 5. continentur; nec probari à Gallicana Ecclesia, qui eorum Decretorum quasi dubiæ sint autoritatis, ac minus approbata, robur infringant, aut ad solum schismatis tempus Concilii dicta detorqueant.

CAPUT PRIMUM.

Summarium hujus secundæ propositionis examen.

Illustrissimus Petrus de Marca quætionem de comparatione Summi Pontificis cum Concilio generali à libertatibus Ecclesiæ Gallicanæ alienam, & ad invidiam illis, quàm ad auctoritatem conciliandam aptiorem, adeoque prætermittendam sentiebat; *Qui Romani Pontificis, inquit lib. 3. cap. 7. num. 1. odium in has libertates concitant, id præcipuè urgent, eas aliâ ratione constare non posse, quàm Apostolica Sedis dignitate in eo maxime imminutâ, quod*

quod Pontifex Concilii generalis auctoritati subjiçatur. Non est quod hanc in ea regula, qua Romanis stomachum movet, & qua rebus nostris non prospicit, ut par est. Eruatnr Summus Pontifex aut a quo jure cum Conciliis generalibus, aut superiori: Illud unum in foro expendetur, an nova Constitutio, vel novum Rescriptum rebus Gallicanis consulat, aut noceat. Illustrissimi Episcopi Gallicani è contra hanc quæstionem inter libertates Gallicanas recensent. Ita scilicet oriuntur in dies novi libertatum illarum furculi, aut tempore schismatis, vel dissidiorum inter utramque potestatem nati, & cum schismate, & dissidiis extincti, reviviscunt, prout juvare possunt ad amovenda sanctæ Sedis Decreta, quantumvis justa, & utilia.

2. Mirari profectò libet Episcopos Gallicanos dignitatem Principum temporalium absque ulla necessitate tam fortibus stipasse præsidii, ut Ecclesiasticæ potestati nullo unquam casu illam attingere permiserint; Dignitatem autem Pontificiam, absque ulla etiam occasione, libero Conciliorum generalium arbitrio concesserint, eaque ratione sanctiores Pontifices Concilii generalis convocationem omni diligentia, & industriâ devitandam docuerint; ne fortè, si in Concilium Basileense simile inciderent, ab eoque deponerentur, non ita faciliter, ac feliciter ut Eugenius IV. schismati finem imponerent.

3. Tot, tantæque sunt Conciliorum generalium utilitates, dummodò in Spiritu sancto legitimè congregentur, & congregata legitimè perseverent, ut Christianæ Religionis, & Ecclesiasticæ disciplinæ parùm studiosus sit, qui ea sæpe congregari ex intimo cordis affectu non exoptet. Verùm, ut diximus, qui odiosam illam quæstionem de comparatione summi Pontificis cum Concilio importunè movent, vel determinare audent, Conciliorum generalium auctoritatem extollentes, illorum convocationi obicem ponunt, metuentibus scilicet summis Pontificibus, ad quos spectat auctoritas, vel cura illa, ne Synodus legitimè inchoata in periculosum schisma desinat,

4. Sed ut ad propositionem ipsam propiùs accedamus; Quomodo non inter se pugnant illius partes? Quomodo inesset *Apostolica Sedis potestas plena*, si Conciliis generalibus subsunt Pontifices

in ea sedentes, etiam extra tempus schismatis; scimus B. Petro, & ejus Successoribus commissam pascendarum ovium curam; sed in quo Scripturarum loco ipse Petrus, ejusque Successores legitimi, Conciliorum œcumenicorum Jurisdictioni suppositi sunt? Si Romani Pontifices *Christi Vicarii sunt*, & quidem proximi, & immediati, ut definivit Concilium Constantiense sess. 43. adversus art. 37. Joan. Wiclef, cui, nisi ei, ejus vices gerunt, subjacent? Quomodo est *plena potestas*, quæ ab alterius arbitrio, vel judicio, pendet? Ejus est qui facultatem confert, facultatis usum præscribere, aut si ab altero præscribi voluerit, id clarè significare. Potestatem Romani Pontificis à Christo collatam fuisse negare non audent Franci Catholici; eam plenam esse concedunt Episcopi Parisiis congregati. Debuerunt ergò, sicut in prima propositione, ita in ista secunda, Evangelii loca referre, quibus ducti sunt, id est in quibus Christus B. Petri, ejusque Successorum potestatem, Divinitus traditam, Conciliorum Jurisdictioni subdidit, quantum ad usum & exercitium.

5. Plurima è contra sunt, quæ suadent Concilia, à quibus absit summus Pontifex legitimus, & indubitatus, auctoritatem Pontificiâ superiorem non habere, sed potiùs inferiorem. Primò quidem quia secluso summo Pontifice difficilis est, ut definiatur Concilium generale. Secundò quia Concilium generale sine assensu Romani Pontificis congregari, vel saltem suis Decretis supremam auctoritatem dare non potest. Tertiò quia clariùs exprimitur in Scripturis sacris summi Pontificis quàm Concilii generalis auctoritas. Quartò quia hanc doctrinam Sanctorum testimonia validiùs confirmant. Sed hæc magis explicanda sunt, atque confirmanda.

6. Quoniam autem potest Concilium generale illud intelligi, aut cui summus Pontifex cum reliquis Prælatiis interfit, aut verò, quod, sine summo Pontifice, reliquis dumtaxat constet. Satis pater in declaratione Cleri Gallicani accipi hinc summum Pontificem sine Concilio, illinc Concilium sine summo Pontifice: cum declaratio Decretis Concilii Constantiensis nitatur, quæ aliam sententiam non admittunt. Itaque in eodem sensu sumenda sunt, quæ in hoc libro dicuntur.

7. Quæ tamen vel in hoc, vel in aliis tractabuntur, ejusmo-

Ec

di

di erunt, ut sufficiant ad ferendum de alia comparatione iudicium. Sunt enim tria maximè, in quibus potest fieri comparatio, veritas fidei, ac morum disciplina, & iudicia. Consentient Catholici adversus Panormitanum in cap. significasti de elect. Concilii œcumenici sententiam de rebus fidei, ac præceptis generalibus morum, infallibili certitudine gaudere. Idem de summo Pontifice in 7. libro probabimus. Nec ex eo quod Papa Conciliorum verè generalium definitionibus circa fidem derogare non possit, consequitur; Concilium esse Pontifice superiùs. Nam perinde sequeretur unum Concilium omnibus posterioribus præminere, cum quæ ab uno definita sunt, nequeant ab aliis immutari, utpotè quorum sit firmissima veritas. Collatio circa Decreta de disciplina, ex doctrina de dispensationibus colligi potest. Constat enim ex Gallorum praxi, qui plures, & à Canonica Conciliorum disciplina magis exorbitantes dispensationes postulant, eos in summo Pontifice auctoritatem super Decretis Conciliorum dispensandi agnoscere. Quot enim mihi numerabis in Gallia Episcopos, qui, vel ad retinenda simul plura Beneficia, vel ad murandas Sedes, vel aliis de causis, dispensatione non egeant? Denique quod spectat ad iudicia, ex illa quæstione pendet, an possit à Papa ad Concilium appellari, quam etiam in hoc libro attingemus.

CAPUT II.

Quam sit difficile Concilium generale sine summo Pontifice definire, ejusque auctoritatem determinare.

1. **C**oncilium Provinciale aliquando perfectum, & plenarium dicitur ut in Can. 16. Concilii Antiocheni, ubi sic definitur, *Perfectum verò Concilium illud est, ubi interfuerit Metropolitans Antistes.* Ferrandus pro perfectum interpretatus est plenarium n. 144. Breviar. Canon. quo loco Concilium Africæ vocat etiam uni-

versale. Hæc sunt ejus verba: *Ut Concilium universale non fiat, nisi causa communis; id est totius Africa coegerit; ut Synodus plenaria tunc dicatur, cum Episcopus Metropolitanus adfuerit.* Concilium Antiochenum tit. 16. Vocatur etiam universale, Concilium ex tota Africa collectum cap. 19. Canonum Africanorum, *si autem ad Concilium universale accurrere noluerit, &c.* In Gallia simili nomine donatæ sunt Synodi ex pluribus Provinciis congregatæ, ut fidem faciunt Concilium Matifconense secundum, ac Tullenſe apud Saponarias anno 869. Hujus Canon. 13. his verbis concipitur; *Placuit omnibus, ut creditur, instinctu Divino, qui ad universale Concilium in vicinia Tullensium confluxerunt, &c.* In Epistola Synodica ad Wenilonem Archiepiscopum hæc etiam leguntur; *Episcopi, qui ad universale Concilium in suburbano Tullensi conveniunt, &c.* Et in indiculo quibus de rebus Salomonem commonere debeant. *Placuit universali Concilio, &c.* Concilium autem Sueffionense tertium anno 866. Epistolâ Synodicâ 2. ad Nicolaum I. Papam sic scripserat; *Sed neque ad generalitatis nostra Synodum, si quando Apostolorum vestri autoritas nostram fraternitatem pro quibuslibet emergentibus vel imminutibus negotiis aggregandam decernit, &c.*

2. Sed in alio sensu intelligitur Concilium generale, dum ei Summus Pontifex subesse dicitur, nimirum pro Concilio verè generali, hoc est ex universis Orbis Christiani partibus convocatum, quod Joannes Gersonius tom. 1. tract. de potest. Eccles. & de origine juris, & Legum edito Constantiæ tempore Concilii generalis, considerat, 12. sic definit, *Concilium generale, est congregatio, legitimâ autoritate facta, ad aliquem locum, ex omni statu Hierarchico totius Ecclesie Catholice, nullâ fidei personâ, qua audiri requirat exclusâ, ad salubriter tractandum, & ordinandum ea, qua debitum regimen ejusdem Ecclesie in fide, & moribus respiciunt.* Definitionem latius huic similem tradit Joannes Major Doctor Parisiensis in cap. 18. Matth. *Concilium est congregatio ex omni statu Hierarchico, quorum interest, convocata ab eis, quibus incumbit, ad tractandum communi intentione de utilitate publica Christiana.*

3 Quocirca plures nascuntur difficultates. Aliqui enim Generales Ordinum, & Abbates, alii alios necessariò vocandos existimant. De Episcopis, inquit Gersonius loco citato, *& superioribus Prelatis non est dubium, sicut juxta prædicta practicum sæpius invenitur*

in prioribus Conciliis, sed neque videtur ambiguitas esse de minoribus Prelatis, qui sunt Curati, & Hierarcha, neque de illis, qui adhuc duplicem Prelatorum Ordinem reducuntur, quibus non ex privilegio solo, sed ex statu, & ordinario jure competit animarum cura, quemadmodum sunt multi Abbates, Decani, Præpositi, cum similibus. Et sanè in Concilio Hierosolymitano, quod veluti primum atque aliorum exemplar proponitur, interfuerunt cum Apostolis Presbyteri, & utrorumque nomine conscripta est Epistola, Apostoli, & Seniores fratres, &c. Visum est Spiritui sancto, & nobis, &c.

4. Sed supponamus juxta communioem, & verioem sententiam Episcoporum tantum suffragia necessario requiri; ceteros autem non nisi ex privilegio, vel ad consilium dumtaxat vocem habere: dubium supperit de numero Episcoporum. Licet enim juxta communem loquendi modum universale, seu generale non appelletur, quod majorem partem non complectitur: tamen aliqua Concilia reputata sunt generalia, in quibus pauciores, quam in nonnullis particularibus interfuerant Episcopi. Exemplum habemus in Concilio Constantinopolitano tempore S. Damasi Papæ, ac Theodosii senioris Imperatoris.

5. Responderi posset non tam attendi singulorum Episcoporum, quam Provinciarum numerum: sed recurrit difficultas. Nam in dicto Concilio generali plurimæ Provinciæ, scilicet Occidentales, defuerunt. Quid ergo si major Provinciarum pars convenire, aut nolit, aut non possit. Sufficiet, inquires, ut omnes vocatæ sint. Quis credat Galliam ita sentire, quæ tam ægrè Concilia Florentinum, Lateranense quintum, imò & Tridentinum tanquam generalia agnovit, ad quæ certè sciebat vocatos omnes Episcopos Catholicos; quæque constabant ex majori Christianarum Provinciarum parte.

6. Repones Concilia ex acceptatione Ecclesiæ, generalia censeri, sed hæc explicatio Concilii idæam confundit; hæc enim ipsa ratione non solum Concilia Nationalia, vel Provincialia, sed etiam Diœcesana possent generalium nomine gaudere, accedente Ecclesiæ acceptatione: ac frustra Conciliorum generalium potestas tantum extolleretur. Omnis enim eorum autoritas in Ecclesiæ universæ

consen-

consensionem, quæ sola, si adsit, sufficit absque cujusvis Concilii Congregatione resolveretur.

7. Ex iis; quæ de natura Concilii generalis dicta sunt, colligitur, quàm difficile sit exactam illius definitionem statuere, si ab eo excludatur Summus Pontifex. Quod ideo addo; quia in ea, quam tuemur, sententia, non multi refert, an universi omninò adsint Episcopi, an alii quàm Episcopi: Quinam ex jure; quinam ex privilegio: an per se, an per Procuratorem, an absint sine causa, an cum causa; an inviti impendantur absentes, an propriâ sponte abstineant; an consentiant omnes, an discrepent; & dum opposita sunt suffragia, an æqualis sit illorum numerus, vel quæ pars major aut minor, imò an Concilium sit verè generale: Cùm enim suprema, & infallibilis sit summi Pontificis sententia, eam, ceu regulam semper tutò sequentur fideles.

8. At verò si penes Concilium solum sunt suprema autoritas, & infallibilitas, incerta sunt omnia, quia dubium est per quos, & quomodo constitui debeat. Primò enim si opus est, ut omnes Episcopi conveniant, & unaquæque pars Ecclesiæ per suum pastorem repræsentetur, & per universos Pastores, Ecclesia universalis; nullum unquam potuit, aut poterit haberi Concilium œcumenicum, ut evidens est. Imò difficillimum esset majorem partem congregari, ut dicemus alibi. Non repræsentaretur autem Ecclesia, ubi à nemine repræsentaretur pars ejus major.

9. Si vera esset Joannis Gersonii, Joannis Majoris, Jacobi Almaini, & Richerii sententia, scilicet Presbyteros omnes Curatos secundum praxim Concilii Basileensis, cujus meminit testis oculus Cardinalis à Turrecremata in summa de Ecclesia lib. 3. cap. 14. cujusque inconvenientia enumerat, jus habere non solum præsentia, sed etiam voti, & quidem decisivi; quando nam posset tanta Curatorum copia, cum tantâ Episcoporum multitudine in eundem locum confluere? Quid si præterea etiam Abbates, Canonici Ecclesiarum Cathedralium, & alii vocandi sint? Concedit quidem Gersonius Concilio, numerum suffragiorum augendi, vel minuendi facultatem. Sed hæc cautio difficultatem minimè tollit, quia sciendum in primis est quid sit illud Concilium, à quo suffragia ad majorem numerum reducen-

da sunt. Cumque istud incertum sit, nunquam certi esse possumus, an Concilium verè sit œcumenicum, nisi ex illis omnibus constet, qui asseruntur jus habere suffragii.

10. Supponamus autem rerum statum adeò commodum, ut convenire facile possint omnes, quos prædicti scriptores vocandos censent; si, ut incommoda vitentur, ne dicam absurda, quæ in deliberandocirca singulas controversias ex immensâ illâ hominum multitudine nascerentur, minuendus sit suffragiorum numerus; cum longè copiosior sit Curatorum, non ita negligenter sui ordinis causam illi agent, ut saltem ex qualibet Diœcesi unum superesse non velint, adeoque numero superabunt Episcopos. Vix enim fieri poterit ut è centum, ducentis, aut multò pluribus Curatis cujuslibet Diœcesis unus adeste non possit, cum è contra facile contingat, ut unus Episcopus impediatur. Tunc igitur prævalebit, ut numerus, ita & sententia Presbyterorum, Episcoporum judicio. Licet enim concedamus, cæteris paribus, præferendum esse Episcoporum suffragium; si Curatorum suffragia consona circa quandam de fide difficultatem longè plura sint, quàm Episcoporum contrarium judicantium: Nonne major pars tunc Concilium esse censebitur, quantumvis Episcopalis Dignitas longè sit Sacerdotali præstantior? Nam solet in omnibus Cœtibus judicialibus, pro conclusione sententiæ, non qualitas, sed numerus suffragiorum attendi, saltem si pars una maximo excessu aliàs superet.

11. Si autem in Conciliis servandum sit, ut non majoris absolutè, sed simul majoris, & sanioris partis debeat sententia prævalere, quemadmodum de aliis Cœtibus insinuat Concilium Lateranense generale sub Alexandro III. anno 1179. aut secundum alios 1180. & expressè docet Textus Juris cap. *Ecclesia vestra*, quod est 57. de elect. cum glossa, & Doctoribus ibi; quamquam ex hodierna praxi, & omnium scriptorum interpretatione, major pars censeatur etiam sanior; quod inferri videtur ex Concil. Trid. sess. 23. de regul. cap. 6. an ea erit amplectenda sententia, quam tuebuntur Patriarchæ, Primates, & Metropolitani, contradicentibus Episcopis multò pluribus? Nequaquam, inquires, quia dignitates sunt istæ ab Ecclesia institutæ, non à Christo; ita ipse sentio; secus tamen alii. Illu-

struiss-

Ariffimus Petrus de Marca antequam etiam Metropolitica dignitatem effec adeprus lib. 6. de concord. cap. 1. n. 3. earum institutionem ad Apostolos referendam probare conatus est. Idem etiam statuerat lib. 1. cap. 3. num. 2. Arnulphus Rufeus tractatum de Archiepiscopali dignitate orditur ab hac præfatione, in qua de jure Divino esse demonstrare nititur. *Profanſto, & felici hujus materia initio querendum eſt, quo jure inſtituta eſt Archiepiscopalis autoritas, ſeu dignitas. Et ut exordiamur ab ovo, dicendum videtur, quod non humanâ adinventione, ſed potiùs Divinâ quadam conſtitutione ordinati ſunt hi Archiepiscopi Metropolisani reſpectu ſuorum ſuffraganeorum. Hoc probatur jure Divino, Civili, & Canonico.*

12. Denique in ſententia Gerſonii, quo gradu majores Prælati minoribus præſtabunt in æſtimatione ſuffragiorum ? Quot Curatorum vota unius Episcopi ſententiam æquabunt.

13. Ne quis ſuſpicetur, nos animo minuendæ Conciliorum autoritatis, difficultates illas de novo excogitaſſe, quibus impoſſibile ſermè demonſtratur, in Gallorum ſententia definire quid ſit Concilium generale : videat Launoium tom. 8. epist. 11. quæ eſt ad Claudium Amelinum Pariſienſem Canonicum, & Archidiaconum, magnoperè deſudantem, ut numerum Conciliorum generalium hæcenus habitorum aſſignet ; varias eorum ex variis Scriptoribus conditiones exponentem ; actandem interroganti Amico reſpondere coactum, difficilè rem poſſe determinari. Quæ igitur erit fidei noſtræ regula, in illius Scriptoris, & aliorum Gallorum ſententia, qui non errandi privilegium Summo Pontifici adimunt ; & Concilium generale apud quod reponunt, certis nequeunt notis deſignare ?



CAPUT III.

De convocatione Conciliorum. An pertineat ad Principes.

1. **C**onvocatio plures effectus habere potest. Primus est ut personæ ex quibus debet Cœtus constare, unum in locum conveniant. Secundus, ut licitus sit Cœtus. Tertius, ut ratum sit quod statuerit. Duobus etiam modis fieri potest. Primò per modum consilii vel supplicationis. Secundò per modum præcepti.

2. Equidem si hoc tantum spectetur, ut Episcopi conveniant, parvi refert à quocunque convocentur. Aliquando enim cum ex alia occasione, puta dedicationis alicujus Basilicæ, simul essent, Concilium celebrarunt. Liciti sunt ut plurimum Conventus omnes, qui boni publici causa fiunt; possunt tamen ex circumstantiis illiciti evadere, puta si rerum propriam auctoritatem excedentium arbitrium usurpent; si iusta legitimi Superioris prohibitio intercedat; si schismatis, seditionis, scandali, aut alterius mali periculum immineat. Itaque, si seclusis hujusmodi circumstantiis convenirent Episcopi ad tractanda quæcumque ad optimum Ecclesiarum suarum regimen conducunt, solus convocationis defectus culpæ non faceret obnoxios.

3. Verumtamen quemadmodum in statu politico rectum ordinem constare non posse judicatum est, nisi publici Cœtus Superioris alicujus auctoritate convocarentur, scilicet in Civitatibus à Consulibus, aut aliis Magistratibus, in Provinciis à Præfectis, Comitibus verò totius Regni, alicubietiam unicæ provincie, à solo supremo Principe: adeò ut qui prætermissis illis ordine sese in Cœtum quasi de Republica tractaturi congregaverint, seditiosi habeantur. Ita in Ecclesia, dum constituti sunt Metropolitani, Exarchi, & Patriarchæ, præcipua illis collata est auctoritas, ut Episcopos intra Provincie, aut Diœcesis fines constitutos, ad Synodum evocarent, qua de re plures extant Canones, Constantinopolitani

litani primi Canon 2. Antiocheni 20. Chalcedonenſis 9. Conſtan-
tinopolitani quarti 17. &c. S. Auguſtinus epiſtola 218. excuſat ſe
Victorino ad Concilium vocanti, eumque rogat, ut priùs cum
Xantippo ſuper jure Primatus, & Concilii Epiſcoporum convo-
candi, placidè componat. Concilium quartum Conſtan-
tinopolitanum can. 17. Patriarcharum in convocandis Conciliis jus vali-
diſſimè confirmat. Huc etiam ſpectat Concilii Antiocheni Canon.
20. Chalcedonenſis Canon 9.

4. Quamobrem Deus (quod dictu nefas eſt) minùs perfectum
in tota Eccleſia, quàm Eccleſia ipſa in Provinciis, & Diœceſibus, imò
quàm Principes in Republica, regimen inſtituiſſet, ſi ordinem, pro-
movendis utiliter vel minimis Cœtibus neceſſarium, pro omnium
maximo, Auguſtiſſimo, & ad rectè gubernandam Eccleſiam uti-
liſſimo, ſcilicet Concilio Oecumenico, neglexiſſet; ut nempè
ab aliquo Superiore ex officio convocaretur. Quantum præſtat
uni Civitati, Provinciæ, aut Regno Eccleſia univerſa, tanto ſa-
pientiori, & ordinatiori regimine par eſt illam adminiſtrari. Po-
ſtulat autem ordo quod diximus, & quod antiquiſſima compro-
bavit experientia, ut Conventus nonniſi annuente Superiore ce-
lebrentur.

5. Solùm igitur ambigi poſſet, quis ſit ille Superior, cujus auto-
ritate congregari omnium Epiſcoporum Cœtum oporteat. Impe-
ratorem, ſeu Principem ſecularem ſolum hac autoritate præditum
docuerunt Hæretici recentiores. *Solum*, inquam, nam & illum hac
autoritate præditum eſſe ſcripſerunt aliqui inter Catholicos. Sed
multis abſurdis obnoxius eſt ille Hæreticorum error.

6. Primò enim vel illa poteſtas pertinet ad Principes, in quantum
Principes ſunt, aut in quantum Chriſtiani, aut in quantum Principes,
& ſimul Chriſtiani. Si in quantum Principes, eâ præditi erant etiam
Pagani, Nero, Diocleſianus, & alii Eccleſiæ hoſtes, ac ſine illorum au-
toritate nefas erat congregare Concilium, quod nemo ſanus ſenſe-
rit. In quantum Chriſtiani ſunt, Eccleſiæ Miniſtris, præſertim Epiſ-
copis ſubefſe ac obtemperare debent, non præſeſſe, aut imperare poſ-
ſunt. Conjunctio autem dignitatis Regiæ cum profeſſione Chri-
ſtiana id unum efficit, ut quâ tanquam Principes autoritate pollent,
eam tanquam Chriſtiani in exequendis Eccleſiæ, communis omni-

um fidelium Matris, Decretis infumant; non autem ut potestatem temporalem ad spiritualia officia extendant.

7. Secundò non est, nec fuit unquam à tempore, quo in omnem terram exivit sonus Apostolorum, totus orbis Christianus unico Principi subditus. Penes quem igitur ex multis erit convocandorum ex omnibus terræ partibus Episcoporum auctoritas? Hanc certè uni, etiam Imperatori, alii non concederent.

8. Tertio præterquam quod difficile esset, ut omnes consentirent Principes etiam Catholici ad convocandos eos, qui in sua cujusque ditione essent, quid fieret, si eorum plerique Infideles essent, aut hæretici, ut contigit, non solum antequam Constantinus Magnus Christianam fidem amplecteretur, sed etiam longè postea, v.g. in fine quinti sæculi, quando Clodoveus Francorum Rex Baptismum suscepit, quo tempore observant Historici nullum omnino in orbe universo Catholicum Principem extitisse. Quo igitur modo tunc compressa fuisset hæresis, si, quod erat facile, Principes non curassent, ut Episcopi de Religione inter se tractarent: et si aliunde, ut declararunt Episcopi Gallicani, judicium Summi Pontificis non erat infallibile? Nam difficile fuisset rotius orbis Episcoporum seorsum sententiam rogare; cujus enim fuisset universa suffragia colligere.

9. Quarto patet adhuc evidentius auctoritatem illam Principibus non competere, si convocatio Decretis robur aliquod tribuat. Aut enim neganda est distinctio inter utramque potestatem, Ecclesiasticam, & sæcularem, quam soli inficiantur Hæretici, admittunt Catholici, etiam qui sæcularem in Ecclesiasticæ fines longius inferunt, aut sicut sæcularia, & temporalia, sæculari; ita spiritualia, & Ecclesiastica, Ecclesiasticæ, tribuenda sunt. Sicut igitur distincta sunt negotia, ita distinctæ sunt potestates, etiam circa easdem personas. Non est Principum sæcularium Episcopos in regenda Ecclesia dirigere, sed ab eis regi. Nec satis est, quod Prælati Ecclesiastici sint in aliis rebus subiecti Principibus, nisi etiam tractandorum negotiorum ea conditio sit, ut in iis locum habeat sæcularis jurisdictio. Quia ergo congregandis Cætibus non tam personarum, quàm negotiorum, habenda est ratio, alioquin liceret Summo Pontifici in omnibus Regnis Christianis, quorum est supremus Pastor, Comitia pro expediendis

endis causis civilibus convocare , quod ægrè concederent Politici : Ecclesiastica potestatis est , pro Ecclesiasticis rebus Concilia congregare.

10. Quocirca observandum est , quàm iniqua sit illorum sententia, qui cum reum læsæ Majestatis Regiæ arbitrentur eum , qui summum Pontificem hujusmodi autoritate præditum affirmaret pro negotiis sæcularibus , extra Ecclesiasticam ditionem ; Principibus tamen temporalibus Jus præter Romani Pontificis assensum Concilia Oecumenica convocandi adscribunt , quasi non solum non distinxerit Christus utriusque potestatis limites , sed etiam Ecclesiasticas personas in negotiis Ecclesiasticis sæculari subjecerit , non verò sæculares spirituali in rebus sæcularibus , etiamsi frequenter aliqua Religionis ratio concurrat.

11. Possunt quidem Principes in rebus etiam Ecclesiasticis Episcopos monere, hortari, rogare, non autem cogere. Et si quando pii Principes propter suam dignitatem , vel Episcopi propter reverentiam , præcepta, jussiones, aut similibus nominibus, appellant litteras Principum ad Concilia Episcopos convocantium , non tamen significant specialem aliquam coram Deo imponi Prælatis obligationem, ex eo præcisè, quia Princeps jubet ; sed ex eo quod justum est, aut necessarium id , quod præcipitur ; quamquam ex occasione si præceptum illud prætermitteretur , majoris coram Deo culpæ rei essent Antistites , quia non sine majori negligentia prætermitterent officium, de quo moniti essent. Imò ipsa monentis dignitas majorem argueret negligentiam , adeoque graviores culpam.



CAPUT IV.

Cur Imperatores olim Concilia convocaverint.

1. **E**TIÀ à facto ad jus non sit necessaria consequentia ; non est tamen leve argumentum justitiæ, quod ab exemplo sapientum, & piorum virorum ducitur. Quamobrem concludunt aliqui, jus convocandorum Conciliorum penes Imperatores olim saltem extitisse, quod videamus eorum aliquos, non solum æquitatis, sed etiam Religionis laude conspicuos, v. g. Constantinum, Theodosium Magnum, & Marcianum, hujusmodi Cœtus congregasse, Ecclesiâ non repugnantem. Verùm si usus illius originem, & causas diligentius inquiramus, comperiemus à facto Imperatorum, ad jus aliquod speciale Principibus sine assensu Ecclesiæ tribuendum, non valere consequentiam.

2. Usus ille à Donatistarum temeritate, ac pertinacia ortum habuit. Cùm enim usque ad tempora Constantini Magni Ecclesiæ per Concilia Provincialia, & Diœcesana, ac per sollicitudinem Pastorum suorum, præsertim summorum, emergentibus necessitatibus providere solita esset, quantum per tempora licebat * Donatistæ schismatici à Constantino Imperatore Judices postularunt adversus Cæcilianum Episcopum Carthaginensem, contra quem schisma constarent. Imperator tres Episcopos ex Galliis Romam misit, ut cum Melchiade Summo Pontifice causam judicarent : quod factum est habito Romæ Concilio anno 313.

3. Hoc primum Concilium est, cui se Princeps secularis immiscuerit, nisi fortè Imperatorem Aurelianum dixeris convocandi Concilii Romani anno 282. adversus Paulum Samosatenum autorem fuisse. Qua de re ita scribit Eusebius histor. Eccles. lib. 7. cap. 30. vers. Vales. *Igitur cùm Paulus à recta fide simul, & Episcopatu exeidisset, Dominus, ut dictum est, administrationem Antiochenis Ecclesiæ suscepit. Sed cùm Paulus è domo Ecclesiæ nullatenus excedere veller; interpellatus Imperator rectissime hoc negotium dijudicavit, iis Dominum tradi præcipiens, quibus Italici Christiana Religionis*

Antio-

*Antistites, & Romanus Episcopus scriberent. Hoc modo vir supra-
memoratus cum summo dedecore per sacularem potestatem ab Eccle-
sia exturbatus est. Sed hoc Aureliani factum ad convocationem
Concilii parum videtur pertinere, cum de ea nihil statuerit. Implo-
ratum fuerat ejus auxilium adversus Episcopum canonicè deposti-
tum, ipse auctoritatem suam noluit adhibere, quousque de justitia
certior factus esset, retracto particularis, scilicet Antiochenæ, Synodi
judicio, per Synodum Romani Pontificis, & aliorum Episcoporum
Catholicorum Italiæ, circa cujus convocationem, tempus, personas,
aut modum nihil præscripsit. Sed judicium Romani Pontificis, &
aliorum Episcoporum Italiæ curavit exequendum.*

4. Ut igitur ad Constantinum redeamus, plura occurrunt in
ejus Decreto notatu digna. Primò, non ipse propriâ sponte causam
Donatistarum ad se, tanquam vel Judicem; vel Principem, vel ali-
quam circa Ecclesiastica negotia auctoritatem habentem, traxit; imò
illorum judicium ad se non pertinere significavit; nec nisi schis-
maticorum, qui primùm in Africa apud Anulinum Proconsulem,
deinde in Gallis apud Imperatorem ipsum vehementer insisterant,
importunitate victus, ac pacis studio inductus, animi huic nego-
tio admovit. Id testantur ejus ad Episcopos Concilii Arelatenfis ver-
ba. *Quoties à me jam ipso improbiſſimis additionibus suis sunt con-
digna responsione oppressi? Qui utique si hoc ante oculos habere vo-
luisſent, minime hoc ipsum interposuissent. Meum judicium postu-
lant, qui ipse judicium Christi expetto..... O rabida furoris auda-
cia, &c.*

5. Secundò, etiam si Donatistæ Judices de Gallia postulassent, ut
perhibet illorum libellus supplex ab Optato Milevitano relatus. *Pe-
timus ut de Gallia nobis Judices dari præcipiat pietas tua.* Tamen
Constantinus causæ cognitionem ad Romanum Pontificem, ad
quem pertinebat, remisit, adjunctis tribus Episcopis Gallicanis, qui
Romam accesserunt.

6. Tertiò, Melchiades Romanus Pontifex Constantini manda-
to non ita se putabat obstrictum, ut eum solis, quos ipse miserat
Episcopis, causam judicaret, sed Concilium ipse congregavit, con-
vocatis ex Italia aliis Episcopis, quorum nomina, & Civitates recitat
idem Optatus, accum iis simul, & cum tribus è Gallia missis, causæ

facta est discussio. Itaque constat suâ eum, non ab Imperatore delegatâ jurisdictione processisse.

7. Quartò, præcipuas partes in hoc judicio, ac præsertim in ferenda sententia Melchiades habuit, ut indicant hæc Optati verba; *Casilianus omnium supra memoratorum sententiis innocens est pronuntiat; etiam Melchiadis sententiâ, QVA IUDICIUM CLAVSUM EST.* Quæ fuerunt igitur Constantini partes in hoc judicio? ut scilicet illud ad legitimum Judicem remitteret. Qui enim summo Pontifici, ne omnino despicerentur Donatistarum preces, adjuncti sunt, erant de Patriarchatu Romano.

8. Verùm, quæ Schismaticorum est pertinacia, non cesserunt huic sententiæ Donatistæ; sed ut ipsismet Constantini verbis Epistolâ ad Vicarium Africæ utar; *Cum res fuissent apud Urbem Romanam ab idoneis, ac probatissimis Viris Episcopis terminata, obnixæ, ac pertinaciter respondendum estimaverunt; quod eorum omnis causa non fuisset audita.* Itaque Imperator, ne quis eis superesset conquerendi de parùm maturo negotii examine prætextus, numerosissimum Arelate in Gallia voluit haberi Concilium, Episcopis ex plurimis, remotissimisque Provinciis evocatis, quibus, quæcumque ad iter commodè peragendum erant necessaria, suis ipse sumptibus subministranda curavit anno 314. Hic quidem Constantinus aliquam in convocando Concilio auctoritatem exercuisse visus est; id tamen de consensu S. Sylvestri, qui sancto Melchiadi in Pontificatu successerat, factum fuisse, quis dubitet, quandoquidem sanctus ille Pontifex suos Legatos ad Concilium misit.

9. Sed quæres, cur passus fuerit Sylvester Prædecessoris sui judicium retractari: respondeo eadem de causa, quâ motus est Constantinus; scilicet ut hac benignitate frangeretur Donatistarum pertinacia. Constantinum enim non putasse necessariam illam retractationem, verba ejus suprà relata satis indicant, & apertius declarat S. Augustinus epist. 162. *Dedit ille, inquit loquens de Constantio, aliud Arelatense judicium, aliorum scilicet Episcoporum, NON QVIA IAM NECESSE ERAT, sed eorum perversitatibus cedens, & omnino cupiens tantam impudentiam cohibere.* Adde quod causa non est delata à Romano Pontifice ad Concilium per appellationem, tanquam ab inferiori ad superiorem. Nam, ut notat Jacobus Sirmondus,

D

De Synodo Romana murmurasse viētos Donatistas, illam accusasse, ac reprehendisse, de illa quēstos esse multis locis docet Augustinus: AB EA PROVOCASSE nusquam proditum est.

10. Non est tamen Arelatensis Concilii autoritate compressa Donatistarum pervicacia. Nam Imperatorem appellaverunt, eoque adegerunt, ut ipsemet causam judicaret. Quid igitur mirum si Constantinus eorum gratiā circa Judicium convocationem aliquid egerit, quod Romani Pontificis juribus repugnare videatur, cum etiam se Judicem causæ constituerit, licet id sibi non licere multifariam autē significasset: Primò quidem in eo quod, ut inquit S-Augustinus epist. 162. *Non ausum est Christianus Imperator sic eorum tumultuosas, & fallaces querelas suscipere, ut de IUDICIO EPISCOPORVM quī Roma sederant, ipse judicaret.* Secundò, in eo quod ut habet Optatus loco supra citato, & ut scripsit Constantinus ipse in litteris ad Episcopos Concilii Arelatensis, Donatistas appellantes à Concilio Arelatensi acerrimè perstrinxit; *O rabida furoris audacia*, inquit, SICUT IN CAUSIS GENTILIUM FIERI SOLET, APPELLATIONEM INTERPOSVERUNT? Plura alia sequuntur in dictis litteris, quibus probat se Judicem competentem non esse. Tertio, quia causæ cognitionem non suscepit, nisi à sanctis Antistitibus postea veniam petiturus, ut ait S-Augustinus epist. 162. jam citatā.

11. Grassante non ita post in Oriente Atianā hæresi, tentatis frustra aliis remediis, idem præstitit Constantinus in convocando Nicæam Concilio generali anno 325. quod antea in Arelatensi, ut tradunt communiter Historici. Itaque primum Concilium Oecumenicum convocavit, juvit, promovitque Imperator.

12. Quod ille pro sua erga Religionem, & pacem amore fecerat, Ecclesiā gaudente, nedum consentiente, subsequentes Imperatores sæpissimè, mali quidem, aut boni hæreticorum fraudibus decepti in Ecclesiæ perniciem; Pā autem in fidei, ac disciplinæ profectum præstiterunt.

13. Causæ igitur, propter quas Ecclesiā Imperatoribus Concilia convocantibus non obstitit, istæ fuerunt. Primò cum tempore persecutionum ægrè potuissent celebrari Concilia, quorum, si ritè fiant, maximæ sunt utilitates; ubi Christianus Imperator cœpit non solum permittere, sed & juvare, ac promovere sanctissimos
hujus

hujusmodi Cœtus, hoc bonum maximo Dei beneficio adscripserunt Antistites; ac fructum exinde proveniente magis attendentes, quam quæ incommoda futuris temporibus consequi possent, non ita subtiliter inquisierunt, an eâ ratione Principes ultra proprios limites excursuri forent, propriâque autoritati vindicaturi, quod à solo Constantini studio erga Religionem, ac publicam quietem cum Ecclesiæ consensu profectum fuisset. Secundò quia Hæretici, & Schismatici, legitimæ superiorum Ecclesiasticorum autoritati non satis subjecti, Imperatorum erant compescendi autoritate, quam ipsi vix adhibuissent, nisi negotia in Synodis à se indictis fuissent tractata. Tertiò quia propter Ecclesiarum paupertatem non potuissent Episcopi longa itinera conficere, præsertim ut ex universo Orbe in unum locum ad celebrandum Concilium generale concurrerent, nisi vecturæ, aliisque com meatui necessariis Principum liberalitas providisset. Quartò Principes ab omnibus Cœtibus admodum numerosis publicæ quieti, ac propriæ dignitati sinistrum aliquid metuentes, Episcopos, quorum magna erat in plebem potestas, sine suo assensu convenire non permisissent. Quintò Constantini Magni exemplum laudabiliter se imitari posse credebant, Ut id à bonis fieret, propter utilitatem, ut à malis, propter necessitatem, & impediendi difficultatem passa est Ecclesia.

14. Cæterum enim liberam conveniendi facultatem Episcopis de rebus Ecclesiasticis tractaturis competere, nec à Principibus coarctandam esse declararunt, aliquando ipsi etiam Principes, ut in capite sequenti videbimus,



CAPUT V.

Concilia generalia, dum certus est, & indubitatus Romanus Pontifex, sine illius assensu legitime congregari non posse.

1. **C**ujuscumque autoritatis sit Concilium generale, Principum curâ, vel ex communi Episcoporum consensu, congregatum, dum nullus, aut incertus & dubius est Romanus Pontifex, qua de re infra obiter agemus, occasione Concilii Constantiensis, ex professo enim illam tractare non ita pertinet ad susceptum argumentum, unam ex legitimi Concilii conditionibus esse dicimus, aut â legitimo Pontifice, dum talis existit, & agnoscitur, aut saltem non sine illius assensu convocetur.

2. Ea est D. Thomæ sententia, quam quæst. 10. de potentia art. 4. ad 13. exprimit his verbis; *Cujus (Romani Pontificis) autoritate sola, Synodus congregari potest, & à quo sententia Synodi confirmatur, & ad ipsum à Synodo appellatur.* Et 2. 2. qu. 1. art. 10. in corp. *Et ideo ad solam autoritatem Summi Pontificis pertinet nova editio Symboli, sicut & omnia alia, quæ pertinent ad totam Ecclesiam, ut congregare Synodum generalem.*

3. Joannes Gerson eorum Coriphæus, qui Concilii potestatem tantum extulerunt, lib. de vit. spirit. anim. lect. 3. postquam Papæ superioritatem supra totam Ecclesiam his verbis constituit; *Habet itaque Papa dominium superioritatis à Christo supra totam Ecclesiam, cum plenitudine potestatis in eis, quæ spirituale regimen Ecclesiæ propriè dictum respiciunt, &c.* Partes hujus potestatis assignat in hunc modum; *De hac potestate sunt IJS CONVOCANDI CONCILIA UNIVERSALIA, Ipsi determinandi cum Concilio quæstiones fidei per modum articulorum, omnes generaliter obligantium.* Deinde tamen aliquos casus excipit, de quibus inferius.

4. Acriter S. Antoninus hoc summi Pontificis jus defendit Chron. par. 3. tit. 2. cap. 3. §. 1. *Nec CONCILIVM ALIVD GENERALE, inquit, POTEST CONGREGARI SINE AVTORITATE ROMANI PONTIFICIS; nec*

G g

aliquid

tur generalia, ut optimo Ecclesiæ regimini prospiciatur, convocare, ad supremum illum Ecclesiæ Pastorem pertinet. Id enim Rectoris officio esse quasi innatum docent, & recta ratio, & omnium societatum tam civilium, quàm Ecclesiasticarum praxis, ut quisquis regimini præfectus est, is Cætus convocet, dum publica res exigit, eique vocanti cæteri obsequi teneantur. Concilium generale ex ejus autoritate indicendum est, qui possit omnibus, qui congregandi sunt præcipere, suoque præcepto illos obligare. Alioquin enim plurimi adesse negligerent, aut contemnerent. Quis autem præter Romanum Pontificem omnes Episcopos sibi præsertim in rebus Ecclesiasticis, subditos habet?

8. Idem ex S. Hieronymo inter Apostolos unus electus est, qui cæteris præesset, ut schismatis tolleretur occasio. Sed in congregandis, & celebrandis Conciliis majus est schismatis periculum. Impossibile enim est, vel saltem difficillimum (qui sunt hominum mores) ut Episcopi per totum orbem diffusi consentiant in idem tempus, eundem locum, eundem deliberandi ordinem, & alia, quæ ad prosperum Concilii exitum sunt necessaria, (nisi multiplicia illa membra sic dispersa, uni capiti colligantur, ejusque modum sequantur. Si tempore magni schismatis aliud contigisse videtur, speciali Divinæ providentiæ dispositioni, ac quasi miraculo id tribuendum est in gratiam Fidelium patrato; quorum maxima pars, quis esset legitimus Pontifex, ignorabat. Cæterum enim tot fuerunt tunc temporis dissensiones, contentiones, & discordiæ, ut simile miraculum expectandum non sit, nec expetendum; præsertim dum constabit (atq; utinam nunquam lateat) quis verus sit Pastor, & verum Ecclesiæ universæ Caput.

9. Jus illud summi Pontificis declaratum est jam ann. 501. Nam accusato de horrendis, licet falsis, criminibus Symmacho Papa, convocati ad Synodum Episcopi Theodotico Regi exposuerunt, Synodi convocationem ad ipsummet Pontificem, quamvis accusatum pertinere. *Suggererunt ipsum qui dicebatur impetitus, debuisse Synodum evocare, scientes quia ejus Sedi primum Petri Apostoli meritum vel Principatus, deinde, secutâ jussione Domini, Conciliorum venerandorum autoritas ei singularem in Ecclesiis tradidit potestatem.* Quid ad hæc Theodoricus? Potentissimus Princeps, ipsum quoque

PAPAM IN COLLIGENDA SYNODO VOLUNTATEM SVAM LITTERIS DEMONSTRASSE. *significavit.* Actor. Synod. Rom. 3. sub Symmacho Papa anno 501. Certè si Concilium, in quo de Papæ accusatione tractandum est, ab ipso met debet convocari, idque ob *Petri Apostoli meritum vel principatum*, non video quâ occasione, quove prætextu possit illi hæc autoritas à Catholicis negari, quam Rex Arianus agnovit. Dices forstè non de Concilio generali, sed de Provinciali, vel ad summum de nationali, hæc dicta fuisse, sed præterquam quod de re agebatur, quæ Concilium generale postulasset, nec enim ab inferiori Concilio deponi posse summum Pontificem contendunt Galli, rationes, quæ adducuntur, pro omnibus Conciliis æqualem vim habent, puta *Petri Apostoli meritum vel Principatus, Iussio Domini, singularis in Ecclesiis potestas.*

10. Cùm Imperator Valentinianus ab Episcopis rogaretur, ut liceret Concilium celebrare, respondit, ut refert Zozomenus libr. 6. cap. 7. *Mihi, quisum in sorte plebis, fas non est, talia curiosius perscrutari: Sacerdotes, quibus ista cura sunt, quocunque vulneris loco conveniant, quibus verbis indicaverat, ad Ecclesiasticam libertatem spectare Conciliorum ad res sacras tractandas congregationem, nec posse Imperatores congregationem, sine iusta sacra causa prohibere.*

11. In Concilio Chalcedonensi, ut observavit Marca supra relat. Dioscorus inter Episcopos sedere prohibitus fuit, quod Synodus generalem fecisset sine autoritate Apostolicæ Sedis, quod nunquam licuerat, nunquam factum fuerat. Acta Concilii Chalcedonensis Actor. 1. QVOD NVNQVAM FACTVM EVIT, NVNQVAM RECVIT.

12. Denique Concilium Lateranense V. sess. 11. soli Romano Pontifici hanc vindicat potestatem Constitutione, quæ incipit; *Pastor æternus* his verbis; *Cum etiam solum Romanum Pontificem pro tempore existentem, tanquam auctoritatem super omnia Concilia habentem, tam Conciliorum indicendorum, transferendorum, ac dissolvendorum plenum ius, & potestatem habere, nedum ex sacra Scriptura testimonio, dictis sanctorum Patrum, ac aliorum Romanorum Pontificum etiam Predecessorum nostrorum sacrorumq; Canonum decretis, sed propria etiam eorundem Conciliorum confessione manifestè constet.*

13. Ca-

11. Casus aliquos excipit Joannes Gersonius à necessitate faciendæ à summo Pontifice Conciliorum convocationis; *Congregatio*, inquit tract. de potest. Eccles. consid. 12. *legitimâ auctoritate facta* DICTUR REGULARITER A PAPA, sicut sonant *Decreta* & *Decretales* innumera. Excipiuntur tamen tres casus, ubi congregatio Concilii generalis sit legitimè sine Papa. Unus dum desinit esse per mortem naturalem, aut civilem seu Canonicam quæ est depositio, vel sic cadat in perpetuam maniam, aut si ad eum captivatum non pateat accessus. Alius dum sufficienter requisitus de convocando Concilio, renuit contumaciter in perniciem Ecclesie, præsertim si tangat ipsum. Tertiò si Concilium postquam est à Papa legitimè congregatum statuat certum tempus, & locum pro celebrando generali Concilio, sicut in *infra triennium* vel de *decennio in decennium*, etiam ubi Papa renueret. Faretur Gersonius regulam esse ut Concilium à summo Pontifice congregetur. Non sunt ergo hinc alii casus excipiendi, quam quos vel lex Divina, vel evidentissima ratio præscribit. Dum nullus est Papa vel incertus est, dare operam Episcopi possunt ut eligatur Pastor, quem universa sequatur Ecclesia. Nec aliud quidquam præstari à Concilio posse, docent Auctores non pauci. Ad summum igitur, si electione pendente, vel summo Pontifice impedimento inevitabili detento, quicquam occurreret, quod dilationem remedii non pateretur, Concilium providere posset. At verò dum legitimus, & certus existit Pontifex, ad eum totius Ecclesie cura spectat, nec sine illius auctoritate, supremo, & infallibili iudicio aliquid statui potest.

14. Quid ergò, inquires si Papa per negligentiam, vel malitiam bonam Ecclesie pessundari permittat? Nonne tunc eo invito congregari Concilium poterit? Poterunt tunc Episcopi monere, urgere, aliisque convenientibus mediis uti, Concilium autem generale Papæ opponere, nihil aliud esset, quam remedium malo pejus adhibere; strata scilicet ad schisma, quo sancti Patres docent esse nihil perniciosius, viâ proclivissimâ. Ecquando enim utile fuit Ecclesie existenti sine summo Pontifice legitimo, & indubitato, Concilium sine ipso collectum, vel continuatum? Quo tandem desuit Concilium Basileense, ex quo tempore schisma constavit adversus Eugenium IV.? Quis fructus Concilii abuli Pisani Ludovici XII. Francorum Regis curâ congregati adversus Julium II. Pontificem, &c. Certè qui Ecclesiam suam

super Petrum ædificatam promissit à portis Inferi non superandam, nunquam permisit, nec permittet unquam, ut ab ipsius Petri Successoribus ita concutiat, ut nisi à Concilio generali sine illis, ac contra illos convocato, fulciatur, continuò ruitura sit. Nec video quí potuerint Antistites Parisienses eum casum tantoperè timere, ut & sine summi Pontificis, & sine Concilii generalis autoritate, remedium præparare festinaverint.

CAPUT VI.

Respondetur objectionibus Joannis Launoii.

1. **I**lustriſſimus Cardinalis Bellarminus lib. de Concil. cap. 12. quaerit, *cujus sit congregare Concilia*, qui titulus sanè significat, eum non de factò, sed de jure movere quaestionem. Et quia contra hæreticos disputat; *igitur, inquit, convenit inter nos, & Adversarios, Concilia Diocesana ab Episcopo, Provincialia ab Archiepiscopo, Nationalia à Patriarcha, vel Primate convocari debere.* Itaque de Conciliis generalibus disputationem instituit. Quo circa hanc conclusionem statim ponit; *Catholicis munus convocandi Concilia generalia ad Romanum Pontificem propriè pertinere volunt, sic tamen ut possit etiam alius Pontifice consentiente, Concilia indicere; quin etiam satis sit, si indictionem factam ipse postea ratam habeat, & confirmet. At, si nec ipse indicat Concilium, nec aliquis alius de ejus mandato vel consensu, nec ipse saltem approbet indictionem, ILLUD NON CONCILIVM, SED CONCILIAVLVM FORE. Hæretici autem hujus temporis eam auctoritatem Imperatori attribuunt.* Jus illud deinde sex, aut septem argumentis probat.

2. Capite autem sequenti solvit Adversariorum argumenta ex eo præcipuè desumpta, quòd prima Concilia fuerint ab Imperatoribus non à Pontificibus indicta, factum non negat, imò satis apertè concedit. Sed primò respondet, argumento, quod vocant ad hominè, scilicet frustra traditiones, aut consuetudinem ab adversariis allegari, ut quia à traditione, & consuetudine argumenta efficacia duci possent non admittant. Secundò, consuetudini, consuetudinem opponendo; *Si enim, inquit, quatuor, aut quinque Concilia Imperatores indixe-*

dixerunt , *plura quam duodecim indixerunt Pontifices , ut Adversarii etiam fassentur*. Tertiò , dicendo , *nullum esse Concilium generale Catholicum à solo Imperatore indictum , id est sine consensu , & auctoritate Romani Pontificis* ; quod intelligendum est juxta statutam initio conclusionem , ut Romanus Pontifex saltem approbaverit inductionem.

3. Joannes Launoïus huic inter Bellarminum , & Hæreticos controverſiæ se ingerens , non solum contra Illustrissimum illum Cardinalem stat , sed eum etiam injuriis afficit : quarum illa videtur gravissima , quod Bellarminus malæ fidei fuerit in referendis testimoniis , quibus utitur. Sed videamus , an ille melioris sit fidei ?

4. Decem primis sextæ partis Epistolis certat pro convocatione Conciliorum Imperatoribus offerendâ ; sed quâ intentione , mihi perspectum satis non est. Poteſt enim quintuplex moveri quæſtio. Prima de factò , scilicet , utrum Imperatores Concilia convocaverint ? Secunda utrum habuerint à se auctoritatem , & jus convocandi ? Tertia utrum auctoritatem illam habuerint non consentiente , vel etiam renitente summo Pontifice ? Quarta utrum illius convocationis jus Romano Pontifici competat ? Quinta utrum eâ uti possit sine consensu Principum ?

5. Si Launoïus primum tantum intendit , ut multiplices quas cumulat auctoritates , suadent , frustra in Bellarminum insurgit , eumque injuriis laceſſit. Fatur enim Bellarminus pluries , etiam in verbis à Launoïo relatis , Imperatores de factò prima Concilia convocasse.

6. Si secundum voluit Launoïus , certè Theologi partes nullatenus explevit. Cum affirmanti incumbat onus probandi , debuit , ex regulis ab ipso sæpiſſimè repetitis , *aliquo Scriptura loco juxta unanimem consensum Patrum accepto , aut traditione probare* , jus Concilia convocandi Imperatoribus competere , Scripturæ locus certè nullus est. Traditio Divina , vel Apostolica nulla est. Legimus autem è contra Apostolos plura Concilia habuisse , quorum convocationi absurdum est supponere interveniſſe Principum Christianæ Religionis inſenſorum consensum , ut nullum sit apud Launoïum argumentum negativum (qualia sunt apud ipsum ferè omnia) isto validiùs. Sed fortè traditionem appellareet longam

longam illam testimoniorum seriem , quibus ostendit , Concilium olim ab Imperatoribus convocata fuisse. Sed hæc traditio ad factum pertinet non ad jus, nec est illa traditio, quam intellexit Concilium Tridentinum, à quo suas illas regulas se mutuari passim profiteatur Launoius. Loquitur enim Concilium de doctrinà à Christo , vel saltem ab Apostolis ex instinctu , ac præcepto Spiritûs sancti ad nos quasi per manus transmissâ ; Cujusmodi non sunt Historiæ convocationis Conciliorum ab Autoribus, quos citat Launoius, conscriptæ. Accedit , quod traditio Launoi non est perpetua, & constans in favorem Imperatorum , ut ipse epistolâ ad Raymundum Formentinum fateri cogitur his verbis ; *Quin generalia Concilia, quæ ante Florentinum habita sunt, cum Romæ, tum in Gallia, Lugduni, & Vienna, tum in Germania, Constantia, & Basilea, Romani Pontificis auctoritate indicta, & convocata fuerint, dubitari merito nequit.* Quibus quidem verbis non excludit expressè Imperatorum auctoritatem: sed hinc inferes, cujus affectus fuerit in sanctam Sedem Scriptor ille, qui cum in ejus favorem veritate cogente loquitur, totum quod vult dicere, dicere nequit. Scopus enim ejus epistolæ (vide quantum illi debeat sancta Sedes ob prædictam confessionem) est ostendere, Imperatorem consensisse Concilio Florentino, atque ita quodammodo compensatam veterem disciplinam, quâ Principes Concilia convocabant. Cum igitur Launoius Concilium Florentinum anterioribus opponat, tacite tantum concedit, sed verbis non exprimit, anteriora sine Imperatoris consensu fuisse convocata; quod certissimum est, quodque ut Launoius apertè diceret, postulabat ejus institutum. Denique traditio seu exempla à Launoio adducta, factum, non jus, de quo est questio probant.

7. Tertium, nempe jus illud penes Imperatores fuisse, non consentiente, vel etiam renitente Summo Pontifice, cum falsum sit, adhuc magis impossibile est, ut demonstretur argumento Theologico , siquidem ex regulis Launoi petendum esset ex *Sacra Scriptura loco, juxta unanimem consensum Patrum accepto, vel ex traditione illa, de qua loquitur Concilium Tridentinum.*

8. Quæ sit Launoi mens circa quartum , scilicet , an summus Pontifex habeat jus convocandorum Conciliorum , non
satis

latis apparet. Videtur id planè negare sub initium primæ Epistolæ 6. tom; *Premittenda*, inquit, *atque expendenda mihi tria videntur.* Et primum quidem num ex Scriptura sacra convocandarum Synodorum jus, & autoritas, cuiquam, Romano puta Pontifici, vindicari queat. Vindicari nequit: siquidem Scriptura sacra locus nullus est, qui juxta unanimem consensum Patrum acceptus, uti accipiendum esse Tridentinæ Fidei regula præscribit, cuiquam id juris & autoritatis asserat. Sed fortasse his verbis id tantum intellexit, quod pag. 9. dicit; *Personam congregantis Synodum, & Synodi congregationem ad bene, vel male gestam Synodum pertinere nihil;* Hoc est, ut ipse explicar, non referre à quo congregetur Concilium, ut rectè celebretur. Id adhuc apertius tradit Epist. 8. Ex quo tamen non sequitur, non posse summum Pontificem, dum Ecclesiæ universæ necessitas exigit, Episcopos ad Concilium convocare, illosque non teneri convocanti parere. Doctrina enim esset Religioni perniciosissima. Cum enim aliundè doceat iudicium Papæ in definiendis fidei quæstionibus non esse infallibile, quonam modo sisteretur hæresis grassantiscancer, si Papa non haberet jus, & autoritatem, imò, nec quisquam alius convocandi Concilii generalis, & Episcopi, ut facile contingere posset, inter se dissentirent, aut etiam major pars convenire detrectaret? Quam enim ægrè Galli ad Concilium Florentinum, ad Lateranense V. & ad Tridentinum accesserunt, quæ tamen propter suam, & fortè aliorum absentiam, generalia esse negabant, licet omnes generaliter convocati fuissent; Cujus difficultatis causa an in Principes, an in Episcopos referenda sit, non est hujus loci perscrutari. Hoc tantum observo, facillimè impediendam esse Conciliorum congregationem, si nullum sit summo Pontifici convocandi jus, nulla convocanti parendi Episcoporum obligatio. Atque ita periclitaretur Fides, & Religio, inutilis, & otiosa evaderet omnis Romani Pontificis autoritas, apud eos, qui à Romano Pontifice ad generale Concilium appellare licere, vel sentiunt, vel fingunt, ut ejus Decretorum vim eludant, expectantes Concilium, quod sciant non habendum, quodque fortè ipsum impedituri sint.

9 Verum non solum jus illud penes Romanum Pontificem esse, ut possit Episcopos ad Concilium cogere, quod nescio an inficiaretur Launojus, sed etiam, ut sine ipso Concilium cogi non possit,

Hh

quod

quod Launoius negat, aut saltem vim in tota Ecclesia non sint habitura ejus Decreta, tum ex jam dictis colligitur, tum ex dicendis in aliis hujus libri capitibus constabit.

Obscura est etiam mens Launoi circa quintum. Cum enim in loco supra citato fateatur, saltem tacite, congregata fuisse plura Concilia generalia Romani Pontificis autoritate, sine Imperatorum consensu, autoritatem illam à Principum consensu liberam esse agnoscere videtur: sed cur in eadem Epistola contendit in Concilii Florentini Decreto, quo Græci cum Latinis in mutuam reducuntur concordiam, idè fieri mentionem consensus Imperatoris, quia sine eo congregatum fuerat Concilium, unde concludit; *Igitur inscriptione tali compensata est disciplina vetus, quâ generales Synodi octo in Oriente Imperatorum jussu celebrata fuerant.* Cur tantum octo in primis Epistolis illius tomi defudat in congerendis autoritatibus, quibus ostendat octo prima Concilia fuisse ab Imperatoribus convocata. Quidquid sit de mente Launoi, ego quidem; licet non ignorem vix posse de facto haberi Concilium repugnantibus Principibus, propter eorum potentiam temporalem, certissimum tamen habeo, nullum penes illos jus reponi posse impediendi; quominus dum Ecclesiæ necessitas postulat, Concilium à summo Pontifice congregetur, præstet in eorum sententia, qui Papam errori obnoxium faciunt, etsi deessent aliæ rationes, illa vel sola me convinceret, quod cum aliàs contigerit, & rursus accidere possit, nullum existere supremum Principem Catholicum, Ecclesia tunc careret medio convenientissimo ad confirmandam fidem adversus insurgentes hæreses, si Principum infidelium, aut hæreticorum consensus ad Concilii celebrationem de jure requireretur. Contigit enim frequenter, ut magna Episcoporum pars ab alia dissentiret, ac cum ea convenire de-
nectaret.



CAPUT VII.

Respondetur iis, quæ Launoius Bellarmino specialiter obijcit.

1. **S**uperfunt expendendæ accusationes Launoii contra Bellarminum in epist. 1. tom. 6. contentæ. Hinc enim intelligitur quid de iis sentiendum sit, quæ in aliis Epistolis sparsæ sunt; cùm ejusdem ferè generis sint. Primò, Bellarminum arguit quod lib. 1. de Concil. cap. 12. statuerit *re vera esse Pontificis, non Imperatoris congregare Synodum generalem, idque demonstrari posse ex Divinis litteris.* At subdit Launoius; *Et sine Theologica ratione id dicit; Nam supra notavimus Scripturæ locum, nullum adferri posse, qui juxta unanimum consensum Patrum acceptus prout exigit Tridentina fidei professio, demonstret, quod Bellarminus demonstrandum suscepit.* Similia addit de traditione in secunda accusatione: Perpetuum est illud Launoii Sophisma, Concilii Tridentini sententiam invertens. Ex eo enim quod Concilium *contra unanimum consensum Patrum Scripturam sacram interpretari vetuerit; Infert ipse: gratis, Et sine Theologica ratione dici, quod Scripturæ loco juxta unanimum consensum Patrum acceptæ non demonstratur.* Quasi idem esset, prohibere *Scripturam sacram contra unanimum consensum Patrum interpretari: atque declarare, nulla esse argumenta Theologica, nisi à Scripturæ loco juxta unanimum consensum Patrum, accepto, quod jam lib. 3. cap. 11. confutavimus.*

2. Commoda omninò est Launoio sua regula, quia cùm rarò aliquid ex professo adstruendum suscipiat; sed ferè semper aliorum asserta destruere conetur, scopum suum attingisse sibi videtur, ubi negavit extare locum Scripturæ sacræ juxta unanimum consensum Patrum acceptum, aut traditionem, atque ad eò rationem ullam Theologicam, pro adversarii sui dicto. Idque faciliè probat juxta suam methodum allatis plurimis locorum Scripturæ interpretationibus, & autoritatibus de re illa tacentibus, aut aliud, diversum quidem, sed non contrarium, affirmantibus.

3. Sufficit Theologo, ut nihil contra unanimum Patrum consensum

sum affirmet, ut generalibus Patrum effatis argumenta sua conformet, ut conclusiones in traditione, vel in Scripturæ locis, unde illas deducit, contineri, prudenter, rationabiliterque, ex Fidei ac Religionis analogiâ judicentur, qui plus aliquid exigit, Theologiam cum Fide confundit; idque quod à peritis habendum est tanquam certissimum, cum eo quod omnibus fide Divinâ necessariò credendum est. His autem officiis satisfecisse hac in parte Bellarminum perspiciet, qui ejus doctrinam æquo animo expendit.

4. Tertiò Bellarminum accusat, quod *contra Calvinum Ecclesiasticæ historia rudem, & ignarum in rebus seu veris, seu falsis ad hominem disputatis præsidium omne constituat. Sed asserenda semper est, inquit suis momentis veritas, qua hominum mendacio nunquam indignit.* Sed quod est Bellarmini mendacium à Calvino acceptum. Hæc sunt Bellarmini verba, quæ refert Launojus, *Argumenta Calvinii, & Magdeburgensium sumuntur ex indiotionibus primorum Conciliorum, qua ab Imperatoribus non à Pontificibus indicta fuerunt.* Primam partem admittit Bellarminus, scilicet prima Concilia convocata fuisse ab Imperatoribus: Illud ne mendacium à Bellarmino ex Calvinii concessione acceptum vocat Launojus, in quo confirmando tantum laboris insumpsit? Secundam partem negat Bellarminus, scilicet prima Concilia non fuisse à Pontificibus indicta, eo nimirum modo, quem exprimit in conclusione sua, cap. præcedenti posita, sic tamen ut possit etiam alius, Pontifice consentiente, Concilium indicare, *Quin etiam satis sit si indiotionem factam ipse postea ratam habeat, & confirmet.* Illud mendacium non esse, probat Bellarminus, & probabimus nos in capitibus sequentibus. Et, si mendacium esset, non esset à Calvino acceptum, quandoquidem id à Calvino negatur. Quid autem in hac Bellarmini methodo reprehenditur? An quod utatur argumentis quæ vocantur *ad hominem*? Num optima illa sunt, dummodo vera sumatur adversarii sententia; legitimèq; deducatur consequentia; Optandum esset, ut prima conditio ad eò sincerè observaretur à Launoio contra Bellarminum disputante, ut à Bellarmino Hæreticos impugnante. An non certior victoria, eum suis se armis hostis perimit? Sed falsa sunt, quæ Adversarius concedit. Non licet certè falsum assumere ad adstruendum falsum: Congruenter tamen affirmationem falsam ab adversario factam disputans

ei opponit, ut aliam ejusdem falsam assertionem retundat. Neque hoc pacto falsitas approbatur, sed ex falsitatis veneno ab adversario subministrato, adversus aliam falsitatem componitur remedium, quo ille sanetur, alii sani custodiantur. Quamquam ne istud quidem facit Bellarminus, quin falsitatem detegat, contradictionem hæreticorum demonstrans, & singulas falsitates patefaciens. Quod autem Launoius addit; Neque enim Calvinum errare sufficit, sed præterea requiritur, ut Catholici quidam non errent, cum utrimque errari potest; Innuens falsa ab adversariis concessa ad alia falsa confirmanda usurpari, vel eadem, quæ conceduntur acceptari. In Bellarminum id non cadit; Quod ut pateat, reliquas ejus accusationes ordine prosequamur. Cæterum si hæc Launoi contra Bellarminum accusatio refertur ad illud, quod Illustrissimus Cardinalis ex confessione Calvini supponit, Conciliorum Provincialium convocationem ad Metropolitanum, Diocesanos ad Patriarcham, aut Exarchum pertinere, atque inde concludit generalium congregationem ad Papam spectare, præterquam quod verissima est doctrina, fuit etiam ab Episcopis Gallicanis tradita. Hincmarus Archiepiscopus Remensis opusc. 55. Caput 20. cap. ait: Sic igitur universales Synodi specialiter Apostolica Sedis autoritate convocantur, & aquæ Provinciales Canonica Synodi Decreto Sedis Apostolicæ à Metropolitanis, & Provinciarum Primatibus convocantur, sicut de conlatis clavibus Regni Calorum, id est ligandi, & solvendi Pontificio specialiter S. Petro dato, & simul omnibus Apostolis, & in eis Catholicis Episcopis conlato sancta, & universa tenet Ecclesia &c.

5. Quartò arguit Bellarminum, quod initio capitis 13. dicat; *Semper est argumenta solvere, ex quibus etiam magis confirmabitur veritas*, quali jam probasset in superiori capite, Nicænum Concilium à Pontifice Romano congregatum, atque id tantum ex contrariorum argumentorum solutione superesset confirmandum, quamvis in superiori capite non solum id non probaverit, sed ne verbum quidem de Concilio Nicæno fecerit. Justius nos hic adversus Launoius, quàm ipse alibi adversus Bellarminum, aut alios Scriptores; quos ipse *Curia Romano mancipia* vocat, possemus exclamare. Heu prisca fides Bellarminus in capite superiori, hoc est 12. lib. 1. de Conciliis, ut ipse met Launoius in accusatione prima notavit his verbis, *Quæstio-*

nem juris tractat statuitque re vera esse pontificis, non Imperatoris congregare Synodum generalem. Caput autem 13. sic inchoat. *Supereſt argumenta ſolvere ex quibus etiam magis confirmabitur veritas;* Illa verba ſic accipit Launoius, ut ſi Bellarminus vellet tantum ſolvere argumenta negantium Synodum Nicænam à Romano Pontifice congregatam, quaſi jam id demonſtraſſet in capite præcedenti, cum ejus Synodi ne mentio quidem facta ſit in illo capite. Id nemo credat de viro prudente, qualis erat Bellarminus, ſed nec credere poſſit qui contradicendi ſtudio non ſit excæcatus, ſi attendat ad illa verba Bellarmini, quæ refert Launoius ante primam accuſationem. Sic enim ſcribit doctiſſimus Cardinalis; *Supereſt argumenta ſolvere, ex quibus etiam magis confirmabitur veritas. Argumenta Calvinii, & Magdeburgenſium ſumuntur ex diſtinctionibus primorum Conciliorum, quæ ab Imperatoribus non à Pontificibus indiſta fuere. De Nicæno primo ait Ruſſinus, &c.* Quis præter Launoium lectis his verbis non videat, vel negare audeat, Bellarminum non argumentis contrà convocacionem Concilii Nicæni, ſed contra jus convocandi Concilia reſpondere velle? Primò capitis 12. titulus eſt; *CVIVS SIT CONGREGARE CONCILIA*, 13. verò. *Solvuntur argumenta Adverſariorum.* Initium autem iſtius capitis eſt; *Supereſt argumenta ſolvere, &c.* Secundò Bellarminus dicit, Argumenta Calvinii, & Magdeburgenſium ſumi ex indiſtinctionibus primorum Conciliorum; non ergo de convocacione Nicæni, quod primum omnium generalium celebratum eſt, diſputat. Tertiò, Bellarminus ex parte adverſariorum enumerationem Conciliorum ab Imperatoribus habitorum inchoat à Concilio Nicæno: non ergo de illo ſolo eſt quaëſtio. Quartò, Bellarminus huic objeccioni ex convocacione Concilii Nicæni propoſitæ reſponderet, probans eam ex conſenſu ſancti Sylveſtri factam; Non ergò ſupponit id jam à ſe in capite præcedenti demonſtratum; ſolumque ſupereſſe, ut argumenta in contrarium ſolvantur.

6. Quintò, Bellarmino, inquit Launoius, *& illius Aſſectis religio videtur eſſe quicquam, quod Calvinus, & Magdeburgenſes probent non improbare.* Verùm id quidem ſi de rebus intelligatur, quæ ad illoꝝ hæreticorum errores pertinent, non de iis, in quibus rectè ſenſerunt. Novit Bellarminus omnia probare; quod bonum eſt, tene-

re; quod malum improbare, ut in loco, de quo Launoius loquitur, concedit sapientissimus Cardinalis Calvino, & Magdeburgensibus, prima Concilia ab Imperatoribus fuisse convocata; negat ex facto jus sequi, ita ut Summo Pontifici potestas auferatur, & Imperatoribus adjudicetur, congregandorum Conciliorum.

7. Rursus circa sextam accusationem exclamatio Launoii adversus Scriptores Romanos in ipsum retorquenda esset. *Hæc priscasides*; Cum enim Bellarminus tribus autoritatibus, scilicet sextæ Synodi, Damasi, & Ruffini (de quibus omnibus simul dixit, quod à Launoio repetitur; *ex quibus habemus quod volumus*) probasset, Concilium Nicænum habitum fuisse cum consensu Romani Pontificis, Launoius ad ultimam tantum, utpotè cæteris minus expressam, Bellarmini conclusionem refert, quod eam facilius impugnet; sic enim ejus verba glossatur; *Ex quibus habemus quod volumus*, sic Bellarminus. Addidit Launoius; *Si Ruffini testimonio stetur*. Cum dicere debuisset: si sextæ Synodi, si Damasi, si Ruffini testimonio stetur. Imò bene affectus Lector verba ista potius de aliis, quàm de Ruffino obscurius loquente accipiet. Hanc autem Ruffini auctoritatem impugnat Launoius, primò quod Ruffinus non aliud dicat, quàm quod *Constantinus ex Sacerdotum sententia Concilium convocavit*; Non exprimens qui fuerint Sacerdotes illi. Secundò quia Epiphanius Ruffino antiquior significat, qui fuerint illi Sacerdotes, Alexandrum Alexandria Episcopum nominans. Tertiò quia hæc verba Epiphani *studio Choriatæ* declarant, quid sibi velint hæc voces apud Ruffinum; *Sacerdotum sententia*; scilicet consilium à Sacerdotibus, mandatum à Constantino, adhibitum ad congregandum Concilium. Quartò, quia Nicæna Synodus se Constantini Imperatoris mandato coactam esse simpliciter profitetur. Sed primò cur non licuisset Bellarmino Ruffini verba illa, *ex Sacerdotum sententia*, de Romano Pontifice intelligere, cum ratio suadeat Constantinum Principem religiosissimum, & prudentissimum tanti momenti rem non fuisse aggressum, nisi communi consensu cum S. Sylvestro, quem totius Ecclesiæ Caput, & Episcoporum Principem esse non ignorabat; cum sexta Synodus, quam simul cum Ruffino citaverat, dixerit; Constantinum & Sylvestrum magnam Synodum apud Nicæam congregasse: Cum Gregorius II. quem

Laun-

Launoius tom. 7. epist. 7. plurimum laudat, in illo ipso Epistolæ posterioris fragmento, quod ibi exscripsit, hæc habeat verba; *Constantinus Magnus, Theodosius Magnus, Valentinianus Magnus, & Constantinus Justiniani Pater, qui sexta Synodo interfuit, Imperatores isti religiose imperarunt, & cum Pontificibus uno consilio ac sententiâ Synodos congregantes, atque veritatem dogmatum perquirentes sanctas Ecclesias constituerunt, & ornarunt*; Secundò Epiphanius Alexandrum Alexandriæ Episcopum nominans, alios non excludit. Tertiò, laudabilis illa inter Pontifices, & Imperatores concordia, quam exprimit Gregorius II. in verbis mox relatis, non patiebatur, ut ità subtiliter sua quique jura distinguerent; cùm utrique de fide tantùm ac Religionis solliciti essent. Undè contingere potuit, ut etiam Scriptores non ità scrupulosè verba ponderarent; nec rebus significandis aptiora feligerent. Adde, quod vox, *sententia*, qua utitur Ruffinus, utrumque, & simplex suffragium & judicium cum autoritate apud probos Scriptores Latinos denotat; Verba verò Epiphaniï, *studio, & hortatu* Alexandro, cujus specialem fecit mentionem, accommodata sunt. Cùm enim Arius Presbyter Alexandrinus ob suam hæresim ab Alexandro illius urbis Antistite fuisset excommunicatus, nec resipisceret, imò plurimos suæ perfidiæ socios haberet, etiam inter Episcopos; optavit Alexander efficacissimum huic malo remedium apponi; Ideoque hortatus est Constantinum, ut Concilium generale celebrandum curaret. Id autem à Constantino sine Sylvestri consensu factum, credere non sinit, quæ suprà diximus. Quartò, neque id consentiente Sylvestro factum negat ipsum Concilium Nicænum, si- get sileat. Sophisma est à propositione absoluta, modalem exclusivam inferre, ex eo quod Concilium Nicænum, & Scriptores à Launoio citati, dicunt, Concilium illud à Constantino convocatum concludere, ab ipso dumtaxat fuisse convocatum, aut ut volunt Hæretici, ipsi soli sine assensu summi Pontificis jus convocandi fuisse,

8. Septimò contra Bellarminum retorquet hæc ejus verba; *Ac primum de Nicæno primo legimus in sexta Synodo Aët. 18 Constantinum, & Sylvestrum magnam Synodum apud Nicæam congregasse; Quæ contraria esse dicit ei quod statuerat capite præcedenti; Esse revera Pontificis tantum, non Imperatoris congregare generalem Synodum. Hic adhuc*

adhuc desideratur bona fides Launoi. 1. An Bellarminus his verbis capitis 13. intendit probare, quod cap. 22. jam ostenderat; *Esse revera Pontificis tantum, non Imperatoris, congregare generalem Synodum?* Nonne respondet objectioni Hæreticorum, Papam à jure convocandorum Conciliorum excludentium, eò quod Imperatores prima Concilia convocaverint? Cui quidem Hæreticorum argumento tres adhibet responsiones, quarum ultima hæc est; *Tertiò dico nullum esse Concilium generale Catholicum, à solo Imperatore indictum, id est sine consensu, & autoritate Romani Pontificis*, quod sic probat; *Ac primum de Nicæno, &c.* quæ supra relata sunt. Undè clariè liquet, malè opponi Bellarmino illa ejus verba, cum non ipse, sed hæretici, quibuscum disputat, argumententur à factò ad jus: Ipse autem è contra concedens Imperatores de factò Concilia convocasse, neget, id eos proprio jure, ac sine consensu Romanorum Pontificum fecisse, quod testatur apertè autoritas illa sextæ Synodi. Optimè autem respondet adversariis suis Bellarminus, etiamsi à factò ad jus valeret consequentia; quandoquidem testatur sexta Synodus Sylvestrum cum Imperatore, non autem solum Imperatorem congregasse Synodum Nicænam. Undè juxta ratiocinationem Hæreticorum, sequeretur saltem juris illius participem esse Romanum Pontificem. Cæterum non attendit Launoïus ad ea quæ paulò post refert ex Bellarmino, scilicet, *Concilium generale ab eo indici debet ex autoritate, qui potest omnes cogere: At nullum unquam Imperatorum totam Ecclesiam subiectam habuit.* Si Launoïus ad ea attendisset, non puto ausurum fuisse, adhibere àquivocationem, Bellarminum exagitare, quasi negasset Imperatores Concilia convocasse, aut statuisset, eum, qui de factò convocat, jure suo convocare. Hæc enim verba *indici ex autoritate* mentem eruditissimi Cardinalis luculenter explicarent, si alias non constaret; nimirum ipsum non de convocatione actuali, sed de jure, & autoritate convocandi agere. Quanquam adversariis suis negat, convocationem actualem sine consensu summi Pontificis fuisse factam. Itaque iniquum est illud convitium quod subjungit Launoïus, *ut qui vivit in diem, quid sit futurum cras, non cogitat; sic Bellarminus priore paginà scribens quid posteriore scriptum sit non prospicit. Exinde contingit, ut prior, & posterior recta, & versa pagina mutuis attrita vulneribus concidant, & in eandem ruinam trahantur, &c.*

9. Denique testimonium Damasi Bellarmino non favere contendit; quia hæc verba, *cum Sylvestri consensu*, non denotant auctoritatem convocandi Concilii; Quippè cum cæteris omnibus Episcopis conveniant. Verùm ut supra notavimus, Illustrissimus Cardinalis jam cap. 12. auctoritatem summi Pontificis in convocandis Conciliis demonstraverat. Hic, id est in cap. 13. respondet objectionibus, ita tamen ut ex responsonibus interdum confirmet jam probata. Quamobrem licet hæc verba non ita essent expressa, non periclitatur causa, quæ defenditur, præsertim cum immediatè antè istam auctoritatem positum sit perspicuum Concilii sexti testimonium. Sed ut quid Sylvestri solius fuisset facta mentio, si vox illa, *consensus* nihil aliud innueret, quàm nudam complacentiam, aut approbationem omnibus Episcopis communem?

10. Aliud quod objicit Bellarmino Launoïus; Nempe quod hic tribuat Damaso Pontificale, quod ei in libro de Scriptoribus Ecclesiasticis non tribuit, plus videtur habere coloris, non tamen plus habet justitiæ conclusio hæc, quam illinc elicit; *Bellarminus igitur peccat dupliciter, & primò quidem contra propriam conscientiam, cum Damaso tribuit librum, quem Damasi non esse noverat. Deinde cum liber ille causam non adjuvat.* Nam & Pontificalis auctoritatem causam juvare, jam vidimus; Et temerarium est aliquem damnate peccati contra propriam conscientiam, dum lapsus tribui alii causæ potest, & probabiliter debet. Unde scit Launoïus peccasse contra propriam conscientiam Bellarminum Pontificale illud Damaso adscribentem in libro primo de Conciliis? Fortassis enim cum eum librum scriberet nondum examinaverat an Damasus esset verus Pontificalis Autor. Fortè licet id jam antea novisset, memoriæ tunc non occurrit; fortè in eadem denominatione vulgari modo loquendi sese accommodare debere credidit. Denique viro admodum pio, qualis ex omnium opinione extitit Bellarminus, seni, ac morti vicino, juranti se nihil falsi scienter scripsisse, fides sine injuria negari non potest, cum de conscientie suæ arcanis, quæ soli Deo judicanda reservantur, quorumque solus ipse conscius est, testimonium dicit. At, inquit Launoïus, *in libro de Scriptoribus Ecclesiasticis* Pontificale Damaso non tribuitur. Ita est, & quidem si eodem tempore Damaso à Bellarmino fuisset

set adscriptum, contradictio suspicionem ingereret: Tamen peccati contra propriam conscientiam certam probationem non efficeret, cum potuisset diversitas ex diversis causis oriri; quando igitur minus cum libri de Conciliis, & de Scriptoribus Ecclesiasticis diversis temporibus editi fuerint. Certè Bellarminus senex, & morti vicinus hunc lapsum reparasset, si ejus sibi conscius fuisset, quando tam accuratè opera sua, solo veritatis amore inductus, recognovit.

CAPUT VIII.

Concilia generalia sine consensu summi Pontificis habita non fuisse, vel robur non obtinuisse, ostenditur: & respondetur aliis objectionibus Joannis Launoi.

1. **M**ihi, ut capite sexto dixi, perspicuum non est quâ intentione Launoius tantoperè defudaverit, ut convocationem primorum Conciliorum generalium Imperatoribus vindicaret. Si enim facti tantum veritatem defendere voluit, inutili labore tempus detrivit; cum factum nec tanti sit momenti, nec à quoquam negetur. Si laborem hunc suscepit, ut Papæ jus esse negaret convocandi Concilia, dum ad universæ Ecclesiæ bonum opportuna viderentur, apertam illius Primatui intulit injuriam; cum nihil magis ad Prælati cujusvis sive Politici, sive Ecclesiastici dignitatem, & auctoritatem pertineat, quàm ut eos, quibus præest, convocandi habeat facultatem, dum id recto suo regimini expedire judicaverit. Potestatem illam Metropolitans, Primatibus, Exarchis, Patriarchisq̃ue tribuunt passim Canones, ut non nisi injuriâ summo Pontifici auferri queat. Si in id tantum nixus est quod epistolâ primâ, & aliis declarat, ut convocationem ostenderet, non esse necessariò aliqua auctoritate faciendam; cur tantam operam contulit ut Pontifices à primorum convocatione arceret, & eam Imperatoribus solis vindicaret? Accedit quod rem tentavit periculosam, factionibus faventem, quamq̃ue in regimen Politicum

cum inferre ausus non fuisset. Scio equidem Episcopos aliquando ex communi consensu convenisse, & ex occasione Concilia celebrasse; sed vel adfuit, vel saltem subsecutus est assensus eorum, ad quos convocatio pertinebat; aut factum præter ordinem, in omnirectè constitutà Republicâ servari solitum, non debet in exemplum, vel in argumentum juris assumi.

2. Quidquid intenderit Launoius, & alii, quos secutus est, verum semper est, ob primorum Conciliorum generalium convocationem non posse excludi Summum Pontificem à convocandi jure; cum nullum habitum sit sine ejus autoritate, vel assensu; eo scilicet modo, quem explicat Bellarminus lib. i. de Concil. cap. 12. *Ut possit etiam alius Pontifice consentiente, Concilium indidere, quin etiam satis sit si indictionem factam ipse postea ratam habeat, & confirmet.*

3. Concilia generalia quæcunque in Occidente habita sunt, usque ad tempus diri, diuturnique schismatis inter Romanos, & Avenionenses Pontifices, solius Romani Pontificis autoritate indicta, convocataque fuisse neque ipse Launoius negat. Itaque hæc convocatio Summi Pontificis jus validius confirmat, quàm impugnari possit ex Orientalium convocatione. Cum enim non minoris sint dignitatis posteriora, quàm prima, siquidem omnia Ecclesiam universam representant, clarius elucet Pontificis in Occidentalium, quàm Imperatoris in Orientalium convocatione, autoritas. Illa enim solus Pontifex congregavit, ista non sine Pontifice Imperator. Extant pluribus simul probationes, qualis est ea, quam superiori capite adduximus ex Gregorio II. sunt etiam de singulis, sed aliæ aliis magis expressæ, quales sunt quæ sequuntur.

4. Concilium primum Nicænum à sancto Sylvestro cum Constantino congregatum fuisse probat testimonium sextæ Synodi Act. 18. sermone acclamatorio ad Constantinum his verbis. *Constantinus semper Augustus, & Sylvester laudabilis magnam, atq; insignem in Nicæa Synodum congregabant.* Quantumvis Launoius conetur tom. 6. Epist. I. hujus autoritatis pondus imminuere; nunquam poterit eam elidere. *Relata verba, inquit, illius sunt tantum, qui Constantino Imperatori acclamavit anno post Nicænam Synodum 355.* Si tantum ad verba referen-

tur, quantum favent Pontifici non solius acclamantis, sed totius Synodi esse animadvertisset, nec enim aliter sentire potest, quicumque legit, quæ sermonem acclamatoriū, in quo continentur, præcedunt; Ista scilicet; *Sanctum Concilium dixit: Piissime, & tranquillissime Domine, sermonem acclamatoriū ad Deo amabilem vestrum Potentatum juxta morem composuimus, & si placuerit pietati vestra, hunc per legem jubete. Constantinus pius Imperator dixit: Acclamatoris sermo, qui compositus est à sancto vestro Concilio deferatur, & relegatur. Qui delatus est, & his sermonibus ita receptus est. Concilium dicit, se sermonem composuisse; Constantinus ut à Concilio compositum excipit; Quis mallet Launoio credere dicenti, illius esse tantum qui Constantino Imperatori acclamavit? Hoc certè vel unicum testimonium sufficit ad evertenda quæcunque contra summum Pontificem afferunt, qui ejus autoritatem à primorum Conciliorum generalium convocatione excludunt.*

5. Si Concilium œcumenicum in sermone, cujus non alius est finis, ut nomen ipsum indicat, quam applaudere, satis sibi videtur honoris Imperatori deferre, dum Imperatorem cum Romano Pontifice conjungit ad congregationem Concilii; Quis ab illa autoritate Romanum Pontificem audebit excludere? Certè si qua tunc fuisset opinio, quod pertineret ad solum Imperatorem Conciliorum convocatio, non defuisset vir aliquis prudens inter eos, qui sermonem vellegerunt, vel audierunt, antequam coram Constantino pronunciaretur, qui prædicta verba supprimenda esse monuisset; nec ea Imperator, ejusque Officiales neglexissent. At, inquit Launoius prolata sunt 355. annis post Concilium Nicænum; Ergone per illam temporis intercapedinem nulla fuerant habita Concilia generalia, ut non recurrente occasione oblivio delevisset ex omnium Episcoporum, & Imperatorum, eorumque Officialium memoria tam eximium Imperatorum jus? Soliusne Concilii Nicæni convocandi particeps fuit Romanus Pontifex? Adde quod etsi testimonium illud factum non probaret, jus tamen adstrueret, & Concilii œcumenici hac de re sententiam.

6. Chalcedonenſe Concilium jussu S. Leonis congregatū fuisse declarat epistola Episcoporum Mœfix secundæ ad Leonem Imperatorem, quæ est 32. in 3. parte Actorum ejusdem Concilii; *Quæ (Fides) ad peremp-*

quamvis siue de industria, siue alia intentione frequenter, ac multum cum imminuerit.

11. Fortasè Launoius, qui tomi septimi epist. 7. Gregorium II. in traditione Patrum perquam versatum fuisse, ac Patrum doctrinæ, ac Sedis Apostolicæ traditioni adhesisse, scribit. Et meritò ut *sanctissimum virum laudat*, ut probe eum non prohibuisse rribura impio Leonil lauro perfolvi: eum traditionis signarum dixisset, si attendisset ad illa verba, quæ ipsemet ex eo refert, quibusque testatur sanctus ille Pontifex; *Imperatores cum Pontificibus uno consilio, ac sententia Synodos congregasse*: sed quid responderet autoritati jam citatæ Episcoporum, plusquam ducentis annis, traditionis origini viciniorum. Sensit maximi ponderis esse, ad confirmandum jus Romani Pontificis in convocandis Conciliis, Acta Synodi Romanæ tempore Theodorici Regis, propter Symmachum habitæ; unde ab eorum impugnatione abstinere non potuit, sed quas adhibuit machinas? Non accusat falsi, Quæ illorum fortunata fors est, id æquo Lectori sufficere arbitror, ut de illorum fide nihil dubitet.

12. Actorum Synodi verba sunt ista; *Sancta Synodus apud Urbem Romam ex precepto gloriosissimi Regis Theodorici diversis ex regionibus congregata in Christi nomine dixit, Cum ex diversis Provinciis ad Urbem Romam convenire Sacerdotes Regia precepisset autoritas, ut de his, quæ venerabili Papa Symmacho Apostolica Sedis Prasuli ab Adversariis illius dicebantur impingi, sanctum Concilium iudicaret legitime, Liguria, Emilia, vel Penetiæ Episcopis (quos ad presentiam Principis ipse itineris ductus attraxit) consulendi Regem incubuit necessitas, quâ hos voluisset ætate fractos, debilitate corporis invalidos congregari: Respondit presens Rex piissimus bonæ conversationis affectu, plura ad se de Papa Symmachi actibus horrenda fuisse perlata, & in Synodi oportere si se vera esset inimicorum ejus obiectio, iudicatione constare: Memorati Pontifices, quibus allegandi imminabat occasio, suggererunt ipsum qui dicebatur impetrus, debuisse Synodum convocare, scientes, quia ejus Sedi primum Petri Apostoli meritum, vel Principatus, deinde secuta jussione Domini Conciliorum venerandorū autoritas singularem in Ecclesiis tradidit potestatem, nec antedictæ Sedis Antistitem minorum subjacuisse iudicio in propositione simili facile forma aliqua testaretur.* His Actorum verbis addit

Lau

Launoïus ; *Memorati Pontifices, qui allegandi Provinciam suscep-
rant, pro Symmachi defensione adferunt duo : convocandam ab eo, qui
dicebatur impetratus fuisse Synodum, & Apostolica Sedis Antislitem
minorum non subiacere iudicio. Ratio prior nec probatur, nec Theolo-
gia, nec Iuris Ecclesiastici principiis probari potest. Theologia princi-
pia sunt, Scriptura, & Catholica Ecclesia traditio, &c.*

13. Neminem fore arbitror qui credat veteres illos Liguriæ, Æmi-
liæ, vel Venetiæ Episcopos, minùs quàm Launoïum, *Catholica
Ecclesia traditionem tenuisse ; minùsve penetrasse quam potestatem
Romani Pontificis Sedi primùm Beati Petri Apostoli meritum, vel
Principatus, deinde secuta iussione Domini Conciliorum venerando-
rum auctoritas tradidisset.* Adversùs Recentiores antiquorum aucto-
ritate destitutos traditionem negat Launoïus ; sed eam tam antiquis
Pontificibus ignotam, nescio quomodo ausus sit dicere ; cùm hoc sit
traditionis indicium, aut ejus pars insignis, testimonium scilicet anti-
quorum Episcoporum, in Conciliis expositum.

14. Hoc etiam ipse sensisse videtur. Sed audi quid reponat ; *Sym-
machi defensores ea in re modum excedunt, cùm (dicis opinor gra-
tia) sibi sumunt quod Symmachus, cujus refert, vel maxime, sibi non
sumit.* Commoda respondendi ratio. De Launoïo verissimè dici po-
test eum in multis modum excessisse, Episcopis autem de re gravissima
tractantibus cum Rege potente, id temerè tribuitur. Notanda est
parenthesis (*dicis, ut opinor, gratia*) quâ possint omnia eludi testimo-
nia ; respondendo scilicet *dicis gratia* fuisse pronunciata, id est fictè,
aut perfunctoriè. At inquit Launoïus, *non conqueritur (Symmachus)
quod Synodum non convocaverit, aut quod eam Theodoricus convoca-
verit.* Egregia objectio ! Quomodo posset de congregatione Synodi
conqueri, qui, ut congregaretur, Regis postulavit interventum.

15. Si deconvocatione à Principe facta conquestus fuisset Symma-
chus, ejus, ut in propria causa loquentis testimonium vocaretur in
suspicionem : nunc autem rejicitur testimonium Episcoporum, et-
iam contra proprias rationes loquentium. Ad Episcoporum enim di-
ginitatem pertineret, ut juxta Launoïi sententiam, à nemine pro in-
eundis Conciliis penderent. At illi, de quibus est sermo, ira jus illud
ad se non pertinere cognoscunt, ut officium indebito præferen-

peremptionem Eutichianæ vesaniæ de humanatione saluatoris in Chalcedonensium Civitate multis sanctis Episcopis convenientibus PER
IVSSIONEM LEONIS ROMANI PONTIFICIS, qui verè caput est Episco-
porum, & venerabilis Sacerdotis, & Patriarchæ Anatolii Concilio ce-
lebrato, sub duobus Imperatoribus confirmata est. Licet autem Anato-
lius cum S. Leone jungatur; præcipua tamen autoritas huic tribuitur
verbis illis, qui verè Caput est Episcoporum. Cujuslibet enim Capi-
 tis Politici est cætera ejusdem corporis membra colligere: id ipsa
 indicant Litteræ Imperatoris Marciani ad S. Leonem, quæ habentur
 in prima parte Actorum illius Concilii num. 34. his verbis; *Superest*
ut si placuerit tue Beatitudini in has partes advenire, & Synodum ce-
lebrare, hoc facere Religionis affectu dignetur. Et S. Gelasius in Epi-
 stola ad Episcopos Dardaniæ, de Sede Apostolica ait; *Ut Synodus*
Chalcedonensis fieret, sola decrevit. Ubi hæc vox (*sola*) aliorum Pa-
 triarcharum, non autem Imperatoris interventum excludit. Quin
 etiam in ipsomet Concilio Chalcedonensi A& .i. Lucentius Aposto-
 licæ Sedis Legatus, & Vicarius, asseruit; *Synodum sine autoritate Se-*
dis Apostolicæ nunquam factam esse, nec fieri licuisse. Paschasius et-
 iam Legatus addidit, *de his esse Ecclesiasticas regulas, & Patrum In-*
stitutis. Quâ fronte in tam numerofo, tamque augusto Cœtu hæc
 dixissent, nisi fuissent omnino certa. Nam, quod supra observavimus,
 non loquebantur de re tam antiqua ut ex hominum memoria exci-
 disse, aut coram hominibus adeo juris sui negligentibus, ut non cu-
 rarent, aut adeo timidis, ut non auderent jus indebitum Romano
 Pontifici tribuentibus contradicere.

7. Octavam Synodum convocatam fuisse ab Hadriano II. Papâ
 testatur Anastasius Bibliothecarius, qui interfuerat. Quia, inquit in
 præfatione hujus Concilii, Hadrianum alloquens, *superna providen-*
tia, quæ singula singulis ita distinguit temporibus; ut sanctos suos ve-
rum splendens quadam astra, non pariter, sed vicibus discretis, ad
illuminationem Ecclesiæ suæ proferat, Apostolatium vestrum nostris
temporibus quasi quoddam fulgidum Sydnus produxit, cujus tempore,
 ATQUE AVTORITATE sancta universalis, & magna Synodus octava
 celebraretur. Et Concilium ipsum in Epistola ad eundem Hadrianum;
Omnipotens Deus, inquit, & Rex universorum, qui per solertiam
vestram, interventionem, ac iudicium, seu synodicam ex-

POSITIONEM tam magnam, & universalem Synodum congregare dignatus est.

8. Illam Pontificis auctoritatem præ se ferunt verba Epistolæ Hadriani II. ad Imperatorem Basilium respondentis, relata in Act. 1. *Hec curare cupiens, Apostolica Sedis decreti remedium requisisti Volumus ergo PER VESTRÆ PIETATIS INDUSTRIAM illic numerosum celebrari Concilium.*

9. Dum Launoius à consortio Imperatorum in convocandis Conciliis Pontifices verisimiliratione separari posse diffidit, hoc saltem efficeretentat, ut Imperator primas habeat. *Et quamvis* (sic inchoat Epistolam octavam tom. 6.) *Ut Synodus haberetur octava, inter se penitus consenserunt Basilins Imperator, & Hadrianus Pontifex; tamen Synodus. & Hadrianus ipse, Imperatori convocationem tribuunt.* Si æquus esset inter Pontifices, & Principes Launoi animus, nonne hic octavæ Synodi, & Hadriani verba, maximæ erga Imperatorem reverentiæ, ejusque dignitati, non potestati tribuenda dixisset, quandoquidem Epist. 9. tom 7. Zachariæ Papæ dignitati, & non ejus auctoritati adscribit vocem ipsam *auctoritas*, & alias huic affines, ut *jussio, mandatum, &c.* quibus utuntur quamplurimi Scriptores, ad significandas summi Pontificis in depositione Childerici à Regno Franciæ, & elevatione Pippini, partes. Sed tot extant in ejus operibus, ac præsertim Epistolis, quarum paucissimæ sunt in octo voluminibus, quæ adversus Romanum Pontificem non dirigantur, aversi ejus animi signa, ut legendis illis nemo delectetur, imò Autori ferè non succenseat, nisi qui erga B. Petri Successores malè sit affectus, eorumve dignitatem graviter ferat; Nemo ejus doctrinam, nisi cum cautela, & cum examine, ac justè ponderatam, suscipiat, nisi qui decipi velit.

10. Licet autem non possimus omnia ejus dicta singularim discutere; quia orationis cursus singulis, quibusq; passibus esset interrompendus, neque id necesse sit, cum quæ jam attigimus, aut adhuc tractabimus, satis demonstrent, non dubia esse continuò habenda, quæcumque ille impugnaverit, nec, quæ profert, iudicasse amplectenda; tamen prætermittere non possumus ejus nonam primi tomi epistolam: quæ certè cum aliis quibusdam negati omnino ab eo Primatus Romani Pontificis suspicionem ingereret, nisi alibi, præsertim tomi sexti epist. ult. animadversione prima se in ea non esse sententia, declarasset,

quamvis

quamvis sive de industria, sive alia intentione frequenter, ac multum cum imminuerit.

11. Fortasse Launoius, qui romi septimi epist. 7. Gregorium II. in traditione Patrum perquam versatum fuisse, ac Patrum doctrinæ, ac Sedis Apostolicæ traditioni adhaesisse, scribit. Et merito ut sanctissimum virum laudat, ut probe eum non prohibuisse tributa impio Leoni Isauro persolvi: eum traditionis signarum dixisset, si attendisset ad illa verba, quæ ipsemet ex eo refert, quibusque testatur sanctus ille Pontifex; Imperatores cum Pontificibus uno consilio, ac sententia Synodos congregasse: sed quid responderet auctoritati jam citatæ Episcoporum, plusquam ducentis annis, traditionis origini viciniorum. Sensit maximi ponderis esse, ad confirmandum jus Romani Pontificis in convocandis Conciliis, Acta Synodi Romanæ tempore Theodorici Regis, propter Symmachum habitæ; unde ab eorum impugnatione abstinere non potuit, sed quas adhibuit machinas? Non accusat falsi, Quæ illorum fortunata fors est, id æquo Lectori sufficere arbitror, ut de illorum fide nihil dubitet.

12. Actorum Synodi verba sunt ista; Sancta Synodus apud Urbem Romam ex precepto gloriosissimi Regis Theodorici diversis ex regionibus congregata in Christi nomine dixit, Cum ex diversis Provinciis ad Urbem Romam convenire Sacerdotes Regia præcepisset autoritas, ut de his, quæ venerabili Papa Symmacho Apostolica Sedis Prasuli ab Adversariis illius dicebantur impingi, sanctum Concilium judicaret legitime, Liguria, Emilia, vel Venetiarum Episcopis (quos ad præsentiam Principis ipse itineris ductus attraxit) consulendi Regem incubuit necessitas, quâ hos voluisset ætate fractos, debilitate corporis invalidos congregari: Respondit prasurus Rex piissimus bonæ conversationis affectu, plura ad se de Papa Symmachi actibus horrenda fuisse perlatæ, & in Synodi oportere, si se vera esset inimicorum ejus oblectio, judicatione constare: Memorati Pontifices, quibus allegandi imminabat occasio, suggererunt ipsum qui dicebatur impetratus, debuisse Synodum convocare, scientes, quia ejus Sedi primum Petri Apostoli meritum, vel Principatus, deinde secuta jussione Domini Conciliorum venerandorū auctoritas singularem in Ecclesiis tradidit potestatem, nec antedictæ Sedis Antistitem minorum subjacuisse judicio in propositione similis facile forma aliqua testaretur. His Actorum verbis addit

Laun.

Launoius ; *Memorati Pontifices, qui allegandi Provinciam suscep-
rant, pro Symmachi defensione adferunt duo : convocandam ab eo, qui
dicebatur impetrus, fuisse Synodum, & Apostolica Sedis Antislitem
minorum non subiacere iudicio. Ratio prior nec probatur, nec Theolo-
gia, nec Iuris Ecclesiastici principiis probari potest. Theologia princi-
pia sunt, Scriptura, & Catholica Ecclesia traditio, &c.*

13. Neminem fore arbitror qui credat veteres illos Liguriæ, Æmi-
liæ, vel Venetiarum Episcopos, minùs quàm Launoius, *Catholica
Ecclesia traditionem tenuisse ; minùsve penetrasse quam potestatem
Romani Pontificis Sedi primùm Beati Petri Apostoli meritum, vel
Principatus, deinde secuta iussione Domini Conciliorum venerando-
rum auctoritas tradidisset.* Adversùs Recentiores antiquorum auto-
ritate destitutos traditionem negat Launoius ; sed eam tam antiquis
Pontificibus ignotam, nescio quomodo ausus sit dicere ; cùm hoc sit
traditionis indicium, aut ejus pars insignis, testimonium scilicet anti-
quorum Episcoporum, in Conciliis expositum.

14. Hoc etiam ipse sensisse videtur. Sed audi quid reponat ; *Sym-
machi defensores ea in re modum excedunt, cùm (dicis opinor gra-
tia) sibi sumunt quod Symmachus, cujus refert, vel maxime, sibi non
sumit.* Commoda respondendi ratio. De Launoio verissimè dici po-
test eum in multis modum excessisse, Episcopis autem de re gravissima
tractantibus cùm Rege potente, id temerè tribuitur. Notanda est
parenthesis (*dicis, ut opinor, gratia*) quâ possint omnia eludi testimo-
nia ; respondendo scilicet *dicis gratia* fuisse pronunciata, id est fictè,
aut perfunctoriè. At inquit Launoius, *non conqueritur (Symmachus)
quod Synodum non convocaverit, aut quod eam Theodoricus convoca-
verit.* Egregia objectio ! Quomodo posset de congregatione Synodi
conqueri, qui, ut congregaretur, Regis postulavit interventum.

15. Si de convocatione à Principe facta conquestus fuisset Symma-
chus, ejus, ut in propria causa loquentis testimonium vocaretur in
suspicionem : nunc autem rejicitur testimonium Episcoporum, et-
iam contra proprias rationes loquentium. Ad Episcoporum enim di-
gnitatem pertineret, ut juxta Launoii sententiam, à nemine pro in-
iunctis Conciliis penderent. At illi, de quibus est sermo, irâ jus illud
ad se non pertinere cognoscunt, ut officium indebito præferen-

res honori, nolint etiam asserenti Principi, nisi scriptis confirmet, credere assensum Romani Pontificis datum fuisse, ut ab alio præter ipsum Episcopi convocarentur, quod Acta prædicta continent. Infelices illi qui Theologum Launoium non habuerunt; à quo sua jura ediscerent! ignavi, si ea non ignorantes, quod sibi servile jugum non imponeretur apud Regem hæreticum conquesti sunt.

16. *Præterea, inquit Launoius, quæ assertur ratio vitiosa est: à non distributo ad distributum procedit. At quis diceret Romanum Pontificem eoredactum esse ut ad dignitatis suæ tutelam accidentis indigeat falsitate.* Imprudentes Episcopi, qui de rebus Ecclesiasticis cum Principe disputare aggrediuntur, cum Dialecticæ formulas non didicerint! vitiosè enim argumentantur ob ignorantiam legum Syllogisticarum. Nam eos sophismate Regem decipere voluisse, cum proprii juris dispendio, non apparet verisimile. Verùm illi, & quidem meritò, ab universali ad particulare sub eo contentum argumentari sibi videbantur: à jure convocandi Synodos pro omnibus causis, ad jus convocandi pro illa causa, de qua tunc agebatur, in singulari potestate, quam Romanus Pontifex ex Beati Petri merito vel Principatu, & Conciliorum autoritate habebat, utpotè plenâ, contineri sentiebant eam, quæ ad congregandas pro re maximè ardua Synodos requiritur, atque adeò non erat *accidentis fallacia*.

17. Quam deinde addit rationem Launoius, ea magis probaret non posse, quæ tunc facta essent in præjudicium adversus Romanum Pontificem trahi, eo quod necessitate fuissent extorta, non liberè admissa. *Symmachus, inquit, à Theodorico Synodum cogi consensit; & consentire illius intererat plurimum. Siquidem ab objectis criminibus purgatus fuisset nunquam, & eam ob causam Visitor Romana Ecclesiæ datus à Theodorico remansisset semper.*

18. Sed quomodo Romani Pontificis Primatum non lædit Launoius, cum deinde probare conatur cæteros Episcopos Papæ minores non esse? Si de ordinis potestate intellexisset, verum dixisset, sed de potestate jurisdictionis, seu judicandi loquitur. Respondet enim rationi petitiæ ab eo quod dixerant Episcopi Theodorico, *nec antedictæ Sedis (Romanæ) Antislitem minorum subjacuisse judicio.* Si etiam ad Episcopos in Concilio congregatos orationem restringeret,

geret, errorem quidem proferret, sed magis tolerandum, quàm dum ait; *Certum est ante omnia minores appellari non posse Antistites, quos, & Symmachus & Symmachi Decessores, Collegas, Fratres, Commiñistros Confacerdotes, & Coepiscopos appellant*, quibus nominibus Romani Antistites donant etiam Episcopos singulares extra Concilia. Similia in aliis quibusdam epistolis, & magis perspicua habet, quæ quomodo Primatum omnem, nisi fortè honoris, summo Pontifici non abrogent, atque adeò cum fide non pugnent, difficilè capitur, nisi quia ei alibi procurandæ Canonum executionis jus reservatur.

19. Nota hic rursus, qualia sint argumenta Launoi. Ex eo enim infer Episcopos Papà minores appellari non posse, quod illos Papa Collegas, Fratres, Commiñistros, Confacerdotes, & Coepiscopos nominet. Eàdem ratiocinatione concluderet non solum Sacerdotes non posse dici Episcopis inferiores, aut Diaconos Sacerdotibus, quia Presbyteri ab Episcopis in Synodis Diocæsanis appellantur Confacerdotes, & Diaconi frequenter Commiñistri, sed etiam (quod blasphemum est) Apostolos non fuisse inferiores Christo, qui eos fratres vocavit.

20. Cæterum inaniter cavillatur Launoius cùm ait: *Ad Clerum ergo, Senatum, Populumq; Romanum flectenda est illa propositio, qua dicitur Apostolica Sedis Prasul minorum non subiacere iudicio*. Quasi verò Episcopi, quorum sunt illa verba, ullam Theodorico de Clero, Senatu, Populo ve Romano mentionem fecissent, aut illos intelligerent nomine Synodi, quam à Symmacho convocari debe-re affirmabant.

21. Ennodius Diaconus Ticinensis Apologeticum edidit pro Symmacho, & pro Synodo, ejus occasione habità, in quo ea, quæ dixerant Episcopi, adhuc clariùs explicat, his verbis; *Aliorum fortè hominum causas Deus voluerit per homines terminare: Sedis istius Prasul suo sine questione reservavit arbitrio. Voluit B. Petri Apostoli Successores CÆLO TANTVM debere innocentiam, & subtilissimi discussoris indagini inviolatam exhibere conscientiam*. At Launoius non isto testimonio, quod lucidissimum est, illustrandam censet, quam in sensum alienum deflectere conatus est, Episcoporum doctrinam; sed postquam illam obscurare tentavit, ex ea

istius lumen obumbrare nititur. Episcopis objecerat, eos propositionem suam traditione non probare: nunc eos traditionem non ignorasse asserit, ut adstruat, Ennodium ignorasse traditionem. *Quis contenderet Laurentium Mediolanensem, Petrum Ravennatem & ceteros Antistites maturioris ætatis viros, senes alios Romana Ecclesiæ traditionem ignorasse, quam unus Ennodius in Gallia, vel in Liguria natus annos 30. scivisset.* Sed, quæcunque Launoius objicere potest Ennodio, eliduntur ipsæmet ejus confessione, quandoquidem ait; *Romana Synodus quinta Ennodii libellum probando suum fecit.*

22. Sanctus etiam Avitus Episcopus Viennensis epistolam scripsit ad Faustum, & Symmachum Senatores, pro Symmacho Papa, in qua eandem tradit doctrinam, eodemque modo impugnatur à Launoi. Verùm quascunque adhibeat interpretationes, impossibile est, ut qui eam bonâ fide legit, non perspiciat, S. Avitum suo, & omnium Episcoporum Galliæ nomine scripsisse, non potuisse Synodum adversus Pontificem convocari, aut eum judicare; *Intelligimus, inquit, S. Symmachum Papam, si sæculo primum fuerat accusatus, Confacerdotum suorum solatium potius adsciscere, quam recipere debuisse judicium.* Quid clariùs? Et infra; *Quod Synodus ipsa venerabilis, laudabili constitutione prospiciens causam, quam salvâ ejus reverentiâ dictum sit, penè temerè susceperat inquirendam, Divino potius servavit examini.* Ità non censet Avitus potuisse Synodum ex consensu Papæ convocatum, de eo ferre sententiam, ut etiam si judicium Deo reservaverit, eam penè temeritatis accuset, quod vel inquisitionem susceperit. Atque hinc refellitur, quod contendit Launoius Synodum de Papa verè judicasse, quâ ratione putat, se Episcoporum autoritate infirmare Ennodii testimonium; Licet ipsamet Synodus apertè declaret se causam Divino reservasse judicio. Sunt adhuc alia in eadem Epistola, quæ prosequi non est opus. Istud tantum adjungimus. *Si Papa Urbis vocatur in dubium, EPISCOPATUS IAM VIDEBITUR NON EPISCOPVS VACILLARE, sed de convocatione Conciliorum satis, superque.*

CAPUT IX.

*Absque summi Pontificis autoritate Concilia generalia
vim, & robur non obtinere.*

1. Socrates historię Eccles. lib. 2. cap. 5. expressè affirmat, ex Ecclesiastico Canone, sine Romani Episcopi sententiâ Decreta condi non posse. *Quin etiam*, inquit de Concilio Episcoporum à Constantio Antiochiæ congregatorum, *Iulius Romanus Episcopus nequaquam aderat, neque quemquam qui ejus locum suppleret comisit*, idque cum Canon Ecclesiasticus jubeat non oportere absque sententiâ Episcopi Romani Decreta Ecclesiis sancire. Et cap. 13. Itaque Iulius litteris contrariis ad ipsum missis, Episcopis, qui Antiochia convenerant per litteras respondit. *Ac primum docet quantum molestia, ac acerbisasis eorum Epistola ipsi attulisset*: Deinde eos contra Ecclesia Canones egisse, quod illum ad Conciliū non vocassent: quippè cum Canon Ecclesiasticus vetet ne Decreta absque sententiâ Episcopi Romani Ecclesiis sanciantur, sive (ut Textus Græcus significat) non oportere præter sententiâ Episcopi Romani Ecclesias Canones condere. Idem tradit, quamvis Schismaticus, Nicephorus Callixtus lib. 9. cap. 5. & 6. Apertius verò Sozomenus lib. 2. cap. 9. *Legem esse ad Sacerdotii dignitatem spectantem*, (seu Sacerdotalem) *qua pronunciat Alia illa irrita esse, quæ præter sententiâ Episcopi Romani constitvuntur*. Non debet certè suspectum haberi Græcorum testimonium, dum pro Romano Pontifice loquuntur.

2. Concilium Romanum sub S. Damaso de Ariminensi scripsit, numerum Episcoporum non esse attendendum eo, quod non præcessisset sententiâ Romani Pontificis. Concilii Romani Epistolam refert Theodoretus lib. 2. histor. Eccles. cap. 22. hujus tenoris; *Episcopi Roma in sancto congregati Concilio Damasus, ac Valerianus, ac reliqui dilecti fratres Episcopi in Illirico. Salutem in Deo. Præjudicium certè numeri Ariminensis Conventus nullum esse potest; quando ista est habitus; ut neque Romani Episcopi, cujus ante omnia sententiâ cognoscere debuerant, neq. Vincentii, qui tam multis annis Præ-*

sulatus conservavit integritatem, neque aliorum consensus illis accessit. Idem tradit Zozomenus lib. 6 cap. 22.

3. Concilium Ephesinum, etiam si ad Apostolicæ Sedis Legati, Acta sua ad S. Cælestinum mitti debere agnovit. *Quia verò, inquit in epistola, seu relatione, quæ habentur in Actis 5. necesse est ut omnia, quæ consecuta sunt Sanctitati suæ significantur, non potimus non scribere.* Et infra Ultimum contra Nestorium & alios iudicium Summo Pontifici reservatum monet. Probat autem firmitatem eorum: quæ gesta fuerant ex præsentia Legatorum sanctæ Sedis, *qualem vim haberent (Hæretici) contra Synodum ex universo, qui sub calo est, orbe collectam? Fuerunt enim in confesso nostro, & illi quoque qui à Sanctitate tua missi sunt piissimi Episcopi, Arcadius, & Projectus, & cum ipsis Reverendissimus Presbyter Philippus, qui suam præsentiam tuam nobis exhibuerunt, Apostolicæ Sedis locum suppleverunt.*

4. Concilium Chalcedonense in relatione à se gestorum ad S. Leonem, ejus tùm circa fidem, tùm circa disciplinam autoritati illustre perhibet testimonium. Qui enim inquit loquens de iis præsertim, quæ in favorem Episcopi Constantinopolitani decreta fuerant, *locum vestre Sanctitatis obtinent sanctissimi Episcopi Paschasius, & Lucentius, & qui cum eis est Reverendissimus Presbyter Bonifacius his ita constitutus vehementer resistere tentaverunt, procul dubio à vestra providentia inchoari & hoc bonum volentes, ut sicut fidei, sic bonæ ordinationis vobis deputetur effectus.* Sunt & alia in hac relatione, quæ extat in tertia parte Actorum illius Concilii cap. seu num. 2. quibus Patres significarunt, persuasum sibi esse, quæ decreverant non posse sine summi Pontificis consensu subsistere.

5. Quocirca cùm Concilia generalia Decretorum suorum confirmationem à Romano Pontifice postularunt, non id, tantum in votis fuit, ut ejus consensus accederet, quod voce confirmationis aliquando intelligitur, scilicet cùm à superioribus erga inferiores, aut ab æqualibus erga æquales usurpatur, sed etiam ut eo consensu statuta, robor, ac firmitatem acquirerent, quod adjuncta verba satis expresse innuunt; ut cùm, v. g. octava Synodus ad Hadrianum Papam scribit; *Ergo libenter oppido, & gratanter imitatrice Dei Sanctitate Vestrâ omnium nostrum Conventionum, & universalis hujus, atque Ca-*

tholica

tholica Synodi consensum, & consonantiam recipiente; prædica eam magis, ac veluti propriam & sollicitius CONFIRMA, quo Angelicis præceptionibus, & admonitionibus vestris, ut per sapientissimum magisterium vestrum etiam aliis universis Ecclesiis personet, ut suscipiatur veritatis verbum, & iustitia Decretum. 8. Synod. Act. 10. Vocem illam *confirma* Launoius explicat de confirmatione doctrinæ, non de autoritativa. Sed si Concilii tanta erat autoritas, ut confirmari nullius autoritate indigeret, quid opus erat ejus Decreta rationibus, vel testimoniis probare, ut ab Ecclesiis susciperentur, cum nefas foret de illis ambigere, nisi fortè Concilii etiam generalis iudicium tunc irreformabile non æstimabatur.

6. Mentem hæc de re suam declarare, luculentius non potuit Doctor Angelicus, quàm his verbis; *Sancti Patres in Concilii congregationi nihil statuerere possunt, nisi autoritate Romani Pontificis interveniente, sine qua etiam nec Concilium congregari potest.* Opusc. contra impugn. Relig. cap. 4.

7. Jus illud sanctæ Sedis nunquam non propugnatunt summi Pontifices, cum in controversium vocatum est: pro eo decertarunt in primis Gelasius, Nicolaus, Gregorius VII. & alii quamplurimi, inter quos S. Leo IX. epist. 4. *Sed hoc, inquit non lateat vos, non debere præter scientiam (alias sententiam) Romani Pontificis universale Concilium celebrari, aut Episcopos damnari, vel deponi: quia etsi licet examinare, definitivam tamen sententiam absque consultu Romani Pontificis, ut dictum est, non licet dare. Quod in sanctis Canonibus statutum si quaritis potestis invenire. Scilicet quia omnium Ecclesiarum majores, & difficiliorese cause per sanctam Sedem, & principalem B. Petri à Successoribus ejus definienda sunt, ut potè cujus Divinitus dicitur: confirma fratres tuos, & tibi dabo claves Regni calorum.*

8. Denique, inquit Nicolaus I. Epist. 7. *in universalibus Synodis quid ratum, vel quid prorsus acceptum, nisi quod Sedes B. Petri probavit (ut ipsi scitis) habetur: sicut è contrario quod ipsa sola reprobavit, hoc solummodo constat hæcenus reprobatum.*

9. Hæc, & alia, quæ adduci possent, licet à Pontificibus in propriâ causâ dicta, plurimum habent ponderis ob pietatem, & doctrinam dicentium; Qui certè crimen horrendum duxissent in rebus tanti momenti potestatem indebitam impio mendacio sibi comparare. In eadem sententia fuerunt Scriptores Gallicani, præsertim ante schisma-

tis

eis tempus. Guillelmus Durandus Episcopus Mimatenfis in speculo Juris partic. 1. §. 5. de Papa scribit, quod ipse Conciliis non ligatur: imò contra illa facere potest: Sed clariùs Durandus de S. Porciano Episcopus primò Meldensis, deinde Aniciensis, lib. 4. dist. 25. quæst. 5. art. 6. *Sicut leges, inquit, non ligant Imperatorem, ita nec Canones Papam, sed potius leges vim habent ex Imperatore, & Canones ex autoritate Papæ.*

C A P U T X.

In Sacris Litteris clariùs exprimi Pontificis sine Concilio, quàm Concilii sine Pontifice auctoritatem.

1. **E**tsi regulam Joannis Launoii pro tractandis rebus Theologicis observare, sæpius impossibile sit, ut scilicet nihil afferatur, nisi quod aliquo Sacræ Scripturæ loco juxta unanimem consensum Patrum accepto, vel traditione non constet; Nunquam tamen à vera Concilii Tridentini regula, quam Launoii exhibere præ se fert, Catholico recedendum est; ut nempe nihil unanimi Patrum consensui, vel Ecclesiæ traditioni, aut sensui contrarium affirmetur. Imò regulam Launoii semper intueri juvat, ut eam, quantum materia patitur, sequamur, etsi consequi non speremus. Itaque videamus in hoc capite, an Pontificis sine Concilio; an sine Pontifice Concilii auctoritas in Scriptura, juxta Patrum interpretationem; clariùs contineatur.

2. Tria præcipuè citantur loca pro auctoritate Conciliorum. Primus locus est Matth. 18. *Ubi sunt duo, vel tres congregati in nomine meo, illic sum in medio eorum.* Sed primò Launoii 6. part. epist. 1. notat hunc locum de Conciliorum genere quovis intelligi posse, & à nonnullis Ecclesiasticis tractatoribus subinde intelligi. Secundò quinque sanctorum Patrum interpretationes refert; qui locum illum neque de Conciliis generalibus, neque de Provincialibus intellexerunt. Et sanè videtur magis ad obedientiam in causis criminalibus præstandam, quàm ad fidem declarandam, aut Canones condendos pertinere; Præmittitur enim; *Si peccaverit in te frater tuus, &c. quæ præ-*

præscribunt ordinem iudicium in ferenda excommunicatione servandum; vel ad orationis efficaciam: Cùm enim dixisset Christus; *Si duo ex vobis consenserint super terram de omni re quamcumque petierint, fiet illis à Patre meo, qui in cælis est*; immediatè subiungit verba illa; *Ubi enim sunt duo, vel tres congregati in nomine meo, ibi sum in medio eorum*. Accedit quod illa verba Concilium Provinciale, aut adhuc Provinciale minùs, potiùs significant, quàm universale. Nam duo, vel tres Concilium fortè provinciale, non autem universale constituerent.

3. Alter locus est Joannis 16. *Spiritus veritatis docebit vos omnem veritatem*. Sed ea promissio non solum in omnibus Apostolis collectivè, sed etiam in singulis erat implenda. Accepto enim Spiritu sancto in die Pentecostes, factum est illud, quod prædixerat Propheta Isaias cap. 54. v. 13. à Christo allegatus Joan. 6. *Et erunt omnes docibiles Dei*. In hunc sensum B. Petrus ipso Pentecostes die locum illum Prophetæ Joëlis adduxit; *Et erit in novissimis diebus, dicit Dominus, effundam de Spiritu meo super omnem carnem, & prophetabunt filii vestri, & filia vestra*.

4. Tertius locus est Act. 15. ibi enim primum Concilium quod est cæterorum norma, scripsit; *Visum est Spiritui sancto, & nobis*; Quæ verba de assistentia Spiritus sancti dubitare non sinunt. Sed illa Spiritus sancti assistentia Apostolos inspirantis, Apostolorum gratiæ, non Concilii generalitati tribuenda est. Nec enim generale erat, siquidem ex Apostolis & senioribus Jerosolymis consistentibus dumtaxat constabat, ubi probat Cardinalis Baronius ad annum 51. num. 9. adfuisse tunc tantum ex Apostolis Petrum, Jacobum, & Joannem cum Paulo, & Barnaba. Erant autem in multis Mundi partibus Episcopi jam constituti, quos certum est ab eo Concilio abfuisse, ut universale dici non possit. Adde quod Cætui aderat B. Petrus, ut nihil hinc ad propositum concludi, cùm agamus de Concilio, à quo absit Petri Successor, possit.

5. Probatur etiam autoritas Conciliorum iis omnibus Scripturæ locis, quibus Ecclesiam circa fidem errare non posse demonstratur. Cùm enim Concilium Ecclesiam repræsentet, necesse est, ut sicut Ecclesia, ita Concilium ab omni erroris circa fidem periculo absit. Sed capite sequenti ostendemus summum Pontificem melius Ecclesiam

clesiam repræsentare, quàm reliquos Episcopos sine ipso.

6. Statuitur autem evidentiùs ejus, quàm Conciliorum autoritas in sacris Scripturis. Etenim dum Matth. 16. Petrus fundamentum Ecclesiæ constituitur à Christo dicente; *Tu es Petrus, & super hanc Petram edificabo Ecclesiam meam, & portæ inferi non prævalebunt adversus eam*, manifestè declaratur eum, ejusque Successorem Romanum Pontificem, ita se habere ad reliquorum fidelium Cœtum, sicut fundamenta ad ædificium: Atqui ratione, & experienciâ compertissimum est firmitatem ædificii à fundamento, non autem fundamenti ab ædificio pendere: In eundem ergo modum firmitas in Fide, ac Religione, non à reliquis fidelibus in summum Pontificem, sed à summo Pontifice in reliquos Fideles provenit.

7. Petro datæ sunt claves Regni Cœlorum, & per ipsum Apostolorum Collegio, non autem primò Apostolorum Collegio, ac per illud, seu in illo, B. Petro. Prosequitur enim Christus loc. citat. *Et tibi dabo claves Regni Cœlorum & quodcumque ligaveris super terram eris ligatus & in Cœlis, & quodcumque solveris super terram, eris solutus & in Cœlis*. Certum est autem, per claves potestatem significari.

8. Tertiò Episcopi etiam congregati non desinunt esse fratres Successoris Petri; Ergo ab eo debent confirmari; Pro ipso enim Christus oravit, ne deficeret Fides ejus, ut posset deficientes, aut titubantes suffulcire; quod in Petri, & aliorum Apostolorum Successoribus potiùs locum habet, quàm inter ipsosmet Apostolos. Nam post adventum Spiritus sancti Apostoli omnes fuerunt in gratia confirmati, ut B. Petri confirmatione non ita indigerent. Antea verò non legimus B. Petrum tantùm suos fratres juvisse, ut necessarium eis fuerit inde ficientis illius fidei præsidium.

9. Quartò dum Christus Joan. ult. oves suas pascendas Petro, & in ejus persona Romanis Pontificibus, tradidit, apertè significavit summum Pontificem esse Pastorem, reliquos autem fideles gregem; Quis autem gregi Pastorem præponendum dubitet? Nùm monstruosa foret ordinis perturbatio, si Pastor à grege, non grex à Pastore regeretur? Nec responderi potest intelligenda illa esse de ovibus seorsum sumptis, non autem de toto grege. Nam nullum

est

est in Christi verbis hujus distinctionis vestigium. Nihil excipitur ubi distinguitur nihil.

10. Ex collatione illorum Scripturæ sacræ locorum perspicitur, clariùs expressam esse B. Petri, quàm aliorum sine ipso, auctoritatem Sed aliqui Scriptores Gallicani Catholici contendunt, prærogativas illas B. Petro datas esse tanquam Ecclesiam repræsentanti, atque idè toti Ecclesiæ in ipso; Ipsum quidem, ejusque Successores singulis membris præeminere tanquam Caput, non autem toti Ecclesiæ formaliter acceptæ, vel per Concilium repræsentatæ. Videndum igitur est, quam personam gesserit Petrus, cum ei Christus auctoritatem contulit locis Scripturæ suprâ relatis expressam; Et utrum ad singulos fideles tantùm referatur, non ad omnes simul. Et adhuc an descenderit ad Romanos Pontifices; Id enim Hæretici negant omninò, & aliqui Catholici, ex parte. Ordinem à sancto Augustino, cujus testimonio potissimum nituntur Scriptores Gallicani.

CAPUT XI.

Qua ratione B. Petrus Ecclesiam repræsentaverit ex mente S. Augustini.

TOT sunt in S. Augustini operibus loca, ubi S. Petrus Ecclesiam repræsentasse dicitur, ut à nemine qui ejus libros legerit, ignorari queat, usitatissimam eam esse sancto Doctori loquendi formulam. Nescio autem quâ consequentiâ Gallicani quidam Scriptores illinc conclusionem trahant contradictoriam ei, quæ quasi naturaliter sequitur juxta eorum principia. Idè enim Concilium Constantiense, idè Basileense, tam accuratè suis decretis apposuerunt clausulam illam, quâ Ecclesia universalis à Concilio repræsentari commemoratur, quia eâ ratione, quæ de universali Ecclesia in Scripturis sacris enunciantur, Concilio videntur posse adscribi. Hic ergo ex eorû doctrina legitimè formatur syllogismus. *Ei per quod repræsentatur Ecclesia universalis, conveniunt quæcumq; in scripturis*

sacris tribuuntur Ecclesia ipsi: Atqui per Concilium generale representatur Ecclesia universalis: Ergo Concilio generali conveniunt quacumq; in Scripturis sacris tribuuntur Ecclesia ipsi, puta quod qui non audierit ejus mandata, sit habendus sicut Ethnicus, & Publicanus: quod sit columna, & firmamentum veritatis, & alia ejusmodi.

2. Pari ergo, si non majori ratione, sic nos discutremus; Ei per quem representatur Ecclesia universalis, conveniunt quacumque in Scripturis sacris tribuuntur Ecclesia ipsi. Atqui per Petrum representatur Ecclesia universalis: Ergo Petro conveniunt quacumque in Scripturis sacris tribuuntur, Ecclesia ipsi; v. g. quod sit columna, & firmamentum veritatis, quod qui eum non audierit sit habendus tanquam Ethnicus & Publicanus, &c. Prima propositio est, quasi primum principium eorum, qui Conciliorum generalium autoritatem altiùs extollunt. Secundam concedunt, & testimonio S. Augustini confirmant: Et revera S. Augustini doctrinam esse loca ex eo mox referenda dubitare non sinunt; Quì ergo negari potest conclusio legitima consequentià illata?

3. Non video quid responderi possit, nisi fuisse perfectiùs representari Ecclesiam à Concilio generali, quàm à Petro, vel Romanos Pontifices in illa representatione non successisse B. Petro. Utrumque (intelligimus semper de Concilio à quo summus Pontifex, ejusque Legati absint) confutabimus in capitibus sequentibus.

4. Ut autem omnis amoveatur à S. Augustini verbis obscuritas, tria distinguenda sunt representationis genera. Primò aliquando unum representat aliud tanquam nudum signum, rem significatam nequaquam continens, quales sunt v. g. picturæ, aut quæ metaphoricè de aliis dicuntur. Secundò aliquando quod representat cum eo quod representatur, communicat, sed pro sua tantum rata portione: Ut dum particulare Communitatis membrum, totius Communitatis nomine pecuniæ summam in singulos Cives distribuendam accipit, ita totam Communitatem representat, ut beneficii universitati concessi, tanquam unum ex ejus membris, particeps etiam sit. Tertiò aliquando unum aliud representat tanquam illud sub se habens, ut Princeps, Dux, Paterfamilias, Pastor, aut alterius generis superior, Regnum, exercitum, familiam, aliosve inferiores, quibus communicant ali-

aliquod bonum dispensationi suæ commissum ; ut cùm Dux totum exercitum repræsentans accipit à Rege in præmium reportatæ insignis victoriæ, cuius ipse pars maxime fuerit, ditissimum aliquod munus, cuius tamen participes futuri sint reliqui, tùm Officiales, tùm Milites, prout ipse, pensatis cuiusque meritis, iudicaverit, aut prout Princeps ipse ordinaverit.

5. Primo dumtaxat modo Ecclesiam à B. Petro repræsentatam fuisse nemo dixerit. Quis enim ita desipiat, ut Apostolum illum nullam sibi, sed Ecclesiæ tantum, accepisse potestatem sentiat. Secundo igitur saltem modo B. Petrum Ecclesiam repræsentasse fatendum est, ut parem ad minus cum cæteris dignitatem adeprus sit. Sed Catholicis necessariò concedendum est tertio etiam modo repræsentatam à B. Petro Ecclesiam. Cùm enim hæreticum sit negare B. Petri successores habere Primatum Jurisdictionis in Episcopos, nec illum Primatum B. Petro datum legamus, nisi in illis locis, in quibus Ecclesiam repræsentasse dicitur, necessariò sequitur B. Petrum alios repræsentasse tanquam existens, vel exinde futurus illorum superior, illosque in sua potestate, atque, ut aliàs ex S. Joanne Chrysostomo dicemus, velut in sua manu habens.

6. Et sanè convenit illi omninò quod de Duce mox dicebamus. Illi enim promissum est, ædificandam super eo, tanquam super fundamento Ecclesiam Christi; tradendas ei claves Regni cælorum, & potestatem ligandi atque solvendi, in præmium confessionis, quam interrogatis omnibus, solus ipse respondens edidit his verbis; *Tu es Christus Filius Dei vivi*, cuius quidem confessionis laudem, & præmii promissionem statim audivit à Christo dicente; *Beatus es Simon Barjona, &c. & ego dico tibi quia tu es Petrus & super hanc petram ædificabo Ecclesiam meam.* &c. Matth. 16. vers. 18. & 19. & præmium ipsum accepit cùm ei Christus ovile suum commisit his verbis Joannis ult. *Pasce agnos meos, pasce oves meas*; Accedamus etiam ad sancti Augustini loca.

7. S. Augustinus tract. 50. in Joannem B. Petrum cum Juda comparat, ejusque comparationis occasione pluries repetit B. Petrum Ecclesiam repræsentasse. *Quia non unus est Judas*, inquit; *Unus malus corpus malorum significat, quomodo Petrus corpus bonorum, imò corpus Ecclesiæ, sed in bonis. Nam si in Petro non esset Ecclesiæ Sacramentum,*

non ei diceret Dominus; Tibi dabo claves Regni Cælorum, quæcumque solveris in terra soluta erunt & in Cælo, & quæcumque ligaveris in terra, ligata erunt & in Cælo. Si hoc PETRO TANTVM DICTVM EST, NON FACIT hoc ECCLESIA; Si autem in Ecclesia sit, ut qua in terra ligantur in Cælo ligentur, & qua solvuntur in terra, solvantur in Cælo, quia cùm excommunicat Ecclesia, in Cælo ligatur excommunicatus: cùm reconciliatur ab Ecclesia, in Cælo solvitur reconciliatus. Si hoc ergo in Ecclesia sit, Petrus quando claves accepit ECCLESIAM SANCTAM SIGNIFICAVIT. Hæc verba; Si hoc Petro tantum dictum est non facit hoc Ecclesia, &c. explicant quo in sensu S. Augustinus Petrum dicat Ecclesiam repræsentasse, cùm ei traditæ sunt claves, quia neque in sui solius favorem, neque ut ipsis solus preteretur, sed in universæ Ecclesiæ bonum, & ab aliis etiam Ecclesiæ Ministris adhibendæ à Christo ipsi datæ sunt. Alium sensum non admittit ratiocinatio S. Doctoris. Nam ex hoc antecedente; hoc Petro tantum dictum est, non sequitur; Ergò non facit hoc Ecclesia, nisi supponatur nullum alium Ecclesiæ Ministrum, potestatis clavium esse quoquomodo participem. Dummodo enim alii eadem potestate gaudeant, quodcumque, vel à quocumque illam acceperint, non potest dici; Si hoc PETRO TANTVM DICTVM EST, NON FACIT hoc ECCLESIA. Potuit enim hoc Petro tantum dici; Et nihilominus POTEST hoc FACERE ECCLESIA, si alii Ministri potestatis Petro traditæ participes efficiantur.

8. Tract. 118. in Joan. unitatem, & charitatem, occasione tunicæ inconsutilis Christi, commendans uno Petro duodecim Apostolos repræsentatos affirmat. *Inconsutilis autem* (inquit, Ecclesiam cum tunica conferens) *ne aliquando dissuatur & ad unum pervenit, quia in unum omnes colligit; Sicut in Apostolis, cùm esset etiam ipse numerus duodenarius, id est quadripartitus in internos, & omnes essent interrogati. SOLVS PETRVS RESPONDIT, Tu es Christus Filius Dei vivi: & ei dicitur; Tibi dabo claves Regni Cælorum, tanquam ligandi & solvendi solus acceperit potestatem. cùm & illud unus pro omnibus, dixerit, & hoc cùm omnibus, tanquam personam gerens ipsius unitatis, acceperit. IDEO VNVS PRO OMNIBVS, quia unitas est in omnibus.* Quocirca sicut B. Petrus interrogatis omnibus solus respondens, etiam non expectatâ aliorum sententiâ, ut docet S. Joannes Chrysostomus

mus

mus capite sequenti referendus, pro omnibus respondere censetur, quia ipsi Pater Cœlestis pro reliquis omnibus Christi Divinitatem revelavit; non quia alii quid respondendum esset, ipsum docuerunt. Ita ipse fundamentum Ecclesiæ statuitur, ut eam sustentet, non ut sustentetur ab ea, claves accipit ab ipso, cum Ecclesia communicandas, non ab ea iterum recipiendas.

9. Norunt qui B. Augustinum diligenter legerunt, sanctum illum Doctorem sæpè res verè, atque historicè gestas, ad alias significandas transferre, sed ferè ubique, qui ejus erat pro Ecclesia amor, & contra hæreticos, & schismaticos zelus Ecclesiam vidisse. Quamobrem non est existimandum, ex positionibus illis allegoricis, sensus literalis auctoritatem ullo pacto imminui. Itaque nihil officit propriæ B. Petri dignitati, aut potestati in Ecclesiam, quod Ecclesiæ personam gessisse dicatur: præsertim cum Regnum nemo melius, quam Rex ipse cui subjicitur, repræsentet.

10. Aliquando nihilominus sanctus ille Doctor verbis propriis, & perspicuis singularem B. Petri dignitatem à Christo ipso acceptam commendat, ut serm. 29. de Sanctis; *Petrus, inquit, in illa Cœlestium discipulorum schola precipuus, ac primus idoneus, qui verba vita ex Christi ore suscipiens per Evangelii potestatem Judæorum gentem perditam quæreretur, & abdicatos ad hereditatem vocaret; Interpretæ legis, assertor gratiæ, destructor Synagoga, Ecclesia reparator: & ideo SOLVS INTER APOSTOLOS MERUIT AUDIRE; Amendico tibi, quia tu es Petrus, & super hanc petram edificabo Ecclesiam meam. Dignus certè qui adificandis in domo Dei populis LAPIS ESSET AD FUNDAMENTVM, COLUMNA AD SVSTENTACVLVM, CLAVIS AD REGNVM.*

11. In sermone quoque 13. de verbis Domini plurima sunt quæ B. Petri auctoritatem supra ceteros omnes Apostolos, & Ecclesiam ipsam insinuant; qualia sunt ista; ESSE PETRVM ECCLESIAE VNICÆ TYPVM. Ipse enim Petrus in Apostolorum ordine primus, in Christi amore promptissimus, sæpè unus respondit pro omnibus. Ipse denique Domino Jesu Christo requirente quemnam homines dicerent eum esse, & opinionones varias hominum discipulis respondentibus, rursusque Domino interrogante, & dicente. Vos autem quem me esse dicitis? Respondit Petrus, Tu es Christus filius Dei vivi, unum promissis dedit responsum. Unus in multis, Tunc ei Dominus ait; Beatus es Simon Barjona, quia non revelavisti tibi caro, & sanguis, sed Pater meus qui est in Cœ-

lis. Deinde addidit; Et ego dico tibi tanquam diceret, Quia tu dixisti mihi; Tu es Christus filius Dei vivi: & ego dico tibi: Tu es Petrus: Et inferius. In illo ergo uno Apostolo, id est Petro, in ordine Apostolorum primo, & precipuo, in quo figurabatur Ecclesia, utrumque genus significandum fuit, id est firmi, & infirmi, quia sine utroque non est Ecclesia. Et serm. 49. cap. 3 dicit Petro, in quo uno format Ecclesiam: Petre amas me? Respondit, Domine amo. Pasce oves meas.

12. Sermone autem 108. de diversis ait; Inter hos penè ubique solus Petrus totius Ecclesie meruit gestare personam: propter ipsam personam, quam totius Ecclesie solus gestabat, audire meruit; Tibi dabo claves Regni Cælorum. Has enim claves non homo unus, sed unitas accepit Ecclesia. Hinc ergo Petri excellentia predicatur, quia ipsius universitatis, et unitatis Ecclesie figuram gessit: quando ei dictum est. Tibi dabo quod omnibus traditum est. Nam ut noveritis Ecclesiam accepisse claves Regni Cælorum, audite in alio loco quid Dominus dicat omnibus Apostolis suis; Accipite spiritum sanctum. Et continuo, sicni dimiseritis peccata dimittentur ei, sicni tenueritis tenebuntur. Hoc ad claves pertinet, de quibus dictum est, quæ solveritis in terra erunt solutæ & in Cælo, & quæ ligaveritis in terra, erunt ligatæ & in Cælo. Sed hoc Petro dixit ut scias, quia Petrus universæ Ecclesie personam tunc gerebat,.... Columba ligat, columba solvit, ædificium supra Petram ligat, & solvit. Et infra. Merito etiam post resurrectionem Dominus ipsi Petro oves suas commendavit pascendas. Non enim inter Discipulos solus meruit pascere Dominicas oves: sed quando Christus ad unum loquitur, unitas commendatur, & Petrus primitus quia in Apostolu Petrus est primus..... Attendite fratres mei. Pasce, inquit, oviculas meas, pasce agnos meos. pasce oves meas,

13. Si Concilium generale sine Papa Ecclesiam melius, quam Papa solus repræsentat, toti Collegio, non soli Petro tradendæ erant claves, commendandæ oves, &c. Non ergo ut simplex Procurator, sed ut Monarcha visibilis claves Regni Cælorum accepit Petrus; non ut deferendas ad Ecclesiam, & ab illa rursus recipiendas, sed in illius utilitatem usurpandas, & Ministris inferioribus communicandas. Certè si Petrus nuda fuisset Ecclesie figura, seu simplex Procurator hinc Petri excellentia non prædicaretur, ut dicit S. Augustinus,

C A.

CAPUT XII.

Sententia S. Joannis Chrysostomi de comparatione B. Petri cum ceteris Apostolis, etiam simul sumptis.

1. **S**anctus Joannes Chrysostomus homil. 55. in Matthæum super hæc verba capitis 16. *Vos verò quem me esse dicitis* &c. multifariam significat, superius esse sancti Petri circa fidem judicium, cæterorum omnium Apostolorum iudicio. Notat enim primò eum non solum omnes alios repræsentasse, omnium vice ad interrogationem Christi quærentis, quem se esse dicerent, respondendo; sed ipsorum etiam non expectasse suffragium. *Quid igitur Petrus omnium Apostolorum os* VERTEX CONSORTII TOTIVS? (nota hæc verba VERTEX CONSORTII TOTIVS, & non Apostolorum tantum seorsim acceptorum) *Cum omnes interrogati essent ipse solus responder.*

2. At inquires, solus responder, quia importunum fuisset, ut responderent simul omnes: Ipse igitur, cognitis aliorum iudiciis, omnium profert responsionem. Aliter sentit S. Chrysostomus; Sic enim prosequitur: *Et quandoquidem de sententia vulgi petebat, omnes responderunt: Cum verò de sua eos rogaret, PETRVS CONFESTIM PRÆSILIVIT, ac praveniens ait; Tu es Christus filius Dei vivi. Si confestim præsiliuit, non expectavit aliorum suffragia; sed cum singuli circa humana iudicia respondissent, solus sententiam profert Beatus Petrus, atque præsiliens, & praveniens alios, Christi Divinitatem agnoscit, & proficitur.*

3. Secundò notat S. Chrysostomus B. Petrum tunc perfectiori modo Christum cognovisse, quàm qui eum Filium Dei antea confessi fuerant, ut ipsimet Discipuli, qui erant in navi, cum Christus ventum compescuerat, de quibus Matth. 13. vers. 33. dicitur; *Qui autem in navicula erant, venerunt, & adoraverunt eum dicentes; Verè Filius Dei es;* ut Nathanael, qui referente Beato Joanne Christum sic allocutus est; *Rabbi tu es Filius Dei* Joan. 1. 49. Eo quod ab ipso audisset; *prinsquam te Philippus vocaret, cum esset sub sicu, vidi te.* Probat autem sanctus Doctor perfectiorem fuisse Petri, quàm aliorum, de Christo cognitionem, id est alios tanquam filium adoptivum, Pe-

trum verò tanquam filium naturalem, & consubstantialium, eum cognovisse; tum quod Petro dicatur à Patre æterno facta revelatio; tum quod ob illam confessionem Beatus à Christo ipso sit prædicatus. Atqui nisi propriè sic Petrus intellexisset, & ab ipso Patre natum crederet, non fuisset revelationis opus illa confessio, nec aliquà beatificatione digna, si unum ex multis Dei filiis illum putasset: Etenim jam pridem post tempestatem qui erant in navigio, verè filius Dei est, dixerunt: Et quamvis verè dixerint, beatificati tamen ab eo non sunt. Non enim ita ut Petrus, sed unum ex multis verè filium estimabant, præcipuum quidem, magisq; dilectum, non tamen ex Patris substantia natum Nathanael quoque dicebat.

4. Tertiò observat S. Chrysostomus, Petrum Divinæ sententiæ sibi à Patre suggestæ promulgatorem, non humanæ opinionis relatorem extitisse; In medium Patrem produxit, qui ad confessionem veritatis animum Petri commovit. Ità Petrus quidem locutus est, PATER AVTEM ILLI QVOD LOQVERETVR SYGCESSIT. Ut non humanam opinionem, sed Divinam sententiam Divinitus dictam Petrum credas annuicias. Non ergo Christi Divinitatem, ejusque cum Patre consubstantialitatem ab Apostolico Collegio accepit Petrus. Rata fuit ejus sententia, & à Christo ipso approbata, & remunerata, non expectato aliorum assensu.

5. Quartò ad Petrum verè, ac propriè factam esse promissionem de ædificanda super ipsum Ecclesia, & tradendis illi clavibus Regnè Cælorum, quod infra apertius docer, jam insinuat sanctus Doctor his verbis; Quid igitur Christus? Tu es Simon filius Jonæ, tu vocaberis Cephas. Nam quia Patrem meum prædicasti, ego etiam illum nomen, qui te genuit, ac si diceret: quemadmodum tu Jonæ filius es, sic ego Patris mei filius sum. Nam aliter supervacaneum omnino atque superfluum esset, dicere; Tu es filius Jonæ. Verum quia ille dixit; Tu es filius Dei. Ut sic sese filium Dei ostendat sicut ille Jonæ filius, ejusdem videlicet substantia cum Patre, idcirco illud adjecit: Et ego dico tibi quia tu es Petrus, & super hanc petram ædificabo Ecclesiam meam. Petrus ergo ipsi, seu filio Jonæ facta est promissio, hoc est verè ac propriè, & non tantum significativè.

6. Quintò licet Beatus Chrysostomus petram super quam pollicetur Christus se suam ædificaturum Ecclesiam, de Fide, atque confessione Divinitatis Christi intelligere videatur, illam tamen confessionem accipit

accipit cum ordine, ac respectu ad Petrum, seu (ut loquuntur Scholastici) non in abstracto, sed in concreto. Nam sese explicat sanctus ipse Doctor, addens Christum fecisse, ut Petrus sublimiora sciret, eumque Pastorem Ecclesiae constituisse. Continuo enim profequitur; *id est FIDEM, atque confessionem. Hic aperte prae dixit magnam eorum qui crediduri, & erant, & sunt multitudinem fore & sublimiora scire ipsum facit, & ECCLESIAE PASTOREM CONSTITUIT.* Putasne illum quem Christus *sublimiora scire facit* à multitudine, cujus Pastor constituitur, docendum esse, non multitudinem ab ipso? Pastorem Ecclesiae ab Ecclesia; non Ecclesiam à suo Pastore?

7. Sexto quemadmodum Petro verè, propriè, ac excellentiori modorevelata fuerat Christi Divinitas; eamque solus ipse professus fuerat: ita ipsi verè, propriè, atque immediatè dari claves Regni Caelorum sanctus Doctor his verbis clariùs exprimit; *Et ego autem dabo tibi claves Regni Caelorum. Quid verò est; & ego autem tibi dabo? Quemadmodum Pater tibi dedit ut me cognosceres; sic & ego tibi dabo..... Quid das quaso? Claves, inquit, Regni Caelorum: Et quaecumque ligaveris, &c.*

8. Septimò docet sanctus Doctor, B. Petrum ad altiore Divinitatis Christi cognitionem adductum per duplicem quam ab eo potestatem accepit. Repetit adhuc ipsum Ecclesiae Caput, ac Pastorem extitisse. *Animadvertis, inquit, quo pacto ipse etiam ad altiore de se opinionem Petrum adducit, & se ipsum his duabus pollicitationibus filium esse Dei revelat & ostendit. Nam quae Deus concedere solus potest, peccatorum scilicet remissionem, & ut Ecclesia, tot, tantisq; fluctibus impetu irruumpentibus, immobilis maneat, cujus Pastor, & Caput piscator homo, atque ignobilis, terrarum orbe reluctantem adamantis naturam firmitate superet. Hac inquam omnia, quae solius Dei sunt, se pollicetur daturum.*

9. Octavò ostendit B. Petrum toti terrarum orbi, atque ideo toti Ecclesiae praepositum, ex comparatione cum Hieremia. Hic quidem Prophetam Judaeis, quibus constabat tota Synagoga, praerat, sed unicum tantum genuerat. At verò Petrus toti Ecclesiae ex omnibus omnino gentibus, & populis congregatae. Ita & Pater (profequitur S. Chrysostomus) ad Hieremiam dicebat: *sicut columnam ferream, & sicut murum*

anem posui te: sed ipsum quidem genti unipater; HVNC AVTEM (Petrum) VNIVERSO TERRARVM ORBI CHRISTVS PRÆPOSUIT. Pater quidem ei revelationem Filii sui dedit: Filius autem partim, ut iam Patris quàm Filii sui revelationem ubique terrarum posset seminare, partim ut quamvis homo esset mortalis, CÆLESTI TAMEN POTESTATE POLLERET, ET CLAVES HABERET REGNI CÆLORVM. Ita Petrus Ecclesiam per universum Orbem amplificatam Cælo etiam ipso validiorem monstravit Transibunt enim, inquit Cælum & terra, verba autem mea non transibunt.

10. Denique sic concludit S. Doctor, *Tu verò mecum ex eis omnibus, QUANTA SIT POTESTAS EIUS (Petri) intellige; ego dico tibi inquit; Tu es Petrus. & ego super te edificabo Ecclesiam meam: ego tibi dabo claves Regni Cælorum.*

11. Sermone in Petrum, & Paulum hæc de B. Petro habet. *Sed de Petro quid dicemus? Qui dulce spectaculum est Elcesia, splendor totius mundi, columba castissima, APOSTOLORVM DOCTOR, Apostolus ardens, spiritu fervens, Angelus, & homo gratia plenus, FIRMA FIDEI PETRA, SENILIS ECCLESIAE SAPIENTIA, qui ob puritatem Ecclesia Beatus, & filius columbae ex Dominico ore audivit. Qui claves Regni Cælorum ab ipso Domino accepit. Si Petrus erat splendor totius mundi, si Apostolorum Doctor, ab ipso alii, non ab aliis ipse instrui, atque doceri indiguit.*

12. Idem S. Doctor homil. 3. in Acta Apostolorum, dignitatem, & auctoritatem B. Petri super cæteros, etiam congregatos occasione electionis Apostoli, Judæ proditori substituendi, multifariam ostendit. *Primus hic, inquit, Doctorem constituit. Quamquam autem HABEBAT CONSTITVENDI JVS PAR OMNIBVS, tamen hæc congruenter fiebat ob virtutem viri, & ob hoc, quod tum temporis Praefectura, non honos erat, sed cura subditorum. S. Petrus habebat jus par omnibus non solum seorsim, sed etiam simul sumptis: quandoquidem S. Chrysostomus significat eum certum aliquod jus par omnibus habuisse, quod non exercuit; quamquam autem habebat constituendi jus par omnibus, tamen, &c. Exercuit autem jus quoddam, quo quilibet aliorum usus est, & præstantiori modo. Nam Doctorem constituit, & primus omnium auctoritatem usurpavit in negotio. Quod ergo aliud jus par omnibus habebat: ut scilicet solus posset eligere, quod omnes simul fecerunt, Petro humilitatem custodire, atque*

atque invidiâ effugere volente. Prosequitur deinde S. Chrysostomus; *Merito primus omnium auctoritatem usurpat in negotio, UT QVI OMNES HABEAT IN MANU: Ad hunc enim dixit Christus, Et tu aliquando conversus confirma fratres tuos.* Dixerat autem antea: *Quam est servidus? QUAM AGNOSCIT CREDITAM A CHRISTO GREGEM? Quam in hoc choro Princeps est? Et ubique primus omnium incipit loqui.* Illa certè verba; *UT QVI OMNES HABEAT IN MANU*, conjuncta cum istis. *QUAM AGNOSCIT CREDITAM A CRISTO GREGEM*, apertè declarant ex mente S. Chrysostomi non solum reliquos Discipulos seorsim sumptos, sed integrum quoque gregem, etiam congregatum, B. Petro cum ipsis existenti, sed seorsim ab ipsis considerato, subesse.

CAPUT XIII

Confirmatur præ eminentia summi Pontificis supra Concilium sine Pontifice.

1. **C**onsentiunt Catholici summum Pontificem esse visibile Caput Ecclesiæ. Visibile inquam, ; nam invisibile, ac primum, & præcipuum solus Christus est. Caput autem non solum pars corporis præcipua est; sed & in eo solo vigent omnes sensus, ut si discindi sine interitu corpus posset, Caput cæteris omnibus membris, etiam simul sumptis, præstantius foret. Frequentissimus est in tota vita civili, præsertim apud Jurisconsultos, ut caput pro persona ipsa accipiat, quod de reliquo corpore vix aliquod reperias exemplum.

2. Cum nunquam contigerit (neque futurum sit unquam) ut summus Pontifex legitimus, & indubitatus magnum vel majorem Episcoporum numerum, à sua parte stantem non habeat: Nonne Ecclesiæ Corpus per Caput cum multis aliis membris præcipuis melius repræsentabitur, quàm per alia membra sine capite? Quid igitur aliud efficiunt, qui Concilium sine Pontifice cum Pontifice solo comparant, eique præferunt, quàm ut pernicioso schismati viam aperiant?

3. Ipsi etiam Episcopi non solum seorsim, sed etiam in Concilio congregati, Romanum Pontificem Caput, ac Patrem habent. Hoc inter alia profitetur Concilium Chalcedonense in Epistola seu relatione ad S. Leonem sub finem: *Rogamus igitur, & tuis Decretis nostrum honora iudicium, & sicut nos CAPITI in bonis adiectimus consonantiam, sic & summus tuus filius quod decet adimpleat.* Caput autem Concilii dicitur Pontifex non tantum quod primo, ac præcipuo loco sit, sed quia, ut ait idem S. Leo alibi citatus; *Christus ab ipso quasi quodam Capite dona sua velut in corpus omne diffundit.* Sicut ergo quilibet Episcopus, quia est Ecclesiæ particularis Caput, ipsamet Ecclesiæ particularis esse censetur, ejusque Pastor, & Doctor; quem audire, ac sequi tenentur non solum singuli, sed etiam omnes illius Diocesis homines; nec ad eos de illius doctrina & regimine spectat judicare, sed ad superiorem extra Diocesim; ita summus Pontifex, Ecclesiæ universæ Caput, ipsam solus melius, quam cætera membra sine ipso, videtur exhibere; ejusque Pastor, & Doctor est, cui tenentur obedire tum Laici, tum Clerici, tum seorsim, tum conjunctim, quotquot intra Ecclesiam sunt.

4. Adeo difficilis, ac ferè impossibilis est Conciliorum generalium congregatio, ut verisimile non sit Christum principalem eis Ecclesiæ regendæ potestatem contulisse. Etenim per tria prima sæcula, cum Imperatores, aliique Principes, Infideles essent, & ad Ecclesiam persequendam, quàm juvandam paratiores; nullum haberi potuit hujusmodi Concilium; Omnesque tunc temporis hæreses studio, & auctoritate Romanorum Pontificum potissimum extinctæ sunt. Posset autem contingere, quod tamen disponente Divina providentia nunquam futurum sperandum est, ut per totidem sæcula, vel plura denique impedimentum obstaret.

5. Incommodum in convocandis Conciliis occurrere solitorum par-
em recenset S. Ambrosius Epist. 9. lib. 1. his verbis; *Vexabuntur Sacerdotes senes, transfretabunt maria iterum invalidi corpore patriam peregrino mutabunt solo, iterum Sacrosancta Altaria deserentur, ut in longinqua proficiatur, iterum pauperum turba Episcoporum, quibus ante onerosa paupertas non erat, aterna opis egentem compellentur inopiam gemere, aut certè victum inopum itineris usurpare.* Præterea jam diversa sunt Principum Christianorum studia; tam frequentes bello-

bellorum perturbationes, tot circa præcedentiam, & alia capita contentiones; ut ob varias illas difficultates, quarum aliquæ posteriora Concilia tamdiu produxerunt, Scriptores dixerint, esse fere impossibile Conciliorum generalium congregationem.

6. Præstantia hic præcipuè propter certitudinem attenditur. Ac infallibilitatem sententiæ Concilii Oecumenici auctoritati summi Pontificis, potius quàm aliorum Episcoporum numero, adscribendam, ipsâ experienciâ constat. Nam aliqua Concilia valde numerosa erraverunt, ac per summos Pontifices, & per alia Concilia emendata sunt; ut patet de Concilio II. Ephesino & de Concilio Ariminensi. Anno 754. habitum est Constantinopoli Concilium, quod sanctæ, magnæ, & universalis Synodi titulo sese insignivit, 338. Episcopis constans, quorum omnium suffragio definitum est, cultum imaginum esse idololatriam: hunc errorem correxit, seu damnavit Stephanus IV. Papa in Concilio Romano anno 769. deinde Hadrianus primus, & juxta ejus definitionem, septima Synodus generalis.

7. Declarat autem quæ sit in convocandis, ac dirigendis Conciliis sanctæ Sedis auctoritas, Epistola Hadriani ad Tarasium Constantinopolitanum lecta in 7. Synod. act. 1. *Quod si autem non perfecta mihi esset, & probè cognita erga Sacras Synodicas sex constitutiones, & venerandas imagines, vestra sinceritas, & orthodoxa fides, nequaquam ad Synodum convocandam assensivimus. . . . In primis autem Vestra Sanctitas piissimis, & triumphatoribus nostris Imperatoribus sine trepidatione inducat in animum, ut falsam congregationem illam sine consensu, ac presentia Apostolica Sedis, contra omnem Patrū venerabilium traditionem, contra venerandas imagines, sine ordine, & debita convocatione, factam exerceatur, & anathematizantiam presentibus apocryphis nostris cognoscat: quo omne zizanium ab Ecclesia eradicetur. & Jesu Christi Domini nostri verbum impleatur, cum ait, Ecce porta inferorum non prevalebunt adversus eam, & alibi; Tu es Petrus, &c.*

8. Eandem auctoritatem exponunt Gelasius epist. 13. & Nicolaus 1. epist. 8. *Sanctæ memoria Flavianum, inquit Gelasius Pontificum congregatione damnatum, pari tenore, quoniam sola Sedes Apostolica non consensit, absoluit, potiusq. qui illic receptus fuerat, Dioscorum secunda*

de Sedis Prasulem suâ auctoritate damnavit, & impiam Synodum non consentiendo submovit, ac pro veritate, ut Synodus Chalcedonenfis fieret, SOLA DECREVIT, &c. Et Nicolaus primus; Non ergo dicatis, non eguisse vos in causa pietatis Romana Ecclesia, quæ collecta Concilia suâ auctoritate firmat, suâ moderatione custodit. Unde quadam eorum **QUIA CONSENSVM ROMANI PONTIFICIS NON HABVERVNT, VALE-
TUDINEM PERDIDERVNT** Quomodo non egeat qualibet Synodus Romana Sedis, quando in Ephesino latrocinio, cunctis Prasulibus, & ipsis quoque Patriarchis probantibus, nisi Magnus Leo, imitator scilicet illius Leonis, de quo scriptum est, vicit Leo de Tribu Juda, Divinitus excitatus, os aperiens, totum orbem, & ipsos quoque Augustos concuteret, & ad pietatem commoveret, Religio Catholica penitus corruisset.

9. Nec cogites Concilia illa dumtaxat, quæ sine ulla summi Pontificis auctoritate congregata fuerant, vel in proferenda sententia libera non fuerunt, per eos, quibus dictum est in Persona Petri; *Confirma fratres tuos*, fuisse confirmanda. Etenim in Concilio Chalcedonenfi Act. 5. propositæ ab Asclepiade fidei definitioni; vel periculose, vel imperfectæ consenserant omnes Episcopi, eamque cum applausu exceperant præter aliquos Orientales, & sanctæ Sedis Legatos, qui recessuros se à Concilio protestati sunt, nisi Epistola S. Leonis integrè susciperetur, suppressâ illâ definitione, in qua sub verbis ambiguis, & æquivocationi obnoxiiis Dioscori virus latere suspicabantur, quæque adeò rectæ fidei nocere potuissent.

10. Concilia Oecumenica, nisi Summi Pontificis auctoritatem superiorem esse cognovissent, quomodo ejus non suonomine, Decreta communi consensu constituta edicta essent; ut auctoritatem à Pontifice mutuari, approbationem tantum à Concilio habere intelligerentur; quod in iis dumtaxat Conciliis observatum legitimus, quibus interfuit ipsemet Papa, quo expressius significaretur personæ ipsi summi Pontificis quatenus Petri Successoris, hanc competere prærogativam. Unde in Conciliis tantum Occidentalibus ea forma servata est, eo quod in Orientalibus nunquam adesse voluerint summi Pontifices, licet rogati, & aliquando facili, vel sine magno incommodo adesse potuissent.

11. Quanquam extant etiam illius prærogativæ vestigia

in Conciliis Orientalibus. Nam condemnatio Dioscori in Concilio Chalcedonenſi ſub nomine S. Leonis, quamvis abſentis, cum approbatione, & ſubſcriptione Episcoporum à Paſchalino Legato edita eſt; *Sanctiſſimus & Beatiſſimus Archiepiſcopus magna, & ſenioris Roma* LEO, PER NOS, ET PER PRÆSENTEM S. SYNODVM VNA CVM TER BEATIſſIMO, ET OMNI LAVDE DIGNO BEATO PETRO APOSTOLO, *qui eſt petra, & crepido Catholica Eccleſia, & reſtaſidei fundamentum, nuda-
vit eum (Dioscorum) tam Episcopatus dignitate, quàm etiam &
ab omni Sacerdotali alienavit miniſterio.* Magna eſt energia verborum illorum; Leo per nos, & per præſentem S. Synodum, quibus denotatur Papa autoritas; & ſequentium, una cum ter Beatiſſimo, & omni laude digno B. Petro, quibus ſignificatur autoritatis origo, ſcilicet privilegium Romanis Pontificibus in perſona B. Petri à Chriſto collatum. Nec illam ſibi autoritatem vindicaverunt Apoſtolica Sedis Legati, niſi poſtquam eis dictum fuit; *Petimus veſtram Sanctitatem qui habes, magis autem qui haberiſ locum ſanctiſſimi Papa Leonis, promulgare in eum, & regulis inſitam contra eum proferre ſententiam. Omnis enim & tota univerſalis Synodus concors efficitur veſtra Sanctitatis ſententia.* Concil. Chalcedon. Act. 3. in qua lecti ſunt etiam nemine reclamante plurimi libelli, in quorum titulo diſtinguebatur ſanctus Leo à Concilio, eique anteponebatur, nec non Patriarcha, vel Archiepiſcopus univerſalis appellabatur.

12. Quamvis Reges, alique Principes à populo plerumq; ſuam autoritatem acceperint, non à Deo, niſi mediatè; tamen Regem Gallia Comitiis generalibus ſuperiorem eſſe, qui revocaret in dubium, puto tanquam læſæ Majeſtatis reum habendum; Eamq; ſuperioritatem omnes intelligunt in eo ſignificatam, quod, quæ in Comitiis deliberata ſunt, Regis nomine inſcribuntur. & autoritate promulgantur. Cùm in Comitiis generalibus Gallia ſub Henrico III. conſcripti fuiſſent, quidam articuli, quibus exigebatur ut Rex Comitiorum ſententiam ſequi teneretur, repudiati ſunt, tanquam Regia Majeſtati injurioſi; & jure meritò inquit *Dutailx* iſta recitans, nam Rex verè Rex non eſſet, ſi ei à Comitiorum ſententia recedere non liceret. Porro quomodo ſummus Pontifex Eccleſia ſubjacebit, à qua ſuam non eſt mutuatus poteſtatem, & cui porius jure Divino, tanquam Chriſti Vicarius ex Conſtantiendi Concilio ſeſſ. 8. tanquam

Caput corpori juxta Concilium Chalcedonenſe Act. 3. & in Epift. ad S. Leonem; tanquam Paſtor regi, ut canit Eccleſia præpoſitus eſt.

CAPUT XIV.

Rurſus confirmatur præminentia Pontificis ſupra Concilium.

1. **A** Diſtruitur etiam Papæ ſuperioritas iis omnibus argumentis, quæ probant ſupremum eſſe Romani Pontificis Tribunal, nec ab illo licere appellare; *Aliorum forte hominum cauſas* (inquit Ennodius Diaconus, cujus doctrinam recepit, & approbavit, tanquam ſua Decreta, Concilium Romanum V. ſub Symmacho Papa, quemq; alia occasione jam ſupra citavimus.) *Deus voluit per homines terminari: Sedis iſtius præſulem ſuo ſine quaſt. reſervavit arbitrio, voluit B. Petri Succeſſores Cælo tantum debere innocentiam.* Præmiſerat autem, Concilio poteſtatem, quum alias non habuiſſet, ad judicandum Papam, ab ipſomet Pontifice conceſſam: *Judicia, & iſte voluit, amavit attraxit, ingreſſus eſt: & quod poſſet fidelium corda doloris juſti aculeis excitare, Venerando Concilio autoritatem, etiam contra ſe ſi mereretur, indulſit.*

2. Concilium Lateranenſe ſub Alexandro III. majorem vult adhiberi cautelam in eligendo Romano Pontifice, quia Epiſcoporum quidem reliquorum electio, vel electus Epiſcopus, emendati poterunt, ſed quoad Romanam Eccleſiam NON POTERIT AD SUPERIOREM HABERI RECVRSVS. Concilii Lateranenſis ſub Leone X. teſtimonium protulimus cap. 5.

Cæterum ſi in propria cauſa Romani Pontificis audiri debent (fieret autem illis magna injuria, præſertim ſanctitate, doctrinâ prudentiâ conſpicuis, ſi non audirentur) plurimi ſunt, qui hanc ſuæ Sedi autoritatem vindicant. In collectiõne Lucæ Holſtenii in Synodo Romana num. 8. Bonifacius Ruſo Theſſalonicenſi ſcribit; *Talia ſcripta direximus, quibus univerſi fratres intelligant, primo conveniſſe ſe citra ſuam conſcientiam minime debuiſſe: Deinde de noſtro non eſſe judicio retractandum. NVNQVAM ETENIM LICVIT DE EO RVRSVS, QVOD SEMEL STATVTVM EST AB APOSTOLICA SEDE, TRACTARI.*

A. S. G.

4. S. Gelasius in Epist. 13. jam citata, quæ est ad Episcopos Dardaniam; *Cuncta*, inquit *per mundum novit Ecclesia quoniam quorumlibet sententiis ligata Pontificum, Sedes B. Petri Apostolus, jus habeat resolvendi, utpote quod de omni Ecclesia fas habeat iudicandi, neque cuiquam de eius liceat iudicare iudicio: Si quidem ad illam de qualibet mundi parte Canones appellari voluerint, ab illa autem nemo sit appellare permissus: Deinde variis exemplis confirmat auctoritatem summi Pontificis supra Concilia; sed nec illa praterimus, quod Apostolica Sedes frequenter, ut dictum est, more majorum etiam sine ulla Synodo procedente, & absolvendi quos Synodus iniquè damnaverat, & damnandi nulla existente Synodo quos oportuit, habuerit facultatem: Sancta memorea quippe Athanasium Synodus Orientalis addixerat, quem tamen exceptum Sedes Apostolica, quia damnationi Græcorum non consensit, absolvit, Itemque sancta memoria Flavianum Pontificum congregatione damnatum pari tenore, quoniam sola Sedes Apostolica non consensit, absolvit, potiusq; qui illic receptus fuerat, Dioscorum secunde Sedis Prasulem sua auctoritate damnavit, & impiam Synodum non consentiendo submovit, &c. Idem scribit Epist. 4. seu commonitorio ad Faustum; Nobis opponunt Canones dum nesciunt quid loquantur, contra quos hoc ipso venire se produnt, quod, S. Sedi sana, rectaq; suadenti parere fugiunt. Ipsi sunt Canones qui appellationes totius Ecclesie ad huius Sedis examen voluere deferri, ab ipsa vero nusquam prorsus appellari sanxerunt, ac per hoc illam de tota Ecclesia iudicare, ipsam ad nullius commeare iudicium. Nec de eius unquam praeceperunt iudicio iudicare, sententiamq; huius constituerunt non oportere dissolvi, cuius potius sequenda decreta mandarunt.*

5. Gelasium secutus, & imitatus est Nicolaus I. epist. 8. etiam supra citatâ quæ est ad Imperatorem Michaellem; *Quoniam*, inquit, *cum secundum Canones ubi est maior auctoritas iudicium inferiorem sit deferendum ad dissolvendum, scilicet, vel ad roborandum, patet profectò Sedis Apostolica, cuius auctoritate maior non est, iudicium à nemine fore retractandum, neque cuiquam de eius liceat iudicare iudicio, si quidem ad illam de qualibet mundi parte Canones appellari voluerint, ab illa autem nemo sit appellare permissus. Iuxta quod & Bonifacius, atque Gelasius sanctissimi Prasules, non suis ad inventionibus, sed Ecclesia Romana consuetudines non ignorantes dicunt,*

6. Non minùs perspicua est Paschalis II. sententia Epistol. ad Archiepiscopum Poloniæ, relata à Baronio è Codice Vaticano ad ann. 1102. *Ajunt in Conciliis statutum non inveniri, quasi Romana Ecclesia legem Concilia ulla præfixerint, CVM OMNIA CONCILIA PER ECCLESIAE ROMANÆ AVTORITATEM, ET FACTA SINT, ET ROBVR ACCEPERINT, Et in eorum statutis Romana patenter autoritas excipiat.*

7. Denique nec ipsi Antesignani autoritatis Conciliaris aùsi sunt indiscriminatim asserere à summo Pontifice posse ad Concil. provocari in quolibet casu. NON EST FAS (inquit Joan. Gersonius tract. quomodo, & an liceat in causis fidei à summo Pontifice appellare, seu ejus judicium declinare) APPELLARE A PAPA, *vel ejus judicium in causis fidei declinare, non quidem pro omni, Et in omni casu, sed quando facit id, quod in se est, Et quando non apparet devius à fide, sed ambulat rectè ad veritatem Evangelii sine personarum acceptione.* (Ecce quibus in casibus secundùm Gersonium à summo Pontifice non licet appellare) Porro Dominus noster tollere poterit efficaciter suspensionem sinistram, qua contra Sanctitatem suam fieri posset, si dièta sua factis compenset: hoc est si sponte nullo requirente, damnet illam doctrinam pestiferam, & crudelem contra Polonos cum similibus aliis cum tali celeritate, & rigore, qualem fidei materia vergens in scandalum & perniciem Reipublicæ postulas, & requirit procubjecta quavis acceptione personarum.

8. Materiam istam egregiè tractat Franciscus Victorie relect. 4. propositione 20. ubi appellationes istas rejiciens post alias solidas probationes addit, *Præterea hoc probatur experientiâ, Et exemplis, quæ in moralibus faciunt magnam probationem.* OMNES ENIM APPELLATIONES HACTENVS FACTÆ AD CONCILIUM MALE CESSERVNT, ET tandem deveniunt in schisma aliquod, vel etiam hæresim. 30. *Quia hoc esset magna occasio perturbationis in Ecclesia: quia si Papa nimmeret nefacta ejus deberent rescindi in Concilio, nunquam vellet congregare Concilium cum magna jactura profectorum Ecclesiasticarum, Et congregare sine illo, vel non licet, vel esset valde difficile. Semper enim erunt aliqui, imò major pars, qui velint sequi partes Pontificis, Et unus Princeps saveret Concilio, aliis Pontifici, Et sic nihil pacificè nec ad utilitatem Ecclesia fieri posset: imò essent multò majores turbationes, ut experientia compertum est.* Nec minùs acriter illas appel-

appellationes impugnat Mauclerus de Monarch. Eccles. lib. 3. cap. 10. *Quintum denique inquit, ac postremum de præcipuis privilegium illud est, de quo hic questio vertitur, quod supra tetigimus contra quod ridicula sunt à quibusdam Schismaticorum partes suâ partim malitiâ, partim imperitiâ foveantibus, objectiones, nonnullaq; ad suam confirmandam rebellionem exempla producuntur: quæ à doctissimo nostro atatis Theologo viro sanctissima vitæ Valeo, eruditè refutata & explosa studiosus Lector videre poterit. Tot sacris Ecclesiæ Decretis, Canonibusq; veluti Divini sancti Spiritus oraculis ritè consideratis justoq; ratiocinio Theologicaque sapientia trutinatis examine, quam iuste spirituales anathematis gladium contra provocantes à Pontificii Monarchæ iudicio ad futurum Concilium à sanctissimis Sedis Apostolica Presulibus evaginarum fuisse credere debemus.*

9. Testatur libertatum Ecclesiæ Gallicanæ defensor Dominus Petrus de Marca, usum illum esse novum. Sic enim inchoat c. 17. lib. 4. *Superiore capite novam quandam rationem vidimus in Ecclesiam invec̃tam ab iis, qui se Romana Curia censuris premi existimabant, scilicet appellationem à Papa Decreto ad futurum Concilium. Novam dixi, quia nunquam in Ecclesia admissa fuit provocatio à Papa ad Concilium. Numero autem 4. originem notat his verbis, Primus omnium, qui appellatione ad Concilium usus est, prodit se apud Historicos Fridericus II. Imperator. Sed ut refert Matthæus Parisius in verbis à Marca relatis, Legatus Friderici appellavit à Concilio ipso generali, quod tunc scilicet anno 1245 Lugduni congregatum erat, ad aliud generalius. Appellavit pro eo ad Concilium proxime futurum generalius. Nec enim nunc omnes Prælati, vel eorum, vel Principum Procuratores apparent hic impræsentiarum.*

10. Itaque appellationum illarum origo, ut lib. 10. videbimus, ad Gallos referenda erit, qui anno 1303, nomine Philippi IV. dicti Pulchri Franciæ Regis appellarunt à Bonifacio VIII. ad futurum Concilium. Primo loco illam refert, qui probationes libertatum Ecclesiæ Gallicanæ collegit cap. 13. cuius titulus est de huiusmodi appellationibus. Verùm tunc allegebatur aut fingebatur Bonifacium non esse legitimum Pontificem & perinde appellabatur ad futurum legitimum Pontificem, ut ad Concilium generale.

11. Nec nisi post schisma invenietur interposita appellatio abso-

luta à Summo Pontifice pro vero accepto, ad futurum Concilium. Itaque cùm Concilium Papæ præponi cœpit, aperta est via ad appellandum ab illo ad istud. Multum autem verendum est ne illæ appellationes eo fine assumantur, ut obtegatur inobedientia prætextu Concilii, quod vel impossibile, vel difficillimè haberi posse compertum est.

12. Cæterùm antiquorum Scriptorum tum in Gallia, tum in aliis Provinciis Christianis doctrina erat, à Papæ sententia non posse provocari: Ita Hincmarus Episcopus Remensis tom.2. epist.44. quæ est ad Episcopos Diœcesis Remensis nu.25. Ivo Carnotensis in Decreto par.5.cap.9.& 10.& epist.233. & 236. Potho Presbyter Prumiensis de statu domûs Dei, lib.3. S. Thomas Archiepiscopus Cantuariensis epist.73. S. Antoninus & alii etiam ex recentioribus sanctæ Sediminus æquis, ut Carolus Fevretus lib.9.de abusu cap.3.n.15.

13. Denique cùm summo Pontifici vineæ custodia à Salvatore commissâ sit, ut confessa est Synodus Chalcedonenfis in relatione ad S. Leonem; id est, cùm *Petro totius Ecclesiæ cura commissâ sit*, ut scribit S.Gregorius lib.4.epist.32. cùm idem officium ad singulos Petri successores transferit, & singulis cum S.Fulberto Episcopo Carnotensi epist.22. dici possit; *Dilectissime Pater cui totius Ecclesiæ cura commissâ est*: cùm eis Gregis sit commissâ custodia, ut docet S. Epiphanius de B.Petro Ancoratus cap.4. Cùm summus Pontifex ex aliis quampluribus titulis à sanctis Patribus insigniatur, quibus significatur *unam Papam esse super Ecclesiam mundi totius*, ut Episcopi Patrensis apud Liberatum Brev. cap.22. verbis utar, quomodo illi præferendum esset Concilium generale, licet totam Ecclesiam sine Pontifice repræsentaret. Quomodo successor ejus, cui *totius Ecclesiæ gubernacula tradita sunt*, ut prædicat S. Maximus Episcopus Taurinensis homil.3. in Natal. Beatissimorum Petri & Pauli, gubernandus ipse esset ab Ecclesiæ parte, quantumvis præcipua? Sanior videretur sententia Joannis de Selva in Senatu Parisiensi Præsidis tract.de benef. part.3. quæst.8. n. 32. *Papa, inquit, præfertur toti Concilio.*

CAPUT XV.

Respondetur auctoritati Concilii Constantiensis.

1. **D**uplici præcipuè ratione impugnabat Eugenius IV. hujus Synodi de Conciliorum generalium auctoritate Decreta. Prima quod dubia esset eorum auctoritas. Secunda quod ad tempus schismatis restringenda essent. Utramque improbant Illustrissimi Præfules Comitiorum Parisiensium his verbis; *Nec probari à Gallicana Ecclesia, qui eorum Decretorum quasi dubia sint auctoritatis. ac minus approbata, robur infringant, aut ad solum schismatis tempus Concilii, dicta detorqueant. Sed nunquid etiam Comitibus Cleri Gallicani inferior est auctoritas Papæ, ac illorum potius quam Summi Pontificis sequenda sententia?*

2. Eugenius igitur Decreta, de quibus est quæstio, hâc in primis ratione non valere contendebar, quod ab una tantum obedientia fuissent facta, id est à Prælatis Joanni XXIII. obedientibus, quod affirmat etiam Cardinalis à Turrecremata de rei veritate optimè instructus, ac gestorum ex parte oculatus testis, & pro suo merito fide dignus. Rem narrat his verbis, summâ de Eccles. lib. 2. cap. 99. *Notandum quod Congregatio illa Constantia celebrata tria tempora habuit. Primum fuit, in quo sola obedientia præfati Joannis Balthasar Constantia convenerat. secundum tempus fuit, in quo Angelus Coriarius vocatus in obedientia sua Gregorius XII. juri suo sedens præfata Congregationi se sub certis modo, & formis conjunxit. Tertium tempus est, in quo Reges, & Principes, ac Prælati obedientes Petro de Luna, Benedicto XIII. vocato in obedientia sua per suos Prætores novâ factâ convocatione Concilii se unierunt præfata Congregationi ad pacem dandam universali Ecclesie. Et fuimus nos tunc præsentés in minoribus constituti, pro quo solo tempore convenientibus omnibus simul tribus obedientiis fuit certum dicere, quod universalis Ecclesia representativè congregata esset Constantia. Nullus autem dubitat, quin asserere quod sola obedientia Joannis faceret Concilium universale, universalem Ecclesiam representans, esset temerarium, & scandalosum aliis duabus obedientiis. Tertiò ea qua inducuntur de decreto Concilii Constantiensis non militant: quoniam auctoritatis illius a-*

lia dua obedientia, scilicet Gregorii, & Benedicti apertissima contra-
dictione in plena Congregatione se opposuerunt & eorum contradictio
fuit accepta. Subjungit infra idem Cardinalis; In illorum determi-
natione non modo non intervenis universalis Ecclesia, sed obedientia
una tantum, scilicet Joannis XXIII. ut dictum est, sed etiam non inte-
grè tota illa obedientia; quoniam plures Patres doctissimi illius obe-
dientia illis non presterunt consensum, aut assensum suum. Item nec
ipsa in sua obedientia vocatus Ioannes XXIII. quoniam cum post recessum
suum à Constantia Scaphuse constitutus audiret prefatam declara-
tionem conclusam, Dominis Oratoribus Christianissimi Regis Francia
visitantibus eum, videlicet Domino Duci Bavaria, Domino Nicolao
de Colazilla, aliisque, eorum Collegis amaro animo conquestus est falsa
quadam, & erronea adversus auctoritatem summi Pontificis Romani
decreta per amulos suos post recessum ejus esse conclusa, &c. Quæ om-
nia confirmantur ab aliis Scriptoribus, & ab Actis ipsis Concilii
Constantiensis, in Bibliotheca Vaticana extantibus, quorum sum-
mam in lucem nuper emisit doctissimus vir Emanuel Schellstrate.

3. Cæterum quoniam Illustrissimi Antistites Parisienses hæc De-
creta à Sede Apostolica comprobata dicunt, quod præcipuè de Mar-
tino V. intelligendum videtur, qui depositis à Concilio Constantien-
si tribus Pontificibus, inter se de Pontificatu contendentibus, Pon-
tixef creatus est, & ab omni Ecclesia pro vero, & legitimo acceptus;
videndum est, quæ fuerit ejus de his decretis mens. Sed prius obser-
vandum est, etiam si Concilium Constantiense legitimum non foret,
Martinum nihilominus legitimum fore Pontificem, quippe cum
Joannes, & Gregorius Papatui renunciarint, ut patet ex Actis Con-
cilii Constantiensis sess. 12. & 14. & Gregorius ante decesserit, quam
Martinus V. eligeretur ac deinde Clem. VIII. Benedicti successor ei-
dem Martino cesserit. Præterquam quod ex auctoritate Concilii ad
tollendum schisma, non ritè, cum sit exceptio regulæ generalis, infer-
tur auctoritas indefinita supra Papam in omnibus casibus.

4. Ut autem ad Martinum V. redeamus, prohibuit ille appel-
lationes ab Apostolica Sede, seu Romano Pontifice, ut testatur
Joannes Gersonius tractatu, *Quando, & an liceat a summo Pon-
tifici in causis fidei appellare, seu ejus judicium declinare.* Quæ
gettè prohibitio absona fuisset, si Concilii judicium judicio Papæ
superius existimasset. Quis enim Judicem non derideat, à sua senten-
tia

tia ad Iudicem superiorem appellari verantem, in iis causis, in quibus alius est re vera Iudex superior. Fuit autem promulgata illa Martini V. Constitutio in Consistorio generali celebrato Constantiæ sexto Idus Martii Anno primo, id est ante finem Concilii, quod terminatum est 10. Kalendas Maii anno 1418. etiam Pontificatus primo, & à Pontifice approbatum, quæ confirmatio in actis refertur his verbis; *Sanctissimus Dominus noster Papa dixit, respondendo ad prædicta (scilicet de condemnatione libelli Joannis Falkenberg) quod omnia, & singula determinata, conclusa, & decreta in materiis fidei per præsens Concilium conciliariter tenere, & observare inviolabiliter volebat, & nunquā contrariare quoquo modo. Ipsaq; sic conciliariter facta approbat, & ratificat, & non aliter, nec alio modo, & illud idem iterato fecit dici per organum Domini Augustini de Pisis Fiscalis, & sacri Consistorii Advocati prædicti, qui NOMINE PAPÆ à Prothonotariis, & Notariis ad scribendum Acta Concilii ordinatis, & deputatis petiit instrumenta publicari fieri. Quorsum autem verba illa, & non aliter, nec alio modo, nisi ut Decreta illa, quæ ut supra vidimus, à solis Prælatibus obedientiæ Joannis XXIII. nec etiam ab illis omnibus, edita fuerant, probare non videretur.*

5. Verum licet illa Concilio generali adscriberentur, & quæ à Martino V. aut Eugenio IV. in genere dicta sunt, ad hæc, de quibus specialis, imò specialissima facienda fuisset mentio, referri possent: non tamen extra casum schismatis, de quo tunc erat quæstio, aut hæresum, de quibus accusabantur Pontifices contententes, ad alios casus essent detorquenda; quæ altera erat Eugenii ratio. Nec enim ibi generaliter statuitur omne Concilium generale in omni casu supra Pontificem autoritatem habere, sed tantum Concilium Constantiense, & alia generalia, quæ ob eandem causam congregari opus esset. Hæc enim sunt verba Concilii Constantiensis sess. 5. *In nomine sanctæ, & individue Trinitatis, Patris, & filii, & Spiritus sancti. Amen. Hæc sancta Synodus Constantiensis generale Concilium faciens pro extirpatione ipsius schismatis & unionem, & reformationem Ecclesiæ Dei in capite, & in membris ad laudem Omnipotentis Dei, & in Spiritu sancto legitime congregata, & ad consequendum facilius, securius, liberius unionem, & reformationem Ecclesiæ ordinat, diffinit, decernit, & declarat ut sequitur. Et primò declarat quod ipsa in Spiritu sancto legitime congregata Concilium generale faciens, & Ecclesiam Catholicam representans po-*

testatem à Christo immediatè habet, cui quilibet cuiuscumque status, vel dignitatis, etiam si Papalis existat, obedire tenetur IN HIS, QUÆ PERTINENT AD FIDEM, ET EXTIRPATIONEM DICTI SCHISMATIS, & reformationem dictæ Ecclesiæ in capite & in membris.

6. Item declarat, quod quicumque cuiuscumque conditionis status, dignitatis etiam si Papalis, qui mandatis, statutis, seu ordinationibus, aut PRÆCEPTIS HVIVS SACRÆ SYNODI, & cuiuscumque aliorum Concilii generalis legitime congregati SVPER PRÆMISSIS SIVE AD EA PERTINENTIBVS, factis vel faciendis, obedire contumaciter contempserit, nisi resipuerit, condigna poenitentia subjiciatur, & debite puniatur, etiam ad alia juris subsidia si opus fuerit, recurrendo. Idè iisdem serè verbis statuitur sess. 4. notanda sunt illa verba ipsa (scilicet Synodus Constantiensis) in his, quæ pertinent ad fidem, & extirpationem dicti schismatis: Præceptis huius sacre Synodi: super præmissis frue ad ea pertinentibus, quæ Decreta illa circumscribunt, ac sine limitatione intelligere vetant.

7. Testis est ipsemet Joannes Gerfonius, tantum ad Conciliorum generalium auctoritatem constituendam fervens, sententiam de superioritate Papæ ad Concilium, non solum antè, sed etiam post Decreta Concilii Constantiensis à multis fuisse propugnatam, quod evidens signum est decreta illa, vel non esse Concilii verè generalis (alioquin enim à nemine Catholico revocarentur in dubium) vel in certo dumtaxat casu locum habere. Si enim generalia essent, quis superesset disputandi locus apud eos, qui à Concilio verè generali statuta crederent? Fallor, inquit Gerfonius de potest. Eccles. considerat. 12. Si non ante celebrationem Sacrosanctæ huius Constantiensis Synodi sic occupaveras mentes plurimorum litterarum magis, quam litteratorum ista traditio, ut oppositorum dogmatizator fuisset de hæretica pravitate vel notatus, vel damnatus. Huius rei signum accipe quia post declarationem, & quod urgentius est determinationem & præfationem ejusdem sanctæ Synodi inveniuntur qui talia passim asserere non paveant. Rationem autem cur huic sententiæ tantum esset insensus, hanc insinuat considerat. 10. quia scilicet ut ipse arbitrabatur, eà semper manente perseverasset semper schisma ab ea nutritum.

8. Ex quo conjicitur de hoc tollendo malo cogitasse quotquot recta intentione Concilium Papæ anteferre studuerint. Cæterum enim

non solum ante Conciliū Constantiense, sed etiam postea extiterunt magni nominis Auctores, qui sententiam illam, summum Pontificem Concilio subicientem erroneam iudicant. Non solus Cardinalis Bellarminus, qui de Concil. lib. 2. c. 11. hæc habet *Concilium Basileense cum Legato Pontificis communi consensu statuit Concilium esse supra Papam; quod certe nunc iudicatur erroneum*. Sed & alii quamplures; ex quibus Franciscus de Sylvestris, vulgò Ferrariensis, à patria nuncupatus, Ordinis Prædicatorum Generalis, super S. Thomam lib. 4. contra gent. cap. 75. in fine sic scribit; *Ex prædictis constat vanam esse, & à Fide Christiana alienam opinionem dicentium Concilium, & Ecclesiam esse supra Papam, & ipsum Papam ab Ecclesia auctoritatem habere tanquam ab ipsa institutum*; quæ censura non solum ultimam propositionem afficit, ut patet ex probationibus; sequitur enim; *Nam manifestum ex prædictis, quod Christus ipse regimen Ecclesie instituit, non autem ipsa Ecclesia, aut populus Christianus, & quod in Ecclesia Petrum, suum Vicarium, & Successores ejus instituit sicut & ad Sacramenta dispensanda instituit Ministros. Unde cum dixit Petro Pasci oves meas, pramissit interrogationem: Simon Joannis diligis me plus his? Ut ostenderet se auctoritatem Petro dare, ut distincto ab aliis discipulis presentibus. Propter quod exponens Chrysostomus prædicta verba, ait præteriens alios, PETRO LOQUITUR, &c.*

9. Doctrinā, pietate, ac miraculis clarissimus S. Antoninus Archiepiscopus Florentinus eandem doctrinam validè defendit part. 3. sum. tit. 23. de appellatione Papæ cap. 3. §. 3. fin. *Sed nec ad Concilium generale à Papa appellari potest: quia Papa omni Concilio superior est: nec robur habet quidquid agitur, nisi auctoritate Romani Pontificis roboresur, & confirmetur. Sentire ergo quod ad Concilium à Papa appellari possit, est hæreticum, & contra illum articulum, Sanctam Ecclesiam Catholicam; sic autem superius argumentatur; Quicumque privilegium Romana Ecclesia à Christo traditum auferre conatur est hæreticus: sed dicens, & tenens, quod licet appellare à Pontifice Romano ad successorem ejus, aufert privilegium Romana Ecclesia à Christo traditum; ergo talis manifeste est hæreticus. Et sic probat minorem; Quicumque sentit Romanum Pontificem non esse summum, supremum, & unicum Caput totius Ecclesie, auferre conatur privilegium Romana Ecclesia à Christo traditum: sed quicumque à Papa appellandum sen-*

rit, sentit Papam non esse summum, & unicum Caput Ecclesia, ergo, &c. Unde sequitur quod quicumque hoc sentit: sentit contra artic. Nicæna Synodi, ubi dicitur unam Sanctam Ecclesiam, quia Ecclesia habet unitatem ex unitate capitis. Unde & Joann. 10. dicit Christus. Fiet unum ovile, & unus Pastor. Si licitum esset appellare à Papa, & illa, ad quem appellatur, esset Caput. Sic Papa non esset caput, vel essent dua Capita, quod esset monstruosum.

CAPUT XVI.

*Respondetur aliis objectionibus contra Superioritatem
Papæ ad Concilium.*

1. **S**I, ut capite superiori demonstratum est, à Decretis Concilii Constantiensis efficax argumentum trahi non potest ad probandum Concilium generale legitimo, & indubitato Pontifice non esse superius; cum id præcipuum sit illius sententiæ fundamentum, eo everso corruet illa, aut nutabit. Etenim ex aliis probationibus, aliquæ minus solidæ mediocri ingenii Lectoribus statim apparent; Quæ autem verisimiliores videntur, si attentè perpendantur, & diligenter discutiantur, non tantâ vi pollent, ut animum veritatis sinceræ studiosum movere queant, quod ex earum examine patebit.

2. *Probatio principalis* (ut dicitur in tractatu Universitatis Cracoviensis super autoritate Conciliorum, justificatione Concilii Basileensis, & depositione Eugenii IV. relato in historia Universitatis Parisiensis tom. 5. ad annum 1440. Per quam probatur superioritas potestatis Ecclesiasticæ super Papam, sumitur ex conditione huiusmodi potestatis prout est in Ecclesia, & in Papa. Est namque in Ecclesia hæc potestas continuè, permanentè, & perpetuè. Non est autem assignare diem, horam, vel momentum, in quo Ecclesia deficiat hæc potestas, & durabit usque ad consummationem sæculi; in Papa vero non est sic, cum non semper vivat, possitque etiam privari, & sic carere hæc potestate, possitque de novo eligi, & iterum eam habere, & quoniam omne permanent, & continuum præfertur variabili interpolato, & temporali, sequitur, quod potestas, sive autoritas Ecclesiæ præmineat potestati Papæ. Si verum est principium quod supponitur in eo discursu, sequetur potius Papam esse supra Concilium. Non enim de Ecclesia
forma-

formaliter accepta agitur, sed de Concilio eam representante, ut patet non solum ex propositione Cleri Gallicani, quam discutimus, sed etiam ex titulo, sub quo ponuntur verba supra scripta in illo tractatu. Est enim partis illius titulus; *De potestate Concilii*. Sic ergo argumentari possumus, OMNE PERMANENS, ET CONTINUUM PRÆFERTUR VARIABILI, INTERPOLATO, ET TEMPORALI, SED PAPA EST MAGIS PERMANENS, ET CONTINUUS, MINUS VARIABILIS, ET INTERPOLATIVUS, ET TEMPORALIS, QUAM CONCILIUM GENERALE, ERGO ILLI PRÆFERENDUS EST Consequentia negari non potest, sicut nec prima propositio, quæ ipsorummet Adversariorum est. Secunda autem propositio ad oculum patet, semper enim per breviora intervalla defecerunt in Sede Apostolica Episcopi, quàm Concilia œcumenica, multoque facilius est, uno deficiente Pontifice, alium eligere, quàm Concilium generale convocare, quod vix semel per plura sæcula fieri potest.

3. Si ergo conveniens existimatur Divinæ providentiæ, ut auctoritatem regendæ Ecclesiæ universæ, illique fidei exponendæ, ac præscribendarum morum regularum, illic reposuerit, quo facilius esset accessus, ne nimis dilationes malorum incremento præberent occasionem: ceterè promptius, & expeditius à Sede Apostolica, quàm ab universis mundi Episcopis, aut in Concilio generali congregandis, aut per universas mundi partes dispersis, fidei, ac morum norma exquiretur. Nam antequam convenerint undique, ac consenserint, vel consulti responderint omnes Prælati, hæresis, quæ velut cancer serpit, multas inficiet animas, quæ vix poterunt ab huiusmodi putredine purgari.

4. Prosequitur Universitas Cracoviensis. *Secundò quia potestas hæc semper in Ecclesiâ fuit, & est, & erit recta quoad ea quæ sunt iuris, & fidei, nec unquam Ecclesiâ à fide deviasit, Papa verò frequenter, &c.* Perstar oratio in æquivocatione, & Ecclesiam confundit cum Concilio, à quo absit legitimus Pontifex. Nemo Catholicus dubitat, quin Ecclesiâ formaliter accepta immota semper in fide permanferit, & permanfura sit. Sed quæritur à quo ei proponenda sit, & explicanda fidei veritas. Nec enim Ecclesiâ universâ, quatenus complectitur omnes fideles, etiam laicos, eo dono prædita est, ut veritatem doceat; sed sunt in ea quorum munus est docendi alios; sunt

quorum est tantum addiscendi ; quamquam fieri non possit , ut tota simul Ecclesia errorem fidei contrarium recipiat ; gaudet enim infallibilitate passiva , ut dicitur , sed quæstio est , penes quem sit suprema docendi , ac regendi potestas , an penes Episcopos sine summo Pontifice , an penes summum Pontificem sine Episcopis , dum invicem distinguuntur.

5. *Tertio quia in Ecclesia (verba sunt ejusdem tractatus) est cognitio omnis necessaria veritatis ad salutem, &c.* sed à quibus oritur hæc cognitio , dum aliqua inest in verbo Dei obscuritas ? Nonne ab eo , cui dictum est ; *super hanc Petram ædificabo Ecclesiam meam. Confirma fratres tuos. Pascue oves meas.* vel solo , vel advocatis aliis Episcopis pluribus , vel paucioribus , prout ex rei gravitate , ac temporum opportunitate congruum judicaverit ?

6. Sed posset adhuc magis urgeri difficultas ista. Quamvis enim facilius sit eligere Papam , eumque consulere , quam Concilium generale congregare , vel omnium Episcoporum suffragia sciscitari ; tamen per breves illas moras , quibus vacat Sedes Apostolica , Ecclesia fundamento carens collaberetur ; Pastore destituta erraret ; fratres , deficiente qui confirmaret , à fide dimoverentur , si usque adeò literaliter intelligenda essent scripturæ loca , quibus summi Pontificis autoritas constituitur. Hæc tamen , si quid valent , contrariæ opinionis sectatores , magis quam nos , premunt ; Cùm enim jurisdictionem quam nos summo Pontifici , illi Concilio generali vindicent , quis ea munia obibit interim , dum convocabitur Concilium generale , vel exquirantur omnium Episcoporum vota , quod longiorem trahit moram.

7. Verùm in summo Pontifice , non persona ipsa , quæ morti , aliisque casibus humanis subjacet , sed dignitas , autoritas , & jurisdictio attendendæ sunt , quæ semper virtute perseverant. Etenim Petro , ceu fundamento , nititur Ecclesia , ab eo confirmantur fratres ; ab eo pascuntur Christi oves , & Agni ; quia fides , & morum regulæ , quas explicat , Ecclesiæ firmamentum , & cibus sunt. Mortuo autem Pontifice , immota permanent ab eo tradita , vel explicata dogmata. Et , si qua oritur nova difficultas , solvetur à Successore , cujus multò expeditior est electio , quam Concilii ex toto terrarum orbe congregatio. Itaque non deficiet unquam Ecclesiæ fundamentum , & cibus.

8. Si quis autem instet, saltem tunc temporis Concilium generale supremam immediatè à Christo jurisdictionem habere, nihil contra nos ager, qui Cœtum, seu Concilium generale, cum legitimo, & certo Pontifice conferimus: non autem de Concilii generalis potestate, Sede Pontificali vacante, disputamus. Cæterum doceant plures Autores eo casu posse tantum Concilium providere necessitatibus urgentibus, & ut Pontifex creetur, procurare; Non autem quæ ad statum Ecclesiæ universæ attinent, non expectato Pontifice, diffinire. Ita Joannes Bagotius Gallus, scilicet Rhedonensis, è Societate Jesu in Apologetico fidei par. 1. l. 4. disput. 2. cap. 1. sect. 2. num. 7. *Nec verò Ecclesia universalis, si Sedes Petri vacat, aut ob schismatis discordiam de vero S. Petri Successore dubitatur, aliud jus, & potestatem habet, quàm ut eas quæ ad schisma tollendum persisterent, res traheret, & sibi legitimum Caput provideret, sine quo NEC ROMANA, NEC VLLA ALIA ECCLIA HABET A DEO PROMISSAM OPEM, ET AUXILIUM INFALLIBILE, PRO CONTROVERSIIS FIDEI DIRIMENDIS, SEV STATVENDO QUID CREDERE DEBEAT, &c.* Sanè ut observavit Andreas Duvallius, de Ecclesiastica potest. pag. 58. *Sicut in Ecclesia Cathedrali, Sede vacante nihil est innovandum, ita nec in Ecclesia universali deficiente summo Pontifice.*

9. Objiciuntur adhuc varia incommoda, quæ accidere possent, si absoluta Pontificis potestatis usus, Conciliorum jurisdictioni ac directioni nõ subderetur. Sed eadem, & majora sequerentur ex subjectione Papæ ad Concilium. Itaque in utraque sententia reponendum est, fore ut Divina providentia incommoda illa modis etiam nobis ignotis, propulset, ne portæ inferi adversus Ecclesiam Christi sanguine redemptam prævaleant.

10. Hæc igitur sine præjudicio Dignitatis, & autoritatis Conciliorum verè generalium dicta sint, quorum usum Ecclesiæ utilissimum esse certò cognoscimus. Sed ut existimamus, utque jam in principio notavimus, qui eorum autoritatem nimis efferunt, eorum convocationi, ac congregationi obicem ponunt, imò dum Concilium sine summo Pontifice, quando legitimus, & certus existit, de quo

casu

casu omnis hæc instituta disputatio est, summo Pontifici opponitur, ac præponitur, non Ecclesiæ utilitati, ac securitati consulitur, sed via schismati aperitur. At verò ut capite cum membris consentiente frequentissima habeantur Concilia generalia, eorumque Decreta ubique, atque ab omnibus custodiantur, optandum, & procurandum est.

11. Ad auctoritatem Concilii Basileensis, Papam Concilio generali absolute supponentis, respondendum videretur: sed illius Synodi exitus comprobavit, quam periculosa sit illa doctrina, quæ membra separat à capite, eaque invicem committens, caput aliis corporis partibus supponit. Si enim tunc alter Joannes Grangius Caroli VI. Francorum Regis animum in Eugenium I V. Pontificem commovisset; ac Divina providentia non permisisset, ut magis Principi illi suspectus esset Amedeus sub nomine Felicis V. à Concilio Basileensi creatus Antipapa, metuendum erat, ne dirum schisma rursus per plurimos annos Ecclesiam miserabiliter laceraturum foret.

12. Quamobrem consultissime prætermissa est ab Illustrissimis Præsulibus Gallicanis istius Concilii auctoritas, licet ei quam adhibuerunt, Concilii Constantiensis Decretorum interpretationi suffragaretur. Hoc eorum silentium sufficientissima est responsio. Nec dubito quin argumentum ex reticentia validius appareat æquo collibet Judici, quam argumentum negativum, quod Launoius in favorem hujus Concilii trahit ex silentio Scriptorum circa poenitentiam Cardinalis Arelatensis huic Concilio præfidentis, vel tum quando depositus est Eugenius, & electus Amedeus, & tamen in Beatorum album à Clemente VII. relati; imò quam argumentum positivum quo Alexandrum VII. istud Concilium, approbasse infert ex illis ejus Pontificis verbis in Constitutione circa Conceptionem B. Mariæ Virginis. *Accedentibus quoque plerisque celebrioribus Academicis.* Quia nimirum inter illas Academias intellexit Parisiensem; cujus ea de re opinio præcipue Basileensis Concilii auctoritate nitiatur.

13. Quæ circa secundam istam propositionem adhuc afferenda videntur in examine quartæ, quæ strictissimam cum ista conjunctionem, imò inseparabilem, si Launoio credimus, habet, Deo dante, dicemus.

CAPUT XVII

Respondetur argumento Launoii ab epistola Siricii Papæ ad Anysium & ceteros Episcopos Illyricenses sumpto.

LAunoius Romani Pontificis auctoritatem armis impugnat, quæ si talia essent qualia ille asserit, nemo esset qui resistere valeret. Traditionem ubique minatur, etiam Romanæ Sedis, quod potissimum est probationis genus; ipsa scilicet partium quarum interest, frequentius iterata confessio. Verùm ita ubique inquit, ubique caprat occasiones deprimendæ auctoritatis Pontificiæ, tam inconsiderato, ne dicam tam temerario scribit stylo, tam frequentibus, tamque iniquis verbis infectatur sanctæ Sedis defensores, ut quilibet æquus Lector animadvertat, non solum ipsius opinionibus nullam deferendam esse auctoritatem, sed etiam diligentius, & absque præiudicio examinanda esse quæcumque ab eo proferuntur, ne conjecturis ejus, aut interpretationibus in errorem pertrahatur: sed proferenda sunt præcipua quædam exempla.

2. Licet autem in declaratione Comitiorum Cleri Gallicani distinguatur propositio de comparatione Papæ ad Concilium, ab alia de non errandi privilegio, tamen Launoius ita connexas esse arbitrat, ut separari nequeant, aut non debeant. Itaque illas aliquando quidem distinguit, aliquando promiscuè tractat. Quæ circa utramque ex summis Pontificibus eorum auctoritati opponit, præcipua hæc sunt.

3. Epist. 7. to. 1. ait. *illam epistolam, quam Siricius Romanus Pontifex de Bonosirebus in Capuana Synodo gestis ad Anysium & alios Illyrici Episcopos perscripsi, antiquitatis sacre monumentum esse omni auro pretiosius, & in Ecclesiastica historia, quo satis aestimetur, reperiri nihil.* Rationem addit; Nam Siricius in epistola ad unum statuit, & confirmat, quod gravissimis quibusque de Romano Pontifice questionibus fieri solitis finem imponit. Non est igitur opus, etiamsi vacaret, reliqua omnia prosequi, quæ in octo epistolarum tomis conegessit, siquidē istud unum gravissimis quibusque de Rom. Pontifice questionibus fieri solitis

finem imponit. Si istud unum Ecclesiasticorum Annalium loca sexcenta, quibus Auctor (Baronium intelligit) Romanum Pontificem supra Concilia omnia statuit, & sacrorum Canonum derogatorem facit amplissimum, funditus evertit; cætera tanti esse momenti non possunt.

4. Anno 361. aut 392. habitum est Capuæ Concilium, in quo de componendo schismate Ecclesiæ Anthiochenæ tractatum est: quod negotium, cum propter partium, aut saltem uniùs ex illis absentiam, definire non posset, Theophilo Patriarchæ Alexandrino commissum est: actum etiam fuisse dicitur de Bonoso Episcopo Naresitano de hæresi accusato, ejusque causam Anylio Thessalonicensi, & aliis Episcopis Macedoniæ delegatam esse. Item de alio Episcopo nomine Basso. Primum constat ex litteris S. Ambrosii ad Theophilum; secundum, & tertium ex litteris Papæ Sirici, ad Anysium & cæteros Episcopos titulum præferentibus, infert Launoius.

5. Dissidium Ecclesiæ Anthiochenæ narrant Theodoretus, Socrates & Sozomenus. Theodoretus Flaviano uni ex contenditibus magis faver: Socrates autem, & Sozomenus Paulino ejus Antagonistæ, & Evagrio Paulini successori. Launoius Theodoretum libentius sequitur: quia nimirum hic à Flaviano ita stat, ut ejus encomia potius quam historiam scibere videatur, contra sentiente Romano Pontifice, ac etiam totâ Ecclesiâ Occidentali, quàm constat cum pluribus Ecclesiis Orientalibus Paulino & Evagrio fuisse adversus Flavianum, qui privatum commodum aut honorem publicæ paci anteposuerat. Cùm enim constitutum fuisset, & juramento firmatum, ne cùm alter eorum, qui de Ecclesiâ Anthiochena tunc disceptabant, scilicet Meletius, aut Paulinus, mortuus foret, successor præmortuo daretur; sed solus ex illis superstes regimen integrum susciperet; Flavianus tamen, qui unus fuerat ex iis qui Sacramento sese obstrinxerant, eam dignitatem post mortem Meletii contra juramenti religionem assumpsit; ac pertinaciter retinens schisma diu prorogavit. Paulinus nihilominus Launoii suffragio erat indignus, utpotè à Legato Romani Pontificis constitutus Episcopus. Sed de hoc articulo obiter tantum tractat Launoius.

6. Conatur vero imprimis probare, non Siricium Papam, sed sanctum Ambrosium Concilio Capuano præsidisse. Non explicat autem Siricius per suos Legatos interfuerit, aut ejus intervenerit auctori-

autoritas. Utrumque videtur tacite ac indirecte negare. Sed quæro quâ autoritate poterat Concilium particulare sub Episcopo Mediolanensi congregatum de Ecclesia Antiochena iudicium ferre. Nonne jam à Conciliis Nicæno, Antiocheno, & Constantinopolitano strictissime cautum fuerat, ut cuiusque jurisdictio intra proprii territorii limites cohiberetur. Jurisdictio superioritatem involvit: quis autem Antiocheno Episcopo superior erat, præter Romanum Pontificem? Alexandrinus quidem honore Antiochenum præcedebat: sed ei jurisdictio non præerat, & siquidem præfuisset, non indignis Theophilus Patriarcha Alexandrinus, ut negorium à Concilio Capuano sibi committeretur: si autem Patres Capuani non Judices, sed amicos pacis communis studiosos se præstabant, quid inferet Launoius ex absentia Siricii adversus sanctæ Sedis jurisditionem.

7. At, inquit, *Ambrosius potissima queque exequitur.* Scripserat quidem S. Ambrosius Theophilo, sed Synodi nomine: rescripsit ei Theophilus; nempe cum jam amplius non esset congregata Synodus, scribenti sibi respondit. Num Patriarcha Alexandrinus, qualis erat Theophilus, ad indebitam auctoritatem usurpandam paratior, quam ad propriam Dignitatem demittendam, jurisditionem ab Episcopo Mediolanensi, vel etiam à Concilio particulari recepisset; nisi accessisset major, Romani scilicet Pontificis potestas.

8. Sed suspectus, inquit Launoius, erat Siricius, quia Flaviano minus favebat. Eadem ratione non debuit S. Ambrosius Concilio interesse, nedum non præsidere. Certum enim est, non solum Romanum Pontificem, sed etiam omnes Occidentales, & plures etiam Orientales Flaviani ordinationem improbasse. Quid quod etiam Theophilus suspectus fuisset, contra id quod asserit S. Ambrosius, & ipsius auctoritate nixus Launoius? Nam Theodoretus, cujus testimonium cæteris præfert modo dictus Launoius? narrat lib. 5. hist. cap. 23. ordinationem Flaviani non solum Romanos, sed etiam Ægyptios diu infensos reddidisse Orientalibus. Erat autem Theophilus Alexandria, atque adeo totius Ægypti Patriarcha. Verum aliud est odium privatum, quod Judices plerumque excæcat; aliud Ecclesiasticæ disciplinæ zelus; quo ducebantur Siricius, Ambrosius, Theophilus, de quorum commodo non agebatur.

9. Sive autem Siricius Concilio Capuano præfuerit, sive ab eo abfuerit, S. Ambrosius in illa ipsa Epist. quam refert Launoius, apertissime significat debere Theophilum negotium ad Romanum Pontificem referre, atque ita judicare, ut iudicium ei probetur, alioquin rejectum etiam iri à ceteris Episcopis Occidentalibus. Sic enim epistolam concludit, SANE DEFERENDVM ARBITRAMVR AD SANCTVM FRATREM NOSTRVM ROMANÆ SACERDOTE M ECCLESIE, quoniam præsumimus eate iudicaturum, quæ etiã illi displicere nequeant. Ita enim utiliter erit consultum sententia, ita pacis & quietis securitas, si id vestro statuatur Concilio, quod communioni nostra dissensionem non adferat, ut nos quoque accepta vestrorum serie statutorum, cum id gestu esse cognoverimus, quod Ecclesia Romana haud dubiè comprobaverit, leti fructum huiusmodi examinis adipiscamur. Quid tantoperè Ambrosio curandum erat, ut negotium ad Romanum Pontificem à Theophilo referretur, & nihil quod ei displiceret decerneretur? Si enim, ut postea dicit Launoius, Siricius ipse agnoscebat Concilii Capuani auctoritatem suã esse superiorem; facile poterat in ordinem redigi; dum iustam, licet sibi minùs gratam, sententiam comprobare recularet.

10. Sed veniamus ad epistolam, quã putat acutus censor gravissimis quibusque, de Romano Pontifice questionibus fieri solitis, finem imponi. Est autem epistola huiusmodi; Dilectissimis fratribus Anysio, & ceteris Episcopis per Illyricum constitutis, Siricius. Accepi litteras vestras de Bonoso Episcopo, quibus vel pro veritate, vel pro modestia nostram sententiam sciscitari voluistis. Sed cum huiusmodi fuerit Concilii Capuensis iudicium, ut finitimi Bonoso atque ejus accusatoribus Iudices tribuerentur, & præcipuè Macedones, qui cum Episcopo Thessalonicensi de ejus factis vel cognoscerent, advertimus quod nobis iudicandi forma competere non posset. Nam si integra esset hodie Synodus, rectè de iis, qua comprehendit vestrorum scriptorum series diceremur. Vestrum est igitur, qui hoc recepistis iudicium, sententiam ferre de omnibus, nec refugiendi, vel elabendi vel accusatoribus vel accusato copiam dare. vicem enim Synodi recepistis quos ad examinandum Synodos elegit. Denique cum Bonosus Episcopus post iudicium vestrum misisset ad fratrem nostrum Ambrosium, qui eius sententiam consuleret interdittam sibi Ecclesiam irrumpere atque ingredi respon-

prosum est ei, quod nihil temerandum foret, sed omnia modeste, patienter, ordine gerenda, neque contra sententiam vestram tentandum aliquid, ut quod videretur vobis justitia convenire statueritis, quibus hanc Synodus dederat auctoritatem. Ideo primum est ut ii indicent, quibus judicandi facultas est data. Vos enim totius, ut scripsimus, Synodi vice decernitis, nos quasi ex synodi auctoritate judicare non convenit.

II. Falso hanc epistolam tribui Siricio probat Joannes David Doctor Parisiensis in libro de judiciis Canonice Episcoporum cap. 10 art. 4. duplici ratione. Prima quod in illa Epistola nulla fiat mentio damnationis jam factæ à Siricio, & à Concilio Mediolanensi, erroris Joviniani virginitatem Deiparæ negantis, quem sequebatur Bonosus, sed ejus judicium omnino Episcopis Macedoniae permittatur, quasi summi Pontificis hac de re sententia ab Ecclesia Occidentali recepta nullius esset momenti: imò autor Epistolæ hæresim illam confuter, tanquam antea nunquam damnatam. Secunda, quia ejus doctrina minus habet soliditatis, quam ut Siricio, vel etiam alii Romano Pontifici adscribenda videatur. Verum, ne nos Launoium imitari videamur, qui ea quæ sibi videntur incommoda, facile falsi accusat suæ pponimus eam epistolam esse Siricii, sed eam sanctæ Sedis Dignitati consulere, nedum non obesse demonstramus.

2. Launoius verba illa Siricii; *sed etiam hujusmodi fuerit Concilii Capuensis judicium. &c.* glossatur in hunc modum; *simplex & ingenua est Siricii Confessio, quæ non Capuensis modo Concilii, sed etiam delegatorum à Concilio judicium auctoritas Romani Pontificis auctoritate superior exhibetur.* Sed quis non videt glossam à textu esse alienissimam? Nusquam Siricius insinuat Concilii Capuani, aut ejus delegatorum auctoritatem esse suâ superiore: nec ea potuit ei cogitatio in mentem venire; nisi fortè oblitus esset, se Romanum Pontificem esse; hoc est Petri successorem, Christi Vicarium, totius Ecclesiæ Caput. Non fatetur Siricius se nullo modo posse judicare de causa Bonosi. Nam saltem per appellationem poterat ejus esse Judex, ut à Concilio Sardicensi jam declaratum fuerat; quod satis erat, ut se superiorem meminisset. Non enim appellatur nisi à minore ad majorem: solum igitur significat Siricius sibi *judicandi formam competere non posse*; id est non posse judicare tanquam à Synodo delegatum, ut inferius explicat his verbis; *Nos quoque ex synodi auctoritate judicare non convenit.*

jorem: solum igitur significat Siricius sibi *judicandi formam competere non posse*; id est non posse judicare tanquam à Synodo delegatum, ut inferius explicat his verbis; Nos quoque ex Synodi autoritate iudicare non convenit.

13. Decebat ut qui à Synodo deputati fuerant, sententiam ferrent; non decebat autem ut summus Pontifex, se illis adjungens, *quasi ex Synodi auctoritate judicaret*. Non tamen reformandi judicii si opus foret, auctoritati renunciabat Siricius; imò se illam sibi reservare insinuabat hac voce, *primum. Ideò, inquit, primum est ut ii judicent, quibus judicandi facultas est data*. An major erat Thessalonicensi Episcopo autoritas collata, quam Patriarchæ Alexandrino, quem supra vidimus à sancto Ambrosio monitum, ut referret judicium suum ad Episcopum Romanum, & ut tale daretur, quod ei non displiceret; sed potius ab Ecclesia Romana comprobaretur,

11. Licet autem Siricius circa Bonosi personam iudicium integrum deputatis reliquerit, eo quod audiendi essent accusatores, reus & testis; tamen circa dogma sententiam tulit. Nam post verba supra relata sic prosequitur; *Sane non possumus negare de Mariæ filijs jure reprehensum* (Bonosum) *meritoque vestram Sanctitatem abhorruisse, quod ex eodem utero virginali, ex quo secundum carnem Christus natus est, alius partus effusus sit, &c.* Sed, inquit Launoius, ad distinctionem recurrens, quam alibi deridet, *quod Siricius ut iudex facere non potuit, facit ut privatus Theologus*. Si errasset Pontifex in illa responsione, quod probra conjecisset Launoius in scriptores, qui eum ut *privatum Theologum* respondisse dixissent? non nisi ex Cathedra posse definire Pontificem de rebus fidei consultum à Judicibus per celebre Concilium deputatis, contendisset. At verò quia Romani Pontificis autoritas in eo elucet, quod delegati à Concilio Capuensi non sint aucti iudicium ferre, nisi postulatà circa omnia Siricii sententià; Siricius autem dogma fidei determinaverit, & quæ ad factum, seu crimen pertinebant, ipsorum examini remiserit, ut juxta Concilii Decretum de illo judicarent; *Cum hujusmodi fuerit Concilii Capuensis iudicium, ut finitimi Bonoso atque ejus accusatoribus iudices tribuerentur, & præcipue Macedones, qui cum Episcopo Thessalonicensi de ejus factis vel cognoscerent*: Pontifex non jam ut Pontifex, sed ut privatus Theologus locutus dicitur;

35. Sed

15. Sed quo fundamento nititur hæc Launoii sententia? *Siricius inquit, in postrema Epistola clausula significat, se definire nihil quod ad Ecclesiam dogma referatur, sed expectare quid delegati à Capuana Synodo Iudices definiendi sint.* Sed quomodo definit nihil, qui, ut ait paulò antea Launoius, *opinionem quæ Bonoso tribuebatur, scripturis, & rationi contrariam esse ostendit?* Scilicet quia hoc facit ut privatus Theologus. Quid ergo facit ut summus pontifex? *Expectat quid delegati à Capuana Synodo Iudices definiendi sint.* Unde hoc habet Launoius? ex eo, quod Siricius suam Epistolam his verbis concludit; *Legimus etiam & omnia percurrimus, vel de eo, quod fratri nostro, & Coepiscopo Basso in consortium regenda Ecclesia datus est Senectio, vel de cæteris, unde vestra normam expectamus sententia.* Atqui in his verbis agitur de alio negotio, nempe de Coadjutore dato Basso, non de dogmate fidei. Cur ergo illa verba, *vel de cæteris*, referantur ad doctrinam Bonosi, de qua jam loqui desierat.

16. Sed concedamus, etiam de Bonoso esse illa intelligenda: ad quid Siricius delegatorum à Concilio normam expectat sententia? Addit Launoius; *Ad quam nimirum & Siricius & cæteri fidem suam dirigant.* Papa igitur, qui ut Theologus privatus delegatis à Concilio suam opinionem exposuerat, ut summus Pontifex ad eorum sententiae normam fidem suam dirigere tenebitur; Nec solus Siricius, sed etiam cæteri. O mira auctoritas! Ergone qui à Concilio particulari deputantur, ut de unius Episcopi *falsis* cognoscant tam insigni gaudent non errandi privilegio, ut Romanus Pontifex & cæteri ad eorum sententiae normam fidem dirigere teneantur? Tota ergo Ecclesia illis suberit. Eam enim repræsentant *Siricius & cæteri.* Parum curat Launoius, ut auctoritas suprema reservetur Concilio generali dummodo Romano Pontifici adimatur. Ut submittatur Papa deputatis à Concilio particulari, cæteros etiam eis subijciat. Ita est affectus erga sanctam Sedem: Ita æquus habendus est ejus potestatis Iudex.

CAPUT XVIII.

Respondetur aliis quibusdam Launoii objectionibus.

SI fortissimum Launoii propugnaculum corrui, hoc est, si *id nunc quod ex ejus mente gravissimis quibusque de Romano Pontifice questionibus fieri solitis finem imponit*, Pontificis auctoritatem non lædit, ut superiori capite videbimus, parum metuenda sunt reliqua ejus tela. Itaque ne à proposito nobis scopo longius recedamus, cunctis, quæ ille per plures annos commentus est adversus sanctam Sedem, non opus est respondere. Ex iis quæ confutavimus satis intelliget Lector, quale sit illius Scriptoris ingenium, quale adversus Romanam Curiam ejus studium, ne odium dicam. Plurima ex iis, quæ scripsit Launoius, ab aliis jam scripta, sed ab aliis etiam confutata fuerunt, vel fuerunt postea. Itaque nonnulla tantum hic expendemus vel ab illo frequentius inculcata, vel ab aliis prætermissa.

2. In eadem Epistola septimi tomi, & in aliis congregat plurima Summorum Pontificum testimonia, ut prober ipsos Conciliis subesse: sed ex illis non aliud quidquam colligitur, quam summos Pontifices Canonum custodes & vindices acerrimos fuisse; unde constat, quod lib. 1. cap. 12. notavimus, Canonum custodiam, Ecclesiæ Gallicanæ, quæ in ea ponit suas libertates, non esse propriam, imò verius Libertates Ecclesiæ Romanæ posse nuncupari. Ne cui autem difficultatem facessant illa verba, quibus significari videtur, non posse summos Pontifices Canonibus derogare, animadvertendum est, quadrifariam secundum Juris Interpretes aliquid fieri non posse. Primum validè. Secundò licite. Tertiò honestè. Quartò utiliter. Itaque in omni negotio attendendum monent, non solum quid fieri valeat, sed etiam quid liceat, quid deceat, quid expediat. In hujusmodi ergò Pontificum testimoniis, in quibus aliquid fieri non posse dicitur [quæ pauca sunt] ex materia, & ex ipso contextu judicandum est, quis ex illis quatuor sensibus accipiendus sit.

3. Pri-

3. Primo loco citat Julii epistolam ad Orientales ; in qua hæc verba habentur ; *Id verè ad Synodi tantum & Episcoporum, qui in Synodo fuerunt, contumeliam vergeret, si qua illi tanto studio & curâ velut Deo presente egissent, à nobis ut vana futillaque abrogarentur.* Hæc verba à quolibet superiore convenientissime dicerentur. Nam etiam Concilium Oecumenicum de iusto unius Episcopi iudicio sic loqueretur ; *Id verè ad talis Episcopi contumeliam vergeret, si qua ille tanto studio & curâ velut Deo presente egisset, à nobis ut vana futillaque abrogarentur.* Itaque illa rei iudicatæ aut statutæ iustitiam arguunt, non autem defectum potestatis, ad eam retractandam, si minus iusta esset.

4. Eamdem autem reverentiam Romani Pontifices suorum Prædecessorum Decretis, quam Conciliorum statutis exhibebant, ut animadvertere licet in his verbis Liberii, quæ ex ejus ad Constantium Imperatorem epistola citat deinde Launoius. *Nunquam mea statuta, sed Apostolica, ut essent semper firmata & custodita perfecti, secutus morem majorum nihil addi Episcopatus Urbis Romæ, nihil minus passus sum.* Addit Launoius, *Hæc adeo sunt perspicua, ut explicatione nullâ egeant.* Perspicua quidem illa sunt. Sed quid inde ? Si enim Apostolica statuta intelligantur, ut ex contextu videntur intelligenda, quæ ab Apostolis sunt constituta, non faciunt ad comparationem Pontificis cum Concilio : si accipiantur de Summorum Pontificum Decretis, eorumque firmitas statuitur contra Launoium. Porro sicut absurdè concluderetur, unum Pontificem esse Prædecessore suo minorem, ex eo quod ejus statuta firmaret, custodiretque : ita ex eo quod Pontifices Conciliorum Canonibus se adherere profitentur, malè colligitur illos esse Conciliis inferiores. Prosequitur Launoius ; *Sed si quæ (ex plicatione) egerent hæc in Constantii & Liberii Dialogo habentur, ex quo citat sequentia ; Imperator : unum est, quod queritur Volo enim te, ubi Ecclesiarum communionem fueris amplexus, mittere iterum Romam, proinde consule paci & subscribens Romam redi. Liberius : Romæ jam fratribus valedixi.* Hactenus nihil est, quod verba superius relata explicet ad mentem Launoii ; fortè lux affulgebit in verbis sequentibus, quæ Launoius grandioribus characteribus signat ; *Potiores sunt Ecclesiæ leges quàm Romana habitatio.* Numquid peremptorium tibi videretur enthymema ; *Potiores sunt leges Ecclesiæ quàm Romæ*

na habitatio: Ergo Papa subjacet Concilio; vel ergo Papæ judicium in quæstionibus Fidei non est irreformabile: quia præstat Ecclesiæ legibus obtemperare, quàm Romæ commorari, Concilium Papæ præeminet. Sed probat consequentiam Launojus, *Nempe*, inquit, *inauditum à se Episcopum, & ab Adversariis injuste tractatum condemnare non poterat*. Neque Concilium Oecumenicum id posset, quia jus naturale ac Divinum violaret, si *inauditum à se Episcopum, & ab adversariis injuste tractatum condemnaret*. Quid etiam inde sequitur?

5. Cælestinus (ut in illis tantum immoremur, quæ aliquid difficultatis præ se ferunt) scribit ad Episcopos Illyrici, quod refert Launojus, *Dominentur nobis regula non regulis dominemur: sumus subiecti Canonibus, cum Canonum præcepta servamus* In Concil. Rom. collect. bipart. Lucæ Holstenii num. 11. quæ verba videntur Romanum Pontificem Canonibus, atque adeò Conciliis, à quibus conditi sunt Canones subjicere. Sed integram epistolam legenti patet, Cælestinum, licet de se, sicut de aliis præ modestia loquatur, tamen hæc in se transfigurasse, ut ex illo Episcopi discerent, non plus sapere, quàm oportet sapere. In illa enim epistola Ruffum Episcopum Thessalonicensem Vicarium Apostolicum per Illyricum constituit. *Itane*, inquit, *ad eum quidquid de causis agitur referatur: sine ejus consilio nullus ordinetur, nullus usurpet eodem inconscio commissam illi Provinciam. Colligere nisi cum ejus voluntate Episcopos non presumant: per eum etiam ad nos si quid est referatur*. Probat autem necessitatem constituendi Vicarii ex eo, quod ad Romanum Pontificem spectet servandos Canones curare; quos violandos paulò antè fuisse commemorat, nisi ipse occurrisset, quorundam, inquit, *accusantium satisfactione frater & Coepiscopus noster Felix, si non nostra intervenisset diligentia, fuisset oppressus*. Insinuat præstantiam sibi obedientiam, *Ita enim*, inquit, *ordinatio cuncta se habet, ut majoribus ea quæ sub his esse docentur, obediant, & in hoc gradu regularum cuncta vertuntur*. Deinde probatà suâ, tanquam S. Petri successoris autoritate, addidit, *Dominentur nobis regula, &c.* Unde constat regulas illas esse, de quibus paulò antè dixit; *Et in hoc gradu* (ut scilicet inferiores majoribus obediant) *regularum cuncta vertuntur*. Atque adeo hæc ad Episcopos referenda, quamvis, ut diximus, Cælestinus præ mode-

At se illis adjungat. Is etiam sensus colligitur ex verbis immediate sequentibus. *Sunt culpe aliquantulae non leves, quae illis innatae Provinciis ad nos, cum simus longius, non possunt pervenire, &c.* quae innuunt, Caelestinum de servandis in Illyrico Canonibus sermonem facere.

6. Sed etsi haec verba de se Summus Pontifex protulisset, ex iis tamen non concluderetur, Summum Pontificem Concilium subiacere. Cum enim Canones aliquid Divini, aut naturalis juris admixtum plerumque habeant, tenetur quilibet ex ipsa iustitia naturali aut ex lege Divina observare, quod juris naturalis aut Divini est. Ita in aliis testimoniis quae à Launoio adducuntur, ut ostendat, Pontifices sese Canonibus subiectos agnovisse; subiectio illa petitur ex rerum decretarum iustitia; & si quando etiam conditorum sit mentio, eo tantum spectatur, ut ex ipsorum numero, doctrina, vel sanctitate insinuetur, ipsos veritatem assecutos. Quamobrem aliunde Launoio conquirendae essent probationes illius subjectionis.

7. Post Caelestinum producit hoc Sixti III. testimonium ex epist. ad Episcopos Illyricenses in collect. Rom. ubi supra num. 17. *Ut omne corpus capite regitur, ita ipsum caput, nisi suo corpore sustentetur, firmitatem & vigorem suum perdit, & non tenet quam habuerat Dignitatem.* Sed haec verba etiam seorsum sumpta, non minus Pontificis, quam Concilii auctoritatem significant. Nam si corpus capite regitur, Ecclesia regitur à Pontifice, atque adeo qui regit, ei, quae regitur praeminet. At si quis legat integram epistolam, fieri non poterit quin Pontificem illic Concilio praeferti animadvertat. Creat enim Sixtus Episcopum Thessalonicensem Vicarium Apostolicum cum multis praerogativis, quarum una est, ut Episcopos in Concilium evocet, quae occasione haec scribit, quae certè significant, Pontificem non subiacere Concilio, etiam Generali; intelliguntur enim de Concilio Ephesino secundum Holstenium; *Nec huius vos fratres carissimi constitutis, quae praeter nostra praecepta Orientalis Synodus decernere voluit, credatis teneri, praeter id quidem quod de fide nobis consentientibus iudicabit.*

8. Non est praetermittenda Innocentii III. auctoritas, quantum in eadem epistola, tum alibi, ut magni momenti ponderat Launoius. In lib. 3. Regest. 15. epist. 104. sic scribit ad Philippum Augustum Regem

gem Præciæ divortium inter se & Reginam fieri postulantem; *Si super hoc absque Generali deliberatione Concilii determinare aliquid sentaremus, præter Divinam offensam, & mundanam infamiam, quam ex eo possemus incurrere, forsân ordinis & officii nostri periculum immineret, cum contra præmissam veritatis sententiam (quod Deus conjunxit homo non separet) nostra non possit auctoritas dissentire.* Innocentius, ut Launoio videtur, in his verbis dogmata Concilii duo, potestatem se Concilio minorem habere, & non errandi privilegio se carere, quæ Concilio tribuit. Verum si res, de qua est sermo, in eo si vel sola verba relata expendantur, nemo facile assentietur Launoio. Agitur enim de dissolvendo matrimonio ritè celebrato ac consummato, quod jure Divino neustquam obscuro, est insolubile. Veritatis enim Oraculum est, *quod Deus conjunxit homo non separet.* De illo ita non dubitabat Innocentius, ut metueret, ne si dispensationem à Philippo petitam concederet, adversus legem illam Divinam agens, de hæresi habendus esset suspectus, atque ad eam sua Dignitate deponendus.

9. Non erat igitur quæstio de exponendo aliquo dubio, circa quod requireretur aut Papæ aut Concilii judicium. Est enim ad eam certa veritas, ut si quis illam indirectè, ac quasi interpretativè, puta concessa contra illius prohibitionem dispensatione negaret; ei, præter Divinam offensam, & mandatam infamiam, forsân ordinis & officii sui periculum immineret. Quæ igitur ratione infert Launoius, Innocentium docere, non errandi privilegio se carere; illud quæ Concilio tribuere? Num dubitabat Pontifex an ex jure Divino esset insolubile matrimonium legitime contractum & consummatum; illud quæ definire non ausus, ne fortè erraret, causam censebat ad Concilium Generale, utpotè Judicem infallibilem deferendam? Quodnam erat circa fidem dubium, cujus occasione posset hoc privilegium sibi abnuere, ac Concilio adscribere? Num etiam se super Regis ac Reginæ matrimonio dispensare non posse agnoscens, proficetur Concilium Generale illam potestatem præditum, atque ad eam Papam majus esse? Num quod Deus conjunxit, separari potest à Concilio Generali?

10. At, inquit, timet Innocentius, ne si super hoc absque Generali deliberatione Concilii determinare aliquid sentaret, ordinis & officii sui periculum immineret. Ergo cum Generalis deliberatione Con-

si determinaret, tale periculum non immineret; atque adeo Concilii potestatem suā majorem agnoscat. Impossibilis quidem est illa suppositio. Nec enim potest summus Pontifex cum Concilio Generali determinare aliquid contra jus Divinum, quale esset istud. Id, quod Deus conjunxit, homo potest separare. Si tamen hoc per impossibile contingeret, tutus esset Pontifex à depositione propter assensum Concilii Generalis. A quo enim timeret ne deponeretur? Ideo ne Pontifex Concilio absolutè se subditum fatetur?

11. Urgebit ex iis saltem verbis inferri, posse aliquando deponi Pontificem, atque adeo inferiorem esse Concilio, ad quod spectaret ejus depositio. Docent quidem Doctores quamplurimi, Papam, si hæreticus foret, à Concilio exantorari posse. Sed sophisma est Launoii, à dicto secundum quid ad dictum simpliciter argumentantis, dum absolutè concludit Pontificem esse Concilio inferiorem, quia in casu hæresis Concilio subiectus conceditur ab aliquibus; aliis, Papam in hæresim publicè incidere atque in ea pertinaciter permanere, (quod ad ejus depositionem requireretur) posse negantibus; aliis denique in eo casu ipsum, Ecclesiæ membrum, multo magis caput, atque adeo Pontificem esse desinere, nec ab Ecclesiæ deponendum, sed depositum declarandum asserentibus. Malè igitur ex casu impossibili, vel incerto, vel rarissimo statueretur regula generalis.

12. Et quod mirum est, aliqui ex iis Autoribus, quos contra summum Pontificem producit, in illis ipsis verbis, quæ proferunt, ejus sophisma dissolvunt. V. g. in epistola penultima ejusdem tomi primi, Umberti Predicatorum Magistri Generalis quinti testimoniū allegat, affirmantis Ecclesiam totam subesse summo Pontifici, nisi in casu, quo esset hæreticus. Hæc enim sunt ejus verba sermonum didacticorum par. 2. serm. 70. à Launoio excerpta; *Papa, qui est super omnes, potest deponi ab Ecclesia, quæ tota subest ei, IN CASU.* Nonne hæc verba (IN CASU) subjectionem Generalem excludunt? Quamobrem contra se pugnat Launoius, cum prolato illo testimonio adjungit; *Hac ille tantum perinde ac si de hac thesi inter omnes convenisset, ut certè illo, & superiori tempore conveniebat, doctrinam hanc Parisiis, & Bononiæ acceperat, &c. Conveniebat ergo inter omnes præsertim Parisiis & Bononiæ Papam esse super omnes & totam Ecclesiam subesse ei, nisi IN*

CASV. Si deprimendæ Pontificiæ autoritatis ardor Launoium non perturbasset, hæc & alia similia sibi adversari vidisset.

13. Abstinuisset Launoius à commendanda Umberti autoritate, ejusque laudanda sententia, tanquam Parisiis & Bononiæ consentienter recepta, si ejus testimonium apud Autorem ipsum lectum aut legendum putasset : Ibi enim Umbertus nonnisi ex occasione scripsit, Pontificem posse deponi ab Ecclesia *in casu*. Sed præterquam quod asserit, quod *tota Ecclesia subest Pontifici*, totus ille sermo est de Principibus ab Ecclesia deponendis. Ejus titulus est; *Sermo in solemnè depositione Magnatum secularium per Ecclesiam faciendæ*. Inter alia autem argumenta, quibus probat Principes ab Ecclesia posse deponi, adducit istud: *Papa, qui est super omnes, potest deponi ab Ecclesia, quæ tota subest ei*, IN CASV: *additque continuo, ergo multò fortius* QVINCVMQVE REX DEPONI POTEST A PAPA, CUI OMNES SVB SVNT Ergo juxta mentem Umberti Papa potest deponere quoscumque Principes. Si tota Ecclesia subest: ipse *in casu* tantum deponi potest. Vide quantum præsidii suppeditet Umbertus Launoio, & ejus asseclis.

14. Innumeris propemodum in locis repetit Launoius, Pium secundum etiam in diplomate, quo retractavit sententiam, quæ Concilium supra Pontificem statuit, declarasse, illam esse antiquam: ac super eo fundamento mirificis laudibus antiquitatem commendat: sed causam deploratam defendere se prodit, qui tam miseris eam queri nititur argumentis, Pius enim, ut ejus diploma tranquilla mente legentibus pater, sententiam illam *antiquam* vocat, non absolutè, sed quantum ad se; quia nimirum illam olim propugnauerat, & ab ea tardius quàm Cardinalis Julianus recesserat. *Tuebamur*, inquit Pius, *antiquam sententiam*; ille (Julianus) *novam* defendebat. *Exsollebamus Generalis Concilii auctoritatem*; ille *Apostolica Sedis potestatem magnopere collaudabat*. In eo sensu illum, antiquam appellare sententiam tum alia multa explicant, tum ea quæ immediatè præcedunt; *Sæpe*, inquit Pius, *cum eo (Juliano) sermonem pro veteri consuetudine misimus, sæpe de rebus Basileensibus disputavimus. Tuebamur antiquam sententiam, &c.* Eo igitur modo erat *antiqua sententia*, quo erat *vetus* Pii consuetudo miscendi sermonem cum Juliano.

LIBER SEXTUS

De firmitate Canonum, & libertatum Ecclesiæ Gallicanæ, occasione tertiæ propositionis Comitiorum Cleri Gallicani, scilicet



Inc Apostolicæ potestatis usum moderandum per Canones spiritu Dei conditos, & totius Mundi reverentiâ consecratos. Valere etiam regulas, mores, & instituta à Regno, & Ecclesia Gallicana recepta, Patrumque terminos manere inconcussos, atque id pertinere ad amplitudinem Apostolicæ Sedis, ut statuta, & consuetudines tanta Sedis, & Ecclesiarum consensione firmata propriam stabilitatem obtineant.

CAPUT PRIMUM.

Summarium propositionis examen.

Potestatis usum non potestatem ipsam summi Pontificis moderandam censent Illustrissimi Antistites : quia nimirum auctoritati à Christo ipso collatæ solus qui contulit potestatem ponere, ac limites præfigere. Sed videtur quemadmodum potestatem, ita & potestatis usum, solus qui concessit posse moderari, nisi eam facultatem alteri permiserit ; quæ facultas cui, quando, quatenus sit indulta, ignoramus. Scimus quidem inesse Apostolicæ Sedis, ac Petri successoribus Christi Vicariis rerum spiritualium plenam potestatem, ut habet secunda propositio, sed à quo

quo possit illius potestatis usus impediri, ac ligari; undè habemus?

2. Docent Illustrissimi Præfules, id fieri debere *per Canones spiritus Dei conditos, & totius mundi reverentiâ consecratos*. Absit, ut ego putem debere summum Pontificem Divinas illas, & ubique receptas regulas perfringere; quin etiam ex animo cuperem, ut ad illarum observationem alios adigeret, præsertim in Gallia, ubi, ut notavit Autor libelli Gallico idiomate inscripti occasione rerum in Comitibus Cleri illius Regni tractandarum, vix alia in re viget auctoritas Romani Pontificis, quàm in concedenda prætermittendorum Canonum venia.

3. Potestatem igitur Romani Pontificis ad dispensandum super Canonibus agnoscunt Galli, siquidem tam frequenter eam implorent: Usus illius esse moderandum, & nos agnoscimus, idque Ecclesiasticæ disciplinæ, ac consequenter Christianis moribus plurimum conducere arbitramur: sed quia incidunt interdum causæ, ob quas à jure communi, atque à Canonibus, vel à Canonum littera, recedendum videatur, cujus erit tunc temporis nubium solvere? Nec enim pro quibuslibet rebus congregari generalia Concilia possunt. Nonne Summi Pontificis, cum Canonum sit non solum custos, & vindex, sed etiam interpret? Itaque vel nulla, vel necessaria, vel dubia erit causa, propter quam prætermittentur Canones: si necessaria vel dubia, pro Papa, utpotè superiore, judicandum erit, ipsique patendum. Absque ulla verò causa ipsum Conones *spiritu Dei conditos, & totius mundi reverentiâ consecratos* violaturum non existimo; quod si tale aliquid ejus Officiales tentarent; id unum à Clero Gallicano postulare, ut eâ se ratione gereret erga sanctam Sedem, quâ se habet erga Regem, cum à Regiis Officialibus injuriam aliquam patitur.

4. Non enim minor reverentia debetur in spiritualibus Christi Vicario, quam in temporalibus Principi sæculari; nec minus scandalosum, ac Religioni periculosum est summo Pontifici adversari, prætertu violatorum Canonum, quàm societati civili, ac tranquillitati publicæ Potestatibus Mundi resistere, cum injusta exigunt. Sed quàm magis metuendum est, ne qui tam generosè in supremum Pastorem insurgunt,

gunt, quasi Canones violet cùm Canonum observationem urget, Principibus Sæcularibus, eorumque Ministris non solum temporalia, sed etiam spiritualia Ecclesiæ jura usurpantibus, ultrò obsequantur, ne dum se viriliter, pro suo Pastoralis officio, atque ad exemplum Sanctorum quamplurium Antistitum, quos historię celebrant, & universa veneratur Ecclesia, non opponant. Exemplo sunt concessio Regaliæ non expectato Papæ consensu, ad quem delatum fuerat negotium, quique Conciliū Lugdunensis Decretum exequendum curabat, & declaratio circa potestatem Ecclesiæ eā occasione facta.

5. Quas regulas, quos mores, quæ instituta valere contendant Illustrissimi Antistites, non satis capio; quandoquidem illa à Regno & Ecclesiā Gallicanā recepta dicuntur. His namque verbis, nisi forte Regnum, & Ecclesia copulativè sumantur, quod magis crediderim, viderentur. non solum disciplinam Canonicam in Ecclesiis illius Regni vigentem retinere velle, quod quamdam præfert Religio- nis speciem, sed etiam innumeros abusus, qui contra jura, & libertatem Ecclesiæ à Magistratibus sæcularibus inducti sunt, & quæ ceu Regni leges habentur, quales sunt appellationes tanquam abusu, judicia criminalia de personis Ecclesiasticis in Tribunalibus Laicorum prætextu casuum privilegiatorum, cognitio causarum Ecclesiasticarum, & spiritualium sub prætextu possessorii, & alia multa, de quibus recurret sermo, ubi de singulis libertatum Ecclesiæ Gallicanæ capitibus tractandum erit.

6. Sequitur in prædicta propositione, Patrumque terminos manere inconcussos, atque id pertinere ad amplitudinem Apostolica Sedis, ut statuta, & consuetudines tantæ Sedis, & Ecclesiarum consensione firmata propriam stabilitatem obtineant. Magnifica verba, & prout sonant, obvisuulis excipienda? Si enim per regulas, mores, & instituta à Regno & Ecclesiā Gallicanā recepta, nihil aliud intelligitur, nisi statuta, & consuetudines Apostolica Sedis, & Ecclesiarum consensione firmata. æquissimum est, ut propriam stabilitatem obtineant, Patrumque termini maneant inconcussi. Operæ autem precium esset statuta ejusmodi, & consuetudines per censere, ac quid, & à quo in illa peccetur notare promptissimumque remedium apponere.

7. Alioquin enim nequaquam tollitur suspicio, ne sub honestorum verborum specie occultetur animus sanctæ Sedis Decreta propriis rationibus accommodandi, & quidquid minus commodum visum fuerit, licet aliàs Canonicae disciplinæ congruum, & Ecclesiæ utile, respuendi.

8. Quamvis autem non constet quæ sint illa statuta & consuetudines; summo tamen Pontifici opponi intelligimus, & ex temporis circumstantia conjicitur ea esse præsertim, quæ in negotiis superioribus his annis gestis, violata esse querebantur Episcopi. Itaque in hoc libro de potestate summi Pontificis in Gallia, ac de articulis illis præcipuè agemus, in quibus libertates Ecclesiæ Gallicanæ lætè dicebantur. Alia enim illarum libertatum capita particularia tunc tractabuntur, cum percurreretur collectio Petri Puteani, aliorumque illarum defensorum.

CAPUT II.

De autoritate summi Pontificis in Ecclesiam Gallicanam.

1. **T**Am altè Gallorum animis impressus fuit de suprema Romani Pontificis dignitate, & autoritate sensus, ut posterioribus etiam seculis, cum eam intra certos terminos concludere conarentur florentissimi illius Regni Scriptores, alii quidem indignati propter incommoda, quæ sibi ex abusu Pontificæ potestatis accidisse putabant; alii ad tuendam, vel potius augendam Regiam Majestatem, & jurisdictionem: nunquam tamen illam magnificis laudibus non evexerint. Nihil enim illorum libros legentibus frequentius occurrit, quàm Papam esse Christi Vicarium, primum Ecclesiæ Pastorem, successorem sancti Petri, ejus jurisdictionem ad omnes Christiani orbis partes pertingere, aliaque innumera his similia, quæ cum à Gallis proferuntur, avitum, ac ferè ingentum testantur illius nationis erga sanctam Sedem studium, magis fortè quàm modernorum affectum.

2. Quan-

2. Quando igitur primùm Gallicis Autoribus accidit ut debitam sanctæ Sedis reverentiam violarent, vel obedientiæ vires infringere; Illuc, ut jam diximus aut indignatione, aut perturbatione, aut nimio tuendæ potestatis secularis desiderio impulsæ sunt, Quod enim aliquibus Schismaticorum nomine suspecti sunt, aut inimicorum invidia est, aut Politicorum minæ, ut tanti mali timore perterrita Curia Romana ab imponendis novis, gravibusque oneribus absterneat, aut fortè justus piumque metus, ne, si crescat Pontificiorum mandatorum neglectus, in contemptum transeat, qui à schismate solet non longè abesse.

3. Certè cum Hæreticorum temeritas summi Pontificis Primatui bellum indicere ausa est, hanc & Præsules Decretis, & Doctores scriptis, & Principes quantum per tempora licuit, armis compresserunt, ut quidquid contra sacram illam potestatem etiamnum aut sit, aut dicitur, Autoribus solis, non toti Galliæ adscribendum sit. Si quis autem hæc gratis dicta existimet, libros de hoc argumento editos legat, præsertim quos in lucem emisit anno 1622. Michaël Mauclerus Doctor Parisinus de Monarchia Divina Ecclesiastica, & seculari Christiana, quos summo Pontifici, & Galliarum Regi dicavit; utque illud Gallorum studium, licet Bellorum, aut schismatis temporibus remissum, non tamen penitus intermissum, ab Atavis profectum, & continuâ serie propagatum cernat, percurrat Galliæ monumenta quæ Pater Sirmondus societatis Jesu sub titulo Conciliorum Galliæ, aliisque sub eodem, aut aliis tituli collegerunt. Mutuis enim, & Gallorum erga sanctam Sedem obsequiis, & summorum Pontificum erga Ecclesiam Gallicanam benevolentia, & estimationis signis plena sunt.

4. Istud autem non in illis tantum advertere licet, quæ tempore profundissimæ pacis, aut arctioris concordia prodierunt, sed & in illis, quæ inter contentiones edita sunt. Hincmarus Archiepiscopus Remensis, qui omnium ferè primus acriter, aut ut verum dicam, pertinacius summis Pontificibus restitit, quemque Galli strenuum libertatis suæ defensorem, & quasi antesignanum prædicant, hoc est, ut ipsi volunt, antiquorum Canonum vindicem, Papam om-

nium Ecclesiarum Pontificem & cunctorum Episcoporum Patrem, ac Magistrum esse profitetur; *mox vestri*, sic scribit ad Nicolaum I. *Omniium Ecclesiarum Pontificis, cunctorumque Episcoporum Patris, ac Magistri regulare iudicium ferre convenit.* Plures extant sive Hincmari solius, sive aliorum Episcoporum Gallia; illius ductum sequentium epistolæ, in quarum susperfectionibus Romanus Pontifex Papa universalis dicitur.

5. Sed quo posset, ut alibi notavimus, argumento evidentius demonstrari Jurisdictio summi Pontificis in Gallia, quam authenticâ declaratione Prælatorum Parisiis congregatorum mensibus Martii, & May anno 1681; certè metuendum non est, ne illi Antistites urbanitatis causa jus summi Pontificis ultra debitos fines extulerint, quandoquidem ea de causa convenerant, ut Curia Romanæ Officialibus obliterent, quos Jurisdictionis Pontificiæ metas transgressos esse conqueriebantur. Nec dubium est, quin quæcumque scripserunt, accuratissimè, ac dudum expenderint. Hæc de summo Pontifice ad amussim, ut arbitror, plusquam semel revocata, scripserunt; „ Caput „ est Ecclesiæ: Centrum unitatis: obtinet ille in nos Primatum au- „ toritatis, & jurisdictionis sibi à Christo Jesu in persona S. Petri colla- „ tum. Qui ab hac veritate dissentiret, schismaticus, imò, & hæreticus „ esset.

6. Licet autem antiquæ diutissimæque erga summum Pontificem observantiæ, atque obedientiæ vestigia etiamnum in Gallia supersint; si quis tamen ea cum antiquis monumentis conferat, faciliè observabit, longè declinasse postremis sæculis illius Regni homines, maxime laicos, ab antiquorum instituto: ut nemo sit quin laudes Ecclesiæ Gallicanæ olim hac de causa meritò impensas, hodiè non integras ei deberi judicer:

7. Immo tamen omni ævo præstant rationes, quæ reverentiam, & obedientiam erga Christi Vicarium suadent: quandoquidem, ut profitentur Illustrissimi Antistites; Primatus autoritatis, & jurisdictionis ei à Christo in persona S. Petri collatus est, atque adeò ex institutione Christi Caput est Ecclesiæ, Centrum unitatis.

8. Illam Sedis prærogativam, ejus originem, ac firmitatem fuisse, ac validè statuit Nicolaus I. Epist. 8. quæ est ad Imperatorem Michaellem; *Ecclesia Romana, inquit, privilegia Christo ore in Bea-*

to Petro firmata, à sanctis universalibus Synodis celebrata, atque à cuncta Ecclesia iugiter venerata, nullatenus possunt minui, nullatenus commutari, quoniam fundamentum quod Deus posuit, humanus non valet amovere conatus: Et quod Deus statuit firmum, validumque consistit. Illeque potissimum peccat, qui Dei ordinationi resistere tentat. Privilegia inquam, istius Sedis, vel Ecclesie perpetua sunt, Divinitus radicata, atque plantata sunt; impingi possunt, transferri non possunt; trahi possunt, evelli non possunt. Ista igitur privilegia huic sanctae Sedi à Christo donata, à Synodis non donata, sed iam solummodo celebrata, & venerata. Et infra; Proinde animadvertendum est, quia non Nicana, non denique ulla Synodus quodquam Romana Ecclesia contulit privilegium, qua in Petro noverat eam totius jura potestatis pleniter tenuisse, & cunctarum Christi ovium regimen accipisse, sicut Beatus Praeful (Bonifacius) attestatur universis Episcopis per Thessaliam constitutis scribens: Insistentio universalis nascentis Ecclesiae de B. Petro sumpsit honore principum, in quo regimen ejus, & summa consistit. Ex ejus enim Ecclesiastica disciplina per omnes Ecclesias Religionis jam crescente cultura fonte manavit. Nieana Synodi non aliud praecipue testantur. Adeo ut non aliquid super eum ausus sit constituere, cum videret nihil supra meritum suum posse conferri. Omnia denique huic noverat Domini sermone concessa. Bonifacii I. Epistolam, cujus hic refertur fragmentum, integram edidit Holstenius inter Acta Synodi Romanae sub Bonifacio Papa II. pag. 65.

9. Huic summorum Pontificum doctrinae consonat sanctus Bernardus de considerat. lib. 3. cap. 8. Eugenium III. sic alloquens; *Sunt quidem, & alii Caeli Janitores, & Gregum Pastores, sed in tanto gloriosius, quanto & differentius utrumque praeceteris nomen hereditasti. Habent illi assignatos sibi greges, singuli singulos, TIBI UNIVERSE CREDITAE SYNT, uni unus, nec modo ovium, sed & Pastorum, in unus omnium Pastor. Cui enim, non dico Episcoporum, sed etiam Apostolorum, sic absolute, & indiscrete tota commissae sunt oves? Si me amas Petre, pasc oves meas. Quas? Illas, vel illius populos Civitatis, aut Regionis, aut certi Regni? Oves meas, inquit Cui non planum non designasse aliquas sed assignasse omnes? Nihil excipitur, ubi distinguitur nihil, &c.*

10. Joannes Gersonius Cancellarius Parisiensis in tract. de vita spi-

rituali animæ lect. 3. postquam summi Pontificis autoritatis partem præcipuam his verbis expressit; *Habet itaque Papa primò dominium superioritatis à Christo supra totam Ecclesiam cum plenitudine potestatis in eis, quæ spirituale regimen Ecclesiæ propriè dictum respiciunt, &c.* Deindè relumit; *Prima potestas cognoscitur ex Evangelis, & Actibus Apostolorum, & ex iis, quæ per se successivam relationem eorum ad nos tantà certitudine sunt devoluta, ut meritò temerarij, & scandalosij, imò schismatici judicentur, qui potestatem hanc, vel abolere, vel diminuerè præsumpserit.....* Sed Textus Evangelicus, & Conciliorum generalium determinatio, & Ecclesiæ universalis consensus tantus, & assertio, imò & ratio naturalis præsupposità fide pro hac superioritate tam aptè faciunt, ut contra eum, qui se pro Catholico gerit, negantem hoc, magis sit destitutio, quàm disputatio certandum..... Hac potestas tam immediatè à Deo collata est, ut tota Ecclesià illam neque destruere, neque noviter, si tolleretur, adificare valeret. Eandem tradit doctrinam lect. 2. ubi summi Pontificis Primatum his verbis adstruit; *In tertio gradu reponentur leges Divinae immediatè à Christo tradita, aut ab eis dicto modo deducta, quæ per successivam relationem Apostolorum, & aliorum ad nos æquivalentem Scripturæ Canonica notificata sunt, ut fortè est ista lex; UNIVERSALIS ECCLESIA PONTIFICI ROMANO SUBIECTA SIT.....* Quod sit lex purè divina, patet, qui a nisi sic, posset humanà traditione Primatus iste cassari; Notanda sunt hæc verba UNIVERSALIS ECCLESIA ROMANO PONTIFICI SUBIECTA SIT.

II. Hæc quidem ità in communi dicta negantur à nemine Catholico, quia nemini sunt incommoda, sed cum ad praxim deducenda sunt, autoritas Concilii generalis, libertas Ecclesiæ, Canones, & similia opponuntur, quasi verò illa excepta intelligantur in verbis Christi, aut etiam in declarationibus solemnibus. Quis v. g. ità interpretatur juramentum quod à singulis Episcopis tempore consecrationis præstatur; *Decreta, ordinationes, sententias, dispositiones, reservationes, provisiones, & mandata Apostolica totis viribus observabo, & faciam ab aliis observari.....* mandata Apostolica humiliter recipiam & quàm diligentissime exequar; si hæc cum æquivocatione promittantur, si simpliciter promissa non impleantur, quomodo: iuramento, quod interponitur, non sit injuria? Idem dic de aliis juramen-

tis, puta de eo, quod ex antiqua consuetudine exigitur à promovendis ad gradus in universitate Parisiensi.

12. *Sed dicit aliquis, debitam ei (Ecclesiae Romanae) reverentiam exhibebo, & nihil amplius:* huic objectioni, quam S. Bernardus epist. 131. scribens ad Mediolanenses, praetoccupavit, ejusdem S. Doctoris verbis satisfacio; *Esse, fac quod dicis, quia si exhibeas debitam, & plenam, Plenitudo siquidem potestatis super universas orbis Ecclesias singulari prerogativa Apostolica Sedi donata est. Qui igitur huic potestati resistit, Dei ordinationi resistit.*

CAPUT III.

Utrum Papa habeat immediatam jurisdictionem super Ecclesiae universae fideles.

1. **F**atentur quidem omnes Catholici datam à Christo summis Pontificibus in persona B. Petri curam, & potestatem invigilandi supra reliquos Ecclesiae Pastores, maximè ut salva semper sit fides, & Religio. *Pasce oves meas* Joann. 21. *Rogavi pro te Petre, ut non desinas fides tua, & tu aliquando conversus confirma fratres tuos.* Luc. 22. Sed videntur aliqui dubitare, utrum illa Romanorum Antistitis autoritas solum circa Pastorem versetur, ut illi gregibus suis attendant, illosque, ac seipsos juxta praescriptas à Christo, & ab Ecclesia universa regulas gubernent: An verò etiam ad fideles, Praelatis inferioribus subditos, sese extendat, dum superiores immediati suis officiis non desunt. Concedunt enim summum Pontificem posse aliorum defectus supplere extra ordinem, dum ordinariae viæ non suppetunt.

2. In quo reposita esset Romani Pontificis autoritas, non satis clare statim omnibus perspectum fuit. Quia enim persecutionum tempore, vel schismatum, aliarumque calamitatum, impedita erat exterior capitis cum membris communio, stante semper interna fidei, ac charitatis unione, vix à Romano Pontifice ad alios praesertim remotos Pastores, aut greges primis tribus saeculis aliud, quam quaedam Epistolae, pervenire potuit. Quamobrem Episcopi populos, ac se ipsos à tanto tempore suo judicio, vel cum aliorum consilio regere soliti, Papae auctoritatem ab impedimentis, quibus disenta fuerat, solu

solutam, non tam subito exceperunt; sed alii citius, alii tardius, nunc in isto, nunc in illo capite prout sese offerebat occasio: donec integram libertatem consecuta, suum ubique robur obtinuit; quamquam variis motibus, modò ex Hæreticorum, modò ex Schismaticorum, modò ex eorum etiam, qui ab Ecclesia non desciverant, parte, impeti nunquam destitit.

3. Et ne contra institutum nostrum extra Galliam evagemur, non defuerunt in eo Regno qui summi Pontificis Primatum à Christo fundatum confitentes, id tantum muneris, & potestatis ei assignarent, ut daret operam ne Pastores à propriis suis officiis recederent: Caterum non posse Papam, nisi propter illorum negligentiam; aut malitiam, in foro externo causarum iudicium ad se trahere, sed tunc tantum eas judicare, cum ad se per appellationem, aut aliam viam juridicam essent devolutæ; Nec in foro interno penitentia Sacramentum per se, vel per alios conferre, renitentibus propriis Pastoribus; eandem ferè, nec maiorem in omnes Provincias Romano Pontifici, quam unicuique Metropolitano in suam Provinciam, facultatem tribuentes,

4. Hujus erroris præcipuum videtur esse fundamentum, quod cum Episcoporum jurisdictio à Christo ipso immediate profluxerit, non possit eam summus Pontifex vel tollere, vel imminuere, nec statutum à sponso Ecclesiæ ordinem confundere; cujus potius servandi causâ maiorem cæteris accepit potestatem. Sed quemadmodum Episcoporum jurisdictio immediata in omnes suarum Diocesium fideles, quibus particulares Parochi præsent, etiam jure Divino, ut plures scriptores Gallicani volunt, Ecclesiarum illarum particularium ordinem non pervertit, quamvis Episcopus possit non solum invigilare, ut Parochi officiis suis ritè fungantur, sed etiam Parochianos per se gubernare, illorum confessiones per se, vel per Confessarios Delegatos audire, aliæque omnia officia Parochialia gerere. Ita non sequetur Ecclesiastica Hierarchia confusio, etsi summus Pontifex in aliorum Episcoporum Diocesium functiones omnes Episcopales per se, vel per alios exercendi habeat facultatem: etsi Episcoporum jurisdictio non à summo Pontifice, sed à Christo ipso manaret, quam questionem in libro 8. fusiè prosequemur.

5. At, inquit, illa regiminum multiplicitas multa haberet

beret incommoda. Si enim diversa essent, confusionem non possent non parere, Ordinatorum Pastorum contemptum inducere, scandalum excitare, charitatem minuere, &c. Verum illa ipsa mala consequuntur, cum Episcopi in Parochorum, præsertim juxta Canonicam disciplinam proprios, ac Parochianorum mores, rectè instituentium, Parochias extraneos Sacerdotes immittunt, quorum est vivendi, & gubernandi ratio diversa. Ubique obest multitudo inordinata; ubique prodest, si ordinem sequatur: Si omnes eundem finem intendunt, omnes ad amplectenda opportuniore media parati sint, jucundius, expeditius, ac felicius ad metam omnes perveniunt; Si quisque quod suum. non quod Jesu Christi est, querat; Si suo quisque judicio duci, non aliorum consilium audire, nedum non sequi voluerit, pacis, ac tranquillitatis, fructusque omnis jacturam sequi necesse est. Sic se res omnes humanæ habent. Quotusquisque est qui sua interdum autoritate non abutatur. Si ergo legitima non censeatur potestas, quâ quis abuti potest, æqualitatem inter omnes homines reponere oportebit, ex qua graviora, & numerosiora pericula certissime orientur.

6. Debent quidem summi Pontifices, ut sæpè notavimus, Canones, præsertim Conciliorum œcumenicorum, quorum sunt Custodes, & exequi, & exequendos curare: Nec Pastoribus, greges suos rectè administrantibus, obstare, aut in eorum regimen sine necessitate sese ingerere debent. Concordata servare, ac quæcumque pacis sunt sectari. Si secus agant, humiliter monendi sunt, imò & liberè, si opus sit; non tamen idcirco debita officia prætermittenda. *Quod tam indignum tibi* (verba sunt S. Bernardi ad Eugenium III. de considerat. lib. 3. cap. 4.) *quàm ut totum tenens, non sis contentus toto. nisi minus tias quasdam atque exiguas portiones ipsius tibi credita Universitatis, tanquam non sine tua, jatagas, nescio quomodo adhuc facere tuas; ... Erras, si ut summam, ista, & solam institutam à Deo vestram Apostolicam auctoritatem existimas. Si hoc sentis, dissensis ab eo, qui ait: Non est potestas nisi à Deo. Et licet ibidem gravissimè conqueratur apud Eugenium III. de exemptionibus, quibus inferiores superiori- bus immediatis subtrahantur; expressè tamen declarat eam, & quidem summam, & plenissimam penes Romanum Pontificem esse potestatem. Sic sacrisando, inquit, probatis vos habere plenitudinem*

S f

potesta-

potestatis, sed iustitia forte non ita. Facitis hoc, quia potestis, sed utrum hoc debeatis, questio est.

7. Adeo certum habebat sanctus ille Abbas, Jurium Episcopailum & Hierarchici ordinis nihilominus studiosissimus, summum Pontificem in Christianos omnes etiam Laicos jurisdictionem immediatam habere, ut illud tanquam indubitatum supponens, auctoritatem in Episcopos ipsos tanquam aliquid majus extollat. *Habent* (inquit de consideratione lib. 2. cap. 8.) *illi sibi assignatos greges, singulis singulos TIBI VNIVERSI CREDITI, uni unus. Nec modo ovium, SED ET PASTORVM. tu unus omnium Pastor. &c.*

8. Magni ponderis est sine dubio hujus S. Doctoris auctoritas, & Gallis magnoperè veneranda utpotè à Gallia oriundi, in Gallia educati, Gallicanorum Episcoporum jurisdictionis strenuissimi Patroni, summis Pontificibus, eorumque Curia adulari nescii. Cum esset reliquorum Ecclesiae Patrum doctrinà instructissimus, illorumque vestigiis, uti in aliis, ita quoque in hac materia sine dubio inhærebat. Suo autem exemplo docet nos de abusibus potestatis conqueri licere; nec tamen ob abusum, potestatem ipsam à Deo concessam negari posse.

9. Si summi Pontificis potestas ex jure Divino metienda est, amplissimam illam esse concedendum erit, cum in rebus spiritualibus nullam exceptionem legamus à Christo appositam; & communis sit Jurisconsultorum cum Bartolo sententia quæst. 9. num. 11. *ubi lex generaliter loquitur, & non distinguit, nec nos distinguere debemus;* aut, ut appositè ad propositum nostrum S. Bernardus; *Nihil excipitur. ubi distinguitur nihil.* Dum enim Christus Petro fratres confirmare præcepit, eo nomine omnes complectebatur fideles. Quotquot enim eundem Patrem Deum, & eandem Matrem Ecclesiam agnoscunt, fratres passim in sacris litteris nominantur.

10. Dum etiam Christus Petro pascendas oves commisit, non solos commendavit Prælatos, qui sunt velut gregis arietes, sed & superiores, & inferiores non solum oves, sed etiam agnos, ut qui à Petro, & ejus Successoribus pasci recuset, Christi se nec ovem, nec agnum esse fateatur. Sanctus Leo serm. 3. de sua assumptione, sanctum Petrum à Christo electum docet, ut omnes gentes ad fidem vocaret, ut Apostolis, & Prælati reliquis præfesset, ac denique

ut omnes Christi Fideles regeret: *De toto Mundo unus Petrus eligitur, qui & universarum gentium vocationi, & omnibus Apostolis, cunctisque Ecclesia Patribus preponatur, ut quamvis in populo Dei multi Sacerdotes sint, multiq; Pastores; omnes tamen proprie regat Petrus, quos principaliter regit & Christus.*

11. Autor libelli, in quo describitur exilium, & mors sancti Martini Papæ, quique habetur inter illius sancti Pontificis epistolas in sexto tomo Conciliorum Patris Labbei, appellat eum sub initium, *Sacerdotum Principem, & Apostolicum universalem Papam*: circamedium autem, *Summum, & Apostolicum atque principum Pastorem omnium Christianorum.* Ex illius ergo Autoris, S. Martino coætanei (testatur enim se quæ narrat ex parte vidisse, ac recenter gesta) verbis constat tunc, scilicet circa annum 655, Romanum Pontificem habuisse jurisdictionem immediatam in omnes Fideles, quandoquidem præcipuus Pastor omnium Christianorum dicebatur. Quomodo enim præcipuus esset Pastor eorum, quos regendi, & pascendi per se potestatem non haberet? Quæ ratio probat summum Pontificem, sicut ab initio Pastor omnium Christianorum ex institutione Christi exiit, ita immediatam in illos jurisdictionem semper obtinuisse.

12. Idem significare videntur hæc verba Facultatis Theologiæ Parisiensis in censura nuper edita, *Romanum Episcopum unum esse jure Divino in Ecclesia Pontificem, cui omnes Christiani parere debeantur*; quæ in multis antiquioribus ejusdem Facultatis Decretis leguntur, Luculentius testimonium mox proferemus.

13. Verum quia usus, optimus habetur legis interpres, videndum est; quæ fuerit autoritatis Pontificiæ praxis illis temporibus, cum eâ liberè uti Papæ potuerunt, cumque diligentius & clarius cognita fuit. Quamquam enim omni ævo aliqua identidem ejus specimina edita fuerint, tamen cum per tria prima sæcula ferè omnino à Tyrannis ligata fuerit, ideoque ejus exercitium quasi novum quiddam aliquoties Episcopos, præsertim Africanos, commoverit, non potuit tam citò suum explicare fulgorem, & omnibus innotescere. Non est illustrior supremæ, atque immediatæ in Christianos Pontificiæ Jurisdictionis usus:

quàm dum immediatis Pastoribus subtrahuntur, ne dum per concursum cum Pastoribus ipsis immediatis, aut per præventionem judicantur, maxime si Pastores ipsi immediati, primum quidem renitentes ob rei novitatem, & à novitate ortam obscuritatem, deinde re diligentius expensâ, & evidentiùs perspectâ assensum præbeant. At qui plurima sunt exempla subduktorum ab Episcopali jurisdictione, non solum privatorum hominum, sed etiam Communitatum, & Ordinum integrorum; cui quidem subductioni, licet aliquandiu resisterint Episcopi, ut videre est apud Petrum de Marca lib. 4. cap. 8. & passim in Historia Universitatis Parisiensis, postea tamen acquieverunt, ut ex antiqua, & pacifica possessione demonstratur.

14. Jus illud summi Pontificis declaravit celeberrimus Ecclesiasticæ jurisdictionis defensor Petrus Bertrandi Episcopus Eduensis de orig. & usu jurisdictionum qu. 3. *Omnes Christiani*, inquit, *Principes terra & ceteri homines Episcopis obedire debent, ut B. Petrus precipiebat. Ab hac tamen obedientia seu subjectione, Papa, qui est supremus in Ecclesia, potest aliquos eximere.*

15. Nec obijci potest illud summorum Pontificum usurpationi tribuendum: Temerarium enim esset injustitiæ tam odiosæ Pontifices damnare, pietate, ac doctrinâ insignes, ac quorum etiam merita Deus miraculis illustravit, aut Episcopos Gallicanos sanctitate, ac rerum Ecclesiasticarum peritiâ conspicuos, in tuendis propriis juribus, seu potius Ecclesiasticæ Hierarchiæ ordine defendendo, sollicitudine inculcare. S. Gregorium Magnum ab usurpanda jurisdictione exteriorum Prælatorum, ut ejus facta, & scripta declarant, alienissimum, ejusmodi exemptiones concessisse testantur plures ejus epistolæ, v. g. Monasterium Virginum Augustodunensium ab Episcopali jurisdictione exemit, à Regina Brunichilde rogatus: nec instrumentum ab Episcopis impugnandum tanquam invalidum, sed supprimendum tanquam minus gratum metuit, ut significat ejus ad Reginam epistolæ, quæ est pœtava lib. 11. quamque lib. 2. adversus Launoium defendimus. Nos itaque pro munitione locorum, de quibus Excellentia vestra scripsit, omnia sicut voluit, sancire studuimus: sed ne fortasse ab eorum licorum Præpositis eadem Decreta nostra quoquo tempore supprimentur, pro eo quod eis quadam interdicta esse noscuntur, hac eadem constitutio gestis est publicè inferenda, quatenus sicut in nostris, ita quoque in Regalibus scriniis teneatur.

16. Quin

16. Quin etiam de universa Ecclesia pessimè sentiret, qui eam errasse putaret in approbandis iis, quæ Romani Pontifices circa fideles præstiterunt, non consentientibus, aliquando etiam repugnantibus illorum Episcopis, aliisve Prælati inferioribus. Quorum enim sacrilegia perpetrata fuissent, quorūque alia peccata commissa, si v.g. cum facultate à Papa immediatè concessa non potuissent Religiosi, aut alii Fideles sua peccata confiteri Confessariis ab ipso assignatis sine licentia; vel etiam contra prohibitionem propriorum Parochorum, aut Episcoporum? sed de hoc adhuc in capitulis sequentibus.

17. Concilium generale Lateranense Anno 1215. cap. 5. expressè affirmavit, quod *Romana Ecclesia dissonante Domino SUPER OMNES ALIAS ordinaria potestatis obtinet Principatum, utpotè Mater universorum Christi fidelium & Magistra.*

18. Eandem doctrinam professi sunt Doctores Gallicani etiam à tempore schismatis, Thomas ab Argentina Præceptor Theologiæ in Academia Parisiensis circ/ annum 1445. in 4. sent. dist. 24. art. 4. sic scripsit; *Ratione officii super Presbyteralem dignitatem inveniuntur in Ecclesia quinque gradus singularis dignitatis, quorum primum tenent Episcopi, secundum Archiepiscopi, Tertium Primates, quartum Patriarcha, quintum Papa, sive Romanus Pontifex, à quo tota Monarchia fidelium tanquam ab uno Principe universalem, & cum hoc immediatam habente potestatem super omnes, & singulos fideles, cujuscumque conditionis, existant, convenientissime gubernatur.*

C A P U T IV.

De jurisdictione immediata summi Pontificis in omnes Fideles quantum ad forum internum.

Forum internum vocatur, in quo solvuntur, vel ligantur conscientia, remissis, vel retentis peccatis, & censuris, sine ordine ad externum Ecclesiæ regimen. Dum ergo quæri-

tur an summus Pontifex habeat jurisdictionem immediatam in omnibus fideles quantum ad forum internum; sensus est, an possit per se vel per alios à se delegatos injungere satisfactiones pro peccatis, & ab ipsis, vel à censuris absolvere fideles, sine consensu Pastorum ordinariorum, quibus subiecti sunt. Quocirca, licet quæ hætenus dicta sunt, hujusmodi potestatem probent, eam tamen juvat speciatim confirmare.

2. Eruditissimus P. Christianus Lupus existimavit eam colligi ex epist. 49. sancti Aviti Episcopi Viennensis, quæ est ad Ansemondum intercedentem pro juvene pœnitentiæ, ob constupratam Virginem Deo factam, addito. Innuir enim S. Episcopus juvenem, ut absolutionem extorqueret, minitatum sibi fuisse provocationem ad Romanum Pontificem; *Licet diversas in me flammæ evomat, & ad Romanam forsân Ecclesiæ audientiam vocet, &c.* Poterant quidem illæ minæ intentari circa alia, quàm circa pœnitentiam impositam, quia sequitur; *Et si adhuc placet, etiam filios me habere dicat, &c.* Verùm hinc saltem infertur Episcopos Gallicanos jam tum temporis, hoc est, circa finem quarti sæculi Romæ judicari solitos, quandoquidem addit S. Avitus; *Nec minas suas absentatione placabo, nec satigationes itinerum verebor.*

3. Sed cum tempore Nicolai I. constans esset usus, non refragantibus etiam ipsis Episcopis Gallicanis, ut Laicorum causæ Romæ judicarentur, necessariò consequitur jam antea jurisdictione usos fuisse Romanos Pontifices immediatè in fideles Episcopis Gallicanis subiectos. *An Laicorum, & vulgariû populorum judicia,* inquit S. Pontifex epist. 42. quæ est ad universos Episcopos Galliæ, & refertur in Concilio Romano septimo; *Inter majora negotia ponitis, quos peno quotidie cum vestris, & sine vestris epistolis ad discutiendos, & judicandos suscipimus, & discussos, vel judicatos, vel absolutos dimittimus? Denique ad secularium judicia inter maiora, & Episcoporum inter minora negotia collocabitis, & vobis Episcoporum, nobis Laicorum judicia reservabitis, aut certe, &c.*

4. Cum Gregorius VII. in Concilio Romano Anno 1074. Clericis præcepisset continentiam, & ut uxores dimitterent, aut ab altaris ministerio abstinere, illudque Decretum pluribus, in Germania præsertim durum nimis & grave videre-

tur, contumaciam suam excusare cœperunt ob indulgentiam Episcoporum, quibus obedire satis esse causabantur. Apologeticum tractatum scripsit Autor, Bernardus nomine, in quo summi Pontificis auctoritatem & in Episcopos, & in Episcoporum subditos tuitus est, maxime c. 23. & 24. istud sic inchoat: *His autem rationibus & hoc declaratur, quod cuiusvis Episcopi Parochianus potius Domino Apostolico, quam proprio Episcopo obedire debet, cum auctoritas proprii nullatenus eum ab Apostolica damnatione valeat liberare, si Apostolicis preceptis inobediens extiterit. Et è contra Dominus Apostolicus si ei obedierit, eundem ab omni violentia proprii Episcopi facillimè poterit defendere, videlicet & ipsum Parochianum ejus ditione penitus emancipando, & Episcopum ab injuria per correptionem & damnationem Apostolica auctoritate refranando. Attendat sanè cuiusvis Episcopi subditus, ne vel proprio Episcopo contra Apostolica precepta obediat in aliquo. &c.*

5. Egrè tulerat Henricus Episcopus Leodiensis, quod unus ex suis subditis ab eodem S. Pontifice fuisset absolutus; quamobrem Gregorius eum epist. 4. lib. 6. graviter reprehendit, *Lectis, inquit, fraternitatis tuae litteris, non ea te qua decuit Apostolicam Sedem reverentia, sibi scripsisse, sed nos de absolutione illius Parochiani tui, qui olim ad nos venit, mordaci invectione reprehendisse, tanquam Apostolica Sedis non esset auctoritas, quoscunque, & ubicunque vult ligare & absolvere. . . . Intelligas te aut spiritu presumptionis, aut ignorantia contra auctoritatem S. Romanae Ecclesiae verba jactasse, quasi imitando Orientales, qui contra Beatum Papam Julium obloqui presumpserunt, eo quod ipse sanctissimum Athanasium Patriarcham sine assensu eorum absolverat.*

6. Non fuit ea, ut nonnulli calumniari videntur, Romanorum Pontificum usurpatio; sed jus Divinum à Patribus aliisque sanctis Doctoribus aut expositum, aut insinuatum. S. Joannes Chrysostomus hom. ult. in Joan. super hæc verba; sequere me; S. Petrum cum S. Jacobo Episcopo Hierosolymitano conferens, docet hunc soli Ecclesiae Hierosolymitanæ, illum toti orbi à Christo præpositum fuisse, unde sequitur Successores Petri eandem ubique terrarum jurisdictionem habere, quam singuli Episcopi in propriis Dicecesibus. Quam sententiam secutus est ac sic expressit Euthymius Zigabonus in eadem verba Ioan. ult. *Hinc rursus ostendit, quod præ cæteris familiarem eum*

faciat, ac ampliore dignetur honore, ut etiam promptior fiat. Quod si quis dicat: Quomodo ergo Iacobus Hierosolymitanam accepit Sedem? Dicemus quod Petrus Iherosolymis constitutus est praeceptor.

7. Sancti Thomas iure Angelus scholae dictus multis in locis docet summum Pontificem proprium esse Fidelium omnium Pastorem, quemadmodum Episcopus proprius est Pastor omnium suae Dioceseos Christianorum, & Parochus suorum Parochianorum, ac sicut iurisdictio Parochi super suos parochianos non impedit, quin eorum etiam proprius & immediatus Pastor sit Episcopus, ita nec Parochi, nec Episcopi iurisditionem obstat, quin Parochiae aut Diocesis proprius & immediatus Pastor sit etiam summus Pontifex. Papa, inquit opus. contra impug. Relig. cap. 4. qui obtinet vicem (Christi) in tota Ecclesia Universalis Ecclesia sponsus dicitur; Episcopus autem suae Diocesis, Presbyter autem suae Parochiae, unde & Diocesis sponsus Papa est; & Episcopus Parochia, . . . Unde patet quod ex hoc, quod Papa, vel Episcopus audit confessionem Parochianorum, vel alii audientiam committit; non sequitur, quod sint plures unius Ecclesiae sponsi. Dixerat autem antea; Ad illud quod postea obijciunt, quod quislibet venietur in anno semel confiteri, dicendum, quod Sacerdos proprius non solum est Parochialis, sed etiam Episcopus, vel Papa, ad quos etiam magis pertinet curae eius, quam ad Sacerdotem, ut multipliciter ostensum est, Videri potest idem sanctus Doctor in 4. sent. dist. 19. qu. 1. art. 3. quaestiones. 1. c. gen. l. 4. c. 76.

8. Eandem doctrinam tradit S. Bonaventura scholae alter Angelus in 4. sent. dist. 19. art. 3. qu. 1. & adhuc expressius in opusculo. in quo decessit; quare fratres Minores praedicant, & confessiones audiant. Quatuor sunt, inquit, cuiusque plebis Parochialis proprii Sacerdotes: Primus & praecipuus est summus Pontifex cui tota Ecclesiastici gregis cura singularissime commissa est. Ita quod omnes inferiores Ecclesiae Rectores curam & totam potestatem, quam habent super subditos, ab ipso accipiant mediate, vel immediate. Et infra: Unde cum Plebanus possit aliquibus committere, ut vice sui plebi suae praedicent, & eorum confessiones audiant, & absolvant, & poenitentias iniungant, ita quod sic absolutos non oporteat illo anno Plebanis suis iterum confiteri nisi velint; Multo magis potest hoc Episcopus, & maxime summus Pontifex, qui sicut ubique habet potestatis plenitudinem, ita & commissam sibi gerit omnium Ecclesiarum sollicitudinem, &c.

9. Utique

9. Utrique praeiverat amborum Magister Albertus Magnus in 4. sent. dist. 19. art. 10. *Ad aliud*, inquit respondens argumento, seu objectioni tertiae; *dicendum, quod loco Christi in terris non est nisi unus Papa, & ille potest facere* (id est absolvere) *in omnibus sed alii in partem sollicitudinis vocati sunt; Et ideo non licet eis extendere jurisdictionem ultra quam permissum est eis.*

10. Eos secutus est Augustinus Triumphus quæst. 19. art. 5. cujus est hæc resolutio; *Papa immediate potest in qualibet Diœcesi, vel Parochia quidquid potest Episcopus vel Sacerdos.*

11. Quæ quidem sententia ita indubitata fuit apud Theologos sequentes ut nonnulli eam de fide esse asserant. Vasquez in 3. partem D. Thom. q. 93. art. 1. dub. 1. cum Medina. Hæc sunt primi verba; *Quod non intelligatur in Decretali* (omnis utriusque sexus) *proprius Sacerdos Parochus, sed etiam Pontifex, & Episcopus, esse de fide docet Medina; Et infra dubio illo sexto probabimus.* Quo in loco eandem doctrinam fufius prosequitur. Sed certioribus nititur illa doctrina fundamentis.

12. Joannes XXII. cap. *ut electianis*, de hæret. in Extravag. com. propositiones istas damnavit. Primo, *quod confessi fratribus habentibus licentiam generalem audiendi confessiones teneantur eadem peccata, quæ confessi fuerant, iterum confiteri proprio Sacerdoti.* Secundo *quod stante omnis utriusque sexus edicto, Romanus Pontifex non potest facere, quod Parochiani non teneantur omnia peccata sua semel in anno proprio Sacerdoti confiteri, quem dicis esse Parochialem Curatum imò nec Deus hoc facere posset: quia ut dicebat, implicat contradictionem.* Tertiò *quod Papa non potest dare potestatem generalem audiendi confessionem, imò nec Deus, quin confessus habenti licentiam teneatur eadem confiteri proprio Sacerdoti, quem dicit esse proprium Curatum.* Quas propositiones hæc censurâ notavit. *Omnes articulos, & quemlibet eorum, tanquam falsos, & erroneos, & à doctrina sacra de vios autoritate Apostolica condemnamus, & reprobamus; Predictorum doctrinam contrariam veram, & Catholicam asserentes; scilicet quod illi, qui predictis fratribus confitentur, non magis teneantur eadem peccata confiteri iterum, quam si ea alias confessi fuissent, eorum proprio Sacerdoti IUXTA CONCILIUM GENERALE.* Ultima verba Constitutionem istam factam esse significant ad interpretandum Concilium œcumenicum Lateranense, quod officium ad summum Pontificem pertinet. Hanc autem interpretationem amplexa est Ecclesia, ut nesciam quomodo sine errore inficiari quis possit, cuiuslibet

T.

fide.

fidelis proprium Sacerdotem esse, non solum Parochum, sed etiam Episcopum, & summum Pontificem.

13. Ante id tempus Sanctus Bonaventura in exposit. cap. 9. Regulæ ff. Minorum sic scripserat; *Possunt fratres Apostolica ordinatione in privilegiis Ordinis expressa audire cuiuscumque Sacerdotis Parochianos ipso inconsulto, veletiam contradicente, si auctoritatem habent ab Episcopo Audiendi. Et quia Curia Romana hoc determinat, hereticum est aliud pertinaciter affirmare. Sicut patet dist. 22. c. Omnes;* patet etiam Papam posse talia in Ecclesia ordinare, quia certum est, quod distinctio curarum, & collatio jurisdictionum ab auctoritate processit Ecclesia Romana. Docet tamen ibidè sanctus Doctor quo animo ad huiusmodi functiones accedere debeant Regulares, scilicet ob Ecclesiæ necessitatem, non proprio motu. Eosque qui secus agant dementiæ damnat; *Ad objectum de agnitione vultus respondeo, quod si Sacerdos proprius scire possit, & vellet sufficiens consilium super subditos impendere, nullus sana mentis quereret immiscere se confessionibus ad ipsum non pertinentibus audiendis.*

14. Paulo antea Facultas Theologica Universitatis Parisiensis potestatem summi Pontificis in omnes fideles, etiam quantum ad Sacramentum Pœnitentiæ declaraverat, ut refertur à Cæsare Egassio in hist. Universitatis tom. 3. ad annum 1252. non solum licere, sed etiam congruere, ut qui voluerint, sua peccata confiteantur Papæ, seu Pœnitentiariis ejus; etiam contradicentibus Sacerdotibus Parochialibus, & doctrinam contrariam erroneam esse; *Omnes presentes litteras inspecturis M. Naimericus Cancellarius Parisiensis, ceterique Sacra Scriptura Parisenses Doctores, quorum sigilla presentibus litteris sunt appensa, salutem in Domino. Universitati vestra volumus esse notum, quod consulti fuimus à quibusdam, utrum Sacerdote Parochiali contradicente, vel invito Parochianus ejus Domino Papa, seu Pœnitentiarius suis, vel suo Episcopo, aut Pœnitentiariis ipsis, cum voluerint, peccata sua valeant confiteri, atque ab eisdem pœnitentiam pro commissis recipere salutarem. Cui consultationi respondentes diximus, & dicimus in hoc unanimiter consentientes, prædicta licite posse fieri, & debere. Si qui autem dicant, aut dixerint contrarium, quantum in nobis est reprobamus, erroneum repntantes. Actum anno Domini 1252. mense Januarii. Anno autem 1484. Petrus l'Aillier coactus fuit ab eadem*

dem Academia renovare hanc propositionem; *Summus Pontifex 70^o ann. 12. non potuit condemnare de Polacco nec facere decretalem va-
electionis* Apud Mauclerum de Monarchia 4. part. lib. 8. cap. 6.

15. Concilium Tridentinum sess. 14. de refo. c. 7. declarat summo Pontifici competere facultatem reservandæ sibi certorum casuum absolutionis, *pro suprema potestate sibi in Ecclesia universalis tradita*. Ubinam autem Scripturarum legitur, aut ex qua traditione habetur, non posse Papam subditos aliis Prælati fideles, per se vel per suos delegatos absolvere, nisi ubi potestate absolvendi cæteris Pastoribus adempta, eam sibi reservaverit.

16. Canonici Juris Interpretes circa Decretum illud Concilii Lateranensis, quod incipit, *Omnis utriusque sexus*; in eundem sensum illud communiter interpretati sunt, in quem Theologi, tantaque est Doctorum omnium Catholicorum in eam mentem consensus, ut Ecclesiæ universæ dicenda sit.

17. Illam Episcopi Gallicani, ut certam amplexi sunt, quod in ple-
risque illorum libris, qui Rituales dicuntur animadvertere licet, ac
etiam in aliquibus Statutis Synodalibus. Galterus Episcopus Picta-
viensis in Synodo habita anno 1284. luculenter profitetur circa suæ
Diocesis fideles summi Pontificis auctoritatem; *Cum nonnulli (ver-
ba sunt illius Antistitis c. 3.) Subditi nostri Sacerdotibus, quibus cura
animarum non est ab Episcopo, vel ab alio habente auctoritatem Apo-
stolicam, vel alias competentem super hoc potestatem, Ecclesiastica Sa-
cramenta absque licentia nostra, vel propriis Sacerdotis, & etiam non-
nunquam à prohibito, scienter accipere non formidaverint, nec formi-
dent in suarum periculum animarum; cum à tali absolvi nequeant,
vel ligari, &c.* Notanda hæc verba habente auctoritatem Apostolicam.
Subditi sunt à Concilio Chalcedonenſi Episcopis Monachi, nihilo-
minus cum Episcopi nonnulli, sive avariſſi, sive malitiæ eos vexare, at-
que in disciplina Monastica perturbare ceperunt, coacti sunt Roma-
ni Pontifices Monachos ab Episcopali jurisdictione, vel partim, vel
omnino eximere. Licet autem decursu temporis aliquorum Mona-
chorum ambitio, ac libertatis desiderium sapientem illam dispensa-
tionem in abusum converterint, necessariam tamen fuisse intellexe-
runt Episcopi, quippe cum exemptiones videamus ab ipsis aliquando
approbatas, aliquando ultro indulgas, probumque, ac moderatum

exemptionum usum regularem disciplinam plurimum juvisse, magnumque attulisse Ecclesiæ emolumentum.

18: Ità cùm Prælati regendæ fidelium multitudini per se, aut suos Sacerdotes satis esse non possent; aliqui etiam non rectè se haberent; nec animarum salutis satis invigilarent, summi Pontifices, Pœnitentiæ Sacramenti administrationem Regularibus commiserunt; eâ tamen lege, ut debitam Episcopis reverentiam deferrent, modò maiorem, modò minorem, quod Concilio etiam generali Viennensi approbatum est.

CAPUT V.

De autoritate summi Pontificis circa Jurisdictionem contentiosam.

1. **D**eterminatæ sunt in Concordatis inter Leonem X. Papam, & Franciscum I. Regem Franciæ initis, quæ circa jurisdictionem contentiosam otiri solebant disceptationes. Sed nihil est adeò planum, quod difficile non evadat ex partium studio, vel ex novorum casuum eventu. Præcipuæ difficultates, quæ circa eam jurisdictionem à tempore Concordatorum emerferunt, istæ sunt. Prima, utrum Papa possit alicujus negotii judicium ad se immediatè trahere? Secunda, an possit aliquando Romæ negotia judicare? Tertia, an formulis ordinis Judiciarii sese accommodare teneatur.

2. Prima controversia frequens de causis majoribus est. Causæ autem dicuntur majores ex quadruplici capite. Primum ex rei, de qua agitur, magnitudine, ut v. g. quando spectant ad Fidem, ad Religionem, vel ad præcepta generalia morum, & disciplinæ, ut habetur Can. Præceptis dist. 12. c. Majores de Baptismo, & alibi. Secundò causæ minores dicuntur ex magnitudine difficultatis circa illas natæ. Interdum enim quasi synonyma ponuntur, majores, & difficiliore quæstiones; & ab hoc maximè Capite Galli, saltem si Joanni Gerbasio credimus, causarum magnitudinem metiuntur. Sic enim habet Doctor ille differt. de causis majoribus art. 1. num. 10. *Galli nostri diversam aliquatenus majorum causarum ideam tradidèrè; neque enim causæ majores apud eos statim dictæ sunt, quæ de rebus majoribus, ac præstantioribus essent; sed quæ plus obscuritatis haberent, ac difficultatis:*
quare

quare tum tandem Apostolicam Sedem adeundam, ejusque consulenda oracula existimarunt, cum aliunde lex non affulgeret, rationesq; vulgo usurpata minimè sufficerent. Exploratum illud sit; &c. Tertio vocantur causæ majores ratione dignitatis personæ, v. g. cum de Episcopo agitur, ut patet ex cap. *Inter corporalia*. De translatione Episcopi; & ex Doctoribus in illud cap. Denique majores dicuntur ob difficultatem exequendæ rei justæ, aut amoliendæ rei injustæ. Sic anno 876. Ecclesia Remensis in Concilio Pontigonensi, cui Apostolicæ Sedis intererant Legati, majora negotia, & majores causas appellabant eas injurias, quas à Ludovico Germaniæ Rege perpeffa fuerat, & timebat, ne in posterum pateretur: *Paternis magistris instrumur, ut si qua majora negotia, vel majores causa exorta fuerint, ad Sedem Apostolicam, prout auctoritas docet, et mos antiquus obtinuit, semper referantur*. Quæ sint autem illa negotia deinde notatur; *Calamitates & miseria Ecclesiæ nostræ, ac Civium nostrorum, quas hoc anno à Ludovico Rege, itemq; à Ludovico filio ejus & complicibus eorum, cades videlicet, & homicidia, adulteria, fornicationes, rapinas, sacrilegia, & cetera flagitia, quæ nullus enumerare potest, Ecclesiæ nostræ perpeffa est*. Denique postulatur auxilium; *Ne de cetero talia, ac tanta mala Ecclesiæ nostræ, ac Regnum patiatur, quæ hæc hactenus passum est*. Sed hæc postrema duo Causarum genera majores non æstimantur, nisi cum aliquâ rei magnitudine conjuncta v. g. nisi agatur de deponendo Episcopo, vel alio gravissimo negotio.

3. Quæritur ergo an prima causarum illarum cognitio ad sanctam Sedem, an ad Concilium Provinciale spectet. Quæ in re, licet Episcopale judicium præmittendum, idque ex antiquis juribus colligi, aliqui senserint, certum est concordata cum causis majores ab iis exceperunt, quæ deberent ab Ordinariis definiri, primum earum judicium summo Pontifici reliquisse. Cum enim contentiones circa jurisdictionem dirimere voluerint, hanc questionem, quæ maximi erat momenti, & à qua plurimæ, gravissimæque disceptationes oriri poterant, non reliquerunt indecisam: Alioquin enim si determinandæ illi super sedendum partes judicassent, de illa omnino sitissent. Cum autem mentio facta sit ejus, cur in aliud tempus definienda dilata fuisset, cum periculo ne interim novarum discordiarum effet fomes, ac sine spe novorum ad eam in posterum commodius definiendam

adjumentorum. Perspicua videtur Concordatorum Sententia his verbis comprehensa tit. de causis ; *Omnes & singula causa , exceptis majoribus in jure expresse denominatis , apud illos Judices in partibus , qui de jure , aut consuetudine præscripta , vel privilegio illarum cognitionem habent , terminari , ac finire debeant .* Quod idem in Concilio Basileensi , & Pragmatica Sanctione statutum fuerat.

4. Accedit quod tempore præcedenti , ac subsequenti Concordata , Gallis persuasum erat , causas majores in prima instantia esse ad sanctam Sedem referendas , quia hæcerat Juris communis dispositio , & Canonici Juris interpretum sententia , etiam apud Gallos. Guilielmus Durandus Episcopus Mimathensis in speculo Juris part. 1. tit. de legato §. *Nunc ostendendum num. 1. Majores cause , inquit , ad Sedem Apostolicam sunt referenda , ut extr. de Pap. Majores extr. de trans. c. 1. v. q. 6. omnis oppressus , & citatus super istis coram Ordinario potest etiam absque aliquo gravamine illato , vel comminato ad Sedem Apostolicam appellare , ut 2. quest. 4. nullam & q. 6. ad Romanam & c. Ideo §. cum ergo quod specialissimum est ut probatur extr. v. de appellat. ut debitus in fin. Joannis Gerlonii , Concordatis non longè antiquioris , verba mox exscribemus ; sed glossa ipsa Pragmaticæ Sanctionis , quæ semper in eo Regno maximi habita fuit in tit. de causis §. statuit verb. *Majoribus rem confecisse videtur , addens ; Quæ ex natura ipsarum sunt deferenda ad Sedem Apostolicam , nec in ipsis compellebatur quis litigare coram Judice inferiori .* Quod multis comprobatur auctoritatibus. Rebuffus magni nominis in illo Regno Autor eandem doctrinam tradit his verbis ; *In causis majoribus in jure expresse descriptis , & Sedi Apostolica reservatis .**

5. Joannes Gerbasius id unum in tota sua dissertatione de causis majoribus explicandum sibi propositum fuisse profiteretur in allocutione ad Lectorem ; *Quid nempe Juris in presentia obtinere debeat apud Gallos de causis majoribus .* Atque idcirco dissertationem suam inscripisse . ad caput concordatorum de causis . Cum enim , inquit , Concordatorum leges agrè quidem initio , usu tamen inductæ , sic jam videantur , ut municipalium instar legum nobis evaserint . opera pretium duxi examinare in primis ; si quid fortè novi Concordata de causis majoribus statuisent , speciatimq. de Episcoporum causis ; & judiciis , quibus præsertim inhaerere suis animis .

Articulo autem 3. num. 2. *Quam-*
quam

quam, ait, *hæc assertatio hac tota inscripta sit ad caput Concordatorum de causis*; Verum tamen capituli ejus tractatio propria magis erit hujus articuli, ubi sententiam legis capite isto comprehensa peculiari studio, ac de industria magis examinabimus. Quâ quidem declaratione levat nos onere discutiendi omnia exempla, quæ profert, judiciorum ab Episcopis circa causas majores diversis temporibus prolatorum, aut exceptiones, quas adhibet adversus prima judicia de hujusmodi causis à summis Pontificibus pronunciata.

6. Itaque id unum inquirendum est quid nempe in Concordatis eâ de re statutum fuerit; quandoquidem Concordata *municipalium instar legum Gallia evaserunt*; Arque quantum conjecturâ licet assequi, sunt ex illis *regulis, moribus, & institutis à Regno, & Ecclesia Gallicana receptis*, quæ valere debere declarant Illustrissimi Antistites Gallicani in hæc tertia propositione. Sunt autem verba Concordatorum tit. de causis, quæ sequuntur; *Statuimus quoque, & ordinamus, quod in Regno, Delphinatu, & Comitatu prædictis, omnes, & singula cause, exceptis majoribus in jure expresse denominatis apud illos Iudices in partibus, qui de jure, aut consuetudine præscripta, vel privilegio illarum cognitionem habent, terminari & definiri debeant*. Istud caput, seu titulus nihil amplius continet. Quod enim atrexit, nescio qua intentione, Joannes Gerbasius, aliud caput est sub titulo de *frivolis appellationibus*.

7. Agitur in capite modò exscripto, ut per se patet, de primo iudicio causarum definitivo, non autem de supremo, & à quo appellari non possit. Nam neque minores etiam causæ *apud illos Iudices in partibus, qui de jure, aut consuetudine præscripta vel privilegio illarum cognitionem habent, ita terminari, & definiri possunt*, quin liceat appellare, usque ad tertiam sententiam conformem inclusivè, ut in sequenti Decreto statuitur. Cùm igitur de prima sententia sit sermo, constat, *causas majores in jure expresse denominatas à lege generali excipi*, ejusque exceptionis non aliam vim esse posse, quam ut aliæ quidem à Iudicibus definiri queant, qui jure, aut consuetudine, vel privilegio illarum cognitionem habent, Majores verò nequaquam.

8. Quod adhuc magis confirmatur ex eo quod notat Gerbasius; Nempe quod *præva dñi consuetudo inoleverat vocandi Romani, etiam à remotissimis partibus, leviores causas, minimaq; negotia, sive*

id fiebat in prima instantia, ut aiunt, & per calumnias, sive per frivolas appellationes. Duobus igitur abusibus, ut Gallorum more loquamur, mederi voluerunt tum Patres Basileenses, qui materiam Pragmaticæ Sanctionis, subministraverunt, tum Autores Pragmaticæ Sanctionis, cui substituta sunt Concordata, tum Concordatorum ipsorum Autores; primò quidem ne omnium causarum prima cognitio Romam evocaretur. Secundo ne frivole aut interturbato jurisdictionum ordine, omisso medio appellaretur. Primo malo occurratur statuto supra relato, quo prima causarum cognitio Judicibus reservatur, ad quos *de jure, aut consuetudine, vel privilegio pertinet*. Sed dum excipiuntur *cause majores in jure expresse denominate*, quid aliud operari potest illa exceptio, quam ut causæ majores etiam in prima instantia summi Pontificis judicio reserventur? Alteri abusi medetur caput sequens, ubi prohibentur appellationes, nisi ad immediatum Superiorem, & à sententiis interlocutoriis, nisi gravamen inferant irreparabile. Itaque istud caput *de causis, consuetudinem vocandi Romam, etiam à remotissimis partibus leviores causas, minimaque negotia tollit*, sed exceptione firmat consuetudinem illuc vocandi *causas majores, quæ parvis, & minutis rebus ac negotiis* opponuntur à Concilio Basileensi sess. 31.

9. Id luce clariùs evadet si notetur doctrina Juris Canonici, ejusque Glossatorum & Interpretum circa ordinem Judiciorum. Nam ex cap. *ut nostrum* de appellat. summus Pontifex causam motam apud Inferiorem Judicem ad se evocare poterat, quod de Principe supremo docent etiam Juris Civiles Doctores, ut videri potest apud citatos ab Augustino Barbosa in hoc cap. verb. *ad nostrum judicium revocavimus*. Eaque evocatio eundem, aut majorem, quam appellatio, habebat effectum; *Cum plus sit*, inquit Innocentius III. illius Decretalis Autor, *Romanum Pontificem ad se aliquod revocare* (aut ut est in margine) *evocare*) *negotium, quam quemquam ad eum super aliquo negotio provocare*. Poterat etiam ad summum Pontificem appellari omisso medio ut patet ex cap. *antiqua* de privileg. ubi gloss. verb. *ab omnibus*; *hoc est*, ait, *privilegium Apostolicæ Sedis ut omnis omnibus possit appellari ad ipsam*. Idem docet hic Augustinus Barbosa, plurimorumque Doctorum autoritate confirmat. Jus autem illud observabitur in Galliâ, ut alibi. Non enim

aliò jure communi quàm Decreto, & Decretalibus urebantur Galli ut tradit D. Petrus de Marca lib. 3. cap. 6. n. 5. verbis jam alibi relatis. Abusus igitur, qui circa hæc duo puncta irrepserant, tollere voluerunt Patres Basileenses, Autores Pragmaticæ Sanctionis, & Autores Concordatorum, solis causis majoribus primo sanctæ Sedis judicio relictis, & sublaris appellationibus, omisso medio, vel à sententia interlocutoria gravamen irreparabile non inferente.

10. Agnovisse, vel invitus videtur Gerbadius, Concordata aliquid statuisse circa causas majores, & discrimen inter illas, & ordinarias posuisse; sed vult hoc tantum statutum, nempe ut illæ referrentur ad summum Pontificem, non istæ. *Esso* (inquit num. 4.) *determinata quoque sit in Concordatis ratio finiendarum causarum majorum, Esso clausula ista. exceptis causis maioribus, &c. legem contineat, &c.* Et infra; *Clausula itaque negat cognitionem causarum majorum debere omnino finiri à iudicibus in partibus sine relatione ad summum Pontificem.* Sed aliena est prorsus à mente Conditorum illius statuti hæc interpretatio; quatenus primum judicium causarum majorum Episcopis reservare conatur. Primum enim jam dudum desiderat ille relationum usus, ut ne verisimile quidem sit illum in mentem aut Pontificis, aut Galliarum Regis, aut Episcoporum venisse. Secundò non quærebatur an sancta Sedes esset consulenda super negotiis, sed in quo Tribunali, & quo ordine judicanda essent? An nimirum passim omnia possent per evocationem, aut per appellationem ad Curiam Romanam trahi, ut patet ex integro Decreti Basileensis, Pragmaticæ Sanctionis, & Concordatorum contextu.

11. Non negabit Gerbadius Senatui Parisiensi veram Pragmaticæ Sanctionis intelligentiam, quippe cujus se illa Curia protectricem profiteatur. Atqui Senatus Parisiensis in oratione ad Regem Ludovicum XI. an. 1461. circa libertates Ecclesiæ Gallicanæ habitâ, & inter Tractatus de illis libertatibus in 1. tom. Puteani secundo loco relatâ, declarat primam cognitionem, & decisionem causarum ad Episcopos spectare, nisi sint majores.

12. Idem declarant Officiales Regii an. 1461. „ Cautum est ut „ Ordinarii tanquam veri Pastores cognitione, ac jurisdictione gauderent in suas oves, exceptis causis majoribus reservatis à dict. Con- „ cil. scilicet Basileensi apud Puteanum in probat. libert. Eccl. Gall. c. 336, n. 11.

13. Articulo 15. affert Gerbafius quædam exempla Concordatiæ recentiora, quibus ostendit Regem Christianiffimum, vel Ecclefiam Gallicanam, vel Epifcopos fingulares interceffiffe, ubi fummi Pontifices Epifcopos deponere moliebantur, fed cum afferat exempla etiam contraria, quid ex illo confictu refultat, nifi modò illud, modò aliud jus usurpari, prout quifque fuis rationibus commodum judicat.

C A P U T IV.

De caufis judicandis Romæ.

1. **S**ecunda controverfia eft an majorum caufarum cognitionem Judicibus delegatis in Regno committere teneatur fummus Pontifex? Nequaquam certe, ad id adstringitur: quia non honoris tantùm caufa, & in fignum fuperioritatis fummo Pontifici refervatæ funt, quod de appellationibus in caufis ordinariis dici poffet; fed quia propter rerum dignitatem, fupremi Judicis lumen, & autoritatem requirunt.

2. Sunt multi alii cafus, in quibus fummus Pontifex deberet caufarum cognitionem ad fe trahere, etiamfi aliàs nulla ei pofitiva lege refervarentur, v.g. Primò cum Epifcopi aut nolunt, aut non poffunt Ecclefiarum neceffitatibus providere. *Attamen*, inquit Joannes Gerbais de cauf. major. art. 10. §. 3. *Si quando Metropolitani, vel in Suffraganeorum fuorum fceleribus convivere vififunt, vel certe ob fufum latius malum, nimiamq. fortè corruptelam emendandis illis impares extiterunt; haud immeritò fane Apoftolica Sedis cum adfuit autoritas. ad quam nempe fpectat caterorum Epifcoporum excitare vigilantiam, imò & eorum implere vices, fi forte deficiant. &c.*

3. Secundò quando periculum eft in mora, fic idem Gerbais art. 11. in fin. loquens de Commiffariis ab Urbano VIII. datis die octava menfis Octobr. an. 1632. ad infantiam Ludovici XIII. Francorum Regis adverfus quofdam ejus Regni Prælatos, ait formam illam judicii, ut fcilicet fummus Pontifex fupremum caufæ judicium immediate

mediate committeret, necessariam fuisse, ob genus criminis, quod cum presentem Imperio suo (Ludovici) ruinam intentaret, longiorem tamen si Canonica iudicii formam non suadet usurpari.

4. Tertiò quando res sunt admodum difficiles; præsertim si concurrat aliquid scandalì periculum, ut fatetur ipsemet Gerbais art. 4. §. 1. quamvis aliundè contendat primam majorum causarum, quo nomine difficiliore præcipuè in materia fidei, intelligit, cognitionem ad Episcopos pertinere. *Hac itaque, inquit, regula constitui inapte poterit in fidei dirimendis questionibus. Nempe si controversia forsitan aliqua in Provinciis excitentur de rebus ad fidem spectantibus, vel res illæ obscura erunt, insolentes, neque satis aut scripturis, aut etiam traditione explicata, tum consylenda erit Apostolica Sedes, eiusque expectanda sententia, quæ prima esse debet, ut inquit Facundus Hermianensis.* Consentit in hoc Joannes Gerbais cum Joanne Gerfonio; nisi quod iste primum earum causarum difficultium iudicium summo Pontifici reservet. Hæc sunt ejus verba tract. de examinat. doctrinarum consideratione 3. *Aliquæ sunt doctrinæ palam hereticæ apud omnes; alia dubia simplicibus, sed manifesta sapientibus, & peritis; tertia veluti neutra habentes pro se Doctores cum rationibus ad utramque partem probabilibus: Nec in unatantum Diœcesi, vel paucis, sed apud omnes Christianos, aut longè plurimos. Est ergo veritas quod in primis, & secundis auctoritas inferiorum Prælatorum se extendit & ad suos tantummodo: In tertiis verò nequaquam, quoniam meritis dicuntur majores causæ fidei propter difficultatem decisionis cum periculo scandalì: Ideo sunt ad Sedem Ecclesiæ, vel ad sedentem in ea referendæ, iuxta illud: Si quid ambiguum, vel difficile, &c.*

5. Quartò Si Episcopi etiam vicini suspecti essent. Cum enim jure tam naturali, quam positivo Judices suspecti recusari possint. si omnes inferiores gravi laborarent suspitione, recurrendum sine dubio esset ad supremum, qui negotium ad se trahere posset, si certò prævideret Episcopos verbi gratia secularis potestatis metu injustitiam nullo modo, vel difficulter reparandam commissuros. Istud pluries accidit in negotiis Episcoporum. Quamobrem Hincmarus Episcopus Remensis

privilegium à sancta Sede instantèr efflagitavit, impetravitque ne ab alio, quam à summo Pontifice judicari posset. *Nullius in festatio ante audientiam Romani Pontificis, quia nec regula hoc permittunt Ecclesiastica judicare te, vel condemnare presumat. Quod etsi temerarius quisquam fortè presumpserit, nullius excommunicationis, vel obligationis, vel condemnationis sententiâ sine decreto Pontificis teneatur adstrictus, sed si à quocumque, vel undecumque fueris compellatus, ut debeas judicari, APOSTOLICI PAPÆ IUDICIO TE RESERVARI, nostrâ, imò B. Petri auctoritate decernimus. Nec alterius cujuscumq; juri, vel iudicio te subijci exceptâ potestate Sedis Romani Pontificis, nec ad alterius Primatis Provincia Synodum, nisi ex communi placito posse convocari mandamus.* Nicolaus I. epist. in Append. Miscell. hujusmodi exempla oppressorùm à propriis Coepiscopis Antistitum Historiæ Gallicanæ, Prætextati Rothomagensis à Chilperico Rege oppressi, de quo Gregorius Turonensis hist. franc. lib. 5. c. 19. S. Desiderii Episcopi Viennensis Brunehilde Regina instigante, ex auctoritate in Concilio Cabilonenf. an. 603. illorum Episcoporum, de quibus Sigebertus in Chron. an. 685. *Theodoricus Rex, inquit, Ebroinum in gratiam recipit, ejus consilio Synodum Episcoporum cogit, & in hac multis eorum ex sententiâ Ebroini privatur: Arnulphi, Hugonis Capeti præcepto urgente à Sede Remensi depositi, de quo lib. 5. Aimoini, sive ejus continuatoris cap. 46. aliorum denique non paucorum, quos certè maximè juvisset, si Romani Pontifices eorum causas ad se evocassent, ne à Coepiscopis Principum voluntati cedentibus obruerentur.*

6. Concilium Tridentinum dignitati, ac securitati Episcoporum optimè se consulere putavit, statuens, ut causæ graves Episcoporum à solo Romano Pontifice judicarentur, non permissâ earum cognitione Conciliis Provincialibus, aut Episcopis Metropolitans, nisi fortè ad sumendam informationem, si quando id locorum distantia, vel alia ratio postularet. *Causæ criminales, inquit sess. 24. de reform. c. 5. graviore contra Episcopos etiam hæresis, quod absit, quæ depositione, aut privatione digna sunt, ab ipso tantum summo Pontifice cognoscantur, & terminentur. Quod si ejusmodi sit causa, quæ necessariò extra Romanam Curiam sit committenda, nemini prorsus ea committatur, nisi Metropolitans, aut Episcopis à Beatissimo Papa eligendis. Hac vero commissio, & specialis sit, & manu ipsius Sanctissimi Pontificis,*

scis signata, nec unquam plus his tribuat, quam ut solam sacri instru-
ctionem sumant processionis, conficiant quem statim ad Romanum Pon-
tificem transmittant: reservata eidem Sanctissimo sententia definiti-
va. Videri etiam potest less. 13. de reform. c. 8. & jura utrobique ad mar-
ginem citata. Cum ab Episcoporum pertineat dignitatem talem ha-
bere Judicem: Nescio cur illi ipsi ejus judicium effugere nitantur,
quo facile possent indigere. An ut Concilii Provincialibus sua ser-
vetur autoritas. Sed desit in Gallia illorum usus; & licet congrega-
rentur, ad tuendam innocentiam, si opprimeretur, vel ad plecten-
dam injustitiam, si à potentibus defenderetur, parum valerent.

7. Aliæ possent occurrere occasiones, & legitimæ causæ perferen-
dæ ad sanctam Sedem primæ negotiorum cognitionis. Illic posse
causas retineri, quoties iusta subesset ratio expressæ continebat olim
Pragmatica Sanctio his verbis, *aut aliam rationabilem causam*, quæ
verba licet deleta sint, ut docet glossa, ad instantiam Universitatis
Parisiensis, ne sub illorum prætextu quælibet negotia Romæ tracta-
rentur, & quælibet causa iusta, & rationabilis supponeretur: Tamen
si revera subessent huiusmodi causæ iustæ, & rationabiles, si non ex
Jure Gallico, certè ex naturali, & Divino, liceret summo Pontifici po-
testate sibi à Christo traditâ; uti.

8. Sic habet nunc Pragmatica Sanctio tit. de causis §. si verò, ubi
sermo est de causa in partes remittenda. *Nisi forte propter defectum
iustitiæ, aut iustum metum etiam in partibus convicinis, de quibus
in commissione exprimendis legitimo prius documento, aliàs quam per
juramentum summarie constiterit, apud ipsam Sedem forte merito
retinenda.* Glossa ad verbum convicinis, sequebatur in primo origi-
nali, *aut aliam rationabilem causam; quæ clausula sublata est instan-
tibus Nunciis Universitatis Parisiensis; eo quod minima causa, quæ
in Romana Curia exponeretur, apud multos rationabilis, & legitima
judicaretur; & per hoc non esset provisum abusibus.* Cessante igitur
fraude, si defectus iustitiæ, iustus metus, aut alia rationabilis causa
postuler, negotium poterit apud sanctam Sedem retineri.

9. Si Concilii Provincialibus relinquenda est cognitio graviorum
causarum contra Episcopos, non est expectandum, ut quisquam pu-
niatur, cum jam pridem nulla illic Concilia celebrari videamus. At-
que illud præcipuum videtur esse consilium eorum, qui ran-

toperè certant; ut Episcopi à Conciliis Provincialibus judicentur. Cum enim frequentior erat Synodorum celebratio securius, & honorabilius sibi arbitrabantur Præsules solius Romani Pontificis subiacere iudicio. Si quis de admissio in Regem, aut Regnum crimine accusaretur, facilis quidem foret Concilii congregatio, sed accusato admodum periculosa, essetque maximè optandum, ut illius causa immediate ad sanctam Sedem deferretur, Romæque judicaretur juxta Concilii Tridentini Decretum.

CAPUT VII.

Utrum Papa in ferendo iudicio teneatur ordinem Iudicium ad amissum sequi.

1. **H**Æc quæstio egregiè tractata est à Joanne Monacho Cardinali Natione Gallo, patria Picardo supra Constit. Bonifacii VIII, quæ incipit; Rem non novam. Extravag. de dol. & contum. ac verb. *non obstantibus aliquibus privilegiis*: Antequam dubium resolvat distinguit quinque genera legum, & iurum, scilicet primò legem æternam, quam cum S. Augstino contra Faustum definit esse Divinam voluntatem, ordinem universitatis conservari jubentem, & perturbari vetantem. Secundò legem naturalem homini impressam, tanquam participationem quamdam legis æternæ, & principia rerum agendarum dictantem; puta benè esse agendum, nulli nocendum, benè agentes premiandos peccantes puniendos. Terriò legem Divinam hominem dirigentem ad finem supernaturalem, id est naturalem virtutem, & facultatem hominis excedentem. Quartò legem humanam ex naturali deductam tanquam conclusionem à principio necessariam cum illo connexionem habentem. Quintò legem humanam; naturalem determinantem in iis, quæ ab ipsa in communi tantum præscribuntur; puta cum lex naturalis dicat in communi peccantes esse puniendos, non determinata pœna, lex humana præscribat homicidas esse puniendos tali vel tali genere pœnæ.
2. Ex his quinque legum generibus quatuor prima cujusvis ho-

minis,

minis, etiam summi Pontificis, potestatem superant. Cum enim lex æterna sit ipsemet Deus, lex autem naturalis, quasi quædam copia, & impressio legis æternæ à Deo facta; lex Divina ab ipso met Deo constituta; ac denique lex humana à naturali tanquam conclusio deducta, virtualiter, ac radicaliter in suo principio contenta, ejusdem rationis cum illa censetur, constat illas omnes à solius Dei voluntate pendere, unde interdum earum quælibet ab Autoribus legis Divinæ nomine donatur. His igitur non superiores, sed subiecti sunt cujuscumque conditionis homines, nec ab eis recedere sine peccato possunt.

3. Itaque dum quæritur an summus Pontifex teneatur ordinem judicarium in aliquo sequi: Primò videndum est an ille ordo sit à lege aliqua, ex supradictis præscriptus. Quod si ita esse constiterit, non poterit certè illi sese non accommodare: sed de hoc nulla est controversia, præsertim in materia libertatum Ecclesiæ Gallicanæ, in qua frequentiores contentiones oriuntur ex violatis aut prætermis-
sis solemnitatibus, & formulis in Gallia servari solitis, & consuetudine, ab ordinationibus Regiis, aut Senatusconsultis, institutis.

4. Quocirca dicendum videtur non debere quidem summum Pontificem soluta illum ordinem prætermittere, vitandæ perturbationis causa, & quia plerumque ad justitiam conducere in qualibet regione censenda sunt, quæ populi consensu, ac diuturno usu comprobata sunt; non tamen idèò invalida esse summi Pontificis Decreta, dummodo in iis nihil desideretur illorum, quæ lex Divina, vel naturalis præcipit, præsertim si prætermittere ordinem, necessitas, aut magna utilitas tuadeat; puta si ejus conditionis sit negotium, ut nisi celerrimum afferatur remedium, plurima consecutura sint mala, qualia essent dogmata perniciofa, Sacramentorum prophanationes, &c. Imò in rebus minoris momenti, si per provisionem, ut vulgò dicitur sine partium præjudicio, aliquid statuatur, alicuius periculi vitandi gratia, causæ meritò maturiori examini, & discussioni à Judicibus, ad quos pertinet, faciendæ reservato. Vel enim forma illa est à Rege aut populi usu constituta; & sic Summum Pontificem utpotè Superiorem ligare nequit. Vel ab Ecclesia ipsa inducta est, & ita supremi
Pastoris

Pastoris est, super ea dispensare, postulante necessitate, vel Ecclesie utilitate.

5. An minorem summo Pontifici libertatem circa formulas in judiciis Ecclesiasticis concedemus, quàm Jurisconsulti Curie Regiæ in negotiis secularibus? *Curia Parlamenti*, inquit Petrus Rebuffus in proem. ad Concord. n. 15. *ex bono, & agno judicare solet, & secundum conscientiam, & debet veritatem attendere non subtilitatem seu formalitatem.* Omitto, quod vulgò circumfertur, Principem & præcipuè Papam, esse supra legem, solutum à lege, ac lege superiorem. Verumtamen cum id de vi tantum coactiva intelligi debeat, Principes, præsertim Ecclesiastici, vim legis directivam, amore justitiæ, accuratius sequi debent, quam subditi vi coactivæ, timore pœnæ, sese accommodare.

6. Illustrissimi Præfules Gallicani, ut summi Pontificis, quamplurimarum Ecclesiarum Gallie libertatem adversus Regiam defendentis zelum sisterent, violatum ab eo in aliquibus negotiis judicarium ordinem obtulerunt; ac cum deberent Christi Vicarium malis, & scandalis in illis negotiis perpetratis medentem juvare, illa silentio involventes de inverso processus ordine gravissimas excitaverunt querelas. Verum quæcumque necessaria erant ab eo observata fuisse, & ea tantum prætermissa, quæ vel impossibilia erant, vel ob conditionem negotiorum, promptum remedium postulantium, adhiberi non poterant, ac denique rerum justitiam adeò esse evidentem, ut nullo prætermissarum formularum prætextu eludi posset, egregiè demonstratum est variis scriptis Gallico idiomate editis, præsertim in libello, cuius titulus est, *Considerationes circa Ecclesiastica negotia in proximis Comitibus generalibus Cleri Gallicani proponenda.* His igitur omisiss ad quæstionem redeamus.

7. Communia quidem à nemine negantur. Sed ea casibus particularibus applicare, in quibus tamen operæ pretium est, non tam faciliè quilibet possit.

8. Duabus partibus omninò necessariis, & quasi essentialibus constat iudicium, scilicet cognitione causæ, & prolatione sententiæ, ad quas reliqui omnes actus referuntur. Necessè quippe est, ut Judex causæ merita intelligat, ac iis intel-

tellectis jus dicat. Verùm ut causæ cognitionem adipiscatur, opus est ut utraque pars jus suum exponat, ac partis adversæ allegationibus respondeat, quod litis contestatio à pragmaticis nuncupatur. Ex ea contestatione maximè pendet causæ instructio, eo quod nihil magis ad detegendam veritatem juvet, quàm si omnes utrinque rationes proponantur, ut contingit, cùm hinc Actor, illinc Reus; alter pro affirmativa; alter pro negativa, studiosissimè, ut fieri solet ab iis, quorum interest, conquilita argumenta proferunt. Undè illa litis contestatio ceu præcipuum processûs fundamentum habetur à Jurisconsultis. Ut autem ambæ partes in id concurrant, oportet, ut vel communi consensu, vel quod plerumque necesse est per Rei citationem conveniant apud Judicem. Quod si, ut serè semper accidit, altera pars asserat, neget altera; cùm neutri quantumvis eximix dignitatis credendum sit; probationibus opus est, quæ de veritate finem faciant, ac Judices instruant. Detectâ veritate pronuntianda est sententia, ac executioni demandanda, nisi fortè injusta sit, & à superiori Judice corrigenda.

9. Quamvis ergo ad hoc, ut judicium validum sit jure naturali, ac Divino, satis sit, ut Judex causam norit viâ publicâ (cùm enim ut persona publica, & ob bonum publicum procedat, non sufficit ei privata cognitio, quantumvis certa); & ut æquitatem, & justitiam servet in jure dicendo: tamen quia perfecta illa cognitio, partibus non auditis, vel saltem vocatis, & aliunde accersitis probationibus, haberi non potest; nec consequenter, nisi temerè judicari: necesse omninò est, primò ut partes citentur, nisi fortè ultrò convenierint, & utraque jura sua tueatur, aut tueri possit. Secundò ut, si pars altera adesse nolit, quod ab altera asseritur proberur. Tertiò ut judicium secundùm allegata, & probata, juri præsertim Divino, & naturali consentaneum proferatur.

CAPUT VIII.

De necessitate Citationis, & probationum.

1. **C**itationem de jure naturali ac Divino esse consentiunt omnes ferè Doctores ; ita scilicet, ut nemo condemnetur , nisi se defendendi facultatem habuerit. In eam sententiam adducuntur variis Sacræ Scripturæ locis, præsertim Genes. 4. vers. 9. *Ad Dominum ad Cain, &c.* ubi Glossa interlinearis sic ait; *Non quasi signatus ut discat, sed ut reum puniat* ; quia scilicet nemo puniendus est, nisi aut convictus, aut spontè confessus. Non patitur bonum publicum ut impunita remaneant scelera ; sed multò minus ut plectantur infantes , qualis autem quisque sit, nemo meliùs novit quàm ipse ; nec aliis meliùs innotescere potest, quàm ipsius verbis ; quæ si sincera sint, veritatem manifestant ; si mendacia, non ità componi, aut promi possunt, ut vel ex contextu , vel ex modo, vel ex collatione cum aliis indiciis , & probationibus , aliquam non præbeant Judici criminis detegendi ansam , ut neque famâ, neque testibus solis , neque aliâ quavis ratione tutè omninò, ac expeditè, teo non audito, ad criminis, vel innocentia cognitionem perveniri possit. Etenim licet factum ipsum possit omninò notorium, & evidens esse : tamen eius bonitas, & malitia plurimum ab adiunctis , seu circumstantiis pender, quarum saltem aliquas nemo alius præter ipsum facti Autorem certò novisse potest, v. g. quâ intentione ductus fuerit, quod maxime in ferendo de qualibet actione iudicio attendendum est ; quia, ut Divina docent oracula, si oculus intentionis fuerit simplex, totum corpus actionis, quæ benè ac malè fieri potest, erit lucidum. Sin autem nequam fuerit intentionis oculus, tenebrosus erit totum actionis corpus. Jurisperiti etiam in criminibus an dolus intercesserit , diligenter inquirendum movent.

2. Eâ de causâ inhumana semper habita sunt illa Judicia, quæ contra absentes non auditos, nec vocatos prolata fuerant. Ipsimet Pagani ab eis abhorruerunt. *Non est consuetudo Romanis damnare aliquem*

quem hominem, priusquam is, qui accusatur, presentem habeat Accusatores, locumq; defendendi accipiat ad ablucenda crimina? Verba sunt Festi ad Judæos S. Pauli damnationem urgentes Agrippæ relata Act. 23. vers. 16. Seneca eam esse putabat ante sententiam audiendæ utriusque partis necessitatem, ut sapienter pronunciaverit; qui parte inauditâ alterâ aliquid statuerit, licet æquum sit quod statuit, hand æquum fuit. In Med. vers. 199. & 200.

3. Eam injustitiam sibi à suis Adversariis factam gravissimè conqueritur S. Joannes Chrysostomus in epistola ad S. Innocentium Romanum Pontificem, *Que ab ipsis facta, contra omnem sunt ordinem, contra omnes Leges, contra omnes Ecclesiasticos Canones Et quid dico, Canones Ecclesiasticos? Neque in Gentilium judiciis, neque in Barbarorum Tribunalibus talia attentata sunt unquam, imo verò neque Schyta, neque Sauronata unquam judicaverunt, judicium dandum uni parti, absente ea, quæ accusatur, &c.*

4. Sanctus Augustinus epist. 162. ita in Donatistas invehitur: *Ubi est quod Scriptura elamat: Antequam interroges, ne vituperes quemquam, & cum interrogaveris corripere justè; Si ergo nec vituperati, nec correpti, sed omnino damnati sunt, qui de suis criminibus nihil absentes interrogari poterunt.*

5. Nec puto à quoquam dubitari, quin audiendus, vel saltem citandus sit reus, antequam in eum, vel etiam pro eo feratur sententia: De citandi tantum ratione interdum ambigitur. Bonifacius VIII. in Constitutione *Rem non novam*, de dol. & contum. in Extravag. commun. quam occasione dissidii cum Philippo IV. Francorum Rege dicitur edidisse, statuerat, ut citationes auctoritate Apostolicâ de quibuscumque personis, undecumque, & ubicumque essent præsertim si impedirent ne citationes ipsæ ad se pervenirent, sive loca tutè, ac liberè adiri non possent, factæ in audientia litterarum Apostolicarum, aut in aula Palatii, postmodum affigendæ in valvis majoris Ecclesiæ loci, in quo Romana Curia resideret, sic valerent, ac arceant citatos, sicut si eos personaliter apprehendissent, seu ipsi sumet significatæ fuissent. Quia verò vox illa, *præsertim*, indicare videbatur, id etiam in aliis casibus, ultra expressos in constitutione, locum habere debere, ceteros omnes Clemens V. in Concilio Viennensi *exclusit.*

exclufit, his verbis ; *Præfatum modum citandi reſtringimus ad illos tantum , & in illis locum volumus ſibi vindicare, qui faciunt, impediunt, vel procurant, per ſe, vel per alios, quoquo modo, ne ad eos poſſit citatio pervenire, vel quorum domicilia, ſive loca non poſſunt eſſe, ſi- bere ve adiri.* Clement. Dudum de judic.

6. Ergo de jure Divino, ac naturali eſt, ut nemo condemnetur, niſi ſeſe defendendi facultatem obtinuerit. Quamobrem oportet ut cite- tur, meliori quo poteſt modo; Ita tamen, ut, quantum eſt ex jure Di- vino vel naturali, ſatis ſit, quod citatio ad ejus cognitionē perveniat, aut ut, ne pervenire poſſit, ipſe vel efficiat, vel procuret. Cæterum quantum ad ſpeciales citationis conditiones pro variis perſonarum, & negotiorum circumſtantiis, Canonibus, & legibus ſtandum eſt, quamdiū aliqua urgentiſſima cauſa diverſum ordinem ſequi non ſua- det. Si autem hujusmodi cauſa ſubſit, juſtitia præſcriptis formulis, quæ propter commodiùs ſervandam juſticiam excogitatæ ſunt, ante- ponenda eſt præſertim à ſupremo judice.

7. Porro ſi reus ſincerè crimen ſuum, aut aliud quid ſibi contra- rium fateatur; ulteriori probatione non eſt opus; præſertim ſi de ſce- lere non agatur, cui pœna mortis debeat (quo caſu non eſſet au- diendus, perire volens;) quia non eſt veriſimile, homines, ad priva- tum ſui amorem propenſiſſimos, velle ſuis rebus nocere, etiam cum veritatis diſpendio, quam è contra plerique propriarum rationum conſervationi poſtponunt. Sed cùm deest rei confeſſio, neceſſe eſt, imò, cùm adest confeſſio, eſt utile alias conquirere probationes, ut non niſi plenè comperto facto jus dicatur.

8. Cujuſmodi autem debent eſſe probationes, ut plenam fidem facere cenſeantur, vel ut Judex ad ſerendam certam ſententiam pro- cedere queat : pro cauſis quidem ordinariis duo teſtes omni excep- tione majores ex jure Divino, in variis Scripturæ locis promulgato, & ex multis legibus humanis, requiruntur, & ſufficiunt. Frequenter tamen plures neceſſarii ſunt, ſeu probationes majores : aliquando ſufficiunt pauciores probationes, pro rerum, & perſonarum con- ditione, prout crimina, de quibus eſt quaſtio, clam, aut palam ſolent perpetrari; prout pœna gravior, aut levior infligenda eſt, ac pro cæteris circumſtantiis. Quocirca id ſequendum eſt quod

præ

præscribunt leges , & consuetudines , aut Iudicis arbitrio standum , ubi res à legibus ei permissa est , aut ubi iudex supremus est , cujus sententia legis vim habet , quoties juri Divino aut naturali aperte non repugnat.

9. Dubitatur autem , utrum , si pœna pro vero , seu non comperto crimine imponeretur , valeret sententia. Eam certè rescindendam esse probat idem Joannes Monachus loco jam citato , plurimis , gravissimisque rationibus : unde necessariò consequitur abstinendum esse à ferendis huiusmodi judiciis. Reus non tam sui , quàm aliorum causâ punitur à Iudice , ut scilicet similis pœnæ timore à malo retrahantur. Si autem crimen confessione ; aut alia juris ratione ad publicam lucem deductum non fuerit , non magis malis , quàm bonis terror incuritur , nec potius culpæ Reorum , quàm iniustitiæ Iudicum pœna adscribitur. *Evidentia patrati sceleris non indiget clamore Accusatoris* , ut habet Glossa in cap. 4. Genes. vers. 10. Indiget tamen examine , ut patet in cap. 18. Genes. ubi Deus cum de peccato Sodomorum & Gomorthæ dixisset , *Clamor Sodomorum , & Gomorthæ multiplicatus est , & peccatum eorum aggravatum est nimis ; subiungit nihilominus ; Descendam , & videbo utrum clamorem , qui venit ad me , opere compleverint , an non est ita , ut sciam.* Ubi Glossa ; *Ut à præcipitatione iudicii compesceret , mala Sodoma prius voluit probare , quam judicare.*

10. Cæterum Superiorum sententia , etiam iniusta , præsertim si iniustitia circa modum dumtaxat versetur , contemni non debet , ne contemptus dignum reddat pœnâ , quæ fortè iniuste fuerat inflicta. Quo circa patienter monet S. Gregorius homil. 26. in Evang. *Pastor ergo vel absolvere indiscretè timeat , vel ligare. Is autem , qui sub manu Pastoris est , ligari timeat , vel iniuste , nec Pastoris sui iudicium temere reprehendat : ne , etsi iniuste ligatus est , ex ipsa cum idate reprehensionis superbia , culpa , qua non erat , fiat ,*

CAPUT IX.

Discrimina inter potestatem summi Pontificis erga fideles totius Ecclesie, & potestatem Archiepiscopi erga subditos suorum suffraganeorum.

1. **C**Lariùs elucescet summi Pontificis autoritas erga fideles omnes, si cum eà conferatur, quam Archiepiscopi in suffraganeorum suorum subditos obtinent, idemque de Patriarchis, ac Primatibus erga fideles sibi non nisi mediatè suppositos intelligendum est.

2. Primum, ac præcipuum discrimen, & à quo cætera ferè omnia suboriuntur, in eo positum est; quod potestas summi Pontificis ex omnium Catholicorum consensu à Deo immediatè profecta est. Archiepiscopo verò ab Ecclesia collata est jurisdictio. Id luculenter tradit S. Thomas Opus. contra impugn. Relig. cujus verba alibi retulimus, & mox repetemus.

3. Secundum discrimen ex primo resultat. Si enim summus Pontifex à Deo suam accepit auctoritatem, ab Ecclesia vel tolli, vel minui nequaquam potest, quod summi Pontifices protestati, & Doctores confessi sæpissimè sunt. At verò Ecclesia potestatem, quam Archiepiscopo contulit, modò auxit, modò minuit. Quocirca S. Thomas loco jam citato jurisdictionem non solum summi Pontificis in omnes fideles, sed etiam Episcopi in Sacerdotes suæ Diocesis, jurisdictioni Archiepiscopi in subditos suorum suffraganeorum anteponebat; Episcopus subditur Archiepiscopo solum ex ordinatione Ecclesie, & ideo in quibus Ecclesia statuit Episcopum Archiepiscopo subiectum, in illis tantum subiectus est ei. Sacerdos autem, qui ex jure Divino Episcopo subditur, in omnibus est ei subiectus, sicut etiam Papa habet immediatam jurisdictionem in omnes Christianos, quia Ecclesia Romana multis Synodicis constitutis cæteris Ecclesiis prelatæ est, sed Evangelica voce Domini, & salvatoris nostri Præmum obtinuit.

4. Tertium discrimen ex secundo nascitur. Quia enim Ecclesia Episcopis Archiepiscopos præfecit, non autem eorum subditis, nisi in casu appellationis, & paucissimis aliis; summo verò Pontifici Christus omnes

omnes suas oves commisit, quo nomine censentur non solum Prælati, sed etiam eorum subditi: Archiepiscopus jurisdictionem tantum mediatam habet in suorum suffraganeorum Diocesanos; summus autem Pontifex immediatam in omnes Christianos. Quod discrimen in variis Juris Canonici locis notatur, ut Can. quamvis dist. 21. cap. Romani de appellat. in 6. &c.

5. Quarto ex illa immediata summi Pontificis in omnes fideles jurisdictione oritur; quod confessiones eorum per se, vel per suos Pœnitentia-rios excipere possit, ut supra probavimus, quod Archiepiscopo pro cursu tantum visitationis concessum est: *Archiepiscopus* (Inquit S. Thomas quodlib. 12. art. 10.) *quia non habet immediatam jurisdictionem in omnes sui Archiepiscopatus, nisi ex appellatione, non posset alicui dare licentiam vel auctoritatem audiendi confessiones contra voluntatem Episcopi, & Diocesani suffraganei.*

6. Quinto in causis ad forum contentiosum spectantibus Archiepiscopus ex officio procedere non potest, nec etiam ad querelam unius partis, ut declarat cap. *Venerabilibus* de sentent. excommun. quod potest summus Pontifex, ubi necessitas postulat.

7. Sexto differt potestas summi Pontificis ab Archiepiscopali: quod summi Pontificis auctoritas Successoribus S. Petri inherereat, nec ad alios transferri queat. At verò dignitas Metropolitica modò uni Sedi, modò alteri, modò etiam, nullà Sedis habitàtione, antiquiori Episcopo delata est, vel à Conciliis, vel ab usu, vel à summis Pontificibus quod tùm reliquarum Ecclesiarum, tùm Africanarum, historiarum restantur. Sed & in ipsa Gallia non defuerunt exempla tum collatæ, tum ablatæ Metropolitice dignitatis. Notissimum est S. Leonis factum, qui Hilarii Archiepiscopi Arelaten- sis erga sanctam Sedem contemptum multavit, demptâ illi Ecclesiæ Metropolitanâ jurisdictione, ac Ecclesiæ Viennensi concessâ; Quamquam restituta sunt postmodum Arelaten- si quædam suffraganeæ.

8. Septimo limitata est Metropolitanorum jurisdictio non solum ad certa loca, certosque articulos, sed etiam ad certum procedendi modum. At summus Pontifex solius justitiæ ac rectæ rationis limitibus

stringi-

stringitur. Licet enim, ut sæpè notavimus, non æquale semper fuerit Pontificiæ potestatis exercitium, amplissima tamen semper illa potestas extitit.

CAPUT X.

De auctoritate summi Pontificis in bona Ecclesiastica.

I. **B**ona Ecclesiastica, siue in ordine ad Deum spectentur, qui sibi frugum terræ partem reservavit in signum supremi, quod in omnia obtinet, domini; siue in ordine ad fideles, qui eorum, quæ à Divina bonitate acceperant, partem reddiderunt, siue in se ipsis, ad absolutum summi Pontificis dominium non pertinent, multò minùs aliorum Prælatorum, aut Beneficiariorum. Qui contrariam doctrinam tradunt, præterquam quod Sacrorum Canonum statutis, & sanctorum Patrum sententiæ adversantur, maximam Ecclesiæ perniciem afferunt, Beneficiariis occasionem præbentes, redditus Ecclesiasticos ad extollendas proprias familias, ditandos parentes, vel Aulicos, magnifica Palatia construenda, convertendi, eosque siue testamentis, siue donatione, aut aliâ dispositione distrahendi; quæ res ad dantium conscientiam gravissimè fauciat; & accipientium sæpè fortunæ, Deo ita justè permittente, sæpius salutis animæ plurimum obest.

2. Si bona illa quemadmodum docet Concilium Tridentinum sess. 24. de reform. cap. 1. post Canonem Apostolicum 39. *Dei bona sunt*; non debent, ut tradit idem Concilium, Episcopi, arque adeo nec primus Episcoporum, qui cæteris debet esse norma, ea ut propria tractare, sed ut sibi commendata, in eius, ad quem pertinent, cultum expendere; quodque ipsi ex his sibi vendicant, in suam, tanquam in Dei hominum sustentationem expendenda percipere. Sunt enim ipsi homines Dei, ut docet Apostolus 1 ad Timoth. 6. 11.

3. Fideles bona Ecclesiæ offerentes, etsi Ministris Christi, ut eius obsequio commodius vasare possent, necessaria vitæ sub-

subsidia suppetere voluerint, nunquam tamen illis, aut illorum parentibus, vel consanguineis ditandis, aut aliis expensis inutilibus, sua bona destinaverunt. Quocirca pleraque donationum instrumenta perhibent dari, & offerri bona illa sancto Petro, sancto Paulo, vel aliis Sanctis; non autem ipsorum Ministris, quibus ea ut Oeconomis tantum, & Dispensatoribus commendantur, concessis tantum ad sustentationem necessariis.

4. Quando primi Christiani pretia divendorum prædiorum ad pedes Apostolorum perferebant; an vel ipsis fidelibus, vel Apostolis, vel alii cuiquam postea venit in mentem, Apostolos esse pecuniarum illarum Dominos, & posse in alios usus infundi, quam in alimoniam pauperum, vel in alia opera pia? An putavit quisquam potuisse S. Petrum, aut alios Apostolos his opibus augere familiam? An B. Petrus id grande piaculum non duxisset? An non autem iisdem legibus tenebantur Apostolorum successores, quibus ipsimet Apostoli? An majori pollent auctoritate in Ecclesiam, vel in ejus bona, illi, qui hodie præsunt, quam qui à proprio Christi ore regimen acceperunt.

5. S. Thomas 2. 2. quæst. 100. art. 1. ad 7. expressè docet penes summum Pontificem directionem esse bonorum Ecclesiasticorum, non autem dominium. *Quamvis enim, inquit, res Ecclesie sint ejus (summi Pontificis) ut principalis dispensatoris; non tamen sunt ejus, ut Domini, & possessoris.* Quem locum sic commentatus est Cardinalis Cajetanus; *Nota quod cum potestas Papa quoad res temporales Ecclesie non sit potestas Domini, sed DISPENSATORIS, consequens est, ut plenitudo potestatis Papalis circa bona Ecclesie temporalia non exeat limites potestatis DISPENSATIVÆ, &c.* Et inferiùs; *Ex eodem quoque fundamento, scilicet quod Papa non est Dominus, sed DISPENSATOR, sequitur, quod de plenitudine potestatis non possit ad libitum dare bona Ecclesie, cui voluerit, aut consanguineis, &c.* Sed teneatur FIDELITER DISPENSARE, ut rectoratio suadet, juxta illud; *Hic jam queritur inter Dispensatores, ut fidelis quis inveniatur. Et rursus: Fidelis servus, & prudens, quem constituit Dominus super familiam, ut det illis in tempore tritici mensuram, & non ad libitum, quantum volet.*

6. Longissimè inter se distant bona sacra, & prophana, licet utrorumque solam dispensationem hominibus conceditam doceant

sancti Patres. Ista in omnes usus non prohibitos expendi possunt, quantum est ex ipsorum conditione; Quod addo, quia ex hominis affectu in eo sepius peccatur: sacra verò nisi in operibus verè piis, & sanctis insumere nefas est. Hoc nomen ipsum manifestè significat; sanctum enim, aut sacrum idem est, quod ab omni usu prophano semotum, & cultui Divino mancipatum, sive immediatè, ut vasa sacra, quibus ad peragendam rem Divinam utimur, sive mediatè, ut decimæ, & alia, quibus Tempia facta tecta, & ornata conservantur, Altaris Ministri aluntur, aliæque opera pia perficiuntur.

7. Licet autem Papa non sit absolutus bonorum omnium Ecclesiasticorum Dominus; tamen quæ rationes à jure naturali, & positivo, Divino, & humano ductæ probant eum, qui Altari servit, de Altari vivere debere, eadem etiam demonstrant Romanum Pontificem, cum omnium Ecclesiarum sit Primas, cum teneatur, ut illarum Pastores officio fungantur, invigilare, delinquentes corrigere, atque, si peccatum exigat, plectere, illorum jura tueri, aliæque probi Patris, & Pastoris officia exhibere, posse de redditibus Ecclesiarum omnium ea capere, quibus ad congruam suam, Officialiumque sibi collaborantium sustentationem indiget.

8. Itaque, quamvis certa sint Ecclesiæ Romanæ, sicut & reliquis aliis, bona destinata; si tamen illa non sufficiant, licebit, quæ deerunt, & ex aliis Ecclesiis conquirere. Ut enim multiplicem personam sustinet Pontifex, ita multiplices sumptus facit; & unius quidem fortasse Diœceseos necessitatibus providenti sufficerent fructus inde percepti; at non totum Christi gregem pascendi, atque regenti. Si ergò Reges consumptis domanii, ut vocant, redditibus, qui propriis & Regni expensis erant destinati, sine injuria possunt exigere subsidia, ad bella pro Regni tuitione, aut securitate suscipienda, vel sustinenda, aliæque gerenda negotia, publico bono uti: Quidni poterit Summus Pontifex iis, quæ à speciali Diœcesi percipit, ad ipsiusmet Diœceseos bonum expensis, ab omnibus aliis Ecclesiis, quibus prospicere tenetur, necessaria subsidia sibi assumere. *Quarta potestas*, inquit Cancellarius Parisiensis lib. de vita spirit. anim. lect. 3. *Naturaliter Papa con-*

veniens habet, & requirit, ut tanquam SUPPERIOR, & TYTOR, atque Conservator honoretur, & juvetur ab omnibus.

9. Concilium Basileense, quod in id maximè incubuisse videtur, ut Summi Pontificis jura quàm angustos posset in fines arctare, cùm Annatarum usum abolendum decerneret, hoc tamen temperamento Decretorum lenivit; *pro oneribus autem, quæ ipsum (Romanum Pontificem) pro regimine universalis Ecclesiæ subire oportet, proque sustentatione sanctæ Romanæ Ecclesiæ Cardinalium, & aliorum necessariorum Officialium hoc sacrum Concilium, ante sui dissolutionem omninò debet, & congruenter providebit. Quod si contingat aliquam circa hoc provisionem non facere, per hoc eadem sancta Synodus, non intendit in aliquo modo præjudicare sanctæ Romanæ, & universalis Ecclesiæ.* Datum Basilea in Majori Ecclesiæ in sessione publica celebrata anno Domini 1433. 30. Julii.

10. Itaque Clerus Gallicanus, qui tam alacriter, tamque liberaliter Regi suo, tum singulis annis certa rataque, tum quinto quoque anno nova & extraordinaria subsidia confert, quibus Regnum ab hæresi liberet, aut tueatur, iniquus esset, si Summo Pontifici, qui totius Ecclesiæ curam ex divino mandato gerit, ea sine injuriâ denegari posse arbitretur, quibus ad rectum, & felix totius Christianitatis regimen indiget. Quæ injustitia clariùs apparet, si Summo Pontifici non tam pro sua, suorumque sustentatione, quàm pro totius Ecclesiæ adversus Infideles defensione auxilium postulanti non obtemperaretur; qua de re agemus capite sequenti.

11. Nec justa esset excusatio, si objicerentur nonnulli abusus, qui fortè olim in exigendis hujusmodi subsidiis intrepserunt, ut optimè notavit Joannes Gerlsonius, *sex considerationes super statu Summi Pontificis, & Dominorum sanctæ Ecclesiæ Cardinalium* ponens. Statutus enim in duabus primis considerationibus dignitate atque auctoritate illius status; nec non jure capiendæ sustentationis, considerationem tertiam hanc addit; *status prædictus non ideo perdit juræ sibi convenientia, quæ posuit proposito duplex præcedens si fortè fuerint abusus aliqui personales, olim vel nunc inventi. Alioquin sic argueretur adversus omnem statum, nedum Ecclesiasticum, sed temporalem; quod dissipandus est, deserendus, & perdendus; quoniam in multis offendimus omnes.* Gerlsoni. 1. col. 188.

CAPUT XI.

*De potestate summi Pontificis in exigendis pro Ecclesia
contra Infideles defensione subsidii.*

1. **D**ocet nos B. Paulus, & post illum unanimi consensu sancti Patres, ac Doctores Catholici, Ecclesiam corpus esse: *Ipsum* (Christum) *dedit caput supra omnem Ecclesiam, quæ est corpus ipsius*, inquit Apostolus Ephes. 1. *unum corpus & unus spiritus*. Ephes. 4. *Adimpleo ea quæ desunt passionum Christi in carne mea pro corpore ejus, quod est Ecclesia*. Col. 1. v. 24. Illius corporis membra sunt omnes fideles; *Sicut enim corpus unum est, & membra habet multa, omnia autem membra corporis cum sint multa, unum tamen corpus sunt: ita & Christus*. 1. Corint. 12. v. 12. *Vos autem estis corpus Christi & membra de membro*. Ibid. v. 27.

2. Quæ autem sint membrorum inter se affectiones, & officia explicat Apostolus 1. Corint. 12. v. 25. & 26. his verbis: *Idipsum pro invicem solliciti sint membra. Et si quid patitur unum membrum compatiuntur omnia membra: sive gloriatur unum membrum, congaudent omnia membra*. Quemadmodum igitur in corpore naturali sola membra rescissa, vel arida cæterorum dolore non afficiuntur; ita in mystico Ecclesie corpore, qui singularum Ecclesiarum infortuniis, ac persecutionibus non moventur, se viva mystici corporis Christi membra non esse declarant.

3. Cæterum mutua illa membrorum sollicitudo non in sola sistit passionum communione, sed ulterius in præstanda opera & auxilio, ut imminens, aut jam vexans malum propulsetur. Læsâ manu accurrunt oculi, ut vulnus intueantur, pedes ad remedium properant, lingua illud postulat, altera manus admovet, singula denique membra propria officia obeunt, ad unius partis offensæ solatium. Non ergo Christianæ charitatis præcepto faciunt satis, qui afflictis condolent nec opem ferunt. Cum Christiani Jerosolymitani magnâ laborarent, egestate, tantum cum affectu illis cæteri succurrerunt, ut effusam idololatriæ liberalitatem moderati ferè opus fuerit; *Quia secundum virtutem, & supra virtutem voluntarii fuerunt*.

2. Corint. 8. v. 3. Itaque modum hunc præscripsit Apostolus, *non ut aliis sit remissio, vobis autem tribulatio; sed ex aequalitate. In presenti tempore vestra abundantia illorum inopiam suppleat: ut & illorum abundantia vestra inopia sit supplementum, ut sit aequalitas.* Ibid. v. 13. & 14.

4. Cùm Saladinus Babylonix Rex Saracenus terram Sanctam in festaret, ac Hierosolimam cepisset, Philippus Secundus Rex Franciæ, Henricus II. Rex Angliæ, cùm antea inimici essent. Guilhelmo Archiepiscopo Tyri prædicante, & Domino per gratiam, & per signum miraculosum cooperante, facti sunt amici, susceptâque de manu illius Archiepiscopi Cruce, statuerunt ut omnes (exceptis illis, qui ipsam peregrinationem susciperent) ad impensas expeditionis decimam reddituum & mobilium suorum persolverent. Hoc autem, ut notant Rigordus in vita Philippi, & Rogerius de Hoveden in vita Henrici, factum est consentientibus Episcopis, & Baronibus.

5. Porro si fideles, etiam laici bonorum propriorum partem in pium illud opus erogarunt, quantò æquius est, ut Ecclesiæ bona, quæ idèò sacra dicuntur, quod divinis usibus sint destinata, in rem ad Dei gloriam, & animarum salutem tantopere conducentem impendantur? Si laici fratrum suorum calamitates tenentur sublevare, quantò magis Pastores, & in Christo parentes? Si etiam adhibita excommunicationis sententiâ, ut testatur Rogerius, & innuit Rigordus, renitentes laicos ad solvendam Decimam de rebus & mobilibus profanis indictam adegerunt: Nonne turpe esset si ipsi de bonis sacris, quorum sunt tantùm dispensatores, opem in fidei, libertatis, ac vitæ periculo constitutis ultrò non offerrent?

6. Prævit illis nuper ipsorum caput: quis enim obsesâ à Turcis Viennâ toti ferè Ecclesiæ non metuebat exitium? Quis Othomaniæ potentie in Germaniam, Italiam, ac remotiores deinde Provincias irrumpenti obstitisset, Christianis Principibus inter se concertantibus, nisi providentia Summi Pontificis in se ipsum avari, & in Ecclesiam liberalissimi, suis consiliis, vigiliis, ac curis assiduis, effusam thesauri sui largitionem adjunxisset, quo Principes, ad communem Christiani nominis hostem repellendum armatos, juvaret; ac, cùm proptiis ipsam manibus pugnare non deceret, effusis pecuniis vinceret? Magnum quid præstare sibi videbatur Innocentius III. in

Concilio Lateranensi triginta millia librarum ad expeditionem in terram sanctam offerens. Sed quam exiguum donum, si conferatur cum magna illa vi auri & argenti, quam Innocentius XI. in Germaniam & Poloniam misit? An exemplum adeò insigne reliquorum Episcoporum, & inferioris ordinis Clericorum animos ad promovendos Christianorum Principum conatus non accendit? Cæteri Pontifices præceptis, atque censuris egerunt: Innocentius XI. exemplo invitavit. Sed si qui præeuntem non sequerentur, an de jubente, vel etiam cogente iustè conquererentur?

7. Spontanea, inquires, debet esse obligatio. Is sanè quidem modus pietati Christianæ congruentior est. Verùm posse urgente necessitate reluctantes, saltem clericos cogi, docent plurimorum Decreta Conciliorum: solo præcepto usum est Lateranense quartum. At Lugdunense primum censuram adjecit; *Sciantq; se omnes ad hoc fideliter observandum per excommunicationis sententiam obligatos, ita quod illi, qui super hoc fraudem scienter commiserint, sententiam excommunicationis incurrant.*

8. Sed ne quis hanc potestatem solis Conciliis competere obtemperat, suadet ratio, ac praxis confirmat, eam etiam penes Summum Pontificem existere. Est ille paterfamilias, ad quem spectat curatio totius domus, Pastor universi gregis, & caput visibile universæ Ecclesiæ, ad cujus proinde officium & auctoritatem spectat sollicitudo de universis domesticis Dei, de singulis Christi ovibus, de cunctis mystici ejus corporis membris.

9. Sanè ita hodie refrixit charitas, totq; congregandis Conciliis obstant impedimenta, ut peritura esset maxima Christianitatis pars, si eà tantum ratione auxilium esset expectandum. De sapientissimo igitur Ecclesiæ institutore certò credendum est, ipsum Vicario suo, cum ei sponfam suam commisit, facultatem quoque largitum esse cuncta peragendi, quæ ad securam ejus custodiam, ac defensionem, essent necessaria.

10. Plurima sunt Pontificum hac facultate utentium exempla; Clemens IV. è Gallia oriundus; pietate atq; integritate maximè conspicuus, an. 1267, Decimam omnium reddituum Ecclesiasticorum S. Ludovico Francorum Regi ad expeditionem in terram Sanctam sese

sele accingenti ad triennium concessit; cumque Capitula Ecclesiarum Cathedralium onus detrectarent, ea graviter increpuit, & excommunicationis, Beneficiorumque privationis interminatione in ordinem redegit. Vide Raynaldum ad an. 1267. num. 53. & seqq. Urbanus IV. etiam natione Gallus antea; ut videre est apud eundem ad an. 1256. num. 13. non Capitula solum (ne quis suspicetur secundi tantum ordinis Clericos cogi solitos) Archipræsules Reimensem, Senonensem, & Bituricensem renitentes compulerat. Alia passim in eodem Raynaldi volumine legi possunt exempla, ex ipsorummet Pontificum litteris ab eo citatis educta.

11. Sed ea est hujusmodi subsidiorum, dum necessaria sunt, jussitia, ut qui se morosos in eis præstandis exhibuerunt, non tam auctoritatis ad ea exigenda defectum in Summo Pontifice, quam abusus quosdam, aut nimiam in exigendo severitatem causati sint. Verum, præterquam quod longè abessent hodie omnium illarum excusationum colores, cum Innocentius XI. suos thesauros exhaurire malit, quam extra Italiam Decimas imponere, & reliquos Episcopos exemplo allicere, quam præcepto urgere; non continuò neganda esset Papæ potestas, ut superiori capite cum Gersonio notavimus, etiam si ejus usui nonnulli olim abusus admixti fuissent.

12. Unum dumtaxat video superfluum Clero Gallicano, & aliis prætextum, si res eò perducerentur, ut Pontifex consumptis suis redditibus, non posset Christianarum aliquarum Provinciarum adversus Infidelium impetus securitati consulere, nisi exacto ab aliis Provinciis subsidio, nimirum non jam de recuperanda terra Sancta, sed de tuendo, vel restituendo Principum sæcularium dominio agi. Quasi verò solius Palestinae causâ olim petita sunt Decimæ, ac non unicuique sit Ecclesiæ corpus; aut ideò deferendi sint Christiani in fidei periculo constituti; quia si eis manus porrigatur, non nihil utilitatis illinc in Principes Christianos derivabitur. Nihilne Reges Franciæ perceperunt emolumenti ex compressis in partibus Tholosanis Albigenensibus, quâ occasione Honorius III. Philippo Augusto partem etiam pecuniarum subsidio terræ Sanctæ destinatarum concesserat, ut videmus in ejus epistola, in append. 2. Tom 5. Duchesne relatâ sub num 10.

13. Martinum IV. natione Gallum Philippo III. Francorum Re-
gi Decimas ad triennium concessisse, ut bellum gereret contra Pe-
trum Aragoniæ Regem, Siciliæ invasorem, testantur ejus litteræ ad
Joannem Legatum datæ, ut Præsules ad solvendas Decimas cogeret,
& citatæ ab Oderico Raynaldo ad an. 1283. num. 35. nec dubitavit
pius ille Pontifex, ut ostendunt litteræ ab eodem Historico citatæ
ibid. num. 41. exactas à Clero pro instaurandis Syriæ rebus Decimas,
olim decretas in Concilio Lugdunensi, ad defendendam Siciliam de-
rivare. Narrat idem Scriptor, & citatis ejusdem Pontificis libris pro-
bat num. 10. ipsum non solum à Gallis, sed ab aliis quoque Præsuli-
bus opes in id conferri voluisse. Siculos similiter, tum Provinciæ,
atque Arelatensis Archiepiscopatus Præsules Decimas Regi Carolo,
ut hostem Regno ejiceret, solveret; atque ad id à Legato adigi præce-
pisse. Hæc autem ab eo perperam gesta non fuisse suadent virtutes &
miracula, quibus claruisse fertur apud historicos. Honorius ejus Suc-
cessor, quas ille Decimas Philippo III. jam pro Aragonia armis com-
paranda attribuerat, Philippo IV. ad quadriennium permisit, ut nar-
rat Raynaldus ad an. 1286. num. 28, sed de his hæcenus, quæ in præ-
xiu redigere, utinam nunquam opus sit.

CAPUT XII.

De jure summi Pontificis circa Beneficia.

1. Nulla in re laudabilior foret Gallorum pro defensione li-
bertatum Ecclesiæ Gallicanæ zelus, quàm si antiquorum
Canonum observantiam, circa Beneficiorum dispositio-
nem factam testam servarent, nec Summum Pontificem cogerent
suâ supra Concilia, & eorum Canones, autoritate uti.

2. Resisterunt quidem Galli dispensationi super regula,
quæ regularia Beneficia regularibus personis conferri præcipit,
quando summi Pontifices beneficia Galliæ Italici, aut alte-
rius Nationis viris, de Ecclesia benemeritis distribuabant. At
ubi ex Caroli VII. Francorum Regis Edicto anno 1431,
date

dato nonnisi indigenis, (intellige sine Regis licentiâ) ea largiti licuit, Commendarum usus infavorem sæcularium adeò invaluit, ut quamvis antiqua Canonica disciplina Concordatis confirmata fuerit tit. de Regia ad Prælaturas nominatione facienda §. volumus, Philippus Probus in addit. ad gloss. Pragmat. Sanction. tit. de collat. §. cui rei num. 17. in hunc modum conqueratur; *Hodie tamen fit contrarium, adeo quod in Gallia vix posset reperiri decimus Abbatum numerus professionis Regularis. Unde non immerito videmus omnes pene Domos Regulares ad nihilum in vita, & moribus prout & rebus reduci, & caducitatem amplecti, Monachosque Mendicantium Ordinum fieri, & extra septa Monastica potius eos languescere quam vivere. QVÆ SIT HORVM OCCASIO, VEL CAUSA, DICITVR EX EO QVOD COMMENDATARIIS APERTA EST SUPERIORVM PORTA, QVIBVS HIS, ET ALIIS DE CAUSIS POTERIT CLAVDI IANVA COELI Qui abusus ex eo tempore magis ac magis excrevit.*

3. Eaque fuit una ex causis cur Concilium Tridentinum à Curia Franciæ non fuerit receptum. Primam enim recusationis rationem eam attulerunt Regina, & Magnus Cancellarius Nuncio, Concilii receptionem urgenti. Quod Concilium Tridentinum vetaret Be-
 „ neficia regularia in Commendam tradere, cum Rex huiusmodi
 „ Commendis multos Primates viros sibi devinceret, quorum auxi-
 „ lio difficillimis illis temporibus indigebat. Pallavicinus hist. Con-
 cilio Trid. lib. 24. cap. 11. num. 4.

4. Adeò non servantur in Gallia Canon. 15. Synodi Nicænæ, 21. Antiochenæ, & 1. Chalcedonenfis, ut in nulla Christiani Orbis parte frequentius violentur, cum innumera fiant Episcoporum translationes. Unde plurimorum in illa Ecclesia malorum seminarium existit. Non enim tanto affectu Ecclesiæ, quam quis semel gubernandam suscepit, adhæret: non tam sedulò invigilat; non tam facillè permanens opera aggreditur: libentius in Aulæ studia, quam in tuenda Ecclesiæ suæ jura propendet, qui Aulæ beneficio ad pinguem se conscendere posse confidit: Hoc ut assequatur non solum Magnatibus blanditur, sed obsequitur, etiam cum Ecclesiastici juris, & libertatis jacturâ: Anibitione tenetur: Hinc avaritiâ, illinc prodigalitate peccat: Ac demum futuri, non animarum, sed honoris, & divitiarum lucri expectatio ita tempus, & cogitationem abripit,

ut obeundis suscepti regiminis officiis nihil reliquum sit; Et proprium gregem non perpetui Pastoris animo curet, sed temporanei mercenarii more exugere festinet.

5. Quot excidissent in Gallia è proprio gradu tùm Episcoporum tum inferioris Ordinis Clerici, si Beneficiorum pluralitas eâ pœna multaretur, quam indixit Canon. 10. Concilii Chalcedonensis. Quæ regula si valeret, & vigeret, non tanta plerosque ambitio, vel avaritia inflecteret ad Anlicorum officia, aliorumque, quorum ope Beneficia Beneficiis accumulaturos se esse sperent. Non tantus esset Ecclesiasticarum rationum neglectus.

6. Præcipua Ecclesiæ Gallicanæ libertatum pars olim in eo posita est, ne Romanus Pontifex Beneficiorum dispositionem sibi assumeret. Verùm tùm cùm de illa dispositione Galli acerbè conquererentur, Concilium ipsum Basileense jus illud summi Pontificis agnovit, ei aliquorum Beneficiorum dispositionem reservans sess. 31. Decreto de collatione Beneficiorum, ubi sic legitur; *Non tamen intendis prohibere hac sancta Synodus hoc presenti Decreto, quo minus futuri Romani Pontifices tempore Pontificatus sui modo honesto, & convenienti de uno Beneficio ad collationem, in qua fuerint decem Beneficia, & de duobus, ubi fuerint quinquaginta, & ultra disponant,...* NEQUE ETIAM COLLATIONES PER PRÆVENTIONEM FIENDAS INTENDIT IMPEDIRE.

7. Quin etiam Universitas studii Parisiensis, quæ tantoperè Curiam Romanam à conferendis Beneficiis arcere contendebat; tamen Romani Pontificis circa illa potestatem sæpè imploravit, nedum agnovit. Hic unuserat ex articulis Martino V. Eugenii Decessoris portectis; Item cum nonnulli Doctores, & Magistri infra scripti à Sanctitate vestra gratias expectativas obtinuerint in primo & principali Rotulo dict. Universitatis per Sanctitatem vestram sub data 4. Kal. Febr. An. primo signato, quibus vigore earundem gratiarum de Beneficiis Ecclesiasticis minime provisum extitit, dignetur Sanctitas vestra EISDEM CONCEDERE, quod dictis gratiis uti, & gaudere valeant unâ cum gratiis in presenti Rotulo per Sanctitatem vestram ut speramus, faciendis: salvis tamen per integrè articulis superius expressis. Cui articulo Papa respondit; FIAT PRO OMNIBUS, ET QUIBUS NON EST PROVIDUM,.... Datum Roma an. 1424. 25. Maij; Pontificatus præfati Domini

ni nostri Papa (Martini) anno septimo. Refertur in historia Universitatis Parisiensis tom. 5. circa prædictum annum 1424. Extant alia multa exempla similia apud eundem Autorem.

8. Verùm cùm Concordata inter Leonem X. Papam, & Franciscum I. Franciæ Regem inita, ususque subsecutus contentionebus hac de re nasci solitis imposuisse finem videantur, non est diutius immorandum, sed expectandum, donec Deus eos, quibus Beneficiorum provisio incumbit, ad revocandam omni ex parte antiquam Canonice disciplinam circa rectam illorum dispositionem moveat.

9. Si omnes Collatores, aut Patroni præ oculis semper haberent, quàm stricta sit obligatio ea dignioribus conferendi, non autem indignis, vel etiam minùs dignis propinquis, aut à quibus aliquod receptum est, vel recipiendum speratur officium, quamque terribile futurum sit supremi Patris familias iudicium adversus eos, qui in constituendis in ejus domo Ministris & Officialibus, propria commoda, privatosque affectus magis attenderint, quàm ipsius gloriam, & cultus decorem, aut animarum salutem certè magis metuerent, ne non satis dignos, aptosque servos Domino suo eligerent, quàm gloriarentur de jure illo, aut illud indebitè sibi vindicare contenderent.

10. Cæterùm non est cur Galli Doctores Italicos accusent, quasi nimium extulerint Romani Pontificis circa dispensationem Beneficiorum potestatem, cùm Doctores Galliæ non minùs latè illam explicuerint. Petrus Rebuffus in Concordatis tit. de Mandatis Apostol. §. Et ut obvietur verb. *gravare*, scripsit. *Papa jure preventionis OMNIA BENEFICIA POTEST CONFERRE, cùm TOTVS MYNDVS sis Diæcesis Papa cap. Cuncta per Mundum. Et cap. Per principalem §. 3. Unde non est mirum si in sua Diæcesi, & sic PER TOTVM MYNDVM conferre possit.*

LIBER SEPTIMUS

De autoritate Summi Pontificis in definiendis Fidei quæstionibus occasione quartæ propositionis, scilicet,

N fidei quoque quæstionibus præcipuas Summi Pontificis esse partes, eiusque Decreta ad omnes, & singulas Ecclesias pertinere, nec tamen irreformabile esse iudicium, nisi Ecclesiæ consensus accesserit.

CAPUT PRIMUM.

Summaria discussio huius propositionis.

1. **P**Ut averam hætenus, libertates Ecclesiæ Gallicanæ nullatenus ad Fidem pertinere, in qua potissimum repositam arbitrabar strictam illam Ecclesiæ Gallicanæ cum Romana conjunctionem, quam ceu hæreditatem ab Atavis acceptam, constanterque semper retentam prædicant illius gentis Scriptores. Verùm cum ad tuendas illas libertates Decreta Summi Pontificis circa disciplinam non valere, nisi acceptata fuerint, jam tradidissent aliqui Auctores Gallicani; nunc Illustrissimi Antistites Decreta circa fidem non esse irreformabilia declarant: Itaque nescio quomodo in posterum Galli poterunt de strictiori cum Romano Pontifice gloriari conjunctione.

2. Etenim Ecclesiasticas leges libertatibus Ecclesiæ Gallicanæ adversari, atque adeò non acceprandas esse, & consequenter non obligare, quoties libebit, causabuntur: Decisiones verò circa fidem incertæ

incertæ manent, quamdiu iudicium de illis prolatum reformabile est. Quod autem incertum est, de fide non est. His autem, quæ de fide non sunt, nemo internum necessariò tenetur præbere assensum; sed potest vel eum suspendere, vel omninò negare, & dissentire, donec irreformabili iudicio res definita fuerit.

3. Frustrà ergò Antistites Gallicani auctoritate Pontificiæ gravissimum vulnus illaturi honorificâ præfatiunculâ ferrum occultant, præcipuas summo Pontifici partes concedentes, ejusq; decetia ad omnes, & singulas Ecclesias protendentes. Nam quæ sunt præcipuæ illæ partes summi Pontificis? Quod primus sententiam suam debeat promere, quemadmodum Africana Concilia professæ sunt in epistola ad Theodorum Papam, quæ lecta est in Concilio Lateranensi sub Martino I. Theodori successore anno 649. his verbis; *Antiquis enim regulis sancitum est, ut quidquid quavis in remotis, vel in longinquo positus ageretur Provinciis, non prius tractandum, vel accipiendum sit, nisi ad NOTITIAM ALMÆ SEDIS VESTRÆ FUISSET DEDUCTVM, & huius auctoritate iusta quæ fuisset pronuntiatio FIRMARETUR.* At quantis ludibus donatus est ab Episcopis anno 1681. Parisiis congregatis liber Joannis Gerbasii de causis maioribus, in quo primum illarum iudicium ad Episcopos, & Concilia Provincialia pertinere contendit.

4. An summi Pontificis prærogativa in eo erit, ut quæ à Conciliis Oecumenicis decreta fuerint, eorum ipse urgeat executionem? Sed hæc cura summi Pontificis dignitatem non tam arguit, quàm tollit, quandoquidem merus Executor constituitur sine facultate interpretandi iudicii, ita saltem, ut illa interpretatio irreformabilis sit, atque ad consensum internum fideles arctet.

5. At privilegium illud sanctæ Sedis ad hoc valebit, *ut eim Decreta ad omnes, & singulas Ecclesias pertineant.* Verùm non ejus sed Conciliorum generalium Decreta id sibi vendicabunt; siquidem penes illa, non penes Papam est auctoritas controversias fidei iudicandi irreformabiliter. Quod enim fortasse aliquis reponat, interim dum expectatur Concilium Oecumenicum, standum esse iudicio Papæ, efficit, ut publicè contradicere nemo debeat (quo ad Politicam quandam externam tantùm referendum est.) non autem, ut ei quisquam interius assentiri teneatur, quandoquidem errori obnoxium est. Sed nec primum quidem illud efficit, saltem si Gerfonio credimus.

6. Gersonius quippe de examinatione doctrinarum par. i. confid. s. docet non solum Concil. Oecumenicum, aut Nationale, vel Provinciale, sed & Doctorem quemlibet posse summo Pontifici obistere, manifestum errorem contra fidem proponenti. *Staret quod aliquis simplex non autorizatus, esset tam excellenter in sacris Litteris eruditus quod plus esset credendum in casu, doctrina sua assertioni, quam Papa declarationi; Constat enim plus esse credendum Evangelio, quam Papa; si doceat igitur talis eruditus veritatem aliquam in Evangelio contineri, ubi & Papa nesciret, vel ultro erraret, patet cuius preferendum sit iudicium, Quæ autem veritas in Evangelio adeò expressa esse potest antequam ab Ecclesia declarata sit, quæ non alicui Doctori, vel etiam pluribus, error manifestus non possit apparere? Quæ ergo poterit autoritate comprimi Doctor ita affectus, interim dum conveniet Concilium, aut quousque consensus Ecclesiæ accesserit, prout requirunt Antistites Gallicani?*

7. Quæ verò ratione dignosci poterit Ecclesiæ consensus, si Provinciæ Christianæ circa illam controversiam inter se dissentiant? An illa vera Ecclesia censebitur, quæ Capiti omnium, Romæ scilicet Pontifici adhærebit? Recurret idem inconveniens, quod scilicet illius iudicium, si non sit irreformabile, possit fideles in errorem pellicere.

8. Verum, ut videas quantum summi Pontificis sententiæ plerique Gallicani Doctores honorem deferant; & utrum ei provisionaliter obtemperent; aut saltem illam silentio venerentur, ad ea, quæ non ita pridem gesta sunt, oculos converte. Exigitur à Catholicis in Anglia degentibus iuramentum, hanc inter alias clausulam continens; *Præterea juro, quod ex corde abhorreo, detestor, & abjuvo tanquam impiam, & hæreticam hanc doctrinam, & propositionem, quod Principes per Papam excommunicati vel deprivati possint per suos subditos, vel alios quoscumque deponi, vel occidi.* Paulus V. in Brevis ad Catholicos Anglos dato 23. Septembris 1606. in quo insertus est prædicti iuramenti tenor, illud his verbis reprobatur; *Quæ cum ita sint, vobis ex verbis ipsis perspicuum esse debet, quid huiusmodi iuramentum salvâ fide Catholicâ & salute animarum vestrarum præstari non possit, cum multa contineat, quæ fidei, & salutis aperte adversantur.*

187. Quia verò nonnulli Breve illud summo Pontifici de rei veritate plenè non instructo subreptum causabantur; *Non ex animæ nostræ sententia, nostraque propria voluntate, sed potius aliorum insinui, & industria*, inquit summus Pontifex, ea de re conquerens in altero Brevi dato 23. Octobris 1607. addidit; *Eapropter ad vos iterum scribere decrevimus. ac denudò vobis significare litteras nostras Apostolicas anno præterito 10. Kalend. Octobris datas de prohibitione juramenti non solum motu proprio, & ex certa nostra scientia, verum etiam post longam, & gravem deliberationem de omnibus, quæ in illis continentur adhibita, fuisse scriptas, & ob id teneri vos illas omnino observare omni interpretatione secus rejecta. Hæc est autem mera, pura, integraque voluntas nostra. &c.* Nihilominus Doctores Parisienses, quos illa Papæ sententia latuisse non potest, sic censuerunt. *Nos infra scripti Sacra Facultatis Parisiensis Doctores Theologi censuimus iurandum, ut in obversa pagina conceptum est, saluâ fide, & intâ conscientiâ à Catholicis Anglicis iurari posse, si modo in propositione, quæ est de depositione, & cade Principum, quæ damnat ut hæretica, verba Deponi, & occidi, coniunctim accipiantur: imò etsi divisim, ita ut tamen propositio hæretica materialiter, id est, verbo Dei contraria finiatur; quatenus posse Principes deponi effert, formaliter vero etiam quatenus & occidi posse superaddit. Deliberatum, datumque Parisiis die 16. Augusti, Anno 1680. subscribere 36. Doctores die 19. Augusti. 1680.*

9. Sed consideremus utrum declaratio Illustrissimorum Præsulum Gallicanorum cum Scriptura sacra consentiat, aut factis Canonibus, & Patrum traditione, quæ sunt fundamenta libertatum Ecclesiæ Gallicanæ, miratur; An non potius verum sit, quod aliqui scripserunt, eam sententiam nonnisi post schisma tempore Concilii Constantiensis in lucem editam; antea verò iudicium summi Pontificis tanquam indubitatum habitum fuisse, non propter, aut post Ecclesiæ consensum, sed etiam propter non errandi privilegium B. Petro, & ejus Successoribus à Christo collatum.

10. Porro ipsa propositio, quam hic expendimus, satis declarat non agi de Papæ tanquam privaræ personæ opinionibus; sed de ipsius tanquam summi Pastoris, & Pontificis totam Ecclesiam instruents doctrina.

doctrina; uno verbo de Decretis, quæ ad omnes & singulas Ecclesias pertinent; Idque in fidei quæstionibus.

11. Non disquirimus etiam; An summus Pontifex aliquam fidei quæstionem definiturus egeat consilio, & quo, quave aliâ diligentia uti debeat. Supponimus enim ipsum, ne Deum tentet, mediâ teneri adhibere ad cognoscendam veritatem ordinata. Sed si Divina providentia eum ad finem, id est fidei veritatem certò, tutoque assequendam dirigat, sine dubio ad assumenda media necessaria etiam inducet. In eo igitur sistimus; An Papæ judicium nisi Ecclesiæ consensus accesserit, incertum sit, & reformationi obnoxium concurrentibus quibusvis aliis conditionibus,

CAPUT II.

Probatur autoritate sacre Scripturæ iudicium summi Pontificis circa quæstiones fidei esse irreformabile, seu infallibile,

1. **S**ummum Pontificem esse Caput Ecclesiæ, professi sunt etiam ipsi Episcopi Parisiis anno proximè præterito congregati ad cohibendam Curiam Romanam, ne, ut ipsi metuere videbantur, jurisdictionis Episcopalis jura paulatim invaderet, & infringeret. Et sanè Concilium Constantiense, cui Galli tantum deferunt, inter alios Wicleffi articulos, illum damnavit, qui hanc Papæ dignitatem, autoritatemque abrogabat. Quonam autem fundamento nititur Catholica doctrina, Hæreticorum, & schismaticorum acephaliæ opposita? Ubinam Evangelii de Pontifice Romano sit mentio? cum ne quidem Pontifex Romæ existeret, quando res in Evangelio narratæ gestæ sunt, sufficit (inquies) ut certò sciamus summum Pontificem esse Successorem S Petri, ut inde certò etiam colligamus, illum hujus esse dignitatis, & autoritatis hæredem. Ita est omnino: ad Divinam enim providentiam pertinet, ut quibus idem confert officium, eandem tribuat autoritatem.

2. At-

2. Atqui evidentius in Scripturis (de traditione enim constabit ex sequentibus Capitibus) patet D. Petrum, ut supremum Ecclesiæ Pastorem, privilegium non errandi in fide obtinuisse à Christo, quam Romanos Pontifices fore sancti Petri Successores in cura universarum Christi ovium Cur ergo qui in Romanis Pontificibus istud sancti Petri officium agnoscunt, etiam nihil à fide alienum statuendi prærogativam eis non concedunt? Petrum ut Ecclesiæ Pastorem privilegium non errandi à Christo accepisse, ita est in Evangelio luculenter significatum, ut nihil videatur in eo luculentius. Luc. 22. ait Dominus, *Simon, Simon, Ecce Sathanas expetivit vos ut cribraret sicut triticum: ego autem rogavi pro te, ut non deficiat fides tua, & tu aliquando conversus confirma fratres tuos.* Quo circa patet primò Christum aliquam Petro præ cæteris Apostolis gratiam postulasse. Ad eum enim singulariter dirigitur sermo; *Simon, Simon, Pro te, fides tua, Et tu confirma fratres tuos.* Quodque prælationem Petri specialius indigitat, cum communem omnium Apostolorum circa fidem tentationem commemorasset, reliquis prætermisissis ad Petrum solum sermonem dirigit; *Ecce Sathanas expetivit vos; ego rogavi pro te.* Sed quid dico prætermisissis? Imò eorum expressâ mentione; sed eo fine ut doceat eos à Petro, vel eorum Successores à Successoribus ejus confirmandos in fide, *Et tu aliquando conversus confirma fratres tuos.* Secundò patet hanc gratiam à Christo impetratam Petro, non ut privatæ personæ tantum, sed ut Apostolo, & Apostolorum ipsorum Pastori, *ut non deficiat fides tua, Et tu confirma fratres tuos.* Tertiò conjunctio, & causam indicare videtur, cur Christus pro Petro specialiter rogaverit, fidemque indeficientem exoraverit, scilicet ut alios confirmaret; *non deficiat fides tua; Et tu confirma fratres tuos.* Quod ad officium, atque adeò ad Successores pertinet.

3. Porro quâ ratione alios posset confirmare, qui titubaret ipse? Vel potiùs quomodo posset labantes sustinere, aut lapsos erigere, si ipse non solum per hæresim jam corruisset, sed etiam alios per propositionem hæretici Dogmatis, publicè toti Ecclesiæ factam, ad casum posset impellere? Necessè est, ut firmiter stet, cujus officium est aliorum impedire casum, aut ruinam reparare: Eum, qui dux aliorum

constituitur, oculis valere oportet. Alioquin illorum incolumitas non consulitur, sed utrique ad foveam mittuntur: Præsertim dum non est alius, qui à recto tramite deviantes moneat. Quod addo, ne quis reponat posse fideles à summo Pontifice deceptos ad veritatis viam revocari à Concilio generali. Sicut enim (quod superiori libro notavimus) tribus primis sæculis impossibile fuit Concilium generale congregare, ita totidem, & pluribus posset eadem facultas deesse, his præsertim temporibus.

4. Sed ut ad propositam rationem redeamus, quo Scripturæ loco tam aperte declaratur, Romanum Pontificem esse Beati Petri successorem, & Caput Ecclesiæ, quod de fide esse concedunt etiam Illustrissimi Episcopi Gallicani, quàm eo quod adduximus testimonio constat, Beato Petro ut Ecclesiæ Capiti, & supremo Pastori datam esse fidem indeficientem.

5. Dum Christus Joann. ultimo suas oves Petro pascendas commisit his verbis; *Pasce oves meas*, nonne cum officio, cætera etiam, illi ritè obeundo necessaria, elargitus est; quo in genere videtur fuisse indefectibile in materia fidei iudicium. Cum enim id maximè curare debeat spiritalis Pastor, ut fides incorrupta servetur in grege, quippè quæ radix sit, quâ permanente reviviscere facili cæteræ virtutes possint, quâ sublata, penè omnis sublata sit spes salutis, ac sine fide impossibile sit placere Deo, vel salutem æternam consequi: convenit omnino, ut cui suprema totius gregis dominici cura incumbit, ea dote præditus sit, ut oves ipsius vocem sequentes à venenosis errorum herbis se non inficiendas, sed salubribus veritatis pascuis alendas, & impingandas securissimè confidant.

6. Præterea, ut Ecclesiæ, quæ est columna, & firmamentum veritatis (hanc enim ei dotem tribuit Spiritus Sanctus per B. Paulum 1. Tim. 3.) firmiter stet, necesse est, ut fundamentum, quo nititur, sit in fide firmum, & inconcussum, Petrus autem, ejusque adeo Successor Romanus Pontifex est fundamentum Ecclesiæ, ut ipsemet Christus Petro revelavit; *Et ego dico tibi, quia tu es Petrus, & super hanc Petram ædificabo Ecclesiam meam.* Matth. 16. Debet ergo Romanus Pontifex ut fundamentum Ecclesiæ; id est, quando toti Ecclesiæ fide credenda proponit, in fide ipse firmissimè stare, ne illo de-

ficiente

ficiente totum Ecclesiæ corruat ædificium. Ecquis enim, nisi fortè ab Ecclesia cum modernis Hæreticis extorris, concedere audeat Ecclesiam concidere posse, dicente Christo post verba modò adducta; *Et porta inferi non prævalebunt adversus eam?* Quis sine horrore audiat, vel audit etiam omninò hominem blasphemantem, & confitentem Christum *Viro stulto qui adificavit domum suam super arenam.* Hinc enim sequeretur error hæreticorum; *Et descendit pluvia, & flaverunt venti, & irruerunt in domum illam, & cecidit, & ruinæ ejus magna.* Nonnè potiùs Christus super Petrum ædificans Ecclesiam suam assimilabitur *Viro sapienti, qui adificavit domum suam super Petram. Et descendit pluvia, & venerunt flumina, & flaverunt venti, & irruerunt in domum illam, & non cecidit?* Sed quæ tantæ firmitatis est causa? FUNDATA ENIM ERAT SUPER PETRAM. *Matth. 7.*

7. Certè non sine aliquo mysterio Christus nomen proprium Simonis in nomen Petri, aut petræ commutavit, hoc enim tantum significat vox Græca, & ita Christus ipse interpretatur. Mysterium autem illud indicant verba supra relata; *Tu es Petrus, & super hanc petram adificabo Ecclesiam meam.* Quorsum enim Christus post confessionem suæ Divinitatis à Petro revelante Patre Cœlesti factam, dixisset; *Tu es Petrus*, nisi eo nomine significare voluisset se hanc ei dignitatem pro illius confessionis præmio conferre, ut immortum esset Ecclesiæ fundamentum, sicut explicant verba sequentia; *Et super hanc petram adificabo Ecclesiam meam,*

8. Hæc autem dixit Christus Petro post publicam illam fidei professionem; *Tu es Christus filius Dei vivi*, quam tantoperè laudavit Christus: *Beatus es Simon Barjona, quia caro, & sanguis non revelavit tibi, sed Pater meus, qui in Cœlis est; Et ego dico tibi; Quia tu es Petrus, &c.* quam confessionem solus edidit Petrus, licet interrogati omnes Apostoli fuissent; *Vos autem quem me esse dicitis:* Ut intelligas eum totam Ecclesiam repræsentasse, cujus futurus erat fundamentum.

CAPUT III.

Confirmatur eadem doctrina contra Joannem Launoium.

1. **Q**UOD ex illis Christi ad Petrum, verbis omninò perspicuis, *Rogavi pro te Petre, ut non deficiat fides tua* Luc. 22. necessario non sequatur, in fidei quæstionibus Romani Pontificis iudicium esse irreformabile, non nisi ex duplici capite videtur posse procedere, vel ex eo, quod Christi oratio non fuerit exaudita, vel ex eo, quod idem non deficiendi privilegium ad Petri successores non emanaverit. Utrumque verbis continuò sequentibus excluditur, ut superiori capite insinuavimus. Primum quidem, quia Christus Petro munus imponit confirmandorum in fide fratrum, idque tanquam ex oratione pro eo facta consequens; *Rogavi pro te, & tu confirma fratres tuos*; quasi diceret. Ego indeficientem tibi fidem impetravi; da operam, ne alii deficiant, quibus verbis exauditum se innuit sine dubio. Secundum autem, quia fidem indeficientem Petro, non solius ipsius causâ, sed in bonum gregis ipsi commissi, atque adeò tanquam supremi Ecclesiæ Pastoris privilegium, ad omnes in illo successuros officio transiturum, obtentam fuisse significat hæc copulativa, *&*, quæ collectivæ seu rationalis vim habet: *Idco ego rogavi, ut non deficiat fides tua, ut tu confirmes fratres tuos*; seu; *Ego rogavi pro te, ut non deficiat fides tua*; Tu ergo illo indeficientis fidei munere præditus confirma fratres tuos.

2. Adeò sancto Augustino certum erat exauditam fuisse hanc Christi pro Petro orationem, ut secus dicere, seu blasphemiam haberet; *An audebis*, inquit lib. de corrept. & grat. cap. 8. *dicere, etiam rogante Christo, ne deficeret fides Petri*, DEFECTUAM FUISSE: *si Petrus eam deficere voluisset, hoc est si eam usque in finem perseverare novisset: quasi Petrus aliud ullo modo vellet, quam pro illo Christus rogasset ut vellet, &c.* Et beatus Prosper in epistola ad Rufinum; *Cerrè pro eo rogaverat Dominus, NE DEFICERET FIDES IPSIVS, nec usque frustrà rogaverat, cuius una erat cum eo, quem rogaverat operatio.* Privilegium autem illud B. Petri ad ejus successores Romanos Episcopos transmittendum apertè declarant Concilia, Pontifices, Patres,

Patres, & Doctores in sequentibus capitibus producendi, qui ubi de propositâ Ecclesiâ à Romanis Pontificibus circa fidem doctrinâ meminere, ad S. Petrum eam rerulerunt.

3. Utrumque complexus est Leo IX. in epistola 9. quæ est ad Michaelem Constantinopolitanum Episcopum his verbis; *Ego autem rogavi, &c. Erit ergo quisquam tanta dementia, qui orationem illius, cuius velle est posse, audeat in aliquo vacuum putare? Nonne à Sede Principis Apostolorum, Romanâ videlicet Ecclesiâ, tam per eundem Petrum, quam per suos successores convicta, atque expugnata sunt omnium hæreticorum commenta, & fratrum corda in fide Petri, quæ hæcenus non defecit, neque in finem deficiet, sunt confirmata?*

4. Joannes tamen Launoïus argumentum, quod ex eo Evangelii loco desumitur ad struendum Romani Pontificis in fidei questionibus non errandi privilegium, part. 5. epist. 6. more suo dissolvere conatur, proposito primum Decreto Concilii Tridentini sess. 4. contrā unanimem consensum Patrum Scripturam sacram interpretari verantis, tum constitutis quatuor Patrum, & Tractatorum Ecclesiasticorum in alio sensu locum illum Luc. 22. aliter exponentium, Classibus. Sed primò, utalibi notavimus, si nullum est argumentum, quod à Scripturæ sacræ loco deducitur, si ab aliquo ex Patribus in alio sensu fuerit acceptus: Nihil unquam concludi poterit ex tot illis locis, circa quæ Launoïus varias attulit interpretationes, & specierim ex illo, quem præ manibus habemus, quem quatuor modis expositum probat.

5. Secundò variæ illæ interpretationes, cum inter se contrariæ non sint, nequaquam se destrunt, imò nec alias, quæ addi possunt: ut enim docet S. Thomas quodlibet 7. art. 14. ad quintum: *Auctor principalis Sacra Scriptura est Spiritus sanctus, qui in uno verbo Sacra Scriptura intellexit multò plura, quam per Expositores Sacra Scriptura exponantur, vel discernantur.* Quam doctrinam pluribus in locis reperit, ad eod illi certa erat. Eam etiam ejus Magister S. Augustinus, aliiq̃ sancti Patres longè alia tradiderant. *Iraque, inquit S. Augustinus lib. 12. Confess. cap. 31 cùm alius dixerit, hoc sentit (Moyse, idemq̃ in alio quovis Scriptore Canonico locum habet) quod ego: & alius, immò illud quod ego: religiosius me arbitror dicere, cur non utrumque potius, si utrumque verum est? Et si quid verum, si quid quartum, & si quid omnino aliud verum quispiam in*

his verbis videt, cur non omnia illa vidisse credatur, per quem unus Deus Sacras litteras, vera, & diversa visuris multorum sensibus temperavit? Alioquin enim Patres posteriores, qui antiquiores tantâ veneratione prosequerantur, tantoque Spiritus sancti lumine illustratos existimabant, non tam facile novas interpretationes excogitarent, suas præferentes alienis, si vel unum tantum esse ejusdem Scripturæ sensum, aut antiquas interpretationes per novas everti credidissent.

6. Tertiò, sed videamus quæ sint illæ interpretationes, quas affert Launoius. Prima, pro qua refert 44. testes, est; *orasse Christum ut Petrus veram fidem nunquam amitteret, quantumvis tentaretur à Diabolo, sed in ea, & gratia Dei tum demum perseveraret.* Verissima quidem est illa interpretatio, sed num excludit privilegium non errandi, cum Petrus fidei quæstionem aliquam Ecclesiæ proponeret? num perpetua Petri in fide perseverantia contraria est certitudini ejus judiciorum circa fidem? Num quia ipse erroris erit omnino, ac certò expers, fideles sibi à Christo commissos in errorem impellet? aut numquid prædicta interpretatio privilegium non errandi sistit, ne ad successores Petri pro recte gerendo supremi Pastoris officio transeat? Nonne è contra in aliquibus ex iis testimoniis contrarium expresse affirmatur? Quid enim sibi volunt illa S. Leonis verba ex serm. 3. de Anniversario die Assumptionis suæ ad Pontificatum, quæ Launoius refert sub num. 15. *Commune erat omnibus Apostolis periculum de tentatione formidinis; & Divina protectionis auxilio pariter indigebant, quia Diabolus omnes exagitare, omnes cupiebat elidere, & tamen specialis à Domino Petri cura suscipitur, & pro fide Petri propriè supplicatur, tanquam aliorum status certior sit futurus, si mens Principis victa non fuerit. In Petro ergo omnium fortitudo firmatur, & Divina gratia ita ordinatur auxilium, ut firmitas, qua per Christum Petro tribuitur, per Petrum Apostolis conferatur.* Cum itaque dilectissimi tantum nobis videamus præsidium Divinitus institutum, rationabiliter, & iuste in Ducis nostri meritis, & dignitate latamur, gratias agentes sempiterno Regi Redemptori nostro Jesu Christo, qui tantam potentiam dedit ei, quem totius Ecclesiæ Principem fecit, ut, si quid etiam nostris temporibus recte per nos agitur recteq; disponitur, illius sit gubernaculis deputandum, cui dictum est; Et tu conversus confirma fratres tuos;

& cui

Et eni poſt reſurrectionem ſuam Dominus ad Trinam aterni amoris profeſſionem myſtica inſinuatione ter dixit. Paſce oves meas; quod nunc quoque procul dubio facit, Et mandatum Domini pius Paſcer exequitur, confirmans nos cohortationibus ſuis, Et pro nobis orare non ceſſans. Idem, iisdemque ferè verbis continet alter locus ibidem relatus ex ferm. 2. de Natal. Apoſt. Petri, & Pauli.

7. Conſonat Theodoretus, his verbis à Launoio ſub. n. 17. relatis; Ego autem rogavi, &c. Quemadmodum enim ait, ego te fluctuantem non deſpexi, ita Et tu ſyſtentaculum eſto fratribus conturbatis: ET QVO SERVATUS ES AUXILIO IPSE ALIIS IMPARTIRE, neque labascentes impellas ſed erige periclitantes. Idcirco enim Et te labare ſino, CADERE NON PERMITTO, ſtabilizat em per te fluctuantibus procurans. Sic orbem terrarum univerſum fluctuantem atq; labantem MAGNA HÆC COLUMNA CONFIRMAVIT, Et ut corrueret, omninò non permittit, ſed e- exit, ſtabilemque reddidit, oves Divinas paſcere juſſus. Idem inſinuat Theophilaſtus ſub num. 19. relatus his verbis in capite 22. Luc. Tu vero converſus confirma fratres tuos: planus huius intellectus eſt, quia te habeo ut Principem diſcipulorum, poſtquam negato me ſleveris, Et ad poenitentiam veneris confirma ceteros. Hoc etiam te decet, qui poſt me PETRA ES ET FIRMAMENTUM ECCLEſIÆ.

3. An non eodem tendunt verba Euthymii Zigaboni in eundem locum relata ſub num. 21. Et tu aliquando converſus confirma fratres tuos. Converſus poſt negationem, videlicet poſt fierum amarum. Hoc eſt in priſtinum locum denuò reſtitutus. Fratres autem ejus dicit reliquos Apoſtolos, aut illos, qui per eos erant credituri.

9. Nonne aliqui ex his, quos in hac Claſſe repoſuit Launoius, ſicut in iis, quæ hic refert locis non excludunt à privilegio non errandæque Petrum, neque Pontifices in ea dignitate, atque officio ei ſucceſſuros, ita in aliis locis expreſſis verbis inſallibile Romani Pontificis judicium luculentiffimè aſſerunt, v. g. S. Thomas, cujus alibi verba referimus? Putaſne Cajetanum, quem ſub num. 34. exſcribit, ſenſiſſe Pontificem in proponenda toti Eccleſiæ doctrina fidei errare poſſe? Non eum tam malè alibi habuiſſet Launoius. Teſtantur egregii illius Doctores mentem tria prima ejus opuscula, digna omninò quæ legantur. Sufficiat hic referre illius verba ex conſideratiis in S. Thom. 2. 2. q. 1. art. 2. Papà determinante judicialiter, Et deſinitivè aliquid eſſe hæreticum, Et ab Eccleſia pro hæreſi habendum conſtat

stat, quod omnes tenentur acceptare, & HÆRETICVS CENSERETVR, quicumque de cæteroteneret oppositum pertinaciter.

10. Sed cuiusmodi est probatio, quam Launoius mutuatur ex testimonio Maldonati, quem num. 40. fatetur in ipso met loco ab eo citato docere summum Pontificem errare non posse, quia alias non posset fideles confirmare? An quia Maldonatus dixit, *sibi non displicere interpretationem S. Ambrosii, Theophylacti, & Euthimii, qui conversum exponunt à peccato, quo Christum negavit, actâ pœnitentiâ, quasi alius de suo vulnere fecerit medicinam.* An illâ interpretationes inter se pugnant, & se invicem petimunt? An sententiam mutavit Maldonatus circa infallibile iudicium Papæ, aut ideo illam minus certam habuit, quia ei non displicuit interpretatio S. Ambrosii, Theophylacti, & Euthimii nequaquam contraria,

11. Stephanus Menochius 43. loco relatus etiam apertè innuit, & indeficientem fidem Petro aut privatæ personæ non tribuere, sed ejus officio, cui succedunt Romani Pontifices. *Et igitur aliquando conversus, scilicet à peccato negationis, confirmatur in fide orthodoxa, & reliquis ad salutem ducentibus, fratres tuos, non Apostolos tantum, sed omnes etiam fideles.* Quomodo cumque intelligenda sit vox illa *Conversus*, quæ, ut alibi dicemus, aliud, quàm conversionem à peccato propriè significare potest; planum est, non defecturam Petri fidem, ut possit fratres suos confirmare,

12. Itaque Launoius causæ nostræ profuit plurimum testes conquirens, & congruens, cùm si diligentius eorum testimonia expendantur, nobis consentire ne dum non adversari comperiantur,

13. Sed quid reponemus ad auctoritatem Alexandri VII. qui Classi huic finem imponit? Nimirum summus ille Pontifex Epistolam ad Lovanienses Theologos scripsit anno 1662. in qua *præclarissimorum Ecclesiæ Catholicae Doctorum Augustini, & Thomæ Aquinatis inconcussa, iustissimaq; dogmata nuncupavit. Ubi inquit Launoius doctrinam B. Augustini probando suam facit Quod igitur de B. Augustino dogma retulimus, inconcussum, & iustissimum decernente Pontifice haberi debet.* Facilis est ad hominem responsio. Alexander VII doctrinam Beati Thomæ probando suam facit; Atqui certò certius est, & ex verbis sancti Thomæ suo loco referendis luce clariùs

tius est, sanctum illum Doctorem sensisse summi Pontificis iudicium in quæstionibus fidei esse irrefragabile, & indefectibile; Illud igitur dogma inconcussum, & tutissimum decernente summo Pontifice haberi debet. Cæterum si utriusque Sancti doctrinæ, quamalibî proponimus, comparatio instituat; longè evidentius erit nobis suffragari sanctum Thomam, quàm refragari Divum Augustinum. Quamquam supradictum elogium non eo pertinet, ut quidquid illi Sancti dixerunt, Pontifex suum faceret. Alioquin enim non potuisset Constitutionem illam edere circa Conceptionem Beatissimæ Virginis, ex qua Launoïus probat, ipsum approbasse Concilium Basiliense, cujus Decretum, sicut & ipsa Alexandri constitutio Divi Thomæ doctrinæ non consonat.

14. Secunda interpretatio loci supra relati ex Luc. 22. est eorum, qui tradunt *orasse Christum, ut Romana Ecclesia, per Petrum fundata, à fide nusquam deficiat.* Hanc etiam interpretationem libenter amplectimur. Non enim excludit auctoritatem summi Pontificis, imò eam adstruit. Quis enim Ecclesiam Romanam idèd in fide immobilē esse non fatebitur, quod ejus specialiori modo Caput sit summus Pontifex, à quo privilegium illud in ejus membra, quatenus ipsi conjuncta sunt, derivatur. Id apertissimè declarant ipsamet testimonia, quæ Launoïus in hanc Classē conjicit, quæque nos suis locis reddemus. Nec videtur aliunde peti posse illud privilegium. *Propter illam orationem Christi*, inquit Joannes Dartis Regius in Academia Parisiensis Professor, de Beneficiis sect. 1. cap. 3, seu illa ejus verba, omnes colligunt ECCLESIAM ROMANAM NON POSSE ERRARE. Oratio autem Christi pro solo Petro facta est, atque adeo ejus effectus ad Ecclesiam Romanam non nisi per ipsum, ac per ejus successores derivatur.

15. Tertia Classis est eorum, qui tradunt *orasse Christum ut Sedes Petri seu Apostolica Sedes à fide nusquam deficiat.* Idem de ista dicimus, quod de secunda. Quia enim B. Petri Apostolorum Principis, & Romani Pontificis, eadem est Sedes; eadem erit doctrinæ certitudo.

16. Quarta Classis est eorum, qui tradunt *orasse Christum, ut universalis Ecclesia, vel etiam universale Concilium à fide nusquam deficiat.* Hæc etiam interpretatio vera est in sensu S. Leonis supra relati,

& aliorum accepta ; ut nimirum à B. Petro tanquam à Capite ad cætera membra defluat doctrinæ circa fidem certitudo. Ita se ipsos explicant plurimi ex iis, quos in hac Classe reponit Lounoius, præsertim Leo IX. S. Thomas, Beatus Vincentius Ferrerius. Quod ex eorum verbis suis etiam locis referendis patebit.

17. Idem molitur Launoïus in duabus Epistolis sequentibus adversus alia duo Scripturæ loca in superiori capite tractata ; sed cum eandem sequatur methodum, eodem modo repellendus est. Nec enim in illis opus est diutius immorari.

18. Prætermittere tamen non possum, quod ipsemet Launoïus observat in epistola 7. distributis in quatuor Classes Scriptoris, qui verba hæc ; *Et super hanc Petram ædificabo Ecclesiam meam*, explicuerunt juxta quatuor varias interpretationes. *Et primo quidem*, inquit, *nonnulli Patres, in expositione, seu Classe prima, & secunda comparant Origenes, Cyprianus, & Hieronymus, qui in quarta : Alii in expositione, seu Classe prima, tertia, ut Hilarius. Ambrosius, Cyrillus, & Leo. Quidam in expositione seu Classe tertia, & quarta ut Beda. Sed Augustinus in singulis expositionibus prima, secunda, tertia, & quarta.* Quid ergo colligitur ex varietate interpretationum, quas circa tot Scripturæ sacræ loca, congestis pro unaquaque quampluribus Autoribus, Launoïus distinguit ; nisi, juxta ipsius regulam, nihil ex iis locis colligi posse ; quippe cum non sit unanims circa ea Patrum consensus : juxta verò S. Thomæ supra relati regulam, sequitur, Spiritum Sanctum plura in eisdem verbis intellexisse, quam possint ab Interpretibus intelligi, aut exponi ? Unde Launoïus nihil efficit, allatis variis interpretationibus adversus Theologum, qui aliam ab eo prætermittam adducat, nisi aliis omnibus esset contraria. Omnibus, dico ; quia, si aliquibus congruat, & ab aliquibus dissentiat, non erit contra unanimum consensum sanctorum Patrum, cui repugnare prohibuit Concilium Tridentinum. Validior quidem est probato, quo propius ad unanimum consensum Patrum accedi ; sed non idè nulla, quia non ita expressè apud ipsorum, plurimos invenitur, si communibus eorum dogmatibus consonet ; si solidis fulciatur rationibus, si ex sacræ Scripturæ, vel ex traditionis principiis convenienter deducatur. Si etiam quantum ad sensum novitate non laboret, aliæve concurrant circumstantiæ.

19. Adde quod cū illæ interpretationes mutuò se non destruant (alioquin enim sanctus Augustinus, qui quatuor complexus est, Hieronymus tres, plures alii duas, non solum inter se, sed sibiipsis contradixisse, quod de talibus ac tantis viris præsumere non licet, quodque illorum testimoniis auctoritatem omnem demeret) si una ex illis causæ patrocineretur, perinde probat Scripturæ testimonium illi suffragari, ac si nulla esset alia explicatio, quamvis æquè valide, ac si illud in eodem sensu omnes exposuissent. Quid ergo, si & una evidenter faveat, & alia lucem afferant, ut hic; *Prima Classis Patrum, & Ecclesiasticorum Tractatorum, quæ est eorum, qui docent Ecclesiam super Petrum edificatam esse*, nonne evidenter faver Romanis Pontificibus apud Catholicos, qui contra hæreticos credunt Ecclesiam nunquam corruisse? Quid autem nocet secunda dicentium *super Apostolos, vel eorum Successores edificatam esse Ecclesiam*? Aut tertia quæ est eorum, qui dicunt *super Petram, id est super illam fidem, quam confessus est Petrus, edificatam esse Ecclesiam*; Vel quarta *scribentium edificatam esse super Petram Christum Ecclesiam*. Hæc enim omnia vera sunt. Nam & Christus primum, & præcipuum Ecclesiæ fundamentum est; & post Christum Petrus, & alii Apostoli post Petrum, ac cum Petro illorum capite: Et fides est fundamentum; & qui fidei custos, ac quaestionum circa eam supremus Iudex, fundamentum est. Id luculentissimè testantur sancti Patres, qui vel omnes illas, vel plures simul ex illis interpretationibus secuti sunt. Nec qui unam tantum afferunt, alias excludunt; etiam si secus aliquandò prima facie videatur. Qui enim v. g. solum Christum fundamentum Ecclesiæ vocant, non ideo Apostolos negant esse fundamenta. Nam de Apostolis dicit sanctus Paulus ad Ephesios 2. *Estis Cives sanctorum, & domestici Dei super edificati super fundamentum Apostolorum*; de Christo autem dicit idem Apostolus 1. ad Corinth. 3. *Fundamentum aliud nemo potest ponere præter id, quod est Christus Iesus*. Est enim Christus præcipuum fundamentum, minus præcipuum Apostoli, quos inter eminet S. Petrus. Sed nonne quatuor Classibus, quas in duabus his Epistolis distinxit Launojus, quintam adjungere debuit? debuisse videmus in sequentibus Capitulis.

20. Idem in octava Epistola, quod in duabus aliis, cum proportionem observandum. Licet enim varias Classes non ita distincte constituat; tamen à diversis, quasi à contrariis, plerumque argumentatur; ut cum probat alios Apostolos à Petro fuisse Pastores, & illis dictum; *Pasce oves meas*; quod quidem verissimum est. Sed non inde sequitur Petrum supremum non fuisse Pastorem; nam idem aliis dictum est; *Pasce oves meas*, quia Petri, cui uni propriè id dictum est, officii, ac muneris participes erant?

CAPUT IV.

Probatur auctoritate Conciliorum Orientalium iudicium summi Pontificis circa quæstiones Fidei esse irreformabile.

1. **A**rgumentum optimum ad probandum iudicium summi Pontificis circa quæstiones fidei esse irreformabile, duci potest, ex eo quod nihil unquam à summis Pontificibus sit propositum toti Ecclesiæ tanquam fide Divina credendum, in quo à Conciliis Oecumenicis reformandum fuerit eorum iudicium; quin etiam eorum sententia, tanquam ex Petri Cathedra pronuntiata, semper cum reverentia suscepta sit. Quid enim credere vetat Spiritum Sanctum, qui per septemdecim ferè sæcula summis Pontificibus res fidei definientibus sic adfuit, ut eorum iudicium à Conciliis Oecumenicis, tanquam fidei omninò consonum, susceptum fuerit, in posterum etiam adfuturum, ut irreformabiliter iudicent? Certè periculum mali, quod per tot sæcula nunquam contigit, non usque adeo metuendum erat, ut Illustrissimi Episcopi Gallicani, omisissis veris, & præsentibus Ecclesiarum suarum malis, huic incerto, vel potiùs nunquam futuro, remedium præparare curarent, eo præsertim Ecclesiam universam regente Pontifice, qui, si quis unquam, maxima cum gravitate, patientia, & maturitate res omnes præsertim arduas tractat.

2. Scio

2. Scio equidem omnes Hæreticos, aliquos etiam ex Catholicis, quibusdam Pontificibus errores contra fidem tribuere; sed novi etiam eis ab aliis Catholicis, quorum libri omnium manibus teneantur, fuisse optimè responsum: nec defuturos, qui si novum quidpiam objiciatur, illud pari efficacia retundant, Sed de hoc infra recurret sermo. Ut autem ad propositum redeamus, videndum est, quæ se habuerint Concilia præsertim generalia, & Gallicana, circa iudicia summorum Pontificum de rebus fidei.

3. Non utemur Canonibus Concilii primi Nicæni, in editionibus vulgaribus non contentis, & ut aiunt, ex Arabia delatis eorum discussionem criticorum examini relinquentes, ne in suspicionem veniat jus causæ, dubiis probationibus assertæ. Cæterum veritas instar Solis, antequam oculis nostris se se exhibeat, non nihil subobscuræ, non injucundæ tamen lucis præmittit, quæ paulatim crescit usque ad meridiem. Ita licet in antiquis monumentis non adeò clarè luceant, veritates, quæ postmodum diligentius investigatæ, arque, ut sese obtulit occasio, accuratiùs versatæ, plenam tandem, aut saltem majorem lucem adeptæ sunt: non ided tamen contemnenda sunt prima earum vestigia, præsertim insignia.

4. In Concilio generali Ephesino anno 431. art. 3. Philippus Presbyter, & Apostolicæ Sedis Legatus nemine contradicente legationis suæ, ac secum missorum, mandatum in hunc modum exposuit, qui indicat auctoritatem, ac in fide firmitatem à sancto Petro ad ejus successores derivatam; *Nulli dubium, imò in sæculis omnibus notum est, quod sanctus, beatissimusq; Petrus, Apostolorum Princeps, & CAPUT, FIDEIQUE COLUMNA ET ECCLESIAE CATHOLICÆ FUNDAMENTUM à Domino nostro Iesu Christo Salvatore humani generis, ac Redemptore, claves Regni accepit, solvendiq; ac ligandi peccata potestas ipsi data est: qui ad hoc usque tempus, & SEMPER IN SVIS SUCCESSORIBVS VIVIT, ET IUDICIUM EXERCET. Hujus itaque secundum ordinem successor, & locum tenens sanctus, beatissimusq; Papa noster Celestinus Episcopus, nos ipsius præsentiam supplentes, ad hanc sanctam Synodum misit.* Quorsum beati Petri mentio, nisi, ut insinuetur, ejus successores eadem polleere auctoritate, præsertim dum quæstiones fidei judicant? Quo enim modo FIDEI COLUMNA, ET ECCLE-

SÆ CATHOLICÆ FUNDAMENTUM SEMPER IN SUIS SUCCESSORIBUS VIVERET, ET IUDICIUM EXERCERET, si isti toti Ecclesiæ possent, proposito errore, casus, ruinæque occasionem præbere?

5. In Act. 2. Firmus Cæsareæ Episcopus dixit; *Apostolica & sancta Sedes Cælestini sanctissimi Episcopi de presenti negotio SENTENTIAM REPULAMQUE PRÆSCRIPSIT, quam nos quoque secuti formam, illam executioni mandavimus, Canonicum, Apostolicumque iudicium in illum (Nestorium) proferentes.* Vides sententiam Romani Pontificis tanquam regulam præscriptam executioni mandatam, & beatum Petrum, dum iudicia de rebus Ecclesiasticis ore sui successoris pronunciat, humiliter audirum.

6. Sed ne putes singulares tantum Episcopos ita sensitse, ac dixisse, toto concilio, saltem suo silentio consentiente, summorum Pontificum, ut beati Petri, sententiam esse suscipiendam: In Concilio generali Chalcedonenſi Art. 2. lecta epistola sancti Leonis Papæ ad Flavianum Archiepiscopum Constantinopolitanum, in qua Eutychetis doctrinam, ut hæreticam damnabat, & fidei orthodoxæ normam præſcribebat, Reverendissimi Episcopi clamaverunt. *Hæc Patrum fides, hæc Apostolorum fides. Omnes ita credimus, Orthodoxi ita credunt. Anathemati, qui ita non credit.* PETRUS PER LEONEM ITA LOCUTUS EST, &c. Sed inquit ita clamatum est, quia revera Episcopi sancti Leonis doctrinam cum recta fide consentire, judicarunt; hinc tamen regula generalis constitui non potest. Certè hoc, ut supra insinuavi, parum non est, quod in hoc, & in reliquis Conciliis generalibus, sententia summorum Pontificum de rebus fidei toti Ecclesiæ pronunciata, ut orthodoxa suscepta fuerit. Verum hunc iudicii Romani Episcopi cum fide consensum, non eruditioni sancti Leonis, sed ejus dignitati tribuendum, id est lumini Spiritus Sancti, beato Petro, ejusque successoribus, ne deficeret eorum fides, à Christo impetrato, non solum ultima illa verba. PETRUS PER LEONEM LOCUTUS EST, significant; sed etiam Synodica ad sanctum Leonem epistola, ubi Concilium eum FIDEI CUSTODEM, & SANCTI PETRI INTERPRETEM appellat, *quam*, inquit de fide loquens, *ex precepto Legislatoris venientem usque ad nos ipse servasti*, VOCIS BEATI PETRI OMNIBUS CONSTITUTUS INTERPRES. Non est supervacaneum pronomen, *ipse*;

ipse : indicat enim Romanum Pontificem specialiter esse deputatum à Christo fidei Custodem; *Et vocis beati Petri omnibus constitutum interpretem* : Statim autem Concilium profiretur se, laucto Leone Autore, Antistite, sive Præsidente, ea enim est vocis Græcæ significatio, veritatem fidelibus ostendisse. *Unde & nos te ut DUCEM utiliter habentem Ecclesia filiis hereditatem, sortemque veritatis ostendimus quibus tu quidem sicut membris CAPUT præeris, in his, qui tui tenebant ordinem, benevolentiam præferens.* in tertia part. act. Concil. Chalced. cap. 2.

7. Eam Romani Pontificis dignitatem, & auctoritatem generationem explicat beatus Petrus Chrysologus Episcopus Ravennas litteris ad Eutychem in 1. pat. Act. ejusdem Concilij excerptis; *Quoniam beatus Petrus, qui in propria Sede vivit, & præsidet, PRÆSTAT QUÆRENTIBUS FIDEI VERITATEM.* Quomodo vivit & præsidet in propria Sede, nisi quia, ut supra notavimus, ejus successor, in fidei veritate toti Ecclesiæ exponenda, indeficienti gaudet, sicut ille Spiritus auxilio, & ductu, ET PRÆSTAT QUÆRENTIBUS FIDEI VERITATEM.

8. Agatho Papa suum de rebus fidei judicium, etiam ante Concilij universalis acceptionem, irreformabile esse non dubitabat; quandoquidem Legatos ad Concilium sextum generale mittens in secunda quam ad Imperatorem Constantinum Pogonatum, ejusque fratres Heraclium, & Tiberium scripsit epistolâ, quæque in Act. 4. Concilij recitata fuit, audacter, ac securè pronunciat, se suis Legatis mandasse, non ut quæ ipse cum suo Concilio declaraverat, tanquam dubia, & incerta examinarentur; sed ut certa, & immutabilia publicarentur. *Personas, inquit, prævidimus dirigere, non tamen tanquam de incertis contendere, sed ut certa, atque immutabilia compendiosè à definitione proferre.* Mox condemnationis sententiam profert in eos, qui traditæ à se doctrinæ contradicerent; *Qui verò hac confiteri noluerint, ut infestis Catholica, atq; Apostolica confessioni perpetuæ condemnationis reos esse censuimus.* Quis ita nisi vel imprudentissimus, vel de suæ veritate sententiæ certissimus, loqui audeat, à Concilio Oecumenico, si falsâ proferret, vel injusta, mos redarguendus? Numquid autem summus ille Pontifex Concilio visus est nimiam sibi tribuisse

auctori-

autoritatem? Ejus doctrinam non solum ut veram, sed etiam tanquam à Spiritu Sancto dictatam, & à Beato Petro prolataam se suscipere declaravit, primò Dometius Episcopus Prusianos his verbis. *Suggestiones directas à Patre nostro Agathone sanctissimo Archiepiscopo Apostolica, & principalis Sedis antiquæ Romæ, TANQVAM EX SPIRITU SANCTO DICTATAS per os sancti, ac beatissimi Principis Apostolorum Petri, & digito prædicti beatissimi Pape Agathonis scriptas suscipio, & amplector, & ita credo, ita sentio.* Totum deinde Concilium sententiam Agathonis in prædicta Epistola contentam amplexum est, & Macharium Patriarcham Antiochenum eam admittere recusantem deposuit.

9. In prima verò Epistola docet apertissimè Agatho, Ecclesiam Romanam, non solum in fide non deficere, sed ejus etiam esse, reliquas omnes in fide confirmare. *Spirituales oves Ecclesiæ* (inquit loquens de beato Petro) *ab ipso Redemptore omnium terrarum commendatione pascendas suscepit: cujus annitente presidio hac Apostolica ejus Ecclesiæ nunquam à via veritatis in qualibet erroris parte deflexa est, cujus autoritatem, ut potè Apostolorum omnium Principis, semper omnis Catholica Christi Ecclesiæ, & universales Synodi fideliter amplectentes, in cunctis secuta sunt, omnesque venerabiles Patres Apostolicam ejus doctrinam amplexi, per quam & probatissima Ecclesiæ Christi lumina clauerunt, & sancti quidem Doctores Orthodoxi venerati, atque secuti sunt. Hæretici autem falsis criminationibus, ac derogationum odiis insecuti.* Et quibusdam interjectis; *Hæc est enim VERÆ FIDEI REGVLA, quam & in prosperis, & in adversis vivaciter tenuit, ac defendit hæc spiritalis Mater vestri tranquillissimi Imperij, Apostolica Christi Ecclesiæ, quæ per Dei omnipotentis gratiam à tramite Apostolicæ traditionis nunquam errasse probabitur, nec hæreticis novitatibus depravata succubuit. Sed ut ab exordio fidei Christiana percepit ab Autoribus suis Apostolorum Christi Principibus, illibata fide tenus permanet, secundum ipsius Domini Salvatoris Divinam pollicitationem, quam suorum Discipulorum Principi in Sacris Evangeliiis satus est. Petre, Petre, inquit, Ecce Sathanas expetivit, ut cribraret vos, sicut qui cribrat triticum: EGO AUTEM PRO TE ROGAVI, UT NON DEFICIAT FIDES TVA; ET TU ALIQUANDO CONVERSUS CONFIRMA FRATRES TVOS.* Consideret itaque vestra tranquillæ clementiæ, quoniam

Do-

Dominus, ac Salvator omnium, cuius fides est, qui fidem Petri non defecturam promisit, confirmare cum fratres suos, admonuit, quod Apostolicos Pontifices mea exignitatis Prædecessores, confidenter FECISSE SEMPER cunctis est cognitum. Non ergo pro solo Petro, sed & pro Petri successoribus rogavit Christus, ne deficeret eorum fides, ut scilicet possent fratres confirmare, si quando in fide vacillarent.

10. *Utramque autem epistolam quomodo exceperit Concilium, testati sunt non solum singulatim aliqui Episcopi, sed ipsummet Concilium univcrsum, non solum nihil adversus testimonia in favorem sanctæ Sedis prolata excipiens, sed & submissionem significans his verbis; Sancta & universalis Synodus suscipiens, & EXPANSIS MANIBUS AMPLECTENS tam suggestionem, quæ à sanctissimo, ac beatissimo Agathone Papa antiqua Roma facta est. adeque amplexa est & alteram Synodalem suggestionem, quæ missa est à Sacro Concilio, quod est sub eodem sanctissimo, ac beatissimo Papa, &c. In epistola ad eundem Agathonem; Tibi ut prima Sedis Antistiti universalis Ecclesiæ, quid agendum sit relinquimus, STANTI SUPER FIRMAM FIDEI PETRAM, libenter perlectis vera confessionis litteris à vestra paterna Beatitudine ad piissimum Imperatorem misis, quas ut à summo Apostolorum vertice DIVINÆ PERSCRIPPTAS AGNOSCIMUS per quam exortam nuper multiplicis erroris hæreticam sectam depulimus. Confer ista cum iis, quæ supra ex aliis Conciliis retulimus, & observabis quantum inter se concordent in veneranda fidei beati Petri soliditate, ejusque in successoribus illius Apostoli Romanis Pontificibus agnoscenda continuatione. Sed progrediamur ulterius, ut veluti perpetua textatur traditionis series.*

CAPUT V.

Idem aliorum probatur autoritate Conciliorum, & Episcoporum.

1. **Q**Uanto cum apertius excepta sit doctrina Adriani I. Papæ in epistolis ad Imperatorem, & ad Patriarcham Constantinopolitanum scriptis, in actis septimæ Synodi anno 787. habitæ videri potest, scilicet Act. 2. in qualescunque sunt. Continent autem etiam illæ epistolæ sanctæ Sedis in dirimendis de fide controversis

siis prærogativæ testimonia. In prima habentur hæc verba de beato Petro, & ejus Sede; *Iste itaque tam præcellens prælatus honore promeruit consiteri fidem, supra quam fundatur Ecclesia Christi Beatam Confessionem beatitudo secuta est pramiorum, cuius prædicatione sancta universalis illustrata est Ecclesia* & EX EA CÆTERÆ DEI ECCLESIAE FIDEI DOCUMENTA SYMPSERUNT. Nam ipse Princeps Apostolorum beatus Petrus, qui Apostolica Sedis primitus præsedet, sui Apolatus Principatum, ac Pastoralis curæ, successoribus suis, qui in ejus sacratissima Sede perenniter sessuri sunt, dereliquit; Quibus & auctoritatis potestatem, quemadmodum à Salvatore nostro Domino Deo ei concessa est, & ipse quoque suis contulit, ac tradidit Divino jussu successoribus Pontificibus. In eodem Concilio act. 2. Joannes sanctissimus Episcopus Tauromaniz dixit: cum veluti Divinus ORTHODOXIAE TERMINUS (sive Divina definitio) sint litteræ, quæ ab Adriano Papa senioris Roma ad pios Imperatores nec non, & ad Tarasium universalem Patriarcham nostrum missæ sunt, ita profiteor.

2. Nicolai I. & Adriani II. judicium de Photio, & de sacris imaginibus doctrinam secuta est octava Synodus, ad quam nemo admittitur, quin professioni fidei ab Adriano missæ subscripserit, in qua hæc continentur, quia non potest Domini nostri Iesu Christi prætermitti sententia dicentis; TV ES PETRVS, ET SVPER HANC PETRAM ÆDIFICABO ECCLESIAM MEAM. Hæc quæ dicta sunt verum probantur effectibus; quia in Sede Apostolica immaculata est semper reservata Religio, & sancta celebrata doctrina. Ab hujus ergo fide, atque doctrina separari minimè cupientes, & Patrum, & præcipuè Sanctorum Sedis Apostolica Præsulum sequentes in omnibus constituta, anathematizamus omnes hæreses simul cum Iconomahis. Quomodo autem prædicta Synodus octava summorum illorum Pontificum amplexa sit constituta, declarant hæc ejus verba, Can. 2. Obedite Præpositis vestris tanquam rationem reddituri, Paulus magnus Apostolus præcipit. Itaque beatissimum Adrianum Papam Nicolaum TAN-
QVAM ORGANVM SANCTI SPIRITVS HABENTES, nec & non sanctissimum Adrianum Papam successorem ejus, &c. Concilia Occumenica summum Pontificem tanquam organum sancti Spiritus habent. Antistites Gallicani ejus judicia reformabilia esse decernunt.

3. In Concilio Lugdunensi anno 1274. Imperator Græcorum & per Epistolam, & per Nuncium juravit, se Catholicam, & Orthodoxam

thodoxam fidem acceptare, profiteri, ac servare velle. PROVT, inquit
EAM VERACITER TENET, *fideliter docet, & predicat Sacrosancta
Romana Ecclesia.*

4. Concilium Lateranense sub Innocentio III. vocat Ecclesiam
Romanam Matrem, & Magistram omnium fidelium. Possent omnes
fideles in errorem induci, si erraret Magistra, quam tenentur audire.

5. Clemens V. Clementina de summa Trinitate, & fide Catholica
§. Nos igitur docet, *quod ad Apostolicam considerationem dumtaxat
hac* (quæ in Scripturis obscura sunt) *declarare pertinet*; Quod et si
dixerit Concilio Oecumenico, Viennensi scilicet, Præfatus; Necessi-
tatem tamen Concilii non induxit, sed potius exclusit, particulam il-
la, *dumtaxat.* Ut autem à Conciliis generalibus ad Gallicana de-
scendamus.

6. Cui unquam ex antiquis Episcopis Gallicanis venit in mentem,
non esse irreformabile sanctæ Sedis iudicium, donec à Concilio Oe-
cumenico confirmatum, aut ab Ecclesia universa fuisset acceptatum?
Er Episcopi singuli, & eorum Cærus, sive Concilia illud tanquam in-
dubitatum fidei normam populo proponebant. Hac regula Conci-
lium Arausicanum II. anno 529. Fausti Regensis errores confuravit. &
veritatem orthodoxam declaravit. *Id nobis*, ita præstantur Episcopi,
*secundum admonitionem, & auctoritatem Sedis Apostolicæ iustum, ac
rationabile visum, & pauca Capitula AB APOSTOLICA SEDE NO-
BIS TRANSMISSA, quæ ab antiquis Patribus de sanctarum Scriptu-
rarum voluminibus in hac præcipuè causâ collecta sunt ad docendos
eos, qui aliter quam oportet, sentiunt, ab omnibus observanda profer-
re, & manibus nostris subscribere deberemus. Quibus locis, qui huc-
usque non sicut oportebat de gratia, & libero arbitrio credidit, ad ea,
quæ fidei Catholica conveniunt, animum suum inclinare non differat.*
Contradicere quidem superiorum declarationi, nisi evidenter falsæ,
non licet. At verò *animum suum* nemo tenetur *inclinare*, nisi in obli-
quium fidei. An ergo Conciliis Provincialibus, an auctoritati Papæ
deberetur, ut fideles *animum inclinent* ad ea, quæ definiuntur? Vide
notas Severini Binii in hanc præfationem.

7. Sanctus Avitus Episcopus Viennensis anno 517. non suo
soli, sed & omnium Episcoporum Galliarum nomine, proreftatus
est Hortensius Papæ, se ejus sententiæ in materia fidei adhæsurum.

Cec 2

Quia

Quia, inquit, *jam securus, non dicam de Viennensi, sed de totius Gallie devotione polliceor, OMNES VESTRAM SUPER STATU FIDEI CAPTARE SENTENTIAM. Orate, ut sic nos predictorum professio fucata non fallat sicut ab unitate, quam regitis; veritas comperta non iuperat.*

8. Ravennius, aliique Episcopi Gallicani in Epistola Synodica ad S. Leonem Magnum pluribus testati sunt, quanti facerent ejus circa dubia de fide, sententiam, etiam antequam Concilii generalis Chalcedonenensis consensus accessisset; *Quæ*, inquit, *Apostolus vestri scripta ita, ut symbolum fidei, quisquis Redemptionis sacramenta non negligit, tabulis cordis adscribit & tenaci, quo ad confundendos Hæreticorum errores paratior sit, memorie commendavit Doctrina post Deum vestra debet quisque fidelis, ut constanter teneat, quod credebat: Debet etiam infidelis, ut à perfidia sua, agnita veritate discedat, & APOSTOLICÆ INSTITUTIONIS LUCE PERFUSUS erroris sui tenebras derelinquat, magisque sequatur, & credat, quod per os vestrum Dominus noster Jesus Christus de Sacramento Incarnationis sue docet, quàm id teneat, quod Diabolus humana salutis, & veritatis inimicus instillat.* Post epistolam 51. S. Leonis.

9. Ceretius Salonius, & Veranus Episcopi Gallicani eandem erga sancti Leonis epistolam reverentiam professi fuerant h s verbis; *Illæ specialis doctrina vestra pagina ita per omnium Ecclesiarum conventionula celebratur, ut verè consona omnium sententia declaretur; merito illic Principatum Sedis Apostolica constitutum, unde adhuc Apostolici Spiritus oracula referuntur.* Post epist. 98. S. Leonis.

10. Concilium Turonense II. anno 570. Can. 21. sum erga sanctæ Sedis Decreta observantiam significat h s verbis; *Quis Sacerdotum contra Decreta talia, quæ à Sede Apostolica processerunt, agere præsumat & quorum Antorum valere possit predicatio, nisi quos Sedes Apostolica semper aut intrinsece, aut apocryphos fecit? Et Patres nostri hoc semper custodierunt, quod eorum præcepit autoritas. Nos ergo hoc sequentes, quod vel Apostolus Paulus; VEL PAPA INNOCENTIUS statuit, in Canonibus nostris inserentes statim observandum. &c.*

11. Quam huic antiquorum Gallorum reverentiæ erga sanctæ Sedis de fide oracula concordaverint, eorum posteri usque ad extrema tempora; in illorum historiis licet observare, nec non in Gallicano-

rum

rum Conciliorum monumentis à Patre Jacobo Sirmondo collectis, iterumque in sequentibus capitibus demonstrabitur.

12. Interim tamen animadvertendum est cæteras Nationes in ea obedientia Gallis non cessisse. De Italica nemo dubitat, de Ecclesia Africana, quæ à Gallis in exemplum tam libenter assumitur, dicemus inferius. De Hispanica præter ea, quæ in primo libro retulimus, libet Epistolæ Concilii Tarraconensis ad Hilarium Papam scriptæ, ac in Concilio Romano lectæ anno 465. principium, & finem describere. *Est nulla extaret* (inquiunt Episcopi Tarraconensis Provinciæ cum suo Metropolitano) *necessitas Ecclesiastica discipline, expendum re vera nobis fuerat illud privilegium Sedis vestra, quo susceptis Regni clavibus post Resurrectionem Salvatoris per totum Orbem beatissimi Petri singularis prædicatio universorum illuminationi prospexit: cuius Vicarii Principatus, sicut eminet, ita metendus est ab omnibus & amandus.* Proinde nos Deum in vobis penitus adorantes, cui sine querela servitis, ad fidem recurrimus, Apostolico oræ laudatam, inde responsa querentes, unde nihil errore, nihil presumptione, sed Pontificis totum deliberatione præcipitur. Queruntur postea de Sylvano Episcopo Calaguræ, ejusdem Provinciæ, quod multa patraflet, postponens Patrum regulas, & Romani Pontificis instituta, denique contra vetustatem Canonum, contra Synodi constituta. (Has enim veras Ecclesiæ libertates fartas rectas servari cupiebant) Concludunt in hunc modum; *Proinde quia his presumptionibus, quæ unitatem diradunt, quæ schisma faciunt, velociter debet occurri: quæsumus Sedem vestram, ut quid super hac parte observare velitis, APOSTOLICIS AFFECTIBUS INSTRUAMUR quatenus fraternitate collecta, prolatis in medium veneranda Synodi Constitutis contra rebellionis spiritum vestrâ autoritate subnixi, quid oporteat de ordinatore & ordinato fieri intelligere, Deo adjuvante possimus.* Erit profecto vester triumphus si Apostolicus vestri temporibus quod sancti Petri Cathedra obtinet, Catholica audiat Ecclesia, si novella ætatis semina fuerint extirpata.

13. Sanctus Thomas Archiepiscopus Cantuariensis epist. 97. edit. P. Lupi. Omnibus Episcopis Angliæ, quorum erat Primas scriptis; *Quis Romanam Ecclesiam Caput omnium Ecclesiarum, & FONTEM CATHOLICÆ DOCTRINÆ ambigit esse? Quis claves Regni Cælorum*
 Ccc 3 Petro

Petro traditas esse ignoret ? Nonne INFIDE ET DOCTRINA PETRI, totius Ecclesie structura consurgit, donec occurramus omnes Christo in virum perfectum, in unitatem fidei, & agnitionem filii Dei? Quicumque sit, qui rigat, aut plantat, Deus nulli dat incrementum, nisi illi, qui plantavit in fide Petri, & doctrina ipsius acquiescit. Sanè ad eum maxima populi judisia referuntur, à Romano examinanda Pontifice, &c.

CAPUT VI.

Probatur sanctorum Patrum, ac primò à sancti Irenæi autoritate, certitudo judicii summi Pontificis in questionibus Fidei.

1. **Q**Uoniam Illustrissimi Antistites Gallicani libertatum suarum fundamenta, non solum Sacris Canonibus, sed etiam Patrum traditione, niti volunt; postquam Conciliorum testimonia protulimus, exhibenda est sanctorum Patrum doctrina, in qua generatim tria potissimum notanda sunt (ne sæpius repetere cogamur): quamvis non omnia semper in singulis testimoniis occurrant. Primum, Ecclesiam Romanam esse unitatis centrum, quò concurrendum sit ad vitanda schismata. Secundum, illuc confugiendum, quando dubia, præsertim difficiliora, oriuntur circa fidem; & hinc veritatem fidei ab Apostolis traditæ addiscendam. Tertium, has *Un-
ctæ* Sedis prærogativas autoritati beato Petro à Christo impetratæ, & collatæ, nec non ejusdem autoritatis ad beati Petri successores transmissioni, non autem accedenti Ecclesiæ consensui, tribuendas; atque adeò Christum non pro solo Petro, sed pro ejus etiam successoribus Romanis Pontificibus rogasse, ut non deficeret fides eorum; ac si quæ emergat, præsertim circa fidem, contentio, in petræ illius firmitate stare debere, quicumque voluerit casum devitare, illi petræ incumbere, qui intra Ecclesiam super illam ædificatam permanere cupierit ab hærede Petri confirmandos, qui à Sathana fuerint expulsi, & contra fidem tentati.

2. Schisma est, ut docet sanctus Thomas 2. 2. quæst. 39. art. 1. cùm à summo Pontifice recoditur in schismate autem non est fides, ut tradit S. Ambrosius §. 10. referendus; ut ergo & schisma, & hæresis

peri-

periculum vitentur, adhaerendum est summo Pontifici; *Ecclesia unitas*, inquit S. Thomas, *in duobus attenditur, scilicet in connexionem membrorum Ecclesiae ad invicem, seu communicatione, & iterum in ordine omnium membrorum Ecclesiae ad unum caput hoc autem Caput est ipse Christus, cuius vicem in Ecclesia gerit summus pontifex; & idè schismatici dicuntur, qui subesse renuntiant summo Pontifici, & qui membris Ecclesiae ei subiectis communicare recusant.* Sed quorsum sancti Patres tam diligenter monent vitandum esse schisma. Nam si Romani Pontifices in eodem, quo alii periculo erroris versantur, longè præstaret illis non tam arctè conjungi. Quid enim, si, ut posse creduntur, revera fallantur; nonne illos sequi perniciosum erit?

3. Quomodò certi, ac securi erunt in fide summo Pontifici adhaerentes, si summus ipse Pontifex labilis sit? Philosophorum axiomata est; quidquid multiplex, varium, incertum, inconstans est; debere ad aliquid reduci, quod sit simplex, uniforme, certum, ac constans. Si igitur Episcopi dissentiant inter se circa veritatem fidei, adeoque ab invicem separentur, quâ poterit regulâ discerni, à quorum partibus stet veritas, & apud quos sit vera Ecclesia; nisi summus Pontifex immobile sit unitatis, & communionis centrum, fidelissimus veritatis Custos, firmum Ecclesiae fundamentum, & sanum mystici Corporis Christi Caput, cui qui communicet, & consentiat, Catholicus judicetur? sed ad sanctorum Patrum doctrinam accedamus.

4. Adèd est insigne testimonium sancti Irenæi, ad probandam summi Pontificis in solvendis fidei quæstionibus autoritatem; ut vel solum declarationi Comitiorum Cleri Gallicani præponderet, atque ad certam fidem faciendam penè sufficiat. Si enim testis probitatem spectes, Sanctus est, fidei zelo flagrantissimus, dignusque, qui cum omnibus ferè civitatis suæ Christianis glorioso Martyrio vitam clauderet: si ætatem, est omnium Patrum Latinorum antiquissimus (licet ex ejus stylo aliqui eum Græcè scripsisse conjiciant, alii utroque idiomate suspicentur) Episcopus Lugdunensis jam anno 180. si scientiam, ab Apostolorum discipulis præsertim à beato Polycarpo Divinas traditiones edoctus: si locum, atque ordinem, in celeberrima Galliarum civitate Antistes, atque adeò omnium, quæ in illis partibus erant, Christianorum sententiæ conscius, si testimonium ipsum inspicias, luculentum judicabis.

5. Sic enim Irenæus lib. 3. adversus hæreses cap. 3. traditionem Ecclesiæ opponens hæreticis, ait; *Sed quoniam valde longum est, in hoc tali volumine omnium Ecclesiarum enumerare successiones; maxima, & antiquissima, & omnibus cognita, à gloriosissimis duobus Apostolis Petro, & Paulo Roma fundata, & constituta Ecclesia, eam, quam habet ab Apostolis, traditionem, & annunciatam hominibus fidem, per successiones Episcoporum prævenientem usque ad nos, indicantes, confundimus omnes eos, qui quoquo modo, vel per sui placentiam malam, vel vanam gloriam, vel per cæcitatem, & malam sententiam, præterquam oportet colligunt.* AD HANC ENIM ECCLESIAM PROPTER POTENTIOREM PRINCIPALITATEM NECESSE EST OMNEM CONVENIRE ECCLESIAM; *hoc est, eos, qui sunt undique fideles.* IN QUA SEMPER AB HIS, QUI SUNT UNDIQUE CONSERVATA EST EA, QUÆ EST AB APOSTOLIS TRADITIO.

6. Unica statim occurrit difficultas, quod scilicet S. Irenæus non de solo summo Pontifice, sed de Ecclesia Romana loquatur. Verum hoc discrimen nihil Episcopos Gallicanos juvat, qui ut Papæ iudicium irreformabile sit, non solius Ecclesiæ Romanæ particularis, sed Ecclesiæ universæ consensum requirunt. Equidem si res eo deducatur, ut summi Pontificis Decreta circa fidem indubitata futura sint accedente solius Ecclesiæ Romanæ consensu, facilius schismatibus via præcludetur, cum omnino prompta sint ejus membra ad sequendum Capitis sui ductum. Adde quod si concedatur Ecclesiam Romanam prout ab aliis Ecclesiis particularibus distinguitur, privilegio non errandi esse præditam; non erit operose laborandum, ut demonstretur quidquid habet Ecclesia Romana vel dignitatis, vel autoritatis, totum à Capite, summo scilicet Pontifice, in alia membra effluere, ut ex iis patet, quæ jam contra Launoium disputata sunt.

7. Nec opus erit ad Beati Cypriani auctoritatem recurrere, qui Ecclesiam in Episcopo esse scribit ad Florentium Pupianum Epistol. 69. edit. Pamel. ut Ecclesiam Romanam in Romano Pontifice continere dicamus: sanctus ipse Irenæus in verbis supra relatis satis insinuat, quæ Ecclesiæ Romanæ tribuit, ipsi propter successionem episcoporum à Beato Petro in-

choatam competere; *A gloriosissimis duobus Apostolis Petro & Paulo fundata & constituta Ecclesia, eam, quam habet ab Apostolis traditionem, & annunciatam hominibus fidem per successionem Episcoporum pervenientem usq; ad nos indicantes, &c.* Ideo continuò post verba supra exscripta, B. Petri successores singularem enumerat.

8. Observandum est autem ex mente sancti Irenæi ad statuenda contra Hæreticos fidei dogmata, solam Ecclesiæ Romanæ traditionem sufficere, nec omnino esse necessarium aliarum Ecclesiarum traditiones inquirere, licet utile sit, cum id commodè fieri potest, ad opprimendam Sectariorum pertinaciam; *Sed quoniam inquit, valde longum est in hoc tali volumine omnium Ecclesiarum enumerare successiones, maxima & antiquissima, & omnibus cognita, à gloriosissimis duobus Apostolis Petro, & Paulo Roma fundata & constituta Ecclesia, eam quam habet ab Apostolis traditionem & annunciatam hominibus fidem, per successiones Episcoporum pervenientem usq; ad nos, indicantes, confundimus omnes eos, qui quoquo modo, vel per sui placentiam malam, vel vanam gloriam, vel per cecitatem, & malam sententiam, præterquam oportet colligunt, id est separatim ab Ecclesia, universali conventicula faciunt, seque congregant.* Sed, si summi Pontificis, seu Ecclesiæ Romanæ, iudicium non est irreformabile, quomodo indicatâ ejus traditione confundentur omnes hæretici? Non erit satis continuatam à S. Petro usque ad nos Episcoporum successionem ostendere, atque quid tradant Principis Apostolorum successores, exhibere, nisi accedat Ecclesiæ universæ consensus, & demonstretur similiter Episcoporum omnium aliarum Ecclesiarum successio, atque accepta per illos ab Apostolis traditio.

9. Sed dixerit quis non solius Ecclesiæ Romanæ, sed & cujuslibet alterius traditio indubitata fidei esset. si constaret eam ab Apostolis descendisse. Quis enim hæreticus auderet, certum Apostoli cujusvis testimonium recusare? Ita sanè, atque hinc colligitur S. Irenæum non reposuisse vim convincendorum hæreticorum, in eo solo, quod Apostoli Petrus, & Paulus contrariam doctrinam tradiderint, sed in eo etiam quod certissimum sit Petri successores esse, qui eam nobis traditionem communicant. Alioquin enim quid opus fuisset illius successionis in Episcopatu seriem tam accuratè texere? Cur non potuissent alii, quam illius Apostoli successores, testes adhiberi? Quia

iniques, verisimilius est, ut notat S. Irenæus, Apostolos arcana fidei suis successoribus concedituros. Valer quidem hæc ratio in B. Petro, qui Coadjutores habuisse dicitur illos, qui ei successerunt. Sed id in subsequentibus locum non habet; quippe cum sæpius ignorarint, qui sibi essent successuri.

10. Adde quod eadem ratio militaret pro Ecclesia Antiochena, in qua primum sedet B. Petrus, & in qua successorem suum ipse constituit; & pro Alexandrina, quam per B. Marcum fundavit; Imò pro quolibet alia, cum nulla sit quæ vel immediatè vel mediatè fundata non fuerit ab aliquo ex Apostolis, quibus omnibus dixit Christus. Joann. 15. v. 15. *Omnia quaecumque audivi à Patre meo nota feci vobis.* Sumitur quidem veritatis argumentum ex illa Episcoporum jam ab Apostolis propagatione; sed certitudo à solius Petri successorum serie, vel à tota Episcoporum ab Apostolis descendentium collectione; non autem à cujusvis alius singularis Episcopi, præter Romanum, testimonio.

11. S. Irenæus solius Ecclesiæ Romanæ traditione indicatâ, censet confundendos hæreticos, causamq; affert; *Ad hanc enim Ecclesiam propter potentiorē principalitatem, necesse est omnem convenire Ecclesiam; hoc est eos, qui sunt undique fideles.* Quomodo si ad Ecclesiam Romanam omnis Ecclesia, & omnes undique fideles convenire tenentur, & ab ea decipi possent, non sequeretur totam Ecclesiam in errorem induci posse. Non enim illuc convenire tenentur, nisi ut doceantur, non docentur, nisi ut discant & credant.

12. Apertius significat idem S. Episcopus causam, cur ad Ecclesiam Romanam, omnem Ecclesiam, omneq; fideles convenire oporteat, eam esse, quod scilicet ibi semper conservata sit traditio Apostolica pro universa Ecclesia, seu pro omnium omnino instructione. *In qua semper ab his, qui sunt undique, conservata est ea, quæ est ab Apostolis traditio.*

13. Quod comprobatur propositum à S. Irenæo Corinthiorum exemplum. Licet enim Corinthi Ecclesia à B. Paulo fundata, & docta fuisset, ejusq; adhuc recens esset memoria, dissenserunt tamen inter se Corinthii circa veritatem ab ipso traditam. Quare necesse illis fuit ad Ecclesiā Romanam, utpotè fidelissimam Apostolicarum traditionum custodem, pro cunctorum informatione recurrere. *Dissentione non modicâ inter eos, qui Corinthi essent, fratres, facta, scripsit quæ est Roma Ecclesia, potentissimas litteras Corinthiis, ad pacem eos congregans,*

Et annuntians, quam in re nti ab Apostolis receperant traditionem, Si Apostolis temporibus vi niores, de ea, quam in recenti ab Apostolis receperant traditione, ambigentes ad concordiam nonnisi per Sedem Apostolicam revocati sunt, quanto magis qui longius ab Apostolica origine recesserunt, ut unitatem fidei custodiant ad illud unitatis centrum convenire indigent, eique firmiter adherere.

14. Tribuuntur autem Ecclesiæ Romanæ litteræ ad Corinthios missæ. licet à S. Clemente scriptæ sint, ut tradit Eusebius histor. Eccles. lib. 3. cap. 12. his verbis, *hujus verò Clementis una fertur esse epistola omnium judicio approbata, illustris illa quidem & digna planè admiratione quam TANQVAM EX ROMANÆ ECCLESIAE PERSONA ad Corinthiorum Ecclesiam tum quidem exaravit, cum jam Corinthi gravis esset inflata seditio. Hanc sanè cum veterum, tum nostra ipsorum memoria plurimis in Ecclesiis publicè lectam, usurpataque cognovimus, Ideò igitur à S. Irenæo dicitur, scripsit qua est Roma Ecclesia; quia S. Clemens scripsit, tanquam ex Romana Ecclesia persona. Ita S. Hieronymus libr. de scriptoribus Ecclesiasticis cap. 25. de S. Clemente ait; scripsit ex persona Romana Ecclesia ad Ecclesiam Corinthiorum valdè utilem epistolam, qua & in nonnullis locis publicè legitur.* Non, quod Pontifex esset tantum ab epistolis, aut à secretis Ecclesiæ Romanæ, sed quia licet penes ipsum esset autoritas, res tamen nonnisi præmissâ consultatione decernebat.

15. Itaque S. Irenæus, dum ait, quod ad hanc Ecclesiam propter potentioiorem principalitatem necesse est omnem convenire Ecclesiam, non solum quod ipse sentiret, sed etiam quid traditio à temporibus Apostolorum faciendum doceret, declaravit. Ecclesia enim Corinthi ad Ecclesiam Romanam, recurreret, tanquam ad unitatis centrum, ut hinc peteret divisionis suæ remedium, & Apostolicam traditionem certò edisceret. Nam antequam S. Clemens Corinthiis scriberet potentissimas literas, ad pacem eos congregans, & reparans fidem eorum, consultus fuerat à Corinthiis, ut docent illæ litteræ quas publicæ luci restituit Patricius Junius Scoto-Britannus: in iis enim excusat Clemens suam in respondendo tarditatem; *Propter calamitates, & casus, adversos, qui nobis acciderunt, Fratres dilecti postulatibus vestris tardius nos animum adjecisse veremur.*

16. Quanta verò cum reverentiâ excepta sit sancti Pontificis responsio

sponsio, animadvertere licet in verbis Eusebii, ac sancti Hieronymi supra relatis, siquidem adhuc eorum tempore, id est post tria sæcula publicè in Ecclesiis legebantur ejus litteræ, quas verè sanctus Irenæus appellavit potentissimas, tum propter eam, quam continent doctrinam, tum propter scribentis potentiorē principalitatem.

17. Ad sanctum Anicetum Romanum Pontificem similiter, ut testatur idem sanctus Irenæus in epistola, cujus fragmentum refertur ab Eusebio lib. 5. histor. Eccles. cap. 24. recurrit Aliana Ecclesia pro quæstione de die celebrandi Paschatis, licet non perinde illius responsis acquieverit; quod tamen facere debuisse comprobavit eventus recepti à Concilio generali Nicæno, ac tandem à tota Ecclesia, Sedis Apostolicæ sententiâ. Omni denique tempore ad hanc Ecclesiam propter potentiorē principalitatem omnis convenit Ecclesia. Omnes illa ubique Christianos curavit ad pacem congregans, & repa-
rans fidem eorum.

CAPUT VII.

Aliorum Patrum eadem de re testimonia.

1. **A** Beato Hyppolito Episcopo, & Martyre, qui circa annum 230. obiit, oratione de consummatione Mundi dicitur *Princeps Petrus, FIDEI PETRA, quem beatorum judicavit Christus Deus noster, illa DOCTOR ECCLESIE, ille primus Discipulorum, ille qui REGNI CLAVES HABET, Si ut indubitatum est, Romanus Pontifex Petri officio successit, cur etiam ipse non erit Fidei Petra, Doctor Ecclesie, Regni claves habens?*

2. S. Basilii Magni epist. 52. quæ est ad S. Athanasium, quanta sit Episcopi Romani autoritas in decidendis fidei quæstionibus, & in corrigendis quæ perperant à Conciliis generalibus gesta sunt, his verbis significat; *Visum est mihi consentaneum, ut scribatur Episcopo Romano, ut qua hic geruntur, consideret; & sententiam suam exponat: Et quoniam difficile est, ut communi, ac Synodico decreto aliqui illinc mittantur, ipse sua AVTORITATE IN ISTA CAUSA VSVS viros eligat*

*eligat.... omniaque secum habentes, quæ in Arimino facta sunt, ad ea rescindenda, quæ illic per vim, & violentiam gesta sunt.... Queritur autem, & hoc à nonnullis illic, ut & nobis ipsis videtur, necessarium ut Marcelli hæresim illi cum venerint, tanquam malam ac noxiam, & à sana fide alienam exterminent. Non putabat S. Basilius ad stabilendam fidem opus esse Concilio generali, quod congregari non posse videbat (Difficile est ut communi, ac Synodico decreto aliqui illinc mittantur) postulandum tantum censet ut Romanus Pontifex sententiam suam exprimat... Ipse sua auctoritate, ut in ista causa, scilicet Concilii Ariminensis, nos viros eligat, &c. ut Marcelli hæresim illi cum venerint, tanquam malam, & noxiam, & à sancta fide alienam exterminent. Conqueritur quidem acerbe S. Basilius de Episcopis Occidentalibus, etiam de Rom. Pontifice in alia epistol. de modo scilicet agendi. Cæterum enim hujus auctoritatem & S. Basilius, & alii Episcopi Orientales summè venerabantur, ut ex epist. 74. ejusdem S. Patris evidens sit. Sic enim de Eustathio Episcop. Sebasteno scribit. *Quæ verò sint illi à Beatissimo Episcopo Liberio proposita, & ad quæ consenserit, nobis clare est: nisi quod Epistolam attulit, per quam restitueretur: Eam ubi Tyana Synodo exhibuit, in suum locum restitutus est.**

3. S. Basilio conjunctissimus S. Gregorius Nazianzenus, carmine de vita sua perseverantiam Ecclesiæ Romanæ in fide, à qua Constantinopolitana exciderat, tribuit dignitati Capitis, veterem Romanæ sic novæ opponens.

*Fides vetusta recta erat jam antiquitus,
Et certa perstat nunc item nexu pio
Quodcumque labens sol videt, de vineiens:
Ut universi Prasidem mundi decet,
Totam colit quæ numinis concordiam.
Nova verò quondam [de mea jam non mea,
Nunc sermo nobis] RECTI-PES ERAT IN FIDE,
At non item post mersa sub letho gravi.*

Oratione autem 26. super Petrum fundatam Ecclesiam tradit. *Vides*, inquit *quemadmodum ex Christi discipulis magnis utiq; omnibus, & excessis, atque electione dignis hic Petrus vocetur, atque Ecclesia fundamenta in fidem suam accipiat. Quamobrem orat. 7. vocat eum Ecclesie columen, quod conservandæ inconcussæ Ecclesie Dei officium significat.*

4. S. Opratus Episcopus Milevitanus libr. 2. contra Parmenianum supradicta confirmat, *Cathedra*, inquit, *una est, & negare non audeo scire te Petro primam in urbe Cathedram esse collocatam, ubi sederit omnium Apostolorum Caput Petrus, inde Cephæ appellatus, in qua uno Cathedra unitas ab omnibus servaretur, nec ceteri Apostoli singulas sibi quisque defenderent ne jam schismaticus, & peccator esset qui contra singularem Cathedram alteram collocaret. Ergo Cathedra una est, quæ est prima de dotibus. In ea sedit primus Petrus. probat autem Donatistas clavibus carere, eo quod Petri Cathedræ adversarentur, clavibus legimus accepisse Petrum, Principem scilicet nostrum, cui à Christo dictum est; Tibi dabo claves Regni Cælorum, & porta inferorum non vincunt eas. Unde est ergo quod claves Regni vobis usurpare contenditis, qui contra Cathedram Petri vestris presumptionibus, & audaciis, sacrilegio militatis? Lib. 1. dixerat, Cæcilianus omnium supra memoratorum sententiis innocens est pronunciatus, etiam Melchiadis sententia. QUA IUDICIUM CLAVSUM EST. Quæ quidem verba sic interpretatur Illustrissimus Gabriel de Laubespine Episcopus Aurelianensis; quasi diceret etiam à summo Pontifice absolutus, POST CIVIS IUDICIUM DE CÆCILIANI INNOCENTIA NON EST DUBITANDUM.*

5. S. Ambrosius duo docet notatu dignissima; Primum; Catholicitatis, ut ita dixerim notam esse consensum cum Romana Ecclesia? Alterum, fidem non esse in schismate, quod ut cap. superiori ex D. Thom. ostendimus, non consistit in sola separatione ab universo Ecclesie corpore, sed etiam in divisione à capite, *Inde (à Romana Ecclesia) in omnes veneranda communionis iura dimanant*, inquit Concil. Aquileiense in epist. Syn. quæ est 4. inter epist. S. Ambrosii. Sic igitur scribit S. Ambrosius in lib. de obitu Satyri fratris; *Advocavit ad se Episcopum, nec ullā veram putavit, nisi vera fidei gratiam percontatusq; ex eo est, utrum nā cum Episcopis Catholicis, hoc est cum Romana Ecclesia conveniret, & forte ad id locorum in schismate Religionis illius Ecclesia erat. Lucifer enim*

enim se à nostra tunc temporis communionē diuiserat, & quamquam pro fide exulasset & fidei suæ reliquisset heredes, non putauit tamen fidem esse in schismate. Seimone autem 62. de temp. seu in Evang. Dom. 4. post Pentecost. insinuat firmitatem in fide à Christo per Magisterium Petri Ecclesiæ conferti, dicitur Petro duc in altum, hoc est in profundum disputationum generationis Diuina. Quid enim tam profundum, quam quod ait Petrus ad Dominum: Tu es Christus filius Dei uiuisti..... HANC Igitur solam Ecclesiæ NAVEM ASCENDIT DOMINVS, IN QVA PETRVS MAGISTER EST CONSTITVTVS, dicente Domino: SVPER HANC PETRAM ÆDIFICABO ECCLESIAM MEAM. Libro autem 4. de Fide ad Gratianum cap. 3. Ita Petrum Ecclesiæ Præpositum à Christo docet & Ecclesiæ firmitatem cum Petri firmitate coniunctam, ut ad eam conjunctionem significandam Petre nomen institutum fuerit. *Habes in Evangelio quod Petro dixit: rogavi pro te ut non deficiat fides tua: eidem autem supra dicenti: Tu es Christus filius Dei uiuisti, respondit: Tu es Petrus, & super hanc Petram ædificabo Ecclesiam, & tibi dabo claves Regni Cælorum. Ergo cui propria auctoritate Regnum dabat, huius fidem firmare non poterat? Quem cum Petram dicit, firmamentum Ecclesiæ indicauit.*

S. Hieronymus epist. 57. sic scribit ad Damasum Papam: *Quoniam vetusto Ortens inter se populorum furore collisus indiscissam Domini tunicam, & de super textam minutatim perfrusta discepit, & Christi vineam exterminat vulpes, ut inter lacus contritos, qui aquam non habent, difficile, ubi fons signatus, & hortus ille conclusus sit, possit intelligi. Ideo mihi CATHEDRAM PETRI, ET FIDEM APOSTOLICO ORE LAUDATAM CENSUI CONSVLENDAM. Inde nunc mea anima postulans cibum, unde olim Christi vestimenta suscepi.... ego nulum primum, nisi Christum sequens, Beatitudini Tuæ, id est Cathedra Petri communionē confocior: SVPER ILLAM PETRAM ÆDIFICATAM ECCLESIAM SCIO. Quicumque extra hanc domum agnum comederit, prophanus est. Si quis in Arca Noë non fuerit, peribit regnante diluvio.... quicumque tecum non colligit, spargit; Hoc est, qui Christi non est, Antichristi est. Et epist. 58. quæ est ad eundem Damasum; Hinc præfidiis fulta Mundi Ariana rabies fremit. Hinc in tres partes scissa Ecclesia ad se rapere me festinat: Monachorum circa manentium antiqua in me surgit auctoritas. Ego interim clamito: SI QVIS CATHEDRÆ PETRI IVNGITVR MEVS EST. Meletius, Vitalis atq; Paulinus sibi*

sibi habere se dicunt: Possem credere, si hoc unus assereret. Nunc aut duo mentiuntur, aut omnes. Idcirco obtestor Beatitudinem tuam per Crucem Domini, per necessarium fidei nostre decus, per Passionem Christi, ut qui Apostolos honore sequeris, sequaris & merito.

7. Hoc sancti Hieronymi exemplo docemur ad Petri successorem confugiendum in periculo schismatis; cum ille constitutus sit Caput, ut per conjunctionem cum illo constaret Ecclesie unitas, ac firmitas, & schismatis tolleretur occasio, quod S. Hieronymus docet lib. 1. in Jovinianum his verbis: *At dicis super Petrum fundatur Ecclesia, licet id ipsum in alio loco super omnes Apostolos fiat, & cuncti claves Regni Cælorum accipiant, & ex aquo super eos Ecclesia fortitudo solidetur; tamen propterea inter duodecim VNVS ELIGITVR, VT CAPITÆ CONSTITVTO SCHISMATIS TOLLERETVR OCCASIO.* Beati Hieronymi doctrinâ, & exemplo fortassis adductus fuit Justinianus, priusquam esset Imperium adeptus, ut Hormisdam Pontificem consuleret, an unus de Trinitate crucifixus prædicari deberet; cum esset hac de re dissensio. *Hoc enim, inquit epist. 3. post Hormisdæ sexagesimam quintam, CREDIMVS ESSE CATHOLICVM QVOD VESTRO RELIGIOSO RESPONSO NOBIS FVERIT INTIMATVM.*

8. Tribuitur eidem S. Doctori epist. quædam ad S. Damasum, continens Symboli explanationem. Sed Bellarminus de Scriptor. Ecclesiast. probat eam esse Pelagii hæresiarchæ. Argumentum tamen, quod ex ea sumitur ad probandam infallibilem iudicii summi Pontificis circa fidei quæstiones certitudinem, non videtur minoris efficaciz. Demonstrat enim adeò jam primis Ecclesie sæculis apud omnes constitisse, Romanum Pontificem esse huiusmodi controversiarum iudicem, ut vel ipsi Hæresiarchæ ab hæreseos accusatione tutos se esse scirent, dummodo ipsorum Fides Papæ probaretur. His autem verbis clauditur illa Epistola; *Hæc fides est Papa beatissime, quam in Ecclesia Catholica didicimus quamque semper tenuimus, & tenemus. In qua si minus peritè, aut parum caute aliquid fortè positum est, emendari cupiamus à te, qui Petri & Fidem & Sedem tenes. Sin autem hæc fra confessio Apostolatus tui iudicio comprobatur, quicunque me maculare voluerit se imperitum, vel malevolum, vel etiam non Catholicum; non me hæreticum comprobabit.* Alia sunt quamplurima hæreticorum, Sedis Apostolicæ communionem ambientium, & per frau-

fraudem obtinere studentium, exempla; ut intelligas ex ipsorum etiam hæreticorum praxi, vera esse, quæ sancti Patres de Ecclesia Romana effati sunt.

9. A sancto Joanne Chrysostomo de decem millium debitore; serm. 1. Petrus appellatur *Chori Apostolorum Princeps*, *os Discipulorum*, COLUMENA ECCLESIAE, FIRMAMENTUM FIDEI, confessionis fundamentum, orbis terrarum Piscator, qui genus nostrum ex profundis errorum in Cælum subtraxit. Et lib. ad eos, qui scandalizati sunt cap. 17. fundamentum Ecclesia, Princeps Cætus Apostolorum. Docet autem idem Sanctus pluribus in locis, Petri nomen ob fidei firmitatem Apostolorum Principi impositum, insinuatque illum ob eam firmitatem fundamentum Ecclesiæ fuisse constitutum tom. 5. in illa verba, Paulus vocatus serm. 49. ante medium; *Petrum quidem inquit, certè à virtute sic vocavit, & in ejus nomine* FIRMITATIS FIDEI ARGUMENTUM, ET INDICIUM collosavit, ut appellatione suâ PERPETUO *tangam* Magistrâ quâdam ejusmodi firmitatis utatur. Et in cap. 2. epist. ad Gal. sed prius dicendum est de Petro, & quomodo hic unus ante ceteros Discipulos solitus sit profiteri: quandoquidem etiam cognomen sortitus est OB IMMUTABILEM, ET IMMOBILEM FIDEM, Cum enim omnes essent interrogati, hic ante ceteros proficiens: Tu es, inquit, Christus filius Dei vivi. Quo tempore illi & claves Regni Cælorum tradita sunt. Vide quæ diximus lib. 5. cap. 12. In hoc sicut & in cæteris ferè omnibus sancto Joanni Chrysostomo consonat Theophylactus Bulgarorum Archiepiscopus in illud Lucæ 22. Rogavi pro te Petre, &c. Ejus verba cap. 3. §. 3. retulimus.

10. S. Cyillus Alexandrinus lib. 4. Dialog. de Trinitate. B. Petri de Christi Divinitate confessioni præmiū illud collatum scribit, ut Ecclesia in ejus fide fundaretur ac firmaretur immobiliter & insuperabiliter, Ubi, inquit, interrogavit Salvator circa fines Cæsareæ, quæ vocatur Philippi: Quem dicunt homines esse filium hominis: & quis rumor de illo per Judæorū vagetur regionem, hoc est finitimas Indæ Civitates. Puerilibus indecoris popularium opinionibus relictis valde sapienter & scienter clamabat dicens: Tu es Christus filius Dei vivi. Iam VERO DE ILLO SENTENTIÆ REMUNERATIONEM NON MULTO POST REPORTAVIT, Christo dicente: Beatus es Simon Barjona, quia caro & sanguis non revelavit tibi, sed Pater meus cælestis. Et ego dico tibi, quod

tu es Petrus & super hanc petram adificabo Ecclesiam meam, & portæ inferi non prevalebunt contra illam. Per annominationem aliud nihil quam inconcussam et firmissimam Discipuli fidem vocavit, in qua Ecclesia Christi ita fundata & firmata esset, ut non laberetur & esset inexpugnabilis inferorum portis, in perpetuum manens.

11. Theodoretus epist. ad Renatum Presbyterum Romanum hanc tribuit Ecclesiæ Romanæ laudem. *Tenet sancta ista Sedes gubernacula regendarum cuncti orbis Ecclesiarum, cum propter alia, sum quia semper hæretici satoris expers permansit. Non est autem adepta sancta Sedes privilegium regendarum cuncti orbis Ecclesiarum, postquam experientia comprobavit ipsam permanisse hæreseos, expertem; suas namque prærogativas jam à Christo ipso acceperat sed propter acceptum etiam à Christo privilegium non errandi, ac in errorem non mittendi, quod perpetua demonstravit experientia.*

12. Sanctus Gregorius epist. 52. lib. 4. quæ est ad omnes Galliæ Episcopos, qui erant sub Hildeberto, anno 595. scripta, se fidei questionum Judicem declarat, asseritque sententiam, quâ illas determinaturus sit, congruam sine dubio fore: *Si quam vero, inquit, contentionem, quod longè faciat Divina potentia, de fidei causa evenire contigerit, aut negotium emerferit, cujus vehemens sit fortasse dubietas, & pro sua magnitudine iudicio Sedis Apostolicæ indigeat. Examinatâ diligentiùs veritate, relatione suâ ad nostram studeat perducere notionem, quatenus a nobis valeat congrua sine dubio SENTENTIA TERMINARI.*

13. Exstat in Codicibus plurium Bibliothecarum, & à Baronio refertur epistola sancti Maximi Martyris ad Marinum Diaconum scribentis, in qua continetur istud de Romano Pontifice, ejusque Sede elogium. *Omnes termini terre & quicumque ubique terrarum Christum Dominum purâ mente, & orthodoxâ fide consentientur, quasi ad solem æterni luminis sanctissimam Romanorum Ecclesiam, & ejus confessionem, & fidem intenti respiciunt, ex ipsa rutilantem splendorem recipientes spiritualium, & sanctorum dogmatum. Quemadmodum fex illa sancta Synodi disertis verbis, & magna cum Religione exposuerunt apertissimè pronuntiantes Fidei Symbolum. Ab initio enim Adventus Incarnati verbi universa utique terrarum Christianarum Ecclesiæ à sancta Romanorum Ecclesia originem habuerunt, FUNDA-*

MENT-

MENTUM SOLIDUM, & maximum. contra quod porta inferi nullo pacto prevalebunt. juxta ipsiusmet Salvatoris promissionem, ut HABRAT CLAVES, scilicet ORTHODOXÆ in ipsum FIDEI, & confessionis, & aperiatur illis, qui ad ipsam Romanam Ecclesiam cum pietate accedunt, veram, & realem solam pietatem quærentes. Et claudatur contra, & obstruat omnes Hæreticorum, quod loquitur iniquitatem in Cælum. Ubi vides Romanorum Ecclesiam ideo esse fundamentum solidum, & maximum, contra quod porta inferi nullo pacto prevalebunt. quia habet claves orthodoxæ fidei, quæ sine privilegio non errandi constare non possunt.

14. Beda homil. in festo Petri, & Pauli eandem sententiam his verbis profertur; ideo beatus Petrus, qui Christum verâ fide confessus, vero est amore secutus specialiter claves Regni Cælorum, & Principatum judicariæ potestatis accepit, ut omnes per orbem credentes intelligant, quia quicumque ab unitate fidei, vel societatis illius quolibet modo semetipsos segregant, tales nec peccatorum vinculis absolvi, nec januam possint Regni Cælestis ingredi. Ex quibus concludit; Unde nos NECESSE EST totâ intentione. fratres charissimi, ET FIDEI QUAM DOCUIT SACRAMENTA DISCERE, & congruentia fidei opera demonstrare. Aded certum erat Pothoni Abbati Prumiensi, errorem apud sanctam Sedem locum habere non posse, ut secus sentientes stultitiæ arguat. Stultitia quidem elogio denotandi, qui illam Petri Sedem ALIQUO PRAVO DOGMATE FALLERE POSSE arbitrati sunt, quæ nec se fecellit, nec ab aliqua hæresi UNQUAM FALLI POTUIT. In Chron. ad annum 865.

15. Deceveram prætermittere testimonium Petri Damiani in serm. 23. qui est de nativitate S. Joann. Baptiste, eo quod Ecclesiam materiale cum vera Ecclesia Romana ex hominibus constante commiscere, atque aded argumentum non multum efficax subministrare videretur; sed illud apud Launoium legenti, & rursus attentius consideranti mihi visum est præstantissimi viri mentem luculenter significare; Ait ergo Petrus Damianus: Illa mater, & MAGISTRA ECCLESiarum omnium ECCLESIA ROMANA, cui dictum est; EGO PRO TE ROGAVI UT NON DEFICIAT FIDES TUA, in honore sancti Joannis Baptiste post Salvatoris nomen consecrata est, & signata. Unde habet nisi à summo Pontifice Romana Ecclesia, quod sit Magistra Ecclesiarum omnium, quodque non deficiat ejus fides? sed

absque ullius æquivocationis umbra mentem suam aperit. Petrus Damiani opusc. 5. cap. 1. dum ait; *Non dubium quia quisquis cunctis Ecclesijs suum detrahitis, injustitiam facit. qui autem Romana Ecclesia privilegium ab ipso summo omnium Ecclesiarum capite traditum auferre conatur, hic procul dubio in heresim labitur: & cum ille notetur injustus. hic est dicendus hæreticus. Fidem quippe violat, qui adversus illam agit, quæ MATER EST FIDEI, & illi contumax invenitur, qui eam cunctis Ecclesijs prætulisse cognoscitur.*

16. Sanctus Bernardus clarissimum Gallicanæ, atque universalis Ecclesiæ lumen, infallibile summi Pontificis judicium in decidendis circa fidem controversiis passim in suis scriptis commendat. *Oportet* (inquit epist. 190. scribens ad Innocentium II.) *ad vestram referri Apostolorum pericula quaque, & scandala emergentia in Regno Dei, ea præsertim, quæ de fide contingunt. Dignum namque arbitror ibi potissimum refarciri damna fidei, ubi non possit fides sentire defectum: hæc quippe hujus prerogativa Sedis. Cui enim alteri aliquando dictum est; EGO PRO TE ROGAVI PETRE, UT NON DEFICIAT FIDES TUA. Ergo quod sequitur à Petri successore exigitur, ET TU ALIQUANDO CONVERSUS CONFIRMA FRATRES TUOS. Id quidem modò necessarium. Tempus est ut vestrum agnoscatis, Pater amantiissime, Principatum, probetis zelum, ministerium honoretis; in eo planè Petri impletis vicem, cuius tenetis & Sedem, si vestrà admonitione CORDA IN FIDE FLUCTUANTIA CONFIRMATIS, SI VESTRA AUTORITATE CONTERITIS FIDEI CORRUPTORES. Liberiùs solebat sanctus Bernardus de summis Pontificibus, & ad summos Pontifices loqui, quàm ut adulationis possit esse suspectus. Audi adhuc de privilegijs beati Joannis Baptistæ concionantem, paulò ante finem; Mater & Magistra omnium Ecclesiarum Ecclesia Romana, cui dictum est. EGO PRO TE ROGAVI PETRE, NE DEFICIAT FIDES TUA, &c. Non ergo pro solo Petro, sed pro ejus etiam in Ecclesia Romana successoribus rogavit Dominus, ut non deficeret fides eorum.*

17. Sanctum Bernardum securus est Petrus Abbas Cellensis in epist. 1. quæ est ad Alexandrum Romanum Pontificem; *In gravissimis questionibus, sicut olim ad Moysen; si nunc, Pater venerande, AB OMNI ECCLESIA DEI recurritur ad Beati Petri, & vestram Sedem. Tam animè communiter communis imponitur vobis sollicitudo omnium Ecclesiarum.*

clesiarum, quàm singulariter, & specialiter Petro videtur dictum.
 ET TU CONVERSUS CONFIRMA FRATRES TUOS. Verba illa *singulariter, & specialiter* non excludunt Petri successores ab officio & privilegio confirmandorum fratrum (alioquin enim evidenter sibi contradiceret Scriptor) sed munus illud reliquis Prælatiis modo illo singulari, & speciali competere negant.

CAPUT VIII.

Sententia Sancti Cypriani de iudicio Papæ in materia Fidei.

1. **Q**UOD iudicium summi Pontificis de fidei quæstionibus negant esse irreformabile, proferunt ex antiquis Patribus, & Doctoribus præcipuè sanctum Cyprianum, & sanctum Augustinum, quorum hac de re testimonium, sicut magni momenti, sic luculentum arbitrantur.

2. Equidem diffiteri non possumus Beatum Cyprianum, cum de baptismo ab hæreticis collato disceptaret adversus sanctum Stephanum, ejus iudicium non solum uti reformabile non suscepisse, sed etiam tanquam falsum, & Ecclesiasticæ consuetudini contrarium, rejecisse.

3. Sed primò docet nos sanctus Augustinus, Divi Cypriani doctrinam ad sacræ Scripturæ normam esse revocandam. *Nos enim, inquit lib. 2. contra Cresconium Grammaticum cap. 31. nullam Cypriano facimus injuriam, cum ejus quaslibet litteras à Canonica Divinarum Scripturarum autoritate distinguimus.* Et cap. 32. *Ego hujus epistola autoritate non teneor, quia litteras Cypriani non ut Canonicas habeo, sed eas ex Canonicis considero, & quod in eis Divinarum Scripturarum autoritati congruit, cum laude ejus accipio, quod autem non congruit, cum pace ejus respo.*

4. Secundò animadvertendum est Beatum illum Martyrem quantumvis dignitatis, ac jurisdictionis suæ tuendæ studiosum reverentiùs de sancta Sede locutum ante celebrem illam de baptismo ab hæreticis collato, disceptationem. Nam de Felicissimo, qui ejus ad Episcopatum Carthaginensem electioni adversatus fuerat, ac postmodum in eum schisma conflaverat, & de Fortunato, hæc inter alia

scripsit ad sanctum Cornelium Papam epist. 55. seu 3. lib. 1. quorum partem Episcopi Gallicani anno 1681. in processu verbali retulerunt. *Navigare audent, & ad Petri Cathedram, atque ad Ecclesiam principalem, unde dignitas Sacerdotalis exorta est, à schismaticis, & prophetis litteras ferre, nec cogitare, eos esse Romanos (quorum fides, Apostolo predicante, laudata est) ad quos perfidia habere non possit accessum.* Si Ecclesia Romana Petri Cathedra est; cur, qui in ea sedet Pontifex, privilegio non gaudeat Beato Petro, ut non deficeret ejus fides, & ut fratres à Sathan tentatos confirmare posset, à Christo obtento? *Si unitas Sacerdotalis ab Ecclesia illa principali exorta est, nonne ad eam, seu ad centrum immobile conveniendum est, cum Ecclesie particulares, scismate, aut contentionibus circa fidem commoventur, concutiuntur, discinduntur?* Ut quid Romanorum fides laudatur, & quomodo arcebitur ab eis perfidia, si illic fides deficiat?

5. Tertio sanctus Cyprianus non solum sanctam Sedem, sed & in ipsa sedentem Romanum Pontificem, tanquam centrum unitatis Ecclesiasticæ, ac signum conjunctionis cum Ecclesia Catholica notavit his verbis epist. 52. seu 2. lib. 4. *Scriptisti etiam ut exemplum earundem litterarum ad Cornelium Collegam nostrum transmitterem, ut deposita omni solitudine jam sciret, se* (scribit ad Antonianum Episcopum) *secum, hoc est cum Ecclesia Catholica communicare.* Et in epist. 45. sanctum Cornelium sic alloquitur; *Scimus nos hortatos eos esse, ut ECCLESIAE CATHOLICAE RADICEM, ET MATRICEM AGNOSCERENT, AC TENERENT ut te universi Collegæ nostri, & communicationem tuam, id est Catholica Ecclesie unitatem pariter, & charitatem probarent firmiter, ac tenerent. Quod divitius evenisse, & Consilium nostrum providenter profecisse gaudemus. Sic enim nunc Episcopatus tui, & veritas pariter, & dignitas apertissima luce & firmissima comprobatione fundata est.*

6. Quarto eam dignitatem non ut nudum signum, sed ut Primum cum jurisdictione conjunctum esse sentiebat, cum S. Stephani auctoritatem contra hæreticos, id est contra Marcianum Episcopum Arelatensem, Novitiani sectam secutum, exerceri postulabat Itis verbis; *Dirigantur in provinciam, & ad plebem Arelate consistentem a te litteræ, quibus absento Marciana alius in locum ejus substituitur, & grex Christi qui in hodiernum ab illo dissipatus, & vulneratus contemnitur, colligatur.* Epist. 67.

7. Quintò sanctus Cyprianus epist. 69. hæresim, & schismatum originem tribuit Episcopi, qui unus est, contemptui. *Inde enim schismata, & hæreses obortæ sunt, oriuntur, dum Episcopum, qui unus est, & Ecclesia præest, superbâ quorundam presumptione contemnitur, & homo dignatione Dei honoratus, indignus hominibus iudicatur.* Plurimi eum Episcopum, qui unus esse dicitur à sancto Cypriano, Romanum Pontificem toti Ecclesiæ præfectum, intelligunt. Alii, quorum interpretatio Autoris magis videtur intentioni congruere, cuiuslibet Diocesis Episcopum significatum volunt. Sed si Episcopi particularis ea est dignitas, ut ab ejus obedientia sine schismatis, aut hæresis periculo non declinetur, quia peculiari Dei auxilio juvari præsumitur, licet Episcopi multi hæretici, aut etiam Hæresiarchæ fuerint. Quantò putamus auxilio juvandum Episcoporum Caput, Petri successorem, Christique Vicarium, & unitatis centrum. Nonne quisquis ab eo recedet, aut in hæresim, aut in schisma necesse est impingat?

8. Postquam autem permittente Deo Cyprianus in errorem lapsus est, circa baptismum eorum, qui ab hæreticis hoc sacramentum receperant; non solum, ut diximus sancti Stêphani Papæ sententiæ non acquievit, verum etiam eam quantû potuit, adhibito etiam aliorum Episcoporum suffragio, impugnare conatus est. Sed in hoc deflenda est humana infirmitas; eique qui stat, videndum ne cadat. Absurdum autem est quæ tunc temporis vel egit, vel scripsit Cyprianus, in exemplum, vel autoritatem adducere. Primò enim certum est ipsum tunc in erroris tenebris versatum, atque adversus sanctum Stephanum modestiæ, ac mansuetudinis metas transgressum, circa ejus autoritatem caligare facile potuisse.

9. Secundò, si audiendus esset Cyprianus in hac conventionione disputans, quilibet Episcopus non solum à Romano Pontifice, sed etiam à Concilio Oecumenico corripì non posset, in iis etiam, quæ ad fidem pertinerent: sic enim in Concilio Carthaginensi 87. Episcoporum præfatus est; *Supereſt, ut de hac ipsa re singuli quid sentiamus, proferamus, neminem judicantes, aut à jure communionis aliquem, si adversum senserit, amoventes. Neque enim quisquam nostrum Episcopum sese Episcoporum constituit, aut tyrannico*

errore

errore ad obsequendi necessitatem Collegas suos adegit: Quando habeat omnis Episcopus prolicentia libertatis, & potestatis sua arbitrium proprium, tamque judicari ab alio non possit, quam nec ipse potest alterum judicare; sed expectemus universi judicium Domini nostri Iesu Christi, qui unus, & solus habet potestatem & proponendi nos in Ecclesia sua gubernatione, & de alio nostro judicandi. Si unus, & solus Iesus Christus haberet potestatem de actu Episcoporum judicandi, eamque cum nemine communicasset, non haberet illam Concilium Oecumenicum magis, quam Papa. Sed si Papa eâ caret, cur antea Beatus Cyprianus hortatus fuerat sanctum Stephanum, ut Marcianum deponeret, quantumvis hæreticum?

12. Itaque qui sanctum illum Martyrem contra summi Pontificis auctoritatem in decidendis fidei quæstionibus laudant, magnam suæ causæ invidiam constant; & sancto Cypriano faciunt injuriam, dum eâ commemorant, quæ aut ipse adhuc vivus correxit, aut certè jam improbat. Sicut sanctus ille Martyr in errore versabatur circa Baptismum, dum ab Ecclesia principali dissentiebat à qua unitatem Sacerdotalem exortam esse docuerat; ita in eo quod iudicium illius Sedis in quæstionibus fidei reformabile putavit, facile potuit à recto tramite declinare. Quamquam in illo ipso loco, qui frequentius, & ab hæreticis contra Primatum, & à quibusdam Catholicis contra plenitudinem potestatis summi Pontificis objicitur, ex libro scilicet de unitate Ecclesiæ, beatus Cyprianus jam circa Baptismum ab hæreticis administratum errans, non potuit non perspicere, Petri Cathedram nequaquam deferi posse, nisi Ecclesiæ ipsa deferret, suminumque Pontificem singulari quodam modo esse Christianorum Pastorem? *Super illum unum* (nota vocem illam, unum quam de beato Petro accipit Cyprianus) *adificat Ecclesiam suam, illi pascendas mandat oves suas.* & infra, *qui Cathedram Petri, super quam fundata est Ecclesia, deserit, in Ecclesia se esse confidit.*

11. Sanctum Cyprianum hæreticorum baptismi rejicientem excusat beatus Augustinus; Primum quidem charitatem ejus commendando; *illum novum in candore sancta anima charitatis ubera contegebant.* De baptismo contra Donatistas lib. 1. in fine; & alibi sæpè. Secundo supponendo ipsum sententiam mutasse: *Correxisset istam sententiam*, inquit epist. 43. quæ est ad Vincen-

tium,

tium, non invenitur, non incongruenter tamen de tali viro existimandum est, quod correxit. & fortasse suppressum sit ab eis, qui hoc errore delectati sunt, & tanto velut patrocinio carere noluerunt. Tertio opponendo Martyri meritum, ut, si qua in ejus lucidam mentem ex humana conditione nebula irrepleverat, gloriosa serenitate fulgentis sanguinis fugaretur. Quod ergo ille vir sanctus de baptismo aliter sentiens quam rosse habebat, qua postea pertractata, & diligentissima consideratione firmata est, in Catholica unitate permansit, & charitatis ubertate compensatum est, & passionis falce purgatum. Quarto allegandum rem nondum à Concilio universali definitam fuisse. Quæ ratio, quia videtur supponere judicium summi Pontificis esse reformatile, quo in sensu sit accipienda; diligentius est inquirendum.

CAPUT IX.

Sententia sancti Augustini de Iudicio Bapæ in materia Fidei.

1. **Q**ui sancti Cypriani auctoritatem summi Pontificis infallibilis de questionibus Fidei iudicio opponunt, fatentur quidem, nec enim diffiteri possunt, eum in causa Baptismatis errasse, non autem in eo, quod sententiæ Romani Pontificis sibi necessario assentiendum esse non duxit; idque S. Augustini testimonio confirmant. Sufficeret fortasse reponere S. Augustinum non ita sentire potuisse, quandoquidem, ut in superiori capite vidimus, non est ausus B. Cyprianum omnino à peccato excusare, quamvis insinuet veniale fuisse ejus peccatum, ideoque nebulam illam serenitate fulgentis sanguinis fugatam, errorem charitatis ubertate compensatum, & passionis falce purgatum. Quæ autem potuit alia esse Cypriani culpa, quam inobedientia erga decretum summi Pontificis.

2. Etenim variis ille rationibus, & Scripturæ locis sententiam suam tueri conabatur; & tutiorem sequi videbatur partem, cum iteratio Baptismi salutem apud hæreticos baptizatorum securiorem resideret nec injuria fieret Sacramento quod cum hominum

FFF

causâ

causâ institutum sit, nec censetur prophanari, dum necessarium existimatur, neque censetur iterari, quod an ritè factum fuerit, dubitatur. præterea non solâ sua opinione ductus fuerat Cyprianus. Nam aliqui ante illum, multò plures cum illo, idem sentiebant. Cuius igitur culpæ reus esse potuit, nisi quod hæc omnia post Romani Pontificis sententiam non poterant excusare, quæ innoxium effecissent, silente hoc oraculo. Volunt tamen aliqui (quod Cypriani peccatum minuit) rem tanquam de fide non fuisse definitam à Romano Pontifice.

3. Sed indicat sanctus Augustinus de verbis Apostoli serm. 2. in fin. sufficere ad certitudinem perfectam iudiciûm sanctæ Sedis, nec ulterius quidquam requirendum. *jam de hac causa duo Concilia missa sunt ad Sedem Apostolicam inde etiam rescripta venerunt, CAUSA FINITA EST, error utinam finiatur, & libr. 1. contra Julianum cap. 4. Cui Ecclesiæ (Romanæ) præsentem B. Innocentium si audire voluisset, jam tunc periculosam juventutem tuam Pelagianis laqueis exuisset. Quid enim potuit vir ille sanctus, Africanis respondere Conciliis, nisi quod antiquitus Apostolica Sedes, & Romana cum cæteris tenes perseveranter Ecclesiæ.*

Et epist. 157. condemnationem à summis Pontificibus factam in toto orbe docet esse exequendam. *Concilium Episcopatum vigilantia, in adiutorio Salvatoris, qui suam tuetur Ecclesiam, etiam à duobus venerabilibus Antistitibus Apostolica Sedis, Papa Innocentio, & Papa Zozimo, nisi correcti etiam egerint penitentiam toto Christiano orbe damnati sunt. Cur autem B. Innocentius aliud non potuerat Africanis respondere Conciliis, nisi quod omnes tenebant Ecclesiæ? aut cur Concilia Episcopalia toto orbe damnent, ab illo, & à Zozimo damnatos? quia nimirum portæ inferi non possunt prævalere adversus Petri Sedem, ut inquit idem Doctor in Psalmo contra partem Donati. Numerate Sacerdotes, vel ab ipsa Petri Sede, & in ordine illo Patrum, quis cui successerit, videte, ipsa est petra, quam non vincunt superbe inferorum portæ.*

5. Si quando ergo sanctus ille Doctor Concilium plenarium post iudiciûm Papæ, necessarium dicit, necessitatem illam refert, non ad veritatem rei definitæ, quasi omnino, & indubitatè certa non sit, sed ad convincendam errantium pertinaciam, supremum Pontificis Tribunal non tantum venerantium, quando solum iudicat, quam dum cæteri

cæteri omnes Episcopi consentiunt. Id patet in epist. 162. ubi de Donatistis hoc scribit, quod præcipuè pro Conciliis contra Romanum Pontificem allegatur; *Ecce putemus illos Episcopos, qui Roma iudicarunt, non bonos Iudices fuisse, restabat adhuc plenarium universale Ecclesia Concilium, ubi etiam cum ipsis Iudicibus causa posset agitari, ut si malè iudicasse convicti essent eorum sententia solverentur.* Ubi S. Augustinus argumentatur ad mentem Donatistarum *Ecce putemus. Quodnam autem fuisset illorum consilium, aperuerat his verbis, quæ immediate præcedunt. Elegerunt, sicut dicitur, ad duas agere causas cum Cæsiliano apud Ecclesias transmarinas parati ad utrumque, ut si eum potuissent quacumque versutia falsa criminationis vincere, satiarent plenissimè cupiditatem suam: si autem non possent, in eadem quidem peruersitate durarent: sed jam tamen quasi haberent, quod dicerent, malos Iudices se esse perpeffos quæ vox est omnium malorum litigatorum, cum fuerint etiam manifestissimè veritate superati: quasi non eis ad hoc dici posset, & iustissimè dici.* *Ecce putemus, &c.* Ex quibus verbis colligitur Sanctum disputare in eo loco, non tam de auctoritate iudicii à Romano Pontifice prolari, quàm de ejus iustitiâ; idque ad mentem Donatistarum, conquerentium malos Iudices se esse perpeffos; cui querelæ responder sanctus Doctor, restare adhuc plenariū universale Ecclesiæ Concilium, ubi etiam cum ipsis Iudicibus causa posset agitari; ut si malè iudicasse convicti essent, eorum sententiæ solverentur. Sufficiebat S. Augustino, ut probaret vanam esse Donatistarum excusationem, schisma ob iniquitatem suorum Iudicum falsò excusantium; quæ certè excusatio vana comprobatur, ex eo quod, sicut à Romano Pontifice ad Concil. Arelatense causa delata fuerat, ita potuisset ad Concilium universale perferri, ut adhuc diligentius negotium discuteretur, à omnis tolleretur schismatis occasio, seu prætextus.

6. Cæterùm Concilium illud absolutè necessarium non fuisse sentiebat S. Augustin. cum subiungat de Arelatenſi *Dedit ille* (Imperator Constantinus) *Aliud Arelatenſe iudicium aliorum scilicet Episcoporum, non quia jam necesse erat sed eorum peruersitatibus cedens, & omni modo capiens tantam impudentiam cohibere.*

7. Adde quod non comparat S. Augustinus Romanum Pontificem cum Concil. Oecumenico, à quo ipse absit, sed Pontificem sine

Concilio, cum Pontifice in Concilio. Licet autem infallibile sit Pontificis sine Concilio Oecumenico iudicium in causis fidei; clariùs tamen apparet ejus iudicii æquitas, causâ coram omnibus Episcopis agitatâ, & ab omnibus prolata sententiâ. Maximè cum de facto est questio vel principalis, vel accessoria.

8. Locus alter, ubi S. Augustin. Concilium plenarium videtur Papæ anteferre, est in tract. de Baptismo contra Donatistas. lib. 1. c. 18. cujus hæc sunt verba. *De Baptismi ergo questione jam quantum arb. tror. satis differui, & quia hoc manifestissimum schisma est, quod Donatistarum nomine nuncupatur, restat. ut hoc de Baptismo pie credamus quod universa Ecclesia, à sacrilegio schismatis remota, custodit. In quatenus si aliud aliis & aliud aliis adhuc de ista questione salvâ pace sentirent, donec universali Concilio unū aliquid aliquatū sincerumq; placuisset, humana infirmitatis errorem cooperiret charitatis unitatis sicut scriptum est, quia charitas cooperit multitudinem peccatorum. Quæ enim absente cetera inaniter habentur, eadem presente, quadam venialiter non habentur.* Verum in his verbis non comparatur Concilium plenarium cum summo Pontifice, cujus quidem nulla in illis sit mentio: sed supponitur casus, in quo diversæ essent opiniones inter Catholicos: tunc enim quisque suam tueri posset, donec controversia esset ab Ecclesia universa definita, quæ definitio in Concilio plenario sine dubio fieri potuisset.

9. Sed quæres fortasse, cur S. Augustinus hanc definitionem à Concilio plenario fieri voluerit, potius quam à Romano Pontifice, si utriusque iudicium erat irreformabile? Quia contra Donatistas disputabat, qui nec S. Melchiadis, nec Constantini, nec Concilii Arelatensis iudicio acquieverant. Quamobrem nullum supererat, ad quod vocari possent Tribunal, præter Concilium Oecumenicum: non quod necessarium esset ad certitudinem, & rectitudinem sententiæ, ut notavit sanctus Augustinus Epistola 162. sed ut inexcusabilis appareret illorum contumacia, & ab Ecclesia discessio; Dedit ille (Constantinus) *Aliud Arelatense iudicium, aliorum scilicet Episcoporum*: NON QUIA IAM NECESSE ERAT, SED EORUM PERVERSITATIBUS CEDENS, & omnimodo cupiens tantam impudentiam cohibere. Quia etiam unius, quantæcumque sit Dignitatis, iudicium esse

esse infallibile, super humanam rationem est, nec nisi fide, ac traditione sciri potest: quod autem sententia Senatorum ex toto orbe congregatorum, nec minùs meritò quàm numero insignium, veritatem attingat, etiam si fides non doceret, ratio suaderet humana. Ideò Concilium generale pertinacissimis hominibus erat proponendum, quod si recusarent, rei à nemine non haberentur. Nec tamen quod de Concilio generali affirmavit sanctus Augustinus, de summo Pontifice negavit, standum scilicet ejus sententiæ.

10. At, inquires, in causa, de qua S. Augustinus agebat, summus Pontifex jus jam dixerat. Non constat S. Stephanum definivisse tantum de fide, baptizatos ab Hæreticis non esse rebaptizandos, sed tantum jussisse non rebaptizari; ejus signum est, quod non excommunicavit, sed excommunicatione dignos censuit secus agentes. Præterea S. Augustinus non loquebatur de illa quæstione pro illo statu, in quo res tunc temporis erant; sed ex hypothesi, quod essent diversæ opiniones, ut patet ex his verbis; *Restat ut hoc de baptismo pie credamus, quod universa Ecclesia, à sacrilegio schismatis remota, custodit. In qua tamen si aliud alii, & aliud alii adhuc de ista quæstione salva pace sentirent, &c.* Cum autem S. Augustinus adversus Donatistas scribebat, quæstio jam à plenariò Concilio definita fuerat, ut ipse frequenter repetit. Itaque non poterat Concilii plenarii auctoritatem requirere pro eo, in quo res erat, statu; atque adeò nec ad Pontificis judicium respicere, sed ad controversiam, quasi nondum direptam. Alioquin licuisset aliis aliud sentire, dummodò salva pace, etiam circa id quod universa Ecclesia à sacrilegio schismatis remota custodiat. Non erat igitur S. Augustinò proposita comparatio plenarii Concilii cum Romano Pontifice in ferendo de quæstionibus fidei judicio.

11. Quid quod S. Augustinus nusquam tam apertè de summi Pontificis, ut de Concilii Oecumenici judicio, pronunciavit, non esse irreformabile. Nam lib. 2. contra Donatistas objectioni Donatitarum, quam capite primo his verbis proponit; *Quid ergo isti dicunt, cum veritatis viribus prefocantur, cui consentire nolunt? Cyprianus, inquit: cujus tantum meritum novimus, tantamque doctrinam cum multis Coepiscopis suis, sententias proprias conferentibus,*

in Concilio statuit, Hæreticos, vel schismaticos, id est omnes, qui extra unitus Ecclesie communionem sunt, baptismum non habere; Et idem quisquis ab eo baptizatus ad Ecclesiam venerit, esse in Ecclesia baptizandum. Huic inquam, objectioni respondens cap. 3. sic relinquit; Vos certe nobis obijcere soletis Cypriani litteras, Cypriani sententiam, Cypriani Concilium. Cur auctoritatem Cypriani pro vestro schismate assumitis, Et ejus exemplum pro Ecclesie pace respicitis. Quis autem nesciat S. Scripturam Canoniceam tam veteris, quam novi testamenti, certis suis terminis contineri, eamq; in omnibus posterioribus Episcoporum litteris ita proponi, ut de illa omnino dubitari, Et disceptari non possit, utrum verum, vel utrum rectum sit, quidquid in ea scriptum esse constiterit, Episcoporum autem litteras, qua post confirmatum Canonem vel scripta sunt, vel scribuntur, Et per sermonem forte sapientiorum cujuslibet in ea reperiuntur, Et per aliorum Episcoporum graviorum auctoritatem, doctioremq; prudentiam, Et per Concilia licere reprehendi, si quid in eis forte a veritate deviatum est. Et ipsa Concilia, qua per singulas regiones, vel Provincias sunt, plenariorum Conciliorum auctoritati, qua sunt ex universo Orbe Christiano sine ulla ambagibus cedere: ipsaque plenaria sæpe priora posterioribus emendari, cum aliquo experimento rerum aperitur, quod clausum erat, Et cognoscitur quod latebat, sine ullo Typho sacrilega superbia, sine ulla inflata cervice arrogantia, sine ulla contentione livida invidia cum sancta humilitate, cum pæce Catholica cum charitate Christiana. Respondent huic S. Augustini loco, qui iudicium Concilii iudicio Papæ in quæstionibus fidei præponunt. Quod illi pro Concilio nos pro Pontifice, tantoq; facilius, quod, primò hic expressissima emendationis Concilii mentio fit; Ipsaq; plenaria sæpe priora posterioribus emendari &c. Quæ de plenariis Africanis intelligi non debent, cum de illis loquatur, qua sunt ex universo Orbe Christiano. De Papæ sententia non ita clarè S. Augustin. Secundò hæc de Concil. dicta sunt occasione hæresis, scilicet Donatistarum baptismum iterantium. Quod verò epist. 62 de Melchiadis sententia, ex suppositione quod fuisset falsa, per Concil. emendari potuisse scorgi, ad fidem non pertinebat, sed ad electionem Cæciliani. Nam tempore Melchiadis, nondum Donatistæ hæretici, evaserant. Quod autem ex lib. 1. de baptism. contra Donatistas objectum est, dictum quidem est occasione erroris S.

Cy.

Cypriani, baptizatos ab Hæreticis iterum baptizandos contenditis, sed sine expressi summi Pontificis definitionis mentione, qui quidem baptismum repeti vetuerat, & rectissime, sed rem tanquam de fide ab illo definitam fuisse non constat.

12. Denique, si verum esset, S. Augustinum illi sententiæ fuisse, quæ infallibilitatem soli Concilio Oecumenico tribuit, imò totam Africam in agnoscenda sanctæ Sedis autoritate, non solum in materia fidei, sed in aliis etiam, v. gr. in Appellationibus, difficilem se aliquando præbuisse, meminisse oporteret, Deum, qui non omnia simul omnibus solet clare manifestare, sed per partes & gradus, prout ipsi placeret, ad hanc cognitionem tandem Africanos perduxisse, imò quæ necessitate pertraxisse. Jam quidem antea ad Consilia Cleri Romani circa lapsus post mortem S. Fabiani, & ad auxilium S. Cornelii pro conservanda propria Dignitate confugerat sanctus ipse Cyprianus. S. Augustinus Innocentii & Zosimi autoritate maximè Pelagianos impugnavit. Hujus Sedis sententiâ Cæcilianus, ejusque defensores Donatistas represserunt. Et, ne plura commemorem, ac extra quæstionem, quam præ manibus habeo, excurram, potuitne Ecclesia Africana luculentius infallibile sanctæ Sedis judicium in definiendis fidei quæstionibus confiteri, quàm epistolâ illâ Synodicâ trium Conciliorum Africanorum, quæ ad Theodorum Papam scripta, lecta est sub ejus successore Martino I. in Concil. Lateranensi an. 649. act. 2.

13. *Magnum & indeficientem* (sic incipit illa epist.) *omnibus Christianis fuenta redundantem apud Apostolicam Sedem consistere fontem, nullus ambigere possit, de quo rivuli prodeunt affluenter, universum largissime irrigantes orbem Christianorum, cui etiam in honorem beatissimi Petri, Patrum Decreta peculiarem omnem decrevere reverentiâ in requirendis Dei rebus, quæ omnino & solícite debent, maxime verò justeq; ab ipso Præsulum examinari vertice Apostolico, cujus vetusta sollicitudo est tam mala damnare quàm probare laudanda. Antiquis enim regulis sancitum est ut quidquid, quamvis in remotis, vel in longinquo positis ageretur Provinciis non prius tractandum, vel accipiendum sit, nisi ad notitiam Alma Sedis vestra fuisset deductum, ut hujus autoritate justa quæ fuisset pronuntiatio firmaretur, indeque sumerent cætera Ecclesia velut de natali suo fonte predicationis exordiū, & per diversas totius mundi Regionæ puritatis incorruptæ manans fidei*

fidei Sacramenta salutis: Videri potest ibidem, id est act. seu decret. 2. Concil. Lateranenſ. an. 649. libellus Stephani Episcopi Dorenſis, ubi præter alia dicitur; *In Apostolica Sede Orthodoxorum dogmatum fundamenta exiſtere.*

14. Relatio Poſſeſſoris Episcopi Aſtri per Justinum Diaconum Hormildæ Papæ, quæ extat post epist. 69. ejusdem Hormildæ, sic incipit, *Decet & expedit ad capitis recurrere medicamentum, quoties agitur de ſanitate membrorum. Quis enim majorem circa ſubjectos ſollicitudinem gerit, aut à quo magis eſt nutantis fidei ſtabilitas expectanda, quam ab ejus Præſide, cujus primus a Chriſto Rector audivit: Tu es Petrus & ſuper hanc petram ædificabo Eccleſiam meam.*

CAPUT X.

Sententia Cleri Gallicani de judicio Papæ in cauſis Fidei.

1. **T**Oti Clero Gallicano tribuendum non eſt, quod geſtum eſt ab Episcopis Pariſiis congregatis. Non enim conventus ille, qui non errandi privilegium ſummo Pontifici adimere tentavit. Concilium Nationale erat, nec ij, ex quibus conſtabat. aliorum procuracionem ad definiendas eas quaſtiones acceperant. Imò admodum odioſa reliquis omnibus, vel ſerè omnibus in Gallia, ſicut & in omnibus aliis Nationibus viſa eſt declaratio illorum Episcoporum, vel ob id ſaltem, quod tunc temporis edita eſſet, cum non aliò ſpectare poſſe videretur, quàm ut ſummum Pontificem pro Eccleſiarum Gallicanarum libertate contendentem detereretur.

2. Si autem ex cæteris (quod præſumendum non eſt, ſaltem de multis) pœnarum in Ediſto Regio declarationem illam confirmante conſentiarum metu, aliqui ad iſtorum ſententiam accederent, audienda potiùs eſſet Gallicana Eccleſia, tunc temporis loquens, cum minùs ſuſpectus erat ejus clamor. Episcoporum illius Nationis tum ſeorſim, tum ſimul, de ſanctæ Sedis Decretis circa fidem olim diſſerentium verba retulimus in capitibus ſuperioribus. Sed ne putes ſequentibus temporibus deſeciſſe Fidem ac Religionem illius Cleri, addendæ ſunt diverſorum temporum exempla, ex

quibus & aliis, quasi perpetuæ traditionis series contexti posset.

3. Hincmarus Archiepiscopus Remensis, quem ad extollendam nimis auctoritatem Pontificis Romani proclivem nemo, qui ejus ingenium perspectum habuerit, facile suspicabitur, illustre testimonium hac in parte reddit sanctæ Sedi in præfatione opusculi de divortio Lotharii Regis, & Tetbergæ Regina: *De omnibus dubiis vel obscuris, inquit, quæ ad rectæ fidei tenorem, vel pietatis dogmata pertinent, sancta Romana Ecclesia, aut omnium, Ecclesiarum Mater & Magistra, nutrix & doctrix, est consulenda, & ejus salubria monita sunt tenenda, maxime ab his, qui in illis Regionibus habitant, in quibus Divina gratia per ejus prædicationem omnes in fide genuit, & Catholico lacte nutrit, quos ad vitam præordinavit æternam.* Si omnium Ecclesiarum *Magistra & Doctrix, est Ecclesia Romana, cur non Ecclesiæ Gallicanæ, vel etiam universæ? An hæc tota distinguitur ab omnibus suis partibus? An sensus compositus à sensu diviso hac in re olim discretus est? At, inquires, Ecclesia Romana consulenda est, & ejus monita tenenda, sed eâ conditione dummodo sint salubria.* Irridet, & non profitetur, qui summum Pontificem in eo sensu alloquitur, aut de Ecclesia Romana ita loquitur; cujus enim vel levissimi hominis monita non sunt tenenda, si salubria sint? sed eâ ipsâ ratione quod ab Ecclesia Romana dantur, quæ est omnium Ecclesiarum *Magistra & Doctrix, salubria habenda sunt, & tenenda.*

4. Ivo Carnotensis epist. 8. ad Riccherium Senonensem Archiepiscopum, eum qui Ecclesiæ Romanæ non concordat, hæreticum declarat; *Dicitis etiam in litteris, me Sedem invasisse Gaufridi Coepiscopi vestri, in quo manifestè contra sedem Apostolicam caput erigitis, dum quod illa edificat, vos, quantum in vobis est, destruitis; & quod illa destruxit, vos edificare contenditis.* Huius iudicis ET CONSTITUTIONIBUS OBIICERE PLANE EST HÆRETICÆ PRÆVITATIS NOTAM INCURRERE, cum Scriptura dicat: *Hæreticum esse constat, qui Romane Ecclesiæ non concordat.*

5. Jacobus Cardinalis Vitriacus in hist. Orient. cap. 75. anno 1230^o *Pater ergo, inquit, cum super hanc petram, pro qua DOMINUS ROGAVIT UT NON DEFICERET FIDES EIUS, POST CHRISTUM ADIFICATA SIT ET FUNDATA CHRISTI ECCLESIA, QUOD OMNES QUI AB*

ECCLESIA ROMANA RECEDUNT, ABSQUE FUNDAMENTO ADIFICENTUR in vanum laborantes, & ab eo qui à Domino Cephas appellatus est separati, Acephali, & monstrosi homines merito sunt reputandi.

6. Quæ esset Ecclesiæ Parisiensis de iudicio summi Pontificis in decidendis questionibus ad fidem spectantibus sententia anno 1324. declaravit Stephanus Episcopus Parisiensis litteris pro B. Thomæ Aquinatis doctrina editis. *De Cencilio*, ut ibi dicitur, *venerabilium virorum Decani & Capituli Parisiensis, & Venerabilis P. D. Guillelmi Dei gratiæ Archiepiscopi Viennensis Sacra Theologie Professores, & aliorum 23. Magistrorum in Theologia, nec non 39. Ecolanreorum in Theologia.* Hæc enim declaratio facta est ob eam causam, quæ his verbis exprimitur. *Nos igitur attendentes cum eis quod SACROSANCTA ROMANA ECCLESIA FIDELIUM OMNIUM MATER ET MAGISTRA IN FIRMISSIMA PETRI CHRISTI VICARIE CONFESSIONE FUNDATA, AD QUAM VELUT AD UNIVERSALEM REGULAM CATHOLICÆ VERITATIS PERTINET APPROBATIO ET REPROBATIO DOCTRINARUM, DECLARATIO DUBIORUM, DETERMINATIO TENENDORUM, BT CONFUTATIO ERRORUM, præfatum Doctorem venerabilem, cuius doctrinâ fulget Ecclesia ut Sole Luna, nuper Sacerdotum Cathalogo ascribendum, doctrina diligenti excussione & examinatione præhabita super vita ipsius & doctrina, ipsum quoad vitam puram, ac doctrinam salutarem orbi terra commendabilem prædicavit, &c.* Quæ declaratio eo maioris est ponderis, quod qui eam edidit Episcopus, idem antea quasdam D. Thomæ sententias impugnari permisecat. Unde constat illum ideo mutasse sententiam, quia, ut significat Romana Ecclesiæ sancti Doctoris doctrinam commendat. Hist. Univers. Parisiæ tom. 4. ad dictum an. 1324.

7. Franciscus Archiepiscopus Rotomagensis in Apologia Evangelii pro Catholicis ad Jacobum Majoris Britannię Regem, Parisiis anno 1625. edita lib. 2. cap. 1. multa scribit, quibus infallibile summi Pontificis iudicium in materia fidei probat. *Grandi*, inquit, *quodam privilegio Romanus Pontifex Custos Fidei Φύλαξ τῆς πίστεως à Patribus habitus, ut Ephesina alia Cælestino Papa χελεσίτω τῷ Φυλαχί πιστεύς. Cælestino Custodi Fidei acclamante testatur.* Nec non & postea insertum Chalcedonensibus aliis insigne monumentum illud est Petri Episcopi Ravennatis epist. ad Eutychem. *In omni-*

bus

bus autem hortamur te, frater honorabilis, ut his, quæ à beatissimo Papa Romana Civitatis scripta sunt, obedienter attendas, quoniam B. Petrus, qui in propria Sede & vivit & praesidet, prestatas querentibus Fides veritatem. Nos enim pro studio Pacis & Fidei extra consensum Romana Civitatis Episcopi causas fidei definire non possumus, &c. Denique multa colligit Romani Pontificis epitheta id ipsum significantia; quod sit Custos Fidei, violatae Fidei Vindex, Caput totius Fidei, &c. Cap. 2. refert partem epistolæ Agathonis Pontificis in sextæ Synodi act. 4. Synodice lectæ, de Ecclesia Romana dicentis ad Imperatores; Hæc spiritualis Mater vestri tranquillissimi Imperii Apostolica Christi Ecclesia, quæ per Dei omnipotentis gratiam à tramine Apostolica traditionis nunquam errasse probabitur, nec hereticis novitatibus depravata succubuit, sed ut ab exordio Fidei Christiana percepit ab Autoribus suis Apostolorum Christi Principibus, libata sine tunc permanet. Cap. 12. majori cum energia; CUI NON PATET, inquit, FIDEI OSTIVM ROMANIS CLAVIBVS APERIENDVM, A ROMANOQVE PONTIFICE PATEFACIENDVM ESSE.

8. Jam à primis sæculis, ut testatur S. Leo epist. 89. sancta Sedes ab Episcopis Gallicanis innumeris est relationibus consultata, qui mos nunquam non viguit. Porro ejus responsa ita suscipiebantur, ut postea consulentes non vacillarent, atque adeo reformabilia esse non suspicarentur, quod tum ex multis, quæ jam diximus constat, tum hic confirmandum est testimonio celeberrimi Aegidii Archiepiscopi Bituricensis, qui expositione cap. cum Marthæ. De celebr. Missa; Archiepiscopus igitur Lugdunensis de omnibus dubians. SEDEM PETRI AD QVAM PERTINET MAIORES CAVSAS, ET PRÆSERTIM ARTICVLOS FIDELET EA QVÆ AD ARTICVLOS ORDINANTVR DECIDERE, CONSVLIT, NE IN IPSIS VLTERRVS VACILLARET.

9. Nicolaus Coeffeteau Theologus Parisiensis, ac postea Massiliensis Episcopus in tractatu pro sacra Monarchia Ecclesiæ Catholicæ, Apostolicæ & Romanæ adversus Rempublicam Marci Antonii de Dominis Archiepiscopi Salatenfis part. 5. discuss. num. 5. cap. 12. lib. 1. indefectibile fidei lumen in summo Pontifice his verbis attribuit; Dico igitur non esse par lumen in reliquis cum summo Pontifice. Namque VNI-EI IN PERSONA PETRI DICTVM EST, EGO ROGAVI PRO TE VT NON DEFICIAT FIDES TVA. Quare eà luce illustratus plus ejus oculis cernit quàm multorum oculi, &c.

10. Luculentius mentem suam aperit Illustrissimus Gabriel Alba-
spineus Aurelianensis Episcopus in hæc verba Tertulliani, *Episcopus
Episcoporum* lib. de Pudicitia; *Quicumque igitur, inquit, ratione
aut mente de Romano Pontifice hæc dixerit Tertullianus, serio vel per
ludibrium, illis tamen temporibus* PENES EUM POTESTATEM FUISSE
DE REBUS FIDEI IUDICIA PEREMPTORIA FERRE, & totius orbis Epi-
scopos monere atque docere, quis non agnoscit? Eoque magis quod
unus Tertullianus jam hæresi implicitus, de hac re cæteris Ecclesia Epi-
scopis non reluctantibus conqueratur: nam de his rebus enim opor-
gnando conjecturam facit, eâ tempestate id juris Romanis Episcopis
concessum fuisse, eosque revera hanc potestatem exercuisse. Vide ejus
notam in hæc verba S. Optati Episcopi Milevitani de B. Petro lo-
quentis lib. 2. de schism. Donat. *Qui ducit ad se Angelum.*

11. Illustrissimus Petrus de Marca Archiepiscopus Tolosanus in
quodam M. S. quod Stephanus Baluzius in compendio ejus vitæ li-
bris de Concordia præfixo, asserit ultimum esse Illustrissimi illius
Archiepiscopi opus, paulò ante mortem ab ipso confectum, infalli-
bile Papæ in Fidei quæstionibus iudicium ita defendit, ut opinionem
contrariam antiquorum Doctorum Universitatis Parisiensis (Gerso-
nium & alios innuebat, de quibus postea) ab Ecclesia tolerari tantum
asseruerit; cæterum tunc ipsiusmet Universitatis, & aliarum omnes
Doctores, pro infallibili Papæ iudicio stare.

12. Non Episcopi singulares tantum, sed ut olim Concilia
ita posterioribus temporibus conventus, & Comitium Cleri
Gallicani privilegium illud sanctæ Sedis venerata sunt. Celeberri-
mus Conventus Melodunensis anno 1579. tit. 1. Constitutionum, qui
est de fidei professione, sic decrevit; operam dabant in quibus hæc cu-
ra demandata est, *Episcopi scilicet & eorum Vicarii, ut in omnibus
Synodis tam Diocesanis quàm Provincialibus, omnes & singuli tum
CLERICUM, tum LAICI AMPECTANTUR, ET APERTA PROFESSIONE
EAM FIDEM PRONUNCIENT, QUAM S. ROMANA ECCLESIA, MA-
GISTRA, COLUMNA, ET FIRMAMENTUM VERITATIS PROFITETUR
ET COLIT. Ad hæc enim propter suam principalitatem necesse est om-
nes convenire Ecclesias.*

13. Sed quid sibi volunt verba illa epistolæ Comitiorum Gene-
ralium Cleri Gallicani ad Innocentium X. Pontificem Maximum
3. Kal. Novembr. 1650. SCIMUS UBI CAPUT ECCLESIAE IBI TOTUS

VIDET ARCEM, TOTIUS ET DISCIPLINÆ METROPOLIM; *Eoque convenitur à nobis libentius, quo in Prasulum Primatis sine Prasules, si quando illis dolet, maximè à vulneribus Ecclesiæ iustissimās querelas suas deponere par est.* Adeone parum tuta est Religio nostra, ut totius fidei arcem hæresi disjici posse sentiamus? Adeone parum firma est Petra, super quam Christus ædificavit Ecclesiam suam, ut porte inferi prævalere possint adversus eam? Adeone inefficax Christi Oratio, ut Petri, pro quo rogavit, defectura sit fides in ejus successoribus? Sed Ecclesiæ Gallicanæ mens luculentius apparet in Epistolis anno 1637. in ultimo capite hujus libri referendis.

CAPUT XI.

Probatur autoritate Universitatis Parisiensis ac Doctorum Particularium illius, nec non Senatus Parisiensis, Pape judicium in causis Fidei esse irreformabile.

I. **A**NNO 1387. tota Universitas Parisiensis in Consistorio apud Clementem, quem tanquam legitimum Pontificem sequebatur, per Magistrum Petrum de Alliaco infallibile Romani Pontificis judicium in Causis fidei esse professæ est his verbis in histor. Univerf. ad hunc annum relatis; *Igitur pro vestris humilibus filiis Universitatis prædictæ, & pro nobis eorum Nuncios, qui suis in hac parte absequimur mandatis, & documentis transmittimur, corde & ore unanimitè protestamur, quod quidquid hactenus in hac causa per eos actum est, & quidquid in ea nunc vel alias pro eis acturi, aut dicturi sumus, totum correctioni, & judicio Sedis Apostolicæ & sedentis in ea summi Pontificis humiliter submittimus; dicentes cum B. Hieronymo 24. quæst. 1. Hac est fides, Pater Beatissime quam in Catholica Ecclesia didicimus, in qua si minus peritè aut minus cavè fortè aliquid positum est, EMENDARE PETIMUS A TE, QUI PETRI EIDEM ET SEDEM TENES. NON IGNORAMUS ENIM SED FIRMISSIMè TENEMUS, ET NULLATENUS DUBITAMUS, QUOD SANCTA SEDES APO-*

STOLICA EST ILLA CATHEDRA PETRI, SUPRA QUAM EODEM HERONYMO TESTE FUNDATA EST ECCLESIA, *ut habetur eadem questione in cap. Quoniam vetus. Et sicut dicit Cyprianus 93. dist. Qui Cathedram.* DE QUÀ SEDE, IN PERSONA PETRI APOSTOLI IN EÀ SEDENTIS DICTUM EST, PETRE ROGAVI PRO TE UT NON DEFICIAT FIDES TUA. *Luc. 22. Hac est igitur adquam determinatio fidei, & approbatio fidei, & approbatio veritatis Catholica, ac hæretica impietatis detestatio maxime pertinet.*

2. Adeo erat veneranda illi Universitati sententia de infallibili iudicio Papæ, ut ante hunc annum nullus ejus Facultatis Doctor ab ea recesserit, & postea, licet occasione schismatis, aut aliorum dissidiorum ab ea nonnulli declinaverint, nunquam tamen ab ipsis Universitatis incunabulis usque ad postremas contentiones defuerint Doctores, qui eam sequerentur. De antiquis testatur generatim Andreas Duvallius Academiæ Parisiensis alumnus, ac Theologiæ Professor, in lib. *De suprema Romani Pontificis in Ecclesiam potestate*, anno 1414. in lucem emissio, & à duobus aliis Doctoribus approbato, sensisse illos privilegium in fide non errandi à Petro ad ejus successores defluxisse, nec nisi à ducentis annis quemquam ab ea sententia recessisse. Hæc sunt ejus verba, *Velint nolint Adversarii, liquidò constat veteres Ecclesia Gallicani Proceres hanc in summi Pontificibus Petri successoribus infallibilitatem semper agnovisse, Christique Domini Orationem in Petro non fuisse, sed ad ejus successores certissime transisse, eosque, qui hanc veritatem impugnare conati sunt, à ducentis aut circiter annis, quibus in Ecclesiam horrenda schismata irruerunt, coevisse. Quæ Doctoris assertio exemplis est roboranda.*

3. Alcuinus S. Benedicti Monachus Caroli Magni Præceptor, etique, ut volunt Galli, fundandæ illius Universitatis auctor, hæc habet lib. 1. de Divin. offic. cap. 19. *Religionis cultum sic Dominus instituit, ut in Beatissimo Petro principaliter collocaret, atque ab ipso quasi capite dona sua vellet in corpus omne manare.* (Nota hæc verba, in *corpus omne*, ne putes Alcuinum sensisse, à summo Pontifice in alias Ecclesias fecisse acceptas, non autem in corpus ipsum Ecclesiæ universalis, fidei veritatem, aliæque Divina dona manare.) Unde constat ab universali Orbis communione separatos esse, sicut docet B. Pelagius, qui qualibet dissensione inter sacra Mystéria Apostolici Pontificis memoriam servandum consuetudinem non frequentavit.

4. Albertus Magnus S. Thomas Magister, qui tanto Discipulorum concursu Parisiis docuit, ut, cum schola nimis esset angusta, in foro quod ab ejus nomine nuncupatur, legere coactus sit, ex verbis Christi ad Petrum; *Rogavi pro te, &c.* infert, Petri successores à fide, quantumvis illa impetatur, non defecturos. *Hoc argumentum*, inquit, *efficax est pro Sede Petri, & successore ipsius, quod fides ejus non finaliter deficiat.* Obscuritatē aliquam pareret vox illa *finaliter*, ac fortē de perseverantia finali aliquis eam interpretaretur; nisi constaret eam quidē interpretationem S. Petro posse accommodari, non autem successoribus ejus, quibus si non esset datum in determinandis fidei questionibus non errandi privilegium, multò minus affirmare liceret, promissam ipsis, ut privatis personis, finalem in fide perseverantiam, multò minus de Sede ipsa B. Petri, cujus etiam meminit (*pro Sede Petri & successoribus ipsius*) posset illa vox *finaliter*, accipi. Ea igitur vis est vocis illius; posset scilicet Romanum Pontificem in rebus ad fidem spectantibus, dum eas agitat, ac discutit, aliquatenus fluctuare, quemadmodum Joanni XXII. contigit circa visionem Beatificam ante judicium universale; rebus tamen agitatis & discussis non posse quidquam solemniter definire, ac toti Ecclesie credendum proponere, quod sit ab Orthodoxa fide alienum.

5. Sanctus Thomas Aquinas Universitatis Parisiensis Alumnus, ac in ea deinde celeberrimus Magister, non potuit luculentius supremum & infallibile summi Pontificis, in decidendis circa fidem dubiis judicium profiteri, quàm his verbis 2. 2. quæst. 3. art. 10. *Ad illius auctoritatem pertinet editio symboli, ad cujus auctoritatem pertinet DETERMINARE EA, QUÆ SUNT FIDEI, UT AB OMNIBUS INCONCussa fide teneantur.* Hoc autem pertinet ad auctoritatem summi Pontificis, ad quem majores & difficiliore Ecclesie questiones referuntur, ut dicitur in Decret. extra de baptismo c. Majores. Unde & Dominus Luc. 22. Petro dixit, quem summum Pontificem constituit, Ego pro te rogavi, Petre, ut non nescias fidem tuam; & tu aliquando conversus confirma fratres tuos. Qua cavillatione locum istum obscurabit Launoius? Non hic ad Ecclesiam Romanam, non hic ad Sedem Apostolicam, sed ad auctoritatem summi Pontificis pertinere dicitur finaliter determinare ea quæ sunt fidei, ut ab omnibus inconcussè teneantur.

6. At fortasse, licet non exprimat, intelligit tamen S. Thomas casu, cum summus Pontifex in Concilio Oecumenico sedet, ac praesidet. Contra verò eam restrictionē expressis verbis rejicit S. ille Doctor de potentia q. 10. art. 4. ad 13 ubi postquam summo Pontifici, sicut & Concilio Oecumenico auctoritatem tribuit interpretandi Symbolum subiungit; *Sicut autem posterior Synodus potestatem habet interpretandi Symbolum à priori Synodo conditum, ac ponendi aliquam ad ejus explanationem, ut ex praedictis patet; ita etiam Romanus Pontifex hoc sua auctoritate potest, cujus auctoritate solà Synodus congregari potest, & à quo sententia Synodi confirmatur & ad ipsum a Synodo appellatur. Quae omnia patent ex gestis Chalcedonenſis Synodi.* Objectionem de necessitate Concilii praecipue parthis verbis; *NEC EST NECESSARIUM, QUOD AD EIVS EXPOSITIONEM FACIENDAM VNIVERSALE CONCILIUM CONGREGETUR.* cum quandoque id fieri prohibeant bellorum dissidia sicut in septima Synodo legitur, quod Christianus Augustinus dixit, quod propter imminentiā bella universaliter Episcopos congregare non posuit: sed tamen illi qui convenerunt, quadam dubia infido exorta sequentes sententiam Agathonis Papa determinaverunt. Scilicet quod in Christo sint dua voluntates & dua actiones, & similiter Patres in Chalcedonenſi Synodo congregati fecerunt sententiam Leonis Papae, qui determinavit Christum esse in duabus naturis post incarnationem.

7. Antiquos secuti sunt novi quāplures: Joannes à Celsa Doctoratus Lauream in Universitate Parisiensi assecutus, in 3. sentent. dist. 25. quæst. 4. quintam hanc ponit conclusionem; *QUINTA CONCLUSIO EST ISTA. ROMANÆ SEDIS IUDICIUM IN HIS QUÆ FIDEI SVNT, ET AD HUMANAM SALVTEM NECESSARIA, ERRARE NEQUIT.* Quod probatur ex promissione saluatoris Nostri Luc. 12. quae verba allegat Bernardus scribens Innocentia Papae., ... Idem asserunt D. Cyrillus & D. Chrysostomus, & D. Gregorius. Deinde illorum rejicit sententiam qui infallibilitatem penes Ecclesiam universalem tantū, non autem penes Romanum Pontificem solitarie summum reponunt. Contra istam conclusionem arguitur. Doctores Catholici glossant illam auctoritatem Saluatoris de universali Ecclesia, & non de Sede Romana, ergo male assumitur talis auctoritas pro fundamento istarum conclusionum. Ad hanc replicam respondetur negando antecedens. imò necessarium est dicere, quod non intelligitur de universali Ecclesia. Nam subiungitur, & in aliquando conversus, &c.

Idcirco

Idcirco D. Cyrillus, & D. Chrysostomus, & D. Leo, & B. Agatho, & D. Bernardus, & Anselmus, & Albertus Magnus, & D. Thomas glossant præfatam auctoritatem de Ecclesia Romana, ut distinguitur ab alijs Ecclesijs,

8. Andreas Duvallius, ut supra diximus Doctor Sorbonicus, & in Academia Parisiensi Regius Theologiæ Professor de suprema Romani Pontificis in Ecclesiam potestate Tractatum emisit in lucem ann. 1614. eumque approbarunt G. J. Roger, & J. Roche Facultatis Theologiæ Parisiensis Doctores his inter alia verbis. *Juris ut sitæ publici opera pretium duximus ad sanctissimi Domini nostri Pape auctoritatem tuendam, nec non ad summam cum eodem Capite suo visibili Romano Pontifice unionem ætissime retinendam, cui aliter schismaticorum mala mens malisque animi malè & seditiosè consiliū vellet, 10. Kal. Febr. an. sal. 1614.*

9. Joannes Puteanus Augustinianus Professor Regius in Academia Tolosana, qui Parisiis Theologiam didicerat, in 2. Thomæ quæst. 1. art. 6. dubit. 2. conclusionem hanc secundam ponit; SOLIUS PONTIFICIS MAXIMI EST RES DE FIDE CATHOLICA DEFINIRE, ET EADEM CERTO ET INDUBITANTER PROPONERE CREDENDAS, quam sacræ Scripturæ, Patrumque, atque aliorum Doctorum testimoniis probat. In solutione autem primæ objectionis infallibilitatem, quam habent Episcopi in Concilio universali, connexioni, quam habent cum summo Pontifice, adscribit eamque Concilio, absente summo Pontifice, denegat. *Infalibilis ista assistentia Spiritus sancti non est aliunde repetenda quam à promissione D. Petro facta. Unde propter connexionem quam supponimus dari inter Episcopos & Pontificem Maximum, in Concilio Generali, statinendum est, Episcopos illic congregatos nullo modo errare posse in rebus de fide decidendis. Si tamen fuerint congregati totius Orbis Episcopi absente Pontifice Maximo, et suis Legatis, Episcopi subiiciuntur erroribus,*

10. Leonardus Coquzus etiam Augustinianus in Universitate Parisiensi Doctor Theologus in Antimorinzo tom. 1. pag. 83. QUOMODO IGITUR, inquit, AGRE FERUNT (Hæretici) NOS ROMANUM PONTIFICEM CONCILII SUPERIOREM ASSERTERE? ET ROMANO PONTIFICI, CONCILII IN SPIRITU SANCTO LEGITIME, CON-

GREGATIS TANTUM DEFERIMUS, UT NEC ILLUM; NEC ISTA, IN DEFINIENDIS, QUÆ AD FIDEM ET MORES PERTINENT, AC REGIMEN ECCLESIE SPECTANT, ERRARE POSSE ASSERAMUS. NEC QUIDQUAM TOTI ECCLESIE PROPONERE CREDENDUM, QUOD SIT ERRONEUM; ut hereticus aut temerarius ille sit nobis, qui vel Romani Pontificis, vel Oecumenicorum Conciliorum statutis ac definitionibus refragari audeat Tomo autem 2. pag. 237. Cum sedeat in Cathedra Petri, pro quo Dominus rogavit ut non deficeret fides ejus; & ut confirmaret fratres suos, non sinet eum ex illa Cathedra aliquem errorem loco fidei salutisera obtrudere fidelibus credendum.

11. Hervæus Natalis Brito Ordinis Fratrum Prædicatorum Generalis in tract. de potestate Papæ, quem refert, & sequitur S. Antoninus Archiepiscopus Florentinus, ejusdem Ordinis, 3. part. summæ Theologiae tit. 22. cap. 2. §. 3. probat necessitatem unius capitis in Ecclesia ex necessitate conformitatis in veritate fidei & morum hoc modo; *Intota universitate Christiana debet esse conformitas de his, quæ pertinent ad veritatem fidei & bonos mores circa necessaria ad salutem. Sed talis conformitas non potest salvari, nisi in ordine ad unum Caput, scilicet unum Præsidentem, ad quem spectet sententiare quid credendum, & quid non credendum. Ergo &c.* An Christus constituens summum Pontificem ad definiendas ejusmodi controversias pro tota universitate Christiana, negavit quæ necessaria erant, ut certa esset ejus definitio, circa necessaria ad salutem?

12. Infallibile judicium Papæ in decidendis fidei controversiis probat Michael Maucerus Parisinus Doctor Sorbonicus in libris de Monarchia Divina Ecclesiastica & seculari Christiana Parisiis an. 1622. editis, & Gregorio XV. ac Ludovico XIII. Regi Franciæ dicatis 2. part. lib. 4. capp. 4. §. 6. & 7. eamque communem esse in Scholis Theologorum sententiam asserit dicto. cap. 4. his verbis; *Hæc illa communis sacre sapientia Professorum qua docetur in scholis, assertio, disceptationum causarumq; de fide cursum, motumq; Romani Pontificis in Cathedra Petri sedentis consopitum judicio finiri.* Sic senserunt Doctores Galliani aliquâ schismatis, vel alterius dissidii occasione non exasperati.

14. Ita ad autoritatem Joannis Gersonii ejusque sequacium respondet Andreas Duvalius part. 2. quæst. 1. *Scio quidem in re Pontificia, Alliacensem, Gersonium, & Amainum non esse tantæ autoritatis, quia tempore schismatum floruerunt & seipservunt,*

duo priores, quando tres se pro Pontificibus gerebant: postremus vero, nempe Almainus tempore Iulii II. & Conciliabuli Turonensis, quo Gallia sub Ludovico XII. à Sede Apostolica defecerat, &c. Aliam affert responsionem quæst. 4. ad nonum. Ioannes Gerson, inquit, Iacobus Almain & Ioannes Major celebres schola Parisiensis Doctores cum nonnullis aliis privilegium infallibilitatis Pontifici denegarunt sed illud ei concesserunt alii, quorum quidam multò sunt illis celebriores, ut D. Thomas 2. quæst. 1. art. 10. Ad summum Pontificem pertinet ea, quæ sunt fidei definire ut ab omnibus inconcussa fide teneantur. Itemque D. Bonaventura singulare scholæ Parisiensis decus & ornamentum. & cuius doctrinam Gerson ad studentes in Collegio Navarra miris laudibus ad Cælum usque extollit: Hervæus Armoricus, Henricus Gandavensis, & Ioannes de Celaia ambo Societatis Saronica: itemque Doctores illi, qui in Comitibus scholæ Generalibus errores Malefoni condemnarunt, his verbis, Ad sanctam Apostolicam Sedem pertinet auctoritate iudiciali suprema circa ea, quæ sunt fidei definire. Quo fit ut iniquè Vigorinus metanquam scholæ Parisiensis desertorem, & veluti perduellem scriptis suis traducere & proscindere præsumat præsertim, ut in Elencho contra Richerium aperte significavimus, nihil quidquam à Facultate Parisiensi contra Pontificis infallibilitatem unquam sit definitum.

14. Ludovicus Bail in apparatu ad Concilia quæst. 43. & sequ. non solum juxta S. Thomæ, quam supra declaravimus mentem, sed & per ipsa ejus verba responder ad quæstiones de judicio Papæ in quæstionibus Fidei. Hunc, aliosque nonnullos citamus: quia licet fortasse respondet ad quæstiones de judicio Papæ in quæstionibus Fidei. Hunc, aliosque nullos citamus; quia licet fortasse non tanti sint ponderis apud modernos Gallos, tamen cum Galli sint, Galliæ mentem testantur.

15. Denique ramen Universitas Parisiensis nonnihil ab antiqua doctrina recessit; sed certis gradibus ac ferè invita. Namque adhuc mense Majo 1663. quo tempore ortum fuerat dissidium inter Alexandrum Papam, & Regem Christianissimum, prodit Decretum cum hoc titulo: *Declarationes sacra Facultatis factæ apud Regem Christianissimū super quibusdam propositionibus, quas nonnulli ipsi voluerunt adscribere.* Quintus articulus erat iste: *Doctrinam facultatis non esse, quod summus Pontifex sit supra Concilium.* Sextus; *Non esse doctrinam, vel dogma Facultatis, quod summus Pontifex nullo accedente*

Ecclesia consensu sit infallibilis. Hic Facultas modo negativo respondet non esse doctrinam, &c. Apertiùs deinde locuta est in censura librorum Jacobi Vernant anno 1664. & Anadæi Guimenei anno 1665.

16. Nihilominus antiquum usum nondum immutavit, neque mutare suadentibus obtemperandum duxit, de quo usu Andreas Duvalius; *Landabilis*, inquit, *in Academia Parisiensi viget consuetudo, qua Baccalauræi de questionibus Theologicis solemniter responsuri protestationes pramittunt, se nolle quicquam contra Decreta sanctæ Matris Ecclesiæ, nec non sanctæ Sedis Apostolicæ & Romanæ asserere, aut defendere, & siquid in actu disputationis adversus ejusmodi Decreta, illis exciderit, vel ignorantia, vel immemoria, vel lingue præcipitio attribuendum velle.*

17. Autoritati Universitatis Parisiensis adjungenda est, quam illa tam frequenter imploravit, cuique ut primum ultro, ita deinde invita subjacuit, Senatûs Parisiensis auctoritas. Ille igitur Senatus ad Ludovicum XI. per Joannem Lozellier Inquisitionum Cameræ Præsidentem, cujus oratio refertur à Petro Pureano inter Tractatus de libertatibus Ecclesiæ Gallicanæ, ita Regem alloquitur art. 20. „ Protestatur Curia Vestræ Majestati se nullo modo propter quæcumque inferiùs dicenda vel excellenti sanctitati, dignitati, honori, & auctoritati nostri sancti Patris Papæ, sanctæque Sedis Apostolicæ derogare: sed contra ei omnem honorem, reverentiam, & obedientiam, quam omnes boni fideles Catholici supremo Ecclesiæ Pastori præstare tenentur, sicut veros filios Ecclesiæ Matri sanctissimæ reddere, & exhibere: protestans insuper si quid dictum factumque à se fuerit quod correctione egeat, illud totum velle se omninò Ecclesiæ sanctæ Apostolicæ & Romanæ determinationi submittere, quæ errare non potest juxta Canonum. A recta 24. quæst. 1.

CAPUT XII.

Probatur testimonio summorum Pontificum in questionibus Fidei Romani Pontificis judicium esse certissimum.

1. **S**I summorum Pontificum tanquam in propria causa loquentium rejicienda esset auctoritas, nec eorum Dignitatis, Sanctitatis, aut meriti habenda ratio, pari vel potiori etiam ratione

tionem recusari posset Concilium Constanciense, cujus Decretis, quæ alibi examinata sunt, nititur hæc propositio, cum in propria etiam causa loqueretur. Verum nefas est de illis præsertim, qui sanctitate ac doctrina conspicui fuerunt, suspicari eos propriæ Dignitatis augendæ causâ doctrinam inducere voluisse, quæ, si erronea esset, totius Religionis Christianæ fundamenta concuteret.

2. Sanctus Innocentius à S. Augustino, & ab aliis Patribus tantopere commendatus epist. 25. ad Episcopos Milevitani Concilii ann. 417. Romanam Ecclesiam ut fidei fontem perenniter fluentem exhibet; *Neque enim hoc vestram credo latere prudentiam qui id etiam actione firmastis*, scientes quod per omnes Provincias de Apostolico fonte petentibus responsa semper emanant. Præsertim quoties fidei ratio ventilatur, arbitror omnes fratres, & Coepiscopos nostros nonnisi ad Petrum, id est sui nominis & honoris autorem referre debere, *velut nunc retulit vestra dilectio, quod per totum mundum possit Ecclesiis omnibus in commune prodesse.* Notentur hæc verba, nonnisi ad Petrum, ad quem fidei quæstiones referuntur, dum referuntur ad ejus successorem; Quia nimirum sicut officio, sic & fidei firmitati officio necessaria, succedit.

3. Relationes olim ad sanctam Sedem ex omnibus Christiani Orbis Provinciis, præsertim ex Gallia fieri solitas farentur Galli: sed forsitan responsiones non esse irreformabiles existimant. Contrarium S. Innocentius sentibeat, quandoquidem epistolâ ad Episcopos Macedoniæ à Dionisio Exiguo cum aliis collectâ, injuriæ adversus sanctam Sedem tribuebat, quod secundum consuleretur, quasi ejus sententia in dubium revocaretur. *Adverti, inquit, Sedi Apostolicæ, ad quam relatio quasi ad caput Ecclesiarum missa currebat, aliquam fieri injuriam, cujus adhuc in ambiguum sententia duceretur.* Hanc etiam exceptionem excludunt multi Doctores, quorum testimonia supra reddita sunt, ut in eis observare licuit.

4. Sanctus Cælestinus Legatos mittens in Orientem, ipsis contendere prohibuit, præcepit verò de aliorum sententiis judicare: quæ jussione significabat non esse ab Episcopis expectandum consensum, ut esset irreformabile Papæ judicium, sed per ipsius judicium, & per instructionem ab eo datam componenda, atque ad unitatem redigenda variè sentientium Episcoporum suffragia. *Ad discepcionem*

si fuerit deventum, vos de eorum sententiis dijudicare debetis, non subire certamen. Comonitor Caelest. apud Christianum Lupum ad Ephesin. Concil. varior. Par Epist. cap. 236.

5. Sancti Leonis Magni testimonium proutimus cap. 3. sed Launois, ut illi vim detrahat par. 5. epist. 2. illud de S. Petro tantum, ac pro tempore Passionis dumtaxat interpretatur, malæ fidei accusans Bellarminum, quod omiserit eam partem, in qua passionis fit mentio. Sed cadit hæc accusatio, si reddatur pars alia testimonii, quam Launois ipse omisit, & in qua sermo fit de tempore post Passionem. Sequitur enim; *Cum itaque dilectissimi, tantum nobis videamus presidium Divinitus institutum, rationabiliter & iuste Ducis nostri meritis, & Dignitate letamur, gratias agentes sempiterno Regi Redemptori Nostro Jesu Christo, qui tantam potentiam dedit ei, quem potius Ecclesia Principem fecit, ut si quid etiam nostris temporibus recte per nos agitur, recteque disponitur, illius sit gubernaculis deputandum, cui dictum est; Et tu confirma fratres tuos; & cui post resurrectionem suam Dominus ad trinam æterni amoris professionem mystica infinuacione ter dixit; Pasce oves meas: quod nunc quoque procul dubio facit, & mandatum Domini pius Pastor exequitur, confirmans nos cohortationibus suis, & pro nobis orare non cessans.* Nos enim Christus post Passionem Petro commisit oves suas, ut tempore Passionis eas pasceret; nec de illo tantum tempore intelligi possunt hæc verba; *Quod nunc quoque procul dubio facit, &c.* At inquit facit hoc Petrus cohortationibus suis & orationibus. Ita est; sed facit etiam quia, ut idem S. Leo dicit in serm. 2. in Anniversario Assumptionis suæ ante medium, in Romano Pontifice *omnium Pastorum sollicitudo cum commendatarum sibi ovium custodiâ per severat, & ejus etiam dignitas in indigno hærede non deficit.* Non est autem inutilis proposito Bellarmini S. Leonis autoritas, etiam si partem tantum attulerit, nec quæ ex illa consequuntur, expresserit; quia scilicet cum ex verbis, quæ recitaverat, sequeretur, potestatem sancto Petro collatam, tanquam supremo Pastori, & ut fratres confirmaret; in promptu erat unicuique concludere, eadem potestate muniri, qui eidem officio à Domino præponatur.

6. Sancti Agathonis etiam testimonium jam reddidimus, sed multiplici

tiplici telo Launoius illud impetit. Primò distinguens *Apostolicam Christi Ecclesiam*, (id est Romanam, de qua, ut fatetur Launoius, loquitur Agatho) à Romano Pontifice. Sed ut jam alibi insinuavimus, inutilis est distinctio Sufficit enim ut non errandi privilegium Ecclesiæ Romanæ concedatur; Planum est enim illud à Pontifice in Clerum derivari, idque verba ipsa Evangelii ab Agathone recitata ostendunt: *Ego autem rogavi pro te, &c.* Adde quod ad propositum nostrum non satis est, ut Pontificis judicium certum sit, antequam universæ Ecclesiæ consensus accesserit. Secundò distinguit Launoius ius à facto, notatque quod *Agatho questionem facti non juris tractat, cum ait Apostolica Christi Ecclesia, id est Romana, à tramite Apostolica traditionis nusquam errasse probatur, aut Hæreticis novitatibus unquam depravata succubuit.* Benè equidem Launoius, si ibi histeret Agatho; sed causam continuò affert, quæ ius validius quam factum adstruit. Prosequitur enim; *Quia dictum est Petro: Simon ecce Sathanas, &c. Ego autem rogavi pro te, &c. Hic Dominus fidem Petri non defecturam promisit, & confirmare eum fratres suos admonuit. Quod Apostolicos Pontifices meæ exiguitatis Prædecessores confidenter fecisse cunctis est agnatum.* Tertiò Launoius circa hæc ultima verba notat, *Agathonem indefinite scribere: Apostolicos Pontifices Prædecessores confirmasse fratres suos: sed definite non scribere Apostolicos Pontifices Prædecessores omnes confirmasse fratres.* Sed nonne juxta regulas Dialecticæ propositio indefinita de facto circumstantiis non limitato, æquivalet universali? At, inquit Launoius, multi Pontifices secus fecerunt. Utrum aliqui præcepto implendo defuerint, siue defectu spei consequendi fructus, siue etiam per negligentiam, questio est de facto nequaquam juri præjudicans. Sufficit ut Pontifices præceptum sibi à Christo impositum de confirmandis fratribus scientes, regulariter & ordinarie illud cum autoritate, saepe cum utilitate, præstiterint. Sancti Gregorii testimonium jam retulimus.

7-Nicolaus Lin epistola ad Michaelē Imperatorem privilegia sanctæ Sedi in persona B. Petri à Christo collata immota semper futura esse constanter affirmat, inter quæ illud sine dubio præcipuum est, ut vacillantes in fide confirmet, quemadmodū fecerat S. Leo erga Concilium Ephesinum secundū. *Quomodo, inquit, non egeat qualibet Synodus Romana Sedis, quando in Ephesino Latrocinio cunctis Præsulibus,*

Et ipsi quoque Patriarchis prolabantibus, nisi Magnus Leo, imitator scilicet illius Leonis, de quo scriptum est; Vicit Leo de tribu Juda; divinitus excitatus, os aperiens totum Orbem, Et ipsos quoque Augustos concuteret, Et ad pietatem commoveret; Religio Catholica penitus corrumpisset. Et inferius; Cum Ecclesia Romana privilegia Christi ore in B. Petro firmata in Ecclesia ipsa disposita, antiquitus servata, Et à Sanctis Universalibus Synodis celebrata, atque à cuncta Ecclesia jugiter venerata, nullatenus possint minui, nullatenus infringi, nullatenus commutari, quoniam fundamentum quod Deus posuit, humanus non valet amovere conatus; Et quod Deus statuit, firmum validumque consistit, &c.

8. *Parcius de privilegiis Ecclesie Romanæ Nicolaus, quam ad eum scribens S. Ignatius Patriarcha Constantinopolitanus, cujus epistola lecta est in act. 3. octavæ Synodi, & in quantum Petri dignitatem & potestatem, tum ad successores transmissionem luculentissime proficitur his præcipue verbis; DIXIT PETRO MAGNO, ET SUMMO APOSTOLORUM, TU ES PETRUS, ET SUPER HANC PETRAM AEDIFICABO ECCLESIAM MEAM, ET PORTÆ INFERI NON PRÆVALEBUNT ADVERSUS EAM. ET ITERUM; TIBI DABO CLAVES REGNI CÆLORUM; ET QUODCUMQUE LIGAVERIS SUPER TERRAM ERIT LIGATUM ET IN CÆLIS; ET QUODCUMQUE SOLVERIS SUPER TERRAM ERIT SOLUTUM ET IN CÆLIS. TALES ENIM BEATAS VOCES NON SECUNDUM QUANDAM UTIQUE SORTEM APOSTOLORUM PRINCIPI SOLUM CIRCUMSCRIPSIT, ET DEFINIIVIT, SED PER EUM AD OMNES, QUI POST ILLUM SECUNDUM IPSUM EFFICIENDI ERANT SUMMI PASTORES ET DIVINISSIMI SACRIQUE PONTIFICES SENIORIS ROMÆ, TRANSMISIT. Et ideo ab olim Et præco tempore in exortis hæresibus, Et pravaricationibus Eradicatores, Et Interemptores malorum & zizaniorum Et labefactorum Et penitus insanabiliter agrorantium membrorum multi multoties facti sunt eorum, qui sanctitatem Et summam Paternitatem tuam illis præcesserunt successores scilicet Principis Apostolorum, Et illius zelum in fide, qua secundum Christum est imitantes. Quibus verbis non solum Beati Petri, sed & successorum eius auctoritas explicatur. Si quis eorum ponderi aliquid detractum velit, quod eo tempore scripta sint, cum S. Ignatius Romani Pontificis ope indigeret animadvertat sanctum esse qui scribit, adeoque in rebus tanti momenti ab adulatione remotum; non illam dumtaxat S. Patriarcham*

Constantinopolitanum ad beati Petri Sedem confugisse; Epistolam ejus in Concilio generali lectam ab aliquo improbandam fore, si quid Episcopo Romano concessisset in præjudicium Conilii generalis.

9. Quod argumentum multò efficacius evadit, si animadvertatur plures epistolas, ejusdem autoritatis facientes mentionem perlectas, & similia elogia in favorem Romani Pontificis ab Episcopis, à Legatis, vel à Pontificibus ipsis prolata, contradicente nemine, fuisse. Quod jam de Legatis Cælestini in Concilio Ephesino notavimus, de epistola Agathonis in sexta Synodo recitata, aliisque nonnullis. Id, si semel aut bis tantum contigisset, inadvertentiæ tribui posset; sed quomodo fieri potuisset, ut tantus Præsulum numerus toties rem ad eò insignem inattentâ mente audisset?

10. Quæ circa testimonia Sanctorum Leonis I. & Agathonis adversus Launoi objectiones notata sunt, valent etiam adversus ea, quæ Nicolai I. modò adductis, & Leonis IX. cap. 3. relatis, & ex parte etiam Innocentii III. mox exscribendis verbis opponit.

11. Sed repetendum est testimonium S. Leonis IX. ut ex ejus cum altero ejusdem Sancti collatione clarius fiat adversus Launoi ejus sententia. Igitur Sanctus Leo IX. qui ab aliis VIII. tantum numeratur, antea Episcopus Tullensis, indefectibilem Romani Pontificis fidem Christi oratione impetratam non potuit luculentius explicare, quàm his epistolæ 5. quæ est ad Petrum Antiochenum, verbis; *Nimirum solus est ille (Petrus) pro quo, ne deficeret ejus fides, Dominus & Salvator asseruit serogasse dicens, Simon Simon ecce Sathanas expetivit vos, ut cribraret sicut triticum, ego autem rogavi pro te, ut non deficiat fides tua, Et tu aliquando conversus confirma fratres tuos. Quæ venerabilis & efficax oratio obtinuit, quæ hæc fides Petri non defecit, nec defectura creditur in throno illius usque in sæculum sæculi: sed confirmabis corda fratrum variis concutiendæ fidei periculationibus, sicut usque nunc confirmare non cessavit.*

12. Vox illa, *creditur*, etsi, quando de fide Divina est sermo, asensum omnino firguum significat, cum de opinione humana dicitur, dubitationem plerumque, aut suspensionem de contrario innuit, quod nimirum solus Deus erroris & fraudis expertus sit. Itaque,

ne quis in secundo sensu vocem illam interpretetur, afferendus est alius locus ex epistola prima ejusdem sancti Pontificis, ubi omni cum securitate, ac firmitate loquitur, ac mirum in modum explicat verba Christi toties laudata. *Taliter*, inquit cap. 6. epist. 1. *sancta Ecclesia super petram, id est Christum, & super Petrum vel Cepham filium Joannis, qui prius Simon dicebatur, adificata; quia inferi portis, disputationibus scilicet Hæreticorum, quæ vanos ad interitum introducunt, nullatenus foret separanda, sic pollicetur ipsa veritas, per quam sunt vera quaecumque sunt vera, porta inferi non prevalebunt adversus eam, cujus promissionis effectum se precibus impetrasse à Patre, idem filius protestatur discendo ad Petrum: Simon ecce Sathanas, &c. Erat ergo quisquam tanta dementia, qui orationem illius, cujus velle est posse, audeat in aliqua vacuum putare? Audi jam quantâ cum constantiâ privilegium B. Petri ad successores transiit illi continuatâ omnium temporum experientiâ confirmet. Nonne à Sede Principis Apostolorum, Romanâ videlicet Ecclesiâ, tam per eundem Petrum quàm per successores suos reprobata, & convicta, atque expugnata sunt omnium Hæreticorum commenta & fratrum corda in fide Petri, quæ hætenus nec deficit, nec usque in finem deficiet, sunt confirmata.*

13. Launoius hanc autoritatem elidere duplici præcipuè ratione molitur. Prima interpretando eam de Ecclesiâ universali. Sed quàm sit consona textui glossa, judicet quicumque Latinam linguam intelligit. Convenit quidem Ecclesiæ universæ firmitas, de qua Leo in principio loquitur, sed specialiter Ecclesiæ Romanæ apratur, quia scilicet ab ea in alias derivatur. Secunda Launoii responsio est, verum non esse quod ait Leo, à Petri Sede commenta Hæreticorum omnium expugnata esse; quod inductione nititur demonstrare: quasi possit Launoius scire, an non intervenierit autoritas S. Petri, aut successorum ejus, sive in principio, sive in progressu profligationis hæresum. Et intervenisse de facto contra nonnullas earum, quas enumerat, si opus esset, ex certis documentis demonstraretur, v.g. contra Pauli Samosatani, contra Eunomii & aliorum errores, ex S. Athanasii epist. ad Orthodoxos, Theodoro to Ecclesiast. lib. 5. cap. 8. 9. 10. & 11. libello Synodico existente in tom. 2. Juris Canonici veteris Christophori Justelli, Photio de Synodis, & epist. ad Michaellem Bulgaric Prin-

cipem

cipem cap. 2. epist. Damasi ad Paulinum Antiochenum in collect. Rom. Holstenii par. 1. Et P. Labbe tom. 2.

14. Leonis testimonium confirmas his verbis Gregorius VII. in lib. 8. epist. 1. quæ est ad Simadensem Archiepiscopum; *Qua* (Ecclesia Romana) *per B. Petrum*, quasi quodam privilegio ab ipsis Fidei primordiis à sanctis Patribus omnium Mater Ecclesiarum adstruitur, & ita usque in finem semper habebitur in qua nullus unquam hæreticus præfuisse dignoscitur, nec unquam præficiendum, præsertim Domino promittente, confidimus. At enim Dominus Jesus: Ego rogavi pro te, Petre, ut non deficiat fides tua. Hunc locum profert Launoius, ut verba illa, ego rogavi pro te, ostendat non de solo Romano Pontifice, sed de Ecclesia Romana esse accipienda. Sed patet sanctum illum Pontificem hoc privilegium Ecclesiæ Romanæ eâ tantum de causâ tribuere, quod illi Petri successor præsit. Hoc significat particula illa, *enim*. Ideo enim Ecclesia Romana est mater omnium aliarum, quia ei nunquam præfectus est, neque præficietur hæreticus. Idè non est præfectus, neque præficietur hæreticus, quia Dominus rogavit pro Petro, ut non deficeret fides ejus, scilicet neque in ipso, neque in ejus successoribus.

15. Superfluum esse posteriorum Pontificum hac de re testimonia proferre, cum nemo dubitet, eos suum in fidei quæstionibus judicium irrefragabile æstimasse. Unicum igitur dumtaxat adducam, scilicet Innocentii III. qui verba Innocentii I. quæ principio regulimus, interpretabitur, si tamen cuiquam possint videri obscuræ: igitur Innocentius III. in epist. ad Episcopum Arelatensem docet majores causas, & præsertim quæ ad fidem pertinent, idè ad Romanum Pontificem esse perferendas, quod indefectibilis si ejus, ut Petri fides, *Majores*, inquit, *Ecclesiæ causas*, præsertim *articulos Fidei ad Petri Sedem referendas intelligit, qui novit pro eo Dominum exorasse ne deficiat fides ejus.*

16. Notat Launoius Innocentium non dicere id, quod ad Sedem Apostolicam judicandum refertur, ibi certò, & sine ullo erroris periculo judicatum iri. Quid igitur sibi volunt illa verba, quæ rationem continent, cur causæ fidei ad Petri Sedem referendæ sint; *Dominum exorasse ne deficiat fides ejus?* Nam si certò & sine ullo erroris periculo judicatum non erunt, Dominus quidem oravit, sed non exoravit. Exorasse autem Innocentius & plures alii affirmant. Apertius men-

tem suam explicat Innocentius serm. 2. in consecrat. Pont. Max. *Nisi enim ego solidatus essem in fide, quomodo possem alios in fide firmare? Quod ad officium meum noscitur specialiter pertinere. Dominus protegente; Ego, inquit, pro te rogavi Petre ut non deficiat fides tua, & tu aliquando conversus confirma fratres tuos. Rogavit & impetravit: quoniam exauditus est in omnibus pro sua reverentia. Et ideo fides Apostolica Sedes in nulla unquam turbatione defecit, sed integra semper & illibata permansit: ut Petri privilegium persisteret inconcussum.* Jam etiam supra vidimus Innocentium I. ægrè tulisse quod sancta Sedes super iisdem quæstionibus secundum consuleretur, quasi non esset indubitata prima ejus sententia.

17. Agnoscunt omnes, etiam Gallicani hujus relationis necessitatem, cujus tot legerunt exempla Episcoporum sanctitate insignium, & præsertim suæ nationis jam à primis sæculis, ut S. Victori Rotomagensis, S. Exuperii Tolosani, S. Casarii Arelatensis, & aliorum circa disciplinam; aliorum circa fidem & mores, ut jam olim S. Leo Magnus ad Episcopos Provinciæ Viennensis scripserit; *Nobiscum itaque fraternitas vestra recognoscat Apostolicam Sedem pro sui reverentia à vestra etiam Provincia Sacerdotibus, innumeris relationibus esse consultam, & per diversarum, quemadmodum vetus consuetudo poscebat, appellationem causarum, aut retractata, aut confirmata fuisse judicia.* Sed undè oritur illa necessitas consulendæ sanctæ Sedes in causis majoribus, præsertim in articulis Fidei contingentibus, nisi ex eo quod pro Petro Dominus exoraverit ne deficeret fides ejus, ut inquit Innocentius III. ac plures alii jam citati? Quisnam autem ex tot antiquis Episcopis Gallicanis hujusmodi causas ad Apostolicam Sedem referentibus existimavit reformandum, aut reformabile esse illius judicium.

CAPUT XIII.

Quàm sit Generalis in Ecclesia consensus de irreformabili judicio Romani Pontificis in fidei questionibus.

Communis adeò est hæc doctrina de infallibili Romani Pontificis judicio in questionibus fidei; ut hanc ipsam conditionem habere videatur, quâ cum Illustrissimi Præfules Gallicani judicium illud irreformabile esse profitentur; ut scilicet Ecclesiæ universæ consensus accesserit. Etenim tot tantique Doctores ex omni natione, ex omni facultate, ex omni ordine eam defenderunt, ut nesciam quid, ad eam toti Ecclesiæ adscribendam, desideretur. Eorum Cathalogum texuerunt multi, præsertim Theophilus Rainaudus in opusculo inscripto *à τὸς ἱερα*, ubi, puncto scilicet undecimo, hanc esse totius Societatis Jesu sententiam affirmat, enumeratis quamplurimis ejus Doctoribus, quorum multi tempora controversiarum occasione Libri Cornelii Jansenii motorum antecesserunt, ne putes eum à Societate ad faciliorem Jansenii oppugnationem advocari, sed veritatis & religionis studio jam olim delectam. Eandem cum D. Thoma tuetur Ordo Dominicanorum, & alii quasi certatim: quamvis privatus aliquis Principibus addictus à majorum ac fratrum semita interdum recedat.

1. Jam supra notavimus D. Petrum de Marca testari eam omnibus Universitatibus esse communem, contrariam autem, quam antiquis tantum Parisiensibus (puta Gersonio & ejus coetaneis aut superioribus) tribuit, solum ab Ecclesia tolerari. Emisissus fuit in lucem anno 1682. liber cum hoc titulo; *Doctrina quam de primatu, autoritate ac infallibilitate Romani Pontificis tradiderunt Lovanienses sanctæ Theologi Professores tam veteres quam recentiores*, in quo quamplurimi enumerantur. Sperandum est idem à cæteris Academiis præstandum. Porro Lovaniensis ita judicium Papæ reformabile esse non censuit, ut tanquam fidei regulam proposuerat anno 1544. nam inter articulos circa fidem Orthodoxam editos, iste vigesimus

quintus est; *certaina fide tenenda sunt non solum quæ Scripturæ expressè sunt prodita, sed etiam quæ per traditionem Ecclesiæ Catholice credenda accepimus, & quæ definita sunt super fidei & morum negotiis PER CATHEDRAM PETRI, vel per Concilia Generalia legitimè congregata.*

3. Doctoribus jam adductis paucos adjungemus, quia vel Galli. vel à Launoio citati, vel pietate ac doctrinà conspicui extiterunt. Scribebat Alexandro III. Petrus Blesensis epist. 63. *Sicut eminentiam Apostolicæ Sedis magistræ omnium Ecclesiarum profiteamur: Sic ab ipsa consilia in ambiguis, in angustiis solatia, responsa in dubiis expectamus.* Si erraret magistra omnium Ecclesiarum, errarent omnes Ecclesiæ, atque adeo universa Ecclesiæ, quæ non nisi ex illis constar, ut sæpè notavimus.

4. Hugoseu Ugo de S. Caro à Launoio citatus sic interpretatur hæc verba Joan. ult. *Dicit Simoni Petro Jesus. Nota quod specialiter loquitur Petro soli, alios præteriens. Cur hoc? Respondemus. Eximius Apostolorum erat Petrus, & eos Apostolorum, & vertex Collegii. Ideo & Paulus ascendit videre Petrum præ aliis Gal. 1.* Ita ergo Petrus erat vertex Collegii, ut prætermisissis aliis eum solum tanquam Collegium integrum representantem Christus alloqueretur: ita erat aliorum os, ut pro omnibus respondere posset, aliis etiam non consultis.

5. Augustinus Triumphus sanctorum Thomæ ac Bonaventuræ Parisius Discipulus, deinde in ejus urbis Academia Doctor, ac denique Professor, de potestate Ecclesiastica q. 10. art. 3. sic scribit; *Papam posse aliquid addere supra illa quæ sunt fidei, dupliciter potest intelligi, vel quantum ad dubiorum interpretationem, vel quantum ad occultorum, & simpliciorum explicationem. Utrouque modo potest Papa aliquid addere super illa, quæ sunt fidei: quia si aliqua sunt dubia, et obscura in fide, ad eum pertinet interpretari, et determinare. Post cuius determinationem hæreticum esset contrarium pertinaciter asserere.*

6. Nicolaus Liranus ad hoc verbum, *confirm.* Luc. 18. addit; *Hoc dicit ei (Petro) quia Ecclesiæ erat sibi committenda, ut habetur Joan. ult. ubi iter dicitur ei à Christo. Pasce agnos meos. Ex hoc etiam patet, fidem non deficere usque ad finem mundi in Ecclesiæ Romanæ, quæ a Petro post Christum fundata est.*

7. Dio-

7. Dinoyſius Carthufianus, cujus etiam auctoritate utitur Lau-
noius, in hæc verba; *Ego autem rogavi pro te. Item, inquit, quo-*
niam Petro ſpecialiter fuit Eccleſia committenda. Unde quod dici-
tur, ut non deficiat fides tua, exponitur, ut non deficiat fides Eccle-
ſie tibi committende. Hactenus videtur Eccleſiæ tantum univerſa in-
deficientem fidem adſtruere: ſed ecce unde in reliquis Eccleſiis hæc
fidei ſimilitudo derivetur; Sicque ex verbis his ſumitur argumen-
tum, quod fides Romanæ Eccleſiæ, quam in ea Petrus
plantavit, ſit uſque in finem ſæculi duratura.

8. Quoniam Launoio Dominicum Bañes tanquam ſibi faventem
adducere placuit, referamus ejus hac de re doctrinam, ex qua cuncta,
quæ hactenus dicta ſunt, confirmantur: Bañes igitur in 2. 2. S.
Thomæ quaſt. 1. art. 10. has ponit concluſiones. Concluſio pri-
ma *In publico fidei judicio non eſt diſtinguenda Sedes ab Apoſtolico*
Præſide vel ſummo Pontifice, neque Romana Sedes a Pontifice Roma-
no. Vide jam quomodo faveat Launoio illum citanti, ut probet Chri-
ſti orationem pro Petro factam, ne fidem unquam amitteret quan-
tumvis tentaretur à diabolo, ſed in ea & gratia Dei tum demum per-
ſeveraret, quaſi ultra proceſſurus non eſſet orationis effectus. Hæc
eſt quarta concluſio. *In publico fidei judicio non poteſt ſummus Pon-*
tifex errare. Hanc Concluſionem aſſerit D. Thomas; & citatis multis
aliis Autoribus ſubjungit, Quocirca arbitror hanc Concluſio-
nem tanquam Apoſtolicam Traditionem eſſe tenendam. Et
quidem, ut talis haberetur ab omnibus fidelibus, niſi a
tempore Concilii Conſtantienſis in agro Domini inimi-
cus homo, id eſt diabolus, zizaniam ſuperſeminaret. Et
enim uſque ad illa tempora ſoli Græci errabant in hac
parete. Atque ita D. Thomas in opusculo citato hunc errorem tan-
quam Græcorum ſingularem narrat. Et procul dubio, ſi quaſtio hæc ad
Concilium deferretur, non dubito quin prædicta Concluſio defini-
tur tanquam vera fides.

9. Non magis favet Launoio Maldonatus, cujus etiam testimo-
nio uſus eſt. Maldonatus enim ſuper verba multoties repetita; *Ego au-*
tem rogavi pro te, &c. ſcribit; *Quodque dicit Petro ejus quoque*
ſucceſſoribus totique Eccleſia dictum putandum eſt; tamque certi de-
bemus eſſe ſucceſſorem Petri, totinſq. Eccleſia fidem non deſuturam
quam

quàm certi sumus ejus, cùm tentatus est, fidem non defecisse. Obscuritatem fortassis pareret totius Ecclesiæ cum Petro in illis verbis conjunctio: sed eam tollunt quæ sequuntur; *Itaque est ex hoc loco antiqui, gravesque Auctores collegerunt Ecclesiæ Romanæ, & successorum in ea Petri fidem fore perpetuam.* Omnis enim Ecclesiæ fides asserbatur in Petro, qui Ecclesiæ Caput futurus erat. Et super hæc verba; *Et tu aliquando, &c.* Hinc demum manifestum est, ne de illo solum tempore, quo negatur Petrus, ne de illo solum Petro; sed de omnibus ejus successoribus loqui, Christum. Nec enim tempore Passionis ceteros Apostolos Petrus confirmavit: & confirmandi alios necessitas perpetua futura erat. Itaque in persona PETRI OMNES PETRI SUCCESSORES JUBET FRATRES IN FIDE SERVARE. QUOMODO FIRMARE POSSUNT, SI ERRARE IPSI POSSUNT? PROPTEREA ENIM CHRISTUS PRO FIDE ORAVIT PETRUM, NE DEFICERET, UT ALIOS CONFIRMARE POSSET. INTELLIGENS ALIOS CONFIRMARE NON POSSE, SI EIVS FIDES DEFECISSET. *Id etiam significat illud, aliquando, id est si quando opus erit, si quis in fide aliquando nutabit.*

10. Si extra Galliam Auctores quæreremus Gallis, opponendos, qui tempore Concilii Constantiensis doctrinam invexerunt auctoritati Romani Pontificis adversam, non defuturi essent, qui nec doctrinam inferiores, & vitæ sanctitate Ecclesiæ judicio essent superiores. S. Thomas Archiepiscopus Cantuariensis celeberrimus libertatum Ecclesiæ Defensor, & Martyr epist. 97. edit. P. Christiani Lupi, quæ est ad omnes Episcopos Angliæ. *Quis Romanam Ecclesiam, inquit, Caput omnium Ecclesiarum & fontem Catholica doctrina ambigit esse? Quis clavem Regni Cælorum Petro traditas esse ignorat? Nonne in fide & doctrina Petri totius Ecclesiæ structura confurgit, donec occurramus omnes Christo in virum perfectum, in unitatem fidei, & agnitionem filii Dei?..... Quicumque sit qui rigat aut plantat, Deus nulli dat incrementum, nisi illi qui plantavit in fide Petri, & doctrina ipsius acquiescit, &c.* Et epist. 122. quæ est ad Gilbertum Londoniensem Episcopum; *Solus infidelis, aut qui enim errore superat, hæreticus aut schismaticus Apostolicis obtemperare obedire mandatis, Vide epist. 69.*

11. Circa ipsamet tempora Concilii Constantiensis floruerunt, in Italia præsertim, sanctissimi Doctissimi que viri, qui Romani Pontificis auctoritatem strenuè propugnarunt, quos

quos inter sanctus Antoninus Archiepiscopus Florentinus, cujus mentionem suprà fecimus, in summa Theologica par. 4. tit. 8. cap. 3. §. 5. irreformabile declarat iudicium Papæ his verbis ; LICET PAPA IN PARTICULARI ERRARE POSSIT, UT IN IUDICIALIBUS, IN QUIBUS PROCEDITUR PER INFORMATIONEM ALIAS IN HIS QUÆ PERTINENT AD FIDEM, ERRARE NON POTEST, ILICET UT PAPA IN DETERMINANDO. *etiamsi sit particularis & privata persona Unde magis standum est sententiæ Papæ de pertinentibus ad fidem quam in iudicio proferret, quam opinioni quorumcumque sapientium.* Papam autem Concilio superioremi esse pluribus probat in 3. par.

12. Beatu Joannes de Capistrano de Papæ & Concilii, sive Ecclesiæ auctoritate 3. par. 2. Principalis eandem suppetiuitatem, quæ infallibilitatem iudicii circa fidem necessarîo supponit, æstuit variis rationibus, quarum una hæc est; *Succedit, inquit, NAMQUE PAPA LOCO PETRI IN EADEM PERFECTIONE POTESTATIS, ET VICARIATUS DIGNITATE, QUA ET IPSE B. PETRUS A CHRISO FUIT IN UNIVERSALI ECCLESIA SUBLIMATUS.*

CAPUT XIV.

Respondetur argumentis, quæ auctoritati Papæ in decidendis infalib. liter Fidei questionibus opponuntur.

I. **E**X iis quæ adversus privilegium non errandi in decidendis Fidei questionibus objici solent, duo tantum alicujus momenti videntur. Cætera enim vel parvi ponderis sunt, vel jam aliâ occasione soluta. Primò igitur obicitur inutilem fore Conciliorum Oecumenicorum convocationem ad dirimendas circa fidem controversias, si solus Pontifex ceterò, ac sine ullo erroris periculo eas posset definire; cum tamen videamus summos ipsos Pontifices, Imperatores, Episcopos nullis curis, nullis impensis, nullis laboribus pepercisse, ut celebrarentur Concilia Generalia. Obicitur secundò errasse de facto plures Pontifices in causis fidei; atque ad id,

Kkk

cum

cum necessaria sit ab actu ad potentiam consecutio, potuisse in sui iudicii falli, qui revera decepti sunt.

2. Quod ad Concilia spectat, utiles à necessitate distinguenda est: & necessitas quidem, aut ex ipsa re nascitur, aut ex personarum quibuscum agitur conditione. Conciliorum præsertim Generalium maximam esse utilitatem nemo inficiatur. Necessaria etiam illa esse ad frangendam Hereticorum pertinaciam plurima confirmant Ecclesiasticæ historiæ exempla: an autem ad certitudinem iudicii omnino iis opus sit, quæstio est, & affirmantibus incumbit onus probandi: cum, ut lib. 5. cap. 10. probavimus; Scriptura sacra Pontifici clarè suffragatur, & ejus iudicii certitudinem multi probationibus jam constituerimus.

3. Non colligitur illa necessitas ex summorum Pontificum ad congreganda Concilia consensu, vel etiam curâ & solitudine: quia cum summus Pontifex diligentiam adhibere teneatur, quam requirit negotii gravitas, & patitur rerum status, nec modò Scripturas, sed & traditiones scrutari; nulla est convenientior assequendæ veritatis ratio, quàm si totius orbis Christiani Episcoporum sententia requiratur, ac singularum Ecclesiarum traditiones, & singulorum Pastorum sententiæ inter se conferantur. Itaque quantum commodè fieri potest, non est prætermittenda ea investigandæ veritatis via, quæ utinam semper præsto esset. Illam suo exemplo primus Pontifex Petrus præmonstravit.

4. Etenim quamvis B. Petrus, cum loco proditoris Judæ substituiendus esset alius, qui Apostolico fungeretur officio, potuisset eum eligere; tamen præ humilitate ac prudentia non solum alios Apostolos, sed etiam reliquos fideles congregatos, electionis participes effecit, ut observat S. Joannes Chrysostomus homil. 3. in Act. Apost. ubi post hæc verba; *Viri fratres, oportet eligere è nobis*, addit; *Multitudini permittit iudicium, simul eos qui eligebantur, reddens reverendos, & se ipsum liberans ab invidia simultateque, quæ poterat à cæteris oboriri. Nam & semper ingenti agnitis malis.* Et infra: *An non licebat ei eligere? licebat, & quidem maxime. Verum id non fecit, ne cui videretur gratificari.....* Ceterum sententiam ipse protulit, sed hanc quoque declarans suam non esse, sed è supernis profectam, juxta prophetiam, itaque recitatur fuit, non præceptor.

5. Natura pares non gignit; peccatum ad ambiendum præ aliis & in alios Principatum impellit: ut etiam inter Apostolos fuerit contentio, quis eorum videretur esse major; quod dissidium noluit Christus componere assignato unicuique suo ordine, sed potius præscriptâ humilitatis formâ, ut quisque alteri se supponere contenderet. *Qui major est in vobis, fiat sicut minor: & qui præcessor est, sicut minimistrator.* Luc. 22. vers. 26. Quamobrem, excepto Petro, quem aliis præposuit, nullum inter eos potestatis discrimen constituit. Itaque ut levius sit subjectionis, & obedientiæ iugum, communi concordia, ac regiminis suavitati expedit, ut rectores quæ propriâ auctoritate efficere possent, communi subditorum consilio exequantur. Nil igitur mirum, si in Christi familia, in qua pax summa, & humilitas tantò profundior, quantò quis altiori eminet dignitate, vigere debent, Romanus Pontifex cum fratribus suis communi sententiâ quories & quantum commodè potest, graviora Ecclesiæ negotia gerere studeat, etiam si solus posset.

6. Præterea qui ad Concilia accedunt, vel Fideles sunt, vel Hæretici: si Fideles, instruuntur non tantum de veritate, quæ fortè ipsis erat occulta, sed etiam de causis, ac rationibus, ut juxta præceptum Apostoli sint *parati semper ad satisfactionem omni poscenti eos ratione de ea, quæ in ipsis est, spe.* 1. Petri cap. 3. vers. 14. Cumque ex cunctis orbis Christiani partibus aliquis in Conciliis Oecumenicis intersit; *in omnem terram exit sonus eorum, & in fines orbis terra verba eorum.* Hæretici autem *convincuntur ab omnibus, dijudicantur ab omnibus.* 1. Corint. Cap. 14. vers. 24. Et vel convertuntur, vel confunduntur, & à Christi grege separantur, ne alios secum in ruinam trahant, ut pluries in Conciliis factum legimus.

7. Frequenter enim non de dogmate ipso, sed de personis ferendum est iudicium, & ne qua supersit injustitiæ, vel obreptionis suspicio, aut prætextus, examinanda est illorum doctrina, audiendæ rationes, colligenda suffragia, ut & procedendi ratio, & Senatorum numerus, & Senatûs dignitas & majestas obstruant os loquentium iniqua; cujus diligentia tunc major est necessitas, cum Hæretici vel Seditiosorum numero, vel potentiâ sæculari, vel aliâ quâpiam auctoritate

pollent. Ideo Adrianus II. epist. 2. ad Basilium Imperatorem scribebat; *Solumus ergo per vestra pietatis industriam numerosum celebrari Concilium, cui nostri quoque ministri presidentes, & culpæ personarumque differentias liquiddò cognoscentes, juxta quod in mandatis acceperunt, singulorum libere discretionibus exerceant, in quo videlicet sacrato cœtu execrandæ vanitatis Concilii, quod adversus Sedis hujus actum est prorsus injuriæ, cuncta decernimus exemplaria prorsus à possessoribus suis ablata in mediumq; delata contemplantibus cunctis igni cremari; nec superesse apud quemlibet ex his omnibus saltem unum iota, vel unum apicem, nisi fortè quis totius Clericatus, immo totius Christiani nominis dignitate anathemate perculsus carere voluerit, &c.*

8. Circa dogma etiam, quantumvis certum sit, aliquâ interdum turendum est œconomia, ut libentius recipiatur; quæ quatenus adhibenda sit, in plurimorum Cœtu facilius agnoscitur. Ita in Concilio Jerosolymitano, quod Act. 15. describitur, licet B. Petrus suâ sententiâ veritatem certò assecutus fuisset; scilicet, non esse circumcidendos, qui ad fidem convertebantur; *Quid tentatis Deum, imponere jugum super cervices Discipulorum, quod neque Patres nostri, neque nos portare possumus*: tamen S. Jacobus huic sententiæ addidit: scribendum, ut abstinerent se non solum à contaminationibus simulacrorum, & fornicatione, sed etiam à suffocatis & sanguine, nimium, ne, si Moyse, qui maximo ubique ab aliquibus in honore habebatur, lex tota statim rejiceretur, multi ejus veneratores à suscipienda Christi fide retardarentur; Quod temperamentum omnibus placuit. Licet Petrus à Deo electus esset, ut per os ejus audirent gentes verbum Evangelii, & crederent: tamen ad controversiam, quam solus potuisset definire suavius & convenientius componendam, Concilium haberi consensit. Verùm se aliorum consilio non omnino indigere ad assequendam veritatem fidei satis indicavit, dum primus sententiam ferens, illam ad eò indubitatam habuit, ut illi sine tentatione Dei contradicere non posse intrepidè affirmaverit; *Nunc ergo quid tentatis Deum, imponere jugum super cervices Discipulorum, &c.* Act. 15. Quod verò à S. Jacobo additum est, temperamentum erat partim lumine naturali notum, partim temporarium & prudentiale.

9. Qui

9. Qui autem summi Pontificis iudiciū adeo minoris faciunt, quia non ita suscipitur ab omnibus, ut aliqui, vel etiam multi non repugnent, & Concilium Generale postulent, non adveniunt similiter Ecclesiæ universæ sententiam contemni. Sunt enim innumeri Hæretici, qui Ecclesiæ Catholicæ sensui repugnant. Inò in hoc sunt Hæretici. Atque si quis attentè consideret res in Conciliis Generalibus tractatas, comperiet eas plerumque adeo non fuisse dubias, ut Patres ad Hæreticorum voces, tanquam ad Blasphemias execrandas inhorrerint, aliquando etiam aures occluserint, ne vel auditâ impietate polluerentur. Hæreticorum illud est ingenium, ut & summi Pontificis, & Concilii, & Ecclesiæ universæ doctrinam aliquando fraudulenter eludant, & occultè rejiciant, aliquando vi apertâ impetant, & impugnent, quod nihil ejus veritati ac certitudini detrahit.

10. Quamobrem sæpè significarunt summi Pontifices ad Concilia Generalia scribentes se non doctrinam eorum examini subijcere, sed tanquam indubitam ab omnibus recipiendam eorum operâ optare. Hoc testatur Commonitorium Papæ Cælestini Episcopis & Presbyteris euntibus ad Orientem, supra citatum. Eo etiam pertinent hæc S. Leonis verba in epist. ad Concilium Chalcedonense; *Nunc in Vicariis meis adsum, & jam dudum in fidei Catholice prædicatione non desum; et qui non potestis ignorare quid ex antiqua traditione credamus, non possitis dubitare quid cupiamus.* UNDE FRATRES CHARISSIMI, REIECTA PENITUS AUDACIA DISPUTANDI CONTRA FIDEM DIVINITUS INSPIRATAM, VANA ERRANTUM INSEDLITAS CONQUIESCAT, NEC LICEAT DEFENDI, QUOD NON LICET CREDI, CUM SECUNDUM EVANGELICAS AUTORITATES, SECUNDUM PROPHETICAS VOCES, APOSTOLICAMQUE DOCTRINAM, PLENISSIMÉ ET LUCIDISSIMÉ PER LITTERAS QUAS AD B. MEMORIÆ FLAVIANUM EPISCOPUM MISIMUS, FUERIT DECLARATUM, QUÆ SIT DE SACRAMENTO INCARNATIONIS DOMINI NOSTRI JESU CHRISTI PIA ET SINCERA CONFESSIO.

11. In Epistola r. S. Agathonis ad Imperatores Constantinum, Heraclium, & Tiberium, quæ lecta est in Act. 4. Concilii sexti Generalis plurima sunt, quæ iudiciū Romani Pontificis aut certissimum à Conciliis Generalibus recipi docent. Ejusmodi sunt ista; *Cum jam (Petri) annisente presidio, hac Apostolica ejus Ecclesiam nunquam à*

via veritatis in qualibet erroris parte deflexa est, cuius auctoritatem, utpote Apostolorum omnium Principis, semper omnis Catholica Christi Ecclesia, et universales Synodi fideliter amplectentes, in cunctis secutæ sunt, &c. Non minorem præferunt securitatem ac certitudinem epistolæ ejusdem Agathonis simul & Romanæ Synodi ad eosdem Imperatores.

12. Adrianus I. eadem constantiâ scribit epistolam. 2. ad Tarasium Patriarcham Constantinopolitanum. *Sed vestra Sanctitas*, inquit, *eisdem piissimis Imperatoribus & Triumphatoribus alacriter suggerat, ut inprimis Pseudosyllogus (id est falsus cærus seu conventus) ille, qui fuit Apostolica Sede inordinatè & insyllogisticè factus est adversus venerabilem Patrum traditionem contra Divinas imagines anathematizetur, presentibus Apochrisariis nostris, & omne zizanium eradicetur ab Ecclesia, & Domini nostri Iesu Christi sermo compleatur; quia porte inferi non prevalebunt adversus eam: Et rursus: Tu es Petrus & super hanc Petram edificabo Ecclesiam meam, & tibi dabo claves Regni Cælorum; & quæcunque solveris super terram, erunt soluta & in Cælis.*

13. Non soli Pontifices supremam hanc auctoritatem sibi tribuerunt. S. Flavianus Constantinopolitanus episcopus ad S. Leonem, quæ refertur in actis Concilii Chalced. part. 1. num. 4. solam S. Leonis auctoritatem sufficere affirmat ad extinguendam Eutychetis hæresim absque convocatione Concilii Generalis. Itaque Chalcedonense, quod postea fuit habitum, necessarium non fuisset, nisi hæresiarcha ille ope Dioscori Patriarchæ Alexandrini, & Chrysaphii Theodosii Junioris Imperatoris Eunuchi ope Episcopos in latrocinio Ephesino ad suas partes vi armatâ traxisset, aut in exilium mittendos cuiasset, quod horrendam in Ecclesia Orientali pepererat confusionem. Similes causæ, non autem incertitudo iudicii summorum Pontificum in causis Fidei, aliorum Conciliorum Generalium celebrandorum necessitatem induxerunt. Sunt autem hæc S. Flaviani verba in epistola prædicta; CAUSA EGRET SOLUMMODO VESTRO SOLATIO ATQUE DEFENSIONE, *qua debeatis consensu proprio ad tranquillitatem & pacem cuncta perducere*: SIC ENIM HÆRESIS QUÆ SURREXIT, ET TURBÆ QUÆ PROPTER EAM FACTÆ SUNT, FACILLIME DESTRUENTUR, Deo

cooperante per vestras sacratissimas litteras. REMOVEBITUR AUTEM ET CONCILIUM, QUOD FIERT DIVULGATUR, quatenus nequaquam ubique sanctissima turbentur Ecclesia.

14. *Non enim*, inquit Barlaamus Episcopus Gyracensis ad amicos suos in Græcia constitutos scribens, EO QUOD SIT MAIORIS AUTORITATIS, ET MAGIS POSSIT GENERALE CONCILIUM, QUAM APOSTOLICA SEDES, GENERALIA AGERENTUR CONCILIA, *sed quia incidentes questiones difficiliore sint & majori indigeant discussione.* Est autem summi Pontificis, ut patet ex Concilio Tridentino sess. 25. de recip. & observan. Decret. Concil. discernere, ac tanta sit difficultas, ut Concilii Generalis Concilio indigeat.

15. Joannes Monachus sup. 6. Decret. de sent. & re judic. cap. Ad Apostolica num. 3. vers. revocare. Concilii Generalis Consilium ad solemnitatem tantum requiri affirmat. *Nota quod Papa sententiam suam non supposuit correctioni vel emendationi reservavit. sed de consilio Concilii seu aliorum, sed sua dumtaxat emendationi reservavit. sed dicit quod super emendatione sententia sue consilium Concilii quæreretur. & hac requisitio non est necessitatis sed solemnitatis tantum, quia Papa sine Concilii potest procedere ad sententiam, cum habeat plenitudinem potestatis. 1. quest. 6. Decret. 1. de pœni. & remis cum ex eo in fin. n. 4. Et Papa dat robur Conciliis non è contra sup. de elec. significasti.*

CAPUT XV.

Respondetur argumento à fictitiis Pontificum erroribus desumpto.

1. **H**Æretici antiqua Ecclesiæ monumenta diligentissimè perolverunt, adversus Catholicam fidem argumenta perquirentes, speciatim verò adversus dignitatem & auctoritatem Romani Pontificis, quâ diligentia quadraginta Pontificibus errorem affinxerunt. Verum illi à Catholicis scriptoribus validissimè confutati sunt: & in plerisque quidem res erat admodum facilis, siquidem hæretici sententias suæ hæresi contrarias, errores vocaverant, vel aliâ contra historiam aut rationem non obscurè peccaverant; adeo ut in numero

mero, qui propter suam magnitudinem suspicionem aliquam incautis, aut nimium credulis ingesturus videbatur, nullus demonstretur hæreticus. Verum quia aliquorum innocentia, & in fide firmitas, vel propter defectum, vel propter obscuritatem antiquorum monumentorum non ita evidentibus argumentis ostenditur, Catholici quidam scriptores, veritatis, ut sibi videbuntur studio, sed fortasse veris averso a summi Pontificis potestate animo (quod de nonnullis sine temeritatis nota liceret affirmare) à partibus hæreticorum hac in restare maluerunt, eorumque sententiam confirmare, quam pium erga sanctam Sedem aliorum Catholicorum affectum imitari, qui ejus Pastores ab hæresi accusatione strenuè vindicant; alii aliquem unum, alii plures, alii omnes. Joannes Launoius in ea controversia aliquid novi adversus summum Pontificem decrevisse sibi visus est, quod à nobis prætermitti non debet.

2. In primis par. 5. epist. 1. conatus est S. Stephanum non minùs quàm S. Cyprianum in errore circa Baptisma hæreticorum versatum probare; quia scilicet sicuti ille nullorum, sic ille omnium omnino hæreticorum Baptisma probabat, modo Christi Baptisma esset. Hoc autem sic ostendere nititur.

3. Sanctus Augustinus in lib. de unico Baptismo c. 14. asserit quod *Stephanus Baptismum Christi in nullo iterandum esse censebat, & hoc facientibus graviter succensebat.* In libro autem 3. contra Donatistas cap. 15. quod si Evangelicis verbis in nomine Patris & Filii & Spiritus sancti *Narcion Baptismum consecrabat, integrum erat Sacramentum.* Sanctus verò Cyprianus, inquit Launoius, epistolâ ad Tubaianum, scribit Marcionem non baptizasse in nomine Patris & Filii & Spiritus sancti. Ex quibus sic concludit; *Quapropter nemini mirum videri debet, Doctorem sanctum (loquitur de B. Augustino) Romano Pontifici indeficientis judicii privilegium nusquam adscribere, nec illum pro supremo, vel ultimo controversiarum fidei indice habere. Quippe Index talis nusquam errare debet ut Stephanum hac in re errasse Augustinus significat, consentiens Baptismum qui verbis Evangelicis, In nomine Patris & Filii & Spiritus sancti non consecratur, cassum & irritum esse, contra quam Stephanus in epist. ad Africanos decreverat.* Turbibus vitis laborat iste discursus.

4. Primo enim falsum est Sanctum Augustinum consensisse aut
sal-

saltem significasse *Baptismum qui verbis Evangelicis in nomine Patris & Filii & Spiritus sancti non consecratur, cassum & irritum esse.* Dicit quidem Augustinus loco supra citato Baptismum, si ita consecratur, integrum esse Sacramentum; non tamen negat, Baptismum in nomine Christi collatum valere, quæ duo valde diversa sunt. Sciebat enim Magistrum suum S. Ambrosium lib. 1. de Spiritu sancto cap. 3. quem postea plures secuti sunt, quos citat Bellarminus de Baptismo lib. 1. cap. 3. validum putasse. De hujus sententiæ veritate non est modò quæstio, (eam optimè tractavit Bellarminus loco citato) sed de S. Augustini testimonio.

5. Secundò falsum est S. Stephanum docuisse Baptismum sine expressa invocatione Sanctissimæ Trinitatis valere. Contrarium testatur Firmilianus in epist. ad S. Cyprianum inter cujus epistolas est ordine 75. in edit. Pam. & Rigal. Refertur etiam à Philippo Labbeo tom. 1. Concil. Sic enim scribit Firmilianus Cæsareæ Cappadocum Episcopus de S. Stephano, & de aliis qui sancto huic Pontifici consensiebant; *Illud quoque absurdum quo non putant querendum esse, quia sit ille qui baptizaverit, eo quod qui baptizatus sit gratiam consequi potuerit, invocata Trinitate nominum Patris & Filii & Spiritus Sancti. Quibusdam interjectis addit: Non omnes autem, qui nomen Christi invocant, audiri. & invocationem suam consequi aliquid gratia posse Dominus ipse manifestat, dicens, Multi veniunt in nomine meo discentes; Ego sum Christus, & multos fallent. Nulla quippe differentia est inter Pseudo-Prophetam & Hæreticum. Nam ut ille in nomine Dei, aut Christi, ita iste in Sacramento Baptismi fallit. Ex quibus colligitur illam invocationem Christi, de qua in hac materia fiebat sermo, supposuisse invocata Trinitatem nominum Patris & Filii & Spiritus Sancti, ut qui baptizabatur gratiam consequi posset.*

6. Etenim S. Stephanus nihil innovandum ita tuerat: atqui certissimum est, Baptismum cum invocatione Trinitatis conferri solitum, hæc enim est antiquitas, quam retentam fuisse studio præsertim S. Stephani docet Vincentius Lerinensis infra citandus. Id etiam constet ex tractatu, cujus titulus est; *Non debere denuo baptizari qui semel in nomine Domini nostri Iesu Christi sunt tincti* Exstat tom. 1. Concil. Philippi Labbei ante Concilium Carthaginense tertium sub S. Cypriano habitum; eumque prædictus Labbeus ex dictione coniecit,

Autoris esse ab ævo Cypriani parum distantis. Habetur etiam inter opera S. Cypriani edit. Rigaltii. Hæc sunt verba illius Autoris ante medium tractatus. *Nec æstimes huic tractatui contrarium esse quod dicit Dominus: Ite, docete gentes, tingite eos in nomine Patris & Filii & Spiritus sancti. Quia cum hoc verum & rectum, & omnibus modis in Ecclesia observandum sit, & observari quoque solitum sit. &c.* Atqui S. Stephanus, quod in Ecclesia observari solitum erat, omnibus modis observandum volebat. Prosequitur autem continuò Autor; *Et tamen considerare oportet, quod invocatio nominis Iesu non debet à nobis suis videri. &c.* Non ergo invocatio Trinitatis & invocatio Christi selemurudò excludebant.

7. Eusebius lib. 67. hist. Eccles. cap. 3. S. Stephani consilium exprimit his verbis; *Verum Stephanus nihil adversus traditionem, quæ jam inde ab ultimis temporibus obtinuerat, innovandum ratus, gravissimè id tulit*; scilicet quod rebaptizarentur ii, qui ab hæreticis baptizati fuissent, juxta traditionem quæ jam inde ab ultimis temporibus obtinuerat, secundum quam expressè invocanda erat sanctissima Trinitas.

8. Si quando igitur S. Stephanus de Baptismo loquens Christi mentionem fecerat. Nunquam tamen docuerat Baptismum per solam invocationem Christi valere, absque invocatione trium personarum sanctissimæ Trinitatis; nec id de eo scripsit S. Cyprianus: nec etiam tradidit Marcionis Baptisma eo tantum fieri more solitum, ut ex ejus approbatione illa Stephani opinio colligi possit. Christi ergo mentio eo pertinebat, ut assereretur Baptisma Christi, hoc est à Christo institutum, ac juxta formam ab eo præscriptam & in ejus nomine collatum, ab ipso virtutem habere, à quocunque conferretur; *Nec querendum esse, ut referebat Firmilianus, quis esset ille qui baptizasset, à quo quod qui baptizatus esset, gratiam consequi potuisset invocata Trinitate.* S. quidem Cyprianus epist. ad Jubaianum hæc scripsit, quæ opponit Launojus; *Quomodo ergo quidam dicunt foris extra Ecclesiam imò & contra Ecclesiam modò in nomine Iesu Christi ubicumq; & quomodo cumq; Gentilem baptizatum remissionem peccatorum consequi posse; quando ipse Christus gentes baptizari jubeat in plena & adunata Trinitate.* Verum hæc verba non significant omissam fuisse invocationem sanctissimæ Trinitatis, sed baptizantibus ac baptizatis defuisse veram fidem Trinitatis, atque ideo Christi nomen non potuisse vim Baptismo conferre.

9. Is Cypriani sensus, præter illa quæ iam diximus, colligitur ex eo quod in tota illa epistola vim faciat in fidei rectæ defectu. Itacùm post initium epistolæ dixisset; *De Marcione incertum solo cuius mentio in epistola a te ad nos transmissa facta est, examinemus an possit baptismatis eius ratio constare: Dominus enim post resurrectionem Discipulos suos mittens, quemadmodùm baptizare deberent, instituit & dedit dicens: Data est mihi omnis potestas in Cælo & in terra. Ite ergo & docete omnes gentes baptizantes eos, in nomine Patris & Filii & Spiritus S. Insinuat Trinitatem, cuius Sacramento gentes baptizarentur.* Subsumit, non negando Marcionem ita baptizasse, sed, cùm male de Trinitate sentiret, utiliter baptizare potuisse. *Numquid hanc Trinitatem Marcion tenet? Numquid eundem asserit quem & nos Patrem Creatorem? Numquid eundem unum Filium Christum de Maria Virgine natum, qui sermo caro factus sit: qui peccata nostra portaverit, &c.* Ex quibus verbis & ex historia Ecclesiastica constat Marcionem circa Christum errasse, sicut circa alias Sanctissimæ Trinitatis personas; atque adeò non est, quod credamus ipsum in nomine solius Christi, potius quàm in nomine totius Trinitatis baptizasse.

10. Præterea (quod in Launoii Dialectica argumentum est efficacissimum) S. Augustinus in eo ipso loco, quem ipse refert ex lib. de unico Baptismo cap. 14. non dicit S. Stephanum: censuisse valere Baptismum in solius Christi nomine collatum; sed (quod plus quàm negativum argumentum est) *quod Stephanus Baptismum Christi in nullum iterandum esse censebat, & hoc facientibus graviter succensebat. Quinam autem est Baptismus Christi, nisi quem Christus instituit, & cuius formam præscripsit.*

11. Denique si Launoius S. Stephanum errasse contendat, necesse est ut ejusdem erroris conscium ac reum faciat ipsum S. Augustinum, cujus testimonio illius errorem probare nititur. Nam S. ille Doctor propugnavit adversus S. Cyprianum baptismum in nomine Christi datum, quem S. Stephanus adversus eundem defenderat, ut legere est in libris de baptismo contra Donatistas, in quorum §. tertio, quarto & quinto confutatur epistolæ ad Jubaianum & ad Pompeium, quibus utitur Launoius. Præcipuè autem lib. 4. cap. 10. respondet his S. Cypriani verbis epistolæ ad Jubaianum; *Aliud est eos qui in Ecclesia sunt de nomine Christi loqui: aliud eos qui foris sunt, & contra Ecclesiam fa-*

erunt, in nomine Christi baptizare. Lib. autem 5. c. 13. S. Stephani mentem & exponit & confirmat. Qui utique Stephanus, inquit, non propterea communicavit hæreticis, quia baptisma Christi, quod in eorum perversitate integrum mansisse cognovit, improbare non ausus est. Ecce quod erat illud baptisma hæreticorum, quod S. Stephanus non improbabat, scilicet quod in eorum perversitate integrum mansisse cognoverat. Quomodo ad ista cæcutiit Launoius? Nimirum vehementi ad deprimendam sanctæ Sedis Dignitatem studio excæcatus. At addit S. Augustinus; Apostoli autem nihil quidem ex inde præceperunt, sed consuetudo illa quæ opponebatur Cypriano, ab eorum traditione exordium sumpsisse credenda est; sicut sunt multa quæ universa tenet Ecclesia. Non errabat ergo Stephanus illam consuetudinem servans & servari præcipiens, quæ ab Apostolis orta fuerat.

12. Oculatior fuit Launoius in detegendo Stephani errore, quam Centuriatores Magdeburgenses, qui tantâ curâ in Pontifices inquisierunt, ut haberent quod objicerent. S. enim Stephanum prætermiserunt, non omissuri si quid erroris in eo prætexere potuissent, cum tot alios injustè accusaverint. Pudeat hodie Catholicum erroris accusare Pontificem, quem non solum moderni hæretici silentio, sed etiam antiqui Elogio commendarunt. Nam illud ipsum caput 14. libr. 1. S. Augustini de unico baptismo contra Petilianum Donatistarum Episcopum Constantiniensem, quod citat Launoius sic incipit; *sed volo solvat mihi iste questionem: quandoquidem cum Romane Ecclesie per ordinem commemoraret Episcopos, inter eos commemoravit & Stephanum, quos Episcopatum illibate gessisse confessus est. Cum ergo Stephanus non solum non rebaptizaret hæreticos, verum etiam hoc facientes, vel, ut fieret, decernentes, excommunicandos esse censeret, sicut aliorum Episcoporum, & ipsius Cypriani litteræ ostendunt; tamen cum eo Cyprianus in unitatis pace permansit. Gessit ergo illibate Stephanus Episcopatum, ac nonnisi calumniosè potest accusari.*

13. Tardiùs venit, in manus octava pars epistolarum Launoi, in quarum ultima idem argumentum versat, cumque responsionem meditarer, comperi, si quid novæ difficultatis illic occurreret, optimè fuisse discussum ab eruditissimo viro Emanuele Schelstrate, Antiquitatis illustratæ par. 2. cap. 5. præsertim art. 5. Quamobrem nihil necesse est circa epistolam illam immorari.

CAPUT XVI.

Respondetur quibusdam aliis exemplis à Launoio adductis.

1. Inter B. Petri successores nullus est, qui tum ab hæreticis, tum ab iis Catholicis qui non errandi privilegium Romano Pontifici denegant, crebrioribus telis impetatur, quam Honorius I. In eum frequentius convertitur & validius insignitur Launoij stylus, sed ejus patrocinium susceperunt plures Catholici, ex quibus R. P. Franciscus Marchese Presbyter Oratorii Romani integrum volumen in ejus defensionem scripsit. Illic omnia quæ à Launoio contra Honorium allegantur, fusè subtiliterque discussa invenies; licet Autor Launoium non nominet, ejus, vel potius ab eo repetitis rationibus respondens: multa reperies quæ seorsim sumpta, multò magis aliis, quæ ejusdem non sunt ponderis (resistente scilicet antiquitatis obscuritate) adjuta, æquo & benè affecto Iudici sufficiant ad ferendam pro summi illius Pontificis fide, atque innocentia sententiam.

2. Si Launoius Eruditissimi P. Sirmundi, cui multum se debere fateatur, ob eam nimirum causam, quam notat Ludovicus Moreri in suo magno Dictionario Gallico, scilicet quòd eum tanquam Magistrum habuerit artis censoriæ, seu critices, si, inquam, Discipulus Magistrum erga sanctam Sedem affectum imitatus fuisset, Honorium ab omni erroris labe purum præstitisset. Nam quæ Pater Sirmundus monimenta ab Anastasio collecta edidit, certa sunt illius Pontificis fidei testimonia. Si testes eo majorem faciant fidem, quo & res quas narrant, certius norunt, & ob vitæ integritatem, pietatem, ac sanctitatem à mendacio magis abhorrent; duæ illæ conditiones in iis eminuerunt, qui pro Honorio adducuntur.

3. Ioannes IV. Papa zelo fidei, misericordiâ erga pauperes, constantiâ, & vitæ sanctitate conspicuus triennio post obitum Honorii Apologiam scripsit pro eo, quia Pyrrhus Patriarcha Constantinopolitanus hæresis suæ fautorem extitisse falsò assererat. In qua quidem

Apologia Ioannes explicat mentem Honorii, quam ostendit à Monachelitarum errore valdè fuisse diverfam.

4. Eam autem interpretationem Ioannes non pro suo erga Honorium affectu excogitaverat; sed ab eo ipso, qui Honorio ab epistolis fuerat, qui illas ipsas scripserat, quas Pyrrhus pro se interpretabatur, quique doctrinâ, & pietate totum Occidentem, recte sancto Maximo, illustrabat, diligenter sciscitatus erat veram dictantis sententiam.

5. Sanctus erat Maximus, qui Honorium tum in disputatione cum Pyrrho, tum in duabus epistolis paucis post annis defendit, atque adeò de mendacio minimè suspectus. Græcus erat, atque adeò nimio erga Ecclesiam Romanam studio minimè excæcatus. Coetaneus erat, & partem eorum quæ referebat, suis ipse oculis viderat, atque adeò veritatis benè conscius.

6. Satis superque Launoio fuissent hæc testimonia, si Honorium defendendum suscepisset, ut eum innoxium demonstraret, & ea diluere quæ summo illi Pontifici opponit epistol. l. tom. 3. & alibi, præsertim cum testimoniâ prædicta omnibus, quæ adversus Pontificem illum proferuntur, antiquiora sint. Imò suffecisset silentium illustrium scriptorum satis antiquorum, v. g. Pauli Diaconi Aquileiensis. Theophanis, Georgii Monachi. Est enim illi admodum familiare istud argumenti genus. Sed eam laudem non ambibat; ad oppugnandum non ad propugnandum proclive erat ejus ingenium. Cumque receptis communiter opinionibus bellum frequentius indiceret, conjecturis supradictorum testimoniorum robore longè inferioribus uti cogebatur; quas tamen ceu demonstrationes habebat.

7. Liberius etiam exemplum commemorat Launoius. Peccavit ille quidem, ut verisimilius apparet: non tamen aliquid fidei contrarium Ecclesie credendum proposuit. Certè qui summo Pontifici negant non errandi privilegium, quia Liberius exilii ærumnarum pertæsus S. Athanasij condemnationi, & formulæ fidei veritatem integram non explicanti, sed falsi nihil continenti subscripsit, pari ratione Concilia generalia errori obnoxia fateri cogetur, quia Concil. Ariminense Arianis ita favit, ut totus orbis pœnè Christianus miraretur se esse Ariam, & secundum Concilium Ephesinum sanctum Flavianum Episco-

Episcopum Constantinopolitanum à sua Dignitate deiecit; Eutichem hæresiarcham ob hæresim à Flaviano Synodicè dejectum restituit, ejusque errori non rejecto mutilo symbolo, patrocinatum est. Si autem Arimini, & Ephesi vinctam Episcopis, etiam verè Catholicis, fuisse respondeas: adeoque Concilio Oecumenico non esse tribuenda illorum gesta: similiter etiam quæ à Liberio fidei integram integritus servante, extorta sunt, non debent ipsa, nisi ut privaræ personæ adscribi, quam à peccato tutam non facit Dignitas.

8. Peccatum autem Liberii alicujus hæresis promulgationem, aut etiam professionem non fuisse constat: quia fidei formula cui subscripsit, nullum exprimebat errorem; Vide quæ optimè notavit Joannes David Doctor Gallicanus dissertatione de judiciis Canonici Episcoporum cap. 7. art. 3. Sed, ut jam diximus, neque istum, neque alium quenkum Pontificem aliquid fidei contrarium tanquam de fide credendum proposuisse plures ostenderunt. Itaque pauca tantum adijcimus, quæ à Launoio, vel solo vel diligentius notata sunt.

9. Vel Bonifacium VIII. vel Clementem V. errasse ostendere nititur epistol. x. tom. 3. supra citatâ, quia Clemens V. constitutionem Bonifacii, quæ incipit, *Unam sanctam*, nullum esse, aut futuram esse roborem, & authoritatis decernit in cap. *Mernit de privileg. sed falsum est quod ait Launoius Clementem V. in cap. Mernit. Constitutionem, unam sanctam, nullum esse, aut futuram esse roborem*, deerevisse. Declaravit enim dumtaxat se nolle Regi aut Regno Francorum per dictam constitutionem aliquod præjudicium generari, aut amplius Regem vel Regnum quàm antea Ecclesiæ subijci. Notentur verba hæc, *Amplius quàm antea. Hinc est* (inquit) *quod nos dicto Regi & Regno per definitionem, seu declarationem bone memoriæ Bonifacii Papa VIII. Prædecessoris nostri, quæ incipit. Unam sanctam, nullum volumus, vel intendimus præjudicium generari. Nec quod per illam Rex, Regnum, Regnicole prælibati amplius Ecclesiæ sint subiecti, quàm antea existebant. Sed omnia intelligantur in eodem esse statu quo erant ante definitionem præfatam, tam quævis ad Ecclesiam, quàm etiam quoad Regem & Regnum superius nominatos.*

10. Nescio quâ fide possit Joanni XXII. invidia consulari, quasi defuncterit animas corpore exutas non nisi post judicium finale Deum intuitivè

cutivè visuras, cùm ipse tam apertè negaverit controversiam à se definitam. An solennis definitio à summo Pontifice ita fit ut Ecclesiam lateat, cui nisi proponatur ut fide divinâ tenenda, solennis haberi non debet? Menrem suam declarat Joannes epistol. 1. *Ne super his qua de animabus separatis à corpore & purgatis, an citra resurrectionem corporum, Divinam essentiam visione illâ videlicet, quam vocat Apostolus facialem, videant, tam per nos quàm per nonnullos alios in presentia nostra, recitando & allegando sacram Scripturam, ac originalia & dicta Sanctorum vel alias ratiocinando, sepius dicta sunt, aliter, quàm per nos dicta & intellecta fuerant, intelligantur, ac dicantur, & auribus fidelium valeant inculcari: ecce quod nostram intentionem, quàm circa statum animarum separatarum habemus & habuimus, serie presentium declaramus. Fatemur siquidem & credimus quod anime purgate separate à corporibus, sint in Cælo, Cælorum Regna, & Paradiso cum Christo in consortio Angelorum congregata, & videant Deum facie ad faciem, & Divinam essentiam clarè, in quantum conditio & status patitur anima separata.*

11. Si quis autem Joanni ipsi asserenti se contrarium antea non dixisse, nisi fortè recitando & allegando Sacram Scripturam, ac originalia & dicta Sanctorum, vel alias ratiocinando, fidem adhibere dubiter, confirmabitur testimonio Doctorum Parisiensium tunc temporis à Rege Francorum Philippo VI. seu Valesio consultorum. Ipsi enim cùm sententiam suam promere vererentur ob debitam summo Pontifici reverentiam, eptamen adducti sunt, *Advertentes, inquirunt, quod multorum fide dignorum relatione audivimus, quod quidquid in hac materia Sanctitas sua dixit, non asserendo sen opinando protulerit, sed solummodo recitando.* In hist. Univers. Paris. tom. 4. ad an. 1332

12. Julium II. errasse conrendit, quia definiit Simoniam veram atq; indubitatam hæresim esse, & Papam simoniacè electum non hereticum modo, sed etiam hæresiarcham esse: verùm Julius in ea Constitutione, quam sine dubio intelligit Launojus, quæque incipit, *Cùm tam Divino, &c.* nihil definit de Simonia. Est enim illius Constitutionis scopus impedire, ne summus Pontifex simoniacè eligatur. Eâ occasione §. 1. Hæresis Simoniacæ meminisse non definiens Simoniam esse Hæresim, sed eam illo nomine, notans,

notans, quo in Jure Canonico passim insignitur. Non definit etiam Papam simoniacè electum hoc ipso fore hæresiarcham, sed eisdem pœnis plectendum, quibus si hæresiarcha existeret. *Si contigerit*, inquit, electionem Romani Pontificis *per Simoniacam hæresim celebrari Electus non Apostolicus, sed Apostolicus, & tanquam Simoniacus* (vel Simon Magus) *& hæresiarcha, & ad prædicta omnia & singula perpetuò inhabilis habeatur & sit.* Verbum illud *fit*, refertur, ut patet, ad verbum, *inhabilis*, non autem ad verbum hæresiarcha. Voces autem *tanquam, & habeatur*, apertè declarant Julium nullam hic definitionem constituere circa hæresim Papæ simoniaci, nisi fortè definitionem appelles simplicem nuncupationem in jure usitatam; sicut non definit hujusmodi Pontificem simoniacè electum fore Magum, Ethnicum & Publicanum, licet §.3. permittat *eum ut Magum, Ethnicum, Publicanum, & Hæresiarcham evitare.*

13. Pluribus in locis, sed præcipuè epist. §. tom. i. Launoius Sixti V. exemplum proferat, ut probet posse Summos Pontifices errare. Et quia nonnulli Theologi hoc sibi exemplum objicientes, non satis aptè respondisse videbantur, variis facetiis eorum doctrinam exagitat; ut ita non solum eorum responsiones, sed & sententiam quam tuentur, ridiculam exhibeat. Verùm satis est ut legantur verba illa Sixti V. quæ Launoius adducit, ut illa nullo modo ejus proposito favere Lector advertat. Sic enim Sixtus V. apud Launoium habet: *Illud sanè certum atque exploratum esse volumus nostros hos labores ac vigilias eò nunquam spectasse, ut nova Editio in lucem exeat, sed ut vulgata vetus ex Tridentine Synodi præscripto emendatissima, pristinaque sue puritati, qualis primum ab ipsius interpretis manu styloque prodierat, quoad ejus fieri potest, restituta imprimatur.* Addit Launoius; *Verba hæc virum sibi præsentem, & de Bibliorum emendatione perfectissima securum obijciunt. At neque Bibliorum editio, neque Sixti diploma suppressa essent, nisi Sixtus errasset.* Possemus nos subjungere; verba hæc Launoium Pontificiæ Dignitati infensum, & præ nimio illam persequendi ardore excæcatum obijciunt.

14. Quænam enim ex his Sixti verbis significant ipsum de *Bibliorum emendatione perfectissima securum*? An quia Pontifex declarat se eò spectasse, asserit etiam pervenisse? Semperne qui ad aliquem scopum tetendisse se affirmat, confidit etiam se eum

attigisse? Quin etiam, si Sixtus declarasset se *Bibliorum emendationem perfectissimam affectum*, ea verbâ de fidei cœtitudine nullatenus intelligi possent, sed tantum de morali, quæ post adhibitam accuratam diligentiam haberi potest. Non enim aliter accipi possunt illa verba, *quoad ejus fieri potest*, quam ut indicent id cum absoluta securitate asseri non posse.

15. At, inquit Launojus, *neque Bibliorum editio, neque Sixti diploma suppressa essent, nisi Sixtus errasset*. Quasi verò error sola suppressendorum Actorum causa sit. Emendaverat Sixtus V. editionem vulgatam peritissimorum virorum operâ usus. Emendationem illam, quamvis admodum utilem, ad perfectiorem statum, sive repertis novis Codicibus, sive habitâ aliorum peritissimorum Virorum copiâ, perducî posse animadvertens Clemens VIII. emendationem Sixti non suppressit; sed eam perficiendam, priusquam publicaretur, curavit. Quamobrem in lucem deinde fuit emissâ, præfixis & Sixti & Clementis nominibus, ut videre est in variis editionibus exinde factis cum alibi, tum in Gallia.

16. Cæterum quis cum voluptate non contempletur Launojum inter tot conatus ad abrogandam Papæ infallibilitatem, tam diligenter, tamque frequenter Adriani VI. auctoritatem jactare; quasi cæteri Pontifices quamplurimi errassent, & omnes errare potuissent in proponenda Ecclesiæ universæ fidei doctrina; solius autem Adriani privati adhuc Doctoris, & antequam de Pontificatu vel ipse, vel alius quisquam pro eo cogitaret, infallibile fuisset judicium. At Pontifex factus sententiam non retractavit. Tot tamque gravibus negotiis & curis distentus fuit per illud tempus, aliundè satis breve, quo Ecclesiæ clavum tenuit, ut mirum non sit, eum de corrigendis Commentariis Scholasticis minimè cogitasse. Sed etsi pristinam retinuisset sententiam, num idcirco vinceret Launojus? An privata Pontificis opinio solemnîs definitionis loco habenda esset? An in deneganda sibi infallibilitate solum infallibilis existimandus esset Pontifex?

* * * *

* * *

*

CAPUT XVII.

*An iudicium Papæ sit infallibile, quod ei Ecclesiæ consensus
accedat: an verò ei accedat Ecclesiæ consensus,
quod infallibile sit.*

1. QUæcumque hæcenus dicta sunt, eò tendebant, ut ostenderetur iudicium Papæ in fidei quæstionibus esse certissimum, antequam accedat Ecclesiæ consensus; imò ideo Ecclesiæ consensum accedere, quia certissimum est. Tribuitur enim, ut animadvertere licuit, illa certitudo promissioni Petro factæ, aut orationi pro illo à Christo porrectæ, aut alii simili rationi, quæ indicat Romanum Pontificem, sicut in pascendi totius Gregis Christi, ac regendæ universæ illius Ecclesiæ officio; ita & salubris fidei ac morum pectus ab erroris veneno discernendi, & fratrum adversus hæresum status, per doctrinam à Patre cælesti revelatam confirmandorum privilegio successisse. Id nihilominus in hoc capite specialius est ostendendum.

2. Illustrissimi Antistites Gallicani aliquid, & quidem eximium Summo Pontifici concedere voluerunt magnificis illis quartæ propositionis verbis; *In fidei quoque quæstionibus præcipuas Summi Pontificis esse partes, ejusque Decreta ad omnes, & singulas Ecclesias pertinere.* Hinc ad minimùm colligendum videtur omnes, & singulas Ecclesias iudicio Papæ in causis fidei stare debere, donec reformetur à Concilio universali, etiãsi nondum Ecclesiæ universæ consensus accesserit. Equidem hoc pacto schismati occurritur, si modò fideliter servetur ab omnibus & singulis Ecclesiis. Verùm (quæ est hominum conditio, ac propriæ sententiæ studium) difficile est, ut conquiescant partes, quamdiu iudicium prolatum errori obnoxium putabunt; itaque cum difficillima sit Concilii generalis congregatio, perpetuis dissidiis turbabitur Ecclesia. Cùm autem innumera extent exempla hæresum absque autoritate Conciliorum generalium solo Romanorum Pontificum iudicio extinctarum, quod signum est illud tanquam infallibile fuisse susceptum; quorsum hodie præmissa commen-

datione obex apponitur, ne illi, utpotè reformabili internus præstetur assensus?

3. Nescio an aliquod habitum fuerit Concilium generale à primo Nicæno ad Tridentinum, quod absolutè necessarium à Catholicis judicaretur ad detegendam fidei veritatem. Neque enim ante Concilium Nicænum dubitabant Catholici; an Filius esset consubstantialis Patri, neque ante Constantinopolitanum; an Spiritus sanctus esset consubstantialis Patri & Filio, & sic de cæteris Conciliis, quæ omnia necessaria fuerunt, non quod dubium esset inter Catholicos circa fidem, sed quod frangenda esset hæreticorum pertinacia, & inquirendæ viæ ad sistendum hæresis progressum, & promovendam fidei publicationem. Itaque Conciliorum congregatiō nullum arguit erroris periculum in judiciis Papæ, quæ fortè præcesserant: è contra verò infallibilem eis certitudinem inesse ostendit præstitus ab Ecclesiâ universa consensus in damnatione infinitarum propensionum hæresum absque convocatione Concilii generalis, ut mox dicebam.

4. Certè si Papæ judicium ante Ecclesiæ universæ assensum non est irreformabile, nescio quæ sint præcipuæ illæ summi Pontificis partes, & ejus Decretorum vis in omnes & singulas Ecclesias. Nam & cujuslibet, non solum Episcopi, vel Doctoris, sed etiam fidelis judicium est irreformabile accedente consensu Ecclesiæ. Cum enim Ecclesiâ sit columna & firmamentum veritatis, errori fidei contrario consentire non potest. Ne igitur inanis sit autoritas B. Petro collata, cum in præmium suæ fidei constitutus est Ecclesiæ fundamentum: ne confirmandis fratribus inutilis fuerit Christi pro ejus fide indeficiente oratio; ne illius curæ commissum sit Christi ovile absque certa discretione pascuorum, quæ oves impinguatura, aut infectura sint; neve transeunte ad ejus successores officio, non transiisse quoque autoritatem dicamus; ut in fidei quæstionibus præcipuas summi Pontificis esse partes asserere liceat; ejusque Decreta ab omnibus & singulis Ecclesiis turò recipi possint; ne deceptis universis & singulis Ecclesiis Ecclesiâ universâ (quod fieri nequit) decepta inveniatur, affirmandum videtur Ecclesiam judicio summi Pontificis idèò consentire, quia est infallibile, & illa nonnisi certæ veritati assentire potest;

test; non verò illud iudicium ideò esse infallibile, quia Ecclesia ei consentit. Prius enim est rem esse certam, quàm Ecclesiam ei consentire. Summus Pontifex est omnium fidelium Doctor, atque adeò suscipienda est ejus doctrina, quia certa est; non autem solum certa est, quia suscipitur. Ille quidem Ecclesiæ consensus signum est certitudinis iudicii, quia, ut diximus Ecclesiæ errori consentire non potest. At non est certitudinis causa, sed illam potius supponit.

5. Hanc esse mentem Ecclesiæ, quæ in toto hoc libro adduximus, suadent argumenta. Sed præcipuè, quod ex universæ historiæ Ecclesiasticæ serie constat Ecclesias omnes, omni tempore ad Romanam recurrisse in dubiis circa fidem, & ejus responsa tanquam oracula suscepisse, idque speciatim de Gallicana testatur S. Leo Epist. 89. jam citatâ. *Nobiscum itaque vestra fraternitas recognoscat Apostolicam Sedem pro sui reverentia à vestra etiam Provincia Sacerdotibus innumeris relationibus esse consultam*: & regula est ab universa Ecclesia recepta, causas fidei ad sanctam Sedem esse referendas; hanc tradidit Sanctus Innocentius I. epist. 25. seu rescripto ad Milevitanum Concilium; *Quoties fidei ratio ventilatur, arbitror omnes Fratres & Coepiscopos nostros, nonnisi ad Petrum, id est, sui nominis & honoris autorem referre debere*: renovarunt plurimi alii Pontifices, & executi sunt Antistites, præsertim, ut diximus, Gallicani. Absurdum autem esset dicere consultum fuisse Romanum Pontificem tanquam jurisperitum, aut Doctorem aliquem privatum, cujus sententiæ stare, vel ulteriori examini subicere liberum esset consulentibus. E contra in omnibus fere hujusmodi consultationibus fit expressa mentio permanentis in Ecclesia Romana & in ejus Pontifice indeficientis fidei Petri. *Postulabatur ut pro ambiguitate tollenda confessio Episcoporum auctoritate Sedis Apostolica firmaretur*; quod docet exemplum S. Cæsarii Arelatenlis: inter epistolas Bonifacii II. epist. 2.

6. In tota historia Ecclesiastica paucissimi reperiuntur Catholici, qui solemni Papæ iudicio circa fidem resisterint, eosque omnes in errore versatos eventus comprobavit, quod adhuc signum est, illud certissimum esse antequam accedat Ecclesiæ consensus; nec nisi ad convincendâ hæreticorum obstinationem res iterum in Conciliis tractatas fuisse, an-

nuentibus ipsismet Pontificibus. Unde B. Augustinus, qui ut B. Cyprianum excusat, Concilium plenum, sive generale alicubi videtur exigere ad statuendum indubitatum dogma, in aliis locis sufficere iudicium Romani Pontificis affirmat. Ita serm. 2. De verbis Apost. causam finitam esse post Romanorum Pontificum rescripta, licet nondum finitus esset error, declaravit. Verba jam alibi retulimus. Et caput 50. lib. 2. retractationum sic inchoat. *Postea quam Pelagiana hæresis cum suis autoribus ab Episcopis Ecclesie Romana, prius Innocentio, deinde Zozimo, cooperantibus Conciliorum Africanorum litteris, convicta atque damnata est; scripsi duos libros adversus eos, unum de gratia Christi, alterum de peccato Originali.* Illa autem convictio non potest intelligi de convictione argumentorum vi factâ, aut de illius hæresis extirpatione. (Alioquin enim non fuisset opus, ut D. Augustinus duos illos libros postea scriberet, nec tamdiu perstitisset error) sed de iudicio irreformabili. Neque autoritate illa præditum erat iudicium ex eo quod accessisset Ecclesiæ consensus; tantum enim Conciliorum Africanorum fit mentio, quæ Ecclesiam universam representare nequaquam potuerant. Quamobrem sanctus Doctor epist. 157. quæ est ad Optatum, damnationem prædictorum hæreticorum per totum orbem tribuit autoritati eorundem Pontificum, Conciliis autem Episcopalibus (Africanis scilicet) solam vigilantiam, *Cujus (hæresis) vel autores, vel certè acerrimi notissimique suaves, cum Pelagius, & Celestius extitissent, Conciliorum Episcopaliū vigilantia in adiutorio Salvatoris, qui suam tuetur Ecclesiam, etiam à duobus venerabilibus Antistitibus Apostolica Sedis, Papa Innocentio, & Papa Zozimo, nisi correcti etiam egerint pœnitentiam, toto Christiano orbe damnati sunt.*

7. Animadvertite hic, prolatâ Romanorum Præfulum solemnī sententiâ, damnationem in toto Orbe factam censeri; nondum enim Ecclesiæ universæ consensus accesserat, cum nondum constaret; An Episcopi encyclicas Summorum Pontificum litteras acceperint. Addit enim Augustinus: *De quibus exempla recentium litterarum, sive quæ specialiter ad Afros, sive quæ universaliter ad omnes Episcopos de memorata Sede manarunt, ne fortè ad vestram Sanctitatem nondum pervenerint, volis curavimus mitti ab eis fratribus, quibus & has litteras, ut tua venerationi dirigerent dedimus.*

8. Dum igitur Sanctus Augustinus B. Cyprianum excusat S. Stepha-

phano Papæ circa baptisimi ab hæreticis collati validitatem resistentem; eo quod causa nondum fuisset à plenario Concilio definita, supponit iudicium illud non fuisse solemnem definitionem, quæ non nisi post examinatam, & agitatam cum ea quâ par est diligentia causam proferretur; sine qua diligentia vel à Conciliis etiam œcumenicis quæstiones ejusmodi definiri posse negat idem S. Augustinus de baptismo contra Donatistas lib. 2. cap. 4. *Quomodo enim inquit potuit ista res tantis altercationis nebulis involuta ad plenarii Concilii luculentam illustrationem, confirmationemque perducì, nisi primò diutius per Orbis terrarum Regiones, multis hinc atque hinc disputationibus & collationibus Episcoporum pertractatam constaret?* Apertius in capite immediatè præcedenti dixerat; *Ipsa plenaria (Concilia) sæpè priora posterioribus emendari, cum aliquo experimento rerum aperitur quod clausum erat, & cognoscitur quod latebat.* Itaque non censebat irreformabilia esse Conciliorum judicia, nisi debitam adhibuissent ad detegendam occultam, & latentem veritatem diligentiam, quo etiam sensu accipiendus esset sicubi videretur innuere, iudicium Summi Pontificis non esse irreformabile; ut scilicet intelligeretur de casu, in quo non præcessisset examen necessarium ad solemnem edendam definitionem. Quamquam non videtur Deus permissurus, ut vel Concilium generale legitimum, vel Summus Pontifex quidquam solemniter definiant, nisi præviâ discussione necessariâ ad omnimodam certitudinem. Alioquin enim liceret semper de illorum definitionibus dubitare, etiamsi nulla vis aperta intercessisset ad eas extorquendas. Quomodo enim privati Christiani scire possent, quo quantove opus fuisset examine, ac utrum decisionem antecessisset?

9. Atque ita sensisse S. Augustinum credendum est, nisi dicas, quod non est verisimile, ipsum solius Ecclesiæ universalis, non autem vel Concilii generalis; vel Summi Pontificis iudicium irreformabile putasse: quam doctrinam tradidit Panormitanus, inter Catholicos solum quem sciam.

10. Non recolo modò alium ex iis, quos Ecclesia veneratur ut Sanctos, præter Cyprianum tunc temporis errantem, Summi Pontificis iudicio circa fidei quæstionem repugnasse. Imò dum alius quis circa principalia disciplinæ capita à Romano Pontifice dissensit, sequiorem partem securus fuisse totius Ecclesiæ iudicio compertus est.

Ita

Ita v. g. referente Eusebio Ecclesiast. histor. lib. 5. cap. 23. & 24. cùm Sanctus Polycarpus à S. Aniceto, ac postmodùm alii Asiæ Episcopi ab aliis Pontificibus Romanis dissentirent circa diem, quo celebrandum erat Pascha, licet in favorem Asianorum S. Joannis Apostoli, & aliorum Sanctorum Traditio, imò Evangelium ipsum allegaretur, prævaluit judicium Summorum Pontificum, Pascha die tantùm Dominico celebrandum statuentium, sententiæ Asianorum decimâ quartâ Lunâ, quocumque die accideret, sive Dominicò, sive alio illud celebrantium, plurimisque Conciliis, etiam primo generali Nicæno decretum est, Pascha die Dominico fieri debere.

11. Non tamen usque ad Ecclesiæ consensum in Concilio Nicæno; ac in aliis præstitum suspensa est vis judicii Romani Pontificis. Nam, ut verbis Eusebii ex antiqua versione utar; *Victor, qui tum Romana Ecclesia præerat, totius Asiæ Ecclesias cum aliis finitimis, tanquam alterius fidei, & opinionis, simul omnes (ut complectar brevi) à communi unitate Ecclesiæ amputare conatur, & in eos per litteras graviter invehitur: atque omnes fratres eam incolentes Regionem, prorsus à communione secludendos edicit.* Tantùm aberat, ut S. Victor decreti sui validitati necessarium crederet Ecclesiæ universæ consensum, ut plurimas Ecclesias invitans ad consensum illum censuris compelleret. Licet autem aliæ Ecclesiæ, quæ Victori circa diem celebrandi Paschatis consentiebant, censurarum usum contra tot Ecclesias Orthodoxas non probarent; auctoritatem tamen non negabant, ut videre est apud Eusebium loco citato, ubi de sancto Irenæo Episcopo Lugdunensi nominatim sic scribit; *Irenæus quamquam per litteras scriptas ex persona fratrum in Gallia quibus præerat, tradit Mysterium Resurrectionis Domini solo die Dominico recolendum quidem esse: Victor tamen de hoc, videlicet ne tam multas Ecclesias omnino propter traditionis ex antiqua consuetudine inter illas usurpata observationem à corpore universæ Christi Ecclesiæ penitus amputet, cùm pleraque alia, tum ista, quæ sequuntur, appositè & convenienter admonet, &c.* Nota hæc verba, *A corpore universæ Christi Ecclesiæ penitus amputet*, quæ apertè significant Romani Pontificis in universam Ecclesiam auctoritatem. Non enim Victor ab illarum Ecclesiarum communione solus recedebat, sed eas ab universo Ecclesiæ corpore sequestrabat. Si cui fortè nimius videretur ejus Pontifi-

cis

cis erga tot Ecclesias rigor pro re ad fidem, saltem proximè, non spectante, causas legerit apud Baronium ad annum 198, rigorem illum tunc temporis necessarium fuisse ostendentem.

12. Sed ut redeamus ad quæstiones fidei, hæresibus, & schismatis via panditur in tanta congregandarum hodie Synodorum Generalium difficultate, & tam modicâ inter diversarum, vel etiam inimicarum ditionum, & nationum Præsules communione, nisi iudicium Romani Pontificis tanquam certissimum suscipiendum sit. Quamobrem consultius est modernorum Antistitum Gallicanorum declarationem postponere sententiæ aliorum multò plurium, qui non ita pridem, & consulendam sanctam Sedem in quæstionibus fidei, & ejus Decretis internum animi obsequium deberi, etiam antequam Ecclesiæ universæ consensus accesserit, tam apertè declaraverant, ut eorum mens nullis argutiarum nebulis possit obscurari. Sic enim legimus in litteris octuaginta quinque Episcoporum Galliæ ad Innocentium X. an. 1653. scriptis. *Majores causas ad Sedem Apostolicam referri solemniter Ecclesia mos est, quem fides Petri nunquam deficiens perpetuo retineri pro jure suo postulat. Equissima huic legi obsequentes, &c.* Vides hic, jus esse Romani Pontificis in fide Petri nunquam deficiente fundatum, ut majores causæ ad eum referantur. Audi jam quanta sit ejus Decretorum vis & efficacia; *Expertæ est nuper Beatusudo vestra quantum Apostolica Sedis in gemini capitis errare profligando valuerit autoritas. Continuo sedata est tempestas, atque ad Christi vocem ventis, & mare obedierunt.* Non esse autem necessarium reliquorum Episcoporum consensum, ut illis Decretis Christiani omnes, ipsius quoque mentis obsequium præstare teneantur, docent aliæ litteræ à 30. ex iis Episcopis, reliquis absentibus, scriptæ eidem Pontifici 19. Julii eodem anno; *Non solum ex Christi Domini Nostri pollicitatione Petro facta, sed etiam ex actis priorum Pontificum, & ex Anathematismis adversus Apollinarium, & Macedonium, nondum ab ulla Synodo Occumenica damnatos, à Damaso, paulo ante factis, JUDICIA PRO* SANCIENTIA REGULA FIDEI A SUMMIS PONTIFICIBUS LATA SUPER EPISCOPORUM CONSULTATIONE (SIVE SUAM IN ACTIS RELATIONIS SENTENTIAM PONANT, SIVE OMITTANT, PROUT ILLIS COLLIBUERIT) DIVINA ÆQUE, AC SUMMA PER UNIVERSAM

ECCLESIAM AUTORITATE NITI : CUI CHRISTIANI OMNES EX OFFICIO IPSIUS QUOQUE MENTIS OBSEQUIUM PRÆSTARE TENEANTUR. *Eà nos quoque sententiâ, ac fide imbuti, &c.* Licet autem hic Episcoporum sententiæ mentio fiat ; tamen, præterquam quod eam exprimi non esse necessarium declaratur, de Episcopis tantum consulentibus est sermo, quorum nomine non intelligitur Ecclesia ; quippe cum vel singulares, vel alicujus Provinciæ aut Regni, non totius orbis Antistites simul sanctam Sedem consulant. Unde circa finem Epistolæ addunt Præsules Gallicani ; *Porro nos Innocentio X. cujus ore Petrus loquutus est, ut Leoni I. acclamabat quarta Synodus, hanc Divinam lauream gratulati, sacros inter Ecclesia factos, quod olim de Synodis Oecumenicis fieri solitum, constitutionem istam ab eo editam lubentes ex animo reponemus.*

13. Eadem fuit antiquorum Gallorum sententia, ut jam probavimus, & adhuc probari posset. Epistola Tex Episcoporum ad Innocentium II. ann. 1140. scripta inter Sancti Bernardi Epistolas 370. sic incipit ; NULLI DUBIUM EST QUOD EA, QUÆ APOSTOLICA FIRMANTUR AUTORITATE, RATA SEMPER EXISTUNT, NEC ALCUIUS POSSUNT DEINCEPS MUTILARI CAVILLATIONE, VEL INVIDIA DEPRAVARI. *Ea propter ad vestram Apostolicam Sedem, Beatissime Pater, referre dignum censuimus, quadam, quæ nuper in nostra contingit tractari presentia. Quæ quoniam & nobis, & multis Religiosis & sapientibus viris rationabiliter acta visa sunt, vestre serenitatis expectant comprobari judicio, simul & autoritate perpetuo roborari.*

14. Potho Presbyter Prumiensis de statu domus Dei lib. 3. *Hoc namque privilegium, inquit B. Petro Apostolorum Principi Cælesti Decreto principaliter traditum atque firmatum, sancti Patres cum magna veneratione suscipientes, atque sanctam Romanam Ecclesiam servantes ; tam in Generalibus Conciliis, quam & in cæteris scripturis, & gestis suis, universalem Matrem appellaverunt, & sicut ejus documenta in confirmatione fidei, & eruditione sacra Religionis, ita atiam judicia susceperunt in hoc consentientes, & quasi uno spiritu, & una voce concordantes, omnes majores res, & præcipua negotia, nec non omnium Ecclesiarum judicia ad eam quasi ad Matrem & Caput debere referri, ab ea nusquam appellari, judicia ejus à nemine retractari, aut refelli debere vel posse.*

13. Præ-

15. Præverat illi ejusdem Monasterii Abbas Regino, qui longè antea scripserat in Chron. ad annum 859. quod jam supra retulimus; scilicet STULTITIÆ QUIDEM ELOGIO DENOTANDI, QUI ILLAM PETRI SEDEM ALIQUO PRAYO DOGMATE FALLERE POSSE ARBITRATI SUNT, QUÆ NEC SE FEFELLIT, NEC AB ALIQUA HÆRESI UNQUAM FALLI POTUIT.

CAPUT XVIII.

*De Autoritate summi Pontificis circa Censuram
Librorum.*

1. **A**ccendit nostro ævo multorum Litteratorum animos vehemens nova circa res antiquas scribendi prurigo; quasi nihil jam laudis esset in sequendis communibus sententiis, aut certius moderni scire possent quæ primis sunt gesta temporibus, quàm qui viciniore extiterunt. Si novitatis amor ille circa disciplinas tantum humanas & naturales versaretur, æquiori animo ferretur, ut minùs utilibus studiis occupati subtilioris ingenii acumen in illo exercerent, atque illinc, quàm fortè ambiunt, qualemcumque gloriam perciperent. Sed ipsam etiam Religionis disciplinam tentant: quàm circa, quoniam innumeri prodierunt libri, parvi æstimandi viderentur qui de novo eduntur, nisi legendi cupiditatem acueret novitas, aut forsàn temeritas. Unde fit ut multitudo Doctorum, quorum tanta fuerat penuria, tantaque necessitas ad hæreticos, Catholicorum inscitiam magis, quàm propria eruditione venenum erroris facillè propinantes, veritatis solidè ac scitè propositæ vi cohibendos, incipiat ferè ipsi Ecclesiæ gravis evadere, ob nimiam librorum illorum copiam, quorum lectio propter subtiliorem & audaciorum doctrinam Christianæ simplicitati, docilitati, atque ad eò religioni non parùm nocet, vel saltem hoc habet incommodi, quod ab evolvendis utilioribus antiquorum operibus avertat, ac disputandi magis, quàm benè vivendi studium pariat.

2. Quoniam autem Romani Pontificis, utpotè supremi Pasto-

ris est, curare ut oves sibi à Christo commissæ in Pascua omninò salubria inducantur; dare operam debet, non solùm ut error à veritate discernatur, quid orthodoxum, quid hæreticum, quid salubre, quid corruptum sit declarando; sed etiam ut amoveantur pericula forbendi veneni sub specie salutiferi potus, ac cibi proficui. Qua in re, cùm nihil sit humanæ præsumptioni & arrogantiae gravius, quàm si opera, quæ plerique Autores magis depereunt, quàm parentes proprios liberos, censurâ publicâ inurantur; raros videas qui adversus suorum librorum Judicem non obmurmurent; multos qui sententiam iniquitatis accusent; nonnullos qui in Pontificem calamum convertant.

3. Vix quidem inter Catholicos quemquam reperias, qui jus illud damnandorum, prohibendorumve librorum Romano Pontifici competere neget. Sed multi ejus censuram violantes, inobedientiæ culpam obvolvère futilibus excusationibus conantur, obtendentes illam, sicut alia pleraque Decreta, ultra montes vim non habere, quasi Romani Pontificis potestas à Christo fuerit Alpibus circumscripta, vel Ecclesia monstruosum corpus sit, cujus pars capitis ductum sequi, altera se ipsam regere debeat. Alii, ut liberiùs Pontificis ordinationibus sese subtrahant, eas asserunt non à Pontifice proficisci, sed à Congregationibus, in quibus Monachorum, antiquioris, reconditoris ac solidioris litteraturæ ignarorum, & certis quibusdam Scholarum formulis serviliter addictorum, suffragia prævaleant; quasi Decreta, inscio Papâ, nec ad eum factâ fidei omnium relatione, ab Officialibus ad id muneris deputatis proferrentur, aut deberet illa edere Pontifex non adhibitis convenientibus mediis, Theologorum scilicet consultationibus: aut illorum dumtaxat expetenda essent suffragia, qui sibi cæteris doctiores videntur ac sapientiores.

4. Apostolicum est oraculum, quod *corruptant mores bonos colloquia mala* 1. Cor. 15. vers. 33. cujus veritatem etsi Spiritus Sancti auctoritas indubitata non faceret, infelix nimis experientia comprobaret. Est enim sermo malus status pestilens, qui homines innumeros inficit, ac plerosque interficit, non solùm simplices & incautos, sed etiam sibi præfidentes. Tunc autem periculosior est corrupta doctrina, cùm ex libris hauritur. Qui enim ad legendum accedit,

discipuli affectum atque docilitatem affert : ac sæpè Autorem scriptis differentem, ceu Magistrum habet, quem vivâ voce loquentem audire dedignaretur. Præterea difficile est, ut liber cum voluptate legatur, (quemadmodum ferè semper legitur : quis enim invitus lectionem prosequitur) quin ei fides habeatur; præsertim si, ut solet, error sub verborum lenocinio, aut compositionis artificio latens propinetur. Sapientissimum igitur Pastorum, ac præcipuè Supremi consilium est, ut fideles sibi subditos à legendis perniciosis libris avertant, ipsosque libros exterminent.

5. Quod non est de illis tantùm accipiendum, qui doctrinam continent apertè falsam ac malam. Hi enim nonnisi volentes decipiant, aut fortè omninò ignaros : at verò qui venenum occultum gerunt, etiam prudentiores fallunt. Undè non rarò contingit, ut perniciosiores sint ac virus longiùs profundant, quàm ii, quorum aperta corruptio fideles salutis suæ non immemores à lectione dehortatur.

6. Quamobrem miror, quod in Gallia tam parvi fieri videantur Decreta libros damnantia, vel prohibentia. Eorum Autores fortasse sua opera iniquè notata ob nimiam existimationem credentes, aut ad fugiendum pudorem aliis suadere conantes, violationem præcepti excusant sub eo injustitiæ prætextu : alii verò propensione naturæ corruptæ ad falsam libertatem inditæ indulgentes nituntur in vetitum, excitatà per prohibitionem curiositate.

7. An enim deest summo Pontifici autoritas ad damnandos ac prohibendos malos libros ? An ejus judicia in fidei ac morum questionibus ad omnes & singulas pertinebunt Ecclesias, eisque omnes Christiani parere tenebuntur : & impunè contemni poterunt ejus Decreta, libros, quos ipse judicavit hæresim continere, aut doctrinam ad fidei, vel proborum morum corruptionem, inducentem, à fidelium manibus armoventia ? Sanè quantumvis angustis limitibus coercas supremi Pastoris potestatem, non video qua ratione quis diffiteri queat, ipsum jus habere impediendi quo minus fides ac mores Christianorum in discrimen per doctrinam ad minus periculosam adducantur ?

8. Hanc ejus facultatem Conciliis Generalibus non esse subordinatam significavit Concilium Tridentinum in continuatione sess. 25. cap.3. ubi librorum examen à Patribus ad id deputatis confectum Romano Pontifici exhiberi præcipitur; ut res, ejus, non autem Concilii, à quo inchoata fuerat, autoritate concludatur; *Sacro sancta Synodus*, hæc sunt verba Decreti, *in 2. sessione sub sanctissimo Domino nostro Pio IV. celebrata, delectis quibusdam Patribus commisit, ut de variis censuris, ac libris, vel suspectis, vel perniciosis, quid salto opus esset, considerarent; atque ad ipsum sanctam Synodum referrent; audiens nunc huic operi ab eis extremam manum impostam esse; nec tamen, ob librorum varietatem, & multitudinem possit distinctè, & commodè à sancta Synodo dijudicari; præcipit, ut, quidquid ab illis præstitum est, SANCTISSIMO ROMANO PONTIFICI EXHIBEATUR: ut ejus judicio, atque autoritate terminetur, et evulgetur.*

9. Sed ut Gallis domesticum & antiquum Canonem proponamus, audi Concilium Tuionense secundum an. 567. can. 20. summi Pontificis autoritatem, stylo rei gravitate digno, vindicantis; *Et quorum Autorum valere possit predicatio, nisi quos Sedes Apostolica semper aut intromisit, aut Apocryphos fecit, & Patres nostri hac semper custodierunt quod eorum præcepit autoritas?*


10. At, inquires, libris qui reprobantur, bona insunt plurima: quidni ergo juxta Pauli præceptum primæ Thessal. 5. Omnia probentur, ut quod bonum est teneatur? Respondeo eum delectum non ad quemlibet pertinere; sed ad peritos: nec ad illos quidem, nisi ex commissione; aut cum licentia, postquam autoritate Superiorum Ecclesiasticorum libri prohibiti sunt. Alioquin inutilis erit omnis censura. Quotus enim quisque est inter eos, qui litteris operam dederunt, admodò modestus, ut suam eruditionem agnoscendis in libris quos legit, erroribus, aut suam virtutem rejicendis illis imparem arbitretur? Præterea num defunt Ecclesiæ libris, quos inoffenso pede quisque percurrat? Num quæ nobis scitu necessaria, vel inutilia sunt, alibi reperire non licet, quàm in hujusmodi libris ad minus suspectis, atque admodò periculosis?

II. Sed vanus, aut etiam injustus est timor ad librorum valdè utilium damnationem aut prohibitionem impellens. Autoris justè damnati, vel viri errori jam adhærentis, aut de se arroganter sentientis voces sunt istæ. Pius enim ac humilis Christianus in obedientia legitimis superioribus præstitâ securius ad salutem præsidium positum, quàm in mediis, proprio arbitrio, ac contra Ducis à Christo constituti præceptum adhibitis, confidit. Quandonam tanta est legendi alicujus libri prohibiti necessitas, tum tuta omnis ejus doctrina, tam probè affectus Lector, ut judicare liceat rem Deo gratiorem præstiturum, qui ejus Vicarii mandatum hujusmodi lectione violaverit? Nonne ita sentientium temeritas meretur, ut à Deo deserantur, & in errorem aliàs facile devitandum impingant. Equidem, si attentè observaveris, paucos videas libris prohibitis evolvendis delectari, qui aliquo pravo vel periculoso præjudicio non sint imbuti.



LIBER OCTAVUS

De origine Iurisdictionis Ecclesiastica.

I  Uemadmodum Illustrissimi Antistites Gallicani quæstiones gravissimas, ac sopitas excitaverunt, easque contra sanctam Sedem præjudicaverunt, eo, quantum ex temporis circumstantia coniiicere licet, sine, ut summum Pontificem à proferendo circa Regaliæ controversiam iudicio deterrent; aut, si quod pronuntiaret, minoris videretur esse autoritatis; ita & ipsi, & qui eorum partibus favent, iurisdictionem Episcoporum extollere satagunt; ut depressâ illinc dignitate sanctæ Sedis, elatâ hinc Episcoporum potestate, minoris culpæ videatur contemptus, sive neglectus Decretorum Papæ, libertatem Ecclesiarum Gallicanarum tuentis. Idcirco inculcatur frequenter Jurisdictionem Episcoporum ita esse de lure Divino, ut eam à sancta Sede nequiquam accipiant.

II. Satiùs esset ut omiſſis his contentioni-
bus, inter caput, & membra is vigeret consen-
sus, quem sanitas corporis postulat, ne scissuræ
fierent, quæ nunquam sine periculo, imò nun-
quam

quam sine damno contingunt. Sed metuunt fortassis Præfules, ne, si suam iurisdictionem à summo Pontifice recognoscant, nimis Episcopalis auctoritas vilescat: verum nonne tantundem metuendum est, ne Papæ mandata pro Ecclesiæ utilitate contemnantur ab Episcopis, si suam iurisdictionem, non se-cus ac ipse suam, à Deo immediatè se obtinere arbitrentur? Jure Divino Romanus Pontifex in alios Episcopos Primatum etiam iurisdictionis habet; satis hoc est, ut iusta eius præcepta non possint ab eis absque culpâ detrectari, aut negligi. Data est illi hæc potestas in ædificationem, non in destructionem; sufficit hoc, ut nonnisi iusta, & possibilia præcipiat. Supprimendæ fuerant aliæ contentiones.

III. Verum tamen quoniam ex origine iurisdictionis, pendere quodammodo creditur, & vis præcipiendi & obligatio parendi, iuvat hic eam paulò diligentius investigare.

C A P V T I.

Quid sit Iurisdictio Ecclesiastica.

I. IN communi quidem Jurisdictio auctoritatem quandam significat, vel in personas, vel in res, ut rectè, justèque ordinentur; Jurisdictio autem Ecclesiastica dicitur Jus illud, quod pænes Ecclesiasticos Pastores est, ut & Christiani Homines, & res Deo consecratæ, ad Dei cultum & Religionis exercitia ritè disponantur.

O o o

1. Ut

2. Ut ista Jurisdictionis descriptio magis elucidetur , & quid in controversiam veniat , unusquisque facile possit agnoscere, animadvertere juvat , in Ecclesiæ Ministro quinque distingui; Primò characterem , cum potestate in eo fundata offerendi Sacrificii , aut aliqua munia circa illud obeundi ; Extremam unctionem , & , si Episcopus ordinetur , Confirmationem etiam & Ordinem conferendi. Secundò potestatem ligandi , & solvendi in foro interno, id est peccata audiendi, convenientes pro eis satisfactiones injungendi, & remittendi, vel, si opus sit, retinendi, & hoc quidem indefinite, hoc est non assignatis personis , in quas debeat, aut possit potestas illa exerceri. Tertiò determinationem illius potestatis ad certas personas , quæ illi potestati subjiciuntur. Quartò potestatem ligandi & solvendi in foro externo, id est in ordine ad Ecclesiam, & communitatem, Leges ferendo, ad earum observationem obligando, ab iis dispensando , Censuras ferendo, ab iis absolvendo, aliaque præstando , ad externum fidelium regimen necessaria. Quintò potestatem etiam in hac potestate , quæ forum externum respicit , considerari ordo ad subditos determinatos ; quamvis ille ordo sive subditorum assignatio , vix ab ipsius potestatis collatione sejungatur.

3. Character imprimatur, & potestas circa Sacrificium communicatur in receptione Sacramenti Ordinis , in quo, quia non solum circa Christi corpus naturale, sed etiã circa mysticum operandi datur facultas, cum Spiritus Sanctus accipitur, obtinetur potestas retinendi & remittendi peccata : sed quia nullius momenti est ea sententia, quæ profertur in non subditum, si tempore Ordinationis non supponatur ordinato plebs aliqua , sibi collatâ uti non poterit facultate , donec Diocesi, Parochiæ, aut aliquibus fidelibus præfectus fuerit.

4. De duobus primis, scilicet de potestate offerendi Sacrificii, & potestate solvendi, vel ligandi sine ordine ad aliquos subditos, vix aliqua nascitur difficultas. Licet enim possit Episcopus ordinare Clericos, vel ab eorum ordinatione abstinere, licentiam sacrificandi, vel concedere, vel negare; tamen ubi quis semel ordinatus fuerit, characterem utpotè indelebili, nunquam spoliari poterit, adeoque

que, quamvis licitè justum superioris mandatum circa celebrandam Missam transgredi non possit; tamen si transgrediatur, verè sacrificium conficiet, etiam invito superiore. Usum quoque solvendi vel ligandi carebit, sed non potestate illa, quasi aptitudinali, quippè cum, ut diximus utriusque fundamentum sit character, quem semel à Deo impressum nullus mortalium possit delere. Circa jurisdictionem in foro externo maximè, vel etiam in foro interno, quoad usum, & applicationem, est controversia; de qua in proximè sequentibus capitibus.

5. Sed in ipso limine gravissima occurrit difficultas; cur scilicet potestas jurisdictionis necessaria sit, ultra potestatem Ordinis, quatenus ista refertur ad Corpus Christi mysticum. Etenim cum ordinatur Sacerdos, non solum traditur ei potestas conficiendi verum Christi Corpus, sed etiam sanctificandi ejus corpus mysticum, id est fideles, per absolutionem à peccatis, ut patet ex ordinationis forma. Cujus igitur rei Sacerdos indiget ad absolvendum à peccatis, postquam ad dandam illam absolutionem Spiritum sanctum tempore ordinationis accepit, cum hæc verba: *Accipite Spiritum Sanctum: quorum remisistis peccata, remittuntur eis; & quorum retinueritis retenta sunt*, quæ Sacerdotibus, dum ordinantur, ab Episcopo dicuntur, illa ipsa sunt, quæ Christus protulit, cum Apostolos Sacramenti pœnitentiæ Ministros constituit. Cur modò minoris erunt, quàm tunc, efficaciz? Cur sicut tunc Apostoli absque nova facultate poterant à peccatis absolvere quoslibet fideles, non poterunt etiam modo Presbyteri?

6. Nemini quidem fidei dubitare licet, quin præter potestatem Ordinis, requiratur adhuc alia, scilicet Jurisdictionis, ut qui jam Sacerdos ordinatus est, peccata validè remittat. Id enim definitum est à duobus Conciliis Oecumenicis, Florentino scilicet, & Tridentino. Declarat Concilium Florentinum in Decreto unionis Armenorum, quod *Minister hujus Sacramenti (Pœnitentiæ scilicet) est Sacerdos, habens auctoritatem absolvendi, vel ordinariam, vel ex commissione superioris*.

7. Clariùs illam distinctionem expressit Concilium Trid sess. 14. de Sacramento Pœnitentiæ cap. 7. *Quoniam igitur natura, & ratio iudicii illud exposcit, ut sententia in subditos duntaxat feratur,*

persuasum semper in Ecclesia Dei fuit, & verissimum esse Synodus hac confirmat & nullius momenti absolutionem eam esse debere, quam Sacerdos in eum profert, in quem ORDINARIAM, AVT SVBDELEGATAM non habet jurisdictionem. Constat igitur, quod *quamvis*, ut inquit idem Concilium sess. 23. de Reform. cap. 15. *Presbyteri in sua ordinatione à peccatis absolvendi potestatem accipiant*, eam tamen uti non possunt etiam validè, nisi eis subjiciantur fideles, quod idem de aliis jurisdictionis partibus dicendum est.

8. Quomodo autem illa Jurisdictionis potestas à potestate Ordinis differat, non ita facilè explicatur. Deus quidem potestatem solvendi, & ligandi per se immediatè confert omnibus Episcopis & Presbyteris. Ad ipsam enim solum pertinet remittendarum injuriarum in se commissarum facultatem concedere. Sed quia hoc debet fieri per modum judicii : judicium autem à superiore in subditos ferendum est ; non potest facultas illa solvendi ac ligandi in usum reduci, nisi ab eo qui subditos habeat. Quæ Prælatio seu subditorum assignatio, Jurisdictio dicitur. Quamvis autem omnibus Presbyteris in ordinatione dicatur, *Accipite Spiritum Sanctum, quorum remisistis peccata remittuntur eis, &c.* Solis tamen Apostolis antea dictum est à Christo ; *Sicut misit me Pater & ego mitto vos*, quibus verbis secundum probabiliorem sententiam jurisdictionem, & quidem amplissimam illis contulit, cæteris autem, quibus illa missio in ordinatione non datur, præter ordinem necessaria est alia potestas, quæ dicitur Jurisdictio. Discrimen inter potestatem Ordinis & potestatem Jurisdictionis alii aliter exponunt; Omnes tamen, quod ad propositum nostrum satis est, consentiunt illas distinctas esse, utramque ad validam Sacramenti administrationem, saltem extra casum mortis requiri, neutram seorsim sufficere; atque Jurisdictionis eam esse vim, ut potestas absolvendi à peccatis in ordinatione accepta, validè possit exerceri circa plebem, aut personas aliquas determinatas, circa quas nullum esset alioquin ejus exercitium. Videri potest Suarez de pœnitent. disput. 16. sect. 3.

9. Præcipuus hujus libri scopus est Jurisdictionis causam inquirere : & de primaria quidem atque originaria, non est ambigendi locus. Certum enim est, ut jam innuimus, illam Christo accep-

tam

tam referri debere, qui ait Matt. 28. *Data est mihi omnis potestas in Cælo, & in terra. Euntes ergo docete omnes gentes; & Joan. 20. Sicut misit me Pater & ego mitto vos, accipite Spiritum Sanctum, &c.* De proxima verò Jurisdictionis causa non ita constat. Summum quidem Pontificem à Deo ipso suam jurisdictionem habere, non autem ab Ecclesia, soli Hæretici negant, quamvis ejus exercitium, seu usum Ecclesiæ dispositioni nonnulli Catholici, quos sicuti sunt nuper Illustrissimi Antistites Gallicani, subesse contendunt. De iis è contra, qui jurisdictione tantum delegatâ præditi sunt, vulgata Theologorum, & Jurisperitorum doctrina est, eos à suis delegantibus potestatem mutuari. Difficultas igitur tantum est de jurisdictione ordinaria cæterorum Prælatorum, utrum à Deo sit immediatè; an autem ab eo, qui Titulum, Beneficium, seu Dignitatem, cui annexa est, confert.

C A P V T I I.

De distinctione, ac distributione Dignitatum Ecclesiasticarum.

1. **A**scensus in Cælum Christus prædicare, baptizare, & docere per universum mundum omnibus Apostolis præcepit his verbis Matt. ult. *Data est mihi omnis potestas in Cælo, & in terra. Euntes ergo docete omnes gentes baptizantes eos in nomine Patris, & Filii, & Spiritus Sancti, docentes eos servare omnia quaecunque mandavi vobis.* Verum quamvis quilibet Apostolus posset in qualibet mundi parte ea omnia efficere: tamen ex communi consensu, & ex Sancti Spiritus instinctu diviserunt sibi orbis terrarum Provincias, ac in quam quisque profecturus esset, desreverunt, ut sic ordo servaretur, & facilius adimpleretur Psalmistæ vaticinium. *In omnem terram exivit sonus eorum, & in fines orbis terræ verba eorum* Psal. 18.

2. Ioannes Gersonius ita factam suspicatur inter ipsos etiam Apostolos divisionem, ut non posset quilibet in quemlibet uti sua potestate, sed tantum in assignatam sibi quisque Provinciam, ut jam tunc Monarchicum regimen exerceretur. *Et fortè, inquit Ger-*

nium de potestate Ecclesiastica consid. 9. quoad usum, *vel exercitium potestatis Ecclesiasticae* sic evenit ipsis etiã Apostolis, & Discipulis, quod post immediatam concessionem utriusque scilicet potestatis, & usus, factam à Christo, postmodum crescente numero fidelium, fuit ad tollendum schisma, & ad exemplar dandum Posteris, Limitatio facta in potestatis quoad usum, & hoc per Petrum summum Pontificem de consensu totius Ecclesie primitiva, vel generalis Concilii; ut non quilibet posset in quemlibet uti potestate sua, attentà Christi ordinatione primaria, qua voluit Ecclesiam suam regi principaliter SVB VNO ET AB VNO MONARCHA, sicut est una fides, unum Baptisma, & una Ecclesia unitate capitis tam primarii, quam Vicarii, quoniam iste est optimus Principatus praesertim in spiritualibus ad conservationem unitatis fidei, ad quam obligantur omnes. Non tamen adeò scrupulosè observata videtur ab ipsis Apostolis illa Provinciarum distinctio, ut si qua sese offerret occasio, non susciperetur ab uno cura illorum, qui videbantur ad alterum pertinere, dummodo nulla hinc oriretur perturbatio. Itaque Paulus postmodum convertendis præcipue Gentibus destinatus, circa Iudæos plurimum laboravit, similiter & Petrus, qui Iudæorum peculiarem sibi curam assumpserat, prædicavit etiam Gentibus, atque apud eas Primatus sui cathedram constituit.

3. Quoniam autem Apostolis nec ubique adesse, nec semper vivere datum fuerat, necesse fuit, ut potestatem suam cum aliis communicarent, qui Apostolica munia, defunctis illis, aut absentibus, obirent: *hujus rei gratia*, inquit Paulus ad Tit. 1. *Reliqui te Creta ut ea que desunt corrigas, & constituas per Civitatis Presbyteros, sicut & ego disposui tibi.* Sed quæ in Apostolis plenissima, & unita fuit, inter alios est divisa pro Apostolorum arbitrio, à quibus alii unitantum Civitati præpositi sunt, alii pluribus; alii plebi tantum, alii etiam pastoribus, unde orta creditur; Patrum archorum, Exarchorum Primatum, Metropolitatorum, & Episcoporum varietas: Quæ eò pertinet; ut ordinatè cuncta in Ecclesia gerantur, quemadmodum de divisione inter Apostolos ipsos facta notavit Gerfonius.

4. Limitatam ab Apostolis Episcoporum Iurisdictionem fuisse, colligunt ex illis B. Pauli ad Titum verbis Sanctus Ioannes Chrysostomus, ejusque interpretationem sectator Theophylactus

laetus; ista sunt S. Chrysostomi verba Homil. 2. in Epist. ad Titum; *Et constitueret, inquit; per Civitates Presbyteros. Episcopos hic intelligi vult. quemadmodum alias sapimus diximus. Ut ego tibi constitem si quis est sine crimine. Per civitates, inquit. Neque enim profecto volebat Insulam totam uni viro permitti; SED VNICVIQVE PROPRIAM CVRAM, AC SOLICITVDINEM INDICI.*

5. Mirabilem illum variorum graduum Ecclesiasticorum ordinem elegantissimè describit S. Leo Epist. 84. cap. ult. *Et si Dignitas sit communis, non est tamen ordo generalis; quoniam, & inter Beatissimos Apostolos in similitudine honoris fuit quedam discretio potestatis, & cum omnium par esset electio, uni tamen datum est, ut ceteris praeuineret, de qua forma Episcoporum orta est distinctio, & magnà ordinatione provisum est, ne omnes sibi omnia vindicarent, sed essent in singulis Provinciis singuli, quorum inter fratres haberetur prima sententia: Et rursus quidam in maioribus urbibus constituti sollicitudinem susciperent ampliorem, per quos ad VNAM PETRI SEDEM VNIVERSALIS ECCLESIAE CVRA CONFLVERET, & nihil usquam à suo capite dissideret.*

6. Epistola verò 89. docet non solum Ecclesiae curam per varios gradus ad B. Petrum tanquam ad Caput reduci: sed & ab illo capite Dei dona in omne corpus Ecclesiae manare; *Huius, inquit, muneris Sacramentum ita Deum ad omnium Apostolorum officium pertinere voluit, ut in BEATISSIMO PETRO APOSTOLORVM OMNIVM SVMMO PRINCIPALITER COLLOCARIT: & ab ipso quasi quodam capite, dona sua velit in corpus omne manare: ut exortem se mysteriis intelligeret esse Divini, qui ausus fuisset à Petri soliditate recedere. Locum hunc clarè interpretatus videtur Mauclerus 2. p. lib. 2. cap. 15. S. Petrum à Christo Domino tanquam Vicarius ejus, ac princeps totius Ecclesiastici cœtus, & orbis solus potestatis juridicae claves accepit, ut in persona totius Ecclesiae, id est omnium Pastorum, & Prælatorum Ecclesiasticorum, ut quidquid jurisdictionis Ecclesiastica à quocumque Pastore exerceretur, id totum S. Petro supremo Ecclesiae Principi, ac visibili capiti acceptum referretur, ab ejusque autoritate in totum corpus Christi Domini, quod est Ecclesia, visibile diffunderetur. Vide S. Bonaventuram cap. 12. referendum.*

7. Non exstant quidem antiqua monumenta, quibus doceamur quonam tempore, aut quonam modo fuerit facta prima

ma distributio Diœceſeon , ac Provinciarum Operariis Evangelicis , qui convertendis ad fidem , aut jam converſis plebibus præfecti ſunt. Ordinem tamen à B. Petro obſervatum eum fuiſſe, quem ſecuti ſunt ejus Succeſſores, vel illi ſimillimum prudens quiſque ſibi facile ſuadebit. Eximium ejus exſtat exemplum in lib. 12. epiſt. 15 S. Gregorii magni , qui collapsam in Anglia Religionem, cum per S. Auguſtinum illuc miſſum reſtituiſſet, regendi Populi fidelis formam præſcripſit, & varia officia inſtituens, unicuique ſuam contulit autoritatem, ut ſcilicet S. Auguſtinus cæteris omnibus præeſſet ; Archiepiſcopus Londonienſis duodecim ſub ſe haberet Episcopos ; Episcopus Eboracenſis totidem, ſi modò tum ab illa civitate, tum à circumvicinis fides ſuſciperetur, ac numerum illum Prælatorum, numerus fidelium exigeret. Nec præſenti tantum neceſſitati occurrat, ſed & futurum regimen diſpoſuit, puta Londonienſem Archiepiſcopum à Synodo propria conſecrandum , Eboracenſem Londonienſi non ceſſurum , ſed priorem fore qui prius fuiſſet ordinatus: communi utriuſque conſilio generalia illius Chriſtianitatis negotia gerenda. Ut autem nunquam non meminiffent à quo fonte profluxiſſet illorum autoritas , voluit , ut uterque à Sede Apoſtolica palium acciperet.

8. Aliud habetur exemplum in Capitulari Gregorii I. l. att. 1. ubi Martiniano Episcopopo , Gregorio Presbytero , &c. in Bavariam miſſa præcipit; *Ut conſideratis locorum ſtatiis, juxta gehennationem uniuscujusque Ducis Episcopos diſponatis. & ſubjacentia ſingulis Sedibus terminetis. Et ſi tres, aut quatuor vel majoris numeri viſe fuerint conſtituta ſedes, reſervato præcipua Sedis loco pro Archiepiſcopo reſedendo, adhibito trium Episcoporum conventu, probabiles fide, ac boni reſtimonii, & eruditos ſanã doctrinã viros ordinetis Antifiſtes* EX AVTORITATE B. PETRI APOSTOLI, & in ſubſequentis vigoris traditã diſpenſatione locis eis traditis collocantes.

CAPUT III.

*Dignitatem & auctoritatem Ecclesiarum Patriarchalium
à B. Petro vel ejus successoribus ortam esse.*

I. **C**Hristum, antequam ex hoc mundo proficisceretur, nullam Parochiarum, Diœceseon, Provinciarum, Exarchatuum, vel Patriarchatuum distinctionem constituisse, ex tota Evangelii serie colligitur, præsertim ex verbis illis, quæ in Cælum profecturus ad Apostolos habuit Matt. ult. *Euntes docete omnes gentes*, quæ indistinctam, & illimitatam missionem continent; licet fortè Apostolis formam præscripserit, juxta quam disponendi essent Pastorum gradus & officia, quò cuncta suaviùs administrarentur, & utiliùs, essetque Ecclesia hostibus suis *terribilis ut Castrorum acies ordinata*. Amplissima erat potestas omnium Apostolorum, prout exigebat primo illo tempore rerum status, cum nimirum non tam regenda, quàm efformanda erat Ecclesia. Tunc enim dispergendi erant per totum orbem Pastores, qui oves undique ad Christi caulam adducerent; Piscatores, qui collectis undique piscibus, Ecclesie sagem implerent; Venatores; qui ubique venantes viventem prædam in domum Dei reportarent.

1. Verùm cum maxima exstiterit fidelium copia, constituenda fuit totius regiminis Ecclesiastici forma. Quamobrem sicut in exercitu Imperator seu Dux unicuique Officiali præsertim primario suas partes, suumque munus assignat, imò & dignitatem tribuit, nisi jam id à Principe præstitum fuerit: ita B. Petrus, quem suum in terris Vicarium, & supremum omnium fidelium Pastorem Christus creaverat, varias Dignitates Ecclesiasticas, & officia instituit, secundùm formam à Christo acceptam, vel à Spiritu sancto suggestam, ultra ea quæ per se Salvator ipse ordinaverat.

3. Itaque Sedem suam in Ecclesia Romana desigens, eam cæterarum omnium Matrem, ac Magistram esse voluit, eique ultra reliquarum communem solitudinem specialem reservavit Occidentalium curam. Alexandrinam & Antiochenam, ad Patriarchalem Digni-

natem evexit, plurimarum eis Provinciarum præfecturam committens. *Est ergo, inquit Gelasius I. in Concilio Romano anno 494. prima Petri Apostoli Sedes Romana Ecclesia, non habens maculam, neque rugam, nec aliquid ejusmodi. Secunda autem Sedes apud Alexandriam B. Petri nomine à Marco ejus Discipulo & Evangelista consecrata est, ipseque a Petro Apostolo in Ægyptum directus verbum veritatis prædicaui & gloriosum consummavit Martyrium. Tertia verò Sedes apud Antiochiam ejusdem Beatissimi Petri nomine habetur honorabilis, eo quod illic, priusquam Romam venisset, habitavit, & illic primum nomen novella gentis exortum est.* Baronius, & alii putant hæc ad verbum desumpta ex alio antiquiori Concilio habito sub Damaso anno 382. Similia etiam habet Nicolaus I. in respons. ad consulta Bulgarorum cap. 92.

4. Harum Ecclesiarum foundationem, & exaltationem S. Petro luculentius adscribit S. Gregorius lib. 6. epist. 37. quæ est ad Eulogium Episcopum Alexandrinum; *Quis enim, inquit, nesciat Sanctam Ecclesiam in Apostolorum Principis soliditate firmatam, qui firmitatem mentis traxit in nomine, ut Petrus à Petra vocaretur? cui veritatis voce dicitur: TIBI DABO CLAVES REGNI COELORUM: cui rursus dicitur: ET TU ALIQUANDO CONVERSUS CONFERMA FRATRES TUOS: Iterumque, Simon Joannis amas me? PASCE OVES MEAS. Itaque, cum multi sint Apostoli, pro ipso tamen Principatu SOLA APOSTOLORUM PRINCIPIS SEDES in auctoritatem convulvit. Ipse enim sublimavit Sedem, in qua etiam quiescere, & præsentem vitam finire dignus est. IPSE DECORAVIT SEDEM, IN QUÀ EVANGELISTAM DISCIPULUM MISIT. IPSE FIRMAVIT SEDEM, IN QUÀ SEPTEM ANNIS QUAMVIS DISCESSURUS SEDIT.*

5. Licet autem majorum Urbium Episcopis sæpè in plures alios tributa sit auctoritas, quia commodior erat ad illos recurus, ob frequentia negotia, quæ illuc ex circumjacentibus Provinciis Præfules evocabant: tamen non à civili Urbium excellentia, sed à S. Petri auctoritate præstantiam suam consecutas esse illas Ecclesias affirmat sanctus Innocentius I. Epistola 18. quæ est ad Alexandrum Episcopum Antiochensem cap. 1. ubi de Antiochena Ecclesia loquens; *Advertimus, inquit, non tam pro Civitatis magnificentia hoc eidem attributum, quam quod prima Primi Apostoli Sedes esse monstretur, ubi & nomen*

accepit Religio Christiana, & quæ conventum Apostolorum apud se fieri celeberrimum meruit, quæq; urbis Romæ Sedi non cederet, nisi, quod illa in transitu meruit, SUSCEPTUM ISTA APUD SE, CONSUMMATUMQUE GAUDERET.

6. Ridet S. Gelasius primus Epist. 13. quæ est ad Episcopos Dardaniæ, illos, qui Ecclesiarum prærogativam ab urbium politica dignitate repetunt; *Risimus autem, quod prærogativâ volunt Acacia comparari, quia Episcopus fuerit regia Civitatis. Numquid apud Ravennam, apud Mediolanum, Sirmium, apud Treviros multis temporibus non constitit Imperator? Nunquid nam harum urbium Sacerdotes ultra mensuram sibi met antiquitus deputatâ, quidpiam suis Dignitatibus usurparunt?*

7. Hincmarus Archiepiscopus Remensis in Opus. 55. Capitulorum c. 16. Ecclesiarum Patriarchalium dignitatem ad B. Petrum referendam multifariam ostendit; *Sedes Ecclesiarum, inquit, scilicet Romana, Alexandrina atq; Antiochena, idcirco specialiter legimus, Sedes dici, cum plurima Sedes, & Apostolorum, sicut Jacobi Hierosolymæ, & Joannis apud Ephesum, in qua sedit & Timotheus B. Pauli Discipulus, & multa alia principalium Civitatum, quoniam Sedes sunt, quin potius, licet disparentur longinquitate terrarum, UNA SEDES SUNT MAGNI PETRI APOSTOLORUM PRINCIPIS, &c.*

8. Beatus Petrus Damiani lib. 2. epist. 16. propositâ sibi difficultate circa Ecclesiarum excellentiam, quod scilicet Hierosolymitana cæteris præferenda videatur, quia Hierosolymis perfectum est redemptionis mysterium, respondet Ecclesiarum dignitatem, non Christi, qui omnibus præsidet excellentiâ; sed Petri privilegio esse metiendam; *Quoniam Hierosolymis passus est Dominus universis Ecclesiis non Romana, sed Hierosolymitana potius præesse deberet Ecclesia. Verum tamen cum ex auctoritate Canonum, Romana Ecclesia primum teneat locum, Alexandrina secundum, Antiochena tertium, Constantinopolitana quartum, Hierosolymitana jam quintum; constat Dominum salvatorem non unicuique Cathedra speciali jure præesse sed cunctis unum Pastorem universaliter præsidere. Liqueat ergo Ecclesiarum ordinem esse dispositum Juxta PRIVILEGIUM PETRI, non secundum incomparabilem excellentiam Redemptoris. Quod ait Petrus Damiani, ex auctoritate Canonum Romanam Ecclesiam primum tenere locum, non ita est accipiendum, quasi Canones hanc illi Ecclesiæ prærogativam*

contulerint, sed tantum, quod illi collatam fuisse declaraverint. Itaque sensisse illum dubitare non sinunt alia ejus verba, præsertim opul. 5. cap. 1. ubi mirum in modum Ecclesiæ Romanæ dignitatem, & auctoritatem explicat. *Romanam, inquit, Ecclesiam, solus ipse fundavit, & super Petram fidei mox nascentis erexit, qui B. Petro æterna vita clavigero, terreni simul & Cælestis Imperii jura commisit, &c.*

9. Quia ejusdem est concedere, ac in concessorum possessione confirmare; si quando ambitio Ecclesias privilegiis à B. Petro concessis spoliare tentavit, earum tuitionem pro virili susceperunt ejus Successores. Ita cum Anatolius Episcopus Constantinopolitanus acceptâ occasione depositionis Dioscori Alexandrini in Synodo Chalcedonenſi factæ, nec non destitutiomnis Domni Antiocheni à latrocinio Ephesino tentatæ, & à S. Leone perfectæ, utriusque illius Ecclesiæ jura invadere moliretur, & à Concilio Chalcedonenſi usurpationem suam probandam curasset, obstitit ei validissimè S. Leo, ut ex multis patet ejus Epistolis, præsertim ex 46. cap. 5. ubi hæc inter alia leguntur; *Nihil Alexandrina Sedi, ejus, quam per S. Marcum Evangelistam B. Petri Discipulum meruit, pereat Dignitatis; Nec Dioscoro impietatis sue pertinaciâ corrumpente, splendor tanta Ecclesia tenebris obscuratur alienis. Antiochena quoque Ecclesia, in qua primum predicante Apostolo Petro Christianum nomen exortum est, in paterna constitutionis ordine perseveret, & in gradu tertio collocata, nunquam se fiat inferior. Aliud enim sunt Sedes, aliud presidentes.* Quia verò, ut diximus Episcopi Concilii Chalcedonenſis, sanctæ Sedis Legatis tum absentibus, ac postea reclamantibus, Patriarchalem Dignitatem prædicto Anatolio detulerant, eorum Decretum, seu Canonem cassavit S. Leo ut patet ex ejus Epistola 55. quæ est ad Pulcheriam Augustam cap. 3. *consensiones verò, inquit, Episcoporum sanctorum Canonum apud Nicæam conditorum regulis repugnantes, unâ nobiscum vestra fidei pietate in irritum mittimus & PER AUTORITATEM B. PETRI APOSTOLI, generali prorsus definitione cassamus.*

10. Nec inanem fuisse illius S. Pontificis conatum in comprimenda Episcoporum Constantinopolitanorum ambitione testantur ejus litteræ tum ad Anatolium, tum ad Marcianum Imperatorem. Ad illum sic scribit in epist. 71. cap. 3. *Illam autem culpam, quam de augenda potestate, alienâ (ut asseris) adhortatione contraxeras,* effi-

efficacius atque sincerius, tua charitas diluisset, si quod tentari sine tua voluntate non potuit, non ad sola Clericorum consilia transfuisset. Quia sicut in mala suasionem delinquitur, ita & in mala consensione peccatur; sed gratum mihi, frater charissime, est, quod dilectio tua id proficitur sibi displicere, quod tunc etiam placere non debuit, &c. Epistolâ verò 59 Marcianum Dignitatis Patriarchalis Episcopo Constantinopolitano delatâ abrogationi acquievisse, aperte insinuat his verbis: Mihi autem multum fiducia, Deo per vos operante collatum est, quod probasse vos observantiam meam de Custodia Canonum paternorum, pietatis vestra assatibus indicatis. Et meritis geminatur gaudium meum, cum vobis religiosissime placere cognosco, ut & Fides Nicæna suam teneat firmitatem, & privilegia Ecclesiarum illibata permanent.

11. Idem confirmat Gelasius epistolâ 13. quæ est ad Episcopos Dardaniæ. Audiant, inquit, Marcianum, S. Memoria Papam Leonem summis laudibus profectum quod Canonum regulas violari nullâ fuerit ratione perpeffus. Audiant Anatolium Clerum Constantinopolitanum potius, quam se, talia tentasse consistentem, atque in Apostolici Præfulis totum dicentem positum potestate. Anatolii Epistola ad S. Leonem edita est in collectione Romana Lucæ Holstenii in secunda sectione Synodi Romanæ sub Bonifacio secundo num. 22. In ea & se excusat Anatolius, & S. Leonis potestatem agnoscit; Quæ Constantinopolitana gratiâ Sedis sancita sunt, inquit, in Chalcedonensi nuper universalis Synodo, pro certo Beatitudo vestra hoc habeat nullam esse culpam in me. Et infra; Cum & sic gestorum vis omnis, & confirmatio auctoritati vestra Benedictionis fuerit reservata.

12. Acacio similiter eadem de causa obstitit Gelasius, ut videre est in ejus Epistola 13. supra citata, quæ est ad Episcopos Dardaniæ; Nec minorem adhibuerunt diligentiam subseqentes Pontifices in conservandis Patriarchalium Ecclesiarum privilegiis. Idcirco Dioscorus Diaconus, ut ipse scribit ad Hormisdam Papam in Epistola, quæ exstat post 65. prædicti Hormisdæ, impedivit, quò minus Paulus Presbyter Constantinopolitanæ Ecclesiæ in Patriarcham Antiochenum electus, ordinaretur Constantinopoli, ne adversus Ecclesiam Antiochenam hæc ordinatio, tanquam præjudicium opponi aliquando posset. Hinc, inquit Dioscorus, etsi post labores, etsi post intentiones plures

Antiochena Ecclesia ordinata est, electus est quidam Paulus nomine Presbyter Constantinopolitane Ecclesie, quem huic honori apertissimum Imperatoris testimonio comprobatum voluerunt, & tentaverunt hic ordinare. Ego in fissionis vestra non immemor CONTRA DIXI, dicens: JUSSE D. NOSTER BEATISSIMUS PAPA SECUNDUM ANTIQUAM CONSUETUDINEM IBI (scilicet Antiochiæ) EUM EPISCOPUM ORDINARI. Hoc obtinuit quod precepistis.

13. Leo Papa IX. epistolâ 5. quæ est ad Petrum Episcopum Antiochenum, suam ei opem pollicetur ad ruenda Patriarchalia jura Ecclesiæ Antiochenæ; *Pro cuius (B. Petri) excellentia tertiam à Romana Ecclesia dignitatem retinet Antiochena, quam te defendere summo petere monemus, non tua gloria causa, sed pro Sedis, cui ad tempus presides, antiqua honorificentia. Nec revocaris ab hac intentione cujuslibet pompæ, vel arrogantia, quin constanter defendas honorem, quem Antiochena Ecclesia reliquerunt omnia sanctorum Patrum Concilia. Ad quod utique, si oportuerit, MAXIMA MATER, ROMANA SCILICET, ATQUE PRIMA SEDES, tam dilecta sibi filia, immò consociæ nusquam deerit, quia quosdam conari minnere antiquam dignitatem Antiochena Ecclesie audivimus.* Epistolâ 6. corripit Michaellem Archiepiscopum Constantinopolitanum, quod Patriarchas Alexandrinum, & Antiochenum suæ potestati subicere conaretur.

14. Cæterum ne (quod facillimè accidit; aded ad affectandam libertatem & independentiam propendet hominum ingenium) & memoria Patriarcharum excideret, undè suam mutuati fuissent Dignitatem, reservata sunt nonnulla summo Pontifici in signum superioritatis. Varia enim sunt in historiis Ecclesiasticis exempla peritæ Patriarcharum confirmationis à sancta Sede. Quædam affert D. Petrus de Marca lib. 6. c. 5. §. 2. ex Epistolis S. Leonis & S. Simplicii: sed illa communionis Ecclesiasticæ signa, non veras confirmationes fuisse vult. Verùm ipse textus contrarium suadet. Erenim in Epist. 44. S. Leonis plurima sunt, quæ auctoritatem summi Pontificis declarant. *Ur ista c. cum secundum suæ consecrationis (Anatolii Episcopi Constantinopolitani, qui Patriarcharum ambiebat, nondum tamen adeptus erat) auctores ejus iniuria turbarent, benigniores circa ipsum, quam justiores esse volumus.* Et ista cap. 3. *satis sis quod prædicto vestra pietatis auxilio, & MEI FAVORIS ASSENSU Episcopatum tante urbis obtinuit (Anatolius). Non dedignetur regiam civitatem, quam Apostolicam non potest sacro Sedem.* Et in Epistola sequenti, quæ est ad Pulcheriam Augustam c. 2.

frater

frater & Coepiscopus meus Anatolius parum considerans quanto pietatis vestra beneficio, & MEI FAVORIS ASSENSU Constantinopolitane Ecclesie Sacerdotium fuerit consecutus, non tam de acceptis gavisus, quam de immodicis appetendis supra mensuram sui honoris accensus est.

15. In Epistola autem 17. S. Simplicii, quæ est ad Acacium clarius exprimitur confirmatio; Nuper ab Ægyptia Synodo quæ & numero plurima, & Fidei Catholica est communione suffulta, atque ab ipso omni propemodum Clero Alexandrina Sedis ad nos ex more relatio missa pertesecit sancta memoria fratrem quemdam (vel quondam) & Coepiscopum nostrum obiisse Timotheum, inq, ejus vice consona fidelium voluntate Ioannem, cui ad Sacerdotium constare crederentur omnia, subrogatum, ut nihil omnino restare videretur, nisi ut Deo nostro gratias agere nobis, atq, gaudentibus, ut sine strepitu, quod Catholicus in defuncti ministerium successisset Antistes, APOSTOLICÆ QUOQUE MODERATIONIS ASSENSU votivam sumeret firmitatem, &c. Hoc igitur, quod restabat, erat necessarium ad firmitatem electionis, scilicet APOSTOLICÆ MODERATIONIS ASSENSUS.

16. Prætermitto ordinationes auctoritate summorum Pontificum in Patriarchalibus Sedibus factas, vel suspensas, & alia subjectionis signa. Istum tantum addo, in quo exhibetur velut typus constitutionis Patriarchalium Dignitatum. Quando in Generali Concilio Lateranensi sub Innocentio III. facta est unio Græcorum cum Ecclesia Latina, quæ occasio postulabat, ut Græci à Latinis humanissime haberentur, non aliter confirmata est Patriarcharum Dignitas, quam adjectâ conditione de testificatione superioritatis Romanæ Sedis, ut habet cap. 5. illius Concilii Decretorum, cujus sunt hæc verba; *Antiqua Patriarchalium Sedium privilegia renovantes, sacra universali Synodo approbante sancimus, ut post Romanam Ecclesiam, quæ disponente Domino SUPER OMNES ALIAS ORDINARIÆ POTESTATIS OBTINET PRINCIPATUM, utpotè mater universorum Christi fidelium, & Magistra, Constantinopolitana primum, Alexandrina secundum, Antiochena tertium, Hierosolymitana quartum locum obtineant servatâ cuilibet propriâ Dignitate, ita quod postquam eorum Antistites à Romano Pontifice receperint palliū, quod est plenitudinis officii Pontificalis insigne, PRÆSTITO SIBI FIDELITATIS ET OBEDIENTIÆ IVRAMENTO, licenter & ipsi suis suffraganeis pallium largiantur, recipientes pro se professionem canonicam, & PRO ROMANA ECCLESIA sponsonem obedientiam ab eisdem.*

C A.

CAPUT IV.

De Phantastico Gallia Patriarcha.

1. **E**Ditis in lucem duobus voluminibus Petri Puteani de Libertatibus Ecclesiæ Gallicanæ, suspicatus quidam ob doctrinam in illis contentam, & ob alia indicia consilium esse creandi Patriarchæ in Gallia, epistolam Paræneticam scripsit sub nomine Optati Galli ad omnes Episcopos illius Regni, ut hæc molimini sese maturè opponerent. Exagitata est illa suspicio cum ab Isaacio Haberto Theologo Parisiensi, ac postea Episcopo Vabrensi, opusculo quodam stylo Oratorio conscripto, tum ab Illustrissimo Petro de Marca libris de Concordia Sacerdotii, & Imperii compositis. Insedit nihilominus plurium animis concepta de affectato Patriarchatu opinio, quam sovent subobscuri quandoque rumores. Vanæ quidem sunt ea de re minæ, ac in flectendis ad prætermittendum officium animis sapientum, quorum interest, minus idoneæ: Quia tamen simpliciores hinc commoveri videntur, propius ad considerandum idæam illum Patriarcham admovenda est consideratio,

2. Cui metuendum esset ab illo monstro? Certè non summo Pontifici, cujus autoritas, cum Christum ipsum habeat autorem, nullis humanis machinationibus imminui potest ab iis, qui in Religione Christiana perseverare statuerunt: *Præsertim*, inquit N. colaus I. Epist. 8, quæ est ad Michaelem Imperatorem, *cum Ecclesia Romana privilegia, Christi ore in B. Petro firmata, in Ecclesia ipsa disposita, antiquitus observata, & à Sanctis Universalibus Synodis celebrata, atque à cuncta Ecclesia jugiter venerata, nullatenus possint minui, nullatenus infringi, nullatenus commutari. Quoniam fundamentum, quod Deus posuit humanus non valet amovere conatus. Et quod Deus statuit firmum, validumq, consistit. Illeg, potissimum peccat, qui Dei ordinationi resistere tentat. Privilegia, inquam, illius Sedis, vel Ecclesiæ perpetua sunt, Divinitus radicata, atque plantata sunt; IMPINGI POSSUNT, TRANSFERRI NON POSSUNT; TRAHI POSSUNT, EVELLI NON POSSUNT.* Insinuaverat eidem Pontifici Hiermintrudis Regina Fran-

Franciæ Carolū Calvum Regem Sedis Apostolicæ jura impetiturū, nisi quod optabat à Papa consequeretur, aucturum verò, si voti compos fieret; sed intrepidè respondit Nicolaus epist. 36. *Quod autem scrip-
sistis, quia si ex audiamus filium nostrum, non detrimentum sed aug-
mentum Ecclesia nostra privilegiis generetur. Nos certissimè credimus,
quia PRIVILEGIA SANCTÆ ROMANÆ ECCLESIAE NVLLVM POSSVNT
SVSTINERE DETRIMENTVM, nec plantatio, quam Cœlestis Pater no-
ster plantavit, eradicari, nec fundamēta, quæ summus posuit Archite-
ctus, queant quibuslibet, & quantislibet fluctuationibus amoveri.* Epi-
stola etiam 42. juxta aliam epistolam Gelasii ad Orientales; *Privilegia
sua, inquit, à Christo Ecclesia Romana per Petrum consecuta est.*

3. Verisimilior esset timendi ratio Episcopis ipsis Gallicanis, si quando in Principem æquitatis & religionis minus amantem, ac in Archiepiscopum urbis Regiæ ambitiosum, & Regis studio, atque auctoritate fultum inciderent, ne instituto Patriarchatu, libertate Canonica, & magnâ propriæ Dignitatis parte privarentur. Unde enim orta est Episcoporum Metropolitanorum, Exarchorum, ac denique Patriarcharum Orientalium depressio, nisi ab Episcopis Constantinopolitanis ambitionis æstro percitis, & Imperatorum potentia armatis? A quibus etiam deinde totus Oriens in schisma, & demum in hæresim attractus est: Homines scilicet carnales, Dignitates Ecclesiasticas ex urbium amplitudine, ac Principum illic commorantium Majestate, non ex Apostolorum, vel Ecclesiæ primaria dispositione metientes, putarunt, sicut Civitates Regiæ cæteris præminent, ita qui in eis sedent Præsules, Coepiscopis posse dominari. Quâ in re ipsimet Coepiscopi eorum apud Principem gratiam modò meruentes, modò implorantes, propriæ servituti colla, partim spontè, partim iuviti submiserunt.

4. Sed ut ad Patriarcham Gallicanum redeamus; à quo crearetur? A quo suam Dignitatem & auctoritatem acciperet? A Christo? A summo Pontifice? A Rege? Ab Episcopis ipsis Gallicanis? Non à Christo: quis enim ita desipiat, ut arbitretur Dignitatem Ecclesiasticam in Evangelio per septemdecim sæcula non detectam, ab Apostolis, ipso jubente, non collatam, ab ipso rursus de Cælo descendente fore tribuendam, Fidem non inveniret hujusmodi con-

stitutio extraordinaria sine plurimorum miraculorum confirmatione.

5. Christiani sunt, & Catholici, qui Regnum Franciæ incolunt, atque adeò verendum non est, ne Patriarchalis Dignitas cum auctoritate spiritali creandæ jus Regi adscribant. Illam sine auctoritate Romani Pontificis institui, aut alicui Ecclesiæ impertiri non posse, quantumvis intercedat Principum sæcularium voluntas, docet S. Leo epist. 44. quæ est ad Marcianum Augustum cap. 3. occasione Anatolii Episcopi Constantinopolitani Dignitatem Patriarchalem ambientis; *Habet inquit, sicut optimus Constantinopolitana Civitas suam gloriam, & protegente dextrâ Dei diuturno clementia vestra fruatur imperio. Alia tamen est ratio rerum secularium, alia Divinarum; Nec præter illam petram, quam Dominus in fundamentum posuit, stabilis erit illa constructio.* Idè etiam scribit Nicolaus I. respondens ad consulta Bulgarorû cap. 73. verbis infra referendis. Imò Concilium Chalcedonense Dignitatem, quâ ex assensu Imperatoris Episcopum Constantinopolitanum auxerat stare sine Romani Pontificis auctoritate non posse sensit, ut in ejus Synodica ad Leonem videre est. Certè si Principes non possunt Metropolim Ecclesiasticam facere, ut capite sequenti probavimus, qui poterunt Sædem Patriarchalem constituere? Aut quam habebit jurisdictionem spirituales Patriarcha hoc modo creatus.

6. A Summo quidem Pontifice posset quis ad Patriarchalem Dignitatem provehi; sed tunc Patriarcha non minùs, immò magis subiectus esset sanctæ Sedi. Vocaretur enim in partem sollicitudinis, non in plenitudinem potestatis, ipsâque sollicitudinis participatione ad arctiorem cum supremo Ecclesiæ capite conjunctionem adstringeretur. Verùm exemplis Constantinopolitanorum, & aliorum Episcoporum edocti Pontifices, quàm difficile sit, ut ambitio adeptus tranquillè fruatur, & ulteriora, etiam vetita, non appetat, vix ad indulgendam illam exaltationem inducerentur.

7. At numquid possent Episcopi, Curia id optantis favorem aucupantes, vel indignationem metuentes, sibi met caput unum imponere, ac suam in id potestatem conferre? Certè, si

juxta

iuxta vulgatam juris regulam, *nemo plus juris ad alium transferre potest quam ipse habeat* ff. de jur. l. 54. non eximeret Episcoporum consensus Patriarcham à summi Pontificis autoritate, cui nihilominus subjacerent ipsi, nec prorsus successores suos ligarent. Etenim, si, ut communiter docent Juris Canonici periti, Episcopus sine summi Pontificis licentia Ecclesiæ suæ servitutem nequit imponere, & quæ circa hujusmodi fiunt, suos tantum tenent autores; non magis ad Successores transiret Patriarchæ ab ipsis constituti, quam Vicarii ab ipsis nominati potestas.

8. Accedit quod Summi Pontificis est omnium Ecclesiarum jura defendere, sedulamque operam dare, ne vel ab ipsis Præsulibus lædantur. Atqui Gallicanæ Ecclesiæ maxima ex creato Patriarcha detrimenta paterentur. Plurimum enim earum imminueretur libertas, si Episcopis omnibus novus superior præficeretur. Metropolitano- rum Dignitas obscuraretur, ac ferè deperiret, si vigeret Patriarchalis.

9. Denique non potest major Dignitas à minore constitui, Patriarchalis à Metropolitana, vel ab Episcopali, ut monet Nicolaus I. in resp. ad conf. Bulg. cap. 73. his verbis: *A quo autem si Patriarcha ordinandus, interrogatis: Et idcirco scitote, quia in loco, ubi nunquam Patriarcha, vel Archiepiscopus constitutus est, à majori est penitus instituendus: quoniam secundum Apostolum minus à majori benedicitur. Deinde verò accepta licentiâ, & pallii usu, ordinat ipse sibi deinceps Episcopos, qui Successorem suum valeant ordinare. Vos tamen si-ve Patriarcham si-ve Archiepiscopum, si-ve Episcopum vobis ordinari postuletis, à nemine nunc velle congruentius, quam a Pontifice Sedis B. PETRI, A QVO ET EPISCOPATUS ET APOSTOLATUS SYMPSIT INITIVM, hunc ordinari, valetis.* Præter rationem generalem, specialem aliam considerabat Nicolaus, quod scilicet Bulgari ad fidem Catholicam fuissent conversi ope Romani Pontificis, quæ ratio etiam locum habet in Gallia, in qua ex Innocentio I. à B. Petro, aut ab ejus Successoribus, siue illorum autoritate omnes illic fundatæ sunt Ecclesiæ.

10. Sanè licet, ut diximus, Episcopi Concilii Chalcedonensis, favente Imperatore Marciano, Ecclesiam Constantinopolitanam Patriarchali Dignitate insignire, refragantibus Apostolicæ Sedis Legatis, tentassent, Canon ille diu effectu caruit, renitentibus

Summis Pontificibus, nec plenè obtinuit, donec accessit eorum assensus.

II. Concludamus igitur cum S. Leone epist. 89. quæ est ad Episcopos per provinciam Viennensem constitutos in causa Hilarii Arelaten-
sis Episcopi aliquam juris Patriarchici partem ambientis, neminem debere jus indebitum in alios Episcopos usurpare, neque posse Episcopos propriæ dignitatis jura in alium transferre, & ad sanctam Sedem pertinere hujusmodi usurpationem castigare. *Alienum jus*, inquit S. Leo, *alter sibi non audeat vindicare. Suis limitibus, suis terminis sit unusquisque contentus, & privilegium sibi debitum in alium transferre se posse noverit non licere. Quod si quis negligens Apostolicas sanctiones plus gratia tribuens personali sui honoris defensor esse voluerit, privilegium suum in alium transferre posse se credens, non is cui cesserit, sed eis, qui intra Provinciam antiquitate Episcopali ceteros prævenit Sacerdotes, ordinandi sibi vindicet potestatem.*

C A P V T V.

Primates, & Metropolitanos, in Gallia præsertim, suam à summo Pontifice auctoritatem traxisse.

I. **P**Rimates illos, qui olim in variis Galliæ partibus à Romano Pontifice ad vitam dumtaxat constituebantur, suam ab eo jurisdictionem habuisse nemo dubitabit, qui constitutionis formam attenderit. Nam vicariâ tantum auctoritate pollebant, ut expressè docent summorum Pontificum epistolæ, quibus illa concedebatur. Sic S. Remigius à Papa Hormisda, vel, ut alii volunt, à Symmacho in Regno Clodovei recenter ad fidem conversi; sic Arelate Cæsarius à Symmacho, Auxanius, & Aurelianus à Vigilo, Sapaudius à Pelagio I. Virgilius à Gregorio Magno, sic alii ab aliis in Gallia constituti sunt Vicarii Apostolici, & S. Bonifacius in toto Regno à Zaccharia, ut ex summorum illorum Pontificum Epistolis constat. Ubi autem Primatus non personæ, sed Sedi, sive personæ pro se, ac pro successoribus datus est, ut Archiepiscopo Lugdunensi in quatuor Provincias Lugdunenles, quæ sunt Lugdunensis pro-

proprie dicta, Rotomagensis, Turonensis, & Senonensis, non ideo minus debetur hæc Dignitas sanctæ Sedis autoritati, quia cum ampliori favore concessa fuerit.

2. *Plenitudo potestatis*, inquit S. Bernardus Epistola 131. *super universas orbis Ecclesias singulari prerogativa Apostolica Sedi donata est; qui igitur huic potestati resistit, Dei ordinationi resistit.* POTEST, SI VTILE IUDICAVERIT, NOVOS ORDINARE EPISCOPATVS, ubi hactenus non fuerunt. *Potest eos qui sunt*, ALIOS DEPRIMERE, ALIOS SVBLIMARE, *prout ratio sibi dictaverit*, ita VT DE EPISCOPIS CREARE ARCHIEPISCOPOS LICEAT, ET E CONVERSO, *si necesse visum fuerit.* Eam potestatem Jacobus de Thermis Abbas Caroli loci ejusdem Ordinis Cisterciensis magis explicat in Tract. contra impugnatores exempti. & privil. *posset*, inquit, *facere ex certa, & rationabili causa, quod in Regno, vel in Regione, ubi sunt Patriarcha, Primates, & Archiepiscopi, non esset Primas, nec Archiepiscopus, nec Patriarcha, ita quod omnes Episcopi sibi immediate subessent.* Et de Primatibus quidem disquisitio tantæ utilitatis non est, cum in Galliâ, præter Lugdunensem, qui appellationes ab aliis Provinciis etiamnum recipit, cæteri vel in sua tantum Provincia eo jure utantur, vel solo Primatis titulo sine ulla jurisdictione gaudeant.

3. Metropolitanorum Dignitas antiquissima quidem est; à Christo tamen immediate instituta nullibi legitur in sacris Scripturis. Apostolos illius autores extitisse plerique conjiciunt, ex quibusdam novi testamenti locis, præcipue ex potestate à B. Paulo tradita B. Tito Discipulo suo, Episcopos, quos nomine Presbyterorum intelligit, per Civitates constituendi: quod Metropolitanum munus est. *Hujus rei gratiâ reliqui te Creta, ut ea qua desunt corrigas, & confirmas per Civitates Presbyteros, sicut & ego disposui tibi.* Tit. 1. Christus solum Petrum cæteris Apostolis præposuit. Itaque nemo cæteris Episcopis jure Divino præest nisi Petri successor.

4. Nihil autem opus est modò quæstiones illas agitare, utrum illimitata reliquorum Apostolorum Jurisdictio fuerit tantum delegata, an ordinaria? Utrum ex consensu tantum B. Petri Episcopos Provinciis integris præfecerint? Utrum sic præfectorum Episcoporum successores potestatem ordinata serie accepisse censeantur ab

ipsis Apostolis: *Cum manifestū sit* (ut verbis utamur S. Innocēti I. epist. prima, quæ est ad Decentium Eugubinum Episcopum) *in omnem Italiam, Gallias, Hispanias, Africam, atque Siciliam, Insulasq; interjacentes nulum instituisse Ecclesias, nisi eos, quos venerabilis Apostolus Petrus, AUT EIVS SUCCESSORES CONSTITVERINT SACERDOTES.*

5. Metropolitancam Dignitatē à Romana Sede in Gallia institutam fuisse, cum nō esset, ex eo etiam colligitur, quod ab ea illic restituta est, cum defecisset. Cum enim per annos ferē 60. nullos habuisset Metropolitanos Regnum illud, licet extarent adhuc Metropolitancæ Sedes, seu Ecclesiæ in primariis provinciarum Civitatibus, implorata est Zachariæ summī Pontificis autoritas, qui eam illis Dignitatem restauravit per S. Bonifacium, ut ex utriusque litteris constat, idque juxta preces Principum Pippini, & Carlomanni; *Franci* (verba sunt S. Bonifacii ad S. Zachariam) *ut seniores dicunt, plusquam per tempus 80. annorum Synodum non fecerunt, nec Archiepiscopum habuerunt, &c.* Sanctus autem Zacharias scribit ad S. Bonifacium; *De Episcopis verò Metropolitanis id est Grimone, quem nos jam compertum habemus, & de Abel, & Arberto, quos per unamquamque Metropolim per Provincias constituisi, hos per tuum testimonium CONFIRMAMVS ET PALLIA DIRIGIMVS, ad eorum firmissimam stabilitatem, & Ecclesia Dei augmentum, ut in meliori proficiant statu.*

6. Principio quidem, cum à Romano Pontifice ordinabantur Metropolitanī, non ita facilē ab istorum animis deleri poterat memoria receptæ ab illo autoritatis: sed coegit locorum distantia, ordinationē, vel Episcopis comprovincialibus, vel viciniore Metropolitano permittere, ut de Metropolitanis Mediolanensi, & Aquileiensi testatur Pelagius I. in epistola, cujus fragmentum refertur à Gratiano 24. quæst. 1. can. 33. *Nempe is mos antiquus fuit, ut quia pro longinquitate, vel difficultate itineris, ab Apostolico onerosum illis fuerit ordinari, ipsi se invicem Mediolanensis & Aquileiensis ordinari Episcopi debuissent: Ita tamen in ea Civitate, in qua erat ordinandus Episcopus, alterius Civitatis Pontifex occurrere debuisset; ut & ordinandi electio à proprio Ordinatore, ex consensu universalis, cui præsiciendus erat, Ecclesia melius ac facilius potuisset agnosci, & in sua, qui ad Episcopatum probehendus erat, nec tamen Ordinatori suo subdendus fuerat, ordinaretur Ecclesia.* Hanc tamen concessionem postea Sedes Apostolica tem-

pera-

peravit, ut ex S. Gregorio Magno ediscimus. Sic enim scribit epist. 31. lib. 2. *Obitum Laurentii Ecclesie Mediolanensis Episcopi excellentiã vestrã jam credimus cognovisse: & quia, quantũ ex Cleri relatione didicimus in Constantio filio nostro Diacono ejusdem Ecclesie, omniũ consensu electio, necesse fuit pro servanda consuetudine militẽ Ecclesia nostra dirigere, qui eum, in quo omnium voluntates, atq; consensum concorditer convenire cognoverit, à suis Episcopis, sicut vetus mos exigit, CVM NOSTRO TAMEN ASSENSU faciat consecrari.* Et lib. 2. epist. 68. quæ est 29 in-dictionis undecimæ: *Latorem presentium Joannem Subdiaconum nostrũ ad hoc, Deo favente, transmisimus, ut electum vestrum suã imminentiã Dei Omnipotentis solatio secundum morem prædecessoris ejus faciat Episcopum consecrari.* Nam sicut ab aliis nostra exigimus, ita singulis sua jura servamus. Deniq; epist. 65 lib. 8. quæ est ad Mediolanenses: *Ut igitur in ordinando eo, qui à vobis electus est, nulla possit mora contingere, Pantaleonem Notarium nostrum transmisimus, qui eum, ut moris est, ANNENTE CONSENSUS NOSTRI AVTORITATE faciat consecrari.*

7. In Illirico Vicarius Apostolicus, Episcopus scilicet Thessalonicensis Metropolitanus ordinabat, & ab eis consultebatur in singulorum Episcoporum ordinatione, ut ex pluribus Summorum Pontificum litteris edocemur, præsertim è S. Leonis Epistola ad Anastasium Episcopum Thessalonicensem, ad quem sic scribit: *Nullus te inconsulto per illas Ecclesias ordinetur Antistes: ita enim fiet, ut sint de eligendis matura iudicia, dũ tua dilectionis examinatio formidetur. Quisquis vero à Metropolitanis Episcopis CONTRA NOSTRAM PRÆCEPTIONEM præter tuam notitiam fuerit ordinatus, nullam sibi apud nos statum suum noverit esse firmitatem, eosq; usurpationis suæ rationẽ, qui hoc præsumpserint red-dituros. Singulis autem Metropolitanis sicut potestas ista committitur ut in suis Provinciis jus habeant ordinandi, ita eos Metropolitanos A TE VOLVIMUS ORDINARI.* In Synod. Rom. collect. Holsten. n. 24 vide etiam epist. 84. ejusdem Sancti c. 6. Ex qua Epistola, & ex aliis ejusdem, ac subsequentium Pontificum apertissimè constat totam Episcopi Thessalonicensis in reliquos Illyrici Metropolitanos auctoritatem à Romano Pontifice pependisse, non ab illo imaginario Patriarchatu, quem ei affinxerat Petr^{us} de Marca lib. 6 de Concor. Sacerd. & Imper. c. 5. n. 3. quod se alibi accuratè, explicare asserit, quodq; potiùs improbare videtur, in dissertatione de Primatu Lugdunensi, & cæteris Primatib^{us} quæ adjuvata est à Philippo Labbe Concilio Claromontano sub Urbano II.

8. Hoc jurisdictionis suæ exercitium, & autoritatis signum in Illyrico sibi reservandum duxit Romanus Pontifex, veritus fortasse, ne accideret aliquando quod re ipsa tandem contigit, ut Episcopus Constantinopolitanus Imperatorum potentia partem illam Patriarchatus Occidentalis, Constantinopoli, quam Romæ vicinior, invaderet. In aliis autem Occidentis Provinciis, in quibus similis usurpatione non timebatur, quibusque propter distantiam promptè providere non poterat Ecclesia Romana, permessa est, ut diximus, Metropolitanorum ordinatio Episcopis comprovincialibus, aut Metropolitanis vicinioribus.

C A P V T V I.

De eodem argumento, scilicet dependentia Metropolitanorum à sancta Sede.

1. **Q**UOD fuerit in Gallia primis sæculis Metropolitanarum à sancta Sede dependentiæ signum ordinarium, non ita liquet, sed cum restituta fuit in eo Regno à Zacharia Pontifice Dignitas illa, concessum est, ut supra diximus, Metropolitanis pallium, quod collationem potestatis significabat.

2. Illustrissimus quidem Petrus de Marca semper sollicitus, ne Summi Pontificis autoritas nimis excresecat, & S. Bonifacio illius augendæ & Episcopis Gallicanis impediendi augmenti consilium tribuit, quod isti pallium ab illo impetratum acceptare differrent: Bonifacius eos (inquit Marca de Metropolitanis loquens lib. 6. cap. 7. § 4.) coegit illud (pallium) à Romana Sede querere, ut eâ ratione illos magis obnoxios esse faceret ei Sedi, ac præcipuo quodam jure Episcopo Romano subjiceret. At illi, quibus unicus metus erat, ne novitate illa adigerentur ad insolitam quamdam reverentiam in Sedem Apostolicam, ac ne insuper exciderent ab ea autoritate, quam Canonibus tribuunt Metropolitanis, in ambiguo suere, an promissis stare deberent. Sed eam Francorum difficultatem ex eo ortam esse, quod tumor sparsus esset, Summum Pontificem pro palliis pecuniam accipere, innuit

innuit ipsemet Zacharias epist. 5. Postquam enim suam significavit admirationem de restricta trium palliorum petitione ad unius postulacionem, statim subjungit: *Reperimus etiam in memoratis tuis litteris, quæ nimis animos nostros conturbant, quod talia à te nobis referantur, quasi nos corruptores simus Canonum, & Patrum rescindere traditiones quaramus; ac per hoc, quod absit, cum nostris Clericis in Simoniacam barem incidamus, accipientes, & compellentes, ut hi, quibus pallia tribuimus, nobis præmia largiantur, expetentes ab illis pecunias. Sed charissime Frater, &c.*

3. In Pallio, ut scribit Paschalis II. ad Archiepiscopum Poloniæ apud Baronium ad annum 1102. *Plenitudo conceditur Pontificalis officii, quia juxta Sedis Apostolica, & totius Ecclesiæ consuetudinem, antè acceptum palliū Metropolitanis minimè licet, aut Episcopos consecrare, aut Synodum celebrare.* Consentient cæteri Pontifices, ut S. Gregorius Magnus, epist. 7. & 8. lib. 4. & epist. 15. lib. 12. Honorius I. epist. 5. & 6. & Nicolaus I. cujus sunt ista; *Sanè interim non in Thorno sedentem (Patriarcham, vel Archiepiscopum) & præter Corpus Christi, non consecrantem, prius quàm pallium à Sede Romana percipiat, sicuti Galli arant omnes & Germania, & aliorum Regionū Archiepiscopi agere comprobantur.* Nicolaus I. in responsione ad consul. Bulg. c. 73.

4. Metropolitice Dignitatis confirmationem à Patriarchis pendere, ac pallium ejus confirmationis signum esse supponit evidenter octava Synodus Oecomenica his verbis Canonis 17. *Priscam consuetudinem decernit in omnibus conservari, ita ut earum (Sedium Patriarchalium) Prasules universorum Metropolitanorum, qui ab ipsis promoventur, & siue per manus impositionem, siue per pallii dationem Episcopalis Dignitatis firmitatem accipiunt, potestatem habeant, videlicet, ad convocandum eos, urgente necessitate, ad Synodalem conventum, vel etiam ad coercendum illos, & corrigendum, cum fama eos super quibusdam delictis forsitan accusavit.*

5. Cæterum Paschalis II. in Epistola mox laudata suspicionem amovet, quam aliqui, ut Marca loco suprà citato concipiebant, pallii concessionem eo spectare, ut protenderetur summi Pontificis autoritas; asserit enim nihil exigi, quod ab omnibus Episcopis non debeatur, etiamsi non requireretur; *Quod non, etiam præter exactionem nostram, ab omnibus debeat Episcopis observari.*

R r r

6. Ni

6. Nicolaus I. Hincmaro Archiepiscopo Remensi privilegia Sedis suæ confirmari postulanti appositè respondet epist. 28. iniquè impugnari ab illo Archiepiscopo privilegia Ecclesiæ Romanæ, sine quibus constare non possent Ecclesiæ Remensis privilegia; *Privilegia præterea ab Apostolica Sede vestra Ecclesia confirmanda deposcitis, qui tamen nostra privilegia, quantum in vobis est, infirmare satagitis. Porrum salutiferum, sanctam Romanam Ecclesiam appellatis, qui tamen in eo ne aliqui salventur, quantum potestis, satagere procuratis. Quomodo, rogo, privilegia tua stare poterunt, si ita privilegia illa cassentur, PER QUÆ TVA PRIVILEGIA INITIVM SVMPISSE NOSCVNTVR.* Idipsum agnovit ipse Remensis, quandoquidē scripsit ad Nicolaum Papam; *Favente Domino in hac devotione manebo sciens privilegiū Metropolitana Sedis Remorum, cui me Divina dignatio servire disposuit, in summo privilegio sanctæ Sedis Romana manere, & privilegium esse Sedis Romana, si suā auctoritate privilegium sibi subiecta Sedis fecerit vigere, & studuerit confirmare.*

7. Itaque cū Metropolitani negata est à Suffraganeis debita obedientia, invocata est Sedis Romanæ auctoritas, ut inde robur, & auxilium acciperent privilegia Metropolitana, unde originem duxerant. Exemplum suppeditat epistola Joannis XIII. ad Episcopos Britannia, hæc inter alia continens, *Arduinus Thronensis Ecclesia Archiepiscopus, veniens ad Apostolorum Limina Romam oratum, interpellavit nos, quod iura sui Archiepiscopatus, quæ ab antiquis temporibus PER DECRETA SANCTORVM PONTIFICVM SANCTÆ ROMANÆ MATRIS ECCLESIAE suis prædecessoribus concessa & confirmata fuerunt, à vestro Archiepiscopo sublata videntur, &c.*

8. Sed, ut redeamus ad Metropolitanum Remensem. (Divina enim providentia illos seipsos, qui sanctæ Sedis auctoritatem ægrè ferunt, aut laturos sunt, ad illam confugere non ratò compellit, ut quam spontè agnoscere recusant, vel inviti fateantur.) Hincmarus qui contra sanctam Sedem tam frequenter recalcitraturus erat, non aliter suam Dignitatem securè possidere potuit, quàm obtentâ Romani Pontificis confirmatione: & ne causari posset, adhibitam à se hanc cautelam ex prudentia, ob privatam necessitatem; eâ occasione summi Pontificis potestatem professi sunt omnes Episcopi Gallicani, ut perhibent acta secundi Concilii Sueffionensis anni 853. parte tertia his verbis

verbis; porrexit etiam (Hincmarus) Epistolam totius Galliae Episcoporum manibus subscriptam ad Apostolicam Sedem pro confirmatione ipsius ordinationis. Quæ de Metropolitanis dicta sunt, ex iis, quæ postea de Episcopis dicuntur, plurimum lucis accipient, ac validè confirmabuntur.

C A P V T VII.

Cur in disceptationibus de Iurisdictione consuetudo pro lege habita fuerit ?

1. **I**N omni controversiarum genere possessio, præsertim si sit antiqua, & pacifica plurimum valet ad movendos in eam partem Judicum animos. In decidendis de iurisdictione quæstionibus, ea quasi unica regula fuit omni ferè tempore observata à Conciliis, & à summis Pontificibus, ut antiqua consuetudo retineretur. Ita cùm Meletius Lycopolitanus in Thebaidis, ac vicinæ Egypti Ecclesias à Patriarchatu Alexandrino distractas, iurisdictionem usurpasset, Concilium Nicænum illam injuriam reparavit hoc Canone, qui sextus est, & sic incipit; *Antiqua consuetudo servetur per Egyptum, Lybiam, & Pentapolim; ita ut Alexandrinus Episcopus horum omnium habeat potestatem, &c.* Ita etiam licet Patriarcha Antiochenus Joannes nomine, Concilio Ephesino esset infestus, Concilium tamen Ecclesias Cypri, quæ ab illo in ordinationibus Episcoporum nequaquam pendere asserebantur, noluit liberas declarare, nisi factò diligenti examine, atque sub conditione, ut patet ex actis Synodalibus. & ex Decreto ea de re edito; *Si non est vetus mos, quod Episcopus Antiochenus ordinet in Cypro, sicut libellis, & propriis vocibus docuerunt religiosissimi viri, qui ad Sanctam Synodum accesserunt, habebunt jus suum intactum, & inviolatum, qui sanctis in Cypro Ecclesiis præsent, secundum Canones SS. Patrum, & veterem consuetudinem per se ipsos ordinationes religiosissimorum Episcoporum facientes.* Occurrunt alia passim in actis Conciliorum, in litteris summorum Pontificum, quæ congerere superfluum esset, cùm à nemine negetur, vindicatam acriter fuisse in hujusmodi contentionibus. Sed inquirenda est causa illius praxeos.

2. Posset enim aliquis hinc suspicari Patriarchas, aliosque

Antistites suam jurisdictionem non B. Petro, vel reliquis Apostolis, eorumve successoribus debere, sed usui, seu communi majorum consensui. Verùm depellitur hæc suspicio ex ipsismet Canonibus, Decretis, & Decretalibus illas controversias dirimentibus. Nec enim cujusvis consuetudinis habuerunt rationem, sed ejus, quam constaret ab Apostolis ortam, vel quæ, propter suam antiquitatem, hominum memoriam excedentem, ab illis orta præsumeretur. Id insinuat Can. 6. Concilii Nicæni his verbis; *Antiqua consuetudo*: ut ex illorum comparatione cum similibus Concilii Ephesini infra patebit: hæc ejusdem Canonis verba; *Quandoquidem & Episcopo Romano hoc est consuetum*, sive; *Quia & Urbis Romæ Episcopo parilis mos est*, quæ immediatè sequuntur pro ista; *Ut Alexandrinus Episcopus horum omnium habeat potestatem*, ita interpretatur Joannes Cabassutius Presbyter Congregationis Gallicanæ Oratorii Domini Jesu, in notitia Conciliorum cap. 18. alterius edit. *Sic intelligenda sunt*, inquit, *ut ideo præfata in Ægyptū, Lybiam, & Pentapolim Alexandrino Præsuli competat authoritas*, QVIA ID EI PRIMVS TRIBVERE SOLET ROMANVS EPISCOPVS, puta quia consentit, ut Jurisdictio à B. Petro primis Antiochiæ Patriarchis imperita, ad eorū successores transeat, qui sensus, si recipiatur, nulla supererit de jure summi Pontificis dubitatio, etiam ubi solius fiet mentio consuetudinis.

3. Porro in Concilio Ephesino Episcopi Cyprii affirmarunt, non solum consuetudinem esse, ut in ea Insula Metropolitanì ordinarentur à Suffraganeis, sed etiam eam consuetudinem ab Apostolis esse profectam. *A sanctis Apostolis*, inquit Zenon Episcopus Curiensis, *nunquam possent ostendere quod adsuerit Antiochenis, & ordinaverit, vel communicaverit unquam Insula ordinationis gratiam, neque alius quisquam.... nunquam vel adsuit, vel ordinavit, neque in Metropoli, neque in alia Civitate, sed Synodus nostra Provincia congregata constituebat Metropolitanam*. Libellus autem ipsorum Episcoporum Cypri, Concilio in actione septima oblatus, hæc inter alia continet; *Ideo obsecramus & ad sancta vestra genia procidimus, ut Canonica sententiâ etiam nunc sicut initio à temporibus Apostolorum, & constitutionibus, & Canonibus sanctissima & magna Synodi Nicænâ illesi, & superior insidiis & potentiâ permaneat nostra Cypriorum Synodus*. Post multas interrogationes & responsiones Concilium, ut supra dixi-

diximus, rem definiuit sub conditione, *Si non est vetus mos, quod Episcopus Antiochenus ordinet in Cypro, &c.* Quod autem per *veterem morem*, seu, ut habet Canon Nicænus, *per antiquam consuetudinem* significetur ea, quæ ab ipsa Ecclesiarum fundatione derivata est, explicant non solum verba Episcoporum Cypri mox relata: *Sicuti initio à temporibus Apostolorum*; sed etiam quæ illis respondent verba sequentia prædicti Decreti Ephesini, quod deinde ad omnes Ecclesias extenditur, *Istud autem etiam in aliis Diocesis, & in omnibus Provinciis servetur, ut nullus piissimorum Episcoporum aliam Provinciam occupet, quæ antea & ab initio sub sua, vel Antecessorum suorum potestate non fuerit* Placuit igitur sanctæ Synodo ut unicuique Provincia pura & inviolata, QUÆ IAM INDE AB INITIO HABUIT, sua jura serventur, IUXTA VETEREM CONSVETVDINEM. Notanda sunt verba illa, QUÆ IAM INDE AB INITIO HABUIT, quibus respondent ista IUXTA VETEREM CONSVETVDINEM.

4. Sed quare concessionis Apostolorum non est potius facta mentio in hujusmodi judiciis, quàm consuetudinis? Cur v. g. Canon sextus Nicænus Patriarchæ Alexandrini potestatem in Ecclesias à Meletio usurpatis non retulit ad B. Petrum, à quo S. Marcus Alexandria præfectus est; sed ad antiquam consuetudinem? Multiplex est ratio. Prima quia non ita facile scitu erat, à quo quæque fundata fuisset Ecclesia; qui ei limites præfixi, quæ autoritas concessa; & alia id generis: consuetudo autem antiqua signum erat, omnia, ita ut erant, fuisse ab initio, vel postmodum legitime constituta. Secunda ratio erat, quia Pontifices & Episcopi, quæcumque ab Apostolis, & à propinquiore illorum successore gesta fuerant, quali à Spiritu sancto specialiter dirigente suggesta maximè venerabantur; ideoque nihil innovari volebant, non solum circa ea, quæ certum erat fuisse ab Apostolis, vel Apostolicis viris ordinata, sed etiam quæ ex antiqua consuetudine conjiciebant tam præstantes habuisse Autores. Tertia quia cum omnes Apostoli (B. Petro excepto) fuissent æquales, etiam si constitisset à quo quæque Ecclesia fuisset fundata, inde tamen eorum inter se prærogativæ cognosci non potuissent; itaque certior, & compendiosior via terminandarum litium erat,

ut consuetudo antiqua staret. Hinc oritur quarta ratio, quia scilicet iudiciis, quæ secundum antiquam consuetudinem feruntur, libentius partes acquiescunt; quod nimirum ex omnium consensu in pari causa melior sit conditio possidentis. Par autem causa faciliè iudicatur, cum obscura sunt utrinque jura, & incertæ rationes. Unde ad possessionem, seu consuetudinem necessariò recurrendum est. Denique non est efficacior ratio fovendæ pacis, & tranquillitatis, quam observatio consuetudinis, *ipsa quidem mutatio consuetudinis*, ut scribit S. Augustinus ad Januarium epist. 118. *etiam quæ adjuvat militate, novitate perturbat.*

5. Non igitur ad consuetudinem, seu usum attenditur, quasi ad causam jurisdictionis, sed potius tamquam ad effectum & signum illius. Nec inde colligitur non pendere illam à B. Petri Successoribus, sed B. Petri ordinationem, ac dispositionem ab ejus Successoribus & à tota Ecclesia religiosissimè custodiri, dum scitur; atque ut cognoscatur, per consuetudinem antiquam investigari. Nam *nulla potest consuetudine introduci, quod aliquis præter sui Superioris licentiam Confessorem sibi eligere valeat, qui eum possit solvere vel ligare.* Cap. *Si Episcopus*. de pœnit. & remission. in 6. quod etiam dicendum de aliis jurisdictionis actibus.

C A P V T V I I I.

Vtrum Jurisdictio Episcoporum sit à Deo immediatè.

1. **E** Arum Dignitatum, quas à Christo ipso institutas fuisse in Scripturis Sacris non legimus, acceptas Ecclesiæ referre non est admodum difficile: præcipuasque in earum institutione partes B. Petro, ejusque Successoribus adscribere par est, vel etiam omninò necessarium, saltem quantum ad eas Regionem, in quibus soli Ecclesias fundarunt. Verum quia Episcopatus Christum habet autorem, contendunt aliqui jurisdictionem Episcopalem, non solum in communi, sed etiam Episcopi uniuscujusque, à Deo esse immediatè.

2. Abstinuissimus ab hujus quæstionis tractatione, non solum propter

propter ejus difficultatem ; sed etiam , quia cū sacrum hunc Ordinem maximè veneremur , & venerandum omnibus cupiamus , displicent nobis , quæcumque venerationem illam possunt quavis occasione imminuere ; nisi animadvertissemus illustrissimos Episcopos Parisiis congregatos suam in Deum jurisdictionem referre tum maximè conatos , cū justis Summi Pontificis Decretis repugnabant , quasi ab ejus censura tuti videri vellent , auctoritatem nimirum suam non à sancta Sede , sed à Christo habentes , cui nequeat Summus Pontifex derogare ; imò nec modum ponere , nisi certo ordine ac cum certis formulis , quas ipsimet , quorum interest , impédiant.

3. Potestatem jurisdictionis , absolutè , ac in se consideratam à Christo ipso fuisse institutam testantur hæc Evangelii verba : *Amen dico vobis , quæcumque alligaveritis super terram , erunt ligata & in Cælo : & quæcumque solveritis super terram , erunt soluta & in Cælo. Matt. 18. vers. 18.* Quamobrem etiam Presbyteri ex Episcoporum commissione confessiones audientes , dum quempiam absolvunt , ex præscripta in Rituali forma , sed id auctoritate Christi præstare declarant. *Dominus noster Jesus Christus te absolvat , & ego auctoritate ipsius te absolvo ab omni vinculo excommunicationis , &c.* E quidem quis potest peccata dimittere , nisi solus Deus ? Quis nisi solus Deus potest illorum dimittendorum facultatem tribuere ? Concil. Trid. sess. 23. de ref. expressè declarat quòd *Presbyteri in sua ordinatione à peccatis absolvendi potestatem accipiant.*

4. Sed quantum ad propagationem , seu communicationem jurisdictionis , prout ab ordine distinguitur , si , ut communiter explicatur , nihil aliud sit , quàm assignatio , & subjeçtio subjeçtorum , in quos exerceatur à Christo instituta regendi populi auctoritas , non videtur posse cujusvis Episcopi jurisdictionem ad Christum immediate referri. Quod enim hi , vel illi fideles ad hanc Diœcesim pertineant , ex institutione Divina non provénit. Christus Ecclesiam suam in Patriarchatus , Provincias , Diœceses , aut Parochias non distribuit , Facta est ergo hæc subditorum assignatio ab Apostolis , præsertim à B. Petro ; vel ab ejus Successoribus , quando Episcopis quos mittebant , certam aliquam Parochiam , Provinciam , vel Diœcesim regendam assignarunt , eaque assignatio ad Episcoporum

ram

zum sic missorum successores transit, ut scilicet eam Provinciam, vel Diocesim, non aliam, subditam haberent. Quod quid aliud est, quam jurisdictionem accipere, in eo sensu, quem supra diximus? Hæc enim Parochiarum, vel Provinciarum distinctio, non ad solam politiam externam pertinet, sed ut valeant, quæ ab Episcopis constituuntur ordinationes aut censuræ, & quæ conceduntur dispensationes, absolutiones, & alia hujusmodi, quæ nullius essent momenti, si ab Episcopis præstarentur extra propriam Parochiam, ac erga sibi non subditos.

5. Itaque dum à summo Pontifice uniuntur Episcopatus, confertur jurisdictio Episcopo; quandoquidem ei subjiciuntur fideles, in quos potest post unionem, cum antea non posset, munia Episcopalia exercere, cum autem dividuntur Episcopatus, subtrahuntur Episcopo subditi, in quos jam non poterit, cum posset antea, jurisdictione uti. Sicut ergo institutis jam Episcopatibus Papa unione, vel divisione jurisdictionem Episcoporum auget, vel minuit; ita dum Episcopatus primò constituit, jurisdictionem primis Episcopis contulit: Qui autem Episcopatum deinde adepti sunt, vel à Romano Pontifice promoti sunt, atque ita jurisdictionem ab eo immediate receperunt: vel ab iis constituti sunt, quibus summus Pontifex hanc concesserat facultatem, atque adeo per summi Pontificis auctoritatem.

6. Indubitatum est post Concilium Tridentinum, posse summum Pontificem certorum casuum absolutionem sibi reservare: ita ut, si post illam reservationem Episcopi absolvere tentarent, etiam proprios Diocesanos, nihil efficerent: Potest, factâ reservatione Episcopo facultatem impertiri ab illis casibus absolvendi. Non posset autem summus Pontifex in hujusmodi casibus jurisdictionem Episcopis adimere, vel concedere, si eam à jure Divino haberent; non posset fideles subditos, non subditos, quantum ad casus reservados efficere, si Deus ipse subdidisset.

7. Potest etiam summus Pontifex, dum justa intercedit causa, jurisdictionem Episcopis auferre, eos deponendo, immò potest, licet non debeat, etiam sine causa jurisdictionem restituere, illos in pristinum statum reponendo. Pendet ergo illo-

illorum Jurisdictio à summo Pontifice. Ideo licet Eucharistiam validè conficiant, quantumvis justè à Pontifice prohibiti, & quantumvis conficientes peccent; solvere tamen, vel ligare in neutro foro possunt, justè vetante summo Pontifice, qui scilicet primum est de jure Divino, secundum, quantum ad materiam, in quam exercendum est, à summo Pontifice derivatum.

8. Nec dicas datam esse summo Pontifici totius Ecclesiæ curam, ita ut possit secundum rectam rationem, & præscriptum sacrorum Canonum, Episcopos corrigere, sibi casus reservare, Episcopatus unire, vel dividere; hinc tamen non rectè inferri jurisdictionem, quam Papa demit, antea dedisse: sicut enim potest Judex per suam sententiam vitam auferre, quam non dederat: ita & Pontifex Episcopalem jurisdictionem, quam non communicaverit, tollere potest, in pœnam criminis. Sed maxima disparitas est. Possunt enim Judices vitam auferre tantum, non ablatam reddere, quia nec dare poterant. Papa verò ut jam diximus, jurisdictionem tollit, & sublatam reddit; quod datam ab eo fuisse arguit.

9. Respondebis, Papam quidem posse justè de causâ Episcopos jurisdictione spoliare, non autem sine causâ; quod signum est illam à Deo, non autem à Pontifice, saltem absolute, pendere. Si enim Episcopus injustè deponatur, validè suâ jurisdictione uti poterit, etiam invito summo Pontifice. Sed ex eo argumento istud tantum efficitur, summum Pontificem non adeo esse liberum, ad rollendam jurisdictionem, ubi eam largitus est, ut ad retinendam, antequam impertitus fuerit, quod nemini mirum videri debet; cum etiam in regimine politico judices quidem delegari revocentur ad nutum; ordinarii autem, non sine causâ, ut sæpè præjudicatum esse legimus in Senatus-Consultorum collectoribus, adversus Dominos temporales: imò etiam aliquandò adversus Episcopos, aut alios Superiores Ecclesiasticos.

10. Gallicani Præsules litteras, quibus Beneficia Parochialia conferunt, eâ formâ conficiunt, quâ Theologorum Parisiensium opinioni, jurisdictionem Parochorum de jure Divino esse asserentium, non assentiri se significant, sed potius se jurisdictionem Pa-

rochis tribuere, dum Parochiam conferunt; ejus tamen sine causa revocandæ facultatem omninò non habent. Utererent enim non raro. Reponent fortassis id ita ab Ecclesia statutum esse, ac ob defectus similis statuti se reliquis Presbyteris Beneficium non obtinentibus liberrimè jurisdictionem vel negare vel annuere, vel auferre, vel prorogare: sed si à Deo provenit, quod Episcopi jurisdictionem Parochis impertiant, quomodo ab Ecclesia coarctari potest hæc eorum facultas? Porro non minus ab Episcopo conferri videtur jurisdictio Sacerdoti, dum ad vitam, quàm dum tempus tantùm conceditur, licet in primo casu difficilius revocetur.

11. Plurimùm desudavit Illustrissimus Petrus de Marca lib. 1. cap. 7. & alibi in restringendis ordinationibus Metropolitanorum & Episcoporum à Romano Pontifice consecrandorum intra Regiones suburbicarias, volens scilicet juxta Ruffini, & interpretis Dionysii antiquioris verba, Canonem 6. Concilii Nicæni comparationem inter Patriarchas Alexandrinum, & Romanum, ita instituisse, ut Alexandrinus in toto suo Patriarchatu eandem obtineret potestatem, quàm Romanus, non in toto Occidente, sed in solis Ecclesiis suburbicariis, in quibus & ordinationes Episcoporum faciebat, & congregationes Synodorum; quo discrimine videtur insinuare majorem esse summi Pontificis, etiam tanquam Patriarchæ Occidentis, auctoritatem in suburbicarias quàm in reliquis Occidentis Ecclesias. Unde posset fortasse aliquis suspicari Episcoporum suburbicariorum jurisdictionem à Patriarcha Romano, à quo ordinantur pendere; non autem aliorum v. g. Gallicanorum.

12. Sed impossibile est, quantumcumque se torqueat Marca, & quamcumque amplectatur Regionum suburbicariarum acceptionem, cum eas de toto Occidente nolit intelligere, ut possit aliquam Imperii divisionem assignare, in qua suburbicariæ regiones exactè Ecclesias omnes complectantur, quarum Episcopos Romanus Pontifex ordinabat. Res est evidens, si Regiones suburbicariæ juxta magis propriam acceptionem, intra centenarium ab urbe milliariū concludantur, idque fateri videtur ipse Marca num. 6. cum locis suburbicariis etiam totam Metropolitim Romanam non comprehendi agnoscit. *Per loca suburbicaria, inquit, Regio-*

nos illas quatuor intellexit, quæ aliquos Civitatibus adjectis integram Metropolim Romanam è 69. Episcopatibus constatam constituerunt. Sed quid de Ecclesiis Mediolanensi, & Aquileiensi dicet, ac de toto Illyrico?

13. Veram discriminis in Episcoporum Occidentalium ordinatione rationem jam assignavimus, quod nimirum Gallia, & aliæ Patriarchatus Occidentalis Provinciæ ita erant Romæ remotæ, ut ordinandi Episcopi commodè illuc accedere non possent, nec tam erant alteri Patriarchæ vicinæ, ut usurpationis esset periculum: quare permixta est Metropolitanis Episcoporum; & Episcopis Metropolitanorum ordinatio, vel Metropolitanis vicinis invicem. Cum enim Patriarcharum jure contineantur Episcoporum ordinationes, ut probat ipsemet Marca eodem cap. 7. num. 1. & 2. cur Patriarcha Romanus ea facultate solus careret in maxima sui Patriarchatus parte, quæ & cæteris Patriarchis Dignitate Patriarchaliæqualis est, & universali Primatu illis superior. Equidem venerabilis Beda in hist. Ecclesiæ gentis Anglorum lib. 3. cap. 29. & alibi tradit Episcopos Anglicanos Romæ ordinari solitos: libro autem 2. cap. 18. permissam seu renovatam ab Honorio I. Episcopis Dorovernensi & Eboracensi ordinationem Episcopi in locum præmortui. *Vice B. Petri Apostolorum Principis*, inquit Honorius epist. 6. à Beda relatâ, *autoritatem tribuimus, ut quando unum ex vobis divina ad se jusserit gratia vocari, is, qui superstes fuerit, alterum in loco defuncti debeat Episcopum ordinare. Causam quam diximus affert, quia ut & vobis concederemus, longa terrarum marisque intervallo, quæ inter nos ac vos obfistunt, ad hæc nos condescendere coegerunt; ut nulla possit Ecclesiarum vestrarum jactura per cujuslibet occasionis obtentum pervenire.*

14. Quid quod in aliis Patriarchatibus habenda erat etiam ratio distantiae locorum, pro quibus ordinandi erant Pastores, ut docent S. Innocentius I. epist. 18. quæ est ad Alexandrum Antiochenum. *Itaque, inquit, arbitramur frater charissime, ut sicut Metropolitanos auctoritate ordines singulari, sic & cæteros non sine permissu, conscientiaque sua sinas Episcopos procreari. In quibus hunc modum retellere servabis, ut longè positis litteris datis, ordinari censeas ab his, qui nunc eos suo tantum ordinant arbitratu: vicinos autem, si astimas, ad manus impositionem tue gratiæ statuas pervenire.*

S c c 2

15. Præ-

15. Præterea si juxta regulam à Marca propositam, & plurimum commendatam; *quæ pertinet ad Synodum pertinet ad consecrationem.* Nonne summi Pontifices Gallicos Episcopos ad Concilium Romam evocarunt, aliquando cum Italiæ tantum, aliquando cum aliarum Provinciarum Præsulibus? Id de S. Damaso testatur his verbis Theodoretus, Ecclesiasticæ Historiæ lib. 2. cap. 22. *Fuit autem scriptioris princeps Damasus, vir variis virtutum generibus ornatus, qui post Liberium Præfatum Romanæ Ecclesiæ sortitus esset. Cum hoc faciebant ergo Episcopi Italiæ, & Galatiæ, quæ nunc Gallia appellatur, congregati Roma, quorum, & ipsorum nomina exponere nimis longum arbitratus sum.*

16. Epistolæ Synodicæ Agathonis Papæ & Romanæ Synodi 125. Episcoporum, quæ fuit velut instructio Legatorum, qui missi sunt ad Synodum sextam celebrandam, superscriptio ei est ista, *Piissimis, &c. Agatho Episcopus servus servorum Dei, cum universis Episcopis subjacentibus Concilio Apostolicæ Sedis.* Ei autem subscripserunt inter alios Adeodatus Episcopus Ecclesiæ Leucorum, Felix Episcopus Arelatenfis, & Taurinus Diaconus Ecclesiæ Telonenfis Legati Synodi per Galliarum Provincias constitutæ.

17. Sicut autem propter locorum distantiam non ita frequenter vocati sunt Episcopi Gallicani ad Concilium Romanum, ita eadem de causa illorum ordinationem sibi non reservavit Pontifex Romanus.

C A P V T I X.

Confirmatur Jurisdictionem Episcoporum à Summo Pontifice pendere.

1. **E** piscopalem Ordinem sine titulo, id est sine assignata plebe, quæ regenda sit, atque adeo sine jurisdictione conferri valide posse, quamvis non expediat, docet Ioannes Gersonius tractatu de statibus Ecclesiasticis considerat. 8. de statu Prælatorum. *Statum Episcopalis inquit, licet esse possit in aliquo sine plebe, & sine usu, vel exercitio, hoc fieri non convenit, quia vanum &*

mon-

monstruosum in Ecclesia videretur ; quoniam frustra est potestas, cui non subest operatio. Ubi notanda est distinctio inter non habere plebem, & non habere usum, vel exercitium ; Ne quis verba Gerfonii accipiat de Episcopis, quos Titulares vocant, qui, licet usu & exercitio suæ jurisdictionis careant, tamen sine plebe propriè non sunt. Ordinantur enim ad aliquam Ecclesiam in partibus infidelium existentem; nec eorum ordinatio monstruosa censi debet, & tùm quòd possint Infideles illi ad fidem converti etiam ipsorum Episcoporum prædicatione, tùm quod interim illorum Episcoporum opera necessaria sit Episcopis in partibus fidelium alicui Diœcesi præpositis, cui regendæ propter senium, infirmam valetudinem, aliamve causam impares sunt.

2. Pater Christianus Lupus in Canonem 6. Concilii Chalcedonensis id non solum fieri validè posse, sed factum fuisse aliquando colligit ex Sozomeno. Sic autem scribit Hermias Sozomenus Hist. Eccles. lib. 6. cap. 34. *Adde his Barsen, & Eulogium, qui ambo post creabantur Episcopi non Urbis alicujus, sed honoris causa, qui veluti vita piè antea facta compensatio in propriis Monasteriis, illis deferbatur, ad quem modum Lazarus quoque, de quo supra diximus Episcopus fuit. Idem refert iisdemque ferè verbis Nicephorus Callistus lib. II. cap. 40. Existere præterea Barses, & Eulogius, qui ambo post longum Monastici exercitii certamen Episcopi sunt facti, non in Urbe aliqua, sed honoris gratiâ in Monasteriis suis Episcopalem consecuti sunt consecrationem : ita ut rectè aliquis Dignitatem eam tantquam præmium, seu remunerationem philosophandi instituto eos accepisse dicat ; sicuti & Lazarus de quo paulò ante post S. Heliodorum mentionem fecimus.*

3. Non deerit fortasse, qui Barsen, Eulogium, & Lazarum arbitretur propria Monasteria pro Diœcesibus habuisse ; sed non constat Monasteria illa Episcoporum, in quorum erant territorio ; jurisdictioni fuisse substracta, nec patiebantur Canones duos Episcopos eisdem locis, & personis præesse. Verùm quidquid sit de facto, quod ab Ecclesiæ praxi ordinaria abhorret : non video cur si non licitè, saltem validè possint Episcopi, quemadmodum & Sacerdotes sine plebe ordinari. Quamvis enim major sit illorum, quàm mistor um dignitas, & potior autoritas, non tamen ita diversus ordo ut

istis possit, illis non possit imprimi character & conferri Spiritus Sanctus cum potestate remittendi, & retinendi peccata, nullis assignatis subditis. Eo autem casu certum est jurisdictionem ab eo conferendam, qui eos ad regendam aliquam plebem mitteret, siquidem jurisdictio nihil aliud est quàm subditorum assignatio.

4. Summus quidem Pontifex, cùm toti Ecclesiæ præfici non possit, nisi ab eo, qui totâ Ecclesiâ major est, jurisdictionem suam consequitur ex vi institutionis Divinæ, & à Deo immediatè ante omnem confirmationem, & coronationem, statim atque designatus est per electionem eorum, ad quos pertinet jus eligendi. At verò cùm particularium Ecclesiarum regimen à superioribus Ecclesiasticis, præsertim à summo, conferri possit, non est cur pro illa collatione ad Deum immediatè recurratur.

5. At, inquit Pater Thomassinus, cùm Episcopi ceu Reges sint ad administrandum spirituale Regnum destinati, perinde absurdum videretur, si Episcopus sine plebe ordinetur ac si constituatur Rex sine Regno & sine subditis; hoc est sicut Rex non est qui Regno caret; ita nec Episcopus, qui nulli Parochiæ præficitur. Verùm præterquam quod Reges licet Regno renuncient, Regalem quandam dignitatem retinent: & Episcopi quamvis propriam Diocesim abdicent, Episcopalem characterem non exuunt. Presbyterorum etiam est Regale Sacerdotium: nec illis frustra dicitur ab Episcopo. *Accipite Spiritum Sanctum, quorum remiseritis peccata remittentur eis, &c.* & tamen jurisdictionem ordinatione non obtinent, sed eam postmodum; vel cum titulo, vel per simplicem commissionem accipiunt.

6. Objicitur præterea exemplum Episcoporum vagorum. Concilium enim Vermeriense anno 752. can. 14. decrevit, *ut ab Episcopis ambulantiibus per Patrias ordinatio Presbyterorum non fiat; si autem boni sunt illi Presbyteri, iterum consecrentur*: quibus verbis illas ordinationes non solum illicitas, sed etiam nullas esse significat; quandoquidem eas iterari mandat, seu ordines conferri, quasi nunquam antea verè collatos: quia nimirum Episcopi sine plebe non reputabantur veri Episcopi. Verùm triennio post immutatum, vel saltem temperatum est hoc decretum. Sic enim statuit Concilium Vernense anno 755. can. 13. *De Episcopis vagantibus (sive vacantibus) qui*
Paro-

Parochias non habent, nec scimus ordinationem eorum, qualiter fuit, placuit juxta instituta sanctorum Patrum, ut in alterius Parochia ministrare, nec ullam ordinationem facere debeant, sine jussione Episcopi, cujus Parochia est. Et si hoc facere presumpserint, ab officio suspendantur, interim quod ad Synodum exinde venerint, & ibidem secundum canonicam institutionem accipiant sententiam; nisi tantum pro itineris causa. Et si nullus Clericus, aut Laicus talem Episcopum, aut Presbyterum defenserit sine comitatu Episcopi, cujus Parochia est, excommunicetur usque ad emendationem.

7. Continet Canon iste Vernenfis causam Vermeriensis. Dubitabatur enim an Episcopi ambulantes per Patrias, seu vagantes revera ordinati fuissent. Ratio dubitandi erat, quia *Parochias non habebant*, & ab Ecclesiæ usu alienum erat, ut Episcopi ordinarentur, nisi ad certam plebem. Quamobrem majoris securitatis causâ præcepit Concilium Vermeriense, ut ordinationes ab ipsis factæ, tanquam nullæ haberentur, & si personæ idoneæ judicarentur, ab Episcopis, de quibus nulla esset dubitatio, manuum impositionem acciperent. Sed quia poterant Episcopi illi vagantes, & plebem non habentes, fuisse revera ordinati, æquius censuit Concilium Vernenfe, ut usque dum in Synodo rationem pro se reddidissent, judicium de ordinationibus ab ipsis factis differretur.

8. Eas nullas esse judicavit Concilium Cabilonenfe secundum anno 813. can. 43. dum ait; *Sunt in quibusdam locis Scoti, qui se dicunt Episcopos esse & multos negligentes, absque licentia Dominorum suorum sive Magistrorum, Presbyteros & Diaconos ordinant: quorum ordinationem, quia plerumque in simoniam incidit & multis erroribus subjacet, modis omnibus irritam fieri debere omnes uno consensu decrevimus.* Sed præterquam quod similibus verbis aliquando exprimitur suspensio ab executione Ordinum verè receptorum, ordinationes à Scotis, factæ dicuntur multis erroribus subjacere. Accedit quod ignorabatur etiam de illis Scotis, an re vera manuum impositione consecrati fuissent, ut triennio post Concilium Cabilonenfe, affirmavit Concilium apud Celichyt an. 816. can. 5. cujus hæc verba sunt. *Quinto Interdictum est: ut nullus permittatur de genere Stoicorum in alicujus Diœcesi Sacrum sibi ministerium usurpare, neque ei consentire liceat ex sacro Ordine aliquid attingere, vel ab eis acci-*

accipere in baptismo, aut in celebratione Missarum, vel etiam Eucharistiam populo præbere, quia incertum est nobis unde, & an ab aliquo ordinentur.

9. Non urget magis quod à Chorepiscopis ducitur argumentum. Verum enim quidem est Carolum Magnum, post sententiam Leonis III & Episcoporum Gallicanorum, ordinationes illorum ceu nullas habuisse præcipuè ex duplici capite. *Nam Episcopi non erant*, inquit Capitul. lib. 7. cap. 187. *quia nec ad quamdam Civitatis Episcopalem sedem titulati erant, nec canonicè à tribus Episcopis ordinati.* Ingens est controversia, utrum Chorepiscopi Episcopalem ordinem, seu manuum impositionem ad ordinem Episcopalem acceperint, assermantibus aliis, aliis negantibus, aliis observantibus Chorepiscopos non fuisse omnes eodem modo ac ritu constitutos, sed alios Episcopali charactere fuisse insignitos, alios verò nequaquam. Verba Caroli Magni videntur illis favere, qui negant, illo saltem tempore Chorepiscopis manus, sicut Episcopis, impositas. Istis enim non nisi à tribus imponuntur, ac cum deputatione ad certæ Civitatis Ecclesiam. Quis autem credat contra utrumque illud caput, tantopere à Canonibus commendatum, communiter ab Episcopis Chorepiscoporum ordinatoribus fore peccandum, si Episcopalem ordinationem facere intendissent.

10. Sed quidquid sit de Chorepiscoporum ordine, nihil refert ad quæstionem, quam modò præ manibus habemus. Certissimum enim est Chorepiscopos ad certam plebem regendam constitutos fuisse. Nam, ut vel ipsum nomen innuit, erant Episcopi pagorum, seu vicorum; id est pro Episcopis extra Urbem, plebi præpositi, ibique ferè omnia munia Episcopalia obeuntes, quamvis sub Episcopo Civitatis. Nihil autem refert utrum plebs, cui aliquis præficitur, sit numerosa, vel non; in Civitate, vel in pago, ut sit titulus sufficiens ad ordinationem. Licet enim vetuerint Canones Episcopos nisi in Civitatibus ordinare; ordinationem tamen ex hoc capite nullam esse objicitur. Difficultas autem modò est, utrum defectus tituli irritam reddat Episcopi ordinationem? At illa in Chorepiscopis locum non habebat, ut diximus, quia territorium habebant, licet Episco-

po Civitatis subiectum. Nihil enim obest eandem plebem pluribus Pastoribus subordinatis subesse.

11. Episcoporum auctoritatem à summo Pontifice proficisci aliqui adhuc probant exemplo Moysis; & 70. virorum, quos ipse sibi tanquam adjuutores in regendo populo Iudaico adjunxit num. 10. Vt enim, inquit, 70. virorum autoritas à Moyse pendeat, à quo Dominus de spiritu, quem ei dederat, abstulit, & in eos contulit, non imminuto tamen Moyfis spiritu (alioquin enim non tam fuisset adjutus, & sublevatus, quam debilitatus) ita Episcoporum auctoritas est participatio quædam potestatis summi Pontificis, ad quam velut fontem & originem refundenda est.

12. Præterea Ecclesia est status Monarchicus, cujus Monarcha summus Pontifex eadem pollet auctoritate in omnes, & populos Christianos, & populorum Iudices, & Rectores, qua Imperator, aut Rex in omnes Principes, Provinciarum Gubernatores, Prætores, aliosque Præfectos. Atqui certum est, & apud Iurisperitos indubitatum, jurisdictionem omnem à Rege, tanquam ab origine derivari, & in cæteros omnes emanare. Quid ni de summo Pontifice idem sentiat, ut sit ipse fons jurisdictionis Ecclesiasticæ?

13. Accedit quod auctoritas Episcoporum si à Christo immediate oriretur, æqualis foret in omnibus. Maxima autem in ea inæqualitas observatur; cum alii pluribus, alii paucioribus præsent, quam inæqualitatem quis alius constituit, quam is, qui Parochias instituit, eisque præfecit Episcopos, B. Petrus, ejusque Successores in omnibus saltem illis Provinciis, quas hodie complectitur Ecclesia.

CAPUT X.

Rursus confirmatur Jurisdictionem Episcoporum esse immediate à summo Pontifice.

1. **A** Postolos omnes jurisdictionem suam à Christo immediate habuisse probatur ex eo, quod ab ipso missi sunt; *sicut misit me vivens Pater, & ego mitto vos.* Ioan. 20. vers. 21. *Enntes ergo docete omnes gentes* Matt. ultimo vers. 19. Ergo è contra Episcopi, qui à Christo immediate missi non sunt, sed ab ejus Vicariis, jurisdictionem

nem ab ipso immediatè non acceperunt. Sicut enim committens Commissario, ita mittens misso confert autoritatem. Quamobrem qui ab Apostolis mittebantur, modò unius Provinciæ, modò Regni integri curam assumebant. Aliquando alios Episcopos, vel plures, vel pauciores, aliquando nullos constituere poterant. Aliquando ad certum opus, aliquando ad integrum & perpetuum regimen deputabantur, prout Apostolis attentâ Ecclesiæ necessitate vel utilitate videbatur.

2. Qui ab Apostolis missi fuerant acceptæ potestatis participes alios efficiebant, juxta præscriptam sibi ab Apostolis mensuram, quam excedere non potuissent. Sive autem quis ad certum opus per aliquod tempus destinaretur, sive Pastor ordinarius statueretur, jurisdictionem habebat ab Apostolis: quemadmodum Episcopus Presbyterum alicui suæ Diœcesis parti præponens, sive Vicarium perpetuum eum constituat, sive ad eum revocabilem, jurisdictionem ei tribuit.

3. Quin etiam Apostolis adscribenda erat jurisdictionis Episcoporum, quos non ipsi, sed ex ipsorum concessione alii ordinabant. Sive enim defuncto Episcopo alium ipsi Apostoli substituerent, sive substituendi facultatem vicinioribus Episcopis aut Metropolitis Antistiti præberent, prout exigebat locorum vel propinquitas, vel distantia, Apostolicâ id fiebat autoritate. Nec sibi Christus reservaverat Episcoporum in singulis Diœcesibus, aut Provinciis constitutionem, sed regimen, & politiam Ecclesiasticam Apostolis commiserat; *constituens eos Principes super omnem terram*, cum potestate creatorum officialium, & assignandæ cuique suæ Provinciæ: paucis quibusdam fortassis exceptis, quos ipsemet Spiritus sanctus elegerat, videtur, ut S. Paulum & S. Barnabam de quibus legimus in actis Apostolorum cap. 13. vers. 2. *Ministrantibus autem illis* (scilicet Apostolis) *Domino, & jejunantibus, dixit illis Spiritus sanctus: segregate mihi Saulum & Barnabam, in opus, ad quod assumpsi eos.* Et vers. 4. *Et ipsi quidem missi à Spiritu sancto abierunt Seleuciam, &c.* Sed de hac electione in capite sequenti.

4. Quamvis autem Apostolis amplissima sit potestas à Christo collata, universæ tamen Ecclesiæ Pastor constitutus est Petrus; ipse positus est domus Dei fundamentum: ipsi traditæ sunt claves; ipsi commissæ sunt oves modo singulari. Quamobrem ad ipsam præcipuè referenda est jurisdictionis aliorum Prælatorum, ut docet S. Tho-

mas

mas in hæc verba Psalmi 41. *Constitues eos Principes super omnem terram.* Affirmat enim quod alii *Prelati constituuntur per summum Pontificem Hebraorum* & *Nemo assumat sibi honorem.* Moxq; causam insinuat his verbis; *Petrus obtinuit principatum universalem Ecclesie Joann. 21. Pasce oves meas.* Imò ab ipso solo vel ab ejus successoribus missi sunt Episcopi in illas Provincias, quibus hodiè præcipuè constat Ecclesia, quod jam sæpe monuimus; *Præsertim*, inquit S. Innocentius epist. 1. quæ est ad Decentium Episcopum Eugubinum, *cum sit manifestum in omnem Italiam, Gallias, Hispanias, Aphricam, ac Siciliam Insulasque interjacentes nullum instituisse Ecclesias, nisi eos quos venerabilis Apostolus Petrus; aut eius Successores constitverint Sacerdotes.* Ostendimus supra B. Petrum Ecclesiis Patriarchalibus Dignitatem contulisse: ac probari posset alias, quæ post ipsas majori autoritate præditæ fuerunt, primos à Beatissimo illo Apostolo Episcopos accepisse, ut de Ponto, Galatia, Cappadocia, Asia, & Bithynia indicat prima ejus Epistola cap. 1 & cap. 5. De Constantinopoli, S. Agapetus epist. ad Petrum Hierosolymitanum in Concil. Const. sub Mena act. prima; de aliis, alii.

5. Certè qui olim in suis Parochiis, seu Provinciis, aut Diæcesibus, vel etiam in locis circumvicinis, novas cathedras Episcopales eligebant, jurisdictionem seu novis Episcopis conferre arbitrabantur, cum ejus aliquam partem & aliquod signum retinerent, puta futurorum quoque Prælatorum ordinationem, confirmationem, convocationem ad Synodum, correctionem & similia; unde Primatûm jus ortum aliqui arbitrati sunt, reservatâ Ecclesiæ Matrîci in suas filias autoritate. Porriore ergo ratione Petro, Petrique successoribus tribuenda est jurisdictio Episcoporum Ecclesiis ab ipsis fundatis præficiendorum. Quamobrem à SS. Doctoribus, & à Theologis Episcoporum jurisdictione à B. Petro dicitur orta. Quod non tantum de ordinis communis, sed etiam de causalitatis, ut in scholis loquuntur, prioritate, intelligendum significant eorum verba.

6. Sanctus Optatus Episcopus Milevitanus lib. 7. contra Parmenianum; *Bono unitatis*, inquit, *B. Petrus (cui satis erat, si postquam negavit, solam veniam consequeretur) & præferri omnibus Apostolis meruit, et claves regni cælorum communicandas cæteris solus accepit.* Non ergo

PRÆFERRI OMNIBVS APOSTOLIS MERUIT solius honoris ordine: sed ET CLAVES REGNI CÆLORVM SOLVS ACCEPIT. Si solus; non ergo alii cum eo, saltem eodem prorsus modo. Imò ex his verbis, COMMVNICANDAS CÆTERIS, inferunt aliqui Petrum ipsum immediatè cæteris etiam Apostolis claves, seu jurisdictionem communicasse. Sed cum S. Optatus non exprimat à quo facienda esset communicatio, præstat ejus verba cum distributione accommodata interpretari, ut Apostolis quidem Christus, aliis autem Prælati Petrus, vel cum Petri consensu, reliqui Apostoli communicaverint.

7. Sanctus Gregorius Nyssenus adversus eos, qui castigationes ægrè ferunt, id tradit de Episcopis his verbis; *Nihil falsi, aut mendacii scriptum est in Evangeliiis, neque Christi prædictio exitum fallacem habet.* PER PETRVM Episcopis dedit clavem cælestium honorum. Non in Petto solum, sed, PER PETRVM Episcopis.

8. Sanctus Innocentius in epist. ad Concilium Carthaginense, quæ est 91. inter Epistolas S. Augustini, asserit, quod à B. Petro IPSE EPISCOPATUS ET TOTA AVTORITAS nominis hujus emerfit. Et in epistola ad Concilium Milevitanum, quæ est 93. inter S. Augustini epistolas. *Præsertim, inquit, quoties fidei ratio ventilatur, arbitror omnes fratres, & Coepiscopos nostros, non nisi ad Petrum, id est, SVI NOMINIS, ET HONORIS AVTOREM referre debere.* Hæc verba, *autoritas, & autorem,* aliquid specialius, quàm prioritatem ordinis sine dubio designant.

9. Stephanus Episcopus Larissæ in Thessalia ad Bonifacium II. scribit apud Labbeum; *quia Domino dicente tertio. Amas me? Pasce oves meas, tradidit prius vobis mandatum ostendens, & PER VOS deinde omnibus per universum Mundum sanctis Ecclesiis condonavit.*

10. Sanctus Leo Magnus eundem sensum apertius declarasse videtur ferm. 3. de assumptione sua his verbis; *Magnum & mirabile, dilectissimi, huic viro (Petto) consortium potentia sua tribuit Divina dignatio: & si quid cum eo commune cæteris voluit esse Principibus, nunquam NISI PER IPSVM dedit, quidquid aliis non negavit.* Non poterant verba maioris energię adhiberi, quàm ista; *nunquam nisi per ipsum dedit quidquid aliis non negavit.* Et alibi; *hujus muneris* (scilicet prædicationis veritatis) *Sacramentum ita Dominus ad omnium Apostolorum officium voluit pertinere, ut in Beatissimo Petro omnium summo principaliter collocaret, ut AB IPSO quasi quodam capite*

capite dona sua velut in corpus omne diffunderet. Epist. 89. quæ est ad Episcopos Provinciæ Viennensis.

11. Ioannes Episcopus Ravennas in epist. ad S. Greg. Mag. quæ habetur post epistolam 94. lib. 2. seu 55. indicationis 11. ejusdem Pontificis, sic se apud illum excusat; *Et quibus causis ego sanctissima illi sedi, QUÆ VNIVERSALI ECCLESIAE IVRA SVA TRANSMITTIT, presumpserim obviare, propter cuius conservandam auctoritatem, &c.*

12. Id ipsum docet expressius S. Thomas in 4. sententiarum dist. 19. quæst. 1. art. 3. quæstiuncula 1. *Ad primum ergo, inquit, dicendum, quod ad absolutionem requiritur duplex potestas, scilicet potestas ordinis, & potestas jurisdictionis. Prima quidem potestas est æqualiter in omnibus Sacerdotibus, non autem secunda. Et ideo ubi Dominus Ioann. 20. dedit omnibus Apostolis communiter potestatem remittendi peccata, intelligitur de potestate, quæ consequitur ordinem, unde & Sacerdotibus quando ordinantur, illa verba dicuntur; sed Petro dedit singulariter potestatem remittendi peccata, Matt. 16. ut intelligatur, quod ipse PRÆ ALIIS HABET POTESTATEM IURISDICTIONIS. Potestas autem ordinis quantum est de se, se extendit ad omnes absolvendos; & ideo indeterminate Dominus dixit, Quorum remiseritis peccata, intelligens tamen, quod usus illius potestatis esse deberet præsupposita potestate Petro collata secundum ipsius ordinationem. Non ne ordinatio Petri pro usu potestatis remittendi peccata est collatio jurisdictionis? Id clarius explicat S. Doctor lib. 4. contra gentiles cap. 16. *Petro soli promisit, tibi dabo claves Regni Cælorum, ut ostenderetur potestas clavium PER EVM AD ALIOS DERIVANDA ad conservandam Ecclesiæ Vnitatem.**

13. Non minus apertè eandem doctrinam tradit S. Bonaventura opusc. Quare Fratres Minores prædicent & confessiones audiant; *Propterea, inquit, Sacerdos dicitur, cui quisque specialiter gubernandus est commissus ab Ecclesiæ vice Dei. Prætermittis igitur diversis distinctionibus, quatuor sunt cuiusque plebis Parochialis proprii Sacerdotes. Primus & præcipuus est summus Pontifex, cui tota Ecclesiastica gregis cura singularissimè commissa est, ITA QUOD OMNES INFERIORES ECCLESIAE RECTORES, CURAM, ET TOTAM POTESTATEM QUAM HABENT SUPER SUBDITOS AB IPSO ACCIPIUNT MEDIATE, VEL IMMEDIATE.*

CAPUT XI.

Aliis Testimoniis eadem doctrina confirmatur.

Quam communis sit hæc doctrina constaret, si quilibet Ordo religiosus, pro suo erga summum Pontificem studio instituti sui scriptorum, qui eam tradiderunt catenam conficeret; Pari diligentia uterentur Universitatum Doctores. Nos aliquos dum taxat referemus, qui vel studuerunt, vel docuerunt in Gallia.

2. Sed occurrendum est exceptioni quam præsentio Gallos opposituros, scilicet suspectum esse hac in parte Regularium testimonium, eo quod ipsorum referat, ad tuenda contra Episcopos sua privilegia, Papæ quidem potestatem extollere, aliorum verò Prælatorum jurisdictionem deprimere. Hæc obiectio aliquam præ se ferret veri speciem, nisi ex iis scriptoribus aliquorum conspicua vitæ sanctitas cum eximia doctrina conjuncta, ut S. Thomæ, ac S. Bonaventuræ superiori capite citatorum, aliorum nulli Ordini adscriptorum suffragium, aliquorum etiam Episcopali Dignitate insignitorum consensus, multitudo denique in illam sententiam conspirantium, illam ab autoritate certam efficerent.

3. Illam solidè adstruit Herveus Natalis Brito, Ordinis S. Dominici in tractatu de potestate Papa, sub cuius initium ait; *Quidem ignorant potestatem Sedis Apostolicæ, vel contemnentes eandem, quarentes suam potestatem statuere & indebitè ampliare, nolunt recognoscere suam potestatem esse à Sede Apostolicâ, nec eam volunt recognoscere, sicut prædicta potestate Sedis Apostolicæ stabilitam, dicentes potestatem Episcoporum & Curatorum a se esse immediatè à Deo, sicut potestatem Sedis Apostolicæ, & potestatem prædictorum Episcoporum & Curatorum non esse à Papa, sed immediatè à Christo; Quod ERRONEUM IUDICO, ut infra patebit. Adhujus ergo erroris exclusionem videnda sunt quedam in generali de potestate jurisdictionis.* Hervei doctrinam S. Antoninus, quamvis Archiepiscopus, suam facere non dubitavit parte 2. summæ Theologicæ tit. 12. cap. 3. cuiusq. quintum sic inchoat; *De plenitudine potestatis Papalis jurisdictionis erga alias potestates inferiores, ut Patriarchas, Archiepiscopos, Episcopos, & Parochiales Curatos.*

Vbi sciendum secundum Hervenum in dicto Tractatu, quod omnis potestas Ecclesiastica alia à Papali subest ei quoad tria. Primo quantum ad correctionem abusus. Secundo QUANTVM AD INSTITVTIONEM, ET COLLATIONEM IPSIVS POTESTATIS inferioris. Tercio ad subsidium administrativum, &c. Vide si lubet ibi, & tit. 3. cap. 11. § 14.

4. Ut autem Scriptores Gallicos prosequamur. Eandem sententiam amplexus est pluribus in locis veritatis magis quàm augendæ propriæ Dignitatis studiosus Egidius Columna, Bituricensis Archiepiscopus, Aquitanix Primas. Videri potest in lib. de renunciatione Papæ cap. 8. & alibi. Sed majoris ponderis est ejus suffragium in opere, in quo Jurisdictionis Episcopalis fundamenta firmitus stabilire operæ pretium erat; scilicet ubi exemptiones impugnat, vel potius earum abusus, nempe opusc. contra exemptos, in cujus cap. 2. sic scribit; *Cum Pontificis & Episcopi sint opera sapientia summi Pontificis, quia per eum, vel per AVTORITATEM EIVS SVNT ASSVMPTI IN PARTEM SOLLICITVDINIS, &c. Vide ibidem cap. 25.*

5. Thomas ab Argentina Theologiam Parisiis professus circa annum 1445. dist. 25. quæst. 1. art. 2. *Cum igitur, inquit, Jurisdictio spiritualis cuiuslibet Sacerdotis dependeat à summo Pontifice, apud quem solum resides Jurisdictionis plenitudo, tam in fieri, quàm in conservari, IPSI ENIM QUOTIDIE POTEST DARE ET AVFERRE HVIVSMODI JURISDICTIONEM, prout ad statum Ecclesia gubernandum ipse viderit expedire: ideo potestas excommunicandi, quæ præcisè innititur Jurisdictioni, dependet à potestate Ecclesiæ, seu summi Pontificis non solum in fieri, verum etiam in conservari, quia non dependet minus illud quod innititur, quàm dependeat illud, cui innititur. Et eadem ratione potestas absolvendi in Foro pœnitentiæ, in quantum innititur Jurisdictioni, dependet tam in fieri, quàm in conservari à potestate Ecclesiæ. Et hinc est quod subtractâ Jurisdictione per sententiam Iuris, vel Iudicis à Pralato, vel Sacerdote, tunc non possunt excommunicare, nec pœnitentias salutare injungere, & si de facto attentant, irritum est, & inane quod faciunt; quia potestas, quæ hac facere deberent, non est eis conservata, sed posuit irritata ab eo, à QVO DEPENDET HVIVSMODI POTESTATIS CONSERVATIO.*

6. Ioannes à Celaia in tertium sent. dist. 25. quæst. 7. idem sentit, etiam de Apostolis, & expleat, probatque in hunc modum; *Queritur*
Septimo

septimò circa eandem distinctionem, utrum à Romano Pontifice derivetur ad omnes alios Prelatos Ecclesiæ potestas jurisdictionis. Ad hanc difficultatem respondetur, affirmativè... Iam probatur eadem responsio per rationes. Prima est talis. Ceteri Apostoli à Petro non habuerunt oves subditas immediatè à Christo: ergo non habuerunt immediatè potestatem jurisdictionis à Christo. Antecedens patet, quia solus Petro Salvator noster dedit oves Ioann. ult. cap. & nulli alteri: ergo non habuerunt oves immediatè à Christo. Secunda ratio talis est: in omni principatu potestas jurisdictionis derivatur ad quamcunque personam à Monarcha talis Principatus, teste D. Dyoniso, tam in lib. de Cælesti Hierarchia, quam de Ecclesiastica Hierarchia. Sed Papa est Monarcha in Principatu Ecclesiastico, ut præbatur est superius, ergo AB IPSO DERIVATUR POTESTAS IN OMNES ALIOS PRÆLATOS ECCLESIAE. Tertia ratio talis est: teste eodem Dyoniso in libris allegatis, Ecclesia nostra militans ordinata est ad instar cælestis Hierarchiæ: sed in cælesti Hierarchia est unus Monarcha, scilicet Dominus Deus, à quo derivatur potestas in omnes alios: ergo ita erit in Ecclesiastica Hierarchia: & non est ponendus alius à Pontifice Romano. Deinde solvit objectiones, sicque respondet; Arguitur autoritate Divi Bernardi in lib. de consid. ad Eugenium Papam dicentis; Erras si ut summam, ita & solam institutam à Deo, æstimas tuam Apostolicam potestatem: ergo alie potestates à Papatu sunt institutæ à Deo, & per consequens potestates aliorum Prelatorum Ecclesiæ non derivantur à Romano Pontifice. Pro huius argumenti solutione est advertendum, quod in quolibet Prelato Ecclesiæ possumus duo considerare, scilicet dignitatem in se, & Dignitatem huius persona: Dignitas in se immediatè est instituta à Deo; Dignitas autem huius persona, id est quod ista persona habeat istam Dignitatem, sive potestatem Ecclesiasticam non est à Deo immediatè, SED MEDIANTE ROMANO PONTIFICE, QUI VOLUIT ISTVM INSTITUERE IN EPISCOPVM, vel Rectorem. Quamvis talis potestas sit mediatè à Deo juxta illud Pauli ad Romanos 13. Omnis potestas est à Deo; isto notato respondetur ad formam argumenti negando ultimam consequentiam. Nam licet Dignitas Episcopalis, sive Rectoralis sit instituta à Deo: non tamen est instituta à Deo immediatè, quod iste habeat Dignitatem Episcopalem vel Rectoralem: sed à Romano Pontifice.

7. Michael Maucler parte 2. de Monarchia lib. 4. cap. 10. eamdem tradit doctrinam. Marcum Antonium de Dominis Episcopum Spalatensem contrariam amplexum, confutandum sibi in hoc etiam puncto duxit Nicolaus Coeffeteau Episcopus Massiliæ nominatus discussione quinti capitis lib. 2. Spalatensis.

8. Ioannes Puteanus Regius in Academia Tolofana Theologiæ Professor in secundam secundæ sancti Thomæ quæst. prima art. 6. dub. 3. in resp. ad primam objectionem, & ad instantias, jurisdictionem Episcoporum à Deo mediatè derivat, à summo Pontifice immediatè. *De lege namque communi Episcopi suam Dignitatem consequuntur à Deo per dependentiam à summo Pontifice, adeò ut potestas Episcopalis de jure communi pendeat intrinsecè & ex ordinatione Divina à potestate summi Pontificis.....* *Hac autem est in Episcopis modo ordinario, atq; adeo cum dependentia à summo Pontifice, penes quem est LIMITARE IVRISDICTIONEM EPISCOPALEM, ut definitum fuit multoties, Et adhuc infra; Nihil accipit Pontifex Maximus ab Ecclesia, sed à solo Deo. Ecclesia autem illud omne, quod habet, à Pontifice maximo proxime, & immediatè mutatur; remotè verò, & mediatè à Deo.*

9. In specimine juris Ecclesiastici apud Gallos recepti Joannis Doujat Antecessoris Parisiensis, extat *Tractatus Privilegiorum, quæ exemptiones dicuntur*, Autore Joanne Lomedè in Senatu Parisiensi Patrono, in cujus cap. 3. num. 12. supradicta doctrina traditur. *Episcopi (licet quod singulariter alloquendo Petrum, omnibus futuris Episcopis loqueretur) sunt à summo Pontifice tanquam Christi ministro & capite Ecclesia electi, assumpti & instituti, quorum summorum Pontificum est DIVIDERE, ET UNIRE DIOECESES, & imponere curam &c.*

10. Numero autem 13. ait idem Lomedè; *Glossa Pragmatica sanctionis in capite licet in vers. reservationes, De electione. Tenet per cap. P. no. 2. quæst. 7 cap. mandata. De presumption. Episcopos in suis Diocæsis Vicarios esse Papa. Ideo Legatos & Delegatos suos esse majores ordinariis.*

11. Non ergo augendæ propriæ Dignitatis desiderio tribuendum est, quod recentiores Pontifices declararunt Episcoporum honorem & jurisdictionem à sancta Sede effluere. Ac si quis eorum testimoniam recusat, quod in propria causa loquantur: Cur non rejiciatur etiam Episcoporum contrarium sentientium autoritas, cum non

minus proclives sint inferiores ad amovendum subjectionis jugum, quàm superiores ad amplificandam suam Dignitatem? Cur igitur major hac in parte fides debebitur Episcopis Gallicanis, quàm Sixto V. Papæ, cujus hæc sunt verba constit. 74. an. 1587. undecimo Kal. Febr. in institut. Congregationis pro consultationibus Episcoporum, & aliorum Prælatorum §. 1. *Quare ut ab Apostolica Sede, à qua tanquam à Matre honorem, & JURISDICTIONEM ACCEPERUNT, sibi, cum opus erit, auxilium, præsidiumque paratum esse intelligant, ut greges suos tantò fructuosius pascant, quinque iidem Cardinales præponimus Episcoporum, & aliorum Prælatorum consultationibus audiendis.*

12. Nemo hætenus Bullas provisionis recusavit, eo quod in hac forma essent, quæ jurisdictionem Episcopo à summo Pontifice conferri significat; PROVIDEMUS ECCLESIAE N. de persona N. & præficimus eum in Patrem & Pastorem, ac Episcopum ejusdem Ecclesie, committentes ei administrationem in temporalibus, & spiritalibus.

C A P V T XII.

Respondetur argumentis sententiæ, jurisdictionem Episcoporum ad Deum immediatè referentis.

1. **C**ONTRA doctrinam in superioribus capitibus traditam obijci potest primò. Jus Divinum in Scripturis sacris vel in traditione habemus, & hinc mutuandæ sunt leges, secundùm quas controversiæ circa jus illud emergentes dirimendæ sunt. Itaque si Episcoporum autoritas à summi Pontificis voluntate penderet, id Christus aut verbo, aut factò expressè docuisset, aut saltem Apostoli ipsi, sicut cætera, quæ de jure Divino sunt, aut Scriptura ipsa exprimit, aut Apostoli usu, & traditione declararunt, vel saltem Apostolorum tempore, aliquo, si non evidentissimo, ad minus satis aperto specimine demonstrata sunt; at verò Scriptura sacra potius insinuat Episcoporum jurisdictionem à Deo esse

imune-

immediatè. Dominus enim noster Iesus Christus Apostolos misit his verbis. *Euntes docete omnes gentes.* Missio autem complectitur auctoritatem omnem ad ea peragenda, ad quæ quis mittitur. Porro quemadmodum summus Pontifex Beato Petro Apostolorum Principi succedit, ejusque potestati ad regendum Christi ovile; ita Episcopi cæteris Apostolis. Ergo quemadmodum Apostoli non à Beato Petro missionem, & jurisdictionem, sed à Christo ipso acceperunt: ita Episcopi non à summo Pontifice, sed à Christo. Verùm distinguenda est in Apostolis duplex Dignitas; Apostolica scilicet & Episcopalis. Ad primam pertinebat, ut Evangelium prædicarent, & Ecclesias ubivis fundarent, atque ordinarent. Ad secundam spectabat, ut Ecclesiam aliquam tanquam Pastores proprii, & ordinarii regerent, ibique munia Episcopalia obirent, sicut Sanctus Jacobus Jerosolymitanæ præfuit Ecclesiæ, S. Joannes Ephesinæ secundum aliquos, S. Petrus Antiochenæ, postmodum Romanæ. Successerunt Episcopi Apostolis in Dignitate Episcopali, non autem in Apostolica; quia scilicet ista non erat ordinaria, & ad successores transmittenda, sed extraordinaria, & tunc temporis necessaria, ut *in omnem terram exiret sonus eorum, & in fines orbis terra verba eorum*, ut jam supra notavimus. Solius Petri auctoritas non solum tanquam Episcopi Romani, sed etiam tanquam Ecclesiæ Capitis, & Christi Vicarii generalis ad suos successores transiit, quia hoc ad regimen Ecclesiæ, quod ipsius fundator optimum, atque adeò Monarchicum statuerat, erat necessarium. Cæterum in regimine Monarchico supremum Princeps officia aliis etiam Principibus distribuit, ac jurisdictionem confert. Nec refert si dicas Christum esse supremum Ecclesiæ Principem, nam ipse quidem per se invisibiliter Ecclesiam regit, sed visibilem administrationem, qualis est gubernatio populi fidelis, ad quam requiritur jurisdictio, visibili suo in terris Vicario commisit.

2. Objicitur secundo, quod dispersi per orbem Apostoli Episcopos per Civitates non solum constituerunt ipsi, sed & alios constituendi facultatem impertiverunt. Nam B. Paulus scribit ad Titum cap. 1. *Hujus rei grati a reliqui te Crete, ut ea quæ desunt corrigas, & constituas per Civitates Presbyteros, sicut*

Es ego confitui tibi , sub nomine autem Presbyterorum Episcopos intelligit ; subjungit enim paulò post prædicta verba ; *Oportet enim Episcopum sine crimine esse , &c.* Atqui S. Paulus qui *non ab hominibus , neque per hominem , sed per Jesum Christum , & Deum Patrem* constitutus fuerat *Apostolus* , ut ipsemet de se testatur epist. ad Gal. cap. 1. pro jurisdictione obrinenda , nec Titum , nec alios Episcopos , vel à se , vel ab illo ordinatos ad Sanctum Petrum misit : unde conjicere licet ipsorum jurisdictionem à Christo immediatè fluxisse , & si cui homini adscribenda foret , videretur potius ad S. Paulum referenda. Necii soli , qui ab Apostolis facti sunt Episcopi , sed qui & ab istis , & rursus qui ab aliis , Episcopalia munia gesserunt non petirà jurisdictione à B. Petro , vel ab ejus successoribus. Verùm præterquam quod Apostolica potestas in cæteris à Petro Apostolis erat extraordinaria , ut diximus , & non poterat ullus Episcopus creari , qui à supremo Ecclesiæ Pastore non penderet in regimine ovium Christi : quid mirum est si primis Ecclesiæ temporibus summi Pontifices in cavernis frequentissimè latitantes , quasi furtim , pauca tantum Pastoralis officii munera exequi per se potuerint ; si totius terrarum orbis non ita specialem curam gesserint , aut illius curæ authentica monumenta ad nos usque non pervenerint. B. Petrus , antequam Apostoli varias in partes proficiscerentur , ac postmodum B. Petri successores alii expressè , alii tacitè consenserunt , ut Episcopi , quotquot ad populorum recens conversorum regimen essent necessarii , ordinarentur , & ad eam Ecclesiæ portionem destinarentur , cui satis esse possent. Veruntamen ut potestatis origo nunquam ignoraretur , summi Pontifices , quemadmodum supra observavimus , aliquod superioritatis signum in Patriarchas , Primates , sæpe etiam in Metropolitanos à quibus inferiores Episcopi ordinabantur , sibi reservarunt ; puta pallii concessionem , aut ordinationem ipsam. Apostolos omnes ordinem Episcopalem , cujus effectus est alios posse ordinare , à B. Petro recepisse nonnulli sentiunt. De B. Paulo , cujus speciatim exemplum opponitur , S. Leo epist. 81. cap. 1 scribit , *quod cum Apostoli Paulum & Barnabam ex precepto Spiritus sancti ad Evangelium gentibus mitterent predicandum , jejunantes , & orantes imposuerunt eis manus.* Cum autem B. Petrus Antiochiæ , ubi constat

stat ex cap. 13. Act. Apostolorum , ordinatum fuisse B. Paulum , cathedram collocasset, essetque specialis Episcopus illius Ecclesie , Pauli ordinario B. Petro merito adscribitur. Ita expresse pronuntiavit Arator Subdiaconus ecclesie Romanæ an. 544. hist. Apostolicæ lib. 2.

*Spiritus accensam verbo radiante lucernam,
Sub modio lucere vetans : sècernite Saulum
Dixit in oris opus , quem mox sacravit euntem,
Impositâ Petrus ille manu, cui sermo Magistri
Omnia posse dedit*

Itaque jam tum inter se consensisse B. illos Apostolos de ordinandis ecclesiis verisimillimum est ; sicut postea dexteris sibi societatis dederunt, cum unus Judæorum, alter gentilium , specialiore curam suscepit. Cæterum primis etiam sæculis B. Petri ejusque Successorum non solum consensu, sed etiam autoritate , præpositos Ecclesiis Pastores suadet sequentium temporum praxis , quibus summi Pontifices suam liberius exercuerunt autoritatem. Nam, ut supra vidimus, Episcopos, & Archiepiscopos in provinciis, in quibus vel non fuerant, vel defecerant, statuentes, ordinationis, ac regiminis regulas, & potestatis mensuram præscripserunt, ac juris sui signum aliquod sibi reservarunt.

3 Opponitur tertio quod S. Paulus B. Timotheum ad Episcopalia munia rite obeunda exhortans, solius impositionis manuum mentionem facit; *Admoneo te, inquit secunda Timoth. I. ut resuscites gratiam Dei, quæ est in te per impositionem manuum mearum Collabora Evangelio secundum virtutem Dei, qui nos liberavit, & vocavit vocatione suâ sanctâ.* Non, ait, à me, sed, per impositionem manuum mearum; quia licet ministerium Pontificum necessarium sit ad ordinationem & commissionem regiminis animarum : Non est tamen jurisdictionis causa. Sed quemadmodum in Baptismo, licet *Petrus baptizet, ut inquit S. Augustinus, hic (Christus) est qui baptizat : Paulus baptizet, hic est qui baptizat, &c.* Ita in ordinatione manus ab Episcopis imponuntur, sed à Deo gratia infunditur, & potestas confertur. Verum hæc S. Pauli verba de potestate ordinis, quæ per impositionem manuum confertur, patet esse intelligenda.

da. Nec refert, quod subinde muniorum Episcopaliū sit mentio, tūc quod utraq̃ue potestas eodem tempore conferretur, & qui ordinabatur, ad certæ plebis regimen jam destinaretur; tūc quod gratia, quæ per ordinationem confertur, ad exequenda ritè officia Episcopalia sit admodum necessaria; tūc denique quia potestas jurisdictionis in plerisque supponit potestatem ordinis.

4. At, inquires, expressè declarat idem S. Apostolus *Spiritus Sanctum posuisse Episcopos regere Ecclesiam Dei*, quod ad jurisdictionem spectat, non ad ordinem. Sunt certè à Spiritu Sancto positi Episcopi ad regendam Ecclesiam Dei, quia confertur illis in ordinatione Spiritus Sanctus cum magna gratiarum copia, & characteris impressione, quibus apri fiunt ad Episcopales functiones, non tamen inde infertur jurisdictionem à Spiritu Sancto immediatè conferri. Quilibet enim Sacerdos & characterem, & nisi obicem ponat, Spiritus S. gratiā percipit, dum ordinatur: jurisdictionem tamen ab Episcopo habet, ut in Parochia, vel Diœcesi Pœnitentiæ Sacramentum ministret. Adde quod verba illa non à Spiritu Sancto collatam Episcopis jurisdictionem, sed inspiratam eorum electionem significant, ut colligitur ex act. c. 13. ubi Pauli & Barnabæ missio tribuitur, & Spiritui Sancto tanquam suggerenti, & ordinatōribus tanquam suggesta exsequentibus; & immediatè mittentibus; *Ministrantibus autem illis Domino, & jejunantibus, dixit illis Spiritus Sanctus: segregate mihi Saulum & Barnabam, in opus ad quod assumpsi eos. Tunc jejunantes, & orantes, imponentesq̃ eis manus, dimiserunt illos. Et ipsi quidem missi à Spiritu Sancto abierunt Seleuciam, &c.* Observant Doctores, Ecclesiæ Ministros ex speciali Spiritus Sancti revelatione tunc creati solitos, ideoque illorum electionem Spiritui Sancto peculiariter adscribi.

5. Cū suprà dictum sit Apostolos indiscriminatim Ecclesias fundasse, Pastores illis præposuisse, hisq̃ue jurisdictionem contulisse, argui posset Episcoporum jurisdictionem ad alios Apostolos eorumque successores, perinde ut ad S. Petrum esse referendam. Sed præterquam quod stabit semper jurisdictionem Episcopalem non esse immediatè de jure Divino, contra quam contendunt Antistites Gallicani, nihil eos hoc argumentum juvat; quippe cū ut sæpè inculcavimus ex S. Innocentio, nullus, præter B. Petrum, aut ejus successores, in Galliis Ecclesias constituerit: imò qui ab aliis Aposto-
li

lis constituti sunt Prælati, eos à B. Petro principaliter jurisdictionem habuisse docet S. Bonaventura opusc. Quare fratres Minores prædicent & confessiones audiant. *Dominus Iesus Christus, inquit, omnium Creator, & Gubernator, sanctam Ecclesiam suam ascensurus in Cælum Apostolis regendam, & dilandam commendavit, principaliter B. Petro Apostolo, cui de universo grege fidelium specialiter dixit tertio, Pascere oves meas. Sed ut ordinatius gubernaretur universalis Ecclesia, distinxerunt eam sancti Apostoli per Patriarchatus, Primatus, Archiepiscopatus, Episcopatus, Parochias, & alias canonicas distinctiones; ut quia per unum, vel per paucos non poterat singulis fidelium in omnibus salutis necessariis congrue satisfieri; plures ad hujus sollicitudinis partes per determinatos sibi limites pro utilitate animarum vocarentur. Et secundum curam Pastoralis amplitudinem, etiam quilibet istorum accepit certam autoritatis potestatem, residente plenitudine potestatis Ecclesie, apud Sedem Apostolicam Romana Ecclesia, cui Apostolus Petrus Princeps Apostolorum specialiter præsedet, & successoribus suis ibidem eandem potestatem reliquit. Triplex est autem hujus potestatis plenitudo, scilicet quod ipse summus Pontifex solus habet totam plenitudinem autoritatis, quam Christus Ecclesia contulit, & quod VBIQUE IN OMNIBUS ECCLESIIS habet illam, SICUT IN SUA SPECIALI SEDE ROMANA. & quod AB IP SO MANAT IN OMNES INFERIORES per universam Ecclesiam, OMNIS AVTORITAS, prout singulis competit ei participari, sicut in Cælo ab ipso fonte totius boni Christo Iesu omnis gloria Sanctorum, licet eam differentes singuli participent pro capiti suo, &c.*

6. Denique dices, si jurisdictio Episcoporum à Papa esset, eam facile posset tollere, imò sine causa, si non licite, saltem valide, essetque verendum, ne eos non ut fratres, sed ut Vicarios haberet. Verùm licet summus Pontifex proximus sit Episcopalis jurisdictionis collator, non eam Præsulibus confert quasi Vicariis, licet eo nomine glossæ aliquæ utantur, sed quasi Pastoribus ordinariis, ut eam non ejus, sed proprio nomine, ac jure exerceant. Sicut enim, licet Rex Senatui, aut Proregi, vel Toparchæ jus concederet Judices, aliosve officiales ordinarios ad regimen populi, creandi, eisque jurisdictionem cum officio ac titulo conferendi, præsertim si officia ipsa ille institueret, quorum collationem

cederet, non continuò tamen arbitrio Senatus, Proregis, aut Toparchæ permitteret facultatem creatos semel Officiales absque ulla legitima causa revocandi : ita Christus , qui Episcopatus est institutor, quique per Episcopos Ecclesiam administrari voluit , etiamsi Petro ejusque Successoribus, tanquam supremis Pastoribus, Episcopatum particularium , & Episcoporum institutionem commiserit , nequaquam tamen eis (quasi Episcopus Romanus unicus Pastor esset, & alii ejus tantum Vicarii, ac Commissarii, non verò Pastores) jus tribuit ad libitum cæteros amovendi. Nec id unquam senserunt summi Pontifices , sed potius magnam suæ Dignitatis partem in eo posuerunt, ut unicuique Episcopo salva esset sua Dignitas & integra Privilegia, nisi fortè crimine aliquo iis privari mererentur. Ita sæpè S. Leo, S. Gregorius, aliiq̃ue maximi Sanctissimiq̃ue Pontifices, & verbis & operibus protestati sunt,

7. Sanctus Leo Episcopis Provinciæ Viennensis scribebat epist. 89. se maximam ex servatis illorum juribus lætitiā percipere. *Nostra enim, inquit, gratulationi, hoc solum crescere profitemur, si & Apostolica Sedis diligentia apud vos illibata servetur* (Ordinatio) *& per Sacerdotalis disciplina concordiam honori vestro perire, quod summe est in propriis usurpationibus non sinamus,*

8. Sanctus Gregorius Magnus itā Episcoporum non solum jura salva cupiebat, sed & Dignitatem, & honorem, ut se universalem Papam ab Episcopis vocari ægrè ferret, hac præcipuè ratione, quod si universalis ipse diceretur, solus etiam fortasse putaretur. En ipsius verba humilitatis, tanto viro dignæ, plena in epist. 30. lib. 7. quæ est ad Eulogium Episcopum Alexandrinum ; *superba appellationis verbum universalem me Papam dicentes imprimere curatis, quod peto dulcissima mihi sanctitas vestra ultra non faciat, quia vobis subtrahitur, quod alteri plusquam ratio exigit, præbatur. Ego enim non verbis quare prosperari, sed moribus; nec honorem esse deputo, in quo fratres meos honorem suum perdere cognosco. Meus namq̃, honor est honor universalis Ecclesiæ. Meus honor est fratrum meorum solidus vigor. Tunc ergo verè honoratus sum, cum singulis quibusque honor debitus non negatur. Si enim universalem me Papam vestra Sanctitas dicit, negat se hoc esse, quod me faceret universum. Tam altè sanctissimi hujus Pontificis animo impressa erat affectio illa, ut eam non semel signi-*

ficaverit. *Mihi ipsi*, inquit, lib. 2. epist. 37. *injuriā facio, dum fratrum meorum jura perturbo.*

9. Si, ut testatur ipsemet Maximus Pontifex, animarum cura est onus Angelicis humeris formidandum, non expedit ei, qui omnes totius Orbis terrarum homines, velut oves Pastori pascendas, à Christo ipso sibi traditas, non dubitat, ut alios Pastores impediatur, dum greges sibi specialiter commissos juxta sacrorum Canonum normam custodiant; sed ut illos hortetur, juvet, vel etiam protegat, ac novis favoribus augeat. Debet nihilominus datam sibi à Christo, ab Ecclesia universa confirmatam, seu publicè, atque solemniter recognitam auctoritatē vindicare, ne ambitionum conatibus infringatur, aut enervetur, quod S. ipse Gregorius observabat; *Sicut* inquit epistolâ 39. lib. 2. *nostra defendimus, sic omnibus Ecclesiis sua jura servamus.* Noverat documentum, quod Pastoribus in lib. de cura Pastoralis proposuerat, in usum admodum opus esset redigere; ut scilicet se Superiorem meminisset, & severitatem adhiberet; sed modum servabat, quem etiam ipse præscripsit in eodem lib. de cura Pastoralis parte 2. cap. 6. his verbis; *sic Rector bene agentibus per humilitatem socius, contra delinquentium vitia per zelum justitia crectus, ut & bonis, in nullo se præferat, & cum pravorum culpa exigit, potestatem proximis sui Prioratus agnoscat, &c.*

10. Tanta est in eo præcepto æquitās, ut à nemine negetur. Nam & summi Pontifices se animarum servos esse, non Dominos exemplo Apostolorum arbitrantur. *Servos vestros per Christum*, inquit S. Paulus 2. Corint. 4. vers. 5. *Servus servorum Dei*, ait Pontifex; unde consequitur eum Episcopis, portiones gregis Christi suæ curæ demandatas, rectè administrantibus non invidere, non obstare, sed favere, sed auxiliari debere, quodque illi rectè gerant, sibi in tremendo Dei judicio, profuturum æstimare.

11. Sed Episcopi conqueri sine injuria nequeunt, quod summus Pontifex sibi à Christo præpositus sit: gaudere potius debent tanquam de maximo beneficio, quod cum ipsi tot animarum constituti sunt Pastores, saltem unum supra se Pastorem habeant, qui dormitantes excitet, laborantibus opem ferat, afflictos consoletur, persecutionem patientes defendat, onus cum eis portet, rationem pro eis redditurus; imò qui eos errantes revocet, ac etiam reos plectatur,

ut & illorum saluti, & gregis eis crediti utilitatibus consulat. Nam, ut monet S. Leo in epist. 84. *supracitata; qui scit, se quibusdam esse prepositum, non molestè ferat aliquem sibi esse prælatum: sed obedientiam, quam exigit, etiam ipse dependat.*

12. Iniquum esset, ut summorum Pontificum humilitas, ac modestia, minus promptos ad reverentiam, aut obedientiam efficeret. Certè S. Gregorius humillimus, ac mansuetissimus, quamvis juxta proprium præceptum omnibus bonis se præberet æqualem, aliorumque Pastorum honorem, suum duceret, omnium tamen se Superiorem profitebatur, dum id cujusvis culpa exigeret. Nam epist. 65. lib. 7. quæ est ad Joannem Episcopum Syraculanum sic scripsit, occasione Episcopi Byzaceni Provinciæ Africæ de crimine accusati; *Quod se dicit Sedis Apostolica subjici, & si qua culpa in Episcopis invenitur, nescio quis ei Episcopus subjectus non sit.*

CAPUT XIII.

De Jurisdictione Clericorum Episcopis inferiorum.

1. **N**ihil est in sacris Scripturis, quod Archidiaconorum, aliorumve in Ecclesiastica Dignitate constitutorum jurisdictionem indicet à Deo immediatè profectam, sed constat potiùs hujuscemodi Dignitates ab Ecclesia fuisse institutas. De origine jurisdictionis, quâ potiuntur Curati nonnihil dubitatur.

2. Plures Doctores Parisienses eos putant septuaginta Discipulis successisse, quos Dominus noster Jesus Christus *misit binos ante se in omnem locum, quo erat ipse venturus*, ut habetur apud S. Lucam cap. 10. ideoque illorum institutionem, non solum quantum ad ordinem, sed etiam quantum ad jurisdictionem, ad jus Divinum referentes, illos, sicut potestatem ordinis, ita & potestatem jurisdictionis à Deo immediatè accipere arbitrantur, quamvis Episcopo indigeant, tum ut ordinentur, tum ut plebi præfiantur.

3. Addunt jam tempore Apostolorum, non solum Episcopos, ad magnarum urbium regimen constitutos, sed & ceteros Presbyteros,

qui minorum locorum curam gererent, qua in politia putant Apostolos non novi aliquid excogitasse, sed Christi præceptum executos fuisse.

4. Equidem S. Hieronymus Presbyterorum Dignitatem ita effert, ut tam Episcopali æquare videatur; qui tamen benignè est interpretandus, ne communi Ecclesiæ sententiæ contradicat, & Aërianæ hæresi, discrimen inter Episcopos, & Sacerdotes nullum agnoscenti, faveat, de quo Michaël Medina eum criminari ausus est. *Sicut Presbyteri sciunt*, inquit S. Doctor comment. in epist. ad Tit. *se ex Ecclesiæ consuetudine ei, qui sibi præpositus fuerit, esse subjectos; ita Episcopi noverint se magis consuetudine, quam dispositionis Dominicæ veritate Presbyteris esse majores, & in commune debere Ecclesiam regere.* Sed omnimodam certè noluit æqualitatem inducere inter Episcopos, & inferioris ordinis Presbyteros, quod patet, cum ex aliis ejus libris, præcipuè ex epist. 85. quæ est ad Evagrium, in qua ordinationem Episcopo vindicat, quam denegat Presbytero: & ex epistola 1. quæ est ad Heliodorum, in qua Diaconis tertium dumtaxat gradum assignat, primo Episcopis concesso, secundo Presbyteris relicto: tum ex verbis, quæ immediatè suprà relatis adjunguntur; *Imitantes Moysen, qui cum haberet in potestate solus præesse populo Israel, septuaginta elegit, cum quibus populum judicaret.* Licet enim Deus Moyli præceperit, quod socer Jethro jam consuluerat, ut scilicet sibi septuaginta deligeret adjutores: tamen nemo dubitat, quin Moyses, cui reservatum est majorum causarum judicium, semper ipse extiterit superior, etiam ex ordinatione Divina.

5. Habet quidem usus Ecclesiæ, ut Presbyteri Curati non repellantur in ordine Judicum tantum delegatorum, quibus & committitur, & aufertur jurisdictio ad libitum delegantis: sed non ita utilium jurisdictio dispositioni Dominicæ, non Episcoporum autoritati accepta referenda sit. Longè namque verius est, jurisditionem illam ab Ecclesiastico jure, non à Divino, manasse. Nec enim septuaginta Discipuli à Domino missi, sunt ad plebem aliquam destinati, nec ad omne tempus, sed præmissi tantum Christo in omnem locum, quo erat ipse venturus: nec etiam Sacerdotali charactere fuerunt insigniti, vel autoritate populum regendi, Sacramenta mini-

strandis, vel reliqua efficiendi, quæ Pastoris sunt propria, sed tantum cohortationibus suis à Christo venturo animos præparandi. Apostoli licet similiter, atque præstantiori modo, missi fuissent, non tamen ordinem Sacerdotalem adepti sunt, donec (quod de septuaginta discipulis, quibus Curati successisse dicuntur, nusquam in Evangelio legitur) in ultima cœna potestatem consecrandi, post resurrectionem, potestatem solvendi & ligandi recepissent.

6. Apostoli quidem, & Episcopi habuerunt Sacerdotes, quorum operâ in regendo populo Christiano uterentur, non tamen principio Sacerdotes illos plebi speciali tanquam Pastores ordinarios præponebant ad viram, adeoque illa deputatio non ordinationi Divinæ immediatè, sed Ecclesiasticæ politiæ adscribenda est.

7. Et quoniam jus Divinum in Scripturis habemus, ut supra cum S. Augustino tract. 6. in Joan. notavimus, nullumque videmus, à Christo Sacerdotem, præter Apostolos, missum ad regimen animarum, nescio, qua ratione ipsi tribuenda sit Curatorum constitutio immediata.

8. Hoc sanè certissimum est, jurisdictionem Sacerdotum jure Divino Episcopali esse subordinatam, & subjectam, ut luculenter docet S. Thomas opusc. contra impugnantes Religionem cap: 4. *Potestas Sacerdotis naturaliter, & ex jure Divino subditur potestati Episcopi, ut Dionysius probat. Sacerdos autem, qui ex jure Divino Episcopo subditur, in omnibus est ei subjectus.* Equum igitur est, ut Curati alique Clerici S. Ignatium audiant in epistola ad Smirneneses sic monentem; *Omnia vestra decenti ordine perficiantur in Christo. Laici Diaconis subjiciantur, Diaconi Presbyteris, Presbyteri Episcopo, Episcopus Christo, ut ipse Patri.*

9. Consultissimum etiam est, ut Episcopi Curatorum jurisdictionem, etiam si juris Ecclesiastici tantum sit, ita tueantur, ut cum eis, quemadmodum monet S. Hieronymus in verbis jam relatis, in commune Ecclesiam regant, *imitantes Moysen, qui cum haberet in potestate solum præesse populo Israel, &c.* eosque eo loco habeant, quem exprimunt verba tempore ordinationis ab Ordinatore proferri solita; *Infirmis nostris quasumus Domine hac ADIVMENTA largire, qui quanto fragiliores sumus, tanto his pluribus indigemus. Qui providi cooperatores Ordinis nostri.*

10. Denique servanda est mutua illa concordia, quam præscribit Canon 17. Sardicenis Concilii; *Sicut ille (Episcopus) Clericis sincerum exhibere debet amorem charitatis; ita quoque vicissim Ministri infucata debent Episcopo suo exhibere obsequia.*

11. Hæc Episcoporum erga Curatos humanitas ac benignitas, ac vicissim Curatorum, aliorumque jurisdictione Ecclesiasticâ præditorum erga Episcopos reverentia, & obedientia concordiam parient, sine qua multa oriuntur scandala, multæ contentiones, quarum occasione vera libertas Ecclesiæ sepius violatur, interjectis seu ab abusu appellationibus ad Judices sæculares.

12. Itaque sapientissimum S. Hieronymi consilium est, epistolâ ad Nepotianum; *Illud etiam dico, quod Episcopi Sacerdotes se esse noverint, non Dominos: honorent Clericos, ut & ipsi à Clericis quasi Episcopis honor deferantur. Scitum est illud Oratoris Domitii: cur ego te, inquit habeam ut Principem, cum tu non me habeas ut Senatorem? Quod Aaron, & filius ejus, hoc Episcopum & Presbyteros esse noverimus.*

13. Cæterum quotidie summus Pontifex beneficia Parochialia in omnibus Ecclesiæ partibus conferens, re ipsa probat, Curatos jurisdictionem accipere, tunc quidem immediatè ab ipso, alias autem mediantè ipsius consensu. Nec cuiquam id dubium esse potest, si etiam Episcopalis jurisdictio ex eo fonte manare supponatur.

14. Certè cum Christus totum ovile, atque oves omnes, etiam ipsos Apostolos, ut alibi probabimus, B. Petro tanquam supremo Pastori, commiserit; eique claves Regni Cælorum tanquam supremo dispensatori dederit, debet, quisquis gregis portionem regendam, aut distribuendos gratiæ thesauros suscipit, à Petro suum officium ac claves petere, non propriâ sibi autoritate, aut sine illius saltem consensu usurpare. *Supponitur, inquit Joan. Gerl. de potest. Eccles. confid. 10. insuper ex iam dictis, quod ex institutione Christi nullus in Ecclesia debet dare, vel suscipere gradus Hierarchicos, qui sunt purgare, illuminare, & perficere, si non interveniat verè, vel interpretativè autoritas summi Hierarchæ vel Monarchæ in Ecclesia sancta Dei, quatenus in ea vitetur confusio, & optimo regimine gubernetur ad exemplar Ecclesiæ triumphantis.*

LIBER NONUS

In Edmundi Richerii libellum de *Ecclesiastica & Politica potestate.*

I.



Uia occasione Declarationis Comitiorum Cleri Gallicani, quam discutimus, libelli Edmundi Richerii de *Ecclesiastica & Politica potestate* Vindiciæ nuper publicatæ sunt, quasi eadem essent utriusque fundamenta, hoc libro illius Libelli dogmata, licet à multis Scriptoribus iam confutata, & pluribus Censuris iniusta, persequi cogimur, præsertim cum Richerius suis principiis Libertatem Ecclesiæ Gallicanæ, de qua nobis est sermo, imò & Catholicæ, contineri affirmet; neque ita minutim sit ab aliquo confutatus.

II. Sed notandum inprimis, magnum Illustrissimorum Antistitum Gallicanorum Declarationi odium potius quàm robur conciliari, cum doctrinæ ab Ecclesia Romana, à Conciliis Provincialibus, & ab Universitate Parisiensi damnatæ, nec non à Rege Christianissimo eliminatæ, atque à pluribus magni nominis Scriptoribus impugnatæ, præsidio indigere creditur.

C A-

CAPUT PRIMUM.

An Jurisdictio Ecclesiastica primariò, ac essentialiter Ecclesiæ: Romano autem Pontifici, atque aliis Episcopis ministerialiter tantùm, sicut facultas videndi oculo, conveniat: ad duos primos numeros Libelli Richeriani.

Richerius nu. 1. totius doctrinæ suæ circa potestatem Ecclesiasticam fundamentum ponit, quod est hujusmodi, *Tota jurisdictio Ecclesiastica primariò, propriè ac essentialiter Ecclesiæ convenit: Romano autem Pontifici, atque aliis Episcopis instrumentaliter, ministerialiter, & quoad executionem tantùm.* Ut convenienter ac consequenter loqueretur Richerius, secundam propositionis partem hoc modo debuerat efferre, *Romano autem Pontifici, atque aliis Episcopis, secundariò, impropiè, atque accidentaliter tantùm.* Nam primariò respondet secundariò; propriè opponitur impropiè; essentialiter contradistinguitur accidentaliter. Itaque summus Pontifex non haberet suam jurisdictionem à Christo, sed ab Ecclesia, cui primariò collata fuisset; Non haberet ipse propriè jurisdictionem, sed impropiè: quia illam nomine Ecclesiæ, ac delegatâ tantùm autoritate exerceret. Accidentaliter dumtaxat penes ipsum esset jurisdictio, & posset Ecclesia ejus exercitium alteri, puta simplici Presbytero committere; quod contra communem Ecclesiæ sensum esse statim apparet, & pugnat cum aliis Richerii verbis.

2. Sed assumenda est jam propositio prout jacet; ut scilicet jurisdictio conveniat *Romano Pontifici, atque aliis Episcopis instrumentaliter, & quoad executionem tantùm.* Quæro igitur quænam sit causa principalis, cujus summus Pontifex, atque alii Episcopi sunt instrumenta? Quis est Dominus, cujus ipsi sunt Ministri? Quis est Judex, cujus ipsi sententias exequuntur? si Christum causam principalem, Dominum, ac Judicem intellexit, verum sensit: sed sibi contradixit. Nam instrumentum à causa principali vim agendi recipit immediatè, Minister, &

Executor à Domini vel Judicis imperio, aut judicio facultatem suam atque auctoritatem immediatè mutantur. Quomodo igitur tota jurisdictione Ecclesiastica primariò, propriè, ac essentialiter Ecclesiæ conveniet? Nisi fortè idem pluribus rebus, ut inter se distinctis, possit competere primariò, propriè ac essentialiter. Si verò causa principalis, Dominus, ac Judex est ipsa Ecclesia: summus Pontifex, atque alii Episcopi non sunt, nisi instrumenta, Ministri, & executores Ecclesiæ, non autem Christi, nisi Ecclesiâ mediante. Hoc autem est contra definitionem Martini V. Papæ, & Concilii Constantiensis, hanc Wiclefi propositionem ordine trigessimam septimam condemnantium; *Nec Papa est proximus & immediatus Vicarius Christi*, & contra plurimas Facultatis Theologice Parisiensis declarationes.

3. Responderet fortassè Richerius, Christum quidem immediatè dedisse jurisdictionem toti Ecclesiæ: ita tamen ut ipsemet assignaret illius instrumenta, Ministros, & Executores; Romanum Pontificem, atque alios Episcopos. Sed recurrit difficultas, cujus scilicet virtute agant illa instrumenta, cujus nomine, atque auctoritate, illi Ministri & Executores? Verùm expendenda sunt argumenta, quibus probatur, *totam jurisdictionem Ecclesiasticam primariò, propriè, ac essentialiter Ecclesiæ convenire*. Palmare illud est, à quo suum orditur Tractatum. *Vulgare*, inquit, *atque indubitata fidei axioma, Deum & naturam prius atque immediatius ad totum suppositum, quàm ad aliquam partem suppositi, quamvis nobilissimam intendere: eamque ob causam, facultatem videndi, v. g. toti datam esse homini, ut per oculum tanquam per organum & Ministrum hominis exerceretur: namper, & propter hominem existit.*

4. Inepta est comparatio Ecclesiæ cum supposito, non solum quia suppositum est quid singulare, Ecclesia autem integra communitas ex multis ac diversis suppositis constans; sed etiam quia, si Ecclesia cum aliquo supposito, seu homine singulari conferatur, non erit ipsa suppositum, sed pars suppositi. Est enim Ecclesia corpus mysticum, cujus spiritus, ac velut anima est ipsemet spiritus Christi, spiritus Sanctus. Undè sicut corpus hominis non est suppositum, sed pars suppositi; ita Ecclesia corpus quidem dici potest, non autem suppositum, si consideretur seorsum à Spiritu quo vivificatur.

Undè

Unde consequitur ulteriùs, quod sicut falsum est, quod totum corpus hominis videat, licet verum sit, quod homo, vel anima videat per oculum, tanquam per organum & ministrum: ita licet dici posset Romanum Pontificem, aliosque Prælatos totius Ecclesiæ organa & ministros esse, si cum hominibus, qui Ecclesiæ corpus constant, intelligatur etiam spiritus Christi, à cuius virtute procedit autoritas Pastorum Ecclesiasticorum, quique cum ipsis baptizantibus baptizat, cum ipsis solventibus, velligantibus solvit, aut ligat; qui denique totius Ecclesiasticæ jurisdictionis Institutor est atque primus autor; tamen falsum est Ecclesiæ Pastores, cum in suos subditos jurisdictionem exercent, ipsorum subditorum, aut etiam omnium simul fidelium, atque in eo sensu Ecclesiæ mera existere organa.

5. Confundit Richerius finem jurisdictionis cum ejus subjecto. Christus Sacramenta, jurisdictionem, & cætera omnia propter totius Ecclesiæ corpus, non autem propter unius alicujus membri, quantumvis excellentis, bonum contulit. Non enim constituta est Ecclesia propter summum Pontificem, sed potiùs summus Pontifex propter Ecclesiam, sicut non fabricatur corpus propter caput, aut cor, sed potiùs caput, cor, & alia omnia membra producuntur, ut corpus integrum ac perfectum efformetur. *Omnia enim* inquit B. Paulus 1. Corint. 3, ver. 22, relatus à Richerio, *vestra sunt, sive Paulus, sive Apollo, sive Cephas, sive Mundus, sive vita, sive mors, sive presentia, sive futura. Omnia enim vestra sunt: vos autem Christi: Christus autem Dei.* Atque in eo sensu certum est; Christum prius, immediatiùs, atque essentialiùs claves, sive jurisdictionem toti dedisse Ecclesie quàm Petro; quia scilicet ultimus finis, atq; adeò in intentione prior, immediatior, & essentialior Christi Ecclesiam instituentis, fuit ipsius Ecclesiæ corporis, non autem solius ejus capitis, aut aliorum præcipuorum membrorum, bonum. At non est quæstio, cui, id est pro cuius bono, aut propter quem finem; sed cui tanquam subjecto cui tanquam œconomo, dispensatori, ac suo Vicario Christus immediatè contulerit potestatem solvendi velligandi? Richerius affirmat, autoritatem illam toti corpori Ecclesiæ immediatè collatam; ejus autem usum duntaxat & exercitium summo Pontifici, & aliis Pastoribus tanquam ministris commissum, illamque sententiam sibi cum schola Parisiensi communem esse jactat, Scholæ Parisiensis

sententiam expendemus inferius. Audiamus modò Richerii probationes.

6. Numero secundo claves B. Petro, nomine totius Ecclesiæ, promissas his verbis Matt. 16. *Et ego tibi dabo claves Regni Cælorum*, vult ordini Hierarchico fuisse collatas: primùm Matt. 18. his verbis; *Dic Ecclesiæ, &c.* Verùm Ecclesiam illic non pro universorum fidelium cœtu, sed pro Superioribus Ecclesiasticis sumi docet S. Joann. Chrysostomus homil. 61. in Matt. ubi hæc verba; *Dic Ecclesiæ*; sic exponit; *Præsulibus scilicet ac presidentibus*. Absurdum esset ita vocem illam, *Ecclesiæ*, interpretari, ut Christus voluerit reos incorrectos apud universum fidelium cœtum accusari. Primò quia impossibile est, ut omnes congregentur in eundem locum. Secundò quia plerique, ut mulieres ac plebei non solùm potestate, sed etiam scientiâ carent. Tertiò quia per Ecclesiam Christus significavit illos tantùm, quibus statim dixit, *Quicumque alligaveritis super terram ligata erunt & in Cælo*; hoc est non omnem multitudinem, sed solos Apostolos, quibuscum loquebatur, eorumque successores. Quartò denique quia constans Ecclesiæ usus est, ut peccatores apud Prælatos Ecclesiasticos, non apud multitudinem, accusentur; nec etiam apud omnes Prælatos simul ac collectivè: alioquin enim convocandum esset Concilium Oecumenicum, quoties Christianus seceret, ac coram testibus frustrà correptus, Ecclesiæ denuntiandus esset, sed apud solùm ejus, qui corripiendus est, Pastorem. Quamobrem S. Thom. 2. 2. quæst. 13. art. 8. ad tertium argumentum ab autoritate S. Augustini in Regula desumptum, ubi in ordine correctionis fraternæ, peccatum prius Præposito, quàm testibus manifestari præcipitur, responderet, *Quod Augustinus intelligit, quod prius dicatur Præposito, quàm testibus, secundum quod Prælati sunt quædam singularis persona, quæ magis potest prodesse quam alii: non autem quod dicatur ei, tanquam Ecclesiæ, id est sicut in loco judicis residenti*. Ac reverà nam apertè hunc sensum præferunt verba S. Augustini, tamque apertè alludunt ad prædictum Evangelii locum, ut nullum possit esse dubium quin per Ecclesiam, Superiorem Ecclesiasticum, seu Canonicum intellexerit; hæc sunt regulæ verba cap. 23. *Antequam aliis demonstretur, per quos convincendus est, si negaverit, prius Præposito debet ostendi, si admonitus neglexerit corrigi, ne fortè possit seceretis*

corrupti innotescere ceteris. Si autem negaverit, tunc neganti adhibendi sunt alii, ut jam coram omnibus possit, non ab uno teste argui, sed à duobus, vel tribus convinci. Convictus verò secundum Præpositi, vel etiam Presbyteri, ad cujus dispensationem pertinet, arbitrium, debet emendator iam subire vindictam, quam si ferre recusaverit, etiam si ipse non abscesserit, de vestra societate projiciatur. Dicitur ergo Ecclesiæ, dum dicitur Prælato tanquam Judici: quia Ecclesia est, in Prælato, sicut in capite.

7. Nec obstat primorum Ecclesiæ sæculorum praxis, cum in fidelium cœtu denunciabantur, & censurâ Ecclesiasticâ percellerantur peccatores incorrecti, ut colligitur ex B. Paulo I. Corin. 5. *Ego quidem absens corpore, præsens autem spiritu, jam iudicavi, ut præsens, eum, qui sic operatus est in nomine Domini nostri Jesu Christi, congregatis vobis & meo spiritu cum virtute Domini nostri Jesu, tradere hujusmodi Satana in interitum carnis: & ex Tertulliano apolog. cap. 39. Coimus in cœtum & congregationem.... ibidem etiam exhortationes, castigationes, & censura Divina. Nam & judicatur magno cum pondere.... summumque futuri judicii præjudicium est, si quis ita deliquerit, ut à communicatione orationis, & conventus, & omnis sancti commercii relegatur.* Hæc, inquam, praxis, non obstat iis, quæ diximus. Judicandi enim autoritas non erat penes fideles quoscumque, sed penes Pastores. *Judicavi*, inquit S. Paulus, non autem *judicavimus* quicumque congregati erant. Et Tertullianus post suprà relata verba, nullo interposito prosequitur; *Præsent probati quisque Seniorum honorem istum, non pretio, sed testimonio adepti. Neque enim pretio ullas Dei constas.* Itaque sicut in Christianorum cœtibus soli Præfecti Ecclesiastici prædicabant, & alias functiones sacras exercebant, ita & pœnas spirituales decernebant. Populus autem aderat tantum testis & approbator, atque ut quod Pastores decernebant, quodque ad se attinebat exqueretur, verbi gratia in vitandis excommunicationis.

8. Secundò, Ecclesiæ datas ait Richerius claves per realem missionem, de qua Luc. 10. legimus; *Designavit Dominus. & alios septuaginta duos: & misit illos binos ante faciem suam, in omnem civitatem, & locum, quo erat ipse venturus.* Verùm hæc discipulorum missio, jurisdictio propriè nuncupari non potest. Non enim

mittebantur ad regendum populum, sed ut illum ad Christum cum fructu suscipiendum præpararent; mittebat namque illos tantum in civitates & loca, quod erat ipse venturus. Sed demus missionem illam, jurisdictionem fuisse: an inde legitimè concludet Richerius illam discipulis *individue & collectivè* datam? Nonne potius significant illa verba; *Misit illos binos*, quod singuli discipuli non erant tantum *instrumenta, Ministri, & executores* totius Collegii, sed Christi. Adde quod illa missio erat tantum temporanea, ad præparandum, ut diximus, populum adventui Christi.

9. Affert deinde hæc Christi verba in Evangelio S. Joannis cap. 17. recitata; *Sicut me misit in mundum, ita & ego eos misi in mundum, & pro eis sanctifico me ipsum, ut sint & ipsi sanctificati in veritate, ut & ipsi in nobis unum sint, ut credat mundus, quia tu me misisti, ut sint consummati in unum, &c.* Quibus verbis, inquit Richerius, liquido demonstratur Christum non tam uni, & soli Petro, quam unitati infallibilem clavium potestatem detulisse. Erravit, aut decipere voluit Richerius, his verbis Christi adstruens infallibilem clavium potestatem unitati delatam. Velenim intelligit sub illa unitate comprehensos etiam laicos: & tunc error est asserere *infallibilem clavium potestatem* etiam ipsis delatam. Idque etiam agnoscere, videtur ipse Richerius, dum paulò inferiùs concludit hoc modo; *Consurgit, totum ordinem Hierarchicum, Episcopali & Sacerdotali ordine, constantem, immediatè, proportionatè tamen, atque subordinatè suam potestatem, & jurisdictionem, hoc est, facultatem regendi Ecclesiam, à Christo derivare;* ubi jurisdictionem penes Episcopos, & Sacerdotes tantum reponit. Sanè discrimen intercedere necesse est, inter eos, qui regunt: Si autem penes omnes fideles esset facultas regendi, quinam essent illi regimini subditi? Nec enim concederet ipsemet Richerius, ita tantum datam Ecclesiæ jurisdictionem, ut ejus regimen Democraticum sit, quale, aut etiam imperfectius sine dubio esset, si ejus participes essent quicumque fideles, etiam laici ac mulieres.

10. Si autem Richerius his Christi verbis; *Omnes unum sint, sicut tu Pater in me, & ego in te, ut & ipsi in nobis unum sint, ut sint consummati in unum*, unitatem ordinis Ecclesiastici tantum significare voluit, ut indicat ejus conclusio, decipere voluit, ac

frau-

fraudulenter prætermisit verbum istum, *Non pro eis autem rogo tantum, sed & pro eis, qui credituri sunt per verbum eorum in me, ut omnes unum sint*, quæ verba apertissime declarant, unitatem illam non esse accipiendam de solo ordine Ecclesiastico, sed de omnibus fidelibus, neque de unitate in consortio jurisdictionis Ecclesiasticæ, sed de unitate charitatis; imò illa verba, *sicut tu me misisti in mundum, & ego misi eos in mundum*, non intelliguntur de missione jurisdictionis, quæ tunc collata sit, ut vult Richerius. Orabat enim tantum Christus pro Discipulis, ut servarentur à malo, quando cum mundo versarentur, atque tanto inter se animorum consensu agerent, ut hinc mundus agnosceret Christum à Patre missum, quippe qui tam intimam inter suos Discipulos concordiam statui sset. Totus ferè illius capitis contextus hanc præfert sententiam. *Non rogo ut tollas eos de mundo, sed ut servas eos à malo. &c.*

11. Citat etiam S. Cyprianum & S. Augustinum relatos 24. quæst. 1. Can. *Quodcumque*. Can. *loquimur*. Can. *Alienus*. Sed illorum Patrum testimonia expendimus lib. 5. & 7. Addit Richerius hæc verba ex capite 20. Joannis; *Sicut misit me Pater, & ego mitto vos: accipite Spiritum Sanctum, quorum remiseritis peccata remittuntur eis, &c.* Undè concludit hoc modo: *Quando igitur missio vera & realis est collatio jurisdictionis, autore Apostolo 10. ad Rom. quomodo igitur predicabunt, nisi mittantur. Christus autem omnes Apostolos atque Discipulos, qui Episcopalem & Presbyteralem ordinem referebant, immediate, individue & collectivè misit sicut à Patre suo, id est cum justa & spiritali auctoritate, ad Ecclesiam regendam necessaria missus fuerat: consurgit, totus ordinem Hierarchicum Episcopali & Sacerdotali ordine constantem, immediate, proportionatè tamen, atque subordinatè, suam potestatem, & jurisdictionem, hoc est facultatem regendi Ecclesiam à Christo derivare.* Non immoramur circa discrimen missionis & jurisdictionis, quæ nonnihil distinguui videntur, nec circa quæstionem, an omnes Apostoli suam à Christo jurisdictionem immediate habuerint, quod etiam nonnulli, licet, ut videtur, sine sufficienti fundamento, negant. Modò enim tantum quæstio est, utrùm Apostolos, & Discipulos, non solum immediate, sed etiam *individue & collectivè*, miserit, quod asserit Richerius. Verùm, primò, si hoc probaret, sibi contradiceret. Hic enim, id est num. 2. statuit ordinem Hierarchicum, imme-

diatè jurisdictionem & facultatem regendi Ecclesiam à Christo derivare : in 1. autem num. tradit totam jurisdictionem Ecclesiasticam *primariò, propriè ac essentialiter Ecclesie convenire. Romano autem Pontifici, atque aliis Episcopis instrumentaliter, ministerialiter, & quoad executionem tantum.* Quomodò enim summus Pontifex & Episcopi facultatem regendi Ecclesiam à Christo immediatè derivarunt, si eis comparatè ad Ecclesiam non competit jurisdictio, nisi instrumentaliter, ministerialiter, & quoad executionem tantum Ecclesiæ autem primariò, propriè ac essentialiter? An causa principalis regitur ab instrumento, Dominus à Ministro, Judex ab executore? An qui habet primariam, propriam, & essentialem jurisdictionem, gubernatur ab eo, qui habet tantum facultatem instrumentalem, ministerialem, ac executivam? Secundò, Si Christus Apostolos atque Discipulos, qui Episcopalem & Presbyteralem ordinem referebant *individue & collectivè* misit, non poterant quidquam magni momenti agere seorsim, sed tantum omnes simul, vel saltem major eorum pars: sicut in Senatu non quilibet, sed omnes vel plures simul Judices Senatus consulta ferunt: si quando autem aliquid seorsim exequuntur, jurisdictione delegatà se id præstare profitentur. At certè Apostoli in convertendis populis, in fundandis, ac regendis Ecclesiis, in ferendis vel tollendis censuris, &c. ab Ecclesia, vel à Collegio Apostolico delegatos se non præstabant. Imò S. Paulus non semel indicat, se ab Ecclesia non fuisse missum, præsertim ad Galat. 1. *Paulus Apostolus non ab hominibus neque per hominem, &c. Cum autem placuit ei, qui me segregavit ex utero matris meæ, & vocavit per gratiam suam, ut revelaret filium suum in me, ut evangelizarem illum in Gentibus: continuo non acquievi carni & sanguini, neque veni Jerusalem ad Antecessores meos Apostolos.*

12. Adjungit Richerius illud D. Pauli testimonium act. 20. *Attendite vobis & universo gregi, in quo vos Spiritus Sanctus posuit Episcopos, regere Ecclesiam Dei.* Verum neque in illo testimonio, neque in aliis à Richerio ex sacra Scriptura suprà relatis, verbum aliquod est quod significet jurisdictionem *individue & collectivè* Apostolis, discipulis, aut Episcopis dariam. Pugnat cum ea sententia etiam locus S. Cypriani, quem citat Richerius ex 24. quæst. 1. can. loquitur, Si enim Episcopatus à singulis in solidum pars tenetur, si,
ut

ut ait alibi idem Cyprianus, *habet in Ecclesia administratione voluntatis sua arbitrium liberum unusquisque, Præpositus rationem altius sui Domino redditurus*; quomodo facultas regendi Ecclesiam data est ipsimet Ecclesie, vel etiam ordini Hierarchico individue & collective?

13. Denique sententiam suam confirmat Richerius auctoritate D. Bernardi lib. 3. de consid. ad Eugenium cap. 4. quod integrum legi optat. Id & nos optamus. Nam in eo capite D. Bernardus indiscretas exemptiones reprehendit, præsertim quod turbent ordinem Hierarchicum, qua occasione dicit, à Deo esse etiam alias à Papali potestate, sed nihil dicit, unde sequatur jurisdictionem convenire Romano Pontifici *instrumentaliter, ministerialiter, & quoad executionem tantum*? Quæ autem sit ipsius eâ de re mens ipsemet explicat lib. 2. de consid. cap. 8. his verbis jam alibi relatis; *Tu es cui claves tradita, cui oves credita sunt. Sunt quidem & alii Cæli janitores, & gregum Pastores, sed tu tanto gloriosior, quanto & differentius utrumque præ ceteris nomen hereditasti. Habent illi sibi assignatos greges singuli singulos, tibi universi crediti, uni unus. Nec modò ovium, sed et pastorum, tu unus omnium Pastor. Unde id probem queris? Ex verbo Domini. Cui enim non dico Episcoporum, sed etiam Apostolorum sic absolute, & indiscrete tota commissa sunt oves? Si me amas Petre, pasc oves meas? Quas: Illius vel illius populos Civitatis aut Regionis aut certi Regni: Oves meas, inquit. Cui non planum, non designasse aliquas, sed assignasse omnes? Nihil excipitur, ubi distinguitur nihil. Sed & in illo ipso capite, quod citat Richerius, sanctus Doctor, licet moneat summum Pontificem, ut potestate suâ in concedendis indiscretè exemptionibus non abutatur, plenitudinem tamen potestatis ipsi non deesse confitetur; *Sic faciendo, inquit, probatis vos habere plenitudinem potestatis, sed iustitia forte non ita. Facitis hoc, quia potestis, sed utrum & debeatis questio est. Ubinam illam plenam potestatem, quam summo Pontifici competere fateatur, in eum ab Ecclesia derivatam asseruit?**

14. Allatis sententiæ suæ probationibus, solvit Richerius duas objectiones seu responsiones sibi contrarias, quarum altera petita est à distinctione fori exterioris, & interioris, in quorum primo jurisdictionem aliqui negant à Christo immediate discipulis collatam, in secundo datam concedunt. Sed cum nos discrimen illud in Apostolorum iurisdic-

jurisdictione non admiserimus, argumentum nobis minimè necessarium defendendum non recipimus. Quod addit se demonstraturum num. 6. facultatem excommunicandi immediatè creditam fuisse Ecclesiæ à Christo, circa illum numerum examinabimus.

15. Altera obiectio seu responsio est, *potestatem jurisdictionis primitivè quidem institutam & collatam Ecclesiæ à Christo, sed ea lege, ut postmodum per Romanos Pontifices Petri Successores, propagaretur, atque aliis Episcopis communicaretur: eamq; ob causam omnem auctoritatem hinc hodie repeti ac derivari.* Jurisdictionem toti Ecclesiæ, prout Laicos etiam complectitur datam negamus; concedimus autem datam Apostolis, *non individue & collectivè* juxta Richerii sensum, ità scilicet, ut non exerceretur à singulis, nisi instrumentaliter ministerialiter, aut quantum ad executionem; sed ità ut possent vel singuli, vel omnes simul, eà uti; cum hoc tamen discrimine, quod plenitudo jurisdictionis in B. Petro esset ordinaria, & ad suos successores transmittenda; in aliis autem Apostolis extraordinaria, & delegata; ità ut nullius eorum successores in toto orbe indistinctè possent Ecclesias fundare, vel regere, sed in ea quisque dumtaxat parte, quæ sibi fuisset assignata. Nec contrarium probat Richerius,

16. Jurisdictionem etiam per Romanos Pontifices Petri successores propagari, atque ab aliis Episcopis communicari defendimus lib. 8. superest ut responsionem à Richerio in hoc num. 2. allatam consutemus. *Respondetis, inquit, praxi Ecclesiæ primitivæ & sacris Canonibus, exploratissimum esse collationes beneficiorum, sicut nunc ea vocitant, quadringentis & mille annis, communi jure, hoc est sacrosanctis electionibus, factas: ratio est, quoniam omnis principatus, quoad vim coactivam, ab hominum consensu pendet, ut lex Divina & naturalis confirmat.* Ergo à tempore quo Ecclesiæ Cathedralibus Regni Franciæ non providetur per electiones, Episcopi Gallicani nullam vim coactivam habuerunt, siquidem ferè semper hæcenus restitit Ecclesiæ Gallicana electionum abrogationi. Si Prælatorum potestas à subditorum consensu pendet, & illa perpetendiale lege Divina & naturali confirmatur; cum adversum eas, neque spacia temporum, neque privilegia locorum, neque Dignitatum personarum nunquam præscribere possint, nunquam poterunt Gal-

li suis Episcopis excommunicari, aut aliâ censurâ Ecclesiasticâ puniri, donec liberum consensum præstiterint. Adhuc enim certo non constat, an illi, ad quos pertinebat jus eligendi, liberè consenserint cum Clerum, alioque Ordines videamus variis protestationibus & supplicationibus adversum electionum abrogationem intercessisse.

17. Sed nec electio, præsertim quando fit à populi communitate, jurisdictionem ante confirmationem absolute Prælati tribuit; atque adeò, nec jus condendarum legum, infligendarum poenarum spiritualium, &c. Quin etiam, si jurisdictio per electionem conferretur, sequeretur juxta mentem Richerii alium Ecclesiæ consensum desiderari, ut Prælati possent leges instituere, ac censuris plectere; adhuc enim, ut ipse ait num. 8. *Ecclesiam inconsultam, dissentientem, invitam vel inauditam obligare nequirent: quia leges sunc instituntur, cum promulgantur, firmanantur, cum moribus utentium approbantur.*

C A P U T II.

De Ecclesiæ definitione à Richerio tradita; De Ecclesiæ Capite, necnon de ejus statu & regimine. Ad num.

3. 4. & 5. Richerii.

1. **E**X his, quæ Richerius duobus primis numeris superiori à nobis capite discussis, ceu fundamenta jecit, quasdam conclusiones, quas ille principia vocat, directè & necessariò se colligere asserit. Primum illud principium est Ecclesiæ definitio, quam toti operi præfixam hic num. 3. repetit; scilicet; *Ecclesia est politia Monarchica, ad finem supernaturalem spirituales insinua, regimine Aristocratico, quod omnium optimum & natura convenientissimum est, temperata à summo animarum Pastore Domino nostro.* Si Joannes Launoïus eodem affectu fuisset erga Richerium, quo erga Bellarminum, in hanc definitionem justiori zelo invecus fuisset, quàm in eam, quæ à Bellarmino tradita est. Qui enim integrâ & prolixâ epistolâ, quæ est in par. 8. & ad Nicolaum Gatinazum inscribitur, tot tantaque testimonia congregavit, ut probaret in Ecclesiæ

definitionem non contineri ejus statum, aut regimen, cujus in ea describenda meminerat Bellarminus, quomodo putandus est probasse definitionem, quæ nil aliud, saltem directè, complectitur? sed insensus erat Papæ Monarchiæ Richerius, eam propugnabat Bellarminus: idèò libentibus ulnis excepit illius dogmata Launoius, quæcumque excepit; quæ non potuit excipere, subtrixit: Bellarmini, si quos invenire potuit novos, quàm diligenter explicuit, doctrinam, exemplo Richerii, quanto valuit conatu, licet parum efficaci, impugnavit.

2. Posset tamen veram habere sententiam Richeriana Ecclesiæ definitio, si sanè intelligeretur. Verus enim ejus sensus est, Ecclesiam esse communitatem ab uno solo supremo Pastore gubernatam, nempe Romano Pontifice; ita tamen, ut illius communitatis regendæ participes sint alii Pastores, præsertim Episcopi, qui auctoritate ordinariâ, & propriâ, non vicariâ solùm, seu delegatâ, portionem gregis Christi sibi commissam regant, ac supremo Pastori, in Conciliis præsertim universalibus, non solùm tanquam Consilarii, sed etiam tanquam Judices ad determinanda, quæ ad Ecclesiam universalem spectantia proponuntur, assideant. Itaque Ecclesia est politia Monarchica, quia unus ei præsidet Monarcha. Est etiam regimine Aristocratico temperata, quia Episcopi, præterquam quod suis Diocesisibus præsident, rerum etiam ad universalem Ecclesiam spectantium, dum in Conciliis Oecumenicis legitimè proponuntur, participes fiunt.

3. Sed alio in sensu definitionem illam intellexit, si tamen intellexit, Richerius. Primò enim incertum est, quid intendat definire. Nam Ecclesiæ nomine universos fideles cujuscumque sexûs, statûs, aut gradûs complecti videtur numero primo, ubi Ecclesiam, cui convenire ait totam jurisdictionem Ecclesiasticam primariò, propriè, ac essentialiter distinguit à Romano Pontifice, atque aliis Episcopis, quibus illam facultatem non nisi instrumentaliter, ministerialiter, & quoad executionem tantùm concedit, & luculentius numero primo, ubi Ecclesiam explicat de cœnæ *Fidelium, sive de Christiana Republica, cujus unicum & solum caput, ac fundamentum essentiale est Christus Dominus*. Et adhuc magis expressè in fine numeri quarti, ubi Ecclesiam sic explicat, *id est universos Christianos*: numero autem secundo, Ecclesiam ad solum ordinem Hierarchicum,

Epis-

Episcopali, & Sacerdotali ordine constantem, restringere videtur; aliquando autem, ut num. 15. & seqq. modò unum, modò alterum indiscriminatim significat.

4. Secundò non Ecclesiam, sed ejus regendæ rationem definire videtur Richerius, quando ait, quod est *politia Monarchica*. Politia enim communitatem, non tam aptè denotat, quàm gubernandæ communitatis modum.

5. Tertiò Monarchiam Ecclesiasticam explicat respectu Christi. Statim enim post definitionem, de ipso addit; *Qui Rex est, Monarcha, Dominus absolutus, Fundator, Petra, & Caput essentielle Ecclesia; ac absolutum sive purè Monarchicum in eam habet imperium*. Quasi verò possit aliquod regimen, etiam Aristocraticum, aut Democraticum, non esse Monarchicum in eo sensu; cùm universus mundus, etiam prout complectitur Angelos, unicum habeat Rectorem, Deum, qui est Dominus absolutus, Creator, Conservator, Gubernator, Rex, Monarcha, absolutum in omnia imperium obtinens. Sed, dum de politiarum differentia tractatur, queritur, quis sit communitatis Rector immediatus, ac intra communitatem ipsam, an unus, an plures? Dum igitur de politia Ecclesiastica est quæstio, à quo visibilis Ecclesia visibiliter regatur, inquiritur. Itaque perperam concludit Richerius; *Istinc verò inducimus, hunc fidei articulum, credo unam sanctam Ecclesiam Catholicam, esse veritatis sempiterna: propterea quod lege Evangelica stante, Christus divortium cum Ecclesia sponsa facere non potest*. Si enim unitas Ecclesiæ ab unitate ejus sponsi Christi dumtaxat peteretur, ruerent argumenta sanctorum Patrum adversus Schismaticos: isti enim à Christo nequaquam recedere se profitebantur, sed vel à Romano Pontifice, vel ab Ecclesia, cujus erat ipse Caput visibile. Quamobrem illi etiam, qui Romani Pontificis Dignitatem & auctoritatem minùs explicuisse videntur, Beato Petro, & ejus successoribus primatum à Christo collatum docent ad constituendam in Ecclesia unitatem, & tollendam schismatis occasionem.

6. Nec obstat, quod objicit Richerius, Sedem Apostolicam aliquando tres, aliquando septem annos vacasse. Non enim tanta est capitis moralis, quanta naturalis necessitas.

Zzz 2

Re-

Resecto capite naturali, ne uno quidem momento corpus vivere potest : at verò non perit corpus civile, deficiente Rectore; imò nec statum suum propriè amittit. Mortuo enim Imperatore, vel Rege per electionem creari solito, non statim definit Monarchia, sufficit enim quod communitas per Imperatorem aut Regem gubernari soleat, ut ejus politia Monarchica censeatur & dicatur; etiam in illo intervallo inter prioris Imperatoris vel Regis mortem, aut destitutionem, ac novi electionem, seu institutionem.

7. *Quartò.* Inconsequenter addit Richerius, politiam Monarchicam, quâ definit Ecclesiam, esse regimine Aristocratico temperatam. Si enim Monarchiam intelligit respiciens ad Christum Monarcham, incongruenter illius potestatem regimine Aristocratico temperatam dicit. Ejus enim authoritati obsequuntur, non eam temperant ejus Ministri. Si Romanum Pontificem Monarcham esse sensit, incongruenter etiam locutus est. Nam si tota jurisdictio Ecclesiastica primariò, propriè, ac essentialiter Ecclesiæ convenit: Romano autem Pontifici, atque aliis Episcopis instrumentaliter, ministerialiter, & quoad executionem tantùm, sicut facultas videndi oculo, quemadmodum num. primo scripsit Richerius, politia Ecclesiastica nec Monarchica est, nec Aristocratica, imò nec propriè Democratica. Ecclesia enim ex Clericis & Laicis, ex viris & mulieribus constat; atque adeò magis propriè Pantocratica, vel saltem Democratica, regimine Aristocratico temperata diceretur: siquidem summus Pontifex est *caput ministeriale*, vel symbolicum, ac quasi figurativum dumtaxat: plenitudo autem jurisdictionis in Ecclesia residet.

8. *Secundum principium*, inquit Richerius num. 4. *docet D. Petrum esse tantummodo dispensatorem, & caput ministeriale, non Dominum, aut fundatorem Ecclesiæ: hoc enim uni & soli Christo capiti essentiali, per quem & propter quem subsistat Ecclesiæ, competit.* Hoc certè verissimum est. Nec justè reprehenderetur Richerius, si illius principii fines non excederet. Summus enim Pontifex cum Christo comparatus, est tantummodo dispensator & Minister, non Dominus, aut fundator Ecclesiæ: Christi est Ecclesiæ: ejus sunt oves & agni. Verum etiam est, quod subjungit Richerius;

rius; regimen Pastorum Ecclesiasticorum differre à seculari, ac modestius & suavius esse debere: non tamen inde consequitur, regimen Ecclesiasticum esse Aristocraticum in eo sensu, quem explicat numeris seqq. aut non posse summum Pontificem, quos voluerit, in partem solitudinis vocare, eosque jurisdictionis participes facere, quod videtur negare Richerius.

9. Inepre autem in fine hujus num. 4. ac sine præcedentis notat præceptum habendi Pontificis, ad semper, non pro semper obligare. Quorsum enim illa distinctio inter præcepta affirmativa & negativa assignari solita? Non agitur hic de præcepto habendi Pontificis, ut sciamus intra quod tempus debeat eligi, aut utrum peccent ejus electores, si per aliquod tempus Ecclesiam capite carere permittant. Quæstio est an Ecclesia comparata ad suum caput visibile vera Monarchia dici queat; posse autem supra ostendimus, etiam per illa intervalla, quibus sancta Sedes vacat.

10. *Tertium principium*, inquit Richerius num. 5. *statum Ecclesia ab ejusdem regimine distinguit: status enim Monarchicus est tam ad unitatem atque ordinem vindicandum, cum ad executionem Canonum, qua Romano Pontifici, velus Capiti ministerialis congruit: regimen verò Aristocraticum, propter solidam providentiam, efficax consilium, & constitutiones eorundem Canonum: quam ob causam num. 1. diximus, claves toti datas fuisse Ecclesia, ut per unum exercerentur.* Difficile captu est quid sibi velit illa distinctio inter statum & regimen, ac quomodo status Ecclesiæ Monarchicus sit; regimen verò Aristocraticum. Status enim propriè designare videtur, penes quos residere censeatur quasi permanenter, & immobiliter summa regendæ communitatis potestas. Regimen verò ipsius potestatis exercitium. V. g. Gallia status est Monarchicus, quia suprema potestas in uno scilicet Rege, stat; regimen verò aliquatenus Aristocraticum est, quando Rex cum Comitiorum aut Parlamentorum consilio & assensu Regnum administrat. Videtur autem vox illa, *statum*, aliquid immobilius & constantius significare, quam regimen, quod permanente statu variari potest; ut in Gallia, permanente semper statu Monarchico Rex aliquando Comitiorum aut Senatum consilium & assensum postulat, aliquando de plenitudine potestatis & autoritatis regit,

non expectato cujusquam consensu, seu edicta exequenda præcipit. Si ergo *tota jurisdictio Ecclesiastica primario, & essentialiter Ecclesia convenit*, ejus status non rectè Monarchicus dicitur: è contra verò si Romanus Pontifex, velut caput ministeriale executioni Canonum Ecclesiæ supremâ autoritate incumbit, Ecclesiæ regimen Monarchicum convenientius appellatur.

11. In summa, politiæ differentia essentialiter petitur, non ab iis, per quos instrumentaliter, ministerialiter, & executivè jurisdictio exercetur; sed ab iis, quibus primariò, propriè, ac essentialiter convenit jurisdictio; itaque, si potestas suprema sit penes unum, quamvis plurimis instrumentis, ministris & executoribus utatur, erit Monarchia; si potestas suprema sit penes Optimates, erit Aristocratia; si penes populum, Democratia, quamvis Optimates, aut populus unico magistratui jurisditionis exercitium committant, dummodò supremam apud se facultatem retineant præscribendarum, etiam illi magistratui, legum. Quis enim aut Regnum Galliæ Monarchicum esse neget, etiamsi aliquid de Aristocratia immixtum appareat, & Senatus edicta Regia quodammodò confirmet; & executioni mandati faciat? Quis Reipublicæ Venetæ politiam, Monarchiam appellet, etiamsi Dux à Republica electus maximum in singulos civis imperium obtineret, cum ipsius autoritas autoritati Reipublicæ subsit. Si ergo summi Pontificis, & Episcoporum jurisdictio totius Ecclesiæ jurisditioni subjacet, in definiendâ politiâ Ecclesiasticâ, tota Ecclesia est attendenda, non autem soli Pastores,

12. *Qua autem, inquit Richerius eodem num. 5. ratio Oecumenici Concilii ad Romanum Pontificem, eadem quoque & Synodorum particularium ad suos Episcopos, quoniam particulares Ecclesias itidem Canone, non absolutâ potestate, à propriis Episcopis gubernari oportet. Viderint Illustrissimi Præfules Gallicani quid de hac Richerii doctrinâ sentiant. Licet enim antea Concilii tantum Oecumenici, & Provincialis expressam fecerit mentionem; propositio tamen ista, & ejus confirmatio in Synodis etiam Diocesanis locum habet. Porro, si eadem est ratio Synodi particularis ad Episcopum, quæ Concilii Oecumenici ad Romanum Pontificem, jurisdictio Episcopalis primariò, propriè, ac essentialiter Diœcesani convenit, aut Diœ-*
cescos

seos Clero ; (nam in hoc etiam num. dubium est quo in sensu Autor Ecclesiam sumat) Episcopo autem, atque Curatis, saltem seorsim consideratis, *instrumentaliter, ministerialiter, & quoad executionem tantum.* Atque sicut Concilium Oecumenicum summo Pontifice superius est, & potest etiam ipsum deponere, si Galles credimus ; ita etiam & Synodus particularis suo Episcopo præminebit ; ipsumque poterit exautorare.

13. Nec dicas Episcoporum dispositionem à Conciliis Oecumenicis esse summo Pontifici, aut ut vult Joannes Gerbais, Conciliis Provincialibus reservatam. Jus enim Conciliorum particularium, perinde atque Generalium, lege Divina & naturali constitutum esse, illique derogari non posse, reponet Richerius. Subjungit enim ; *Porro Senatum aut Consilium nativum Ecclesie à Domino institutum vocamus, non modò Episcopos, verum etiam omnes Presbyteros, curam animarum habentes : quorum illi Apostolis, hi verò septuaginta duobus discipulis successerunt dist. 68. Choriepiscopi 16. quest. 1. can. Ecclesia ; & dist. 23. Can. Presbyter.* Ne autem putares in illo regimine Presbyteros Episcoporum tantum fuisse Ministros, addit ; *Etenim quondam Presbyteri Ecclesiam in commune regebant, ut D. Hieronymus autor est. can. legimus, dist. 93.*

14. Si autem istes Presbyteros, quantumvis curam animarum habentes, cum septuaginta duobus discipulis tantum succedant, inferiores esse Episcopis Apostolis succedentibus in regimine populi Christiani ; facilis erit Richerio responsio ; de singulis quidem Presbyteris id verum esse, non autem de toto illorum cœtu ; sicut singuli Episcopi jure Divino summi Pontificis jurisdictioni subsunt ; at verò in Concilio Generali congregati, majorem habere potestatem dicuntur.

15. Ego certè illam propositionem Richerii, *quæ est ; ratio Oecumenici Concilii ad Romanum Pontificem, eadem quoque & Synodorum particularium ad suos Episcopos,* admittens, non concludo ; *Ergo jurisdictio Episcopalis subjacet Synodo particulari, sicut Papa potestas, potestati Concilii Oecumenici ;* sed potius ; *Ergo jurisdictio Romani Pontificis non subjacet Concilio Generali, sicut nec Episcopalis Concilio particulari.*

CAPUT III.

Penes quem sit infallibilis potestas decernendi, aut constituendi Canones. Ad num 6. Richerii.

1. **Q**uartum Richerii principium est; *Infallibilem potestatem decernendi, aut condendi Canones esse penes totam Ecclesiam, aut Generale Concilium illam representans.* Ea propositio primo aspectu videtur negari non posse. Quis enim Catholicus diffiteatur totam Ecclesiam, & Concilium generale infallibile Spiritus Sancti assistentiâ ab omni errore circa fidem & mores essetura. Verum errat Richerius. si Ecclesiam à Concilio Generali distinguens, intendit, ut videtur, potestatem illam infallibilem discernendi non penes solos Pastores esse; sed etiam penes populum. Non enim ad Laicos, multò minùs ad mulieres, pertinet *infallibilis potestas decernendi, aut condendi Canones*, quantumvis Ecclesie membra sint. Concilium etiam Generale, si sine summo Pontifice accipiatur, quando is certus & legitimus existit, infallibili illâ potestate caret; imò nec Concilium verè Generale nuncupatur. Ut igitur hoc Richerii principium verum sit, ita est intelligendum, ut Concilium verè Generale, vel etiam universitas Pastorum Ecclesie extra Concilium, infallibilem potestatem habeat decernendi, aut condendi Canones. Et, si (quæ suppositio est omninò impossibilis) universitas Pastorum erraret in decernendo; universitas tamen fidelium non posset errare in acceptando aliquod Decretum, aliquemve Canonem fidei aut bonis moribus contrarium. Itaque infallibilitas activa penes universitatem Pastorum, passiva verò penes universitatem fidelium existit.

2. Sed latet in illa Richerii propositione, vel potius appareret in ejus probationibus, exclusio summi Pontificis extra Concilium Generale, ab illa infallibilitate activa decernendi, aut condendi Canones. Quamobrem expendendæ sunt ejus probationes: præsertim cum propositioni supradictæ addat; *Quæ in re natura regiminis Aristocratici potissimum consistit.* Nescio

autem, an, infallibilem potestatem decernendi, aut condendi Canones penes Generale Concilium reponens, intelligat hanc *convenire Romano Pontifici, atque aliis Episcopis in Concilio Generali congregatis primariò, propriè, ac essentialiter; an instrumentaliter, ministerialiter, & quoad executionem tantùm. Si primariò, &c. retractat quod num. 1. dixerat, Ecclesiam à Rom. Pont. aliisque Episcopis distinguens, & Ecclesiæ quidem primariò, &c. jurisdictionem tribuens, Romano autem Pontifici, atque aliis Episcopis instrumentaliter, &c. tantùm, nisi Ecclesiam illic intellexerit, Romanum Pontificem atque alios Episcopos collectivè, illos. à se ipsis divisivè consideratis, distinguens. Sed, si ea fuit ejus mens, Ecclesiam propriè dictam non designavit definitione illâ, quam libelli sui fronti præfixit, & numero tertio repetiit. Romanus enim Pontifex, atque alii Episcopi, etiam in Concilio Generali congregati non sunt Ecclesia, nisi representativè. Est enim Ecclesia omnium fidelium congregatio. Si autem infallibilem illam potestatem Romano Pontifici, atque aliis Episcopis in Concilio generali congregatis primariò & propriè non convenire sensit, adversatur pluribus Conciliorum Constantiensis & Basileensis Decretis; atque ad eò à multis in Gallia hæreticus erit censendus, Sed expendamus probationes ejus propositionis, quam dicit partim Divino, partim naturali lumine demonstrari.*

3. A lumine naturali hoc ducit argumentum; *Oculi quàm unius oculus, longius atque acrius prospiciunt: ac nemini uni ne superbiret, à Deo, vel à natura datum est, ut sapiat.* Verùm, licet in definiendis fidei ac morum quæstionibus, ratione uti necesse sit: si quis tamen solâ ratione Decretorum, seu Canonum certitudinem metiatur, probabiliora erunt Conciliorum Generalium judicia, quàm singularium Doctorum; sed ad infallibilem certitudinem non pertingent. Quamvis enim Augusti illi cœtus plurimis consent viris doctrinâ & sapientiâ conspicuis; nihilominus absunt ab iis Doctores, interdum etiam Episcopi numero plures, doctrinâ & sapientiâ non inferiores, qui, si aliis accessissent, tora illorum congregatio longius atque acrius prospexisset, quia pluribus oculis; minusque superbi rent singuli, si non nisi in majore congregatione saperent. Non igitur soli multitudini adscribenda est infallibilis

potestas decernendi; (quamquam numerus & meritum Episcoporum ad excitandam debitam Concilio reverentiam non parum conferant) sed Divinæ promissioni, quā certis sumus, neque Pastorum universitatem moraliter sumptam fidelium universitati aliquid sanæ fidei, aut probis moribus contrarium proposituram, neque fidelium universitatem tale quid suscepturam. Quamobrem etiam in summo Pontifice aliquid Ecclesiæ universalis proponente non est attendendum, an unica sit persona, sed utrum ei Christus in Beato Petro promiserit fidem nunquam defecturam: non utrum à natura, sed utrum à Deo datum ei sit ut sciret, etiam sine omnium aliorum Pastorum consilio.

4. A Divino lumine dictum suum confirmat Richerius, allegans 1. autoritatem Beati Pauli 1. ad Cor. ex cujus cap. 12. profert hæc verba, sed interpolata; *Corpus Ecclesiæ non est unum membrum, sed multa: si totum corpus oculus, ubi auditis. Oculis caruisse videtur Richerius hæc scribens, quandoquidem non vidit, illum Apostoli locum manifestè sibi adversari. Sienim totum corpus Ecclesiæ non est oculus, sed aliqua ejus membra oculorum officio funguntur, non ad totam Ecclesiam, quatenus complectitur laicos, qui sunt inferiora ejus membra spectat videre ac decernere, sed ad Pastores tantum, qui sunt Ecclesiæ oculi, ut observant sancti Patres, nominatim Divus Gregorius Pastoral. cap. 1. Nec video quid concludere potuerit Richerius circa infallibilem potestatem decernendi, aut con-
dendi Canones ex relatis Apostoli verbis. Addit ex ejusdem Beati Pauli Epist. cap. 14. vers. 32. *Spiritus Prophetarum Prophetis, id est Ecclesiæ, interpretante Richerio, subiectus est. Germanus illorum verborum sensus est, ut optimè ibi explicat S. Thomas, Prophetas non ita spiritu Prophetiæ abripi, ut nequeant impetum dicendi cohibere; aliisque loquendi locum dare, quod & antecedentia & subsequenta manifestè probant. Præcedit enim; Quod si aliis revelatum fuerit sedenti, prior taceat. Potestis autem omnes per singulos prophetare, ut omnes discant, & omnes exhortentur. Vers. 30 & 31. sequitur autem; Non enim est dissensionis Deus, sed pacis vers. 33. Neque fideliter verba B Pauli retulit Richerius, non enim in numero singulari dicit Apostolus; *Spiritus Prophetarum Prophetis***

Prophetis subjectus est : sed in numero plurali ; *Spiritus Prophetarum Prophetis subjecti sunt*, quâ loquendi formâ Apostolus apertius significat, quod antea diximus, Prophetas esse sui compotes in prophetandi usu. Non nego tamen quin totum Prophetarum collegium de singulis, qui de Spiritu Prophetie afflatos dicebant, iudicaret an à bono Spiritu moverentur, id enim docet Apostolus vers. 29. *Propheta autem duo aut tres dicant, & ceteri dijudicent*. Sed licet quod de Prophetis dicitur, Pastoribus & Doctoribus, à quibus eos Apostolus cap. 12. vers. 28. & 29. distinxit, accommodet Richerius, quid aliud inferre poterit, nisi, congregatis in Concilio Pontificibus, singulorum suffragia totius cœtus censuræ esse obnoxia; atque adeo infallibilem potestatem decernendi penes totam congregationem existere, quod singulari summi Pontificis privilegio non præjudicat. Hic rursus repetit verba S. Cypriani; *Episcopatus unus est, cujus à singulis in solidum pars tenetur* 24. *quæst. 1. can. loquitur*. Vix enim aliud alicujus momenti reperiat, præter obscuram illam Cypriani, jam tum errorem de iterando Hæreticorum baptismo defendentis, autoritatem, ad adituendum regimen Aristocraticum eo sensu quo explicat; quam tamen S. Cypriani autoritatem Pontificiæ authoritatis impugnatores parum juvare jam alibi ostendimus.

5. Prosequitur Richerius; *Itaque quod omnes tangit, necessum est ab omnibus quoque comprobari*. Ergo cum fideles tangat, necessum erit ab omnibus quoque comprobari, hoc est Clericis & Laicis, nobilibus & plebeiis, viribus & mulieribus. Ergone, donec accesserit illa comprobatio, incerta erunt Conciliorum Generalium Decreta? Id ex Richerii ratione sequitur. Addit enim; *Cum præsertim omnis Pontifex ex hominibus assumptus, circumdatus sit infirmitate: ac proinde fallere & falli potest, nisi Ecclesiam columnam & firmamentum veritatis* 1. *ad Tim. 3. in consilium adhibeat*. In eo enim loco Ecclesia pro universo fidelium cœru accipitur, non pro Concilio generali: Paulus quippe Timotheum instruebat, quomodò se habere deberet, non in Concilio generali, sed in Ecclesiâ Ephesinâ, non seorsum ac separatim ab aliis Ecclesiis consideratâ; quandoquidem Ecclesiam particularis Ephesiorum non erat *columna & firmamentum veritatis*, ut ejus in errorem lapsus comprobavit, sed cum quodam respectu ad

alias Ecclesias, cum quibus constituebatur corpus Ecclesie universalis, quæ non errandi privilegio gaudet. *Hæc tibi scribo, inquit, sperans, me ad te venire citò. Si autem tardaverò, ut scias quomodo oporteat in Domo Dei conversari, quæ est Ecclesia Dei vivi, columna & firmamentum veritatis.* Tradit autem illi monumenta, non solum circa Episcopos & Diaconos, sed etiam circa mulieres, ut Ecclesia de solo ordine Hierarchio non possit accipi. Quo autem sensu Ecclesia sic accepta sit columna & firmamentum veritatis §. 1. innuimus.

6. Observat præterea Richerius, quod Ecclesia, non uni & soli Petro, Dominus in Cælum ascensus Spiritum veritatis pollicetur Joan. 14. vers. 16. *Ego rogabo patrem, & alium Paracletum dabit, ut maneat vobiscum in æternum, Spiritum veritatis.* Frustrà probat Spiritum Sanctum omnibus Apostolis datum. Quis enim hoc negat; sed, ut suum scopum attingeret, ostendendum ulterius esset, Spiritum Sanctum B. Petro, aut aliis Apostolis non astitisse, nisi individue & collectivè.

7. Et si Richerius Ecclesie definitionem toti operi suo præmiserit, quasi omnium dicendorum principium & fundamentum; tamen omninò incertum est, quid definire voluerit, ut jam non semel observare licuit. Cùm rei definitio traditur, nomen in propria significatione intelligitur. Itaque cùm Ecclesia propriè sumpta, sit omnium fidelium congregatio; Concilium autem Generale non dicatur Ecclesia, nisi repræsentativè: dum Ecclesia simpliciter & absolutè describitur de omnium fidelium congregatione, non de Concilio Generali accipienda est descriptio, nisi adjungatur aliquid quo vocis illius significatio determinetur. Richerius autem modò in isto, modò in altero sensu Ecclesiam accipit, etiam in hoc numero sexto. Nam initio *totam Ecclesiam & Generale Concilium illam representans*, expresse distinguit: post testimonium à sancto Joanne suprà relatum, adjungit; *Item Matth. 18. Ecclesiam sibi ipsi sufficientem & Architectonicen, infallibilis Tribunalis erectione constituit.* Fateor me non intelligere quid sibi velit Christum Ecclesiam sibi ipsi sufficientem constituisse. Non enim his verbis excludit Richerius indigentiam Divini regiminis: cujus autem alterius opè indigeret Ecclesia? Non enim

extra

extra ipsam sunt, nisi Infideles, vel qui ab ejus corpore per schisma recesserunt, vel per excommunicationem resecti sunt, quorum certè omnium ductum non est opus Ecclesiæ. Quà igitur ratione potuit Dominus Ecclesiam sibi ipsi sufficientem non constituere. Ex scopo Richerii videtur ipsum ita interpretandum esse, ut voluerit Ecclesiam sibi ipsi sufficientem esse constitutam, ut non egeret regimine summi Pontificis; quasi summus Pontifex esset extra Ecclesiam, aut ejus regimini superfluous; frustra quæ Beato Petro dictum fuisset; *Super hanc petram edificabo Ecclesiam meam. Tibi dabo claves Regni Cælorum. Confirma fratres tuos. Pasce oves meas.* Facilius capitur Richerius dicens Christum Ecclesiam constituisse architectonicen. Hoc enim nomine vocant Philosophi artes, quæ cæteris imperant tanquam Ministris fini suo deservientibus, sicut Equestris imperat frænofactoriæ. Ita enim Richerius totam jurisdictionem Ecclesiasticam primariò, propriè, ac essentialiter Ecclesiæ; Romano autem Pontifici, atque aliis Episcopis instrumentaliter, ministerialiter, & quoad executionem tantum tribuit n. 1. primo, verum id jam confutavimus.

8. Sed quomodo Ecclesiam Architectonicen infallibilis Tribunalis erectione constituit Dominus? An Ecclesiam formaliter sumptam: an Concilium Generale ipsam repræsentans? Quomodo id factum narrat Richerius, *Dum*, inquit, *B. Petrum rescire gestientem, quoties fratri suo peccanti indulgeret, in hunc modum informat: si peccaveris in te frater tuus, vade, corripe eum inter te & ipsum solum, &c. si Ecclesiam non audierit, sis tibi sicut Ethnicus & Publicanus: Amen dico vobis, quæcunque alligaveritis super terram, erunt ligata & in Cælo, &c. Iterum dico vobis, quia si duo ex vobis consenserint super terram de omni re, quamcunque petierint, fiet illis à Patre meo, qui in Cælis est: ubi enim duo vel tres congregati in nomine meo, ibi sum in medio eorum.* Hujus testimonii occasione videtur Richerius explicare velle, quid Ecclesiæ nomine intellexerit. Sed nescio an non doctrinæ suæ densiores injiciat tenebras. Prosequitur enim; *Quo ex proloquio discimus; Christum immediatè concessisse ordini Hierarchio, quem hic nomine Ecclesia designat, facultatem excommunicandi.* Ex his inferendum videretur, Richerium, dum num. 1. dixit, quod tota jurisdictio Ecclesiastica, primariò, propriè ac essen-

utrum scilicet ex ejus mente Christus aliquam jurisdictionem tribuerit singulis Curionibus, Episcopis, ac Pontificibus Romanis immediate; an verò soli Concilio Generali. Si tribuit singulis: ergo ipsis non competit *instrumentaliter, ministerialiter, & quoad executionem tantum*, saltem prout idem significat atque immediate, *proprie, ac essentialiter*. Si non tribuit immediate, non potest Curio, Episcopus, vel Papa judicare, nisi ex delegatione Concilii Generalis, atque aded congregandum erit Concilium Oecumenicum, ut Curioni, Episcopo, vel Papæ committat examen fratris in alium peccantis.

11. Respondebis fortè pro Richerio, generalem ad hoc commissionem à Conciliis Generalibus datam. Sed primò, ubinam est expressa? Nam si qua hujus rei sit mentio in Conciliis Generalibus, ea nequaquam commissio est, sed proprii officii commonitio; Secundò antequàm haberentur Concilia Generalia, cujusmodi erat jurisdictio Curionis, Episc aut Papæ contra reos procedentis? Tertiò quis unquam Curio (ex mente Richerii loquor, dum Curionibus jurisditione contentio solum tribuere videor) Episcopo aut Papa proprios subditos puniens, scà Concilio Generali delegatū existimavit?

12. Prosequitur Richerius; *Statim atque Dominus hoc protulit oraculum, dic Ecclesia: continuo pluraliter subjungit, Amen dico vobis, quacumque alligaveritis super terram, &c.* Unde liquidò apparet, ibi formaliter & propriè nō agi de Ecclesia pro unico homine, sed pro pluribus una congregatis. Eximium ratiocinandi genus! An ex eo quod in loco relato pluriū fiat mentio, sequitur alibi Petro non fuisse dictum, *Super hanc petram adificabo Ecclesiam meam, & tibi dabo claves Regni Cælorum*: rursus alibi; *Confirma fratres tuos*. Alibi denique; *Pasce oves meas*.

13 Sed mirum in modum sese in sequentibus implicat Richerius. Nam postquam probavit, quod Dominus, impartitur Ecclesia facultatem sese congregandi in Concilium, atque infallibiliter decernendi, (dum scilicet verbis suprà relatis ex Matth. addit; *Iterum dico vobis, quia si duo ex vobis consenserint super terram, &c.* Ubi enim sunt duo vel tres congregati in nomine meo, ibi sum in medio eorum) notat Christum in hoc textu numerum certum pro incerto, ac minimū numerorum ideo expressisse, quo omnem tergiversandi occasionē pigriosis hominibus eriperet: ostenderetq; ad justam Ecclesiam moderationem, non minus tantam Rom. Pont. sed ita aut duorum ad minus consensum

consensu & concordiam requiri. Certè si duorum consensus sufficiat, frustra desudavit Richerius, ut summi Pontf. auctoritatem impugnet. Nunquam enim Papa Decretum circà fidem aut mores edit, quin alium saltem sibi consentientem habeat, atque adeo vanus est ille impetus, quo infallibilem Pontificis auctoritatem oppugnare videtur, cum continuò addit; *Profectò quamcumque in partem se converterint adversarii, fateantur oportet hac verba (ubi enim sunt duo vel tres congregati in nomine meo) &c. absolutam, atque infallibilem unius Papæ auctoritatem necessariò excludere.* Corruit etiam quòd paulò ante observat, scilicet Christum in hoc textu, *Concilium Aristocraticum Divinitus, non Oligarchicum humanitus institutum designare.* Duorum enim Concilium Oligarchicum convenientius diceretur, quàm Aristocraticum, nisi fortè vocem *humanitus*, conjungat cum *Oliarchicum*. Non enim humanitus, sed Divinitus esset institutum illud duorum aut trium Concilium. Cæterum quod ait Richerius, *Dominum impartitum Ecclesiæ facultatem sese congregandi in Concilium*, non necessariò colligitur ex Christi verbis, si ita sumatur, ut Episcopi auctoritate propriâ sese possint congregare. Christus enim ait; *Ubi sunt duo vel tres congregati in nomine meo*; non autem exponit an alicuius superioris auctoritate congregandi sint. Imò legitimi superioris auctoritatem illis verbis, *in nomine meo*, indicari nonnulli arbitrantur?

14. Porro illa Christi verba; *Iterum dico vobis, &c.* varii varie interpretantur, etiam ex sanctis Patribus, nec Conciliis Generalibus, nisi per consequentiam quamdam congruere videntur; imò non solum hæretici, ut Calvinus; sed etiam Catholici quidam, ut Launoius, observant illa Conciliis Provincialibus perinde atque Generalibus convenire, ut lib. 5. vidimus. Quod addit Richerius, *Ecclesiam invitam dissidentem, aut inconsultam obligari non posse*, idque usquequaque legem naturalem congruere, absurdum esset, si vim obligandi legibus Ecclesiasticis adimeret, nisi ab omnibus approbata essent fidelibus, sicut antea voluisse videtur Richerius alata illà regulâ; *Quod omnes tangit, necessum est ab omnibus quoque comprobari.*

15. Sententiam suam praxi veteris Ecclesiæ abundè confirmari ait. Nam, inquit, Hierosolymitanum Concil. omnium Apostolorum & Presbyterorum consensione, ac suffragiis ita concluditur. *Act. 15. Visum est Spiritui S. & nobis.* Verum primò ex Apost. tantum Petrū

Joan-

Joannem & Jacobum , cum Paulo & Barnaba huic interfuisse Concilio colligitur ex epist. ad Gal. cap. 2. ubi B. Paulus juxta sanctum Epiphanium hæc. 28 & S. Hieronymus in illum locum epist. ad Gal. & alios, de tempore istius Concilii loquitur, & prædictorum tantum Apostolorum inveniunt; Certum ad minus est, Concilium illud Oecumenicum non fuisse. Cum enim habitum fuerit anno Christi 51. jam plurimi erant Episcopi, tum in Oriente, tum in Occidente. Et de Beatis Paulo & Barnaba dixerat antea, scilicet cap. 14. vers. 22. S. Lucas, quod in illis Provinciis, quas lustraverant, Antiochiam redeuntés, constituerant, *per singulas Ecclesias Presbyteros*, quo nomine designabantur olim etiam Episcopi: Concilium autem Jerosolymitanum solis illis Apostolis & Senioribus, qui tum Jerosolymis aderant, constabat, ut patet ex textu Act. Apostol. Secundò potuisset quilibet Apostolorum controversiam tunc motam definire, cum omnes Spiritus Sancti gratiâ repleti fuissent. Sed Judæorum illius contentionis autorum superanda erat pertinacia præcipuorum Apostolorum autoritate, atque communi consilio Apostolorum & Seniorum res temperanda. Exemplum igitur hujus Concilii suadet quidem suavius & efficacius contentiones componi communi plurium consensione, quam simplici definitione; monetque summos Pontifices, ut fratrum sententiam requirant, tum quia contra reverentiam Divinam esset, ut non adhibitis opportunis & congruentibus mediis veritatem sibi revelari postularent, tum quia publicæ paci & concordie sese tenentur accommodare: non tamen convincit necessarium esse Concilium Generale, ut Decreta fidei aut morum infallibili Spiritus Sancti præsentia tribuantur.

16. Verba Patrum Ecclesiæ Africanæ ad Cælestinum I. à Richerio adducta, scilicet, *non esse credibile Deum unicuique inspirare examinis justitiam & innumerabilibus congregatis in Concilio illam denegare*, de condendis Canonibus non sunt. Scripta enim fuerunt occasione Apiarii Presbyteri in Africa damnati, & Romæ absoluti, & de judiciis criminalibus intelligenda sunt, ut patet ex verbis antecedentibus; *Decreta Nicæna sive inferioris gradus Clericos, sive ipsos Episcopos suis Metropolitanis apertissime commiserunt* Neque intendebant Patres Africani Concilio Oc-

cumenico prærogativam illam, quam Richerius summo Pontifici præripere conatur, vendicare. Sic enim prosequuntur; *Prudentissime enim iustissimeque providerunt quacumque negotia in suis locis, ubi orta sunt, finiendæ nec unicuique Provinciæ gratiam Sancti Spiritus defuturam, quâ æquitas à Christi Sacerdotibus & prudenter videntur, & constantissime teneatur.* Mentionem quidem deinde faciunt Concilii Generalis; sed eo nomine vocabant Concilium ex tota Africa. De judiciis ergo erat sermo, in quibus non solum summi Pontifices, sed & Concilia Generalia decipi possunt, propter incertitudinem testimonii humani, quo eorum sententia nititur; & quæ commodius in ipsis Provinciis instrui possunt, propter eam, quam afferunt Patres Africani rationem, scilicet examinandorum testium opportunitatem, qui præ sexus, aut senectutis infirmitate, vel aliis impedimentis non possent in remotas Provincias sese conferre. Quare prædicta verba Concilio Oecumenico perinde atque summo Pontifici opponi possent.

17. Autoritatem Zosimi tamquam palmarem opponunt summi Pontificis autoritati, quicumque illam graviter ferunt: quia nimirum sanctam Sedem Patrum Decretis derogare non posse proficitur; quasi verbis illis significaret, Concilium Oecumenicum esse Romano Pontifice superius. Sed aliam esse Zosimi sententiam, ejus verba testantur. Non enim defectum illum potestatis ad Superioritatem Concilii refert, sed ad antiquitatis studium, cujus retinentissima erat sancta Sedes. Necessitatem autem sequendæ antiquitatis, ex honestate, atque rerum ipsarum æquitate ac iustitiâ provenire, multifariam innuit Zosimus. *Contra Statuta Patrum, inquit, & sancti Trophimi reverentiam, qui primus Metropolitanus Arelatenfis Civitatis ex hac Sede directus est, concedere vel mutare ne hujus quidem Sedis possit autoritas.* APUD NOS ENIM INCONVULSIS RADICIBUS VIVIT ANTIQUITAS, cui Decreta Patrum sinxere reverentiam. Omisit Richerius, & omittere solent plerique alii hunc locum referentes, quæ ad sanctum Trophimum pertinent. Eodem modo declarat Zosimus sanctæ Sedis auctoritatem non posse concedere, vel mutare contra sancti Trophimi reverentiam, & contra Statuta Patrum id, quod ab Episcopis Concilij Taurinensis eorumque fuerat nemo autem dixerit hinc concludendum S. Trophimum Romano Pontifice fuisse superiorem, licet à sancta Sede contra e-

jus reverentiam nihil statui posse dixerit Zosimus. Contrarium ipsemet Pontifex insinuat, dum ait, quod S. Trophimus, *primus Metropolitani Arclatensis Civitatis ex hac sede directus est*. In hujusmodi enim missionibus, maior est qui mittit eo qui mittitur.

18. Atque inde alia oritur responsio, nimirum, Zosimum Patrum nomine Romanos Pontifices in primis intellexisse, quod non simplici coniectura asserimus. Se ipsum enim explicat summus ille Pontifex. Concilium Taurinense circa annum 397. Can. 1. Proculo Episcopo Massiliensi ordinationem Episcoporum Provinciæ secundæ Narbonensis concesserat, Zosimus id agrè ferens, quod factum esset *in Apostolica Sedis injuriam*, Canonem Concilii Taurinensis hac ipsa epistola evertit. Cum igitur Conciliorum generalium non meminerit, Provincialis autem, nempe Taurinensis Canonem abroget, perperam citatur pro Conciliis contra Papam; Patresque, quorum statutis se derogare non posse profiteatur, intelligendi sunt præcipuè summi Pontifices, quorum Decretis posset sine dubio derogare illorum successor, nisi, ut diximus, id veteret reverentia antiquitati debita: (*Apud nos enim, inquit Zosimus, inconvulsis radicibus vivit antiquitas, cui Decreta Patrum sanxere reverentiam*) aut lex Divina, vel naturalis.

19. Hæc est enim alia ratio, cur Zosimus existimavit, ne quidem sanctæ Sedis auctoritatem Patrum Decretis posse derogare; quia scilicet juris Divini aliquid plerumque continent, super quo à nemine dispensari valet. Id exprimit præfatus Pontifex his verbis epist. 6. occasione Ursi & Tuentii Episcoporum ab eodem Proculo Massiliensi ordinatorum, scriptæ. *Cum adversus statuta Patrum venit, non tantum illorum prudentia atque sententia, qui in ævum victura sanxerunt, sed ipsi quodammodo fidei & Catholica discipline irrogatur injuria. Quid enim tam sanctum atque venerabile est, quam penitus non exorbitare ab itinere Majorum, quorum Canonica instituta veluti quadam fundamenta sunt ferendis fidei jacta ponderibus.*

20. Tantum autem abest ut in epistola à Richerio objecta Zosimus idè Sedem Apostolicam contra statuta Patrum se nihil concedere vel mutare posse arbitretur, ob eam causam, quod Concilium Oecumenicum sit Romano Pontifice superius, ut in illa ipsa epistola antiquissimi, & omnium sæculorum veneratione celeberrimi

rimi Concilij generalis primi Nicæni, nec non Concilij generalis Constantinopolitani primi Canonibus deroget, ut Romanorum Pontificum Decreta custodiat. Statuit enim ut Episcopus Arelatensis in alienis Provinciis, scilicet in utraque Narbonensi & Vicaensi Episcoporum ordinandorum facultatem habeat, quantumvis renitentibus illarum Provinciarum Episcopis, contra quod expressè decretum fuerat can. 6. Nicæno, & Constantinopolitano tertio, quia scilicet ob S. Trophimi primi Metropolitani Arelatensis illuc à sancta Sede directi, reverentiam, Ecclesiæ Arelatensi privilegium illud putabat fuisse concessum.

21. Nescio cur Richerius, & alij ejusdem erga sanctam Sedem affectus. S. Gregorii locum dist. 15. Can. *Sicut Sancti*, ex ejus epist. 24. lib. 1. relatum allegant, ut summum Pontificem Concilio generali subijciant. Cum Sanctus ille Doctor loquatur ibi de definitionibus fidei in Conciliis generalibus editis, quæ fuerant à sancta Sede approbatæ; quæq; adeo infallibili certitudine præditæ erant, nec magis à Concilio Oecumenico quàm à Papa convelli poterant. Unde illas ut Evangelium venerari se profiteretur. Cæterum enim summum Pontificem Conciliorum generalium legibus non teneri apertè declarat idem Sanctus epist. 31. lib. 6. ubi de Canonibus Concilij primi Constantinopolitani ait; *Romana autem Ecclesia eosdem Canones vel gesta Synodi illius hætenus non habet, nec accipit*. Alia dedimus lib. 5. reprobatorum à sancta Sede Canonum exempla.

22. Quod ait Richerius: *Unum & solum Pontificem Romanum in Synodis Generalibus Decreta fidei Catholica non facere, sed inductione & consensu omnium Ecclesiarum particularium inito, illa universim inferre ac concludere*, non concludit; signum id esse regiminis Aristocratici, saltem in eo, quo ille intelligit, sensu. Etsi enim in Concilio, Episcopi Iudices sedeat, definitionum tamen certitudo, atque Decretorum robor maximè ac præcipuè pendet à summo Pontifice, quod vel ex eo constat quod in quibuscumq; Conciliis adfuit, per se, non per Legatos tantum, Decreta sunt ejus nomine edita, ut videre est in Conciliis generalibus, quinque Lateranensibus, duobus Lugdunensibus, & Constantiensi ipso, (cujus auctoritas tantu fit ad deprimendam Pontificiam Dignitatem) ex quo Marti-

Martinus V. Papa creatus est, & in pluribus Conciliis particularibus.

23. *Confirmatur* inquit Richerius, *Can. Majores 24. quæst. 1.* Nescio quid illo Canone confirmetur, aut quibus ejus verbis Nec enim exprimit Richerius. Canon ille sic habet; *Majores nostri* Divinâ inspiratione cernentes necessario præcaverunt; ut quod contra unamquamque hæresim coacta semel synodus pro fidei communionem, & veritate Catholicâ promulgasset, non sineret novis post hæc retractationibus mutilari: ne pravis occasio præberetur, quæ medicinaliter fuerant statuta, pulsandi. Hinc quidem confirmatur, veritatem fidei semel ritè determinatam non posse retractari; non autem summum Pontificem Concilio controversias fidei definiente esse inferiorem. Alioquin enim posteriora Concilia Oecumenica essent prioribus inferiora, quia ipsa pariter non possunt ea, quæ semel legitime definita fuerunt, revocare. Autoritas autem summi Pontificis in Concilia vix alibi luculentius declaratur, quàm in epistola Gelasij ad Episcopos Dardaniæ, ex qua desumptus est Canon prædictus, quæque 13. est inter illius Pontificis epistolas. Ait enim v. g. quod prima Sedes unamquamque Synodum sua autoritate CONFIRMAT, & continuat moderatione CUSTODIT, pro scilicet principatu, quem B. Petrus Apostolus Domini voce perceptum, Ecclesiâ nihilominus subsequente & tenuit semper & retinet. Et infra; quod Apostolica Sedes frequenter, ut dictum est, more Majorum, etiam sine ulla Synodo præcedente, & absolvendi quos Synodus iniquè damnaverat, & damnandi nulla existente Synodo quos oportuit, habuerit facultatem, &c. Atque adhuc inferius; Beatum Papam Leonem Sedis Apostolicæ Præsulem, cujus Synodus Chalcedonensis autoritate FIRMATA EST, quidquid ultra quam ab eodem pro fide & communionem Catholica atque Apostolica illic agendum, constaret esse delegatum, per occasionem congregationis illius, præter Nicanos Canones novâ videretur actione tentatum, competenti refutatione vacuasse. Si qua in verbis adeò perspicuis superesset obscuritas, eam facile potuissimus auferre, Canon. *Majores 24. quæst. 1.* opponendo cap. *Majores.* De baptismo. Cujus hæc sunt verba; *Majores Ecclesiæ causas, præsertim articulos fidei contingentes, ad Petri Sedem referendas intelliget, qui enim quærenti Domino, quem Discipuli dicerent ipsum esse, respondisse notavit: Tu es Christus Filius Dei vivi: & pro eo Dominum exorasse, ne deficiat fides ejus.*

CAPUT IV.

De oratione Christi pro fide B. Petri. De necessitate Conciliorum, ac vi Decretalium summorum Pontificum. De potestate summi Pontificis, præsertim circa Canones Conciliorum, Ad numeros 7.8. & 9. Richerii.

1. **O**bjicit sibi Richerius num.7. orationem Christi pro fide B. Petri, ac mandatum illi impositum de confirmandis Fratribus, Respondetque orationem, seu pollicitationem Christi ad solum tempus Dominicæ passionis extendi : mandatum autem ad tempus ante resurrectionem. Hanc interpretationem ut confirmet, notat 1. *Christum non dixisse Petro ; Ego rogavi pro te, ne unquam erres, aut ut sis infallibilis: Sed tantum, Ego rogavi pro te, ut non deficiat fides tua: & Petrum errasse quidem, ejus verò fidem nequaquam defecisse quoad habitum, sed quoad actum.* 2. Observat D. Petrum, postquam ex tribulatione trina negationis, quasi ex gravissimo sopore emerfit, multo magis idoneum fuisse, tum ad suos Collegas fluctuantes confirmandos, tum ad fratres dispersos in Ecclesiam revocandos, ut ibidem resurrectionem Domini præstolarentur. Unde concludit, *Istud privilegium soli Petro ob imminens scandalum Crucis, factum esse.*

2. Ne omnia repetamus, quæ hac de re jam diximus, sufficiet hic B. Hieronymi testimonium afferre, cujus ut arbitror, autoritas auctoritati Richerii præponderat. Tradit autem apertissimè S. Hieronymus in hæc verba Matth 16 *Vade post me Satana, in deficientem Petri si dem, aliasque prærogativas ad tempus, quo re ipsi, & ut dicitur, actualiter constitutus est supremus Pastor, scilicet, post resurrectionem Joan 21. fuisse dilatas, vel saltem tunc maxime perfectas; Prædens Lector inquirat, inquit beatus Doctor, quomodo post tantam beatitudinem: Beatus es Simon Barjona. Et: Tu es Petrus, & super hanc petram edificabo Ecclesiam meam : & porta inferi non prævalibus adversus eam. Et tibi dabo claves Regni Cælorum. Et* quod

quod ligaveris vel solveris super terram, erit ligatum vel solutum in Cælo, nunc audiat: Vade retro me Satana, scandalum mihi es. Aus qua sit tam repentina conversio, ut post tanta præmia, Satanas appelleretur. Sed si consideret qui hoc querit, Petro illam benedictionem & beatitudinem ac potestatem, & ædificationem super eum in futuro promissam, non in præsentis datam intelliget. *Ædificabo, inquit super te Ecclesiam meam, & portæ inferi non prævalebunt adversus eam, & dabo tibi claves Regni Cælorum; OMNIA DE FUTURO* Quæ si statim dedisset, nunquam in eo præva. confessionis error invenisset locum.

3. Cæterum ex plurimis testimoniis, quæ lib. 7. adduximus, constat sanctos Patres, Doctores, & Concilia, Christi pro Petro orationem, non solum pro ipso, sed etiam pro ejus successoribus factam tradidisse. Et quamvis nonnulli de tempore Passionis illam interpretentur: non tamen ad illud solum tempus restringunt. Ejus fructum ad B. Petri successores transmissum colligitur ex ipso met mandato illi imposto confirmandorum Fratrum. *Egorogavi pro te, ut non deficiat fides tua: & in aliquando conversus confirma fratres tuos. Luc. 22.* Nam idèd præcipuè pro Petro rogavit, ut ipse confirmaret fratres suos, tanquam scilicet supremus Pastor; quod officium, atque adèd etiam indefectibilis fidei privilegium ad successores transiit. Notanda est hæc vox, *aliquando* quæ frequentius significat tempus non proximum, quale erat tempus præcedens Christi resurrectionem, sed remotum. Ac re ipsa non apparet tempore illo intermedio inter mortem & resurrectionem Salvatoris Petrum confirmasse fratres. Accedit quòd multò major erat necessitas confirmandorum à Petri successoribus successorum aliorum Apostolorum, quàm Apostolorum ipsorum à Petro, atque adèd si Christus Discipulis suis providit confirmatâ Petri fide, inunctoque illi officio sustinendæ aliorum fidei, multò magis futuris fidelibus, ut potè minoribus donis præditis, prospicere necessum erat, obtentâ supremis illorum Pastoribus fide non deficiente. Nec solum tempore passionis tentandi erant Apostoli; atque adèd non illo solo tempore indigebat Petrus Christi oratione & auxilio, (ut non deficeret fides ejus) aut alii Discipuli confirmatione Petri: quamquam, ut dixi, longè minùs e-

rat illis , quàm eorum successoribus necessària confirmatio in fide.

4. Occurret fortassè aliquis ex Richerio, vocem illam, *aliquando*, non posse ad tempus longè distans referri, quandoquidem conjuncta est cum ista, *conversus*, quæ Petri conversionem proximè futuram designat. Verùm, licet duarum illarum vocum secunda primam sequatur, nullà alià intermedià; non tamen unius significatum cum significato alterius tam arctè conjunctum esse oportet. Potest enim illud, *aliquando*, referri ad executionem mandati Petro impositi de confirmandis fratribus: quod certè mandatum non est executus statim atque *conversus* est. Adde quod dictio illa, *conversus*, seu dictio Græca, *ἐπιστάς*, illi respondens in pluribus sacræ Scripturæ locis accipitur, non pro conversione à peccato, sed pro conversione ad aliquam personam, quâcum aliquid agendum sit. Ita Act. 9. versic. 40. dicitur Petrus *conversus ad corpus* Tabithæ. Act. 16. vers. 18. Paulus *conversus* ad Pythonissam Apocal. 1. vers. 12. Joannes *conversus ut videret vocem* qua loquebatur. Quid vetat igitur in eodem sensu accipi Luc. 22. vers. 32. *conversus confirma fratres*, id est, ad ipsos te convertens, ad ipsos attendens? Præsertim cum nondum B. Petro prædictum fuisset futurum ejus peccatum; adeoque non videretur opportuna conversionis à peccato mentio.

5. Hæcclè, subjungit Richerius, si solus Papa, non Ecclesia collectivè sumpta est infallibilis: insurgit Paulum gravissimè peccasse Galat. 2. cum demonstrat Petrum idèò fuisse reprehensibilem, quod ad veritatem Evangelii minimè ambularet, qua verba, inquit, valdè notanda sunt. At Hæcclè, id non insurgit. Num enim Paulus erat Ecclesia collectivè sumpta? An Petrus totam Ecclesiam, tanquam ejus caput non potius repræsentasset? Si superioris tantum esset reprehendere, sola vero Ecclesia collectivè sumpta, ut fatetur deinde Richerius, summo Pontifice superior est, non potuisset Petrus nisi à Concilio generali cortipi. At, inquit Richerius, *Ist hac reprehensio appellatoni æquipollet*; Quomodò aliquem reprehendere idem est, quod appellare ad Concilium? Quia, inquit, si D. Petrus tum temporis B. Paulorellè monenti obstitisset, non dubium est, quin Ecclesia in concilium congregatâ, dissidium inter illos subor-

subortum diremisset : ut paulò ante controversiam super observatione legalium deciderat, Act. 15. Idem igitur est ita esse affectum, ut, si quis reprehendenti nõ obtemperaturus sit, interponenda censetur appellatio, etiam si ne minima quidem verisimilitudinis umbra sit, quod in mentem venerit appellandi cogitatio. Idem, inquam, est atque appellare ad Concilium. Ita, inquires, quia B. Petrus superiorem alium non habebat. Quæ jurisprudentia correptioni fraternæ vim appellationis tribuit : ut quisquis fratrem corripit, ad ejus superiorem appellare censendus sit, si correptus rectè monenti obstiterit ?

6. Repones ita de B. Paulo præsumendum, quia de fide agebatur, quam sanam integramque conservari totius Ecclesiæ intererat. Sed quidquid sit de illa reprehensione, de qua variæ sunt inter sanctos Patres, & Ecclesiasticarum rerum Tractatores sententiæ, etiam si vera esset illorum opinio, qui Petrum peccasse sentiunt; certum est ipsam in fide non errasse, multò minùs aliquid contrà fidem aut bonos mœurs statuisse. Illum omnino impeccabilem fuisse non contendimus; atque adeò fraternâ potuit indigere correctione : sed ita erat confirmatus in gratia, ut temerarium sit eum peccati mortalis, qualis fuisset hæresis, reum facere, aut supponere ipsum B. Paulo rectè monenti obstiturum contrà fidem. Accedit quod Concilium *Jerusalymitanum omnium Apostolorum, ut vult Richerius num. 6. & Presbyterorum consensione, ac suffragiis concluderat*, quod spectabat ad observationem legalium, circa quam supponitur peccasse Petrus. Si ergo D. Petrus tum temporis B. Paulo rectè monenti obstitisset adeò contumaciter, ut Ecclesia in Concilium congregata, dissidium inter illos *subortum dirimere* debuisset, Petrus fuisset manifestus hæreticus, atque in eo casu, secundum quorundam sententiam judicio Concilii Generalis obnoxius; ex qua exceptione particulari, non potest constitui generalis subjectio, sine vitio illo, quod Richerius & Launojus defensoribus autoritatis Papæ tam sæpè quàm immeritò tribuunt, nempe fallaciæ à dicto secundum quid, ad dictum simpliciter.

7. Suspecta sunt dona, quæ ab inimicis offeruntur. Quamobrem non satisfaciet summo Pontifici, quod ei Richerius concedere videtur in finem numeri sexti. Etsi enim profiteatur se illa adjungere pro *ampliatione favorum; magis tamen tendunt*

ad restrictionem jurium. Non fatetur D. Petrum *singulares personarum, aut Ecclesias disgregatas posse in fide per sacra Scriptura aut Canonum interpretationem roborare*; quod probat exemplo D. Hieronymi; & posse ad Sedem Apostolicam confugere oppressos, sicut factum legimus à Theodoro & aliis; nisi ut, cum in hoc liberalis visus fuerit, injustus non appareat, dum Romanum Pontificem Ecclesie universali seu Concilio sine ipso congregato subjicit. Et perfugium ad sanctam Sedem ab appellatione ad ipsam distinguit; ut ejus potestatem simplicem charitatis sollicitudinem esse insinuet. Possemus nihilominus fructum ex illius favore percipere, nisi magis liberet, eum ex arbore ipsa colligere. Sanctus Hieronymus in verbis, quæ Richerius in refert, testatur, se post Damasi responsionem fore securum. Nee etiam eam securitatem in Damasi peritia, sed officia Pastoris reponit; *A Pastore præsidium ovis flagito. Discerne si placet, non timebo tres Hippostasas dicere; si jubetis.* Certè si Petri successor non solum, *singulares personas*, sed etiam *Ecclesias disgregatas* potest in fide per sacre Scripturæ Canonum interpretationem roborare; idque non tamquam Doctor privatus, sed ex proprio officio, in maximo versabitur periculo Ecclesia universalis, quæ nonnisi ex Ecclesiis particularibus constat, nisi certa & tuta sit ejus interpretatio, cum non ita facilis sit Conciliorum generalium Congregatio, aut omnium Episcoporum consensio ad corrigendos ejus errores.

8. Itaque lentum periculo remedium parat Richerius num. 8. ubi ait; *Quantum principium indicat, frequentem celebrationem Synodorum, absolute & simpliciter necessariam ad Ecclesiam melius sanctiusque regendam.* Verba illa, *absolute & simpliciter necessariam*, à sequentibus temperantur, scilicet *ad Ecclesiam melius sanctiusque regendam*; idèque utilitatem potius Conciliorum, quam absolutam eorum necessitatem inducant. Sæpè autem professi sumus, nos Concilia generalia dum congregari possunt, sine schismatis aut alterius gravissimamali periculo, Ecclesie utilissima putare. Sed absolutam non esse illorum necessitatem probat experientia trium primorum sæculorum, & aliorum quorundam. Richerium parùm juvat, quam affert ex Aristotele, ratio. Etsi enim *lege, quam absolute unius imperio gubernari multo præstet, quoniam lex instar Dei, amore, odio, aliisque affectibus humanis caret*, id perinde legibus Pontificiis, atque Synodalibus con-

Cum enim Leges generales ponuntur, illarum conditores bonum publicum, atque ipsam rerum iustitiam attendunt: Iudex verò, dum de singularibus negotiis sententiam fert, aliquando amore, aliquando timore inflectitur, ut personam potius, quam iustitiae rationem habeat. Melius est igitur, ut in ferendis sententiis non proprium arbitrium, sed leges sequi teneatur.

9. Quoniam autem Richerio placuit ex Aristotele Conciliorum Generalium necessitatem confirmare, ostendendum est ex Aristotelis sententia contrarium potius sequi; cum doceat, leges ab uno vel paucis, non à magna multitudine condendas; atque aded, si Gentilis illius Philosophi auctoritati standum esset, non forent congregandi in Concilium Generale totius Orbis Episcopi. Id nominatim tradit lib. 1. Rethorice cap. 1. inter princip. & med. simulque discernim, quale modò dicebamus, inter Legem & Iudicem statuit, undè patet à Richerio contra ejus mentem allegatum. *Maxime igitur, inquit Aristoteles convenit rectè latas Leges, quacunque possunt, omnia ipsas distinguere, & quàm paucissima relinquere iis qui judicant. Primum, quia FACILIUS EST UNUM HABERE,* (nota unum habere) *& paucos quàm multos qui bene existiment, & possint legem ferre, ac jus conformare. Deinde Legum lationes ex longi temporis considerationibus fiunt: ac judicia de repente, ut difficulter rectam habeant iustitia & utilitatis rationem illi qui judicant. Atque iudicium non est de rebus singularibus, nec de presentibus, sed de futuris & de universalibus: at concilio & Index de presentibus ac defunctis judicant, quibuscum & amor & odium & propria utilitas conjuncta sepe numero est, ut non amplius possint perspicere satis id, quod verum est, sed obscurae iudicium propria jucunditas vel molestia. Ac de aliis quidem, quemadmodum dicebamus, oportet quàm paucissimis efficere Dominum disceptatorem.*

10. Canones prædicant Galli, ut hîc Richerius, quasi verò ipsi soli Canones observent, Papæ contrà Canones destruat. Meminerunt summi Pontifices sententiæ S. Gelasii in epist. superiori cap. citata; *Uniuscujusq; Synodi constitutum, quod universalis Ecclesia probavit assensus, non aliquam magis exequi Sedem præceteris oportere, quàm primâ, quæ & unamquamq; Synodum suâ auctoritate confirmat, &c.* Sed quod ait Richerius, antiquius nihil quid-

quam absq; Concilio & moderatione Aristocraticâ statutū fuisse, non est usquequaque verū. Certum est Romanum Pontificem gravia negotia cum Episcoporum consilio tractare solitum, sed falsum est ipsum in Generali Concilio Decreta Ecclesiastica semper edidisse; Hoc testantur epistolæ Decretales à Dionysio Exiguo, cujus Codicem jam olim suscepit Ecclesia Gallicana, collectæ, & quarum nonnullæ ad Episcopos Gallicanos conscriptæ sunt. Nam vel illæ nullius Synodi, aut Episcopi deliberantis meminerunt (undè conjicitur antiquiores etiam Pontifices nihil quidem absque consilio, sed tamen multa sine Concilio statuisse, atque tunc tantum Episcopos convocasse, cum Romæ illorum copia erat, ac temporis opportunitas sinebat) vel si ubi in illis Decretalibus Fratrum, idest Presbyterorum, vel si vis, Episcoporum, sit mentio; illæ nihilominus Pontificis Romani auctoritatem aut solam aut longè præcipuam exhibent. Indubitatum est ad minùs summos Pontifices plurima eaque gravissima sine Concilio Generali, ac sine moderatione Aristocraticâ aliarum Provinciæ statuisse, ac statuta illa in tota Ecclesia robur obtinuisse. Undè licet Richerio concederemus *antiquius nihil quidquam absque Concilio Romano, & moderatione Aristocraticâ* Episcoporum specialis Provinciæ Romanæ statutum fuisse; fateri cogeretur Romanum Pontificem cum suo Concilio speciali Ecclesiam rexisse. Cùmque id diffiteri non possit, ejusque propositio, de Concilio Oecumenico accepta, evidenter falsa sit; Tacite recedit à suo principio; & causa juxta proprias suas probationes cadit, siquidem Ecclesiæ regimen in eo sensu Aristocraticum dicit, quia per Concilia Generalia regi debet.

II. Scimus quidem, quod ait Richerius, Hincmarum Archiepiscopum Remensem, aliosque Episcopos, quos ille in suas partes traxerat, suppositis antiquiorum Pontificum epistolis parem cum aliis, quæ Conciliorum Canonibus erant consentaneæ, auctoritatem non tribuisse; sed scimus Nicolaum primum Papam jus sanctæ Sedis, quod solis illis epistolis non aitebatur, strenuè defendisse, quod testatur Canon. *Si Romanorum*. Dist. 19. à Richerio citatus. Sic enim habet: *Si Romanorum Pontificum Decreto, cæterorum opuscula Tractatorum approbantur, vel reprobantur; ita ut, quod Sedes Apostolica probaverit, habeatur acceptum, & quod illa repulit, habentur*

hæcenus inefficax habeatur, quanto potius qua ipsa pro Catholica fide, pro sanis dogmatibus, pro variis & multisariis Ecclesia necessitatibus, & fidelium moribus diverso tempore scripsit, omni debens honore præferri, & ab omnibus prorsus in quibulibet opportunitatibus discretione vel dispensatione Magistræ reverenter assumi? Canon autem. *Omnia*, 25. quæst. 1. à Richerio etiam citatus, & S. Damaso suppositus est, & valde obscurus; Difficile namque capitur quid intelligatur per *Decretalia de Ecclesiasticis ordinibus ex Canonum promulgata disciplinis*, quæ sub gravi comminatione custodiri jubet. Quidquid sit, evidens est. Primum, illius Canonis scopum esse; ut *Decretalia summorum Pontificum* executioni fideliter demandentur. Secundò, licet Canon fiat mentio, non tamen negari, quin *Decreta Pontificia* exequenda sint, etiamsi Conciliorum Generalium Canonibus non fuerint roborata. Sic enim supponitur loqui Damasus; *Omnia Decretalia, & cunctorum Decessorum nostrorum constituta, quæ de Ecclesiasticis Ordinibus & Canonum promulgata sunt disciplinis, ita à vobis & ab omnibus Episcopis & cunctis generaliter Sacerdotibus custodiri debere mandamus; ut si quis in illa commiserit, veniam sibi deinceps noverit denegari.* Sed Hincmarum summò Pontifici paruisse vidimus lib. 3. Imò receptas postmodum in Gallia *Decretales* illas antiquas quantumvis suppositas constar, nec diffidentur ejus Nationis Scriptores.

12. Odiosa sunt & temeraria Richerii verba num 6. & hocnum. 8. proposita; *Romanus Pontifex, qui est Caput ministeriale, universalem Ecclesiam inconsultam, dissentientem, invitam, vel inauditam obligare nequit.* Ecquando enim legitimus Pontifex universalem Ecclesiam inconsultam, dissentientem, & invitam, vel inauditam cogere voluit? Repugnarunt aliquando & aliquamdiu Episcopi quidam, vel quædam Provinciæ Ecclesiasticæ; (quæ enim in tanta hominum & morum varietate concordiam omnibus numeris perfectam, & Paradisi propriam in terra speret?) Ecclesia verò universalis nunquam visa est, nunquam videbitur repugnare Pontifici, nisi aut schismatio, aut incerto: frustra quæ defundant Scriptores Gallicani ad dirimendum chimericum certamen. Chimericum dico; si in altera comparationis parte ponantur omnes Episcopi, ut poni necesse est, si Concilium verè Generale futurum sit, in altera Pontifex solus.

13. Quam alienus sit à D. Augustini mentesensus, qui ejus verbis relatis dist. 4. Can. in istis à Richerio, & ab aliis quibusdam, tribuitur, ostendimus lib. 2. Undè debile ponit Libertatis Ecclesiasticæ fundamentum Richerius, dum eam colloca- in necessitate acceptationis legum, ut valeant ligare. Nulla unquam in posterum nova lex obligaret, si Ecclesiæ universalis consensus expectandus esset. Nam quæ poterit hodie lex constitui, quæ ab universis Provinciis statim acceptetur, imò à majori parte? Si interim Gallia suas libertates, suosque mores opponat statutis sibi non arridentibus, inutilis erit potestas condendarum legum: tantum enim temporis in postulando omnium consensu consumetur, ut in aliis Provinciis legis peritura sit autoritas, dum aliæ deliberabunt. Nec enim omnium Episcoporum sive Presbyterorum, curam animarum habentium, consilio suffragium sufficiet: quia Richerius num. 5. *Senatum aut consilium nativum Ecclesiæ à Domino institutum, vocat, non modò Episcopos, verum etiam omnes Presbyteros, curam animarum habentes.* Imò cum Laici pars sint, licet minùs præcipua, maxima tamen Ecclesiæ Catholicæ, non debent ab ejus libertate excludi, atque adeò inconsulti, dissentientes, in vii vel in auditu obligari nequeunt. *Quicumque enim, ut ait B. Paulus ad Gal. 3. in Christo baptizati estis, Christum induistis. Non est Judæus, neque Græcus: non est servus, neque liber: non est masculus, neque femina. Omnes enim vos unum estis in Christo Jesu.* Num præcluderetur schismatici via, ut vult Richerius, postulato totius Ecclesiæ consensu ad conferendam legibus vim obligandi? Nonne potiùs innumeris dissentionibus præberetur occasio?

14. De Hincmari Remensis mente circa Decretales, ante Concilium Niænum editas, jam satis disseruimus. Bene conclusisset, ut ait Richerius, illas exigua esse fidei, propterea quòd *Sacris Canonibus minime concordarent*, si fides ad facti veritatem, non ad eorum qui scripsisse supponuntur, autoritatem referatur. Illa enim contrarietas signum erat suppositionis. Concilia namque tot tamque insignium Pontificum Decreta, vel ob ipsorum sanctitatem, & ad Apostolorum tempora vicinitatem, etiam seclusa illorum potestate, sine urgentissima gravissimaque necessitate, tantillum immutare, nedum evertere, piaculum duxissent. Verumtamen, ut alibi ostendimus,

ex eo quod illæ epistolæ, quas veneratione dignas fatebarur, non essent de Canonibus promulgatæ, Hincmarus illas non magni esse roboris legitime non concludebat.

15. Immeritò concludit Richerius; *Istinc autem planè dignoscitur, quo jure Majores nostri Galli usi fuerint;* quasi verò Hincmarum, & Episcopos, quos ille ad se traxerat, generaliter majorum suorum nomine debeant Galli censere. Certè dum tot laudibus à summis Pontificibus, & à Scriptoribus Ecclesiasticis celebrata est Ecclesia Gallicana, non intelligebantur eo nomine Hincmarus, & alii quidam, qui sanctæ Sedi pertinacius resisterunt, sed tot tantique alii Præsules, atque omnium ordinum Viri, pietate atque erga sanctam Sedem reverentiâ & obedientiâ maximè conspicui, quorum laudes iniuste sibi usurpant, qui ab eorum vestigiis quàm longè exorbitant. Sed cur Gallicani Antistites Hincmarum virum admodum durum & pertinacem, ne quid gravius dicam, eiusque sequaces, sanctæ Sedis auctoritatem occasione Decretalium suppositarum, imminuentes, tanquam Maiores suos venerentur potius, quàm sanctum Irenæum, sanctum Avitum, sanctum Casarium & alios, tum antiquiores, tum recentiores, ac eos ipsos, qui prædictas Decretales amplexi sunt, quique, si circa facti veritatem erraverunt, nihilominus auctoritatem summi Pontificis agnoverunt; cumque ob suam pietatem commendatione digni sint, non est temerè despicienda illorum præsertim circa jus, sententia.

16. Sextum principium istud ponit Richerius n. 9. *Plenisudinem auctoritatis Pontificia definiri, primo ad Ecclesias particulares per mundum dispersas, sed nequaquam ad Ecclesiam universalem in Concilium congregatas; secundo, ad executionem, interpretationem, & dispensationem, minimè verò ad institutionem Canonum, nisi per se aut per Legatos suos Concilio præsideat, atque omnium Patrum suffragia & consensum subducas.* Eadem Richerii, aliorumque nonnullorum Gallorum propositio sæpiùs reperita, eandem sæpius cogit repetere responsionem. Quererem à Richerio an Papa possit omnes Ecclesias particulares per mundum dispersas obligare: an aliquas tantum, si aliquas dumtaxat, quererem quas & cur illas, non item alias? Cur non Gallicanam inter alias? si omnes: cur non universalem? Quandoquidem Ecclesia universalis nihil est aliud, quàm omnes Ecclesia

particulares per mundum dispersæ. Perinde enim est, ut omnes Ecclesie particulares per mundum dispersæ errorem fidei contrarium suscipere possint; ac si Ecclesia universa posset errare. Ut enim sæpè declararunt Præfules Gallicani & Schola Parisiensis, infallibilitas non convenit Ecclesie tunc tantum, quando est in Concilio Generali congregata. Imò nec Concilium Ecclesia universalis est formaliter, sed repræsentativè tantum. Plus autem est Ecclesia universalis formaliter, quàm pars ejus, quantumvis præcipua, totiusque corporis representativa, juxta fundamentum à Richerio in ipso limine positum, quod vocat *vulgare, atque indubitata fides axiomata*, nimirum *Deum & naturam*, prius atque immediatè ad totum suppositum, quàm ad aliquam partem suppositi quamvis nobilissimam, intendere.

17. De potestate condendorum Canonum, seu legum Ecclesiasticarum videnda sunt ea quæ diximus lib. 6. & suprà de Decretalibus in Codice Dionysiano contentis. Quod addit Richerius, eo solùm in casu Papam de Synodorum Decretis dispensare posse, quo ipsummet Concilium, si esset congregatum; ità verum est, si intelligatur Papam sine justa causa non debere dispensare; idque indicat vox illa, *violentiur*, in testimonio Sancti Leonis à Richerio relato ex Can. *Privilegia*. 2. causa 15. quæst. 25. *Dispensatio*, inquit, *nobis credita est, & ad nostrum tendit reatum, si paternarum regule sanctionum nobis consentientibus, vel negligentibus violentur*. Idem etiam apertè significat S. Bernardus lib. 3. de consid. ad Eugenium cap. 10. à Richerio citatus. Neuter autem Pontifici potestatem in Conciliorum Generalium Canones negavit; imò supradicta verba scripsit S. Leo, dum Canonem Concilii Oecumenici, scilicet Chalcedonensis 18. abrogavit, ut in origine videri potest, scilicet Sancti illius Pontificis epist. 14. Dices fortasse, sanctum Leonem Concilii Generalis Chalcedonensis non impugnasse Canonem, nisi ut Concilium etiam Generalis, Nicæni scilicet sextum Canonem propugnaret, ac suam cuique Patriarchæ & Exarcho jurisdictionem conservaret. At, qui Judex est inter duo Concilia, num in illa necesse est habeat jurisdictionem, & superioritatem? Repones, Nicænum Canonem majoris fuisse autoritatis, quàm Chalcedonensem: quia ille comuni consensu; iste absentibus Legatis Romani Pontificis conditus fuerat,

rat,

rat. Atqui, cùm Concilia posteriora prioribus absque dubio derogare possint, in iis quæ ad solam disciplinam pertinent, quid prohibuit quò minùs Chalcedonense derogaret Nicæno, præsertim, cùm præcessisset derogatio jam ab alio Concilio Generali, scilicet Constantinopolitano primo Canon. 3. nisi defectus consensus Summi Pontificis? Vel ergo Concilium dici Generale nequit; vel Canones condere non potest, absente summo Pontifice, vel Concilium sine summo Pontifice minor habet potestatem, quàm cum summo Pontifice; atque adeò non habet supremam, & consequenter summus Pontifex huiusmodi Conciliis sine summo Pontifice congregatis non suberit, quippe qui jam nec primum nec secundum in Ecclesia gradum obtineret, quod est contra Ecclesiæ doctrinam.

18. Sanctus Bernardus, ut ex verbis à nobis suprâ relatis constat, etiam dum Pontificem suâ potestate non rectè uti putabat, potestatem tamen ei non deesse confitebatur. Zosimi etiam, cujus rursus meminit Richerius, veram sententiam suprâ explicuimus, ex ea nullatenus probari potest, quod intendit Richerius, scilicet eo solum in casu Papam de Synodorum Decretis dispensare posse, quo ipsummet Concilium, si esset congregatum. In eo enim sensu quo loquebatur Zosimus, eadem fuisset ejus sententia de Concilio Generali, (si quidem de illo cogitasset, quod ex ejus verbis nullo modo colligitur) atque de Sede Apostolica.

19. *In his duobus articulis, inquit Richerius, (scilicet in autoritate Pontificia in Ecclesias particulares, & in executione, interpretatione, & dispensatione Canonum) Status Monarchicus Ecclesiæ, sive plenitudo jurisdictionis Papalis potissimum consistit: non autem in absoluta potestate, quam contra jus divinum & naturale, plerique recentiores in Ecclesiam invchere nituntur.* Absit ut potestatem aliquam contra jus Divinum & naturale summo Pontifici tribuamus; sed contra jus Divinum & contra Ecclesiasticam traditionem esse putamus, negare summum Pontificem, Canones, seu leges Ecclesiasticas instituere posse, etiam si per se, aut per Legatos suos Concilio non præsideat, & omnium Patrum suffragia & consensum subducat. Credimus etiam summi Pontificis esse, non Richerii, aut ejus Sectatorum, discernere, an dispensare conveniat: putamus præterea ejus legibus, si ab omnibus

Ecclesiis particularibus per mundum dispersis obtemperetur, ad quod eas teneri fatetur Richerius, ab Ecclesia universali obtemperatum iri.

20. Contradicit sibi Richerius, cum absolutam potestatem summi Pontificis à recentioribus in Ecclesiam invehit, quæ verba novitatem significant, & tamen postea ad tempus translationis Imperii ad Francos, præcipue autem ad tempora Gregorii VII. refert. Si quidem verum esset Pippinum, Carolum Magnum, aliosque Francorum Reges, tot Capitularia & leges Ecclesiasticas suâ præcisè autoritate condidisse, ut inani conatu probare contendit Baluzius, mirum est, quomodo potuerit tunc temporis absoluta autoritas omnia decernendi, summis Pontificibus accrescere.

21. Launoïus non tam desudavit in vindicando Principibus sæcularibus jure convocandorum Conciliorum (licet ex quo Concilia Generalia haberi cœperunt, nunquam Episcopi in unius Principis ditione fuerint) nisi ut tantundem jus Summi Pontificis imminueret. Richerius verò asserit, quod historiæ studiosi observabunt, *Papam regulariter & ordinariè jus habere convocandarum Synodorum Generalium*; causamque addit, quæ Principibus sæcularibus non convenit; *Quatenus, inquit, potestatem habet super Ecclesias particulares segregatas per Orbem terrarum.* Quamquam autem Richerius in fine n. 12. jus congregandorum Concil. Generalium Imperatoribus tribuat, tamquam Legis Divinæ, naturalis & Canonice executoribus; tamen jus illud Pontificibus quoque vindicat hoc numero 9. verbis modò relatis; atque adeò ejus testimonio compensari posset autoritas Launoii, si secus sensisset. Videtur enim Launoïus à Richerio hausisse pleraque alia suæ adversus sanctam Sedem doctrinæ principia, & animum in Curiam Romanam infensum; atque adeò eum ut Magistrum habuisse.

22. Hactenus dicta sic concludit Richerius, *Summa hujus disputationis est, à statu Monarchico Ecclesia, unitatem, ordinem, cum efficacia executione Canonum, procedere: à regimine autem Aristocratico, sanctissimum consilium, atque infallibilem providentiam & decisionem; quâ quidem Respublica Christiana in perpetuam adificationem, & non in destructionem gubernatur.* Si status Ecclesiæ Monarchicus est, quia uno capite visibili, Christi Vicario

Vicario regitur, & ab illo statu Monarchico Ecclesiæ unitas procedit; oportet ut omnes Ecclesiæ particulares per mundum dispersæ illi subsint, non solum quatenus particulares & dispersæ, sed etiam quatenus inter se communicantes & conjunctæ. Caput enim præsidet manibus, pedibus, cæterisque membris, non distinctis atque dispersis, sed in unum corpus compactis atque coordinatis. Si Ecclesiæ Ordo à statu Monarchico procedit, oportet ut Monarcha, qui primus est in illo ordine, sit regula & mensura cæterorum, atque aliis credendi vivendique normam præferat, ut à capite in cætera membra spiritus, motus, & sensus derivantur.

C A P U T V.

In quo agitur de potestate Principum politicorum; & respondetur argumentis contra Monarchiam Ecclesiasticam. Ad numeros. 10. 11. 12. 13.

14. 15. 16. 17. Richerii.

1. **V**Sque ad numerum 10. Richerius egit de potestate Ecclesiastica: hic de politica tractare incipit. *Septimum*, inquit, (scilicet principium) docet Ecclesiam sumptam pro cætu fidelium, sive pro Christiana Republica, unico & solo capite ac fundamento essentiali Christo Domino esse contentam: nihilominus, in ratione executionis atque executionis regiminis ejusdem Christiana Republica, à duobus, Pontifice scilicet, & politico Principe differenter gubernari. Principium istud, principium schismatis est, nisi sanè explicetur. Dum de diversis politiarum formis seu speciebus agitur, illarum differentia attenditur penes illos, à quibus visibiliter regitur: alioquin, ut supra dicebamus, unica esset totius mundi politiarum forma, scilicet Dei supremi rerum omnium moderatoris Monarchia. Itaque schismati via aperitur, si regimen Ecclesiasticum ex æquo penes duo capita, Pontificem scilicet, & politicum Principem reponatur. Si uni Ecclesiæ corpori duo capita præfiguntur, monstrum efficitur horrendum.

2. Responderet fortasse Richerius, se illis executionem tantum regiminis Reipublicæ Christianæ tribuere. Penes quem

ergo erit potestas principalis. Penes totam Ecclesiam, inquires. Atqui monstrum adhuc horribilius fingis Tot enim in Ecclesia Capita constitutis, quot sunt viri & mulieres; ac regimini Ecclesie adscribis, omni Democratiâ pejus. A regimine enim Democratico saltem mulieres excluduntur: si autem Pontifex & Princeps ita se habeant, ut in rebus Ecclesiasticis Pontifex Principi præferatur, malè ex æquo collocantur. Dum enim alter alteri subest, uni tantum convenit Capitis nuncupatio.

3. Quas autem affert probationes, quamque adhibet explanationem, ex suaderent, ipsum ita intellexisse, ut Pontifex esset caput in spiritualibus, & Princeps politicus in temporalibus; ac præterea juris Divini, naturalis & Canonici executor esset. Juxta illam distinctionem loquitur Canon. *Duo sunt.* dist. 92. quo in Canone præponitur Pontifex Imperatori. Sic enim incipit; *Duo sunt quippe, Imperator Auguste, quibus principaliter hic mundus regitur, autoritas sacra Pontificum & Regalis potestas* (non dicit Ecclesiam, sed mundum his duobus regi) *in quibus tanto gravius pondus est Sacerdotum, quanto etiam pro ipsis regibus hominum in Divino sunt reddituri examine rationem.... Nosti itaque inter hac ex illorum te pendere iudicio; non illos ad tuam redigi posse voluntatem, &c.* Canon autem *Principes* 23. quæst. 5. docet quæ sint Principum partes citra disciplinam Ecclesiasticam; *Principes saculi nonnunquam intra Ecclesiam potestatis adepti ac culmina tenent: ut per eandem potestatem disciplinam Ecclesiasticam muniant. Caterum intra Ecclesiam preestates necessaria non essent, non prevalet Sacerdos efficere per doctrinæ sermonem, potestatis, ut quædā hoc impleat per disciplina terrorem.*

3. Juxta eandem distinctionem dixit Christus ipse Matt. 22. *Reddite quæ sunt Cæsaris, Cæsari: & quæ sunt Dei Deo;* hancque distinctionem confundendam non esse bene monet Richerius. Benè etiam num. 11. probat, potestatem Principum, in temporalia, nisi quod ei nimis indulget, ut ex iis, quæ toto libro 4. dicta sunt colligitur verb. grat. cum locum D. Bernardi ex capite quarto, libro quarto de consid. ad Eugenium, contra mentem illius Sancti interpretatur, ut *Ecclesia jus habeat tantum innendi, docendi, & suadendi, quando Princeps gladio uti debeat ad gloriam Dei:* quam interpretationē non patiuntur verba S. Ber-

S. Bernar. Non enim gladium materialē Pontificis esse diceret, & ad nutum ejus evaginandum, si aliam non haberet circa illum auctoritatem, nisi quæ perito cuilibet competet, scilicet, *innuendi, docendi, & suadendi*. Tuus ergo & ipse, inquit S. Bernardus, *tuo forsitan nutu, etsi non tuâ manu evaginandus: uterque ergo Ecclesia, & spiritualis scilicet gladius & materialis.*

3. Quod autem eodem num. 11. monet Richerius, etiamsi vera esset eorum sententia, qui Principes in temporalibus potestati Ecclesiasticæ indirectè subesse arbitrantur, ab ea tamen scribenda esse abstinendum, verum fortassis esset, nisi scribere cogeret contraria Comitiorum Cleri Gallicani declaratio, & nisi metuendum esset, ne Principes, quorum multi Censuras Ecclesiasticas parùm reformidant, se in Principatu, qui ipsis omnium maxime cordi est, tutos omninò esse putantes, nullius mali temporalis metu cohibiti, quidvis audendi facultatem sibi esse existimarent. Cæterùm constat ex lib. 4. quàm malè suas rationes ineat Richerius, cum duo tantùm sibi objicit, quæ ipse potissima putat, licet reverà inter omnia ultimum ferè locum mereantur.

6 De Potestate Principum in condendis legibus ad Divini, naturalis, & Canonici Juris Executionem, de qua Richerius agit num. 12. nos fusè lib. 11. Hic tantùm advertimus, quod jam notaverat Illustrissimus D. Petrus de Marca lib. 2. cap. 10. §. 7. id quod Constantinus Magnus Episcopis dicebat, referente Eusebio lib. 4. cap. 24. de vita illius Imperatoris; *Vos intra, ego autem extra Ecclesiam à Deo Episcopus constitutus sum*, aliam posse habere sententiam, quàm quæ Richerio assignatur; sic enim habet Textus Græcus, ἀλλ' ὑμεῖς μὲν τῶν ἔσω τῆς ἐκκλησίας ἐγὼ ἔντων ἐξ ὧν ὑμεῖς ἀποστασαί μεν & ἐπίσκοπον & ἀνέλω; quæ sic verti possent; *Vos quidem eorum qui sunt intra Ecclesiam, ego autem eorum qui sunt extra à Deo constitutus Episcopus sum*. Imò de personis potiùs, quàm de negotiis loqui Constantinum, licet ejus verba nudè sumpta de alterutris possent intelligi, suadent quæ sequuntur. Addit enim Eusebius; *Itaque cum qua loquebatur eadem mente secum cogitaret, animum in omnes, qui ejus suberant Imperio, intus habuit; hortatus pro virili, ut piam omnes vitam excolerent*. Deindè caput sequens inchoat his verbis; *Hac etiam ratione adductus est, & rectè sanè ut frequentibus legibus & Edictis præciperet*

Dddd;

omni-

omnibus, ne Idolis immolarent, nec oracula curiosè sectarentur. &c. Quidquid sit de suprà relatis Constantini verbis, certum est, ipsum illum Imperatorem non de potestate circa res Ecclesiasticas cum Episcopis contendere voluisse, sed suum pro Religione studium significare.

7. Affirmat numer. 13 Richerius, *Nativas Ecclesia Catholica libertates, sive jus commune à Deo & natura institutum, his octo prologiis ac fundamentis, tam perspicuè roborari, ut nemo in illud impingere possit, quin eadem operâ legem Divinam, naturalem, & Canonicam labefaceret.* Hoc quàm falsum sit, patet ex illorum proloquiorum examine jam factò, vel potiùs ex illorum fundamentorum everfione. De appellationibus ab abusu, quibus ait hanc labefactionem reparari, fusè in libro ultimo dicemus. Sed recolendum est quod jam libro primo notavimus, non ita esse antiquas libertates Ecclesiæ Gallicanæ, si Richerius audiendus est; quandoquidem ait eas ortas esse ab hujusmodi appellationibus, quas superiori sæculo natas videbimus; *Hæc ratio, inquit, procedendi Gallorum, originem præbuit Ecclesiæ Gallicanæ libertatibus, ut eas vulgò nominant.*

8. Numero 14. quinque sibi objicit A. B. Petrum esse Christi Vicarium; atque adeo B. item Petro Christi Vicario congruere, non modò totam jurisdictionem Ecclesiasticam, verum etiam auctoritatem in temporalia, saltem indirectam, & in ordine ad spiritualia. Respondet inæqualem esse Christi, & B. Petri, potestatem, quod nimis certum est, quàm ut negari queat. At deficit in via Richerius, nisi ostendat. B. Petro non fuisse concessam omnem potestatem necessariam ad optimum ovilis ei à Christo commissi regimen: sed potestatem illam ipsimet ovili traditam, ejus autem solam executionem Summo Pontifici; nec potestatem temporalem ullum ordinem habere ad spirituales; vel, si quis sit ordo, spirituales temporali non præesse. Objicit sibi 2. curam fratrum Petro demandatam à Christo Luc. 22. qua videtur excludi necessitas Conciliorum. Quæ de re Lectorem remittit ad ea quæ scripserat numer. 1. Nos quoque tunc circa illum numerum, tum alibi nostram de necessitate Conciliorum sententiam, & illorum celebrationis desiderium exposuimus.

9. Tribus aliis obiectionibus, seu propositionibus, nimirum

rum tertiz, *Ecclesiam in Synodum congregatam, nullum planè jus habere aliquid decernendi, secluso, aut non consentiente Romano Pontifice.* Quartæ, *Summum Pontificem omnes Canones universalium Conciliorum ad Ecclesiasticam politiam spectantes, posse ex animi sui sententia antiquare.* Quintæ, *Papam, non modo habere auctoritatem supra particulares Ecclesias per mundum disgregatas, verum etiam supra universale Concilium: eiq; nullo in casu subijci, unicâ illâ solutione satisfacere conatur, scilicet, Petrum eandem cum Christo non habere potestatem in Ecclesiam; alioquin Ecclesiam non fore liberam.* Verùm hæc solutio & minimi momenti est, & si quid habet roboris, provenit ex modo perquam odioso, quo propositiones quarta & quinta expressæ sunt. Quis enim credat posse Summum Pontificem ex animi sui sententia, hoc est, sine causa, *Canones Conciliorum universalium antiquare?* Quæ autem justa causa esse potest, ut omnes *Canones universalium Conciliorum, ad Ecclesiasticam politiam spectantes, antiquentur?* Jusque omnino relaxetur, ac novum condatur? Quin etiam tantam sæpè habet politia Ecclesiastica cum fide, ac cum jure Divino & naturali affinitatem, ut impossibile videatur totam politiam immutare sine fidei detrimento, aut Juris Divini vel naturalis violatione, quo casu nulla fore summi Pontificis Decreta nemo non confitetur. Est enim, ut inquit D. Cyprianus lib. de disciplina & habitu Virginum, *disciplina custos spei, retinaculum fidei, Dux itineris, salutis fomes ac nutrimentum bona indolis, magistra virtutis, facit in Christo manere semper, ac jugiter Deo vivere, & ad Promissâ Cælestia & Divina premia pervenire.* Sed cogitatio antiquandæ totius politiæ, atque novi omninò juris constituendi, aded est absurda, ut nulli unquam Pontifici venerit in mentem, nulli unquam ventura sit. Alia est æquorum scriptorum sententia, quæ solidis rationibus, non odiosis & absurdis interpretationibus confutanda esset, nimirum posse summum Pontificem Canonibus Conciliorum Generalium derogare; necessariam esse plerumquæ causam, ut licitè derogeret: non omnes dispensationes illicitas esse nullas: non esse temerè damnandum summi Pontificis factum: non esse insolenter resistendum, etiam cum Superior, rationis, propriæ potestatis, aut justitiæ limites videtur excessisse: sed exponendam veritatem, mediisque convenientibus & opportunis, quærendum remedium. Quod etiam quintæ propositioni addit, quasi ab adversariis pro-

propositum, Papam Ecclesiæ nullo in casu subijci, nimis generale est; quia saltem pluribus de Pontificatu contententibus, si eorum jura sint obscura, Ecclesiæ est, controversiam dirimere. Addunt plerique, Papam, si liberetur in hæresim, atque in ea obstinare permaneret, (quod tamen neque accidit unquam, neque unquam eventurum arbitror) posse ab Ecclesia deponi, aliqui verò ipso facto, Pontificatu privatum eo casu esse affirmant.

10. Ratio, quâ Richerius impugnât infallibilitatem summi Pontificis, omnibus omnino potestatibus infensa est, & ex ea concluditur, unumquemque suo arbitrio esse permittendum. *Omnibus, inquit, hominibus est inditum à natura, ut liberi & beati esse velint: quis autem naturaliter beatus esse potest absque libertate? At si infallibilis decernendi in uno & solo habitat Pontifice, nullus in Ecclesia conventibus libertatem ferenda sententia obviet. Simili omnino ratiocinatione probaretur, neque Concilium Generale debere esse infallibile, quia tolleretur libertas, atque adeò beatitudo ab inferioribus Clericis & Laicis, qui multò plures numero sunt quàm Pastores; ac perinde concludi posset juxta Richerii verba; *Si hac sententia invalescat, sequitur Christum extrema quaque passum, ut Ecclesiam, sparsam, id est universos Christianos despotico Episcoporum, & Curionum Imperio subderet: quod juri divino & naturali funditus repugnat.* Abutitur Richerius libertatis nomine, cum eam quam Christus sanguine suo nobis acquisivit, scilicet à servitute peccati, & à jugo legis Mosaicæ, confundit cum libertate à justitia, & ab obedientia debita illis, quibus ait Luc. 10. vers. 16. *Qui vos audit, me audit; & qui vos spernit, me spernit*, ac præcipuè illi, quem in tota Ecclesia Vicarium suum constituit, Pari etiam prætextu libertatis abolendum esset Regnum, & genus omne Monarchiæ temporalis.*

11. Nihilominus hæ objectiones ex Richerii judicio non sunt universis, Alia tria enucleat numeris 15. & 16 quæ, ut ipse ait, aliquid videntur habere ponderis: primum est, *Petrum Pastorem universalis Ecclesiæ constitutum à Christo Joan 21. Pasce oves meas: hæc, Divinà voce, neque Apostolos, neque Concilium Generale excludi: omnes enim sunt oves Christi, proptereaq; à D. Petro, Christi Vicario, pasci debent.* Istud argumentum plusquam aliquid, hoc est, plurimum ponderis videtur habere, & habet re ipsâ; præsertim si Sanctorum Pa-

trum

trum testimonio roboretur, quorum testimonia jam alibi retulimus; v. g. sancti Joannis Chrysostomi, qui homil. 3. in Act. Apost. loquens de Apostolis congregatis ad electionem alicujus, loco Judæ proditoris, substituendi docet B. Petrum alios omnes in sua manu, hoc est, in sua potestate habuisse. Euthymii, qui cap. 78. in Luc. hæc verba; *Confirma fratres tuos.* Luc. 22. & cap. 18. in Joan. ista; *Pasce oves meas.* Joan. 21. de Apostolis præcipue interpretatur, abique distinctione inter ipsos, & ipsorum Collegium. Necdum enim Theologi distinguebant in Apostolis, collegialiter, & non collegialiter. S. Bernardi lib. 2. de consid. cap. 8. oves Christi sine ulla exceptione Petro, ejusque successoribus commissas docentis, verbis supra adductis cap. L. 12. Quid ergo? respondet Richerius, *Christum illis verbis non aliam dedisse Petro potestatem, quam ministerialem: officium vero Ministri & Dispensatoris esse, mandare executioni præcepta legis Divina, naturalis, & Canonica: sed juxta regulas temperamenti Aristocratici à Deo constituti: ac Proinde Petrum, censeri Pastorem, quoad executionem Canonum, verbi Divini prædicationem, & alia ejusmodi, quæ ab uno, quàm ab Ecclesia congregata in Concilium melius perfici possunt.*

12. Petrum cum Christo comparatum non nisi Ministrum, dispensatorem & executorem fuisse jam observavimus; sed Ecclesiæ regimen ita esse institutum, ut summus Pontifex sit tantum Minister, dispensator, & executor eorum quæ fuerint ab Ecclesia in Conciliis Generalibus decreta, nec probavit Richerius numeris 4. 5. & 9. quod remittit, nec probare quisquam potest. Cujus enim Concilii Generalis executores esse poterant B. Petrus ejusque successores ante Concilium Nicænum, hoc est ante annum circiter 315. Illos Conciliorum particularium (quorum etiam paucissima Canones antea ediderant) meros executores non censerebatur Richerius, quandoquidem illis concedit num. 9. plenitudinem autoritatis Pontificiæ in Ecclesias particulares per mundum dispersas: negatque solum in Ecclesiam universalem in Concilium congregatam. Legem etiam Divinam & naturalem quis tum temporis interpretabatur? Tota, inquit, Ecclesia, licet dispersa. Quid ergo Episcopi, qui ante illud Concilium vel circa fidem aut legem naturalem vel Divinam Romanum Pontificem consulebant, ejus responsa tanquàm dubia & incerta habebant, donec reliquorum totius orbis Episcoporum sententiam re-

scivissent ? Undè id habet Richerius? Non id significarunt sancti illi Episcopi.

13. *Secundum argumentum quod sibi objicit Richerius, ut illud etiam Richerii verbis exprimamus, est, Ecclesiam congregatam in Concilium, unicam familiam, unicum ovile, unicum regnum, & corpus visibile Christi constituere: ac propterea unicum etiam necessarium habere caput visibile Romanum Pontificem: ac monstrum immane videretur, si unum atque idem corpus duo suprema haberet capita, nempe Papam & Concilium Generale.* Hæc verba optimam rationem continent, licet non tam exactè propositam. Non enim v.g. dici potest, quod Concilium Generale sit Caput Ecclesiæ congregatæ in Concilium, quandoquidem Ecclesia in Concilium congregata nihil aliud est, quàm ipsummet Concilium. Verum tamen vis rationis satis intelligitur, nimirum Ecclesiæ, cùm sit una, unicum caput præesse debere: si autem Concilium Generale esset caput Ecclesiæ, cùm ea quoque Dignitas Romano Pontifici comperat, duo fore ejusdem corporis capita, atque adeò monstrum futurum. Et quia responderi posset, summum Pontificem in esse caput Ecclesiæ dispersæ, non autem in Concilium congregatæ, reponitur, etiam in eò statu, seu Concilium ipsum esse unicam familiam, unicum ovile, unicum Regnum, unicum corpus visibile Christi, atque adeò unicum habere caput, non autem tot capita, quot Episcopos, & ex sententia Richerii, quot Curiones. Quid ad hæc Richerius? Respondemus, inquit, *Ecclesiam esse politiam Monarchicam regimine Aristocratico temperatam: inde autem sequi necessarium, Concilium quoad directionem regiminis, coercionem, & potestatem sancientorum Canonum, supremam habere auctoritatem: Petrum verò, quoad executionem, atque exercitium, aut usum clavium erga Ecclesias particulares.*

14. Tantum abest, ut consequens necessarium sequatur ex antecedenti, ut contrarium potius sequatur. Si enim Ecclesia est politia Monarchica, directio regiminis, coercitio, & potestas sancientorum Canonum est penes unum. At, inquit Richerius politia illa Monarchica est regimine Aristocratico temperata. Non temperatur, sed destruitur Monarchica, dum auctoritas præcipua & principalis pluribus tribuitur, licet absque Monarchiæ præjudicio executio, exercitium, aut usus pluribus committi possit.

Quis

Quis enim v. g. (quod jam notavimus) Rempublicam Venetam appeller politiam Monarchicam, regimine Aristocratico temperatam, licet unico Duci executio, exercitium atque usus jurisdictionis committatur remanente in Senatoribus autoritate super ipsum etiam Ducem? Aut quis putet Regnum Franciæ politiam esse Aristocraticam Monarchico regimine temperatam; quamvis Senatus, Concilium Regium, aut alia quævis Curia, ex pluribus viris constans, executionem, aut exercitium & usum jurisdictionis habeat, remanente in Rege plenitudine potestatis.

15. Obijcit sibi tertio Richerius cap. 20. Concilii Romani à 280. Episcopis sub Sylvestro Papa celebrati relatum 9. quæst. 3. Can. *Nemo*. Huius quidem Concilij fides suspecta habetur: quia tamen simile Decretum in aliis veris Conciliis legitur; non sunt præmittendæ aliæ Richerii circa illud responsiones. Sunt autem illius Concilii sive veri, sive suppositi verba præmittendæ; *Nemo judicabit primam Sedem justitiam temperare desiderantem, neque ab Augusto, neque ab omni Clero, neque à Regibus neque à Populo Index judicabitur.* Respondet Richerius primò id verum esse, si Papa justitiam temperare desideret. Sed non advertit aliud esse justitiam temperare desiderare, aliud re ipsa illam temperare. Primus enim modus loquendi jurisdictionis exercitium designat, secundus verò iudicii æquitatem ac rectitudinem. Licet ergo subtiliter & rigorosè Decreti illius verba cum Richerio accipiamus, summus Pontifex, etiamsi rectè non judicet, si tamen justitiam temperare desideraverit, à nemine poterit iudicari. Quis autem Pontifex se justitiam temperare velle non profiteatur; & si dubitetur, num alia sit illius intentio, quis erit secretorum cordis eius Index? Quamvis enim de facto malè iudicet, à nemine potest iudicari, an non justitiam temperare desideraverit.

16. Respondet secundò Concilium istud intelligendum esse de Conciliis particularibus, quale ipsum erat, atque adeò verba illa, *neque ab omni Clero*, intelligi distributivè de Clero particulari, non collectivè de Generali Concilio; *Enjufmodi*, inquit, *est Constantiense, aut Basiliense.* Si Decretum illud intelligendum est de Concilio particulari, quia in Concilio parti-

culari editum est , Concilium Constantiense intelligendum erit de tempore schismatis , quando non constat, quis sit legitimus Pontifex; quia is erat Ecclesiæ status tempore Concilii Constantiensis, quod ea de causa congregatum est, & Decretum edidit , ad quod alludit Richerius. Sed de Concilii Constantiensis Decreto, ac Basileensis confirmatione iam alibi egimus. Cæterum, si de aliqua Ecclesia particulari *Decretum esse intelligendum* , non de alia sine dubio, quàm de Ecclesia ipsius Urbis , aut Provinciæ Romanæ. Atqui 280. Episcopi, cum non nisi ex plurimis Provinciis convenire potuissent, Concilii Generalis speciem referrent, & numero plures essent, quàm qui aliqua Concilia Generalia, & ipsummet Constantiense, nec non qui Basileense , quando Decretum supra designatum editum vel confirmatum fuit, constituerunt, meminissent Concilij Generalis, si excipiendum putassent, ne sub nomine omnis Cleri intelligeretur.

17. De reliquis auctoritatibus, quæ ex scriptis Romanorum Pontificum proferuntur & causa 9. quæst. 3. leguntur, non magnopere laborat: unico verbo respondet; *Nemini in sua causa credendum, nisi conformiter ad legem Divinam, naturalem, & Canonicam loquatur.* Temeraria est illa responsio, verbis præsertim ita generalibus concepta. Non enim nisi temetè de Pontificibus , sapientiâ , doctrinâ , & sanctitate insignibus , quales fuerunt S. Leo, S. Gregorius & alii , dici aut sentiri potest , ipsos indebitam cum periculo totius Fidei ac Religionis , auctoritatem usurpasse. Adde, quod simili modo retorqueri posset, absurdum esse ex Episcoporum Constantiæ atque Basilææ congregatorum Decretis in propria causa velle persuadere Papam subesse Concilio.

18. Numero 17. repetit Richerius quod dixerat num. 1. *Papam per & propter Ecclesiam; non contra, Ecclesiam per, aut propter Papam existere* , undè concludit, *Ecclesiam jure divino & naturali providere atque impedire posse , ne Papam sui destructionem gubernet.* Observavimus circa numerum primum confundi à Richerio finem regiminis Ecclesiastici cum ipsius subiecto. Regimen & potestas ipsa summi Pontificis est propter bonum totius Ecclesiæ, singulorum etiam salutem respicit; sed potestas regendi omnes & singulos fideles non residet in singulis , neque etiam in om-

omnibus simul, sed in summo Pontifice, tanquam in Monarcha, in Episcopis, tanquam in Principibus, & in aliis Pastoribus, tanquam Magistratibus inferioribus, sicut insinuat B. Paulus 1. ad Cor. 12 vers. 28.

C A P U T VI.

Confutantur responsiones Recherii in n. 18. adversus potestatem Ecclesiasticam circa temporalia.

QUOD Ecclesiam, inquit Richerius, indirectâ pollere autoritate in temporalia pradicent, verû est per modum doctrinæ, iustitiæ & exclusionis à communione Ecclesiastica: falsum autem per coactionem aut Regû atq; Principû depositionem. Hoc autem probat, quia Ecclesia neque Territorium, neque usum habet gladii materialis. Si per territorium significat Richerius, ut vulgò Jurisconsulti, locum, in quo quis facultatem habeat pœnis temporalibus, atque morte etiam corporali malos terrendi, & re ipsâ puniendi, verum est Ecclesiam vi clavium non habere hujusmodi territorium, sed vel propriâ populi liberi electione, vel Principum concessione: at verò si territorium accipiat pro loco, in quo exercetur jurisdictio quælibet cum coactione, ac pœnarum inflictione, habet Ecclesia Territorium, ubicumque versantur homines baptismali caractere insigniti, cum eos ubique censuris ligandi habeat facultatem. Si denique Territorium sumatur pro loco, in quo pœna temporalis ad finem spiritualem decerni possit, non proficientibus pœnis spiritualibus, ac deficiente alio remedio, quæstio est, an territorium habeat Ecclesia. Negat Richerius; affirmant alii.

2. Sed non est confundendus usus gladii materialis cum Territorio. Utitur enim gladio materiali, qui re ipsâ occidit, aut aliâs corporaliter plectit, quod Ecclesiasticis viris non congruit. Dum Concilia Generalia libro 4. relata, ac nominatim Constantiense, & Basiliense Imperatores, Reges, aliove Principes deposuerunt, vel deponendos decreverunt, si fidei aut Religioni obessent, non sunt usi gladio materiali, Prin-
 Ecce 3 cipibus

cipibus bellum inferendo ; sed eos, ne gladio materiali in perniciem Religionis abuterentur, impediunt. *Uterque Ecclesia, & spiritualis scilicet gladius, & materialis : sed is quidem pro Ecclesia, ille verò ab Ecclesia exercendus est*, ut inquit S. Bernardus, à Richerio num. II. citatus.

3. Comparatio quam adducit Richerius, Pædagogus, discipulos adversus disciplinam obdurescentes bonis paternis exheredantis, & Ecclesiæ, Reges aut Principes Christianos abdicantis, est ex earum numero, quæ uno pedè incedere, nonaginta novem claudicare dicuntur. Defectus studii vix tanti esse potest, ut illum exheredatione punire conveniat ; persecutio contra fidem & Religionem esset æternæ ruinæ occasio, nisi si-steretur. Hæreditas ad studium non refertur, sed sæpè studium ad hæreditatem : temporalia ad spiritualia, tanquam ad principaliora, jure Divino & naturali ordinata sunt ; quæ ordo pervertitur, dum potentia temporalis non solum spiritualia bona non promovet, sed in ea etiam grassatur. Pueri habent Patrem aut parentes, quibus & major & latior, quàm Pædagogus potestas competit, & à quibus castigari efficacius possunt. Reges & alii Principes supremi nullum alium in terris superiorem agnoscunt. Pædagogi nullam habent propriè dictam jurisdictionem in pueros, quos leviter tantum corrigere ipsis licet parentibus, à quibus facultatem illam quasi delegatam receperunt, filios in sua cura retinentibus. Ecclesia verò supremam in spiritualibus obtinet potestatem, ad quæ, ut diximus, temporalia, tanquam ad principaliora ordinata sunt. Neglectus disciplinæ scholasticæ solis plerumque discipulis nocet ; Fidei ac Religionis impugnatio, non solum Principibus, sed & innumeris eorum subditis. Si discipulorum exemplum condiscipulos trahit, penes Pædagogum est illorum curam dimittere ; Ecclesiæ, neque Principes, neque Subditos, per Baptisma sibi aggregatos deserere fas est. Ut disciplina scholastica non violeatur, obstat sæpè naturalis Constitutio. Fidei ac Religioni non nisi ex malitia bellum inferitur. Ad pueros non pertinet hæreditas, vel saltem ejus administratio. Nam si parentes vivunt, ipsi Domini sunt ; si decesserunt, pueri sunt sub Tutoribus & Actoribus, à quorum consensu pendent. Si discipuli sui juris esse supponuntur, non habet in eos Pædagogus potestatem, nisi quam

quam illi contulerunt, quæ certè ad exheredationem non pertinet. Ecclesiæ supremi Pastores à Christo ipso in omnes baptizatos jurisdictionem obtinent, quam non exercent, nisi circa id jus quod subditis competit.

4. *Illudis*, ut verba Richerii in ipsum retorqueamus, *ad id secundum quid ad dictum simpliciter*, ratiocinatio, quâ probatur Ecclesiam in temporalia Principum nullam, etiam indirectam, potestatem habere, ex eo quod *Ecclesiastici se savis, aut secularibus negotiis, non immisceant* : & *sufficientia politia Ecclesiastica ab observatione mandatorum Dei non à jure gladii, aut Monarchiâ temporali petenda sit* : quasi Ecclesia subditos à juramento fidelitatis absolvens, gladio materiali Regem jugularet, aut ei bellum inferret, ut ipsius Regnum sibi vendicaret, Monarchicè à se gubernandum. Præcipua quidem Superiorum Ecclesiasticorum potestas expressa his verbis Matth. 28. hic à Richerio relatis, aliquibus omissis ; *Euntes ergo, docete omnes gentes servare omnia quacumque mandavi vobis* : & ecce ego vobiscum sum omnibus diebus, usque ad consummationem sæculi. Sed illis nullo interjecto, præmiserat Christus ; *Data est mihi omnis potestas in cælo & in terra* ; quasi insinuans se illis potestatem conferre tum circa cælestia, tum circa terrena, quatenus opus esset ad amovenda obstacula, injuncti sibi officii spiritualis executionem impediencia.

5. Triplex hic sibi argumentum opponit Richerius, quorum primum ducitur ab exemplis veteris Testamenti. Huic respondet, Synagogam territorium, & jus meri Imperii habuisse, Ecclesiam non item. Sed, ut mox explicavimus, Ecclesia Territorio non caret : imò nec mero Imperio, quandoquidem ubique terrarum censuris, nominatim excommunicatione, quæ à juris Canonici Tractatoribus cum jure vitæ ac necis comparatur, fideles contumaces plectere potest, nec non à juramentis fidelitatis, sicut ab aliis dummodò justa & necessaria causa intercedat, absolvere, ut lib. 4. ostendisse sufficienter credimus. Aliud discrimen observat Richerius, quod scilicet lex Evangelica ad Mosaicam, & ad quamcunque aliam politiam comparata, sit lex mansuetudinis & perfectissimæ libertatis. Verum hæc libertas in eo præcipuè sita est, quod Christiani ultro, & ex Charitatis instinctu, non autem ex servili pœnæ timore moveri

moveri debeant ad implenda præcepta, ut Sanctus Augustinus, & alii sancti Patres exponunt; non in eo quod ab omni pœnâ debeant esse immunes, si contumaciter renitantur. Alioquin enim excommunicatio, quæ verorum Christianorum judicio damnatio est Regni temporalis privatione gravior, ab Ecclesia esset eliminanda.

6. Alterum argumentum, quod sibi objicit Richerius, est caput tertium Synodi Lateranensis: quo statuitur Reges atque Principes, qui hæreticos ex suis Dominiis minimè exterminaverit, esse abdicandos. Respondet, isthæc & similia ut Decretales Romanorum Pontificum nihil juris habere in Principes politicos; quia inquit, *Decreta hæc privatim, & proprio motu à Romanis Pontificibus, non Synodice, id est totius Ecclesiæ consensu, sancita fuerunt: itaque non obligant.* O temeraria responsio! Quod in Concilio generali, imò Generalissimo assistentibus per se vel per suos Legatos omnibus Principibus Christianis, Decretum est, *proprio motu à Romanis Pontificibus non Synodice, id est totius Ecclesiæ consensu sancitum fuit.* Ecquid ergo ultra requiritur, ut aliquid Synodice totius Ecclesiæ consensu sancitam dicatur? An ut generatim omnes & singuli Christiani assensum præbeant? Et quid unquam fuit, aut erit unquam hoc modo sancitum? Nulla ergo unquam obligavit, aut obligatura est lex Ecclesiastica. Sed demus Richerio Papam in eo Concilio, & in aliis, quibus præfedit, hujusmodi decreta proprio motu edidisse, atque ad eorum subscriptionem Episcopos, aliosque Judices & Assistentes coegisse: quid respondebit autoritati; tanti apud ipsum ponderis, Conciliorum Constantiensis & Basileensis contra Pontifices habiturum? An eorum decreta, quæ lib. 4. retulimus, proprio motu à Romanis Pontificibus sancita dicet?

7. Objicit sibi 3. abdicationem Childerici Regis Francorum, & Imperii translationem ad Francos, quibus respondet absolute negando solâ Romanorum Pontificum autoritate, absque populi consensu, autoritate, aut postulatione factas. Nota vocem illam, solâ; ad id enim certum est, eas Romanorum Pontificum autoritate factas fuisse, ut id non possit non fateri, illucque confugiat ut neget, solâ eorum autoritate factas. Sed ab illo & aliis exemplis sese expedit pronuncians. quod moribus & Canonibus, non exemplis, Christianam Rempublicam gubernari voluit Dom. N. Jesus Christus

Christus. Sed quis illos nobis Canones in hac materia edet, quandoquidem qui in Conciliis Generalibus conditi fuerunt, proprio motu sumnorum Pontificum sanciti fuisse, atque adeo non obligare dicuntur. Quis mores declarabit, aut Canones sanciet, quibus *Christianam Rempublicam gubernari voluit Dominus noster Iesus Christus?* Quis audeat cum Richerio contendere, qui exempla tot tantorumque Pontificum, & Conciliorum Generalium nihili faciens, de jure, non de facto disputari postulat? Sed si tam parvi pendenda est Concil. autoritas, cur ad illam tam sæpè nos vocat Richerius? Cur penes illam supremum Ecclesiæ regimen constituit interdum? Quis condet aut exponet jus, secundum quod de controversiis disputari possit?

7. Claudis libellum suum Richerius, remittens pro reliquarum objectionum solutione ad Tractatum Magistri Joannis Parisiensis, *de potestate Regia & Papali*, qui est in 2. lib. Vindiciarum; Verum si Richerius graviores illas esse existimabat, cur omisit, & opus suum mancum reliquit, nisi quia se illis plenè satisfacere non posse intellexit? Si leviores judicavit, non debemus de illarum solutione anxiam gerere sollicitudinem. Sed non sunt à nobis omninò pratermittendæ Richerii Vindicia, ne illius doctrinam labantem suffulxisse existimetur.

C A P U T VII.

Nota in primum librum Vindiciarum Edmundi Richerii, qui Decretis Scholæ Parisiensis constat.

1. VIndicias suas Edmundus Richerius in quatuor libros distribuit, cujus divisionis monet in præfatione Primus aliquot Decreta Facultatis Theologiæ Parisiensis complectitur. Secundus continet aliquot opuscula Doctorum Sorbonicorum, pro Philippo Pulchro Rege Franciæ adversus Bonificium VI Papam Tertius ea exhibet, quæ Petrus de Alliaco, & Joannes Gersonius emisérunt in lucem tempore Conciliorum Pisani, & Constantiensis. In quarto sunt ea, quæ Jacobus Almainus, &

Joannes Major pro Ludvico XII. adversus Iulium II. & adversus: Scripta Cajetani ediderunt.

2 In primis diligenter observandum est, quâ viâ ad scopum suum tendat Richerius. Collectionem suam sic inscribit, *Vindicia doctrinae Majorum Scholæ Parisiensis, seu constans & perpetua Scholæ Parisiensis doctrina de autoritate & infallibilitate Ecclesiæ in rebus fidei & morum contra defensores Monarchiæ universali & absoluta Curia Romana.* Mox quasi thema adduntur verba sancti Augustini ex libro 2. contra Julianum cap. 10. *Quod invenerunt in Ecclesiâ, tenuerunt; quod didicerunt, docuerunt; quod à Patribus acceperunt, hoc filiis tradiderunt.* Deinde proponitur illud Deuteronomio 32. vers. 7. *Interroga Majores tuos, & dicent tibi.* Et in præfatione plura alia refert ad traditionem & ad libertatem Christianam spectantia; itaque crederes ab Apostolorum tempore ad nos usque per singula sæcula seriem traditionis pro autoritate ac libertate Ecclesiæ contra summi Pontificis potestatem & infallibilitatem perducturum; præcipuè verò ex primorum Scholæ Parisiensis Doctorum testimoniis, & ex antiquissimis illius Academiæ Decretis catenam perpetuam contexturum: & ecce tibi exhibet Decreta, quorum primum sæculi 15. editum est, & opuscula 14. sæculo non antiquiora, tempore schismatis, aut dissidii inter Reges ac Regnum Galliæ, & Pontificis Romanos, à Doctoribus Romanæ Curie plerumque infensis conscripta; quod certè Vindiciarum genus non tam causam justam esse, quam jure destitutam probat: quandoquidem pars illam defendens ad Advocatorum suorum testimonium & autoritatem, tanquam ad fortissimum præsidium confugit:

3. At fortè non tam illorum nomine, quàm argumentis selecti vult. Verùm non neglexerat Richerius, quæ sibi favere videbantur, à singularium Doctorum Tractatibus, licet non citatis, mutuari. Universitas enim non solet argumentis sua Decreta, ut privati suas opiniones, confirmare; sed judicium more, suppressis rationibus, decernere. Non tamen facile debent ejus judicia odio, vel alicui animi perturbationi ascribi, aut etiam parvi pendi, præsertim si repetita sint. Et magna certè deberetur doctrinæ Scholæ Parisiensis reverentia, si constans & perpetua esset, ut affirmat Richerius.

4. Sed undenam orditur Richerius traditionem Facultatis Theologiæ Parisiensis, An à tempore Caroli Magni, quem ple-riq̃e Galli Universitatis illius Urbis Fundatorem nominant? An saltem à tempore Roberti Sorboni, cui celeberrimum Collegium Theologorum & nomen & institutionem debet? Minimè verò: à tempore, quo maximè flagrabat schisma, atque ad illud extinguendum maximè anhelabat tota Ecclesià, præsertim Universitas Parisiensis, cujus tunc Cancellarius erat Joannes Gersonius eo zelo vehementer incensus. Eà enim de causâ illo ipso anno habitum est Concilium Pisanum. Primum enim, quod producit Decretum datum est die secunda Mensis Januarii anno 1408. more Gallico; id est Anno 1409. more communi. Nullane usque ad id tempus edita fuerant ab Universitate Parisiensi de potestate Ecclesiasticâ Decreta? Nulli ejus Alumni eâ de re scripserant? Sed saltem ex eo tempore finitne *constans & perpetua* omnium ejus universitatis Doctorum sententia? Ut id pateat, non sunt repetenda, quæ in libris superioribus allata sunt à nobis testimonia. A Lectore, si dubiter, rursus videri possunt.

5. Sed accedamus propius ad doctrinam Scholæ Parisiensis, & consideremus an Curia Romanæ adeò infesta sit: neglectis iis, quæ ad causæ justiciam nihil faciunt, & quæ Richerii tantum affectum declarant, ut sunt styli ætymonia, & denominatio Concilii Pisani habiti anno 1409. quod primum vocat, quasi nihili faciendum esset illud, quod ibidem sub Innocentio II. anno 1134. præsentè, plerumque juvante sancto Bernardo, à totius Occidentis Episcopis celebratum est, ac de quo Bernardus Abbas Bouavallis in vita sancti Bernardi ait, *Innocentius II. rursus Pisas revertitur, ibique aggregatis totius Occidentis Episcopis, aliisque Religiosis viris, magna gloria Synodus celebratur. Affuit per omnia & Consilii & Judicii & definitionibus omnibus sanctus* (Bernardus.) Sed magis cordi erat Richerio commendare Conciliabulum, quod tempore Ludovici XII. Regis Franciæ, illiusque sollicitationibus Pisis ex parte habitum est anno 1511. & in Galliam evocatum, quod tanquam schismaticum reprobaturum est in Concilio Lateranensi 5. sess. 2. & 3. & ab ipso met Ludovico repudiatum, ut in eodem Lateranensi sess. 3. legitur. His omiſſis, Scholam Parisiensem audiamus.

6. Primò prædictæ Facultatis Theologiæ Decreto à Richerio relato cogitur Licentiatius quidam retractare nonnullas propositiones circa Sacramenti pœnitentiæ administrationem, verbi Dei prædicationem, ac Decimarum solutionem: quæ quidem propositiones, cum falsæ & scandalosæ essent, revocari certè debebant. Neque ea retractatio juribus sanctæ Sedis præjudicat. In prima quidem propositione, proutemendata est, dicuntur *Curati in Ecclesia Minores Prælati & Hierarchæ, ex primaria institutione Christi*: sed licet ipsius gradus institutio esset, *ex primaria institutione Christi*, quod minus esse probabile superiori libro ostendimus, non tamen sequeretur unumquemque Parochum jurisdictionem suam immediatè à Christo recipere; multò minùs quod infert Gersonius à Richerio citatus, eos *vocem definitivam in Conciliis Ecclesiæ cum Episcopis habere*: ut enim Episcopi Ægyptii & alii ipsis adherentes clamarunt in act. Concilii Chalcedonensis, *Synodus Episcoporum est*. Nec antiquitas, quam Richerius, & alii scriptores Gallicani tam sæpè appellant, docet nos, Parochos in Conciliis generalibus definitivam vocem habuisse, aut etiam ad ea vocatos fuisse, nisi fortè tanquam consiliarios:

7. Alterum Theologiæ Parisiensis Decretum à Richerio exscriptum diei 3. Martii Anno 1430. testatur, alium Licentiatum partim spontè, partim ordigante Universitate, aliquas propositiones revocasse circa jurisdictionem Ecclesiasticam: ac tria præcipuè declarasse. Primò quod *omnes potestates jurisdictionis Ecclesiæ, aliæ à Papali potestate, sunt ab ipso Christo, quantum ad institutionem & collationem primariam*. (Idque immediatè, ut dicitur in propositionibus sequentibus.) *A Papa autem & ab Ecclesiâ, quantum ad limitationem & dispensationem ministerialem*. Hæc propositio sensum verum, & iis, quæ à nobis superiori libro statuta sunt non oppositum, potest habere. Est enim Christus Episcopatum & alios gradus instituerit, atque Apostolis suis, & primis Ecclesiæ suæ ministris, etiam immediatè contulerit, atque ita ipse sit causa principalis illorum: *dispensantur* tamen, & *limitantur* à summo Pontifice ipsius ministro ac Vicario, nec non totius Ecclesiæ capite. Certum tamen est propositionem illam, si generaliter sumatur, veram non esse. Nec enim Christus Dignitatem Patriarchalem v. g. Exarchalem,

chalem, aut Metropolitanam per se ipsum immediatè instituit.

8. Declaravit præterea dictus Licentiatus, quod *quandocumque in aliquo Concilio aliqua instituuntur, tota autoritas dans vigorem statutis, residet, non in solo summo Pontifice, sed principaliter in Spiritu Sancto, & Ecclesia Catholica.* Quod *autoritas dans vigorem statutis Conciliorum resideat principaliter in Spiritu Sancto*, certò certius est: Verum etiam in aliquo sensu est, illam autoritatem residere in Ecclesia. Sed istud obscurum est, Ecclesia enim potest intelligi vel formaliter pro tota fidelium collectione, atque in eo sensu falsum est, eam dare vigorem statutis. Laicis enim, qui pars ejus collectionis maxima sunt, convenit obsequendi necessitas, non decernendi autoritas: potest etiam Ecclesia sumi representativè, hoc est, pro fidelium omnium Pastoribus, atque in isto sensu verum est, Ecclesiam dare vigorem statutis. Nec enim nihil faciunt reliqui Episcopi ad robur Decretorum Synodali-um. Sed summus Pontifex, ut caput illius mystici corporis, plus cæteris confert. Quia sicut ipsi, tanquam supremo Pastori, commissa sunt universæ Christi oves, ita & principalis tradita est earum regendarum potestas. Quæ quidem Papæ prærogativa, ita cæterorum jurisdictioni præminet, ut dum ipse Concilio interest, ejus nomine Decreta edantur, approhantibus cæteris, ut alibi observavimus.

9. Confessus est idem Licentiatus, quod *potestas Ecclesia de jure potest aliqui, & incertis casibus contra summum Pontificem.* Ea etiam propositio in eo sensu vera est, quo in usum redacta fuerat ante aliquot annos in Concilio Constantiensi, quando nimirum incertum erat apud plerosque, quis esset legitimus Pontifex. Sed verba illa, *incertis casibus*, exceptionem significant, quæ non solum regulam generalem non constituit, sed & regulam contrariam firmat.

10. Denique declaravit, Papam *Simoniam posse committere.* Quæ in re distinguenda est vera Simonia contra jus Divinum, à quibusdam actibus ab Ecclesia ob Simonia periculum prohibitis; hæc veram Simoniam non contineant. Itemque in Simonia contra jus Divinum, discernenda est culpa à censura, quæ illam in certis casibus consequitur. Summus Pontifex jus divinum vio-

Ians culpam non effugeret, censuram non incurreret. Juris metè positivi directioni subest, non coactioni.

II Huic secundo Decreto subjungit Richerius sex conclusiones articuloꝝ ejusdem Facultatis Parisiensis contra Lutherum : sed illæ conclusiones Ecclesiæ quidem privilegium in fide & moribus non errant, controversias, aut dubia circa Scripturas sacras definiendi & determinandi, nec non excommunicandi potestatem adscribunt, ejusque traditiones recipiendas declarant ; idem tamen privilegium eandemque potestatem summo Pontifici non denegant.

III. Hæc autem est ultima ex illis sex conclusionibus ; *Nec minus certum est, unum esse de jure Divino summum in Ecclesia Christi militante Pontificem: cui omnes Christiani parere tenentur : qui quidem potestatem habet & indulgentias conferendi.* Si summo Pontifici omnes Christiani parere tenentur : ergo & omnes Episcopi, cum omnes sint Christiani verum, ut sæpe diximus, quid est Ecclesia formaliter, nisi omnes Christiani ; & repræsentativè nisi omnes Episcopi : Sed dices, fallacia est à sensu diviso ad sensum compositum. Ità quidem esset, si Ecclesia tunc tantum diceretur, cum Episcopi essent in Concilium Generale collecti, aut fideles omnes in consilium universale congregati. At cum ipsa fidelium multitudo, etiam prout sunt per totum orbem dispersi, & Episcopi in propriis Diœcesibus residentes, Ecclesia propriè sint, non video quomodo in eo statu omnes summo Pontifici parere teneantur, non autem Ecclesia ipsa. Nisi fortè dicamus omnes Christianos adparendum teneri, nisi communi consensu inter se per litteras aut Nuncios significato, deliberent non parere sed præcipere ; atque in eo casu Pontificem Ecclesiæ subesse, quod absurdum videretur.

13. Dicitur in quarto ex illis sex articulis, *potestatem excommunicandi esse de jure Divino immediate à Christo Ecclesiæ concessam*, Sed illud immediate dicitur contra errorem Lutheri, qui excommunicationes ad politicam dumtaxat exteriorē valere, non autem bonis spiritualibus privare, inò potius prodesse, quam obesse affirmabat : unde sequi videbatur, illas ab hominibus fuisse omnino excogitatas. Hæc enim erat propositio 18. ex damnatis à Leone X. an 1520 *Excommunicationes sunt tantum externæ pœnæ, nec privant hominem communibus spiritualibus*

Ec-

Ecclesia orationibus. Et 19. *Docendi sunt Christiani plus diligere excommunicationem, quam timere:* quibus propositionibus opponitur articulus scholæ Parisiensis declarans, potestatem excommunicandi esse de jure Divino, etiam immediatè, atque adeo excommunicationem esse timendam. Fuit autem illa potestas immediatè concessa Ecclesiæ; hoc est primariò propter ipsius bonum, non autem Ecclesiæ universæ sicut subjecto immediato, quemadmodum de jurisdictione in communem jam explicavimus.

14. Tertium Decretum die 5. Februarii an. 1483 editum, quo tempore maximè laborabant Galli pro defensione suæ Pragmaticæ Sanctionis ex Decretis Concilii Basileensis, ad quod admissi fuerant Curati, desumptæ, atque à Ludovico XI. Caroli VIII. tunc regnantis Patre repudiatæ, continet censuram quattuordecim propositionum, ubi quatuor tantum capita nobis adversari videntur. Primum, quod prima propositio in eo quod enuntiabat, Curatos suam facultatem habere ab Episcopo duntaxat, gravi censurâ perstringitur: quare insinuat, eam potestatem esse de jure Divino, sed vox illa, *duntaxat*, efficit, ut ad veritatem & justitiam censure sufficiat, potestatem Curatorum aliquo modo esse ab alio quam ab Episcopo. Id autem multis modis absque præjudicio sententiæ nostræ contingere potest, prout variè exponitur natura jurisdictionis à Doctoribus Scholasticis, qua de re videri potest Suarez de pœnit. disput. 16. sect. 3. Certè potestas remittendi peccata in se absolute, ac sine respectu ad aliquos subditos ab eo solo est, qui solus potest peccata dimittere; assignatio autem subditorum est ab Episcopo, vel alio beneficiū conferente; atque adeo licet Curatorum potestas sit ab Episcopo, non est ab eo *duntaxat*.

15. Secundò, hæc propositio, quæ in ordine secunda est; *Parochianus confessus dictis fratribus, satisfecit Decretali: Omnis irrita si quis ex. De pœnit. & remiss. nec tenetur confiteri proprio Curato se neli in anno, nec ab eo petere licentiam*, hæc censurâ notatur; *Hæc propositio informis, in qua jacet est falsa, & de hæresi vehementer suspecta, juri communi contraria, & publicè revocanda.* Verùm hæc censura non negat Regulares, si à Papa delegentur, pœnitentes absolvere validè; atque confessione

illis.

illis factâ satisfieri præcepto Ecclesiæ contento in prædicto Canone. *Omnis utriusque sexus*, cuanli confessio rursus Curato non fiat. Alioquin censura illius propositionis, sicut & tertiæ, quæ est de communione illorum, qui Regularibus confessi sunt, quæ parte ad istam reducit, potius esset hæretica, quàm propositiones ipsæ, quas afficit, ut patet ex damnatione propositionum Joannis de Poliaco, factâ à Joanne XXII. Papa extrav. *Vas electionis*. De hæreticis, & ab Ecclesia receptâ, imò & ab ipsamet Schola Parisiensi, ut in lib. 6. demonstravimus. Convenit igitur censuram ita interpretari, ut velit Curatorum licentiam à fidelibus postulari confitendi Regularibus, quod reverentiæ Pastoribus debitæ maximè convenit; & posset etiam absolute necessarium esse, si summus Pontifex eam conditionem apponeret. Verùm hæc controversia ob nova Ecclesiæ Decreta Regulares Episcoporum approbationi subdientia, inutilis hodie videtur.

16. Tertiò, ista propositio ordine 8. *Papa posset totum jus Canonicum destruere, & novum construere, declaratur scandalosa, blasphematoria, notorie hæretica, & erronea*. Reverà propositio complexè accepta est *scandalosa*: quatenus etiam in jure Canonico plurima continentur, quæ sunt juris Divini, est *blasphematoria*, *hæretica*, & *erronea*. Sed salva est summo Pontifici autoritas dispensandi super iis, quæ sunt de jure positivo dumtaxat, & etiam ea abrogandi, dum iusta causa intercedit, ut intercedere præsumendum est, quando contrarium manifestè non apparet: nec non jus Divinum interpretandi.

17. Quartò, propositio 12. scilicet, *Quicumque contradicit voluntati Papæ paganizatur, & sententiam excommunicationis incurrit (ipso facto:)* & à nullo Papa reprehendi potest, nisi in materia hæresis, notatur ut falsa, scandalosa, & sapiens hæresim. Ista etiam censura variis modis, autoritati Papæ non contrariis, salvari potest. Primò enim, si Papæ voluntas esset apertè injusta, liceret ei cum reverentia contradicere. Secundò non omnem contradictionem sequitur pœna excommunicationis Tertiò Papa potest reprehendi extra casum hæresis. Aliud est enim reprehendere, aliud judicare. Quartò judicari etiam potest in casu schismatis, quando cum fundamento dubitatur an sit verus & legitimus Pontifex.

18. Quar-

18. Quartum Decretum suâ etiam epochâ nonnihil suspectum, edictum scilicet anno 1497 post expeditionem Italianam Caroli VIII. Francorum Regis, ut notat Richerius continet responsum præsdicto Regi factam, circa tres ab ipso missas quæstiones. Responsum est, primò, Papam debere quolibet decennio Concilium congregare, præsertim si magna sit in Ecclesiâ deordinatio. Id jam statuerat Concilium Constantiense; atque optandum esset, ut observari posset. Sed is est Christianarum Provinciarum status, ea Principum Catholicorum discordia, ut desiderari quidem, sed nondum sperari possit. Secundò responsum est, rogato ac renuente summo Pontifice, posse Principes tam Ecclesiasticos, quàm sæculares, & partes Ecclesiæ notabiles se congregare. Cujus utilitatis futura sit hujusmodi congregatio, instigantibus Principibus, sine summi Pontificis assensu, facta, comprobavit inter alia Conciliabulum, aliquot post annis à Ludovico XII. Caroli VIII. successore, primum in Gallia congregatum, deinde, illo procurante, Pisis continuatum, postea in Franciam revocatum; ac denique à Concilio Lateranensi V. damnatum, & à Ludovico ipso repudiatum, ut supra notavimus. Tertiò responsum est, renuente summo Pontifice, ac reliquis Provinciis Christianis, posse unam, v. g. Regnum Franciæ, Concilium celebrare, & necessitatibus Ecclesiæ providere. Quis credat, eventurum unquam casum illum, ut sola Francia necessitati Ecclesiæ prospicere satagat, recusantibus, & summo Pontifice, & aliis Prælatibus Orbis Christiani. Verendum potius esset, ne sub prætextu adhibendi Ecclesiæ malis remediis, malorum omnium maximum schisma in Ecclesiam inveheretur. Non patietur Ecclesiâ Romana, vel etiam aliæ, ut zelus pro domo Dei à se in Galliam penitus exulet.

19. *Hæc responsio* (scilicet Carolo VII. facta) inquit Richerius, aperte declarat quidnam Parisienses Theologi conformiter ad Constantiensis & Basileensis Synodi Decreta de autoritate Concilii supra Papam, & de Regum Christianorum potestate in Conciliis indicendis & congregandis, tum temporis sentirent atque docerent. Scimus quidem Concilium Constantiense in Gallia maximi fieri, cuiusque occasione, quia nimirum feliciter diuturno, perniciosissimoque schismati finem imposuit, plures in eo Regno summam

Conciliis generalibus auctoritatem tribuere, sed non video quomodo hæc responsio aperte declares, quidnam Parisienses Theologi (ea de re) sentirent, atque docerent. Aut de Regum Christianorum potestate in conciliis indicendis & congregandis, cum de neutro quidquam definiat: neutrum ex illa meo iudicio sequatur: iudicet tamen quisquis legerit. Eam, quia paulò prolixior est, non puto hîc exscribendam.

20. Fortassè Richerius putavit, Doctores superiorem illam auctoritatem Concilii generalis indicatam voluisse illis verbis responsionis ad secundam quæstionem, *Ecclesiam universalem representans*. Sed attentè legenti patet, illa dicta esse de Concilio generali à summo Pontifice convocato, de quo sermo fuerat in responsione ad primam quæstionem: non de Concilio sine Papa congregato, de quo agebatur in secunda, quodque alii potius opponitur tanquam Ecclesiam non representans; hæc enim sunt verba; *Principes tam Ecclesiastici, quam seculares, & partes Ecclesie notabiles possunt se congregare sine hoc, quod per dictum summum Pontificem congregetur dictum Concilium Ecclesiam universalem representans*. Ubi etiam vides de Principibus secularibus, sicut de Ecclesiasticis, dici quod possint se congregare; non autem quod possint congregare Concilia.

21. Claudir hunc librum Richerius Censurâ ejusdem Facultatis adversus undecim alias propositiones, ex quibus tertia, quinta, sexta eadem sunt, quæ tertio Decreto notatæ fuerant, eademque censurâ afficiuntur. Quamobrem sufficiunt quæ de illis jam dicta sunt. Aliæ ad institutum nostrum non pertinent; nisi fortè quarta, quæ Regularibus privilegium tribuit absolvendi à multis casibus, à quibus absolvere nequeant Curati: sed cum de facto magis, quam de jure agatur, non videtur diutius immorandum circa ejus censuram, quæ est hujusmodi; *Ista propositio censenda est falsa, & juri communi contraria, scandalosa, & ideo nullatenus predicanda*. Nam cum privilegia non supponenda, sed exhibenda sint, quæ juri communi adversantur, censenda sunt falsa, & nequaquam predicanda, quamdiu de illis non constat. Quæ Censuræ mens colligitur tum ex illa voce, *censenda est*, quæ in evidentiâ subindicat, tum ex eo, quod in fine censuræ declaratur, quod *predictorum articulorum qualificatio nullo modo derogat, nec præjudicat Clementinæ Dudum. De sepulturis*, quia

quia scilicet est privilegium in corpore juris clausum, atque adeo notum & certum.]

22. Hæc interpretati sumus pro nostro erga Facultatem Parisiensem studio. Sed, si cui videatur interpretatio illa menti ejus scholæ adamussim non congruere, provocamus ad alia ejus Decreta, edita antequam schismatis occasione, ac Joannis Gersonii præsertim impulsu, summi Pontificis auctoritatem, si non minuere, saltem quàm angustis posset limitibus concludere statuisset, & ob potestatis Pontificiæ abusus, præcipuè schismatis ejusdem tempore, potestatem ipsam gravem habere cœpisset. Antiquiorum autem illorum Decretorum exempla, quæ ubi tulit occasio, jam vidimus, sufficiunt. Plura videri possunt apud Mauclerum, Duvallium, & alios ejusdem Scholæ Doctores.

25. Denique, licet concederemus, scholam Parisiensem ita semper sensitse, ut decretis à Richerio relatis significasse videtur, ejusque doctrinam esse veram; quid juvaret declarationem Illustrissimorum Præsulum Gallicanorum, pro cujus defensione modo in lucem emissæ sunt? Ubi enim subtrahuntur Principes, quantum ad temporalia, à potestate indirecta Ecclesiæ? Ubi submittitur generaliter summus, & indubitatus Pontifex Concilio Generali? Ubi confirmantur regulæ, mores, & instituta à Regno, & Ecclesiâ Gallicanâ recepta? Ubi negatur summo Pontifici non errandi privilegium? Multis opus esset consequentiis, ut ista ex illis concluderentur.

C A P U T VIII.

De Tractatibus, quibus constat liber secundus Richerii, ac speciatim de primo.

1. **N**ON eadem prosequimur reverentiâ Tractatus illos, quos nonnulli scriptores pro Regum Francorum defensione tempore dissidiorum cum Romanis Pontificibus lucubrarunt, quâ Facultatis Theologicæ Decreta. Quis enim partisalicujus causam injustam præsumat, eo quod à partis adversæ Ad-

vocato impugnetur, aut quis miretur inveniri Scriptores, qui calamum suum Principibus commodent, vel vendant? Itaque menti statim occurrerat, iis Tractatibus non aliter respondere, quam collectis & publicatis Tractatibus aliorum Doctorum ejusdem ætatis, sed contrariæ sententiæ saltem æquè celebribus ac solidis. Verùm dum id ab aliis præstabitur, qui commodiùs, ob Manuscriptorum copiam, possunt; eorum qui nobis obijciuntur, vis est experienda.

2. Agmen ducit *questio disputata in utramque partem pro & contra Pontificiam potestatem*: cui ut autoritas conciliaretur, præfixum est nomen *Ægidii de Roma Archiepiscopi Bituricensis*, viri multorum laudibus, & suis ipsius operibus celeberrimi; ac de quo scripsit Joannes Bergomensis in supplem. Chronic. relatus à Cesare Egassio Bulæo hist. Universitatis Paris to. 3. in Cathalogo Illustrum Academicorum; *Ægidius Romanus Ordinis Eremitarum generalis Prior, & Bituricensis Archiepiscopus & Primas Aquitaniæ declaratus, his temporibus ob ingenti magnitudinem Theologorum Princeps est appellatus. Quod quidem conjici potest, si à curioso Lectore ejus volumina perspiciantur. Hic namque ex illustri Columnensium Romanorum familia natus, cum longo tempore Ordinem suum, omnemque Ecclesiam doctrinâ & moribus illustrasset, tandem miraculis clarus beatusque finit, qui sanctitatis merito Beatus Doctor est appellatus.*

3 Sed tanto viro suppositam fuisse illam quæstionem, tum multa suadent, tum dubitare non sinit ejus Tractatus, cujus editionem meditatur eruditissimus ejusdem Ordinis S. Augustini Alumnus, apud quem Autographum extare audi. Adeo pugnat doctrina certi hujus Tractatus, cum quæstionis illius suppositæ doctrinâ, ut ejusdem Autoris esse nequeant. Neque enim is erat Ægidius, ut circa eandem controversiam aliud scripserit ad Bonifacij VIII. seu potius ad jurium sanctæ Sedis defensionem; aliud & e regione contrarium in favorem discipuli sui Philippi IV. Francorum Regis; ac si sibi tam male constitisset, parum valeret ejus autoritas.

4. Quis Ægidio quæstionem illam, ut certum eius factum primus supposuerit, mihi compertum non est. Richerium laudo, quod fideliter ejus conclusionem exscripserit, quâ signi-

mi-

nificatur, saltem incertum esse, an opus Auctoris sit, cujus nomen præfert; sicut enim habet. *Explicit questio prædicta, edita per bonam memoriam Ægidium de Roma Ordinis fratrum Eremitarum sancti Augustini, SACRÆ THEOLOGIAE EXIMIUM PROFESSOREM AC Archiepiscopum Bituricensem, secundum quod fertur.* Ultima ista verba, *secundum quod fertur*, sine merâ cavillatione, aliò referri non possunt, quàm ut indicent, autorem quidem dici Ægidium, esse tamen incertum. Aded enim notorium est Ægidium fuisse Archiepiscopum Bituricensem, ut quicquid de re nonnisi cum cautelâ, & hæsitans, loqueretur, quod denotant verba illa, *secundum quod fertur*, satis demonstraret parùm sibi notum esse illum *sacra Theologiae eximium Professore*; adeoque paucam fidem mereretur ejus testimonium, celeberrimo illi viro istam questionem assignans.

5. Interim autem, dum Tractatus, quem modò dicebam, publici juris fiat, pauca ex illo proferam, ex Codice manuscriptorum optimæ notæ extracta, quæ mentem Ægidii Romani luculentissimè declarant. Sicigitur habet par. 1. cap. 3. Ejus titulus est; *Quod spiritualis potestas INSTITUERE HABET terrenam potestatem: & si terrena potestas bona non fuerit, spiritualis potestas eam poterit judicare.* Deinde sequitur; *Hugo de S. Victore in lib. de Sacramentis fidei Christianæ p. 2. c. 4. ait, quod SPIRITUALIS POTESTAS TERRENAM POTESTATEM ET INSTITUERE HABET ET IUDICARE, si bona non fuerit.* Igitur de Ecclesia, & de potestate Ecclesiastica verificatur illud vaticinium Jeremia: *Ecce constituite hodie super gentes & Regnâ, ut evellas & destruas & disperdas & dissipes, adifices & plantes.....* Istud tamen vaticinium hodie de ipsa impletur Ecclesia, ut dicat Dominus Ecclesia, *Ecce hodie, id est à die qua formata es. constitui te super gentes & Regna, ut destruas & evellas, ea de suo loco transferendo; adifices & plantes, ipsa quidem Regna in loco alio adificando & plantando.* Quia alias factum est: quia summus Pontifex transtulit Imperium de Oriente in Occidentem, ut in juris scientia est notatum. Concordant itaque rerum gesta cum auctoritate Doctorum..... Sed dices aliquis, quod Reges & Principes spiritualiter non temporaliter subsint Ecclesia. Sed temporalia ipsa (diceret aliquis) Ecclesia recognoscat ex dominio temporali, ut patuit ex donatione & collatione, quam fecit Ecclesia Constantini. Sed sic dicentes vim argumenti non capiunt. Nam si solum spiritualiter Re-

ges, & Principes subessent Ecclesia, non esset gladius sub gladio, non essent temporalia sub spiritualibus, non esset ordo in potestatibus, non reducerentur infima in suprema per remedia: Si igitur hac ordinata sunt, oportet gladium temporalem subijci spirituali; oportet sub Vicario Christi regnum existere: & de jure, licet aliqui de facto contrarium agant, oportet Christi Vicarium SUPER IPSIS TEMPORALIBUS HABERE DOMINIUM. In eodem Codice habetur Tractatus Alexandri de S. Elpidio Augustiniani, viri etiam Clarissimi, De Ecclesiastica potestate. Sed ejus & aliorum in Gallia non versatorum testimoniis referendis superfedemus; quamvis eandem tueantur sententiam.

6. Ne autem doctrinæ in dicta quæstione contentæ vim metuere videamur, si tantum eam quasi adulterinum partum contemnamus, illam diligentius consideremus. Præmittitur Epistolum quoddam cum hoc titulo; *Litteræ sue Bullæ missæ per Bonifacium VIII. Serenissimo Regi Philippo Pulchro*. Falsum, vel certè admodum suspectum esse illud Epistolum multi jam ostenderunt. Mihi mirum est, quod adeò breve cum sit, Bullæ titulo insigniatur, *litteræ seu bullæ*, quasi epistolæ, aut litterarum nomen non satis significaret paucissimarum linearum præstantiam. Sunt autem illæ lineæ, quibus constat, stylo tam stricto, tamque ab eo cultu, qui in acerbioribus, etiam summorum Pontificum ad summos Principes epistolis interlucet, remoto, ut litteras seu bullam, in eâ saltem formâ, nunquam à Bonifacio VIII. ad Philippum Pulchrum missam existimem. Verba illa, *Regi Philippo Pulchro*, innuunt, etiam huic titulum non fuisse illi epistolio præfixum tempore ipso Philippi; atque adeò neque ab Ægidio Romano. Qui enim præfixit, Regem adhuc regnantem designasset; Gallus quidem nomine *Regis tantum*; alius autem, addito nomine *Francia, Regis nomini*. Sed omne de falsitate dubium abstergere videntur literæ, quas scripserunt Anagninæ 6. Kal Julii Pontificatus Bonifacii VIII anno 8. S. R. E. Cardinales Ducibus, Comitibus, Baronibus, & Nobilibus Regni Franciæ. *Volumus*, inquit, *Vos pro certo tenere, quod prædictus Dominus Noster summus Pontifex nunquam scripsit Regi prædicto de Regno suo sibi subesse temporaliter, illudque ab eo tenere debere: & providus vir Magister Jacobus Archidiaconus Narbonensis Notarius & Nuncius Domini Nostri prædicti, sicut constanter affirmat, ipsi Domino Regi hoc ipsum vel simile nunquam verbaliter nunciavit, aut scripto.*

7. Sed etsi verè illa epistola fuisset à Bonifacio Regi scripta; responsio quæ illi supponitur facta, quæque illi subditur in quæstione Ægidio supposita, adeò est summo Pontifici injuriosa; ut, si à Principe irato erumpere potuit, non possit à viris, Christi Vicarium, ut veros Catholicos decet, contentibus irreverentiæ Christiano Principe indignissimæ, non argui; multò minùs tanquam Gallicanæ fortitudinis specimen laudari. Henricus Spondanus ad ann. 1301. numer. 11. Epistolum Bonifacii verè Philippo redditum tradit, sed à Petro Flo-
ta ex longiori epistola maliciòse interpolatum. Ad annum autem 1302. numer. 8. epistolum etiam Philippi suspectum facit.

8. Sed ad quæstionem veniamus, quæ post illa duo epistolia hunc alium titulum præfert; *Quæstio bene disputata ad argumenta super debato præcedentium literarum*. Planum est, quæstionis illius statum longè alium esse ab eo, quem postulasset controversia inter Bonifacium & Philippum, & saltem ut opponi posset Bonifacio, adversùs quem tractata est, & ab eo, quem postulare declaratio Præfulum Gallicanorum, ut hinc aliquid præsidii mutuari posset. Nam neque Bonifacius plenam & directam potestatem in temporalia Principum sibi tribuebat; & Episcopi Gallicani etiam indirectam Ecclesiæ negant. Quæstionis autem istius autor de potestate directâ præcipuè disputat, & indirectam Ecclesiæ nihilominùs competere proficitur, quod per partes est demonstrandum.

9. Inprimis Bonifacius mentem suam adeò luculenter exposuit, ut nesciam, quâ fide possit illi sententia tam diversa affingi. Æquumne est, ut ad minuendam Regis culpam, Pontifex in invidiam immeritò trahatur? En votum Bonifacii VIII. in Consistorio, ubi agebatur de discordia inter ipsum & Regem Franciæ ex m. s. Bibliothecæ S. Victoris Parisiensis, relato ab Henrico Spondano ad annum 1302. num. 10. *Quadraginta anni sunt, quod nos sumus experti in jure, & scimus quod duæ sunt potestates ordinate à Deo. Quis ergo debet credere, vel potest, quod tanta fatuitas, tanta insipientia sit vel fuerit in capite nostro. Dicimus quod in nullo volumus usurpare jurisdictionem Regis, & sic frater noster Portuensis dixit. Addidit quidem; Non potest negare Rex, sem quicunque aliter fidelis, quin sit nobis in peccatis ratione peccati. Sed hæc*
scu-

sententia neque nova erat, neque singularis: Siquidem id ipsum antea declaraverat Innocentius III. in cap. *Novit*, De *judiciis*. Quod ab omnibus receptum est, etiam in Gallia, ut lib. 4. vidimus; speciatim autem ab Autore hujus quæstionis, ut ex ejus verbis cap. seq. referendis constabit.

10. Sed prius nosse oportet, quis sit status quæstionis ab isto Scriptore tractatæ. Illum his verbis exprimit; *Quæstio est utrum dignitas Pontificalis & Imperialis, siue Regalis sint due potestates adinvicem distinctæ: & hoc est quærere, utrum summus Pontifex plenam jurisdictionem & ordinariam potestatem habeat tam in temporalibus quàm in spiritualibus. ita quod omnes Principes temporales subsint ei quantum ad temporalia.* Quid facit hæc quæstio ad controversiam inter Bonifacium & Philippum; vel quid juvat declarationem Antistitum Gallicanorum? Num inficiebatur Bonifacius *Dignitatem Pontificalem & Imperialem, siue Regalem esse, duas potestates adinvicem distinctas.* E contra id ita profitebatur, ut sententiam contrariam non solum juris inficitæ, sed etiam incredibili fatuitati & insipientiæ adscriberet *Quadraginta anni sunt, quod nos sumus experti in jure, & scimus quod due sunt potestates ordinatæ a Deo: quis ergo debet credere, vel potest, quod tanta fatuitas, tanta insipientia sit, vel fuerit in capite nostro?* An putabat Bonifacius, ut docent Theologi, summum Pontificem plenam jurisdictionem & ordinariam potestatem habere, tam in temporalibus, quàm in spiritualibus extra patrimonium B. Petri? Num Pontifex juris peritissimus ignorabat cap. *per venerabilem; Qui filii sint legitimi*; Ubi Innocentius III. expresse affirmarat, quod *Rex (Francorum) Superiorem in temporalibus minimè recognoscat*: aut caput *Novit*; De *judiciis*, ubi idem Pontifex declaraverat, quod *non intendebat judicare de feudo: cujus ad ipsum (Regem Francorum) spectat judicium*; Nonne ad illa jura Bonifacius manifestè alludebat his verbis; *Dicimus quod in nullo volumus usurpare jurisdictionem Regis.*

11. At, inquires, volebat saltem Bonifacius, & docent multi Theologi, ac contendit Curia Romana, quod *omnes Principes subsint summo Pontifici quantum ad temporalia* Ita est: sed in eo sensu, quem exhibent hæc verba Bonifacii; **NON POTEST NEGARE REX, SEU QUICUMQUE ALTER FIDELIS, QUIN SIT NOBIS SUBJECTUS RATIONE PECCATI.** Quæ sen-
tentia

tentia Bonifacio est antiquior, nedum recenter non excogitata, ut ex iis patet, quæ lib. 4. dicta sunt, & ex illis Decretalibus, ad quas alluisse Bonifacium diximus. Nam cap. *Novis.* postquam Innocentius præmisit se non intendere judicare de feudo, quippe cujus iudicium spectaret ad Regem, addit; *Sed decernere de peccato, cujus ad nos pertinet sine dubitatione censura, quam in quemlibet exercere possumus, & debemus.* . . . Nullus quis sit sana mentis ignorat, quin ad officium nostrum spectet de quocumque mortali peccato corripere quemlibet Christianum: Et si correctionem contempserit: *PER DISCRETIONEM ECCLESIASTICAM COERCERE.* Et cap. *Per venerabilem.* Qui filii sint legitimi; *Non solum in Ecclesia patrimonio (super quo plenam in temporalibus gerimus potestatem) verum etiam in aliis Regionibus, certis causis inspectis, temporalem jurisdictionem casualiter exercemus: non quod alieno juri præjudicare velimus, sed quia, sicut in Deuteronomio continetur: Si difficile & ambiguum apud te iudicium esse perspexeris, &c.* Quam doctrinam ita non refutavit hujusce quæstionis autor, ut eam expressè tradat, quod cap. seq. planum fiet.

CAPUT IX.

Vindicias Richerii complexè sumptas plus obesse, quàm prodesse Antistitum Gallicanorum declarationi.

1. **E**tiam si gravis esset Scriptorum, quos sibi Richerius vindices ascivit, autoritas; neque suspectum efficerent illorum testimonium circumstantiæ temporis, & scribendi occasio, seu consilium ac finis: tamen fortior non evaderet pars illusterrimorum Antistitum Gallicanorum, nec causa illorum appareret æquior, & saltem si omnia illa testimonia complexè accipiantur. Manifestius enim aliquibus illorum propositionibus adversantur, quàm aliis suffragentur: imò aliquando illis reverà opponuntur, quibus favere creduntur. Id ex parte observare jam licuit, quando aliquibus ex illis testimoniis usi sumus. Sed rursus novis est exemplis confirmandum.

2. Autor quæstionis illius, quæ a Egidio Romano tribuitur, nihil scripsit, quod confirmet, saltem apertè, propositionem, in cuius solius confirmationem adductus videtur: & alii manifestè contradicunt; imò & illi ipsi, in cuius patrocinium advocatus est. Ita enim non declarat cum Illustrissimis Episcopis Gallicanis, *Reges & Principes in temporalibus nulli Ecclesiastica potestati Dei ordinatio-*

Hhhh

no

ne subijci; ut art. 4. summarium sit huiusmodi; *In quibus terrena potestas sit subiecta spirituali potestati* Sed ut mens Autoris evidentior fiat, exhibendus est integer articulus, cuius partem jam dedimus lib. 4. cap. 8. §. 6.

3. *Quarto declarandum est, in quibus & quomodo potestas temporalis subiecta est spirituali potestati, & in quibus non.* Ad cuius evidentiam notandum est, quod quaedam sunt causa. merè spirituales, sicut causa matrimoniales Extravagante de Decimis, per totum: Item causa Simonia, Extravagante de Simonia per totum. Item causa hæresis Extrav. De hæreticis. c. Ad abolendam, & cap. Vergentis, & c. Excommunicamus: item causa divortii Extrav. De procura. Et omnes alie causa matrimoniales sunt spirituales. De quibus dicit Innocentius Extr. de iudiciis super illâ Decretalem, Novit, super verbo iuramento. Nota crimen pacis fracta, & perjurii directe pertinet ad iudicium Ecclesia, ut hic in crimine Simonia, sacrilegii, usurarum, hæresis, separationis matrimonii, quantum ad thorum propter adulteriũ. Causa merè temporales sunt causa feudales, & causa sanguinis, & huiusmodi. Istas commisit Deus immediatè & principaliter Imp. & Regibus. De quibus nec Papa nec alii Prelati debuerunt se intromittere in Ecclesia primitiva, licet modò consuetudina de causis personalibus quibusdam & temporalibus ad utrumq; iudicem recurratur Sed de Feudalibus in propriis feudis, non nisi ad Imperatores, Reges, & alios Principes. Unde illa Decretalis dicit Papa, non negamus quin Imp. præcellat in temporalibus. Et ut Extrav. De iudiciis c. Novit. dicit Papa. Non putes quod jurisdictionem Illustr. Regis Francorum perturbare, aut minuere intendamus. Et infra. Qui filii sunt legitimi, dicit Papa, ad Regem non ad Ecclesiam pertinet de talibus possessionibus iudicare. Item Extrav. De foro competenti. c. Vero. Super verbo de Feudis, dicit Inno. quilibet Dominus quantumcumq; villicus, vel etiam rusticus super feudalibus rebus jurisd. habet. Causa mixta sunt cause temporales, quæ connexionem quandam habent cum spiritualibus: sicut causa feudalís, quæ de se temporalis est, connexionem potest habere cum iuramento vel pacto: sicut patet de diffensione motâ inter Reges Francia & Anglia super Comitatu Pictaviensi: Papa quia non poterat directè cognoscere de causa feudali, indirectè ratione iuramenti, vel pacti intromisit se de illa Extrav. De iudiciis c. Novit. Ubi dicit Hostien. in glos. super verb. De feudo: Non intendimus cognoscere de feudo, sed tantum ratione pacti, inducendo illũ ad pœnitentiam, quia illam non potest agere nisi satisfaciatur. Itẽ causa dotis per se temporalis est, & ad sacularem iudicem pertinet, si de ipsa

tantum agatur: tamen quando Index Ecclesiasticus cognoscit principaliter de matrimonio si incidat causa dotis tanquam accessoria, cognoscet de illa sicut de principali, cui est annexa, ut patet Extrav. De donatio. inter virum & uxorem c. De prudentia. Ubi dicit gloss. Quia si non est matrimonium neq; dos, & ita dos accedet matrimonio: ideo qui cognoscit de principali, debet cognoscere de accessorio, ut habetur Extrav. de officio delegati, c. Præterea, & c. Prudentiam. Sic etiam de hereditate cognoscit Index Ecclesiasticus ratione incidentis. Extrav. Qui filii sunt legitimi c. Per tuas. Et c. Ex tenore. Alii sunt plures casus speciales, in quibus Index Ecclesiasticus cognoscit de temporalibus, quos enumerat Hostien. in gl. Extrav. De iudiciis c. Novit. sic ergo regulariter verum est, quod de causis merè spiritualibus solus Papa & alii iudices Eccles. habent cognoscere. De causis verò merè temporalibus habent cognoscere Reges, Imper. & alii iudices seculares. Et sic Rex Francia secundū iura non subest summo Pontif. nec ei tenetur respondere de Fendo sui. POTEST TAMEN EI SUBIACERE INCIDENTER ET CASUALITER RATIONE CONNEXIONIS ALICUIUS CAUSÆ SPIRITUALIS, sicut habetur Extrav. De iudiciis cap. Novit. & Extrav. Qui filii sunt legitimi cap. per venerabilem.

4. Non minùs evidenter idem Autor art. seq. non errandi privilegiū summo Pontifici competens firmat ex orationis Christi pro Petro efficaciam. Hanc enim sibi objectionem proponit, & continuò solvit; Item utramque potestatem videtur Christus commississe Petro, quando dicit, Tu es Petrus & super hanc petram adificabo Ecclesiam meā. Quia sicut in adificatione materiali est unus lapis primarius & fundamentarius; sic in Ecclesia debet esse unus Princeps principalis totius Ecclesie fundamentum. Respondeo dicendo, quod hac Petri firmitas, super quā fundata erat Ecclesia, non est dominatio temporalis, sed immobilis & inviolabilis stabilitas fidei Christianæ, sicut insinuat Christus dicens: Ego pro te rogavi Petre ut non deficiat fides tua.

5. Sed fortasse cuipiam videbitur Scriptor illis, quæ in art. 4 scripserat contradicere, dum hic subjungit; De potestate enim temporalis nullam fecit mentionē, quando dicit: Tu es Petrus, sed solum de potestate spirituali, quæ solū in ligando & absolvendo, à peccatis in foro conscientie consistit. Certè nullius momenti esset autoritas sibi ipsi contradicentis, quantum ad illud in quo inesset contradictio; atq; adeò frustra in confirmationē primæ propositionis Antist. Galli allegaretur Nequāquā verò sibi cōtrarius est in asserenda immobili, & inviolabili stabilitate fidei Christianæ, Petro ejusq; successoribus. At-

tamen præstat Autorem ita intelligere, ut in contradictionem non incurreret. *Intelligentia enim dictorum*, ut ait S. Hilarius lib. 4. de Trinitate, *ex causis est assumenda dicendi: quia non sermoni res, sed rei est sermo subiectus*. Itaque quod hic, ac in tota ista quæstione dicit Autor, de potestate ordinaria & directa, ac de actuali ejus exercitio in bona temporalia, quæ Principibus, non Pontificibus competit, est accipiendum, ut ex quæstionis statu, atque ex argumentis constat; non autem de potestate indirecta, quam adeò expressè in art. 4. Ecclesiæ concedit. Adde, quod prædicta Scriptoris verba non possunt tam arctam, ut videntur, habere sententiam; alioquin enim B. Petrus nullam habuisset in foro externo jurisdictionem, etiam quantum ad censuras, *sed solum potestatem spirituales, quæ solum in ligando & absolvendo à peccatis in foro conscientie consistit*; quod Catholicæ fidei repugnat. Vult ergo, vel solum illam potestatem Apostolorum Principi datam fuisse illis præcisè verbis Matth. 16. *Tu es Petrus, &c.* (Quæ tamen sententia adhuc falsa esset; cum illa verba ampliorem facultatem significant) non excludens alias, quæ in aliis Scripturæ locis continentur; vel potius sub potestate spirituali ligandi & absolvendi à peccatis ea omnia intellexit, quæ ad illam quâdam ratione referuntur: cujusmodi est jus impediendi, ne Principes Christiani autoritate sua abutantur in propriæ animæ ruinam, ac in subditorum & Catholicæ Religionis perniciem.

6. Cæterum idem autor eam assignavit originem potestatis, & autoritatis Patriarchalis; ut si quid simplicibus superesset timoris, ne tandem, quod nonnulli Galli aliquandò minitari visi sunt, de constituendo Patriarchâ, exquerentur, penitus illius verbis abstergi queat. Tradit enim tanquam rem fide Divinâ certam, Patriarchas omnem suam potestatem & autoritatem à Sede Apostolica habere, ac merito dicendum hæreticum quid negaret. *Aliiter potest dici*, inquit in eodem art. 5. *quod cum sermones inquirendi sint secundum materiam, sicut ait Apostolus, & intentio in tota illa distinctione sit, ostendere præminentiam Sedis Apostolicæ ad Sedes Patriarchales, quia Sedes Apostolica illas & instituit & autoritatem dedit: unde Sedes Patriarchales quicquid potestatis & autoritatis habent, & dubium non est à Sede Apostolica emanare. Item Patriarcha autoritatem habet limitatam in aliquâ mundi parte: SEDES AUTEM APOSTOLICA IN TOTO ORBE: UNDE QUANTUM POTEST SE EXTENDERE IN LONGUM ET LATUM. TEMPORALIS POTESTAS IMPERII, TANTUM SE EXTENDIT AMPLITUDO SPIRITUALIS POTESTATIS, VIDELICET APOSTOLICÆ: ET*

QUICUNQUE

QUICUMQUE ISTUD SINGULARE PRIVILEGIUM. CONARETUR. AUFFERRE, ASSERENDO, QUOD SEDES PATRIARCHALES POTESTATEM ET AUTORITATEM SUAM A SEDE APOSTOLICA NON HABERENT ET SPIRITUALEM POTESTATEM, ISTE MERITO DICENDUS ESSET HÆRETICUS.

7. Joannes de Parisiis, cujus Tractatus de potestate Regia & Papali in lib. 2. Vindictiarum Richerii, quæstionem, de qua egimus, sequitur, non minus expressè agnoscit Summi Pontificis ad definiendâs inconcussio judicio fidei controversias potestatem, ejusque in totam Ecclesiam jurisdictionem. Sic enim scribit c. 3. *Manifestum est autem, quod licet populi distinguantur per diversas Dioceses & Civitates, in quibus præsunt Episcopi diversi in spiritualibus; tamen una est omnium fidelium Ecclesia, & unus populus Christianus. Et ideo sicut in qualibet Diocesi est unus Episcopus, qui est caput Ecclesie in illo loco vel populo: ita in tota Ecclesia, & in toto populo Christiano est unus summus Episcopus, scilicet Romanus, & Petri successor: ut sic Ecclesia militans per similitudinem à triumphante deriveretur, ubi unus præsidet toti universo.* Apocalip. 21. *Ipsi populus ejus erunt, & ipse Deus cum eis erit eorum Deus: Et Joelis 1. Congregabuntur filii Juda & filii Israel pariter, ut ponant sibi caput unum: & Jo. 10. Fiet unum ovile & unus Pastor: quod quidem de Christo tantum intelligi non potest, sed de aliquo alio Ministro, qui omnibus præsit loco ejus.* Nam post corporalem subtractionem præsentie corporalis Christi contingit interdum circa ea, quæ sunt fidei, quæstionem moveri, in quibus propter diversitatē opinionum vel sententiarum dividetur Ecclesia (qua ad sui unitatem requiritur fidei unitatem); nisi per unius sententiam Ecclesia unitas servaretur. Hic autem unus principatum hujusmodi habens est Petrus successor Christi, non quidem Synodali ordinatione, sed ex ore Domini, qui Ecclesia sua noluit deficere in necessariis ad salutem ipso dicente Jo. ult. ante ascensionem Petro singulariter, PASCE OVES MEAS: Et Luc. 22. ante Passionem, ET TU ALIQUANDO CONVERSUS CONFIRMA FRATRES TUOS;

8. Adeo cum Catholicæ Religionis doctrinâ consentit hæc sententia, ut etiam qui ab illa recedere meditabantur, ad eam identidem, quasi secereto fidei impulsu revocari videantur. Audi Joannem Gersonium Tract. de statibus Ecclesiasticis tit. *De statu Prælatorum* confid. 13. *Status Episcopalis habet rationabiliter MONARCHIAM SUPREMAM, SCILICET PAPAM RATIONE UNITATIS FIDEI ET SACRAMENTORUM: Sed hoc non ita perspicuum est esse debere ex institutione Christi, & pro utilitate universalis Ecclesie respectu dispensationis.*

Hhhh 3;

bonorum

bonorum temporalium, & jurisdictionum contentiosarum, seu coercitivarum, quæ diversis Legibus, seu Decretalibus, aut Statutis pro diversitate locorum & temporum regi debent, sicut & alia merè temporalia, Regalia, vel Imperialia. Hinc benedictum est, quod qualibet Provincia in sensu suo abundat. Itaque ex mente Gersonii verbis istis expressis; Papa Status Episcopalis Monarcha est. & quidem supremus, ratione unitatis Fidei & Sacramentorum : id est ut dissensionibus fortè cæteris Episcopis, ac in varias sententias distractis, multitudo ad unitatem per unius supremi Monarchæ judicium reducatur; atque ita sicut unus est Dominus, sit etiam una fides, unum baptisma; quæ est ratio Doctoris Angelici.

9. Dubitabit fortasse, an ea fuerit Gersonii mens hoc in loco, quia contrariam alibi indicat. Sed, ut jam innui, hæc contradictio, si sibi Gersonius contradixit, tribuenda est hinc ejus in Pontificiæ potestatis, tempore schismatis, abusus commotioni, hinc Religionis & avitæ disciplinæ instinctui. Perspicua sunt Gersonii verba modò relata. Quomodò enim *Papa eris Monarcha supremus*, si ejus judicium ab alio, puta à Concilio generali, possit reformari? Quomodò stabit *unitas Fidei & Sacramentorum*, nisi unius illius sententiæ inhæreatur? Nonne poterunt in Conciliis Episcopi varii variè opinari? Nonne tunc unius autoritate ad unitatem erunt revocandi? Respondebis Monarchiā in eo consistere, quod Papæ sit, Ecclesiæ universæ providere, Concilia Generalia convocando & Canones exequendos curando; sed nonne Pontifex illam etiam potestatem habet circa jurisdictionem, & circa temporalia, circa quæ tamen Gersonius, quanvis dubitative, minorem illi tribuit auctoritatem; fortasse quia cùm longe minoris sint pretii, inferioribus plenius committenda videbantur, supremo autem Monarchæ reservanda, quæ ad *unitatem Fidei & Sacramentorum* spectarent.

10. Quæ circa Richerii Vindicias dicta sunt, sufficere mihi videntur, si minus ad absolutam eorum confutationem; quippè quæ opus integrum postulare, saltem ut constet eas non ita firmare Declarationem Illustrissimorum Antistitum Gallicanorum, ut (si hæc sola erāt illius fundamenta & munimina, quæ brevi vulganda jactabantur) multum timendum sit sanctæ Sedi ab hujusmodi machinis.

C A P U T X.

Jurisdictio summi Pontificis, ejusq; potestas, nūm in definiendis fidei questionibus, nūm in condendis Legibus, celebri Ecclesia Gallicana testimonio confirmantur.

1. Pro aptissima coronide, non solum hujus libri, sed etiam omnium

nium præcedentium, in quibus generalia capita de summi Pontificis autoritate tractata sunt, vilius est, antequam ad singularia puncta veniamus, quæ, præsertim à Laicis, tanquam Libertatum Ecclesiæ Gallicanæ partes, proponuntur; quæque non tam à Clero Gallicano contra summum Pontificem, aut Curiam Romanam instructa sunt, quàm ad extollendâ jurisdictionem sæcularem, oppressâ vel depresso Ecclesiastiâ, illis, quæ variis in locis dicta sunt de Cleri Gallicani circa potestatem summi Pontificis sententiâ, novum adjungendum esse testimonium; ut iterum evidentius constet, quantum Illustrissimi Episcopi Parisiis Anno 1682. congregati à Majorum suorum vestigiis recesserint sub obtentu tuendarum libertatum à Majoribus suis propugnatarum.

2. Videtur autem irreprehensibile testimonium. Est enim Episcoporum non alicujus spei, vel timoris impulsu, sed ex libero affectu, ac sensu loquentium, in Comitibus generalibus & solemnibus Congregatorum monumentum, typis editum, à Typographo Regio cum privilegio Majestatis Christianissimæ, sub hoc titulo, *Advis de l'Assemblée generale du Clergé de France à Messieurs les Archevesques, & Evêques de ce Royaume*, conclusum; *Fait en l'Assemblée generale du Clergé de France le 20. Janvier 1626. & subscriptum; Par le commandement des Illustrissimes, & Reverendissimes Cardinaux, Archevesques, & Evêques, & de tous les Ecclesiastiques deputez en l'Assemblée generale du Clergé de France. Leonor d'Estampes Evêque de Chartres.* Hujus Instrumenti articulus 137. quem, licet aliquantum prolixum, ipsimet verbis Gallicis, ut tota illius vis manifestius appareat, exscribimus, sic habet.

3. *C'est un des grands témoignages de l'amour qu'on porte à Dieu; quand on respecte, & honore ceux qu'il a constituez en ce monde pour estre son image, & tenir sa place, & en son lieu suppleer visiblement aux necessitez des hommes pour le salut de leurs ames. Ce qu'ayant esté donné par prerogative aux souverains Pontifes par dessus tous les Evêques; il est bien raisonnable que se recognoisant ses inferieurs, ils leur portent tel honneur, respect, & reverence qu'à leur exemple tous le reste des hommes fasse la mesme chose. Les Evêques seront donc exhortez à honorer le saint Siege Apostolique, & l'Eglise Romaine fondée dans*

La promesse infallible de Dieu, dans le sang des Apôtres, & des Martyrs, la Mere des Eglises ; & laquelle pour parler avec S. Athanasé, est comme la teste sacrée, par laquelle les autres Eglises, qui ne sont que ses membres, se relevent, maintiennent, & conservent : respecteront aussi nostre saint Pere le Pape, chef visible de l'Eglise universelle Vicaire de Dieu en terre, Evêque des Evêques, & Patriarches, en un mot Successeur de S. Pierre ; auquel l'Apostolat, & l'Episcopat ont eu commencement, & sur lequel Jesus Christ a fondé son Eglise, en luy baillant les Clefs du Ciel, avec l'infalibilité de la Foy, que l'on a veu miraculeusement durer immuable en ses Successeurs jusques aujurd'huy : Co qu'ayant obligé les fideles Orthodoxes à leur rendre toute sorte d'obeissance, & de vivre en deference à leurs saints Decrets, & Ordennances ; les Evêques seront exhortez de faire continuer la même chose, & reprimer tant qu'il leur sera possible les esprits libertins, qui veulent revoquer en doute, & mettre en compromis cette sainte, & sacrée autorité confirmée par tant de loix divines, & positives : & pour montrer le chemin aux autres ils y defereront les premiers : Or estant besoin d'une assistance particuliere du S. Esprit, pour conduire un gouvernement si important, tel qu'est celuy de l'Eglise universelle, Les Evêques ordonneront qu'en toutes les prieres de leurs Dioceses il en soit fait une particuliere, pour le saint Pere qui sera seant en sa chaire de S. Pierre ; afin qu'aidé des suffrages de tous les fideles, tous ses soins, & toutes ses peines réussissent à la gloire de Dieu, au bien de son Eglise, & au salut des ames.

4. Quis credat, omnes Episcopos modernos, ceterumque Clerum Gallicanum, recentiorum Comitiorum declarationem, quantumvis Richerii, Vigocii, vel Launoi suffragiis munitam, potius amplexuros, quam antiquorum, quorum est istud testimonium, & aliorum, quorum verba in libris præcedentibus retulimus vestigiis inhæsurus. Quis suspicetur, Ecclesiam Gallicam adesse immutatam, ut Majorum suorum doctrinam publicâ declaratione everfam velit? Quis non existimet, ceteros Regni Episcopos, & inferioris Ordinis Ecclesiasticos Viros gloriæ ab Ecclesia Gallicana ob summam erga sanctam Sedem reverentiam, & obedientiam meritò comparatæ participes fieri malle, quam maculæ à novissimis Comitibus contractæ ob ingestas (ne quid gravius dicam) molestias summo Pontifici suarum Ecclesiarum libertates tuenti? An Aulae desiderii obsequi, quam avitam erga Romanam Ecclesiam pietatem, & fidem colere, ac retinere laudabilius ducent, ac coam Deo securius?

LIBER DECIMUS

*De particularibus Libertatis**Ecclesiæ Gallicanæ Capitibus à Petro**Puteano assignatis.*

I.



Uperflua videretur famosi voluminis probationes Libertatum Ecclesiæ Gallicanæ continentis, discussio; quippè quod & à Rege Christianissimo, & à Clero Gallicano, statim ut prodiit in lucem, fuerit in probatu n, nisi ejus Confarcinator Petrus Puteanus ob istum quoq; Librum laudaretur à Scriptoribus Gallicanis, ejusq; Doctrina probaretur, & quasi lex plerumq; haberetur, à Sæcularibus forum præsertim sectantibus: Posset etiam fortasse aliquis suspicari Illustrissimos Antistites Gallicanos anno 1682. Parisiis congregatos has quoq; libertates, seu veriùs servitutes probasse verbis illis tertix propositionis: *Valere etiam regulas, mores, & instituta à Regno, & Ecclesiæ Gallicanæ recepta, Patrumque terminos manere inconcussos.* Ubi non confirmantur tantùm regulæ, mores & instituta, quæ ab Eccl. Gallicanæ recepta fuerint, quæ Canonicæ disciplinæ consentanea præsumi faciliùs possent, sed etiam quæ à Regno, in quibus si censerentur quæcumque à Puteano, Fevreto, & aliis scripta sunt, periclitaretur ipsa fides & religio. Quamquam adeò sunt enormia pleraque, ut præsumendum non sit prædictos Dominos Episcopos contra Decessorum suorum exemplum illa confirmare voluisse, sed potiùs instituta à Regno simul, & ab Ecclesiæ, non autem à Sæculari tantùm potestate, præcepta intellexisse.

II Alterum Puteani volumen, cui præfixus est titulus: *Traité des Droits & Libertés de l'Eglise Gallicane*, cum nu-

La promesse infallible de Dieu, dans le sang des Apostres, & des Martyrs, la Mere des Eglises ; & laquelle pour parler avec S. Athanasie, est comme la tesse sacrée, par laquelle les autres Eglises, qui ne sont que ses membres, se relevent, maintiennent, & conservent : respecteront aussi nostre saint Pere le Pape, chef visible de l'Eglise universelle Vicaire de Dieu en terre, Eveque des Eveques, & Patriarches, en un mot Successeur de S. Pierre ; auquel l'Apostolat, & l'Episcopat ont eu commencement, & sur lequel Jesus Christ a fondé son Eglise, en luy baillant les Clefs du Ciel, avec l'infallibilité de la Foy, que l'on a veu miraculeusement durer immuable en ses Successeurs jusques aujourd'huy : Ce qu'ayant obligé les fideles Orthodoxes à leur rendre toute sorte d'obeissance, & de vivre en deference à leurs saints Decrets, & Ordennances ; les Eveques seront exhortez de faire continuer la mesme chose, & reprimer tant qu'il leur sera possible les esprits libertins, qui veulent revoker en doute, & mettre en compromis cette sainte, & sacrée autorité confirmée par tan de loix divines, & positives : & pour montrer le chemin aux autres ils y deferreront les premiers ; Or estant besoin d'une assistance particuliere du S. Esprit, pour conduire un gouvernement si important, tel qu'est celuy de l'Eglise universelle ; Les Eveques ordonneront qu'en toutes les prieres de leurs Dioceses il en soit fait une particuliere, pour le saint Pere qui sera seant en la chaire de S. Pierre, afin qu'aidé des suffrages de tous les fideles, tous ses soins, & toutes ses peines reüssissent à la gloire de Dieu, au bien de son Eglise, & au salut des ames.

4. Quis credat, omnes Episcopos modernos, ceterumque Clerum Gallicanum, recentiorum Comitiorum declarationem, quantumvis Richerii, Vigocii, vel Launoii suffragiis munitam, potius amplexuros, quam antiquorum, quorum est istud testimonium, & aliorum, quorum verba in libris præcedentibus retulimus vestigiis inhæsurus. Quis suspicetur, Ecclesiam Gallic. adeò esse immutatam, ut Majorum suorum doctrinam publicâ declaratione everfam velit? Quis non existimet, ceteros Regni Episcopos, & inferioris Ordinis Ecclesiasticos Viros gloriæ ab Ecclesia Gallicana ob summam erga sanctam Sedem reverentiam, & obedientiam merito comparatæ participes fieri malle, quam maculæ à novissimis Comitibus contractæ ob ingestas (ne quid gravius dicam) molestias summo Pontifici suarum Ecclesiarum libertates tuenti? An Aula desiderii obsequi, quam avitam erga Romanam Ecclesiam pietatem, & fidem colere, ac retinere laudabilius ducent, ac colam Deo securus?

LIBER DECIMUS

*De particularibus Libertatis**Ecclesiæ Gallicanæ Capitibus à Petro**Puteano assignatis.*

I.



Uperflua videretur famosi voluminis probationes Libertatum Ecclesiæ Gallicanæ continentis, discussio; quippè quod & à Rege Christianissimo, & à Clero Gallicano, statim ut prodiit in lucem, fuerit in probatu, nisi ejus Confarinator Petrus Puteanus obistum quoq; Librum laudaretur à Scriptoribus Gallicanis, ejusq; Doctrina probaretur, & quasi lex plerumq; haberetur, a sæcularibus forum præsertim sequantibus: Posset etiam fortasse aliquis suspicari Illustrissimos Antistites Gallicanos anno 1682. Parisiis congregatos has quoq; libertates, seu verius servitutes probasse verbis illis tertiarum propositionis: *Valere etiam regulas, mores, & instituta à Regno, & Ecclesiæ Gallicanæ recepta, Patrumque terminos manere inconcussos.* Ubi non confirmantur tantum regulæ, mores & instituta, quæ ab Eccl. Gallicana recepta fuerint, quæ Canonica disciplinæ consentanea præsumi facilius possent, sed etiam quæ à Regno, in quibus licenserentur quæcumque à Puteano, Fevreto, & aliis scripta sunt, periclitaretur ipsa fides & religio. Quamquam aded sunt enormia pleraque, ut præsumendum non sit prædictos Dominos Episcopos contra Decessorum suorum exemplum illa confirmare voluisse, sed potius instituta à Regno simul, & ab Ecclesiæ, non autem à Sæculari tantum potestate, præcepta intellexisse.

II Alterum Puteani volumen, cui præfixus est titulus: *Traité des Droits & Libertés de l'Eglise Gallicane*, cum nu-

nudas ferè propositiones sine probationibus contineat, eamque tantum fidem facere possit, quam exigunt probationes in istud congestæ, peculiariconfutatione, aut examine non indiget.

III. Utrumque autem volumen eo tantum spectat, ut jurisdictione Ecclesiastica seculari subjiciatur. Quamobrem constitutâ distinctione inter utramque potestatem, si ex justitiæ legibus, non ex Principum potentia, vel ex Auditorum studio de doctrina ibi tradita judicetur, causâ ubique caderet Puteanus. Hanc autem distinctionem, etsi Elogiis communibus extollant, etiam qui potestates magis confundunt, tamen penitus tollunt in controversiis particularibus, ut autoritatem Regiam, vel potius suam, propriumque commodum cum Ecclesiasticorum jurium detrimento augeant. Itaque statuenda est, seu primum fundamentum, cum vel sola sufficere possit, si bona fides ubique adhibeatur.

IV. Porro volumen istud non incongruè definiris farraginem Actorum malorum, falsorum dubiorum, Autoris intentum confutantium, ab illegitima potestate profectorum, vi, vel fraude executioni demandatorum, inter quæ tamen inserta sint nonnulla bona, vera, à legitima potestate acta, ratione ac justitiâ in usum inducta, sed pauciora, & eo sine confarcinata, ut Ecclesiastica jurisdictione in servitutem sub potestate laica detruderetur; qui finis patet ex titulis capitum, in quæ acta illa congesta sunt, cum quibus tamen titulis sæpè parum conveniunt.

V. Equidem cum magna, & præcipua illorum actorum pars sint Senatus-consulta, vel alia instrumeta à potestate seculari edita, sufficere videretur eis constitutiones Ecclesiasticas, contra quas edita sunt, è regione opponere. Quis enim Christianus in materia Ecclesiast. summi Pontificis vel Concilii generalis autoritatem autoritati Principis, vel Senatus non anteponat. Nonnè minùs præsumendum est Ecclesiam Laicorum, quàm Laicos Ecclesiæ jurisdictionem usurpasse?

VI. Cùm autem Puteanus non tam scripserit, quàm exscripserit, non confutatione indiget, sed observatione. Quomodo enim v. g. confutes Senatus consultum nullâ prolata ratione declarans causam aliquam Ecclesiasticam ad tribunal sæculare pertinere, nisi admovens distinctionem inter utramque potestatem, & Lætoris justitiam invocans. Hæc si adsit, superflua est ferè quavis Libri impugnatio:

CAPUT PRIMUM

De distinctione inter Potestatem spiritualem, & temporalem.

1. Nemo est adeò iniquus, qui speciem justitiæ non prætendat, dum graviores etiam infert injurias: Distinctionem inter Potestatem spiritualementem & temporalem, ut jam innuimus, non solum admittunt sed etiã argumentis confirmant, qui sædiù illas confundunt, aut ut alteram absorbeat altera, vehementiùs enituntur. Quem non delectet legere Carolum Fevret. Traët. de abusu lib. 1. cap. 7. num. 10. utramque potestatem tam perspicuè discernentem, & discrimen tam vario probationum genere illustrantem? Assertit illè Canones; scilicet Can. Duo sunt. dist. 96. Duo sunt, quibus principiter hic mundus regitur, autoritas sacra Pontificum, & regalis potestas. Citat etiam Canonem sequentem, non tamen verba refert quæ ista sunt; Si Imperator Catholicus est (quod salvâ pace ipsius dixerimus) filius est, non Præsul Ecclesiæ. Quod ad Religionem competit, discere ei convenit, non docere: habet privilegia sua potestatis, quæ administrandis legibus publicis Divinitus consecutus est, ut ejus Beneficiis non ingratius contra dispositionem cælestis ordinis nil usurpet. Ad Sacerdotes enim Deus vult, quæ Ecclesiæ disponenda sunt, pervinere, non ad sæculi potestates, quas si fideles sunt, Ecclesiæ sua Sacerdotibus vult esse subjectas. Imperatores Christiani subdere debent

debent executiones suas Ecclesiasticis Præfulibus non præferre. Idem omnibus istius distinctionis Canonibus statuitur.

2. Adducit etiam Fevretus ex Can. *Quoniam*. dist. 10. qui pars est Canonis, *Cum ad verum* dist. 96. hæc verba nonnihil immutata; *Sic Deus actibus propriis, & Dignitatibus distinctis utriusque potestatis officia discrevit, ut & Christiani Principes pro æterna vita Pontificibus indigerent, & Pontifices pro cursu temporalium Imperiilibus legibus uterentur. Quatenus spiritalis actio a carnalibus distet incursum; & militans Deo negotiis non se implicet secularibus: ac vicissim Divina non attingat, qui est temporalibus intentus.* Sunt etiam in hac dist. 10. alii Canones huc pertinentes.

3. Laudat Justiniani novell. 6. in præfatione, unde pauca exscribit, sed, omittis illis, quæ clarius distinctionem designant. Sic autem habet novellæ 6. præfatio; *Maxima quidem in hominibus sunt dona Dei à supernâ collata clementiâ, Sacerdotium, & Imperium: illud quidem Divinis ministrans; hoc autem humanis prædens, ac diligentiam exhibens: ex uno eodemque principio utraque procedentia humanam exornant vitam.*

4. Adjungit Fevretus; A Deo sunt immediatè Papatus & Imperium, & ideo Deus æternus duos constituit Vicarios, unum in spiritualibus, alterum in temporalibus. De Rossell. Tract. de potest. Pap. & Imp. Duas illas potestates distinguit ex eo, quod una exerceatur in animas, in corpus altera, quod unius gladius spiritualis sit, alterius autem materialis; quod non solum actus, seu functiones, sed etiam objecta & fines diversos habeant; quod sint duo Principatus, duo genera hominum, duo gladii, duæ jurisdictiones; una spiritalis, alia temporalis. Addit testimonium Synesii Episcopi Prolemaidis.

5. Ex Hincemaro in epist. ad Episcopos quosdam Franciæ, profert hæc verba; *Sicut in Pontificibus, ac Regibus ordinum sunt divisa vocabula, ita sunt in unaquaque professione divisa ordinarum officia.* Ex quodam Procuratore Regio ista; duas illas jurisdictiones, quibus principaliter mundus regitur, à Deo fuisse ab invicem separatas, distinctas, & divisas, ita ut neutra alteri subesset, Ex Poeta Gauthero in gestis Federici Enobarbæ hoc Dist.

*Ecclesiam regat ille suam, Divinaque jura
Temperet, Imperium nobis fascesque relinquat.*

Ex S. Fulgentio libro de prædest. & grat. sequentia; *Quantum pertinet ad hujus temporis vitam, in Ecclesia nemo Pontifice potior, & in saculo Christiano nemo Imperatore celsior.*

6. Parum juvaret nosse distinctionem inter duas illas potestates intercedere, nisi sciretur, quæ sint utriusque munia & officia. Hæc, ut inquit Fevretus, ab eodem Deo assignata sunt, à quo constitutæ sunt ipsæ potestates; scilicet Paralip. lib. 2. cap. 19. unde ista excerpit aliquibus prætermisiss; *Omnem causam, qua venerit ad vos fratrum vestrorum, ubicumque questio est de mandato, de lege, de ceremoniis, de justificationibus, Amarias Sacerdos, & Pontifex vester in his, qua ad Dominum pertinent, præsidebit.* Porro Saba-dias filius Ismael, qui est Dux in Domo Iuda, super ea opera erit, qua ad Regis officium pertinent. Ex Deuter. cap. 7. *Si difficile & ambiguum apud te iudicium esse perspexeris inter sanguinem, & sanguinem; causam, & causam; lepram, & lepram..... venies ad Sacerdotes Levitici generis, & ad Iudicem, qui fuerit illo tempore.* Quo-circa Lyranus observat duarum jurisdictionum differentiam his verbis; *In spiritualibus recursus est ad summum Sacerdotem; In temporalibus ad Iudicem: adeo ut ab inferioribus Indicibus Ecclesiasticis appelletur ad summum Pontificem, & ab inferioribus Principibus, & Iudicibus secularibus ad Regem, seu Imperatorem.*

7. Denique ambas illas potestates, & inter ipsarum munia distinctionem cunctis Nationibus innotuisse probat Fevretus multis autoritatibus, quarum luculentissima videtur, Bobadillæ Hispani lib. 2. Politic. cap. 18. cujus est ista sententia; *Reipublicæ versio ex Officiorum perturbatione nascitur; speciatim quod potestates & iudices Ecclesiastici, & Sæculares alteri alterorum jurisdictionem invadunt, & administrare, exercere, atque usurpare ambiunt utrumque gladium, non reddentes quod Cæsaris, est Cæsari & quod Dei est Deo.* Ita disputat Fevretus; sed utrum cum hac doctrina consentiant, quæ in duobus illius Tractatûs voluminibus scripsit, iudicabit Lector quilibet, si modò ratione utatur, & aliquam justitiæ legem sequatur, nedum si pietatem ac religionem. Sed de illo Autore rursus libro ultimo.

7. Distinctionem inter potestatem spiritualem, & temporalem jam versatar egregiè Illustrissimus Petrus de Marca lib. 2. de concord. Sacerd. & Imper. cap. 1. à num. 4. ubi facilem dicit utriusque limitum discretionem, quam tamen in præfatione difficulti-

nam esse dixerat. Eam etiam difficultatem agnovit Fevretus in sua præfatione. Ego impossibilem arbitror iis, qui alterutrius terminos protendendi studio ducuntur. *Quibus autem finibus regi debeant suprema illa potestates*, inquit Marca præd. num. 4. *saris antiqui Patres nobis præverunt; ut difficile non sit, trivisimâ viâ eorum vestigia sectari, nisi quis malii consilio, & datâ operâ in errores impingere. Regium Imperium quietem publicam; Episcoporum sollicitudo felicitatem æternam hominibus procurat, restant Apostolo. Reges secularibus, Pontifices spiritualibus ordinandis se impendunt. Verissimè autem subjungit; Quamdiu neutra potestatum in alienos limites insiliet, mutua concordia res Christiana amplificabitur. Utinam deposito proprii commodi affectu, agnoscendis limitibus daretur opera, nec puerer ab alienis relinire.* Equidem, proficitur Marca, *hodie satis perspecta esse reor isthæc, quæ protuli axiomata, non solum juris humani, atque Divini calensibus, sed etiam cuilibet è trivio.* Illa tamen pluribus probationibus communit.

9. Prima est Osi Episcopi Cordubensis ad Constantium Imperatorem admonitio à S. Athanasio in epistola ad solisariam vitam agentes relata. *Tibi Deus, inquit Osius, Imperium commisit nobis, quæ sunt Ecclesiæ concredidit. Et quemadmodum qui suum Imperium malignis oculis carpit, contradicit ordinationi Divinæ; Ita & tu cave, ne quæ sunt Ecclesiæ, ad te trahens magno crimini obnoxius fias.* Dato, scriptum est, *quæ sunt Caesaris, Cesari, & quæ sunt Dei, Deo.* Neque igitur fas est nobis in terris imperium tenere, neque tu *Thymiamatum, & Sacrorum potestatem habes, Imperator.* Constantiam illam longè postea imitatus est S. Theodorus Studita Leonem Armenum sic allocutus, ut testatur Theostericus in vita S. Nicetæ apud Surium ad diem 3. Aprilis. *Respondis autem, & Theodorus vehemens Ecclesiæ Magister, Dux Studitarum: nec tentis nunc, ô Imperator Ecclesiasticum statum dissolvere; ait enim Apostolus: Quosdam quidem posuit Deus in Ecclesiâ primum Apostolos, deinde Prophetas, tertio Pastores & Doctores ad perfectionem Sanctorum: non dixit Reges. Tibi quidem ô Imperator, civilis status, & exercitus commissus est. Hac igitur cura, Ecclesiam autem Pastoribus & Doctoribus (ut ait Apostolus) derelinque.* Ita Theodorus Leoni Armeno anno 814.

10. Secundò SS. Patres, & alios Scriptores, nonnullos et-
tiana

nam Imperatores refert Marca. Gregorium Nazianzenum, Iſidorum Pelusiota, Joannem Chryſoſtomum, Syneſium, Gelafium, Symmacum, Grego. II. Nicolaum I. Innocentium III. Metrophanem, Valentinianum, Juſtinianum, & Ludovicum Pium. Concludit: *Posſem in hanc ſententiam plurimos Eccleſiæ Gallicanæ Autores laudare, Hincmarum, Ivonem, Bernardum, Petrum Bleſenſem; ſed ſatis eſſe duxi in re nota parcere diligentia, quàm nimia ſeduloſitate faſtidium movere Lectori.* Addit tamen teſtimonium Lupi Ferrarienſis epiſtola 81 ſcribentis, quod Chriſtus poteſtatem ſuam ad gubernandam Eccleſiam in Sacerdotes diſiſit & Reges; ut, quod ſancti docerent Pontifices, & ipſi implerent, & impleri facerent devotiſſimi Reges.

II. Dixerat numero quinto Petrus de Marca, Gelafii poteſtatis utriuſque terminos conſtituentis definitionem amplexos eſſe, Regem, Epiſcopos, & Proceres Eccleſiæ Gallicanæ in Concilio Pariſienſi & in libris Capitularium. Rem eandem poſtea proſecutus eſt Anno 1646. in libel. Barcinone edito, & libris de Concordia, dum iterum prodierunt in lucem, præfixo.

12. Poſito igitur illo principio tanquam certiſſimo, & omnium ſententiâ comprobatò; nimis diſtat ſpirituale à temporali, ſacrum à profano, quàm ut poſſint eorum limites, ſinceri, ac veritatem & juſtitiam, potiùs quàm proprium commodum, & honorem ſeclantis Judicis cognitionem effugere. Si qua poſt examen ſuper eſt difficultas, aut obſcuritas, ab iniquo affectu plerumque ortum habet. Nec unquam vulgaræ illæ allegationes, executionis Canonum, poſſeſſorii, abusus Eccleſiaſtica poteſtatis, ac ſimilia. probabilem æquis hominibus, nedum Deo inſinitè ſapienti c. juſto, efficient alienæ juřiſdictionis uſurpationem. Sed quoniam communia, & ut Dialectici loquuntur, abſtracta non tam ægrè conceduntur, quia non incommodant, deſcendamus ad ſingularia, percurramusque Capita Libertatum Eccleſiæ

Gallicanæ, ad quæ revocatæ ſunt à Pure-

ano illarum probationes.

CAPUT II.

De Regum Franciæ meritis erga Ecclesiam, eorumque cum summis Pontificibus necessitudine ad tria prima Capita probationum Libertatum Ecclesiæ Gallicanæ.

1. **I**stius voluminis Capiti primo appositus est titulus, qui nos labore relevat examinandi, quæcumque complectitur. Cum enim de pietate, ac meritis sit Regum Franciæ erga Ecclesiam, summos Pontifices, ac sanctam Sedem; eò tantùm videtur spectare, ut Religio Christianissimorum illorum Principum commendetur; quàm eis laudem tantùm abest, ut nos invidemus; ut etiam, si quid conferre possemus, augere omnino cuperemus, quo propotitis potentissimo Regi Ludovico XIV. Majorum ac Prædecessorum exemplis, magis ac magis accenderetur ejus erga Ecclesiam, & adversus Ecclesiæ hostes zelus, suorumque ipse posterorum imitationi illustriora relinqueret exempla.

2. Significat autem Puteanus jam in ipso limine, quod sit ejus consilium, cum in titulo primi Capitis, Regum Franciæ dumtaxat meminerit. Ex quo intelligitur ipsum non Ecclesiæ Gallicanæ, sed Regis, ejusque Officialium, ac judicum causam agere; quandoquidem nusquam, aut rarissimè Cleri, qui Ecclesiæ sine dubio prima, & præcipua pars est, merita & jura commemorat, nisi fortè ut potestati sæculari submittrat. Nonnè debuerunt etiam in hoc primo Capite Antiquorum Episcoporum Galliæ erga sanctam Sedem reverentia, & obedientia, strictissimaque cum illa conjunctio commendari? Nihilne ad honorem Regni Christianissimi pertinet verus illius Cleri cum Romano Pontifice tum in fide, tum in moribus & disciplina consensus? sed si laudes Regum Francorum explicandas suscepit Scriptor iste, cur prætermisit ipsorum fidem, & quæ à tot sæculis in throno Gallico inviolata permansit, quæque totius Religionis, atque adeò Ecclesiæ ipsius fundamentum est? Nimirum politicè de rebus Ecclesiasticis, non autem Ecclesiasticè scribebat. Itaque

Re-

Regum erga Ecclesiam, & Pontifices beneficia, temporalia præcipuè, alia verò non nisi quæ plurimum habent splendoris, explicat.

3. Cæterum Caput istud primum nonnulla complectitur falsa, v. g. quod refertur num. 3. ex Sigeberto à Gratiano exscriptum dist. 63. cap. *Adrianus. De potestate summum Pontificem eligendi & Episcopos investendi*, quæ supponitur Carolo Magno ab Adriano Papa data, quod jam multi Scriptores validissimè confutarunt: nonnulla modum apertissimè excedunt, ut num. 6. hæc; *elogia; Christi fidelium supremo Principi, inclita sanctitatis miraculis, in hac virtute divina, ac felicitate mirabili; præsurgente Philippo, &c.* Quæ non nisi per adulationem Philippo Pulchro concini potuerunt. Tale est etiam quod in fine dicitur: *Regem non solum temporalitatem, sed etiam Divinitatem obtinere*; Alia, nisi sanè interpretis, falsam ingerent sententiam, ut istud eodem. numer. 6. *Ad defensionem, & exaltationem ipsius fidei, ipse Dominus Rex collatam sibi recepit à Domino potestatem, itemque Prælati sunt in partem sollicitudinis vocati.* Verum, ut jam insinuavimus, curandum magis est, ut Reges Galliæ, Majorum suorum pietatem imitantes, se laudibus dignos reddant, quàm ut quæ illis tributa sunt encomia, ad teveram veritatis normam exigantur.

4. Porro satius fuisset nonnulla ex iis, quæ Puteanus Regibus adscribit prætermittere; qualia sunt, quæ numer. 4. de Carolo VI. & numer. 6. de Philippo IV. refert. Certè enim quæ à Philippo IV. adversus Bonifacium, aut à Carolo VI. eiusque Patre, in favorem Pontificum, aut Pseudo-Pontificum Avenionensium gesta sunt, antiquam Regum Franciæ gloriam, & eorum erga sanctam Sedem præclara merita potius obscurant, præstareque illa æternâ oblivione deleri, quàm in laudis argumentum assumi.

5. Caput secundum & Caput tertium magnam probant intercessisse necessitudinem inter summos Pontifices & Reges Franciæ; quæ utinam integra semper custodita fuisset; utinam arctius, atque arctius indies stringeretur.

6. Observari autem potest in istis Capitibus, sicut & alibi frequenter, Puteanum multò minùs de Ecclesiæ, quàm de Regis Dignitate curare. Non solum ea præmittit, quæ in Regis honorem vergunt; sed etiam si quæ Pontifici fa-

Vere videntur, ea quantum potest, extenuat, v. g. cap. 3. sub num. 2. hæc verba Ludovici XI. ad Pium II. *Vere deinceps in Regno nostro potestate tua, ut voles, atque illam exerce.* Clausulam vocat valdè novam, & extraordinariam; quasi novum esset, & extraordinarium in Gallia, ut Papa sua potestate uteretur, ut vellet, non prohibente Rege.

7 Debet quidem summus Pontifex voluntatem suam ad rationis ac justitiæ leges conformare; sed quod ejus conformationis in rebus spiritualibus & Ecclesiasticis (quales erant illæ, de quibus loquebatur Ludovicus, ut patet ex contextu ejus litterarum, quæ referuntur integræ à Philippo Labbeo. tom. 14. sub. sessione 4. Concilii Lateranensis V.) Principes sæculares sese Judices constituent, & Sacris Canonibus, & antiquorum Regum Religioni repugnat. Sed hæc præludia tantum sunt. Atrocius offenderetur Ecclesiastica jurisdictio in sequentibus.

CAPUT III.

De excommunicationibus contra Reges, & Regios Officiales ad cap. 4. & 5. Puteani.

1. Puteanus cap. 4. Reges Franciæ, cap. autem 5. Regios Officiales, dum propria Officia exercent, excommunicationibus subijci non posse asseruat; sed non satis intelligitur ejus consilium. Hic enim, ut alibi, diversa testimonia congerit, quæ inter se pugnant, mutuoque sese destruunt. Aliqua ex his actis, quæ in his capitulis describit, prærogativam illam, quod Rex nequeat excommunicari, privilegium esse innuunt à sancta Sede concessum; v. g. quæ extant cap. 4. num. 10. 21. 26. Alia prærogativam illam restringunt ad casus, in quibus agitur de temporalibus Regni, ut cap. 4. num. 9. 11. 13. 15. 18. 21. 23. 24. 25. 26. Quid de hoc ultimo, ad quod pertinent cap. 4. & 7. sentiendum sit, colligi potest ex doctrina toto lib. 4. tradita.

2. Privilegia quamplurima scimus Franciæ Regibus, etiam circa censuras, à summis Pontificibus esse concessa, quibus ut liberè gaudeant, nemo debet ægrè ferre. Quocirca ita monet D. Petrus de Marca lib.

Marca l. 3. c. 10. num. 3. *Sanè dubitandum non est, quin eximia quædam jura in rebus Ecclesiasticis nostri Reges obtineant, quæ cæteris Principibus hodie non competunt. Quod nulli mirum videri debet, qui privilegiorum multitudinem ex officiorum magnitudine metiscunt. Conturbaret profecto Ecclesia Romana, nec suppetere illi facultates, quibus eam Gallorum Regibus decideret, nisi liberalitatis, & perfectæ donationis titulo, immensam beneficiorum suorum molem in eam contulissent. Si ergo liberalitate summi Pontifices rependere volunt, quod ex mera donantium liberalitate consecuti sunt, non est cur cæteri Principes nobis invident benigniorem erga Reges nostros Romanæ Sedis remissionem. Certent nobiscum liberalitate, tunc integrum illis erit de privilegiis quoque nobiscum certare.*

3. *Mernis, inquit Clæmens V. in diplomate dato Lugduni Kal. Februarii Pont. sui an 1. Charissimi filii nostri Philippi Regis Francorum Illustris, sincera devotionis ad nos, & Ecclesiam Romanam integritas, & Progenitorum suorum præclara merita meruerunt, meruit insuper fida Regnicolarum pietas, ac devotionis sinceritas, ut tam Regnum, quam Regem favore benevolo prosequamur. Meruerunt igitur Christianissimi Principes, Regnumque Christianissimum, non solum ut sua illis jura servarentur illæsa, sed præcipuis, ac singularibus beneficiis, gratiis & favoribus ab Ecclesia cumulerentur, quamdiu majorum vestigia sectantes in Ecclesiam liberaliter refundrent, & in ejus protectionem, & exaltationem insumerent, quod acceperant ab ea.*

4. *Sed rem Christianissimi Regis pessimè gerunt, qui eximia, quæ ab Ecclesia obtinuit, privilegia de jure communi esse, aut Regiæ Coronæ propria contendunt. Cum eam ipsa rerum natura, & juris communis notitia, hujusmodi prærogativas Regi ob suam Coronam competere non posse certissimè suadeant, atque aliundè nullo fulciri privilegio Autores illi, tacitè saltem, fateantur. Injoste ac violenter usurpatas nemo non suspicatur, quod avitam Regum Galliæ pietatem, ac gloriæ splendorem obumbrat.*

5. *Indulgentum est plerisque Regibus Galliæ, ut ab aliis, quam à Romanis Pontificibus excommunicari non possent: Gallici Autores generatim asseverant Galliæ Reges, & eorum Officiales excommunicari non posse, quæ propositio non solum contra praxim antiquam, sed etiam contra fidem manifestè pugnat, nisi benignâ interpretatione temperetur, ac in eo sensu non intelligatur*

tur, quem præ se ferre videntur verba, quibus apud aliquos Auctores, ut apud Carolum Fevret. lib. 1. de abusu cap. 6. num. 9. & sequentibus exprimitur; ut scilicet neque ab Episcopis, neque à summo Pontifice in Principes, aut eorum Officiales, aut Regna possint ferri censuræ.

6. *Esse de Grege Christi* (verba sunt Michaelis Maucleri Doctoris Parisiensis in Tract. de Monarchia Divina, Ecclesiastica, & sæculari Christiana par. 2. lib. 3. cap. 15.) & non subijci directioni, & correctioni Pastoris à Christo Domino super ovile suum constituti, manifesta contradiçtio, sine extraordinariâ quadam ab ipso Domino ordinatâ in sacris apparente Scripturis exemptione, aut miraculo aliquo, certâq; revelatione alicui factâ, censeri debet. Neque enim ovis aliqua sine Pastore concipi potest, nisi extra ovile vaga, & errans rapacibus lupis factâ praeda cito strangulata devoraretur juxta illud Prophetâ Regi; Erravi sicut ovis, quæ periit, unde dogma illud schismaticorum illorum tempore Henrici Imperatoris cum impietate mordicus asserentium Regem, aut alium Principem à Romano Pontifice excommunicari non posse, hæreticum ab Ecclesia judicatum est, sacris ob-sistens Scripturis, Ecclesiæ decret. sanctorumq; Patrum doctrinis oppositum.

7. Si quis Mauclerum existimat nimium Ecclesiasticæ autoritati fuisse, audiat Regiæ defentorem. Insuper inquit Jacobus Almain quæst. resumptiva de dominio naturali, civili & Ecclesiastico secundæ Conclusionis 2. parte: Cum illi potestati (Ecclesiasticæ) non ex institutione humana, sed Divina cuncti fideles subijciantur, & quando aliquis subijcitur alicui, non ex proprio consensu, sed autoritate alicujus, non potest ab illius subjectione eximi, nisi autoritate ejus, qui eum subjecit, vel autoritate sui superioris. si habeat superiorem; hinc est quod contra obedientiam debitam Ecclesiæ præscribi non potest, & multi Imperatores & Reges hac potestate fuerunt excommunicati.

8. Plurima sunt in Francorum historiis, excommunicatorum, non solum à S. Sede, vel à Conciliis, sed etiam ab Episcopis, Regum exempla & eorum vel resipiscentiæ, vel castigatæ à Deo etiam in hac vita contumaciæ. De Chariberto in prima Dynastia sic scribit Gregorius Turonensis hist. Franc. lib. 4. cap. 26. Post hac Manovefâ Merostedis sororem conjugio copulavit. Pro qua causa à S. Germano Episcopo excommunicatus uterque est. Sed cum eam Rex relinquere noller, percussa judicio Dei obiit. Nec multò post & ipse Rex post eam accessit Charibertus.

9. In

9. In secunda Dynastia Lotharius II. Imperatoris Lotharii filius ob repulsam uxorem, & superinductam pellicem à Nicolao I. excommunicationis vinculo innodatus, & ab Adriano II data fide de recipienda uxore absolutus fuit. Sed Româ rediens obiit Placentiæ, & milites ejus morbo consumpti sunt: quam mortem Regino, & Signius datæ fidei violationi adscribunt.

10. In tertia Dynastia Robertus, aliàs meritò Pii nomen consecutus, ob incestas nuptias simili censura perculsus fuerat, sed ea pœna medicina ei fuit, quæ ad salutarem eum pœnitentiam induxit. Rem scitu, & admirationem dignissimam, narrat Cardinalis Petrus Damiani lib. 2. epist. 15. quæ est ad Desiderium Abbatem Cassinensem, & Cardinalem, ejusque Monasterii Monachos. *Robertus, inquit, Gallorum Rex Avus istius Philippi, qui in paterni juris sceptrâ successit, propinquam sibi copulavit uxorem, ex qua suscepit filium, Anserinum per omnia collum & caput habentem, quos etiam, virum scilicet, & uxorem omnes ferè Galliarum Episcopi communiter excommunicare sententiâ, cujus Sacerdotalis edicti tantus omnem undique populum terror invasit, ut ab ejus universi societate recederent, nec præter duos sibi servulos ad necessariis victus obsequium, qui tamen & ipsi omnia vasa, in quibus Rex edebat, vel bibebat, percepto cibo abominabilia jumentis: pabulum ignibus exhibebant. His tandem Rex coarctatus angustiis ad sanum consilium rediens divorcit incestum, iniitque legale connubium.* Vides quanta fuerit olim Regum, ac Regni religio circa Ecclesiasticas censuras, & quanta obedientia à subditis, & servis etiam Regis, adversus ipsummet Regem, Ecclesiæ præstita; sed vides etiam, quis fuerit illius Religionis & obedientiæ fructus.

11. Philippus item I. Roberti Nepos an. 1094. in Concilio, cui Hugo Archiepiscopus Lugdunensis Legatus Apostolicus præfuit, Anathemate obstrictus est, quod dimissa uxore legitima aliam induxisset; quæ censura confirmata est an. sequenti ab Urbano II. Papa è Gallia oriundo in Synodo Claromontana, cui interfuerunt 13. Archiepiscopi, & 215. Episcopi; eo tamen vinculo absolutus fuit an. 1104. à Legato Paschalis II. ut docet Ivo epist. 166. & 169. Philippus etiam II. eandem expertus fuisset censuram, nisi repudiata concubinâ uxorem legitimam recepisset post interdictum Regnum, Nam, ut notat Henricus Spondanus ad an-

num 1158. numer. 9, Rex presentiens Legatum velle procedere contra ipsum per nuncios suos fecit ad Sedem Apostolicam appellari. Legatus non ut appellationis deferret, sed ut differret ad tempus, quatenus mandatum Apostolicum alibi commodius adimpleret, tandem apud Devionem facto Concilio interdicti sententiam promulgavit, mandans universis Francorum Pralatis, sub pœna suspensionis, ut & ipsi illud observarent, & ab aliis observari facerent. Illorum vero nonnulli illud firmiter observarunt, alii vero minime, donec rursus ab Innocentio iussiones humiliter parnerunt.

12. Ex quibus exemplis patet Reges Gallix, & Regnum aliter olim de censuris Ecclesiasticis, quàm modò, sensisse, easque magis reformidasse. Quamquam non defuerunt etiam posterioribus sæculis similia religionis indicia, Nam, ut notat Henricus Spondanus ad annum 1189. num. 16. & colligitur ex epist. 213. Cardinalis Ofsari, quæ est ad Henricum IV. Regem Franciæ, Henricus III. ejus Prædecessor Ecclesiasticâ sepulturâ caruit à prædicto anno 1589. usque ad annum 1610. jubente summo Pontifice ob excommunicationem, in quam incurrerat propter illatam Cardinali Guisio necem. Undè si qui adulatores Regibus Christianissimis persuadere nitantur, illos ab omni censuratum fulmine tutos esse, quid aliud præstant, nisi ut Principes suos falsâ illa securitate ab avita Religione subducant, & ad perpetranda quælibet crimina impunitatis spe alliciant: ac sic eo digniores censuris efficiant, quò eos censuras contemnere docent. Regios Officiales censuris obnoxios esse quis dubitet? Illas etiam præterito sæculo refugisse demonstrat exemplum Senatus Aquisgranensis, qui missis ad Concilium Lateranense Legatis occurrit censuræ, ad quam infligendam se accingebat Leo X. ut perhibent acta ultimi Concilii Lateranensis sess. 3.

13. Maxima certè cautela est adhibenda, dum de Regibus excommunicandis agitur; nec sine gravissima necessitate, ac frustra tentatis aliis mediis, illuc deveniendum. Oportet tamen, ut Principes meminerint se, si filii sint, extra disciplinam non esse; Quis enim filius quem non corripuit pater, ut Divinitus ratiocinatur S. Paulus ad Hebr. 12. Suis igitur in hoc, & in aliis gaudeat privilegiis Rex Christianissimus; sed Ecclesiam Matrem semper agnoscat, à cujus dilectione, & obedientia in re-

bus ad salutem animæ spectantibus nullo potest eximi privilegio , multò minùs Regiæ coronæ Dignitate ; ac si quid supra ceteros Principes circa res Ecclesiasticas obtinet , Ecclesiæ referat acceptum. *Quidquid præter Canonum & Decretalium mentem in Gallia circa res Ecclesiasticas agitur , id fieri ex privilegiis Apostolicis , non autem mero jure Regio , ut quidam autumabant , protestatus est in libello Barcinone edito anno 1646. Illustrissimus Petrus de Marca.*

14 Ut autem ad Puteanum redeamus , ejusque probationum vim experiamur : Non Canones , ut postulare Libertatum Gallicanarum definitio , profert , sed testimonia , quæ ipsi adversantur , vel suspecta sunt , ut probationem hac in re nullam efficiant. v. g. numer. 1. refert fragmentum vitæ Ludovici Pii Imperatoris , in quo hæc habentur ; *Cum verò rumor usquequaque diffusus foret de ceteris , quod verum erat , de Papa verò Romano quod idem adesset , ut tam Imperatorem , quam Episcopos excommunicationis vinculis irretire vellet , si qui inobedientes essent suæ filiorumq. Imperatoris voluntati : Parùm quid subripuit Episcopis Imperatoris præsumptio audacia , afferentibus nullo modo se velle ejus voluntati succumbere , sed si excommunicaturus adveniret , excommunicatus abiret , eum aliter se habeat antiquorum Canonum autoritas : Ubi vides responsum Episcoporum tribui præsumptioni audacia , licet tunc de Imperio ageretur.*

15. Sub eodem numero primo recitat verba quædam quasi à Galis proposita , cum Rex Lotharius conjugem legitimam repudiasset ; *Dicunt sapientes , quia iste Princeps nullorum legibus , vel judiciis subjacet , nisi solius Dei , qui eum in Regno , quod suus Pater illi dimisit , Regem constituit , & si voluerit pro hac , vel pro alia causa , ibit ad Placitum , vel ad Synodum : & si noluerit , libere & libenter dimittet : & sicut à suis Episcopis quidquid egerit , non debet excommunicari : ita ab aliis Episcopis non debet judicari ; quoniam solius Dei Principatus debet subijci , à quo solo potuit in Principatu constitui : & quod facit , & qualis est in regimine , Divino sit nutu : sicut scriptum est : Cor Regis in manu Dei est ; quocumque voluerit vertet illud.* Mirum quod non erubuerit Puteanus hoc testimonio uti , locum , unde sumptum est , designans Audi enim quomodo relatis his verbis respondeat Hincmarus Remensis opusc. de Divortio Lotharii Regis & Tetrbergæ Reginæ , unde illa extraxit Puteanus ; *Hæc vox non est.*

est Catholici Christiani, sed nimium blasphemus, & spiritu diabolico plenus &c. Deinde prædictam confutat objectionem.

16. Numero secundo producit testimonium Ivonis, ut probet eum, qui à Rege in gratiam aut ad mensam receptus sit, posse ad Communionem Ecclesiasticam admitti: sed hoc testimonium ad suam originem relatum, ad materiam non pertinet. Excerptum enim est ex Concilio Toletano 12. cap. 13. Editus est autem Canon ille adversus eos, *qui contra Regem, Gentem, vel Patriam egerant, Quibus si Rex parceret, volebant Patres ab Ecclesia quoque indulgeri.* Vide notas Garfiae Loaisæ in illud caput.

17. Quæ numero quarto refert ex Marthæo Parisiensi Historico Romanis Pontificibus parùm æquo, licet, si vera sint, ostendant Francos non omnino probasse excommunicationem, ac depositionem Friderici Imperatoris à Gregorio IX. factam: jus tamen illud penes Ecclesiam fuisse, si Imperator hæreticus extitisset, ostendunt.

18. Universitas studii Parisiensis, cujus conclusiones sub num. 5. adducit, declarat quidem, non esse obediendum cuicunque excommunicationi in Regem & Principes latæ. Sed quid mirum, nam conclusione secunda definit, quod ejus censuræ Autor *Petrus de Luna non est nominandus Benedictus, nec Papa, nec Cardinalis, nec nomine cujuscumque Dignitatis, nec sibi obediendum est tanquam Pastori, sub pœnis fautorum schismatis;* ac re vera indignissimè, ac pessimè illum in Gallia habitum exhibet eodem num. 5.

19. Quod autem numer. 31. ejusdem Universitatis circa potestatem Ecclesiæ in Principes, præsertim hæreticos, Decretum producit, alio Universitatis Decreto infirmatur, de quo fit mentio apud Henricum Spondanum ad an. 1590. numer. 3. qui Henrico IV. Francorum Regi, cujus occasione utrumque editum est, non potuit esse infensus, cum multis ei nominibus debitor existeret.

CAPUT IV.

*De potestate Judicum secularium circa censuras, ad
capp. 6. & 8. Puteani.*

1. **N**on solum Regios Judices, & Officiales à censuris eximie Puteanus, sed eis etiam alios eximendi facultatem tribuit pluribus in locis, præsertim cap. 6. & 8. Præterimus septimum, quia, ut cap. superiori notavimus, quæ illic, nec non cap. 4. & alibi de independentia Regis in temporalibus dicuntur, ad doctrinam lib. 4. expendenda sunt, vel, si mavis, ad regulam Decretalis Innocentii III. relatæ à Puteano præd. cap. 7. numer. 4. In ea enim summo Pontifici directæ in temporalia iurisdictioni negatur, indirectæ ratione, peccati asseritur. *Non enim intendimus judicare de feudo, cujus ad ipsum spectat judicium, nisi foris juri communi per speciale privilegium, vel contrariam consuetudinem aliquid sit deiractum, sed decernere de peccato, cujus ad nos pertinet sine dubitatione censura, quam in quolibet exercere possumus & debemus. Non igitur injuriosum sibi debet Regia Dignitas reputare, si super hoc Apostolico iudicio se committat.*

2. Quantum autem ad potestatem Judicum secularium circa censuras in primis notandum est, quod in aliis ferè omnibus licet observare, non solum non niti Canonibus, sed cum Canonibus etiam pugnare, quorum observatio libertas Ecclesiæ dicitur ab ipsismet Ecclesiasticæ libertatis impugnatoribus: Senatus-consulta proferuntur ad constituendam Senatus in negotiis spiritualibus iurisdictionem; sed summorum Pontificum Decreta & Constitutiones opponimus. Si autem testimonia Pontificum, tanquam in propria causa loquentium recusantur, rejiciatur autoritas secularium sibi jus dicentium, & cum de rebus Ecclesiasticis agatur, ad Canones, præsertim Conciliorum Oecumenicorum, quibus ex omnium consensu præsidet Spiritus Sanctus, & adsunt etiam Laici pro jurium suorum defensione, recuratur.

3. Vult Puteanus posse Judices seculares excommunicaciones

tiones abufivas declarare, atque Iudices Ecclefiafticos cogere ad abfolvendos ad cautelam eos, qui excommunicati fuerint. Quomodo id probatur Variis Senatum Placitis, ac fimilibus documentis. Contrarium oftenditur pluribus fumorum Pontificum Conftitutionibus. Utris credet Catholicus? An neutris? Stet faltem Conciliorum ftatutis.

4. Concilium Generale Lugdunense fub Gregorio X. cui Rex Franciæ per fuos Legatos interfuit, Libertatem Ecclefia circa cenfurarum ufum duabus Conftitutionibus fcilicet 20. & 31. afferuit, Vigefimæ verba funt ifta; *Absolutionis beneficium ab excommunicationis fententia, vel quamcumque revocationem ipfius aut fufpenfionis, feu etiam interdicti per vim & metum extortam præfentis conftitutionis autoritate omnino viribus vacuumus. Ne autem fine vindictæ violentia crefcat audacia, eos, qui abfolutionem, five revocationem huiusmodi, vel metu extorferint, excommunicationis fententia decernimus fubiacere.* Conftitutio autem 31 fic fe habet: *Quicumque pro, quod in Reges, Principes, Barones, Ballivos, vel quoslibet Miniftros eorum, aut quoscumque alios, excommunicationis, fufpenfionis, feu interdicti fententia fuerit promulgata, licentiam alicui dederint occidendi, capiendi, feu aliàs in perfonis, aut bonis fuis, vel fuorum, gravandi eos, qui tales fententias protulerunt, five quorum funt occafione prolata, vel eaſdem fententias obſervantes, feu taliter excommunicatis communicare nolentes, niſi licentiam ipſam re integrare vocaverint, vel ſi ad bonorum captionem occafione ipſius licentia fit proceſſum, niſi bona ipſa ſint infra octo dierum ſpatium reſtituta, aut ſatisfactio pro ipſis impenſa, in excommunicationis fententiam incidant ipſo facto.*

5. Manifeſtiùs repugnat Concilio Tridentino doctrina Puteani cap. 6. 8. & 9. adſcribentis Iudicibus ſæcularibus jus præci-
piendi ſuperioribus Ecclefiafticis, ut à cenſuris abſolvant. Hæc funt Concilii verba ſeſſ 25 de reform. cap. 3. *Nefas autem fit ſæculari cuilibet Magiſtrato prohibere Ecclefiaſtico Iudici, ne quem excommunicet, aut mandare, ut ſtatim excommunicationem revocet, ſub prætextu, quod contenta in præſenti decreto non ſint obſervata, cum non ad ſæculares, ſed ad Ecclefiaſticos hæc cognitio pertineat.* Quæ ultima verba notanda ſunt, ne quis exiſtimet præſentem Gallicanorum Magiſtratum poſſe jus facere adverſus hanc Ecclefiaſticam iurisdictionem. Reſpueitur fortassis à Gallis huius Concilii auctori-

toritas, sed utrum in materia spirituali Concilio Oecumenico adhibenda sit fides, potius quàm Curii secularibus, quàm placita proferuntur, nescio quomodo possit à Catholicis in dubium revocari.

6. Quid quod ab ipsis etiam Regibus Christianissimis illa Parliamentorum praxis fuit prohibita. Id constat ex edicti Melodunensis anni 1580. art. 23 à Puteano citato cap. 8. num. 8 sub finem, & relato tom. 5. parte 8 tit. 2. actorum Cleri Gallicani. "Prohibemus, inquit, Henricus III. Sigillorum Cancellariarumstrarum Custodibus, ne rescripta Appellatoria, (Gallicè Lettres de Relief) expédiantur, quibus jubeatur, ut in carcere detenti Judicium Ecclesiasticorum autoritate, illinc educantur, aut ut beneficium absolutionis illis conferatur, qui à prædictis Judicibus fuerint excommunicati Edicti etiam Melodunensis an. 1571. art. 18. sic decretum fuerat; *Atque ut omnis amoveatur difficultas ab art. 16. Constitutionumstrarum Avelanensium anni 1560. statuimus, ut Prælati, Pastores, & Curati possint monitionibus, & censuris Ecclesiasticis uti in iis casibus, in quibus licet per sancta Decreta, & Concilia.* Refertur etiam hoc Edictum loco citato actorum Cleri Gallicani, & articulus iste seorsim tom. 2. parte 1 cap. 19. ubi notatur, eum fuisse verficatum, ut illic dicitur eâ conditione, ut Clerici pro debitis pecuniariis non excommunicarentur, atque Senatus-consultum huic edicto consonum fuisse prolatum 22. Januarii. 1573.

7. Carolus Fevret. lib. 7. de abusu cap. 2. luculentius affirmat potestatem absolvendi ab excommunicatione ad cautelam ad Curias sæculares pertinere, quod hæresis manifesta est; nisi fortè ab ea nota excusetur, quia initia illius numeri, finem excommunicationis ad cautelam cum assignat; *ut litigantes legitimam personam haberent standi in judicio, ut testes, vel testes esse possent; denique ut lis cum eis legitimo Marte decurrere possit.* Verùm postea effectum spirituale ejusmodi absolutioni tribuit, cum ait; "Dulcin suis Placitis, seu Arrestis lib. 2. tit. 2. Arresto 9. meninit clausulæ supra positæ in præscriptis Appellatoriis inserisolitæ; & ait Curiam jure meritò concedere illas absolutiones ad cautelam, cum pium ac religiosum esset, ut Christianus Sathanicæ tyrannidi addictus, modis omnibus in libertatem assereretur. Dixerat autem antea hujusmodi absolutiones regulariter quidem ab Eccle-

Ecclesiasticis, & ex Laicis Judicibus constantes, quasi non esset minimus in Parliamentis Senatorum Ecclesiasticorum numerus, & non haberentur hujusmodi Curia simpliciter seculares, nullatenus autem Ecclesiastica.

8. Hæreticum igitur esset Curia secularibus, quod videtur Puteanus intendere c. 6. præsertim in tit. n. 11. & in n. 19. potestatem tribuere illos, qui verè sunt excommunicati, ab hujusmodi vinculis liberandi, & sententias de rebus spiritualibus à Judicibus Ecclesiasticis prolatas evertendi, atque, ut vulgò dicitur, cassandi, & annullandi. Si autem Senatus-consulta ita interpretari pietas suadeat, non ut excommunicatos absolvant, sed verè excommunicatos non esse declarent; præterquam quod extra proprios limites semper excurrunt (Theologorum enim est, non juris civilis consultorum de censuræ validitate, aut invaliditate decernere, vel etiam Episcoporum, aliorumve Judicum Ecclesiasticorum, si judicialis sententia proferenda sit) quid juvat Judicis secularis declaratio, ut à Censuræ vinculo solvatur, quia re vera illo innodatus coram Deo existit?

9. Licet autem benigniùs Puteani, & Fevreti mentem interpretemur, & supponemus eos non aliter jus circa absolutiones ad cautelam vindicasse Curia secularibus, quàm ut possent imperare Judicibus Ecclesiasticis, eosque cogere ad absolvendos excommunicatos (quod tamen ipsis non licere jam ostendimus) quomodò ferendus erit idem Fevretus in eo, quod illis Curia permittit, quem voluerint Judicem Ecclesiasticum, quamvis personæ absolvendæ non sit superior, committere? Si enim Curia ipsa neminem potest absolvere, cum non Magistratibus politicis, sed Apostolis, eorumque Successoribus dictum sit Matt. 18. *Amen dico vobis, quaecumque alligaveritis super terram, erunt ligata & in Cælo, & quaecumque solveritis super terram, erunt soluta & in Cælo.* Quomodò absolvendi potestatem, quam non habet, conferre poterit, præsertim cum majus aliquid sit potestatem, aliquam alteri communicare, quàm per se illam exercere.

CAPUT V.

*De citationibus Romam , de executione Litterarum
Apostolicarum in Gallia , & de Conciliis illic
celebrandis , ad capp. 9. 10. & 11.
Puteani.*

1. **C**irca Caput nonum distinguendum est jus commune à privilegiis, aut concordatis particularibus, itemque causæ spirituales & Ecclesiasticæ à temporalibus, & sæcularibus. Equidem in concordatis inter Leonem X. Papam, & Franciscum I. Regem Francorum tit. *de Causis*, & tit. *de frivolis appellationibus*, præscribitur modus procedendi in controversiis, siue in prima instantia, siue in causa appellationis, à quo non est recedendum, cum ita inter sanctam Sedem & Franciæ Regnum conveniret; ac præterea quæ ibi constituta sunt, maximè æquitate nitantur. In causis etiam merè temporalibus, & sæcularibus nullo privilegio, nulloque concordato est opus, ut Galli Romam non evocentur. Ceterum, & contra Concordata ipsa, & contra Romani Pontificis Primatum & supremam jurisdictionem pugnaret, qui universim assereret, in nullo casu, debere Gallos in Romana Curia litigare, neque per se, neque per Procuratores, ut libro sexto demonstravimus.

2. Pontificiæ jurisdictionis usum & exercitium Puteanus cap. 10. Regi Galliarum, ejusque Officialibus subjicit. Vult enim compilator iste Bullas, seu Litteras Apostolicas in Gallia executioni demandari non posse, absque assensu, seu, ut ipse loquitur, *absque parentis à Rege*, vel ab ejus Officialibus concessio. Istæ sunt Ecclesiæ Gallicanæ libertates, ut indiscriminatim quæcumque à sancta Sede proficiuntur, ab arbitrio potestatum sæcularium pendeant. Istæ antiqui Galli, quorum Religio tantoperè laudatur, erga sanctam Sedem se habebant.

3. Sed qui sunt illi Canones, quibus constat, hoc libertatis caput? An Arresta, & Litteræ Regiæ? Canones nuncupantur? non enim alias invenit sui lemmatis probationes Puteanus;

nus, & quas affert sunt omnes schismate à quo sunt cuncta in Gallia confusa, posteriores. Dum Rex aliquid contra suum Statum à Bullis Pontificiis metuere, ideoque ab illis sibi velle cavere asserit, probabilis videtur excusatio. At verò quin iusta mandata summi Pontificis, in rebus spiritualibus, & Ecclesiasticis executioni mandentur, per vim quidem, & injuriam impediri à potestatibus secularibus potest; nullus tamen ob stare valer quò minus quod umque successor Petri ligaverit super terram, sit ligatum & in Cælis, nisi fortè ut loquitur S. Paulus primæ Corinth. decimo vers. 23. *Dominum quis amuletur ac fortior illo sit.* Plura lib. 2. de hoc puncto dicta sunt.

4. Capite undecimo probat Synodos indictas, eisque puncta tractanda proposita fuisse à Regibus Franciæ, ab iisque postulatam statutorum confirmationem, & ad executionem auxilium. In hoc quidem capite referuntur aliquorum, non quidem generalium, sed particularium Conciliorum fragmenta; sed non minus violatur vera libertas Ecclesiæ ex consilio Autoris, licet eo quod olim factum est, probare intendit, non solum jus esse Principibus Synodos convocandi, illis deliberanda proponendi, illarum Canones roborandi, & executionem curandi, sed etiam sine ipsorum autoritate Prælatos non posse legitimè convenire, negotia, nisi quæ ipsi jusserint, definire, & fideles ad Decretorum suorum executionem obligare. Horret omnis verè Christiani animus ad doctrinam, quæ fidei, ac disciplinæ negat posse consuli, nisi ex præscripto Principum secularium.

5. Triplex probationum genus est in hoc cap. 11. Primæ desumptæ sunt ex Conciliis sub prima Regum Dynastia celebratis. Secundæ à Conciliis habitis sub secunda Dynastia. Reliquæ ex posterioribus Conciliis, & ex Curiarum secularium monumentis. Primæ quidem ostendunt Reges Franciæ consensum convocationi Synodorum præbuisse. Qui quidem consensus interdum honoris causâ vocatur justio, ut in Aurelianensi primo, vel præceptio ut in Avellanensi secundo; interdum tantum consensus, sicut in Arvernensi anno 535. aliquando invitatio, ut in Parisiensi secundo; aliâs aliis nominibus designatur, ut animadvertere licet in exemplis à Puteano adductis.

6. Sed Synodus Turonensis secunda anni 567. quam citat num. 5. non relatis ejus verbis, docet Can. 21. omnibus illis nomi-

nibus

2 11 3

nibus solum consensum esse intelligendum. Etenim quamvis Episcopi Concilii Aurelianensis primi dicant *Clodoveum gloriosissimum Regem omnes Sacerdotes ad Concilium venire iussisse*. Concilium Turonense idem ita exprimit *in Synodo Aurelianensi, quam invictissimus Rex Clodoveus fieri supplicavit*. Ubi iussionem supplicationem interpretatur : utrumque autem idem significat, scilicet consensum, quo nomine, omnium maximè proprio, utitur Concilium Arvernense, ut diximus.

7. Ampliorem in Conciliis auctoritatem exercuerunt Principes secundæ Dynastiæ. Verùm id sine summorum Pontificum assensu, imò & rogatu factum non fuisse ostendimus, ubi de Capitularibus Regum Francorum differemus lib. II.

8. Quæ tertio loco afferuntur ex Curiarum sæcularium documentis, sicut & alia quamplurima, quæ in hoc volumine sparsæ sunt, arguunt tantùm Ecclesiasticam auctoritatem maximum in Gallia detrimentum posterioribus sæculis passam fuisse, ac Laicos Episcoporum, & Synodorum potestatem ferè omnem ad se pedentim traxisse; Episcopos autem, si quid præter antiquam Ecclesiæ libertatem, & Canonicam disciplinam admiserunt, vel invito cessasse, vel non debere in exemplum proponi, utpote qui à maioribus fuerint degeneres.

9. Quæ ad Concilia præsertim Gallicana spectant, fusiùs disputabuntur inferius lib. II occasione Domini de Marca.

CAPUT VI.

De auctoritate Concilii Generalis, de Appellationibus à Papa ad futurum Concilium, nec non de receptione, publicatione Conciliorum Generalium in Gallia ad capp. 12. 13. 14. Puteani.

1. EX comparatione summi Pontificis cum Conciliis generalibus, de qua in lib. 5. disputatum est, colligi potest, quid iudicandum sit de iis, quæ cap. 12. & 13. probanda sunt.

suscipit Puteanus. Sufficit hic circa ejus probationes animadvertere posse omnes in eum retorqueri, ac juxta sejus methodum illa ipsa exempla in favorem summorum Pontificum converti. Sunt enim exempla Episcoporum, aut Principum summis Pontificibus repugnantium, quibus opponitur autoritas summorum Pontificum in illis ipsis casibus Episcopis, aut Principibus præcipientium. An non æquius est præsumere in hujusmodi disceptationibus supremos Ecclesiæ Pastores rectè egisse, quàm inferiores jure restitisse, nisi aliundè contrarium evidentè demonstretur.

2. Sunt aliqua exiis exemplis magis suspecta; ita quod num. 2. ex Glabro Rodulpho refertur, falsum esse inferius videbimus, & ex parte colligenus ex ipso Domino de Marca, qui eà etiam auctoritate utitur.

3. Capite 13. Appellationum à summo Pontifice ad Concilium profert exempla, quorum omnium vetustissimum, saltem pro Gallia, est Philippi Pulchri, quem nemo eorum, qui sanctam Sedem & Papam, ut par est, colunt, imitatione dignum judicabit, cum nullus ex Francorum Regibus tam iniuriosè summum Pontificem habuerit. Eiusmodi res, ut obliterarentur tanquam sibi totique Gallia probrosæ, maximopere conatus est ipsemet Philippus. Itaque qui eas in memoriam hominum revocant; quasi essent laude dignæ, Regis illius honori apud veros Christianos plurimum detrahunt, ac erga sanctam Sedem, & Christi Vicarium, se non rectè affectos produnt. Quis enim ignorat, Regem illum, licet ei Benedictus XI. censurarum omnium absolutionem ultro concessisset, Clementem V. ad Pontificiam Dignitatem variis artibus evehendū curasse, ut pleniorē consequeretur remissionem. Hanc enim primam ab eeo conditionem exegit. Bulæus histo. Univers. Paris. tom. 4. ad can. 105. remitanarrat; Rex (Philippus IV.) aliàs sibi insensum Bertrandum ad oppidum Angelinam in Sanctonibus evocat, monet quæ agerentur, pactoque inito eum Sacramento adgisse dicitur, ut quinque capita sibi, si Pontifex foret, concederet. Primum amplam veniam capiti Bonifacii, seque Majestatis Pontificia. Ac re ipsa multa in actis Pontificis ad illud dissidium pertinentia iussu Clementis V. deleta sunt.

4. Sed nec illud prætermittendum est, quod Philippus, ei-
que

que adherentes à Bonifacio VIII. appellantes, supponebant eum non esse legitimum Pontificem, consilii scilicet appellationem suam alioquin omni colore fore carituram. Quod ex eo etiam colligitur, quod ad futurum legitimum Pontificem, perinde atque ad Concilium appellabant, ut habetur in instrumentis à Puteano exscriptis. In primo, de Pontificis Accusatoribus ista leguntur. *Moti, ut dicebant fervore fidei, sincera devotionis affectu, & zelo charitatis indultis, sacrosancta Romana, ac universalis Ecclesia Matri suæ, quam sub dicti Domini Bonifacii præsentia periculo se deprimi, ac deformationem enormem, & jacturam pati dicebant, compatiens ab inimicis, ac Christiana fidei, in qua salus animarum consistit, & quæ suis temporibus, proh dolor, miserabiliter contabescit, & deperit, ut dicebant, periculo condolentes, ad ipsius Ecclesiæ & totius Christianitatis salubre regimen, & bonum statum ac reparationem, & exaltationem Catholica fidei votis, ut dicebant ferventibus intendentes (necessaria erat verborum illorum, ut dicebant, frequens repetitio: est enim difficile creditu, Accusatores Bonifacii, zelo, quem præ se ferebant, verè motos fuisse, maxime, cùm eidem Ecclesiæ, fidei fundamento, & animarum salutis summè expediat, ut Dominici gregis ovili, non nisi verus, ET LEGITIMUS, AC VERE ET LEGITIME PASTOR] PRÆSIT.*

5. Ipsi autem deliberantes sic concludunt; *Pro nobis, Ecclesiis, Patrociniis, & subditis nostris, ac pro nobis adherentibus, sem adherere volentibus in hac parte, ad prædictum Concilium congregandum, & ad FUTURUM VERUM, ET LEGITIMUM SUMMUM PONTIFICEM, & ad illum, vel illos, ad quem vel quos, de jure fuerit appellandum, provocamus, & appellamus, &c.* Adem observare licet in aliis instrumentis, ut in appellatione ipsiusmet Philippi, quæ refertur num. 5. ejusdem capituli, in appellatione diversarum Civitatum linguæ Occitanæ, quæ habentur ibidem articulo 7.

6. Post tempus schismatis, cujus sæpè facta est mentio (ut videas quâ occasione, nempe dissidiorum, vel schismatis natum sit genus illud appellationum) appellarunt etiam alii Reges; sed eorum consilium intelligitur ex titulo præfixo litteris Ludovici XI. datis 20. Novembris 1478. & exscriptis in eodem capite 13. num. 12. nimirum facultatem dari Legatis Regiis appellandi ad Concilium futurum, si Papa negaret, quod ex parte Regis rogaretur, aut veller contra

M. m m

ipsum

ipsum, ejusve subditos procedere. Hujus Principis technam degregit Henricus Spondanus ad an. 1478. numer. 8. his verbis; *Quod videlicet*, (ut putatur) NON TAM HÆC SERIO AGERET, QUAM UT SCRUPULUM PONTIFICI MOVERET *in gratiam Florentinorum*, huiusmodi SIMULATIONUM INSIGNIS ARTIFEX, &c.

7. Non irā constans est inter Gallos doctrina sanctæ Sedis privilegiis adversa, quin unius articuli obliviscantur, etiam dum alium statuere nituntur. Ludovicus XI. in prædictis Litteris appellationem ad Concilium summo Pontifici minatur, ut propositum sibi finem consequatur; sed ei facultatem tribuit, Principes Turcæ bellum inferre recusantes, abjiciendi, & puniendi. Sed quomodo poterit Papa renitentes plectere, si ipsis liceat à Pontifice ad Concilium generale appellare, ad quod tamen provocat Ludovicus, si non plectat: utram appellationem admittet? An Ludovici, an renuentium Turcæ bellum indicere? utramque non poterit, quia contrariæ erunt. En verba Ludovici; *Ut pacem cum Illustrissima Lega velis (Papa) componere, illam tueri, & defendere à dicto illo perfido Turco, & aliis infidelibus, & nullo Confederatos, seu cum ipso perfido Turco, & immanissimo intelligentiam, aut abstinentiam Guerra habentes sustinere, aut illis favorem exhibere. QUIN IMO TALES TANQUAM REOS CRIMINIS LÆSÆ MAJESTATIS DIVINÆ, ABJICERE, AUT PUNIRE: & casu, quo p se summus Pontifex promissa facere denegaveris, seu plus debito distuleris, vel aliqua in contrarium promissorum, aut aliquid contrarios Regnum, & Regniculas nostros feceris, seu in futurum attentare præsumperis, ad intimandum, & appellationem ab ipso interjectam in Congregatione prædicta Aurelianus, & de novo si opus fuerit, appellandum ab ipso summo Pontifice malè consulto ad eundem summum Pontificem bene consultum, seu præsum proximum futurum Concilium universalis Ecclesiæ, &c.*

8. Adhæsit Universitas Parisiensis appellationi Philippi IV. & ipsa etiam aliquando ex eo tempore, quo cæperunt plures ejus Doctores Concilium summo Pontifici præponere, pro suis juribus appellavit. Sed notanda est formula, ejus præsertim instrumenti, quod refertur à Puteano num. 5. *A sanctissimò nostro Papa Innocentio VIII, minùs debetè consulto, AD SE IPSUM MELIUS CONSULENDUM, ET AD SANCTAM SEDEM APOSTOLICAM ETIAM MELIUS CONSULENDAM, nec non ad sacrosanctam Synodum universalem celebrandam, illum*

lumq̃, vel illos, ad quem, seu ad quos de jure provocare, & appellare nobis licet, in his scriptis, tam pro nobis. quàm pro nostris adherentibus, & adhesuris, quàm etiam pro Vicariis diclorum Magistrorum, Doctorum, & Scholarius, eorumq̃, in beneficiis Divinis deservientium provocamus & appellamus. Illa ad divites Judices appellatio innuere videtur dubitare, appellantes, an ad alium, quàm ad Papam melius consulendum, & ad sanctam Sedem Apostolicam etiam melius consulendam de jure provocare, & appellare sp̃s liceat.

9. Citat quidem in fine dicti capituli 13. appellationes aliorum extra Galliam Principum, sed nihilò laudabiliores. Prima, & antiquior nobis Philippi Regis, est Friderici II. Imperatoris, seu ejus Legati, quem ceteri Principes imitari videntur. Verùm Friderici Legatus non à Papa ad Concilium, sed à Concilio generali, scilicet Lugdunensi primo ad aliud generalius provocavit, sub eo prætextu, (qui à quovis facile poterit obtendi, ut omnia Ecclesiastica judicia eludat) quod illud non esset satis generale.

10. Libera erit omninò Gallia, sed à justitia, si posteriores quidam ejus libertatis vindices audiantur. Nam si Pontificis Decreta non ardeant, vel omninò contemnentur, ut potè | offendentia regulas, mores, & instituta à Regno, & Ecclesia Gallicana recepta, vel ab eis ad futurum Concilium provocabitur: Concilii autem Decreta non recipientur, atque adeò non obligabunt juxta illorum Scriptorum doctrinam *Non hæc quidem procul*, inquit Joannes Gerbasius differt. de Causis majoribus art. 12 numer. 6. *ut ab hac Tridentini Concilii singulari lege eximantur Galli, cum ne ulla quidem alia, acceptationis defectu, eos liget. Aegrè ferient hæc verba aures verè Catholicæ à Procuratore Regio prolata; sed quis à Theologo possit hæc audire? Quid igitur, acceptatio à Clero facta nullam inducit obligationem? Itanè mutata est postremis his temporibus autoritas Conciliorum Oecumenicorum? Clerus Gallicanus anno 1625. Parisiis congregatus professus est, se teneri ad observationem Concilii Tridentini, Cerbasius è contra nullà ejus lege Gallos ligari affirmat.*

11. Falsum est, ut in 2. lib. demonstravimus, acceptationem esse necessariam, ut lex justa obliget: & falsum est nullam Concilii Tridentini legem fuisse acceptatam in Gallia.

Mmm 2

Utram-

Utramque falsitatem evertit Decretum Cleri Gallicani prædicto anno 1625. editum tom. 1. Actorum Cleri, & à Puteano cap. 14. numer. 3. relatum. Ejus Decreti verba Latine reddita, sunt ista; „Cardinales, Archiepiscopi, Episcopi, Prælati, & alii Ecclesiastici Viri, repræsentantes Clerum universum Franciæ, congregati annuente Rege, Parisiis in Conventu Augustinianorum, post maturam circa publicationem Concilii Tridentini deliberationem unanimiter agnoverunt, & declararunt, agnoscunt, & declarant, se obligari pro suo officio, & conscientia ad recipiendum, sicut re ipsa receperunt, & recipiunt præfatum Concilium, & spondent se illud observaturos, quantum possunt per functionem suam & autoritatem spiritualem & Pastoralem; Quæ deliberatio singulorum subscriptionibus, ac juramento ad sancta Evangelia, confirmata fuit. Recepit igitur tunc temporis Clerus Gallicanus Concilium Tridentinum, & professus est, se teneri non solum ad observandum Concilium, postquam illud acceptasset, sed etiam ad illud acceptandum. Augustissimus erat cætus; siquidem aderant tres Cardinales, quinquaginta Episcopi, triginta verò secundi ordinis. Non fuit præceps deliberatio, cum antea sæpissimè, vehementissimèque institissent Prælati apud Reges, ut reciperetur Concilium, quod testantur acta Cleri quamplurima, citata à Puteano, ubi supra; acceptatum præterea fuit in variis Conciliis Provincialibus.

12. At non fuit acceptatum à Rege; ne id quid verum usquequaque est, quandoquidem multa ejus decreta in ordinationes Regias translata sunt, sed quare non fuit absolutè receptum. **Causas in primo libro notavimus.** Hoc tantùm monemus eos, qui vim legum Ecclesiasticarum à Principum arbitrio pendere volunt, ut considerent quantum periculi subitura sit Religio, si Principes mali extiterint.

13. Oblitus est Puteanus in hoc capite protestationis à se factæ in præfatione ad Lectorem. Ibi enim ait; „summopere cautum est, ne quid ex actis deduceretur, aut quæ inde sequantur, declararentur. *Faciet quisque ut sibi videbitur.* In hoc autem cap. 14. numer. 2. relatâ declaratione Caroli VII. Francorum Regis, addit; Ex hoc instrumento infertur, Decreta Conciliorum generalium, quæ ad politiam spectant, effectum

„in

„ in Francia non sortiri, nisi Regum nostrorum edicta accedant. De facto dumtaxat eum loqui crederem, nisi titulo capitis ad Conciliorum generalium receptionem & publicationem [in Francia, non solum permissionem, sed etiam auctoritatem Regis concurrere statuisset.

14. Caterum in pluribus famose Pragmaticæ Sanctionis locis indicatur non ita liberum esse Galliar, decreta Conciliorum generalium respuere, vel immutare, v. g. in litteris, quæ decreta præcedunt, habetur hæc declaratio. *Sacra Basiliensis Synodi decreta, ordinationes & statuta, aliqua simpliciter, ut jacent, alia vero cum certis modificationibus, & formis non hesitatione potestatis, & auctoritatis condentis, & promulgantis, ipsius scilicet Sacra Basileensis Synodi, sed quatenus commoditatibus, temporibus, & moribus Regionum, & personarum sapè fatorum nostrorum Regni ac Delphinatus congruere, convenireq, conspexerunt, prout inferius plenius annotatur, & inseritur, illico & indilate recipienda consenserunt, & acceptanda deliberaverunt.* Circa varia etiam Decreta Congregatio Gallicana, dum illa temperanda censer, ad Concilium recurrendum monet, ac generatim in conclusione ait; *Illæ Decreta, circa quæ fuerunt factæ prænotatæ modificationes, acceptæ sunt: prout etiam acceptantur.* SUB SPE SCILICET, QUOD IPSÆ MODIFICATIONES PER SACRUM CONCILIUM ADMITTENTUR; PRO QVO REGII ORATORES INSTABUNT VICE REGIA, ET ECCLESIAE REGNI, ET DELPHINATUS.

CAPUT VII.

Percurruntur octo capita Puteani, scilicet à 15. ad 22.

1. QUoniam quæ ad Prælaturarum dispositionem pertinent, per concordata inter Leonem X. Papam, & Franciscum I Regem Francorum, sunt constituta, supervacaneum esset, & Lectoribus prolixitate ingratum, singulorum, quæ Puteanus cap. 15. affert de anteriori Franciæ præxi, examen.

2. Materia Regaliæ, de qua agitur à Puteano cap. 16. tam diligenter, tamque eruditè versata fuit, scriptis, tum Latinè, tum Gallicè tractatibus, ut nihil illi lucis accedere possit

posse videatur. Eâdem etiam occasione video actum esse de juramento fidelitatis, ab Episcopis Regi præstando, de quo Puteanus cap. 17 nihilque hodiè difficultatis esse scio circa hujusmodi juramentorum praxim, nisi circa ejus insinuationem, seu registrationem, quam volunt ad finem Regaliæ imponendum, necessariam; quâ de re optimè etiam disseruerunt, qui de Regalia nuper scripsere.

3. Nisi circa necessaria tantùm immorari mens esset, multa norari possent circa ea, quibus prædicta Puteani capita constant; prætermittendum tamen non est Reges Franciæ vicissim Episcopis iuramentum præstare solitos. Extant antiqua exempla inter Capitularia Regum Francorum à Stephano Baluzio collecta, & viget adhuc usus, ut Rex dum inauguratur, iuret, se privilegium canonicum servaturum, quod cum ad veras Ecclesiæ Libertates pertineat, taceri non debuit, quasi hoc Regiam Maiestatem dedeceret, unde illi maximus decor accedit.

4. Tot sunt Ecclesiæ Canones, de Episcoporum, & Parochorum residentia, quam melioris notæ Doctores de iure Divino esse affirmant, ut laudandus sit Regum Christianissimorum zelus in præstanda exequendis illis Legibus Ecclesiasticis autoritate; plurimumque commendandus esset Rex Christianissimus, si Prælatos, quos in Curia magis quàm in propria Diœcesi commorari delectat, quorumque aliqui nullum fortè aliud negotium apud suam Maiestatem magis sollicitè, quamvis minùs apertè, prosequuntur, quàm ut nova, vel pinguiora beneficia consequantur, ad commissum ovile remeare præciperet, exemplo suorum Prædecessorum, & Justiniani Novella 6. cap. 2. & aliorum: sic enim exequeretur Canones, Episcopis ad comitatum sine necessitate ac matura deliberatione accedere prohibentès. Pudentum è contra est, quod Pastores Gallicani tot actis ad residentiam cogentibus, quot referuntur à Puceano cap. 18. præbuerint occasionem, dimissis frequenter ovibus sibi à Christo concreditis; quæ culpa in plures Augusti illius Cleri Rectores non cadit, quandoquidem omni ævo multi ovili suo assidue seduloque invigilarunt, & omnes probi Pastoris partes expleverunt.

5. Regem autem tanquam sanctorum Canonum executorem Prælatos ad residentiam compulisse par est credere, cum in plerisque actis expressa fiat Canonum mentio. Res est aliunde tam iusta, tamque necessaria, ut Principum illam procurantium zelum excitare Ecclesia censeatur.

6. Prælatos licentiâ Regis vel præcepto indigere, ut à Regno proficiscantur capitis 19. titulus est, imò etiam si à summo Pontifice ad Concilium generale evocarentur, ut indicatur numer. 8. Prima Lemmatis probatio hunc habet titulum; *Ex Concilio Agathensi sub Clodoveo Rege anno 506. can. 35.* Frustra fit mentio Clodovei à Puteano, cum ne unus quidem Episcopus Regni Francorum huic Concilio interfuerit, ut patet ex subscriptionibus, & notavit D. de Marca lib. 6. cap. 18. §. 1. Sed concedamus e jus, utpote in loco modò Regi Franciæ subdito, celebrati decreta vim legis obtinere; quid statuitur canone illo 35. ut Episcopi Metropolitano *ad ordinationem summi Pontificis aut ad Synodum* invitanti pareant, *exceptâ gravi infirmitate corporis, aut præceptione regia.* Sed hoc non probat intentum; non enim agitur de exeundo à Regno, siquidem omnium Episcoporum Agathæ congregatorum Metropolitanierant intra idem Regnum Tolosanum Visigothorum; nisi fortè, quod verisimile nequaquam est, *ordinatio summi Pontificis*, non de quolibet Episcopo, sed de Romano tantum intelligatur. Verum ne tunc quidem aliud probaret Canon, quam excusandum Episcopum Romam non euntem, non solum si graviter ægrotaret, sed etiam si ex præcepto Regis alteri negotio incumberet: alioquin enim diceretur, *excepta prohibitione, non, excepta præceptione Regia.*

7. Secunda probatio est exemplum Salonii, & Sagittarii à Rege Gunthramno licentiam accedendi Romam postulantium, & impetrantium, ut refert Gregorius Turonensis hist. Franc. lib. 5. cap. 21. Sed hoc exemplum parum efficax est. Quid enim mirum, si Episcopi de homicidiis, adulteriis, aliisque sceleribus convicti, patrocinium imploraverint Regis, quem, ut ait Gregorius, *propitium sibi noverant.* Non enim solâ scientiâ, sed & favore indigebant. Rex verò, addit idem Historicus, *annuens petitionibus eorum datis epistolis (quæ de sola licentia non videntur intelligendæ) eos abire permisit.* Qui

accedentes coram Papa Ioanne, exponunt se nullius rationis existentibus causis dimotos. Ille verò Epistolas ad Regem dirigit, in quibus locis suis eos restitui iubet. Quod Rex sine mora, castigatis prius illis, verbis multis implevit. Num Rex, qui summo Pontifici sine mora parendum censuit, perditos homines, quia nemine illorum accusationem prosequente innoxii reputati fuerant, restitui iubenti, juris sui esse duxisset, Episcopos ad Concilium generale à Papa vocatos retinere.

8. Afferuntur deinde duo loca Hincmari Rhenensis Archiepiscopi, negantis posse Episcopos à Regno decedere sine consensu Regis. Sed jam lib. 3. cap. 7. Vidimus ipsum de facto loqui, non de jure : & ex alio ejus loco scilicet epist. 17. tom. 2. evidenter ostendimus, ipsum sentisse Episcopos Romam à Pontifice vocatos accedere debere.

9. Minoris momenti est exemplum Philippi IV. à Bonifacio VIII. dissidentis, & Caroli VII. Basileensibus contra Eugenium IV. faventis. Quidenim mirum, si primus sciens Episcopos adversum se Romam vocari, eos illuc proficisci non siverit, & contra suam prohibitionem profectos malè habuerit ; alter suscepto Concilii Basileensis Patrocinio, ab ipsis inet Episcopis rogatus, Ferrariam, quo ab Eugenio vocati fuerant, ire vetuerit.

10. At nonne, sicut in rebus temporalibus, & sæcularibus, Regi, ita in spiritualibus, & Ecclesiasticis Summo Pontifici tenentur Præsules obediunt ? Cum ergo commune totius Ecclesiæ bonum postulat, ut Prælati aliud se conferant, Pontificem jubentem, potius quam Regem vetantem debent audire, nisi fortè per vim detineantur, aut graviora inde mala consecutura sint. Si aliquis infidelis justitiæ amor confarcinatoris animo, propositionem ad eos casus restrinxisset, in quibus Episcopi gravi suspitione laborarent, alicujus contra Regem, vel Regnum machinationis, aut dixisset dumtaxat debitum Regiæ Majestati reverentiæ officium esse, eo infalutato non abire.

11. Quandoquidem Puteanus suas omnes probationes à facto & autoritate ducendas putavit : cur hic & alibi ei displicuerunt exemplum & sententia S. Ludovici ? An servitus est, Gallorum nobilitate indigna, sanctos imitari ac sequi.

Guil-

Guillelmus de Nangiaco in vita S. Ludovici refert epistolam sancti illius Regis ad Imperatorem Fredericum, in qua hæc habentur; *Vos unitatem pacis & concordia disrumpentes, Prelatos Regni nostri ad Sedem Apostolicam accedentes, cui TAM EX FIDE, QUAM EX OBEDIENTIA TENEBANTUR, NEC EIUS POTERANT RECUSARE MANDATA, in mari, quod moleste ferimus, capi fecistis, & ipsos sub gravi custodia detinestis.* An majoris ponderis est autoritas Philippi Pulchri, aut Caroli VII. quàm S. Ludovici? Nota hæc ejus verba; *cui (Sedi Apostolicæ) tam ex fide, quàm ex obedientia tenebantur, nec ejus poterant recusare mandata.*

12. Non soli B. Ludovici religioni, sed veritatis certitudini tribuenda est illa sententia. Scripserat antea S. Bernardus epistolam 131. quæ est ad Mediolanenses; *potest (Papa) à finibus terra sublimis quasvisque personas Ecclesiasticas vocare, & cogere ad suam præsentiam, non semel, aut bis, sed quoties expedire videbit.*

13. Quid juvat Puteanum in cap. 20. hujus voluminis, ac in alio integro volumine, ab isto, quod percurrimus, distincto, schismatis, & dissidiorum perpetua oblivione delendorum memoriam revocare. An Regno Gallicano gloriosum est cum summis Pontificibus disceptasse? An à justitia ita stetit Gallia & in causa, & in modo, ut tantopere cavendum sit, ne pereant illa monumenta? Qui veras, & sinceras earum rerum historias legerunt, hinc non parum imminutam norunt antiquæ pietatis, & religionis laudem, Gallicano Regno ægregiis in sanctam Sedem, & summos Pontifices officiis partam.

14. Quin potestas secularis in aliquibus saltem ex iis actis, quæ in eodem cap. 20. referuntur, modum suum excesserit, non videtur à Catholico possenegari; v. g. quod Senatus Placito num. 43. relato, Archiepiscopum Turonensem delegaverit, seu commiserit ad conferendum beneficium curatum, ut illa collatio eundem haberet effectum, quem habuisset in Curia Romanâ facta: quod Henricus IV. Rex Franciæ, & Navarra literis num. 44. exscriptis Oeconomum spirituales deputaverit ad conferenda Beneficia, Parochias, Prioratus, Dignitates; quodque Oeconomus ille spiritualis Beneficia contulerit sub hac forma, quæ legitur in ejus literis ibidem extantibus; *Virtute disti nostri Oeconomi contulimus, & donavimus, &c.* Quis enim Catholicius affirmare audeat posse Parochum absolvere à peccatis, vel Prio-

Nnnn

tera

rem posse Monachos excommunicare, potestate solum accepta à Rege, vel à Senatu, aut ab eorum delegatis.

15. Idem cum proportionem dicendum de collatione aliorum Beneficiorum, licet in eis non sit æquale periculum. Quamvis enim jurisdictionem non habeat annexam, adeoque minus aliorum fidelium salutem noceat Beneficiorum intrusio; nullum tamen est, quod spirituale aliquod jus non habeat.

16. Pater certè ex actis in 21. cap. contentis potestates seculares in Gallia, renuente summo Pontifice, vel Episcopis, aliquando Beneficia de facto contulisse, vel alicui facultatem legitimam non habenti officium illud commississe. Sed quid inde concluditur, nisi conculcatos fuisse Canones innumeros, quibus sub gravissimis poenis prohibetur, ne laici Beneficia Ecclesiastica conferant, vel Clerici ab eis collata recipiant. Magistratum secularium Placita titulos Canonicos non esse, quibus in tuto ponatur Beneficiorum conscientia, nemo non videt, nisi jam præ avaritia & ambitione in mentis excitatem, & cordis duritiam prolapsus sit. Tederet Canones referre, per hanc portam in Beneficia ingredi vetantes, quod à nẽmine ignorentur, & à pluribus Autoribus collecti sint; ut à Gratiano cap. 16. quæst. 7. quàm his verbis inchoat; *Quod autem Ecclesias de manu laicorum accipere, nec Abbati, nec alicui liceat, omnium Canonum testatur autoritas.* Ab Antonio Augustino Juris Pontificii veteris Epitome lib. 15. tit. 7. & ab aliis. Vide rursus quomodò speciosa libertatum Gallicanarum definitio plerisque illarum capitibus conveniat; id est quàm directè illis opponantur.

17. Quæ circa 22. Caput notanda essent de pecuniarum ab Ecclesia Gallicana per Curiam Romanam exactione, partim dicta sunt lib. 6. partim circa duo ultima capita istius voluminis dicentur.

CAPUT VIII.

*De Legatis, ac Vice-Legatis sanctæ Sedis
ad cap. 23. & 24. Puteani.*

1. Romanus Pontifex omnium Christi fidelium Pastor est, ac simul multarum Provinciarum Princeps temporalis. Itaque duplicis generis Legatos mittere potest, scilicet pro negotiis Politicis, ac pro spiritualibus. Equidem qui ab eo tanquam Principe temporali mittuntur Legati, omnibus à jure Gentium, vel à consuetudine inter alios Principes Christianos inductis Legibus obnoxii sunt, nisi quod in Papa non ita præcinitur Principis temporalis ratio à supremi Ecclesiæ Pastoris Dignitate, quin ejus Legatis, quæcumq; negotia gerant, specialis reverentia debeat, præsertim cum Princeps non sit, nisi quia successor B. Petri, ejus Patrimonium vocatur, quod habet dominium temporale Romana Ecclesia.

2. Si autem spiritualibus tantum, & Ecclesiasticis rebus tractandis, Legati deputentur, Legationis suæ litteras tenentur exhibere. Hoc enim tam Canonico, quam civili jure cautum est cap. *Cum in jure peritus de effc. deleg. & lege unscâ cod. de mandatis Principum.* Sed eorum facultates, aut jurisdictionem restringere, aut etiam examinare ad potestatem secularem non pertinet. In hujusmodi enim rebus Principes Papæ subsunt, nec sine ordinis à Christo constituti confusione ejus mandata suæ, vel judicium suorum, censuræ subijcere possunt.

3. Equidem si Regi justa esset timendi causa, ne quod ex Legatione detrimentum in legitimis suis juribus pateretur, non illi vitio vereretur, quod illud modo congruo præcaveret. Ita refert Henricus Spondanus ad Annum 1625. numero 5. & Puteanus capite 23. numer. 81. Cardinalis Francisci Barberini facultates, non nisi cum hac conditione admissas fuisse, quod intra sex septimanas Breve Pontificium obtineret, quo titulus Regis Navarræ per incogitantiam omissus diceretur, non autem ut inde aliquod præjudicium Regi Franciæ in jus Regni Navarræ fieret,

fieret. Sed obtenta conservandorum Regis aut Regni jurium omnia Papæ mandata circa res spirituales, & Ecclesiasticas, Judicium secularium arbitrio permittere, justitiæ, antiquorum Gallorum, religioni, & Ecclesiæ Romanæ auctoritati repugnat. Itaque omnia illa exempla, quæ à Puteano cap. 23. & 24. afferuntur, eâ tantum ratione justæ esse possunt, si Regibus Franciæ, aut eorum Curis propositum sit vera jura Regia tueri, non autem potestatis Pontificiæ exercitio impedimentum præstare.

4. Id agnoverunt Reges Franciæ, etiam Philippus IV. tempore dissidii cum Bonifacio VIII. ut probat unus ex articulis missis à Bonifacio ad Philippum per Cardinalem Sanctorum Marcellini & Petri, cum responsione Regis. Est enim articulus ille hujusmodi, à Puteano relatus cap. 23. num. 2. *Item ad denunciandum, & declarandum eidem, quod Romanus Pontifex Legatos de Lavere, ac Nuncios liberè mittere potest ad quavis Imperia, Regna, vel loca prout vult, absque petitione cujuslibet, vel consensu, usu, vel consuetudine contrariis non obstantibus.* Non poterat jus sanctæ Sedis clariùs & apertiùs explicari. Quid igitur ad hæc respondit Rex Philippus, quem vel Ecclesiæ cum suorum jurium dispendio, vel personæ ipsius Pontificis, jam sibi odiosæ, impensus favisse nemo suspicabitur. *Respondet Rex, quod non impedivit, nec impedire intendit, Legatos, Nuncios, vel alias quascumque personas, quò minus liberè ingredi valeant Regnum suum, nisi sibi & Regno sint legitimæ ratione suspecti, vel alia habeat justam causam.*

5. Quæ prædictus Puteanus sub numeris sequentibus descripsit, chismate, quod, uti jam sæpè notavimus, maximam disciplinæ Canonicæ confusionem inexit, posteriora sunt; & quid factum fuerit, non quid fieri debuerit, plerumque ostendunt. Numero autem primo proponit exempla epistolæ fidei publicæ, seu salviconductus, à Carolo Majoredomus dati Bonifacio Episcopo missò S. Petri in Franciam venienti; sed quod Legati sanctæ Sedis protegantur, & defendantur, ad officium Principum spectat; qui eos in suæ Legationis exercitio juvare debent, impedire nequaquam sine injuria possunt. Citat præterea Glabrum Rodolphum, cujus testimonium talibi expendemus: & epistolæ Concilii Africani ad Papam Celestinum, de qua modò pauca dicenda sunt.

6. Adverte hic, quod in pluribus aliis locis licet observare, quomodo erga sanctam Sedem sit affectus Puteanus. Præternissisenim exemplis, in quibus moderatio, & justitia magis elucet, ea tantum sèligit, in quibus vel animi commotione, vel ignorantia, vel aliquâ aliâ causâ est aliquid actum adversus summos Pontifices, etiamsi ad propositum non faciant. Miserat Papa Zosimus paulò ante mortem Legatos in Africam occasione appellationis, quam Apiarius Presbyter à sententia Episcoporum Africanorum ad sanctam Sedem emiserat, iique à Conciliis Africanis recepti fuerant. Sed quia eorum facultas, seu jus sanctæ Sedis admittendos in Provincias Legatos pro judicio interpositarum ad se appellationum, Canonibus Concilii Sardicenis, sub nomine Nicæni, à Zosimo confirmatum fuerat : & Episcopi Africani, quibus ignoti erant Canones veri Concilii Sardicenis, quique inter Nicænos non legebant eos, qui sibi allegebantur, scripserunt ad Bonifacium Zosimi, interea defuncti, successorem, rogantes ut ab Ecclesiis Orientalibus exemplaria Concilii Nicæni sibi mittenda curaret, & spondentes se interim servaturos, quæ in Commonitorio Legatorum continebantur. Apiarius, petitâ veniâ communioni restitutus, in nova crimina relapsus est, propter quæ rursus ab Episcopis Africanis est excommunicatus, sed à Cælestino Bonifacii successore in communionem receptus est ; missusque Faustinus Legatus in Africam, ut ejus causâ maturè discussâ definitivum ferretur judicium. Apiarius crimina sua in Concilio confessus, justè se excommunicatum fuisse demonstravit.

7. Episcopi Africani indignati, quod scelerati criminum pœnas evaderent, aut saltem diu effugerent, atque ad eò justorum judiciorum vim eluderent, rescripserunt Cælestino epistolam illam, quam innuit Puteanus, quamque hæretici, & alii, qui sanctæ Sedis auctoritatem impatienter ferunt, tam frequenter, tamque importunè obtrudere solent. Eam sanctæ Sedis juribus minimè adversari aliqui arbitrantur, nec in ea appellationes ad sanctam Sedem, vel Legationes in Provincias ad judicandas illas appellationes improbari, sed modum dumtaxat, idque significare videntur hæc Concilii Africani verba, seu adverbia, *Facilius, festinato, præcipitanter, præproperè, indebitè.* Sic enim scribit, *Præfato itaque debita salutationis officio im-*

pendio deprecamur, ut deinceps ad vestras aures hinc venientes non FACILIUS admittatis, nec à nobis excommunicatos in communione altrá velitis accipere: quia hoc etiam Nisano Concilio definitum facile advertes Venerabilitas tua. Nam etsi inferioribus Clericis, vel Laicis videtur ibi præcaveri, quantum magis hoc de Episcopis voluit observari, ne in sua Provincia à communione suspensi, à tua Sanctitate vel FESTINATO, vel PRÆPROPER, vel INDEBITE videatur communioni restitui. Cælestinus autem idem in antecessum Apiarium absolverat, quia eum ad se provocasse crediderat, ut notat idem Concilium; *Quem tua Sanctitas credens appellasse, (quod probare non potuit) communioni reddiderat: quæ verba jus appellationum recipiendarum summo Pontifici competere innuunt*

8. Equidem tam frequenter Romani Pontifices hæreticorum, atque improborum technis decepti, recta Episcoporum judicia suspendebant, ut iusta videretur Africanorum querela, si eo tantum spectabat, ut major adhiberetur ad vitandas ejusmodi fraudes cautela. Non enim solus restitutionem suam suffuratus fuerat Apiarius, sed paulò antè Pelagius, & Cælestinus Zosimo Catholicos se fingentes, ab eo ut Catholici habiti fuerant.

9. Si autem, ut aliqui ex illius epistolæ contextu colligunt, etiam appellationes ipsis ad sanctam Sedem, atque adeò Legationes ad illas judicandas rejiciebant Episcopi Africani; ea erat causa, quia; ut suprà diximus, Canones veri Concilii Sardicenis ignorabant, & disciplinam in illis constitutam in Canonibus Nicænis, sub quorum nomine, quia nimis à Nicæni, cæteris præbant, secundu[m] ulum jam induc[tu]m, citabantur, non reperiebant. Sed ubi tenebræ illæ dissipatæ sunt; & appellationes ad S. Sedem, & ejus Legationes in Africa, sicut in aliis Provinciis Christianis, liberè admittitæ sunt, quod plurimis exemplis comprobati posset. Videri potest S. Leo epist. 87. non longè post id tempus scriptâ, & S. Gregorius, qui lib. 2. epistola 33. ad Columbum Episcopum Numidicæ scribit in hunc modum; *Fraternitatem tuam scriptis presentibus duximus adhortandam, ut veniente ad te Hilario Chartulario nostro, adunato Episcoporum universali Concilio, habito præ oculis terroris venturi judicis, causa eadem (scilicet Maximiani Episcopi*

copi

copi, qui præmio corruptus Donatistarum Episcopum fieri permiserat) *subtili ac solerti debeat indagatione perquiri.*

10. Sed & ante tempus scriptæ epistolæ supradictæ auctoritatem suam in Episcopos Africanos Romanus Pontifex exercebat, teste S. Augustino, qui unus fuit ex Patribus epistolæ prædictæ Autoribus. Is enim paulò antè sancti Cælestini iudicio se submiserat, ut patet ex eius epistola 262. in qua alia refert exercitæ Pontificiæ jurisdictionis exempla. *Existat, inquit, exemplo ipsâ Sede Apostolicâ judicante, vel aliorum judicata firmanie, quosdam pro culpis quibusdam nec Episcopali spoliatos honore, nec relictos omnimodis impunitos. Quæ ut à nostris temporibus remotissima non requiram, recentia memorabo. Clamet præfiscus Provincia Casariensis Episcopus, &c.*

11. Denique quorsum hanc epistolam citat Puteanus, cùm in ea nulla Principum, pro quibus tamè ipse in hoc ap. certat, fiat mentio? Satis nimirum illi est, ut auctoritatem sanctæ Sedis deprimat: nam facillè postea Episcopi, quibus favere adversus summos Pontifices videtur, Regum potestati subjicientur.

12. Illustrissimus Petrus de Marca lib. 6. de concord. Sacerd. & Imp. cap. 19. num. 7. & seqq. affert exempla, primò Vigiliî Pape scribentis ad Auxanium Episcopum Arelatensem, *Se pro ejus pietatis affectu, & pro gloriosissimi Regis Childberti Christiana devotione mandantis suas ei vices conferre: & ad Aurelianum Auxanii successorem, se eandem administrationem committere, Childberti Francorum Regis Christianâ, & Deo placidâ in perhibendo ei testimonio voluntate accedente.* Secundo Pelagii primi ad Childbertum scribentis, *se secundum petitionem ejus Legatum constituisse, seu Vicarium Sabaudum Arelatensem.* Tertiò S. Gregoriî à Regina Brunecilde mittendi in Galliam Legati licentiam postulantis. Ex quibus infert necessarium esse Regum consensum, ut Legati facultatibus suis utantur in Gallia. Verum ex his exemplis aliud quidquam inferri non potest, quàm postulatum aliquando illum consensum, ut res ex ambarum potestatum concordia felicius gererentur, & Principes libentiùs opem suam præstarent Legatis, si quandò eâ indigerent; aliquando ipsosmet Principes intercessores adhiberos ab Episcopis ad obtinendam Legationem: non autem necessarium omninò esse prædictum consensum.

13. Si ad spiritualia tantum negotia destinentur Legati, eos Principum consensu non egere, nisi ut eorum ope, quæ sibi sunt injuncta facilius exequantur, per se patet, & probari potest pluribus exemplis Legatorum à summis Pontificibus, non petita ullâ Principum licentiâ, missorum. Ita missus est Petrus Damiani ab Alexandro II. circa annum 1062. ut constat ex hujus Pontificis epistola 21. apud Philippum Labbeum tom. 9. Concil. in qua nulla sit Regis mentio. Ita Callistus II. Cardinalem quemdam misit, eumque Ludovico VI. commendavit his verbis, quæ significant Principum quidem esse, Legatos juvare, non autem circa eorum Legationem aliquam jurisdictionem exercere. *Sanctissime filium nostrum sanctæ Sedis nostræ Presbyterum Cardinalem nobilitati tue attentius commendamus. Nos enim à latere nostro eum secundum antiquam Sedis Apostolicæ consuetudinem ad terram potestatis tuæ pro corrigendo & confirmando, quæ corrigenda, & confirmanda fuerint, delegamus. Rogamus igitur Excellentiam tuam & in Domino commonemus, ut eum tanquam Vicarium nostrum reverenter suscipias, honeste habeas, & ita ei facultatis tuæ consilium, & auxilium præbeas, quatenus sibi injunctum possit Ministerium adimplere.* Callist. II. epist. 23. Nec afferri potest exemplum aliquod magno schismate antiquius, vel certum aliud argumentum, quo prædicti consensus necessitas ostendatur.

14. Imò Principes, sicut & cæteros, Legatis Apostolicis obtemperare debere in rebus spiritualibus, & Ecclesiasticis ratio suadet, & confirmant exempla. Gregorius VII. epistola 5. append. 2. apud prædictum Labbeum tom. 10. scribit non solum Omnibus Archiepiscopis, Episcopis, Abbatibus, sed etiam Regibus, Principibus, Clericis quoque, ac laicis in Narbonensi Gallia, Guasconia, Hispaniæ Regione; & tamen indiscriminatim ab omnibus recipi jubet Amatium Oloronensem Episcopum S. R. E. Legatum; *Quem, inquit, sicut nostram, imò B. Petri præsentiam vos suscipere, Apostolica auctoritate jubemus.*

15. Gregorii forsitan ingenio tribueretur ea formula, quæ auctoritatem maximam significat. Sed alii Pontifices ante ipsum, licet animi minus generosi, aliam etiam vivaciorum usurparant. Joannes VIII. mitis acdò indolis, ut ignavia ab aliquibus accensaretur, licet ageretur de Dominio Principum Francorum, Legatos misit, & eorum Legationem hæc clau-

fulā corroboravit epist. 3. apud Sirm. tom. 3. quæ est ad Episcopos in Regno Ludovici Regis Baioariæ constitutos. Nam *cujuscumq; sit gradus, ordinis, sublimitatis, siue professionis, qui cum presentibus Legatis nostris, Joanne Siculensi, itemque Joanne Tuscanensi, venerabilibus Episcopis, quos vice nostrā illas in partes ad examinanda simulque definienda Canonice siue legaliter, quæ hoc anno inter utrosque emergere negotia, convenire in loco ab eis designato, eisque satisfacere humiliter detrahet, auctoritate Dei Omnipotentis sanctorumque Apostolorum Petri & Pauli, nostræque mediocritatis, veniam sibi deinceps denegari, nec amodo communionis nostræ, ut verbis sanctissimi Prædecessoris nostri utamur, futurum esse consortem, quisquis esse noluerit disciplina.* Hanc ultimam clausulam repetit epistola quarta, quæ est ad Comites in eodem Regno constitutos.

16. Ultimis quidem temporibus inductus est usus, ut non solum de assensu Regum Christianissimorum Legati suis facultatibus utantur; sed etiam ut illæ facultates verificentur, imò aliquando modificatæ sunt. Sed ipsa rei novitas eum usum à Libertatibus Gallicanis, quæ antiquitate nituntur, excludit. Nam ut ait prædictus de Marca dicto libro 6 cap. 31. nu. 8. prima omnium modificatio singulatim facta continetur in literis Francisci I. pro Legatione Cardinalis Carnosini anno 1514. quod tempus causam indicat, nimirum gravissima dissidia, quæ paulò antea intercesserant inter Ludovicum XII. Francorum Regem, & Julium II. Romanum Pontificem, quæque inter eorum successores nondum plenè composita fuerant, ut non mirum sit, si eā diligentia voluerit Rex præcavere, ne quid in Regno suo contra se Legati Apostolici molirentur. Verum ex hujusmodi casibus prorsus extraordinariis regulam generalem conficere,

contra omnes juris, & rationis
leges est.

♦ ♦

0000

CA.

CAPUT IX.

De publicatione Indulgentiarum, de collectione Eleemosynarum, de Societatibus, & de possessione Beneficiorum, Ad capp. 25. &

26. Puteani.

1. **C**apite 25. in Regem confertur potestas impediendi, ne absque sua vel Parliamentorum licentia, Indulgentiæ publicentur; ne quaerantur eleemosynarum illarum occasione; neve instituantur Societates seu Confraternitates. Si qui abusus in huiusmodi publicationem. quæstum, aut Societates irrepserint, Canonum contra illos editorum executionem Principes laudabiliter urgebunt; ac si quid sub pietatis specie contra Regem, aut Regnum aliqui machinarentur, possent à Magistratibus comprimi. At, si ea Religionis officia ad id, ad quod sanctè sunt instituta, colliment, ea bona impedire posse, non est Ecclesiæ libertas, nec jus Principum Christianorum. Earum rerum cura ad Episcopos non ad Magistratus seculares spectat.

2. Reditus Beneficiorum temporales sunt; sed jus eos percipiendi, non nisi spirituale dici potest, utpotè fundatum in celebratione Divini Sacrificii, recitatione Horarum Canonicarum, administratione Sacramentorum, exercitio spiritualis jurisdictionis, & cæteris spiritualibus operibus. Quare nemini unquam dubium fuit, quin Simonix crimen ab iis pateretur, qui beneficia vel emere, vel vendere, aliove contractu, non gratuito distrahere, vel accipere præsumperint, quod necessario res esse sacras, & spirituales supponit. Quomodo ergò ad iudicium seculare spectaret controversiarum beneficalium decisio?

3. Undè iudicibus Laicis esset potestas Guratos, Canonicos, aliosque Beneficiarios, suis Placitis, seu, ut vocant, Arrestis constituere? Numquid si vitiosus sit ejus, cui favent titulus, possent ipsi jurisdictionem spirituales conferre, ut valida sint, quæ consecutus est. Sacramenta.

4. Farentur, qui Laicam jurisdictionem ad materias protendant

dunt, Judices seculares non de petitorio, sed de possessorio, non de jure, sed de facto debere sententiam ferre, hoc est non definire, quæ provisio sit canonica vel vitiosa; sed quis magis legitime possidere videatur, ut is in sua possessione servetur, donec de jure prolata fuerit ab Ecclesiastico Judice ultima sententia; idque ne partes ad arma concurrant, quod frequenter accidit, dum plures rem eandem possidere conantur; quodque ne accidat, inquirunt, Principis est impedire. Sed nonne de possessorio, sicut de petitorio per plurima sæcula jus dixerunt Officiales Ecclesiastici in Gallia, sicut in aliis Provinciis Christianis? Cur ergo gens adeo antiquitatis retinens à veteri illa disciplina recessit? Hæc certè immutatio Episcopis tribuenda non est. Fatetur enim Carolus Fevretus lib. 4. de abusu capite undecimo numero sexto ab illis agrè admodum admissam.

5. Primam prætensi à Judicibus secularibus juris probationem petit Puteanus à quadam deliberatione Senatus Parisiensis Anno 1411. vetantis, *Ne Cardinalis Pisanus Joannis XXIII. ad Carolum VI. Regem Francia Nuncius, seu Legatus diceret Regem, ejusque Indices, præcipuè Curiam ipsam non posse de causis possessoriis Beneficiorum cognoscere.* Hæc quidem verba probant intentionem Senatus, sed non ejus justitiam. Cæterum tunc usus ille adeo erat Pontificis illius Curia incognitus, adeoque iis, qui eum norant, improbatus, ut prædictus Cardinalis scripserit in epistola, circa quam deliberat Senatus; *Deus scit QUANTUM ECCLESIASTICÆ IURISDICTIONIS (notentur hæc verba) QUOTIDIE USURPATUR. De omnibus causis Ecclesiasticis possessoriis indistinctè cognoscunt, inter personas Ecclesiasticas, Religiosas, Abbates, Episcopos, ac etiam Cardinales. Et totum procedit à Clericis, qui sunt in illa Curia.* Licet autem tunc schismatis tempus esset, multaque permittere cogerentur Pontifices, quorum partes Gallia sequebatur, adversus Ecclesiasticam libertatem, magnam tamen retinebant auctoritatem in Ecclesia Gallicana, etiam circa controversias beneficiales, ut testantur prædicti Joannis XXIII. literæ, præsertim quæ referuntur à Bulæo in tom. 5. histor. Univerl. Paris. ad ann. 1412. ante finem.

6. Puteanus numeris 2. & 3. profert duas Constitutiones Martini V. declarantis pœnas aliâ suâ constitutione latas in

eos, qui ad iudices sæculares recurrerent in causis Ecclesiasticis; nominatim in beneficialibus, non afficere subditos Regis Franciæ. Verum illæ literæ, Judicium Regiorum conscientie in tuto ponendæ impares sunt. Confirmant etiam dumtaxat jus, si quod erat, nullum autem concedunt. *Per h. c. autem nullum jus, seu jurisdictionem in præmissis cognoscendis eidem Regi de novo acquiri volumus, sed antiquum, si quod habet, tantummodò conservari.*

7. Allegatum enunciatum ipsum Regem, & suos Progenitores super omni possessorio a tanto tempore, quod de ejus contrario memoria non existat, consuevisse cognoscere. Quæ conditio deficiebat, cum nondum eo tempore passum & conitanter lites de Beneficiis coram iudicibus sæcularibus agitentur, ut monumenta etiamnum extantia testantur; unde mirum est Carolum Fevret. qui lib. 4. c. 1. n. 3. autoritate Joannis Galli, & Guidonis Papæ. probat eum usum tempore Martini V. non fuisse constantem, renitentibus nimirum Episcopis, imò testimonio Philippi Probi confirmat centum post id tempus annis Ecclesiasticos Iudices de possessorio Beneficiorum cognoscere potuisse cumnlativè cum Laicis, quibus eam cognitionem permisit Romanus Pontifex: Mirum, inquam, est eum in illo ipso numero affirmare possessorium beneficiale nunquam in Curia Ecclesiasticis fuisse tractatum, & numero 2 ejusdem capituli coronæ jus illud esse, ac verè Regium. Ita scilicet constant Libertates Gallicanæ, ut qui eas justas ostendere nituntur, sibi ipsis non possint non contradicere.

8. Constitutiones illæ, seu privilegia indicant facultatem Judicium Regiorum exerceri tantum inter Clericos, Ecclesiasticasque personas, ad Beneficiorum suorum possessionem ipsius Regis auxilium implorantes; puta ne quis per vim à sua possessione deturbetur, præsertim in casu possessorii retinenda possessionis. Itaque Beneficiorum fructus essent tantummodò sequestro commitendi, ut diremprà lite apud Ecclesiasticum tribunal victori consignarentur, vel potius ille, ejus titulus Episcopi iudicio magis probatus fuisset, in possessione esset defendendus, aut si per vim ab ea fuisset deturbatus, autoritate Regiâ restituendus. Ac nonne super tituli validitate pronunciant Iudices Laici, siquidem, ut notat Petrus Rebuffus, discrimen inter profanum, & beneficiale possessorem interponitur, ut in profano sola possessio, à qua
quis

quis se dejectum conqueſcitur, in beneficiali autem proviſio, ſeu titulus attendatur.

9. Etiamſi poſſeſſorio nomine donentur cauſæ beneficiales apud ſeculares Judices, revera tamen ut petitorie judicantur: tum quia, ut diximus, ex titulis dirimuntur: tum quia ſuper his judicium ab Eccleſia non proſertur. Pars enim, quæ in poſſeſſorio ſuccubuit factis primæ litis ſumptibus, qui maximi ſunt, plerumque proſequendæ ſecundæ impar eſt, nec dilationes, & cavillationes partis adverſæ, quæ, cum fructibus gaudeat, proceſſum, ſi poſſit, in infinitum protrahet, ſe unquam ſuperaturam eſſe conſidit. Imò, ut inſinuat Carolus Fevretus Tract. de abuſu lib. 4. c. 1. n. 6. poſt Louetum, datâ ſuper poſſeſſorio ſententiâ, non lineretur quis ab Eccleſiaſtico Judice contrarium judicium obtinere, vel illud executioni demandare, niſi fortè novum jus coram ſeculari non allegatum ſuperveniſſet: quaſi tanta ſit Judicis ſecularis de re ſpirituale decernentis peritiâ, tanta ejus autoritas, ut poſſeſſionem tantùm diſcutiens, jus ipſum certiſſimè attingat.

10. Poſſeſſio propriè rerum temporalium eſt. Cur ergo quod in Beneficiis eſt ſpirituale, Eccleſiæ non dimittitur omninò? Cur Epifcopo, cui ſæpe conſtat alterum ex litigantibus jus nullum habere, non licet alteri, cujus Canonicus eſt titulus, Beneficii officia exequenda committere, præſertim cum juridiſtinctionem ſpiritualem requirunt, ac ſine illa ſalus animarum certiſſimæ ruinæ patet? Cur arguetur tanquam ſua poteſtate abuſus Prælatuſ, ſi confeſſiones audire inſubeat ei, quem norit verè non eſſe Curatim, atque adeo nullâ juridiſtinctione præditum, imò fortè juridiſtinctionis incapacem? An toleranda erunt innumera ſacrilegia, ne lædatur reverentia Judici Laico debita, apud quem cauſa poſſeſſionis tractatur.

11. Delicatioſior erat conſcientia Judicum ſecularium tempore Joannis Galli, hoc eſt circa initium decimi quinti ſæculi. Is enim quæſt. 136. reſtat, tunc non admittendam fore querelam (Galli vocant *Complainte*) pro poſſeſſione Beneficii Curati, aut ejus fructuum, quia, inquit, hoc erat merè ſpirituale.

12. Post Martini V. declarationes assertur à Puteano num. 4. alia Eugenii IV. earum primam confirmantis. Verùm illa provisionalis tantùm est; donec aliud autoritate præfata desuper ordinatum fuerit. Neque generalis est, cùm primam tantùm Martini V. declararet; atque adeò malè hoc ei lemma præfixit Puteanus; Bulla Eugenii Quarti quâ declaratur, Bullas Pontificum circa possessorium Beneficiorum non habere locum in Francia.

13. Breve Leonis X. ad Præsidentes, & Consiliarios Parlamenti Curie Tolosanz exhibet Puteanus num. septimo, ut ostendat Judicem in Francia cognoscere de possessorio Beneficiorum, approbante Papâ. In eo brevi, quod non extat in Regestis Pontificiis, supponitur commendari Senatui Tolosano Joannes de Anseduna litterarum Apostolicarum Abbreviator, cui Papa Beneficia contulerat, super quibus lis erat in dicto Senatu. Verùm præterquam quod hoc non est approbare saltem expressè usum judicandi de possessorio Beneficiorum; ejus Pontificis mens certius perspicitur in iis, quæ Concilio generali præsidens fecit, quam in litteris, quæ ab Officiali Curie suæ proprio commodo studente, furtim obtineri potuerunt. Leo X. à quo dicitur datum prædictum Breve die 17. Novembris 1513. mense sequenti, hoc est 17. Decembris ejusdem Anni in Concilio Lateranensi sessione 8. monitorium pœnale decrevit adversus Senatores Parlamenti Aquisextiensis, Ecclesiasticam jurisdictionem violantes in variis capitibus, quorum unum erat de cognitione causarum Beneficialium. Quocirca id, de quo Judices sæculares in Francia cognoscunt, possessorium fidei dumtaxat dici, sed revera petitorium esse significavit, eumque usum abolere deliberavit. Erat enim articulus ille prædicti monitorii expressus his verbis; *Causas spirituales & beneficiales non tantùm super possessorio, sed etiam possessorii cōfecto colore super titulo audiunt, &c.* Nonne illa est possessorii ratio, quàm hodie Judices Galli ad suam jurisdictionem pertinere contendunt? Non tantùm de possessorio, cujus cognitio ad petitorii Judicem de jure spectat, sed de petitorio ipso quantumvis in spirituali, hoc est de titulo, *possessorii cōfecto colore* judicant. Nec enim quis de facto possideat, sed quis justiore possidendi titulum habeat, examinant, & eum tuerentur,

reentur, etiamſi Beneficiis animarum Cura, vel jurisdictioſpi-
ritualis inſit.

C A P U T X.

*De puniendis autoritate Regiâ Clericis in officio laico
delinquentibus, Hæreticis quietem publicam tur-
bantibus, & Concionatoribus ſeditioſis: de A-
lienigenis ad Beneficia Regni non admittendis:
ac de officiis Eccleſiæ Gallicanæ: ad capita 27. 28.
29. & 30. Puteani.*

1. **C**APITI 27. hunc titulum præpoſuit Puteanus. „ Poſſe Re-
gem de crimine Officialium ſuorum Clericorum, quod
„ in officiorum ſuorum exercitio admiferint, judicare; non ob-
„ ſtante privilegio Clericali. Hoc probat num. 1. quodam Sena-
tus- conſulto poſt medium ſæculum 13. dato. Agebatur de eade
duorum hominum in carcere Cathalaunenſis Epifcopi. Quæſtio
erat, an ejus rei judex eſſet Senatus. Negabat Epifcopus, allegans
privilegium Clericale; affirmabat pars altera, eò quod ageretur
de culpa admiſſa occasione jurisdictionis Laicalis, Epifcopo tan-
quam Baroni & Pari Franciæ competentis, atque ita judicatum
eſt. Sed hoc judicium non dirigebatur propriè in perſonam ipſius
Epifcopi, ſed in exercitium jurisdictionis à Rege acceptæ. Neque
 fuiſſet ei pœna indicta, ſi ulterius proceſſum fuiſſet, & probata
 fuiſſet Epifcopi negligentia (non enim addit Puteanus, an illud
Senatusconſultum effectum aliquem fortitum fuerit) niſi in juris-
dictione ipſa: ut patet ex instrumento ſequenti.

2. Nam poſt id tempus, ſcilicet Anno 1313. Rex, qui, ut pro-
bat Henricus Spondanus, tunc erat Philippus Quartus dictus
Pulcher, in literis à Puteano ibidem num. ſecundo excerptis, de-
clarat Parlamentum, Guilielmum Boutellum Clericum Repor-
torem Regium Inqueſtarum privaviſſe officio, eò quod proceſ-
ſuum & inqueſtarum ſecreta revelaret; ſed hoc modo: primo
ad requiſitionem Officialium Parlamenti. Secundo per Offi-
cialem

Officiale Episcopi Parisiensis, & ipsius Ordinarii captus fuerat, & ejus bona mobilia sequestro commendata. Tertiò consultus fuerat Rex, an ulterius esset procedendum; qui responderat puniendum esse, quantum ad ipsum pertineret. Quartò reus per propriam confessionem, & aliis probationibus convictus officio Regio privatus fuit. Quintò intra hos terminos sterit Parlamentum; *Adjungentes* (verba sunt ipsius instrumenti, seu Literarum Regiarum) *quod ipsi dictum Officiale* (Episcopi Parisiensis) *non intendans impedire, quatenus ipse de dicto Guilielmo, & ejus bonis prædictis, prout ad eum pertinet, faciat, quod rationabiliter fuerit faciendum.*

3. Ubi aliud est notatu dignum, & hodiernæ Gallorum doctrinæ adversum, scilicet de bonis saltem mobilibus Clericorum judicium, etiam ex Regis jurisdictionis suæ studiosissimi, & acerrimi vindicis sententiâ, ad Officiales Ecclesiasticos pertinuisse.

4. Numero tertio exstat Senatus-consultum anni 1496. (notanda epocha, tempus scilicet dissidii inter Alexandrum VI. Pontificem, & Carolum VIII. Francorum Regem) quo quidem Senatus-consulto ad pœnas, officii Regii privatione majores, damnatus est Clericus in Parlamento Parisiensi Consiliarius. Sed num. 4. profertur Bulla Clementis VII. quæ tum prædicti Senatus-consulti, tum aliarum, si quæ sint, probationum vim eliceret. Quamobrem laudarem Puteanum hîc, & alibi sæpè de bona fide, quia testimonia efficacissima contra seipsum adducit, nisi ex propositis sibi lemmatibus constaret, eum in ejusmodi probationibus attendisse, non ad id, quod Ecclesiæ jus manifestè afferere perspicitur, si ab æquo Judice legatur, sed quod ei adversari videbatur; quæ de causâ magnoperè cavet, ne quid afferret ex iis, in quibus solius Ecclesiæ jus elucet. Numero igitur quarto exstat Bulla Clementis VII. Francisco primo concedentis facultatem puniendorum Clericorum in Officiorum Regionum exercitio delinquentium.

5. Fuit autem data hæc Constitutio; primò ad instantiam Regis; *Pro parte tua Maj. nobis nuper exhibita petitio consistebat. . . . Pro parte tua nobis fuit humiliter supplicatum. . . . Nos itaq; hujusmodi supplicationibus inclinati.* Secundò pro Clericis uxoris, non bigamis

mis officia merè laica exercentibus; *Quod quandoque tua Maje-*
statis Officiales Clerici uxorati officia merè secularia in Regno tuo,
& aliis locis tibi subjectis exercentes, eo sibi velamine confecto, quod
enim unica, & virgine conjugati privilegio Clericali gaudere debeant,
& à Iudicio secularium examine & correptione exempti existant,
&c. Ex quibus constat ante id tempus, id est ante annum 1530.
 non fuisse, saltem legitime, iudicatos à Iudicibus seculari-
 bus Clericos, nisi qui privilegio Clericali carebant. Tertio facultas
 puniendi Clericos conjugatos Officiales Regios eâ conditione
 Regi concessa est, ut Clericos etiam conjugatos, qui non es-
 sent Officialis Regii, privilegio Clericali faceret gaudere;
 dummodo alios Clericos conjugatos privilegio Clericali gaudentes,
 tuos Officiales non existentes, dicto privilegio Clericali gaudere
 facias. Quarto non solum Pontifex in ea Bulla, sed etiam Rex
 in litteris patentibus ad ejus verificationem datis, & ibidem à
 Puteano relatis, declaravit illam facultatem non à jure Re-
 gio, sed à concessione Pontificis emanasse: *Autoritate Apo-*
stolicâ, inquit Papa, tenore presentium licentiam concedimus,
scilicet puniri faciendi Clericos conjugatos, etiam monogamos
in officiorum secularium exercitio delinquentes. Rex autem e-
 nunciavit se ad Papam recurrisse, Bullam prædictam impetrasse,
 eamque post examen judicatam supplicationi suæ conformem, &
 Regni sui bono admodum utilem Quinto, Privilegium illud, factâ
 expressâ Bullæ mentione, ab eodem Francisco I. & ejus filio Hen-
 rico II. adductum, probant exempla ibidem à Puteano sub-
 juncta.

6. Nescio quomodo non vidit Puteanus sibi etiam apertissime
 adversari, quod refert ultimo loco ex Constitutionibus Barci-
 nonensibus manuscriptis Jacobi II. Arragoniæ Regis anno 1291.
 scilicet; *Item quod aliquis Clericus, vel alius homo, qui habeat con-*
suram, non possit tenere aliquo tempore aliquod officium nostrum,
salvis Cancellario, & Consiliario nostro, & Eleemosynario nostro, &
Judicibus, qui scirent jus, pro eo quod si delinquerent in aliquo, quod
nos possemus eos punire inde. Quomodo inde assumptum suum pro-
 bat Puteanus (nimirum posse Regem Clericos in officio Regio
 delinquentes punire, non obstante privilegio Clericali) cum è
 contra Rex Aragoniæ idcirco nolit habere Clericos Officiales, quia
 non posset eos punire? An quia excipiuntur Cancellari-

Pppp

rius,

rius, Clericarius, Eleëmofynarius, & Judices jus scientes? sed hæc exceptio ad prohibitionem refertur, non ad privilegium Clericale. Absurdum enim esset ita Regis mentem interpretari, ut intelligeret se inferiores quidem Officiales in officio à se accepto peccantes non posse plectere, obstante privilegio Clericali; posse autem, nihil obstante illo privilegio, in Eleëmofynarium, Cancellarium, & alios præcipuos animadvertere. Supponit è contra Rex, hujusmodi eximia officia non fore gerenda, nisi à viris, quorum perspecta sit probitas, quique sub spe impunitatis ob privilegium Clericale peccaturi non sint; atque adeò nec puniendi, vel saltem id tam raro eventurum, ut eorum privilegium Regi non sit allaturum incommodum.

7. Capiti 28. hunc Puteanus titulum præfixit; *De judicio hæreticorum publica quietis perturbatorum*. Sed quod sit ejus consilium non satis apparet. Certum est, & plerisque actis illic relatis constat, ad Ecclesiam pertinere de controversiis Fidei judicare, qua in re Procurator Regius Senatus Aquensis respondens quibusdam articulis querelarum Officialium Pontificiorum anno 1527 declaravit ad articulum 16 æquum esse, ut de crimine hæresis iudiciis Ecclesiasticis relinqueretur judicium, ac revera nunquam de illo Judices Regios ius dixisse, nisi fortè seditio cum hæresi fuisset coniuncta, quæ declaratio refertur à Puteano in capite 36. numer. 17. Ultrò fatetur Senatus Parisiensis, cuius Deputatorum oratio ad Carolum IX. Regem Franciæ anno 1560. habita, refertur numero ultimo, Imperatores, Reges, Principes & alias cuiusvis ordinis, & conditionis personas Ecclesiæ subesse. Certum etiam est posse, imò & debere Potestates sæculares opem, auctoritatemque suam ad extirpandas hæreses apertas, & corrigendos, vel puniendos subditos suos, doctrinam ab Ecclesia declaratam hæreticam profitentes, impendere, eo quæ tendunt reliqua ferè omnia in eo capite contenta. Certum adhuc est, in profligatione hæreseos, ac hæreticorum punitione, unicuique potestati suam jurisdictionem salvam esse debere, atque plura ex illis actis restantur sæpè unamquamque suas partes in Gallia explevisse. Contigit quidem interdum, ut potestas sæcularis Ecclesiasticæ fines ingrederetur; sed ruendæ Fidei nec-

cessi-

Efficitas ad huiusmodi transgressionem attendere non sinebat, magisque laudabatur zelus, quam reprehenderetur excessus.

8. Laudatur in eo capite, atque in sequenti exercitium Inquisitionis, quo ramen Galli moderni tantum abest ut probent, ut etiam gravi odio prosequi videantur, quasi rem utilissimam, sub prætextu quorundam abusuum damnare præstet, quam abusus, si qui illapsi sunt, amputare. Nimiam querantur à quibusdam Inquisitoribus adhibitam severitatem, nonnullos avaritiam sectatos. Verum hæc, & similia, personarum vitia sunt, non officii. Sed nescio quâ fide Galli, ut sacro illi Tribunali odium concilient, illud accusant, aut sacram Indicis Congregationem, quasi Regum Interfectoris patrocinetur, eò quod notaverit Senatus-consultum prolatum adversus Joannem Castellum Henrico IV. Regi mortem inferre conatum, cum nonnisi per atrocem, & apertam calumniam Sacræ Congregationi tribui possit, quod probaverit tantum scelus, gravissimis poenis expiatum, quandoquidem id tantum in eo Senatus-côsulto displicuit, quod censuris Apostolicis auctoritas detraheretur.

9. Hæc autem non eò spectant, ut Inquisitionis exercitium in Gallia renovandum significem, sed ne sacrum illud Tribunal, Ecclesiæ tantoperè necessarium, & à quo Gallia ipsa maximos olim, uberimosque fructus percepit, debitâ sibi apud fideles reverentiâ careat. Illud quidem etiam viri verè Catholici non necessarium in eo Regno arbitrantur, ob Episcoporum vigilantiam, ac Regis pro Fide zelum, sed illud conviciis ac detractionibus prosequi, hominis est admodum iniqui, vel criminum sibi conscii, propter quâ à sacro illo Tribunali plecti mereretur.

10. Prædicandi munus, si quod aliud in Ecclesia Dei, spirituale sine dubio est, ac proprium Episcoporum. Apostolis enim, quibus successerunt, præcepit Christus Marci ultimo: *Euntes in mundum universum predicate Evangelium omni creatura.* Quod ut exequerentur, curam pauperum, quantumvis laudabilem, dimiserunt Diaconis. *Nos verò,* inquiunt *Act. 6. orationi & ministerio verbi instantes erimus.* Si quid igitur in eo munere peccetur ab iis, qui Episcoporum vice illud obeunt, ab Episcopis cor-

rigendi sunt, qui nimis hodie Regi fideles sunt, quàm ut defides sese prabituri sint in eo officio, si quid adversus Regiam Majestatem. aut contra publicam pacem prædicaretur, ut eorum negligentiam à se supplendam esse, non possint causari secularibus Magistratus. Debet quidem Laica potestas brachium suum, si opus sit, Prælati ad correctionem eorum, qui ministerio verbi scandalosè abutuntur, commodare, ut præstitum est nonnullis actis à Puteano cap. 29. exscriptis: suo autem jure non potest personas Deo sacras in functione Divinissima peccantes plectere In exemplis, quæ adducit Puteanus, præterquam quod sæculo proximè elapso antiquiora nō sunt, & solius potestatis secularis auctoritate sunt munita, aut Ecclesiæ tantum ad exequenda sua judicia, & Decreta collatum est auxilium; aut Reges, quorum nutabat Imperium, quiq̃ue plures in Clero patiebantur Adversarios, jus suum, quod prædicationibus publicè impugnari audiebant, non alià posse tueri ratione arbitrati sunt, quàm si Prædicatores per suos etiam Judices comprimerent; quod, etsi legitime factum fuisset, in consequentiam trahi nullatenus deberet: vel certè Judices Laici falcem in alienam messem miserunt contra Canones, & contra morem antiquum Regni etiam Gallicani.

11. Quamvis secundum jus Canonicum in conferendis Beneficiis plerumque non sit attendenda personæ Patria; rationes tamen non paucæ postulare videntur, ut uniuscujusque Regni Beneficia indigenis conferantur, quod Actis in capite 30. à Puteano relatis statuitur, dummodò digni reperiantur. Sed hujusmodi statuta, cum circa rem spiritualem, nempe Beneficiorum dispensationem, versentur, ab Ecclesia edenda essent, non à Principibus; nectunc vim habere debent, cum propter indigenarum defectum, aut aliam justam causam magna Ecclesiæ necessitas, aut evidens utilitas illis derogari postulat; quæ omnia de Regularibus, de quibus etiam illic agitur; intelligenda sunt pari, & fortè majori ratione, quia illorum status à negotiis secularibus longius distat, & Regimen minùs est cum administratione politica connexum.

12. Missalium, & Breviariorum Ecclesiasticorum particularium Faneæ, mutationem mandato, seu ordini, & permissioni Regi sub-

subjicere, quid aliud est, quàm Ecclesiam in rebus Divinioribus secularis potestatis servam facere?

13. Num sicut sine Regis mandato, ac licentiâ mutari non possunt libri sacrificii consiciendi formam continentes, ita à contra indiscriminatim poterunt de ejus mandato, ac licentiâ si quis ergo Regis religionem sefellerit, ac facultatem impetraverit inducendorum Codicum, in quibus desint verba consecrationis, admittendi erunt, ac juxta illos celebranda Divina Mysteria, & officia, etiam si Clerus, & milites obfistant, & Deus ipse contrariam voluntatem miraculis significet, quemadmodum contigisse in Ecclesia Toletana narrat Rodericus Toletanus in fragmento exscripto à Puteano cap. 31. numer. 4. quod tamen fabulæ, quàm historiæ similis mihi videtur. Talibus scilicet Canonibus nituntur, quas ipse Autor vocat Libertates Gallicanas. Id ab eo libertas reputatur, quod in eo fragmento his verbis exprimitur; *Sed cum Rex (scilicet Castellanus & Legionensis Alfonsus) esset magnanimus, & sue voluntatis pertinax executor, nec miraculo territus, nec supplicatione suavis, voluit inclinari, sed mortis supplicia, & direptionem minitans resistere, præcepit, ut Gallicanum officium in omnibus Regni suis finibus servaretur, & tunc cunctis flentibus, ac dolentibus inolevit proverbium; Quo volunt Reges, vadunt leges.*

14. Verùm, si hæc vel historia, vel fabula referenda putabatur, titulo capitis insinuandum erat, mandato Regio præire debere præceptum Ecclesiasticum. Ità enim in principio fragmenti legitur: *Gallicanum Officium suscipere à Legato, & Principe cogebantur.*

15. Ex reliquis Actis in prædicto capite 31. relatis, illa quæ antiqua sunt, nullam Regibus circa Divina Officiis tribuunt auctoritatem, sed ostendunt solummodò Ecclesiam Gallicanam suas habuisse orationes speciales, vel ab Ecclesia Romana, petente Rege, acceptas; quæ autem acta recentia sunt, præterquam quod generatim novitate sunt suspecta in materia, ubi pro conservanda antiquitate certari dicitur; rationes, quæ Theologiæ Parisiensi adscribuntur, adversus eos, qui Breviarium ex Decreto Concilii Tridentini correctum antiquo Parisiensi substituendum putabant, stylo adeò irreverenti, & temerario scriptæ sunt, & partim adeò ineptæ,

ta, ut merito instrumentum eas continens Sorbonæ decreto proscriptum sit. Quod autem Puteanus, qui decreti illius meminit, adiungit, Curiam contra illud auctoritatem suam interposuisse, atque ita instrumentum tutum servasse, magis hac in parte Curiae vim inferentis religionem obscurat, quam iustitiam demonstrat.

16. Ego quidem fateor eam, quam de augusti illius Senatus religione, & aequitate opinionem, lectis antiquis ejus sapientissimis, piis justisque Placitis, & præclaris pro Ecclesia, & Republica gestis, conceperam, plurimum imminutam ob ea, quæ posterioribus temporibus adversus Ecclesiasticam jurisdictionem tentavit. Misera certè Ecclesia Gallicana; siquidem ejus jura, restantibus in processu verbali Episcopis an. 1681. Parisiis congregatis, cæteri omnes illius Regni Judices minus quam Senatus Parisiensis servant illæsa. Quid enim v. g. Ecclesiastica Libertati, & jurisdictioni magis infestum, quam quòd Arresto à Puteano relato ibidem numer. 7. statuitur in materia Divinorum Officiorum; „Declarat malè & abusivè processum, ordinatum, & executioni demandatum, cum à dicto Episcopo (Andegavensi,) tum ab ejus Officiali, & Promotore. Ordinatur, quod servitium Divinum ordinarium in Ecclesia Trinitatis continuabitur. Inhibuit, inhibetque dicto Episcopo, quidquam innovare in exercitio, & celebratione Divini servitii in Ecclesiis suæ Diocesis absque auctoritate Regis. En libertas Ecclesiæ Gallicanæ. En religio ejus defensorum, & protectorum. Major potestati sæculari adscribitur circa Divina officia auctoritas, quam exercere sineretur Episcopus, imò summus Pontifex, vel Ecclesia universa congregata in Concilio Oecumenico, Tridentino scilicet, de cujus exequendo Decreto circa Divina officia agebatur.

17. Sed gravius, quia generalius, est vulnus, quod in dicto Arresto sequitur, (nisi fortè aliquis Typographi error est;), „Ejus quoque Promotori, & Officiali (inhibet) ne curam, jurisdictionem, aut cognitionem suscipiant, nisi quæ ipsis à Constitutionibus (Regiis) tribuitur. Constitutiones ergo Regiæ, jurisdictionis Ecclesiasticæ circa Divina officia sunt origo.

18. Equi-

13. Equitati, ac Religioni magis consentaneæ videntur litteræ Regiæ, quæ subinde afferuntur, cum Missalis, & Breviarii Ecclesiæ Romanæ usum permittant. Nihilominus Ecclesiæ Libertas offenditur, quòd in hujusmodi rebus necessaria putetur Regis autoritas. Ut enim notat jurium Regionum non negligens vindex Illustrissimus Petrus de Marca lib. 2. cap. 7. numer. 1. *Cum ipsum Clericorum mysterium jure Divino sit institutum, quæ necessaria sunt ad illud explicandum, aut vindicandum, ei potestati commissa consentur, quæ jus imponendarum manuum à Christo Domino nostro accepit.*

CAPUT XI.

De Regularibus, & de aliis materiis Ecclesiasticis. Ad capp. 32. 33. 34. 35. 36. 37. & 38. Puteani.

1. **N**OVOS Regularium Ordines in Galliam admitti non posse, vel illic stabiliri, aut nova Monasteria construi, absque expressa Regis licentia cap. 32. à Puteano probandum suscipitur. Quæ in re cum possint interdum rationes civiles, & temporales cum spiritualibus commisceri, uniuscuiusque potestatis est, quod ad ipsam pertinet curare; sed sub eo prætextu spirituali Regularium regimini, sive circa electiones, sive circa Capitula generalia, sive circa delictorum correctionem, de quibus agitur cap. 33. sese Magistratus sæculares immiscere sine iniuria non possunt, præsertim dum eorum auxilium juxta Canonum præscriptum non imploratur.

2. Quæ in re multifarium est peccatum; atque adeò graviter, ut mirum sit non erubescere virum Catholicum (qualem nescio non fuisse Puteanum) hujusmodi exempla in Libertatis Ecclesiæ Gallicanæ defensionem adducere. Quomodò enim cum fide Catholica cohæret, ut Censurarum usus penes Laicos legitimè reponatur? Affert ille in præd. cap. 33. numer. 23. Senatus-Consultum anni 1599. quo Capuccino cuidam, nomine Archangelo à Podio, indicta est suspensio ab officio prædicationis per sex menses. *Simplicem esse*

esse prohibitionem ad removendum scandalum , quod ex Concionibus creandum timeretur , factam interpretaret , nisi temporis spatium suspensioni præscriptum censuræ Ecclesiasticæ formam exhiberet. Non enim per sex menses duntaxat vitandum est scandalum. Itaque prohibitio illa pœna erat, non cautela duntaxat.

3. Repugnat Religioni, & antiquæ Gallorum pietati , ut Adolescentibus , cum ad ætatem à Canonibus præscriptam pervenerunt, tollatur libertas, quæ ipsi jure Divino, ac naturali competit, genus vitæ , quod sibi ad salutem opportunius judicant , deligendi , sub prætextu servandi honoris Parentibus à filiis debiti : Quid enim, si parentes, ut sæpè contingit , proprio affectui, aut familiæ utilitati, aut gloriæ, magis consulant , quàm Divino cultui, & propriorum filiorum perpetuæ felicitati ? Hæc certè Juris prudentia cum omnium Theologorum , ac cum Sanctorum Patrum doctrinâ pugnat, Quomodò v. g. Senatus-Consultum anni 1652. prædicto cap. 33. numer. 26. relatam Capuccinis prohibens generatim, filios absque consensu Patrum ad habitum , aut professionem admittere, concordat cum exhortatione S. Hieronymi epist. 1. quæ est ad Heliodorum , quam quidem exhortationem , ceu Divinum quoddam Oraculum , omnibus deinde sæculis venerata est Ecclesia; *licet sparsa crine , & scissis vestibus ubera, quibus te nurierat, Mater ostendat: licet in limine Pater jaceat : per calcatum perge Patrem; siccis oculis ad vexillum crucis evola. Solum pietatis genus est, in hac re esse crudelem ? Numquid sanius, & sacris Canonibus magis consentaneè, judicatum fuerat anno 1383. referente Puteano ibidem num. 22. vetandum esse Parentibus, ne filium ab ingressu Capuccinorum deterrerent, si legitimam ætatem adeptus in ea voluntate perseveraret: Sed ita crescit in eo Regno pieras, & Religionis protectus, præsertim apud Laicos.*

4. Atque hæc sunt iusta Dei judicia , ut personæ Ecclesiasticæ , sive sæculares, sive Regulares, quæ Superiorum Ecclesiasticorum Tribunal fugientes , ad Laicorum Curias recurrerant , quo se sanctiori disciplinæ subtraherent , aut fortassis etiam , ut veras injurias repellerent , postmodum jugo, quod sibi ultro , ac contra sacrorum Canonum prohibitio-

nem

nem imposueruat , adeò præmantur , ut officia magis spiritalia , & proprio statui magis convenientia , liberè exequi non sinantur . Ità dum Episcopi adversus Regulares privilegiis seu tentes , Regulares adversus Episcopos Hierarchy suâ autoritate utentes ; Clerici adversus Episcopos , Regulares adversus Religionis Superiores , Laicos Judices adeunt , Ecclesiasticarum , & spiritualium rerum dispositionem ad ipsos devolvunt ; unde regimen Ecclesiæ penes sæculares potestates , potius quàm penes Ecclesiæ Pastores , residere in Gallia hodie videtur , quod verendum est , ne Deus ulteriori pœnâ ulciscatur . Id probant diversa acta in hoc , & in aliis capitibus à Puteano descripta .

5. Utinam pro Monasteriorum reformatione toties à sacris Conciliis præscripta suam auctoritatem impenderent Potestates sæculares , ac non potius reformare conantibus hodiè obisterent . Tamen dum Reformatores auxilium legitime præstant , non jure proprio agere ipsis licet , ut intendere videtur cap. 34. sed ad executionem Canonum Ecclesiasticorum . Idem dicendum de variis disciplinæ Ecclesiasticæ articulis sub cap. 35 collocatis , in quibus tamen , ut patet ex actis illic relatis , Magistratus sæculares Ecclesiasticæ jurisdictionis terminos sæpè invadunt : quod ex ipsa rerum temporalium , & spiritualium , profanatum , & sacrarum distinctione faciliè dignoscitur .

6. Applicanda est eadem doctrina capiti 36. cujus titulus est ; „ Miscellanea diversarum materiarum ad Libertates Ecclesiæ Gallicanæ spectantium . Nec excusat Judices sæculares , quod , ut jam diximus , ipsæmet personæ Ecclesiasticæ jurisdictionem eis detulerunt , sive quod , cum essent reæ , sperarent , eos sibi magis propitios , ob hanc voluntariam submissionem fore (quod faciliè præsumi potest , v. g. de Episcopo illo Meldensi , qui ut habetur ibi num. 19. anno 1525. protestatus est . „ Se si reus probaretur , ab ea Curia puniri velle ; illud tribunal aliis omnibus præeligere ; neque „ alios postulare Judices) sive quia Judicium Ecclesiasticorum præiudicia suis desideriis magis adversari sciebant . Non enim minùs sacra est Jurisdictio Ecclesiastica quàm sæcularis , ut ista non possit , possit illa ex consensu partium transferri ad

Judices aliàs incompetentes; quod tamen volunt Judices secularis, ut observare potes in responsionibus. Procuratori Regii Senatus. Provinciae, quæ referuntur. numer. 19. ejusdem Capituli. Nam in responsione ad primum articulum officialium Romani Pontificis, defenditur usus incarcerationum à Laicis Sacerdotum, aliorumque Clericorum, ex eo quod pro debitis pecuniariis sigillo rigoso. Provinciae se submitterint; in responsione vero ad 13. negatur posse Laicos, sese jurisdictioni Ecclesiasticae submittere, nisi in casibus à jure præscriptis.

7. Sed non est prætermittendus primus articulus, notatu scilicet dignissimus; nempe; „Urbem Gratianopolitanam locum esse, in quo Reges Franciæ, ac summi Pontifices sese invisitant. Is est titulus numer. 1. præfixus. Numquid hinc concludendum est, Libertatis Ecclesiæ Gallicanæ partem esse, ut Papa Gratianopolim sese conferat, cum eum illic vocare Regi visum fuerit. Sub hoc numer. ponitur epistola Hugonis Regis ad Joannem Papam sic scribentis; „*Gratianopolis Civitas in confinio Italiae, & Gallie sita est, ad quam Romani Pontifices Francorum Regibus occurrere soliti fuerunt. Hoc, si vobis placet, iterare possibile est. At si nos, & nostra invadere libet, summo cum honore descendentes de Alpibus excipiemus, morantem, ac redeuntem debitis obsequiis prosequemur.*

8. Verum non advertit Puteanus, quàm adversa esset suis libertatibus hæc epistola. Non enim reverentiam tantum Regis, cujus plurima continet specimina, sed etiam subjectionem significat in re admodum cara. Arnulphum Lotharii Regis defuncti filium, ac Ludovici, qui ei successerat in Regno, quique postea & ipse mortuus fuerat, fratrem, Hugo Capetus, in quem excluso Carolo Lotharii fratre, ac Ludovici Patruo, nuper translata fuerat Regia Dignitas, ad Archiepiscopatum Remensem evehendum curaverat, ut eum hoc Beneficio suas in partes traheret: caprâ autem, & direptrâ Remorum Civitate à Carolo, de Regno adhuc cum Hugone contendente, Hugo Arnulphum, licet à Carolo abductum tanquam bello captum, licet gravibus censuris de prædators Civitatis persequentem de proditione suspectum habuit. Quamobrem, ut ab Episcopali,

capali Dignitate deponeretur , est .cit. Sed huic depositioni viriliter obstitit Joannes XV. Pontifex, ad quem ea occasione scripsit Hugo epistolam à Puteano relata : sed in ea illud velinaximè observandum est , quod protestatur Rex , se summi Pontificis, licet de crimine Lætæ Majestatis ageretur , judicium non declinare. Addit enim statim post verba suprâ relata; *Hoc ex integro affectu dicimus, ut intelligatur, & cognoscatur nos & nostros, vestra nolle declinare judicia*, ac re ipsa in suam Sedem restitutus est Arnulphus.

9. Nihil frequentius videas inculcatum in actis à Puteano relatis, ac in aliis; quæ à Curiis sæcularibus Galliæ emanant, vel etiam in libris Scriptorum sæcularium illius Regni, quàm Regem, ejusque Officiales esse Protectores , ac vindices sacerdotum. Canonum; ab eis abusus circa Canonum violationem mediis appellationibus, quæ tanquam ab abusu dicuntur, emendari ; eam esse veram libertatem Ecclesiæ Gallicanæ, ut secundum Canones ei vivere liceat ; & alia his similia, quæ speciem præferunt eximiam : sed cum ad particularia capita descenditur , Canonibus violationem Canonum substitutam deprehendis, ut multis jam exemplis comprobavimus. Tale est, quod continetur sub numer. 24. hujus capituli 36. circa quod versatur. Legibus enim tùm Ecclesiasticis, tùm civilibus, vetitum est, ne Clericis in rebus, quas ex Ecclesia perceperunt, Parentes, aut Propinqui succedant, ut alibi ostendimus ; & tamen hic variis statutis consuetudinariis probatur Propinquiore Cognatos succedere Beneficiariis : etiam in fructibus à beneficiis provenientius. Itaque Ecclesiæ libertas est , servandorum Canonum obligatione solvi : Ecclesiæ bona , resistentibus Canonibus in familias sæculares transferri.

10. Quod de Regularium Ordinibus, Monasteriis , ac disciplinâ , circa capita 32. 33. & 34. est dictum, ad Universitates, & Scholas publicas accommodandum est, quas negat Puteanus cap. 37. sine autoritate, ac consensu Regis reformari , nedum constitui posse.

11. Trigésimum octavum caput inscribitur; *De exemptionibus Ecclesiarum, Capitulorum, Abbatiarum, & Monasteriorum à Prelatis legitimis, & ordinariis*, sub quo titulo collocat nonnulla monu-

menta , ex quibus constat olim Episcopos privilegia spiritualia, Reges verò temporalia Monasteriis concessisse, ut Monachi majori cum quiete Deo inservirent , sed continet etiam aliqua Senatus-consulta circa exemptionem Capitulorum ab Episcopali jurisdictione, quæ materia fori Ecclesiastici, non secularis est , ut per se patet: hic igitur nihil concludendum est, nisi Curias sæculares, postremis præsertim temporibus , causarum Ecclesiasticarum cognitionem usurpasse, ut supra notavimus.

CAPUT XII.

De subsidii à Clero Regi Franciæ, aut summo Pontifici præstandis: ad duo ultimæ capp. Puteani.

1. **Æ** Quæ est , ut subsidia & Regibus , & summis Pontificibus à Clero Gallicano aliquando conferantur , de quo Puteanus in duobus ultimis capitibus. Sed cum Ecclesiæ bona sacra sint , iniquum est , ut in eis exigendis summus Pontifex à consensu Regiorum Officialium pendeat; Rex autem, quæ sibi necessaria duxerit, non expectato summi Pontificis consensu, exigat.

2. Profert quidem Puteanus capite 39. num 10. Bullam Bonifacii VIII. declarantis, Regibus Franciæ licere, occurrente necessitate, à Clericis ipsis subditis , ad tuitionem Regni auxilium pecuniarium accipere , inconsulto etiam Romano Pontifice. Sed sufficit modò huic constitutioni aliam in corpore juris clausulam, & ab eodem Bonifacio editam opponere, scilicet ; *Clericis Laicos de Immunit. Eccles. in 6.* quam suum robur aliquandiu obrinuisse constat , ex eo quod Clemens V. ad instantiam ejusdem Regis, cujus favore ad summum Pontificatum evectus fuerat , eam temperavit , ut patet Clem. unica de Immunit. Eccles. ita tamen, ut Decreta Concilii Lateranensis tertii sub Alexandro III. cap. 19. & Lateranensis IV. sub Innocentio III. cap. 46. observari voluerit ; *Quæ, inquit , nos sub obtestatione Divini judicii precipimus observari.* Glossa super verb. *Quoniam ex constitutione. Rex Franciæ,*

cia, inquit, qui fuit passiva causa constitutionis, fuit activa causa revocationis; arque adeo æquum est, ut Galliæ revocationis conditionem impleat; præsertim cum executionem Conciliorum generalium præcipiat.

3 En igitur Concilii Lateranensis IV. cap. 46 quod alterius Concilii etiam Lateranensis Decretum commemorat. *Adversus Consules, ac Rectores Civitatum, & alios, qui Ecclesias, & viros Ecclesiasticos tallis, & collectis & exactionibus aliis aggravare nituntur, volens immunitati Ecclesiasticæ Lateranense Concilium providere, præsumptionem hujusmodi sub Anathematis distractione prohibuit: Transgressores, & Fautores eorum, excommunicationis præcipiens subjacere, donec satisfactionem impendant competentem. Verum si quando forsitan Episcopus simul cum Clericis tantam necessitatem, vel utilitatem prospexerint, ut absq; ulla conditione ad relevandas utilitates, vel necessitates communes, ubi Laicorum non suppetunt facultates, subsidia per Ecclesias duxerint conferenda: prædicti Laici humiliter, & devotè recipiant, cum actione gratiarum.* PROPTER IMPRUDENTIAM TAMEN QUORUNDAM, ROMANUM PRIUS CONSULANT PONTIFICEM, CUIUS INTEREST COMMUNIBUS UTILITATIBUS PROVIDERE.

4. Huic autem conditioni, postulandæ summi Pontificis licentiæ, paruerunt, tùm Reges subsequentes, ut testatur Henricus Spondanus ad annum 1336. & aliis in locis, tùm ipsemet Philippus IV. ut scribit Odericus Raynaldus ad annum 1306. num. 4. Alia ministrat exempla ipsemet Puteanus cap. 40. præsertim num. 2. & 5. ut nemini dubium esse possit, quin Reges Christianissimi lege illâ teneantur.

5. Si verò Clerus non expectato Papæ consensu, Regibus subsidia conferre se posse arbitratus est, justas luit suæ libertatis pœnas: aut veriùs, quia oblitus libertates suas in observandis Conciliorum generalium Decretis se reposuisse, à præcepto Concilii Lateranensis IV. recessit, jugum sibi tùm Decimarum, tùm Domini gratuiti imposuit; quod nescio an unquam deponet. Commodum id quidem plerisque Deputatis, qui cæ ratione Principis gratiam promerentur, ex qua maxima aliquando beneficia consequuntur; sed reliquo Clero grave, cujus quidem donum est gratuitum, quia mercedem non sperat, sed nescio an ita voluntarium.

6. Si quando Reges bellum, aut aliud negotium suscipiunt, quod Religioni conducatur, dubium non est, quin Ecclesia teneatur eis necessaria subsidia subministrare. Cum enim, ut sæpe notavimus, bona Ecclesiæ, Dei bona sint, in quos possent convenientius sumptus impendi, quàm in perferendam Dei notitiam ad barbaras & infideles gentes, aut ad tuendam fidem, & Religionem in terris Christianorum. Sic Philippo II, sic sancto Ludovico, aliisque Regibus Galliæ concessæ sunt Decimæ, & alia instrumenta temporalia, ut Christianis Infidelium tyrannide oppressis opem ferrent, aut ut hæreticos in proprio regno comprimerent.

7. Sed numquid etiam ob temporalem Regni necessitatem possent hujusmodi subsidia ex bonis Ecclesiasticis colligi? Sanè securitas Ecclesiarum, & bonorum Ecclesiasticorum cum incolumitate status politici conjuncta est, præsertim cum ab hostibus Infidelibus, aut hæreticis impetitur. Itaque tunc Ecclesia Regem ejus ope indigentem juvans, propriis etiam rationibus consultit.

8. Verùm necessitatibus Regni, quibus opitulari teneretur Ecclesia, non intelliguntur, Regiæ magnificentia, Imperii merè secularis propagatio, aliæve rationes omninò temporales. Pater enim cum usum longè ab illo distare, cui destinatum est sacrum Ecclesiæ patrimonium; metuendumque esset, ne non tam juvaretur Rex, aut Regnum, quàm concitaretur ira Divina, si quæ ad Divinum cultum, ad Ministrorum Christi, & Pauperum alimoniam deputata sunt, expensis profanis consumerentur.

9. Statuerat Rex Clotharius tertiam reddituum Ecclesiasticorum sui Regni partem fisco addicere, consentientibus (non tamen omninò liberè) Episcopis, sancto Injurioso Episcopo Turonensi excepto, qui ab aliorum sententiâ discrepans Regem ab eo consilio deterruit, eam obijciens rationem, fore ut Deus Regnum Clothario auferret, si ipse bona Deo consecrata tolleret. Rem narrat his verbis Gregorius ejusdem Sedis Episcopus Hist. Franc. lib. 4. cap. 2. *Denique Clotharius Rex indixerat, ut omnes Ecclesiæ Regni sui tertiam partem fructuum fisco dissolverent. Quod licet invitè, cum omnes Episcopi consensissent, atque subscripissent, viriliter hoc B. Injuriosus respuens subscribere dedignatus est dicens, si volueris res Dei tollere, Dominus Regnum tuum velociter auferet*

feret, quia iniquum est, ut Pauperes, quos tuo debes alere horreo, ab eorum stripe tua horrea repleantur. Et iratus contra Regem, nec vale dicens abscessit. Tunc commotus Rex, timens etiam virtutem B. Martini misit post eum cum muneribus, veniam precans, & hoc quod fecerat dimittens, simulque rogans, ut pro se virtutem B. Martini Augusti exoraret.

10. Antistites in Concilio Meldensi congregati Carolo Calvo constanter, sapienterque declararunt mala, quibus tunc Gallia premebatur, Ecclesiasticorum bonorum usurpationi esse adscribenda. Quò circa prudenter Baronius ad annum 850. Francorum, inquit, tunc quid mentuit robur, cum in Regibus cultus pietatis excelleret, elanguit, cum defecit, & Ecclesie sunt prostituta Laicis, quorum reditibus non sunt illi roborati, vel erecti, sed enervari penitusque depressi. Luxerunt ista, & aperuerunt ea Principibus ipsis Reverendisimi Patres in Meldensi Concilio, & ad putridum vulnus opportuna apposuerunt remedia, sed recusavit ille (Carolus Calvus) ea omnia suscipere, unde iusto Dei iudicio factum est, ut, qui latas à sanctis Patribus legis subire renuit, à Northmannis coactis sit durissima suscipere jura; & qui Ecclesiarum bona Laicis tradebat, coactus sit à Galargiri Northmannis. Sed sicut nulla est secuta emendatio in Rege, ita nec quievit Northmannorum flagellum in manu Dei.

11. Hilippus Augustus Rex Franciæ, cum Othone Imperatore certamè miturus, militibus suis spem victoriæ suadebat, hæc oratione; quæ refertur à Rigordo in historia de ejus gestis ad an. 1215 Rex autem antequam congregaretur, hæc brevi & humili oratione suos suos milites allocutus: in Deo tota spes & fiducia nostra est posita. Rex Otho, & exercitus sum à Papa excommunicati sunt, qui sunt inimici & destructores rerum S. Ecclesiæ & pecuniæ, quæ eis stipendia ministrantur, de lacrymis Pauperum, & de rapina Ecclesiarum Dei, & Clericorum acquisita est. Nos autem Christiani sumus, & communione & pace S. Ecclesiæ fruimur; & quamvis peccatores simus, tamen Ecclesiæ Dei consentimus, & Cleri pro posse nostro defendimus libertates. Unde presumere fiducialiter debemus de Dei misericordia, qui nobis licet peccatoribus dabit de suis, & de nostris hostibus triumphare. Divinum numen sibi maxime propitium expertus est, reportatâ gloriosissimâ victoriâ. Plura leguntur in historiis, & in orationibus à Clero Gallicano ad Reges habitis, ex quibus constat Deum iniustum bonorum suorum acceptationem, etiam facultatum, legitimè paratarum spoliatione ulcisci.

12. Quamobrem, ut ex Decreto Concilii Lateranensis suprâ citato colligitur, principiò causa consideranda est, ne si perperam capiantur Ecclesiæ bona, non tam adjutorium Regi, quam perniciēs conquiratur & deindè servandus est modus, id enim, quod ultrâ necessitatem exigitur, injustè usurpatur. Quæ ratio ubique, sed maxime tunc valet, cum non Ecclesiæ, aut Religionis, sed Regis aut Regni res agitur. Tunc imprimis ex filco depromenda sunt, quæ potest suppeditare. Quippè cum Fiscus, aut ut Galli vocant, Domanium idè Regibus reservatum sit, ut hinc fierent sumptus, quos aut justitiæ dispensatio, aut hostium propulsatio, aut alia negotia ad Populi quietem conducentia requirunt; tum, si publica deficient, recurrendum ad privata, & profana: Quoniam sicut ab initio debuit unusquisque pro sua facultate, Regni necessitate Principi conferre ea, quibus indigebat ad curandum bonum publicum; ita cum prima non sufficiunt, tenetur eadem ratione nova supraddere. Sed si ea sit hostium potentia, & Civium egestas, ut Rex impar sit præstandis sumptibus, nisi Ecclesia opem ferat; tum denique Ecclesiastica bona in subsidium vocabuntur.

13. Quocirca mirum videtur, cur Galli, qui suas libertates tunc maxime sibi adhibendas censuerunt, cum summus Pontifex, aut, ut ipsi dicunt, Curia Romana subsidium aliquod postulabat, quod gravius videretur, id duram servitutem reputantes, ut habetur hist. Univers. Paris. tom. 5. &c. Tamen Ecclesiæ Gallicanæ Libertatibus accenseant ius, quod Regi tribuunt, hujusmodi subsidia exigendi ab Ecclesiis sui Regni, dum iis opus habet. Sed magis adhuc mirum, quod summum Pontificem asserant nihil obtinere posse sine consensu, ac licentia Regis; Regi autem summi Pontificis consensum necessarium non esse? Puteanus cap. 22 & 29. Carol. Fevret. lib. 1. cap. 8. numer. 6. & 7. quasi minor adhibenda esset cautio, dum bona Deo consecrata in juvando Principe seculari expenduntur, quam dum à Christi Vicario in Ecclesiæ utilitatem sunt infumenda, aut in ea Rex plus haberet auctoritatis, quam Papa.

14. Non ea fuit olim, ut suprâ insinuavimus, Christianissimorum Principum, ac Cleri Gallicani sententia, quandoquidem

quidem summi Pontificis assensu confirmari optabant dona, quæ Regibus conferebantur, etiam in Ecclesiæ utilitatem convertenda. Exstant tum in medii temporis, tum in alterius sæculi Conciliorum Oecumenicorum actis concessionibus Decimarum ad præstandi belli Infidelibus inferendi sumptus, legi possunt acta Concilii generalis Lateranensis sub Innocentio III. Anno 1215. Concilii generalis Lugdunensis sub Innocentio IV. Anno 1245. Concilii generalis Viennensis Anno 1311. Vita Benedicti XII. Papæ. Concilium generale Lateranense sub Leone X. anno 1517. &c. Philippus IV. Romani Pontificis consensum tunc tantum sibi non expectandum volebat, cum eâ necessitate urgeretur, quæ Romam adeundi tempus non concederet.

15. Sed numquid sufficit Cleri Gallicani voluntas? Expedit certe tum Regis, tum Ecclesiasticorum virorum saluti, ut non sufficiat. Quam enim verendum est, ne plurimi eorum, qui Comitibus generalibus Cleri intersunt, aut metu, aut spe ducantur ad elargiendos Ecclesiasticos redditus, quorum ipsi minimam partem pendentes, maximam ex alienis bonis liberaliter profusis usuram se consecuturos confidunt. Quot enim sunt secundi ordinis Clerici, qui primum ambientes, eoque se non posse sine Principis favore ascendere intelligentes, ejus captandæ benevolentiae occasionem avidè arrepturi sunt? Quot ex utroque ordine, qui aut plura, aut pinguiora Beneficia exoptant? Quot deniq; qui Regi placendum, aut saltem non displicendum, etiam cum bonorum Ecclesiasticorum dispendio, arbitrantur, prætexentes temporarium jacturam Regiâ in spiritualibus protectione abundè compensandam? Cum igitur consensus hujusmodi debeat Regi esse suspectus, etiam à summo Pontifice confirmatus: quanto magis exclusâ illâ confirmatione. Præsertim cum Clerici Dispensatores sint, non Domini.

16. Adhuc majus imminet periculum Ecclesiastici ordinis Viris, (quorum esset ad sanctorum Antistitum exemplum Christianissimo Principi significare, quàm perniciosum sit, Christi patrimonium in usus non necessarios, & profanos convertere) si præposterâ in Regem liberalitate conscientiam ejus compescant: si propriis utilitatibus inhiantes, Beneficiorum, quorum sunt Procuratores substantiam prodigant: iisque facultatem adimant restaurandorum, ornandorumque Templorum, alendorum pauperum, aliorumque bonorum operum præstandorum.

17. Denique sicut, nisi iusta causa sublit, nec Regis, nec Clerici conscientia tuta est in imponendis subsidiiis : ita utrorumque salus periclitatur, nisi, cessante causâ, removeatur ab Ecclesia onus. Quid enim juvat præcessisse optimum bonorum Ecclesiasticorum usum, si pravus, aut inutilis succedat?

18. In his, quæ suggestimus, fideliter custodiendis vera consistit Ecclesiæ libertas, in illis contemnendis gravis est Sponsæ Christi servitus. Ejus quidem in præsentiarum dulcis apparet fructus, sed maximum est periculum, quod qui non metuunt, aut de bonorum Ecclesiasticorum conditione, aut de Divina justitia rectè non sentiunt.

19. Memillo se affici pluries testati sunt religiosi Principes, præsertim Carolus Magnus in pluribus Capitularibus; *Novimus*, inquit, Capitular. 8. Anno 803. relato in Capitularibus lib. 7. qui est 3. Benedicti Levitz cap. 132. *multa Regna & Reges eorum propterea cecidisse, quia Ecclesias expoliaverunt, resque earum vastaverunt, abstulerunt, alienaverunt, vel diripuerunt, Episcopisque & Sacerdotibus, atque, quod majus est, Ecclesiis eorum abstulerunt, & pugnantibus dederunt. Quapropter nec fortes in bello, nec in fide stabiles fuerunt, nec victores extiterunt; sed terga multis vulnerati, & plures interfecti venterunt, Regnaque & Regionem, & quod pejus est, Regna Cælestia perdiderunt, atque propriis hereditatibus caruerunt, & hactenus caret. Quæ omnia vivantes, nec talia facere, nec consentire, nec infantibus, aut successoribus nostris exemplum dare volumus.*

20. In eodem Capitulari 8. refertur petitio Populi ad prædictum Imperatorem, in qua declaratur, quâ intentione, & quâ formâ bona Ecclesiis offerentur. Est autem forma hujusmodi; *Offero Deo, atque dedico omnes res, quæ hac in chartula tenentur insertæ, pro remissione peccatorum meorum, ac Parentum, & filiorum (aut pro quocumque illas Deo deliberare voluerit) ad serviendum ex his Deo in sacrificiis, Missarumque solemnibus, orationibus, luminariis, pauperum ac Clericorum alimoniis, & ceteris Divinis cultibus, atque illius Ecclesiæ utilitatibus. Si quis autem eas inde, quod fieri nulloatenus credo, abstulerit, sub pœna sacrilegii ex hoc Domino Deo, cui eas offero atque dedico, districtilissimas reddat rationes. Huic formulæ subjunguntur ista verba; Pone etiam in ea alias conjurationes, quas enumerare longum est.*

LIBER

LIBER UNDECIMUS,

*In quo expenduntur aliorum Scriptorum
Gallicanorum Sententia de Libertatibus
Ecclesie Gallicane.*



Auci hodie scribunt in Gallia, qui occurrentē autoritatis sum. Pontif. constringendæ, Regiæ verò amplificandæ, occasione, idq; sæpenumero sub obtentu tuendarum suarum Libertatum, obviis ulnis non excipiant; ut ferè dixeris Galliam pœnitere, quod olim S. Sedem tantâ reverentiâ prosecuta fuerit, tantâ humilitate audierit, tanto zelo defenderit. Singulorum dicta persequi, neque est necessarium, & nimii, diuturniorisque laboris opus est. Quamobrem præcipua tantum Capita feligemus, ex quorum scilicet examine, de cæteris facile feretur iudicium; præsertim cùm etiã quæ hætenus dicta sunt, vel sola sufficere videntur.

CAPUT PRIMUM.

*De Libris Illustrissimi Petri de Marca de Concordia
Sacerdotii & Imperii, seu de Libertatibus
Ecclesiæ Gallicanæ.*

1. **C**ommota fuerat, non solum Roma, sed etiam Gallia editis à Petro Puteano voluminibus, de quibus in superiori libro disputatum est. Quocirca iussus est Illustrissimus Petrus de Marca doctrinam illic contentam ita temperare, ut schismatis quidem, cujus prænuntiæ videbantur illa volumina, suspensionem amoveret; Libertates tamen Ecclesiæ Gallicanæ illæsas, integrasque servaret. Munere sibi demandato ad Regionum Ministrorum voluntatem appositæ, sed non sine præjudicio Ecclesiæ, functus est. Cum enim Aulæ industriâ esset instructus, ita res componere conatus est, ut cuique parti satisfecisse videretur, licet revera unius tantum causam egisset.

2. In quatuor libros opus suum distinxit; plures tamen pollicitus, fortè cum animo standi promissis; fortè ut Ecclesiæ, si quatuor primis se læsam doleret, speraret posterioribus hanc sibi refarciendam injuriam, quod aliquoties insinuat, & in libris ipsis, & in Apologiis suis. Quatuor illis, quatuor alios addidit Stephanus Baluzius post mortem Autoris, ab eo tamen, ut asserit, compositos, in quibus ita non refarcitur, ut etiam augeatur damnum ab aliis illatum. Et quantum ex postremis Marcæ operibus, sive manuscriptis, sive etiam typis excusis conicere licet, doctrinam in illis contentam, antequam publici juris fierent, in aliquibus saltem Capitibus immutaturus erat. Nec enim illi ipsi sunt, quos promiserat; vel saltem non omnia continent, de quibus se acturum sponderat.

3. In libro primo summi Pontificis Dignitatem, & auctoritatem plurimum commendat, & confirmat ut statim Lector arbitretur, eum non minus pro tuendis Sanctæ Sedis juribus, quam pro vindicandis Libertatibus Gallicanis certare. Sed lectis libris

bris sequentibus oritur suspicio, in primo ipsum benevolentiam captare voluisse, ut in aliis lædens minùs offenderet; nam in eo etiam verba quædam Ecclesiæ minùs æqua ab Autore de industria videntur interjecta, ut iis se tueri posset, si quando sibi posteriora prioribus contradicere objiceretur. In secundo libro Regiam Majestatem, & jurisdictionem, quantum Pontificiam in primo, & ampliùs extollit. Potest certè utraque potestas seorsum, cum utraque suprema sit, altera in spiritualibus, in temporalibus altera, usque ad Cælum evehi. Sed cum inter se comparantur, si aliò, quàm ad veritatem, & justitiam respiciatur, difficillimum, imò impossibile est, quæcumque ars adhibeatur, injustitiæ notam, & alterutrius potestatis, ac forsàn utriusque querelas effugere.

4. Quid enim, ut hæc tantùm exempla proponamus, juvat autoritatem Romani Pontificis in condendis Legibus Ecclesiasticis, aut proferendis judiciis capite 8. 9. & 10 lib. 1. tam solidis argumentis constituisse, quandoquidem capp. 15. 16. & 17. lib. 2. Autor probare contendit, leges illas non obligare in Gallia, nisi acceptentur; & expressè affirmat dicto cap. 16. num. 6. *Nil obtrudendum esse fidelibus, quod eos offendere aliquo pacto possit; atque ad id legem Ecclesiasticam minùs commodam pro non scriptâ esse habendam;* In quo versabitur eximia illa summi Pontificis autoritas, si nullam habeant vim leges ejus, nisi acceptæ fuerint, & si quæcumque minùs commodæ sint, pro non scriptis habeantur? Certè quæ commodæ sunt, sine Papæ mandato, imò sepè contra ipsius mandatum, aut prohibitionem usurpantur.

5. Caput 10. & 11. ejusdem libri 2. Ecclesiæ suam jurisdictionem asserere videtur, licet revera Regiam ultra debitos terminos proferat. Nam cap. 10. num. 8. insinuat confirmationem Principum vim obligandi Canonibus circa disciplinam editis conferre, licet num. 13. laudato Facundi Hermianensis loco, ubi de Marciano Imperatore dicitur; *Ob hoc itaque vir temperans, & suo contentus officio, Ecclesiasticorum Canonum executor esse voluit, non conditor, non exactor:* addat Marca: *Hic est certus limes, quem Regia auctoritati in his negotiis præfigere oportet, ne inconsulto irabamur ad eam adulationem, qua Principibus suis totius disciplina Ecclesiastica summam Græci deferrebant.* Verùmta-

men quod generatim Ecclesiæ concessisse videbatur, retractat cap. II. numero 4. autoritate Joannis Scholastici Patriarchæ Constantinopolitani. Etejusdem cap. II. num. 3. Constitutiones omnes Justiniani circa res Ecclesiasticas defendit; quarum tamen multæ jurisdictionem Ecclesiasticam imminuunt, & unam, scilicet *de procreatione verborum Consecrationis*, ipsemet Marca damnare coactus fuerat cap. 6. num. 6.

6. Ceterum in prædicto cap. II. num. 3. Bellarmini, quem citat, circa impedimenta Matrimonii totam mentem non exprimit. Silet enim Illustrissimum illum Cardinalem docuisse, ut impedimenta à Constitutionibus Imperialibus inducta Matrimonium dirimerent, necessarium fuisse Ecclesiæ assensum, ab eo tempore, quo contractus ad Sacramenti dignitatem evectus est.

7. Ibidem n. 6. cum dixisset, *Principum eam fuisse mentem, ut nihil sibi licere putarent in eos Canones, qui editi fuissent à Conciliis Oecumenicis*; quia Oecumenicorum Conciliorum Canonibus nimiam tribuisse sibi videbatur, conditionem statim adjecit, nempe si Canones fuissent *Edicto publicè recepti*. Sed quid si Edictum receptionis Edicto contrario revocetur. An Canones Edicto recepti, an Edictum receptionem revocans, prævalebit?

8. Tertius Marcæ liber ad Libertates Ecclesiæ Gallicanæ descendit, in quo, sicut & in secundo, licet modò in unam, modò in alteram partem declinet, ut neutram offendere videatur; eò tamen tanquam ad ultimum scopum pervenit, ut persuadere conetur ferè nullam esse summi Pontificis autoritatem in Ecclesiam Gallicanam, nisi Gallia, & præcipuè Rex consentiat. Nam postquam in tribus ultimis capitibus libri 2. acceptionem omninò necessariam esse, ut lex obliget, probare enixus est in 3. libro c. 15. num. 4. acceptionem illam docet etiam esse necessariam, ut à Canonibus recedatur, & summi Pontif. dispensationes valeant. At verò, inquit, *si status publicus, aut recepta in Regno jura ledantur, amplectenda est sententia eorum, qui in unum versum dispensationes sine justa causa induleat, invalidas esse censet. Quod verum esse in speciem, quam tracto hac collectione demonstratur. Vel dispensationes illæ sine legitima, & justa causa conceduntur, & hoc casu nulla dicenda sunt, propter ea, quæ superius allata sunt argumenta.* Sed quid si dispensatio in se justa sit, Ecclesiæ tamen Gallicanæ usui non con-

veniat

veniat? Tunc non solum injusta, sed & invalida erit, eâ ipsâ ratione ex ejus Antoris mente. Prosequitur enim, *Vel probabili quadam ratione nescuntur, respectu ejus habito, cui conceduntur; sed usui recepto in Ecclesia Gallicana repugnant, quo certa quadam regula & Canonibus & Decretis Pontificum peccata, sicut firmata sunt, ut juxta legum illarum naturalem conditionem perpetua apud nos esse debeant: hoc casu dispensatio carebit iusta causâ, quod attinet ad statum publicum Ecclesia Gallicana, atque ideo nulla erit.* Ne quis autem arbitretur, hoc provenire ex sola rerum utilitate, non autem ex voluntate pendere, adjungit; *Præcipue cum dispensandi ratio in his negotiorum articulis, recepta non fuerit consuetudine aliqua. Vt enim lex Ecclesiastica debet usu recipi; ita & dispensatio illius legis debet usu probari.* At, inquires, ratio & justitia regula erunt ejus, vel legum, vel dispensationum acceptationis. Commoditate metiendam esse pluribus in locis tradit in hoc libro tertio. Nam capite 6. num. 5. Enim verò, inquit, in Gallia quoad disciplinam attinet, *Decretalium Constitutis locum damus, cum bonâ Romanorum Pontificum veniâ, quæ nostris rebus, & utilitati publicæ accommodata sunt. Quatenus Ecclesia Gallicana commodis expedit.* Et lib. 4. capite 1. numero 1, quatenus Ecclesiæ Gallicanæ commodis expedit ut *pro rerum ac temporum conditionibus, summi Pontificis Rescriptis juris rigor aliquando temperetur.* Et lib. 2. cap. 16. num. 6. jam relato; *Legem Ecclesiasticam minus commodam pro non scripta esse habendam.*

9. Nec in hoc dissimilis est apud Gallos Conciliorum Oecumenicorum, ac summorum Pontificum conditio, ut testatur Autor lib. 3. capite 7. num. 1. his verbis; *Libertates perinde tuemur, sicut Concilii generalis novis Decretis, ac si de Romani Pontificis constitutionibus agatur.* Nec ad firmitatem illarum libertatum requiritur (si Marce credimus) ut Concilii generalis Decreto nitantur. Quin etiam subjungit; *Receptos mores & consuetudines Ecclesia Gallicana nostro usui commodas adeo retinemus, ut etsi Canone Concilii generalis destituamur, quo illa firmata sint, tamen ab iis nobis discedendum esse non censeamus.* Omira firmitas! quæ, licet Canone Concilii generalis destituta, à nullo potest Concilio Oecumenico, à nullo Pontifice concuti!

10. In quarto libro agit de legum executione, quæ hodie
per

per appellationes ab abusu procurari dicitur ex parte Principum, sed de his appellationibus dicemus libro sequenti. Porro Marca in hoc libro, sicut in aliis, quamvis exempla usurpatæ jurisdictionis Ecclesiasticæ nonnihil temperare videatur, eò tamen semper redit, ut de consensu Principum omnia geri velit, ipsosque ita Canonum custodes constituat, ut ferè Dominos esse insinuet.

II. Capite primo numero primo monet, quæcumque apud veteres Principes in causis olim viguerunt, locum apud Gallos habere non posse, hinc tamen usum fori hodiernum confirmat; ut scilicet tñtent immota, quæ in usu sunt in Gallia, satisque sit, si in cæteris rebus, utpotè iniquioribus, antiquos non imitetur. Antiqui enim, verb. grat Imperatores, ut refert ibidem numero 6. *Deturbationem, qua vacantem Ecclesiam redderet, sui arbitrii esse putabant. At vero, ubi subiungit penam illam expulsionis, cum vacatione Episcopatus h die irrogare non possunt Principes. Quidni etiã hodie, si olim? Citiùs enim provideretur à Rege Christianissimo Ecclesiis vacantibus, nec tam diu Archiepiscopo caruisset Parisiensis, si expectandus non fuisset consensus Eminentissimi Cardinalis Retzii, ut illi praeficeretur Illustrissimus Petrus de Marca. Nonnè vox illa, hodie, potestatem illam olim penes Principes fuisse indicat? si ad jus Regium pertinebat, desuetudine sopiri, sed non extinguì potuit. Vide quàm faciliè subverti possint, quæ Marca Ecclesiæ reservat, si tñtent aliz illius sententiæ.*

12. Prætermitto quamplurima, quæ in iisdem libris confutatione, vel saltem examine indigerent, quia licet ad argumentum nostrum pertinere videantur, minùs tamen afferunt detrimenti; Exempl. grat. 3. capp. 10. 11. & 12. immensa ferè beneficia Ecclesiæ Romanæ à Regibus Francorum collata fuisse contendit Marca, quorum tamen pars magna multis dubia est, ab aliis falsa omninò judicatur, licet Reges Christianissimos olim de Ecclesia Romana, & de summis Pontificibus optimè meritos fuisse nemo possit negare. Verùm quoniam eò tendit hęc beneficiorum commemoratio, ut quæ in Gallia contrà jus commune aguntur, privilegio Ecclesiastico fulciantur: ego Ecclesiæ Gallicanæ nec debet gloriæ, nec veris privilegiis invideo, dummodò, quod unum mihi cordi est, prætextu liberalitatis, aut libertatis debita summo Pontifici obedientia

non

non negetur, miserrima servitus non inducatur, neque potestas Ecclesiastica opprimatur à sæculari.

13. Dum placet Ecclesiæ suos Benefactores aliquo privilegio insignire, id ego servitutem, aut potestatis sæcularis abusum non auctim appellare, præsertim cum hinc alii ad similia erga Christi sponsam officia incitentur. *Non est*, inquit Marca lib 3 c. 10. n. 8. jam supra relato, *cur cæteri Principes nobis invideant, benigniorem erga Reges nostros Romana Sedis remissionem. Certent nobiscum liberalitate, tunc integrum illis erit de privilegiis quoque nobiscum certare.* Sed viderint Galli ne gloriam à Majoribus ad se propagatam denignent, si quæ illi generosè, ac sine ulla spe retributionis ab hominibus consequenda, præstiterunt, ipsi hodie sibi persolvi velint; ne pro beneficiis temporalibus collatis, jura spiritualia longe pretiosiora postulent, aut per vim usurpent; neve privilegiis setueantur, quæ nunquam extiterint. Sanè ex utriusque juris dispositione frustrà allegantur, quæ non exhibentur.

14. Circa secundum totum non immoror: tum quia ex iis, quæ continet, plurima jam aliâ occasione discussa sunt; tum quia, ut suprà insinavi, non dubito, quin si Autor diutiùs vixisset, multa fuisset immutaturus; tum denique quia summa quatuor illorum librorum argumenta egregiè sunt ab aliis v. g. Joanne David, Christiano Lupo, Emanuele Schelstrate tractata. Quæ in 5. de Legatis continentur, eò præsertim spectant, ut sine consensu Regio nihil in Gallia moliantur, de quo in capitibus tibus præcedentibus dictum est occasione Petri Pateani. Circalibrum 6. qui est de Conciliis pauca dicemus capite sequenti: nam pleraque ad praxim modernam non attinent. Quæ in 7. & etiam initio 4. de judiciis Ecclesiasticis, præcipuè de Episcoporum depositionibus perperam ab Autore scripta sunt, validè impugnavit prædictus Joannes David Doctor Parisiensis in:egro volumine. Quæ autem in 8. de Regalia disputata sunt, abundè illustrata fuerunt, editis tum Latinè, tum Italicè, tum Gallicè scriptis. Plura continet liber 4. Ecclesiasticæ jurisdictioni ac veræ illius libertati infesta, quæ nos aliquantò diutiùs distinebunt.

C A P U T II.

De auctoritate Principum circa Concilia, in particulari circa con-vocationem illorum, ac praesentiam, & praesidentiam in illis.

1. **M**ulta intercedunt discrimina, inter Synagogam & Ecclesiam : sed illud imprimis quod magis spiritualia sint hujus bona, magis spiritualis ejus jurisdictio, spiritualibus armis sese tueatur. *Non secundum carnem militamus*, inquit S. Paulus 2. Corinth. 10. *nam arma militia nostrae non carnalia sunt.* Porro arma illa cum saepe parum à malis Christianis reformidentur, ab Infidelibus contemnantur, solâ interdum patientiâ opus est. *Ecce*, inquit Christus ad Apostolos, *Ego mitto vos, sicut agnos inter lupos.* Lucæ 10. 3.

2. Sed licet Ecclesiam suam Christus ad patiendum, quàm ad resistendum persecutionibus, & ad injurias perferendas, quàm ad ulciscendas paratior vellet; tamen præter curam, quam ipsemet de illa gerit juxta promissionem suam; *Ecce ego vobiscum sum omnibus diebus usque ad consummationem saeculi.* Matth. ult. Principes ideo ad fidem vocavit, aut fideles ad Principatum evexit, ut auctoritate suâ malos comprimerent, & Matrem suam ab hostibus, aut inobedientium filiorum infestationibus liberarent. *Intra Ecclesiam potestates necessaria non essent*, inquit Sanctus Isidorus Hispalensis de summo bono lib. tertio capite 53. *nisi, ut quod non praevalet Sacerdos efficere per doctrinam sermonem, potestas hoc imperet per disciplinae terrorem.*

3. Verum quod Christus tanquam officium, & debitum Principibus erga Ecclesiam imposuit, hoc politici tanquam jus, & auctoritatem in ipsam interpretantur, & quos ille sponsæ suæ constituit custodes, protectores, & defensores, ipsi arbitros, duces, ac Dominos efficiunt: quam ut matrem colere, audire, ac sequi Christiani omnes tenentur, ei ut ancillæ præcipere, ac leges ponere suadent. Quid enim aliud est, Principibus tribue-

re facultatem non solum Ecclesiam ad Concilia convocandi, sed etiam Conciliis tractanda proponendi, ita ut de aliis deliberare non liceat: Ordinem ac modum praescribendi, à quo si recedatur, inane sit quidquid fiat: Decreta Conciliorum confirmandi, sine qua confirmatione robore careant: Judicata suspendendi, donec novo iudicio, aut novo examine probata fuerint: Concilia, ex quibus libuerit Episcopis constandi: Jurisdictionem aliunde non habentibus conferendi: Causam unius Provinciae, alterius Provinciae, Episcopis definiendam committendi: aliaque similia praestandi. Hæc sunt ex Petro de Marca Imperatorum Romanorum in Ecclesia jura. Præsenferat illa omnia, si crudè dicerentur, horrorem Christianis animis incassura. Quamobrem capite primo in finem. 1. ei commotioni occurrere festinat his verbis, jam supra indicatis; *Quaecumque apud veteres Principes in causis olim viguerunt, locum apud nos habere non possunt. Quid ni etiam apud vos? An quia hæc olim à Principibus usurpata sunt, contra Ecclesiae libertatem, & jura, per vim, ac sine legitima facultate? Nequaquam. Sed quia, inquit, immutata aliquantisper disciplina antiquum illum ordinem nullo pacto admittere potest. Itaque si rursus immutetur aliquantisper disciplina, quæcumque apud veteres Principes olim viguerunt, locum apud Gallos habere poterunt; quoniam, ut ait Marca cap. 5. initio; quemadmodum Imperii Romani mole in varias partes dissecta Galliaram Provincia in victoria præmium Francorum Regibus, Divini numinis auspiciis, cesserunt, ita etiam Imperii jura plenè, & integrè cum illis communicata sunt.*

4. Ex iis pleraque adeò manifestè cum rationis, ac fidei regulis pugnant, ut proposuisse, confutasse sit. Et sanè ipsum etiam Autorem illorum puduisset, nisi pro suo more interjectis aliquibus verbis emollisset. Ne quis autem arbitretur ea in usum evocari posse, expendenda sunt exempla, quæ profert; raro enim aliud genus probationum adducit, aut adducere potest; pro causis tam malis militare nequeunt rationes, quarum falsitatem, aut debilitatem detegere in promptu non sit; sed priùs quæ alibi de Conciliis diximus, pauca quædam adjiciemus. Nec enim necesse est quæcumque de illis scripsit Dom. de Marca minurim expendere.

5. Licet consensus Principum ad congreganda Concilia de facto necessarius sit, ac possint ipsi etiam de jure illorum congregationem impedire, cum iustis de causis metuunt aliquid contra sua, vel Regni jura moliendum; ut tempore Ludovici Pii, & aliis, quamvis rarissime contigit: tamen convocandi Concilii jus omne penes Principes reponere, injustum, & Ecclesie perniciosissimum est. Hinc enim Principes colligerent, licere sibi pro libitu ea vel permittere, vel vetare, ex quo maxima damna pateretur Ecclesia, quippe quorum remedia vix nisi à Conciliis sperari possint. Hoc demonstrat ipsiusmet Gallie exemplum, in qua jam dudum nulla habita sunt Concilia Ecclesiastica, etiamsi desierint causæ suspensionum, quæ Reges à permittenda Synodorum congregatione deterrebant: unde fit, ut quæ in Conciliis Provincialibus determinari solebant, ad Tribunalia secularia perferantur, in detrimentum jurisdictionis, & libertatis Ecclesie.

6. Habita sunt in Imperatorum, & Regum Palatiis nonnulla Concilia, ut Nicænum primum in aula Palatii Constantini, quemadmodum tradit Eusebius lib. 3. vitæ Constantini cap. 11. Sextum pariter sub Constantini Pogonati Imperio in ea Regie parte, quæ Trullus dicebatur. In Gallia non solum Reges voluerunt; sed & Præsules aliquando postularunt congregari in Palatio Concilia; ad id certierant integram sibi, plenamque fore suffragiorum libertatem. Sed absurdum esset inde concludere omnia in Palatiis congreganda esse, quasi aptior esset tractandis rebus Divinis locus Principis, quam ipsius Dei Basilica Concilium Constantinopolitanum primum celebratum est in sacra Æde Sanctorum Martyrum Pantaleonis & Marini, Ephesinum in Æde B. Mariæ, Chalcedonense in templo S. Euphemie, Nicænum secundum in Basilica Metropolitana illius urbis, Constantinopolitanum quartum in Ecclesia S. Sophiæ, & alia fere omnia, præsertim generalia, in aliis Ecclesiis. Certè quæ ratio Aulicis hominibus suasit penes Principem esse, si libuerit, locum Conciliis assignare Palatium (puta ut Principes commodius interessent, ac suâ præsentia Episcopos continerent, moverent, & insectorerent) eadem suadet non esse jus illud tribuendum Regibus. Nihil enim est tam necessarium cuilibet Congregationi, maxime verò Ecclesiasticæ, quam libertas, quæ plurimum auctoritate seculari debilitatur; imò etiam

iam Aulicorum propriis cupiditatibus impulsorum, artibus, ac potentia sæpè omnino tollitur.

7. Prodest quidem præsentia Principis optimè rerum Ecclesiasticarum notitiâ instructi, & erga Religionem affecti. Verùm cum experientia docuerit, optimorum etiam Principum Religionem à Ministris, vel etiam à perversis Episcopis seduci non raro posse, præstat integram hujusmodi cœtibus libertatem relinquere, ac Ecclesiasticis viris Divina & Ecclesiastica negotia tractanda dimittere; expeditque, ut Principes Conciliis Provincialibus, & Nationalibus, in quibus maxime reformidaretur illorum potentia, non intersint. Factum id quidem aliquoties, ut diximus, præsertim sub secundæ Dynastiæ Regibus, quorum erat autoritas necessaria ob collapsam & ferè extinctam in Gallia disciplinam Ecclesiasticam, ac innumeras pene difficultates, quas vix superasset Ordo Ecclesiasticus sine auxilio Principum, qui se ad id præstandum promptos, ac devotissimos exhibeant. At verò cum hodie Regii Officiales in id conspirasse videantur, ut Ecclesiasticam auctoritatem deprimant, vel potius in Regem, ac in se transferant, verendum esset, ne Rex Christianissimus illorum, qui, dum proprii utilitatibus laborant, jura Regia videntur curare, consiliis inductus, etiam præter suam intentionem Ecclesiastica jura læderet, Episcopis plerisque dissentire non audentibus. Justum esse hunc timorem multorum Episcoporum Aulicis artibus injustè ac per vim depositorum exempla, quæ alibi recensuimus, fidem faciunt. Quamobrem octava Synodus Occumenica Principum in Conciliis præsentiam necessariam non esse declaravit, imò & absentiam optavit, à Conciliis præsertim non Occumenicis.

8. Ea est hodie Principum sæcularium potentia, ut metuendum eis omnino non sit, ne quid in hujusmodi cœtibus adversus eorum jura statuat; ac, si quid fortè incautè decretum fuerit, quod displiceat, faciliè illius executionem impedian. Itaque minime dubium est, quin illorum præsentia minus sit ad Regias rationes tuendas necessaria, quam suffragiorum libertati contraria.

9. Certè si Conciliis Principes adesse non debent, multò minus præesse, si præsidentia auctoritatem significet. Hæc enim ad Ecclesiam pertinet, id est ad eum Episcopum, qui cæ-

teris, vel jure suo, vel ex delegatione superior sit. Ejus est primum locum occupare, determinanda proponere, suffragia rogare, ac juxta illorum pluralitatem concludere. Olim quidem aliquando Principibus in Gallia, dum conventibus intererant, primus locus concedebatur; ipsi sententiam Episcoporum postulabant, aliquando etiam proprio nomine Decreta edebant. At illa propriè Concilia Ecclesiastica non erant, sed Regni Comitata, in quibus secularia etiam tractabantur negotia, & Laici jus habebant suffragii. Nam causæ spirituales ab Episcopis seorsim definiebantur; dum autem aliæ causæ Ecclesiasticæ discutiebantur, Principes quasi Ecclesiasticæ disciplinæ promotores à Summo Pontif. rogati, & ab Episcopis acceptati, non autem quasi Judices, multò minùs tanquam Præsides Ecclesiastici, aderant, nec suo nomine Canones quasi conditores, sed quasi Protectores promulgabant.

10. Antiquum Comitiorum Gallicanorum ordinem describit Hincmarus in Epistola ad Episcopos quosdam Galliarum Adelardo; *Quæ utraque tamen, inquit cap. 35. seniorum suscepacula sic in duobus divisa erant, ut primò omnes Episcopi, Abbates, vel hujusmodi honorificentiores Clerici absque ulla Laicorum commixtione congregarentur. Similiter Comites, vel hujusmodi Principes sibi imò honorificabiliter à cetera multitudine primo mane segregarentur, quousque tempus sive prasente sive absente Rege occurrerent: & tunc prædicti seniores more solito; Clerici ad suam, Laici verò ad suam constitutam Curiam, subsellii similiter honorificabiliter preparatis, convocarentur. Qui cum separati à ceteris essent, in eorum manebant potestate, quando simul separati residerent, prout eos tractanda causæ qualitas docebat, sive de spiritualibus, sive de secularibus, sem etiam commixtis. Similiter si propter quamlibet discendi, vel investigandi causam quemlibet convocare voluissent & recepta discere, in eorum voluntate manebat.*

11. Quamquam, ut verum fatear, tantus erat olim Principum cum Ecclesia consensus, ut mutuis potiùs officiis inter se decerarent, quàm potestatis limites scrupulosè observarent. Diuimodò libera essent Episcoporum suffragia, cætera olim non tanti esse momenti judicabantur, ut concordie ac commodis, quæ ex concordia inter utràmque potestatem ad
bo-

bonorum commune unanimiter tendentem consequuntur, anteponebunda viderentur. Quamobrem ea exempla, in quibus Principes, quæ ad Prælatos Ecclesiasticos pertinent, exercere videbantur, in legem vertenda non sunt, cum dispar sit rerum status, ac diversæ circumstantiæ. Sed de his satis. Parum enim hodie Principes de præsentia illa in Conciliis solliciti sunt, quippe qui vel absentes id quod optant, nullo negotio consequantur.

CAPUT III.

De materia in Conciliis tractanda; de jure suffragii, ac de confirmatione, & executione Canonum.

1. **Q**uemadmodum Episcoporum cura ad cuncta se extendit, quæ ad animarum suæ Diocesis salutem pertinent, scilicet fidem, mores, ac disciplinam; ita Episcoporum in Concilio Provinciali Congregatorum cæteris omnibus providet pro tota Provincia, & insuper causas ipsorummet singularem Episcoporum definit: quibus cum in propriis Diocesiubus nullus sit superior, æquum est, ut præmineat Concilium Provinciale, reservatis tamen summo Pontifici causis majoribus, ac semper exceptâ ejus, & Concilii Oecumenici autoritate, quæ sine dubio Provincialis Concilii potestate major, ac superior est.

2. Equidem si res ipsa sine circumstantiis spectetur, is quasi naturalis ordo est, ut Episcopus primum suæ Diocesi prospiciat. Si quæ gravis difficultas occurrat, ad Metropolitanum & Concilium Provinciale illam proferat. Si nec illic definiri queat, ad summum Pontificem recurratur. At verò incidunt aliquando tempora, cum prætermisso illo ordine necesse statim sit ad supremum tribunal accedere: ac tunc iniquum esset, ut cum evidenti justitiæ detrimento, obirentur omnes illi gradus, qui, ne justitia

violaretur, instituti, ac distincti sunt. Imò tam frequens posset esse vel fidei, vel morum, vel disciplinæ, vel justitiæ periculum, ut univèrsam certi cujusdam causarum gravissimarum generis cognitionem trahere ad se, ac Episcopis interdicere, summus Pontifex deberet.

3. Miror qui potuerit ea cogitatio in mentem venire Domino Petro de Marca, ut scriberet pluribus in locis non licere Conciliis alia tractare, quàm quæ à Principe proposita fuissent. *Inter jura Regia*, inquit lib. 6. cap. 22. num. 3. *& hoc etiam eximium est, ut Conciliorum cognitionem Principes inter certos limites coerceant, servato quoque ordine præscripto.* Nunquamne igitur Ecclesiæ licebit disciplinam collabentem firmare; collapsam restituere; abusus corrigere; crimina plectere, nisi id à Rege præscriptum sit? Quid si (quod avertat Deus) Rex hæreticus, aut etiam Ecclesiæ hostis evaderet? Quæcumque statuerent Episcopi, si fortè coire possent, nullius roboris forent, defectu propositionis Regiæ?

4. Certè in iis, quæ ad fidem, & bonos mores, ad quæ omnis refertur Ecclesiastica disciplina, spectant, soli Episcopi Judices à Christo constituti sunt. Principi quidem justa præcipienti parendum est; justum autem est ejus præceptum, cùm Ecclesiæ Decretum custodiri jubet; justitia tamen illa Decretorum, atque adeò robur ad obligandum coram Deo Canonibus inest, antequam Principis autoritate confirmetur.

5. Superest unicuique dubium, sed maximi momenti, utrum scilicet Principes sint Ecclesiæ Decretorum meri executores, an cum cognitione causæ, ita ut, si quid obscuritatis, aut difficultatis emergat, possint Canones interpretari. Id quidem juris videntur velle sibi vindicare Reges Christianissimi, eorumque Senatus, cùm de causis Ecclesiasticis per appellationem ab abusu ad se delatis, eo scilicet ordine, iisdemque formulis judicant, quibus utuntur in judiciis secularibus, in quibus ex legibus civilibus jus dicendum est. Verùm licet possint potestates sæculares executionem Canonum non urgere, dum in particularibus casibus dubitant, an locum habere debeant hujusmodi Canones, propter circumstantias, quæ repugnare videntur; tamen si ex verbis ipsis Canonis oriatur difficultas, quo sc. in sensu accipienda sint, quæ-

ve fuerit conditorum mens, standum est trito illi Juris utriusque axiomati; *Unde jam prodiit, interpretatio quoque procedat.* Cap. *Inter alia* de sent. excom. cum suis concord. & ll. 9. 10. 11. Cod. de legibus.

6 Sanè cum interpretatio illa, de qua loquimur, vim quodammodò legis obtineat, siliceret Principibus Canones interpretari, penes illos esset omnis legum Ecclesiasticarum potestas, ipsique, non Episcopi, quos ad hoc Spiritus Sanctus posuit, regerent Ecclesiam Dei. Non solum enim executio, sed & judicium in illorum esset potestate. Alia fuit Ecclesiæ, sed & Principum ipsorum mens, quorum exempla variis in locis, prout sese obtulit occasio, adduximus.

7 Aded lucent Ecclesiastici juris regulæ, ut eorum etiam visum feriant, qui oculos claudere videntur, ne videant, quæ sibi non arident. Quis non laudet æquitatem Petri de Marca, & eum, ad defigendos Ecclesiasticæ ac sæcularis jurisdictionis terminos, arbitrium lubens non constituat, audiens quomodò circa Canonum executionem suas Ecclesiæ partes, Principibus suas, seruet lib. 4. cap. 1. numer. 2. *Si propriè loqui velimus*, inquit, *executio Canonum jurisdictionem Ecclesiasticam respicit: cui partes sunt, ut judicia Canonica reddat, pœnis canonicis, id est excommunicatione, degradatione, & suspensione, & cæteris ejusmodi reos plectat, & ut omnia uno verbo complectar, ligandi & solvendi Pontificium exerceat. Tutio verò Canonum à Principibus pendet, quæ Canonum custodia prospicit, & nullitatem rerum adversus Canones gestarum aliquando declarat, atque omnia in integrum restituit, sed ultra non progreditur, scilicet ad executionem Canonum, quam ab Episcopis implendam indicit. Non ergo eadem autoritate in rebus Ecclesiasticis, ac in rebus sæcularibus Principes utuntur. Æqua videtur sententia; si quis tamen verba attentè consideret, in eis Autoris ingenium deprehendet. Nam Principibus executionem Canonum, quæ sine causæ cognitione fieri posset, negat, declarationem nullitatis gestorum adversus Canones concedit: quo prætextu negotiorum omnium judicium ad se trahere poterunt. Ecclesiæ est illam nullitatem declarare, Principum autem, post hujusmodi declarationem, Ecclesiam juvare ad omnia in integrum restituenda. Sed quid largitur Ecclesiæ Marca? Non vult ut Princeps Canones exequatur, sed ei tribuit, ut eorum executionem*

Patriarchis & cæteris Episcopis præcipiat, & malè gesta corrigat. Non enim vult observari gradus ad custodiam Canonum, quam Principibus tribuit. *Lex decernitur à principe post constitutos Canones, quæ eorum executionem Patriarchis & cæteris Episcopis præcipit. Eadem lex in acta Præfectorum Prætorio refertur; qui una cum Præsulibus Provinciæ violari Canones prohibent. Et, si infracti fuerint, eâ de re ad Principem referant, qui malè gesta corriget.* Præposterus est ordo, nisi in executione, sicut in conditione Canonum, Ecclesia præcedat. Non enim debent Principes illorum executionem pœnis à se constitutis urgere, quamdiu pœnis spiritualibus Ecclesia illam executionem obtinet: ut quod non prævalet Sacerdos efficere per doctrinam sermonem, potestas hoc imperet per disciplinam errorem, quemadmodum loquitur S. Isidorus Hispalensis de summo bono lib. 3 cap. 53.

8. Sed quod addit ibidem prædictus Marca, Ecclesiasticam jurisdictionem manifestè lædit; *Inter cæteras autem pœnas, quas in Episcopos, & Clericos eâ lege constituit (Justinianus scilicet Novell. Const. 123. Frequens est expulsio à Sacerdotio; quam vi constitutionis suæ fieri diserte præcipit, aliosque in depulsum locum subrogari.* Depositionem Episcoporum, & aliorum institutionem vi Canonis, aut sententiæ Ecclesiasticæ, non autem constitutionis Principis fieri debere indubitatissimum est. Nec juvat, quod affert Marca numero sequenti, Justinianum in Musæo suo cum peritioribus Episcopis de rebus Ecclesiasticis tractare solitum. Quis enim nesciat nullo unquam tempore defuisse Præsules, etiam doctrinâ conspicuos, qui Principibus Ecclesiæ jurisdictionem ufupantibus abblandirentur.

9. Nisi Author desiderio protendendæ Principum jurisdictionis exccæcatus fuisset, quomodo potuisset non advertere primum exemplum; scilicet Anthimi à Sede Constantinopolitana remoti, id, quod probare intendit, validissimè confutare. Etenim quamvis Anthimus ab Ecclesia Trapezuntina in Diœcesi Ponticâ, ad Sedem Constantinopolitanam sola Theodoræ Augustæ autoritate, absque Synodi judicio translatus fuisset, atque adeo Canones apertè violasset, nec ulla videretur requiri causæ cognitio; tamen Justinianus S. Agaperi Romani Pontificis sententiam expectavit, eamque deinde executus est, Invalorem illum expellens. Hoc nihilominus exemplo utendum

libi

sibi putavit Marcā (ita scilicet efficacia sunt ejus argumenta) quia Marianus libellum in actis Synodi Constantinopolitanæ sub Menna actione prima insertum, & ab omnibus Provinciæ Hierosolymitanæ & secundæ Syriæ Abbatibus subscriptum, Justiniano adversus Anthimum obtulit, in quo leguntur hæc verba; *Vos piissimi, valentes ipsos extraponere, tamen Canonicum judicium à Romano Pontifice in ipsum Anthimum, & in prædictos Hæreticos benefaciendo audire voluistis*, & cætera, quæ Marca non est ausus referre, quia manifestè contraria sunt ei, quod hinc concludit; liberum scilicet fuisse Justiniano Anthimum remove, quamvis id à Pontifice Romano fieri maluerit. Vox illa, *valentes* potentiam Imperatoris innuit, non autem jus, ut manifestè patet ex sequentibus, quæ apertissimè declarant, necessarium omninò fuisse Romani Pontificis judicium, ut res legitimè gererentur, & ejus executores tantum fuisse Justinianum. Eam habent sententiam illa verba; *Canonicum judicium à Romano Pontifice in ipsum Anthimum, & in prædictos hæreticos benefaciendo audire voluistis*. Maximè cum ageretur de causâ fidei.

10. Sed ne conjecturis locus daretur, aut interpretationibus, ipsimet authores protinùs probant, debuisse Justinianum Romani Pontificis audire sententiam, eique exequendæ suam operam præstare. Subjungunt enim; *Illo persuasi, qui dicit: interroga Patrem tuum, & annuntiabit tibi, seniores tuos, & dicent tibi*. Ne quis autem illa de consilio interpretaretur, non de præcepto, prosequuntur in hunc modum: *& Apostolo dicente. Obedite Ducibus vestris, & subditi esote; ipsi enim vigilant pro animabus vestris tanquam rationem reddituri, &c.* Postea Imperatorem obsecrant, ut Agapeti judicium exequatur; *Obiæstamur itaque vestrum Imperium (licet temerarium quid faciamus) per magnum Deum Salvatorem nostrum Iesum Christum, qui protegat honorabile Imperium vestrum, & omnem inimicum, & hostem propter vestram restantem fidem vobis subiciat, non contemnere justum judicium prædicti Vni, sed ipsum exequi, & Ecclesiam Dei, ac totum mundum liberare à peste Anthimi, & prædictorum Hæreticorum.*

11. Secundum exemplum est Irenæi post binas nuptias, contra Canones Apostolicos, Tyriorum Episcopi facti, & ab Ecclesia nullâ præviâ damnatione canonicâ, solo Principis Imperio dejecti. Sed primo tenuis auctoritatis est in hac

materia exemplum Theodosii Junioris, quem in aliis multis ultra suæ potestatis limites constat excurrisse per id maximè tempus, cum absuit à Curia sancta Pulcheria. Secundò ex eo, quod Imperatoris Edictum sententiæ Synodicæ meminerit, non sequitur nullam præcessisse. Cum enim & antea, & post Episcoporum destitutio sub Imperatoribus etiam hæreticis, ut Constantio, fieri non consueverit, nisi post alicujus, vel legitimi, vel illegitimi Concilii judicium, cur in isto tantum casu, ac paucissimis aliis, prætermisum hunc ordinem putabimus? Tertiò, etsi revera prætermisus est, cur ex isto exemplo potius quam ex innumeris aliis contrariis, juris controversia dirimenda esset; præsertim cum illud juri communi repugnet? Quartò sed colligitur ex epistola 110. Theodoret, quæ est ad Dominum Episcopum Antiochenum, postulatam ea de causa fuisse Concilium. In ea enim epistola Theodoretus postquam probavit, ritè ordinatum fuisse à se Irenæum, quem multifariam commendat, addit; *Et impium ducimus hominem condemnare, qui multis & variis rebus optimi gestis est exornatus*. Petebatur igitur ab Episcopis condemnatio Irenæi.

12. Minus valet tertium exemplum, scilicet Petri Moggi à Sede Alexandrina Zenonis Imperatoris jussu expulsi. Destituebat enim, & restituebat impius Zeno Episcopos, [tanta cum temeritate, sæpe tanta cum injustitia, ut mirum sit non puduisse Petrum de Marcain eius exemplis Principum jura fundare. Eundem Petrum Moggum, quem anno 477. à Sede Alexandrina [Zeno dejecit anno 482. in eandem Sedem hæreticus hæreticum revocavit. Petrum Fullonem hæreticum Apollinaristam, & Eutichianum Antiochenæ Ecclesiæ amoto Martyrio, præfecit. Timotheum Alurum sacrilegum ab Ecclesia Alexandrina destituit, & restituit; & alia patravit his similia.

13. Potest in hac etiam parte versatile Autoris ingenium observari. Numer. 1. distinguens tuitionem Canonum ab executione, istam Ecclesiæ, illam Principibus tribuit; Numer. 4. Principibus in executionem Legum ad Canonum tuitionem editarum, facultatem concessit, Episcopos à suis Sedibus expellendi, & alios subrogandi, quod tribus exemplis supradictis probare conatus est numer. 5. & 6. In hoc ultimo nu-

me-

mero vulnus Ecclesiæ illatum linit declarans, *hæc omnia à Principibus acta jure quodam extraordinario ; idq; in apertissima Canonum violatione, quæ nullâ causa cognitione, nec Iudiciorum solemnibus indigebat ; sed in mera facti executione versabatur.* Quibus verbis nonnihil restricta videtur Principum in Episcopos licentia. Sed ne Principes de illa restrictione quærantur, rursus asseritur illis Episcoporum expulsio à Sede. *Desurbationem enim illam, inquit, quæ vacantem Ecclesiam redderet, sui arbitrii esse putabant.* Sufficiet sanè Principibus hoc arbitrium; cognitionem enim cause necessariam non fuisse dicentibus quis contradiceret? Num fiunt inquisitiones à Ministris Regiis, antequam in exilium mittantur per litteras, parvi sigilli, quæ in Gallia, *de Cachet*, dicuntur, qui ad Aulæ voluntates agrè se accommodant? Iterum in Episcoporum Sedes aliorum subrogatio, sine sententia canonica, ita injusta unicuique apparet, ut ab ea Christianissimi Reges, qui aliquam Religionis, ac justitiæ laudem consecuti sunt, semper abstineant. Fatetur ergo Autor, quod *pœnam illam expulsionis, cum vacatione Episcopatus hodiè irrogare non possunt Principes, ob eas causas, inquit, quas tom. 2. exponam.* Tomum secundum etiam si plus 20. annis supervixerit, ipse publici juris non fecit, ut certò scire possimus, quæ sint illæ causæ. Sed vox hodiè justum creat timorem, fore ut causæ illæ, Principum intentioni, si pœnam expulsionis cum vacatione Episcopatus irrogare voluissent, nequam obstitissent.

C A P U T IV.

De auctoritate Imperatoribus à Domino de Marca tributa circa judicia Ecclesiastica.

1. **O**bservat Marca lib. 4. cap. 2. duplici modo restitutos ab Imperatoribus violatos Canones, scilicet vel latis legibus, quibus innovationes ultra progredi vetarent, vel à motâ specialiter alicujus Canonis violatione, si quis ad eos querelam suam deferret. Hujus ultimi modi quatuor profert exempla. Primum Eusebii Dorilæi Episcopi, apud Impera-

torem Marcianum de injuriis sibi à Dioscoro illatis conquerentis. Secundum Bassiani Ephesini quondam Episcopi, eidem Imperatoris injuste depositum exponentis. Tertium Eunomii Nicomediæ in Bythinia Episcopi, auxilium ejusdem implorantis adversus Anastasii Nicæni, à quo usurpatam suæ jurisdictionis partem querebatur, invasionem. Quartum S. Athanasii ad Constantinum confugientis adversus Arianos. Sed hæc exempla docent, quomodo se gerere debeant Principes, dum ab Episcopis, aut aliis, eorum invocatur autoritas ut scilicet querelas hujusmodi ab Ecclesia examinari, & terminari procurent, quemadmodum Marcianus trium supradictorum Episcoporum Libellos ad Concilium Chalcedonense, cujus actis inserti sunt remisit. Actione namque prima judicata est causa Eusebii, & Talionis pœna, idest depositio indicta Dioscoro, à quo depositus fuerat. Confirmata actione 11. & rursus, 12. addito quodam temperamento, Bassiani depositio. Actione 13. dirempta est controversia de juribus Episcoporum Nicomediæ & Nicæniæ.

2. Sed quare ad Marcianum confugerant, si Concilii erat eas causas judicare? Primo quia tantus erat rerum in Concilio tractandarum numerus, ut metuerent illi Episcopi, ne sine litteris Imperatoris non audirentur. *Quoniam*, inquit Eunomius in Libello, quem Valentiniano, & Marciano porrexit, *audientia in dilationem cedit, & formidamus ne fortè dimisso Concilio jura nostra vacentur: supplicamus ut vestra Majestatis audientiam nostram sine dilatione fieri.* Deinde ut libentius exequendo judicio Imperatores operam præstarent, eo magis necessariam, quod vis illata plerumque dicebatur. Denique ut Concilium maturius, ac benevolentius causas discuteret, ac terminaret.

3. Illustrius & attentione dignius est quartum exemplum, nimirum S. Athanasii, quem asserit Marca numer. 4. à judicio Concilii Tyrii ad Constantinum Magnum appellasse, eo appellationis genere, quod Galli, *tantum ab abusu* nuncupant. Ecquis hujusmodi appellationes damnare auderet, si tanti viri autoritate, ac exemplo gloriari possent? At certè S. Athanasius ab inimicis suis opprimi, & crudelissimum mortem subire maluisset, quàm Ecclesiasticæ jurisdictioni tam lethale vulnus infligi, quale hodie in Gallia patitur ab appellationibus,

nibus, *tamquam ab abusu*. Expendamus exempli vim. Imperator Constantinus, qui jam pluries, scilicet Episcopis Concilii Nicæni, & Donatistis, ut tradunt Sozomenus lib. 1. cap. 17. Rufinus lib. 1. cap. 2. Nicæphorus Callistus lib. 8. cap. 16. S. Optatus Milevitanus lib. 1. contra Parmenianum, S. Augustinus epistola 166. declaraverat Episcoporum judicium ad se non pertinere, victus tamen importunis Arianorum precibus tandem concessit, ut Synodus Tyri in Phœnicia haberetur sexaginta Episcoporum, quos, ut libuit, elegit, vel potius quos Ariani voluerunt, ad quos scripsit Imperator; *Scripsi ad quos volebatis Episcopos, ut vestras curas & sollicitudines presentia & laboribus suis adjuvarent* apud S. Athan. Apol. 2. Misit quoque illic Dionysium Comitem virum Consulare, ut omnia ordinatè, ac pacificè geri curaret. Episcopi congregati omnem judiciorum ordinem pervertentes, accusati inimicos, inter Judices admiserunt: imò ipsi inimici suspectissimos homines, & apertissimos hostes delegarunt ad recipienda contra ipsum testimonia, quæ illo, & absente, nec vocato recepta sunt. Instat S. Athanasius cum Episcopis Egyptiis, tum apud Episcopos, ne delegationem à paucis decretam communi calculo approbent, tum apud Comitem, ne causa in tanta legum omnium violatione definiatur. Sanctus ille Patriarcha nullam justitiæ, nullam Religionis speciem in illo, non judicio, sed latrocinio, servari animadvertens, ad Constantinum ipsum recurrit, impetravitque, ut Episcopis evocatis, ipso præsentè Imperatore, vim sibi posset illatam explicare. At Eusebiani, confictâ novâ calumniâ, eâque corruptis quibusdam testibus, qui olim à partibus Athanasii steterant, probatâ, Constantinum e mentito illo crimine, ita commoverunt, ut S. Patriarcham in Galliam relegaret. Quia nimirum S. Præsul accusabatur, quasi minatus fuisset se impediturum, quò minus frumentum ab Ægypto Constantinopolim quotannis deferretur, quod huic urbi plurimum incommodi fuisset allaturum.

4. Quo circa primò norandum est Concilium illud Tyrium non solum non legitimum, sed nequidem Ecclesiasticum habitum fuisse, ut demonstrat epistola Concilii Alexandrini an. 339. quæ directâ est ad omnes Ecclesiæ Catholicæ Episcopos,

copos; Quâ fronte inquit Patres hujus Concilii, talem conventum Synodum appellare audent, cui Comes praesedit? Et ubi spiculator apparebat & Commentariensis, sive Carcerarius pro Diaconis Ecclesiae adventantes introducebat? Ubi Comes verba faciebat, ceteri praesentes in silentio erant, vel potius Comiti obsequium suum accommodabant. Ubi quod communiter Episcopis placuit, ab illo impediebatur In summa dilectissimi, quâ species tibi Synodi, ubi vel cedes vel exilium, si Casari placuisset, constituebatur. Et inferius. At praeclari Eusebiani quo veritatem scripta, sua oblitarent, nomen Synodi suis actis prae texunt, cum rei ipsa negotium Imperatorium, non Synodale haberi debeat, quippe ubi Comes praesident, & Milites Episcopos sub satellitio cingant, & Imperatoria Edicta, quos ipsi volunt, coire compellant Si veluti Episcopi sese Indices volebant esse, quid opus erat vel Comite, vel Militibus, aut Edictis, ad eorumdum, Imperialium? An ex hujusmodi cœtu duci debuit argumentum, quo Principibus jus quaeratur delegandorum Judicum in causis Episcoporum? An hinc probari possent appellationes tanquam ab abusu, nisi fortè ab abusu secularis potestatis? Non enim appellavit Athanasius Constantinum tanquam Judicem criminum impositorum sibi, vel rei in legitimo Concilio gestæ, sed vim sibi sub Comitis autoritate factam ab Imperatore, qui eum miserat, reparari postulavit.

5. Appellaationis quidem mentionem faciunt Episcopi Orientales, qui se à Concilio legitimo Sardicensi segregaverant, & seorsim se congregarant, in epistola sua Synodica apud S. Hilarium in fragmentis. Sed ipse S. Athanasius Apologiâ secundâ non appellationem à sententia Ecclesiastica, sed querelam adversus hostes suos se detulisse proficitur his verbis. Nos autè adito Príncipe, qui Synodum indixerat, in qua ipsius Comes praesiderat, Eusebianorum scelera patefecimus.

6. Notandum est secundò, S. Athanasium Concilii Tirii auctoritatem non approbasse, licet à illud accesserit: quia nimirum invitatus. At hi inquit Apol. 2. scribitur ut adsim, atque adeò necessitas veniendi iungitur, ut nisi venirem, invitus adducerer.

7. Denique S. Athanasius ad Constantinum recurrit, non per appellationem à judicio legitimi judicis, sed per supplicationem adversus vim, Imperatoris ipsius autoritate sibi illatam in cœtu inimicorum, praesidente Comite ac opitulantibus militibus, S. Patriarchæ adversariorum furori obsequen-

tibus.

vibus. Quocirca S. Athanasius, ut à Concilio legitimo sua causa discuteretur, à Constantino postulavit: vel, si petito adeò justa repelleretur, saltem iniquis adversariis ad se opprimendum arma Imperator non ministraret: ideoque & suam innocentiam, & illorum iniquitatem sibi exponi pateretur. Constantinus autem intelligens, quòd Athanasii preces tenderent, simul pollicitus est, & causam ad Concilium tanquam ad legitimum Tribunal deferendam, & se nihilominus partes auditurum, ne non Canonum executioni, sed eorum violationi patrocineretur. *Imperator*, inquit *Episcopi Concilii Alexandrini apud S. Athanasium Apol. 2. rei indignitate motus scriptis suis accusatores citat, suamq; ipsius audientiam promittens, simulq; Synodum indici jubet.*

8 In hoc etiam capite curavit Autor verbis quibusdam lenioribus, Ecclesiæ de usurpata sua iurisdictione conceptum dolorem mitigare. Nam numer. 4. cognitionem de iudiciis Ecclesiasticis ab Imperatoribus susceptam dicit; *Eo tantum fine, ut illis de violentia constaret, quam deinde amoveri procurarent.* Sed numer. 6. ait, *Dolum, calumniam, & hostium, qui in illo Concilio (Tyri) Iudices sedebant, gratiam, Athanasio, & Egyptiis occasionem dedisse, ut Iudicis Ecclesiastici cognitionem ad Consistorium Principis transferrent.* Quando autem prætextus *doli, calumnia, Iudicum suspicionis* deficiet volentem iudicia Ecclesiastica trahere ad Principes?

9. Adde, quod numer. 3. dixerat, non solum Canonum custodiam Principibus commissam esse, sed etiam Civium, & præcipuè Clericorum patrociniū, & tranquillitatis publicæ curam ad eos spectare. Quâ occasione nulla erunt iudicia Ecclesiastica, quæ ad Principes non pertineant, cum nulla sint, in quibus Cives, vel etiam Clerici injuriam sibi per violatos Canones factam non obtendant, si causâ ceciderint.

CAPUT V.

De autoritate Principibus attributa circa alios jurisdictionis articulos.

1. **G**Ravius & apertius iura Ecclesiæ violant, quæ Marca cap. 3. eiusdem libri 4. Principibus tribuit, quare invidiam, inquam se incursum agnovit, avertere his verbis numer. 1. fatigit, *Quamvis pleraque à nostris moribus sint aliena, atque adeò in usum deduci non possint, quin apertè Sacerdotis, & Imperii concordia violesur.* Quæ verba nos ab onere, illa examinandi liberarent, nisi periculum esset, ne, mutatis Gallorum moribus, justè usurpari posse crederentur.

2. Primò ergò Imperatores Romanos à Sacerdotibus interpellatos dicit, Judices dare potuisse, sed Clericos, qui de negotiis Ecclesiasticis sententiam ferrent. Id si ita intelligeret, ut licuerit Imperatoribus consensum, imò, & operam dare, ut congregaretur Concilium cujus erat de illis judicare, non faciliè redarguendus esset, & menti ejus faverent testimonium Concilii Milevitani II. quod refert, & exemplum, quod hîc repetit Imperatoris Marciani, qui Bassiani à Sede Ephesina depulsi, & Eusebii Dorylei Episcopi causas remisit ad Concilium Chalcedonense. Sed quod ait num. 3. *Non solum autem eis Episcopis judicium delegabant, qui ordinario jure intra Provinciam suam judicium ferre possent, sed etiam extra Territorium jurisdictionem aliquando prorogabant.* Hoc, inquam, aliquando de factò, nunquam sine injuria contigit.

3. In eo enim exemplo, quod attulerat numer. 1. Cæciliani scilicet à Donatistis injustè damnati, Constantinus dum Donatistas graviter objurgavit, ut fatetur Autor, quod se criminis Ecclesiastici Judicem esse postularent, satis testatus est, se Judicibus extraordinariis causam delegare non potuisse, quamvis importunitati Donatistarum cesserit. Non enim jurisdictionem delegatam confert, nisi qui ordinariam formaliter aut eminenter possidet. Præterea, cum summus Pontifex causarum huiusmodi legitimus esset Judex, ordi-

nem

nem Canonicum sequebatur Constantinus, partes ad eum mit-
tens. Episcopos autem, quos Melchiadi adiunxit, cum ex eius
essent Patriarchatu, Judices esse cum illo nihil verabat. Nec
tamen solitres illi, quos miserat Constantinus, iudicio interfue-
runt cum Melchiade, ut patet ex illis S. Augustini verbis epist.
166. *Quod & factum est in urbe Roma Presidente Melchiade Ep-
iscopo illius Ecclesie cum multis collegis suis.* Et clariùs ex S.
Oprato Milevitano, qui lib. 1 contra Parmenianum quindecim
Italos Episcopos, quorum nomina & Ecclesias recenset, cum
supradictis convenisse testatur, ut ex novemdecim conflatum fu-
erit Concilium.

4. Cæterum S. Augustinus epistolâ 162. non adstruit jurisdictio-
nem Melchiadis à delegatione Imperatoris, quasi Pontifex ab eo po-
testatem aliquam mutuatus fuerit (ea enim erat causæ conditio, ut
absque Romano Pontifice ritè definiri non posset, quemadmodum
confiteretur ipse Marca) sed Donatistis os obstruit, ne Judicem in-
competentem fuisse conquerantur, tum quia legitimus erat; tum
quia fuerat à Constantino, à quo ipsi Judices postularunt, nomina-
tus. *In forte, inquit S. Augustinus, non debuit Romana Ecclesia Mel-
chides Episcopus cum Collegis transmarinis Episcopis illud sibi usur-
pare iudicium, quod ab Afris 70. ubi Primas Tingianus presedit,
fuerat tentatum. Quid quod nec ipse usurpavit: rogatus quippe Impe-
rator, Judices misit Episcopos, qui cum eo sederent, & de tota illa cau-
sa quod iustum videretur, statuerent. Hoc probamus & Donatista-
rum precibus, & verbis ipsius Imperatoris.* Undè convincuntur Do-
natistæ Melchiadem recusari ab ipsis non posse, ut potè à Constan-
tino, à quo ipsi Judices petierant, assignatum.

5. Sed quâ ratione probat Marca istam facultatem Impera-
torum, Judices aliundè jurisdictionem non habentes, com-
mittere? Autoritate S. Cyrilli Patriarchæ Alexandrini, &
Memnonis Episcopi Ephesiorum, conquerentium in libello,
quem Concilio Ephesino porrexerunt, in cujus actis habetur
parte secundâ act. 4. se à Joanne Antiocheno depositos, licet
ille nec per leges Ecclesiasticas, nec per Imperiale Decretum posse
statem habere; ex quibus ultimis verbis infert Marca, per Impe-
riale Decretum posse constitui Episcoporum Judices, qui aliundè
jurisdictione in illos careant, ut Patriarcha Antiochenus in
Patriarcham Alexandrinum, & in Episcopum Ephesinum nul-
lam

lam habet. Infirum sanè argumentum. Nam eo tempore concarrebant Imperatores cum autoritate Ecclesiastica ad convocatiōem Conciliorum, in quibustractabatur depositio Episcoporum. Ad illum igitur usum, qui tunc frequentissimus erat propter rationes alibi notatas, non ad jus quoddam imaginarium, aut certè sacrilegum, deponendorum autoritate seculari Episcoporum, referenda sunt hæc verba Cyrilli, & Memnonis. Etenim libellus sic incipit; *Pium* (Imperatorum nostrorum) *Edictum*, & *nos & vestram Sanctitatem in hanc Ephesium Metropolim, eâ de causa convenire iussit, ut & rectum Apostolica Fidei decretum communi sententiâ confirmetur, &c.* Huic Ephesini Concilii convocationi opponunt, quæ de conventiculo Joannis Antiocheni dicunt; *Nec per leges Ecclesiasticas, nec per Imperiale Decretum potestatem habuit, quâ sultus, vel quempiam ex nobis judicare, velominus simile quidpiam attentare posset.* Evidentiùs demonstraturi erant duo illi Episcopi depositi sententiæ adversus se latæ injustitiam, etiam Imperiale Decretum excludendo: non quod possent tale Decretum jurisdictionem non habenti conferre, sed quia colorem aliquem, aut excusationem apud homines prætexuisset Antiochenus Patriarcha, si ad Episcopos sibi non subditos judicandos Imperiali Decreto coactus fuisset: ut ergò & prætextum necessitatis obediendi Principi, & legitimam excusationem concurrentis Imperatoris autoritatis cum Ecclesiasticâ ad convocandum Concilium, in quo depositi fuerant, atque adeò & fundamentum, & colorem justitiæ omnis defuisse ostenderent, etiam Imperialis Decreti defectum commemorarunt.

6. Non est prætermittendum quod ait Marca, Imperatores judicia à Patriarcha, vel Metropolitano, si qua esset contra eos suspicio, ad aliam Provinciam olim transtulisse. Nescio enim, an non hinc fortassis aliqua Galliæ Parlamenta patrociniū acerbissent illi abusui, quo aliquando, interverso Tribunalium Ecclesiasticorum ordine, partes ad Judices non suos mittunt, etiam ubi de censuris agitur. Marcæ arrident mirum in modum gesta Theodosii Junioris, quia cum ad concedenda, quæ rogabatur, puerili facilitate promptus esset, plurima patravit legitimam suam superantia potestatem. Refert igitur Marca exemplum Theodosii Junioris, qui iudiciū Ibæ Edessenorum Me-

tro-

tropolitani, nec non Joannis, & Danielis Episcoporum Provinciae Osihoenae de hæresi accusatorum, à Domino Patriarcha Antiocheno, apud quem jam fuerat lis contestata, ad Phorium Episcopum Tyri, & Enstathium Beryti Provinciae Phœniciae, cum Uranio Himeriorum Episcopo advocavit, quod patet ex ejus rescripto inter acta Concilii Chalcedonenfis act. 10. Sed usurpatum fuisse judicium illud ex ipsa rei naturâ fit evidens.

7 Sanè si hæc potestas penes Principes esset, Canonum non solum tuendorum, sed etiam everrendorum facultatem haberent, cum à Conciliis etiam generalibus statutum sit, ut causarum Ecclesiasticarum judicia in propriis Provinciis exerceantur. Is enim est, nominatim Canonis Nicæni sensus, ad quem respuerunt S. Joannes Chrysostomus, & Theophilus Alexandrinus, cum Arcadius Theodosii Junioris Pater Theophilum à S. Joanne Chrysostomo, & mox S. Joannem Chrysostomum à Theophilo judicari præcepisset. Nam Imperatoris delegationem hujusmodi uterque tanquam Canonibus contrariam improbavit, quippe cum neuter alteri esset subditus: eam tamen Theophilus, qui, quo minus adversum se usurparetur, institerat, adversus S. Chrysostomum acceptavit, aliâ in eum mensurâ utens, quàm quæ adversus Theophilum ipsum à S. Joanne Chrysostomo adhibita fuerat. Constat hoc epistola ejusdem sancti ad sanctum Innocentium primum. Cum Theophilus, inquit, causam dicere nollet, neque urgerent Accusatores ejus, vocavit nos Imperator pientissimus, & jussit, ut iremus ad locum in quo ille agebat. & illic ea, quæ contra illum dicebantur, audiremus. Nos autem scientes leges Patrum, viroque honorem deferentes, habentes etiam super hac re ejus litteras, oportere in quibusque Provinciis sua negotia tractari, neque extra limites illarum trahi, vehementer deprecavimus, ne causam susceperemus judicandam. Deinde congruum non est, ut qui in Ægypto sunt, judicent eos, qui in Toracia Et infra; Domini mei maxime venerandi, & pii studium vestrum, & magnam diligentiam adhibete, quo retundatur hæc, quæ in Ecclesias irrupit, iniquitas. Quippe si mos hic invaluerit, & fas fuerit curvis in alienam parocciam irrumperere, idque ex tantis intervallis, & ejicere quos voluerit, & propria autoritate quavis pro libidine sua facere, scitote quod brevi transibunt omnia, & totum Orbis premetur bello non indicto, omnibus ejectis, & omnibus ejicientibus.

8. Sed & ipsi Accusatores Ibx profiteri non audent se Judices extraordinarios spontè postulasse, cùm potiùs agnoscant post Patriarcham Antiochenum adeundum fuisse Concilium tam Orientale, quàm Occidentale. Sicenim habet Libellus Samuelis, & aliorum Presbyterorum Edessæ ad Photium, & ad reliquos Episcopos, contra Ibam. *Consequenter & secundùm Canones advenientes Concilium tam Orientale, quàm Occidentale, oportuit nos, & piissimum atque Christianissimum Principem nostrum pro his deprecari. Ex hoc ergo, & sanctissimo nostro Archiepiscopo Flaviano pariter decernente, & cum piissimo nostro Principe disponente, à vestra sanctitate nostrum exerceri negotium, advenimus parati nobis adesse. Inter acta Concilii Chalcedon. act. 10. Recurrant igitur ad Imperatorem, ut eorum causa ejus favore à Concilio Orientali, & Occidentali audiretur.*

9. Dominus injuriam suæ jurisdictioni ab his Clericis illatam graviter conquestus est in suo Concilio Antiocheno, cùm ad causæ judicium sese accingens, eorum quosdam ad Imperatorem recurrisse audivit. *Manifesti sunt, inquit, desertores, & excommunicationem, & Apostolicum hunc thronum contemnentes, & se ipsos submittentes majori damnationis supplicio. Inter acta Concilii Chalcedonenfis act. 10. Non ergo sine Canonum violatione, sine legitimum Judicium injuria, & sine sæcularis potestatis abusu, translata sunt ab una Provincia in aliam per Imperatores, Ecclesiasticorum negotiorum judicia.*

10. Iniquius est, quod in reliquâ hujus cap. 3. parte probat, & jus vocat Marca; scilicet Principes ordinem à Conciliis etiam Oecumenicis servandum præscripsisse, eam observationem per Comites ad id missos curasse; imò, si quid præter eum ordinem attentatum fuisset à Concilio Oecumenico, in irritum mississe; quis tanquam Judex; quis tanquam reus ibi habendus esset, statuisse; nec non cujus Concilii Decretorum habenda esset ratio, ut ab eo non posset appellatio interponi; cujus autem sententia non eam vim habere deberet: Nescio an salvâ fide tanta Principibus secularibus in Concilia tribui possit autoritas. Sed quæ sunt illius juris fundamenta? Exemplum Theodosii Junioris ea, quæ à Concilio Ephesino gesta fuerant contra Joannem Patriarcham Antiochenum, aliosque Episcopos Orientales, rescindentis. *Eo etiam, inquit Marca, quod à forma*
lit-

litteris suis præscripta temerè discessum fuisset. Liberum enim sibi Principes existimabant, ut rerum gerendarum ordinem etiam Concilii Oecumenicis præscriberent. Magis videntur expressa verba numeri 3 capitis 22 libri 6. At non fortuito aut per occasionem Synodus deliberat de materia à Rege proposita; sed quia inter jura Regia & hoc etiam eximium est, ut Conciliorum cognitionem Principes intra certos limites coerceant, servato quoque ordine præscripto. Modus huc agendi deprehenditur in litteris Imperatoris Theodosii pro convocatione Concilii Ephesini primi, atque item secundi. Sed Theodosii fuit illa temeritas: & indignum est, ut proponatur in exemplum, factum, quod tum ab omnibus aliis scriptoribus Catholicis dedecori Theodosio vertitur, tum ab ipsomet Imperatore improbarum est, ut patet ex actis Concilii Ephesini parte 3 cap. 14.

11. At, inquires, improbatum est, quia injustum in se, non quia ab illegitima potestate. Nec enim Synodus expostulavit cum Theodosio de usurpata jurisdictione, sed de obreptione ob falsam Candidiani Comitis relationem. Quasi verò liberum sit omnia iniustitiæ capita Principibus à perversis Ministris seductis objicere; & non cogat potius illorum potentia, quæ minus placent, id est quæ potestatis limitum admonent, silentio involvere: quæ autem minus ægrè ferunt delicatæ illorum aures, scilicet alienum mendacium, ac rei veritatem exponere, dummodò hoc satis sit, ut damnum illatum reparetur.

12. Nec minùs improbum fuit aliud factum Theodosii, cum in Conciliabulo secundo Ephesino cum cognitioni Synodi ordinem præscripsit, ut Flavianus Episcopus Constantinopolitanus inter reos haberetur, eo quod sententiam adversus Eutichem dedisset; licet secùs actum fuisset antea erga Episcopos Orientales, qui Antiochiæ in S. Athanasium sententiam dixerant. *Discrimen*, inquit *Marca in fine huius cap. 3. ex eo proficiscitur, quod Concilii Antiocheni ratio habita fuit perinde, ac si appellari ab ejus judicio non posset, sed tantùm retractionis cognatio institui, ut fieri solebat adversus sententias Præfectorum Prætorio. At Synodus Flaviani non eo jure potita est, sed eo loco habita, ac si ab ea provocari posset. Quod non alia ratione nitebatur, quam mero Theodosii arbitrio, qui ordinem hujus cognitionis, quas voluit leges præscripsit, etsi à cæterorum judiciorum ordine alienas. Huius doctrinæ, ac similium Autores,*

Ec-

Ecclesia Gallicana suarum libertatum vindices tantopere laudat, tantique facit. His adminiculis suffulcuntur celebres illæ libertates. Illi sunt Canones, illa Patrum traditio, quibus nituntur, nempe exempla violatorum ab Imperatoribus sanctorum Ecclesiæ jurium.

C A P U T VI.

An possint Principes Synodaliū sententiarum effectum suspendere, atque à Iudicibus Ecclesiasticis appellationes in causis etiam Ecclesiasticis recipere.

1. **R**ursus exemplum Theodosii junioris adhibet Marca lib. 4. cap. 4. numer. 1. ut probet Principes posse sententiæ in judicio Ecclesiastico latæ executionem suspendere, novâ Synodo ad causam iterum tractandam indictâ; quia nimirum, licet Cælestinus summus Pontifex cum Concilio Romano, & eum secutus Cyrillus cum Concilio Alexandrino, Nestorium à communione Ecclesiæ Catholicæ segregassent, nisi intra decem dies, ab admonitionis tempore numerandos, nefandam suam hæresim anathematizaret, Theodosius Synodum generalem Ephesi celebrandam indicens, Romanæ & Alexandrinæ sententiam interim effectum sortiri vetuit, quod ex eo colligit, quod Nestorius tanquam Episcopus ad Synodum vocatus, & in Synodo nominatus fuit. Sed, quam habuit vim suspensio sententiæ à Conciliis Romano & Antiocheno contra Nestorium prolata, ea non Imperatoris Edicto, sed summi Pontificis indulgentiæ adscribenda est. Consultus enim Cælestinus Romanus Pontifex à S. Cyrillo paulò ante Concilium Ephesinum, utrum Nestorius tanquam Episcopus habendus esset, quippè cum effluxisset tempus induciarum ei ad anathematizandum errorem concessarum, respondit super sedendū exequendo judicio. Quæstio S. Cyrilli concepta his verbis erat; *Utrum sancta Synodus recipere debeat hominem à se pradicata damnantē, an, quia induciarum tempus emensum est, sententia dudum lata per-*

aperduret. Respondit summus Pontifex; Super hac utiq; cōsultatione communi, communē Dominū consulamus. Nonne nobis responderet illicō per Prophetam, mortem se nolle morientis; & per Apostolum Paulum omnem hominem velle saluum fieri, & venire ad scientiam veritatis? Nunquam displicet Deo accelerata in quocumque correctio. Epistola Cælestini ad Cyrillum, Labbetom. 3. Concil. Ephes. act. 2.

2. Quomodo potuit Catholicus Autor in animum inducere, excommunicationis, & depositionis vim & effectum Edicto Imperiali suspendi. Hæc propositio, si de jure, ac in ordine ad conscientiam intelligatur, hæresis labe non carebit. Quamobrem de facto interpretari eam malumus, ut scilicet Principes pro eâ, qua pollebant, potentia impedirent, aut remorarentur nonnunquam judiciorum Ecclesiasticorum executionem: hoc autem ab eis legitimè tunc tantum fiebat, cum præcuntem, ac rogantem Ecclesiam sequebantur. Eorum enim auxilium implorare cogebantur Pontifices, & Synodi adversus contumaces, & interdum rabidos Ecclesiæ hostes, ut videre est in exemplis ab Autore relatis numer. 2. & 4. ejusdem cap. 4. scilicet S. Leonis Theodosium interpellantis, ut suspendi juberet executionem secundi Concilii seu Latrocinii Ephesini, nec non Legatorum sanctæ Sedis invocantium auxilium Judicum in Synodo Chalcedonensi adversus illius Synodi decreta, quæ Canonibus Nicænis erant contraria. Absurdum autem est, eam Legatorum petitionem appellatione tanquam ab abusu explicare: quasi Judices à Martino delegati fuissent ad judicandas appellationes de Canonibus violatis interjiciendas, & ad eos appellassent Legati S. Leonis à Concilio Chalcedonensi, suis Canonibus Canones Nicænos violante.

3. Jus aliud, inquit Marca numer. 6. à Justiniano continuatum, vel institutum legimus, scilicet, ut ab Episcopis Imperatoris rescripto delegatis ad controversiam Ecclesiasticam dirimendam, Princeps ipse appellaretur. Sed in Justiniani loco, quem refert ex novel. 123. cap. 11. causarum Ecclesiasticarum nulla fit mentio. Si tamen (verba sunt Justiniani à Marca exscripta) *Imperiali jussione, aut judiciali præcepto Episcopis iudicat inter quas cumque personas, appellatio ad Imperium, aut ad eum, qui transmisit negotium, referatur.* Verba illa, *inter quas cumque personas*, indicant potius causas profanas, quæ si Episcopis, ut fiebat interdum, commissæ fuissent, & ab eo-

rum sententia fuisset appellatum, ad committentem perferenda erat appellatio, inter quas cumque personas esset controversia, id est etiam si Clericatus honore essent insignita, quia res non persona tunc attendebatur. Quæ interpretatio ex eo, quod præcedit, confirmatur. Statuit enim Justinianus, ut si Judex sententiam Episcopi in causa contra Clericum aut Monachum sive Monacham, iustam cognovisset, eam executioni demandaret, amorâ omni appellatione. Si Judex iniustam declarasset, posset ab ejus declaratione appellari secundum legum ordinem; id est, ad legitimum Superiorem secundum rerum conditionem. Ad didit postea verba supra relata, quibus decernit in causis delegatis ab Imperatore aut alio, ad ipsum delegantem esse appellationem emittendam sine personarum distinctione. Sed si de causis profanis id non accipitur; quid aliud effecit Imperator, quam culpam addidit culpæ, & primam causæ cognitionem delegans, & appellationem sibi reservans?

4. Hoc delegationis genus S. Gregorio non ingratum fuisse colligit Marca ex iis, quæ gesta sunt in causa Adriani Thebanæ Civitatis Episcopi: sed frustra. Cum Adrianus à Diaconis suis accusaretur de pecuniariis, criminalibusque capitulis, Mauricius Imperator Joanni Episcopo Larissæ causam commisit. Sed cur placuit Marcæ hanc delegationem vocare? Cum enim prædictus Joannes Metropolitanus esset Adriani, an, qui ex tot Canonibus Ecclesiasticis Judex erat, Principis indigebat delegatione? De pecuniariis quidem permisit Imperator, ut Metropolitanus ferret sententiam; de criminalibus verò post examen ad se referri voluit.

5. Si tam religiosus fuisset Marca in conservandis summorum Pontificum juribus, quam in extendenda Regum potentia profusus; factum illud ita fuisset interpretatus, ut Mauricius ordinem canonicum secutus, Episcopum ad proprium Metropolitanum remittens, pecuniariis quidem causas ab eo definiendas duxerit, criminales verò tantum examinandas; ut, si forte reus deponendus esset, Romani Pontificis sententia requireretur. Agebatur enim de neglecta ab Adriano correctione Stephani Diaconi turpem vitam degentis, & de negato Baptismate Infantibus, non recepto illo Sacramento

defunctis , utrefert S. Gregorius regest. lib. 1. epist. 46. quæ est 7. indictionis 11. Nec careret optimis conjecturis illa opinio. Primò enim illa erimina Ecclesiastica sine dubio sunt , & ad Ecclesiasticam cognitionem magis spectant, quàm causæ pecuniariæ , de quibus Metropolitanus permixtus est ius dicere. Secundò reipsâ de criminibus illis ex Imperatoris assensu iudicavit Honoratus sanctæ Sedis Diaconus, cum uno ex Officialibus Imperii , iudiciumque ab Imperatore approbatum fuit, siquidem fuerat illa Mauricii mens, non immeritò ejus *rectas iussiones* appellavit S. Gregorius.

6. Quod spectat delegationem Joannis Episcopi primæ Justinianæ , qui Thebani Judex ordinarius non erat ; S. Gregorius testatur eam fuisse fraude elicitam. *Nescio* , inquit prædictæ epistolæ 46. *quibus machinationibus exquisitis alia rursus est principalis iussio elicta, ut de cunctis antefactis capitulis Ioannes prima Justiniana Episcopus requirens subtiliter iudicaret.* Sunt autem tum in ea , tum in præcedenti epistola multa , quæ demonstrant Principum delegationes juri superiorum Ecclesiasticorum , præcipue summi Pontificis non posse , nisi fortè per vim , quidquam detrahare. Nam S. Gregorius sententiam contra Adrianum , tum Metropolitanum , quem Marcæ vult jure delegato processisse , tum Joannis Episcopi primæ Justinianæ , quem delegarat Mauritius , non obstante delegatione Principis irritas declaravit , & in ipsos Judices animadvertit ; ut constat ex epistola supracitata , & ex præcedenti: quod certè non attentasset S. Pontifex , nisi suæ sibi potestatis conscius intellexisset, supremum illius negotii iudicium ad se pertinere, Judicesque , qui primam tulerant sententiam , quantumvis intervenisset Imperatoris opera , etiam in ea ferenda , à se pependisse, sibi que subjacuisse.

7. His Ecclesiæ vulneribus à se inflictis lenimentum apponere se simulat Marcæ num. 7 docens graviora inferre solere ab Imperatoribus Constantinopolitanis, quorum tamen usum juris nomine decorat, quàm à Regibus Franciæ; *potiori jure utebantur Imperatores Constantinopolitani, &c. Quaidè commemoravi*, inquit, *ut constaret omnibus Reges Francorum cautius , & reverentius se gessisse in his controversiis, quæ disciplinam respiciunt.* §. etiam §. *observationibus quibusdam, sed ad sanandum malum non omni-*

nò efficacibus, quæ hucusque dixerat, in isto libro non nihil temperare conatur. Scribit enim v. g. ad Imperatores Romanos de iudicio canonico ab uno Episcopo reddito, querelam statim recta via non fuisse delatam in materiâ fidei, rituum, disciplinæ Cleri, aut in alia quæstione canonica; sed parum juvabat Ecclesiam ille ordo, siquidem mediâtè, sub prætextu delegationis, aut aliis modis parum canonicis, huiusmodi causas tandem Principes ad se trahebant.

CAPUT VII.

De autoritate Regum & Episcoporum Franciæ.

1. SI Reges Francorum cautiùs, & reverentiùs se gesserunt in controversiis, quæ disciplinam Ecclesiasticam respiciunt, quàm Imperatores Romani, ut affirmavit Marca sub finem capituli 3. §. 7. id eorum pietati, non defectui juris tribuendum esse vult; quandoquidem statim initio cap. 5. ait: *Quemadmodum Imperii Romani mole in varias partes dissectâ, Galliarum Provinciæ in victoriæ præmium Francorum Regibus Divini Numinis auspiciis cesserunt, ita etiam Imperii jura plenè, & integrè cum eis communicata sunt; præcipuè verò tuitionis Ecclesiasticæ cura Reges nostros respexit, postquam gloriosissimus Princeps Clodoveus Pagana impietatis labe aquis divini lavacri feliciter abstersâ, in Ecclesiæ Catholice filium primogenitum adoptatus est.* Quantam sibi vim faciat Autor, cum effusam Principum in Ecclesiasticam jurisdictionem præsumptionem cohibere cogitur, ne omninò non Catholicus videatur, diù dissimulare non potest, cum statim, quod Ecclesiæ reliquerat, repetere tentet. En hocce §. primo, quando sperabas magnam Ecclesiasticæ autoritatis securitatem in Gallia, ex quo Reges Ecclesiæ filii, atque adeo in spiritualibus, & Ecclesiasticis rebus subditi, effecti sunt: ita supra Ecclesiam efferruntur, ut possint ipsi quidem Episcopos, Canones violantes, corrigere, non possint autem ipsi ab Episcopis corrigi, si similis violationis rei sint. Hoc igitur præstat Baptismus, ut qui in Ecclesiam admittitur, ab Episcoporum censura eximatur.

2. At, inquires, non tam Marcæ opinio est, quàm Gregorii

gorii Turonensis, qui lib. 5. historiarum cap. 19. Sic Regem Chilpericum alloquitur; *Si quis de nobis o Rex, iustitia tramitem transcedere volueris, a te corrigi potest; si vero in excesseris, quis te corrigeret?* Verum id quidem est, ubi de facto intelligitur. Sæpe enim tanta est Principum potentia, tanta etiam aliquorum licentia, ut Episcopos tum reos, tum innoxios pessimè habeant, & vix cuiusquam monitionem, nedum correptionem patiantur. Eam esse verborum Gregorii sententiam indicant quæ continuò sequuntur; *Loquimur enim tibi, sed si volueris audis: si autem nolueris, quis te condemnabit, nisi is, qui se pronuntiavit esse iustitiam?* Sed si quis Christianos Principes ab omni Prælatorum censura eximeret, & illos Ethnicos declararet, & se ipsum proderet hæreticum. Attamen tutus sit hac in parte Marca sub Clypeo Gregorii Turonensis.

3. Quid sentimus de eo, quod §. 2. ait, si quæ judicia in causis Ecclesiasticis ab Episcopis adversum Decreta Regia lata essent, statim contrariis judiciis infringebant Reges. Hoc Marca non probat expressè, (is enim mos ejus est in odiosis, & pudendis, ut odium, & pudorem declinet) nec improbat, quippe quod Regibus faveat. Sed nonne referre, nec improbare, probare quodammodo est? Exemplo autem res confirmatur, quod *insigne* ab Autore appellatur, & certè *insigne* dici potest, licet alio sensu, quàm quem Autor videtur intendisse. Vix enim aliud reperias in historiis Francorum injustius, crudelius, & Rege Christiano indignius.

4. Emerius Episcopus Santonensis absque consensu Metropolitani, Archiepiscopi scilicet Burdegalensis, atque adeò contra Canones, decreto Regis Clotharii ordinatus fuerat. Mortuo Clothario, Metropolitani, nomine Leontius, Synodum Provincialem apud Santones convocavit, in qua prædictus Emerius, utpotè contra expressam Canonum dispositionem, ad Episcopatum promotus, depositus est, ejusque loco suffectus Heraclius. Charibertus Clotharii filius, quasi Regis voluntas Canonibus Conciliorum, etiam generalium, quibus cavetur, ne Episcopus sine Metropolitani consensu ordinetur, esset anteponenda, non solum acta supradicti Concilii rescidit, mille aureos à Metropolitano, sub multæ nomine extorsit, ceteros autem Episcopos ad id, quod quisque sol-

XXX;

vere

vere poterat, condemnavit; sed etiam Heraclium plaustris spinis repleto in exilium trahi præcepit, ut refert Gregorius Turonensis lib. 4. hist. Franc. cap. 26. O ætinia libertates! ô præclara exempla illarum! Ergone Gallicani Episcopi, nedum Ministri Regii, hujusmodi libros, seu Libertatum Ecclesiæ Gallicanæ armentaria prædicant? Ergone libertatem reputant, multis, & crudelibus exiliis, ob custoditos Canones subiacere?

✱ Sed cujusmodi, & quam variabilis est ista Regum Francorum potentia! Potuit Charibertus Episcopum contra Canones promorum, & secundum Canones dejectum restituere, alium secundum Canones à Concilio constitutum deponere, ut tradit Autor §. 2. modò citato; non potuerunt autem, ut refert ibidem §. 4. Reges Galliæ, & Germaniæ Drogonem Patrum suum, filium Caroli Magni, quantumvis autoritate Apostolicâ munitum, in Apostolici Vicariatus possessione manutenere? Eidem potentia defectui obnoxius fuit Carolus Calvus Imperator & Rex Franciæ, secundum Autorem numer. 5. cum efficere non potuit, ut Ansegisus, à Joanne Papa VIII. Primas per Gallias & Germanias creatus, dignitate frueretur. Unde tanta diversitas? An ex eo quod Charibertus solo jure suo utebatur, Nepotes autem Caroli Magni autoritatem summi Pontificis suæ præire curaverant? Infinita, imò infelix summi Pontificis conditio! non solum enim ipsius autoritas nihil in vitis Episcopis potest in Canones, sed etiam conjuncta cum autoritate Regum, illi, quæ alias potentissima esset, robur omne adimit. Sic enim Marca sub finem §. sexti post prædicta exempla Drogonis, & Ansegili, nec non post autoritatem Hincmari Remensis. *Quare, inquit, cerum erat apud Episcopos Gallicanos hoc saculo, Canones receptos absque manifesta necessitate à quoquam violari non posse, nec à Pontifice, nec à Rege: solaque Synodi Gallicanæ refragatio, antiquis Canonibus, & Decretis mixta, novarum rerum effectum impediebat.*

6. Sed numquid Autor à suo Instituto, idest à consilio augendæ jurisdictionis Regiæ, descectit, Episcopis tantam facu satera relinquens, ut possint Principibus, aliquid contra Canones tentantibus, obistere? Hanc ille à se suspensionem quamprimùm amovet. Prosequitur enim; *Non frustra autem necessitatem*

exceptis (Hincmarus) *quia sæpè ea tempora incidunt; ut Ecclesia intersit jura antiqua aliquando immutari, ut his posterioribus sæculis factum videmus.* Posterioribus enim sæculis multa contra Canones, aliquando quidem assentientibus sed sæpè renitentibus Episcopis in mores Gallicanos inuenta sunt, ad stabiliendas libertates Ecclesiæ Gallicanæ, quæ tamen in observandis Canonibus consistere dicuntur.

7. Nullibi non existant vestigia propensionis Marce erga jurisdictionem secularem, quàm erga Ecclesiasticam studii in reliquis hujus libri capitibus. Omnia enim ubique contorquentur ad auctoritatem Regiam. Tempore Caroli Magni, & Ludovici Præ Ecclesia, & Respublica communiter consensu regebantur in Gallia; & sicut Reges Episcopos politici regiminis participes efficiebant, ita Episcopi Regiam potestatem circa res Ecclesiasticas non tam accuratè declinabant, quàm eâ utebantur ad promovendam disciplinam. Marca quidquid Principes, sive horrantibus summis Pontificibus, sive consentientibus Episcopis, sive per modum monitionis, succursus, aut aliâ ratione præstabant, omnia in jura Regia conjicit. Sic cap. 7. commemorato zelo Regum Christianissimorum, in juvandis & monendis Episcopis §. 7. asserit illam monitionem ejusmodi fuisse, ut effectus verba sequeretur, & pœna in contumacem, ut iam alibi observavimus.

8. Licet autem frequenter misceretur auctoritas Principis cum Ecclesiastica; non tamen inter se ita confundebantur, quin appareret discrimen. In eo enim ipso, v. g. quod refertur in fine ejusdem cap. 7. ex cap. 8. capitular: Tolosan: anno 844 Carolus Calvus non ita sibi vendicabat correctionem eorum Episcoporum, qui malè interpretati Canones, Presbyteros nimis gravaturi essent, quin Synodi etiam judicium requireret. *Si aliter fecerint, omnimodis, & qualiter Canones fidelium decimis agendum statuunt, & qualiter intelligi, & observari, cum mansuetudinis nostra decreto debeant,* SYNODALI DEDICATIONE, & nostrâ auctoritate Regiâ docebuntur; Nisi autor Ecclesiæ suam jurisdictionem invidisset, juxta hunc locum alium explicuisset, quem asserit cap. 10. §. 1. ut probet Reges de Causis Ecclesiasticis cognoscere solitos, ordine quodam judiciario, licet non tam accurato. Cum enim ex Constitutione Philippi IV. Regis Fran-

ciz,

ciae , quam citat §. 2. cognitio Decimarum , non feudaliū , ram in petitorio , quā in possessorio , Ecclesiasticorum esset Judicium (vide an praxis hodierna Tribunalium saecularium Galliae , de possessorio Decimarum , imò & Beneficiorum judicandi , possint inter jura Regia connumerari , quam reprobabat Rex jurium suorum tenacissimus) cur Carolum , illius materiae judicium ad se traxisse putabimus , ut ei *sine Synodali dijudicatione* provideret ? Quid ergo sibi volunt illa verba Philippi in loco ab Autore adducto , *prout ad nos pertinebit* ? Nonne indicant Regem id , quod ad se non pertineret , Synodali dijudicatione dimissurum .

9. Prosequitur Marca cap. 8. probare , solitam olim Ecclesiam Gallicanam Synodicā deliberatione , vel ad Regium Patrocinium recursum , sibi prospicere , *Cum rebus* , inquit , *per obreptionem decretis Roma assentiri non posset , idque ut executionem impediret* . Certè non ita culpabile videtur , ut executio suspendatur Decretorum per obreptionem impetratorum : quandoquidem nec ipsi summi Pontifices id molestè ferre censendi sunt ; cum ipsis fraus facta sit , quae cuiquam patrocinari non debet ; praesertim si partes ipsae culpam fatentur & censurae se subijciunt . Itaque si obreptitium erat privilegium à Monachis Cluniacensibus obtentum , ut ab alio , quā à proprio Episcopo , possent , etiam in Monasteriis , in ejus Diocesi positis , ordinari , meritò reprobata fuit in Concilio apud Ansam anno 1025. ordinatio facta in Monasterio Cluniacensi Diocesis Matisconensis ab Archiepiscopo Viennensi ; qui similiter , si obreptionis conscius fuerat , prudenter egit , cum spontè ab Episcopo Matisconensi veniam petiit , & de modo satisfactoris , cum illo pactus est , sicut narratur in fragmento à Marca relato cap. 8. num 1.

10. Sed quidquid sit de illius narrationis veritate , quae non adeò indubitata est , rem ut fertur , & sine collusione gestam supponamus ; ex illa , & ex aliis similibus , quae fortè ab Autore adduci potuissent , concludendum est , non potuisse Antistites Gallicanos , nec de jure , nec de facto Constitutionibus Pontificiis obistere : cum certissimum sit , Monachos Cluniacenses veris privilegiis Apostolicis usos fuisse , quantumvis renitentibus , sed tandem cedere coactis Episcopis . Exstant hujusmodi

modi Privilegiorum concessiones in libro, cui titulus est *Bullarium sacri Ordinis Cluniacensis*, Lugduni editum anno 1680. & pag quidem 8. leguntur 2. epistolæ Joannis XIX. in cujus Pontificatum incidit Concilium Ansanum, quarum altera est ad ipsummet Episcopum Matisconensem nomine Guaslenum, qui in Concilio apud Ansam inducitur querelam movens contra Burchardum Episcopum Viennensem, pro ordinatione Monachorum Cluniacensium; sed hæc epistola testatur & Monachos, & Papam privilegia jam concessa contra Matisconensem Episcopum defendisse. *Nescimus*, inquit Pontifex, *quâ novâ temeritate illeclus, inextinguibili cupiditate accensus, Matri tuæ repugnas, & contra nos meritis Apostoli Petri Magistrum tuum levas calcaneum; cum Cænobium Cluniacense cunctis penè nationibus sanctitate præfulgens, necnon Apostolicis privilegiis fultum, & ab omnium ditione substractum, solius Principis Apostolorum & Viscerum suorum iudicio reservatum commoves; venerandum etiam infidelibus Patrem Domnum Edilonem Abbatem irreverenter appetis; fratres ibidem degentes pro adipiscenda perpetua transitoriam quietem appetentes sollicitas; Apostolica privilegia cassare contendis; quod ita accipimus, quemadmodum si ipsa membra nostra avidè discerpere quæreres, & quod sine tua ruina esse nequit. Cave autè vel jam monitus anima, & nostrum Monasterium singulare nobis relinque, ne, dum particeps ejus contra nos esse cupis, Ordinis nostri exors Apostolicâ auctoritate efficiaris. In altera epistola gratum animum testatur Episcopo Lugdunensi Borchardo, quod Cluniacensi Monasterio faveret contra Gauslenum, hortatur, ad prosequendum, & concludit his verbis; *Rogamus, ut eidem Episcopo interdicitis, sicut nos litteris nostris fecimus, consecrationem, ordinationem, vel aliquod jus in nostro Monasterio quærere, ne, dum hoc injustè appetit, quod justè sibi licet pro sua inobedientia, iterata tantorum Patrum querela, Apostolicâ auctoritate careat. Sed quare Pontifex gratias ageret Borchardo, sive Buchardo pro favore Cluniacensibus in tuendis privilegiis impertito, si quidem in Concilio apud Ansam, hoc est: non longè ab Urbe Lugduno habito, præfidente ipso Burchardo, nec refragante decretum fuisset, ut acta continent, privilegium Papæ nullius esse momenti; aut si Concilio anterior est epistola, (nec enim quo tempore data sit apparet) quomodò post honorificum illud officium Romani Pontificis privilegia, quibus antea faverat Burchardus, impugnare cœpisset? Sequitur duas illas e-**

pistolas eiusdem Pontificis constitutio, confirmans omnia privilegia prædictorum Monachorum, & nominatim; *ut liceat Monachis ipsius loci cuiuscumq; voluerint ordinationis gradum suscipere ubicumq; Abbatibus placuerit.* Accessit à plurimis aliis Pontificibus eorumdem privilegiorum confirmatio, ut in præfato Bullario legere est.

11 Non nego modum in concedendis privilegiis servandum, ut abusus præcaveantur. Sed nonnulli, dum malo mederi quærunt, sanationi obicem ponunt, quia scilicet, dum à summo Pontifice petendum esset remedium, ei concedendorum privilegiorum facultas denegatur; quod eum ad defendenda concessa, & ad conservandam concedendi possessionem potius excitat.

12 Privilegia quidem ii, quibus indulta sunt, non negligenter defendunt, nec nostrâ operâ indigent, sed pro conferendorum potestate visum est, occasione privilegiorum Cluniacensium pauca hic addere ex iis, quæ S Petrus illius Monasterii Abbas 12. sæculo scripsit. Licet enim in propria causa loquatur, debetur ejus pietati reverentia, & rationibus æquum, maturumque iudicium. Ille igitur lib. repist 28. sic respondet accusantibus Cluniacenses, quod proprio Episcopo non subiacerent; *Nos verò respondemus istud veritati contrarium oppositâ fronte existere; quoniam patet nos proprium Episcopum habere. Quis rectior, quis dignior Romano Episcopo Episcopus potest inveniri? Nonne ille est, quem ceteris præesse non humana, sed Divina autoritas sanxit: Nonne ille est, cui dictum est, tibi dabo Claves Regni Cælorum, & quodcumque ligaveris super terram, erit ligatum & in Cælis, & quodcumque solveris super terram, erit solutum & in Cælis? Hunc unum solum, & Maximum nos habere Episcopum gloriamur; huic solum specialiter obedimus, ab hoc solo, si causa (quod absit) exigeret, interdici, suspendi, atque excommunicari possemus. Hoc irrefragabilis sancta S. dis sanxit autoritas Nos enim quis contrarie non debemus, nec de ejus unquam, (quod nulli mortalium licitum est) iudicio judicare. Hoc non soli Cluniacenses obtinent, sed & quampluribus datum cernimus: & longè antè Cluniacum conditam, multis aliis Monasteriis ab eadem Apostolica Sede concessum videmus. Cujus Sedis Praefules cum magni sapientiâ, & Religione fuerint, & quorundam ex ipsis merita miraculorum quoque fulgore solemniter in mundo clarescerint, incredibile est, aut decipi in talibus potuisse, aut contra conscientiam suam agere voluisse. Eo namq; animo, ac intentione quo nostrorum temporum Apostolici, quieti Mona-*

chorum providentes, ea, quæ diximus quamplurimis Monasteriis consulerunt, antiquiores quoque Romanæ Ecclesiæ Prasules simili de causa in multis à jugo Episcoporum libera esse Monasteria decreverunt.

13. Quod in eodem cap. refert Marca ex Glabri Rodulphi lib. 2. c. 4. confutatur ex ipsiusmet tabulis, ex quibus Glabrum interpretari conatur Siquidem Glaber narrat Monasterium à Fulcone Andegavorum Comite in Pago Turonico fundatum, eadem die, quâ fuerat à Pero Cardinali autoritate Joannis Pontificis consecratum, corruisse, in pœnam usurpatæ à summo Pontifice, instigante Comite, jurisdictionis Episcopi Turonensis. Ceptâ igitur, inquit, die constituto satis pompaticè hujusmodi dedicatione, atque peractâ, Missarumq; ex more solemnibus celebratis, postmodum quique ad propria rediere. Denique imminente ipsius diei hora non à cum flabris lenibus serenum undiq; consisteret Cælum, repente supervenit à plaga Australi vehementissimus turbo, ipsam impellens Ecclesiam, ac replens eam turbido aère, diu multumq; concutitq;. Deinde verò solutis laquearibus universæ ejusdem Ecclesiæ trabes, simulq;, tota teges, per pignam ejusdem templi Occidentale in terram corruentes eversum ierunt. Quod cum multis per Regionem factum comperissent, nulli venit in dubium, quoniam insolens presumptionis audaciâ irritum constituisse votum, simulq; presentibus ac futuris quibusq;, ne huic simile agerent, evidens indicium fuit. Tabulæ autem illæ continent, Hugonem Archiepiscopum Turonensem, audito privilegio à Papa concessio, Romam accessisse, atque à Sergio IV. Joannis successore submissis precibus contendisse, ut Monasterii consecrationem sibi permitteret: sed repulsam tulisse; eò quod liberum fuisset Fundatori Monasterii, Ecclesiæ Romanæ illud concedere. Denique ipsum Archiepiscopum acquievisse, atque jus omne, quod in illud Monasterium sibi competere poterat, Ecclesiæ Romanæ concessisse; itaque à Petro Episcopo Viterbiensi autoritate Sergii fuisse consecratum.

14. Quis ergo credat Ecclesiam illam miraculosè eversam fuisse, in pœnam invasæ jurisdictionis ordinariæ; siquidem ipse ordinarius juri suo cesserat? Quorsum à Chronico Turonensi diceretur, ut à Marca refertur, *Abbatia belli loci* (eo nomine vocatur in tabulis prædictis illa, de qua hic est sermo) & *Ecclesia S. Florentis de Abbatia à Fulcone H. rra fundatur an. 1010.* Quorsum, inquam, id diceretur, si statim à consecratione fuisset eversa? Aut quis Ecclesiam miraculosè destructam statim ausus fuisset excitare?

CAPUT VIII.

*Expenduntur quæ à D. Petro de Marca in favorem
Regum Decretis Ecclesiasticis ad-versantium pro-
feruntur capp. 10. 11. 12. & 18. lib. 4.*

1. QUAMVIS injuriam ferre plerumque laudabile sit, præcipuè cum ab iis infertur, quibus alias parere teneatis; Eam tamen licet amovere, dummodò institutam à Deo, atque à legibus, viam sequaris. Est autem ea prima lex, ut nemo in propria causa Judex sit, nemo propriam mulciscatur injuriam; maximè ubi superior eius, qui damnum intulit, adiri potest, ac jus dicere non recusat: Hanc equidem legem ad unguem servatam volunt in Gallia sæculares Judices, in iis causis, quæ apud ipsos iudicandæ sunt, & ab ea, si quis ex Clero vel tantillum recesserit, appellationes ab abusu ac mulctæ intentantur. Quid ni ergo Judicibus Ecclesiasticis eadem regulâ uti licebit. Quia scilicet ad Regem, ut in temporalibus, ita & in Ecclesiasticis devolvere supremam auctoritatem enituntur Aulici; Idque per gradus, & ordine quodam, ne injustitia tam citò deprehendatur.

2. Dominus de Marca lib 4. cap. 10. refert litteras Philippi IV. Francorum Regis (cujus, ut jam notavimus, exemplum in rebus Ecclesiasticis, à tempore præsertim dissidii cum Bonifacio VIII. suspectæ auctoritatis est) quibus litteris datis anno 1312. continetur Regem requisivisse Episcopum Santonensem, ut abstineret ab exigendis Decimis de rebus, de quibus præstari non consueverant, & inducendum novum decimandi modum corrigeret: ei-que spopondisse, si ius ad hoc habere crederet, se cum deliberatione sui consilii provisurum, prout, servatâ pace, & salute Ecclesiæ, & Patriæ, faciendum foret: mandasse autem Bailliaco, seu Senescallo Sndonensi, ut, si Episcopus quod requirebatur, implere recusaret, aut nimium differret, bona eius temporalia sequestrarentur, & ad manum Regiam tenerentur. Æquius fuisset, ut Episcopi Santonensis iniusta exactio Me-

tropolitani fuisset autoritate compressa ; præsertim cum , ut faretur Marca §. 3. Decimarum cognitio , ex ipsiusmet Philippo IV. declaratione , pertineret ad Iudices Ecclesiasticos. Sed verainquit §. 4. ratio , ob quam Philippus negotium istud sibi vendicat , è scandalo petitur. Frustrà verò §. 5. autoritate S. Leonis , Anastasii , & alterius Leonis Episcopi Santonensis probare nititur , Principum esse , scandala compefcere. Idem verum est in rebus Ecclesiasticis , dum ob improborum potentiam , & proterviam Ecclesia hæreses , schismata , vel alia scandala sistere non potest , Regumque opem implorat , vel dum sine periculo seditionis , homicidiorum , aliorumvimalorum remedium ab Ecclesia expectari non potest , quod periculum tunc aberat , & tam rarò contingit , ut hinc regula constitui non possit.

3. Rescriptis Regiis consultum semper fuisse libertatibus Ecclesiæ Gallicanæ affirmat idem Marca §. 6. Illud ita factum *semper* , probat hic libellis Comitiorum Turonensium anni 1493. Recentiora sunt illa monumenta , quàm ut indè ostendi possit idem fuisse factum *semper*. Non negamus certè postremis his sæculis , Regni illius Ordines , etiam Clerum , Regiam autoritatem invocasse contra Romanum Pontificem ; sed quæstio est , an laudabilis sit ille recursus , ut possit in argumētum iuris assumi ? Sanè , si ex fructibus ferendum est de arbore iudicium , usum istum ad minus suspectum habebunt , quicumque iurisdictionem Ecclesiasticam illam cupiunt. Viam enim , ut alibi observavimus , laicæ potestati aperuit , non solum ut imminueretur debita sanctæ Sedis reverentia , sed etiam ut exstingueretur ferè iurisdicctio Episcoporum , aut potiùs ad tribunalia sæcularia traheretur. Itaque si propter temporis improbitatem , seu propter incommoda , in quæ se Gallia coniecerat , Pontificum Avenionensium partes amplectens , aliquam habuit à necessitate excusationem ; non tamen eiusmodi fuit exemplum , quod oporteat imitatione dignum iudicare.

4. Prospectum erat executioni Bullarum , quibus certa privilegia Regibus pro terris , & fscis Domanii Regii , à Romanis Pontificibus concessa fuerant , deputatis Conservatoribus. Sed quia , inquit Marca §. 7. *variis iudificationibus , & iudiciorum*

formulis negotium trahebatur, visum est Principi, iurisdictionis jure rem ad se revocare. Putasne Conservatores privilegiorum ludificare, variasque judiciorum formulas excogitare, quo negotia, quæ Regibus cordi sunt, tantum protrahant, ut ipsis necesse sit, auctoritate propria, per bonorum captionem, & multas iniustas, Episcopos cogere ad revocandas excommunicationis, aut aliarum censurarum sententias, non solum contra prohibitionem Concilii Tridentini Gallis parum accepti, sed etiam contra constitutionem Concilii Lugdunensis sub Gregorio X. quod maximi facit Marca cap. 18. §. 3. & 4. licet illius verba detorqueat, ut in tento suo obesse non videantur. Ità scilicet securum est, privilegia Principibus conferre, quæ prætextu conservandæ gratiæ collatæ, alia jura concedentis, quæ religiosius tueri deberent, sensim usurpant.

5. Hanc autem Ecclesiæ injuriam patienter tolerari vult pro more suo Marca §. 3. quia graviores olim intulerunt Imperatores. Ex quo intelliges, quod alibi monuimus, eum pessima, & iniquissima exempla sæpè proferre, non ut omnino probet (pu-deret enim, nisi saltem addito temperamento) sed ut illorum comparatione innocua videantur, aut saltem toleranda, quæ in Gallia fiunt, injusta quidem, sed minùs, quàm quæ ab Imperatoribus perpetrata sunt.

6. Cap. II. §. I. controversiarum de invasa jurisdictione Principum altum silentium apud Veteres fuisse notat; quia ab Episcopis antiquis sola Canonum disciplina curabatur. Si quando se rebus Sæcularibus, aut judicandis, aut administrandis immiscerent, id sibi Legibus suo Sæculo latis indultum profitebantur. Id planè verum: sed addendum, hodiè controversiis hujusmodi Tribunalia sæcularia continuò personare, nonnò non tam quod Episcopi Principum jurisdictionem usurpent, vel etiam Canonum disciplinam non eurent, quàm quod Judices Sæculares, Ecclesiasticam jurisdictionem invadentes, suam conquerantur fuisse invasam, aut violatos Canones; causasque spirituales ipsi judicent, nedum non permittant Episcopis temporales. Cætera, quæ disputat hic Marca, sunt in lib. 3. examinata.

7. Laudandus tantummodò est, quod in fine hujus capituli sanius sentiat de Libertatibus Gallicanis, quàm Papirius Massonius: quæ tamen laus non est admodum insignis,

8. Concilii perinde, atque Summis Pontificibus obſiſtunt Galli, ut probat Marca cap. 13. dum ſibi adverſantur. Quæ quidem reſiſtentia, ut minus culpabilis appareat, trito illo prætextu excuſatur, quod jura Principum læſa ſint; quod ſi verum eſſet, non vi aut minis, ſed modeſtiori, atque honeſtiori eſſet ratione reparanda injuria. Cui enim probentur hæc verba Henrici II. Regis Angliæ à Marca in fine §. 1. poſt Wilhelmum Malmesburienſem relata. *Quid ad me de litteris Apoſtolicis? Inra Regni mei nolo amittere.* Sed neſcio an juſtum cuiquam videri queat, quod ipſi met Principes pravorum Conſiliatorum ſuggeſtione inter ſua jura, quæcumque libet, recenſeant, ac poſtmodum adhibitis ſeverioribus pœnis exigant, *Venerant Gregorius VII.* (ut verbis Marcæ §. 1. iſtius cap. 13. utamur) *Urbanus II. & Paſchali II. excommunicationis pœna adjectâ, ne Epifcopi, aut Clerici hominio, ſed tantum fidelitate ſe Principibus adſtringerent. Tamen Radulphus in Epifcopatum Remenſem, expulſo Gervasio in vaſore, reſtitui non potuit, niſi præſtito hominio.* Factum excuſat Ivo Carnotenſis epiſt. 190. ex parte Radulphi, ſed quis exiſtimat ideò excuſandos eſſe Miniſtros Regios, quia Epifcopus Carnotenſis cum S. Auguſtino monet Paſchalem, ut ait Marca, *ubi populorum ſtrages jacent, detrabendum eſſe aliquid Canonum ſeveritati, ut majoribus morbis ſanandis charitas ſincera ſubveniat.* Ita ſcilicet Aulici homines controverſias Eccleſiæ cum Principibus componi curant, non detectâ Principibus injuriâ, quæ irrogatur Eccleſiæ, ſed intentatis Eccleſiæ majorum malorum minis, (*ubi populorum ſtrages jacent, & majores morbi*) niſi Principum votis ſeſe accomodet.

9. Apertiùs improbat Ivo coactos Clericos pauperes à Magiſtratribus Regiis ad perſolvendas aliquas præſtationes, contra quas Clerus Carnotenſis privilegium ſpeciale à Paſchali II. impetraverat. Magiſtratus excuſat Marca §. 2. vel ſaltem excommunicari non debuiſſe contendit, quia eorum injuſtitia erat dubia; *Et quod Clerici de rapina damnabant, Præpoſiti inter ſalarium recenſebant.* Certè, ſi mutato nomine res aperte injuſtæ, evadunt dubiæ; ſi ſatis eſt, ut Salarium, juris, alteriusve tituli colore obducantur, ut Eccleſia vindicari nequeat, nihil erit, quod ſecularibus in res Eccleſiaſticas non liceat. At reipſâ Præpoſitorum illorum manifeſtam fuiſſe injuſtitiam, teſtatur Ivo his verbis epiſt. 271. *non enim minuitur aliquid de iure*

Prepositorum, vel auferatur. Sed Apostolicâ autoritate interdicitur eis illicita angaria & pauperum vexationes, quas non tantum Clericis, sed nec Laicis licet exercere, &c.

10. Capite 18. ut jam alibi probat Marca, exemplis scilicet, Reges eorumque Officiales, per pignorum captionem, & mulctarum exactiorem cohibuisse Episcopos jurisdictionem suam adversus Regiam defendentes celsuris, sed sunt ejusmodi exempla, quæ ideo vult admitti, quia pejora & à sapientibus improbata edidit Justinianus. Quid enim aliud, quam vin illatam innuunt illa verba epistolæ 137. Ivonis à Clero Belvacensi consulti circa controversiam inter ipsum, & Ludovicum VI. de cognitione causæ cujusdam Canonici ejus Ecclesiæ, quam Curia Regis ad se evocabat, Ecclesiastica verò retinere conabatur. *Si autem sciremus vos esse paratos, ut cum gaudio tolerare possetis ruinas domorum, exterminationes corporum, rapinas bonorum vestrorum, possemus vos exhortari, ut sequeremini consilium Susana, quæ magis elegit in manus hominum incidere, quam Dei legem derelinquere.*

11. Quæ in tribus ultimis lib 4 capitibus tractat Marca de appellationibus tanquam ab abusu, lib. seq. expendemus, alia jam a libi, prout sese obtulit occasio.

12. Sufficiunt, quæ hætenus dicta sunt, ut quilibet agnoscat Illustrissimum Petrum de Marca concordiam inter Sacerdotium & Imperium procurare his libris voluisse, eâ tantum conditione, ut quæcumque in Gallia geruntur à Ministris Regiis, & sæcularibus Judicibus, patienter ab Ecclesia ferrentur, consideratis graviorebus injuriis olim Ecclesiæ illatis, aut etiam nunc metuendis, nisi remperamentum illud acceptetur: Nec minùs Episcoporum Gallicanorum, quam sanctæ Sedis jura, ejus Autoris doctrinâ violari, ideoque non satis consultò agere, qui tantam ei auctoritatem deferunt, ejus eruditionis opinione ducti, aut quod Galliæ adversus Romanum Pontificem in nonnullis articulis favere videatur; cum magis ei cordi fuerit Principum adversus Curiam Romanam causæ patrocinari, ac Præsidis Regii eo in opere, ut ipsemet confessus est, potiùs quam Episcopi personam sustineri.

CAPUT IX.

De Stephani Baluzii doctrina circa Principum in res Ecclesiasticas auctoritate.

1. **N**on est sejungendus Stephanus Baluzius à suo Mecænate Petro de Marca, cujus zelum in amplificanda Principum potestate secutus est, & nescio an non etiam superaverit. Illi saltem, cum Præses esset, scribenti pro seculari jurisdictione similis esse maluit, quàm Episcopo sanctæ Sedis dignitatem aliquo pacto defendenti. Quamvis enim Illustrissimus Petrus de Marca in ea, quam Baluzius eius libris de Concordia Sacerdotii, & Imperii præfixit, schedâ declaraverit. *Quidquid præter Canonum & Decretalium mentem in Gallia circa res Ecclesiasticas agitur, id fieri ex privilegiis Apostolicis, non autem mero jure Regio, ut quidam autumabant, Marca per suum esse.* Baluzius è contra ubique occasionem captat Regibus suis, tanquam Coronæ jus, vindicare auctoritatem circa res Ecclesiasticas, ut in variis ejus operibus cuique licet observare.

2. Audi eum in notis ad Lupi Ferrariensis epist. 8. ver. *Zacharia; Merito, inquit, rejicienda est sententia Illustrissimi Cardinalis Baronii, qui ex hoc Lupi loco collegit jus illud, quo per eas tempestates utebantur Reges in dandis Episcopatibus, non ex ipsorum auctoritate fluxisse, sed ex concessione Sedis Apostolicæ. Nullum enim penitus in rebus Ecclesiasticis jus habere Reges, sanè diffidendum non est, quin ita cum Baronio sentiant Transalpina gentes. Nos verò Galli, Reges nostros non summovemus prorsus à rebus sacris, ab iis nimirum, quæ disciplinam Ecclesiasticam respiciunt, & executionem Regaliarum Ecclesiasticarum.*

3. Necessè fuit, inquires, Marcæ ad obtinendam Episcopatus provisionem, ut sese Romanorum opinionibus accommodaret. Baluzio autem licet liberiùs loqui. Non puto concessurum Baluzium in re gravi mentitum Illustrissimum illum virum. Sed nonne Baluzium ipsum invitare posset, ad extollendam Regis sui auctoritatem spes impetrandi à Christianissima Majestate Beneficii? Illic enim à nonnullis pluris fieri videtur nominatio Principis, quàm collatio Pontificis; quia licet ista verè faciat Abbatem, vel

Episcopoum; illa tamen magis apparet efficax, eo quod, nisi gravissima causa obstat, suum sortiatur effectum. Unde Regi potius, quam sanctæ Sedi acceptum Beneficium refertur. Audi Reverendissimum Archiepiscopum Tolosanum modernum ad Pontificem Maximum scribentem die 3. Decembris 1680. *Scimus equidem in iis omnibus, quæ hæcenus dicta sunt à Sanctitate vestra, eo tantum illam spectasse, ut nonnulla hujus Regni Ecclesia subtraherentur jugo, & novo, ut credebatur ipsa, & intolerabili: asseverabimus illud fidenter Sanctitati Vestræ, nullum jugum grave nobis visum iri sub hoc Principe Pio ac Benefico; futurasque Ecclesias nostras satis liberas, quamdiu Patrono tanto gloriari poterunt. In ejus ditione nati sumus, sub ejusdem Imperio vivimus, nostras et DIGNITATES DEBEMUS; NOS ILLE SANCTITATI VESTRÆ NOMINAVIT, eo protegente in vinea Domini operamur; eo denique benevolente optimis illis pacifice fruimur redditibus,, quibus munifici Majores ejus Ecclesias nostras ac Sedem Apostolicam locupletarunt.*

4. Ob illa igitur Beneficia non solum nullum jugum grave videbitur, & erunt Ecclesia satis libera, quamvis tollatur eis collatio Beneficiorum, & Dignitatum, etiam jurisdictionem spirituales habentium, Sede vacante (foran enim si hæc Episcopo plenâ Sede adimerentur, jugum grave videretur, & Ecclesiæ non ita liberæ censerentur) sed etiam, si Papa illi Coronæ juri obfistere audeat, Episcopos experietur Adversarios; quasi suas ei Dignitates non deberent, plusque illis præstitisset, qui illos Sanctitati suæ nominavit; quàm sua Sanctitas (cujus gratiâ nihilominus etiam præd. Præsul se dicit Archiepiscopum Tolosanum) eis Episcopatus conferens. Audi rursus Metropolitanum illum paulò inferius comminantem; **AN NOS QUI TAM INCLYTO PRINCIPI MULTO PLUS DEBEMUS, QUAM CÆTERI SUBDITI, SEGNES, AC DESIDES ERIMUS? CUM ILLIS RES AGATUR, CUMQUE ET CORONÆ JURA, ET IMMUNITATES REGNI TURRI CONVENIAT? Etiamne Episcopi inter libertates, seu immunitates Regni enumerant, ut non possit summus Pontifex procurare executionem Concilii generalis, Lugdunensis scilicet, Regaliam de novo usurpare prohibentis? Etiamne Episcopi minis summum Pontificem, ab ea cura deterrendum existimant? Quasi verò,** ait Facundus Hermian. lib. 4. ante finem, *propter hoc tantum ordinatis sumus Episcopi, ut ditemur Principum donis & cum eis inter maximas potestates confedeamus, tanquam divini Sacerdotis privile-*

giis fultis: scubi autem fallaciis malignorum, quæ nullis temporibus defuerunt, aliquid eis inier tantas Reipublica sue curas subreptum fuerit, quod Ecclesia Dei præjudicet, vel Ecclesia pacem turbet; non eis debeamus pro ipsorum salute, quæ sunt vera suggerere & si necesse fuerit, Religionis autoritate resistere, & patienter offensione quoque illorum, si acciderit, sustinere. Et ubi erit illud Propheticum; Loquebar de testimoniis tuis in conspectu Regum, & non confundabar? nisi forte Pastores quidem ad lac & vellera, ad advertendas verò Luporum insidias, & tuenda ovilia, desertores.

5. Hinc inferes, an justa sit Gallicanorum Scriptorum accusatio adversus Doctores, quos illi Ultramontanos vocant; quod scilicet autoritatem summi Pontificis ultra modum extendant proprii commodi causâ; quasi non magis verendum sit, ne ipsi Regiam jurisdictionem cum Ecclesiasticæ detrimento plus æquo extollant, ut Rege benevolente opimis fruatur redditibus. Sed redeamus ad Baluzium.

6. O quàm erat Principi suo infidelis Clerus Gallicanus! Quàm infidelis Senatus! Quàm infidelis Universitas studii Parisiensis! Quàm infideles denique omnes penè Galli, qui tam pertinaciter suis Regibus obstiterunt, ne aboleretur jus electionis à Concilio Basileensi restitutum aut confirmatum, neve reciperentur Concordata nominationem Episcoporum Regi Christianissimo tributentia; siquidem jus dandi Episcopatus ex ipsorum Regum autoritate fluebat, insignem, atrocemque injuriam sacrosanctæ Principum Dignitati faciebant, qui tam eximio jure Coronæ illos frui non sinebant, sed ut penes Capitula remaneret, nitabantur.

7. Quamvis autem de jure dandorum Episcopatum non necesse sit modo disputare, exhibendus tamen est locus Lupi Ferrariensis, cujus occasione Baronium carpsit Baluzius. Neminem enim fore arbitror, qui, colecto, non judicet injustam esse omnino Baluzii accusationem; atque, si Lupi testimonio stetur, rectius cum Baronio sentire Transalpinas gentes, quàm Gallos; quandoquidem prædicto Baluzio placuit defensores jurium Ecclesiasticorum, quasi contemptus gratiâ, Transalpinas gentes nominare, illisque se, aliosque Gallos opponere, quasi alioris gradus Doctores; (nos verò Galli) Vos ergo Galli interea, quæ disciplinam Ecclesiasticam respiciunt, & executionem Re-

auxilium ad procurandam executionem, quod eis officium nec Baronius, nec Transalpinæ gentes negant, imò impositum docent.

11. Nisi Baluzium Marcæ sui mentem non ignorasse verisimile videretur, dubitarem etiam, an eam perfectè exhiberet, cum ait loco suprà citato. Reges Franciæ *jure suo, jure proprio* Episcopos præfecisse Ecclesiis vacantibus. Illa enim verba videntur omnem submovere concessionem Ecclesiæ; cum tamen constet ex ipso met Marca lib. 6. cap. 3. §§. 1. & 2. Reges Franciæ, etiam postquam fidem Christianam susceperunt, eam sibi autoritatem non vindicasse. Concilium Aurelianense quintum anno 549. primam fecit Regii consensus mentionem. Majorem sensim auctoritatem Principes in se traxerunt, ut fieri solet, dum ad Ecclesiasticam admittuntur. Restitit tamen Ecclesia, ut videre est in Concilio tertio Parisiensi Anno 557. capite octavo, electionum libertatem contra Principis Imperium defendente; Nec potuit legitima esse illa Regum potestas, donec Ecclesiæ consensus accessit. Idetiam insinuare videtur Marca lib. 8. cap. 11. §. 5. ad quem locum alludit Baluzius ubi suprà, dum ait, verba Lupi esse intelligenda de ratihabitione. *Ratium enim quis habere non potest, quod ipsius nomine non est gestum*, de regul. jur. reg. 9.

12. Ceterum nec Marcæ, nec Baluzio decorum cordati Catholici ducent, quod magis faverint Principibus adversus Ecclesiam, quam famosus ille Apostata Marcus Antonius de Dominis. Hoc enim est principium notæ supradictæ Baluzii, ut integram exhibeamus; *Hunc locum ita intelligendum putat Marcus Antonius de Dominis, ut Pipino tunc fuerit concessum, ut posset solus personas promovendas ad Episcopatus eligere, & curare consecrandas, absque ullo Ecclesiasticorum consensu, nisi pro sola consecratione, ut ex ipsis Lupi verbis colligi posse ait. In quo Papa, derogans juri Ecclesiastico, jussu Principum in eo Regno auxerit. Marca verò existimat eum locum esse intelligendum de ratihabitione Zachariæ, qui rectè, atque ordine factum censuerat à Pipino, & Carlomanno, quando ii jure proprio Episcopos instituerant. Nam diu ante Zachariæ tempora, Reges Episcopos jure suo præficiiebant Ecclesiis vacantibus, ut multis exemplis ostendit*

Marca.

Zz zz 3

CA

CAPUT X.

De autoritate Regum Francie in condendis Capitularibus circa res Ecclesiasticas.

1. **B**Aluzius in præfatione ad Capitularia Regum Francorum , quæ edidit Anno 1677. §. 10. *Insignem, atrocemque injuriam sacrosancta Principum Dignitati factam* dicit à Grefsero, quia pronunciavit; *Pippinum, Carolum magnum, & alios Francorum Reges, qui leges Ecclesiasticas, sive Capitularia ad restaurandam disciplinam Ecclesiasticam condidere, non suâ præcisè autoritate id fecisse, sed nutu, & permissu Episcoporum, approbantibus Episcopis, & Conciliis, imò pleraque eorum Capitularium autoritate Romanorum Pontificum condita fuisse.* Itaque ex Baluzio, Francorum Reges Ecclesiasticas, sive Capitularia ad restaurandam disciplinam Ecclesiasticam condidere, suâ præcisè autoritate id fecere. Ergo vel non sunt distinctæ potestates, Ecclesiastica, & secularis: vel solis Principibus data est à Christo autoritas leges Ecclesiasticas, sive Capitularia ad restaurandam disciplinam Ecclesiasticam condendi. Utrum concedit Baluzius? neutrum sanè, quandoquidem Catholicus est. Atqui non datur medium. Siquis enim reponat inter Pontifices & Principes divisam esse autoritatem, ita ut ambos concurrere necesse sit, negabit Baluzius; Et insignem, atrocemque injuriam sacrosancta Principum Dignitati factam conqueretur, si eis leges Ecclesiasticas, sive Capitularia ad restaurandam disciplinam Ecclesiasticam condentibus, adjungatur nutus, & permissus Episcoporum, approbatio Episcoporum & Conciliorum, autoritas Romanorum Pontificum. Nam suâ præcisè autoritate id fecisse illos pro virili defendet.

2. Quamobrem bene accidit Grefsero, quod nec instituti ratio, nec angusti præfationis limites fuerunt, ut Baluzius ejus scriptiorem pluribus refelleret. Justam enim passus fuisset erubescentiam, quam commertus est quando *abusus verbis Christi Domini, quibus claves Regni Cælorum Petro, & successoribus ejus promissæ, omnem de rebus Ecclesiasticis decernendi autoritatem ademisse Principibus, nec Imperatorem inquit, nec Regem, quâ talis est, ullam Ecclesiasticam jurisdictionem habere.* Verum si Imperator, vel Rex, quâ talis est, de rebus Ecclesiasticis decernendi *autoritas atque habet:* Habuerunt illam etiam

etiam Infideles & Pagani, siquidem verè Imperatores aut Reges extiterunt, non obstante infidelitate. Itaque potuit Nero, potuit Diocletianus, potuerunt alii similes *leges Ecclesiasticas, sive Capitularia ad restaurandam disciplinam Ecclesiasticam condere; idque sua præcise auctoritate.* Quis Catholicus id patiens audiat?

3. Contendunt Galli supremam Regis in temporalibus potestatem Ecclesiasticæ potestati nullo modo subjacere: cuiusmodi saltem prærogativam negant Ecclesiasticæ jurisdictioni, ut Laicæ non supponatur in spiritualibus, & Ecclesiasticis? Sint saltem, ut voluit alius scriptor Gallicanus, tanquam duæ lineæ parallelæ, quæ quantumvis procedant, nunquam sibi invicem occurrunt, aut inter se conjunguntur. Claudicat hæc paritas apud Baluzium. Ordo est, seu subordinatio in potestatibus circa *leges Ecclesiasticas*. Ergo, ut in hujusmodi negotiis Laici Clericis subdantur. Econtra verò. *Satis erit*, inquit Baluzius. *uno verbo admonuisse, non ita ut Gretsero visum est, ab Episcoporum nutu, ac permissu pependisse olim potestatem Regum nostrorum in ferendis legibus Ecclesiasticis, cum contra constet Constitutiones Ecclesiasticas Episcoporum in Consistorio Principum examinari solitas avo Caroli Magni.*

4. Ne obijcias, impatiens Lector, de *facto* loqui Baluzium, non de *jure*: neque præceptum judicium de hujusmodi examine ferendum esse, cum possit aliquando tam bono fine, ac cum tanta modestia fieri, ut inculpabile videatur. Non patitur Baluzius interpretem: ipse continuo exponit, quorsum *constitutiones Ecclesiasticas Episcoporum in Consistorio Principum examinari solerent*, subjungens; *Eteorum confirmatione indiguisse, ut valerent*; Non solum ut interveniente Principum auctoritate facilius reciperentur, & efficacius executioni demandarentur, *sed ut valerent.*

5. Hinc inferes quid concludendum sit ex Baluzii, & Marcæ principiis, si conferantur inter se potestas summi Pontificis & potestas Regis Christianissimi circa Constitutiones Ecclesiasticas Episcoporum: quandoquidem Baluzius in hoc loco docet illas, *Principum confirmatione indigere ut valeant*: in lib. autem 6. de Concordia Sacerdotii ac Imperii, Domini de Marca, quem Baluzio debemus, pluribus in locis, præsertim c. 14. §. 5. asseritur, quod *supremâ potestate fruebantur Concilia Provincialia Gallicanæ*

liarum

liarum; jure consultationis Ecclesia Rom. servato in majoribus causis, idq; illo præcipuè tempore, de quo suprà loquebatur Baluzius. Sic enim incipit præd. c. 14. Marcæ § 6. Avo Caroli M. Concilii istiusmodi conservata est suprema potestas in judicandis, Abbatibus, &c. Cap. autem 15, §. 3. statim atq; inquit, Summi Pontif. abolere tentarunt supremam eorum in judicando potestatem, comminati sunt Episcopi, se ab eis celebrandis, quod inutilia futura sint, abstinenturos. Additq; effectum minas secutum. Itaq; Decreta Conciliorum, Regum confirmatione indigent, ut valeant, Papæ confirmatio adeò perniciosa est, ut præter nulla celebrari Concilia Provincialia, quam ut Summi Pontificis confirmationi submittantur.

6. Quomodò autem probat Baluzius Constitutiones Ecclesiasticas Episcoporum confirmatione Principum indignisse, ut valeant. Hæc ratione quam continuò profert; sane Reges nostri innc putabant, se terra Dominos esse, non vero Episcoporum Vicedominos Villicos, ac Ministros, quales eos facere voluisse videtur Gregorius. Testis est Carolus Calvus in Epistola scripta ad Hadrianum I. Papam Anno 871. in causa Hincmari Episcopi Laudunensis. Verius dixisset; Testis est Hincmarus Remensis, in Laudunensem, ac in summum Pontificem, Caroli Calvi nomine, cum non auderet suo, verbis acerbissimis cum alio modo non posset, iram suam explere quaerens. Sed videamus quid scribat Carolus Calvus, seu Archiepiscopus Remensis ejus nomine; Reges Francorum ex Regio genere nati, non Episcoporum Vicedomini hactenus fuimus computati; & ut Leo ac Romana Synodus scripsit, Reges & Imperatores, quos terris Divina potentia præcepit præesse, jus distringendorum negotiorum Episcopis sanctis juxta Divalia constituta permiserunt, non autem Episcoporum Villici extiterunt. Et S. August. dicit: per jura Regum possidentur possessiones, non autem per Episcopale Imperium Reges Villici fiunt, Actoresque Episcoporum. Formandum erat Argumentum; non enim faciliè apparet consequentia. Reges non sunt Episcoporum Villici: ergo Constitutiones Ecclesiastica Episcoporum, Principum confirmatione indigent, ut valeant. Vel; Reges & Imperatores jus distringendorum negotiorum Episcopis sanctis juxta Divalia constituta permiserunt: ergo Constitutiones Ecclesiastica Episcoporum, Principum confirmatione indigent, ut valeant. Vel etiam; Per jura Regum possidentur possessiones: ergo &c

7. Sed fortasse vel S. Leo cum Synodo Romana, vel Sanctus Augustinus, à Carolo Calvo citati, Principibus illam auctoritatem

tatem tribuunt. Primò S. Leo cum Synodo Romana quidquam simile locutus non est, ut non ignorat Baluzius, qui ad marginem 6. j. cap. 12. lib. 4. D. Petri de Marca, ubi citatur hæc epistola, notavit vel ex propria eruditione, vel ex instructione sui Autoris. *Leonis epistola quæ hic laudatur, non est Leonis Papæ, ut visum Hincmaro, etiam si bodie edita sit inter epistolas Leonis: sed est Leonis Byturiensis Archiepiscopi scripta anno 434 ut observat vir clarissimus Jacobus Sirmondus.*

8. Deindè cujuscumque sit epistola, eò spectat; ut declaret excommunicatos Clericos illos, qui prætermisso Ecclesiastico judicio sacralrem adierint potestatem, quod ei summarium præfixit Pater Labbeus. Et ne qui fortassè obtenderent, quod illuc inviti traherentur; præoccupatur excusatio hæc ratione, quod etiam Principes hujusmodi negotia à Judicibus Ecclesiasticis tractari vellent. *Tantà sæculi potestates circa Sacerdotale hominem reverentiâ prævalere, etiam hi, quos sub Imperiali nomine terris Divina providentiâ præesse præcepit, ut jura distringendorum negotiorum Episcopi sanctis, juxta Divalia constituta permiserint.* Non autem affirmatur, illa judicia Principum confirmatione, vel etiam permissione egere, ut valeant: vel Ecclesiam non habere circa ejusmodi negotia jurisdictionem, nisi à Principibus. Imò insinuat hanc eis potestatem ex jure Canonico competere. Sequitur enim; *Quod cum & juris antiqui formulis, & in latè frequentius sit legibus constitutum, &c.* Nam jus illud antiquum de Ecclesiastico esse intelligendum indicat vox illa formulæ, quæ in eo sensu usurpatur, cum paulò post additur; *Quò circa nobis visum est, ut hanc, & sacra Legis, & nostri Ordinis contumeliâ, & ad præsens ulcisceretur plena districtio, & observandam formulam constitueret in futurum. Censemus itaque, ut quicumque prætermisso Sacerdote Ecclesia sua ad disceptionem venerit secularium sacris Liminibus expulsus à Celsi arceatur Altario: neque ullus post hanc definitionem, quæ communis sedit arbitrio, &c.*

9. Sanctus autem Augustinus tract. 6. in Joan. undè verba citata desumpta sunt, probat Donatistas ab Ecclesia damnatos, & in schismate obstinatos justè potuisse bonis ad Ecclesias pertinentibus spoliari, non ut ea sibi Princeps adscriberet, sed ut Præsulibus Catholicis reddenda curaret. Quid inde concludendum, nisi, qui ab Ecclesia se separant, posse, postulantibus Catholicis, & legitimis Pa-

Aaaaa

fiori.

tionibus, iuste ab Imperatoribus, & Principibus, etiam per privationem possessionum temporalium indebitè occupatarum coerceri? At, inquit, S. Augustinus docet, quod *per jura Regū possidentur possessiones*. An ita ut possint de rebus Deo consecratis, abique ullo Ecclesiæ judicio vel consensu, pro suo arbitrio, suā præcisè autoritate, disponere? Neque S. Augustinum, neque piū aliquem Principem ita verè sensisse crediderim, nisi fortè Adulatorum fraude circumventum; cum etiam de bonis profanis doceat S. Thomas quod l. 12. art. 2. 4. ad primum. *Quod verum est, quòd omnia sunt Principum ad gubernandum, non ad retinendum sibi, vel ad dandum aliis: & si Leges tales sunt, Tyrannicae sunt, & non absolunt à conscientia, sed à Foro judiciali, & violentia.*

10. Denique tametsi Principes, quod non credo, de possessionibus terrenis, etiam postquam Deo consecratae sunt, leges ferre possent absque prævio Ecclesiæ judicio, vel non accedente illius consensu: liceretne generatim Baluzio pronunciare *Francorum Reges, qui Leges Ecclesiasticas, sive Capitularia ad restaurandum disciplinam Ecclesiasticam condidèrè, suā præcisè autoritate id fecisse?* Aut jam illud, quo per illas tempestates utebantur Reges in dandis Episcopatibus, ex ipsorum autoritate fluxisse, non ex concessione Sedis Apostolicæ.

CAPUT XI.

An sine autoritate Ecclesiæ Reges Galliae Leges Ecclesiasticas, si-ve Capitularia condiderint.

NOtato Gressero arguitur Baronius à Baluzio §. seq. scilicet 11. præfationis, quòd ex Benedicti verbis intellexerit omnia Capitularia à Romanis Pontificibus fuisse confirmata; *Contra manifesta, inquit, & aperta Benedicti verba: sic quidem Illustrissimus Annalium Ecclesiasticorum Autor scribit ad an. 819. Ne inquit existimes, Lector, dum audis singulis ferme annis collectas per eosdem Imperatores Synodos, & sancitas leges Ecclesiasticas, id absque Romani Pontificis autoritate ab eis esset tentatum. Qui Ludovici leges collegit, Benedictus Levita, in præfatione ipsis præposita hac habet: agnoscant, &c. Et infra; An non satis visum Christianissimis*

mis Imperatoribus nihil inconconsultâ Apostolicâ Sede tentare, decernere, vel definire, sed quæ ejus autoritate capta, atque perfectâ essent, adhuc tamen ipsis visa sunt indigere Romanorum Pontificum confirmatione antequam in publicum ederentur. Testatur hæc quidem ipse Benedictus Levita, qui in fine lib. 7. Capitularium à se collectorum hæc habet, &c. Mens Illustrissimi Cardinalis, quantum quidem ego assequor, est, Imperatores Gallicos sine autoritate summi Pontificis leges Ecclesiasticas nequaquam tulisse; imò verò, si sic latas ad majorem firmitatem rursus à summis Pontificibus plerumque approbandas curasse. (Non enim puto sensisse Baronium subsequentem confirmationem, ita universim requisitam fuisse, ut univèrsim intervenit, sive prævius, sive subsequens assensus) quòd ex variis indiciiis conjicio. Primum enim, dum singulis ferme annis collectas per eosdem Imperatores Synodos, & sanctas leges Ecclesiasticas cum Romani Pontificis autoritate asserit, non solis Benedicti verbis, ad trestantùm libros pertinentibus, id probat, sed ex aliis argumentis, quæ univèrsim concludunt: petitam autem fuisse confirmationem, solo probat Anselmi testimonio. Secundò, non unitur signis ad eòd generalibus, cum de confirmatione loquitur, sed verbis indefinitis, quæ hic moraliter & ut in pluribus, intelligenda sunt; Quæ ejus autoritate capta atque perfectâ essent, adhuc tamen indigere Romanorum Pontificum confirmatione. Tertio idem innuere videtur ipsa phrasis; Non satis visum Christianissimis Imperatoribus adhuc ipsis visa sunt. &c.

2. Sed quæcumque fuerit mens Baronii, immeritò dicit Baluzius, ipsum contra manifesta, & aperta Benedicti verba, illum Autorem esse interpretatum. Nam primò aliud est in alicujus Scriptoris verbis amplius quàm sonent intelligere; aliud contra manifesta, & aperta ejus verba eum explicare. Hoc enim ultimum est, non solum plus, quàm Autor scripserit, illi tribuere, sed etiam illi sententiam, ejus verbis manifestis, & apertis significatæ, contrariam affingere. Nunquam autem Benedictus, manifestis & apertis verbis negavit omnia Capitularia fuisse autoritate Sanctæ Sedis confirmata. Secundò, etiam si Baluzius Baronium accusasset deductæ tantùm nimis generalis conclusionis ex verbis Benedicti, atque in eo sensu perperam intellexisse hujus manifesta, & aperta verba, quæ scilicet non potuerint ab Illustrissimo Cardinali in tam ampla significatione accipi;

Aaaaa 2

non

non esset justa accusatio. Vox enim illa, *Maximè*, quâ utitur Benedictus, de tribus ultimis libris loquens, innuere videtur aliorum etiam laborum Capitula fuisse confirmata, licet non tam expressè.

3. Referenda sunt Benedicti loca, ut pateat manifestius; an Baronius illa intellexerit *contra manifesta*, & *aperta verba*. Sic igitur Benedictus in præfatione ad tres ultimos libros à se collectos, *est in fronte primi Libelli posita Zachariae Papa Epistola omnibus Episcopis*, à reliquis Ecclesiastici ordinis gradibus, & cunctis Ducibus, atque Comitibus, omnibusq; Deum timentibus per Gallias, & Francorum Provincias constitutus directâ, sicut in ea continetur. *Quam sequuntur duo Synodales conventus, quos Sanctæ Romanæ, & Apostolica Ecclesia Legatus Bonifacius memorata Magontiacensis Ecclesiæ Archiepiscopus vice supradicti Zachariae Papa una cum Carlomanno Francorum Principe canonice tenuit. Ut agnoscat omnes hæc prædictorum Principum Capitula maximè Apostolicâ auctoritate fore firmata.* Post ista quoque *qua sequuntur, eadem auctoritate, maximâ, ut diximus, ex parte, & omnium Francorum utriusque Ordinis viro rum assensu sunt roborata.* Ultimum autem Capitulum, libri scilicet 7. sic incipit, *Maximè trium ultimorum Capitula istorum librorum Apostolicâ sunt cuncta auctoritate roborata, quia his cudendis maximè Apostolica interfuit Legatio. Nam eorum nomina præter trium, id est, Leonis, Sergii, & Georgii hic non inserimus, licet ea per singulos Conventus inserta invenissemus, vitantes legentium, atque scribentium fastidia.*

4. Quando Baronius à Balusio citatus loquitur de Capitularibus Regum Francorum, de illis agit, ut legentibus patet, quæ sunt à Principibus secundæ Dynastiæ condita, & ab Ansegiso Abbate, atque à Benedicto Levita collecta; sunt autem illa omnia non solum Romani Pontificis auctoritate vel expressâ, vel saltem tacitâ, facta, quod præcipue intendit Illustrissimus Cardinalis, sed etiam plerumque confirmata; atque adeo illa *Reges Francorum suâ præcisè auctoritate non condiderunt*: ut è contra contendit Baluzius. Nam Zacharias in ea epistola quam præmittit Benedictus, & confirmat ea gesta erant in Synodo juxta ejus commonitionem adgregatâ, præsentibus S. Bonifacio Legato Apostolico, & Principibus Pipino, & Carlomanno; & Francos hortatur, ut singulis annis ad Concilium conveniant. *Ad Synodum namque omni anno convenire ad petra tractandum de unitate Eccle-*

Ecclesia, ut siquid adversi acciderit, radicibus amputetur, & Dei Ecclesia maneat inconcussa. Nec dicas verba illa monitionem continere, non potest item conferre. Satis enim constat ex Epistolis Bonifacii ad Zachariam, & Zachariæ ad Bonifacium, Principes Pipinum, & Carlomannum non antè convocasse Synodum, quàm petita, & obrenta fuisset S. Sedis facultas, & in hac ipsa epistola plura sunt, quæ autoritatè Romani Potificis significant, qualia sunt ista; Dum Synodus adgregata esset in Provincia vestra Iuxta nostram commonitionem, mediantibus filiis nostris, Pippina & Carlomanno Principibus vestris, peragente etiam vice nostra Metropolitano Bonifacio, &c. Obsecramus enim omnes vos coram Deo, ut ejus (Bonifacii) commonitionibus firmiter obediat, &c. Si ei in omnibus obdient, &c.

5. Non errasset Baronius *contra manifesta, & aperta Benedicli verba*, etiamsi ex ejus testimonio conclusisset, generatim omnia Capitularia Regum Franciæ à sancta Sede fuisse confirmata; cum è contrà ex hac Zachariæ epistola planum fiat prima Capitula (religiosa enim sunt istis temporibus posteriora) fuisse expressè approbata, alia verò saltem tacitè; cum verisimile sit, quod primò factum est, fuisse regulam sequentium. David Blondellus expressam fuisse omnium confirmationem judicavit. Sed ejum sibi confutandum existimavit Baluzius §. 13 conjecturis summi Pontificis autoritati faventibus repugnans, quibus cesserat Minister Calvinianus, adeoque sanctæ Sedis inimicus, quasque Baluzius nullo efficaci argumento impugnât, ne possit reponere corrigendum fuisse errorem certum, quantumvis in homine illo hæretico utilis videretur.

6. Verùm, ut diximus, præcipua intentio Baronii fuit, ostendere leges Ecclesiasticas à Principibus Francorum sine autoritate Ecclesiæ, ac præcipuè sanctæ Sedis non fuisse conditas, idque variis argumentis probat ad supradictum annum 819. possètque adhuc aliis confirmari. Nec valet argumentum negativum ex eo sumptum, quod in omnibus Capitularibus non fiat ejus autoritatis mentio. Licet enim solius Principis nomen aliquando præferant, quia non ità subtiliter omnia distinguebantur post horrendam Ecclesiæ Gallicanæ confusionem: tamen ipsa negotiorum conditio, & utriusque pote-

statu distinctio suadent intervenisse in negotiis Ecclesiasticis Ecclesiasticam jurisdictionem.

7. Sed ne id gratis dictum objicerent Politici, extant luculentæ ejus assertionis vestigia. Prima duo Concilia in Gallia congregata sub Principibus secundæ Dynastiæ, ac post luquo sam illam Ecclesiæ Gallicanæ calamitatem, quam Zachariæ exponit Bonifacius in epistola, quæ cum responsione refertur ante illa Concilia à Sirmondo, & à Labbeo, fuerunt Liptinense an. 743. atque Sueffionense an. 744. Liptinense congregatum fuit, postquam Zacharias Bonifacio respondit; *De eo autem, quod nobis intimasti, quod te Carlomannus filius noster ad serogavit accedere, ut in urbe Regni Francorum in sua ditione, sive potestate constituta, Synodum celebrare debeas, eo quod omnis Ecclesiastica regula, sive disciplina ab eadem Provincia funditus est abolita, quod nimis mærendum est, quod per spatia temporum ibidem Synodus Sacerdotum minime celebrata sit, & hoc libenter concedimus & hoc fieri precipimus*, Nota in his ultimis verbis, *hoc fieri precipimus*, non nudum assensum à Romano Pontifice præstitum, sed auctoritatem interpositam. In præfatione ejus Concilii loquitur Carlomannus, quasi ipse præcipuus esset Legislator, Episcopi autem ejus Consiliarii. *In nomine Domini nostri Jesu Christi. Ego Carlomannus Dux, & Princeps Francorum anno ab incarnatione Domini 743. videlicet Kalendis Maii cum consilio servorum Dei, & Optimatum meorum Episcopos, qui in Regno meo sunt, cum Presbyteris ad Concilium, & Synodum pro timore Christi congregavi . . . ut mihi consilium dedissent, quomodo lex Dei, & Ecclesiastica Religio recuperetur, que in diebus præteritorum Principum corrui. Et Can. 1. Itaque per consilium Sacerdotum, Religiosorum, & Optimatum meorum ordinavimus per Civitates Episcopos, &c.* Ità Carlomannus de Concilio Germanico, quod Liptinense præcesserat, quodque à Liptinensi receptum est, eademque dicendi formâ utitur in Canonibus Liptinensibus; *statuimus, precipimus, decrevimus*. Verumtamen Carlomannus non suâ præcise auctoritate id fecisse probat Epist. 105. prædicti S. Bonifacii, cujus fragmentum refert Sirmondus tom. 1. Concil. Gall. pag. 583. cum hoc titulo; *De Canonibus & Statutis Synodi à Bonifacio jussu Pontificis Romani, & rogatu Principum Francorum, & Gallo-rum celebrata*. Sic autem Bonifacius Cudbertum alloquitur; *quia putamus vos libentius scire velle, quam nescire, quæ hic Sacerdotes nobiscum*

nobiscum servanda decreverunt, vobis emendanda, & corrigenda, destinamus. Decrevimus autem in nostro Synodali conventu. & confessimus fidem Catholicam, & unitatem, & subjectionem Romanæ Ecclesiæ, sine tenus vita nostra, velle servare. S. Petro & Vicario ejus velle subijci: Synodum per omnes annos congregare, Metropolitano palli ab illa sede querere, & per omnia, præcepta Petri canonice sequi desiderare, ut inter oves sibi commendatas numeremur, & isti confessioni universi consensimus, & subscripsimus, & ad corpus sancti Petri Principi Apostolorum direximus quod gratulando Clerus & Pontifex Romanus suscepit. statumus, &c. decrevimus, ex quibus, & aliis verbis liquet præv. sic auctoritatem Ecclesiæ Carlomanno illa Capitula edenti.

8. Id adhuc clariùs patet in Concilio Sueffionensi. Nam licet in præfatione Pippinus ita loquatur. *Ego Pippinus Dux, & Princeps Francorum. Dum pluribus non habetur incognitam, qualiter nos in Dei nomine una cum consensu Episcoporum, siue Sacerdotum, vel servorum Dei consilio, siue Comitum, & Optimatum Francorum, Colloquiis apud Sueffionis Civitatum Synodum, vel Concilium facere decrevimus, quod ita in Dei nomine, & fecimus. Primò inprimis constituimus fidem Catholicam, &c.* Ubi videtur similiter Pippinus statuere, Episcopi autem tantum consulere: tamen conclusio, siue Canon ultimus sic habet: *Si quis contra hoc Decretum, quod viginti tres Episcopi, cum aliis Sacerdotibus, vel servis Dei una cum consensu Principis Pippini, vel Optimatum Francorum consilio constituerunt, transgredi, vel legem irrumperere voluerit, vel despexerit, iudicandus sit ab ipso Principe, vel Episcopis, vel Comitibus; ubi Canonum constitutio Episcopis, consensus autem Principi tribuitur.*

9. Observa in his exemplis, quàm parùm fuerint sollicitæ olim potestates de discernendis limitibus, & distinguendis officiis suis: cum aliquid alteri tribuatur, quod aliundè constat ab altera præstitum, aut communi consensu peractum; ut vix ex loquendi formulis argumentari liceat, ad statuenda cujusque potestatis jura, sed assumenda sint certiora principia. Unde intelliges non rectè Gallos ad statuendam Regum suorum potestatem in res Ecclesiasticas omisâ discussione Juris ad exempla recurrere, in quibus non ita relucet Ecclesiasticæ jurisdictionis exercitium. Cum enim illam in aliis exemplis, in quibus sola videbatur dominari potestas laica, robur suum obtinuisse manifestè conspicia-

spiciamus, cur eam à reliquis exclusam censebimus, in quibus non ita luculenter apparet? Cur non existimabimus, in sequentibus Synodis eundem, qui in Suessionensi, ordinem fuisse servatum, atque adeò *Episcopos constituisse, Principes consensisse*, etiam soli Principes decrevisse videantur; quod fortè in ista factum contenderent Galli, ob præfationem, nisi conclusionem revincerentur: Cùm Liptinenſis, quæ omnium sub secunda Dynastia celebratarum prima est, nonnisi post consensum, imò & præceptum Romani Pontificis congregata sit; cùm & Liptinenſis, & Suessionenſis, sicut Germanicæ præfederit S. Bonifacius Sedis Apostolicæ Legatus: cùm Zacharius Francis scripserit, ut ad Synodum singulis annis convenirent, & ea, quæ jam ab ipsis decreta erant, probaverit; cur ejus autoritas arcebitur à reliquis Conciliis, in quibus Capitularia edita, vel à quibus desumpta sunt? Trium quidem librorum capitula, quæ collegit Benedictus, fuisse autoritate sanctæ Sedis maximâ ex parte collecta, ipsi summe testatum jam supra vidimus. Non desunt argumenta generalia, quæ suadeant non abfuisse à reliquis auctoritatem Apostolicam.

10. Ejusmodi sunt, quæ profert Baronius ad annum 770. ex lib. 6. Capitular cap. 187. *Autoritas Ecclesiastica, atque Canonica docet, non debere absque sententia Romani Pontificis Concilia celebrari.* Undè inferit Illustrissimus Cardinalis, Francorum Reges hanc legem secutos. Eundem à sancta Sede præstitum Capitularibus consensum colligit ad annum 801. & ad annum 819. ex accurata obedientia, quam Carolus Magnus, & Ludovicus Pius sanctæ Sedi præstare volebant. *Ita unanimis*, inquit Ludovicus pius, ut recitat Benedictus Capitular. lib. 6. cap. 267. *Divinis. & Apostolicis constitutionibus servatis, ut in nullo patiamini præ Canonum Decreta violari. Ut nulli fas sit sine suo status periculo, vel Divinas constitutiones, vel Apostolicæ Sedis Decreta temerare.* Ut igitur Francorum Reges, qui leges Ecclesiasticas, sive Capitularia ad restaurandam disciplinam Ecclesiæ, et eam condidèrunt, non suâ præcisè auctoritate, id fecisse sentiamus; sufficit, ut sciamus per *Apostolicæ Sedis Decreta*, quæ temerare non licet, vetitum esse secularibus de rebus Ecclesiasticis propriâ auctoritate decernere. Sic enim decernitur in Concilio IV. Romano sub Symmacho Papa; *Laicis, quæ amoris Religiosis, nulla de Ecclesiasticis facultatibus aliquid disponendi legitur nunquam attributa facultas.* Refertur dist. 96. Ca.

Be-

Bene quidem, & in Capitular. Regum Franc. lib. 5. c. 403. ubi Baluzius ipse multos alios Scriptores citat illud referentes, ac speciatim Concilium Trosleianum cap. 3. in quo, ut dicemus, Capitularia vocat Canonum Pedissequa.

11. Præterea cur Adrianus Primus Codicem Canonum, & Decretalium Summorum Pontificum Carolo Magno Romæ dederat, nisi ut eorum executionem procuraret, quod indicat ultimus versus epistolæ illi Codici præfixæ; *A lege nunquam discede, hæc observans statuta?* Quæ Principes, & Reges Franciæ agebant, non solum annuentibus, sed etiam hortantibus, atque rogantibus Pontificibus, atque adeo necessariam potestatem concedentibus, præstabant. Quamobrem, si quod occorrebat dubium, consulebant sanctam Sedem, non solum circa fidem, sed etiam circa disciplinam, non illud suâ præcisè autoritate declarabant. Exempla multa sunt, ut Pipini in epist. 7. Zachariæ Caroli Magni, & Ludovici Pii in Capitular. lib. 6. capp. 96. & 267. lib. 7. cap. 91. 104. 187. 225. 267. Addit. 4. lib. 7. cap. 12.

12. Ego certè, cum lego Christianissimos illos Principes & Sanctæ Sedis, & Gallicanorum Episcoporum licentiam petiisse, in rebus, in quibus hodie Reges illam postulare dedignarentur, ægrè possum modernis Scriptoribus Gallicis assentiri, assentibus illos *leges Ecclesiasticas*, sive Capitularia ad restaurandam disciplinam Ecclesiasticam condidisse suâ præcisè autoritate. Quis v. g. hoc sentiat de Carolô Magno, de quo istud legitur in Concilio Fracofordienti anno 794. habito, cap. 55. *Dixit etiam Dominus Rex in eadem Synodo se à Sede Apostolica, id est ab Adriano Pontifice licentiam habuisse, ut Angilramum Archiepiscopum in suo Palatio assidue haberet propter utilitates Ecclesiasticas. Deprecatus est eandem Synodum, ut eo modo, sicut Angilramum habuerat, ita etiam Hildebaldum Episcopum habere debuisset; quia & de eodem, sicut & de Angilramo, Apostolicam licentiam habeat. Omnis Synodus consensit, & placuit eis cum in Palatio esse debere propter utilitates Ecclesiasticas.*

CAPUT XII.

De Capitularibus Regum Francorum primæ Dynastia.

1. **I**Tà certum est Principes Francorum secundæ Dynastiæ cum assensu Ecclesiæ Capitularia circa res Ecclesiasticas edidisse, ut fortè non defuturi sint, qui ad defendendam illam Baluzii sententiam, scilicet, editionem Capitulorum Regibus jure proprio, non ex concessione, aut consensu Ecclesiæ, competere, reponant Pipinum & Carlomanum idè plurimum Ecclesiæ detulisse; quia cum sibi confecti essent usurpati Principatibus, sanguinis, ac successione jure sibi non debiti, è re illorum erat summos Pontifices, & Episcopos quorum maxima erat apud religiosum Populum autoritas, demereri, atque illorum ope Dignitatem sibi asserere: Pippini autem filium, & Nepotem, ejus agendi rationem imitatos; cumque pii essent, in conservando jure Regio non ita caute, ac subtiliter erga Ecclesiam se habuisse. Quamobrem non sunt omnino prætermittenda Regum primæ Dynastiæ Capitularia; ut sciamus quomodo illi se gesserint in negotiis Ecclesiasticis, atque quomodo agendum senserint. Nec enim quod æquum quisque novit, id semper sequitur.

2. In Capitularibus Regum Francorum à Stephano Baluzio collectis primum locum occupat Constitutio Childeberti Regis, data circa annum 554. In ejus principio declarat, quæ sint Principis partes in negotiis spiritualibus; scilicet, ut eorum autoritate compellantur rebelles ad obsequendum Divinis & Ecclesiasticis præceptis, dum Sacerdotum potestas eam obedientiam obtinere non valet. *Et quia, inquit, necesse est ut plebs, quæ Sacerdotum præcepta non ita oportet custodit, nostro etiam corrigatur Imperio: & prohibitis quibusdam sacris legibus concludit; Quicumque post admonitionem Sacerdotum, vel nostrum præceptum sacrilegia ista perpetrare presumpserit, si servilis persona est, centum ictibus flagellorum ut suscipiat jubemus, &c.*

3. Sequitur Constitutio Clotarii Regis data circa annum 566. cujus articulus sextus Judices seculares in officio suo delinquentes
Episco-

Episcoporum correctioni subjicit : *cum hodie vice versâ Judices seculares, prætextu abusus, Episcoporum, aliorumque Judicium Ecclesiasticorum sententias reforment; imò & summi Pontificis Decreta effectum sortiri non patiantur in rebus etiam spiritualibus; & Index, inquit Clotharius, aliquem contra legem injustè damnaverit in nostri absentia, ab Episcopo castigetur; ut quod perperè judicavit, versatim melius discussione habitâ emendare procurret.* Hanc quidem facultatem Episcopis non concedit, nisi absente Rege, ad quem sine dubio pertinet propriorum Officialium censure, sed quâ possunt æquitate Scriptores Gallicani, Pastoribus Ecclesiasticis denegare potestatem efficiendi, ut Judices seculares, dum apertè suâ jurisdictione abutuntur, præsertim in præjudicium Ecclesiæ, peccatum emendant; permittere verò Judicibus secularibus, ut statim atque aliquis de Episcoporum judicio conqueritur, prætermisso Metropolitano, aliisque Hierarchia Ecclesiastica superioribus, querelam admittant; & si quem putent re verâ intercessisse defectum, eos multis pecuniariis plectant.

At, inquires, conditio Clothariæ constitutionis locum hodie non habet. Nunquam enim deest Rex, vel ejus consilium castigandis Judicibus contra legem injustè damnantibus, adeoque Prælatorum curâ nihil est opus. Faxit Deus, ut ita se res habeat; sed cur similiter Ecclesiasticorum Officialium emendatio legitimis eorum superioribus non relinquitur. Quia (respondebis) Superiores Ecclesiastici emendationem vel negligunt, vel recusant. Si ita esset, admonendi tantum essent sui officii; sed magis certè metuendum est, ne secularibus non tam propositum sit, negligentiam, vel malitiam Judicum Ecclesiasticorum supplere aut emendare, quàm ad se illorum trahere jurisdictionem.

5. In eadem constitutione alii sunt articuli pro conservandis Ecclesiæ juribus. Sed notatu dignus est duodecimus, qui est hujusmodi; *Quacumque Ecclesiæ, vel Clericis, aut quibuscunque personis à gloriosa memoriæ præfatis Principibus munificentia largitate contata sunt, omni firmitate perdurant.* Ex quibus constat aliam fuisse olim Regibus Christianissimis mentem, à recensitum Aulicorum sententia, qui, cum jus Regaliæ nullâ solidâ ratione possent in omnes Gallicanas Provincias extendere.

ed confugerunt, ut vellent retractari donationes, aut veriùs restitutiones libertatis, olim Ecclesiis quibusdam à Principibus factas.

6. Refertur tertio loco præceptio Regis Guntrami an. 585. in qua Rex Episcopos monet, ut propriis Gregibus invigilent. Sed ab illorum officio suum luculentissimè distinguit, statuens, ut Judices seculares opem Episcopis ferant: & si qui deliquisse comperti fuerint, à propriis Judicibus, scilicet, Clerici secundum Canones, Laici secundum leges, emendentur. *Et licet, inquit, absque nostra admonitione ad vos specialiter predicandi causa pertineat, attamen, &c.* Deinde, *sed vos Apostolici Pontifices jungentes vobiscum consacerdotes vestros, & filios senioris Ecclesie, ac Judices locorum, quoscumque agnoscitis, quos vite qualitas honesta commendat, ita universam Populi multitudinem, constanti, vel Deo placita predicatione corrigite, ut & bene viventis mysticus adhortationis sermo mulceat, & excedentes ad viam recti itineris correctio Pastoralis adducat.* Et post pauca; *Quicumque Sacerdotum, aut Sacularium intentione mortiferà perdurantes crebrius admoniti, emendare neglexerint, alios canonica severitas corrigit, alios legalis pœna percellat.*

7. Illustrissimus Dominus Petrus de Marca lib. 6. cap. 22. §. 7. Reges Conciliorum Canones examinare, atque temperare posse contendens (quod tamen minus est, quàm Leges Ecclesiasticas suâ præcisè auctoritate condere.) primum petit exemplum ab Edicto Clotharii II. Concilium Parisiense V. an. 615. confirmantis, & varios illius Canones modificantis. Sed Clotharius II. in Edicto illo profiteatur, se cum Episcopis, quæ præcipiebat, constituiisse. *Quicumque, inquit, hanc deliberationem, quam cum Pontificibus, vel tam magnis viris optimatibus aut fidelibus nostris in synodali Concilio institimus, temerare presumpserit, in ipsum capitalem sententiâ judicetur, qualiter alii non debeant similia perpetrare:* ex quibus verbis aperte colligitur Regem illum juxta mentem Episcoporum, ac cum illorum consensu Canones interpretatum esse, aut, si mavis, temperasse.

8. Sed & Lupus Abbas Ferratiensis in illa epist. 81. cujus occasione Baluzius Cardinalem Baronium immentè arguit, quæque scripta est ad Amulum Archiepiscopum Eugdunensem Guenilonis, & Gherardi nomine, quæ essent Sacerdotum, quæ verò Regis partes optimè distinxit. *Præcepit itaque* (inquit loquens de Rege Carolo Calvo) *ne*

ejus vobis sermonibus diceremus, se fideliter tenere, quod Rex Regam, idemque Sacerdos Sacerdotum, qui solus posuit Ecclesiam regere, quam redemit postquam humanitatem suam in Caelum exivit, semper cum suis futurus divinitate, potestatem suam ad eandem gubernandam Ecclesiam inter Sacerdotes divisit, & Reges, ut quod Sancti docerent Pontifices, & ipsi implerent, & impleri facerent devotissimi Reges. Ecce Principum secularium officium; ut quod Sancti docerent Pontifices, & ipsi implerent, & impleri facerent devotissimi Reges. Pontificum igitur est regulas Ecclesiasticas condere; Regum autem eas exequi, & ut subditi exequantur efficere, quod praestant, & libentius, cum de illorum assensu constituta sunt & efficacius, cum praeceptis, & censuris Ecclesiasticis poenas temporales adiungunt.

9. Ex his igitur, quae à pluribus Franciae Regibus gesta rectè videntur, (sunt enim à nonnullis multa iniquè facta) certò inferre videntur, Christianissimos erga Ecclesiam, & Ecclesiasticam disciplinam fuisse optimè affectos, restaurandae canonicae politicae, ac promovendae religionis studiosissimos; ideoque diligentissimam, & constantissimam operam dedisse, ut Concilia, quae adversus omnia Religio- nis, morum, ac disciplinae vulnera, remedia sunt efficacissima, frequentissimè celebrarentur; eorumque Canones, adjectis poenis temporalibus, exequendos curasse. Ceterum, si ex singulis, quae tunc fiebant, argumentari liceat ad adstruendam Principum secularium in res Ecclesiasticas auctoritatem, poterunt etiam inde argumenta duci ad vindicandam Ecclesiae potestatem, non solum in bona, & jura temporalia Regni, sed etiam in Coronam ipsam Regiam; concludendumque penes Ecclesiam esse, Reges destituere, ac restituere; quia Ludovicus Pius Autoribus Episcopis depositus fuit ab imperio, & Regno, ac postmodum restitutus; denique Regnum secundum voluntatem Episcoporum erit administrandum, nam cum recessisset Lotharius Ludovici Pii Filius, Ludovicus & Carolus ejus Fratres ditionem sibi sine assensu Episcoporum non vindicarunt, ut narrat Nithardus Caroli Magni Nepos ex filia hist. lib. 4. init. quae extat tom. 2. Andreae Duchelne: *Et primum quidem visum est, ut rem ad Episcopos, Sacerdotesque, quorum aderat pars maxima, conferrent. Sed non consenserunt Episcopi, nisi prius certi facti, rectum fore*

illorum regimen. Polliciti sunt autem Principes se omnia secundum voluntatem Episcoporum facturos, quos, ut eam curam assumerent, obreftati sunt; *Respondentibus autem in quantum nosse ac posse Deus illis concederet, secundum suam voluntatem se & suos gubernare & regere velle, ajunt; & auctoritate Divinâ, ut illud suscipiatis, & secundum Dei voluntatem illud regatis monemus, hortamur, atque precipimus.* Non minus legitime argumentaretur, qui ex hac historia concluderet, secundum voluntatem Episcoporum Reges, & Populos ei subditos, esse gubernandos; quàm Aulicidum ex quibusdam antiquorum Regum factis aut verbis æquivocis inferunt, Principes suâ præcisè auctoritate posse leges Ecclesiasticas condere. Initio secundæ Dynastiæ tanta erit circa Regni negotia Episcoporum facultas, ut, si ex illius temporis exemplis judicandum sit, plus Ecclesia in Regnum habitura sit auctoritatis; quàm Regibus in Ecclesiam tribuatur: ut norunt Periti historiæ illius Nationis. Verùm mutuum utriusque potestatis consensionem in bonum Regni, & Ecclesiæ imitari præstaret, quàm hinc aut illinc Regum, aut Episcoporum exempla trahere ad confirmandam alterutrius in alterius jura invasionem.

10. Longè aliter quàm Baluzius de Capitularibus Regum Francorum sentiebant an 909. Patres Concilii Trosleiani, licet Galli. Hi renim cap. 3. non dubitarunt Capitularia, *Canonum pedisseque* vocare, quia scilicet Canones tantum secuta fuerant, & in eorum executionem edita.

CAPUT XIII.

Libertates Ecclesiæ Gallicanæ in aliis sensibus acceptæ.

1. Libertates Ecclesiæ Gallicanæ à variis variè accipi pro cuiusque commodo, aut studio, neminem latet eorum quires in Gallia gestas rescire satagunt. Principio quidem omnes Ordines exactam Canonum antiquorum observantiam obtendebant: sed quia longius ab ea recedebant pluriima, quæ à Laicis, plurima etiam, quæ ab Ecclesiasticis viris usurpabantur, detorquenda fuit
nuncu-

nuncupatio illa à primaria sua significatione, ad aliàs admodum diversas, aut etiam contrarias.

1. Exeunte postremo sæculo Petrus Pithæus Bibliothecæ Regiæ Præfectus libellum suum de libertatibus Ecclesiæ Gallicanæ scripsit, in quo duo principia constituit, quorum alterum Regiam jurisdictionem in Ecclesiam amplificat, alterum summi Pontificis in Galliam potestatem constringit; atque ex duobus illis fontibus quamplurima capita derivat. Opus illud, cum privati esset hominis, nullius erat autoritatis; imò nec totius Galliæ sententiam exponere censebatur. Quia ei potius Clerus refragari se multifariam significavit. Attamen quia nihil est, quod alicui aliquando non videatur commodum, incipit Tractatus ille per articulos citari; quasi antiqui illius Codicis Canones, in quibus observandis sita dicebatur libertas Ecclesiæ tum universæ, tum Gallicanæ, continentis loco successisset, ejusque interpretatio è commentario, seu à Glossa communiter recepta peti.

3. In lite nuper à Senatu Parisiensi definita inter Illustrissimum Episcopum Cadurcensem, & nobilissimum Comitem de Marsano circa pensionem prædicto Comiti super fructibus præfati Episcopatus assignatam, instabat Reverendissimus Episcopus observandos Canones, quibus adversari videbatur pensio, præsertim in favorem Bigami constituta; atque ita primariæ libertatum suarum definitioni inherere videbatur. Nobilissimus Comes negabat esse veram, & sinceram libertatem Gallicanarum naturam; suumque intentum probabat plurimis exemplis Episcoporum, atque aliorum Ecclesiasticorum virorum super Canonibus secum dispensari postulantium, v.g. ad denigrandum ab una Sede ad aliam, ad plura simul Beneficia obtinenda, ad Beneficia Regularia in Commendam recipienda, contra regulam Regularia Regularibus, &c. Reponebant Actores Cleri Gallicani Domino Episcopo Cadurcensi sese adjungentes: quasdam quidem ex illis dispensationibus à Conciliis generalibus fuisse approbatas; alias autem puta Beneficiorum commendas ab usu, & à Conciliis Provincialibus esse confirmatas, quasi usus Galliæ & Conciliorum Provincialium sententia idem essent, ac Canones Conciliorum generalium, quibus

quibus contineri dicebantur prædictæ libertates, ut observare licuit in actis typis editis; hucque perlatis.

4. Omnes autem libellum Pithæi, dum sibi favere putabant, quasi Codicem Canonum libertatum suarum allegabant; ut rursus videas speciosum illud nomen, quod primum ad significandam defensionem adversus injurias Conciliorum generalium Canonibus contrarias inductum videbatur, hodiè multipliciter equivocum evasisse, ac variè à variis, prout commodum videtur, usurpari, quod plurimis aliis exemplis posset confirmari.

5. Sed quod vehementer descendum est, nulli sapiùs usui deservit, quàm ut Ecclesia potestatibus sæcularibus subijciatur, ac ejus jurisdictio ad sæculares Judices trahatur. Id sæpissimè sensit Clerus Gallicanus, saltem circa suam, ut testantur ejus acta, & monimenta, quorum nonnulla sunt à nobis citata. Itaque experitur Ecclesiasticus Ordo quàm sibi noxium fuerit potestatem sæcularem adversus Pontificiam implorasse. Utinam antiquam erga sanctam Sedem observantiam resumens, debitam sibi à Laicis ipse recuperare mereatur.



LIBER DUODECIMUS

De Appellationibus tanquam ab abusu.

I.



Nter omnes Libertatum Ecclesiæ Gallicanæ articulos plurimum eminet, & ad defendendos alios excogitata est appellatio tanquam ab abusu; qui modus hodie omnium frequentissimus est usurpandæ, aut ligandæ Jurisdictionis spiritualis sub prætextu libertatis. Edmundus Richerius in suo Tractatu *De Ecclesiastica & Politica potestate* num. 13. asserit, quod *hæc ratio procedendi Gallorum, præbuit originem Ecclesiæ Gallicanæ libertatibus ut eas vulgò vocant.*

II. Carolus autem Fevret, qui Tractatum integrum novem in libros distinctum eo de argumento conscripsit, lib. 3. cap. 1. num. 1. tradit huiusmodi appellationem esse libertatis Ecclesiæ Gallicanæ partem. Non minoris interest Cleri Gallicani, quàm Sanctæ Sedis, ut plenè confutetur infesta Ecclesiæ Jurisdictioni doctrina, quæ in eo Tractatu continetur. Quamobrem ampliorem, & accuratiorem eius confutationem Gallis, Jurisdictionis Ecclesiasticæ

CCCC

non

754 TRACTATUS DE LIBERTATIBUS,
non negligentibus, & Cleri iurium, pariter atque
usuum contrariorum benè consciis, dimittentes:
Scriptorem illum per singulos articulos non insequemur: sed argumenta, quibus appellationes illas
propugnat, discutiemus, quantum latius, ut pateat
librum esse perniciosissimum; atque ita neminem,
nisi volentem fallat. Huc etiam propter materiæ
connexitatem referemus tria ultima capita lib. 4. D.
Petri de Marca, in quibus de appellationibus ab abusu disputat.

CAPUT PRIMUM.

Quid sit appellatio ab abusu, & quæ illius origo.

1. **A**ppellatio definitur à Jurisconsultis; *A minore Indice ad majorem, ratione gravaminis, facta provocatio.* Abusus autem est *perversus alicujus rei usus*, seu usus minus bonus, ad quem res destinata non fuerat. Itaque, si justa, & legitima sit appellatio, nunquam interponetur, nisi ab aliquo abusu. Si enim Judex inferior rectè judicat, partibus gravamen non infert, atque aded appellationi locum non præbet; si alterutri facit injuriam, abutitur suâ potestate, quæ circa justitiam dispensandam versatur. Sed à generali significatione ad particularem vox accommodata fuit in Gallia.

2. Illic enim appellatio ab abusu definitur in hunc modum; *A Indice Ecclesiastico suâ potestate abutente ad Indicem secularem provocatio*: quam definitionem sic explicat D. Petrus de Marca lib. 4. cap. 19. §. 4. *Et si abusus significatio quamcumque Ministerii spiritualis aberrationem complectatur, sive in negotiis Ecclesiasticis, seu in temporalibus versetur, ut patet ex testimoniis jam relatis: attamen formula appellationum ab abusu specialiter accommodata est à Pragmaticis antiquis querela illi, quæ à Clericis adversus vim Indicium Ecclesiasticorum ad Magistratus Regios deferretur, sive de Rescriptis*
Roma

Romana Curia conquerantur, sive de judiciis Episcoporum. Mutilam tamen esse hanc definitionem ad solius Judicis Ecclesiastici abusus restrictam videbimus §. 7. capitis sequentis.

3. Nomine appellationis abuti videntur sic nuncupantes provocationem à Judice Ecclesiastico ad sæcularem, cum nulla sit inter eos subordinatio, sed sint omnino distinctæ potestates, Ecclesiastica & sæcularis, & habeat utraque suos gradus, à gradibus alterius omnino distinctos; ut ab aliquibus, quamvis non omnimoda sit paritas, comparentur, quod jam alibi notavimus, duabus lineis Parallelis, quæ quantumvis progrediantur, nunquam sese contingent, aut conjungentur: cum igitur Judex Ecclesiasticus in rebus spiritualibus Judici laico suppositus non sit, ab illo ad istum tanquam à minori ad majorem, provocari non potest; sed à Judice Ecclesiastico inferiori, ad Ecclesiasticum superiorem, & ab isto rursus ad altiorem, donec deveniatur ad summum. „ Si quid, ait Carolus Ferrētus lib. 9. cap. 3. num. 15. in praxim, usum ac vocem ipsam abusus Curia Romanæ, ac Curiarum Ecclesiasticarum Regni odium commovit, id fuit nomen appellationis. Nunquam enim Clerus molestè tulit notorium, & manifestum abusum reparari. At vox appellationis, quæ usurpata fuit, ut ad illam reparationem procederetur, intollerabilis visa est. Non enim concoqui potuit, ut à judiciis Ecclesiasticis, & à Rescriptorum, & Decretorum Summi Pontificis executione appellaretur, ac postea hujusmodi appellationes in Curiiis sæcularibus judicarentur, &c.

4. Quamobrem fatentur Galli non dici simpliciter appellationem illam, quæ ab Ecclesiastico Judice ad sæcularem moveatur. *Simplicem enim, & meram appellationem*, inquit Illustrissimus Petrus de Marca lib. 4. cap. 19. num. 5. *Ad Curiam Regiam nunquam in Gallia admissam fuisse fatentur Petrus de Cuneris art. 14. Masuevius tit. de appell. §. 22. & Ioannes Gallus quest. 161.* Verum cum illo additamento, *ab abusu*, propriè, ac iustè appellationes dici posse arbitrantur, quasi vox magis odiosa rei ab altera voce significatæ odium minuere possit, aut verba mitiora veram injuriam abstergere.

5. De origine hujusmodi appellationum non consentiunt, qui de illis disputaverunt. Appellatio quidem antiquissimum est contra iniquitatem Judicum inferiorum remedium. Quovis tempore ex quo Christia-

na pietas defervescere cœpit, inventi sunt nonnulli Judices Ecclesiastici, qui datâ sibi autoritate abuterentur: non defuerunt Principes, & Magistratus sæculares, qui de illo abusu conquererentur. (Justane, an injusta esset querela, vel quod apponebatur remedium postea expendemus) Verùm appellationes ab abusu sub eo saltem nomine non ita sunt antiquæ.

6. Carolus Fevret lib. 1. cap. 2. num. 2. antiquiorem appellationem refert ad annum 1404. allegans Placitum, seu Arrestum Senatus Parisiensis eo tempore datum, pro quo citat tom. 2. Libertatum Ecclesiæ Gallicanæ cap. 7. num. 27. sed quid Placitum illud contineret ignoratur, cùm nec à Fevreto, nec ab Autore tomi de libertatibus referatur, sed tantùm citetur. Allegatur item ab utroque aliud Placitum anni 1449. Verùm in isto refertur tantùm Procuratorem Regium dixisse, posse appellari à jurisdictione Ecclesiastica ad sæcularem, quasi ab abusu, ac per viam prohibitionis, & nullitatis, ex eo quod Rex Deum tantùm superiorem agnoscat: Ecclesiastici verò jurisdictionem temporalem non nisi à Rege habeant, qui de ea, si abusus intercesserit, potest cognoscere: ex quo patet ibi agi de Judicibus Domini temporalis Ecclesiæ, à quibus ad Judices Regios appellatur; sed hoc ad causas profanas, non autem ad spirituales spectat.

7. In defensione Reginæ Navarræ Pio IV. ex parte Caroli IX. Regis Franciæ missâ anno 1564. earum appellationum usus circa ea tempora incepisse dicitur, cùm Cardinalis Julianus à Baluz Legatus à Latere ad Carolum VIII. etiam Regem Franciæ missus fuisset à Sixto IV. an. 1439. „Eo tempore usurpari cœperunt appellationes tan-
„ quam ab abusu, quas emittendas ad Senatum placuit, ab executio-
„ ne omnium Rescriptorum Curie Romanæ contrariorum sanctis:
„ Decretis, Libertatibus, & immunitatibus Ecclesiæ Gallicanæ, qua-
„ rumque usus plurimùm viguit, propter optima, quæ inde conse-
„ cura sunt commoda; „ ut scilicet hujusmodi abusus à Senatibus:
„ autoritate Regiæ revocarentur. Libertat. Eccles. Gallican. tom. 1. pag. 96.

8. Citatur à Renato Chopino de sacra politia lib. 2. tit. 4. prom-
vocatio Procuratoris Regii à quibusdam monitionibus Innocentii
VIII.

VIII. contra Flandros : sed hæc provocatio dirigitur ad *Papam modernum melius informandum, & sanctam Sedem Apostolicam*. Addit quidem : *sem ad eum, vel eos, ad quos jure provocare potest, vel debet*. Sed iis verbis non designabantur appellationes ab abusu, cum in jure fundamentum non habeant.

9. Inter acta Cleri Gallicani, scilicet tom. 1. tit. 2. cap. 19. ult. edit. continetur Eruditissimus, & solidissimus Tractatus de jurisdictione Ecclesiastica, in quo appellationum ab abusu origo, pragmatica sanctione recentior demonstratur, & ejus esse quasi partus abortivus ; notaturque Egidium le Maître Protopræsidentem in Senatu Parisiensi in collectione appellationum ab abusu nullam anno 1533. antiquiorem retulisse ; Lucium item in libro 2. placitorum summæ Curie in titulo appellationum, quæ à veluti abusu nuncupantur, nullam habere, nisi ab anno 1537. quamvis inter etiam litteras appellationis ab executione Rescripti Pontifici anno 1491.

10. Non potest certè usûs ille admodum antiquus esse, quando quidem Stephanus Aufserius Præses in Senatu Tolosano sub initium sæculi proxime elapsi in addition. ad repet. Clement. 1. de offi. ordinar. reg. 2. num. 10. mirabitur, quid possent legitimæ haberi appellationes ; *De quibus*, inquit, *sepenumero dubitavi, ubi fundari poterant in jure ; sed & tunc Judices de illis judicium ferre verebantur*. Subjungit enim idem Aufserius ; *Nunquam tamen audi vi, neque vidi, nisi semel, quod super meritis hujusmodi causarum appellatio num fuerit pronuntiata ; si dumtaxat vel appellationes annullari, aut quod appellantes non erant ut appellantes recipiendi, quia à Indico spirituali non est ad secularem appellandum.* „ Non debemus, inquit, etiam Stephanus Pasquierius lib. 3. inquisitionum suarum cap. 38. „ æstimare remedium illud appellationis (tanquam ab abusu) aut „ tempore Philippi Valesii, (qui obiit an. 1350.) aut 140. vel 160. „ annis postea inductum fuisse. Nulla enim sit ejusmodi appellatio- „ num mentio, neque in regestis Curie, neque inter Senatus Con- „ sulta à Joanne Gallo Procuratore Regio. tempore Caroli VI. (qui „ obiit anno 1422.) collectæ, neque inter decisiones Capellæ To- „ losanæ ab Aufserio Præsidente in Senatu Tolosano digestas, neque „ inter decisiones Senatus Delphinalis à Guidone Papa editas.

CCCC 3

M. An-

11. Antiquior appellatio tanquam ab abusu assignatur à. D. de Marca lib. 4. cap. 19. §. 4. nempe, quam interposuit Procurator Capiruli Parisiensis an. 1501. à decimæ indictione, quam Alexander VI. in Gallia exigij iusserat. Sed ea appellatio primò dirigitur *ad presatum Sanctissimum N. Papam melius consulendum, vel consultum, & sacrosanctam Synodum universalem primò celebrandam*: quibus verbis fatetur appellans appellationem ad Ecclesiasticum tribunal pertinere, nec per appellationis viam ad Principes se recurrere debuiffe.

12. Licet magna videatur inter illos Scriptores, de tempore, quo usurpari cœperunt appellationes ab abusu, diversitas; ex omnium tamen consensu colligitur, earum originem non esse valde antiquam; quod certè in re tanti momenti non obscurum est de injustitia præjudicium.

CAPUT II.

De progressu appellationum ab abusu.

1. **P**Relati Comitiorum Cleri Gallicani ann. 1635. Parisiis congregati contra hujusmodi appellationes graviter conquesti sunt. Cumque eas penitus abolendas non sperarent, petierunt, ut illis modus adhiberetur; monueruntque illas ideò institutas fuisse, ne Judices Ecclesiastici sæcularem jurisdictionem, aut sæculares Ecclesiasticam usurparent. Idem tradit Burdinus Procurator in Senatu Parisiensi Regius, à Carolo Fevret, lib. 1. num. 4. relatus, his verbis; *Appellatio ab abusu hinc derivata est, quod Iudex Ecclesiasticus, dum sibi partes vindicare conatur Iudicis Laici, contra leges, & statuta Regia, jurisdictione sua abutatur*: ex quibus, & ex Edictis, ac Placitis in tom. 2. Libert. Gallic, cap. 7. num 27. relatis, appellationum illarum in sua origine cum solum effectum fuisset colligitur, ut Regia jurisdictio conservaretur. Postea tamen interpositæ sunt ad impediendos Judices Ecclesiasticos, ne potestate sua in cæteris negotiis abuterentur, ac denique eo processerunt, ut nulla, quantumvis spiritualis causa eis obnoxia non sit.

2. Reges quidem suis Edictis modum eis interdum ponere cœperunt, ut videre est in actis Cleri tom. 2. parte 1. cap. 18. Sed nimius est Magistratum secularium, vel ad deprimendam Episcoporum Dignitatem, vel ad propriam augendam, ardor; quàm ut possit solis illis frænis cohiberi. In declivi posita videntur esse omnia humana negotia, ut primus quidem gressus difficilis aliquantum sit; at verò ubi semel inchoatus est motus, res suo pte impetu, ac nullo impellente per præceps ferantur. Initio appellationes ab abusu, cum essent insolitæ atque ab ordine, ac jure communi remotissimæ, ipsos etiam Judices perterrere videbantur, ut superiori Capite insinuatum est: modò autem mirificis etiam laudibus extolluntur, ut infra videbimus.

3. Tuenda primum fuit jurisdictio Regia, deinde Laicorum, v. g. patronorum in Ecclesiis jura; postea jurisdictio Episcoporum, præsertim circa redditus ac beneficia; postmodum Regni mores servandi; denique leges, ac etiam Senatusconsulta vindicanda. Initio suspendebatur executio; deinde coacti Episcopi Decreta revocare, denique ab ipsomet Senatu irrita ac nulla declarata sunt. Circa bona temporalia, vel beneficia, versabantur primæ appellationes; de materia Ecclesiastica, circa disciplinam subsequentes; modò etiam circa Sacramenta, & alia omnia spiritualia juxta doctrinam Opusculi inscripti; Politiæ Regia in personas, & res Ecclesiasticas, autore Jacobo Dahumel, relati in primo tomo Libert. Gallic. Si contra has regulas, inquit, Edicta, Constitutiones, & placita Curiarum supremarum; si contra libertates & immunitates Regni; si contra sancta Decreta, & Concilia recepta in Gallia; si contra jurisditiones Regias, & temporales, aliquid à Judicibus Ecclesiasticis fieri, vel attentari contigerit, remedium est appellatio quasi ab abusu. Idque non solum intelligo de causis Criminalibus Regiis, & privilegiariis: sed etiam de rebus civilibus, secularibus, & profanis; imò etiam spiritualibus, & sacramentalibus. Est enim Appellatio quasi ab abusu, via ad tribuendam Curis Parliamentorum rerum spiritualium cognitionem, quæ aliis ipsis non competeret. Quid igitur tam sanctum, tamque Divinum reperiiri poterit, quod jurisdictionem Parliamentorum effugere queat?

4. Ut in materia remora, ita in proxima, seu rerum conditione monstruosè excreverunt appellationes ab abusu. Nam principio non usurpabantur, nisi quando notorius erat, & manifestus Judicum Ecclesiasticorum abusus; undè dicebantur Appellationes *ab abusu notorio, & certo*, quæ verba in litteris hac de re in Cancellaria expediti solitis, erat exprimenda, ut certum faciunt non solum plurimi Auctores, sed etiam Senatusconsulta, quæ citantur à Carolo Fevret lib. 1. cap. 2. num. 5. & alibi; his consonat declaratio Regis Christianissimi facta ad instantiam Cleri Gallicani anno 1666. art. 16. in 28. Cleri loco citato. Tamen Officiales Regii commodis, quæ ex hujusmodi appellationum multitudine accedunt, inescati, plures excipiunt, in quibus adeò non elucet abusum à Prælati Ecclesiasticis fuisse commissum, ut eas frivolas postea Senatus non possit non declarare: cujus quidem examinis circa notorietatem omisso, ipsis etiam jurisdictionis Ecclesiasticæ hostibus iniqua visa est, ut legere posses loco Fevreti modò citati.

5. Sed quot, quantisque privilegiis sensim auctæ sint hujusmodi appellationes, quis exprimere queat? Primò possunt quovis tempore interponi, etiam post centum annos à data sententia, vel Rescripto, ut docent Fevretus lib. 1. cap. 2. num. 10. Duhamel, & alii hodie communiter, ex quo fit, ut nullus unquam securus sit actus jurisdictionis Ecclesiasticæ. Nam dum post multa etiam sæcula exhibebitur, si quid non solum Canonibus, sed etiam moribus, legibus, aut Senatusconsultis Gallicanis contrarium contineat, appellatione ab abusu poterit everti. Itaque nunt v. g. omnia privilegia, & omnes dispensationes; quippè cum à jure communi recedant, antiquæ disciplinæ non consentiant, atque adeò libertatibus Ecclesiæ Gallicanæ adversentur.

6. Secundò nullus actus ab hujusmodi appellationibus eximitur, sive procedat à jurisdictione Episcopali, sive à Papali cum eo tantum discrimine, (quod tamen non semper observari videbimus inferius) ut reverentiùs destruantur, quæ à Summo Pontifice, quàm quæ ab Episcopis profecta sunt; quæ ad spiritualia, quàm quæ ad temporalia pertinent, Id enim supremæ Papæ Dignitati, & auctoritati tribuitur, ut

non

non à sententia , Decreto, vel Rescripto ejus , sed ab eorum publicatione , vel executione appellari debeat ; cùm actus Episcoporum directe impetantur , & irriti fiant. In spiritualibus non de petitorio, sed de possessorio judicetur , nisi fortè aliquid temporale conjunctum habeat ; sic v. g. Judices Laici validumne sit Matrimonium , in quantum est sacramentum , non judicant ; sed an Maritus (quod idem in uxore locum habet) teneatur resumere uxorem. Et quia sacramentum matrimonii præsupponit contractum civilem , decernunt , an adimplendæ sint promissiones matrimoniales ; imò an separandi sint conjuges ; etiam , ut à pluribus audiui , an partes ad aliud matrimonium contrahendum sint liberæ : quodque adhuc magis mirum est , dum de essentia ipsa , & validitate sacramenti agitur , non per se quidem sententiam ferunt , sed ad Judices Ecclesiasticos , alios ab ordinariis , partes , etiam pro ipsius sacramenti susceptione ad Parochos non proprios remittant. Præcipitur quidem articulo 17. declarationis jam citatæ ut , si intervenisse abusum Curia comperit , eidem Tribunali Ecclesiastico , licet non eidem Judici , causam melius judicandam relinquat. Sed quàm vereor , ne ille articulus , sicut & alii multi in favorem Cleri editi , à Judicibus secularibus posthabeantur.

7. Tertiò tres sententiæ conformes à Judicibus Ecclesiasticis prolatae , appellationi obnoxiae non sunt , sed tertia definitiva conformis , omni mora cessante , executioni debitæ demandari debet , quacumque appellatione interposita non obstante , ex legibus Concordatorum tit. de appellationibus. Verùm quod ad summum Pontificem perfecti non possent , ad Parliamenta per appellationem ab abusu devolvitur , quæ etiam post tertiam sententiam conformem admitti poterit , ut docet Fevretus loco suprâ citato & lib. 8. cap. 3. ante finem.

8. Quartò non est servandus jurisdictionum ordo , neque percurrendi varii Tribunalium gradus ; non est expectandum , ut Archidiaconi iniquitatem reparet Episcopus , Episcopi Metropolitanus , Metropolitanus Primas , Primatis summus Pontifex. Ipse quidem summus Pontifex eam seriem ita revereri tenetur , ut si vel uno gradu prætermisso causam ipse contigerit , ejus Decreta nullius momenti futura sint , & per appellationes ab abusu ipsorum receptio , publi-

D d d d

catio

ratio, & executio impedienda, quantumvis fuisset in mora periculum, Judices suspecti, denegatio justitiæ, aliave necessitas ad supremum Tribunal recurrendi : censuræ, si quæ in Decretis Pontificiis continentur, contemnentur; nulla denique habebitur potestatis Pæratio. At verò à quocumque Judice Ecclesiastico, & ut ait Duhamel, à quacumque parte appelleretur, velut ab abusu, legitima est appellatio.

9. Quintò appellationibus ab abusu nullo pacto præjudicari valet. Quantumvis partes concordent, aut transigant; Procurator Regius, qui principalis in his causis pars habetur, appellationem prosequi nunquam non potest, ut Docet Fevretus lib. 1. cap. 2. num. 9. 10. 25. & alibi.

10. Sextò statim atque appellatum est ad Judices sæculares Judex Ecclesiasticus superfedere debet; ac quidquid interim contingere poterit, negotio illi Episcopus, aut alius, sese nequit immiscere, nisi quantum ei à Senatu indultum fuerit. Quantumcumque v. g. constet Episcopo Matrimonium invalidum esse, non poterit, appellatione pendente, partibus præcipere, ut quoad thorum separentur: Quamvis Parochus intrusus sit, aut jurisdictionis spiritualis incapax, non poterit Episcopus Pœnitentiæ, aliorumque Sacramentorum administrationem alteri committere, si ille appellaverit quasi ab abusu.

11. Septimò Læzæ Majestatis crimen esset appellationes ab abusu impugnare, quia fieret injuria supremæ Regis Majestati, summoque ejus Dominio. Itaque in tuto positum est istud Regiæ Cororæ jus, seu potestas Judicibus sæcularibus tributa, de qualibet, quantumcumque spirituali, re judicandi, dummodò appellationis ab abusu nomine insigniatur. Vide Fevretum lib. 1. cap. 3. num. 6. sub finem in margine.

CAPUT III.

De justitia appellationum ab abusu.

1. Cum innumera sint negotia , circa quæ versantur appellationes ab abusu , & alia aliis magis minusve spiritualia , & sacra , vel temporalia & profana ; non in omnibus æqualiter elucet justitiæ vel injustitiæ ratio , sed cum quadam proportionē. Quidam adeò evidenter injusti abusus à Judicibus sæcularibus prætextu illarum appellationum committuntur , ut ab ipsis etiam illarum Defensoribus dissimulari non possint , quamvis leniter reprehendantur. Sufficeret fortassis rationes expendere , quibus illæ appellationes à Judicibus , & Patronis defenduntur. Sunt enim adeò extraordinariæ , atque ab antiquo usu ipsorum etiam Gallorum abhorrentes , ut vel eo ipso nomine ingerant suspensionem. Verùm antequam examen illud aggrediamur , præjudicia quædam adversus illas proponenda sunt.

2. Duo considerantur à Jurisconsultis , ut intelligatur , an legitime possit institui judicium in aliquo foro , nempe partes , & causa. Varii sunt enim Judices , prout varia sunt causarum genera , vel partium Dignitates , & conditiones. Certè causas spirituales , & Ecclesiasticas ad Ecclesiastici Judicis Tribunal perferendas , vel ipse voces clamant , nisi fortè , quod frequenter repetere cogimur , utramque potestatem à Christo D. N. divisam , separatamque confundamus , contra Ecclesiæ universæ , ac Principum etiam Christianorum communem sensum. Nec possunt Judices sæculares suam jurisdictionem tanto cum studio tueri , quin intelligant pari quoque ratione Ecclesiæ suam esse conservandam ; nec possunt alias sibi , alias Ecclesiæ , leges ponere , quin Divinam in se iram concitent : quandoquidem , ut monet Sapiens Prover. 30. vers. 10. *Pondus , & pondus , mensura , & mensura , utrumque abominabile est apud Deum.*

3. Quin etiam , ut in rerum corporalium contrectatione , qui profanum aliquid subripit , furti tantum reus est ; qui verò rem sacram aufert ,

D d d d d 2

aufert,

aufert, sacrilegii crimen incurrit; ita injustitiæ quidem peccatum admittit, qui temporalem alterius jurisdictionem usurpat; qui autem sacram, & spirituales invadit, sacrilegium perpetrat. Mirum certe est, quomodo Judices sæculares, qui Calicem, aut aliud vas Divinis Ministeriis consecratum non solum rapere non auderent, sed nec nudis manibus contrectare, jurisdictionem sacram ad se trahere non vereantur, quasi non sit etiam res sacra, & Ecclesiæ maxime necessaria, & chara.

4. Ipsi etiam Imperatores, & Principes, ut jam sæpè insinuavimus, solemniter protestati sunt, non ad Laicos, sed ad Episcopos, aliosque Judices Ecclesiasticos spectare, non solum condendorum jus Canonum, sed etiam interpretandorum. Retulimus jam sententiam Constantini Magni, Valentiniani I. Caroli Magni, aliorumque Principum, quibus adjungi possent alii non pauci. Sed nihil desiderari potest expressius, quam quod Imperator Basilius publicè declaravit in octava Synodo. Cùm enim illius Concilii Decreta optaret ab omnibus libenter excipi, & executioni demandari, omnibus facultatem concessit ea proponendi, quæ sibi vel obscura, vel difficilia viderentur in ejus Canonibus, monuit illam licentiam ed tantum tendere, ut ambigua explanarentur ab ipsamet Synodo; *Quisquis habet aliquid adversus hanc sanctam, & universalem Synodum dicendum, vel contra hujus Canones, aut terminum, stet in medio, & quæ sibi videntur dicat, sive Episcopus sit, sive quisquam de Ecclesiastico Clero, sive Laicus, aut ex iis, qui civilibus officiis mancipatus existat; quanquam non datum sit istis secundum Canonem dicere quidquam penitus de Ecclesiasticis causis.* (Ecclesiasticæ causæ sunt juxta Basiliæ mentem non tantum terminus, seu fidei definitio, sed etiam Canones, circa reliquas materias, ut ex præcedentibus verbis patet.) *Opus enim hoc Pontificum, & Sacerdotum est; Sed ex abundantia omnes iniquum obstruere volentes, licentiam præstamus omnibus, ut qui in mente habet, quid ambiguum de his, quæ decreta sunt ab hac sancta Synodo, hoc in medium exhibeat, & suscipiat satisfactionis salutare remedium.* Act. 10. quæ est ultima octavæ Synodi.

5. Philippus Augustus, referente, ac in exemplum proponente S. Ludovico, cùm à suis Officialibus moneretur, jurisdictionem Regiam à Judicibus Ecclesiasticis usurpari, respondit, malle se id perpeti,

perpeti, quàm à Sacerdotibus cum scandalo dissidere : Utinam illius Regis Posterì, non neglectâ propriâ autoritate, sed vindicatâ contra Rejos Officiales Ecclesiasticâ, dissidiis, ac scandalis occurrerent. *Dicitur de Rege Philippo avo nostro, (verba sunt S. Ludovici in documentis, quæ ante mortem filio suo Primogenito scripsit, & quasi pro testamento reliquit, referente Guilhelmo de Nangiaco Monacho S. Dionysii in Francia) quod quidem de Consiliariis suis dixit ei, quod multa damna inferebant ei Ecclesiastica persona, jura ipsius usurpando; & mirabantur multi, quod ita tolerabat. Cui Rex respondit: Benè credo quod dicitis; sed quando cogito Beneficia, quæ mihi Dominus contulit, melius volo pati, quàm inter me & Ecclesiam scandalum suscitare. Ama igitur, ô fili, personas Ecclesiasticas, & serva pacem earum quantum poteris.*

6. Quod spectat ad personas, peccatur à Judicibus sæcularibus in tritam illam Jurisconsultorum regulam; *Actor sequitur forum Rei*, cùm in actionibus, quas personales vocant, id est, quæ in personam diriguntur, non in rem aliquam temporalem, Viros Deo consecratos, quantacumque dignitate præfulgeant, ad sua Tribunalia trahunt. Itaque qui se sacrorum Canonum Custodes esse gloriantur, Canones, Clericos, & Regulares à foro sæculari arcuentes, ita non servant, ut nullius alterius conditionis hominum major ibi copia videatur; quod in Clerum & in Religiosos Ordines relaxationem, & sæcularium morum colluviem inducit, & maximum sacris Dei Ministris, & famulis contemptum conciliat.

7. Quæ in retantum abest, ut dignitatis Episcopalis Christianis omnibus tantoperè reverendæ atque ab antiquis Gallis tanto in honore habitæ, rationem habeant; ut in hoc suam eminere dignitatem arbitrentur, si Episcopos pro rebus etiam Divinis, & Ecclesiasticis, ad se venire compellant. Undè in aliquibus Senatibus pertinaciter retinetur, quantumvis refragantibus Edictis Regiis, usus vocandorum in judicium Episcoporum ipsorum, non admissis Procuratoribus Fiscalibus, quos illic Promotores vocant, etiamsi de ordinationibus vel sententiis mora sit controversia, quam Præsules, ut Judices tantum, cùm sua ipsorum nihil interesset, pro sui officii munere rulerunt.

CAPUT IV.

De vi appellationum ab abusu, quantum ad conscientiam.

I. **C**ertissimum est non habere Judices sæculares claves Ecclesiæ, ut in foro, vel interno, vel externo ligare possint, aut solvere: id est, à peccatis, & censuris absolvere, vel illis innodare, jurisdictionem, aut missionem spiritualemente conferre, vel auferre. Id de fide est, nec inter Catholicos probatione indiget. Unde necessario consequitur nulla Principum Edicta, nulla Curiarum sæcularium placita posse quemquam ab excommunicatione, aut aliâ censurâ, vel irregularitate, vel peccato liberare; nulli Parocho, vel alteri Sacerdoti, aut Clerico validam, ad prædicandum missionem, ad Pœnitentiam, vel alia Sacramenta administranda, jurisdictionem conferre. Possunt quidem Senatores declarare, non esse aliquem excommunicatum, irregularem, vel alicujus criminis reum; sed hujusmodi declarationibus, cum à non habentibus potestatem prodeant, ab excommunicatione, irregularitate, vel peccato neminem possunt eximere. Quid igitur, si fallantur Judices? Num eorum sententia excommunicatum participationi suffragiorum, aliorumque bonorum Ecclesiæ communicationi restituet? Num irregularem ad sacra ministeria idoneum præstabit? Num absolutionibus ab invasore curæ animarum dandis vim tribuet? Num ab incurrenda Dei offensa tuebitur? Num etiam titulum coloratum præstabit.

2. Sed cum multæ sint tum antiquis, tum recentibus Canonibus, & Decretis, lætæ censuræ adversus eos, qui Ecclesiasticam jurisdictionem violant; num eas effugient, aut Judices causas spirituales, & sacras ad sua Tribunalia evocantes, aut partes illuc eas perferentes? Num bona fides utrosque à peccato, & censuris excusabit? Equidem bona illa fides in ignorantia fundari non potest. Ut enim à Judicibus incipiamus, aut ipsi Canones ignorant; ac sic temeritatis rei sunt, cum rebus Ecclesiasticis, quæ Canonibus regendæ sunt, se immiscant.

ſcent. Si Canones norunt; ſciunt quàm arctè ab iis Eccleſiaſtica juriſdictionis uſurpatione prohibeatur, quibusque pœnis ſpiritualibus plectatur. Sed cùm appellationibus ab abuſu propoſitus dicatur iſ ſcopus, ut antiqui Canones ſerventur; æquius eſt, ut Judicibus, qui ſe deſenſores dicunt Canonum, perſpectos illos eſſe ſentiamus. Ergo ignorantia, & quæ illam ſupponere videtur, bona fides illis minimè ſuffragatur, ſi aliud tentent, quàm ut juriſdictionem laicam, id eſt, civilem, ſeu circa res temporales, & profanas tueantur; niſi denique quatenùs ſibi ex jure, vel ex privilegio certo competit. Compleverint integrum volumen Conſtitutiones Eccleſiæ adverſus violantes ſuam juriſdictionem, quas neſcio quomodo contemnere audeant, qui Eccleſiam Matrem habere ſe profitentur, aut quomodo qui audent, cenſuras in eis contentas evadant.

3. Metuunt illas Iudices, qui deprimentorum Episcoporum, aliorumque Judicum Eccleſiaſticorum, & extollendæ propriæ autoritatis ambitione, vel lucri, aut alterius commodi cupiditate non tenentur, nec Eccleſiæ tanquam ſibi ſubditæ dominari, ſed ut Matri obedire ſtudent. Juſtum eſſe illum timorem docuerunt etiam Scriptores laici, antequam illi, quibus Eccleſiaſtica negotia plus afferunt utilitatis, quàm profana, Eccleſiaſticam juriſdictionem ad forum ſæculare omnino evocare ſtauiſſent. Auſtretius in Senatu Toſolanæ Præſes, in additione ad repetitionem Clemetinæ primæ de offic. ordin. Reg. 2. num. 30. ſaretur, ut ſuprà vidimus, ſe ſæpè dubitaſſe, ubi fundari poſſent in jure appellationes ab abuſu, & ad ſua uſque tempora, id eſt, circa annum 1514. Iudices à jure ſuper meritis cauſarum per appellationem tanquam ab abuſu ad ſe delatarum dicendo, ſemper abſtinuiſſe, niſi unicâ tantùm vice. Perfracta ſunt Religioſi illius timoris repagula, & neſcio quo porerit agere præcipitis torrentis impetus cohiberi, quandoquidem nec primis æquitatis principiis, nec cenſuris Eccleſiaſticis ſiſtitur.

4. Evenit maxima ex parte, quod prædixerat Coſmas Guymier in Senatu Pariſienſi Conſiliarius, & Inquiſitionum Præſes in præf. prag. Sanct. §. Cum itaque in verb. *libertatis*. Ubi poſtquam ſtatuta, & conſuetudines contra Eccleſiaſticam libertatem eſſe nullas, utriusque

juris

juris autoritate comprobavit; postquam hujusmodi statuta servantes, aut servari facientes, itemque turbantes, seu impediētes jurisdictionem Ecclesiasticam per se, vel per alios, directe vel per obliquum, & ad illud, auxilium, consilium, vel favorem dantes, in excommunicationem incidere ostendit; notavitque post Joannem Andr. & Patnotm, infinitos Judices, seu Rectores hujusmodi censurâ esse Ligatos, obdimitutam, & subtractam jurisdictionem Ecclesiasticam, subjungit; CUM AUTEM REX FRANCIE SIT PUGIL ECCLESIE, ET INTER OMNES CHRISTIANOS CHRISTIANISSIMUS, DEBET CUSTODIRE IURISDICTIONES, ET LIBERTATES ECCLESIASTICAS: SED OFFICIARIIS IN MULTIS HODIE, TURBANT ECCLESIAM IN PRÆDICTIS: ITA QUOD, NISI DEVS PROVIDEAT, TANDEM IURISDICTIO, ET LIBERTATES ECCLESIE EVANESCENT, SICUT TEMPORE PHILIPPI REGIS DE VALESIO, PETRVS DE CYNERIIS PYTAVIT AVFERRE IURISDICTIONEM TEMPORALEM ECCLESIE.

5. Qui egregias huic Guymierii Glossæ notas addidit Philippus Probus, suum contra illata Ecclesiasticæ jurisdictioni damna zelum significat; his Guymieri verbis; *Officarii ejus in multis hodie turbant Ecclesiam in prædictis*, addens; *A quibus adhuc non desistunt adeo quod Iudices Ecclesiastici nihil aut parum habent in jurisdictionis exercitio: quia illud frustatim per Iudices laicos suis lacera- rum, & usurpatum, ut patet experientiarum Magistrâ.* Vide ibi sequentia,

6. Si Gallicani Iudices Theologos, & juris Canonici interpretes suspectos habent, eorumque sententiam super hac quaestione contemnunt, quasi in propria causa loquantur, aut propriis commodis studeant; audiant Senatum suorum Præsides; audiant Jurisconsultos æqui iustique retinentes, & sinceros: magisque hac in parte se, quam Ecclesiasticos viros suspectos existiment, cum isti de tuenda, illi de amplianda jurisdictione certent,

7. Petrus Rebuffus supremarum Curiarum privilegia recensens super proœmio Concordatorum, ver. *summas*, octavum istud assignat; *Octavo cognoscit de abusu Indicium Ecclesiasticorum, & ab eis Iudex non potest cognoscere, ut in Concord. in Rub. de protecc. concordâ..... Et hoc quatenus ei à jure conceditur, vel ex privilegio, ut pleniùs*

nius dixi in ordinationibus Regis, non alias, ut est textus in cap. si quis à proprio. & ca. si quis Episcopus 21. quest. 5. Alioquin, et si abusus multos deducet ad inferos. Non exciderunt hæc verba Rebuffo incogitanti, aut materiam Ecclesiasticam tantum præmanibus habenti, quandoquidem eam ex professione tractans super ipsamet Rubricam Constitutionum Regiarum, quæ est de appellationibus ab abusu, idque Parisiis in scholis publicis, ne quis putet opinionem esse privati hominis, quam proferre non ausit, nisi in scriptis sine examine vulgatis, diserte docuit, ut ipsemet hic confirmat, Judices sæculares eam auctoritatem non nisi ex jure, vel privilegio sibi posse vindicare.

8. Quæ de Judicibus dicta sunt, in partibus etiam locum habent cum proportionem. Ejusmodi enim plerumque sunt, ut sciant, aut saltem teneantur, & facile possint scire, quæ à sacris Canonibus statuta sunt adversus eos, qui Ecclesiasticam jurisdictionem usurpant, aut ad eam usurpandam juvant. Minor tamen est istorum culpa, cum non propriâ sponte Tribunalia secularia pro rebus spiritualibus, & Ecclesiasticis appellant; sed ad ea inviti pertrahuntur, causæ alioquin justæ, ac gravissimi momenti jacturam perperesuri: sed quod omnino nulla culpa sit, definire quis audeat? Licet id aliqui præsumant ex benignitate Ecclesiæ, quæ sicut contumaces graviter plectere solet, ita & illis indulgere, qui sua præcepta non nisi magnâ necessitate compulsi prætermittunt; res tamen admodum incerta mihi videtur.

CAPUT V.

Discutiuntur rationes, quibus appellationes ab abusu legitimas esse Autores Gallicani probare nituntur.

1. Causas Ecclesiasticas à secularibus Judicibus definiendas non esse adeo perspicuum est, ut id fateantur ultio, qui appellationes ab abusu legitimas esse affirmant; sed cum usum variis modis exculare conantur. Primò, quod Rex sit Canonum
- Eccce
- custos.

custos. Secundo, quod subditos suos à vi, servitute, ac oppressione tueri possit, & reneatur. Tertiò, quod scandala, quæ ab injustis sententiis, aut Decretis oriuntur, à Principe compescenda sint. Quarto, quod Canones sæpè legibus confirmati fuerint, adeoque Principes propriarum legum, perinde atque Canonum infractionem ulciscantur. Quintò, quod jus naturale injuriam à se, atque ab aliis arcere permittat. Sextò, quod Ecclesia partim expressè, partim tacitè illi u sui consensiat. Exceptà istà ultimà ratione, reliquæ omnes unicà responsione videntur elidi.

2. Si enim Principes, ac Judices sæculares nullo casu putant Ecclesiam causas ad sæcularem jurisdictionem pertinentes ad Ecclesiastica Tribunalia evocare posse, quâ æquitate illi causas Ecclesiasticas ad forum sæculare per appellationes ab abusu pertrahunt? Nonne Ecclesia, ut leges, ac mandata Principum à fidelibus observentur, censuras adhibet? Num autem negotiorum sæcularium cognitio permittitur Judicibus Ecclesiasticis, dum censurarum imploratur auxilium, ad detegendam v.g. rei veritatem? Quomodo igitur prætextu custodiæ Canonum, causarum Ecclesiasticarum judicium sibi laici tribuunt? Illustrissimus Petrus de Marca libr. 4. cap. 12. §. 4. varia profert exempla, ex quibus patet solitos olim Principes ad Ecclesiam recurrere, ut ejus ope debitam sibi fidem, & obsequium à suis subditis obtinerent. *Exempla*, inquit, *petere licet è Synodo apud Lauriacum habità an. 843. relatà in Synodo Meldensi & apud Ivonem, qua eos, qui contra Regiam Dignitatem aliquid machinantur, vel potestati Regiæ per summam contumaciam non obtemperant, Anathemate plectendos decernit. Inde Synodus Sueffionensis an. 866. rogat Nicolaum I. ut Salomonem Britannia Ducem moneat, quò Domino suo Carolo Regum obsequium præstet, annuosque census persolvat; alioqui gladio Apostolatus vestri se percellendum debito cognoscat libramine. Ludovicus Varamarinus Rex Francorum ab Hugone Comite vexatus subsidium postulat à Synodo Engelenheimensi, ubi aderat Legatus Romani Pontificis, & Otto Imperator an. 948. &c.* Si quis hodie ob illa exempla contendet, in foris Ecclesiasticis ejusmodi causas esse tractandas, partibus auditis, & eodem ordine: quo appellationes ab abusu apud Judices sæculares, ceu insanus haberetur. Et tamen insortes videntur Judi-

Judi-

Judices Laici, qui spiritualia, & sacra quæque negotia ad se trahunt, ac juridicè definiunt; quia *abusus* vocem obtendunt; quasi potestates sæculares non solum auctoritate sua nunquam abutantur, aut earum abusus corrigere nefas sit; sed etiam ad Pastorum Ecclesiasticorum abusus emendandos, à Deo sint præpositæ.

3. Præterea, num Principes sæculares rariùs quàm Ecclesiastici proprios subditos opprimunt, aut Ecclesia de ope, filiis suis injustè vexatis, minùs debet esse sollicita, quàm Reges de Regnicolis ab injuriis vindicandis? Nonne etiam ab injustis Principum mandatis oriri possunt scandala, vel illis moveri nõ debent Apostolorum successores, qui à S. Paulo ita se habere didicerunt, ut verè dicere queant; *quis scandalizatur, & ego non uror?* Quid quod leges Canonibus confirmantur: & tamen occasione violatorum etiam Canonum, Ecclesia de possessionibus terrenis, aliisque rebus merè temporalibus, liberè judicare non finitur? Cur soli Ecclesiæ nefas sit non solum sua jura, sed etiam fidelium bona, & libertatem, dum iis injustè spoliatur, propugnare? An jus illud naturale Principibus temporalibus, non autem superioribus Ecclesiasticis concessum est.

4. Evenire sanè potest; imò ut non eveniat fieri vix potest, ut Superiores Ecclesiastici aliqui aliquando sua abutantur potestate: Sed contingit frequentius, ut Principes & Magnates sæculares ultra modum suos subditos premunt. Nonne ergo æquiùs esset, ut Pastoribus Ecclesiæ, præsertim Summo, liceret, & Principum conscientiæ, & subditorum quieti, quæ cum animarum salute sæpè conjuncta est, prospicere; quam ut Principes superiorum Ecclesiasticorum abusus qui circa formulas à jure positivo inductas, aut fortè circa reddituum temporalium, aut beneficiorum dispensationem versantur, possent auctoritate sua corrigere? Præsertim cum prætextu illius correctionis majores abusus aut foveantur, aut inducantur. Difficillimum, ac ferè impossibile est, ut præcaveantur, aut emendantur omnia incommoda. Si autem volunt Galli reverendam esse tantummodo Divinæ providentiæ dispensationem, quæ supremam Regibus potestatem contulit, cum illi malè in administratione rerum temporalium se habent; cur idem de potestate Ecclesiastica non sentiunt? Cur utraque in alteram monitioni-

tionibus tantum non agit? Si utriusque distincta sunt officia, & discreti limites, ut non debeat alterius altera fines ingredi; ne, dum in alterius Provincia ordinem constituere satagit, & suam, & alienam perturbet. Cur Deo non relinquitur, ut in hoc mundo, vel saltem in futuro præpositorum à se constitutorum delicta emendet? *Tu quis es, qui iudicas alienum servum? Domino suus sit, aut cadit.* ad Rom. 14. Humanum dico propter infirmitatem.

5. Cum enim corpus propter animam, non anima propter corpus à Deo creata sit; cum temporalia, & corporalia ordinata sint ad spiritualia, & æterna; convenientius est, ut illi, quibus ex Divina dispensatione concedita est spiritualis, & æterna salus fidelium, curam suam ad temporalia protrahant, quam ut qui temporalibus præpositi sunt, ad spiritualia manum porrigant; maxime cum, ut diximus abusus circa temporalia, magistratum, ac etiam sæpe subditorum conscientias illaqueant. Quia ergo ratione potestas spiritualis eodem jure in rebus sacris, quo temporalis in profanis seu non permittitur, & plus Principibus in Ecclesia circa spiritualia, quam Ecclesie in Principes circa temporalia tribuitur; sed, ut redeamus ad illa, quæ in favorem appellationum ab abusu allegantur.

6. Primò, Rex Canonum Custos est, at non Conditor; Executor, non Judex, ut vocat Facundus Hermianensis de Imperatore Marciano verba faciens; *Cognovit ille (Marcianus) quibus in causis uteretur Principis potestate, & in quibus exhiberet obedientiam Christianis. Et ideo ne impius, atque sacrilegus videretur post tot Sacerdotum sententiam opinionis sua nihil reliquit. . . . Multo magis impune sibi sedere non posse cognovit, vel quia jam de fide Christiana rite suarant constituta discutere, quod nullatenus licet, vel NOVOS CONSTITUERE CANONES, quod non nisi multis, & in unum congregatis primordialis Sacerdotibus licet. Ob hoc itaque vir temperans, & suo contentens officio, Ecclesiarum CANONVM EXECUTOR ESSE VOLUIT, NON CONDITOR, NON EXACTOR, Facundus Hermianensis. defens. libr. 12. cap. 3.* Judicare superiorem est: Principes igitur Canonibus obsequi tenentur; de illis judicare non possunt; illorum interpretes non sunt: sed ejus est legem interpretari, cujus est & condere.

7. Secundò, tueantur Reges suos subditos, quando vim, & injuriam patiuntur, sed debito modo. Non autem v.gr. cum illi, quibus id muneris incumbit ex ordinatione Divina, remedium opportunum afferre non reculant: cum non est manifesta injuria, &c. Sed Principes parem saltem fateantur facultatem Pontificibus competere, cum fideles evidenti fuerint iniquitate à Laicis oppressi, non sine certo ipsorum aeternae damnationis periculo.

8. Tertiò, quantum damnandi sunt, qui scandala concitant, de quibus pronunciant Divina Oracula, satius esse, ut alligatà collò molà demergentur in profundum maris Matt. 18. tantum laudandi sunt, qui scandala compescunt, atque ad id traditã sibi Divinitus potestate utuntur. Verum amoto, si quid instabat scandali, cordis videlicet, seditionis, & hujusmodi, periculo, causã judicium Judici competentem relinquantur. Certè qui rixantes videt, potest, & debet propter imminens, & inevitabile periculum à mutua injuria, quantum valet, impedire, non tamen illius rei, cujus causã rixabantur, judicium sibi vendicare, aut injuriam inferentem plectere, nisi sit. legitimus ejus superior.

9. Quartò, si res sit ejusmodi ut partim Canonibus, partim legibus regi debeat, unaquæque potestas jure suo liberè utatur. At, si leges in adiutorium tantum Canonum invocatae sint, nonne jus violatur, si, quæ Adjutrices venerunt, dominari velint?

10. Quintò, ex jure naturali licet manifestam injuriam, & à se, & ab aliis amovere, recurrendo scilicet ad Judices, & Superiores à Deo constitutos, non autem auctoritate privatã vel extraneã, praesertim dum non desunt media ordinaria, & regularia; ut vix, aut nunquam in Ecclesiastico regimine desunt.

11. Sextò, restantur orationes Cleri Gallicani tom. 5. ejus actorum, aliq; innumera monumenta, Antistites Gallicanos appell. tionibus ab abusu pro viribus semper restitisse; & dum penitens eas abolere posse desperarunt, usum moderari conatos esse: nec eas minùs, imò multò magis improbat Ecclesia Romana, ut ironice loqui videantur, qui expressim, vel etiam taciturn ejus consensum adducunt in illarum defensionem. Et hæc quidem præcipuæ rationes sunt, quibus à Gallicanis Scriptoris excusantur appellationes ab abusu. Sed, ne quod

nos alicujus momenti argumentum effugerit, expendenda sunt paulò accuratiùs, quæ à præcipuis illarum defensoribus dicta sunt, scilicet à D. Petro de Marca, & à Carolo Feureto.

CAPUT VI.

Expenditur doctrina D. Petri de Marca de appellationibus ab abusu in 19. cap. libri 4. de Concordia Sacerdotii & Imperii contenta.

IN tribus ultimis libri 4. capitibus ex professo alibi tantùm ex occasione, de appellationibus ab abusu disputat D. Petrus de Marca; idcirco paulò diligentius istorum doctrina examinanda est. Cap. 19. §. 2. scribit, ex Concordatis inter Leonem X. Pontificem, & Franciscum I. Regem Francorum initis, Senatus officium adversus eorum violationem implorari solitum per appellationes ab abusu; eò quod Pontifex Canonum, atque Decretorum in illis Concordatis renovatorum tuitionem, consensu quoque suo, & Apostolicæ Sedis autoritate adhibitâ, Regibus Francorum permisisset. Franciscus autem Rex eam curam Parlamentorum Curis demandasset. Sed, ne hujusmodi appellationibus novitas, quâ nihil est libertatum Ecclesiæ Gallicanæ Dignitati infestius, obijceretur, §. 3. *Abusu* dictionem in foro antea incognitam non fuisse contendit. Vocem quidem illam Concordatis antiquiorem esse quis dubitat? Res enim per illam propriè significata vetustissima est: sed prout vox illa designandis appellationibus, de quibus agimus, est accommodata, non admodum vetusta est, sicut nec ipsum ejus significatum. Usurpata est etiam à Laicis contra Ecclesiasticos ad denotandum indebitum potestatis usum, sed non semper verè ac justè,

2. Durandus enim Mimatenfis, v. g. cujus autoritas primo loco adducitur, scilicet, ex tractatu de modo Concilia generalia celebrandi

rubric. 70. monuit seculares Judices solitos suo tempore, Judices Ecclesiasticos de turbata jurisdictione conquirentes repellere hac exceptione; *quod eorum actus essent abusus.* Sed justam ac veram non fuisse illam excusationem comprobavit examen aliquot post annis factum coram Philippo Rege Francorum, hinc Bertrando Episcopo Augustodunensi Ecclesiasticam, illinc Petro de Cuneris Procuratore Regio Laicam jurisdictionem defendentibus, ut in actis legitur typis pluries excusis, & à Patribus Philippo Labbe, & Joanne Cossart tom. 11. Concil. part. 2. insertis, & in Bibliotheca Patrum tom. 13. edit. Col.

3. Antiquiorem ut supra notavimus postremo seculo appellationem ab abusu non avertit Marca: & quam tunc temporis interjectam dicit §. 4. præterquam quod ignoratur, an, qui interposuerat, prosecutus sit, recenter editi partus speciem præfett. Adhuc enim vacillat. Appellatur à *Procuratore Capituli Parisiensis* contra decimam ab Alexandro VI. inductam ad Papam melius consultum, Synodum universalem, Regem Christianissimum, supremam Parlamenti Curiam, ac ad illum, vel illos, ad quem, vel quos de jure, vel consuetudine in hac parte provocare & appellare licet. Hæc appellationis forma indicare videtur non posse ad Regem, vel ad Senatum deferri appellationem, nisi ad summum post judicium Papæ melius consulti, & post sententiam Synodi universalis, & propter illorum defectum, aut manifestissimam injustitiam. Non enim potest in omnibus illis Tribunalibus simul tractari negotium. Nec tot Judices appellari videntur, nisi quia dubitatur quisnam sit adeundus: vel potius an Rex, & Parlamenti Curia sint ex illis, ad quos de jure, vel consuetudine in hac parte provocare & appellare liceat. Et fortasse comminatio erat potius quam vera, appellatio, ut Papa metuens, ne Ecclesiasticum negotium ad Tribunal seculare deferretur, atque ita jurisdictio Ecclesiæ detrimentum pateretur, onus Clero impositum minueret.

4. Paragraphi quinti notatu digna sunt hæc verba; *Simplicem, & meram appellationem à Curia Ecclesiastica, ad Curiam Regiam in Gallia nunquā admittam fuisse fatentur Petrus de Cuneris (insignis jurisdictionis Ecclesiasticæ xmulus) art. 14. Masverius sic. de appellat.*

pellat. §. 22. & Ioannes Galli *quest.* 161. Illi enim Autores generatim negant à Iudice Ecclesiastico ad sæcularem appellationem admitti, quantumvis eos Marca de appellatione tantum simplici, non de illa, quæ tanquam ab abusu nuncupatur, intelligendos velit. Nullus, inquit Petrus de Cunctiis art. 14. à Curia Prelatorum appellat ad Curiam Regiam. Ac revera in lib. inscripto; Stylus Curia Parlamenti Parisiensis, licet prolixus sit ritulus de appellationibus, nulla reperitur neq; simplex, neque tanquam ab abusu à Iudicibus Ecclesiasticis ad sæculares. Masuerius non solum testatur de facto, sed etiam de Jure. *Aludice Ecclesiastico*, inquit tit. de appel. §. 22. non est appellandum ad *Judicem sæcularem*. Joannes Galli Advocatus Regius, qui Placita Senatus Parisiensis usque ad an. 1414. per quæstiones digessit, idem variis Senatus-consultis probat, *Fuit*, inquit qu. 161. *ante longum tempus dictum per Arrestum Domini Ioannem Lappostole non esse, ut appellarem recipiendum ab Officiali Curia Ecclesiastica Lingonensis ad Parlamentum, quia Curia Ecclesiastica non resortitur ad temporalem. Item fuit pariter dictum contra Dominum Guillelmum Creveil, qui ab Officiali Curia Ecclesiastica Capituli Lingonensis appellaverat ad Parlamentum.*

§. Cum videret autem Marca illarum appellationum injustitiam, variis eas limitationibus temperare conatus est. Nam v. gr. §. 4. circa verba Procuratoris Capituli Parisiensis supra relata istud animadvertit. *Quæ verba*, inquit, *observanda sunt, ut inde pateat in hoc casu appellationem ad Regem subsidiariam esse appellationi ad Concilium, in hac enim de iniquitate, in altera de abusu tantum disceptari potest: & minus subsidio juvantur appellantes, dum alterius presidium expectabatur.* Ergo non nisi provisionaliter res determinande essent per appellationes; ab abusu, nec de ipsa sententiæ Ecclesiasticæ iniquitate iudicandum, sed sistendus abusus interim, dum Concilium jus diceret. Alias infra limitationes adhibebit, quæ tamen, ut videbimus, nec observantur, nec observare possent omnino usum illum excusare.

§. In eodem §. 5. appellationum ab abusu frequentiam indux. sic ait Theologorum Parisiensium, præcipueq; Gersonii, sententiam. Quanta esset tempore Gersonii in Ecclesia confusio; quantus clavium à Pontificibus, seu Pseudo-pontificibus abusus, nemo ignorat. Unde nihil mirum est, si & Gersonius, & alii quidam Theologi Parisienses intolera-

rabi-

habiles illorum excessus, præsertim cum contraria præciperent, & unusquisque sibi obtemperari sub frequentibus censuris præciperet, repelli posse docuerint : licet autem Gersonius parvulum istum tractatum de materia excommunicationum, & irregularitatum, quem citat Marca, fortasse post finitum schisma scripserit, cum in eo Concilii Constantiensis mentionem faciat, plurima tamen profert, quæ animum adhuc exasperatum, atque indignatione in abusus, quorum testis existerat, commotum indicant. Cujusmodi fuerint abusus significat his verbis confid. 9. & aliis; *Contemptus clavium non invenitur in multis casibus, quibus Papa mandato non obediretur. Dum scilicet abutitur enormissime, et scandalosissime potestate sua in destructionem, non in ædificationem.*

7. Quam autem longè absit Gersonii sententia ab effusa illa appellationum ab abusu frequentia, quæ Galliam hodie inundant, patebit attentè legenti verba prædicta, & illa ipsa, quæ refert Marca ex confid. 10. *Contemptus clavium non semper invenitur (invenitur certe quàm sæpissime) apud illos, qui nedum non obediunt sententiis excommunicationum promulgatis per Pontificem (qualis erat Benedictus XIII. qui Reges, & Regnum Franciæ censuris supposituit, eò quod sibi, concordiam recusanti, obedientiam subtraxissent) vel suos, qui per potestatem secularem adversus tales pretensas sententias tueri se procurant. Lex enim naturalis dicitur, ut possit vis vi repelli. Sed hoc aliud omnino est ab appellatione, quæ causæ cognitionem requirit, quantumvis prætendant Judices, se de abusu, non de iniquitate cognoscere. Gersonius enim supponit, evidentissimam esse censurarum injustitiam, ut non inquirendum sit, an Pontifex abutatur suâ potestate; sed quomodo quis possit ejus injuriam evadere. Subjungit enim; *Constat autem, quod tales excommunicationes, non debent dici jure, sed vis & violentia, contra quas fas habet liber homo, vel animus se tueri.* Adde quod, si Gersonii dictis standum est, possunt Laici adversus injurias sibi à Rege factas Pontificem adire, quod Regii Ministri ceu crimen læsæ Majestatis æstimant, Etenim in isto etiam casu locum habet ratio Gersonii; *Lex naturalis dicitur, ut possit vis vi repelli* : ac præterea docet idem Doctor loco alibi exscripto, licere non solum Communitati, sed etiam privatis adversus Principis, aliquin legitimè dominium obtinentis, tyrannum*

nicum regimen sese defendere: quis autem iustior, & modestior modus se defendendi, quàm ut appelletur Pater communis omnium Christianorum, & Pastor, cui tenentur etiam ipsi Reges parere, si inter Christi oves censerì volunt?

8. Quæ sit appellationum ab abusu iustitia, satis intelligitur ex eo quod, cum earum usus inductus est, nec ipsi Iudices Regii, ad quod deferebantur, quo jure niterentur, perspicere poterant: & cum rationes inquirere studuerunt, ejusmodi prorulerunt, quas nec alii probarent appellationum illarum Patroni. Quas Stephanus Ausferius cujus supra meminimus, adducit, adeò debiles sensit Petrus de Marca, ut de illis ita loquatur §. 6. *Sanè satendum est pleraque ab Austro laudata testimonia longius esse petita; quàmvis aliqua huic disputationi inservire possint.* Non designat Marca, quænam sint illa testimonia, quæ inservire possint. Sed quantum sit illorum pondus abundè cognosces ex eo, quod immediatè subdit; *Præcipuum autem illud, in quo causæ fundamentum ponebant . . . non adeò urget ac primà fronte videtur, &c.* Cur timeantur alia, cum præcipua, ipsi etiam Adversarii parvi faciant? Concludit Marca; *Quare non mirandum est, si Rebuffus, qui sola hæc testimonia exponderat, iniquius se gerat erga istas appellationes, quas nimis angustis finibus coerces, scilicet iis casibus, in quibus Rex jurisdictionem habet delegatam à Papa, vel à Canone, ut in tuenda fide, vel Ecclesia, si oppugnetur, & in casibus à jure expressis.* Hic ad marginem monemur consulere secundam præfationem Marce §. 13. Ibi autem Marca Rebuffum interpretatur, quasi delegationem expressam, & non tacitam dumat, exigeret. Itaque, si desit etiam tacita, locum habebit Rebuffi sententia.

9. At tacitam summi Pontificis, aut Canonis delegationem, seu Ecclesiæ consensum non deesse probat §. 7. tum ex eo quod Concordatorum tuitio, quæ majoris est momenti, Regibus commissæ sit; tum quod non sint inviti Episcopi, nec de re, sed de excessu conquerrantur; tum denique quod tam diu siluerit Curia Romana. *Ex præsumptis Summi Pontificis semper Gallicanæ Ecclesiæ persuasum fuit, in cæteris etiam articulis (scilicet ultra contentos in Concordatis) eam tuitioem extraordinariam, quæ in Gallia ante Concordatorum publicationem vigeat, à Summi Pontificibus tacitè fuisse concess-*

concessam; cū in rebus majoris persapē momenti, quæ Concordatiæ continentur, præsidium Regiū ad Decreta custodienda impendi gratissimum habuerint. Quæ Summorum Pontificum consensu inde etiam probari potest, quod ab aliquot sæculis cū appellationum istarum usus frequenter in Gallia (non inuitis Episcopis, qui modum quendam illis præscribi, non autem rem ipsam aboleri aliquoties postularunt) à Romana Curia nihil profectum sit, quo ingratam sibi esse fori tritum illam significaret.

10. Verū ex Concordatiæ argumentum validissimum desumitur contra præsensum sanctæ Sedis tacitum consensum circa appellationes ab abusu. Ibi enim summus Pontifex expressè declarat se alios usus præter contentos in Concordatis, si qui sint sanctæ Sedis, & Ecclesiæ iuribus contrarii (quales esse ostendimus illas appellationes) non intendere approbare. Et cum omnium (verba sunt Leonis X. in Concordat. tit. 33. qui est de perpetua stabilitate Concordatorum) quæ in Regno, Delphinatu, & Comitatu prædictis agantur, notitiam non habeamus, consuetudines, statuta, seu usus libertati Ecclesiastica, & auctoritati Sedis Apostolica quomodolibet præjudicantia, si quæ in Regno, Delphinatu, & Comitatu prædictis, aliàs quàm in præmissis, existant, non intendimus nobis, & eidem Sedi in aliquo præjudicare, seu illa tacitè vel expressè quomodolibet approbare. Vide an meritò ex præsumpta mente summi Pontificis semper Gallis persuasum fuerit, in cæteris etiam articulis (ultra contentos in Concordatis) eam tuitionem extraordinariam à summis Pontificibus tacitè fuisse concessam. Nonne potiùs expressa declaratio eliminat omnem taciti consensus præsumptionem. Testatur præterea Constitutio singulis annis in die Cœnæ Domini publicari solita, & aliæ innumera, quantum aliena sit sancta Sedes à consentiendo usibus Ecclesiasticæ jurisdictioni tam infestis.

11. Testantur acta Cleri Gallicani, & nominatim Tractatus de Ecclesiastica jurisdictione alibi laudatus, & tomo 1. actorum Cleri Gallicani insertus, an Episcopi jurisdictionem suam per hujusmodi appellationes extingui gratum habeant; an verò ex desperatione tantum abolendi usus sibi tam perniciosi, modum ei adhiberi postulatint. Ex his autem inferent Prælati Ecclesiastici, quantum inter sit iurium Ecclesiæ violationi, & quàm primū, & quàm fortiter obistere, cū in rebus capitalissimis, quæque nullā solida ratione nituntur, resistentia

non satis generosa (nedum silentium) accipiat pro consensu; ut jam non de revocando , sed de minuendo malo deliberandum sit; ac pro magno favore habeatur , si perniciosiores circumstantiæ referantur. Inferent similiter , quàm periculosum sit ab iis opem emendicare , qui alienam dominationem excludunt , sed ita ut ipsi durius dominantur. Sapientissimè statuerunt Summi Pontifices, ut Laicorum leges circa res Ecclesiasticas sine assensu Ecclesiæ nullâ vi pollerent , etiamsi viderentur utiles. *A quibus (Laicis) inquit Innocentius III. cap. Ecclesia de Constitut. si quid motu proprio statutum fuerit , quod Ecclesiarum etiam respiciat commodum , & favorem, nullius firmitatis existit, nisi ab Ecclesia fuerit approbatum.* Minus enim est illud commodum , quàm damnum usurpatæ à Laicis in Ecclesia jurisdictionis ; præsertim quia ubi semel Ecclesiasticarum rerum arbitrium prætextu procurandæ utilitatis Ecclesiasticæ ad se traxerint , si decernant injusta , respui vix poterunt ob dissimulatam iudicandi possessionem. *Nam ut ait Nicolaus I. epist. 47. quæ est ad Hincmarum Archiepiscopum Remensem , & refertur in Concilio Sueffion. 3. Mala consuetudo, quæ non minus , quàm perniciosa corruptela vitanda est, nisi citius radicitus evellatur, in privilegiorum jus ab improbis assumitur, & incipiunt prævaricationes, & variæ presumptiones celerrimè non compresse pro legibus venerari, & privilegiorum more perpetuò celebrari.*

CAPUT VII.

Discussio capitis 20. libri 4. D. Petri de Marca, ubi adhuc de appellationibus ab abusu.

Periculosam rem tentat Marca hoc cap. 20. §. 1. dum quorum Canonum violatio appellationibus ab abusu locum præbeat, determinare aggreditur. Quoscumque limites præstat, ulteriùs excurreret. Satiùs erat, quandoquidem jurisdictionis Regiæ patres susceperat, indiscussam illam questionem præmittere , ne, cum novæ usurpationes ad capita ab eo assignanda revocari non possent, earum injustitia faciliùs deprehenderetur. Nam

v. g. verum est, ut ipse dicit, *Edicto lato anno 1619. de causis merè spiritualibus, & de Sacramentorum administratione cognitionem prohibitam esse Curis supremis, etiam harum appellationum prætex- tum.* Sed praxim Edicto contrariam esse docent non solum Jacobus Duhamel Autore antiquior, sed etiam Fevretus recentior, quos supra retulimus, & recentia Decreta Curiarum secularium. Quod ait non provocari à concessione, sed ab executione Rescriptorum Pontificiorum, appellari autem ab ipsismet judiciis Episcoporum, reverentiæ quidem erga sanctam Sedem speciem habet, sed quæ injuriam tegat, non tollat. Cur autem Episcopis similis honor non defertur? Siquidem, ut §. 2. dicit Marca, de iniquitate judiciorum Ecclesiasticorum Judices in appellationibus ab abusu non judicant. Adde quod recentia Senatusconsulta reverentiam illam erga summum Pontificem, saltem ex omni parte non servant.

2. Paragrapho 2. monet Judices seculares; Primò, ut Canonum Executores se non præstent, id est, *de solo abusu admissio, non de negotio ipso Ecclesiastico judicium ferant.* Secundò, ut nisi abusus sit apertissimus, notorius, & manifestus Ecclesiasticis Iudicibus litem relinquunt, rationem affert §. 3. *Neceffe est enim, inquit, ut Iudices Regis hoc sibi proponant, judicia Canonica nullo modo ad jurisdictionem Regiam pertinere; sed communi Episcoporum, & Principum consensu ab ipsis Christiana religionis primordiis Ecclesiastica jurisdictioni addita. Quare, si, necessitate cogente, in eas cognitiones Regia jurisdictio aliquando excurrit, ita se gerere debet, ut lineas hac in re defixas non egrediatur.* Observat deinde non passim, sed duabus potissimum de causis judicia Canonica olim à Principibus tentata, vel suspensa; scilicet ad amovendum scandalum, & offensionem publicam; & dum judiciorum ordo pet dolum, circumventionem, machinationem, judicio Ecclesiastico Episcopi, vel Clerici opprimerentur. Sed, ut notat §. 4. & ut generaliter dici posset, *Si quis ad hanc necessitatem coercere velit Patrocinium Regium, usus fori quotidiani periclitari videtur.* Non enim circa ordinem tantum, sed & circa negotia, nihil sibi non licere Judices seculares arbitrantur, quibus, nisi validius obsistatur, brevi tacitus consensus obtineretur; eritque malum omnis prorsus curationis inopiens. A religione, atque justitia Christianissimi Regis expectandum est remedium. Exepim ea est Parliamentorum firmitas (lenius est verbum ob-

Augustorum illorum cœtum reverentiam) ut à solo Rege flecti possit, vixque alterius etiam Regis, quàm Ludovici XIV. voluntati cessura sit, quod cum ex aliis, tum ex inobservato Edicto anni 1619. supracitato constat. Invictissimi illius Principis auctoritati, & æquitati reservata est gloria Constitutionis illius, quam promiserat Marca hoc §. 4. aut potius alia optanda, quæ integram suam libertatem, & jurisdictionem Ecclesiæ restituar.

3. Quemadmodum de facta Ecclesiasticæ jurisdictioni à Judicibus secularibus injuriâ, si quidem inferiores illi sint, ad Senatum; si Senatus ipse fecerit, ad Regem recurrendum esse vult Marca in hoc 2. cap. §. 5. & cap. seq. §. etiam 5. si quid perperam ab Episcopis gestum sit, cur non appellabitur Metropolitanus? Si à Metropolitano, alius superior, donec ad supremum Romani Pontificis Tribunal perventum sit? Nonne eadem in rebus spiritualibus potestatem à Deo Pastores Ecclesiæ obtinuerunt, quàm Magistratus & Principes in rebus temporalibus? Nonne, ut sæpius diximus, si alterutra potestas alteri præferri, vel alteram emendare debeat (& revera debet) spiritualis temporali est anteposenda? Quanta ergo sit spirituali injuria, cum temporali postponitur, nedum par non habetur utriusque conditio, ut cuique liberè sua liceat obire munia?

4. Sicut olim Ecclesia judiciarium ordinem à legibus constitutum sequebatur; ita postea ordinem à jure Canonico inductum amplexa est Gallia, ut ejus nationis Scriptores notarunt, nominatim Marca §. seq. & perhibet stylus ipse, ac praxis: sensim tamen plures factæ sunt mutationes, quibus ipsam Ecclesiam subjicere Judices laici conantur; aded ut hodiè multæ appellaciones ab abusu, vix alio prætextu colorentur, quàm non servatæ formæ à Constitutionibus Regiis, aut Stylo præscriptæ, magisque ferè cavendum sit Judicibus Ecclesiasticis, ne fori secularis praxim, quàm ne Canones ignorent. Ex Canonibus enim non observantur quamplurimi; formulas modernæ juris prætermittere nefas est, & abusus multæ obnoxius.

5. Ab ordine tamen judiciario per leges constituto Principem dispensare posse probat Marca §. 6. auctoritate Meliphongi Episcopi in Concilio Chalcedonensi dicentis, Eutichen per se ipsum, non

per Procuratorem respondere debere; *Nisi*, aiebat, *aliter Jufferit Imperator, cui parendum erit.* Verum etiam hodie Magistratibus secularibus in multis parendum est: sed hoc non propter conscientiam, sed propter iram: non quia iusta præcipiunt, sed quia Præceptorum executionem per vim extorquent. Cum ordo iudicialis ad hoc institutus sit, ut rei veritatem, & iustitiam facilius assequantur Judices, & iudicia commodius executioni demandentur: sicut in variis Regnis, imò in variis Provinciis pro circumstantiarum varietate diversus est, ita, & pro rerum, & causarum distinctione. Et quemadmodum quilibet Princeps iudiciorum formam, prout subditis suis convenire arbitratur, iudiciis suis præscribit; ita æquum esset, ut Ecclesia liberè posset in negotiis spiritualibus & Ecclesiasticis ordinem sequi, quem probasset commodiorem causis rectè citòque expediendis.

6. Frustrà verò dicto §. 6. probatur Ecclesiam olim leges secularum in ordine iudiciorum: nam ut verbis Luci III. utar, quæ referuntur cap. 1. de novi operis nuntiatiione; *sicut leges non dedignantur sacros Canones imitari, ita & sacrorum statuta Canonum, Principum Constitutionibus adjuvantur.* Glossa super verbo, *adjuvantur*, addit: *Et ita in causa Ecclesiastica leges possumus allegare, ut etiam si Canones deficiant, possit judicari secundum leges.* Sed aliud est Ecclesiam iustis, & commodis legibus in suis iudiciis uti, aliud non posse à legibus recedere, nisi ex dispensatione Principum.

7. Illis fori secularis formulis se non adstringi putabant Iudices Ecclesiastici in Gallia ante paucos annos. Nam & quique suum stylum habebant; & initio huius sæculi auctoritate Comitiorum Cleri Gallicani editus fuerat stylus generalis in omnibus Curiis Ecclesiasticis illius Regni servandus. Anno 1366. Instabat Senatus Parisiensis, sicut narratur in instrumento relato à Puteano inter probationes libertatum Ecclesiæ Gallicanæ cap. 28. num. 19. ne causæ ad Religionem spectantes apud Iudices Ecclesiasticos tractarentur, prout Edicto Regio constitutum fuerat, eaque inter alias afferebatur ratio; „ Quia Iudices Ecclesiastici legibus Principum „ temporalium se non teneri arbitrantur, easque non observant. Expediit quidem ad vitanda incommoda, quæ interdum ex diversitate oriuntur, ut Ecclesiæ Officiales iudicario secularium ordini

sele

fese quantum possunt accommodent. Sed cum ab eo sibi recedendum existimant. iniquum est, ut tanquam abusi suâ potestate, plestantur à potestate seculari.

C A P U T VIII.

De usurpatione jurisdictionis, circa caput 21. lib. 4.

Domini de Marca.

Quatuor primis hujus capituli paragraphis Marca probat licere Principibus, & Magistratibus secularibus jurisdictionem suam, cum ab Ecclesiasticis impetitur, defendere. Quocirca nihil est nobis observandum, cum inutilis sit illa disputatio. Nec enim arbitror quemquam ex iis, qui res Gallicanas norunt, posse suspicari Ecclesiasticos Judices illic jurisdictionem secularem invadere, cum vix propriæ jurisdictionis partem retinere possint.

2. Rectè animadvertit Autor §. 5. eodem jure uti debere Prælatos in tuenda sua jurisdictione, quo laici Magistratus in vindicanda sua; idque Decretalibus (debit etiam addere Canonibus, quia huic nomini plusculum honoris illic defertur) constitutum facetur. Sed moner, Regiis ordinationibus esse præscriptum, ut contra inferiores Judices, Senatuum, contra Senatus, Regis imploretur auxilium. Verum, ut æqualitas servaretur, debuit ulterius, quod superiori capite diximus, injurias ab Episcopis illatas ad Metropolitanos, à Metropolitanis factas ad Primatem, vel denique ad summum Pontificem emendandas remittere. Contrarium nihilominus obtinere debere quatuor rationibus probat. Sed hic, ut alibi frequentissimè, jus cum facto confundit; nec tam sollicitè quaerit, utrum æquum sit Principes, vel Magistratus aliquid facere, quam utrum aliquando sive jure, sive injuria, id fecerint, vel faciant modò: sed fallor fortassis. §. enim 6. sic inchoat; *Quod æquissimâ ratione nititur.* Priùs igitur videndum, an re ipsa rationes illæ (quatuor enim assert) ex æquitate petita sint.

3. Prima ratio est, quia cum Ecclesia in Imperio sit, id est, per

per Provincias sparsa, ex Civibus constet, & sub Patrocinio Regum degat, Episcoporum refert, pacem cum Imperio retinere. Prudentiæ præceptum est istud, non regula quâ discerni possit, an quod efficiunt Principes, Ecclesiæ injuriolum sit. Eodem argumento, si Ecclesia Principum jura invaderet, repelli possent Rectorum Officialium querelæ; reponendo scilicet Regum interesse, ut pacem cum Sacerdotio colant; cum Regnum sit in Ecclesia; & Christianis constet, quorum multi Religionem Civitati non postponant, sed præferant. At exigunt justitiæ leges, ut quærat, non quid quis pati cogatur, sed quid ei debitum sit.

4. Secundò, assertur regula juris; *In pari causa melior est conditio possidentis*. Posset ab hac regula excipi Ecclesiæ causa, quæ ob Religionem favorabilior est. Sed regulæ inhærendo, servandæ sunt ejus conditiones, ut scilicet par sit causa, & possessio pacifica, nec à jure reprobata. Quæ autem inter Ecclesiam & potestates seculares controvertuntur, ejusmodi plerumque sunt, ut manifestè melior sit illius, quàm istarum causa. Possessio etiam, cum Ecclesia, quantum licet, semper reclamet, pacifica esse non potest; ac præterea frequenter vel est violenta, vel est contra prohibitionem juris inducta, ut ex sequenti ratione Marcæ concluditur.

5. Tertia ergo ejus ratio est, quòd minor sit ex parte Ecclesiæ spes emolumenti, quàm metus damni; quod meruenda sint dissidia, contemptus autoritatis Ecclesiasticæ, bonorum direptio, & fidelium perniciēs. Vide quàm æquis rationibus nitatur jus Principum. Parva spes est, ut quod ab ipsis petit Ecclesia, consequatur: magnum periculum est, ne potius ab ipsis damnum patiatur: metuendum est, ne autoritas Ecclesiastica in contemptum adducatur, ne bona Ecclesiastica diripiantur, ne animæ pereant. Suntne isti justi tituli, quibus possessio juri contraria possit apud æquos, & sapientes Judices excusari? Certa è contra hæc sunt argumenta, non esse tutam Principum conscientiam, ubi solâ se possessione tumentur, cum tantorum malorum metu extortam scire possint.

6. Quartam rationem exprimit his verbis; *Adde alienum esse à prudentia, ut viribus impar se contentionibus implicet, quæ manifestum detrimentum sunt allaturæ*. Sed si hæc regula generatim observanda est, nunquam Episcopi Principibus Ecclesiastica jura occupantibus

obfistunt, quandoquidem semper viribus impares sunt in sensu illius Autoris. Alia fuit Sanctorum Antistitum mens, qui se pro libertate, ac jurisdictione Ecclesiasticâ morti exposuerunt; plures etiam eâ de causâ Martyrium adepti sunt. Sed hoc, inquit, in rebus capitalissimis. Etiam in aliis, ut docent historię; quippè cùm scirent à minoribus ad majora deveniri, ac nisi citò malis occurratur, insaniabilia fieri. Non putabant autem illi se viribus esse verè impares, quippè qui Omnipotentis Dei auxilium expectarent; & mala omnia temporalia, imò & mortem ipsam gloriosissimæ victoriæ loco habebant.

7. *Est elegans ratio*, ut vocat Marca §. 7. quam ducit à Principis officio, cui vult componendarum contentionum arbitrium commissum, ex eo quòd constitutus sit à Deo optimo maximo, ut Ecclesiam foveat, ejusque tranquillitati prospiciat. Sed numquid idem sunt Ecclesiam tueri, & ejus ad se jurisdictionem avocare? Istud quidem etiam fecit Justinianus, sed injuriâ. Carolus Magnus, & Ludovicus Pius ex consensu, imò ad preces Ecclesiæ, ut alibi ostendimus, Ecclesiasticarum rerum curam susceperunt, seque Ecclesiæ Defensores, & Adjutores, non Judices, aut Dominos esse profitebantur.

8. Leonem IV. Ludovici II. Imperatoris judicio submisisse, si quid à se incompetenter gestum fuisset, refert ex Gratiano Marca §. 8. Supposititium esse, quod scribit Gratianus ca. Nos si incompetenter a. quæst. 7. & ante illum Ivo Carnotensis, suadent temporis, & personarum circumstantiæ. Hallucinati sunt fortassis, & quod circa Leonem III. contigit, Leoni IV. tribuerunt, rei tamengestæ seriè pervertentes. Nam, ut scribit Anastasius, in Concilio ad examinandas adversus Leonem III. accusationes congregati; *Universi Archiepiscopi & Episcopi & Abbates unanimiter audientes dixerunt: Nos Sedem Apostolicam, quæ est caput omnium Dei Ecclesiarum, judicare non audemus: Nam ab ipsa nos omnes, & Vicario suo judicamur, ipsa autem à nemine judicatur, quemadmodum antiquitus mos fuit: sed sicut ipse summus Pontifex consuevit, jubet canonice obediemus.* Similia dixerant Episcopi à Theodorico contra Symmachum convocati, ut alibi vidimus.

9. Sed ne in prosequenda falsi accusatione diutius immoremur, notamus submissionem illam Leonis IV. & reverà facta est, ex di-

pensa-

Dispensatione Ecclesiastica, ut fatetur Marca, fuisse factam. Ceterum Glossam Alexandri Imolenis ad marginem prædicti ca: *Nos si impotenter*, appositam, vel incongruè applicat, vel ad sensum à mente Autoris remotissimum detorquet. Quid enim sibi volunt illa verba Marcz, *Ubi rectè adnotatum est ex Alexandro Imoleni idem observari debere in Rege Francorum*? Postularet contextus, ut in hunc modum intelligerentur contra intentionem Marcz, quemadmodum Leo IV. ex *dispensatione Ecclesiastica* sese Ludovici I. L. iudicio supposuit, ita & Rex Franciæ ex dispensatione debet se Summi Pontificis, aut Imperatoris sententiæ subdere: sed sensus Alexandri est, Regem Franciæ, cum superiorem (in temporalibus scilicet) non habeat, in propriis causis jus sibi dicere posse. Hæc sunt ejus verba in l. *Est receptum* ff. de jurisd. omn. Jud. unde sumpta est illa Glossa marginalis: *Facit* (ad quæstionem scilicet; utrum non recognoscens Superiorem possint sibi facere justitiam) *Text. in ca. Novit. de iudiciis. Ubi Rex Francorum superiorem non recognoscens, cognovit de propria causa feudi, de qua aliàs non debuisset esse iudex.* Quamobrem autoritate illius Glossatoris manifestè abutitur Marca, cum ex ea concludit §. 9. non licere Iudicibus Ecclesiasticis jurisdictionem suam, etiam per censuras, adversus Magistratus Regios tueri, quasi isti proprio officio defungantur, dum rebus Ecclesiasticis sese immiscant, aut Rex Christianissimus, etiam in spiritualibus, Ecclesiam ceu Superiorem non cognoscat. Addit enim Alexander Imolenis cum Abbate; *Licet non recognoscens superiorem possit esse iudex in propria causa, verum est quod sibi subditos, non quoad alios, quod confirmat testimoniis Hostiensis & Joan. Andr. Papa autem, & Episcopi in spiritualibus Regi Franciæ non sunt subditi.*

10. Liceat iterum animadvertere, quàm malè sibi concordent Galli de suis libertatibus agentes; cum enim eas in observatione Canonum reposuerint, eas tamen Conciliorum auctoritati anteponunt. Scribit enim Marca hoc §. 9. reiectum fuisse à Gallis Decretum Concilii Lugdunensis sub Gregorio X. anno 1274. habiti, quo permittobantur usus censurarum adversus Ecclesiasticæ jurisdictionis usurpatores. Sed injustam fuisse recusationem, vel saltem aliò quàm libertatis fundamentò niti debuisse, satis ipsimet Galli significaverunt; quando quidem, ut subiungit idem Marca, privilegiis Apostolorum sese munire

fategerunt. Miror autem eundem Autorem famosas illas consuetudines Angliæ, pro quibus Henricus II. Rex tantum sibi dedecus apud probos omnes comparavit, quasque meliori consilio postmodum abrogavit, & Gallia, saltem ex parte, advectas doceat, quasi earum origo Galliæ magno esset honori vertenda.

11. Concludit Marca librum, monendo Episcopos pro fide tuenda mortem, si opus sit, oppetere debere, potius quam fidei violationi assentire, aut connivere; pro jurisdictione, ac pro disciplina Ecclesiastica, non ita; sed Canonum infractionem tolerare. Id est, faciant quidquid libuerit, & Rex, & ejus officiales contra Ecclesiam, dummodò fidem non oppugnent; imò nec si fidem impugnant, Ecclesia ex nova declaratione Cleri Gallicani possit eos per temporalem penam cohibere; atque adeò per nullam; spirituales enim irrident, qui fidei bellum indixerint.

12. Libertatum Gallicanarum hæc summa est juxta Marcam, ut Episcopi, & Summus ipse Pontifex, majorum malorum metu omnia perferant. Cæterum cum tuitio Ecclesiæ Romanæ, Galliæ sit à Divino Numine commissæ, dummodò jure, quo dixi, laica potestas uti sinatur, *communia erunt*, ut ait, *cum Romana Ecclesia illius Regni Christianissimi & florentissimi fata, quæ sunt usque sæculi interitum perduratura*; sed aliter de illa conditione senserunt, ut supra notavimus, Episcopi, qui Regi Cœlesti magis quam terreno placere studentes, & Ecclesiæ jura suis rationibus præponentes, vitam sibi, quam Ecclesiæ libertatem eripi maluerunt. Absit ut credam, Regem Christianissimum eo tantum pacto communia velle cum Romana Ecclesia florentissimi sui Regni fata; ut in Ecclesiam quidquid sibi citra fidem libeat, liceat.

C A P V T IX.

De Tractatu Caroli Fevret.

1. Libertatum Ecclesiæ Gallicanæ pars tantum sunt appellationes ab abusu, aut ait Carolus Fevret: & tamen cum ille novæ libris partem illam enucleandam suscepisset, præfatur, fieri

ROB

non posse, ut quis omnes huiusmodi appellationum casus complecti possit: unde concludit, ,, Plura semper dicenda fore, quàm dicta ,, sint; decies longiorem viam percurrendam, quàm quæ decursa ,, fuerit, abyssum esse, quàm nullum ingenium quantumvis perspicax penetrare possit, &c. Huius autem difficultatis vera causa est, quod penes Curias Regias esse dicatur, declarare, quid in quaque re abusivum censeretur debeat. Etenim Senatusconsulta supremæ leges sunt, ,, Res etiam non parvi momenti est, inquit idem Fevretus in ,, præfatione, quod Arresta super appellationibus, ab abusu inscriptis, ,, in quovis Parlamento Regni lata, legis generalis vim ubique obtinent, & loco Judiciorum universalium sunt inter omnes, & in omnibus casibus. Emanant autem indies nova placita novos abusionis articulos constituentia. Itaque impossibile est, ut appellationes eo titulo coloratæ certis circumscribantur limitibus.

2. Tantùm abest, ut huic torrenti obex aliquis possit opponi; ut si quis eas appellationes Ecclesiæ nocivas, nedum si hæreticas dicere ausus fuerit, in crimen læsæ Majestatis incurrat, ut innuit idem Fevretus loco jam suprà citato. Non est quidem huius criminis reus habitus Clerus Gallicanus, quando Regibus supplicavit; ut ad certa quædam capita revocarentur, ne in immensum excreverent. Sed licet mitiùs eum illo actum sit, parva eius supplicationis habita est ratio, & renitentibus Curis, tenuissimus ex ea fructus perceptus est.

3. Nec putes quæ in hac materia de novo accidunt, non esse recentia jurisdictionis Ecclesiasticæ vulnera, sed regulas jam constitutas ad similes casus de novo emergentes accommodatas. Plurima enim sunt, in quibus non ità pridem jus suum Ecclesiæ asserabatur, quæ recentibus Placitis evertuntur, v.g. in responsionibus ad quosdam articulos Romæ missos, inter probationes libertatum Ecclesiæ Gallicanæ relatis cap. 36. num. 17. Senatus Parisiensis expressè declarat; circa cognitionem testamentorum, æquum esse, ut quæstiones de testamentis, & eorum validitate inter laicos, apud Judices Laicos tractentur: & ita plurimum Regni Provinciarum consuetudinibus constitutum fuerat, præter usum antiquiorem, quo absque distinctione Judices Ecclesiastici de quæstionibus illis judicabant, ut videre est apud Fevretum lib. 4. cap. 6. num. 3. ubi re-

statutur in Provincia Burgundia ita observatum usque ad annum 1508. Restamen eò devenerunt, ut etiam inter Clericos de testamentis Clericorum controversia apud Judicem Ecclesiasticum ventilari non possint, quin appellationi tanquam ab abusu locus detur, ut habeat idem Fevretus loco citato num 7.

4. Alia passim occurrunt exempla in ejus Scriptoris Tractatu, de quibus idem dici jure merito potest, quod faretur lib. 4. cap. 11. num. 10. Adducta enim auctoritate Boërii, Joannis Galli, Molinæ, & Tiraquelli sentientium, quod, dum Clericus super pensione non soluta convenitur, neque de fundamento illius pensionis, quod Realesit, agitur, omnisque fraus abest, debet coram Judice Ecclesiastico agitari controversia, quod præfatus Joannes Galli adeò æquum esse arbitrabatur, ut se credere istam opinionem tanquam Evangelium veram, dicere non fuerit veritus. Tamen, inquit ibi Fevretus, in pluribus locis usus juri, & rationi prævaluit.

5. Sed, cum justitia in quadam æqualitate, ac commensuratione consistat, tunc perfecte elucescit, cum ambæ partes comparantur. An Curia seculares æqualitatem servant, dum quæ cujusque jurisdictionis causæ sint, discernunt, ex isto exemplo inter alia innumera intelligi poterit. Idem Carolus Fevret lib. 4. cap. 10. num. 1. & 2. Clericos in officio, vel negotiationi seculari delinquentes Regiorum Officialium correctioni, ac castigatione subijcit. At verò num. 3. Laicum in officio Ecclesiastico, qualis est Presbyterorum in carceribus Episcopalibus detentorum custodia, peccantem examit à Judicis Ecclesiastici animadversione. Faterur id quibusdam videri: sed, inquit, *quod Senatui placuit vim habere legis*; utinam in istis tantum, non etiam in iis, quæ Religionem intimius attingunt. Non est, inquit Fevretus, Laicus Ecclesiastico Judici subditus, nisi in Spiritualibus. Sed quæ sunt illa spiritualia? Ab hoc enim numero excluditur ibidem dierum festorum observatio, & alibi alia.

6. Si quæ autem adeò evidenter spiritualia sunt, ut id negare pudeat, prætextu possessorii ad Tribunalia secularia trahuntur. Neccesserunt, ut notat lib. 4. cap. 11. n. 6. Judices Regii Ordinationi, seu Constitutioni Regis an. 1619. qua Ludovicus XIII. veterat,

, veterat, ne supremæ Curia, aut alii Judices Regii, de rebus
 , spiritualibus, aut ad sacramenta pertinentibus judicarent, etiam
 , sub prætextu querelæ, aut possessorii causis hujusmodi accommo-
 , dati. Ad eò scilicet ægrè quis resilit ab eo, quod semel injustè usur-
 pavit, dum emolumenti, vel autoritatis aliquam hinc imminutio-
 nem consecuturam videt, ut observavit idem scriptor in præfatione.

7. Quandoquidem Regium Franciæ Consilium in causa Ele-
 ctensi, & in causa Aginensi aliquot ante annos Regularium jurisdi-
 ctioni circa prædicationem verbi Divini, & Sacramentorum admi-
 nistrationem limites constituit; imò & in Electensi certis casibus
 absolutionem Sacramentorum negari non posse declaravit: Quid
 erit adeò sacrum, & spirituale, quod à jurisdictione seculari exima-
 tur? Perhibent quidem hæc Placita, quorum alterum vidi, alterum
 relatu accepi, Regem tanquam Canonum executorem ea statuere;
 sed executio certam & evidentem Canonum sententiam supponit,
 quæ rei cognitionem judiciariam non requirat; & tunc tan-
 tùm à Principibus curanda est, cum eam Ecclesia per se consequi non
 potest.

CAPUT X.

*Qua ratione olim procederetur, ubi Superiores Ecclesia-
 stici suâ potestate perperam uti videbantur; quibus-
 que gradibus per-ventum sit ad appellationes ab abusu.
 ad cap. 1. Fevretii.*

1. **C**arolus Fevretus octo primis paragraphis capitis primi mul-
 tis probat adductis testimoniis, vocem, *abusus*, apud usur-
 patam ad designandum pravum jurisdictionis usum; sed
 nulla est de hoc nomine quæstio: de modo tantùm, quo abusuum
 reparatio procurari dicitur, plurimùm dolent, quicumque Eccle-
 siam amant: & multò tolerabiliore fuissent viæ illæ, quibus proce-
 debatur

debatur olim, quasque ceu imperfecta quædam appellationum ab abusu rudimenta fuisse asserit §. 9.

2. Nam cum loco cap. seq. citando appellationes ab abusu in rebus tantum gravibus interponendas esse notaverit, convenientius erat, ut recentiores Gallicani majorum suorum reverentiam erga sanctam Sedem imitantes, eam sequerentur rationem, quam refert §. 10. ubi ait, in rebus magni momenti, si quid accidisset libertatibus, & immunitatibus Ecclesiasticis, vel Regis, & Coronæ juribus contrarium, solitos olim Prælatos, & Regni Optimates, comprobante, ac permittente Rege, congregari ad restituendas res in pristinum statum, ideoque delegari ad sanctam Sedem Illustres, ac magni meriti viros, qui sanctæ Sedi supplicarent, ut quæ proponebantur, amplecteretur, & monitiones libenter audiret. Res gravioris ponderis, quas solas appellationibus ab abusu subjici debere fateretur, paucae sunt; atque adeo non nisi rarissime ad sanctam Sedem recurrendum foret. Si autem hodiè Tribunalia secularia hujusmodi causis, plusquam quibusvis aliis occupantur, hoc inde accidit, quia sine ullo defectu admittuntur appellationes tanquam ab abusu, sive levis sit materia, sive gravis, sive appareat abusus, sive secus, sive de re spirituali agatur, sive de temporali, quibus ita se habentibus non mirum est, si incommodum, imò impossibile videatur, toties sanctam Sedem adire.

3. Subjungit Fevretus Prælatos, & Optimates, dum optata à Summis Pontificibus consequi non potuissent, Regi suadere solitos, ut subditos ab oppressionibus tueretur: sed Ivo Episcopus Carnotensis, cujus autoritate nititur, non ita generatim loquitur. Consuluerat illum Episcopum Philippus Rex Franciæ circa indictionem tertii intra eundem annum Concilii ab Archiepiscopo Lugdunensi Vicario Apostolico destinatum. Respondet Ivo epist. 56. Rem verisimiliter non eventuram; sitamen, inquit, secus accideret, Apostolicæ institutioni, & Ecclesiasticæ consuetudini fore contrariam: deinde verba subjungit à Fevreto relata; *Si quis vos (alii legunt eos) contra (alii legunt ultra) terminos à Patribus constitutos angariare voluerit, habito communi consilio, oppressionibus pro persona vestra resistite.* Quâ verò ratione resistendū esset non expressit, arbitratus nimirum convenientem illam fore, si communi

cum

eum Episcopis, Ecclesiasticæ Dignitatis studiosis, consilio deliberaretur. Omnium autem convenientissima fuisset, ut à Vicario sanctæ Sedis ad sanctam Sedem appellaretur, ut dicitur infra. Quoniam autem alicujus Episcopi accusationem judicaturus dicebatur Legatus: monet idem Ivo non posse accusatum non se sistere iudicio. Unde consequitur eo casu, atque adeò, si alia gravis causa postularer, à Legato pluries convocari Concilium, aut sine Concilio judicari Episcopos à Legato; *Si autem aliquis pro culpis suis indulto sibi congruo spatio à Legatis Apostolicis vocatus fuerit, non potest subterfugere, quin ad diem sibi prescriptum occurrat, nisi eum legitima causa detineat.* Inutilem igitur tantum, & injustam, non autem necessariam convocationem excludendam censebat Ivo, & oppressionibus resistendum.

4. Paragraphis 10. & 11. congerit Fevretus exempla delegationum ad sanctam Sedem, tum à Francis, tum ab aliis factarum. Paragraphus 13. similia continet exempla; summorum Pontificum ad Principes litteras. Nuntios, querelarum articulos mittentium; quæ agendi ratio laudabilis, ac Christianæ charitati, mutuaque benevolentia erat consentanea magis quam appellationes prætextu abusus.

5. Paragrapho 14. Proponitur aliud multoties in rebus gravissimis adhibitum, nempe mutua colloquia inter summos Pontifices & Principes, vel saltem inter egregios viros ab ipsis deputatos. Optimum etiam consilium, dum illud rei gravitas exigit.

6. Paragrapho 15. aperitur alia via ad impediendas injurias, quæ ex mandatorum sanctæ Sedis executione consecuturæ essent, nimirum ad sanctam Sedem appellatio. Nam, ut inquit S. Bernardus epist. 180. *Apostolica Sedes hoc solet habere præcipuum, ut non pigeat revocare, quod à se fortè deprehenderit frande elicitum, non veritate promeritum.* Addit Fevretus appellationem ad futurum generale Concilium proximè congregandum, de qua iam satis alibi dictum est.

7. Occasione dissidii inter Bonifacium VIII. & Philippum IV. constitutum est schisma; occasione schismatis editæ sunt multæ Constitutiones, decreta, & alia hujusmodi jurisdictioni Ecclesiasticæ insensibilissima. Idcirco etiam edita est Pragmatica Sanctio, cujus occasione inductas esse appellationes tanquam ab abusu, affirmat Autor tractatus de *jurisdictione Ecclesiastica*, inter acta Cleri Gallicani inserti, & jam pluries memorati. Unde Fevretus §. 16. scribit, appellatione denuncia-

tâ protestationes interponi solitas *in forma infræctionis Canonum aut pragmaticæ*, invocarique Regium Consilium aut Senatum, quorum decreto præcipiebatur; „ Ut Ecclesiastici ab iis omnibus cessarent, at-
tentata revocarent, alioquin certa die coram Regis consilio, veni-
rent, ut postea, partibus auditis, super iis rationabiliter provideretur.

8. En primos gradus jurisdictionis secularis Ecclesiasticam invaden-
tis; non tamen adeo perniciosos, si ulterius processum non fuisset, ea-
rumque rerum sola executio suspensa fuisset, quæ per obreptionem, vel
subreptionem injustè obtentæ fuissent, quousque per Superiorem ip-
sum Ecclesiasticum de rei veritate, ac justitia certior factum, emen-
datæ fuissent. Subsecutus est usus ille, de quo Fevretus §. 17. & 18. reti-
nendarum litterarum Apostolicarum, ne antè demandarentur execu-
tioni, quàm à Judicibus Regiis compertum fuisset, eas nihil juribus, &
libertatibus antiquis Ecclesiæ Gallicanæ, jurisdictioni seculari, aut Co-
ronæ juribus adversum continere. Animadversum præterea est in eos,
qui litteras hujusmodi perferebant. Examen illud, quantum ad legiti-
mâ jura Regis in ejus Officialibus excusandum videbatur: sed quan-
tum ad res Ecclesiasticas, Episcoporum potius fuisset, opportunum &
congruum inquirere remedium.

9. Denique ad appellationes tanquam ab abusu deventum est, quæ
Fevretus cæteris omnibus modis, de quibus egimus, eâ ratione præ-
fert, quod alii usurpationes, & innovationes detegerent, sed non tolle-
rent. „ Nam, inquit, Senatus-consulta eâ occasione prolata in exem-
pla seu præjudicia assumi non poterant, quippe cum causæ cognitio-
ne, ac partibus auditis non pronuntiata, sed plerumque ex officio, in-
stante solo Domino Procureatore generali Regis, atque ad ejus quere-
lam de usurpationibus in rescriptis, quæ ad ejus manus pervenerant,
contentis. Quamobrem successu denique appellatio qualificata, tan-
quam ab abusu, quæ fuit efficacior quàm delegationes, & colloquia,
quàm appellationes ad Papam, vel ad futurum Concilium, quàm pro-
testationes publicæ, & citationes in forma infræctionis Canonum,
quàm etiam examen Bullarum, & processus extraordinarii adversus
earum latroes. Visum est hæc omnia verba Fevreti esse referenda, ut in-
telligas, appellationes ab abusu nihil differre ab aliis appellationibus,
nisi quod vox illa, *abusus*, injuriam Ecclesiasticæ jurisdictioni illatam,
simplicibus aliquatenus occultet. Quid enim aliud Judex ordinarius
appel.

appellationum præstat, quàm ut partibus auditis, & cum cognitione causæ decernat, an aliquid sit contra leges, vel contra consuetudinem? Quid aliud facit Judex secularis in causis merè temporalibus? Obten- ditur quidem Judicem secularem de ipso negotio spirituali sententiam non ferre, sed tantùm de abusu. Verùm quid aliud est ille abusus, si Gallis credimus, nisi sententiæ iniquitas, id est, Canonibus, & legibus repugnantia; tam igitur non est melior via appellationum ab abusu, ut è contra iniquior sit. Nam recursus ad Papam, appellatio ad ipsum me- lius consultum, imò appellatio ad futurum Concilium testabantur, ne- gotia esse autoritate Ecclesiastica definienda: cùm per appellationes ab abusu Laici jus, in causis spiritualibus & Ecclesiasticis dicant, & ju- dicata exequantur.

10. Nescio an risu, an fletu digniora sint appellationum ab abusu encomia, quæ habet Fevretus §. ult. Lugere magis libet, quia Ecclesia, cùm esset Domina gentium, facta est sub tributo, & à propriis filiis op- pressa. „Itaque, inquit Fevretus, si rectè ad eorum institutum attenda- „tur, qui appellationes ab abusu induxerunt, ad bonum, quod ex eis „sequitur, ad quietem Principalium potestatum, quæ ea ratione pro- „curata est, cùm olim ob exortas de jurisdictione contentiones sæpè „commoverentur, ad firmum sustentaculum, quo Ecclesiastica, & tem- „poralia jura sub protectione, atque autoritate Regiâ communita „sunt, meritò dici queat, primum earum Autorem bis terque exclamare cum Archimede debuisse *εἰ ποῦνα εἴπομεν*, cùm nihil ultra desi- „deretur ad ejus perfectionem, quod tanto tempore tantoque labore „inquisitum fuerat, ut unusquisque in suo jure conservaretur, & ut „frequentibus usurpationibus occurreretur. Habet enim id præcipuum „appellatio ab abusu præ cæteris mediis aliis adhibitis, quod effectum „suum statim consequatur, sitque utilis communiter tam Ecclesiasti- „cis, quàm Laicis, qui eà utuntur. Quam justæ sint illæ laudes, aliz- que, quas refert §. 6. constat ex iis, quæ jam dicta sunt, & constabit ex iis, quæ adhuc dicentur de justitia illarum appellationum.

CAPUT XI.

*Rursus de tempore, quo inductæ sunt appellationes ab abusu,
& de variis illarum conditionibus: ad cap. 2. Fevretii.*

Probat Fevretus tribus primis paragraphis capitis 2. non ita esse antiquas appellationes ab abusu: sed adhuc recentiores sunt, quam ipse putet. Concedit ille recentes esse quantum ad formam, sed negat quantum ad vim, & effectum, quippe cum jam olim Regia potestas, Prælatorum Ecclesiasticorum abusus emendaverit. Verum præterquam quod ad id erant evidentes, & notorii excessus, ut causæ cognitionem non requirerent, non ab ipsis secularibus corrigebantur, sed plerumque ab ipsismet eorum autoribus emendari curabantur. Nec parvi momenti est forma illa, scilicet appellationis, quæ postmodum inducta est. Imò gravissimum, & perniciosissimum damnum in se habet Ecclesiasticæ jurisdictioni, quod, dum de illius injustitia egimus, demonstrasse nos putamus. Adde quod illa, quæ commemorat, saltem in principio, non tam erant provisiones à jurisdictione Regia factæ, quam querelæ, ac minæ Regiorum Procuratorum Ecclesiasticæ jurisdictioni parum faventium, vel potius multum adversantium.

2. Optime §. 4. notat Fevretus (si quid tamen optimum dici debet, ubi vix quidquam occurrit boni: sed optima dici possunt, quæ à pessimis liberant) appellationes ab abusu non nisi gravibus negotiis usurpandas. „ Ferendum est, inquit, appellationes illas ex eo magnopere commendas, quod, ubi primum inductæ sunt, non nisi in rebus „ gravibus, publicis, & magni momenti adhibeantur; & certè satis „ culpam non possunt, qui hoc remedio in quavis occasione utuntur, „ sine distinctione boni publici, & privati, quique omnia gravamina „ ceu abusus habent, quod nullo modo ferendum est. Idem ferè antea „ senserat D. de Marca. Quod ait Fevretus, appellationes ab abusu ex eo magnopere laudatas, quod non nisi in gravissimis negotiis principio interponerentur, causam insinuat, cur eis quam primum Ecclesia non satis validè obstiterit: quia nimirum illarum usus, ob casuum gravitatem, erat rarus, ac propter remedii difficultatem ferè necessarius videbatur.

debat. Nec enim dubium mihi ullum est, si passim, ut hodie fit, perturbata fuisset Pastorum Ecclesiasticorum jurisdictio, & ad Tribunalia secularia distracta; Ecclesia, quæ pro causis multò minoris momenti tam strenuè decertavit, hanc pro viribus, vindicata fuisset injuriam: sed malum sensim sine sensu aded exerevit, ut remedium, nisi promptum sit, nihil profuturum videatur.

3. Alia fuit causa neglecti dudum ab Ecclesia illarum appellationum usus, quod scilicet variis conditionibus temperarentur, de quibus Fevretus in §. seqq. quæ tamen hodie prætermittuntur. Necesse enim erat, quod probat pluribus autoritatibus, & ratione §. 5. ut non interponerentur nisi *ab abusu notorio & certo*. Et §. 6. asserit cum alio Autore Gallicano, nomine Duluc, Gallis tantum, & non alienigenis licere sic appellare, &c.

4. Paragrapho 8. appellationes ab abusu in omnibus Franciæ Provinciis usurpari monet, etiam si Paulus III. Papa inlitterit apud Henricum II. Francorum Regem, ne in Britannia, in Provincia, in Delphinatu locum haberent. Sed quare Procurator Regius tam justo summi Pontificis desiderio sese opposuit? Quia, inquit, Primò illæ appellationes erant licitæ, & juridicæ; sed de hoc est questio. Secundò, quia Rex justitiæ debitor est subditis suis. Verum id quidem est; sed quantum ad illa tantum negotia, quæ ad Principes temporales spectant. Imò & in rebus spiritualibus & Ecclesiasticis justitiæ debitor est, tanquam Ecclesiæ Protector. Itaque cohibere debet nimium Procuratorum suorum ad ampliandam auctoritatem Regiam studium, ne Judices seculares adducat ad usurpandam jurisditionem, aut imminuendam libertatem Ecclesiasticam. Tertiò, quia obedientia illarum Provinciarum erat filialis ad ferenda legitima præcepta, non ad tolerandas novitates juribus temporalibus, & Regis in subditos jurisdictioni, contrarias. Sed an Senatus Judex est sanctæ Sedis, ut de illius præceptis sententiam ferat? An statim atque Procuratori Regio placebit, Decretum aliquod summi Pontificis novitatem appellare, quantumvis de re spirituali, vel Ecclesiastica agatur, ita censendum erit; & à Laicis, liganda erunt summo Pontifici manus, sub eo prætextu.

5. Si verum esset, quod antea dixerat Fevretus, non interponi appellationes ab abusu, nisi ubi violatur Regia jurisdictio, concedendum esset Procuratorem Regium partis vice fungi, nec sine illius consensu

H h h h h 3

con-

controversias posse componi, ut asserit idem Autor §. 9. sed ea causa vel raro vel nunquam accidit. De privilegio appellationum ab abusu, de quo Fevretus §. 10. quod scilicet nullâ præscriptione, nullo præjudicio, nullo partium consensu, nullâ temporis diuturnitate impediri valeant, id tantum hic dicendum est, nihil esse jurisdictioni Ecclesiasticæ, imò & publicæ tranquillitati infestius, quandoquidem nulla est judiciorum Ecclesiasticorum securitas, si quocumque tempore, ac quacumque firmitate roborata sint, concuti per appellationes ab abusu possunt. Sed qui sunt antiqui Canones, quibus innititur illud privilegium?

6. Variæ formulæ sententiarum circa appellationes ab abusu, quas refert Fevretus §. 11. parum profunt Ecclesiæ: sive enim appellatio in nihilum redigatur, sive judicium Ecclesiasticum abusivum declaratur; Laici rerum Ecclesiasticarum arbitros se constituunt; formulas autem; dum libebit, immutabunt. Iniquum videtur, quod ait §. 12. ut qui judicium Ecclesiasticum, à quo est appellatum, defendit, mulctâ pecuniariâ plectatur, si abusum intercessisse Senatus declaraverit. Id enim saltem Ecclesiastica Jurisdictio mereri videtur, ut insones habeantur, qui judicia illinc profecta bonâ fide secuti sint. Alioquin enim, cum ex innumeris capitibus Ecclesiastica Decreta de abusu damnentur, quis erit qui ad Tribunal seculare vocatus mulctâ metuere non debeat? Quis Judicis Ecclesiastici sententiam parvi non faciat? quam defendere sine periculo mulctæ non possit?

7. Quod non possint partes appellantes ab abusu, recedere ab appellatione, quod intendit Fevretus §. 13. quod etiam post tres sententias Ecclesiasticas conformes appellari tanquam ab abusu possit, Ecclesiæ damnum auget, & illatum jurisdictioni vulnus exacerbat; imò Edictis Regiis repugnat; quæ videri possunt inter Acta Cleri Gallicani sub hoc titulo; *De appellationibus tanquam ab abusu* tom. 2. jam citato.

8. Magna scilicet exhibetur summo Pontifici reverentia, dum, ut ait Fevretus §. 15, non appellatur directe à concessione, vel expeditione Bullæ, seu Rescripti, sed solum ab eorum fulminatione, & executione. Sed quæ fides haberi potest huic Autori, qui tam aperte sibi contradicit? Nam num 9. refert, in Parlamento Divionensi anno 1632, 25. Julij pronunciatum fuisse Placitum, seu Arrestum, quo Rescriptum Pontificium in causa Matrimoniali declaratum fuit malè, nullitè, & abusivè

abusivè expeditum. Hic autem, id est, hoc §. 15. negat appellari ab expeditione. Alia sunt, in quibus videtur Fevretus emollire velle jurisdictionis Ecclesiasticæ vulnera: sed praxis quotidiana, quam ipsemet aliis in locis refert, dictorum salutaritatem arguit.

9. Fuerat quidem olim statutum, quod tradit §. 16. ut appellationes ab abusu Judicis Ecclesiastici potestatem non suspenderent, sed devolutivum dumtaxat, non autem suspensivum, ut loquuntur pragmatici, effectum haberent. Verùm immutata est hæc jurisprudentia. Rursus restituta est, saltem ex parte, Edicto Regis hodie Regnantis, ut videri potest in Actis Cleri loc. cit. sed nescio quamdiu duratura sit, aut num violari rursus jam non cœperit?

10. Conquesti sæpissimè sunt Præsules Gallicani adversus illas appellationes; sed Judicium sæcularium nimis intererat, ne tollerentur. Quia Præsulum querelæ apertissimâ justitiâ nitebantur, adhibita sunt certæ conditiones, quæ doloris sensum remittebant per aliquod tempus: non autem morbo medebantur, neque etiam diu intermittebant. Ita verè scribit Fevretus §. 17. prohiberetur fuisse art. 59. Constitutionis Blesensis Curii Regiis, ne appellationes illas admitterent extra casus in Constitutionibus Regiis contentos. Sed debile repagulum ad sistendum Curiarum impetum. Verba illa generalia nunquam casibus particularibus convenire videbuntur. Quin etiam, licet aliqui articuli expressè prohibiti sunt à Constitutionibus Regiis, Judices nullatenus prohibitionem morantur, ut patet in exemplo alibi adducto de appellationibus in rebus spiritualibus, & Sacramentis, de quibus veterat Rex, ne prætextu possessorii recognoscerent Judices sæculares, & in exemplo, de quo Fevretus hic §. 22. postea discutiendo.

11. Præcepit etiam Ludovicus XIII. ann. 1635. quemadmodum notat Fevretus §. 18. ut appellationes ab abusu auditis partibus statim judicaretur, nec ad consilium mitterentur, nisi ita sentirent, duc ex tribus Judicum partibus. Verùm faciliè occurreret, ut pleriq; Judices maturius de rebus illis deliberandum sentiant, aliqui fortasse, ut rei veritatem & justitiâ diligentius inquirent; alii fortasse, ut emolumento non careant, quod nullum esset, si negoria extemplo definirentur.

12. Aliam adhibuerat cautelam Henricus IV. Edicto verificato an. 1606. ut testatur idem Fevretus §. 19. ut scilicet Advocato pro appellante ab abusu peroranti adstarent alii duo appellationem approbantes.

Ejusmodi

Ejusmodi cautelæ signa sunt gravitatis appellationum ab abusu, quas difficiles efficere tot modis conati sunt Principes. Sed debilia nimium remedia sunt. Et quod quidem spectat ad præsentiam Advocatorum, in tanta Patronorum copia vix unquam deerit ille numerus litigare cupienti, ut à prosequenda appellatione revocetur defectu trium Patronorum, qui, utrum hodie requirantur, mihi certum non est, licet plurimum partem metuum negativam.

13. Paragrapho 20. scribit veritum fuisse anno 1610, ne litteræ appellatoriz ab ordinationibus, quas in visitationis decursu edidissent Archiepiscopi vel Episcopi circa cultum Divinum, & disciplinam Ecclesiasticam, aut à statutis Conciliorum Provincialium, non nisi magno sigillo imprimerentur, ut scilicet difficilior esset expeditio, atque ita appellationum numerus minueretur: sed statim monet Senatum Parisiensem an. 1612. 30. Maii facultatem appellantis concessisse, ut, si ve in magna, si ve in parvis Cancellariis litteræ possent expediri, & sigillari, ita scilicet, quod Rex concedit, Senatus aufert.

14. Edicto Ludovici XIII. anno 1625. quod citat Fevretus §. 21. cautum est, ne Judex Ecclesiasticus, à cujus sententia interposita est appellatio tanquam ab abusu, sese iudicio sistere cogatur. Statutum id tuit, ut dignitati Episcoporum, & Vicariorum provideretur, ut inquit D. de Marca lib. 4. cap. 19. n. 8. Verùm charior est iudicibus sæcularibus propria Dignitas, quàm Episcopalis, adeoque est danda opera, ut Senatorum majestas ex hoc etiam capite præfulgeat; id est, ut Episcopi aliiq; Judices Ecclesiastici omnibus litibus intercedere cogantur, in quibus de appellationibus ab ipsorum iudiciis agitur. Ideoque non observatur istud Edictum à Curia Regia, saltē ab omnibus.

15. Is quidem honor adhuc Ecclesiæ defertur, ut appellationes ab abusu in magna Senatus Camera ventilentur, ut dicit Fevretus §. 22. & 23. Sed quis poret honore illo posse compensari, quas jam notavimus, injurias, & quas adhuc notare possemus? Nam in hoc ipso §. 23. probat idem Autor appellari posse non solum à fulminatione, & executione, sed etiam à publicatione Bullarum, & earum executionem prohiberi; quamvis nullus existet actus judiciarius circa illam executionem, §. 24. clausulam, *appellatione submotâ*, rescriptis delegatoris inserti solitam, appellationibus ab abusu non præjudicare scribit, §. 25. non posse super his appellationibus in arbitros compromitti, aut inter partes

partes componi, §. 25. possessionem triennalem nullatenus juvare.

16. Vides quot accendant ex illis appellationibus incommoda Ecclesiasticæ jurisdictioni: quàm accuratè servantur, quæ Ecclesiæ ad-versantur: quàm parùm referat ipsa utilitatis ex iis, quæ Reges in ip-sius levamen constituunt, etiam dum Clerus opima Regi confert subsidia.

C A P U T XII.

Respondetur rationibus à Fevretto cap. 3. adductis ad pro-bandam justitiam appellationum ab abusu.

1. **P**roposuerat sibi Fevretus in hoc capite appellationes ab ab-usu tanquam justas defendere. Sed nescio, an aliudè ma-gis quàm ex ejus doctrina illarum injustitia innotescat. §. 1. distinguit duplex appellationum genus, scilicet simplicium, & tan-quam ab abusu, duoque sibi objicit adversùs ultimum istud genus; Primum quod pervertant ordinem jurisdictionum. Cùm enim ap-pellationes ab inferiori ad superiorem perferendæ sint, hìc à Judice Ecclesiastico provocatur ad sæcularem, cui certè non subjacet; undè jurisdic-tio ac libertas Ecclesiastica læditur: alterum, quod eà viâ Ec-clesiasticæ personæ, ac causæ spirituales Curias sæculares submit-tantur. Optimè assignat præcipua capita, ex quibus petitur iniustitia prædictarum appellationum; illa si evertat, rem sepe consecrerit. Vi-deamus igitur, quibus machinis aggrediatur. Fatetur in appellatione simplici provocandum ab Episcopo, seu ejus Officiali ad Metropo-litanum, à Metropolitano ad Primate, à Primate ad sanctam Se-dem, vel ad Judices ab ea delegatos: appellationem autem ab abusu dictam vult interponendam esse ad supremas Curias sæculares, non ordine naturali, quem ille vocat Ressortum, seu devolutionem ab in-feriori ad superiorem, sed jure protectionis Regiæ, quâ Princeps te-netur subditos suos, sive Clericos, sive Laicos in propria jurisdic-tione conservare.

2. Sed declinat statim à scopo, & eo errore indicat se illuc rectè tendere non posse. Cùm enim appellationum ab abusu innumeræ

sint species, quæ singulæ specialibus, omnes autem duobus supradictis vitiis laborant; scilicet quod jurisdictiones confundant, & Clericos, ac causas spirituales Laicis subdiciant; quadam saltem generali ratione universæ defendendæ fuerant. Sed frustra id, utpotè impossibile expectes. Assumit Fevretus unicam speciem, cujus nimirum injustitia minùs est evidens; quasi hæc alias omnes complecteretur. Conatur probare; licere Principibus impedire, ne Ecclesiastici Judices jurisdictionem sæcularem, aut jura Regnorum usurpent. Ergone si hoc consecutus fuerit, continuò innoxia erunt, quæcumque Judices Laici contra jurisdictionem, ac libertatem Ecclesiæ, prætextu appellationum ab abusu in Gallia præsumunt? An ad illum articulum pertineat, quæcumque Fevretus in novem libros digessit, protestatus se omnia complexum non fuisse, nec thesaurum illum à quoquam exhauriri posse?

3. Quomodò autem ex jure defendendæ propriæ jurisdictionis infert licitas esse illas appellationes? Nonne Ecclesia etiam potest propriam jurisdictionem tueri? Cur ergo pari saltem ratione non licebit à Judice sæculari ad Ecclesiasticum provocare? At, inquit Fevretus, non dicitur appellatio simpliciter, quæ interponitur à Judice Ecclesiastico ad sæcularem. sed cum addito; *tanquam ab abusu*; quasi verò de solo nomine, ac non potius de re ipsa sit quaestio; aut possit nomen, quod etiam odiosum quid sonat, à sacrilega usurpatione injuriam relecare. Saltem ergo fateatur licere ad summum etiam Pontificem appellare, cum addito, *tanquam ab abusu*, quando Judex sæcularis jurisdictionem Ecclesiasticam offendit. Non enim minùs ad supremum Ecclesiæ Pastorem pertinet jura Ecclesiastica tueri, quàm ad Principes temporalia propugnare.

4. Non pervertitur, subjungit Fevretus, ordo appellationum Ecclesiasticarum, quia illud, in quo fundatur abusus, est quid facti, ad spirituale nequaquam atinens. Adèò iniqua est praxis Curiarum Franciæ, quæ contra Constitutiones Regias, nedum contra Canones, de causis etiam spiritualibus, affectà illis imaginariâ possessori specie, judicant; ut dum, de iustitiâ appellationum ab abusu in communi agit hic Autor, cogatur affirmare illas nequaquam ad spirituale atinere. An igitur corporalia, seu temporalia sunt, quæcumque ille in suum tractatum congefserit, tanquam materiam hujusmodi appellatio-

num ab abusu? An sacramenta, dispensationes super votis, & jura-
mentis, beneficia, censuræ, absolutiones, &c. in Parliamentis Gallica-
nis temporalia reputantur, quantum ad omnia, quæ circa illa ibi ven-
tilantur?

5. Addit præterea ad Regem pertinere, vel ad ejus Curias, decisionem
quæstionis illius de facto; num scilicet aliquid contra jura sua tempo-
ralia sit attentatum; quia, inquit, dum aliquid attentatum est, Rex su-
periores non agnoscit. Duo confundit inter se maximè diversa, Aliud
enim est querere, utrum ad Principem dumtaxat spectet cognoscere,
an aliquid juribus suis temporalibus adversetur, aliud, dum adversari
constat, utrum ab alio debeat injuriæ reparatio postulari. Sed quod-
cumque assumatur, nonne opponi potest ad Ecclesiam quoque
spectare, ut judicet, an aliquid sit spirituale, & cum eiusmodi
esse patuerit, illud Ecclesiæ vindicare? At, reponit Fevre-
tus, neque justum esset, neque decorum, ut Dominus Procurator
Regius, qui partis vices agit in appellationibus ab abusu, litigaret co-
ram Officiali; ut refarciri curaret, quæ ab eodem Officiali, vel ab ejus
inferiori attentata fuissent contra jura Regis. Fateor injustum illud,
& indecorum fore; sed apud eos tantum, qui & personas, & res sa-
cras parvi pendere consueverunt; quique, non ut fides & ratio docent,
sed ut mundus sapit, sentiunt; non autem apud eos, qui spiritualia
corporalibus, æterna temporalibus anteponunt, & intimo pietatis
ac religionis affectu ducuntur. Sed nonne minus justum, minusque
decorum est, ut Episcopus, aliique Judices Ecclesiastici, pro rebus
spiritualibus & Ecclesiasticis, ad Laicorum Tribunalia traduantur;
& si quam prætermiserint in suis judiciis fori secularis formam, tan-
quam rei mulcentur?

6. Observa iterum Carolum Fevre in fine hujus §. 2. appellationes
ab abusu in hoc ab ordinariis appellationibus discernere, quod illæ
nusquam interponendæ sunt, nisi usurpatio jurisdictionis intercesse-
rit. Propria ejus verba exscribenda sunt, ut videas etiam ipsos Eccle-
siasticæ jurisdictionis hostes, vi veritatis convictos, dum justitiam ap-
pellationum ab abusu statuere nituntur, illarum usum ad casum usur-
patæ jurisdictionis restringere coactos. *Et de plus afin de separer
ces appellations des autres pures & simples, on les qualifie du nom
d'Abus, pour donner à connoître, que sans ladite qualite d'Abus, qui*

denote toujours quelque entreprise ou usurpation de juridiction, la justice Royale ne s'y entremettrait pas; id est, ,, Præterea ut hujusmodi appellationes à meris, & simplicibus appellationibus distinguantur, nomine abusus insigniuntur; quo significetur sine illa conditione abusus, quæ aliquam semper jurisdictionis usurpationem involvit. Judices Regios ab illis abstinenturos. Cur ergo aliis casibus sese Regii Judices immiscant, ubi certum est nihil adversus jurisdictionem Regiam esse tentatum?

7. Frustra autem §. 3. excurrit ad exempla implorati à Clericis Principum auxilii. Aliud enim est Regios Ministros, Ecclesiæ, vel ejus Ministris ad exequendos Canones, aut comprimendos Canonum infractores, postulantibus opem præbere; aliud Ecclesiasticas personas, & causas per appellationes ad se trahere, ac prætextu protegendorum Canonum, Ecclesiæ jurisdictionem, & libertatem opprimere.

8. Duo tantum ibi sunt, quæ aliquam videntur pati difficultatem. Primum est exemplum Leonis IV. Pontificis, judicio Ludovici Pii Imperatoris se supponentis, alterum autoritas Brunonis Cassanæi in libro de privilegiis Regularium appellationes ab abusu licitas asserentis. Quod quidem ad Leonem IV. attinet, de eo jam supra egimus. Ejus verba citantur quidem ab Ivone Decret. 5. part. cap. 22. & à Gratiano 2. quæst. 7. cap. Nos si incompetenter. sed referuntur, ut à Nicolao scripta Imperatori. Neque autem inter Epistolas Leonis, neque inter Epistolas Nicolai reperiuntur. Testimonium Ivonis, & Gratiani, qui plura supposititia suis Decretis inseruerunt, astruendæ facti veritati est impar: quia de re ipsorum ætate gestâ non loquuntur, præterquam quod potuisset fortè Leo IV. Voluntariè, non exactus à jure, vel Officio, Imperatoris arbitrio se submittere, quemadmodum Leo III. coram Carolo Magno, aliisque Magnatibus, & Episcopis se purgaverat an. 799. referre Anastasio, aliisque quamplurimis, cum expressa protestatione se id agere non coactum, nec obligatum, id quoque publicè protestantibus Episcopis.

2. Brunonis Cassanæi autoritas ad hoc tantum valet, incertiores Timus, quod aliunde docet experientia, Regulares aliquos in Gallia tuendorum suorum privilegiorum omnem honestam rationem arbitrari; utque in tuta illa ponant adversus Episcopos, non ad Summum.

mun. Pontificem, à quo illa acceperunt, cum minus desideris proprium metuunt, aut longiores moras refugium, sed ad sæculares Judices contra libertatem Ecclesiasticam, & contra proprias etiam Constitutiones interdum recurrere. Sic etiam aliquando Episcopi adversus Regulares malunt Curias sæculares, cum in sua desideria propensas vident, quam summum Pontificem adire: quæ causa est, ut dum quisque suis rationibus magis quam Ecclesiæ juribus intentus est, illinc petat auxilium, unde consequi speret; non attendens quantum Ecclesiasticæ jurisdictioni vulnus inferatur, dum Laicorum iudicio subijcitur.

10. Cæterum frustra hic & alibi exemplo Hispanorum, praxim Gallosum excusat Fevretus. Nec enim conditionem acceptarent Galli ut iisdem legibus erga Ecclesiam, & supremum ejus Patrem, & Pastorem sese gererent, quibus Hispani. Sed extra institutum nostrum est illa collatio. Non enim quærimus quid faciant Hispani, sed an rectè faciant Galli.

11. Paragrapho 3. asserit Fevretus appellationibus ab abusu non solum Laicis Clericos, aut spirituales causas Civiarum sæcularium cognitioni non subijci; sed etiam iis potius effici, ut spiritualia secerantur à temporalibus, & illa Ecclesiasticis, ista sæcularibus iudicanda tribuantur, Curiis Regiis id tantum exquirentibus, an de facto jurisdictio Regia, jus patronatus Laici, & his similia læsa sint, & quæstiones omnes de rebus spiritualibus ad Ecclesiasticos Officiales liberè iudicandas remittentibus. Minus esset inflictum Ecclesiæ vulnus, si limitibus illis verè circumscriberetur Regiorum iudicium examen. Sed præterquam quod non magis, imò minus ad Laicos, quam ad Ecclesiasticos pertinet, spiritualia à temporalibus, à sacris profanis discernere. Testis est ipse Fevretus quam latè perrupti sunt aggeres, quos hic commemorat.

12. Adverte autem quomodò hic Scriptor excurrat. Nam §. superiori dixerat Curias sæculares non se immiscere iudiciis Ecclesiasticis, nisi ubi usurpata fuisset jurisdictio Regia, hic jus patronatus ad Laicos pertinens etiam in exemplum adducit materiz appellationum ab abusu, quasi jus patronatus sit aliquid profanum, & ut ipse loquitur, ad spiritualia nullatenus pertingens, de quo non possit Ecclesiæ sine injuria iudicium sæcularium sententiam ferre. Hic tamen non subsistit, ut in toto ejus Tractatus decursus videre est.

3. Paragrapho 4. negat confundi jurisdictiones, aut Ecclesiasticam à Regia ullo modo imminui; quia appellationes ab abusu inducæ sunt, inquit, ut sua cuique jurisdictioni salva esset. Si is fuit primæ introductionis finis, ex eventu putet eas contrarium sortitas esse effectum, ut sæpè diximus.

C A P U T XIII.

Respondetur aliis rationibus, quæ à Fevreto proferuntur in præd. cap. 3.

1. **N**on esset, cur tantum eniteremur adversus appellationes ab abusu, si verum esset, quod ait Fevretus in §. 5. hujus capituli; Illas scilicet Summis Pontificibus probari: vereor tamen ne non verum sit, quod ille affirmat. Saltem neque rationes, quas Summis Pontificibus propositas narrat, ejusmodi sunt, quibus motos illorum animos arbitretur; neque conjecturæ quibus utitur, secutam approbationem suadent. Quid enim sanctæ Sedi ab Oratoribus Regis Christianissimi adductum fuit in favorem illius praxis Curiarum Gallicanarum?

1. Primò proposita fuit possessio. At illa neque multum erat antiqua, neque pacifica, ut evidenter demonstrant Acta Cleri Gallicani, inter quæ multa sunt monumenta, quibus constat Episcopos apud Reges sæpè sæpius orasse adversus illum usum, quem superiori sæculo vetustiore non esse jam vidimus: cumque desperarent se integræ mali sanationem consecuturos, levamen saltem frequenter postularunt.

2. Secundò expositum fuit nullum alium Judicem posse de illis appellationibus cognoscere, cum ageretur de usurpata jurisdictione. Quid ergo, si Princeps, aut Senatus declararet suæ jurisdictionis esse, de rebus Fidei decernere: ad nullum alium pertineret de controversiis circa mysteria Religionis judicia ferre? Et, si id ab Episcopis tentaretur contendentibus partem illam Episcopalis juris esse, solæ Curia Regiæ Judices essent illius quæstionis de competentia, ut vulgò nuncupatur? Dices nullum esse illius mali periculum in Gallia, ubi omnes profitentur auctoritatem Regiam illuc usque
non

non pertingere. Ita quidem, exceptis hæreticis publicis, olim sentiebant Galliani. Sed metuendum est, ne Officiales Regii, quorum plerique tunc sibi præclarè suo defuncti officio videntur, cum, depressâ Ecclesiæ dignitate, Regiam extulerint, postquam disciplinam, quæ, ut ait S. Cyprianus lib. *De disciplina, & habitu Virginum, Retinaculum fidei est*, ad sæcularia Tribunalia pertraxerunt, fidem denique ipsam Principum judiciis submittant. Nec vanum esse timorem ostendemus in conclusione.

4. Nisi Regii Officiales bonâ fide discernant, & agnoscant, quid ad Ecclesiasticam, quid ad laicam jurisdictionem pertineat, & unaquæque sibi suas partes vindicet, nullus erit dissidiorum finis; quibus in controversiis, licet propter potentiam temporalem plerumque prævaleant laici, non sine gravi animarum suarum detrimento, non dubito quin de jure finium regundorum judicium ad Ecclesiasticum potius pertineret Tribunal. Argumentum à pari, quo sæpè usi sumus, est *ad hominem*, ut dicitur, totam veritatem non exprimens.

5. Dicitur præterea tertio, Senatum non solis Laicis, sed etiam Clericis constare, adeoque corpus esse mixtum, non merè Laicum. Verum quidem est, Senatum Comitiorum generalium loco successisse, atque ita quemadmodum olim ex quo Clodovæus Catholicam fidem suscepit, Episcopi juxta consilium Remigii, Consiliis Regis ac generalibus Conventibus, seu Placitis, & Parliamentis (his enim nominibus indistinctè nuncupabantur) interesse solebant; ita constitutis Curii Parliamentorum, ut in loco permanentes, jus omni tempore dicerent inter Laicos commixti sunt etiam Clerici; & dum intermissus fuit mos eligendorum ex Clero Consiliariorum, institit Clerus apud Reges, ut restitueretur, sperans nimirum fore, ut Clerici fidelioſam operam navarent, ad impediendas Ecclesiasticæ jurisdictionis à laica usurpationes. Verùm ridiculum est, ideò Parliamentis jus decidendarum causarum Ecclesiasticarum tribuere, quod aliqui ex Consiliariis Clerici sint. Illorum enim numerus adeò exiguus est, ut in tanta Judicum multitudine pro nihilo reputandus sit. Nec ad sunt, ut res Ecclesiasticæ ibi judicialiter tractentur cum sæcularibus negotiis, alioquin enim par saltē Ecclesiasticorum, & Laicorum numerus requireretur, sicut in Curii, de edicto nuncupatis seu bipartitis, ad dirimendas Catholicorum cum hæreticis controversias, totidem sunt, aut erant hæretici quot Catholici.

6. Fuit quidem illa Clericorum, & Laicorum paritas ab ipsa Senatus Parisiensis institutione aliquandiu observata; cumque interrupta fuisset, iterum fuit restituta, ut videre est apud Stephanum Pasquierum lib. 2. cap. 3. Inquisitionum. Constat enim ex Edicto Ludovici XI. an. 1461. die 11. Septembris dato, & inter acta Cleri Gallicani relato, Senatum Parisiensem ex pari, aut ferè pari Clericorum & Laicorum numero tunc constatum fuisse, & ex iis quadraginta Senatores Ecclesiasticos, ac toridem Laicos fuisse, unum Advocatum Regium è Clero, & alterum laicum, &c. Nondum tamen nata erant appellationes ab abusu. Assisteabant verò Clerici ut dixi, in judiciis secularibus juxta consilium S. Remigii; quia spes erat fore ut illorum ordo, ac religio, tum ipsos, tum etiam alios ad justè judicandum induceret; deinde ut Ecclesiasticæ jurisdictionis vindices essent, sed immutata est Ecclesiæ sors: expulsi sunt Clerici, paucissimis exceptis, tum quando magis necessarii forent. Quamquam ut verum fatear, nescio an qui è Clero assumuntur, sui erga Ecclesiam Officii satis meminerint. Nam etiam qui pii, ac justitiæ studiosi audiunt, quia Magistratus suos, ut civiles habent, de rebus etiam Ecclesiasticis plerumque magis juxta secularium Judicium stylum, quàm secundum Canones, & summorum Pontificum Constitutiones sententiam ferre dicuntur. Quid putas facturos Laicos quamvis Christianos, & Catholicos?

7. Utilitas appellationum ab abusu petitur quartò, ex eo quòd excogitatae sint, ad impediendum quòd minus sacris Decretis derogaretur, vel Regni legibus. Sed Regis quidem est legum politicarum custodiæ debito modo invigilare, Ecclesiasticarum autem executionem tantummodò curare, postulante Ecclesiâ, non autem illarum Judicem agere. Aliàs sacris Canonibus derogatur, dum opera dari dicitur, ne derogetur.

8. Ex eo etiam commendantur, quod illis pariter utantur Clerici ad tuendam suam jurisdictionem adversus secularium injurias. Factum id fortassis aliquando est; sed computentur Placita, seu Aresta in registris Curiarum contenta, vel à scriptoribus Gallicanis. Fevret præsertim, relata, & constabit, vel unum pro jurisdictione Ecclesiastica contra Laicam reperiri, inter mille pro seculari contra Ecclesiastica prolata. Quod additur, temerè appellantes ab abusu graviter puniri, ex eo solo falsi argui possent, quòd infinitus ferè sicillarum appellationum

tionum numerus. Num gravis pœna temeritatis & sacrilegii, duorum aut quatuor nummorum mulcta, quæ judicium Ecclesiasticum defendenti perinde atque impugnanti imponitur?

9. Verum est quod notat idem Fevretus, Laicos potentiâ Brachii secularis præditos, promptiores, & faciliores esse ad usurpanda jura Ecclesiastica. Utinam æquè verum esset, quod asserit, appellationes ab abusu utiles, ac efficaces esse ad comprimendas illas usurpationes. Quod enim plures Prælatos, Collegia, & societates Ecclesiasticas illis usas esse dicit, non probat earum utilitatem; quandoquidem multò pluribus Prælati, Collegiis, ac societatibus gravissimæ, & Ecclesiasticæ jurisdictioni infestæ visæ sunt. Cæterum Fevreto fidem non habeo sine teste affirmanti, probatas ex omni parte fuisse hujusmodi appellationes Gregorio XIII. cùm antea conquestus fuisset de Constitutione Blesensi ab Henrico III. editâ an. 1579.

10. Frustra §. 6. plurimas congerit auctoritates scriptorum Gallicanorum in favorem appellationum ab abusu. Ex iis enim scriptoribus, plerique non in ea tantum parte, sed in aliis pluribus Ecclesiasticæ jurisdictioni tam apertè iniquos sese exhibuerunt, ut minimi momenti sit illorum suffragium; & facile esset illis longè majorem omnis generis scriptorum numerum opponere. Galli quidam unico verbo respondent, illos Autores vel morum Gallicanorum inscios fuisse, vel Curia Romanæ adulatos. Sed ne scio an non veriùs Gallicanis scriptoribus obijciatur, illos Ecclesiasticæ jurisdictioni esse insensuos, Principibus ablandiri, Ecclesiasticæ Majestatis depreffione gloriari, lucrum ex litibus circa res Ecclesiasticas expetere. Quod abiit, ut de omnibus accipiam. Non enim desunt in Christianissimo illo Regno, qui illas appellationes improbent: nec parvus est illorum numerus.

11. Nec tamen intra fines à scriptoribus ipsis, quos citat Fevretus, præfixos, illas appellationes continuerunt Judices. Nam, ut hoc tantum exemplum proferam, Guido Faber Advocatus Regius Legatione ad Concilium Tridentinum, vel potius orationum in illo habitatum irreverentiâ (ut mitiori verbo utar) & primo ad propagandam per universas Gallia Ecclesias Regalias conatu famosus, laudibus immensis, & eo ipso ridiculis, appellationes ab abusu extulit: non potuit tamen non fateri, referente Fevreto, hujusmodi appellationibus, non nisi rarò, opportunè, ac in magnis & illustribus causis esse utendum. An id observetur, restantur volumina registrorum, & librorum. Placita super his prolata continentium.

K k k k k

12. Inter

12. Inter illos quidem Autores, quos refert Carolus Fevret, sunt aliqui veneratione digni, quorum sententia, si appellationibus illis faveret, non esset facile contemnenda. Sed illorum suffragium parum ad excusandam ejusmodi praxim juvat. Nam v. g. quæ refert Fevretus verba tanquam Cardinalis Perronii, non Illustrissimi illius, ac nunquam satis commendandi Purpurati, sed Parliamentorum sententiam exprimunt; dum ait, remedium illud à Parliamentis haberi tanquam Asylum libertatum Gallicanarum, firmumque jurium Coronæ propugnaculum.

13. Dominus de Foix, qui etiam allegatur, factus quidem fuit Archiepiscopus Tolosanus, sed, cum ea pro appellationibus profferret, quæ exscribit Fevretus, Oratoris Regii, non Archiepiscopi, munus obibat apud summum Pontificem: unde nihil mirum; si Regias rationes promovere conatus sit.

14. Ad appellationes illas confugerunt aliquando Episcopi, ut notat Fevretus, sæpe inferiores Cletici, aliquando Regulares; sed in hoc, ut suprà diximus, magis ad amovendam veram, aut falsam injuriam, alià, ut illis videbatur, ratione indeclinabilem attendebant, quam ad damnum hinc Ecclesiæ illatum.

CAPUT XIV.

Quam sequi conveniat agendi rationem, si quando injusti mandati executio exigatur.

1. **E**TSI non temerè damnanda sint superiorum Decreta, vel Præcepta, sed potius justa præsumenda sint, quoties apertam iniquitatem non continent; à qua regula si recedatur, peribit omnis ordo, confundetur omne regimen, subditis ob innatam, vel à peccato contractam, ad libertatem propensionem, mandata sibi minus grata tanquam injusta vel de injustitiâ suspecta facillimè accusantibus: Tamen quia Præpositi, quicumque illi sint, affectibus privatis duci in condendis legibus, aut imponendis præceptis, possunt; arque adeò res injustas exigere; videtur illis quorum interest, licere, cum obedientiam negare; tùm, si urgeantur, aliorum opem implorare. Hac, ut opinor, ratione permoti sunt, qui primum Judices sæculares in causis Ecclesiasticis appellarunt; quasi
jure

jure naturæ sibi fas esset adversus manifestas injurias à superioribus Ecclesiasticis, imò à supremo Pastore illatas, invocato potestatis sæcularis auxilio se tueri.

2. Injustæ quidem legis nullam esse obligationem, nisi fortè ob vitandum scandalum, aut aliud malum; imò ne legem quidem esse docent communiter Theologi, quod de mandatis singularibus par ratione sentiunt. Itaque illis non obtemperare nefas non est: de modo est quæstio. Equidem hac in parte optimus ille est, quem suadet Ivo Episcopus Carnotensis epist. 159. iis, qui se ab Ecclesia Romana gravatos conqueruntur, scilicet, ut *ab ipsa ad ipsam confugiant: & inde expellens levamen, unde se conqueruntur accepisse gravamen.* Nam, ut docet S. Bernardus epist. 108. jam citatâ; *Apostolica Sedes hoc solet habere præcipuum, ut non pigeat revocare, quod à se fortè deprehenderit fraude elicitum, non veritate promeritum.*

3. Sed quid, si mandata injusta non modò non revocet summus Pontifex, quantumvis de rei veritate ac statu certior factus, sed illorum etiam executionem acriter prosequatur? Celeberrimum est consilium, quod habetur in Capitulo de honoranda Sede Apostolica, quod plerique post Ivonem & Gratianum Carolo Magno adscribunt, quodq; habetur in Concil. Tribur. an. 985. Can. 30. *In memoriam B. Petri Apostoli honoremus S. Romanam & Apostolicam Sedem; ut qua nobis Sacerdos alius Mater est Dignitatis, esse debeat Magistra Ecclesiasticæ rationis. Quare servanda est cum mansuetudine humilitas, ut licet vix ferendum ab illa S. Sede imponatur jugum feramus, & piâ devotione toleremus.*

4. Quid autem, si ne vix quidem ferendum sit jugum, vel propter ejus pondus, vel propter infirmas vires, aut voluntates subditorum? Nonne tunc saltem potestatis sæcularis opem fas erit implorare? Primò quidem, casus ille difficile contingere potest, ut veritate, ac justitiâ summo Pontifici patefactâ, ille sæpè apius rogatus iniqua postulare pergat. Secundò vix illo etiam casu liceret adversus sanctam Sedem Principes sæculares implorare: sed plerumque necessarium esset, ac de præcepto, quod Ivo Carnotensis epistol. citatâ consulere tantùm videretur, his verbis; *Quoniam judicia Romana Ecclesia à nemine foris retrahari posse, eâdem Romanâ Ecclesiâ docente didicimus, si qui aliquando se pręgravatos ipsius Ecclesiæ autoritate conqueruntur, hoc eis consilium damus, ut non descendant in Aegyptum*

propter auxilium. Quæ ultima verba sic intellexit etiam ipse Marca Concord. lib. 4. cap. 17. §. 7. *ab Egypto auxilium petere, id est à Regia potestate.*

5. Nulla finit prudentiæ ratio, ut ab eo petas auxilium, à quo periculum sit, ne postmodum opprimaris. Observat Stephanus Pasquierius disquisitionum suarum lib. 1. cap. 5. Romanis ad subjugandas Gallias referatur ab ipsismet Gallis aditum, imploratà imprudenter illorum ope. Quod toti nationi olim accidisse dicitur, id ferè Clero postremis sæculis contigit. Cùm enim, ut alibi observavimus, Pontifices, aut Pseudopontifices potestate suâ in magnum Ecclesiæ Gallicæ detrimentum abuti crederentur, invocatum est sæcularis potestatis auxilium; sed eâ occasione longè majus detrimentum passa est Ecclesia in sua jurisdictione, quàm consecuta sit emolumentum in conservatâ, pro qua decertabat, quorundam Beneficiorum, & reddituum, dispensatione.

6. Quantum cordi semper Ecclesiæ fuerit sua jurisdictio, testata est innumeris Canonibus ea de re conditis, & delato etiam Martyrii honore iis, qui pro conservanda illa dignitatis, & potestatis suæ parte, mortem subierunt. Quo igitur lucro ejus jactura compensari potest? Aut quo pacto centuras eam ob causam promulgatas effugiunt, qui jurisdictionem Ecclesiasticam ad Laicos transferunt; aut qui, quod minus transferatur, ut possunt, ac debent, non obstitunt?

7. Denique, ut rem ad extremas metas producamus, quæres, num saltem licitus esset ille recursus, si secluderentur illæ circumstantiæ, & Ecclesiasticæ jurisdictioni grave inde detrimentum consecuturum non esset? Suppositio illa videtur involvere contradictionem, cùm ille ipse recursus in causis spiritualibus, & Ecclesiasticis per appellationes ab abusu, ordine judiciario tractari solitas, sit Ecclesiasticæ jurisdictionis interversio. Adde quod, etsi suppositio sit metaphysicè possibilis, moraliter tamen videtur impossibilis. Quis enim rem adeò in proclivi positam sistere queat? Ex eo, quod jam toties evenit, conjice quid futurum sit, nisi hujusmodi appellationum cursus sistatur.

8. Quicumque modus ponatur, quæcumque adhibeatur cautela in maximo semper versabitur periculo jus Ecclesiæ, quamdiu vigebit illarum appellationum usus: nec minoris Præfulum Gallicanorum, imò, ut auctor, pluris interest, quàm Summi Pontificis, ut abroge-

tur

tur ; quia ipsorum officium frequentius impedit. Licet autem aliquando aliquibus prodesse videantur, omnibus tamen pensatis, plurimum inde jurisdictio Episcopalis deprimitur, & imminuitur.

9. Hæc de appellationibus ab abusu in communi dicta sufficiant. Singula enim earum capita, quandoquidem ex Fevreto infinita sunt, persequi esset impossibile. Ex genere autem quid de singulis speciebus sentiendum sit, unusquisque faciliè poterit intelligere.

10. Ex dictis enim abundè colligitur, quàm verè Autor Tractatus illius de *jurisdictione Ecclesiastica*, quem Clerus Gallicanus inter Acta sua retulit, quique habetur tom. 1. cap. 9. ult. collec. scripserit in tertia part. quæ est *De appellatione tamquam ab abusu* hæc ipsa verba. *Or le plus grand mal, & la plus grande playe, que jamais l'Eglise ait recenè en sa jurisdiction & police, est l'appellation comme d'abus, moyen inventé par les Officiers, pour attirer à eux toutes sortes d'affaires contentieuses, & desquelles ils n'ont nulle competence, n'y ayant chose en tout l'Univers, à laquelle ne puisse estre appliqué le pre-texte & couleur d'abus, pour faire venir à leurs pieds les personnes Ecclesiastiques, de quelque degré qu'elles soient, & mettre aux prisons & aux fers cette ancienne liberté, qui servoit d'ornement à la France, & d'exemple à toute la terre. C'est ce qui a au dernier siecle depeuillé l'Eglise Gallicane de son honneur & autorité, & ruiné sa discipline. Ce qui doit faire apprehender le renversement de l'Estat, aussi bien comme nous voyons la desolation de l'Eglise, &c.* Et Illustrissimus Episcopus Ambianensis in oratione nomine Cleri Gallicani ad Regem Christianissimum anno 1666. habita, & in tom. 5. actorum Cleri Gallicani relata. *Mais les appellations comme d'abus apportent bien encore un plus grand desordre & une plus grande confusion. C'est une nouvelle chicane inconnue en France avant les derniers siecles, & dont le venin n'a point infecté les autres Nations Chrétiennes.*

C O N C L U S I O.

1. **C**onstans Gallia in Fide Catholica jam à tot sæculis perseverantia, & magna etiamnum illic vicens pietas certam spem afferunt, Christianissimum illud Regnum usque ad consummationem sæculi tam arctè Petræ, super quam fundata est Ecclesia, in hæsurum, ut nullis unquam Sathanæ machinis ab ea dimo-

Kkkkk 3

vendum

vendum sit. Nobilissimæ illius Monarchiæ gloriam, firmitatem, ac felicitatem, Principum ad Ecclesiam defendendam zelo, subditorum pro Catholica Religione studio, utrorumque erga Ecclesiasticum ordinem, præsertim verò erga sanctam Sedem reverentiæ, atque obedientiæ adscripserunt, & ipsimet Galli & Summi Pontifices. Quoniam autem res omnes per easdem causas plerumque conservantur, ex quibus ortæ sunt: expectanda est Religionis ac Principatus Gallicani perpetuitas ab antiquo pietatis affectu, indivulsaque cum Petri Sede conjunctione, siquidem, ut ait Carolus Fevretus lib. 1. cap. 3. num. 4. relatis Ecclesiæ Gallicanæ laudibus. *Elle s'acquist cette haute Dignité par l'union indissoluble avec le saint Siege de Rome, dont elle ne s'estoit jamais separée. Car l'Eglise Romaine estoit l'esprit principal, qui animoit toutes ses Facultés & Puissances: c'estoit le centre auquel elle reunissoit toutes les lignes de la circonference; le Soleil duquel elle empruntoit toutes ses plus divines clartés, & les plus resplendissans rayons de sa gloire: bref c'estoit le premier mobile, duquel elle suivoit tous les mouvemens.*

2. Neque spem illam eripere valent, quæ interdum, maximè autem postremis temporibus intercesserunt dissidia. Ea enim est mortalium omnium conditio, ut neque qui perfectionis Christianæ fastidium asssecuti videntur, imperturbabili pace perenniter gaudeant, quamdiu in hoc mundo versantur. Propria civium Jerusalem cælestis est illa felicitas. Sed quemadmodum arbores à ventis exagitatæ radices altius defigunt; ita inter electos dissensiones strictiori concordiz non raro viam sternunt.

3. Fatendum est in Gallia fuisse à quibusdam tentata nonnulla, quæ si longius, ac latius progressa fuissent, non solum communionis Ecclesiasticæ, sed & fidei jacturam tandem invexissent. Nam præter libellum Richerii *De Ecclesiastica, & Politica potestate*, à duobus Conciliis Provincialibus damnatum, tanquam *multas continentem propositiones, expositiones & allegationes falsas, erroneas, scandalosas, schismaticas, & ut sonant hæreticas*; præter eorum fortè opera, quos Richerium in suas partes traxisse cum vehementi suspitione schismaticis narrat Henricus Spondanus ad annum 1612. num. 3. præter duo volumina *De Libertatibus Ecclesiæ Gallicanæ* à pluribus Episcopis die 14. Februarii anno 1639. hæc censurâ notata. *Volumen utrumque*

ferè per omnia commota noxium, hæreticum passim, schismaticum, impium, verbo Dei frequenter contrarium. Hierarchie Ecclesiastica, & discipline Sacramentorum, ac Sacrorum rituum destructivum, sanctæ Sedi Apostolica, gloriosissimo Regi nostro, Sacerdotibus Dei, & Ecclesiastico Ordini, ipsique adeo Ecclesiæ Gallicanæ injuriosum ac periculosissimum, scandalo plenum, à nobis publico consensu judicatum vobis significamus: Præter illa, inquam, sparsa sunt identidem alia schismatis & hæresis semina, quale illud erat, cujus confutationem ante aliquot annos vidimus cum hoc titulo; *Memoire pour faire voir sommairement au Roy, que la maxime schismatique & heretique que l'on a pretendu établir dans le playdoyé, qui fut prononcée dans le Parlement de Paris le 12. Decembre dernier 1664. à sçavoir que les Princes temporels ont de drois, & le pouvoir de juger & decider del dogmes de la foy, & de la discipline Ecclesiastique, n'est appuyée que sur des preuves defectueuses, qui sont toutes ou avancées contre la verité, ou detournées avec surprise, ou deduites avec artifice, ou raportées hors de propos, ou tirées des exemples des heretiques, ou des personnes suspectes dans la foy.*

4. Contra disciplinam autem, & jurisdictionem Ecclesiasticam quot continentur dogmata in laicorum præsertim tribunalia secularia frequentantium libris v. g. in tractatu Caroli Fevreti, in supra dictis voluminibus de Libertatibus Ecclesiæ Gallicanæ, & aliis? Quodque maxime dolendum est, immanes illi errores & injuriæ, ipsique demum Ecclesiæ servitus specioso libertatum Ecclesiæ Gallicanæ titulo insigniuntur. Non possum tristitiâ non affici; cum inter legendos Laicorum propria commoda in imminuendâ Ecclesiasticâ potestate sectantium, libros similia occurrunt: sed longè gravius sero, quod qui Clero adscripti sunt, ac privilegiis Clericalibus gaudere volunt, Ecclesiæ Dignitatem & auctoritatem deprimere studeant, etiam dum ejus Beneficia sibi asserere contendunt.

5. Audi quomodo Ecclesiæ Gallicanæ libertates explicet Dominus Carolus de Lotharingia Comes Marsani in quadam responsione typis edita contra Dominum Episcopum Cadurcensem in lite circa pensionem prædicto Comiti, quam vis conjugato, & ex interpretatione juris Canonici Bigarno, à sancta Sede super fructibus præfati Episcopatus indultam. *La Liberté Canonique, qui fait celle de l'Eglise Gallicane, ne consiste*

consiste pas à former des contestations contre l'autorité du Pape, elle consiste principalement, comme a remarqué le docteur Monsieur du Puy, dans son Commentaire sur les libertés de l'Eglise Gallicane. Page 16. sur le premier article, au droit, d'empêcher que les Papes n'entreprennent rien en ce Royaume au prejudice de la disposition des anciens Canons, SICE N'EST DV CONSENTEMENT DV ROY ET DV PEUPLE. Ces derniers mots expliquent très-bien l'effet de nos libertés, & sont connoître qu'il n'est pas véritable, que ce soit une liberté de l'Eglise Gallicane de se maintenir dans l'observation rigoureuse des anciens Canons. La France reçoit les dispenses mêmes gratuites, comme on sera voir dans la suite, elle s'accorde souvent des relâchemens mêmes de la discipline par une condescendance, pour ceux qui ne peuvent pas toujours vivre suivant l'austerité des anciens Canons. Toute la différence qu'il y a donc à cet égard entre la France, & entre les autres Pais, qu'on appelle Pais d'obedience, c'est QU'EN FRANCE ON EST EN DROIT DE NE POINT RECEVOIR CES SORTES DE DISPENSES, SI CE N'EST DV CONSENTEMENT DV ROY ET PEUPLE; & c'est dans cette différente MANIERE D'ACCEPTER ET D'EXECUTER LES BREFS DV PAPE, que consiste TOUTE NOSTRE LIBERTÉ.

6. Gratiam illam à sancta Sede concessam accusare non aulim, sciens quam benemerita sit de Ecclesia, & etiamnum mereatur nobilissima Lotharingæ familia: sed optarem ut recenti hoc exemplo moveretur Summus Pontifex ad statuendam firmissimam legem de custodiendis sacris-rectis ex omni parte veris Ecclesiæ Gallicanæ libertatibus, hoc est de procuranda ad amissim Canonum observantia, negatis quibuscumque dispensationibus, nisi evidentissimâ, & urgentissimâ necessitate compellente; cum tam frequens experientia comprobaverit disciplinæ Canonice per dispensationes relaxationem in sanctæ Sedis injuriam converti, & ab illis graviora sæpe inferri damna, quos ipsa Majoribus prosecuta est favoribus. Qui primus Ecclesiâ Romanam schismate lacerare tantavit, Novatianus fuit, quocum super irregularitate dispensatum fuerat à Romano Pontifice. Qui contra Canonum præcepta quamprimò Sedem obtinuerunt (absque tamen illorum cum schismatico & hæresiaracha Novatiano comparatio) curia aliâ, cujus sunt vel pinguiiores redditus, vel honores ampliores, tam facile commutantur; qui ad beneficia Ecclesiastica beneficiis aut pensionibus cumulanda perpetuò anhelant; qui denique ad sanctæ Sedis potestatem

testatem recurrunt, ut extortis dispensationibus amoveant impedimenta explendis privatis cupiditatibus, à sacris Canonibus apposita: iidem certè in aliis capitibus, quæ non ita sibi commoda sunt, Romani Pontificis Primatum & auctoritatem facillè contempserint, aut etiam impugnaverint, si quid sperent aliunde. Utinam ergo Ecclesia Romana & Gallia conspirent ad propugnandam illam libertatem Canonicam, quæ validissimum est pietatis ac religionis, imò & fidei propugnaculum, exactam scilicet Canonum custodiam.

7. Utinam Clerus Gallicanus Majorum suorum vestigiis inhærens ad arcendos errores, & ad retinendam partem illam jurisdictionis, quæ nondum ipsi ablata est, curam & operam suam potius conferat, quàm ad circumscribendam capitis sui potestatem; ne forte, quod plerumque accidit, si ipse debita Patri suo reverentiæ desit, à filiis suis graviore pariatur contumelias. Quomodò enim Fideles juxta D. Pauli præceptum obediant, & subjacebunt Episcopis, quos supremi Ecclesiæ Pastoris partim obedientiam detrectare, partim metas ei brevissimas ponere viderint? Interest famæ Augustissimi illius Cleri, ut quod ab aliquibus ex ipso adversus summum Pontificem pro illorum juribus contendente gestum est, ab aliis, qui nec mandatum nec consensum præstiterant, minimè ratum habeatur; sed ab omnibus potius oblivioni mandetur.

8. Maximi etiam interest gloriæ Regis Christianissimi, ne prædictorum Antistitum declarationi patrocinetur. Cum enim de constanti non solum retinendæ, sed etiam propugnandæ fidei Catholicæ, atq; Ecclesiæ proposito sibi certo conscius sit, ejusque illustria edat argumenta, cur eam voluntatem, aut voluntatis constantiam in suspicionem publicam vocet, significans se doctrinam illam timere, quæ Reges & Principes fidei aut Ecclesiæ hostes, emendationis incapaces, per temporales pœnas ad officium suum reduci per Ecclesiam posse tradit?

9. Sed possetne Princeps tantâ sapientiâ præditus non advertere, ex Cleri sui sententia plus periculi, si non sibi, nimirum potentissimo, saltem suis successoribus, quàm Romanis Pontificibus imminere? Nemo enim Catholicus dubitat potestatem B. Petri, ejusq; successorû à Christo Domino immediatè oriri, atque adeò, ut ait Nicolaus I. epist. 8. *Privilegia istius Sedis vel Ecclesiæ perpetua sunt, Divinitus radicata atque plantata sunt, impingi possunt, transferri non possunt, trahi possunt, evelli non possunt*: Si ergo summum Pontificem à Christo constitutum omnium fidelium Pastorem & Rectorem, ejusque Vicarium

immediatum deponi à Concilio generali posse admittamus, multò facilius Regem à Comitibus generalibus exautorari posse concedendum erit, cum non nisi mediata à Deo Principatum obtineat. Nam quantumcumque protestentur moderni, se in tuto posuim censere Regiam Dignitatem, non defuerunt etiam Gallicani Scriptores, qui asserent, Monarchiam illius Regni esse Aristocratiam temperatam, idque de facto patuisse, quando Regnum ad alienas familias translatum est, contemptis propinquioribus Regum defunctorum Cognatis: nec ulla potest verisimilis ratio discriminis assignari, quæ in Papæ validius, quam in Regis favorem non militet, si æquâ lance pendatur.

10. Ita senserunt etiam Regum adversus Summos Pontifices defensores, v.g. Jacobus Almain, qui tract. de Autoritate Ecclesiæ cap. 1. tertium hoc corollarium statuit: *Tota communitas potestatem habet super Principem ab ea constitutum, quæcum (si non in adificationem sed in destructionem politica regat) deponere potest, alias non esset in ea sufficiens potestas se conservandi: & ista potestate communitas quondam usque Regem suum deposuit: non tam pro criminibus, quam pro eo quod tanto regimini inutilis esset, &c.*

11. Omnium denique fidelium paci & quieti expedit, ne de supremi Pastoris sententia dubitare doceantur, ac tanquam parvuli fluctuantes circumferantur omni vento doctrinæ, donec suborientes fortè fidei quæstiones generalis Concilii, quod vix post unum aut alterum sæculum celebrandum sperent, irrefortmabili iudicio fuerint definitæ, aut communi dispersorum per mundum universum Prælatorum, quorū suffragia rescire difficile, conciliare difficilius sit, consensu diremptæ.

12. *Et quicumque viderit vel audierit, quod Rex & Episcopi Apostolica Sedis Summum Pontificem obaudiunt, & honorant, & promptius, & humiliter eis subiecti sui obediunt. Hincmarus epist. ad Nicol Pap. que est 17. tom. 2. edit. Sirm.*

13. De illis, qui ut Summum Pontificem ab executione Canonis Concilii generalis Lugdunensis regaliam extendere prohibentis deterreant, odiosam quam confutare conati sumus, doctrinam importunè objicient, oportune dicet Innocentius XI. cum Paschale 2. epist. 6. quæ est ad Archiepiscopum Poloniæ: *Numquid hac nos commodi nostri professione requirimus, & non unitatis Catholica statimur firmitatem? Possunt Apostolicam Sedem contemnere, possunt adversum nos calcaneum elevare, datum à Deo privilegium evertere vel auferre non possunt, quo Petro dictum est, tu es Petrus & super hanc Petram ædificabo Ecclesiam meam. Et. Tibi dabo claves Regni Cælorum.* INDEX

INDEX

RERUM NOTABILIUM.

A.



Academia Parisiensis Libertatum Ecclesie Gallicanæ propugnatrix, *pag. 118. n. 5. & seqq.* Magna ejus autoritas, & zelus, *pag. 129. n. 6. & pag. 601. num. 22. & 23.* Quâ ratione ab antiquiori erga sanctam Sedem observantia deflexerit, *pag. 129. num. 7. & seqq.* Antiquis Canonibus in suorum Doctorum favorem derogari curavit. Itaque ex ejus autoritate Libertas Ecclesie Gallicanæ in exacta Canonum observatione non est reponenda, *pag. 130. n. 11.*

Adriani VI. autoritas circa infallibilitatem Papæ, *pag. 458. n. 16.*

Ægydii Bituricensis laus, *pag. 604. n. 2.* Non est autor questionis inter vindicias Richerianas editæ, *pag. 604. n. 1. & 4.* Principes subjecit Ecclesie in temporalibus, *pag. 605. n. 5.*

Africanæ Ecclesie sententia de appellationibus ad sanctam Sedem, *pag. 561. num. 16.*

Antiquitas veneranda, & ab ea sine necessitate non recedendum, *pag. 13. num. 1. & seqq.*

Apostoli duplici potestate prædiri, Apostolice & Episcopali: huic tantum succedunt Episcopi, *pag. 522. num. 1.*

Apostoli jurisdictionis Ecclesiasticæ dispensatores, *pag. 478 n. 1. & pag. 513. n. 1. & seqq.*

Apostoli Orbis terrarum Provincias in-

ter se diviserunt, fide, & moribus Christianis imbuendas, *pag. 477. n. 1.* Illa divisio non præjudicavit Monarchatui B. Petri, *ibidem n. 2.*

Appellari à Judicibus ecclesiis ad Papam, *pag. 113. n. 4. & seqq.*

Appellari non debent Principes in causis Ecclesiasticis, *pag. 711. n. 1. & seqq. & pag. 775. n. 4.*

Appellatio ab abusu non interponenda, nisi, ad summum, ubi jurisdictio Regia usurparetur, *pag. 805. n. 6.*

Appellationes ab abusu jurisdictionis Ecclesiasticæ parum profunt, plurimum nocent, *pag. 810. n. 8.*

Appellationes ab abusu non approbant summi Pontifices, *pag. 778. num. 9. & pag. 810. n. 9.* Neque Concordata, *pag. 779. n. 10.* Neque Episcopi, *pag. 773. n. 11. & 779. n. 11.*

Appellationes ab abusu simplicibus similes, *pag. 795. num. 9. & pag. 796. num. 1.*

Appellationes ab abusu tollere quam difficile sit, *pag. 762. n. 11. & pag. 802. n. 9. & 10.*

Appellationes tamquam ab abusu origo libertatum Ecclesie Gallicanæ secundum Richerium, *pag. 793. num. 1.* vel earum pars secundum Fevretum, *ibidem n. 2.*

De Appellationibus à summo Pontifice ad Concilium, *pag. 640. num. 1. & seqq.*

Appellationum ab abusu definitio, *pag. 714. num. 1. & seqq.* Barum origo, *pag. 755. num. 1. & seqq. & 774. num. 1. & 1. & 2.* Earum progressus, *pag. 758. cap. per totum.* Quam sint pericu-

INDEX RERVM

eulosa iudicium, & inutiles partium
conscientia, pag. 766. cap. 4. per totum, in immenitum exerceant, pag. 789. n. 1.
 Appellationum ab abusu encomia ridicula, pag. 796. n. 10.
 Appellationum ab abusu iniusticia, pag. 793. cap. 3. per totum, pag. 769. cap. 5. per totum, pag. 798. n. 4. & seqq. pag. 802. num. 1. & seqq. 808. num. 2. & seqq. & 814. num. 7. & seqq. & pag. 778. n. 8.
 Appellationibus ab abusu curvilliter ac maturè non obstitit Ecclesia, pag. 797. n. 1. & 3.
 Appellatur ad Papam, non ab ipso, pag. 232. n. 1. ad 11. & pag. 222. n. 4.
 Appellationes ad seculares in causis Ecclesiasticis, quomodo probaverit Gersonius, pag. 776. n. 6. & 7.

B.

Balufus Ecclesiasticæ Jurisdictioni parum æquus, in Regiam nimis propeus, pag. 729. cap. 9. 10. 11. & 12. præsertim pag. 729. n. 2. pag. 731. n. 7. & pag. 735. n. 4.
 Batonius defenditur contra Balufum, pag. 738. n. 1. & seqq.
 Bellarmini persona, & doctrina defenduntur contra Launoium, pag. 138. num. 1. & 2. & pag. 238. cap. 6. & 7.
 Beneficia quam cautè conferenda, pag. 369. n. 9.
 De Beneficiariis causis an legitimè cognoscant iudices seculares in Gallia, pag. 618. num. 2. & seqq. ad finem cap. & pag. 648. n. 11.
 Beneficiorum pluralitas in Gallia frequens, & noxia, pag. 361. n. 5.
 Bonifacii VIII. cum Philippo IV. Fran-

corum Rege contentio, pag. 606. n. 6. & seqq.
 Bonorum Ecclesiasticorum dominium non est penes Beneficiarios, pag. 352. n. 1. & seqq.

C.

Canones antiqui alii ad Galliam nul-
 latens pertinent: alii neque in Gallia, neque alibi observantur: alii alibi perinde atque in Gallia vigent, aliorum executionem impediunt Curie seculares vel etiam Prælati Ecclesiastici, pag. 36. n. 3.
 Canones antiquos non solum Galli observant, pag. 12. num. 2. sed etiam alii v. g. Hispani, ibidem num. 3. & 4. ac curatius Ecclesia Romana. ibidem num. 5.
 Canones VIII. Synodi utrum ab Episcopis Gallicanis recusati fuerint, & quare, pag. 122. n. 2. & seqq.
 Canones non à Principibus, sed ab Episcopis condendi, pag. 772. n. 6.
 De Canonibus Apostolorum, eosque non esse fundamenta libertatis Ecclesiæ Gallicanæ, pag. 19. cap. 7. per totum.
 Canonibus Papa quo sensu detogare non possit, pag. 562. num. 17. & seqq. pag. 177. num. 19. & pag. 181. num. 2.
 Canonibus præsertim Conciliorum generalium maxima debetur reverentia, pag. 15. n. 2. & seqq.
 A Canonum observatione sine gravi necessitate non recedendum, pag. 134. n. 10.
 Capitulationum Regum Francorum auctoritas, pag. 31. n. 5. & 6. Plurima ex illis obsoleta, ibidem n. 7. & 8. Non sunt fundamenta Libertati Ecclesiæ Gallicanæ, pag. 12. n. 3.

Ca-

NOTABILIVM.

Carolus Calvus Lotharii Australis Regis defuncti Regnum occupat favore Hincmaro Remensi, tenente Adriano Pontifice, pag. 115. *num. 4. & seqq.*

Causæ majores quot modis dicantur, pag. 312. *num. 2.* Prima illarum cognitio ad S. Sedem pertinere, pag. 313. *num. 3. & seqq. usque ad finem capituli.*

Canicæ quando sunt majores, & in aliis casibus Romæ judicari possunt, pag. 330. *cap. 6. per totum.*

Censurarum usus moderandus, pag. 178. *num. 10.*

Choriepiscopi an potuerint ordines conferre, pag. 311. *num. 9.*

Citationis necessitas, pag. 346. *num. 1. & seqq.* Ejus forma, pag. 347. *num. 5. & 6.*

Commendarum usus frequens in Gallia, ejusque *periculum*, pag. 360. *num. 2. & 3.*

Clemens IV. Papa mirum in modum à carnali erga propinquos affectu alienus Clerico nepoti tres Præbendas habenti duas abstulit, pag. 48. *num. 22.*

2. Clementis Epistola ad Corinthios, pag. 395. *num. 14.*

De Codice Canonum Ecclesiæ universalis: quodque non sit unicum fundamentum libertatis Ecclesiæ Gallicanæ, pag. 14. *cap. 5. per totum.*

De Codice Dionysii exigui; & quod non sit nuncius fundamentum libertatis Ecclesiæ Gallicanæ, pag. 17. *cap. 6. per totum.* Non complectitur omnes Canones, neque omnes Decretales antiquiores, pag. 22. *cap. 1. per totum.*

Codicem specialem habuit olim Ecclesia Gallicana, pag. 29. *num. 1. & 2.* Quid continebat ibidem *num. 4.* Sed maxima collectionum varietas, ideoque sine auctoritate publica ibidem,

num. 5. Ejus Canonæ Romani non commendabant, pag. 30. *num. 6. & 7.* Quis fuerit ille Codex, ambigitur, quia non *exat ibidem num. 8.* Ejus Canonæ Concilio Generalium in Codice Ecclesiæ Romanæ contentorum Inferiores, pag. 31. *num. 9. 10. & 11.* Idcirco venerandi sunt illi Canonæ, non tamen prætextu libertatis Conciliorum Generalium aut Decretis Summorum Pontificum anteposendi ibid. *num. 12.*

Concilia Generalia convocare ex auctoritate non pertinet ad Principes secularitates, pag. 224. *cap. 3. per totum & pag. 601. num. 12. 19. & 20.* Cui ea olim convocaverint, pag. 122. *cap. 4. per totum.*

Concilium Generale octavum antiquioribus Canonibus inhæsit, pag. 122.

Concilii Constantiensis Decreta dubiæ auctoritatis, aut de tempore Schismatis intelligenda, pag. 187. *toto cap. 15.*

Conciliorum Generalium Congregationi obicem ponunt, qui illa Summis Pontificibus præponunt, pag. 216. *num. 2. & 3. pag. 284. num. 7. & pag. 291. num. 10.*

Conciliorum Generalium convocatio fieri debet à Romano Pontifice, quando is certus, & indubitatus est, pag. 231. & seqq. usque ad pag. 261. & pag. 278. *num. 11.*

Concilia Generalia non præjudicant infallibilitati Papæ, pag. 445. *num. 10. & seqq. pag. 460. num. 3. & pag. 461. num. 6. & seqq.*

Conciliorum Generalium definitionibus qua ratione S. Gregorius sicut Evangelii crederet, pag. 364. *num. 21.* Et universim quomodo ea sequi debeant Pontifices, pag. 161. *num. 2. 3. 4.*

Conciliorum Generalium utilitas, &

INDEX RERUM

necessitas, etiamsi Papa in deciden-
dis fidei quæstionibus infallibilis sit,
pag. 442. n. 2. & seqq. & pag. 570.
n. 8 & seqq.

Concilium Basileense caret autoritate,
pag. 296. nn. 11. & 12.

Concilium Generale in propositione
Cleri Gallicani, atque adco plerum-
que in hoc tractatu intelligendum est
a quo absit Summus Pontifex, pag.
217. n. 6.

Concilium generale quid sit ex sententia Gallorum definiri non potest, aut ejus Congregatio impossibilis, pag. 219. n. 3. *¶* 1599. usque ad finem capitis

Concilium Hierosolymitanum, de quo
actum est, cujusmodi fuerit, pag.
560. n. 15

Concilium seu synodus particularis,
quomodo se habeat ad Episcopos in
Ecclesiatur particularium regimi-
ne, pag. 550. n. 12. & seqq.

Concilium Sede Pontificiâ vacante
quid possit, pag. 295. n. 8

Concilium Tridentinum cur ægrè re-
ceptum in Gallia, pag. 361. n. 1.

Concilium Tridentinum obligat in
Gallia, pag. 643. n. 11. & 12. & alia
Concilia, ibidem nu. 13. & 14.

Consuetudo non est causa, sed signum
jurisdictionis, pag. 102. n. 5

Constantinus quo sensu se dicebat E-
piscopum, pag. 181. n. 6

Curati non habent vocem definitivam
in Conciliis, pag. 596 n. 6

Curatorum seu Parochorum jurisdi-
ctio, licet ordinaria, non est à Deo

proxime, pag. 531. n. 5. 6. & 7. pag.
596. n. 6. & 7. & pag. 599. nn. 14

Jure divino est subordinata Episcopi-
pali, pag. 532. nu. 8. Dependet à Pa-

pa. pag. 533. nn. 13. & 14
S. Cyprianus ante contentionem cum

311

S. Stephano Summi Pontificis auctoritatem agnovit, pag. 405. n. 4. & seqq. Postorram contentionem Pontificiam auctoritatem nimium depreffit, pag. 407. n. 8. & seqq.

D

Definitio est principium omnis cognitionis certæ de qualibet re p. **i.**
n. 1.

Derogari Decretis Conciliorum Generalium circa fidem neque ab alio Concilio; neque à Papa potest, quod tamen superioritatem non arguit, pag. 218. n. 7

Dispensare potest Papa super Canonibus Conciliorum Generalium, pag. 218. n. 7. & p. 576. n. 17

E

Ecclēsia aliquando pro Pastoribus
seorsim, aliquando pro ovibus,
aliquando pro utrisque simul acci-
pitur, pag. 7. n. 5

Ecclesia est status Monarchicus, etiam
in ordine ad caput visibile, pag. 545.
cap. 2. per totum

Ecclesia etiam repræsentativè sumpta
infallibilis, pag. 267. nu. 1. & 2. variè
repræsentari potest, pag. 268. n. 4

Ecclesia improprie dicitur suppositum,
saltem nisi cum illa intelligatur Spi-
ritus sanctus, pag. 536. nl 4.

Ecclesia jurisdictionem suam rueri debet, pag. 788. *nn.* II. & 12

Ecclesiæ politica quo in sensu dicatur
aristocratico regimine temperata.

pag. 542. n. 19. & seqq. & p. 597. n. 8
Ecclesia quo sensu non habeat gladium

materialium aut territorium pag. 589
n. 1. & 1099 Es.

NOTABILIVM.

- Ecclesia quomodo infallibilis, *pag. 193*
nu. 4 & 5
- Ecclesia Gallicana dum pro libertate
 sua contra Curiam Pontificiam se-
 cularem potestatem implorat hujus
 serua evadit, *pag. 51. nu. 6. 8. 2*
- Ecclesia Gallicana nomen æquivocum
 est, ideoque fallaciter aliquando u-
 surpatur, *pag. 7. B. 6.*
- Ecclesia Gallicana una dici potest licet
 intra se unum caput spirituale non
 habeat, *pag. 8. n. 7*
- Ecclesie appellantur etiam Congrega-
 tiones particulares fidelium sub suo
 capite, *pag. 7. B. 4*
- Ecclesie definitio, *pag. 5. B. 1. pag. 545*
n. 1. & seqq. pag. 556. B. 7.
- In Ecclesie definitione meritiò fit men-
 tio ejus Capitis, *pag. 4. nu. 2. & 3*
- Ecclesie Gallicane à B. Petro, vel ab
 ejus successoribus fundata, *pag. 491.*
n. 4. & 5
- Ecclesie Gallicane cum Romana con-
 junctio magnam Gallie gloriam pe-
 perit, *pag. 85. B. 1*
- Ecclesie Gallicane non obijciuntur
 Antiquæ Decretales, *pag. 18. B. 13*
- Ecclesie Gallicane tempore Caroli
 Martelli miserandus status, *pag. 12.*
B. 1 Ei mederi studet Princeps Car-
 lomannus, anauente Zacharia Pon-
 tifice, *pag. 11. n. 1 & Pippinus, pag.*
33. B. 2 Efficacius Carolus Magnus
Ibidem. n. 3. & Caroli Magni suc-
cessores, Ibidem n. 4
- Ecclesie nomine Pastores intelligun-
 tur in illis verbis Christi, *dic Eccle-*
sia, pag. 12. n. 6. Etiam si iudiciis
 Episcoporum intersint reliqui fide-
 les, *pag. 559. n. 7*
- Ecclesiarum dignitas non pendet à di-
 gnitate Urbium, *pag. 482. n. 5. &*
seqq. pag. 489. n. 3.
- Ecclesiarum dignitas per Summos Pon-
 tifices vindicata, *pag. 484. n. 3. &*
seqq. pag. 518. nu. 7. & 8
- Ecclesiastica dignitas non pendet à
 Principibus, *pag. 490. n. 5*
- Emerius Episcopus Sanctonensis in ex-
 ilium crudeliter missus, *pag. 717. B. 4*
- Episcopi quomodo à Spiritu Sancto
 positi ad regendam Ecclesiam Dei,
pag. 116. n. 4
- Episcopi sine plebe an creati possint,
pag. 108. B. 1. & seqq.
- Episcopi ad Tribunalia secularia de
 propriis iudiciis respondere cogun-
 tur, *pag. 801. B. 14*
- Episcoporum correctio, præsertim cum
 depositione, injuste à Principibus
 usurpata, *pag. 698. B. 7. & seqq. ad*
finem capitis.
- Episcopi Gallicani Libertates suas
 Summo Pontifici libertatem Galli-
 canarum Ecclesiarum defendenti op-
 ponunt, *pag. 146. B. 2.* Eorum decla-
 ratio nequaquam necessaria, *pag. 147*
B. 4. 5. An legitima fuit illorum
 Congregatio, *pag. 148. B. 8. & seqq.*
- Non erant Iudices competentes ma-
 terie ab ipsis definitæ, *pag. 150. B. 1*
& seqq. Eorum propositiones vel
 falsæ, vel longe minus probabiles;
pag. 152. B. 7. & seqq.
- Episcopi non possunt Ecclesiis suis præ-
 judicare, *pag. 490. n. 2*
- Epistolæ Decretales antiquiorum Pon-
 tificum inter utrumque Hincma-
 rum controversæ, *pag. 35. B. 1.* Ar-
 gumenta falsitatis illarum, *Ibidem.*
n. 2 & seqq. pag. 574. B. 14. Cur &
 quomodo illas defendentibus obli-
 terit Nicolaus I. *pag. 27. B. 8. pag.*
572. B. 11. Receptæ in Gallia, *Ibidem*
nu. 2. & seqq.
- Excommunicatio quantum merueba-
 tur olim in Gallia, *pag. 629. B. 10.*
& seqq.

INDEX

Ab excommunicatione non possunt
eximere Judices seculares, *pag. 633.*
cap. 4. per totum

Excommunicationem diligendam docebat Lutherus, *pag. 598. n. 13*

Exempla qualia esse debeant, ut ex illis
jus queat inferri, *pag. 100. cap. 1. per totum.*

Exemptiones concedi à Papa possunt,
pag. 323. n. 13. & seqq.

F.

Feverus leges Ecclesiasticas Senatus-
consultis impugnatur, *pag. 145. n. 12.*
& pag. 789. n. 1. & seqq.

G.

Gallia Regularia Beneficia Gallis non
regularibus conferri voluit, non a-
licui generis, *pag. 360. n. 2*

Gallia cum Ecclesie decretorum arbi-
triam sese constituit, erroris & schis-
matis periculo sese committit, *pag. 43. n. 10.*

In Gallia Clerici frequentes apud Tri-
bunalia secularia, non sine multis in-
commodis, *pag. 726. n. 6*

In Gallia pluri fieri videtur Regis
ad Beneficia nominatio, quam Pa-
pæ institutio, *pag. 732. n. 3. & seqq.*

Gallia erga Summum Pontificem re-
verenti, *pag. 314. n. 1. & seqq. pag. 575. n. 15. Imminuta, pag. 316. n. 6. pag. 364. n. 1. & seqq.* Ejus infal-
libilitatem agnovit, *pag. 417. num. 3. & seqq. præsertim nn. 12. & 13. necnon cap. 11. per totum, & pag. 438. n. 3. & seqq. pag. 465. n. 12. & seqq.*

Gallia Reges an auctoritatem habeant
circa Concilia, & Canones, *pag. 638*

RERUM

num. 4. & seqq. & pag. 690. cap. 2. & 3.

Gallia Reges Episcopis iuramenta præ-
stare soliti, *pag. 646. n. 3*

Gallia Reges & eorum Officiales ob-
noxios esse Censuris, *pag. 626. cap. 3. per totum, & 716. n. 1. & 2.*

Gallia Reges negotia Ecclesiastica non
solâ suâ auctoritate, sed cum Episco-
porum consensu, & tanquam defen-
sores Ecclesie tractabant, *pag. 746. cap. 12. per totum. Etiam negotia temporalia, pag. 749. n. 9.*

Gallia Reges Papæ jurisdictionem cir-
ca Episcoporum crimina agnoscunt,
pag. 674. n. 8.

Gallia Reges quo jure condiderint Ca-
pitularia circa res Ecclesiasticas, *pag. 734. cap. 10. 11. 12.*

Ad Gallia Reges quo jure pertineat E-
piscoporum nominatio, *pag. 731. n. 7. & seqq.*

Gallia Regibus præjudicat declaratio
Cleri Gallicani, *pag. 819. n. 8. & seqq.*

Gallia Scriptores quamplurimi Summi
Pontificis auctoritati parum favent,
pag. 683. Aliqui Regi nimium, cum periculo fidei, pag. 816. n. 3.

Gerfonius primus ex Theologis Ca-
tholicis Summum Pontificem Con-
cilio generali inferiorum, & errori
obnoxium esse docuit, *pag. 131. n. 1*
Cur plures Sæcutores habuerit in
Gallia *pag. 132. n. 3. pag. 134. n. 1.*
Quanta sit ejus auctoritas, *ibidem*
n. 4. Cur sanctæ Sedis jurius pa- rum faverit, ibidem n. 5. A suo zelo longius quam par erat adversus Sum- mos Pontifices, & Principes politi- cos abreptus, pag. 134. nn. 6. & 7. Canonibus derogandum censebat, ibid. n. 8.

Gregorius I. cur potuerit legem
Mauritii promulgare, non autem
Gre-

INDEX RERVM

Gregorii II. Epistolæ Leonis Isauri
Regibus Occidentis intimare, *pag.*
207. n. 10. & 11.

H.

Hæretici quâ auctoritate puniendi,
pag. 666. utriusque Monarchiæ in sen-
si, pag. 148. n. 7.

Hincmarus Remensis Pontificibus,
quibuscum illi res fuit, virtutibus
inferior, *pag. 106. num. 2.* Ejus artes
adversus Clericos ab Ebbone ordi-
natos, *pag. 108. num. 6.* Rothaldum E-
piscopum Suessionensem insectatur,
pag. 110. cap. 4. per totum. Canones
dum sibi favent servandos contem-
nit, *pag. 117. n. 2. & seqq.* Illos Decre-
talibus Summorum Pontificum qua
ratione anteponeret, *pag. 118. num. 4.*
& seqq. Canonibus in suum com-
modum derogari à s. Sede curabat,
pag. 120. num. 7. & seqq. Decretorum
s. Sedis executionem impediēbat,
pag. 718. n. 5.

Hincmarus Laudunensis procurante
Remensi deponitur, *pag. 114. num. 1.*
restituatur à Joanne VIII, & ei licet
Cæco Missam celebrare permittitur
pag. 115. n. 2.

Honorius I. Papa defenditur, *pag. 453.*
n. 1. & seqq.

I.

Insanabilitas quomodo conveniat Ec-
clesiæ, *pag. 552. cap. 3. per totum.*
Innocentii XI. ad repellendos Turcas
liberalitas, *pag. 357. num. 6. pag. 359.*
n. 11. Libertatem Ecclesiarum Galli-
canarum defendens impeditus à Cle-
ri Gallicani Episcopis, *pag. 146. n. 7.*
pag. 472. num. 1. Quid eis responde-

re possit, *pag. 420. num. 13.*

Innocentius III. quomodo timuerit
bi à Concilio Generali, *pag. 307. n.*
8. & seqq.

Inquisitionis tribunal non satis vene-
rantur Galli, *pag. 667. num. 8. & 9.*

Joannes XXII. non declaravit animas
nonnisi post judicium finale Deum
intuitivè visuras, *pag. 456. num. 10. &*
11.

Judices Ecclesiastici an debeant servare
ordinem à Legibus præstitutum, *pag.*
782. n. 4. & seqq.

Judices sæculares de causis Ecclesiasti-
cis cognoscentes non excusantur ob
partium consensum, *pag. 673. n. 6. &*
pag. 806. n. 9. Neque ob Concordan-
tia, *pag. 774. n. 1.*

Judicis Ecclesiastici, non sæcularis est
injuriæ à Clericis illatas reparare
pag. 724. num. 1. & seqq. & pag. 782.
num. 3.

Judices Ecclesiastici suam jurisdic-
tionem tueri possunt, *pag. 784. num. 2.*
& seqq.

Judices Sæculares non possunt ab ex-
communicatione liberare, *pag. 633.*
cap. 4. per totum. Non possunt legi-
time impedire executionem littera-
rum Apostolicarum, *pag. 637. n. 2.*
& 3. Circa Indulgentiarum publi-
cationem abusus corrigere non ip-
sorum, sed Ecclesiæ est, *pag. 658. n. 1.*

Judicarii ordinis partes earumque ne-
cessitas, *pag. 344. n. 8. & 9.*

Judicarius ordo quoruplex sit, *pag.*
342. num. 1. An & quando prætermitti
possit à summo Pontifice, *pag. 342.*
n. 2. & seqq.

Julius II. defenditur adversus Launo-
ium, *pag. 456. n. 12.*

Jurisdic-
tio data discipulis, etiam divi-
sivè, *pag. 539. num. 8. & seqq.* Ju-
risdictio à missione discipulorum

M m m m m

di-

INDEX RERVM

- distincta, *pag. 539. n. 8*
 Jurisdictio Ecclesiastica non est data
 primario Ecclesie, & ministerialiter
 tantum Summo Pontifici, *pag. 535.*
cap. 1. per totum, pag. 558. n. 10. &
segg. Licet primario data sit propter
 Ecclesiam, tanquam propter finem
pag. 557. n. 5. pag. 588. n. 13
 Jurisdictio Ecclesiastica quid sit, & quo-
 modo à potestate Ordinis differat,
pag. 473. cap. 1. per totum
 Jurisdictio Episcoporum ab Apostolis
 ordinatorum limitata, *pag. 478. n. 4*
 Jurisdictio Episcoporum est à Christo
 immediate, si consideretur absolu-
 te, *pag. 503. n. 3.* Non autem ejus
 propagatio, *pag. 503. n. 4. per totum*
capit. ac quatuor sequentia
 Jurisdictio liberius confertur, quàm
 aufertur, *pag. 527. n. 6*
 Jurisdictio Patriarcharum est à Sede
 Apostolica, *pag. 515. n. 4.*
 De Jurisdictione contentiones ex con-
 suetudine dirimuntur, *pag. 499. cap.*
7. per totum.
 Jurisdictionem Clericorum Episcopis
 inferiorum non esse proximè à Deco,
pag. 530. n. 1. & segg.
 Jurisdictioni Papæ subordinatæ sunt
 alia, *pag. 479. n. 5. & segg. pag. 515.*
n. 4. & segg. Illius subordinacionis
 signa, *pag. 486. n. 14. & segg.*

L

- L** Auctoritas Papæ auctoritati parum
 æquus, *pag. 138. n. 1. pag. 141.*
n. 9. pag. 297. n. 1. pag. 304. n. 1. Ejus
 auctoritatis defensoribus insensus,
pag. 138. n. 2. pag. 245. n. 5. pag.
250. n. 10. Perperam interpreta-
 ri Decretum Concilii Tridentini
 de Scripturæ interpretatione, *pag.*

- 139. n. 4. & pag. 243. n. 1.* Adver-
 sarios suos bonâ fide non impugna-
 vir, *pag. 142. n. 10. & 13 pag. 245*
n. 5. pag. 247. n. 7. Abutitur illâ re-
 gulâ, in rebus Theologicis non nisi
 Scriptura, & Traditione agendum,
pag. 139. n. 3. 5. & 6. & pag. 373. n.
4. & 5. Suam ipse regulam non ser-
 var, *pag. 140. n. 7. & 8.* Ridicula
 est ejus ratiocinatio circa approba-
 tionem Concilii Basiliensis, *pag. 141*
n. 8. Argumentatur à diversis tam-
 quam à contrariis, *pag. 140. n. 7. pag.*
243. n. 2. pag. 373. n. 5. & segg.
 Legati à Principibus secularibus de-
 fendendi, *pag. 652. n. 5*
 Legati à S. Sede in Africam missi, *pag.*
653. n. 6. & segg.
 Legati à S. Sede an Regia facultate in-
 digeant in Gallia, *pag. 655. n. 12*
& segg.
 Legati litteras Legationis suæ tenentur
 exhibere, *pag. 651. n. 2*
 Legati Principum juriis non officiant :
 nec tamen eo pretextu illorum man-
 data circa res spirituales impedian-
 tur, *pag. 651. n. 3. & 4.*
 Leges Ecclesiasticæ majoris auctoritatis
 sunt, quàm politicæ, *pag. 70. cap. 6.*
per totum.
 Leges Ecclesiæ à Curiis secularibus
 non receptæ obligant, si iustæ sint,
 & executionem exigit Legislator,
pag. 88. cap. 10. per totum. & pag.
93. n. 4. pag. 94. n. 8. & 9.
 Leges Ecclesiæ possunt aliquando ex-
 aminari, antequam recipiantur,
 dummodo id cum bona fide, reve-
 rentiâ debita, & intentione sincera
 fiat, *pag. 61. n. 6. & segg.*
 Ut Lex obliget quæ requirantur, *pag.*
65. n. 7. & segg. & pag. 174. n. 13.
 Leges Ecclesiæ quæ ad fidem, & mores
 pertinent mutari non possunt : quæ
 ad

NOTABILIVM.

- ad disciplinam spectant variantur
mutatis circumstantiis, *pag. 60. nn.*
1. & 1.
- In Legibus condendis quid observan-
dum, *pag. 61. n. 4. pag. 65. n. 8.*
- Legi cujus dubia est iustitia, parendum
pag. 84. toto cap. per totum.
- Legum mutatio incommoda, *pag. 54.*
n. 5. & periculosa pag. 55. n. 6. ali-
quando tamen necessaria, pag. 57.
cap. 2. per totum.
- Leo IV. an se judio Imperatoris sub-
misit, *pag. 786. nn. 8. & 9*
- Lex injusta non obligat, *pag. 63. n. 1.*
pag. 64. n. 5
- Libertus Papa defenditur, *pag. 454. n.*
7. & seqq.
- Libertas Ecclesie Gallicane definitur,
ex acta juris antiqui observatio, pag.
10. n. 1. & seqq. Illa definitio est ob-
scura, *pag. 13. n. 2. & pag. 34. n. 1.*
est manca *pag. 14. n. 4. pag. 34. n. 2.*
& *seqq.* non convenit suo definitio,
ibidem nn. 5. & 6. & pag. 35. n. 7.
pag. 36. nn. 8. & 9.
- Libertas Ecclesie Gallicane odiosa,
quia ferè non nisi Summo Pontifici
opponitur, *pag. 3. n. 2. pag. 39. n. 6.*
- Libertas Ecclesie Gallicane odiosa,
quia hoc nomine plurimi abusus in-
signiuntur, *pag. 3. n. 3*
- Libertatis Ecclesie Gallicane natura,
species, & fundamenta non satis à
Gallis explicata, *pag. 4. n. 6*
- Libertas Ecclesie Ordinem ad Religio-
nem indicat, *pag. 9. n. 9*
- Libertas Ecclesiastica est immunitas
rerum, locorum, & personarum Deo
specialiter consecratarum, *pag. 9.*
nn. 10. & 11.
- Libertates Ecclesie Gallicane con-
gruentius definiuntur arbitrium ex
antiquis Canonibus retinendi, & ex
novis admittendi ea, quæ videntur
utilia, *pag. 39. n. 7*
- Libertates Ecclesie Gallicane in prag-
matica sanctione repositæ, *p. 50 n. 3.*
- Ad Libertates Ecclesie Gallicane per-
tinet jus novum, *pag. 37. n. 1 & seqq.*
- Libertates Ecclesie Gallicane ad rei-
ciendos etiam Conciliorum Genera-
lium Canones adhibentur, *pag. 122.*
num. 1.
- Libertatum Ecclesie Gallicane abusus,
pag. 3. n. 3. & pag. 313. n. 6. & 7. im-
probat Episcopus, *pag. 3. num. 4.*
pag. 4. num. 5.
- Libertatis Ecclesie Gallicane funda-
menta sunt, aut tacitus Romani Pon-
tificis consensus, aut jus non parendi
legibus injustis, *pag. 97. cap. 12. per*
totum.
- Libertatis nomen olim jucundum,
nunc suspectum, *pag. 3. n. 1.*
- Libertatum Ecclesie Gallicane origo
non repetenda à Concilio Turonen-
si *1. pag. 40. n. 3. & seqq.* neque à Con-
cilio Francofordienfi, *pag. 42. n. 7.*
& *seqq.* neque à pragmatica sanctio-
ne S. Ludovici, *pag. 44. cap. 15.*
per totum. Sed à schismate inter
Pontifices Romanos, & Avenionien-
ses, *pag. 49. n. 2.* Secundum Riche-
rium ab appellationibus tanquam ab
abusu, *pag. 52. n. 10*
- Libertatum Ecclesie Gallicane prætex-
tu plures propria quærent com-
moda, *pag. 750. cap. 3 per totum.*
- Libertatum Gallicanarum prætextu
Canones violantur, *pag. 676. n. 9.*
& 687. n. 9. & 717. n. 4. pag. 787.
num. 10.
- De Libertatibus Ecclesie Gallicane
tractatus à Puteano collecti non in
favorem Ecclesie, sed Regis Chri-
stianissimi, *pag. 142. n. 2.* Eorum Au-
thores admodum suspecti, *pag. 143*
num. 3.

INDEX RERUM

Libertas Ecclesiæ non est confundenda cum libertate Regni, *pag. 127. n. 2.*

↳ *pag. 311. n. 1*

Libri subciliores, & audaciorum doctrinam continentes, periculosi, *pag. 467. n. 1.*

↳ Libris prohibendis Sum. Pontificis auctoritas, *pag. 467. cap. 18. per totum.*

Librorum malorum lectio perniciofa, *pag. 468. n. 4. & 5. & pag. 471. n. 11.*

M.

P. De Marca in Tractatu de concordia, Regis Christianissimi multò magis quàm Ecclesiæ causam agit, licet modò in hanc, modò in illam partem sese inflectat, ut utrique satisfecisse videatur, *pag. 143. n. 6. & seqq. pag. 684. & seqq. & pag. 715. n. 7. pag. 717. n. 3. pag. 719. n. 7. & pag. 726. n. 5.* Reparavit aliquatenus injuriam Ecclesiæ illatam, *pag. 144. nn. 9. & 10.*

Maræ auctoritati nimis deferretur, *pag. 143. n. 6. & seqq. & pag. 728. n. 12.*

Martinus quintus legitimus Pontifex foret, etiam si Decreta Concilii Constantiensis essent dubiæ auctoritatis, *pag. 288. n. 3.*

Metropolitana dignitas non semper eidem Sedi affixa, *pag. 351. n. 7.* Limitata ad certa loca, certos articulos, ac certum procedendi modum, *ibidem n. 8.* Antiqua, non tamen de jure Divino, *pag. 493. n. 3.* In Gallia à Papa restaurata, *pag. 494. n. 5.* A Papa pendet, *pag. 497. n. 6. & seqq.* Metropolitani non possunt extra cursum visitationis in Diocesisbus Suffraganeorum audire Confessiones, aut Confessarios deputare, *pag. 351. n. 5.* Non procedunt ex officio, nec

ad querelam unius partis, *ibid. n. 6.* Metropolitano potest ab Ecclesiâ accepta est, *pag. 350. n. 2.* Quamobrem minui, vel augeri potest *ibid. n. 3.* Non respicit immediatè Suffraganeorum subditos, *ibidem n. 4.* Missalium & Breviariorum mutatio ad Ecclesiasticos superiores omninò pertinet, *pag. 668. n. 11. & seqq.*

N.

Nicolaus I. Papa Summâ sapientiâ & justitiâ utitur in causa Clericorum ab Ebbone ordinatorum, *pag. 107. n. 1. & seqq. usque ad finem capituli.* Rothaldum Episcopum Suesonensem operâ Hincmari Remensis dejectum in sua Sede confirmat, *pag. 110. nn. 1.*

O.

Officiales Principum, si Clerici sint, à quibus & quomodo puniri debeant, *pag. 661. n. 1. & seqq.* Ordinationes Episcoporum quare Summi Pontifices aliis permiserint, aliis quibus non permiserint, *pag. 494. n. 6. pag. 496. n. 8. & pag. 507. nn. 13. & 14.* Originis cujuslibet rei investigatio plurimum juvat ad ejus perfectionem cognitionem, *pag. 2. n. 2.*

P.

Pallium jurisdictionis Archiepiscopalis signum, *pag. 497. n. 3. & seqq.* Cur nonnulli Galli olim, se morosos in illo recipiendo exhibuerint, *pag. 496. n. 2.* Papa à nemine judicatur, *pag. 187. n. 15. 16.*

Papa

NOTABIL VM.

- Papa an possit esse simoniacus , pag. 597. n. 10
- Papa condendatum pro universis Ecclesie partibus legum, potestatem habet, pag. 92. cap. 12. per totum. Judicium Metropolitanoꝝ, & Episcoporum sibi potest reservare, pa. 112. n. 3.
- Papa de redditibus Ecclesiasticis potest eligere sibi, & suis officialibus necessaria subsidia, p. 344. n. 7. & seqq.
- Papa jurisdictionem Episcoporum libenter conservat, pag. 528. nn. 7. & 8. Et ejus interest ut conservet, pag. 529. n. 10. Debet nihilominus suam defendere, pag. 529. n. 9
- Papa non est merus executor Canonum, pag. 585. n. 12.
- Papa potest exigere subsidia necessaria pro Ecclesie defensione contra Infideles, pag. 336. cap. 11. per totum.
- Papa quomodo repræsentet Ecclesiam, pag. 277. nn. 1. & 2. Est caput Episcoporum etiam Congregatorum, pag. 278. n. 3. pag. 584. n. 11. & pag. 586. nn. 13. & 14. Necessaria illi auctoritas ob difficultatem Congregandorum Conciliorum, & subordinationem Episcoporum etiam in Conciliis, pag. 278. n. 4. & seqq. Ejus nomine edita Decreta Conciliorum etiam Generalium, pag. 280. n. 10. & seqq. & pag. 564. n. 22. Ab ipso non appellatur, sed ad ipsum, pag. 282. à numero 1. usque ad 13. & pag. 288. n. 4. Ejus dignitates, & officia erga Ecclesiam, pag. 286. n. 13. Perma-nentior quam Concilium, ideoque penes ipsum auctoritas reponenda, pag. 291. nn. 1. 2. & 3. Quomodo Ecclesie fundamentum, pag. 294. nn. 6. & 7. pag. 295. n. 9. pag. 370. n. 6. & pag. 378. nn. 18. & 19
- Papa quo sensu non possit derogare Canonibus, pag. 600. n. 16
- Papæ certo, & legitimo nunquam tota restitit Ecclesia, pag. 573 n. 12
- Papæ Episcopi libenter subesse debent, pag. 529. nn. 11. & 12
- Papæ dispensatio non est temerè dam-nanda, aut ex privato affectu judi-canda, pag. 334. n. 9
- Papæ infallibilitas probatur, pag. 368. cap. 2. & reliquis libri 7. pag. 611. n. 4. pag. 613. nn. 7. 8. & 9. & pag. 615. cap. 10 per totum.
- Papæ judicium infallibile ante Ecclesie assensum, pag. 459. cap. 17. per totum.
- Papæ judiciorum auctoritas in fidei quaestionibus, pag. 459. n. 2. & pag. 460. n. 4. & seqq.
- Papæ in constituendis Metropolitanis auctoritas, pag. 493. n. 2. & seqq.
- Papæ jura inconcussa, pag. 488. n. 2. Quo animo à Scriptoris Gallica-nis impugnata, pag. 135. nn. 4. & 5.
- Papæ jurisdictio in Ecclesiam Gallica-nam, pag. 316. n. 5. & seqq. usque ad finem capituli. Est immediata in omnes Fideles, pag. 319. cap. 3. per tot.
- Immediatam esse quantum ad for-um internum probatur, pag. 325. cap. 4. per totum
- Papæ licet aliquando non obedire, pag. 600. n. 17. & pag. 720. n. 9
- Papæ non subjiciuntur tantum Ecclesie particulares, pag. 569. n. 7. & pag. 575. n. 16. pag. 578 n. 20. & p. 582. n. 9. Illi omnes Christiani obedire-tenentur, pag. 598. n. 12. & pag. 615. cap. 10. per totum.
- Papæ potestas in conferendis benefi-ciiis, pag. 362. nn. 6. 7. 8. & 10
- Papæ potestas non esset plena, ipseque non esset Christi Vicarius immédia-tus, si Concilio Generali subjaceret. pag. 216. n. 4.
- Papæ potestatem moderandam non

Mmmmm 3 doccat

INDEX RERUM

- docent Gallicani Pontifices, sed ejus usum, quamvis & ipse à Deo solo modum accipere possit, *pag. 311. n. 1. Ejus potestas circa Canones, etiam ex praxi Gallorum, pag. 312. num. 2. & seqq.*
- Papæ, præsertim pietate conspicuo, circa propriam auctoritatem credendum, *pag. 428. num. 1. pag. 588. num. 17. & pag. 639. n. 1.*
- Papæ quàm Concilii auctoritas in sacris litteris clarius *expressa, pag. 264. cap. 10. per totum.*
- Papæ sententiæ tam in fidei, quàm in disciplinæ quæstionibus, cui Sancti paucissimi resistunt, ex totius Ecclesiæ consensu veritas est agnita, *pag. 463. n. 10.*
- Papam Concilio Generali supponere an pertineat ad libertates Ecclesiæ Gallicanæ, *pag. 215. num. 1. Qui supponunt, Conciliorum celebrationi opponunt obicem. pag. 216. num. 3.*
- Ad Papam recurrendum, dum injusta videntur ejus mandata, *pag. 792. n. 2. 4. & seqq. & pag. 813. n. 2. & seqq.*
- Ad Papam vocantem accedere debent Episcopi, *pag. 647. num. 6. & seqq. Et ad ejus Legatum, pag. 793. num. 3.*
- Circa Pensiones Ecclesiasticas controversiæ à Judicibus Ecclesiasticis desinendæ, *pag. 790. n. 4.*
- De Phantastico Galliæ Patriarcha, *pag. 488. cap. 4. per totum.*
- Patriarchatus à B. Petro vel ab ejus Successoribus constituti, *pag. 481. n. 1. & seqq. & pag. 491. n. 9. & 10.*
- Pro Petri fide Christus oravit, etiam quantum ad tempus passionem subsequens, *pag. 566. n. 1. 2. & 4. Et pro Petri Successoribus, pag. 567. n. 3.*
- Petrus cur eo nomine vocatus, *pag. 371. n. 7. & 8. Christi orationis pro eo efficacia, & ad ejus Successores derivatio, pag. 372. n. 1. & seqq. Ora-*
- tionis illius variæ, sed Pontificis auctoritati non adversæ interpretationes, *pag. 373. num. 4. & seqq. usque ad 17.*
- B. Petrus Ecclesiam representavit tamquam ejus *caput, pag. 269. num. 5. & seqq. usque ad finem capituli. Erat superior aliis Apostolis etiam collectivè, pag. 273. n. 1. & 2. & pag. 276. num. 12. Perfectius Christum cognovit quàm alii, Ibidem num. 3. & num. 11. Deo inspirante locutus, pag. 274. n. 4. & pag. 275. num. 8. Illiverè, ac propriè facta promissio de ædificanda super ipsum Ecclesia, & tradendis illi clavibus, pag. 274. n. 5. 6. & 7. & pag. 275. n. 9. & seqq. Toti Ecclesiæ præpositus, Ibidem n. 9.*
- Pius II. quæ ratione sententiam Concilium Pontifici præponentem antiquam dixerit, *pag. 310. n. 14.*
- Polle aliquid fieri quot modis dicatur, *pag. 304.*
- Pontifices quo sensu dixerint se non posse à Canonibus recedere, *pag. 305. n. 3. & seqq.*
- Pœna pro vero, sed non comperto crimine decreta, revocanda, *pag. 349. num. 9.*
- Pontificia potestas cum Metropolitana confertur, *pag. 350. cap. 9. per totum.*
- Potestas secularis non excusatur ob Cleri patientiam, si ei injuriam inferat, *pag. 727. n. 8. 9. & 10.*
- Potestatis spiritualis, & temporalis distinctio tuse probatur, *pag. 619. cap. 1. per totum. Illa distinctio plurimum juvat ad desinendas controversias inter utramque potestatem, pag. 623. n. 12. Deprehendi potest in regimine Ecclesiæ Gallicanæ, pag. 719. num. 8. Non semper ita clarè, pag. 743. num. 9. & seqq.*
- Pragmatica *sanctio S. Ludovici suspecta, & saltem quoad articulum 8. qui*

NOTABILVM.

- qui ad Curiam Romanam pertinet, falsa *pag. 44. cap. 15. per totum.*
- Pragmaticæ sanctionis Caroli VII. editio, *pag. 10. n. 1.* Abrogatio *ibid. n. 4.*
- A Senatu, & Univerſitate ſtudiū Pa- riſienſis aliquandiu eſt propugnata, *ibidem nu. 5.*
- Prædicatorum in ſuo munere delinquentes ab Eccleſiaſtica poteſtate puniendi, *pag. 667. nu. 10.*
- Præſbyteri an ſint æquales Episcopis ex ſententia S. Hieronymi, *pag. 131. n. 4.*
- Præſbyterorum cum Episcopis conſenſio uniſſima, & convenientiſſima, *p. 131. n. 9. & ſeqq.*
- Primatus à Papa conſtituti, *p. 492. nu. 1.*
- Principes Eccleſiam perſequentes cur non omnes depoſiti, *pag. 209. nu. 3. & 4. & pag. 212. n. 2.*
- Principes in temporalibus Eccleſiaſticæ poteſtati ſubefſe probatur à *pag. 170 uſque ad pag. 215.* Ordine notato in Indice Capitum libri 5. & *pag. 182. nu. 8. pag. 189. cap. 6. per totum, pag. 605. n. 5. & ſeqq. & pag. 610. n. 2. & 3.*
- Quod Principes in temporalibus Eccleſiaſticæ poteſtati ſubſtrahantur non pertinet ad libertatem Eccleſiæ, *pag. 151. cap. 1. per totum,*
- Principes iudicia Eccleſiaſtica debent ad Eccleſiam remittere, *pag. 701. cap. 4. per totum.* Non debent assignare Iudices alienos Episcopis aut Clericis, *pag. 706. n. 2. & ſeqq. uſque ad 10.*
- Principes non eodem modo Episcopis atque ſommo Pontifici ſubſtanciant, *pag. 206. n. 6.*
- Principes non poſſunt dici capita, ſed deſenſores Eccleſiæ, *pag. 179. nu. 1. & ſeqq.* Non poſſunt licite impedire quo minus Episcopis ad Concilia accedant, *pag. 121. n. 7. & ſeqq.* Non debent iudicia Conciliorum ſuſpendere prætextu inverſi Ordinis à ſe præſcripti, *pag. 710. nu. 20. & ſeqq. & pag. 712. nu. 1. & ſeqq.*
- Principum poteſtas non eſt immediata à Deo, *pag. 164. cap. 4. per totum,*
- Principum poteſtatem intra proprios limites cohibendi maior neceſſitas, quam Eccleſiaſticam reſtringendi, *pag. 177. n. 9. & p. 649. n. 14. & ſeqq.*
- Principes non remeſe offendiendi, *pag. 158. nu. 1. & pag. 161. nu. 11.* Sed potiùs eis auctoritas concilianda, *pag. 164. nu. 1. & 2.*
- Principes Eccleſiaſticæ poteſtati ſubmittite quantum ad temporalia non eſt doctrina odioſa bonis Principibus, ſed *malis, p. 158. n. 2. & ſeqq.* Doctrina contraria eſt injurioſa, & noxia Principibus, *pag. 159. nu. 3. & ſeqq.* Non eſt conſona verbo Dei, *pag. 161. cap. 3. per totum.*
- Privilegia Regularibus à ſummo Pontifice conceſſa valent, *pag. 720. nu. 9. & ſeqq.*
- De Privilegio conſecrandi Monafteriū à Fulcone Andegavorum Comite in Pago Turonico fundati, *pag. 723. n. 13. & 14.*
- Probationum in iudiciis neceſſitas, *pag. 348. n. 7. Quales eſſe debeant, ibid. n. 8.*
- Progreſſus rerum notandus, quia res non mutatis nominibus ſæpe mutantur, *pag. 1. n. 2.*
- Puteanus in unum volumen redegit omnes tractatus antea ſcriptos de libertatibus Eccleſiæ Gallicanæ, *pag. 142. nu. 2. & pag. 616. n. 1.* In altero volumine probationes edidit, *p. 143. n. 4. & pag. 617. nu. 2.* Regis Chriſtiſſimi dominium non ſolum in plura Regna, ſed etiam in Eccleſiam videtur voluiſſe protrudere, *pag. 143. nu. 5.* Et alias iuriſdictionem ſæculari in Eccleſiaſticæ detrimentum extendere, *pag. 617. n. 3. & 4.*
- Puteanus Regis non Eccleſiæ rationes defendit, *pag. 624. n. 2. & ſeqq.*

R. Re-

INDEX RER VM

R.

- R**eges Gallie in 1. Dynastia Conciliis sæpe interuenerunt, pag. 126 num. 11. In 1. & 2. Dynastia rarius, ibidem num. 11. & 14. Libertatum Ecclesie defensores dicti olim non sunt eo quod summis Pontificibus testissent, pag. 128. n. 4.
- Regulares privilegia sua tenentur exhibere, pag. 602. n. 21.
- Regularibus delegatis à Papa consentens satisfacit præcepto Ecclesie, pag. 599. n. 11.
- Regularium negotia apud Superiores Ecclesiasticos tractanda, pag. 671. n. 1. & seqq.
- Ad Residentiam obligant Canones, & Principes eorum executores, pag. 646. n. 4. & 5.
- Richerii libellus de Ecclesiastica & politica potestate multatam damnatus, pag. 116. num. 6. & seqq. usque ad finem capiti.
- Richerii vindicæ odium potius, quàm autoritatem concilians declarationi Comitiorum Cleri Gallicani, pag. 514. num. 1. & 2. & pag. 609. cap. 9. per totum. Non sumuntur à testimoniis antiquis, pag. 124. num. 2. & seqq.

S,

- S**chisma quid sit, pag. 190. num. 2.
Ejus iacet Romanos & Avenio-

nenses Pontifices origo, ac finis,

pag. 48. n. 1.

Senatus in Gallia non sunt Curie mixte,

pag. 808. n. 1. & 6.

Siticii ad Anysium epistola non præjudicat infallibilitati, ac superioritati

Papæ, pag. 297. cap. 17. per totum.

Sententia Pastorum licet iniusta timenda,

pag. 349. num. 11.

Sixtus V. defenditur adversus Launoium,

pag. 457. num. 13. & seqq.

S. Stephanus Papa defenditur contra Launoium circa Baptismum ab Hæ-

reticis collatum, pag. 448. num. 2. & seqq.

Subsidia quomodo summo Pontifici ac Regi præstanda, pag. 676. cap. 12.

per totum. Quantum noceant Principibus, si exigantur indebitæ, pag. 678. n. 8. & seqq.

T.

Citca Testamenta Clericorum controversiæ à Iudicibus Ecclesiasticis definiendæ,

pag. 789. n. 1.

Theologi officium,

pag. 141. num. 5.

Translationes in Gallia frequentes, & perniciose,

pag. 361. num. 4.

V.

Umbertus Pontificem Concilio præposuit, licet ipsum aliquando deponi posse sentiat, pag. 309. num. 12. & 13.



F I N I S.





